

續修四庫全書

《續修四庫全書》編纂委員會編

續修四庫全書



上海古籍出版社

五一〇・史部・詔令奏議類

曾惠敏公奏疏六卷

〔清〕曾紀澤撰

張文襄公奏議七十二卷

張文襄公電奏十三卷

（張文襄公奏議卷一至卷四十三）

〔清〕張之洞撰

364/10

曾惠敏公奏疏

光緒三十三年
五月南製道總局

曾惠敏公奏疏目錄 起光緒四年戊寅十月
訖十五年己丑八月

卷一

奏抵上海隨帶人員疏

恭報開用關防日期片

補授太常寺少卿謝 恩疏

恭報出洋日期疏

恭報抵法呈遞 國書日期疏

請 賞法蘭亭寶星片

派員駐法片

恭報抵英接印日期謝 恩疏

奏疏目錄

繳呈木質關防片又派員駐英片

謁見英主呈遞 國書日期疏

法國鑄錢咨請轉 奏緣由疏

參贊期滿銷差揀員充補疏

繙譯官張斯栒暫歸美日祕使臣差遣緣由片

請 獎期滿人員疏

特參不法武弁片

請 卹積勞病故縣丞片

補授大理寺少卿謝 恩疏

卷二

派使俄國大臣謝 恩疏

敬陳管見疏

與總署電報密商情形片

恭報由英啟程日期疏

刊三國參贊木質關防片

恭報抵俄接印日期謝 恩疏

道員邵友濂因病請假暫留供職片

原駐俄國人員請留當差片

謁見俄君呈遞 國書日期疏

附錄誦辭答辭

奏疏目錄

請 獎繙譯官片

請 卹新加坡病故領事片

俄使到京議約派員回京疏

選員署俄法參贊片

遵 旨改訂俄約蓋印畫押疏

卷三

請 獎出洋人員疏

謝 恩繳電 旨疏

署理參贊未能飭回本任片

改訂俄約辦事艱難情形疏

揀員補領事疏

恭報赴俄換約日期疏

攜帶參贊官暫赴俄都片

補授宗人府府丞謝 恩疏

遵 旨互換條約疏

謁賀俄君呈遞 國書片

遵 旨照會索取逆犯片

請 獎期滿人員疏

請改 獎繙譯官片

補授都察院左副都御史謝 恩疏

奏疏目錄

謝 旌節孝 恩疏

逆酋竄入俄境該國允嚴禁錮疏

請 旨定出洋章程疏

卷四

請 獎駐俄人員疏

請給道員邵友濂歸裝銀兩片

請 獎出洋文武員弁疏

揀員補署參贊官疏

奏保直隸州李荆門片

陳明參贊官俸薪數目片

覆陳法國大慨情形疏

隨員張斯栢回差照章領俸片

出使期滿再留三年謝 恩疏

請 旨定寶星章程疏

謝頭等薪俸 恩疏

揀員補參贊各欵疏

覆陳索倫四旗事宜疏

密陳霍爾果斯河西境地事情片

卷五

覆陳中俄議界情形疏

奏疏目錄

授案請 獎期滿人員疏

遵照部議分別人員請獎疏

請 獎兩次期滿之繙譯官疏

交卸法篆謝 恩疏

請 卹病故參贊官陳遠濟疏

懇 留新嘉坡領事疏

軍機處存記謝 恩疏

補授兵部右侍郎謝 恩疏

出使期滿再留半年謝 恩疏

期滿員弁留洋差遣緣由片

四

請 獎期滿員弁疏

遵 旨議煙臺續增專條及先後辦理情形疏

卷六

恭 進煙臺條約冊片

請 獎續調期滿人員疏

幫辦海軍事務謝 恩疏

請 獎期滿人員疏

交卸英國事務疏

游觀英德兩國製造局廠緣由片

交卸俄國事務疏

奏疏目錄

游觀英德局廠情形片

奏刊木質關防片

頒賞荷包謝 恩疏

調補戶部右侍郎謝 恩疏

陳明游擊汪臣席兼宗雙姓片

欽派管庫大臣謝 恩疏

賜先太傅 祭一壇謝 恩疏

兼署刑部右侍郎謝 恩疏

派管同文館事務謝 恩疏

兼署吏部左侍郎謝 恩疏

五

曾忠敏公奏疏卷一 一起戊寅十月初六日
訖庚辰三月初一日

奏抵上海隨帶人員疏 戊寅十月初六日

奏為 行抵上海謹將隨帶人員繕具清單恭摺馳陳仰祈

聖鑒事竊 臣於八月二十八日蒙

恩召對

訓誨周詳跪聆之餘莫名欽悚 臣謹遵

旨與總理衙門王大臣討論一切旋於九月初四日出都過天

津時又與直隸督 臣李鴻章面商諸務即附輪船之便於九月

二十日離津二十三日行抵上海所有隨帶員弁或自京城同

行或在津滬陸續增添均經再四審詳不敢稍涉輕率前據總

奏疏卷一

理衙門咨到

奏定出使章程內開隨帶人員有參贊領事繙譯隨員供事武

弁學生諸名目固將以備諮詢供職事育人材也 臣奉

命出使英國法國應於倫敦巴黎兩處分時駐紮方能兼顧而

該兩國交涉事件均須隨帶隨辦若必俟 駐紮該國之時再

行核辦誠恐積壓之餘致生枝節且有時使館虛無一人亦復

不成事體擬請於英國法國各置二等參贊一員為該館諸員

弁之領袖其三等參贊繙譯隨員等人即隨該參贊分別駐紮

遇有交涉事件值 臣駐英則法國應由參贊稟報值 臣駐法則

英國應由參贊稟報庶 臣得以隨時核辦既免鞭長莫及之虞

亦無案閣不行之弊惟查郭嵩燾隨帶人數本屬無多即所

奏請酌定參贊二員實止隨帶一員其英文繙譯官德明近又

經崇厚調赴俄國現在人員實已不敷分派其法國使館甫經

增設布置尙未周備此次更須添派人員以供差遣 臣仍慎之

又慎不敢濫用多人誠以外洋交涉關係匪輕其誠實可信而

又通曉洋務者一時實難其選一人借往歲費且數千金如其

不能得力非僅虛糜款項更恐貽誤事機茲謹擇素所深知及

同文館學習有年者酌帶二等參贊三等參贊各一員英文繙

譯二員法文繙譯一員醫官一員隨員四人供事二人武弁四

人學生三人但使員弁足資辦公官生實堪造就即可無須添

奏疏卷一

調如到該國後察看情形事浮於人不敷差遣 臣當函商總理

衙門王大臣等再行添派至於 分別駐紮之期及各該員應

如何分駐之處應俟接印之後與 臣郭嵩燾熟商具

奏除供事武弁學生及 臣私帶工役人數由 臣咨明總理衙門

查照外所有隨帶出洋參贊繙譯隨員醫官等項謹繕摺具陳

伏乞

皇太后

皇上聖鑒謹

奏

恭報開用關防日期片 同日

再臣准總理衙門咨稱光緒二年九月十二日片

奏出使章程內開一擬由禮部鑄造銅關防頒發出使各國大臣各一顆以昭信守其未頒以前先刊木質關防行用等因奉准

諭旨知照各在案茲照章刊就木質關防一顆封送等因並發木質關防到臣祇領謹於八月初十日開用除俟接任後再將此項木質關防繳銷外謹將開用關防日期附片陳明伏乞皇太后

皇上聖鑒謹

奏疏卷一

三

奏

補授太常寺少卿謝 恩疏 成實十月二十四日

奏為叩謝

天恩仰祈

聖鑒事竊臣承准總理各國事務衙門咨稱光緒四年十月初六日奉

旨曾紀澤補授太常寺少卿欽此伏念臣猥以庸愚驟蒙知遇靡陰鶴之好爵點鸞序之清班使數萬里而職任兩邦職四五階而俸同三品茲復欽承簡在

特予直除禮秩樂諧兼佐夔夷之事材幹資重深虞鶴服之譏

奏疏卷一

四

臣惟有益慄冰兢竭陳棉薄海山鼇戴矢思柔之效於百千原隰旣征酬

高厚之慈於萬一所有感激下忱理合恭摺叩謝

天恩伏乞

皇太后

皇上聖鑒謹

奏

恭報出洋日期疏 戊寅十月二十六日

奏為恭報 出洋日期恭摺陳仰祈

聖鑒事竊 臣於本月初六日恭摺

奏報隨帶出洋員弁名數隨即飭令該員弁等迅束行裝齊集

上海現定於十月二十八日搭附法國公司輪船啟旋出洋駛

赴馬賽兒地方登陸更換火車計十二月二十日前後必可馳

抵巴黎 臣猥以材荷蒙

恩遇膠忝行人之任愧無專對之長感激之餘益深惴惴惟有

悚

聖訓殫竭愚忱於隨從員弁加意督察如有講求實際勉從

奏疏卷一

五

公 臣當隨事隨時勤加勸勉玉之於成以備異日馳驅之選如

其不甚得力即當撤遣回華斷不敢因保薦在先稍存回護至

於交涉事件 臣當與總理衙門王大臣暨北南洋通商大臣等

備細函商務臻妥善不敢愛己力而身即便安不敢恤人言而

意圖遷就自願愚庸為質常切臨深履薄之懷疊承

高厚鴻慈不勝就

日瞻雲之願所有 出洋日期謹繕摺具陳伏乞

皇太后

皇上聖鑒

奏

恭報抵法呈遞 國書日期疏 戊寅十二月二十三日

奏為恭報 行抵法國呈遞

國書日期仰祈

聖鑒事竊 臣於十月二十六日奏報出洋日期旋於二十八日

自上海啟行仰託

聖主鴻福海不揚波於十二月十二日行抵法國巴黎都城 臣

郭嵩燾先在巴黎相候隨於十五日偕 臣至外部大臣瓦定敦

衙署訂期呈遞

國書該大臣函訂十八日未時接見屆期由其御前接引大臣

穆納以朝車及副車從騎來迎 臣即登朝車率同參贊官黎庶

奏疏卷一

六

昌繙譯官聯芳聯興等齎奉

國書詣其勒立色官宮門外陳兵奏樂 臣入門鞠躬伯理璽天

德亦免冠鞠躬 臣手捧

國書宣讀誦詞前署駐京公使葛士奇侍立 臣旁以法文再為

宣讀伯理璽天德手受

國書答詞既畢慰勞甚殷其輪誠修好之意溢於言表足以仰

紓

聖慮除將答詞照譯一通並 臣誦詞咨送總理衙門外所有 臣

行抵法國呈遞

國書日期謹繕摺具陳伏乞

一第... 冊... 第... 反...

皇太后

皇上聖鑒謹

奏

請賞法蘭亭寶星片同日

再臣此次出洋准法國駐京大臣白羅呢派副繙譯官法蘭亭護送同行沿途照料極為周密行抵巴黎以後一切應辦之事該員逐日來署相與商酌不憚煩勞情誼甚為殷摯臣查該副繙譯官向官外部自其大臣瓦定敦以下無不熟識聲氣易通該員係法國職官例不得明充中國差使此次借至巴黎既未給與俸薪亦未請領船費然其關照中國之情實堪嘉尚合無

奏疏卷一

七

仰懇

大恩俯准將法蘭亭

賞給二等寶星以酬勞動如蒙

俞允不特可以獎法蘭亭之微勞即其外部諸臣及公使白羅呢等亦皆與有榮耀此後交涉事件必可藉資得力理合附片陳請伏乞

聖鑒謹

奏

派員駐法片同日

再英法兩國勢力相等酬應維均而公事交涉則英國較多於法郭嵩燾所帶人數本不為多自兼充法使以來率領參贊以下各員并往返頻煩係屬一時權宜辦法臣此次酌量添調實欲立為經久之規現在

國書業經呈遞自應將駐法人員先行派定所有原駐英國之參贊官黎庶昌應即派充長駐法國二等參贊官照料一切公事三等繙譯官聯芳聯興均擅法文亦應長駐巴黎其餘文案支應各隨員及學生供事武弁人等均審度事勢之繁簡一一妥派謹繕具清單恭呈

奏疏卷一

八

御覽除英國人員另行具奏外理合將派駐法國人員附片陳明伏乞

皇太后

皇上聖鑒謹

奏

恭報抵英接篆日期謝 恩疏 己卯正月初九日

奏為恭報 接印日期恭摺叩

天恩仰祈

聖鑒事竊 臣於光緒四年十二月十八日呈遞法國

國書業於十二月二十三日在巴黎使館恭摺

奏明在案旋光緒五年正月初三日搭附火輪車初四日馳抵

英國倫敦都城即日准郭嵩燾派委文案隨員李荆門將

大清欽差出使大臣銅質關防移交前來 臣當即恭設香案望

闕叩頭祇領訖伏念 臣學愧牛溲識慚豹管

九重錫命兼兩國之行人三百誦詩使四方而專對見輿衡之

奏疏卷一 九

相倚端資忠信篤敬之忱歷原隰以迺征來報朝聘會同之盛

臣惟有竭陳棉薄益矢冰兢策駑駘十駕之功懷龍戴三山之

重除所冀

國書應俟呈遞禮畢再行恭摺具陳外所有 行抵倫敦接印

日期謹繕摺

奏聞叩謝

天恩伏乞

皇太后

皇上聖鑒謹

奏

繳呈木質關防片 同日

再 臣前准總理各國事務衙門咨送木質關防一顆經於光緒

四年十月初六日在上海行館將開用日期附片陳明在案現

在 業已行抵倫敦接印任事所有前項木質關防照例截角

繳呈總理各國事務衙門銷毀除咨明總理衙門外謹附片陳

明伏乞

聖鑒謹

奏

派員駐英片 同日

再 臣於光緒四年十二月二十三日附陳派駐法國人員一片

奏疏卷一 十

聲明駐英人員應俟抵英後再行具

奏現在 臣已馳抵倫敦查郭嵩燾原帶之參贊黎庶昌繙譯官

聯芳隨員李荆門業經派駐法國隨員姚嶽望請假回華此外

之繙譯官馬格里鳳儀隨員張斯栒以及供事武弁當差兩年

均無貽誤應與隨 臣出洋之二等參贊陳遠濟三等參贊劉翰

清繙譯官左秉隆陳志尹隨員楊文會曹金詠蕭仁杰余世松

等派駐英國除供事武弁學生由 臣咨明總理衙門查核不另

開列外其參贊以下各員謹繕具清單附片陳明伏乞

聖鑒謹

奏

謁見英主呈遞 國書日期疏 已卯三月初五日

奏為 書 謁見英國君主呈遞

國書日期恭摺具陳仰祈

聖鑒事竊 臣 於正月初四日馳抵英倫會將接印日期於初九日恭摺陳

奏在案比即恭錄

國書照會外部訂期呈遞旋晤其外部丞相侯爵沙力斯伯理據稱君主每年冬季皆居阿思本行宮例不視朝亦不接見各國公使必俟開會堂時始回溫則行宮 臣 是以於正月十四日仍往巴黎十八日與駐法各國公使謁見法國新立之伯理璽

奏疏卷一

十一

天德格勒斐及將法國卿士大夫擇要應酬二月初八日乃返倫敦君主雖已回駐溫則行宮而其第三子與德國公主聯姻部院議紳均集溫則襄辦喜事故接見各國公使之期又復展緩迨至二月二十二日接准外部函稱訂於二十八日未刻在巴定敦車棧備駕火車同往溫則 臣 即於是日恭齋

國書率同繙譯官馬格里由巴定敦乘坐輪車偕同沙力斯伯理前赴溫則車棧君主豫遣對騎坐車到棧迎 臣 徑抵宮門入至朝堂小坐宴飲旋有侍衛官官導詣偏殿謁見君主三鞠躬而進手捧

國書宣讀誦辭馬格里以英文再為宣讀英國君主手受

國書豫諭沙力斯伯理代述答辭意極誠懇慰勞甚殷堪以仰慰

宸廑除將誦辭答辭咨送總理衙門外所有 書 謁見英國君主呈遞

國書情形謹繕摺具陳伏乞

皇太后

皇上聖鑒謹

奏

奏疏卷一

十二

法國鑄錢咨請轉 奏緣由疏 己卯五月初一日

奏為法國議鑄大圓銀錢願通行中國據情上陳恭摺仰祈
聖鑒事竊臣於光緒五年四月二十二日接據法國外部瓦定
敦咨稱法國現議鑄造大圓銀錢用之安南等處地方並擬用
之附近各國甚願貴

國家收受此錢通行天下並望海關衙門准其收用前准美國
之多拉銀錢通行各處法國新鑄之錢亦可收用懇請轉 奏
等因臣不敢壅於上聞謹將法外部來咨照譯漢文恭呈
御覽伏查美國之多拉華語稱曰花錢每圓重合廣東市平七
錢二分銀色約九成有餘流行中國沿海各省垂數十年江浙

奏疏卷一

十三

一帶商民行用每圓兌換足銀價值早晚不齊或值銀七錢三
四分間有增至七錢五六分者其非沿海省分如江西安徽湖
北湖南等處近因茶葉貿易花錢亦漸通行今法國議鑄銀錢
若其成色重輕與美國花錢大略相仿則事同一律久之商民
必有與美國花錢僥雜互用之一日目下自不必設詞拒之且
事苟便於民生一任流通未始不足與錢法相輔惟法錢初入
之時百姓偶有遲疑不肯收受之事亦在意中我
國家祇當俯順商情不能緝以官法且花錢不入於稅餉無關
於則例商民如未通行亦斷無由官吏三令五申強使收受之
理我

國家於商民生計純任自然固可以明告該國使知法錢可與
美錢一律看待而不能格外邀求利益也至於所請海關收用
一節查與中國各項稅課徵收足銀之例不合亦與美國花錢
只由中國商民通行之例不符似難照准事關銀幣大政准駁
之間務宜詳審可否

飭下總理各國事務衙門暨南北洋通商大臣核議轉行到臣
咨覆法國外部之處恭候

聖裁除將法國外部原咨洋文鈔送總理各國事務衙門查核
外合將法國議鑄銀錢咨請轉

奏緣由恭摺具陳伏乞

奏疏卷一

十四

皇太后

皇上聖鑒訓示謹

奏

參贊期滿銷差揀員充補疏 已卯十一月二十七日

奏為參贊期滿銷差揀員充補恭摺具陳仰祈

聖鑒事竊 臣 承准總理各國事務衙門鈔咨

奏定出使章程內開出使各國大臣及副使以下各員月給俸薪自到某國之日起各按應得銀數支給扣足三年為期期滿停支俸薪又開出使大臣未歷三年即行更換者所帶參贊等員是否堪以留用仍由接辦大臣自行酌定其留用各員准其自原帶到某國之日起算扣至三年期滿各等因 臣 於光緒四年十月初六日

奏明於英國法國各置一等參贊官一員值日移駐之時該國

奏疏卷一

十五

交涉事件即由該參贊等稟報到 臣 以憑隨時核辦嗣 臣 於行抵法國英國之後先後酌派一等參贊官黎庶昌駐紮法都巴黎二等參贊官陳遠濟三等參贊官劉翰清駐紮英都倫敦均經 臣 隨時開單

奏明在案茲據駐法二等參贊官江蘇候補直隸州知州黎庶昌稟稱三年期滿懇請照章銷差 臣 伏查黎庶昌隨同前出使英國大臣郭嵩燾出洋於光緒二年十二月初八日行抵英國應以是日作為到國之日旋經調往德國嗣經 臣 派駐法國至光緒五年十二月初七日止實係三年期滿該員遠涉重洋歷襄使職和平接物馳勉從公辦事二年毫無貽誤實屬辦理洋

務不可多得之才 臣 因疊次承准總理各國事務衙門王大臣

函開現當經費支絀之際各員弁宜設法裁減以節虛糜故未便更援該衙門奏定各員年滿奏獎仍可酌留之例將該參贊官再留法國當差適出使美日秘三國大臣陳蘭彬路經法國與 臣 面商該大臣所謂人員多未到差現在需員甚急擬

奏調參贊官黎庶昌歸該大臣差遣等因除該參贊官改派差使應由陳蘭彬另案專摺奏陳外所有駐法二等參贊官江蘇候補直隸州知州黎庶昌出洋三年期滿相應遵照定章先准銷差竊念法蘭西為專尚人文之國參贊官為贊襄使職之員職任未便虛懸選擇尤宜詳審查有派駐英國之二等參贊官

奏疏卷一

十六

鹽運使銜道員用分發補用知府劉翰清方正和平老成諳練博究中西之學深通交涉之宜以之參贊出使法國公事堪以勝任合無仰懇

天恩俯准將劉翰清改為派駐法國二等參贊官之處出自

高厚鴻慈 臣 於黎庶昌期滿銷差之前即擬札調劉翰清由倫敦來至巴黎先行兼署駐法參贊之職酬接法國官紳料理駐法公事一俟奉

旨俞允再將駐英駐法員弁另行繕具清單恭呈

御覽至黎庶昌年滿應得獎敘 臣 謹當遵照定章彙同年滿各員弁另案奏懇

恩施除繙譯隨員供事武弁人等或三年已滿尚須分別去留
或久未到差尚須另行改派容臣妥為斟酌分別

奏咨辦理外謹將駐法之二等參贊官期滿銷差及派員充補
緣由恭摺具陳伏乞

皇太后

皇上聖鑒訓示謹

奏

繙譯官張斯栒暫歸美日祕使臣差遣緣由片同日

再臣上年行抵英法兩國接准前出使大臣郭嵩燾移交各員
弁內惟法文繙譯官戶部儘先郎中聯芳一員於光緒四年三

奏疏卷一

十七

月到差應俟期滿之時再行核辦其餘各員到差日期雖偶有
參差轉瞬均屆三年期滿其間如總辦英文文案二等繙譯官
三品頂戴道銜馬格里情形熟悉辦事實心總辦漢文文案隨
員同知銜廣東候補知縣李荆門有才有識能耐煩勞均為使
署中極為得力之員勢難遽易生手雖屆期滿仍留接辦其英
文三等繙譯官戶部候補員外郎鳳儀兼辦繙譯官隨員同知
直隸州州候補通判張斯栒出洋三載造就卓有可觀伏查交
涉事宜以繙譯官為最關緊要既須博通言語精究文字之員
尤須深明體制砥厲廉隅之士臣於十月初一日函商總理各
國事務衙門王大臣擬將鳳儀張斯栒二員留英差遣尚未接

准該衙門函覆現因出使美日祕大臣陳蘭彬處繙譯需員較

臣慮尤為緊要與臣面商調張斯栒暫歸該大臣差遣臣自應

先其所急飭該隨員隨同陳蘭彬起程前往一俟該大臣續調
有人再令張斯栒回英當差除酌留各員容臣與總理衙門商

定後再行彙同書攜帶各員繕具詳晰清單恭呈

御覽并分咨查照外謹將隨員兼繙譯官張斯栒暫歸出使美

日祕大臣差遣緣由附片具陳伏乞

皇太后

皇上聖鑒謹

奏

奏疏卷一

十八

請 獎期滿人員疏 己卯十二月十九日

奏為 出洋參贊繙譯等員三年期滿援案籲懇

恩施恭摺具陳仰祈

聖鑒事竊 臣 承准總理各國事務衙門鈔咨奏定出使章程內
開出使各國大臣所帶參贊領事繙譯等員隨同出洋以三年
為期期滿奏獎嗣又咨准吏部文開核議出使外洋隨帶人員
保獎釐定章程仍照異常勞績准保免補免選以應升之階選
用補用不得越級等因於光緒三年九月十八日奉

旨依議欽此 臣 查前出使英國大臣郭嵩燾奏調出洋員弁內
有兼辦法文繙譯官分部郎中馬建忠隨員候選同知姚嶽望

奏疏卷一

十九

二員未屆三年先行稟請銷差回華不列獎敘又英文繙譯官
四品銜花翎兵部候補員外郎德明隨員候選知府劉宇珩二
員經前出使俄國大臣崇厚前出使德國大臣劉錫鴻先後調
赴俄德當差該員等三年期滿聞劉宇珩業由出使德國大臣
李鳳苞等摺奏保德明事同一律該繙譯官應如何獎敘之處
由 臣 咨明現署出使俄國大臣邵友濂自行具奏又武弁已革
守備銜藍翎千總郭斌藍翎候補外委羅雲翰二員雖經期滿
現因逗遛滋事另片奏參此外尚有法文三等繙譯官戶部儘
先郎中聯芳一員於光緒四年三月到差新加坡領事候選道
胡璇澤領事隨員鹽提舉銜候選布經歷蘇桂清二員於光緒

四年二月設立開辦應俟該員等三年期滿之時再行核辦又

上海文報局員候選同知黃惠和駐滬遞送文報雖屆三年惟
續據江海關道劉瑞芬文稱改派該員總辦接遞東西兩洋出
使大臣文報并添派廣東補用知縣王松森在局幫辦兼遞南
北洋大臣文件該員等如何議獎由 臣 知會劉瑞芬詳請南北
洋大臣酌核具奏除以上人員不應於此次獎案開列外其餘
各員到差日期雖小有參差然轉瞬均屆三年期滿該員等遠
涉重洋供差異域持躬均屬謹慎造就頗有可觀其於職分應
辦之事亦屬盡力宣勤并無貽誤未便沒其微勞自應由 臣 按
照奏定章程分別核獎謹繕具銜名清單恭呈

奏疏卷一

二十

御覽合無仰懇

天恩俯准分別獎敘俾片長之績效悉沐

皇仁冀後進之人材咸知觀感所有出洋人員三年期滿援案
請獎緣由理合恭摺具陳伏乞

皇太后

皇上聖鑒訓示謹

奏

特參不法武弁片

再臣接據駐英二等參贊官陳遠濟支應委員繙譯官陳志尹先後稟稱武弁已革千總郭斌候補外委羅雲翰二員三年期滿經參贊等備具墨領給予歸裝俾屆期附搭輪船回華該弁等違延罔應終日游蕩不歸近日已屆期滿復經催令起程竟敢出言不遜捏稱尚有銀存賬房須當找補清楚酌酒滋鬧橫行無忌意在有心逗遛稟請嚴辦等情臣前准郭嵩燾移交各員弁之時該二弁冀望三年期滿之保獎再三懇求照舊當差臣因攜帶武弁初次出洋人地生疎是以未將該二弁遣撤回華其後察看郭斌等時常出外嬉游舉止不端爰飭支應委員

奏疏卷一

二十一

將薪水等項扣存不時嚴密查察可免狎邪滋事情弊嗣經加察訪始知郭斌前在湖南臨湘縣辦理鴨欄機緝私因卡屋燒燬經湖廣督臣李瀚章奏參奉

旨革職該弁於臣到任之時并未於履歷之中聲敘參革之案羅雲翰係藍翎外委捏報花翎都司是該二弁於本身官階隱匿捏報已屬荒謬臣因念該弁等出洋三載期滿不遠途未責其隱匿捏報之咎僅於九月間咨明總理各國事務衙門分別更正在案伏查郭斌等此次在其滋事之由始真留洋差遣遂其貪戀嬉游之念繼因債負太多瀕行之際難以遮飾是以求留之心愈急迫臣移駐法都飭參贊官支應委員等傳諭該弁

等銷差回華一面通知各債主將扣存之薪水清其負欠而郭斌等本年秋冬以來竟各負欠至八九百金之多該弁等自知

奏疏卷一

二十一

分別清償之後回至中國餘蓄無幾遂於定章之外稟求酌加賞銀經參贊官面斥不允該弁等遂大肆猖獗極口謾罵并編造語言欲登新報歷詆前後出使大臣新報館見其情詞支離不為登載又欲擅發電報直達總理衙門格外邀求賞犒亦經繙譯官馬格里等查出阻止似此貪詐無賴不知檢束之弁若不據實參辦尤恐後來相率效尤實與出洋人員大有關係伏查郭斌籍隸湖南臣到英數月細察該弁行止聲口頗有衡湘間游勇習氣因查無實據未便加以罪名又因該弁已在外洋當差縱昔年曾染惡習尚於使館當差之事無甚妨礙是以時用善言戒以勤慎辦公并未先期遣撤不意該弁期滿回華之時邀同羅雲翰於定章之外另索資遣之賞并未具稟候批即一味咆哮逞蠻盤踞使館不肯上船種種行為肆無忌憚觀其情形正與昔年軍營游勇悍兵結盟拜會誹餉犯上之徒無以稍異誠恐回華之後亦復難以約束該弁本係因案革職之員相應請

旨將已革守備銜藍翎千總郭斌永不敘用由臣設法勒令回華發交上海縣將郭斌永遠監禁免滋事端羅雲翰聽信郭斌唆發意存挾目無法紀雖係隨聲附和亦未便同罪異罰相

應請

旨將藍翎候補外委羅雲翰即行革職永不敘用并不准投效
各路軍營希圖開復以爲貪劣無恥者戒事關中國體制豈不
敢稍涉瞻徇除將郭斌羅雲翰二弁三年期滿應得之獎案刪
除姓名不復開列并將該二弁歸裝銀兩停止不發外所有出
洋武弁貪詐無賴不服約束情形理合附片據實參

奏伏乞

皇太后

皇上聖鑒訓示施行謹

奏

奏疏卷一

二十三

請 卹積勞病故縣丞片 同日

再臣 上年隨帶畫圖學生五品銜四川試用縣丞楊淦出洋隨
臣考究西洋各國形勢繪圖注說嗣因英法兩國公牘繁多兼
派鈔寫文件該員晝夜勤勞觸發胃痛舊疾兼患咯血之證用
中國醫藥及送英國醫院多方診治均未見效 臣卽飭其銷差
回華本年九月二十三日接據新加坡領事胡璇澤稟稱楊淦
於八月二十日在新加坡舟次病故等因 臣旋飭胡璇澤將該
故員棺木運至上海交家屬領回安葬先後咨明總理各國事
務衙門在案伏查楊淦到英雖未一年惟因勞致疾歿於異域
情殊可憫可否仰懇

天恩俯准將五品銜四川試用縣丞楊淦按照軍營病故例

飭部議卹之處出自

逾格鴻慈謹附具陳伏乞

聖鑒訓示謹

奏

奏疏卷一

二十四

補授大理寺少卿謝 恩疏 庚辰三月初一日

奏為恭謝

天恩事竊臣於光緒六年二月二十八日承准總理各國事務衙門咨開光緒五年十二月二十日准吏部咨開光緒五年十一月十七日奉

旨曾紀澤補授大理寺少卿欽此臣跪聆之下感悚難名當即

恭設香案望

闕叩頭謝

恩訖伏念臣猥以驚庸渥膺

寵遇衍丹書之世爵點青瑣之

奏疏卷一

二十五

朝班濫清選以贊容臺與問禮秩樂諧之盛充行人而典屬國

承布東漸西被之

仁茲復

錫命楓宸移階棘寺弼刑章於典象宜審適輕適重之權佐職

事於爽鳩貴明庶獄庶言之義

恩益濃於雨露志倍慄夫冰淵臣惟有隨處靖共多方學習蟻

忱自動冀酬

天眷於

九重匪勉常勤庶答

聖慈於萬一所有書感激下忱理合恭摺叩謝

天恩伏乞

皇太后

皇上聖鑒謹

奏

奏疏卷一

二十六

曾惠敏公奏疏卷二

派使俄國大臣謝 恩疏 庚辰三月十五日

奏為叩謝

大恩仰祈

聖鑒事竊 臣於光緒六年三月初九日承准總理各國事務衙門咨開光緒六年正月初三日奉

上諭一等毅勇侯大理寺少卿曾紀澤著派充出使俄國欽差大臣欽此 臣跪聆之下感悚難名謹即恭設香案望 闕叩頭

謝

恩訖伏念 臣賦才驚下荷

奏疏卷二

眷優隆疊拜

高天厚地之

恩愧無墜露輕塵之報茲復欽承

簡命兼使俄都聞

倚畀之自天實恐惶以無地伏查彼德堡為通商一十五國著名之域察罕汗為入貢二百餘年結好之邦 臣本無四方專對

之能濫充三國行人之職念鞫濡之不稱懼龍戴之難勝惟有

益慄冰兢竭陳棉薄秉

廟謨之成竹不競不練協

廷議於皇華咨詢咨度既不敢輕狂自川師心而涉專擅之愆

亦不敢誣諉偷安袖手而致顛預之誚勉策雖柔雖愚之質矢

己力於百千冀收得尺得寸之功答

聖慈於萬一所有 感激下忱理合繕摺叩謝

大恩伏乞

皇太后

皇上聖鑒謹

奏

奏疏卷二

二

敬陳管見疏 庚辰四月十九日

奏為敬陳管見仰祈

聖鑒事竊臣於光緒六年三月二十六日承准軍機大臣字寄

光緒六年二月初一日奉

上諭前因崇厚與俄國所議交收伊犁條約章程等件經王大臣等會議諸多窒礙難行業經降旨將該革員治罪并派會紀澤為出使俄國欽差大臣矣俄人佔我伊犁其理甚曲崇厚奉命出使議收伊犁竟不熟權利害任其要求遽與定約殊出意料之外會紀澤到俄國後察看如何情形先行具奏此次前往另議必須力持定見慎重辦理現已頒發國書由總理各國事務衙門遞寄并令該衙門將條約章程等件詳細酌覈分別可行及必不可行之款奏准後知照該少卿以便與俄人另行商辦縱或一時未能就緒不妨從容時日妥慎籌商總期不激不隨以全大局將此諭令知之欽此仰見我

奏疏卷二

三

皇太后

皇上慎重邊防曲全鄰好既寬假以時日復

旨授以機宜跪讀之餘莫名欽感旋承准總理各國事務衙門

將 國書封寄前來 臣現在倫敦祇候該衙門遵

旨將條約章程等件詳細酌覈分別可行及必不可行之款奏

准後知照到 臣即當趕緊啟程恭禱

國書取道巴黎前赴俄國除屆時另摺恭報起程日期及抵俄

以後情形容 臣隨時陳

奏并恪遵

奏准之條妥慎辦理外所有收回伊犁一切事宜謹先就 臣管見所及敬為我

皇太后

皇上一詳陳之竊惟伊犁一案大端有三日分界日通商日償款籌辦之法亦有三日戰日守日和言戰者謂左宗棠金順劉錦棠諸 臣擁重兵於邊境席全勝之勢不難一鼓而取伊犁似

奏疏卷二

四

也 臣竊以為伊犁地形巖險攻難而守易主逸而客勞俄人之堅甲利兵非西陲之回部亂民所可同日而語大兵履險地以犯強鄰直可謂之孤注一擲不敢謂為能操必勝之權也不特此也伊犁本中國之地中國以兵力收回舊疆於俄未有所損而兵戎一啟後患方長是伊犁雖倖而克復祇可為戰事之權輿而不得謂大功之已成也俄人恃其詐力與泰西各國爭為雄長水師之利推廣至於東方是其意不過欲藉伊犁以啟釁端而所以擾我者固在東而不在西在海而不在陸我中原大難初平瘡痍未復海防甫經創設布置尚未悉周將來之成效或有可觀第就目下言之 臣以為折衝禦侮之方實未能遽有

把握又況東三省爲我根本重地迤北一帶處處與俄毗連似有鞭長莫及之勢一旦有急尤屬防不勝防或者謂俄多內亂其君臣不暇與我爲難臣則以爲俄之內亂實緣地瘠民貧無業亡命者衆也俄之君臣常喜邊陲有事藉侵伐之役以消納思亂之民此該國以亂靖亂之霸術而西洋各國之所稔知凡與之接壤者因是而防之益嚴疑之益深顧未聞有幸其災而樂其禍者職是故耳又或者謂連結歐洲各邦足以怵俄人而奪其氣是固欲以戰國之陳言復見諸今日之行事不知今日泰西各國之君非猶是戰國時之君各國之政非猶是戰國時之政也各邦雖不盡民主而政則皆由議院主持軍旅大事尤

奏疏卷二

五

必眾心齊一始克有成今日之使臣雖得辯如蘇張智如隨陸亦不能徧詣各國議院之人而說之即令激之以可怒動之以可欲一旦奮興慨然相助試思事定之後又將何以厭其求曩者俄土之役英人助土以拒俄大會柏靈義聲昭著卒之以義始者實以利終俄兵未出境而賽卜勒士一島已入英人圖籍矣况各邦雖外和內忌各不相能而於中華則獨有協以謀我之勢何也一邦獲利各國均沾彼方逐逐耽耽環而相伺之不暇豈肯顯違公法出一旅以相助是戰之一說刻下固未易言也言守者則謂伊犁邊境一隅之地耳多予金錢多予商利以獲之是得邊地而潰腹心不如棄之亦足守吾所固有伏維我

朝自開國以來所以經營西域者至矣康熙雍正之間運餉屯兵且戰且守邊民不得安處中原不勝勞敝而我聖祖

世宗不憚勤天下之力以征討之良以西域未平百姓終不得休息耳迨至乾隆二十二年伊犁底定西陲從此安枕腹地亦得以息肩是伊犁一隅夫固中國之奧區非僅西域之門戶也第就西域而論英法人謂伊犁全境爲中國鎮守新疆一大礙臺細察形勢良非虛語今欲舉伊犁而棄之如新疆何更如大局何而說者又謂姑紓吾力以俟後圖然則左宗棠等軍將召之使還乎抑任其逍遙境上乎召之使還而經界未明邊疆難

奏疏卷二

六

保無事設有緩急不惟倉卒無以應變即招集亦且維艱任其久留無論轉餉浩繁不可以持久也夫使歲費不資而終歸有用猶之可也若竭天下之力以注重西陲歷時既久相持之勢漸有變遷典兵者非復舊人將帥之籌畫不同兵卒之勤懈不一誠恐虛糜餉糈仍歸無用而海防之規模亦因之不能逐漸開展則貽誤實大此固廷臣疆臣所宜及今統籌全局不可視為日後之事而忽之者也我

皇太后

皇上憫念遺黎不忍令其復遭荼毒遣派督思有以保全二百年以來之和局則督今日之辯論仍不外分界通商償款三大

端三端之中償款固其小焉者也卽就分界通商言之則通商一端亦似較分界爲稍輕查西洋定約之例有二一則長守不渝一可隨時修改長守不渝者分界是也分界不能兩全此有所益則彼有所損是以定約之際其慎其難隨時修改者通商是也通商之扣益不可逆睹或開辦乃見端倪或久辦乃分利弊或兩有所益或互有所損或偏有所損或兩有所損是以定約之時必商定若干年修改一次所以保其利而去其弊也中國自與西洋立約以來每值修約之年該公使等必多方要挾一似數年修改之說專爲彼族留不盡之途而於中華毫無利益者其實彼所施於我者我固可還而施之於彼誠能深通商務之利弊酌量公法之平頗則條約之不善正賴此修改之文得以挽回於異日夫固非彼族所得專其利也俄約經崇厚議定中國誠爲顯受虧損然必欲一時全數更張則雖施之西洋至小極弱之國猶恐難於就我範圍俄人桀驁狙詐無端尙且生風今於己定之約忽云翻異而不別予一途以爲轉圜之路中國人設身處地似亦難降心以相從也 臣之愚以爲分界既屬永定之局自宜持以定力百折不回至於通商各條惟當即其太甚者酌加更易餘者似宜從權應允而採用李鴻章立法用人之說以補救之如更有不善則俟諸異日之修改得失雖暫未公平彼此宜互相遷就庶和局終可保全不遽決裂然猶

奏疏卷二

七

須從容辯論紆與委蛇非一朝一夕所能定議也俄約之准駁應經廷臣分別

奏明而 臣未至彼都已先進通融之說未免跡涉畏葸以致物議沸騰願 臣竊思之秉一定之規模但責 臣以傳達兩國之語言臚列應駁之條屢辯而力爭之事之成敗非所敢知是 臣之責任較輕於 臣之私計實爲甚便伏念 世受國恩濫躋卿貳即使身在事外苟有一知半解猶宜盡獻芻蕘以備聖明採擇况既膺使職責任攸歸豈敢緘默唯阿鹵莽從事目避嫌疑之謗上貽

奏疏卷二

八

宵旰之憂 臣所鯁鯁過慮者竊恐廷臣所議除償款以外所有通商分界各條逐條均須駁改在議者所持固屬蕩蕩平平之道堂堂正正之辭也然言經而不言權論理而不論勢俄人之必不見允則不待智者而後知之如此則日後之事不外三途一曰俄人不允則稱干戈聲罪致討此戰之說也廟堂自有勝算非使臣之所敢議也一曰俄人不允則暫棄伊犁存而不論此守之說也是邊界不可稍讓而全境轉可盡讓也 臣亦未敢以爲是也一曰俄人不允然後取現今之所駁者陸續酌允委曲求全此和之說也然則目前之所駁是姑就吾華之公論聊以嘗試之耳嘗試不效乃復許之此市井售物擡

價之術非

聖朝所以敦信義以馭遠人之道也俄人本以夸詐爲能事若此時逐條駁改日後又不得已而允之則將益啟其狡譎之謀且使西洋各國從而生心誠恐此次伊犁約章所挽回者無幾而從此中外交涉之務議論日以滋多臣所以言分界之局宜以百折不回之力爭之通商各條則宜從權應允者蓋以准駁兩端均貴有一定不移之計勿致日後爲事勢所迫復有先駁後准之條此臣愚昧之見也事體如此重大本非一人之見所能周知請

旨飭下總理衙門王大臣及大學士六部九卿原議諸臣詳細

奏疏卷二

九

酌駁臣行抵俄都但言中俄兩國和好多年無論有無伊犁之案均應遣使通誠此次奉

旨前來以爲真心和好之據至辯論公事傳達語言本係公使職分容俟隨接奉本國文牘再行秉公商議云云如此立言則入境或不至遂見拒絕至於約章如何辯論計原議諸臣此時必業經

奏明准駁知照前來惟軍國大政所關實非淺鮮似不厭再三詳審精益求精當俟廷臣細行商定之後由總理衙門咨行到臣始敢與該國平情爭論若臣言力爭分界酌允通商之說稍有可採則在廷諸臣自必考究精詳斟酌盡善乃定准駁之條

卽臣說全無是處通商各條必須全駁臣俟接准總理衙門文牘自當恪照指駁之條逐一爭辯臣自惟驚下勉效馳驅際此艱難益形竭蹶惟有懷遠不激不隨之

聖訓殫竭愚忱冀收得尺得寸之微功稍維大局所有臣管見所及謹繕摺馳陳伏乞

皇太后

皇上聖鑒訓示施行謹

奏

與總署電報密商情形片

再臣於光緒六年四月十七日接准總理各國事務衙門密致

奏疏卷二

十

電報云到俄先告以難准之故如因條約不准不還伊犁大可允緩能將崇議兩作罷論便可暫作了局意在歸宿到此惟勿先露舊約通商分界俟後商辦亦可告知初五日有

寄諭先電聞等因臣答電謂緩索伊犁是最後一著須說明是暫緩非徑讓此亦西例也等因去訖竊思俄人趁我之索還伊犁恣意要挾索之愈急則挾之愈多暫置不論自係權衡利害之輕重而明絕其覬覦之心查西洋各國每有因辯論之事兩國爭持未能平允而又不欲輕於用兵於是知照該國且布告各與國謂某事本國未經應允特以不欲用兵姑從緩議英人名此法曰噶嚕太司特無論強橫無禮之國見有噶嚕太司特

文牘卽應將所議之事作爲暫緩之局暫緩者少則數月多則數年數十年并無期限遇有機會仍可將前事提出商論此固西人辦理交涉事件之通例而中國於伊犁琉球等案皆可仿而行之者也臣摺中以伊犁邊界不可稍讓全境轉可盡讓爲疑如用嗜嗜太司特辦法自可免棄地之嫌惟是伊犁一城實我要區暫置不論終係未了之案况舊約亦有通商分界諸事虛懸未定是暫置伊犁而爭論仍不能遽息者在我本有萬難遽息之勢也臣愚以爲緩索伊犁姑廢崇厚所訂之約總理衙門所謂意在歸宿到此者自係專指目前局勢而言至於將來之歸宿似仍宜辦到通商稍予推廣伊犁全境歸還乃可眞爲

奏疏卷二

十一

了結臣未赴俄都并非受俄人之挾制而妄進通融之說徒以揆度敵情熟權事勢稍有所見不敢不言請

旨飭下原議諸臣妥議具

奏臣到俄之後卽當恪遵

奏定准駁之條確固執不敢輕有所陳不敢擅有所許齟齬咄旃期於不屈而已所有書與總理各國事務衙門由電報密商情形謹附片密陳是否有當伏乞

皇太后

皇上聖鑒訓示施行謹

奏

光緒六年八月十四日遞回摺片軍機大臣奉旨另有旨欽此同日承准軍機大臣密寄光緒六年六月十五日奉

上諭旨

奏籌辦伊犁事宜各摺片前諭該少卿以伊犁一事如無成議祇可兩作罷論原是暨時歸宿茲據奏稱分界宜以力爭通商似可酌允等語伊犁係中國土地從前俄人祇稱代收代守是尙不敢公然居侵佔之名中國向其索還舊疆本是名正言順至通商一事自當權其利害輕重予以限制其必不可行者亦未可遷就從事致貽後患前經王大臣等將約章等件酌駁可

奏疏卷二

十二

行不可行奏准咨行照辦此時計已接到該少卿當就原議各節妥慎辦理如有應行量爲變通之處仍當隨時察看情形奏明請旨該少卿請將所陳管見飭廷臣議奏之處著毋庸議將此密諭知之欽此遵

旨寄信前來

恭報由英啟程日期疏 庚辰六月初三日

奏為恭報 啟程日期繕摺馳陳仰祈

聖鑒事竊 臣於光緒六年三月初九日承准總理各國事務衙

門咨開光緒六年正月初三日奉

上諭一等毅勇侯大理寺少卿曾紀澤著派充出使俄國欽差

大臣欽此旋經該衙門將

國書

敕書封寄并於五月十九日接准該衙門函牘遵

旨將條約章程等件詳細酌核分別可行及必不可行之款

奏准後知照前來 臣謹擇於六月初七日恭齋

奏疏卷二

十三

國書搭附火車由倫敦起程前赴俄都其間經過巴黎須爾駐

旬日料理法國公務兼候總理衙門續電經過伯鄰亦須爾數

日與出使德國大臣李鳳苞面商肄業學生之事如總理衙門

別無要務兩囑展緩行期則六七月之交可抵森比德堡除到

俄接印及呈遞

國書情形容 臣隨時陳奏外所有 自倫敦啟程赴俄日期謹

繕摺馳陳伏乞

皇太后

皇上聖鑒謹

奏

刊刻三國參贊木質關防片 同日

再 臣於光緒四年十月初六日具

奏隨帶出洋員弁一摺聲明於英法兩國各設參贊官值 臣移

駐之時所有交涉事件即由該參贊等稟報到 臣以憑隨時核

辦等因已蒙

聖慈垂鑒現 臣兼使俄邦三國往來事同一律惟相隔較遠往

返需時除緊要文牘仍飭令隨時稟報由 臣駁辦外其餘例行

公牘即飭該參贊等代拆代以歸簡易該員等責任較重應

刊交關防以昭信守 臣謹刊就木質關防三顆文曰

欽差大臣參贊官之關防 臣啟程赴俄即將駐英參贊官陳遵

奏疏卷二

十四

濟駐法參贊官劉翰清關防先行割發其現署出使俄國大臣

邵友濂應俟 抵俄接印後飭回參贊本任再將關防割發除

飭該參贊等將開用日期報查并咨呈總理各國事務衙門查

核外謹附片陳明伏乞

皇太后

皇上聖鑒謹

奏

光緒六年六月初六日奉到軍機大臣

密寄一道光緒六年四月初五日奉

上諭本日據郭嵩燾奏俄人構患當籌補救之方一摺不為無

見前經總理各國事務衙門奏明將俄國約章分別可行不可
行各行會紀澤遵照妥辦原就已定之約權衡利害以為辯論
改議之地第思俄人貪得無厭能否就我範圍殊不可必此時
若遽責其交還伊犁全境而於分界通商各節未能悉如所願
操之太蹙易啟釁端若徒往返辯論亦恐久無成議會紀澤前
往俄國當先將原議交收伊犁各節關繫中國利害礙難覈准
之故據理告知看其如何答覆如彼以條約不允不能交還伊
犁亦祇可暫時緩議兩作罷論但須相機引導歸宿到此即可
暫作了局惟不可先露此意轉致得步進步別有要求至舊約
分界通商事宜及應修約章本與交收伊犁之事不相干涉俟

奏疏卷二

十五

事定之後當再令左宗棠及總理各國事務衙門分別辦理此
意亦可向俄人告知也郭嵩燾摺著摘鈔給與閱看將此密諭
知之欽此遵
旨寄信前來

恭報抵俄接印日期謝 恩疏 庚辰七月初四日
奏為恭報 行抵俄國接印日期叩謝

天恩仰祈

聖鑒事竊 臣於光緒六年六月初三日在倫敦拜發恭報啟程
日期一摺旋於初七日離英初八日至法雷駐旬日料理公事
十九日自巴黎啟行取道伯靈與出使德國大臣李鳳苞面商
要務即於六月二十四日行抵俄國都城二十八日准署出使
大臣邵友濂將

大清欽差出使大臣銅質關防齎送前來 臣當即恭設香案望
闕叩頭謝

奏疏卷二

十六

恩祇領訖伏念 臣猥以庸庸渥膺
寵遇賦皇華而周原隰政言駘征靡及之勞仗使節而涉冰淵
益切齟齬難勝之懼惟有秉

九重之籌策矢千百於愚柔庶幾強國輸誠改要盟之舊款更
冀職方載筆書侵地之來歸除照會俄國外部訂期呈遞

國書及應論事宜容 臣隨時陳奏外所有 行抵俄國接印日

期謹恭摺叩謝

天恩伏乞

皇太后

皇上聖鑒謹

奏

道員邵友濂因病請假暫留供職片 庚辰七月初四日

再據頭等參贊官二品銜道員邵友濂呈稱自抵俄國以來水土不服時患寒瀉西醫調治迄未就痊稟請給假回華詞意懇切臣查參贊官邵友濂因地氣陰寒致病雖係實情惟俄事之艱鉅舊案之繁難刻下實無幹才堪繼該員之任該員思慮周密識解超羣臣擬事事與商虛衷採納於辯論之節目交涉之大端必能多所發明臣不逮臣業經勉留該員以資臂助未便遽准銷差一俟俄事稍有端倪再當察看情形斟酌辦理所有道員因病請假經臣暫留供職緣由理合附片陳明伏乞

奏疏卷二

十七

皇太后

皇上聖鑒謹

奏

原駐俄國人員請留洋當差片 同日

再臣於光緒六年六月初三日附

奏充補隨員一片聲明駐俄人員應俟接印後再行陳

奏分別去留現臣已抵森比德堡都城查前出使俄國大臣崇

厚原留參贊繙譯等員出洋將及兩年辦公均屬專勤遇事亦

多諳練可否仰乞

聖恩俯念俄事艱鉅均准留洋當差以資熟手所有原留駐俄

人員及臣此次於英法各員中酌帶數員隨臣差遣彙同派駐

英法兩國各員銜名謹繕具清單恭呈

御覽除將派駐三國供事學生武弁由臣咨明總理各國事務衙門查核不另開列及繙譯法文學生九品官福連因奉總理衙門飭令回京當差武弁藍翎直隸候補守備世襲雲騎尉李永春遣回直隸當差業由署大臣邵友濂分別咨報總理衙門查照外謹附片陳明伏乞

聖鑒謹

奏

光緒六年七月二十四日奉到軍機大臣

奏疏卷二

十八

密寄一道光緒六年五月十九日奉

上諭前因崇厚出使俄國違訓越權所議條約諸多窒礙經廷臣會議罪名定以斬監候實屬罪有應得乃近聞外間議論頗以中國將崇厚問罪有關俄國顏面此則大非朝廷本意中國與俄國和好二百餘年實願始終不渝無失友邦之誼崇厚奉命出使於中國必不可行之事並不向俄國詳切言明含糊定議罪由自取朝廷按律懲辦以中國之法治中國之臣本與俄國不相干涉第恐遠道傳聞於中國辦理此案緣由未能深悉或因誤會而啟嫌疑未免有妨睦誼茲特法外施恩將崇厚暫免斬監候罪名仍行監禁俟會紀澤到俄國後辦理情形若何

再降諭旨曾紀澤接到此旨著即將崇厚暫免斬罪知照俄國
並告以中國與俄國和好之據即此可見其應議條約者仍遵
前旨妥慎辦理將此密諭知之欽此遵
旨寄信前來

奏疏卷二

十九

謁見俄君呈遞 國書日期疏 庚辰七月二十四日
奏為 謁見俄羅斯國君呈遞

國書日期恭摺陳仰祈

聖鑒事竊 臣於六月二十四日行抵俄國都城曾將接印日期

於七月初四日恭摺

奏明在案比即恭錄

國書照會俄國外部訂期呈遞旋隨其外部大臣吉爾斯暨俄
國駐華公使布策辯論多時最後該外部大臣乃允代奏國君
請示期日其時俄君正在城外閱兵未能接見各國公使直至
七月十四日乃接外部照會訂於十七日未刻俄君在城外薩

奏疏卷二

二十

爾斯克行宮接見屆日 臣於已刻恭齋

國書率同參贊銜隨員劉麒祥法文繙譯官慶常由森比德堡
使署啓行至火輪車棧俄之署禮部尚書達微多福暨其參贊
等官在棧迎候同坐輪車行五十里至薩爾斯克車棧遂至行
宮朝房坐候一時許該署尚書奉俄君之命設宴相待是日為
西洋禮拜沃神之日俄君赴沃堂行禮未初回宮達微多福導
臣經過正殿直入殿傍小閣俄君治事之廳國君當門而立臣
行三鞠躬禮手捧

國書宣讀誦辭俄君受書答辭皆由外部之華文繙譯官孟第
傳譯俄君致辭禮畢送 臣出至殿庭自作英語與 臣問答數句

慰勞甚殷旋至外殿接見劉麒祥慶常等員復作法語與慶常問答數句回身入閣臣等乃退竊臣自抵俄都兩旬有餘細察俄人相待之情頗有前倨後恭之象直至呈遞國書之日始有輸誠修好之言此皆由

皇猷遠播威惠交孚

帝德誕敷剛柔互濟

絲綸講信賢於數十萬眾之甲兵玉帛尋盟保此二百餘年之和好觀初端之禮節尙屬順成冀再議之約章猶能補就理合飛章入告仰慰

宸廑除將誦詞及俄君答詞咨送總理衙門備查外所有

奏疏卷二

二十一

見俄羅斯國君呈遞

國書情形謹繕摺馳陳伏乞

皇太后

皇上聖鑒謹

奏

附錄誦詞答詞

大清國欽差大臣一等毅勇侯曾紀澤奉本國

大皇帝命駐劄貴國都城所有兩國商議條約未定之事深願與貴國和平商訂務期兩國有益更加和好尤願

大皇帝

天錫純嘏既受永昌歐亞兩洲同瞻仁德共享昇平敬以爲頌貴爵大臣奉

大皇帝命駐劄本國都城朕深爲欣悅所稱

大皇帝和好之意正與朕意相合兩國交涉事件前有未洽朕意之處茲聞

貴國已將各案辦理完結實爲真心和好之據又

貴國前治崇厚重罪朕心殊深不悅現聞

貴國

大皇帝將崇開釋朕極歡喜以上各事既爲開通事件之美徵實賴

奏疏卷二

二十二

貴國總理衙門王大臣與

貴爵大臣之力能將本國之意奏達於

大皇帝陛下也七八日內朕即攜外部大臣格爾斯前赴黑海行宮所有

貴爵大臣應議要件務於期內會同格爾斯陳明一切是所願也

請 獎繙譯官片

再臣於光緒五年十二月十九日

奏保出洋三年期滿人員摺內聲明原調英文繙譯官四品銜花翎兵部候補員外郎德明經前出使俄國大臣崇厚續調赴

俄當差該員三年期滿如何議獎由 臣咨明署理出使俄國大臣邵友濂自行陳

奏仰蒙

聖慈垂鑒嗣准邵友濂覆稱接奉總理衙門函覆德明期滿獎敘仍應由 臣紀澤補行具

奏維時 臣已奉

旨兼使俄邦即飭德明暫留英倫聽候差遣原冀該員隨同至俄藉資熟手嗣因該員聞親父患病沈重懇請歸省於本年六月初六日銷差回京經 臣先後咨明總理衙門查核在案伏查員外郎德明隨同前出使英國大臣郭嵩燾出洋於光緒二年

奏疏卷二

二十三

十二月初八日到差扣至光緒五年十二月初七日三年期滿

自應援案

奏懇

恩施以昭激勵前准總理衙門咨行吏部核議出洋人員保獎釐定章程准照異常勞績免選免補以應升之階選用補用等因該員前後出洋四次閱歷頗多此次在英在俄繕譯文牘傳答語言始終勤慎實屬異常出力合無仰懇

聖恩俯准將四品銜花翎兵部儘先補用員外郎德明免補本班以本部郎中儘先補用并

賞換道銜以示鼓勵之處出自

逾格鴻慈所有繕譯官德明補請獎敘緣由理合附片具陳伏乞

聖鑒訓示謹

奏

請 卹新加坡病故領事片 日

再 臣於本年三月二十一日接據新加坡領事隨員蘇淮清稟報新加坡領事官選用道胡璇澤於二月十七日在坡因病身故請派員接辦等情 臣當以海洋寫遠遵員接充尙需時日即飭蘇淮清暫行代理領事官事務一面函商總理衙門王大臣揀員充補尙未接准該衙門函覆除俟擬派定人再行陳請

奏疏卷二

二十四

奏補外伏查選用道胡璇澤流寓新洲多年商民望洽經前出使英國大臣郭嵩燾

奏充新加坡領事官規模創始頗著辛勤當差兩年因病出缺似應陳請

賜卹以獎微勞且使該處流寓華民鼎慕

皇仁知所親感惟該故員係報捐道員派充領事現應如何議

卹無案可循可否請

旨飭下總理衙門酌議卹典之處恭候

聖裁謹附片陳明伏乞

聖鑒謹 奏

聖鑒謹 奏

俄使到京議約派員回京疏 庚辰七月二十八日

奏爲俄國遣派使臣到京議約 舊現派駐俄參贊官趙程回京聽候總理衙門差遣恭摺陳仰祈

聖鑒事竊 臣於七月十七日在俄呈遞

國書情形於二十四日恭摺

奏明在案 臣謁見俄君之後卽於十九日具文照會俄國外部將總理衙門奏明准駁約章摘要敘爲六條開端陳說仍聲明其餘小處應俟大端商有頭緒再行議及措詞頗覺委婉且於廷臣議定應駁各款亦尙未和盤托出不意該國早挾成見於臣所具文牘業以爲指駁太多無可和衷商改頃於二十四日

奏疏卷二

二十五

詳譯該外部二十三日覆文據稱現奉俄君之命定意遣派公使到京議約不肯在俄與 臣商議等因查俄國遣派海部尙書統帶兵船赴華爲時已久其議遣使在京議事定計亦非一日所以猶肯接待中國公使容 臣謁見俄君呈遞

國書者蓋尙有不欲輕啟釁端之意而於上年議約已得之利益又難捨棄故於接到 舊文牘之初登時宣露遣使赴華另商之說 臣卽日照會該外部查詢俄使銜名等第及已否啟程赴華除俟覆到日再行電告總理衙門核辦外伏查前出使俄國大臣崇厚上年在俄辦理條款事宜有頭等參贊官二品銜道員邵友濂正在俄署熟悉情形嗣經奉

旨署理出使俄國大臣亦常與俄國外部諸官往來辯論 臣抵任後疊次照會外部及與總理衙門往來電商要務又係該員贊襄經理該員前在總理衙門多年一切案牘極爲諳練茲值俄國遣使到京議約 臣謹飭邵友濂隨程回京以備總理衙門隨時詢問一俟俄國約章辦有頭緒再由總理衙門遣派該員回署當差該員用心周密處事精詳不惟俄國情形深所考究卽歐羅巴亞細亞兩洲他國政治亦復多所見聞刻下暫回總理衙門聽候差遣於公事不無裨益所有俄國遣使到京議約 舊現派駐俄參贊官趙程回京緣由恭摺陳伏乞

皇太后

奏疏卷二

二十六

皇上聖鑒謹

奏

遴員署俄法參贊片 同日

再駐俄三等參贊官花翎知府用運同銜河南候補同知蔣斯形因在俄水土不合常患腿疾於 臣未抵俄都以前屢向前署大臣邵友濂處乞假銷差 臣到任後該員復疊次陳請情詞懇切 臣因該員經理駐俄使署支應事件一時難得替人是以仍復強留當差并於駐俄人員清單照舊開列該員銜名恭呈御覽茲 臣飭派邵友濂回京蔣斯形以數萬里之海程難得此結伴同行之便具呈求歸勢難再留 臣因該員經手事件次第

完竣准其銷差回華就醫刻下俄君已赴黑海行宮外部尙書
隨扈前去各國駐俄公使散往四鄉或徑赴別國游觀臣於中
秋前後亦可往倫敦巴黎料理英法公事惟駐俄參贊二員邵
友濂既因公回京蔣斯彤又因病請假必須有得力參贊爾駐
俄國都城值臣移駐之時照料大小事件查有駐法二等參贊
官鹽運使街道員用分發補用知府劉翰清品端學博外園內
方出洋將近兩年於歐洲各國情形諸多熟悉臣即日札調劉
翰清自法來俄署理邵友濂駐俄參贊官員缺仍改列爲二等
又查有參贊銜隨員花翎四川候補知府劉麒祥和不通達遇
事關心堪以署理駐法二等參贊官員缺除分札飭遵外所有

奏疏卷二

二十七

駐俄二等參贊官因病銷差臣選員派署駐俄駐法參贊官

緣由理合附片具陳伏乞

聖鑒訓示謹

奏

遵 旨改訂俄約蓋印畫押疏奏
奏爲與俄國外部改訂條約章程遵

旨蓋印畫押謹將先後辦理情形恭摺具陳仰祈

聖鑒事竊臣於七月二十三日因俄國遣使晉京議事當經專

摺奏明并電報總理衙門在案八月十三日接准總理衙門電

稱奉

旨著遵疊電與商以維大局次日又接電稱面奉

諭旨俄事日迫能照前旨爭重讓輕固妙否則就彼不強中國

概允一語力爭幾條卽爲轉圜地步總以在俄定議爲要各等

因欽此臣卽於是日往陪署外部尙書熱梅尼請其追回布策

奏疏卷二

二十八

在俄商議其時俄君正在黑海熱梅尼允爲電奏布策遂召回

俄嗣此往返陪商反覆辯論疊經電報總理衙門隨時恭呈

御覽欽奉四月初五五月十九七月十七三十八月初五等日

軍機大臣密寄

上諭令臣據理相持剛柔互用多爭一分卽少受一分之害

聖訓周詳莫名感悚臣受

忠深重目擊時艱統籌中外之安危細察事機之得失苟獲稍

酬高厚敢不勉竭駑庸無如上年條約章程專條等件業經前

出使大臣崇厚蓋印畫押雖未奉

御筆批准而俄人則視爲已得之權利臣奉

旨來俄商量更改較之崇厚初來議約情形難易迥殊已在
聖明洞鑒之中俄廷諸臣多方堅執不肯就我範圍彼各有忠
於所事之心亦無怪其然也自布策回俄後向臣詢及改約諸
意臣即按七月十九日致外部照會大意分條繕具節略付之
布策不置可否但允奏明俄君意若其難相商者臣屢向熱梅
尼處催詢各條被見臣相逼太甚遂有命海部尚書呈遞戰書
之說臣不得已乃遵總理衙門疊次電報言可緩索伊犁全廢
舊約熱梅尼又欲臣具牘言明永遠不索伊犁經臣嚴詞拒絕
而微示以伊犁雖云緩索通商之務尚可與商旋接外部照會
除歸還帖克斯川外餘事悉無實際爰據總理衙門電示分列

奏疏卷二

二十九

四條照覆外部又與之事事面爭熱梅尼等嫌臣操之太蹙不
爲俄少留餘地憤懣不平布策又以通州准俄商租房存貨暨
天津運費准用小火輪船拖帶兩事向臣商論臣直答以原約
之外不得增添一事雖其計無可施而蓄怒愈深矣臣日夜焦
思深恐事難就緒無可轉圜適俄君自黑海還都諭令外部無
使中國爲難於無可讓中再行設法退讓但經此次相讓後即
當定議云云外部始不敢固執前議於十一月二十六日送來
照會兩件節略一件第一照會言此次允改各條中國若仍不
允則不得在俄再議且將外部許臣商改之事全行收回第二
照會言查伊犁辦法三條節略中則應敘允改之事約有七

端臣請逐款詳其始末第一端曰交還伊犁之事查原約中伊
犁西南兩境分歸俄屬南境之帖克斯川地當南北通衢尤爲
險要若任其割據則俄有歸地之名我無得地之實緩索之說
誠屬萬不得已之舉否則

祖宗創業艱難百戰而得之土地豈忍置爲緩圖臣奉

命使俄後通盤籌畫必以界務爲重者一則以伊犁喀什噶爾
兩境相爲聯絡伊犁失則喀什噶爾之勢孤此時不索再索更
待何時一則以伊犁東南西北三界均與俄兵相接緩索後不與
議界恐致滋生事端若竟議界又嫌跡近棄地而又慮其得步
進步伊犁雖已緩索而他事之爭執如故也嗣因提留布策非

奏疏卷二

三十

將各事略爲放鬆不可遂舍西境不提專爭南境相持不下始
允歸還然猶欲於西南隅劃分三處村落其地長約百里寬約
四十餘里臣檢閱輿圖該處拒莫薩山口最近勢難相讓疊次
厲色爭辯方將南境一帶地方全數來歸其西南隅允照前將
軍明誼所定之界第二端曰喀什噶爾界務從前該處與俄接
壤者僅正北一面故明誼定界祇言行至葱嶺靠浩罕界爲界
亦未將葱嶺在俄國語係何山名照音譯出寫入界約今則迤
西安集延故地盡爲俄僞分界誠未可索崇厚原約所載地名
按圖懸擬未足爲憑臣愚以爲非

簡派大員親往履勘不可吉爾斯必欲照崇厚原議者蓋所爭

在蘇約克山口也臣答以己定之界宜仍舊未定之界可另勘
吉爾斯躊躇良久謂此事於中國有益非俄所求既以原議爲
不然不妨罷論臣慮界址不清則釁端易啟特假他事之欲作
罷論者相爲抵制布策又稱原議所分之地即兩國現管之地
臣應之曰如此何妨於約中改爲照兩國現管之地勘定乎最
後吉爾斯乃允寫各派大臣秉公勘定不言根據崇厚所定之
界矣第三端曰塔爾巴哈台界務查該界經明誼奎昌等分定
有年追崇厚來俄外部以分清哈薩克爲言於是議改考之與
圖已占去三百餘里矣臣每提及此事必抱舊界立論吉爾斯
知臣必不肯照崇厚之議始允於崇厚明誼所定兩界之間酌

奏疏卷二

三十一

中勘定專以分清哈薩克爲主所稱直線自奎爾山至薩烏爾
嶺者卽指崇厚所定之界而言也日後勘界大臣辦理得法或
不至多所侵佔以上界務三端臣與外部先後商改之實在情
形也第四端曰嘉峪關通商允許俄商由西安漢中行走直達
漢口之事總理衙門駁議以此條爲最重疊議商務者亦持此
條爲最堅蓋以我之內地向無指定何處准西商減稅行走明
文此端一開效尤踵至後患不可勝言外部窺臣者重在此許
爲商改及詢以如何商改之處則云須各大端商定再行議及
臣親詣布策寓所告以事關全局儻不見允則餘事盡屬空談
詞意激切布策言於吉爾斯於是允將嘉峪關通商仿照天津

辦理西安漢中兩路及漢口字樣均允刪去不提第五端曰松
花江行船至伯都訥之事查松花江面直抵吉林愛琿城定立
條約時誤指混同江爲松花江又無畫押之漢文可據致俄人
歷年藉爲口實崇厚許以行權至伯都訥在俄廷猶以爲未能
滿志也現將專條徑廢非特於崇厚新約奪其利直欲爲愛琿
舊約辯其誣臣初慮布策據情理以相爭無詞可對故擇語氣
之和平者立爲三策一徑廢專條二稍展行船之路於三姓以
下酌定一處爲之限制三仍允至伯都訥但入境百里卽須納
稅且不許輪船前往布策均不以爲然適奉電

奏疏卷二

三十二

纏不已吉爾斯恐以細故傷大局不從其言遂允將專條廢去
聲明愛琿舊約如何辦法再行商定第六端曰添設領事之事
查領事之在西洋各國者專管商業其權遠在駐紮中國領事
官之下故他國願設者主國概不禁阻臣此次欲將各城領事
刪去外部各官均以爲怪隨將中國不便之處與之說明吉爾
斯謂領事之設專爲便商起見係屬實主兩益之事中國既有
不便卽僅於烏魯木齊添設一員何如臣因其多方相讓礙難
再爭而總理衙門電鈔編修許景澄摺內稱科布多烏里雅蘇
台烏魯木齊三處毋設領事其次爭烏魯木齊烏里雅蘇台兩
處等語臣乃復見布策懇其商改節略內始將烏魯木齊改爲

吐魯番餘俟商務興旺時再議添設第七端曰天山南北路貿易納稅之事新疆地方遼闊兵燹之後凋敝益深道遠則轉運維艱費重則行銷益滯招商伊始必限以行走之路納稅之章商販實多未便閱總理衙門來電會言收稅爲輕臣因將原約內均不納稅字樣改爲暫不納稅俟商務興旺再訂稅章查西例納稅之事本國可以自主日後商情果有起色卽伊犁等處亦不妨逐漸開徵以充國課以上商務四端臣與外部先後商改之實在情形也此外節略所敘則又有償款一端凡商改之事益於我則損於彼熱梅尼布策等本有以地易地之請臣稱約章事祇可議減不可議增彼遂謂中國各路徵兵顯欲構釁

奏疏卷二

三十三

俄遣船備邊以相應耗費盧布一千二百萬圓向臣索償且言如謂未嘗交綏無索兵費之理則俄正欲一戰以補糜費等語臣答以勝負難知中國獲勝則俄國亦須償我兵費彼之言雖極恃強臣之意未爲稍屈旋接總理衙門覆電囑臣酌許之至多不得逾二百萬兩又電言如無別項糾纏統計約五百萬兩償款卽可商定云云臣見吉爾斯熱梅尼等始則爭易兵費之名繼則爭減代守伊犁償款之數久之熱梅尼謂遲一年收回伊犁又加還帖克斯川以代守費論至少亦須加盧布四百萬圓臣照會中但允加代守費盧布二百五十萬圓若并歸伊犁西境猶可略議增加吉爾斯不談西境僅稱連上年償款統

算非盧布一千萬圓不可臣嫌爲數過多吉爾斯笑曰俄國豈以地出售者果爾則以帖克斯川論之豈僅值五百萬圓乎不過改約多端俄國一無所得面子太不光彩假此以自慰耳臣察其意甚決乃言熱梅尼所說僅四百萬何得又增百萬吉爾斯無詞折辯故節略內仍以添償盧布四百萬圓定數查上年崇厚所議兵費償款盧布五百萬圓合銀二百八十餘萬兩此次俄國認出自華至英匯費則金磅之價較賤合前後盧布九百萬圓而統算之約計銀五百萬兩以內臣綜觀界務商務償款三大端悉心計較與總理衙門來電囑辦之意大略相同卽摘錄照會節略大意電請總理衙門代

奏疏卷二

三十四

奏并與外部說明俟接奉電旨後再行畫押一面與布策先行商議法文條約章程底稿逐日爭辯細意推敲稍有齟齬則隨時徑赴外部詳晰申說於和平商榷之中仍示以不肯苟且遷就之意且以有益於中國無損於俄人等語開誠布公而告之於崇厚原訂約章字句陸續有所增減如條約第三條刪去伊犁已入俄籍之民入華貿易游歷許照俄民利益一段第四條俄民在伊犁置有田地照舊管業聲明伊犁遷出之民不得援例且聲明俄民管業既在貿易圈外應照中國民人一體完納稅餉并於第七條伊犁西境安置遷民之處聲明係安置因入俄籍而棄田地之民以防遷

民雖入俄籍而仍有佔據伊犁田土之弊第六條寫明所有前此各案以防別項需索第十條吐魯番非通商口岸而設領事暨第十三條張家口無領事而設行棧均聲明他處不得援以為例以杜效尤第十五條修約期限改五年為十年章程第二條貨色包件下添註牲畜字樣其無執照商民照例懲辦改為從嚴罰辦第八條車腳運夫繞越捷徑以避關卡查驗貨主不知情分別罰辦之下聲明海口通商及內地不得援以為例凡此增減之文皆係與布策商草法文約稿之時反覆力爭而得之者較之總理衙門三月十二日所寄廷臣奏定准駁之議雖不能悉數相符然合條約章程計之則挽回之端似已十得

奏疏卷二

三十五

七八此臣與吉爾斯布策等商量條約章程底稿於節略七端之外又爭得防弊敗端之實在情形也十二月十七日接准總理衙門電示奉

旨覽來電均悉該大臣握要力爭顧全大體深為不負委任即著照此定約畫押約章字句務須悉心斟酌勿稍疏忽餘依議欽此 臣告知外部轉奏俄皇此邦君臣仰慕

皇仁同深欽感俄皇諭令外部允廢崇厚原定約章另立新約又飭催布策速行繕約畫押 臣因節略七端之外所爭諸條字句尚未周妥日夜與布策晤談而筆削之直至光緒七年正月初九日始將法文約章底稿議定又彼此商訂漢文俄文條約

章程各繕二分而將先訂之法文繕正二分以資考證逐條參酌校對無訛於正月二十六日與外部尚書吉爾斯前駐京使臣布策公同畫押蓋印訖電請總理衙門代表仰慰宸廑伏念 臣以菲材膺茲重任深懼措施失當上負

大恩幸蒙

皇太后

皇上指授機宜不責以強爭必行但責以羈縻無絕更喜總理衙門王大臣平心體察艱鉅周知遇事提撕遵循有自縱紮長較短仍不免顧此失彼之虞而酌理準情尚不悖爭重讓輕之義除鈔錄 臣與吉爾斯熱梅尼布策疊次問答節略咨呈總理

奏疏卷二

三十六

衙門存查并將條約章程各一件專條一件派駐俄頭等參贊官二品頂戴道員邵友濂齋回京師進呈

御覽請

旨飭下總理衙門覈議恭候

聖裁外謹將條約章程底稿先行鈔錄咨呈總理衙門察核所有與俄國外部改訂條約章程遵

旨蓋印畫押緣由理合繕摺馳陳伏乞


皇太后

皇上聖鑒謹

奏

曾惠敏公奏疏卷三

請 獎出洋人員疏 辛巳正月二十一日



奏為出洋繙譯等員遵照部議分別查明請獎恭摺覆陳仰祈
聖鑒事竊 臣於光緒五年十二月十九日奏請將出洋二年期
滿之參贊繙譯等員按案籲懇

恩施光緒六年四月初九日遞回原摺後開軍機大臣奉

旨黎庶昌等均著照所請獎勵該衙門知道單併發欽此嗣於
光緒六年八月二十九日承准總理各國事務衙門咨開光緒
六年五月二十六日准吏部咨稱出使隨員期滿請獎查明具
奏一摺光緒六年五月十三日奉

奏疏卷三

一

旨依議欽此鈔錄吏部原奏准駁清單咨行查照前來據吏部
原奏內稱戶部不論滿蒙遇缺即補員外郎鳳儀請免補員外
郎以本部郎中不論滿蒙遇缺即補并加道銜供事中書科中
書銜監生黃宗憲請以國子監典籍不論雙單月歸部即選并
加六品頂戴該二員所請覈與定章不符均與所請之加銜頂
戴一併另覈奏明請獎等因 臣查吏部奏定出使隨員保獎章
程凡出使外洋隨帶各員請獎仍照異常勞績辦理准保免補
免選以應升之階補用選用不得越級如有保請京堂及京職
無論題選咨雷班次均一律議駁是出洋人員特不准保舉京
堂及京職之無論題選咨雷班次并非不准保舉京職也亦非

不准保舉無論滿蒙也若謂不准保舉京職則章程內但須言
明如有保請京堂京職均一律議駁足矣即不必聲明題選咨
雷字樣且查出洋隨帶繙譯人員凡係同文館學生皆由七八
九品各官遞保至各部院司員若一經出洋即不能保升京職
勢必至紛紛改保外官分發省分似於吏部及總理衙門原議
章程之意未盡符合至若無論滿蒙字樣迥與無論題選咨雷
班次不同章程內向無不准保獎明文該繙譯官鳳儀以員外
郎保舉郎中係應升之階并非越級以無論滿蒙之員外郎保
舉無論滿蒙之郎中亦係遵照吏部准保免補章程辦理并未
另加花樣至七品以下京外各官升階出使人員保獎章程未

奏疏卷三

一

經議及惟查光緒二年吏部奏定勞績保舉章程內開監生俊
秀文童書吏准越級保至八品各官等語該供事黃宗憲本係
加有京職虛銜之監生國子監典籍係九品京職以之擬獎於
例未為不符可否仰懇
天恩俯念該二員遠涉重洋當差勤苦請將戶部無論滿蒙遇
缺即補員外郎鳳儀仍以本部郎中無論滿蒙遇缺即補并加
道銜中書科中書銜監生黃宗憲仍以國子監典籍不論雙單
月歸部即選并加六品頂戴以昭激勵又查吏部原奏內稱五
品銜藍翎廣東試用知縣李荆門請以本班歸候補班前遇缺
前先即補并戴花翎查出使隨帶各員如保海關道花翎各項

一律議駁該員保請以本班歸候補班前遇缺前即補覈與
奏定章程相符惟所請之花翎覈與章程不符應一併另覈請
獎臣查出使員弁原不准請戴花翎特因該員以藍翎請換花
翎情形稍有不同是以前次擬保今吏部既稱於例未符自應
照章更正擬請將五品銜藍翎廣東試用知縣李荆門仍以本
班歸候補班前遇缺前即補并請俟補知縣缺後以直隸州
知州在任候補如蒙
俞允應請

飭下吏部查照辦理所有出洋繙譯等員遵照部議分別查明
請獎緣由謹繕摺具陳伏乞

奏疏卷三

三

皇太后

皇上聖鑒訓示謹

奏

謝 恩繳電 旨疏辛巳正月二十八日

奏為叩謝

天恩恭繳電

旨事竊臣承准總理衙門王大臣電稱光緒六年十二月十五
日而奉

諭旨曾紀澤畫押准照案用全權大臣字等因欽此伏查

中朝之制不同於西洋全權之名已列於頭等臣從公異域渥
被

殊榮由電線以承

恩履春冰而滋懼臣與俄國外部改訂條約章程已於本年正

奏疏卷三

四

月二十六日畫押訖另摺

奏明在案前項欽奉電

旨自應隨案繳銷所有臣感激下忱暨恭繳電

旨緣由理合繕摺馳陳伏乞

皇太后

皇上聖鑒謹

奏

署理參贊未能飭回本任片

再臣於光緒六年七月二十八日

奏明駐俄三等參贊官花翎知府用運同銜河南候補同知蔣

等二等雖皆稱全權字樣至於遇事請旨不敢擅專則無論何等莫不皆然前大臣崇厚誤以師心自用違旨擅行為便行事之權蓋考之中國之憲章各國之成例無一而合者也俄人亦未嘗不腹誹之及至與臣議事稍有齟齬則故以無全權非頭等之說折臣每言使者遇事不敢自主不如遣使前赴北京議約較為簡捷等語臣亦知其籍此詞以相難非由衷之言也但彼國既以無全權而相輕臣即不免較崇厚而見細此其難一也按之萬國公法使臣議約從無不候本國君主諭旨不與外部意見相合而敢擅行畫押者間有定而復改之事亦不過稍有出入從無與原約大相逕庭者往歲崇厚急於索地又

奏疏卷三

七

急於回京遽定遽歸諸多未協外部見臣照會將約中要領痛行駁斥莫不詫為奇談屢以崇厚違旨擅定之故曉之奈彼聞所未聞始終不信此其難二也原約所許通商各條皆布策駐京時向總理衙門求之多年而不可得者崇厚甘受其給求無不應一經畫押彼遂據為己得之權再允熟商彼即市其莫大之惠吉爾斯賢於布策而不明中俄商情經臣剴切數陳彼仍茫然不解此其難三也泰西臣下條陳外務但持正論不出惡聲不聞有此國臣民詆及彼邦君上者雖當辯難紛爭之際不廢雍容揖讓之文此次廷臣奏疏勢難緘秘傳播失真之語由於譯漢為洋鋒稜過峻之詞不免激養成怒每謂中國非真

心和好即此可見其端若於茲時忍辱改約則柔懦太甚將貽笑於國人見輕於各國等語臣雖飾詞慰籍而俄之君臣懷憾難消此其難四也自籌兵籌餉屢見邸鈔而俄之上下亦惴惴焉時有戒心遣兵船以備戰增戍卒以防邊臣抵俄時彼已勢成騎虎若仍在俄議事則前此之舉動為無名故欲遣使晉京議約以歸功於海部無怪一言不合俄使即以去留相要維時兩之則要挾必多不爾則猜嫌滋甚更恐爾而仍去適示怯而見輕此其難五也俄皇始命布策向臣詢明中國意嚮予限一月限滿之時經臣援引總理衙門照會駐京署使凱陽德展限三月之意復請外部婉奏俄皇乃許添展兩月與臣議事我

奏疏卷三

八

皇上因俄事日迫意在轉圜一切情形許臣由電徑達總理衙門代奏請旨已屬破格施恩而事勢無常日期甚促有時於立談之頃須定從違臣於未經請旨之條既不敢許之過驟然既奉轉圜之旨又不敢執之過堅良由自滬至京無電線以資迅速故難由電請旨非旬日所能往還敵廷之詢問益多專對之機權愈滯此其難六也猶幸我朝與俄羅斯通好二百餘年素無纖芥之嫌未肇邊疆之患俄國自攻克土耳其後財殫力竭雅不欲再啓釁端加以聖明俯納臣言釋放崇厚以解其疑辨結各案以杜其口故其

君臣悅服修好輸誠布策諸人雖堅執各條不肯放鬆而俄國
皇帝與其外部丞相吉爾斯實有和平了結之意故得從容商
改大致就我範圍此則
列聖以來懷柔之效而我

皇太后

皇上公溥慈祥之德有以感動之也臣之私心過慮誠恐議者
以爲俄羅斯國如此強大尙不難遣一介之使馳一紙之書取
已成之約而更改之執此以例其餘則中西交涉更無難了之
事斯言一出將來必有承其弊者竊以爲兵端將開而復息關
乎生民之氣數而氣數不可以豫知條約已定而可更視乎敵

奏疏卷三

九

國之邦交而邦交不可以常恃臣是以將到俄以來辦事艱難
情狀據實直言不敢稍存隱飾請 旨密飭海疆暨邊界諸臣
仰體

聖朝講信修睦之心至誠以待鄰封息事而全友誼庶幾遐荒
悅服永叶止戈爲武之休海宇清平益臻舞羽敷文之盛臣不
勝懇切嚮望之至謹繕摺密陳伏乞

皇太后

皇上聖鑒謹

奏

揀員補領事疏 辛巳二月二十六日

奏爲揀員充補領事官恭摺馳陳仰祈

聖鑒事竊臣於光緒六年七月二十四日附片陳明駐紮英國
屬地新嘉坡領事官候選道胡璇澤因病出缺并派委領事隨
員鹽提舉銜布政司經歷蘇滄清暫行代理仰蒙

聖慈垂鑒查該埠萬國通衢五方雜處英人既竭力經營而華
民之經商寄寓於該處者輻輳往來日臻繁盛該處領事官實
有聯絡邦交保護商民之責必得精明強幹之員方足以膺茲
劇任臣與總理衙門往返函商查有五品銜都察院學習都事
左秉隆駐防廣州正黃旗漢軍忠山佐領下人由同文館學生

奏疏卷三

十

派充英文副教習歷保今職光緒四年十月臣出洋派充英
文三等繙譯官該員年力正富學識俱優通達和平有爲有守
熟悉英國情形通曉西洋律例以之充補新嘉坡領事官實屬
人地相宜合無仰懇

天恩俯准以五品銜都察院學習都事左秉隆充補新嘉坡領
事官之處出自

高厚鴻慈所有 與總理衙門函商揀員充補領事官緣由理
合恭摺陳明伏乞

皇太后

皇上聖鑒謹 奏

恭報赴俄換約日期疏 辛巳七月十一日

奏為恭報 由英啟程遵

旨赴俄將新訂約章屆期互換恭摺馳陳仰祈

聖鑒事竊 臣於光緒七年六月二十五日承准總理各國事務

衙門咨開 前與俄國改定約章經總理衙門詳閱具摺恭呈

御覽欽奉

慈禧端佑康頤昭豫莊誠皇太后懿旨會紀澤奏與俄國改訂

約章及辦事艱難情形各一摺總理各國事務衙門奏進呈會

紀澤改訂條約章程并地圖等件一摺著惇親王奕諒醇親王

奕讓潘祖蔭翁同龢會同總理各國事務衙門王大臣覆核具

奏疏卷三

十一

奏欽此旋經王大臣等會同覆核擬請

特予批准四月十八日奉

旨依議欽此同日又奉

上諭此次與俄國新訂約章業已批准著派會紀澤屆期互換

欽此恭錄疊奉

諭旨鈔錄原奏并醇親王單銜奏稿咨行欽遵到 臣前項條約

正本及致賀俄君卽位

國書經總理衙門王大臣派同文館學生慶全齎送出洋據文

報局委員黃惠和稟稱該學生擬於五月二十九日搭附法國

公司輪船自滬啟程等因計本月十五以前必可行抵巴黎 臣

於初八夜赴英倫北邊紐喀塞爾地方會同記名提督丁汝昌

查驗新造新式碰快船兩艘升換中國龍旗觀船礮之製造甚

屬堅利察弁兵之安置亦甚周妥卽於初十日回抵英倫酌帶

數員於十三夜附搭火車由英啟程其間經過巴黎須料理公

事二三日卽可馳往森比德堡除到俄後互換條約呈遞致賀

國書及辦理未了各案情形容 臣隨時陳

奏外所有 由英啟程遵

旨赴俄日期謹摺馳陳伏乞

皇太后

皇上聖鑒

奏疏卷三

十二

奏

攜帶參贊官暫赴俄都片

再據參贊官陳遠濟面稟自隨使節出洋派充駐英參贊每於

公務之暇游行英倫蘇葛蘭兩島著名地境考究風土人情機

器製造略能通曉惟因職守所羈未能出境游歷此次可否隨

行往俄路經法德等國於該三國緊要地方均可趁便觀覽以

收旁參互證之益等語 臣查中俄約章雖經訂定而交涉未完

案件尙多陳遠濟思慮周密辦公勤敏若隨帶赴俄亦可以資

臂助是以允其所請飭令卽日束裝隨 臣前赴森比德堡惟該

員駐紮英國實屬人地相宜一俟俄都公事就緒仍當飭令迅

回本任陳遠濟既離倫敦駐英參贊事務需員接辦查有駐英
繙譯官鳳儀公事熟悉應酬得體以之署理參贊必能勝任
由臣札委該員暫行署理所有^舊攜帶駐英參贊官暫赴俄都
暨委員署理緣由理合附片具陳伏乞
聖鑒謹
奏

奏疏卷三

十三

補授宗人府府丞謝 恩疏 辛巳閏七月初三日

奏為叩謝

天恩仰祈

聖鑒事竊臣於光緒七年七月二十九日承准總理各國事務
衙門咨開光緒七年五月十八日奉

旨曾紀澤補授宗人府府丞欽此^臣跪聆之下感悚難名謹卽

恭設香案望

闕叩頭謝

恩訖伏念^臣秉性庸愚受

恩深重持三邦之使節忝九列於卿曹

奏疏卷三

十四

雨露頻施涓埃未報茲復渥膺

殊眷補授宗丞伏思宗丞系屬

天親上昭圓象府丞贊治公姓首列諸司^臣本非瓊雅之姿濫

備清嚴之選念鶴濡之不稱竭蟻悃以難酬惟有益勉靖共愈

加惕厲

瓊編瑤牒助修

仙源積慶之圖葛藟棟華仰副

聖世篤親之典矢捐糜於鴛質答

高厚之鴻慈所有^謹感激下忱理合繕摺叩謝

天恩伏乞

皇太后

皇上聖鑒謹

奏

奏疏卷三

十五

遵 旨互換條約疏 同日

奏為恭報 謹

旨互換條約日期恭摺馳陳仰祈

聖鑒事竊 臣於光緒七年六月二十五日承准總理各國事務衙門咨開四月十八日奉

上諭此次與俄國新訂約章業已批准著派曾紀澤屆期互換欽此恭錄咨行欽遵到 臣所有 曾山英啟程赴俄日期業於七月十一日恭摺

奏明在案十四日行抵巴黎適同文館學生慶全齋送欽奉批准蓋用

奏疏卷三

十六

御寶之條約正本業已趕到 臣即於十七日率領該學生及隨帶人員搭附火車於二十日行抵森比德堡比即知照俄國外部訂期換約查新訂約章議自畫押蓋印之日始限六箇月互換 前於正月二十六日遵

旨將所議約章蓋印畫押扣至七月二十五日六箇月期滿該外部適訂於是日互換屆期 臣親齎前項條約率領參贊繙譯等官赴外部衙門互相校閱後各立互換文憑蓋印畫押連同條約正本彼此互換 臣即將換到俄國皇帝蓋印畫押之條約正本親齎回署除將約本暫存使署容 臣另擇妥便齎呈總理各國事務衙門收存外所有 謹

旨與俄國互換條約日期理合恭摺馳陳伏乞

皇太后

皇上聖鑒謹

奏

謁賀俄君呈遞 國書片 同日

再臣於光緒七年七月十四日承准總理各國事務衙門咨開

所有致賀俄君卽位

國書一道業已鈐用

御寶由軍機處交出茲派同文館學生八品官慶全齎送查收

以備致遞等因并據該學生齎送

奏疏卷三

十七

國書前來臣敬謹齎至俄都鈔錄底稿兼譯法文知照外部旋

據覆稱俄君訂於七月三十日午刻在比德和福行宮接見屆

期臣親齎

國書率領參贊繙譯等官由巴爾的格地方搭附火車俄君派

有禮官隨同迎護火車既抵比德和福車棧別有雙馬朝車迎

入行宮就館小憩午刻乃入內殿俄君在殿後小閣迎門而立

臣行三鞠躬禮致遞

國書宣讀頌辭俄君受

書答辭慰勞數語送至閣門見參贊繙譯等官各加慰問殷勤

接待禮意有加禮官復引臣等徧觀宮室園林以示優崇之意

觀其君臣感戴

皇仁實足爲永固邦交之據除將頌答各辭錄稿咨呈總理各

國事務衙門查核外所有致遞

國書日期理合附片陳明伏乞

聖鑒謹

奏

遵 旨照會索取逆犯片 同日

再臣於光緒七年六月二十五日承准總理各國事務衙門咨

開光緒七年四月十七日奉

上諭劉錦棠奏首逆逋誅請飭使臣向俄理論解送懲辦一摺

奏疏卷三

十八

劉錦棠以會紀澤已與俄國另立新約白逆等如何交出未聞

議及急應執約理論不可置之度外等語白彥虎一事前於二

月間據會紀澤電寄總理各國事務衙門詢及辦法當以此事

自須論及應否卽議或俟換約後再議由會紀澤審量辦理經

該衙門由電報傳旨寄覆會紀澤接奉此旨當能相度機宜妥

爲籌辦俟會紀澤奏到時再行諭知劉錦棠遵照欽此恭錄

諭旨鈔錄原奏咨行欽遵到臣竊查白彥虎一事前於本年三

月間承准總理各國事務衙門由電報傳

旨寄覆前來臣再四籌思竊以約章甫經商定未便以此案遽

與辯爭應俟換約後再議刻下既將

批准條約遵

旨互換應即遵

旨將逆酋白彥虎等延未交出之案相度機宜妥為籌辦現已於七月二十八日照會俄國外部令其遵照成約將該逆犯等列日交還惟此案恐非一次辯爭所能完結容俟接到確實覆文再行據實陳

奏請

旨定奪所有 雷換約已畢即遵

旨照會俄國外部索取逆犯緣由理合先行覆

奏除將照會鈔稿咨呈總理各國事務衙門查照外謹附片陳

奏疏卷三

十九

明伏乞

聖鑒謹

奏

請 獎期滿人員疏 辛巳八月初八日

奏為出洋期滿人員照章請獎恭摺具陳仰祈

聖鑒事竊臣於光緒七年閏七月二十四日承准總理各國事務衙門咨開轉准吏部具奏詳細申明章程嗣後凡出使隨帶各員請獎仍照異常勞績准保免補免選以應升之外官補用選用不得越級如有本係外官保請京堂京職及本係京官保請無論題選咨留暨各項班次并京職升階均一律議駁等因於光緒七年六月初五日奉

旨依議欽此咨行欽遵到 臣查 臣處隨帶各員中有戶部儘先

即補郎中聯芳經總理衙門王大臣飭派出洋於光緒四年三

奏疏卷三

二十

月二十五日行抵巴黎派充法文三等繙譯官員外郎銜工部遇缺即補主事慶常於光緒三年十一月十五日行抵德國派充法文三等繙譯官嗣經前出使俄國大臣崇厚奏調赴俄改充二等繙譯官 臣到俄後飭令照舊當差復飭隨 臣兼駐俄法兩國辦理緊要公務鹽提舉銜候選布政司經歷蘇淮清經前出使英國大臣郭嵩焘飭委充當新加坡領事隨員於光緒四年三月二十三日到差均經先後咨明總理各國事務衙門查核在案伏查慶常於光緒六年十一月十五日蘇淮清於光緒七年三月二十三日聯芳於光緒七年三月二十五日先後扣足三年期滿該員等在洋當差均能盡力宣勤毫無貽誤實屬

異常出力 臣前因戶部郎中鳳儀等分別查明請獎之案未奉諭旨故將該員等獎案暫緩具

奏茲准部咨前因所有慶常蘇淮清聯芳三員應得獎敘自應由臣按照吏部新定申明章程分別核獎以昭激勸合無仰懇聖恩俯准將戶部儘先卽補郎中聯芳俟補郎中缺後以知府不論雙單月歸部卽選先換頂戴員外郎銜工部遇缺卽補主事慶常俟補主事缺後以知州不論雙單月歸部卽選并請賞給四品頂戴鹽提舉銜候選布政司經歷蘇淮清免選本班以應升之通判不論雙單月歸部卽選以示鼓勵所有出洋三年期滿人員照章請獎緣由理合恭摺具陳伏乞

奏疏卷三

二十一

皇太后

皇上聖鑒訓示謹

奏

請改 獎繙譯官片 同日

再 臣於光緒六年七月二十四日附片具

奏請將出洋當差三年期滿之二等繙譯官四品銜花翎兵部儘先補用員外郎德明按照出使異常勞績章程請免補本班以本部郎中儘先補用并請

賞換道銜是年十二月初十日遞回原摺後開軍機大臣奉旨德明著照所請獎勵該部知道欽此嗣於光緒七年二月二

十二日承准總理各國事務衙門咨稱議覆出洋期滿人員一摺光緒六年十二月初四日奉

旨依議欽此鈔錄吏部原奏咨行查照前來據吏部原奏內稱四品銜花翎兵部儘先補用員外郎德明請免補本班以本部郎中儘先補用雖係該員應升之階究屬保舉京職與前次奏駁鳳儀等成案相同應奏明請

旨更正至所請并換道銜又非應升官階職銜查與臣部奏定章程成案不符一併另核請獎等因維時 臣奏覆鳳儀等分別查明請獎之案未奉

奏疏卷三

二十二

人員既不准保舉京職升階自應按照新章核獎以昭畫一可否仰懇

天恩俯准將四品銜花翎兵部儘先補用員外郎德明俟補員外郎缺後以直隸州知州不論雙單月歸部卽選以示鼓勵所有繙譯官德明照章改獎緣由謹附片具陳伏乞

聖鑒謹

奏

補授都察院左副都御史謝 恩疏 辛巳九月十七日

奏為叩謝

天恩仰祈

聖鑒事竊臣於光緒七年九月十五日承准總理各國事務衙門咨開光緒七年七月十一日奉

上諭會紀澤著補授都察院左副都御史未到任以前著徐用儀署理欽此恭錄咨行欽遵到臣比即恭設香案望

闕叩頭謝

恩訖伏念臣自慚駑質備沐

鴻慈疊荷

奏疏卷三

二十三

高天厚地之恩曾無墜露輕塵之報茲復承

殊榮於

楓陛佐平憲於蘭臺聽

綸綍之遙頒懷冰淵而益懷念

聖主生成之獨厚非營夢寐所敢期臣惟有隨事靖共多方學

習緘青箱以入烏府詠赤芾而傲鶴梁庶幾激濁揚清思符鵬

鷺騰鷗之職循名責實無玷夔龍苑鷺之班矢愚柔之效於百

千答

浩蕩之仁於萬一所有舊感激下忱謹繕摺叩謝

天恩伏乞

皇太后

皇上聖鑒謹

奏

奏疏卷三

二十四

謝 旌節孝 恩疏 辛巳九月十八日
奏爲叩謝

天恩仰祈

聖鑒事竊臣伏讀光緒七年閏七月十六日邸鈔湖南巡撫臣

李明墀具奏顯懇

旌表節孝一摺奉

旨均著准其旌表禮部知道欽此查原奏內稱郭曾氏係湘陰

縣學生員候選員外郎郭剛基之妻原任大學士兩江總督曾

國藩之女於臣爲胞妹龔欽聞

恩命感激莫名謹卽恭設香案望

奏疏卷三

二十五

闕叩頭謝

恩訖伏念郭曾氏鵠巢早賦鴛侶旋分潔菽水以事衰翁晝荻

灰而撫弱息青年守志黃壤完貞自全婦德於閨闈敢慕

殊榮於綽楔乃里黨咸嘉苦節冀闡幽光而疆臣

奏達

宸聰

准如

旌典凡此

皇恩之浩蕩實增母族之光輝臣分屬同胞感深鏤骨在

聖世龍章下賁

褒揚幽隱於重泉而臣蟻悃難伸頂戴

高深於百世所有臣感激下忱謹繕摺叩謝

天恩伏乞

皇太后

皇上聖鑒謹

奏

奏疏卷三

二十六

逆西竄入俄竟該國允嚴禁銅疏 辛巳十月二十四日

奏為逆酋白彥虎等竄入俄國竟內一案現接該國外部覆文
允為嚴加禁錮恭摺陳仰祈

聖鑒事竊 臣於光緒七年六月二十五日承准總理各國事務
衙門咨開光緒七年四月十七日奉

上諭劉錦棠奏首逆通誅請飭使臣向俄理論解送懲辦一摺
劉錦棠以會紀澤已與俄國另立新約白逆等如何交出未聞
議及急應執約理論不可置之度外等語白彥虎一事前於二
月間據會紀澤電寄總理各國事務衙門詢及辦法當以此事
自須論及應否即議或俟換約後再議由會紀澤審量辦理經

奏疏卷三

二十七

該衙門由電報傳旨寄覆會紀澤接奉此旨當能相度機宜妥
為籌辦俟會紀澤奏到時再行諭知劉錦棠遵照欽此恭錄

諭旨鈔錄原奏咨行欽遵到 臣於七月二十八日照會俄國
外部令其按照成約將該逆犯等刻日交還并於閏七月初三
日附片陳

奏聲明俟接該國確實覆文再行據實覆奏請

旨定奪茲接該國外部覆稱白彥虎等犯係屬公罪不在條約
所載之列雖該犯所為之事本國亦深惡之然不得不認各國
容留公罪之例惟本國亦不得不認其責成設法防範以杜越
界謀為不軌情事是以本國飭將白彥虎禁錮於距離中國邊

界較遠之地嚴加管束如此辦理諒貴國

國家洞悉原委必以為然而本國設此嚴防免致白彥虎等再
滋事端係為安謐中國邊疆起見務望鑒察此情當必愜意等
語照覆前來 臣前於本年七月初間未經赴俄換約之先曾經
函告總理衙門聲明西洋公例於尋常命盜各犯立有條約者
莫不互相交還獨於稱兵之逆首則以公罪目之謂稱亂者眾
為之首者非一人之私故各國從無交還之事再四思維於索
還白逆等犯不敢謂遽有把握嗣接該衙門函覆以西洋既有
此公例誠恐難與爭辯但期真能禁錮永不令為我邊患等語
此次俄國外部照覆與總理衙門所論情勢尚屬相同應否請

奏疏卷三

二十八

旨飭下督辦新疆軍務大臣劉錦棠等將此案作為了結之處
伏候

聖裁除將俄國外部照會譯漢鈔稿咨呈總理各國事務衙門
查核外謹恭摺陳伏乞

皇太后

皇上聖鑒訓示施行謹

奏

請旨定出洋章程疏 辛巳十一月十七日

奏爲請

旨明定出洋期滿員弁給假章程恭摺馳陳仰祈

聖鑒事竊查光緒二年九月十二日總理各國事務衙門奏定出使章程內開出使各國大臣所帶參贊領事繙譯等員亦隨同出使大臣以三年爲期如有堪留用者應由接辦大臣酌留等因誠以出洋員弁關係匪輕未便一時盡易生手且事當創辦未久人猶視爲畏途無論熟習洋務而又結實可靠之人本不易得卽令得之或又以重洋險遠憚於過行是當日之奏定酌留舊員立意至深遠也然而遠適異國瓜代愆期人情各有

奏疏卷三

二十九

天性之親勢必有強留之而不願者如疊隨帶各員弁現屆三年期滿卽已紛紛稟請銷差臣再四籌思似宜明定章程除始勤終惰不能得力人員仍隨時遣撤外其已滿三年必須仍留當差者擬由出使大臣察看情形酌准先後暫行給假數月以體該員弁等思歸之情惟是經費有常體恤之中仍當示以限制查原定章程除往返盤費均准作正開銷外各員由中國啓程及已滿二年由差次回華所有整裝歸裝兩項銀兩各按照三個月俸薪銀數支給是交替之時新舊兩員應給歸裝整裝銀兩共符六個月俸薪之數擬請嗣後期滿奏留人員暫給假期者除往返盤費仍照新舊員往返盤費之數准其作正開

銷外其往返未逾六個月者始准免其扣俸扣資如此則舊員

去而復返所給薪俸與遣撤舊員之歸裝另調新員之整裝其數適相符合庶於原訂經費之外不至別有虛糜該員弁等有資可計亦不至久曠職守而於使事實足以收熟手諳練之效查原定章程本無期滿銷差人員不許再行出洋當差之條臣所擬給假章程暨領俸之限制與舊員期滿銷差給與歸裝該員奉調再行出洋作爲新員另給整裝者銀數既無出入卽與原定章程并不相悖惟舊員甫屆期滿卽准同時銷差回華未久復作爲新員徵調來洋徒滋文牘之繁并無省費之實似不如明定給假章程由出使大臣察看公務之緩急斟酌准駁之

奏疏卷三

三十

先後限定往來之時日庶於公事不至貽誤臣爲慎重使事起見謹恭摺具陳請

旨飭下總理各國事務衙門酌議施行愚昧之見是否有當伏

乞

皇太后

皇上聖鑒訓示謹

奏

曾惠敏公奏疏卷四

請 獎駐俄人員疏 辛巳十二月初一日

奏為派駐俄國繙譯等員三年期滿照章請獎恭摺具陳仰祈
聖鑒事竊 臣承准總理各國事務衙門鈔咨奏定出使章程內
開出使各國大臣所帶參贊繙譯等員隨同出洋以三年為期
期滿奏獎嗣又咨准吏部具奏詳細申明章程凡出使隨帶各
員請獎仍照異常勞績准保免補免選以應升之外官補用選
用不得越級如有本係外官保請京堂京職及本係京官保請
無論題選咨留暨各項班次并京職升階均一律議駁等因於
光緒七年六月初五日奉

奏疏卷四

一

旨依議欽此 臣查前出使俄國大臣崇厚奏調出洋員弁內有
繙書房提調理藩院即補員外郎慶禧繙書房收掌理藩院主
事純錫隨員五品銜光祿寺署正俞奎文候選中書陳允頤俄
文學生八品官廣善花翎儘先守備常有泰六品藍翎直隸儘
先把總齊樹敬七員經崇厚於光緒五年八月二十六日由俄
啟程隨帶回京又法文學生九品官福連因奉總理衙門飭調
回京當差藍翎直隸候補守備世襲雲騎尉李永春經前署出
使俄國大臣邵友濂咨回直隸差遣該二員於光緒六年六月
二十七日銷差離俄又三等參贊官運同銜知府用河南候補
同知蔣斯彤因病呈請回華就醫於光緒六年八月初八日給

咨啟程均經先後奏咨在案此外尚有候補繙譯官同文館俄
文學生八品官慶全奉總理衙門派送新訂俄國條約正本出
洋於本年七月二十日行抵俄都應俟該員三年期滿之時再
行核辦運使銜道員用儘先補用知府劉翰清內閣候補中
書聯興皆係隨同 書出洋之員目下雖在俄國當差仍應歸入
出使英法期滿案內

奏保除以上人員不應於此次獎案開列外其餘各員自光緒
四年十二月初八到國之日起扣至本年十二月初七日止均
屆三年期滿該員等遠涉重洋供差異域上年商改中俄條約
頭緒紛繁各該員盡心竭力不憚辛勤毫無貽誤自應由 臣按

奏疏卷四

二

照吏部新定申明章程分別核獎謹繕具清單恭呈

御覽合無仰懇

聖恩俯准分別獎敘俾片長之績效悉沐

皇仁冀後進之人才咸知感奮所有駐俄繙譯等員三年期滿

照章請獎緣由理合恭摺具陳伏乞

皇太后

皇上聖鑒訓示謹

奏

請 給道員邵友濂歸裝銀兩片 同日

再 臣承准總理各國事務衙門鈔咨光緒三年十一月初一日

片奏出使各國大臣自到國以後照章應俟三年期滿始能回
華給予歸裝銀兩惟其中倘因各項事故未能俟至三年者自
應分別辦理等因奉

旨依議欽此查前駐俄國頭等參贊官二品銜道員邵友濂經
臣 奏派將中俄條約齎送京師進呈

御覽嗣奉總理衙門奏請將該道留京當差欽奉

諭旨允准在案伏查邵友濂自光緒四年十二月初八行抵俄
都之日至光緒七年正月二十八日啟程回京之日雖未期滿
三年惟係奏派齎送條約進京續奉總理衙門奏請留京當差
先後均屬勤公核與緣事撤回及乞假銷差人員未滿三年回

奏疏卷四

三

華毋庸支給歸裝者情形不同細譯總理衙門原奏於奉差回
華人員未經議有章程經 臣 咨商總理衙門可否援照倘因各
項事故未能俟至三年者分別辦理之語給予歸裝以示區別
接准咨覆事屬可行應由 臣 奏明支給等因此項歸裝銀兩出
使章程雖未聲明然既准該衙門覆稱與緣事撤回等項人員
不同自應由 臣

奏明支發以昭公允除咨覆總理各國事務衙門查照并飭支
應委員將三月歸裝銀兩匯交邵友濂核收外謹附片具陳伏

乞

聖鑒謹 奏

請 獎出洋文武員弁疏 辛巳十二月初八日
奏為 隨帶出洋文武員弁三年期滿按照吏部新定章程分
別請獎恭摺具陳仰祈

聖鑒事竊 臣 於光緒四年奉

命出洋隨帶參贊繙譯隨員均經繕具清單恭呈

御覽至供事武弁學生各銜名亦經咨呈總理衙門有案除供
事候選典史王國治未屆三年先行銷差不列獎敘外尚有畫
圖學生監生楊自新供事王遠耀武弁五品軍功陳祝華雖係
隨 臣 出洋應以 畫 開具銜名咨呈總理衙門聲明該員弁等到
差之日起資此時無庸列保又續調出洋之署理駐法二等參

奏疏卷四

四

贊官花翎四川候補知府劉麒祥亦屬到差在後均應俟該員
等三年期滿之時再行核辦除以上人員不應於此次獎案開
列外其餘各員弁自光緒四年十二月初九到國之日起扣至
本年十二月初八日止均屆三年期滿該員等或專駐一國辦
理交涉事件應酬主國官紳或隨 臣 三國往來聽候差遣皆屬
異常出力自應由 臣 按照吏部新定申明章程分別核獎謹繕
具清單恭呈

御覽合無仰懇

聖恩俯准分別獎敘以勵人材而資觀感所有 畫 隨帶出洋文
武員弁三年期滿按照吏部新定申明章程 謹 懇

恩施緣由謹繕摺具陳伏乞

皇太后

皇上聖鑒訓示謹

奏

奏疏卷四

五

揀員補署參贊官疏 辛巳十二月十五日

奏為揀員補署參贊官員缺恭摺具陳仰祈

聖鑒事 竊查奏定出使章程內開出使大臣隨帶參贊各員

亦以三年為期 隨帶各員自光緒四年十二月初九日行抵

巴黎之日起扣至本年十二月初八日止實已三年期滿所有

奏派駐英之二等參贊官道銜候選郎中陳遠濟於本年七月

經 臣 奏調隨同赴俄旋復隨同來法幫同辦理法國緊要事件

尙未飭回本任現屆三年期滿適有妻喪稟請銷摺差擬回華

查該員品端學博識解超羣處事精詳辦公勤敏實為出使人

員中不可多得之才未便遽准銷差經 臣 批准給假回華數月

奏疏卷四

六

一俟喪葬事畢仍當迅速出洋聽候差遣駐法二等參贊官署

現駐俄二等參贊官鹽運使銜道員用分發補用知府劉翰清

自駐俄以來不服水土現值三年期滿因年老多病稟請銷差

回華就醫該員學養深純老成端正無論在華在洋之差遣均

屬有體有用之賢員乃以俄地苦寒致生疾病情辭懇切亟欲

遣歸祇得允其所請查參贊有稟報交涉事件聯絡主國官紳

之責未便虛懸除駐英參贊官一缺業經 臣 於本年七月奏派

道銜戶部郎中鳳儀署理外所有駐法參贊官一缺查有署理

駐法參贊官花翎四川補用知府劉麟祥律身貞介處事安詳

暹勉從公精勤好學以之補授茲缺實屬人地相宜駐俄參贊

官一缺一時遴選尙未得人未敢遽行請補查有法文三等繙譯官候選知府戶部郎中聯芳樸誠端謹敏事慎言堪以暫行署理合無仰懇

天恩俯准以劉麒祥充補駐法二等參贊官以聯芳暫行署理駐俄贊參官之處出自

高厚鴻慈所有^督揀員充補駐法參贊官署理駐俄參贊官緣由謹繕摺具陳伏乞

皇太后

皇上聖鑒訓示謹

奏

奏疏卷四

七

奏保直隸州李荆門片

同日

再補用直隸州知州廣東候補知縣李荆門經前出使大臣郭嵩燾奏調出洋派充隨員旋經^督奏留當差三國兼馳辦理文案計在外洋前後共已五年資格較深該員老成歷練文理優長接物和平辦公精細實屬堪勝參贊之任徒以三國文牘均關緊要未便令其專駐一國致有參贊缺出轉不能以該員充補揆諸鼓勵人材之道似不足以昭平允合無仰懇

天恩俯准以隨員李荆門派為^督隨帶三等參贊官仍令辦理文案之處出自

高厚鴻慈謹附片陳明伏乞

聖鑒訓示謹

奏

陳明參贊官俸薪數目片

同日

再署任參贊官俸薪數目未經奉有定章前此參贊官劉翰清初到駐法參贊之任自光緒五年十二月十二日起至六年四月初一日以前係屬署理^臣因參贊應酬主國官紳費用浩繁署任與實任無異是以飭令支應委員即照二等參贊官俸薪給領其後劉麒祥署理駐法參贊官亦援照劉翰清成案辦理伏查劉翰清劉麒祥署理參贊之時別無本任參贊則經費未為虛糜與風儀之署理參贊情形不同^臣於本年七月奏派駐

奏疏卷四

八

英三等繙譯官道銜戶部郎中風儀署理駐英參贊官其時駐英實任參贊官陳遠濟并未停俸回華若令風儀准照二等參贊官俸薪支領則經費出款過鉅殊非撙節之道若仍令該員支領三等繙譯官薪俸又實屬不敷用度查風儀暨現經^督委署駐俄參贊官之駐法繙譯官聯芳先後經前出使大臣郭嵩燾奏調出洋在洋當差不止三年資格已深又皆屬勤謹得力之員可否仰懇

聖恩將三等繙譯官道銜戶部郎中風儀三等繙譯官候選知府戶部郎中聯芳均升為二等繙譯官之處出自
逾格鴻慈如蒙

俞允臣擬飭支應委員將該二員俸薪照二等繙譯官俸薪數目支給各從該員等署理參贊官到任之日為始庶於恩恤下情之中仍寓節省公款之意是否有當伏乞

皇太后

皇上聖鑒訓示施行謹

奏

奏疏卷四

九

覆陳法國大概情形疏辛巳十二月十九日

奏為恭摺覆陳仰祈

聖鑒事竊臣於光緒七年十二月初十日承准軍機大臣密寄

光緒七年十月十五日奉

上諭總理各國事務衙門奏法人謀佔越南北境并欲通商雲南擬籌辦法各摺片覽奏均悉越南向隸藩服為滇粵兩省屏蔽法人據其西貢一帶現復以東京捕盜為名添置兵船并欲由紅江通商雲南計殊叵測該國積弱已久若任其侵削則滇粵藩籬盡為他族逼處後患不可勝言總理各國事務衙門所奏與李鴻章籌商辦法即著李鴻章左宗棠劉坤一張樹聲劉

奏疏卷四

十

長佑慶裕杜瑞聯商同密為妥辦其丁日昌曾紀澤函致該衙門各節一併參酌辦理務當詳加揆度合力圖維庶可弭釁端而安邊境并將如何辦理情形隨時詳晰密陳曾紀澤屢與法國外部辯詰仍著堅持前議相機辯論期於大局有裨原摺片均著鈔給閱看將此密諭左宗棠曾紀澤并由五百里密諭李鴻章劉坤一張樹聲劉長佑慶裕杜瑞聯知之欽此鈔錄總理各國事務衙門原奏摺片各一件遵

旨寄信前來仰見我

皇太后

皇上慎重邊防矜全藩服因時籌備

指授機宜跪讀之餘莫名欽悚伏查法人覬覦越南蓄意已久緣該國初據西貢東埔等處之時滿意瀾滄江湄南河可以直通雲南其後見該二水淺涸多處不能通舟遂欲佔據越南東京由富良江入口以通雲南添開商埠該國圖越之事新報則議論紛紜官場則機鈐秘密然而議紳士庶論及此事視取越南東京皆謂易如反掌上年冬間臣在俄議約因聞法國有派兵前往越南之議比卽照會法國外部并與法國駐俄公使商犀晤談力言越南受封

中朝久列屬邦該國如有緊要事件中國不能置若罔聞本年閏七月間臣由俄換約事畢回駐巴黎又於八月初一日照會

奏疏卷四

十一

外部將總理衙門歷年未認法越所訂條約之意剴切聲明日久乃接外部尙書剛必達覆文措詞雖尙剛硬然法廷於進取之謀似已稍作回翔之勢緣法國商人堵布益昔年往來滇越經營貿易卽爲法國西貢總督堵白蓄圖佔越南之線索後因事端敗露西貢總督所派守備嘸業爲越南人所殺商人堵布益所齎成本亦致虧折數百萬佛郎該商歸向法廷索取法廷許以俟定計佔取東京之時給予償款本年該商業已函致廣東上海舊日同夥之西人前來巴黎領取償款是法廷定議佔取東京之據厥後該商夥德爾吉等來巴黎無款可領失望而歸有臣處繙譯官馬格里之友上海載生洋行之史密德親聞

德爾吉言之甚詳是此事暫得寢息之據臣揣度大概情勢法國除在廷數員之外能深明東方情形者實無多人竟有不知越南爲中之屬邦者繼見總理衙門屢次聲明不認法越條約又屢次聲明中國保全屬國以固邊圉不能漠視之意該國或者畏

威懷

德有所顧忌而不敢遽發亦在意中惟臣處未接該外部確實覆文仍不敢謂遽有把握總理衙門王大臣原奏所稱爭以空言必須見諸實際實屬至當不移之論各疆臣欽奉寄諭之後如何遵

奏疏卷四

十二

旨妥爲布置自必先後據實陳奏臣當欽遵諭旨堅持前議總以不認法越前訂之約爲根以冀形格勢禁消弭釁端仰懇宸廑除將臣與法外部來往照會分別譯漢鈔稿咨呈總理各國事務衙門并將臣所具照會稿摘要先行電達該衙門查核外所有臣現與法國持論情形及揣度法國大概情勢理合恭摺覆陳伏乞

皇太后

皇上聖鑒訓示謹

奏

隨員張斯栒回差照章領俸片 同日

再本年法國外部及各部尚書屢次更換禮節往來及議論爭辯比之常年情形稍為喫重是以駐紮巴黎之日較多所有駐英繙譯官馬格里駐俄繙譯官慶常均經隨帶駐法辦理英俄兩國交涉事件查馬格里不能深通漢文於繙譯公文究多不便適接准前出使美日祕國大臣陳蘭彬十一月初四日咨稱前調英文繙譯隨員知府銜候選同知直隸州知州張斯栒赴美差遣委辦事件悉臻妥協現當差期已滿給咨令該員回英當差以符前議等因查張斯栒已於十二月十四日由美行抵巴黎經飭令仍以隨員兼辦英文繙譯隨駐紮之處聽候差遣以資熟手除咨呈總理各國事務衙門查照并飭支應委員將該員俸薪照章接續支領外謹附片陳明伏乞

奏疏卷四

十三

聖鑒謹

奏

出使期滿再留三年謝 恩疏 壬午二月十二日

奏為恭謝

天恩仰祈

聖鑒事竊臣於光緒八年二月初九日承准總理各國事務衙門咨開光緒七年十二月初八日具奏出使英法德俄各國大臣三年期滿一摺同日軍機大臣奉旨曾紀澤著再留三年欽此恭錄

諭旨鈔錄原奏咨行到臣謹即恭設香案望

闕叩頭謝

恩訖伏念臣材庸魯鈍質本愚柔使西域而賦翮雖長風萬里

奏疏卷四

十四

徂東山而廢蜩螗零兩三年深虞諛致茅鷓敢信好同萃鹿迺

蒙 聖主深加倚畀飭令再任馳驅曲荷

鴻慈難伸蟻悃惟有守恭敬忠之彝訓聯英俄法之邦交殫竭

庸愚稍酬

高厚伏願共球九有徧十洲三島以來享來王于羽兩階合四

海一家而于疆于理所有感激下忱謹繕摺叩謝

天恩伏乞

皇太后

皇上聖鑒謹 奏

請 旨定寶星章程疏 壬午二月二十七日

奏為請

旨明定寶星章程

頒示各國以重名器而聯邦交恭摺具陳仰祈

聖鑒事竊維寶星之制泰西各國自有章程彼此不相沿襲其

制則別之以會列之以等至貴之等乃其君長所自佩即以致

諸與國之君其諸臣之有勳績者亦各以其等賜之於是殊其

章服優以名稱而以佩帶之寶星表著其寵榮之差等伏查

中朝制度向無寶星名目

御用服飾尤非臣下所敢擅擬近歲以西人之効用吾華者不

奏疏卷四

十五

無微勞足錄遂因其制製寶星以獎之而其間之勤勞卓著者

則或授之顯職加以崇銜又其著者更獲邀

異數之榮在

國家懋賞懋官無分中外

恩至渥也惟是泰西衣服不與華同該西員等身荷

殊榮乃不獲與佩帶寶星者一體表揚其

恩遇似於觀感之道猶有未盡臣愚以為宜考

中朝之制度製中國之寶星以最崇之等列為首條凡在臣工

均不得佩帶此外則按照

錫子滿漢臣工各項

恩賞之名目製為各項寶星以獎西員明定章程

頒示各國內以慎重名器外以聯絡邦交會以此意商之總理

各國事務衙門旋准函稱寶星一事囑由本處設法整頓自係

為聯絡邦交慎重名器起見惟中國向來頒賞寶星僅憑總稅

務司暨外省呈報辦理此時應如何釐定章程之處本處實無

從懸擬可否向英法俄各外部詳細查詢其國之制度若何并

參以已意奏明請

旨遵行較為周妥等因臣即恭稽會典考證西圖并參以愚見

擬就寶星章程首列優等以備致予邦君繼列各項名目以酬

出眾助庸末附五等功牌以獎尋常勞績除繪圖帖說連同繕

奏疏卷四

十六

譯西國寶星章程咨呈總理各國事務衙門以備查核外謹恭

摺具陳請

旨飭下該衙門妥議具奏伏候

欽定遵行抑臣更有請者此次明定寶星章程倘蒙

俞允可否准令中外臣工如奉

特旨恩賞何項寶星亦得一體佩帶庶西洋各國諸人信尊榮

之有據益奮勉以圖功愚昧之見是否有當伏乞

皇太后

皇上聖鑒訓示謹

奏

謝頭等新俸 恩疏 壬午三月初一日

奏為恭謝

天恩仰祈

聖鑒事竊臣於光緒八年二月二十八日承准總理各國事務衙門咨開光緒七年十二月十九日附奏俸新請按照頭等辦理一片同日軍機大臣奉旨依議欽此恭錄

香案望

闕叩頭謝

奏疏卷四

十七

恩訖臣自顧庸才屢叨非分點

青瑣而虛糜鶴縉詠素餐而時慄貍庭茲復渥荷

殊恩俾增厚祿六年再任綰雙符以綏極大之邦三國兼馳居

二等而食最優之俸感

鴻施之疊沛竭蘊戴以難勝惟有益勉靖共愈加策厲螳忱自

助冀酬

天眷於

九重黽勉常勤仰答

聖慈於萬一所有感激下忱謹繕摺叩謝

天恩伏乞

皇太后

皇上聖鑒謹

奏

奏疏卷四

十八

揀員補參贊各缺疏 壬午七月二十七日

奏為揀員充補參贊隨員各缺恭摺具陳仰祈

聖鑒事竊 臣隨帶出洋人員前因三年期滿紛紛稟請銷差旋

因總理衙門奏定給假章程各員弁咸荷

朝廷體恤之恩大半留洋供職惟駐俄二等參贊官劉翰清衰

年多病力懇回華就醫駐法隨員楊文會駐英三等繙譯官陳

志尹二員均因親老急切思歸經 臣先後准令銷差回華并有

駐英之三等繙譯官左秉隆經 臣先期

奏補新加坡領事官於上年八月赴任分別咨呈總理各國事

務衙門查核在案計英法俄三國使署共出參贊官一缺隨員

奏疏卷四

十九

一缺繙譯官二缺本年二月 臣奉

命留使歐洲細查所出各缺均關緊要未便日久虛懸是以函

調數員來洋聽候差遣因恐遠道調人來否難定不敢先行陳

奏現在所調各員多以重洋險阻視為畏途先後稟覆託故堅

辭惟有同知銜候選知縣楊書霖經 臣疊次函催始肯出洋已

於七月十九日行抵巴黎使署查該員係舉人出身品端學粹

邇建和平同治九十年間曾在兩江督署當差勤敏耐勞謹慎

不苟以之請補駐俄三等參贊官辦理一切交涉事宜實堪勝

任 臣因該員甫抵外洋擬暫留法署將一切緊要文卷公事親

為指授俟其諳練熟悉再飭赴俄該員前在湖南新化縣教諭

任內丁憂目下尙未服闋 臣因使署公事緊要需員差遣是以

先期敦促出洋應俟該員明年正月服滿之日方與起資庶與

總理衙門奏定章程相符又同知銜陝西候補知縣賀慶銓經

臣函調出洋頃據上海文報局電稱該員即日自滬啟程應俟

到差之日再行咨呈總理衙門存案該員文理優長勾稽精審

以之派充隨員經理文案兼司英國支應總核三國使署匯款

必能勝任又查隨帶之學生同知銜儘先選用知縣謝先任王

世綬二員在洋數年藝業精進前此中國在英製造之蚊子船

碰快船各項工程均經 臣先遣該員等偕同英國海部官員分

別勘驗於其中應添應改之處均能反覆推求商量精審其平

奏疏卷四

二十

時於英倫各局廠爐火製造之務閱歷既多考核亦頗精當王

世綬到洋以來兼習英文英語文雖未臻純熟語則甚能通曉

該員等遇有緊要差委常與英法法國官紳交接往還似宜稍遷

優職以示鄭重合無仰懇

天恩俯念員缺緊要准以楊書霖充補駐俄三等參贊官賀慶

銓充補駐英隨員謝先任元補駐法隨員王世綬派充駐英四

等繙譯官之處出自

逾格鴻慈所有 揀員充補參贊隨員各缺緣由謹繕摺具陳

伏乞

皇太后

皇上聖鑒訓示謹

奏

奏疏卷四

二十一

擬陳索倫四旗事宜疏 壬午八月十一日

奏為恭摺覆陳仰祈

聖鑒事竊臣於光緒八年八月初五日承准軍機大臣字寄光緒八年六月初四日奉

上諭金順等奏索倫營右翼四旗地方請飭會紀澤與俄國商議查這一摺據稱索倫營右翼四旗舊制分設霍爾果斯河之西新定約章歸入俄界現據總管諾敏吉爾噶勒等瀝懇將該四處地方收回俾官兵不致失所等語伊犂分定界址前經該京卿與俄人再三集議苦心區畫始克議定約章此時欲圖改易誠恐辦理為難惟據索倫營總管所稱各節該處官兵欲歸不得且恐被回民平毀墳墓實屬可恨究竟已定之界稍為變通能否設法商辦之處著即詳細酌議具奏原摺著鈔給閱看將此諭令知之欽此遵旨寄信前來仰見我

奏疏卷四

二十二

皇太后

皇上於軫念兵民曲體下情之中仍寓慎重邦交顧全鄰好之意晚讀之餘莫名欽感又見該索倫旗兵等雖已久淪異域猶不願隸屬他邦足徵

聖朝深仁厚澤無遠不孚凡在臣民同深感戴臣查西洋各國遇有改定疆界則兵民呼籲之事亦屬層見疊出要在分界官

彼此婉商妥爲撫慰以安集之而不便重提約章再興辯論此案索倫營右翼四旗官兵分設霍爾果斯河西之策集齊齊罕薩瑪爾圖爾根等處其地劃歸俄境該官兵等既慮無處居住又恐所葬墳墓被漢回纏回任意平毀據總管諾敏吉爾噶勒等所陳情形誠爲可憫惟中俄約章經臣隨同總理衙門王大臣仰秉

宸謨竭力屢爭久而後定縱使其中有未盡愜心貴當之處亦屬事勢所迫無可如何刻下既已互換頒行即宜彼此堅守不生異議至商議畫還索倫營右翼四旗之地無論由總理衙門商之駐京公使或由商之俄國外部均屬跡近改約俄人勢

奏疏卷四

二十三

必不允徒使通融商改之端自我而開似於大體有礙若由邊界大臣於分界之時就近婉商俄官能以他處幅員無多之隙地或以他項之補償換回四旗之地則自以收地爲佳如地界必不可收猶可商及將該四旗官兵遷歸伊犁境內另行安插而與俄官約定章程設法保全兵民墳墓如此由分界官立言即使俄人不受商量尙不致牽涉已換之約章致俄廷之譏議據舊懸揣伊犁遷出改入俄籍之民亦當有墳墓畱存伊犁等處倘由分界大臣商之俄官設立互保墳墓章程俄人當亦不至全不允也臣愚陋無知仰蒙我皇上俯採芻蕘命臣詳細酌議竊以爲索倫營總管所懇收回

霍爾果斯河西右翼四旗之地似未便由總理衙門商之駐京公使亦未使由商之俄國外部謹就臣管見所及恭摺覆陳伏乞

皇太后

皇上聖鑒訓示謹

奏

密陳霍爾果斯河西地境事情片同日

再密陳者查西洋各國改定邊疆亦有人隨地歸之例惟各國隸籍之法均不甚嚴所謂人隨地歸者不過視所居之地爲何國所轄即應遵守其國之法律完納其國之賦稅而已俄人於

奏疏卷四

二十四

東北邊界小國部落常以侵其土地自拓疆場爲務所至之處亦知以要結民心爲主此次霍爾果斯河西地境未能一律收回計俄人待彼處原住之民當不至迥出情理之外奪其產業以畀他人金順等原奏所引鵲巢鳩居之喻臣以爲尙不至此設法保全兵民墳墓一層可由分界大臣商之俄官定立章程臣已於正摺中

奏明至於該旗兵民人等將失故業無處居住無地耕種等語皆係諾敏吉爾噶勒等先事疑懼之詞雖異日難保其必無然俄人如尙講情理尙守公例則此事非所應有竊以爲佔奪產業一層即分界大臣亦不必向俄官豫爲提論轉令彼族從而

生心將來俄官如果有縱容新還漢回纏回欺凌該旗兵民之處或有漢回纏回恃強奪取該旗兵民產業之事邊界密邇不難確查情形屆時自可以理詰問也臣愚昧之見是否有當謹附片密陳伏乞

聖鑒訓示謹

奏

奏疏卷四

二十五

曾惠敏公奏疏卷五

覆陳中俄議界情形疏 癸未六月初三日

奏為遵

旨與俄國外部商議界務恭摺覆陳仰祈

聖鑒事竊臣於光緒九年五月十四日承准軍機大臣字寄光

緒九年三月十五日奉

上諭前據劉錦棠奏中俄界約以天山之頂為限此次沙克都林札布同俄使勘分新疆南段界務將貢古魯克山口至別疊里之達坂路西邊相離二十二丈半蘊立中俄兩國界牌鄂博侵佔至畢底爾河源所稱別疊里即畢底爾嚮西北流河水即

奏疏卷五

一

阿克蘇上流之畢底爾河口達坂即烏什出貢古魯克卡以達伊犁之路此路為南北相通第一津要遠在界綫之外新舊條約班班可考不趁畫分未定按約索還南北隔絕伊犁勢成孤注等語當派長順會同沙克都林札布於履勘時按約力爭設法挽回該處現在雖立界牌鄂博尚未定局著會紀澤與俄國外部大臣詳細辯論令其傳知該國分界官與長順等重加履勘更正以符定約將此諭令知之欽此遵

旨寄信前來仰見我

皇上慎重邊陲懷遠津要審山川之形勢垂久遠之規模臣跪誦之餘莫名欽悚伏查分界一案前於正月二十三十八等

日兩奉總理衙門王大臣電報傳

旨飭臣詳細辯論即擬照會俄廷將侵佔之地照約更正繼思牌博已立而重加履勘較之勘分未定而事須商論者情形不同若其贖與之還爭恐措詞難於得體又恐彼國視牌博既設為已得之利不謂理所應讓願乃從而市惠藉端要求別生枝節加以劉錦棠原奏有說無圖中俄地名不同繙譯易致錯誤是以不敢遽行文牘於正月二十三日函商總理衙門擬俟致賀俄君陞冕之時欽遵

諭旨與俄國外部相機面談臣於四月間在俄之南都木司姑城屢與俄國外部丞相吉爾斯談論及之及回抵森比德堡又

奏疏卷五

二

與外部尙書倭良嘎里面論數次并作一函請其飭令分界俄官重加履勘按照天山騎嶺劃分之舊更正已立之界牌鄂博將侵佔之地按約歸還該尙書已允行文飭查俟查明再行答覆伏思此案刻下既據俄國外部允為查辦將來長順重加履勘之時或於更正之事稍易為力除將致俄外部函稿譯漢咨呈總理衙門查核外謹將謹遵

旨與俄國外部商論界務情形恭摺覆陳伏乞

皇太后

皇上聖鑒謹

奏

授案請 獎期滿人員疏 癸未六月十七日

奏為出洋期滿人員授案籲懇

恩施恭摺具陳仰祈

聖鑒事竊臣承准總理各國事務衙門鈔咨奏定章程出使各國大臣所帶參贊等員隨同出洋以三年為期期滿奏獎臣處奏派英法俄三國人員前屆三年期滿經臣先後具摺奏懇聖恩分別獎敘應俟各該員續屆第二次三年期滿之時再行核辦又查文報局員黃惠和黃建筦等接遞東西兩洋文電雖經又屆三年惟前次期滿獎案係由升任江海關道劉瑞芬升任津海關道鄭藻如詳請南北洋大臣覈明請獎此次黃惠和

奏疏卷五

三

等已屆第二次三年期滿應得獎敘自應仍由江海關道邵友濂津海關道周馥就近詳請南北洋大臣酌核具奏以符原案除以上人員不應於此次獎案開列外查有駐法二等參贊官花翎四川儘先補用知府兼襲雲騎尉劉麒祥經臣函調出洋於光緒六年五月二十五日行抵英倫扣至本年五月二十五日三年期滿又二等英文繙譯官道銜戶部不論滿蒙遇缺即補郎中鳳儀英文參贊二等洋繙譯官二品頂戴總領事銜馬格里隨員兼英文繙譯知府銜候選同知直隸州知州張斯梅三員於光緒二年十二月初八日到差三等參贊官補用直隸州知州廣東候補班前遇缺前充即補知縣李荆門於光緒三

年三月十八日到差該四員扣至上年十二月初八日及本年三月十八日已屆第二次三年期滿又監生楊自新於光緒五年十一月初一日經_臣派充英法兩國畫圖學生五品軍功陳祝華於光緒六年四月二十七日經_臣派充武弁該員并扣至上年十一月初一日及本年四月二十七日亦屆三年期滿伏查該員等遠涉重洋供差異域持躬均屬謹慎造就頗有可觀謹按照吏部申明章程分別核獎繕具清單恭呈御覽仰懇

天恩俯准分別獎敘以昭激勵所有此次期滿人員援案請獎緣由理合恭摺具陳伏乞

奏疏卷五

四

皇太后

皇上聖鑒訓示謹

奏

遵照部議分別人員請獎疏_奏未十一月初一日

奏為出洋參贊繙譯等員遵照部議分別查明請獎恭摺仰祈

聖鑒事竊_臣於光緒七年十二月初八日奏保隨帶出洋員并

光緒八年四月初六日遞回原摺後開軍機大臣奉

旨依議欽此嗣於光緒八年八月初五日承准總理各國事務

衙門咨開准吏部咨稱出洋隨帶各員請獎查明具奏一摺光

緒八年五月二十四日奉

旨依議欽此鈔錄吏部原奏准駁清單咨行查照前來據吏部

原奏內稱道銜候選郎中陳遠濟請免選郎中以知府不論雙

單月歸部儘先選用并換三品銜應令該大臣查明該員候選

奏疏卷五

五

郎中之案是否另案保獎俟覆奏後再行核辦等因_臣查駐英

贊參官陳遠濟由附貢生報捐候選通判保舉以同知不論雙

單月歸部前選光緒四年九月在直隸晉賑捐局改捐郎中雙

月選用并加道銜經_臣奏調出洋派為駐紮英國參贊官隨_臣

辦理一切交涉事宜極為得力七年十二月三年期滿奏保免

選郎中以知府不論雙單月歸部儘先選用并換三品銜今既

經吏部奏稱應查明該員何項郎中之案俟覆奏後再行核辦

等語自應由_臣將該員前後捐保各案分別查明聲敘合無仰

懇

聖恩俯准_臣前請仍將道銜候選郎中陳遠濟免選郎中以知

府不論雙單月歸部儘先選用并

賞換三品銜之處出自

高厚鴻慈又查吏部原奏內稱內閣候補中書聯興請以知縣分發省分儘先補用并加五品銜該員所請獎敘雖非應升之階查係出洋異常勞績且未越級上年該大臣奏獎工部主事慶常請補缺後以知州歸部卽選照准在案聯興一員應卽查照辦理等因臣查聯興係由總理衙門同文館學生已保京職人員臣於光緒四年十月奏調出洋派充法文繙譯官往來法國俄國當差嗣屆三年期滿臣因吏部奏定新章出洋人員一議不准保舉京職是以按照中書對品改保知縣誠如吏部所

奏疏卷五

六

核并非該員應升之階也茲據該員稟稱將來期滿回華仍願回同文館當差懇將前保知縣更正等情臣伏查上年七月初八日承准總理衙門鈔咨准吏部議覆出使隨員保獎章程一案聲明如係總理衙門同文館學生業已保升京職人員應准於每案酌保一二員仍不准保無論題選咨留字樣以示限制等因該員此次獎案既據吏部聲明援照工部主事慶常核准之案辦理自係補中書缺後以知縣分發省分補用是該員本班中書并未過班核與續奉吏部奏定同文館學生准保京職一二員之案相符自應由臣聲明更正仍照京職保獎庶於吏部及總理衙門原奏儲才待用之意情形相合擬請將內閣候

補中書聯興部議知縣之案註銷并將所保五品銜一併註銷改爲免補中書以應升之內閣侍讀遇缺卽補以昭激勸又查吏部原奏內稱員外郎銜候選中書科中書楊文會請給四品封典查奏定章程京官著有勞績准照加級奏請

封典今楊文會原保單內并未聲敘該員加級所請四品

封典核與定章不符應令另核奏明請獎等因臣查吏部奏定

章程既須加級請封自應遵照辦理擬請將員外郎銜候選中

書科中書楊文會

賞加隨帶三級并仍

賞給四品封典如蒙

奏疏卷五

七

俞允應請

飭下吏部查照辦理所有出洋參贊繙譯等員遵照部議分別

查明請獎緣由謹恭摺具陳伏乞

皇太后

皇上聖鑒訓示謹

奏

請 獎兩次之期滿繙譯官疏 甲申閏五月十八日

奏為出洋繙譯官二員已屆二次三年期滿援案請獎恭摺具陳仰祈

聖鑒事竊 臣承准總理各國事務衙門鈔咨奏定章程出使各國大臣所帶人員隨同出洋以三年為期期滿奏獎又查吏部議覆出使隨員保獎章程摺內聲明如係同文館學生業已保升京職人員應准於每案酌保一二員仍不准保無論題選咨留字樣以示限制等因於光緒八年五月初八日奉

旨依議欽此先後咨行欽遵到 臣查 臣處各員中有先換頂戴不論雙單月歸部即選知府戶部儘先即補郎中聯芳於光緒

奏疏卷五

八

四年三月二十五日行抵巴黎派充三等法文繙譯官光緒七年七月改充二等繙譯官是年十一月派充署理駐俄參贊官又四品頂戴員外郎銜補缺後以知州不論雙單月歸部即選工部遇缺即補主事慶常於光緒三年十一月十五日行抵德國派充三等法文繙譯官嗣經前出使俄國大臣崇厚奏調赴俄改充二等繙譯官 臣奉

命兼使俄邦復飭該員兼駐俄法兩國辦理法文緊要公務本年正月飭委署理駐法參贊官該二員扣至上年十一月十五日及本年三月二十五日已屆二次三年期滿前據該員等稟請銷差 臣批飭甯洋差遣以資臂助先後咨明總理衙門查

核在案伏查聯芳慶常二員均係同文館學生經總理衙門奏派出洋隨 臣辦理交涉一切事宜供差六載盡力宣勤不辭勞瘁實屬異常出力茲屆二次三年期滿自應援案請獎以昭激勸 臣查聯芳此次請由京職改保外官本於吏部定章相符其慶常業已保升京職人員據稱將來期滿回華仍願回總理衙門同文館當差核與吏部議覆摺內准於每案酌保京職一二員之案相符自應由 臣聲明仍照京職保獎庶於吏部及總理衙門儲材待用之意情形相合無仰懇

奏疏卷五

九

聖恩俯准將先換頂戴不論雙單月歸部即選知府戶部儘先即補郎中聯芳免補郎中仍以知府歸部遇缺儘先即選并賞加三品銜四品頂戴員外郎銜補缺後以知州不論雙單月歸部即選工部遇缺即補主事慶常免補主事仍以工部員外郎遇缺即補并

賞加隨帶三級之處出自

高厚鴻慈所有出洋繙譯官二員已屆二次三年期滿援案請獎緣由謹恭摺具陳伏乞

皇太后

皇上聖鑒訓示謹

奏

交卸法篆謝 恩疏 甲申閏五月十八日

奏為叩謝

天恩仰祈

聖鑒事竊 臣於光緒十年閏五月初八日承准總理各國事務衙門咨開光緒十年四月初四日奉

上諭二品頂戴升用翰林院侍講許景澄著充出使法國德國並義和奧三國欽差大臣未到任以前出使法國欽差大臣著李鳳苞兼署欽此 臣跪聆之下感悚難名謹即恭設香案望闕叩頭謝

恩訖先是總理衙門於四月初四日恭錄

奏疏卷五

十

諭旨摘要電知並於電尾聲明俟接任大臣到法 臣即交卸駐法之任仍專辦英俄使事等因適兼署使法大臣李鳳苞初七日行抵巴黎 臣遵電備文知會法國外部並將歷年駐法經手文卷及使署一切公事清理移交旋准外部允許接待署任公使之覆文李鳳苞即與外部尚書會晤作為到任 臣亦往伯理璽天德暨外部尚書兩處辭行於四月十七日自法回英供職均經電咨總理衙門查照伏念 臣秉委樞昧任事難疏承乏三邦歷時五載折衝無術難折強鄰陰狡之謀專對非才莫宣聖代懷柔之德既補苴之罔效惟謹黜之是宜荷蒙聖量淵油

睿明洞照知 臣材之不逮

命卸仔肩鑒 臣志之靡他

詔留故節仍縮雙符於兩國俾終再任之三年

恩眷自天悚惶無地 臣惟有恪恭匪懈勉周諮冀圖薄報於涓埃用答

殊恩於高厚所有 感激下忱理合繕摺叩謝

天恩伏乞

皇太后

皇上聖鑒訓示謹

奏

奏疏卷五

十一

請 卹病故參贊官陳遠濟疏 甲申六月二十五日

奏為出洋贊參官積勞病故籲懇

天恩飭部從優議卹恭摺仰祈

聖鑒事竊三品銜儘先卹選知府陳遠濟於上年 駐紮巴黎

之時照例代理駐英使事 臣因該員熟諳公法慮事精深囑令

兼辦駐法使署緊要公務繪畫地圖繙譯新報勤勞過度寢饋

失時漸成痰喘咯血怔忡心痛之疾本年入春以來所患時增

時減五月中旬逐日增劇仍照常料理公事然病入膏肓中西

藥餌毫無應效至六月初五日因病出缺 臣飭駐英各官妥為

照料并派專員護送其喪回籍安葬查陳遠濟係湖南茶陵州

奏疏卷五

十二

人原任安徽池州府知府殉難廬州陳源堯之次子聰明彊記

過目不忘十五歲入州學前任湖南學 臣張金鏞深加器重稍

長博覽羣書聲明蔚起自言忠盡之裔必須敦品勵節立功揚

名乃為無忝所生遂赴閩省投效軍營於防勦邵武府屬克復

漳州府龍巖州暨肅清全閩各案內經大學士左宗棠前任福

建巡撫徐宗幹以累功保舉同知不論雙單月歸部卹選光緒

四年九月在直隸晉賑捐局改捐郎中雙月選用并加道銜是

年冬間隨 臣出洋派充駐英二等參贊官酬應主國官紳考核

中西例案辦理一切交涉事宜鉅細兼綜毫無貽誤光緒六年

夏間 臣奉

命兼使俄邦陳遠濟雖駐英倫然於使俄商辦之務細心探討

知無不言緩則稟函急則電信隨時條陳皆中窾要其時北洋

大臣李鴻章奏派記名提督丁汝昌洋員葛雷森來英驗收揚

威超勇快船兩艘 臣飭陳遠濟就近照料該守親赴紐喀塞爾

阿摩斯莊船廠逐日偕同英國海部官員分別勘驗添換機器

精益求精李鴻章曾經奏保該員以驗船之功歸之適值該員

在洋三年期滿經 臣奏保以知府歸部不論雙單月儘先卹選

并加三品銜欽奉

諭旨允准在案伏查陳遠濟學識宏通志節貞介文章經濟兼

擅其長凡天文算學輿地山川以及條約公法交涉之宜電綫

奏疏卷五

十三

火輪舟車之用罔不鉤深索隱推求本末在洋五年英法俄三

館人員暨英國官紳皆敬佩之每發一言切當事理不為新奇

高遠之論而精明透關自足以超邁等倫 臣前遵

諭旨保薦人材將該守登列刻章蓋惟知之最深謬附古人以

人事君之義推其才識擴而充之倘天假之年更經歷練實足

以肩荷重任共濟時艱 臣忝膺使節正賴二三同志相與匡 臣

不逮今陳遠濟年甫四十二歲遽因積勞致病歿於西洋實堪

惋惜除將派員妥送暨照章發給歸裝等事咨呈總理各國事

務衙門查照外合無籲懇

天恩俯准將駐英二等參贊官三品銜儘先卹選知府陳遠濟

照軍營立功後病故例

飭部從優議卹以彰忠盡而資觀感之處出自

逾格鴻慈謹恭摺具陳伏乞

皇太后

皇上聖鑒訓示謹

奏

奏疏卷五

十四

懇 留新嘉坡領事疏 甲申七月十三日

奏為領事官任期屆滿懇

恩留洋接辦以資熟手恭摺仰祈

聖鑒事竊據新嘉坡領事官四品銜分省儘先補用通判左秉隆稟稱自光緒七年八月初三日領憑到任至本年八月初三日已屆三年任滿理合先期稟報懇請派員接辦等情前來查英屬新嘉坡一島地當南洋衝要東接香港西貢西連印度錫蘭聲息相通各國商船兵輪往來會集英人既竭力經營華民之經商寄寓者亦日臻繁盛該處領事有聯絡邦交保護民商之責非諳練洋務深悉地方情形之員不足以資鎮撫左秉隆

奏疏卷五

十五

在坡三年竭力整頓於前任領事胡璇澤之積弊補救多端清理華洋訟案勸諭富商捐資設立義塾獎掖紳民因應得宜操持不苟不惟華民愛戴即各國駐彼官紳皆敬佩之伏查中國初設新嘉坡領事官派胡璇澤充補之時頗有遷就英人之意臣前於光緒七年春間與英外部面商多次派左秉隆由使署官員前往充補乃始收得中國自派領事之權此次左秉隆三年期滿例應由臣揀員充補臣再四思維求如左秉隆之熟悉該洲情形能自樹立者一時實難其選該員原係隨臣出洋充當英文繙譯能通英國語言文字律例規條又係駐防廣東漢軍於新州流寓閩粵人民言語性情易於通曉以之畱任領事

實屬人地相宜合無仰懇

天恩俯念員缺緊要仍准以左秉隆畱充新嘉坡領事官以資

熟手之處出自

高厚鴻慈除咨呈總理各國事務衙門查照外謹恭摺陳請伏

乞

皇太后

皇上聖鑒訓示謹

奏

奏疏卷五

十六

軍機處存記謝 恩疏 甲申七月十五日

奏為恭謝

天恩仰祈

聖鑒事竊 臣恭閱邸鈔伏讀閏五月十九日

上諭左宗棠奏遵旨保薦人才一摺都察院左副都御史曾紀

澤著交軍機處存記等因欽此 臣跪讀之下恐懼莫名伏念 臣

初承門蔭濫襲前勳叨荷

國恩忝持使節賦皇華之役馳驅周歷乎三邦懷集木之懷戰

栗常縈於五內得躋蟬冕金璫之列已媿豸冠鐵柱之班自維

材質疎庸毫無建樹忽被

奏疏卷五

十七

恩榮優渥益切慚愧在樞臣汲引為懷或聽虛聲而誤採冀

聖主權衡至當不容倖進之濫膺况當

國事方殷時艱孔亟非才兼文武不足以寄安危非道裕經權

未可與言匡濟如 臣白望祇懷素餐叨存已記之名蒙

殊眷於高天厚地自矢將來之效竭愚忠於墜露輕塵所有 疊

感悚下忱理合繕摺叩謝

天恩伏乞

皇太后

皇上聖鑒謹

奏

補授兵部右侍郎謝 恩疏 甲申十二月十八日

奏為叩謝

天恩仰祈

聖鑒事竊臣恭閱邸鈔光緒十年十月初三日奉

上諭兵部右侍郎著曾紀澤補授未到任以前仍著徐用儀兼

署欽此先是總理衙門於十月初四日恭錄

諭旨由電知照到臣跪讀之下感悚莫名當即恭設香案望

闕叩頭謝

恩訖現接鈔報恭讀

恩旨理合具摺叩謝

奏疏卷五

十八

天恩伏念臣持節六年無功使事濫竽九列有愧卿班疊荷

高大厚地之恩慚無墜露輕塵之報茲復承

殊榮於

北闕佐掌政於西曹

天眷頻膺臣心倍慄兵部古稱繁要明九濶以整六師侍郎職

在簡精辨五兵而條八事自維庸陋恐負

生成惟有利版勦滿益加驅勉考軍儲而思諸記師古坐曹

治事之臣慎武選以贊

郵隆留心有勇知方之士矢千百愚柔之效酬

九重特達之知所有感激下忱謹繕摺叩謝

天恩伏乞

皇太后

皇上聖鑒謹

奏

奏疏卷五

十九

出使期滿再留半年謝 恩疏 乙酉二月十三日

奏為恭謝

天恩仰祈

聖鑒事竊 臣於光緒十年十二月初九日承准總理各國事務衙門電稱本日奉

旨會紀澤鄭藻如出使均屆期滿惟法事未定會紀澤現駐倫敦等處聲息相通辦理得宜鄭藻如於各國情形亦頗熟悉均著暫留半年以資得力欽此恭錄

諭旨山電知照到 臣謹即恭設香案望闕叩頭謝

恩訖比因電碼微有錯誤函囑電局逐站詳加查校本年二月

奏疏卷五

二十一

初七日始據該局將原碼函封到英現將誤字校改理合具摺

叩謝

天恩伏念 臣駑駘下質樛樛材蕝英俄兩國之庭實素餐而

尸祿辦法越連年之案尤有過而無功零雨聲塵撫歲月而念

受

恩之重薄冰如履歷憂危而思報最之難茲值六年屆滿之時

復承半載暫留之

命誦

綸旨之遠降顧繇力以何堪

國家富多事之秋懸矢思柔於已千已百旃節本非常之任渥

膺

榮寵而至再至三 臣惟有登勉靖共倍加惕勵效馳驅而諮謀

諮度思報

九重特達之知聯疏迭以來享來王冀臻四海會同之盛所有

疊感激下忱謹繕摺叩謝

天恩伏乞

皇太后

皇上聖鑒謹

奏

期滿員弁留洋差遣緣由片 同日

奏疏卷五

二十一

再分駐英俄兩國員弁大半於上年十二月間已屆二次三年

期滿本應遵照總理衙門奏定章程准予銷差惟 臣仰蒙

恩命暫留半年該員弁等或專駐一國或隨 臣往來英俄兩國

均有經手要務前據該員弁等稟請銷差經 臣批飭暫行留洋

差遣除該員弁等應得獎敘由 臣另案

奏請外所有期滿各員弁留洋差遣緣由謹附片具陳伏乞

聖鑒謹

奏

請 獎期滿員弁疏 乙酉三月十五日

奏爲出洋員弁期滿請獎恭摺具陳仰祈

聖鑒事竊 臣 承准總理各國事務衙門咨鈔奏定章程出使各國大臣所帶人員隨同出洋以三年爲期期滿奏獎又查吏部奏定章程凡出使隨帶各員請獎仍照異常勞績准保免補免選以應升之外官補用選用不得越級如係同文館學生業已保升京職人員應准於每案酌保一二員仍不准保無論題選咨開字樣以示限制等因先後奉

旨依議欽此 臣 查駐紮英俄兩國各員弁現屆第二次三年期滿者內有留英差遣三等法文繙譯官聯興經前兼署使法大臣李鳳苞附片奏保欽奉

奏疏卷五

二十二

諭旨允准咨行欽遵有案又花翎儘先補用副將丁華容前准江海關道邵友濂電稱爾於兩江當差該副將在洋將屆期滿應得獎敘經 臣 咨請南洋大臣曾國荃就近察核酌量保奏除以上二員及續調出洋未經期滿人員不應於此次獎案開列外其俄文三等繙譯官桂榮上年雖准總理衙門電飭回京當差然連閏核計該員在洋亦屆第二次三年期滿自應歸入此次分駐英俄期滿人員案內由 臣

奏保以昭核實其餘各員計自光緒四年十二月初八初九等日到國當差扣至十年十二月初七初八等日止均屆第二次

三年期滿前據該員等稟請銷差適 臣 仰蒙

恩命暫留半年是以批飭各該員暫行留洋差遣於本年二月十三日附片陳明并先後咨呈總理衙門督核在案伏查該員弁等遠涉重洋供差異域持躬均屬謹慎造就頗有可觀其於職分應辦之事亦屬盡心竭力不憚煩勞毫無貽誤自應由 臣 按照吏部奏定章程分別核獎謹分繕清單恭呈 御覽合無仰懇

天恩俯准獎敘以勵人材而資觀感之處出自

高厚鴻裁所有分駐英俄兩國員弁已屆第二次在洋三年期滿分別請獎緣由謹恭摺具陳伏乞

奏疏卷五

二十三

皇太后

皇上聖鑒訓示謹

奏

遵 旨議煙臺續增專條及先後辦理情形疏 乙酉七月初一日
奏為煙臺條約中洋藥稅釐併徵一節遵

旨與英國外部議定續增專條謹將畫押蓋印日期及先後辦理情形恭摺密陳仰祈

聖鑒事竊 臣於光緒九年三月初十日承准總理各國事務衙門咨開奏請

特派使大臣與英外部商辦洋藥事宜一摺奉
旨另有旨欽此恭錄

諭旨鈔錄原奏咨行欽遵同日承准軍機大臣字寄光緒九年正月十二日奉

奏疏卷五

二十四

上諭總理各國事務衙門奏請飭出使大臣商辦洋藥稅釐事宜一摺洋藥稅釐併徵載在煙臺條約延擱數年迄未開辦迭經該衙門與英使威妥瑪商議總以咨報本國為詞藉作延宕地步該使現已回國著特派會紀澤辦理洋藥稅釐併徵事務該大臣洞達事體向能力持大局務將此事查照該衙門節次電函與英外部妥為商辦期在必成如李鴻章前議一百一十兩之數併在進口時輸納即可就此定議仍著該大臣酌度情形力與辯論其應如何酌定防弊章程設立稽徵總口之處均由該大臣與英外部商定後報明該衙門咨行南北洋大臣詳議核辦洋藥流毒多年自應設法禁止英國現有禁煙善會頗

以洋藥害人為恥該大臣如能乘機利導聯絡會紳與英外部酌議洋藥進口分年遞減專條期於逐漸設法禁止尤屬正本清源之至計并著酌量籌辦將此諭令知之欽此遵
旨寄信前來仰見我

皇太后

皇上軫念惻隱維持習俗既思裕課通商之計仍以振民育德為心覽讀之餘莫名欽感先是 臣於光緒八年秋間接准總理衙門七月初三日函稱洋藥加稅一事屢與威使商酌迄未就緒嗣因北洋大臣李鴻章議於正稅之外加徵八十兩統計釐稅一百一十兩威使加至百兩之語并據照會已咨本國倘外

奏疏卷五

二十五

部詢及即望與其酌議自仍抱定一百一十兩一層辦理如能就範自屬妙妙倘彼堅執不稍轉移或我示以大方即照威使百兩之議辦理此事即可定局嗣准該衙門光緒九年四月初五日函稱威使原允百金如不能議加中國亦祇可俯從內地免釐自應切實擔承酌議辦法拆包零賣即未便另收稅項土煙釐金亦須酌加決無偏抑洋藥之理惟土煙成本既輕難與洋藥一律且此層亦關係中國自主即各國科稅往往重於客而輕於土勢不能以柄授人措詞應留地位等因伏查洋藥稅釐併徵一案曾經前任駐英出使大臣郭嵩燾與前任英國外部尚書侯爵沙力斯伯里面商擬收每箱釐金銀六十兩合正

稅共銀九十兩沙力斯伯里堅執不允又經原任直隸總督張
樹聲與英商沙苗商議承攬之法合計正稅釐金共一百兩經
總署王大臣議駁并於覆奏摺內聲明將來英國如果自願設
立總商承辦屆時應如何議定稅釐併徵確數再行奏明辦理
等因其時英廷既不以沙苗承攬爲然亦不允照沙苗所擬章
程中百兩之數沙苗一案遂亦作爲罷論 臣思大學士左宗棠
奏請洋藥稅釐併徵一百五十兩之議原非專爲稅釐起見實
欲藉擡洋藥價值使民間吸食漸少其後數處商議陸續跌至
百二十兩百一十兩一百兩九十兩紛紛不一及 臣遵

奏疏卷五

二十六

督等商論之時或具分條節畧或與逐條面談該外部援引前
說力爭數目久而未定禁煙會紳屢發莊論責以大義外部始
允加至一百零五兩 臣恪遵
諭旨仍未敢遽行鬆口最後乃爭得一百一十兩之數本年二
月准該外部允照一百一十兩之議開具節畧咨送前來并據
照會聲明專條既定如中國不能令有約各國一體遵照英國
卽有立廢專條之權等因外部始欲將此意載入專條經 臣爭
之再四乃改辦照會查總理衙門光緒九年四月初五日來函
卽稱如議定併徵稅釐章程不患各國不允 臣愚蒙之見亦以
爲英國約章既定之後在我儘可將各國未向海口照章納釐

之洋藥准其進口而加重內地釐金務使各國不能不遵英約
本非其難之事然各國不遵英即廢約之語如徑載入約內誠
恐各國串通挾制抑或藉此市惠希圖別項利益 臣所以力爭
不肯載入約中也 臣細查所送之節畧卽係商定之約稿其首
段限制約束之語先經屢次爭論乃得寫入專條緣逐年遞減
之說印度部尙書堅執不允據印度部侍郎配德爾密告 臣處
參贊官馬格里云照專條辦法印度每年已減收稅課英金七
十餘萬磅中國欲陸續禁減洋藥入口惟有將來陸續議加稅
金以減吸食之人而不能與英廷豫商遞減之法蓋印度種煙
之地未盡隸屬於英英廷雖允遞減亦無權力見諸施行等語

奏疏卷五

二十七

臣知英吉利係君權有限之國該侍郎所稱無權力見諸施行
者係屬實情遂未堅執固爭而請外部於專條首段加入於行
銷洋藥之事須有限制約束之意一語以聲明此次議約加稅
之旨而暗伏將來修約議加之根至如何酌定防弊章程設立
稽徵總口之處查煙臺條約第三端第五節原有由英國選派
領事官一員由中國選派平等官一員由香港選派英官一員
會同查明核議定章總期於中國課餉有益等因 臣於此次所
訂專條第九款又復聲明前說將來派員商定自不難安立章
程嚴防偷漏其餘各條核與疊准總理衙門函電囑辦之意情
形相同比卽摘要電請核議代奏旋於五月初二日承准該衙

門復電洋藥事即照議畫押遵

旨電達等因維時適當英外部尚書伯爵葛蘭斐爾退位前外部尚書侯爵沙力斯伯里推為英國首相仍兼外部尚書之任該尚書即係堅拒前出使大臣郭嵩燾稅釐九十兩之議者

臣恐事有中變疊次催請訂期畫押該外部忽稱印度部因內閣學士周德潤奏參鳳陽關違例收稅一摺索

臣文據擔保此次所訂專條不致為官吏所壞卒致不行等語

臣復向外部辯說最後具牘聲明條約既定不至有例外之勒索照覆去訖始准該外部六月初三日來文定期初七日畫押

奏疏卷五

二十八

續增條約專條漢文英文各二分校對清楚互相畫押蓋印此先後辦理茲案之大畧情形也伏念

臣以菲材膺茲重任深懼措施失當上負天恩茲幸英外部克如所議按此次所訂條約除第二條稅釐併徵數目恪遵

諭旨議得百一十兩外又於第五條議得洋藥於內地拆包零售仍可抽釐是內地并未全免稅捐將來若於土煙加重稅釐以期禁滅則洋藥亦可相較均算另加稅釐至總理衙門函稱土煙加稅措詞應留地位一層

臣於專條中并未提及土煙加稅之說以保我中國自主之權凡此皆仰蒙

聖訓指授機宜許

臣以酌度情形妥為商辦加以總理衙門王大臣平心體察函電周詳俾

臣有所遵守是以英國廷臣雖經疊次更易終得就我範圍也除將此次繕寫煙臺條約正本暨

臣與英國外部議定續增專條漢英文各一分飭派隨員候選知府李炳琳齎呈總理衙門覆核具

奏疏卷五

二十九

皇太后

皇上聖鑒訓示謹

奏

曾惠敏公奏疏卷六 乙酉七月初一日
訖已丑八月初七日

恭 進煙臺條約册片 乙酉七月初一日

奏為督 臣 前與英國使臣議訂條約暨 督 新與英國外部議訂

續增專條謹合繕成册派員齎呈恭摺仰祈

聖鑒事光緒二年七月二十六日大學士直隸督 臣 李鴻章奉

命在煙臺與英國使臣威妥瑪議定條約各款內有洋藥稅釐

併徵一節未定數目光緒九年正月十二日奉

上諭著特派曾紀澤辦理洋藥稅釐併徵事務該大臣洞達事

體向能力持大局務將此事查照該衙門節次電函與英外部

妥為商辦期在必成如照李鴻章前議一百一十兩之數併在

奏疏卷六

進口時輸納即可就此定議等因欽此 臣 奉

旨之後與英國外部詳細商論現已遵

旨議定洋藥每箱稅釐共徵銀一百一十兩併在進口時輸納

由海關給與憑單運往內地無須再完稅項至貨包開拆之後

如有應納稅捐等項當與土煙價值相較均算以昭平允所有

洋藥稅釐併徵辦法及憑單式樣均於續增專條中分條聲明

合將大學士直隸督 臣 李鴻章前與英國使臣威妥瑪在煙臺

議訂之條約暨 督 此次與英國外部議訂之續增專條合繕成

册飭派隨員候選知府李炳琳齎至京師由總理衙門代為恭

進伏候

聖裁除咨呈總理衙門外謹繕摺具陳伏乞

皇太后

皇上聖鑒訓示謹

奏

奏疏卷六

二

請 獎續調期滿人員疏 乙酉十月初六日

奏為出洋期滿人員照章請獎恭摺具陳仰祈

聖鑒事竊臣承准總理各國事務衙門鈔咨奏定章程出使隨帶人員以三年為期期滿奏獎又查吏部奏定章程凡出使隨帶各員請獎仍照異常勞績准保免補免遷以應升之外官補用選用不得越級等因先後奉

旨依議欽此臣查續調出洋人員中現屆三年期滿者內有同知銜陝西候補班前儘先補用知縣賀慶銓經臣飭調出洋於光緒八年七月二十七日奏請派充駐英隨員辦理文案管理支應總核三國使署匯款欽奉

奏疏卷六

三

諭旨依議欽此該員旋於光緒八年九月十六日到差又候選八品筆帖式駐防廣州正黃旗漢軍文生員左棠經臣咨商前任廣州將軍長善飭赴新嘉坡隨同駐紮該洲領事官左秉隆幫辦公務光緒八年秋間飭委代理領事隨員於九月初九日奉文到差十年七月初三日奏請充補斯缺欽奉

諭旨該衙門知道欽此又供事程子箴經臣札調出洋於光緒八年五月初一日到差派充駐法供事繕寫文牘十年四月臣

奉旨交卸使法之任前兼署使法大臣李鳳苞飭令照舊當差嗣因裁撤法館復飭留英幫繕各項鈔檔均先後咨呈總理衙門

查核在案伏查賀慶銓於本年九月十五日左棠於本年九月初八日程子箴於本年四月三十日先後均屆三年期滿前據該員等稟請銷差經臣批飭暫留差遣俟接任大臣劉瑞芬行抵西洋再定去留臣查賀慶銓接物和平辦公勤敏頗有識解尤精勾稽左棠文理優長辦事謹慎程子箴盡力宣勤毫無貽誤該員等在洋三年均屬異常出力自應由臣按照吏部奏定章程分別核獎以昭激勸合無仰懇

聖恩俯准將同知銜陝西候補班前儘先補用知縣賀慶銓免補知縣以直隸州知州仍留陝西歸候補班前儘先即補并賞加知府銜并將候選八品筆帖式駐防廣州正黃旗漢軍文

奏疏卷六

四

生員左棠免選筆帖式以縣丞不論雙單月歸部即選并賞加州同銜供事程子箴亦以縣丞不論雙單月歸部即選并賞加州同銜之處出自

高厚鴻慈所有續調出洋人員已屆三年期滿照章請獎緣由謹恭摺具陳伏乞

皇太后

皇上聖鑒訓示謹

奏

對辦海軍事務謝 恩疏 乙酉十一月十七日

奏為恭謝

天恩仰祈

聖鑒事竊 臣 恭讀邸鈔九月初六日欽奉

慈禧端佑康頤昭豫莊誠皇太后懿旨前因海防善後事宜關係軍大諭令南北洋大臣等籌議具奏嗣據該大臣等各抒所見陸續陳奏復經諭令軍機大臣總理各國事務衙門王大臣會同李鴻章妥議具奏并令醇親王一併與議茲據奏稱統籌全局擬請先從北洋精練水師一支以為之倡此外分年次第與辦等語所籌深合機宜著派醇親王總理海軍事務所有沿

奏疏卷六

五

海水師悉歸節制調遣并派慶郡王奕劻大學士直隸總督李鴻章會同辦理正紅旗漢軍都統善慶兵部右侍郎曾紀澤幫同辦理現當北洋練軍伊始即著李鴻章專司其事其應行創辦籌議各事宜統由該王大臣等詳慎規畫擬立章程奏明次第與辦欽此仰見

皇太后

皇上睿慮周詳

聖謨闡遠博采經武整軍之議深維戢兵禁暴之規慎簡親賢俾資節制旁遵卿貳用贊指揮斯誠赫業之全圖安攘之至計願以 之庸聞忝蒙

寵命之優加跪讀之餘悚惶靡已謹即恭設香案望

闕叩頭謝

恩訖伏念 臣 賦性雖久駑鈍無能充使 臣 而勉效馳驅於防務實未嘗諳練竊見製船造礮誠澤國所專長方今禦侮折衝唯海軍為最要自維謏陋恐負

生成 臣 惟有隨處慎勤多方學習乘

廟堂之勝算贊樞府之大猷冀答

高天厚地之恩勉圖墜露輕塵之報所有 感激下忱理合繕

摺叩謝

天恩伏乞

奏疏卷六

六

皇太后

皇上聖鑒謹

奏

請 獎期滿人員疏 丙戌三月初六日

奏為出洋期滿人員援案請獎恭摺仰祈

聖鑒事竊 臣 承准總理各國事務衙門鈔咨奏定章程出使各

國大臣所帶出洋人員以三年為期期滿奏獎 臣 處奏派分駐

英俄兩國人員前屆初次再次三年期滿者經 臣 先後具摺奏

懇

聖恩分別獎敘聲明續調各員俟屆期滿之時再行核辦查文

報局員鹽運使銜直隸候補知府黃建筦江蘇候補班前補用

知府黃惠和等分駐天津上海接遞東西兩洋文電雖經又屆

三年惟前兩次期滿獎案係由津海江海兩關道就近詳請南

奏疏卷六

七

北洋大臣會覈具奏此次黃建筦等第三次三年期滿應得獎

敘自應仍由津海關道周馥江海關道邵友濂就近詳請南北

洋大臣酌核具奏以符原案又查光緒八年冬間接准前署兩

廣督 臣 曾國荃前廣東撫 臣 裕寬先後咨稱委派三品銜遇缺

前先卸選知府蔡錫勇在於廣東省城設立文報局接遞出使

各國大臣往來文電於光緒八年十月初六日開局等因按蔡

錫勇接遞外洋文電計自光緒八年十月初六日開局起扣至

上年十月初六日已屆三年期滿該員如何獎敘亦應由 臣 分

咨兩廣督 臣 張之洞廣東撫 臣 倪文蔚就近酌覈具奏除以上

文報局員不於此次獎案開列外查有駐英二等參贊 臣 馬格

里三等參贊官鳳儀隨員兼英文繙譯官張斯栒三員於光緒

二年十二月初八日到差隨 臣 兼駐英俄兩國三等參贊官李

荆門於光緒三年三月十八日到差該四員扣至上年十二月

初八日及本年三月十八日已屆第三次三年期滿又駐俄三

等參贊官楊書霖雖於光緒八年七月十九日行抵巴黎比查

該員前在湖南新化縣教諭任內丁憂尚未服闋經 臣 於是年

七月二十七日奏明應俟該員於光緒九年正月二十三日服

闋之時方予起資欽奉

諭旨依議欽此又學生曹恩浩於光緒九年四月初五日到差

經 臣 飭派學習畫圖繕寫函牘該三員扣至本年正月二十三

奏疏卷六

八

日及四月初五日已屆三年期滿又武弁陳祝華於光緒六年

四月二十七日經 臣 派充武弁扣至本年四月二十七日亦屆

二次三年期滿該員等或專駐一國或隨 臣 往來兩國辦理漢

洋文牘酬應主國官紳均能盡心竭力不憚辛勤毫無貽誤自

應由 臣 按照吏部申明章程分別核獎謹繕具清單恭呈

御覽合無仰懇

天恩俯准分別獎敘以勵人材而資觀感之處出自

高厚鴻慈所有期滿人員援案請獎緣由理合恭摺具陳伏乞

皇太后

皇上聖鑒訓示謹 奏



交卸英國事務疏 丙戌四月初三日

奏為恭報 謹遵

旨先行交卸出使英國事務恭摺具陳仰祈

聖鑒事竊 臣於光緒十一年八月十七日承准總理各國事務

衙門王大臣咨開光緒十一年六月十六日奉

上諭江西布政使劉瑞芬著派充出使英國俄國欽差大臣曾

紀澤著回京供職欽此本年三月二十一日復准總理各國事

務衙門王大臣電稱本日奉

旨劉瑞芬已到馬賽著先赴英接任曾紀澤將經手事宜詳晰

告知即行回華存緬英既未允所商分界各節關係綦重俟會

奏疏卷六

九

紀澤到京後面加垂詢再行定議欽此 臣跪讀之餘莫名欽感

比即恭錄電

旨轉電馬賽劉瑞芬旋於三月二十五日行抵英倫 臣謹將歷

年駐英經手文卷及使署書籍什物器具清理移交於光緒十

二月四月初三日派四等繙譯官知府銜候選直隸州知州王

世綬恭齋駐英出使大臣關防一顆交劉瑞芬祇領任事查劉

瑞芬應俟呈遞駐英

國書之後乃能定期赴俄屆時 臣將出使俄國事務妥為移交

再行另摺陳

奏所有 謹遵

旨先行交卸出使英國事務緣由理合繕摺叩謝

天恩伏乞

皇太后

皇上聖鑒再奉

頒駐英

敕書俟 臣行抵京師再行恭繳總理各國事務衙門核收合併

陳明謹

奏

游觀英德兩國製造局廠緣由片 同日

再 臣於本年正月二十八日承准總理各國事務衙門王大臣

奏疏卷六

十

電稱德國駐京公使欲 臣於交卸回華之時便道經過德都閱

看彼國海軍槍械等件囑 臣自酌便否等因二月二十六日有

德國駐英公使伯爵哈子斐爾德遣派參贊官伯爵美塔尼克

前來使署言德國皇帝暨德國首相畢斯馬爾克王均望 臣於

回華之前得至該國與其君相晤談而德國駐英公使正在溫

則行宮謁見英國君主是以未及自來傳述該國君相之意特

遣該參贊前來代達等語伏查西洋各國水師之強以英為最

陸軍之強以德為最游觀兩國之局廠本屬 臣之志願雖 臣材

驚鈍未必能有心得然或能稍購圖籍以備

朝廷之採擇似亦不無微益去秋即擬游歷英國有名各局廠



因緬甸之事未定常與英外部有所辯難不敢遠離倫敦茲擬於劉瑞芬到英接印之後臣即出遊英廠游學乃赴德國謁見其君相游觀其製造然後偕同劉瑞芬赴俄交卸使事臣游觀兩國局廠并於途間有謁見他國君相之事不能不於業經銷差之駐英員弁中選擇明白器械製造及能通語言文字之官弁數人作為幫辦海軍大臣之隨帶人員俟擇定之後再將銜名咨呈總理各國事務衙門王大臣查照所有臣於交卸駐英使事之後未交駐俄使事之前游觀英德兩國製造局廠緣由理合附片陳明伏乞 聖鑒謹

奏

奏疏卷六

十一

交卸俄國事務疏 丙戌七月十八日

奏為恭報臣交卸出使俄國事務恭摺具陳仰祈

聖鑒事竊臣於光緒十二年四月初三日交卸出使英國事務曾經奏明在案臣交卸之後游觀英德兩國製造局於七月初六日乃抵俄國森比德堡都城具文照會俄國外部十二日謁見俄君辭行十五日接任使臣劉瑞芬由英來俄臣即將歷年駐俄經手文卷及使署什物清理移交於七月十八日派參贊官廣東候補知縣李荆門恭齎駐俄出使大臣關防一顆交劉瑞芬祇領任事臣日內即當離俄往德補游廠局然後料理回華奉

奏疏卷六

十二

頌駐俄

敕書俟臣行抵京師再行恭繳總理各國事務衙門覈收伏念

臣張旌兩國持節八年本非應對之才更乏圓通之識幸賴

皇威有赫靖四海以無波欣看王會所編如眾星之拱

極臣濫承

精簡久役殊荒蒙

聖主施高天厚地之

恩俾臣遂就

日瞻

雲之願

鴻慈曲逮益戴難勝所有禮交卸出使俄國事務緣由理合繕
摺叩謝

天恩伏乞

皇太后

皇上聖鑒謹

奏

奏疏卷六

十三

游觀英德局廠情形片同日

再臣交卸駐英使事游觀英德兩國製造廠局會詳附片陳明
在案臣於四月初五日謁見英君辭行初七以後即出游各郡
廠局然因禮節之事亦屢次趕回倫敦一次英外部尚書勞德
伯力設宴款臣一次前任外部現任理藩院尚書格蘭斐爾茶
會請臣一次英君生辰外部宴各國公使臣雖卸篆該部仍請
臣與劉瑞芬同往與宴以示格外優待之意至臣所游廠局為
柏明邯城舍斐爾德城之製造各廠紐卡塞爾城之阿模士莊
船礮局蘇格蘭邦之依敦布拉都城格拉斯戈郡之製造各廠
坡爾斯茂次城之英國水師船埠查阿模士莊臣近遵電

奏疏卷六

十四

旨訂造鋼面穹甲快船二艘之局坡爾斯茂次即英國海部設
立船塢礮臺及陸續添製戰船之處以上各處游畢臣自覺奔
馳太急觸發怔忡舊疾飲食銳減睡臥不安遂從醫言憩息半
月五月二十日始復力疾出游里子城曼吉士塔城利法浦城
之製造各廠天時正暑廠內火氣薰蒸致臣所思各病又有翻
覆添患咽喉腫痛醫言喉痛甚危勸臣靜養乃於五月底馳至
英國東南海濱依士本地方調養二旬始漸痊可臣此次之病
來勢甚驟若具摺請假則祇奉

恩旨當在數月之後而前准總理各國事務衙門知照小事不
准發電是以未敢電奏乞假理合陳明六月二十以後游倫敦

附近之雅羅雷艇局亨佛利機器局此臣擇要游觀英國各郡
廠局及因病延緩之實在情形也英國廠局游畢臣於六月二
十五夜渡海二十六日過荷蘭境往德國南境吉星根地方會
晤德相畢斯馬爾克王二十八日馳赴柏鄰維時德皇在嘎斯
太音鄉養病不能見容命其太子克郎僕鄰士於七月初一日
代君接見於坡子濬行宮并設特宴初二以後臣出游士特低
恩城之佛爾鏗船局柏鄰都城之西門司電氣局刷子科夫魚
雷局額爾井城之施哥雷艇局汽鑪局查佛爾鏗即出使德國
大臣許景澄訂製立甲快船之局刷子科夫即臣訂製水雷以
供英廠近製快船所用之局德廠尚未游畢臣亟欲到俄交卸

奏疏卷六

十五

業務遂與德外部言定俟自俄旋德再行續游此臣經過德國
見其君相及游廠未畢之實在情形也臣所游各廠大半攜有
圖說將來帶呈海軍衙門可命譯官摘要譯成漢文以供采擇
所有舊遊觀廠局情形理合附片陳明伏乞

聖鑒謹

奏

奏刊木質關防片同日

再臣出使將近八年經手事件較多此次自洋回國沿途或有
與總理各國事務衙門海軍衙門北洋南洋大臣及各國駐紮
使臣各省督臣撫臣各關道員應行之文牘謹刊木質關防一

類文曰

欽差兵部左侍郎幫辦海軍大臣一等侯前出使大臣之關防
以備途中行用俟回京之日即行銷毀理合附片陳明伏乞
聖鑒謹

奏

奏疏卷六

十六

頒賞大小荷包謝 恩疏 丙戌十二月三十日

奏為恭謝

天恩事本月二十九日蒙

恩頒賞 舊大荷包六件小荷包一件敬謹祇領竊 臣職慙補袞

才愧治絲疊膺勦敵之

榮未展經綸之績茲復承

恩楓陛

錫賚荷蕤輝映文章叶黃中之元吉彰施締繡矢丹悃以懷慙

凡茲

異數之頒實荷

奏疏卷六

十七

非常之遇 臣惟有登圖黽勉常勵忠勤以仰答

高厚鴻慈於萬一所有感激下忱理合繕摺叩謝

天恩伏乞

皇太后

皇上聖鑒謹

奏

調補戶部右侍郎謝 恩疏 丁亥正月二十四日

奏為叩謝

天恩仰祈

聖鑒事本月二十三日內閣奉

上諭曾紀澤著調補戶部右侍郎兼管錢法堂事務欽此竊 臣

器類斗筭材榘樛櫟濫襄司馬微勞未效於纖塵邇佐祝鳩

殊眷復承夫

湛露伏念農部之勾稽匪易泉園之鼓鑄方殷自顧凡庸難酬

知遇 臣惟有倍加奮勵益勉靖共矢奉公潔已之愚忱贊利用

厚生之

奏疏卷六

十八

郵治以冀仰答

高厚鴻慈於萬一所有 臣感激下忱謹繕摺叩謝

天恩伏乞

皇太后

皇上聖鑒謹

奏

陳明遊擊汪席臣兼宗雙姓片 同日

再臣於光緒十年冬間接據花翎遊擊銜長江水師儘先補用都司汪席臣稟稱都司本鄧氏後裔世居湖南長沙府湘鄉縣地境乾隆初年都司高祖父與安徽徽州府歙縣汪姓合夥貿易將都司曾祖父鄧上拔承繼汪氏為子迨後本房由鄧姓承繼汪氏一支均雙姓鄧汪以示不忘所自都司胞伯鄧汪瓊由附生中式道光丙午科本省鄉試舉人榜名係屬雙姓鄧汪都司從兄舉人鄧汪度榜名亦係雙姓鄧汪都司於咸豐九年粵匪圍攻寶慶府城之際投効湘軍吉字後營充當兵勇維時哨官什長將都司姓名中刪去鄧字即用汪席臣三字註入營冊

奏疏卷六

十九

其後在長江水師効力在洋期滿均以汪席臣三字歷保今職伏思一門之中胞伯與堂兄中式文舉人者均雙姓鄧汪獨都司保舉武職者僅單姓一汪字姓氏歧異實屬不便懇乞 奏咨更正等情 臣 恭查

大清會典康熙三十七年議准官員改復本姓名者參將以上該督撫具題遊擊以下均咨部註冊又乾隆二十九年奉准武職官員吏定姓名者遊擊以上該督撫具題都司以下均咨部註冊毋庸年底彙題各等語 臣 謹遵

會典都司以下咨部註冊之例咨請兵部將都司汪席臣於姓上添一鄧字即名鄧汪席臣更正註冊庶該都司與胞伯堂兄

兩舉人雙姓鄧汪及其本房之雙姓鄧汪者不致歧異嗣該都司第二次在洋三年期滿 臣 復將該都司兼宗雙姓鄧汪循例咨部註冊一層於保案清單中聲敘奏保免補都司以遊擊仍留長江水師儘先補用并請

賞給正二品封典光緒十一年五月初十日欽奉

諭旨著照所請獎勵欽此茲准總理衙門鈔咨准兵部咨稱汪席臣如實係雙姓請於姓名上添一鄧字原與復姓歸宗者稍有區別惟係奏獎之案未便據咨照准仍應由 臣 奏明更正以符定章咨覆查照等因 臣 伏查汪席臣雙姓兼宗一事既准兵部覆稱由 臣

奏疏卷六

二十

奏明辦理自應據情陳明可否仰懇

聖恩俯准花翎正二品封典長江水師儘先補用遊擊汪席臣兼宗鄧汪雙姓即名鄧汪席臣

飭部更正註冊之處出自

高厚鴻慈謹附片陳明伏乞

聖鑒謹

奏

欽派管庫大臣謝 恩疏 戊子六月二十一日

奏為叩謝

天恩恭摺仰祈

聖鑒事本月二十日管理戶部三庫事務衙門奏請

欽派管庫大臣奉

硃筆圈出戶部右侍郎侯曾紀澤欽此竊臣猥以凡庸濫膺職守雖被

寵榮於雨露常增兢惕於冰淵茲復仰荷

恩綸俾參庫務跪聆之下欽懷難名伏思六臣同掌收支責成

並重三庫兼儲府事典守綦繁臣惟有遇事慎勤隨時整頓竭

奏疏卷六

二十一

已千已百愚柔之蟻悃答至再至三

高厚之鴻慈所有體感激下忱理合繕摺叩謝

天恩伏乞

皇太后

皇上聖鑒謹

奏

賜先太傅 祭一壇謝 恩疏 己丑正月二十四日

奏為恭謝

天恩事光緒十五年正月二十二日欽奉

慈禧端佑康頤昭豫莊誠皇太后懿旨從前軍務繁興封疆將帥之臣運籌決策勳力同心或未咸全功或始終勤事論其謀

國之忠均屬聲施爛然勛名相埒茲當歸政之始追念勞臣所

有功績最著之原任大學士兩江總督曾國藩著賜祭一壇等

因欽此跪聆之下感戴難名竊思臣父原任大學士兩江總督

曾國藩僥倖戎行秉承

廟算盡因位立忠之常分與將士共濟艱難

奏疏卷六

二十二

施有加無己之深仁蒙

朝廷不忘勤舊茲復渥承

恩詔優賜祭壇

九重天雨露頻頒五十載

絲綸疊沛一家蒙

眷四海稱榮臣惟有謹守楹書思承軌憲勵夜寐夙興之志冀

無忝於所生報

天高地厚之恩當竭誠而自勉所有體感激下忱理合繕摺叩

謝

天恩伏乞

皇太后

皇上聖鑒謹

奏

奏疏卷六

二十三

兼署刑部右侍郎謝

恩疏

戊子九月初七日

奏為恭謝

天恩仰祈

聖鑒事本月初六日內閣奉

上諭徐用儀現在出差其所署刑部右侍郎著曾紀澤暫行兼

署欽此竊臣學慚蛾術識媿牛涔蒙

高厚之生成無纖微之報稱茲復渥承

天眷兼攝秋官伏思丹筆議刑端重惟明之選白雲襄職務存

式敬之心翳律義之宜諳詎庸材之克稱如臣櫛味深懼弗勝

臣惟有隨處慎勤多方學習圖千百愚柔之效宣

奏疏卷六

二十四

九重浩蕩之仁以仰答

鴻慈於萬一所有臣感激下忱謹繕摺叩謝

天恩伏乞

皇太后

皇上聖鑒謹

奏

派管同文館事務謝 恩疏 會徐侍郎銜 己丑三月初一日

奏為叩謝

天恩仰祈

聖鑒事光緒十五年二月二十九日總理各國事務衙門奏請
簡派大臣管理同文館事務奉

硃筆圈出曾紀澤徐用儀欽此 臣等欽承

倚畀深切悚惶伏思交涉既繁同文館遂成要務鑽研不息肄
業生自有英才慮學徒日久懈生是用早為整頓念 臣等材幹
任重何由仰副

生成 臣等唯有隨事稽查多方誘掖督率漢洋之教習酌參前

奏疏卷六 二十五

後之章程策愚柔以進明強方為日就月將之據竭忱悃以圖

績效冀報天高地厚之

恩所有 臣等感激下忱理合繕摺叩謝

天恩伏乞

皇上聖鑒謹

奏

兼署吏部左侍郎謝 恩疏 己丑八月初七日

奏為叩謝

天恩仰祈

聖鑒事光緒十五年八月初六日內閣奉

上諭許應騤現在入闈吏部左侍郎著曾紀澤兼署欽此渥承

知遇深切悚惶伏念 臣樗櫟材庸冰淵志惕自慚駑質兼供數

署之差復荷

鴻慈權佐六官之長曾無墜露輕塵之報疊被

高天厚地之

恩齎戴難勝貍懸倍懷 臣惟有多方學習遇事咨詢贊澄敘於

奏疏卷六 二十六

官方冀收法大小廉之効矢靖共於職守勉學心精體密之長

所有 臣等感激下忱理合繕摺叩謝

天恩伏乞

皇上聖鑒謹

奏

張文襄公電奏
張文襄公奏議

一
〔清〕張之洞撰

據上海辭書出版社藏民國十七年
刻張文襄公全集本影印原書版
框高一七一毫米寬二七〇毫米

奏議

歲次戊辰
仲春刊行

張文襄公全集序

余刊張文襄公全集既竣事凡奏議七十二卷電奏
 三卷公牘三十六卷電牘八十卷勸學篇一卷輔軒語
 二卷書目答問四卷讀經札記二卷古文二卷駢文二
 卷詩集四卷弟子記一卷書札八卷家書一卷都二百
 二十九卷公幼負盛名制行遵宋儒而經史考訂則一
 守漢儒家法淹通羣籍尤慕杜君卿馬貴與顧亭林之
 為人思以所學見諸行事自通籍後主盟壇坫者數十
 年屢典學試諸差輜軒所屆建書院廣置書籍諄諄示
 士子以爲學門徑及四部應讀之書故人人皆務實學
 張文襄公全集序

文風爲之一變道咸之際海禁大開國家多故士大夫
 狂於所習不知變計而外人之輕我侮我者皆視我爲
 魚肉而刀俎之罔所顧忌公痛心疾首乃考西人富强
 之本原究其學術政體毅然闢羣議創生迹謀所以自
 強之策於是變科舉普設學堂並遣士子游學外邦採
 其所長以與士爭於校壘邊外蒙地廣闢地利以與農
 爭於田設織布紡紗纜絲製麻製革諸局開採鐵鑛設
 槍礮鋼藥專廠日省月試以與工爭於肆築鐵路通海
 舶出納百貨操奇握贏以與商爭於埠其奏請籌海防
 治水師興路政及變法諸疏高掌遠蹠規畫周詳要皆

經國大猷富強之長策凡公所設施皆不惜重費不顧小嫌當路巨公以其費用浩繁每建一議舉一政輒相與阻撓使不得逕行其志然公在鄂在粵籌款巨萬不恃庫帑不括民財大半皆取之中飽私規其息借外洋諸債又往往獨力擔償而所至庫儲贏於舊存數倍公嘗自言余所辦之事皆非政府意中欲辦之事所用之錢皆非本省所有之錢醇賢親王深器公之所為虛心採納每奏一事皆為請特旨允行嘗函告孫公毓汶翁公同龢謂張某謀國之忠公等幸勿藉樞廷之勢以相恐喝也公不畏疆禦不恤人言其所籌畫皆關中外利

張文襄公全集

序

二

害大計一切交涉雖前有成說苟知侵我主權拂我民意必斷斷抗爭罷議而後已其視天下之事皆如已事無彼疆此界之分鄰省有急力籌餉械先後襄助滇粵遼東秦隴魯豫吳楚諸省至數千百萬其救助中外災賑尤不吝巨貲而懲貪獎廉表彰先哲不遺餘力更拳拳以人事君之義其所薦拔文武諸員多為名臣名將諒山之戰特薦馮子才王孝祺諸軍扼關苦戰大破法兵此其知人善任尤明效大驗者也論者謂公輕變學章少年狂易之徒棄舊從新盡取先聖之大經大法蕩然掃地無復留餘學術一歧遂遭國變世之追維禍首

者羣集矢於公之一身不知此乃當世奉行之不善其書具在可考而知也光緒之際公與高陽李文正定與鹿文端同心協力砥柱頽流號稱賢相一旦相繼殂謝國亦隨之而盡設三人者有一於此當必有以持其後也詩曰人之云亡邦國殄瘁烏虜豈非天哉豈非天哉新城後學王樹枏謹序

張文襄公全集

序

三

張文襄公全集奏議目錄 起卷一 訖卷七十二

奏議一

遵旨妥議摺 光緒五年四月初十日

請再降諭旨片 光緒五年四月初十日

重案定擬未協摺 光緒五年五月十一日

陳明重案初起辦理各員情形片 光緒五年五月十一日

附陳蜀民困苦情形片 光緒五年五月十一日

大員關涉重案請令聽候部議摺 光緒五年五月二十日

直言不宜沮抑摺 光緒五年七月 日

請修省弭災摺 光緒五年七月十八日

張文襄公全集

奏議目錄

畿輔旱災請速籌荒政摺 光緒五年八月 日

災象可憂請儲糧平糶摺 光緒五年九月 日

請飭查災區片 光緒五年九月 日

奏議二

熟權俄約利害摺 光緒五年十二月初五日

詳籌邊計摺 光緒五年十二月十六日

邊防實效全在得人摺 光緒六年正月二十一日

俄事機可乘善籌抵制摺 光緒 年 月 日

會議未盡事宜片 光緒六年正月二十一日

請飭疆臣詳籌改約片 光緒六年正月二十一日

酌改國書字樣片 光緒六年正月二十一日

敬陳經權二策摺 光緒六年五月十九日

謹陳海防事宜摺 附片 光緒六年七月初十日

改約重要各條必應堅持片 光緒六年七月初十日

奏議三

議約迫促急圖補救摺 光緒六年七月三十日

請防範崇厚片 光緒六年七月三十日

海警日迫急籌戰備摺 光緒六年八月十二日

重臣辦防宜降明旨片 光緒六年八月十二日

遵議奏陳摺 光緒六年八月二十四日

張文襄公全集

奏議目錄

條陳防務片 光緒六年八月二十四日

俄約最重數端必宜抵制片 光緒六年八月二十四日

議約期迫請籌挽救摺 光緒六年九月十二日

敬陳東防西防事宜片 光緒六年九月十二日

預籌鈐制松花江行船辦法片 光緒六年九月十二日

日本商務可允球案宜緩摺 光緒六年十月初一日

臺防重要敬舉人才片 光緒六年十月初一日

請飭李鴻章節制防務片 光緒六年十月初一日

閣宦宜加裁抑摺 光緒六年十二月初四日

請修政弭災摺 光緒七年六月初一日

星變修省勿過憂慮片 光緒七年六月初五日

疆寄虛懸請早處置摺 光緒七年閏七月初五日

請勸俄主除去苛政片 光緒七年閏七月初五日

奏議四

到山西任謝恩摺 光緒七年十二月二十六日

閻敬銘定期赴闕摺 并抄件 光緒八年二月十日

臚舉賢才摺 并清單 光緒八年四月二十日

越南日蹙宜籌兵遣使先發豫防摺 光緒八年四月二十日

請遣重臣駐粵籌辦越事片 光緒八年四月二十日

閻敬銘遵旨赴京供職片 光緒八年四月二十日

張文襄公全集 奏議目錄

三

特參害民不職各員摺 光緒八年四月二十八日

保獎循良片 光緒八年四月二十八日

整飭治理摺 光緒八年六月十二日

未墾荒地請寬限起徵摺 光緒八年六月十二日

豁除累糧片 光緒八年六月十二日

裁減差徭片 光緒八年六月十二日

禁種鶯粟片 光緒八年六月十二日

裁革公費餽送摺 光緒八年六月十二日

特參貽誤善後各員片 光緒八年六月十二日

奏議五

裁抵攤捐摺 光緒八年六月十二日

籌補鐵欸片 光緒八年六月十二日

請折解綢絹紙張片 光緒八年六月十二日

建倉積谷摺 光緒八年六月十二日

清釐善後庫欸片 光緒八年六月十二日

裁免科場支應片 光緒八年六月十九日

清查庫欸摺 光緒八年七月二十九日

請展緩協撥各餉摺 光緒八年七月二十九日

請變通邊缺摺 光緒八年七月二十九日

籌議豐甯押荒辦法摺 光緒八年十一月初三日

張文襄公全集 奏議目錄

四

請停分發摺 光緒八年十一月二十五日

奏議六

通行保甲法并請定就地正法章程摺 光緒八年十二月十日

設立教案局片 光緒八年十二月十六日

新募馬隊并未增餉摺 光緒九年正月二十日

密陳北軍應練情形片 光緒九年正月二十日

擬調營哨各官片 光緒九年正月二十日

審辦劉定邦摺 光緒九年三月十一日

年例積案懇改題為奏摺 光緒九年四月二十日

籌解經費撫恤蒙部摺 光緒九年六月二十九日
請免造交代細冊片 光緒九年六月二十九日
籌議七廳改制事宜摺 光緒九年九月二十九日

奏議七

遵查革員侵蝕各款擬議結案摺 光緒九年九月二十九日
各員捐修貢院片 光緒九年九月二十九日
請將侵匿釐稅各員革職追繳片 光緒九年九月二十九日
參劾不職武員片 光緒九年十月二十三日
設立鐵絹局片 光緒九年十月二十三日
法費已成敬陳戰守事宜摺 光緒九年十一月初一日

張文襄公全集

奏議目錄

五

法患未已不可罷兵摺 光緒九年十一月初一日
越事關係大局請斷自宸衷片 光緒九年十一月初一日
籌議京員津貼摺 光緒九年十一月十七日
請加翰詹科道津貼片 光緒九年十一月十七日
請明定報銷飯銀摺 光緒九年十一月十七日
年例物料請分別免解摺 光緒九年十一月十七日
太汾兩府試行潞鹽片 光緒九年十一月十七日
陳明禁種鴉粟情形摺 光緒九年十二月十二日
奏議八
清查庫款完竣摺 光緒九年十二月二十日

報銷營務善後用款摺 光緒九年十二月二十日
覆奏捐工各員並無劣蹟摺 光緒九年十二月二十一日
口外編籍無礙游牧摺 光緒十年二月二十六日
密陳奎英阻撓邊事片 光緒十年三月二十七日

奏議九

籌改營制摺 并單 光緒十年四月初七日
修治四門韓侯嶺路工完竣摺 光緒十年四月初七日
請開復安頤處分片 光緒十年四月初七日
潞鹽運陝在晉包釐片 光緒十年四月初八日
知縣外補壅滯懇恩量予變通摺 光緒十年
知縣丁憂起復仍歸原省候補片 光緒十年
恭報交卸山西巡撫篆起程日期摺 光緒十年四月初八日

張文襄公全集

奏議目錄

六

到兩廣任謝恩摺 光緒十年閏五月二十三日
派兵援閩片 光緒十年七月二十九日
接濟臺灣軍火餉項片 光緒十年七月二十九日
查覆張樹聲參款摺 光緒十年八月二十八日
敬陳海防情形摺 光緒十年九月初三日
息借商款摺 光緒十年九月初三日
唐景崧募勇出關片 光緒十年九月初五日
為張樹聲請卹摺 光緒十年九月初六日

添募水陸勇營摺 光緒十年十月二十六日

續修沙角等處礮臺摺 光緒十年十月二十六日

截留京餉代雲桂購軍火片 光緒十年十月二十

為吳全美請卹片 光緒十年十一月二十八日

奏議十

分遣廣軍規越摺 光緒十年十二月二十七日

截擊瓊州客黎各匪摺 光緒十年十二月二十七

蔡錫勇留粵補用片 光緒十年十二月二十七日

馮子材起病片 光緒十年十二月二十八日

分設東西轉運局片 光緒十年十二月二十八日

張文襄公全集

奏議目錄

七

特參不職文武各員摺 光緒十一年正月十九日

黃照臨調粵差委片 光緒十一年三月初二日

廣軍會合各軍保關克諒撤兵回界摺 光緒十一年四月初

請褒賞馮子材李秉衡片 光緒十一年四月初二日

景軍越境會勦及撤兵還界摺 光緒十一年四月初二日

唐景松可任軍事片 光緒十一年四月初二日

奏議十一

籌議闡姓利害暫請弛禁摺 光緒十一年四月二

請派瑞璋兼辦洋務片 光緒十一年四月二十日

續增勇丁并規越援臺各營補陳備案摺 光緒十

五月二十

補陳保衛教堂情形片 光緒十一年五月二十五

請留蕭韶片 光緒十一年五月二十五日

籌議海防要策摺 光緒十一年五月二十五日

教練廣勝軍專習洋戰片 光緒十一年五月二十

雇募德弁片 光緒十一年五月二十五日

展設欽廉雷瓊電綫片 光緒十一年五月二十五

試造淺水輪船摺 光緒十一年五月二十五日

奏議十二

張文襄公全集

奏議目錄

八

創造礮划設立廣安水軍摺 光緒十一年五月二

籌辦劉永福內徙情形摺 光緒十一年六月初六

劉永福舊部另投別軍片 光緒十一年六月初六

妥籌安置劉永福事宜摺 光緒十一年六月二十

緩開塞河片 光緒十一年六月二十九日

添建礮臺軍械所片 光緒十一年七月初一日

租購調撥各輪船補陳備案片 光緒十一年七月

廣西梧州至龍州展設電綫動用經費開單報銷

摺 光緒十一年七月一日

甄別貧劣不職正在各員摺 光緒十一年八月初

特參鹽務洋務營伍不職各員摺 光緒十一年八月初一日

密陳求治需才情形片 光緒十一年八月初一日

各路防營分別裁留摺 光緒十一年九月初四日

查明洋欸數目請飭各省關分還摺 光緒十一年九月初四日

奏議十三

籌議大治水師事宜摺 光緒十一年九月初四日

勸令僑商捐貲購造護商兵船片 光緒十一年九月初四日

籌辦廉瓊礮臺摺 光緒十一年九月初四日

購配克虜伯礮解交畿輔各軍摺 光緒十一年九月初四日

恭聆懿訓瀝陳下忱摺 光緒十一年十月初九日

張文襄全集

奏議目錄

九

派員隨勘滇桂邊界摺 光緒十一年十月初九日

派員先勘欽越交界片 光緒十一年十月初九日

密陳滇桂勘界機宜片 光緒十一年十月初九日

酌留湘軍摺 光緒十一年十月初九日

欽越邊界亟應改正摺 光緒十一年十二月初一日

請定盜案就地正法章程摺 光緒十一年十二月初一日

奏議十四

為沈鎔經請卹摺 光緒十一年十二月初一日

請開缺回籍調理摺 光緒十一年十二月十八日

查辦匪鄉摺 光緒十一年十二月二十七日

請嚴定械鬪專條摺 光緒十一年十二月二十七日

勦捕洋匪摺 光緒十一年十二月二十七日

分撥毛瑟槍摺 光緒十一年十二月二十七日

陳明同時告病片 光緒十一年十二月二十七日

劉永福到粵摺 光緒十二年正月十九日

已塞沙路永遠不宜復開摺 光緒十二年二月二十五日

潮綱廢弛委府兼辦片 光緒十二年二月二十五日

奏議十五

籌議廣西邊防摺 光緒十二年二月二十五日

會籌保護僑商事宜摺 光緒十二年二月二十五日

張文襄全集

奏議目錄

十

請催設香港領事摺 光緒十二年二月二十五日

查革肇潮兩府稅廠積弊摺 光緒十二年三月二十一日

存儲礮臺專欸片 光緒十二年三月二十一日

廠書罰欸助修隄工片 光緒十二年三月二十一日

查革梧關積弊摺 光緒十二年三月二十一日

奏議十六

停止沙田各捐摺 光緒十二年三月二十一日

懇恩續假摺 光緒十二年三月二十一日

籌設鎮缺摺 光緒十二年三月二十四日

陳明廣東洋務情形并委蔣澤春兼辦片 光緒十二年三月

月二十四日

瀝陳華僑被害粵省辦理情形並請敕催懲辦摺

光緒十二年四月十六日

駁斥法領事索賠銀兩片光緒十二年四月十六日

洋商夥串華民包送私貨請旨知照外洋約禁摺

光緒十二年四月二十六日

奏議十七

財政艱窘分擬辦法摺光緒十二年五月二十二日

請指定專款備還本省洋欸摺光緒十二年五月二十二日

籌捐巡緝經費摺光緒十二年五月二十二日

張文襄公全集

奏議目錄

十一

試造淺水輪船工竣摺光緒十二年五月二十七日

勦辦九頭山洋匪摺光緒十二年六月二十日

力疾銷假並謝兼署撫篆摺光緒十二年六月二十二日

請頒沙田部照摺光緒十二年七月初一日

請派大員澈辦瓊州客黎各匪摺光緒十二年八月初十日

奏議十八

大修廣肇兩屬圍堤工竣摺光緒十二年九月初三日

修築潮州府屬各堤工竣片光緒十二年九月初三日

辨認欽州老界繪圖列證請旨飭辦摺光緒十二年九月初三日

三

密陳于蔭霖才堪大用片光緒十二年二月二十四日

密陳瓊防人才片光緒十二年十月二十六日

查覆大南沙築圍一案摺光緒十二年十一月二十五日

奏議十九

瓊軍護勝籌辦招撫摺光緒十二年十一月二十七日

請復拐匪就地正法舊章摺光緒十二年十二月初七日

請開鐵禁摺光緒十二年十二月初七日

查覆收支欸目尙無歧誤摺光緒十二年十二月二十六日

請編定瓊州鄉會試中額摺光緒十二年十二月二十六日

薦舉州縣人才摺光緒十二年十二月二十七日

張文襄公全集

奏議目錄

十二

購辦機器試鑄制錢摺光緒十三年正月二十四日

試鑄銀元片光緒十三年正月二十四日

勦撫各黎開通山路摺光緒十年二月十七日

奏議二十

恭報交卸兼撫篆日期並懇賞假調理摺光緒十三年二月十七日

添調福軍赴瓊片光緒十三年二月十七日

為張福啟等請卹片光緒十三年二月十七日

京員津貼請仍照原派數目籌解摺光緒十三年三月十七日

詳陳澳界利害立約尙宜緩定摺光緒十三年四月二十四日

請斥革劣紳摺 光緒十三年四月二十四日

稅局代收新香六廠貨釐宜防流弊摺 光緒十三年四月二十五日

六廠貨釐宜儘徵儘解并請免指撥片 光緒十三年四月二十五日

請開缺回籍調理摺 光緒十三年閏四月初四日

籌議移設廣西邊要各缺事宜摺 光緒十三年五月初三日

奏議二十一

創設槍彈廠片 光緒十三年五月初三日

全瓊肅清分別裁留營勇通籌善後事宜摺 光緒十三年五月初三日

張文襄公全集 奏議目錄 十三

年六月十三日 為楊玉書等請卹片 光緒十三年六月初三日

查辦匪鄉已有端緒摺 光緒十三年六月十三日

肇慶稅收加倍請分年購礮摺 光緒十三年六月十三日

創辦水陸師學堂摺 光緒十三年六月十四日

續造兵輪摺 光緒十三年六月十四日

奏議二十二

查明潯梧兩廠短徵稅銀請分別著賠寬免摺 光緒十三年六月十四日

量開河道口門與英使妥商交犯辦法摺 光緒十三年六月十四日

四月十日

創建廣雅書院摺 光緒十三年六月十六日

遵保提鎮各員摺 光緒十三年六月十六日

再請開缺回籍調理摺 光緒十三年六月十六日

再陳澳界膠葛立約必宜緩定摺 光緒十三年七月二日

設局清查沙田酌擬章程摺 光緒十三年七月二十八日

奏議二十三

粵省併征洋藥厘金應照奏案原數撥還洋款請飭催撥解以歸墊款摺 光緒十三年八月初三日

張文襄公全集 奏議目錄 十四

整頓潮橋鹽務摺 光緒十三年九月初六日

粵省仍請專認寶源洋款補解畿餉應聽戶部酌核摺 光緒十三年九月初九日

派員周歷南洋各埠籌議保護摺 光緒十三年十月二十四日

續查未歷各埠片 光緒十三年十月二十四日

力疾銷假籲懇陛見摺 光緒十三年十月二十五日

開設書局刊布經籍摺 光緒十三年十月二十五日

建築牛山礮臺完竣摺 光緒十三年十月二十五日

請表揚前運司洪汝奎摺 光緒十三年十一月初三日

續裁營勇摺 光緒十三年十一月初三日

改定瓊州營制摺 光緒十三年十一月初九日

瓊州伐木免稅墾田給獎摺 光緒十三年十一月初九日

瓊州開鑛暫免稅釐片 光緒十三年十一月二十四日

奏議二十四

巡視海口摺 光緒十三年十一月二十七日

密陳鄭紹忠久任有益片 光緒十三年十一月二十七日

添設各路電綫摺 光緒十三年十一月二十七日

恭報巡海旋省並查閱圍隄情形摺 光緒十四年正月初五日

請於嘉應州城建左宗棠專祠摺 光緒十四年正月初十日

轟開府江險灘片 光緒十四年正月初十日

張文襄公全集

奏議目錄

十五

出省查勘圍基及緝捕河道情形片 光緒十四年三月二十六日

加增閩廠協造兵輪經費並聲明辦法摺 光緒十四年八月初八日

舊疾復發懇恩賞假摺 光緒十四年五月十五日

遵籌欽州新界善後事宜摺 光緒十四年六月初四日

寓美粵商稟懇詳議新約以維生計據情上陳摺 光緒十四年七月十四日

兼署撫篆銷假謝恩摺 光緒十四年七月十八日

奏議二十五

香山紳士捐修寨城摺 光緒十四年九月二十二日

電綫不宜與法接摺 光緒十四年十二月二十日

潮橋鹽務疲弊改章試辦摺 光緒十五年二月二十八日

請緩造津通鐵路改建腹省幹路摺 光緒十五年三月初三日

出省查勘西北兩江圍基情形片 光緒十五年五月十五日

限定出洋米數酌捐建倉積穀經費摺 光緒十五年七月初三日

修築珠江隄岸摺 光緒十五年七月初三日

籌建槍礮廠摺 光緒十五年七月初七日

開鑄制錢及行用情形摺 光緒十五年八月初六日

奏議二十六

奏議目錄

十六

洋商附鑄銀元請旨開辦摺 光緒十五年八月初六日

擬設織布局摺 光緒十五年八月初六日

商定稽查外國育嬰堂辦法摺 光緒十五年八月初六日

軍需善後各案請開單奏報免造細冊摺 光緒十五年八月初六日

沙田發給部照片 光緒十五年八月初六日

全瓊肅清彙獎出力員弁摺 光緒十五年八月初六日

請頒廣雅書院扁額摺 光緒十五年八月二十二日

沙路設防籌久計摺 光緒十五年八月二十二日

請定獲盜獎勵章程摺 光緒十五年八月二十二日

派員查辦狴匪片 光緒十五年八月二十二日

奏議二十七

籌設煉鐵廠摺 光緒十五年八月二十六日

派員募勇分路緝捕片 光緒十五年八月二十六日

為鄧安邦請卹并請立傳摺 光緒十五年八月二十八日

遵旨籌辦鐵路謹陳管見摺 光緒十五年九月初十日

請於羅定州城建福興專祠并請立傳摺 光緒十五年九月初十日

建築瓊廉海口礮臺摺 光緒十五年九月二十日

查勘榆林港形勢籌議駐營築臺片 光緒十五年九月二十日

張文襄公全集

奏議目錄

七

捐建瓊州昭忠祠 光緒十五年九月二十日

籌定廣西邊防摺 光緒十五年九月二十日

裁革州縣規費各項加給公費津貼摺 光緒十五年十月十五日

核定州縣錢糧表目片 光緒十五年十月十二日

奏議二十八

進呈粵海圖說摺 光緒十五年十月十二日

辦理水陸師學堂情形摺 光緒十五年十月十八日

增設洋務五學片 光緒十五年十月十八日

續造兵輪片 光緒十五年十月十八日

請錄用姚觀元摺 光緒十五年十月十八日

密薦人才片 光緒十五年十月十八日

密薦將才片 光緒十五年十月十八日

參革劣紳摺 光緒十五年十月十八日

廣西邊關修築礮臺請撥部款摺 光緒十五年十月二十日

添募安潮營片 光緒十五年十月二十日

通飭各屬修建監獄遷善所片 光緒十五年十月二十日

防城學額請照原奏添設摺 光緒十五年十月二十二日

珠江隄岸接續興修片 光緒十五年十月二十二日

恭報交卸兩廣督篆日期摺 光緒十五年十月二十二日

張文襄公全集

奏議目錄

六

調蔡錫勇等赴鄂差委片 光緒十五年十月二十二日

添募親兵帶鄂差遣片 光緒十五年十月二十日

恭報交卸兼署廣東撫篆並起程日期摺 光緒十五年十月二十七日

到湖廣任謝恩摺 光緒十五年十一月二十七日

奏議二十九

遣散親兵並奏留吳良儒片 光緒十五年十二月初九日

借撥粵省槍礮片 光緒十五年十二月初十日

粵省訂購織布機器移鄂籌辦摺 光緒十六年閏二月初四日

武漢襄樊安設電線片 光緒十六年閏二月初四日

請旨飭查摺 光緒十六年閏二月二十六日

查勘隄工摺 光緒十六年六月十六日

查看藕池口情形片 光緒十六年六月十六日

整頓土藥稅項籌擬辦法摺 光緒十六年八月二日

勘定煉鐵廠基籌辦廠工暨開采煤鐵事宜摺 光緒十六年十一月十一日

湘省安設電綫片 光緒十六年十一月初六日

廣昌輪船撥歸鄂省片 光緒十六年十一月初六日

奏議三十

妥籌槍礮廠常年經費摺 光緒十七年三月十八日

張文襄公全集 奏議目錄

五

查明茶商捐助書院學堂經費商情樂從摺 光緒十七年五月十一日

辦結武穴教案摺 光緒十七年八月十九日

添募勇營摺 光緒十七年八月十九日

武穴教案償補各款請援照鎮江關賠款成案撥解摺 光緒十七年九月三十日

查明澧州毀折電桿情形摺 光緒十七年十月二日

為陶定昇請卹摺 光緒十七年十一月初三日

熊鐵生調鄂差委片 光緒十七年十一月初三日

奏議三十一

奏議三十一

拏獲會匪訊明懲辦摺 光緒十七年十二月初七日

添撥勇營分段緝私片 光緒十七年十二月初七日

測繪輿圖懇請展限摺 光緒十七年十二月二十日

添募勇營變通營制摺 光緒十七年十二月二十六日

辦結宜昌教案摺 光緒十七年十二月二十七日

鍊鐵廠添購機鑪請撥借經費摺 光緒十八年二月二十七日

奏議三十二

查辦湖南刊布揭帖偽造公文一案摺 光緒十八年三月二十五日

籌款合修同仁隄工竣摺 光緒十八年五月二十日

張文襄公全集 奏議目錄

三

裁撤茶商捐助書院經費摺 光緒十八年六月二日

湘鄂合剿臨湘會匪擒獲首要摺 光緒十八年八月初三日

臚陳黃彭年黃國瑾事實請宣付史館立傳摺 光緒十八年八月二十七日

修理兵輪勻撥薪糧摺 光緒十八年八月二十七日

酌議嚴懲會匪章程摺 光緒十八年九月十四日

拏獲襄陽匪徒訊明懲辦摺 光緒十八年九月十四日

奏議三十三

派員專辦沿邊緝捕事宜摺 光緒十八年十二月初七日

豫籌鐵廠成本摺 光緒十九年二月二十五日

覆陳查緝會匪情形摺光緒十九年四月二十六日

鐵廠成本不敷另籌借撥摺光緒十九年五月十四日

籌撥織布局官本摺光緒十九年六月初四日

勘明藕池等口情形妥籌辦法摺光緒十九年七月十八日

請鑄銀元摺光緒十九年八月十九日

出省查閱營伍暨水師兵輪摺光緒十九年九月十五日

奏議三十四

煉鐵全廠告成摺光緒十九年十月二十二日

擬定鐵廠開辦後行銷各省章程片光緒十九年十月二十二日

設立自強學堂片光緒十九年十月二十二日

張文襄公全集

奏議目錄

三

接設安陸電綫片光緒十九年十月二十五日

籌辦育嬰摺光緒十九年十一月十四日

辦結麻城教案摺光緒十九年十二月初十日

奏報鐵廠開鑪煅煉日期摺光緒二十年二月初四日

請建陳國瑞專祠摺光緒二十年四月三十日

請將金國琛附祀并請立傳摺光緒二十年四月三十日

鐵廠著有成效請獎出力各員摺光緒二十年七月二十四日

請添鐵廠開煉用款片光緒二十年七月二十四日

奏議三十五

購辦紅茶運俄試銷摺光緒二十年七月二十六日

籌備江防摺光緒二十年九月十一日

添購槍礮片光緒二十年十月初二日

鐵廠擬開兩爐請飭廣東借撥經費摺光緒二十年十月初二日

湘省添募防營片光緒二十年十月初二日

密陳籌備接濟北上諸軍槍礮情形摺光緒二十年十月初二日

添辦架彈三廠並改換快礮機器摺光緒二十年十月初三日

增設紡紗廠摺光緒二十年十月初三日

開設縲絲局片光緒二十年十月初五日

籌給北上諸軍餉械摺光緒二十年十月初五日

添募營勇片光緒二十年十月初五日

張文襄公全集

奏議目錄

三

保薦蔡錫勇片光緒二十年十月初七日

恭報交卸湖廣督篆起程日期摺光緒二十年十月初八日

到兩江署任謝恩摺光緒二十年十月二十日

布置江南防務摺光緒二十一年二月初四日

整頓南洋礮臺兵輪片光緒二十一年二月初四日

淮南捐輸濟餉摺光緒二十一年二月初九日

查抄衛汝貴家產摺光緒二十一年三月三十日

布置海贛清江一帶防務摺光緒二十一年四月初四日

分設軍報電綫片光緒二十一年四月初四日

萃軍到江摺光緒二十一年四月初四日

募補護軍各營並添練洋操隊片光緒二十一年四月初四日

設立轉運各局摺光緒二十一年四月初四日

購租輪船轉運餉械片光緒二十一年四月初四日

覆陳飭辦漁團情形摺光緒二十一年四月初四日

留張睿沈雲沛辦通海等屬團練片光緒二十一年四月初四日

覆陳通海防務情形摺光緒二十一年四月初五日

招募浦勝軍及鶴字六營片光緒二十一年四月初五日

張文襄公全集

奏議目錄

三

奏議三十七

查明江南勸捐息借並無另立名目及騷擾情事摺光緒二十一年四月初五日

江蘇辦理捐借尚無擾累摺光緒二十一年四月初五日

江蘇辦理捐借尚無抑勒片光緒二十一年四月初五日

江南製造機器局擴充機器請撥專款摺光緒二十一年四月初六日

會奏江南河運難復鐵路利濟無多摺光緒二十一年閏五月二十日

額請修備儲才摺光緒二十一年閏五月二十七日

密陳結援要策片光緒二十一年閏五月二十七日

奏議三十八

籌辦江南善後事宜摺光緒二十一年閏五月二十七日

進呈湖北新鑄銀元並籌行用辦法摺光緒二十一年閏五月二十七日

湖北鐵政槍礮兩局經費由江南撥解摺光緒二十一年閏五月二十七日

薦舉人才摺光緒二十一年六月十八日

增募各軍酌量裁汰摺光緒二十一年六月十八日

請申明約章限制教堂買地摺光緒二十一年六月十八日

張文襄公全集

奏議目錄

三

江蘇捐輸請留專濟北軍餉需南餉並不分用摺光緒二十一年七月初六日

查明德馨參款摺光緒二十一年七月初六日

續裁營勇摺光緒二十一年七月初八日

查覆煤鐵槍礮各節並通盤籌畫摺光緒二十一年八月二十日

進呈煉成鋼鐵並將造成槍礮分別咨送試驗摺光緒二十一年八月二十八日

湊撥鐵廠開煉經費摺光緒二十一年八月二十八日

鐵廠煤礦擬招商承辦並截止用款片光緒二十一年八月二十

二十

懇撥湖北槍礮廠經費摺光緒二十一年八月二十八日

北上諸軍請飭部撥餉摺光緒二十一年九月初三日

特參水師統領摺光緒二十一年九月初九日

查訊張士珩參款擬議懲辦摺光緒二十一年九月初九日

奏議四十

選募新軍創練洋操摺光緒二十一年十一月十二日

籌辦江浙鐵路摺光緒二十一年十一月十二日

請辦郵政片光緒二十一年十一月十二日

張文襄公全集

奏議目錄

五

查覆譚碧理參款片光緒二十一年十一月十二日

礮臺編設專勇摺光緒二十一年十一月十七日

江陰黃山金陵獅子山等處修造礮臺片光緒二十一年十一月十七日

興辦上海南市各工程摺光緒二十一年十一月十七日

江蘇盜劫等犯請就地正法摺光緒二十一年十一月十七日

湖北銀元局請仍歸南洋經理摺光緒二十一年十一月十七日

截回臺餉並收回軍火輪船摺光緒二十一年十一月十七日

江南息借洋款分飭司局認還摺光緒二十一年十二月初六日

創設儲才學堂摺光緒二十一年十二月十八日

奏議四十一

查明督銷局礙難裁撤並籌樽節整頓辦法摺光緒二十一年十二月十八日

二十

籌議整頓釐金辦法摺光緒二十一年十二月十九日

創設陸軍學堂及鐵路學堂摺光緒二十一年十二月十九日

金陵設立躉船修造馬路片光緒二十一年十二月十九日

選派洋弁稽查軍械片光緒二十一年十二月十九日

沈瑜慶請送部引見片光緒二十一年十二月十九日

移建松江火藥庫摺光緒二十一年十二月二十日

長江礮臺添設臺官摺光緒二十一年十二月二十日

張文襄公全集

奏議目錄

五

撥款購銅附鑄制錢摺光緒二十一年十二月二十二日

錢幣宜由官鑄毋庸招商片光緒二十一年十二月二十二日

調募各營次第裁竣摺光緒二十一年十二月二十二日

護軍前營調鄂教練片光緒二十一年十二月二十二日

為朱洪章請卹摺光緒二十一年十二月二十二日

為劉鶴齡請卹摺光緒二十一年十二月二十二日

奏議四十二

裁減制兵酌擬辦法摺光緒二十一年十二月二十六日

衍聖公府祀田查明撥補摺光緒二十一年十二月二十八日

撥款疏濬江皖豫三省河道摺光緒二十一年十二月二十八日

通海設立紗絲廠請免稅釐片光緒二十一年十二月二十八日

保薦人才摺并清單 光緒二十一年十二月二十日

馮子材撤防回粵片光緒二十一年十二月二十九日

酌撥槍礮解歸湖北片光緒二十一年十二月二十九日

限制租界嚴禁侵占摺光緒二十一年十二月二十九日

蘇滬鐵路籌議官商合辦摺光緒二十二年正月初二日

統籌洋操新軍的餉摺光緒二十二年正月初二日

請加鄂湘引票以課釐湊解洋款摺光緒二十二年正月初二日

奏議四十三

統籌歸還洋款辦法摺光緒二十二年正月初二日

張之洞全集

奏議目錄

三

策陳開鐵路練新軍還洋款三事片光緒二十二年正月初二日

策陳歷次購買軍火數目摺光緒二十二年正月初四日

裁撤轉運各局清理報銷摺光緒二十二年正月初四日

淮海等處團防經費開單請銷摺光緒二十二年正月初四日

選派學生出洋肄業摺光緒二十二年正月初五日

湖北原訂紗機移撥蘇州商務局摺光緒二十二年正月初五日

籌設商務局片光緒二十二年正月初五日

籌議南漕改折辦法摺光緒二十二年正月初九日

江西紳商請辦小輪瓷器及蠶桑學堂摺光緒二十二年正月初十日

五日

遵旨嚴核關稅謹將認定每年加解數目摺光緒二十二年正月十五日

十五年正月十五日

選募洋員履勘礮臺片光緒二十二年正月十五日

恭報卸署兩江督篆起程日期摺光緒二十二年正月十七日

江南息借商款並洋行墊辦軍火給發關票第一期由江省付清第二期由部撥湊支查明收支細數摺光緒二十二年正月十九日

數摺光緒二十二年正月十九日

奏議四十四

奏議四十四

回湖廣任謝恩摺光緒二十二年正月二十八日

鐵廠招商承辦議定章程摺并清單 光緒二十二年五月十六日

張之洞全集

奏議目錄

天

設立護軍營工程隊練習洋操並裁營抵餉摺光緒二十二年五月十六日

繪刻承華事略補圖告成恭進摺光緒二十二年七月初三日

蘆漢鐵路商辦難成另籌辦法摺光緒二十二年七月十五日

請撥已借洋債作鐵路股本片光緒二十二年七月十五日

鐵廠徵稅商情未便摺光緒二十二年九月二十三日

湖南安設電綫摺光緒二十二年十月二十九日

奏議四十五

田家鎮礮臺設立臺官礮勇酌定餉章摺光緒二十二年十一月初十日

初十日

請展閱營伍期限摺光緒二十二年十二月初九日

籌設鑄錢局摺光緒二十三年正月十五日

設立官錢局片光緒二十三年正月十二日

購茶運俄試銷有效擬仍相機酌辦摺光緒二十三年正月十二日

十二日

設立武備學堂摺光緒二十三年正月二十八日

華商用機器制貨請從緩加稅並請改存儲關棧章程摺光緒二十三年正月二十八日

安設蒲圻至江夏電綫片光緒二十三年正月二十八日

密陳籌辦幹路次序並請准借官款摺光緒二十三年三月

張文襄公全集

奏議目錄

无

六日

請飭各直省將軍督撫通行地方官幫同勸諭招徠片光緒二十三年三月二十六日

購地運料章程開單恭呈御覽片光緒二十三年三月二十六日

整頓釐金摺光緒二十三年四月初十日

奏議四十六

為籌辦盧漢鐵路情形並議借比國洋款摺光緒二十三年四月二十四日

二十四日

遵旨會同嚴議銀行利弊擬請仍歸商辦並由南北洋稽查以保利權摺光緒二十三年六月十七日

北洋稽查以保利權摺光緒二十三年六月十七日

薦舉人才摺并清單 光緒二十三年七月二十九日

裁減湖北制兵並整頓練軍摺光緒二十三年八月二十八日

會奏為幹路由楚入豫詳勘襄樊信陽兩道比較便利請旨遵行並陳報南北兩端情形摺光緒二十三年九月二十日

九月二十日

附片光緒二十三年九月二十日

唐心口隄工緊要親往察看摺光緒二十三年十一月十二日

察看隄工情形並回省日期片光緒二十三年十一月初七日

請添練精兵摺光緒二十三年十二月二十四日

奏議四十七

張文襄公全集

奏議目錄

三

粵漢鐵路緊要三省紳商籲請通力合作以保權利摺光緒二十四年正月初五日

時局危迫預杜外謀片光緒二十四年正月初五日

裁減湖南制兵摺光緒二十四年三月二十二日

設立農務工藝學堂暨勸工勸商公所摺光緒二十四年三月二十六日

三月二十六日

槍礮局添廠製造請加撥經費摺光緒二十四年三月十一日

查明煉鐵廠用款咨部立案摺光緒二十四年閏三月十三日

查明槍礮廠用款咨部立案摺光緒二十四年閏三月十三日

湖北試辦工藝附蠶桑局摺光緒二十四年閏三月十三日

自強學堂改課五國方言摺光緒二十四年閏三月十五日

兩湖經心兩書院改照學堂辦法片光緒二十四年閏三月十四日

為蔡錫勇請卹摺光緒二十四年閏三月十五日

恭報交卸起程日期摺光緒二十四年閏三月十七日

奏議四十八

恭報折回本任日期摺光緒二十四年四月十六日

妥議科舉新章摺光緒二十四年五月十六日

酌擬變通武科新章摺光緒二十四年五月十六日

保薦使才摺光緒二十四年六月初一日

張之謨全集 奏議目錄

審結沙市客民滋事一案摺光緒二十四年六月二十四日

請將荊州道江陵縣移駐沙市片光緒二十四年六月二十四日

奏議四十九

盧漢鐵路借款摺光緒二十四年六月二十四日

請飭戶部將未發部款即行續撥片光緒二十四年六月二十四日

恭報兼管巡撫事日期摺光緒二十四年八月初八日

漢口試辦商務局酌擬辦法摺光緒二十四年八月初八日

會奏湖北釐金擬請外銷賞款提解充餉摺光緒二十四年八月八日

四年八月八日

裁營騰餉精練洋操片光緒二十四年九月初十日

漢口請設專官摺光緒二十四年十二月初八日

勦辦宜施會匪摺光緒二十四年十二月二十六日

裁撤南學會並裁并保衛局摺光緒二十四年十二月二十六日

奏議五十

裁汰冗員摺光緒二十五年正月十六日

復設巡撫到鄂送交關防片光緒二十五年三月初七日

請將岳常澧道移駐岳州摺光緒二十五年五月初四日

查明招商局保借洋款擴充萍蘘有益無礙摺光緒二十五年六月十七日

張之謨全集 奏議目錄

驗收盧漢幹路盧保首段工程並趕辦全路情形摺光緒二十五年八月三十日

懇請飭撥各省欠款摺光緒二十五年八月三十日

黃河南北兩路擬派總辦兩員片光緒二十五年九月十五日

校閱近省各營並操演防營行軍隊摺光緒二十五年十二月二十四日

湖北認定抵款實數請敕部詳核通籌摺光緒二十五年十二月二十九日

整頓田房契稅摺光緒二十五年十二月二十九日

加徵煙酒糖稅片光緒二十五年十二月二十九日

加徵土藥稅片 光緒二十五年十二月二十九日

奏議五十一

擊護悖逆惑眾匪犯審明懲辦摺 光緒二十六年三月二十八日

辦結宜施教案摺 光緒二十六年五月二十八日

派員代理湖北提督摺 光緒二十六年五月二十八日

會派藩司統軍北上摺 光緒二十六年六月二十日

擒誅自立會匪頭目分別查拏解散摺 光緒二十六年八月二十日

三十

參將查匪不力請旨革職摺 光緒二十六年八月二十日

請調武功營赴行在片 光緒二十六年八月二十日

張文襄公全集 奏議目錄

派員齋摺恭請聖安並進方物摺 光緒二十六年閏八月十九日

借款充餉摺 光緒二十六年九月初六日

購米運陝摺 光緒二十六年九月初九日

宣布康黨逆迹並查拏自立會匪首片 光緒二十六年九月初九日

初九

選撥槍礮解赴西安摺 光緒二十六年十月十八日

密陳槍礮廠情形片 光緒二十六年十月十八日

奏議五十二

請自開武昌口岸摺 光緒二十六年十月十八日

保薦人才摺 併清單 光緒二十七年三月二十日

為徐建寅等請卹摺 光緒二十七年三月二十五日

進呈一統志並天文輿地各球圖摺 光緒二十七年五月十九日

變通政治人才為先遵旨籌議摺 光緒二十七年五月二十七日

奏議五十三

遵旨籌議變法謹擬整頓中法十二條摺 光緒二十七年六月初四日

六月初四日

奏議五十四

遵旨籌議變法謹擬採用西法十一條摺 光緒二十七年六月初五日

六月初五日

請專籌巨款舉行要政片 光緒二十七年六月初五日

張文襄公全集 奏議目錄

奏議五十五

額請赴汴迎駕摺 光緒二十七年八月初一日

俄約要盟貽害請將東三省開門通商摺 併鈔件 光緒二十七年八月二十四日

預防各國派員入境片 光緒二十七年九月十六日

派員迎鑾摺 光緒二十七年十一月二十八日

臚舉人才摺 併清單 光緒二十七年十二月初一日

試辦籤捐票片 光緒二十七年十二月初二日

規復丁漕減徵並加提平餘酌抽契稅湊解賠款摺 光緒二十八年正月初九日

開辦房捐鋪捐膏捐片光緒二十八年正月初九日

奏議五十六

轉運事竣請獎出力各員捐光緒二十八年正月初九日

請開復袁世敦蔣楷原官捐光緒二十八年五月二十四日

省城創辦警察捐光緒二十八年六月初二日

酌改州縣籤捐為賠款捐捐光緒二十八年九月二十四日

修築省城隄岸捐光緒二十八年九月二十五日

收買通商場地畝捐光緒二十八年九月二十五日

查勘盧漢鐵路片光緒二十八年九月二十五日

請獎萬斛泉等捐光緒二十八年九月二十五日

張之謨全集

奏議目錄

五

保薦經濟特科人才捐并清單 光緒二十八年九月二十六日

奏議五十七

籌定學堂規模次第興辦捐光緒二十八年十月初一日

籌辦練兵事宜酌議營制餉章捐光緒二十八年十月初一日

酌擬裁汰綠營辦法捐光緒二十八年十月初一日

酌調湖北護軍一旗並教練隊隨赴江甯片光緒二十八年十月初一日

八年十月初一日

恭報交卸湖廣督篆起程日期捐光緒二十八年十月初一日

奏議五十八

到兩江署任謝恩捐光緒二十八年十月十一日

裁停舊式兵船積存薪餉另造快船捐光緒二十八年十二月十一日

三月十一日

保薦經濟特科人才捐并清單 光緒二十八年十二月十五日

整頓淮鹽積弊捐光緒二十八年十二月十六日

派蒯光典管理儀棧片光緒二十八年十二月十六日

籲請陞見捐光緒二十九年正月初八日

創建三江師範學堂捐光緒二十九年正月初八日

責成運司稽察各督銷道員片光緒二十九年正月二十七日

請開復顧家相原官捐光緒二十九年正月二十七日

奏議五十九

張之謨全集

奏議目錄

五

查明劉坤一戰功政蹟捐光緒二十九年二月初二日

特參管帶練船參將捐光緒二十九年二月初二日

查明許應騏參款捐光緒二十九年二月十三日

創設官錢局捐光緒二十九年二月十三日

選派水陸師學堂學生出洋肄業片光緒二十九年二月十三日

奏議六十

敬舉廉能捐光緒二十九年二月十九日

籌辦移設製造局添建槍礮新廠捐光緒二十九年二月十九日

查明盛宣懷等參款捐光緒二十九年二月十九日

禁止招商局把持漕米並拏辦奸商片光緒二十九年二月十九日

十九日

查明江海各口運米情形議定封禁開禁辦法摺

光緒二十九年二月二十一日

恭報卸署兩江督篆日期摺

光緒二十九年二月二十二日

奏議六十一

籌議約束鼓勵遊學生章程摺

光緒二十九年八月十六日

議定日本商約摺

光緒二十九年十一月十四日

釐定學堂章程摺

光緒二十九年十一月二十六日

請獎勵職官遊歷遊學片

光緒二十九年十一月二十六日

請專設學務大臣片

光緒二十九年十一月二十六日

酌定新進士入館辦法片

光緒二十九年十一月二十六日

請試辦遞減科舉摺

光緒二十九年十一月二十六日

奏議六十二

回任謝恩摺

光緒三十年二月十八日

會籌江南製造局移建新廠辦法摺

光緒三十年四月十八日

籌撥練兵的款摺

光緒三十年七月十六日

擬編湖北常備軍制摺

光緒三十年七月十八日

奏議六十三

核議赫德條陳籌餉節略窒礙難行摺

光緒三十年八月十日

張文襄公全集

奏議目錄

七

虛定金價改用金幣不合情勢摺

光緒三十年八月十六日

試鑄一兩銀幣片

光緒三十年八月十六日

請留膏捐餘款添製軍械摺

光緒三十年八月十七日

辦結施南教案摺

光緒三十年九月初一日

議裁官缺摺

光緒三十年九月十六日

奏議六十四

請設施鶴道缺並升鶴峰州為直隸廳摺

光緒三十年九月十六日

籌畫東三省事宜摺

光緒三十年九月初二日

請暫停道府分發摺

光緒三十年十一月十六日

請旌孝子摺

光緒三十年十一月二十一日

恭報兼管湖北巡撫事日期摺

光緒三十年十二月二十一日

進呈銀幣式樣片

光緒三十一年八月二十九日

清理衛田原章不便另籌簡易辦法摺

光緒三十一年八月二十九日

查明周馥參款摺

光緒三十一年八月二十九日

奏議六十五

裁撤釐金局卡試辦統捐摺

光緒三十一年八月二十九日

遵照新章改編營制餉章並設督練三處摺

光緒三十一年十一月十一日

張文襄公全集

奏議目錄

八

湖北鑄造銅元請由本省自行限制摺光緒三十一年十一月二十八日

進呈擬訂鑛物章程摺光緒三十一年十一月二十八日

改州縣賠款捐為學堂捐留辦本地學務摺光緒三十一年十二月二日

收回粵漢鐵路應陳辦理情形摺并清單 光緒三十一年十二月二十七日

奏議六十六

覆陳黃昌年所奏粵漢鐵路各節摺光緒三十一年十二月二十七日

張文襄公全集

奏議目錄

无

尹銘綬等條陳粵漢鐵路各節當會商辦理片光緒三十一年十二月二十七日

鄂湘粵官紳會議修路公共條款摺并清單 光緒三十一年十二月二十七日

商定湖北境內川漢鐵路接修辦法摺光緒三十一年正月十三日

查覆江西藩司周浩馱法釀案各情摺光緒三十一年四月初四日

奏議六十七

查覆周浩參款摺光緒三十一年閏四月初四日

測勘粵漢川鐵路摺光緒三十二年七月初二日

創設製麻局請暫免稅釐并請敕各省仿辦摺光緒三十二年七月初二日

兩湖新選新補各州縣擬令出洋遊歷摺光緒三十三年七月十日

查明唐步瀛參款摺光緒三十二年九月初一日

奏議六十八

查覆關道參款暨勘定商場情形摺光緒三十三年十月二十二日

張文襄公全集

奏議目錄

罕

湘路商辦窒礙難行應定為官督商辦並舉總理協理摺光緒三十二年十一月二十七日

請將商辦鐵路定章三十年後由官收買一半片光緒三十二年十一月二十七日

機器製麻仍懇暫免稅釐摺光緒三十二年十一月十六日

請定學堂冠服程式摺光緒三十三年四月十六日

請早定鑛物章程摺光緒三十三年五月二十一日

創立存古學堂摺光緒三十三年五月二十九日

奏議六十九

新造模範監獄詳定章程摺光緒三十三年五月二十九日

遵旨覈議新編刑事民事訴訟法摺 光緒三十三年七月初二日

六 虛擬死罪改為流徒各項請仍存死罪之名片 光緒三十三年七月二十六日

三十三 查明漢口日本租界續訂合同摺 光緒三十三年七月二十六日

三十六 收回漢口比國租界片 光緒三十三年七月二十六日

奏議七十

光化移駐縣治建設衙署摺 光緒三十三年七月二十八日

商辦大冶水泥廠請暫免稅釐片 光緒三十三年七月二十八日

籌辦陸軍小學變通部章摺 光緒三十三年七月二十八日

張文襄公全集 奏議目錄

改正鄂省營制餉章摺 光緒三十三年七月二十八日

請獎各學堂畢業生及管理員教員摺 光緒三十三年七月二十八日

二十 請獎梁鼎芬片 光緒三十三年七月二十八日

請獎紀鉅維等片 光緒三十三年七月二十八日

恭報交卸起程日期摺 光緒三十三年八月初二日

會奏監國攝政王禮節摺 光緒三十四年十一月二十日

遺摺 宣統元年八月二十一日

商定兩湖境內粵漢鐵路暨鄂境川漢鐵路借款

合同摺 定稿未奏

張文襄公奏議 目錄

密陳磋商借款情形片 定稿未奏

湘鄂兩省鐵路請永遠官商合辦摺 定稿未奏

奏議七十一

謝授湖北學政摺 同治六年九月十六日

謝授四川學政摺 同治十二年九月初三日

謝授國子監司業摺 光緒五年三月初一日

謝授左春坊左中允摺 光緒五年八月初八日

謝授司經局洗馬摺 光緒五年九月初十日

謝授翰林院侍講摺 光緒六年二月初九日

謝授右春坊右庶子摺 光緒六年六月初七日

張文襄公全集 奏議目錄

謝充日講起居注官摺 光緒六年七月初五日

謝授翰林院侍講學士摺 光緒七年二月十一日

謝授內閣學士兼禮部侍郎銜摺 光緒七年六月初四日

謝授山西巡撫摺 光緒七年十一月十六日

謝賜福字摺 光緒九年十二月二十六日

謝頒賞聖訓摺 光緒十年三月二十六日

謝署兩廣總督摺 光緒十年四月二十九日

謝授兩廣總督摺 光緒十年八月初十日

謝賜福字摺 光緒十一年二月二十日

謝京察議敘摺 光緒十一年二月二十日

謝賞戴花翎摺 光緒十一年七月二十八日

謝賜福字摺 光緒十二年三月二十一日

五十生辰恭謝恩賞摺 光緒十三年九月十五日

謝京察議敘摺 光緒十七年二月二十五日

謝賞頭品頂戴摺 光緒十七年十二月二十三日

謝交部從優議敘摺 光緒十八年閏六月 日

謝賜福字摺 光緒十九年正月初八日

謝賜福字摺 光緒二十年正月初十日

捐置義莊謝賜御書扁額摺 光緒二十年五月十日

謝賜福字摺 光緒二十一年正月二十日

張之洞全集 奏議目錄

聖

謝慶典賞賚摺 光緒二十一年二月初五日

謝子權外用摺 光緒二十一年八月二十六日

謝賜雙福字摺 光緒二十一年十二月二十九日

謝賜福字摺 光緒二十二年十二月二十七日

六十生辰恭謝 皇太后恩賞摺 光緒二十三年八月十二日

六十生辰恭謝 皇上恩賞摺 光緒二十三年八月十二日

謝頒賞平定回匪方略摺 光緒二十三年八月十三日

謝賜福字摺 光緒二十四年正月十二日

謝子權分部學習摺 光緒二十四年六月 日

謝賜福字摺 光緒二十五年正月十五日

謝賜福字摺 光緒二十五年十二月二十四日

謝賞加太子少保銜摺 光緒二十七年十一月 日

謝署兩江總督摺 光緒二十八年九月初八日

謝賜松壽福壽字摺 光緒二十九年正月初十日

謝賜福字摺 光緒二十九年正月十三日

謝京察議敘摺 光緒二十九年正月二十七日

奏議七十二

謝賞紫禁城騎馬摺 光緒二十九年四月二十四日

謝賜江綢貂皮及融和福壽等字摺 光緒三十年二月十九日

謝賜畫扇紗匹摺 光緒三十年五月十五日

張之洞全集 奏議目錄

器

謝賜綢緞摺 光緒三十年八月二十二日

謝賜福壽字如意衣料摺 光緒三十年十月二十九日

謝賜福壽介壽字綢緞貂皮摺 光緒三十一年正月十九日

謝賜福壽字摺 光緒三十一年正月十九日

捐建學堂謝賜御書扁額摺 光緒三十一年四月初四日

謝賜御書慈恩學堂扁額摺 光緒三十一年四月初四日

謝賜畫扇紗匹摺 光緒三十一年五月二十五日

謝子仁侃內用摺 光緒三十一年九月初一日

謝賜綢緞摺 光緒三十一年十一月初九日

謝萬壽賞賚摺 光緒三十一年十一月二十八日

續修四庫全書 史部 詔令奏議類 第八 版三

謝頒賞書經圖說摺 光緒三十二年正月初四日

謝賜福壽眉壽字綢緞貂皮摺 光緒三十二年正月初四日

謝賜福壽字摺 光緒三十二年正月初四日

謝京察議敘摺 光緒三十二年正月初四日

謝賜畫扇紗匹摺 光緒三十二年六月初四日

七十生辰恭謝 皇太后恩賞摺 光緒三十二年八月初五日

七十生辰恭謝 皇上恩賞摺 光緒三十二年八月初五日

謝賜綢緞摺 光緒三十二年九月初四日

謝賜綢緞摺 光緒三十二年十月二十二日

謝賜福壽字摺 光緒三十二年十二月二十八日

張文襄公全集

奏議目錄

哭

謝賜福壽字摺 光緒三十二年十二月二十八日

謝賜畫扇紗匹摺 光緒三十三年五月初九日

謝授協辦大學士摺 光緒三十三年五月二十日

謝授大學士摺 光緒三十三年六月二十五日

謝授體仁閣大學士摺 光緒三十三年六月二十八日

謝授軍機大臣摺 光緒三十三年八月初七日

謝賞西苑門內乘坐二人肩輿摺 光緒三十三年八月初九日

謝賞穿帶素貂褂摺 光緒三十三年十一月初九日

謝管理學部事務摺 光緒三十三年八月十五日

謝充經筵講官摺 光緒三十三年十二月十六日

謝賞加太子太保銜並用紫纒摺 光緒三十四年十一月廿七日

奏議目錄終

張文襄公全集

奏議目錄

哭

張文襄公全集卷一

奏議一

遵旨妥議摺

光緒五年四月初十日

閏三月十七日欽奉 兩宮皇太后懿旨以吏部主事吳可讀遺有密摺請豫定大統之歸前降旨時卽是此意命諸臣妥議具奏竊謂爲 穆宗毅皇帝立嗣繼嗣卽是繼統此出於 兩宮皇太后之意合乎天下臣民之心而卽爲我 皇上之所深願乃萬古不磨之意將來必踐之言臣敬吳可讀之至忠至烈然謂其於不必慮者而過慮於所當慮者而未及深慮也恭查爲 穆

張文襄公全集

卷一

奏議一

一

宗繼嗣之語同治十三年十二月初五日光緒元年正月十七日及本年閏三月十七日三奉懿旨炳如日星從來人君子孫凡言繼嗣者卽指續承大統而言天子諸侯並同一理蓋人君以國爲體諸侯不得祖天子公廟不設於私家苟不承統何以嗣爲下至三代之世卿大夫漢魏以至本朝之世爵世職但云以某爲嗣卽是紹封襲蔭故繼嗣繼統毫無分別徧稽羣經諸史從無異說其分繼統繼嗣爲兩事者乃前明張璁桂萼之怪妄謬說 高宗純皇帝欽定儀禮義疏早已辭而闕之矣今懿旨申命至於再三金匱寶錄何待他求設有迷

妄小人舞文翻案則廷臣中凡讀書識字者皆得執簡而爭所謂不必慮者一也前代人君授受之際事變誠多然就該主事所舉二事論之宋太宗背太祖而害其姪沂王德昭矣德昭非太宗子也明景帝背英宗而廢其姪太子見深矣見深非景帝子也若 皇上以皇子嗣穆宗名曰先朝之繼體實則今日之麟振有何嫌疑有何吝惜以 皇上仁孝之聖質受 兩宮皇太后高厚之殊恩起自宗支付之神器必不忍負 皇太后必不忍負 穆宗且夫遵慈命孝也篤天顯友也使皇子廣孝思於不匱慈也躬膺寶祚而使大統名分歸之於

張文襄公全集

卷一

奏議一

二

先帝讓也無損於實而四美具焉中主亦能勉爲之况聖主乎所謂不必慮者二也該主事所慮趙普黃玠之輩誠難保其必無然忠佞不齊數年前曾有請頒鐵券之廣安矣大小臣工豈遂絕無激發明世宗素大統而昵私親者以興獻王已沒故得藉口親恩恣爲越禮羣臣不能抗也假使興獻而在必尙能以禮自處少加裁制今醇親王天性最厚忠直恪恭該主事既知其賢萬一果如所慮他日有人妄進異言醜親王受累朝之厚恩必能出一言以救正所謂不必慮者三也然而竟如該主事所請明降懿旨將來大統仍歸於 穆宗之嗣

子意則無以易矣詞則未盡善也緣前奉懿旨謂生有皇子卽承繼 穆宗爲嗣今若參以該主事之說是一生而已定爲後之義卽一生而已定大寶之傳合併爲一將類建儲我朝 列聖以立儲爲大戒 高宗九降綸音萬分剴切今若建之有違家法所謂未及慮者一也前代儲貳讓搆奪嫡流弊已多今被以紹統之高名重以承繼之形跡較之尋常主器尤易生嫌所謂未及慮者二也然此尙非其弊之最甚者也天位授受簡在帝心所以慎付託爲宗社計也帝堯多男非止一索聖意所屬知在何人此時早定豈不太驟所謂未及慮者

張文襄公全集

卷一 奏議一

三

三也今者承命集議伏讀此次懿旨卽是此意四字言簡意賅至堅至確天下萬世誰敢不遵無可移易者也獨是聖意宜遵家法亦宜守今日之事約有二說淺之爲 穆宗計者則但如諸臣所議并請一渾涵懿旨略謂屢次懿旨俱已賅括 皇上孝友性成必能處置盡善似乎無所妨矣然而生卽承繼卽是此意一語字字當遵託諸文辭則可避建儲之名見諸實事則儼成一建儲之局他日誕皇子命承繼廷臣中爲公爲私不可知皆必將援 祖訓以爭之則承繼之事中止此日以恐類建儲而承統之說不能定異日又以恐類建儲而

承繼之旨不能宣是令 皇上轉多難處矣然則深之爲 穆宗計而卽爲宗社計惟有因承統者以爲承嗣一法皇子衆多不必遽指定何人承繼將來續承大統者卽承繼 穆宗爲嗣此則本乎聖意合乎家法而

皇上處此亦不至於礙難伏請 兩宮聖裁卽以此意明降懿旨 皇上親政之初循覽慈訓感惻天懷自必仰體聖意再頒諭旨祇告 郊廟宣示萬方則固已昭於天壤堅於金石矣如此約有五利守彝訓一也待宸斷二也無嫌疑三也無更變四也精擇賢五也至於精擇賢而其利宏矣在 兩宮慈愛之念惟期於繼嗣繼

張文襄公全集

卷一 奏議一

四

統久遠遵行豈必亟亟焉指定一承繼之人而後慰卽穆宗在天之靈當亦願後嗣聖德永綏洪祚又豈必斤斤焉早標一嗣子之目而後安此固爲我國家億萬年之至計卽使專爲 穆宗嗣子策之似亦無善於此者矣或謂禮制精深動關名義由此以承統爲承嗣之說安保日後無泥古聚訟者則臣請得條舉其說而豫辨之一曰禮爲人後者爲之子三代人君凡繼先君之統者卽爲先君之後雖無父子之名而用父子之禮 皇上承 穆宗之統矣何以又別立後不知父子之說漢唐來久已不行且 皇上承繼 文宗顯皇帝爲子已

有明文 文宗有子則 穆宗無子矣豈有御宇十二年功德溥四海之 先帝而不為立後者其不足辨一也一日禮嫡子不得後大宗不知此為臣庶言之非為天家言之也古來擇取親屬入承大統則本宗不敢私其嫡子尊尊也若嗣君為先君立嗣則嗣君亦不得私其嫡子蓋嗣君與先君當日固有君臣之分者也亦尊尊也然入承大統者既承累朝之大宗則本支應自為繼別之宗並不得以小宗論於禮於法當別立嗣者也嗣君既為大宗則雖以子為先君後於禮於法不能別立嗣者也然則就今日事勢論之將來皇子雖為 穆

張文襄公全集

卷一 奏議一

五

宗之嗣子仍無妨為 皇上之嫡子尊尊亦親親也皇朝律令對承繼之文則曰本生父母他日稱謂區別聖心自有權衡 兩宮以聖而行權 皇上以聖而制禮一舉而忠孝慈友之人倫備焉尊尊親親之禮意賅焉義協而禮起何為不可其不足辨二也一日春秋傳稱君子大居正故兄弟叔姪輾轉授受每難帖然不知從父從子乃生釁隙若皇子承繼先朝但存名義豈判親疎其不足辨三也凡此皆羣經之精言而實不切於今日之情事設有迂儒引之以撓夫國是佞夫藉之以文其莠言大智聰明豈能惑哉今者往事已矣 惠陵永

闕 帝 后同歸既無委裘遺腹之男復鮮慰情勝無之女傷心千古夫復何言承嗣承統之說不過於禮制典冊之中存此數字空文俾 穆宗在天之靈爽雖遠而不遠幾忘而不忘庶可稍慰 兩宮鬱悶之思且伸皇上友于之愛夫吳可讀區區一貶謫小臣耳尚且昌言以發其端致命以期其許何況子道弟道兼盡之聖主哉昔漢景帝欲悅竇太后之意至有千秋萬歲後傳梁王之語梁王非有應嗣之分者也宋高宗以太宗之後乃閔太祖子孫零落而以太祖七世孫孝宗為嗣孝宗非有承統之約者也 皇上聖明遠在二君之上

張文襄公全集

卷一 奏議一

六

竊謂今日者惟在責成毓慶宮侍學諸臣盡心輔導培養天性開陳至道 皇上孝弟之心油然而自生尊尊親親之等秩然而不紊任賢去佞內修外攘則所以仰體 兩宮上慰 穆宗者固不僅在繼嗣承統一端而已也即以此一端論其沃心正本之方亦在彼而不在此伏維 皇太后與 皇上名分已定恩誼日篤 皇太后視 皇上所生皇子無論承繼 穆宗與否同為己孫 皇上視所生皇子無論承嗣 穆宗與否同為己子君臣一德共濟艱難此宗社之福而臣民之願也臣恭繹懿旨中即是此意妥議具奏二語文義是者是

其將來大統宜歸嗣子之意議者議夫繼嗣繼統並行不悖之方臣工應命陳言豈敢以依違兩可之游詞貽廟堂他日之籌慮是以謹竭愚悃專摺具陳無任悚惕屏營之至

請再降懿旨片 光緒五年四月初十日

再此次懿旨中卽是此意一語乃此議之緊要關鍵天地神祇實所共聞朝野臣民咸所共喻諸臣心知其意而苦於恐涉建儲不敢發揮故不便述此四字之文而專駁吳可讀之摺以爲如此便可不類建儲矣豈知聖意已經宣播若不善爲會通乘此時畫一良策究其事

張文襄公全集

卷一 奏議一

七

勢轉恐終必類於建儲而後已且懿旨上言豫定下言卽是語意相連今不爲之疏解分明以妥議具奏始以無庸置議終傳之四方實駭物聽雖其所謂無庸議者係指原摺而言誠恐迂儒以文害辭誤疑 兩宮有游移之意更恐他日讒佞附會正藉此議爲翻案之端一言之微語病甚大竊謂此事關係至重伏望 兩宮聖裁熟思權衡至當再降懿旨臣愚不勝大願

重案定擬未協摺 光緒五年五月十一日

竊四川東鄉一案昨經欽差恩承童華查辦審擬奏覆敕下刑部議奏在恩承等研鞫數月自當詳慎部臣公

同核議自當平允惟是此案之真正本源緊要關鍵似尙有未盡縷晰上聞者道路傳聞人言藉藉不敢不爲我 皇上陳之伏思此案之查辦由於濫殺濫殺由於誣叛請剿誣叛請剿由於聚眾鬧糧聚眾鬧糧由於違例苛斂各稟各疏中所謂署東鄉縣知縣孫定揚議派捐輸每正銀一兩多加錢五百文是也查四川之捐輸與他省異咸豐中葉軍餉無出計臣議於四川錢糧之外加收津貼津貼者按糧攤派正賦一兩則津貼亦一兩矣咸豐末年更議於津貼之外加收捐輸捐輸者亦按糧攤派川省一百六十州縣除最瘠數十州縣外餘

張文襄公全集

卷一 奏議一

八

皆派及或一年一派或兩年三派由藩司臨時斟酌大約每縣地丁五六千金者捐輸派至萬金上下而錢糧最少之戶不派正賦一兩則捐輸並不止一兩矣此皆報部充餉之正款也而耗羨解費不與焉不特此也川省雜派最多若夫馬局若三費局有者什之八九此外地方公事各局名目不一皆取之於民皆派之於糧局紳議之官吏斂之大率每地丁一兩合之津捐雜派大縣完多將近十兩中縣完少亦須五六兩糧民交納者先完雜費繼完津捐然後許完正賦雜費不完串票不可得無串票則官得治以抗糧之罪其術亦巧而毒矣

非若他省捐輸偶一爲之卽有勒派止累富室而已川省捐輸之數向由藩司派定照文徵收無可加減故東鄉之多收五百文非勒捐富戶也乃加賦也非爲國聚歛也乃肥己也此等情節度朝廷未必盡知也考川省蕃盛自雍正間招民懇荒始國初以來闢地少定賦輕故司農屢次加派而百姓黽勉輸將蓋蜀民涵泳聖澤亦知急公紓難之義不忍吝也官吏於是謂蜀人富而且愚因之苛歛不已然而百姓亦能曲諒官吏辦公之無資私用之不給民力已竭仍不敢怨也何至舊章之外復又增加且東鄉自同治八年以後局中有鉅萬之

張文襄公全集

卷一 奏議一

九

徵收無一紙之清帳鄉民憤激清算遂發兵以剿之且舉無數無干之老弱婦孺而屠戮之此不得不爲四川百姓痛哭流涕而訴之於天地父母者也且 皇太后皇上亦思髮捻所以削平之故乎咸豐以來賊氛幾徧天下師老餉匱岌岌可危然而以次掃盪重覩昇平誠有如宋韓琦歐陽修所云臣等五六書生輔佐太后而天下聽從者此豈盡師武臣力之所致哉良由 列祖列宗深仁厚澤積累淪浹故皇天眷佑我聖清而使然也我朝深仁厚澤固屬美不勝書然大要則有兩事一曰賦歛輕一曰刑罰平賦輕則不至竭民財刑平則不

肯殘民命順治元年 世祖章皇帝諭曰官吏朦混倍徵者殺無赦十三年嚴徵收加派之禁康熙五十二年聖祖仁皇帝特頒永不加賦之諭爲古今數千年所無之善政至於好生惡殺慎重刑辟乃 列聖相傳之心法順治十年六月聖諭有云死者不可復生誤者不可復改此悔此怨咎將誰歸務平心守法使人不冤康熙十二年十二月敕刑部將逆案干連人等情罪稍可矜疑者概行省釋康熙元年三月定錄供不全引律不確之禁二十二年十二月諭大學士等曰人命重大無辜枉死上千天和二十四年四月定有司誣良爲盜照故

張文襄公全集

卷一 奏議一

十

入平人例從重治罪之禁九月定貪官不入緩決之例四十七年二月遣侍郎穆丹審浙江大嵐山賊案親書諭旨令察審時毋得恐嚇良民並諭除賊犯正身外株連人等用刑尤宜謹慎乾隆五十年七月河南王金等糾衆拒傷兵役一案李二等六十七犯持械助勢奉旨從寬免死至大清律一書原本唐律斟酌盡善最爲精詳平允二百年來君臣上下準此斷獄無敢意爲重輕所以培元氣而篤丕基者在此兩端而已嘗考從古帝王所以享國久長者財力兵力權謀術數皆不足恃惟民心爲可恃誠使君仁民悅則雖積貧積弱而不至於

危雖有四裔強隣見其國之民氣固結天心眷注則隱然有不可動搖之勢而不敢生其陵侮覬覦之心卽如近年北省奇災餓殍遍野以尋常事勢論之足以生事然人情帖然饑而不害者上天鑒我 皇太后 皇上有愛民之心故也今孫定揚橫征暴斂妄召外兵殘民以逞民不叛而誣爲叛城不圍而捏爲圍兵已臨而不乘機撫定將欲剿而無一語阻攔流毒半年殺人如草假使非該員捏稟於先則督臣剿洗之批何從而下非該員愆思於後則各營搜殺之念何自而萌原稟明有形同叛逆縣城危在旦夕之語謂之蓄意誣民爲逆百

張文襄公全集

卷一

奏議一

十一

喙何辭查例載誣告叛逆已決者斬律載故入人罪至死者坐今聞恩承等不引確切之本律而牽合告重事不實之條况例載告重事不實并全誣十人以上發邊遠充軍如有干係重大事情臨時酌量辦理何又將後二語刪去乎此非孟子所謂刺人而殺誘罪於兵者哉臣愚以爲不誅孫定揚不惟無以謝東鄉千百之冤魂無以服袁庭蛟并無以服李有恆使 皇太后 皇上早聞四川官吏貪殘剝削之狀親見東鄉百姓焚殺糜爛呼號宛轉之形不知若何閔惻若何憤怒乃案懸四年兩被京控三經糾參兩易督臣三奉查辦而卒之舍

首惡而不誅事無真是非刑無真罪名此臣之所大懼也夫臣亦何惡於孫定揚而必欲誅之所惜者國家之法紀祖宗之德澤苛斂屠殺不忍背叛朝廷之民心近年承軍務之後封疆牧令心粗手滑動輒用兵卽如去年浙江金岷私銀升科一案山東陵縣抗漕一案殺戮亦爲過重然且姑置勿論蓋事未上聞則咎在督撫案已到部則權在朝廷若再不遏其流以後日肆貪虐必至歐民爲盜而後已臣前奉命視學蜀中光緒二年夏間考試川北卽聞物議沸騰擬俟回省詳考本末如實有顛倒卽當上陳乃秋間到省已經臺臣參劾得旨

張文襄公全集

卷一

奏議一

十二

查辦自不便再行瀆奏今日獄成罪定而是非未明臣來自蜀中實有見聞若不一言上無以對朝廷下無以對四川通省之士民此案卷牘太多如蒙飭將孫定揚誣叛請兵原稟原供摘出上呈一經御覽真情立見或謂屢經查辦關涉大員太多豈能再爲平反不知失出一案處分頗輕果爲國家所倚任之大臣用舍操縱朝廷自有權衡何必顧忌牽制致紊大法哉臣願 皇太后 皇上深惟祖訓至嚴人命至重民命可畏天鑒難欺關繫至大不獨一蜀應如何核議之處恭候聖裁

陳明重案初起辦理各員情形片

光緒五年五月十一日

再此案於光緒元年初起時綏定府知府易蔭芝馳往
彈壓核減勒碑解散無事及孫定揚違斷淨收鄉民聚
抗捏圍請兵反稟許知府辦理之非易蔭芝復飛稟川
北鎮止其發兵乃未幾而易蔭芝被劾矣易蔭芝所委
署之太平縣知縣祝士葵前往解散各團即跪地畫押
具結歸案民情安堵未幾而祝士葵撤去矣督臣吳棠
先派總兵謝思友到東鄉剿辦該總兵察知確非叛逆
稟報實情遣人撫定鄉民欣然解散正在吃緊之際而
謝思友又撤矣使易蔭芝之令得行則不至激變使祝
士葵之言而用則不至發兵使謝思友之兵不罷則不

張文襄公全集

卷一 奏議一

三

至多殺此三人者乃此案中文武員弁之最有天良尙
知政體者也此外有開縣知縣畢獻亦能力拒兵勇境
內獲安曲突徙薪正當褒賞然祝士葵謝思友幾於得
罪易蔭芝則中外交劾矣御史則劾以辦理不善督臣
則劾以才欠開展劾以不能拏辦咎在寬乎抑咎在猛
乎一人之罪狀何其紛紛無定評也且督臣吳棠於光
緒元年批以即時解散辦理甚屬妥速固以為功又何
說也四川京官以耳為目但切齒於兵勇而於首禍之
貪官弭患保民之良吏良將全不了了可為太息恭查
乾隆四十一年英山縣知縣倪存謨誣擬極刑一案特

旨將訊出實情之知州倪廷模獎勵諭曰若為知府直
隸州者能將審轉之案虛公研鞠立予平反則所屬可
無冤民較之實心緝盜尤為益於吏治嗣後凡知府直
隸州有將關繫生死出入大案審出實情改擬得當上
司核定題達部議准行者該部查明奏請送部引見著
為令欽此仰見 高宗純皇帝慎重民命課吏探源之
精意今祝士葵謝思友即云事未辦畢無功可錄易蔭
芝即云本管知府不能辭咎朝廷亦當於定案時褒獎
數語以勸將來庶幾為小民全生為國家樹德為地方
省事其益甚大若褒之則以後文武員弁知所從違天

張文襄公全集

卷一 奏議一

古

下之幸也即使不褒而此案啟釁之原委失機誤事之
所在是非皎然上達於朝廷暴白於天下亦蜀民之幸
也迂愚之見伏惟聖明裁察

附陳蜀民困苦情形

光緒五年五月十一日

再外間奏讞皆稱孫定揚於舊章四千二百文之外加
派五百文以臣所聞則東鄉正賦津捐茶課各項雜派
實收制錢十三四千文經知府易蔭芝核減定為七千
數百文孫定揚抗不遵依仍復加徵以致釀禍查四川
通省徵收從來實無一兩止收四千二百文之事即如
前年丁寶楨奏結涪州京控加派淨收一案合計正雜

各費丁銀一兩完納將近十兩原奏具在可覆按也若
僅四千餘卽加數百民亦樂輸矣何至違抗哉丁寶楨
自入川以來深知州縣苛斂爲害首裁夫馬局以恤民
又裁滿堂紅以恤官曾見奏報此案浮收與丁寶楨無
涉與恩承等更無涉自無所用其迴護所以止稱四千
餘者當係專指地丁津捐而言其餘雜派不復併計以
免枝節牽累其實無論向章舊底或係數千或係十數
千其爲加派五百文則一於孫定揚罪名出入無關臣
所以必欲苦爲申辯者以見川省賦斂之太重民力之
困竭誣叛之奇冤欲使蜀民之苦上達宸聽耳

張文襄公全集

卷一 奏議

五

上諭國子監司業張之洞奏重案定擬未協請旨核議
弁聲明文武員弁各摺片據稱四川東鄉縣一案皆由
前東鄉縣知縣孫定揚違例苛斂以致聚眾鬧糧又蓄
意誣民爲逆具稟請剿實爲此案首惡尙書恩承等審
擬覆奏不引誣告叛逆本例而率合告重事不實之條
擬發邊遠充軍又刪去干係重大情事臨時酌量辦理
二語實未得其關鍵等語著刑部弁入全案核議具奏
應行調查案卷並著酌量咨取所稱前綏定府易蔭芝
前署太平縣知縣祝士棻總兵謝思友辦理此案尙知
政體宜予褒獎等語著刑部於定案時聲明請旨欽此

大員關涉重案請令聽候部議摺

光緒五年五月二十日

竊臣昨見邸抄新授庫倫辦事大臣前山東巡撫文格
奏報已於四月十八日交卸來京陛見計日卽將抵京
矣查四川東鄉一案文格應否議處敕部定案請旨文
格甫在山東獲咎適係此案中緊要之大員分應來京
待罪乃竟逍遙事外入對龍光出持旄節溫肅並行羣
情疑訝伏思文格之咎固不僅失察失出而已也東鄉
事起兵集之時文格批飭各營痛加剿洗並非專指外
匪吳奉山一股而言夫洗者屠也謂將一村一寨不分
善惡男婦老幼而盡殺之也近年剿平髮捻脅從必寬

張文襄公全集

卷一 奏議

六

投降必赦亦無全行屠殺之事何至於非叛之民寨而
下令殘忍如此兵勇虎狼也箝之猶恐不制況導之以
搏噬哉臣在川省時卽聞李有恆等以奉札剿殺一語
爲藉口蓋調兵雖由吳棠然其札曰相機剿辦下語尙
有斟酌如文格之不論案情不審事機不察虛實但據
稟報率意批行國家安用督撫大吏爲哉文格山東之
官聲自在聖鑒之中臣在蜀曾與同官見其辦事頗有
才具於清虧空緝國匪辦科場等事尙能認真至此案
之失機誤事臣實不能曲爲之諱雖曾經檢舉究未盡
發重情謂文格非有心誣民則可謂文格非粗率殃民

則不可昔諸葛亮為政期於使人心服李有恆孫定揚固罪無可追然文格不量予罪名李有恆孫定揚之心未必服也且軍律功罪責在主帥督撫則主帥也若行賞則士卒薄而主帥優行罰則將官誅而主帥無罪誠恐諸軍將士不免退有後言此事原委案牘具在部臣自能準情執法斷無不請議處議罪之理惟是該大臣入覲後即當馳赴新任部議上時將到任數日而又黜之乎抑務從輕減而仍令為辦事大臣乎邊陲重寄旋到旋更似非政體因曲貸一人之故而使全案不得其平尤非國法查道光二十三年四月御史陳慶鏞因獲

張文襄公全集

卷一 奏議一

七

咎大員起用太驟奏請 宣宗成皇帝收回成命立蒙俞允聖度轉圜千古欽仰想諭令文格陛見之意正將於到京時考察酌奪默定權衡擬請特降諭旨飭令文格暫緩赴任聽候部議庶於政體無礙抑或將其庫倫辦事大臣暫行開缺之處出自聖裁并懇將臣此奏一併敕部歸入全案核議以成信讞

上諭國子監司業張之洞奏東鄉一案當事起兵集一時文格批飭各營痛加剿洗並非專指外匪吳奉山一股而言致李有恆等以奉札剿殺為藉口據稟批行實屬粗率不量予罪名不足以服李有恆孫定揚等語著

刑部歸入全案一併核議具奏文格著開庫倫辦事大臣缺來京聽候部議欽此

直言不宜沮抑摺

光緒五年七月

日

臣聞古人之言曰君明則臣直蓋上不導之下不肯言也上不究之下不敢言也方今時事多艱 兩宮皇太后 皇上宵旰憂勤勵精振作敬天愛民從諫如流近年來言事諸臣感激思奮不避嫌怨不計禍福競以直言進漸改從前媵娶容默之積習朝野中外同聲稱頌曰此我 皇太后 皇上求治之誠心納言之盛德有以致之也臣方以此為朝廷慶乃五六月間御史孔憲

張文襄公全集

卷一 奏議一

六

穀以言事而被嚴旨矣編修何金壽以言事而又被嚴旨矣森凜可畏讀者悚然兩臣所言之當否臣亦無庸置詞要其上疏之意皆為君國起見可知也言而當采之言而不當置之似亦於事體無害不意以此而被冒昧詆譏之責也且十日之前方以破除情面責羣臣而指斥情面之專疏又譙訶之臣下將何所適從乎在兩臣仰蒙訓示當更增長學識從此論事益審擇言益精於兩臣則有益矣而言者從此奪氣是 皇太后 皇上本有求直言之意而詔書轉啟天下以拒直言之疑臣竊為朝廷惜之軍機大臣等輔弼獻替職所當為即

上意不憚亦當委婉開陳如魏徵勸唐太宗霽威納諫故事若必慮言多聽淆則上有聖明之主裁下有樞府及廷議之參酌狂夫之言聖人擇焉惟其擇而已矣何必因噎而廢食哉近世人多畏蕙士少純忠獎之猶不敢盡忱之其誰肯前不特此也 兩宮聽政 聖主沖齡樞臣等責專任重與尋常執政不同羣僚多指摘時政之疏正足見中朝無作威攬權之臣羣言善而采之則集思廣益之美也羣言未善而怨之亦休休有容之度也卽或以機務繁難思慮偶未周措置偶未協而辦事有誤之名可居壅蔽言路之名不可居若糾繩寂於

張文襄公全集

卷一 奏議一

九

朝而非議騰於野恐亦非樞臣之福也竊謂人臣之事君如人子之事父母也大臣如家督羣臣如餘子大臣謀之小臣匡之小臣議之大臣裁之譽謬之爭論正由同氣之相關若以爲難我則異言而亦怒以爲助我則逆耳而可原故一家雍睦則家肥舉朝協恭則國理昔者漢諸葛亮誠其屬官曰勤攻吾闕明王守仁誠其吏民曰願聞已過然則有闕有過不害爲賢惟求其闕而補之求其過而改之此兩賢之所以不可及也爲臣子者皆當以達聰廣聽之舜禹望朝廷爲樞臣者卽當以諸葛亮王守仁自待伏讀諭旨有云國家廣開言路原

期神補闕失大哉聖人孰不欽服竊惟 皇太后 皇上聖明如此虛懷如此固無闕失之可言然九重之耳目難周卽樞臣之見聞亦恐未盡若讜直過遭摧抑以後萬一果有大闕失誰敢言者言路通塞關繫至重仰懇明降諭旨將朝廷樂聞直言之意剴切宣示曉諭言事諸臣毋得瞻顧天下幸甚

請修省弭災摺

光緒五年七月十八日

竊六月以來金星晝見雲氣有異五月中旬甘肅地震爲災川陝毗連同時震動東至西安以東南過成都以南縱橫幾二千里臣惟金星主占迴非歲星爲福德者

張文襄公全集

卷一 奏議一

三

可比史記漢書皆云中國之山川其維首在隴蜀此次震動多日延袤過廣占候家言雖不可泥然天象地理赫赫明明合觀兩事不可謂非上蒼之示儆也恭考康熙七年金星晝見復兼地震 聖祖仁皇帝下詔修省令臣工指陳闕失以後 列聖遇變修省之舉史不絕書方今 兩宮皇太后 皇上敬天愛民憂勤圖治凡具有耳目心知者無不深知無不感戴實不應有召致災沴之事然而臣職未盡修民困未盡蘇外患未盡息伏望聖心益加寅畏堂廉交儆敕戒羣臣洗心奉職以迓天庥臣向不取星術之說竊據經傳所載儒者所言

約舉數端敬爲 皇太后 皇上臚陳之

一曰納直言修德之實在於修政而修政必自納言始
謹案洪範五行傳謂居聖位者宜寬大包容而備舉歷
朝地震諸異以爲戒仰惟聖哲如天用人行政何一不
權度精審獨是萬幾至繁也九州至廣也法宮高遠見
聞或有未周卽樞府諸大臣密勿勤勞思慮或有未盡
拾遺補缺豈得無人語曰君明則臣直若非實見 皇
太后 皇上仁智聰明至誠求治誰敢言者若非灼知
執政者皆宣力舊臣恪稟宸謨不敢如前代大臣作威
攬權壅蔽言路誰肯言者夫懇直悚切之言卽或不干

張文襄公全集

卷一 奏議一

三

謹怒而招怨必多於國則利矣於身何利焉愚則愚矣
謂非忠乎古文尙書云言逆於心必求諸道言遜於志
必求諸非道故直言者在朝廷則芻蕘也在大臣則藥
石也雖無可采亦不訶責旣足彰聖人善善從長之懷
並足見大臣休休有容之度昔者堯設謗木禹懸鞀鐸
至今不聞道堯禹之失但聞稱堯禹之聖鄭鄉學論執
政然明欲禁之子產不許漢諸葛亮誠其屬吏曰勤攻
吾闕明王守仁誠其屬吏曰願問已過由今思之論執
政者傳乎抑子產傳乎攻亮之闕規守仁之過者傳乎
抑亮與守仁傳乎宋唐介劾文彥博仁宗怒介彥博解

之由今論之唐介賢乎抑彥博賢乎如遇上意不憚樞
臣職在獻替亦當委婉開陳從來一家有急則聚族謀
之國事多艱則舉朝憂之固當以爲助我不當以爲難
我也誠恐無識之人見嚴旨屢下森慄可畏從此懼
緘口不幾因噎而廢食乎伏望朝廷遇有直言俯加優
容以來忠讜此修政之首務也

一曰肅臣職臣聞地道臣道也春秋地震必謹書之傳
義以爲責在臣下邇來中外臣工習爲罷玩或上有德
意而不能宣布或詔令已下而未見奉行或屢蒙教戒
而怙過不改卽使敷衍支吾幸免吏議求其真能仰體

張文襄公全集

卷一 奏議一

三

宵旰憂勤關心國家大計講求利病蒐拔人才者頗罕
其人且比年習氣往往有大員奉旨貶黜而督撫旋卽
奏調者有大員謫戍未久而邊臣旋卽設法乞恩者有
大員奉旨來京另候簡用而旋卽引疾竟不入京者卽
曰人才可惜何妨稍遲歲月俟朝廷果不錄用再列薦
章卽曰志在退閒何不俟入都展覲後再爲陳請竊思
送部引見者若竟不到部吏議綦嚴然則候簡者不亦
事同一律乎循此流弊必至惟感臣門之私恩而不復
知朝廷之威福旣往雖可不咎將來不可不防伏望大
整乾綱務期賞信罰必令行禁止蓋當修之政非三數

端可盡惟令羣臣咸體聖心而重臣尤懷朝命自能竭
智盡力以求各舉其職不勞朝廷之事事教督矣

一曰厚民生謹案周易大象曰山附于地剝上以厚下
安宅程子傳曰山而附著於地地剝之象居人上者觀
剝之象則安養民人以厚其本乃所以安其居也甘肅
地震處所山圯地裂正與易義有合竊惟固邦本養民
生今日約有二義一在獎廉吏朝廷於民之生計不能
事事爲謀惟官吏廉潔自然隨方培養良懦受惠自古
來養民之道言興利者擾而無終求循良者逆而有功
伏考 聖祖之朝褒獎清官擢舉廉吏之詔不可勝紀

張文襄公全集

卷一 奏議一

三

所以吏治蒸蒸康阜盛隆比於三代方今宦途日雜能
吏雖多廉吏頗少病國以肥身家剝民以媚大吏民生
日蹙職此之由擬請敕下各省督撫訪察屬吏清操卓
著者露章保薦特加獎擢以風其餘一在省釐稅查抽
釐之舉餉項所資勢難裁罷然朝廷所取者有制局員
苛索者無窮食用瑣屑亦加辜權不守舊章日增月盛
乾沒之數少者等於官收多者三倍不止故外省營謀釐
差與得缺等三江兩湖川廣諸省因員役暴征鬧局釀
案者不一而足商民愁困禍基不淺欲救今日之弊不
在減局卡而在禁私征伏請嚴飭各省督撫認真察禁

勿見小利籌一妥善章程寬比較之數慎任用之人以
約束稽覈之權付之該地方府州縣官庶幾弊可少息
而民可少安乎

一曰謹河防史傳所載太白爲變亦或主水今年黃河
伏汎甚猛河南省城外險工可危夏間清江浦一帶奇
風爲災黃河故道民居吹壞無數或是河將南徙地氣
先動之徵設有不虞不獨汴城爲魚雖再費帑金千萬
無益於事目前幸免無患秋汎不可不防擬請詣諭東
河總督河南巡撫早籌萬全勿惜工費或於險工處所
相度水衝於大堤內數里之遙急築月堤仿堵築決口

張文襄公全集

卷一 奏議一

三

之法挑掘引河一道因土爲堤所挑引河令其東趨於
十里內外仍令歸入大河萬一有變決流必順引河東
下省城可保或照此引河月堤之法作於北岸則溜勢
可分不至南決即使今歲安瀾而汴省地形太窪黑崗
口溜勢太險將來恐亦未嘗無益此事關繫汴省全城
民命此工除帑金外仍可兼資民力當非難成可否敕
交該省督撫酌度籌辦

以上各條不過微臣一隅之見推廣做惕惟賴聖明漢
劉向條災異疏有日和氣致祥乖氣致異眾賢和於朝
則萬物和於野朝臣和於內則萬國和於外以和致和

則獲天助是惟廟堂之上開誠布公任賢遠佞大臣以
不虛心為戒小臣以不正言為恥協恭以謀國同心以
禦侮所謂和也人事既盡則天庥至內治既修則外憂
絕恐懼致福是在聖心而已矣臣迂愚之儒偶有管窺
不敢自安緘默謹竭誠上奏以備裁擇

畿輔旱災請速籌荒政摺 光緒五年八月 日

竊查直隸本年亢旱災歉已成前經直隸督臣李鴻章
奏明飭屬查勘災區籌議奏辦采買奉糧平糶備賑請
免釐稅奉旨允准在案仰見 皇上軫念畿疆惠恤災
黎之至意乃自入秋以來雨澤稀少蝗蝻未淨今節逾

張文襄公全集

卷一 奏議一

三

寒露種麥已恐無及糧價日昂災形日甚直隸素稱貧
瘠民鮮蓋藏去年至今游遭荒旱惟附京三四百里以
內秋收尚有數成餘則保定以西河間以南旱蝗相乘
災區甚廣即有田頃許者尙且不能自存下戶疲氓困
苦更難言狀春間猶采苜蓿榆葉榆皮為食繼食槐柳
葉繼食穀秕糠屑麥蘖大率一村十家其經年不見穀
食者十室而五流亡轉徙者十室而三逃荒乞丐充塞運
河官道之旁倒斃滿路有業者賤賣田畝以謀一月之
糧宰食牲畜以延數日之命過此以往浸至有產者無
以為產可耕者無以為耕轉瞬入冬饑寒交迫難保無

匪徒竊發煽惑滋事京畿密邇可慮尤深拯救之方萬
不可緩然山西河南皆罹大祲朝廷賑恤業已不遺餘
力竊就今日時勢尙能舉辦者酌擬數條以備聖明裁
擇

一曰借款平糶去年直境旱荒經督臣李鴻章於各州
縣發平糶糧價賴以少減人心藉以稍定惟時止一月
為期較促目前距明年麥秋尙遠擬請敕下督臣於津
省庫款中無論何項暫行借動二三十萬多購奉糧分
撥災區源源平糶得價比買價稍增便可補出運費此
於國帑無虧而於民生有益古名臣如文彥博范仲淹

張文襄公全集

卷一 奏議一

三

蘇軾畢仲游諸人之救荒惟以平糶為事其效可觀也
不費之惠無過於此
一曰分地勸貸方今各直省待澤者多請帑發倉勢難
博濟惟有勸本地之富戶拯本地之窮民則事分而易
舉直境富室雖少然彼善於此者尙屬不乏若使擁其
餘粟倍利居奇乘人之危坐收賤產揆諸情理未免不
仁特是傾囊施賑人情所難嘗考經典之言救荒必以
賑貸並舉蓋賑偏枯而貸兩利故賑有限而貸無窮擬
請略仿社倉之法敕下督臣嚴飭各州縣查明災區不
得諱飾勸諭紳富凡收穀百石以上者出穀一成三百

石以上者三成存於公所富戶無田者出錢買穀比照辦理每州縣設立公倉四五處選公正紳董司其事有本州縣貧民借貸者籍之令其秋收後加息償交公倉給還本主若穀價仍貴酌量減免其利能還不還者官爲究處次年歉則令勸豐則暫停其出穀較多者以穀價合銀酌請獎敘給予封典虛銜等項其計銀給獎之數視報捐者酌增一倍應俟督臣籌議以爲可行時再行奏咨酌議出穀少者或官給扁額旌獎或許零星併計移獎此項在朝廷雖未受其輸納然能爲國家拯救饑饉消弭亂源亦與急公者無異且義田義學贍宗收

張文襄公全集

卷一 奏議一

三

族尙得請獎以彼方此義亦何殊上之所予者虛榮下之所濡者實惠此蓋本宋朱子社倉之意而變通之而加以旌獎勸勵則富室較爲樂從查雍正乾隆年間直隸各處皆有社倉嗣後修舉無人寢以廢墮今日勸貸之舉正復舊制非創新章也

一日井工代賑直隸災荒多由亢旱自元明以至本朝論者多言北方宜興水利惟地勢水性土宜民風不盡與稻田相宜且河渠大工難興易廢故雍正年間雖經興修終未能徧行通省惟井泉溉田一法鑿鑿可行臣土著燕南灼知其利若甯津定州趙州藁城之間所在

多有大率轆轤井一口可溉田十畝水車井一口可溉田五十畝凡用井澆灌者一畝所入可多常地三倍除山麓海濱浮沙窪灘之地水皆可用徒以工費較多貧者但俸天功情者苟安不變昔乾隆間崔紀陳宏謀巡撫陝西時飭屬開井甚多民賴其利督臣李鴻章於同治年間曾經通飭勸辦農民憚於煩費未盡信從救患興利正在此時若及今廣興井工勸導富民出貲倡辦今年固可養無數之窮民來年即可得無數之沃壤有雨則豐者益豐遇旱則歉者不歉其出資甚鉅者由州縣稟請驗收查實錢數比照捐辦官工酌請獎敘其獎敘章

張文襄公全集

卷一 奏議一

三

程亦俟督臣定議必行時再爲酌議出貲少者外獎其開掘多少無從欺飾此一時救荒之策卽永遠備荒之計所謂一舉兩利者也擬請敕下督臣詳加規畫專派賢員督率有司因地制宜實心辦理不准州縣畏難搪塞開辦多者優獎古人云救荒無善策然則僅講救荒固不如備荒之爲愈矣

以上三條似尙切近易行若夫應蠲應緩出自朝廷之特恩不敢妄冀施錢施粥聽諸富民之義舉不能強求所有一切撫恤事宜應請併敕督臣急爲籌畫迅速舉行其不盡心荒政之官吏嚴加參劾則畿輔災民全活

必多抑臣之愚竊謂此三條均屬惠而不費之方經久可行之計不特最切於近畿並可推行於秦晉豫東諸省蓋北方苦旱既已連年今歲偏災不止十省以後天時人事正未可知奇荒不可以預料曠恩不可以頻邀正供不可以屢闕盜萌不可以玩視可否并救交北五省督撫核議預籌或亦可備一義至於燕晉沿邊或旗或民力行屯墾圍場牧廠酌量省併廣舉農功則可以增無窮之穀粟南北各省山澤之利設法開采毅然不惑則可以養無數之游民此尤阜財足食之本務富民強國之宏規較之臨時補苴艱難捐助其為功大小固

張文襄公全集 卷一 奏議一 三

不可同日而語矣惟賴聖謨宏遠及時規畫施行民生幸甚

災象可憂請儲糧平糶摺 光緒五年九月 日

本年河南山陝等省被災甚重直隸境內亦大半災荒糧價騰踊秋令缺雨種麥已遲新陳不接為期太遠近日外縣饑民來京覓食者絡繹不絕一入寒冬不特京邑之內粥廠闖溢而不能容盜賊公行而無所忌且燕豫晉秦數千里粒食日艱生計日蹙設有揭竿嘯聚更將若何收拾朝廷發帑截漕至再至三 皇上如天之仁固已遠邁前古惟是荒政多端賑止其一晉豫雖荷

鴻施而京畿未聞有備眉睫之患尤宜豫防竊謂虧帑博濟則勢有所難騰挪調劑則毫無所損為今之計惟有大舉儲糧平糶一策擬請敕下直隸督臣李鴻章於天津庫款無論何項經費借撥銀二三十萬再借洋款數十萬共湊百萬派員分領南赴上海收買洋米北赴牛莊收買奉天雜糧兼於東昌收買山東雜糧今年北口外尤屬豐收能否在彼采買由灤河入口運津應聽其察度辦理於天津設立糶運總局所購之糧隨到隨運北發京師南發晉豫查照市價減值平糶運晉者分兩路一由運河舟運至泊頭陸運至獲鹿以達太原一

張文襄公全集 卷一 奏議一 三

由運河舟運至衛輝陸運至原稿缺二字以達懷慶一由利

津海口入大清河至道口陸運以達開封所以必分數路者米糧重滯若道塗壅塞周轉遲鈍則運糶無多聞晉省現在雜糧市價每石約八兩省外約皆十餘兩奉糧每石約一兩二三錢洋米每石約二兩聞招商局自津運晉每石運費約二兩二錢以買本運費合計洋米每石四兩以外奉糧每石四兩以內便抵太原即使采買漸貴較之該省市價仍相懸絕除去局費耗折洋款利息尚覺有餘豫省糧價較賤而道口距汴省止一百八十里衛輝距懷慶止二百餘里陸運無多運費更省

李鴻章奏稱飭查災區未知近來各處稟報若何有無
籌畫仰懇天恩諭令李鴻章速派賢員認真詳查早籌
拯救以仰副 聖主惠恤災黎不忍一夫失所之意臣
無任屏營激切之至

張文襄公全集卷一終

張文襄公全集 卷一 奏議一

三

新城王樹桂校

張文襄公全集卷二

奏議二

熟權俄約利害摺 光緒五年十二月初五日

竊臣近閱邸抄因俄國定約使臣辱命奉有廷臣集議
之旨所有條約傳聞大概臣竊不勝憤懣謹將此約從
違利害縷晰為我 皇太后 皇上陳之新約十八條
他姑勿論其最謬者如陸路通商由嘉峪關西安漢中
直達漢口秦隴要害荆楚上游盡為所據馬頭所在支
蔓日盛消息皆通邊圉雖防堂奧已失不可許者一東
三省國家根本伯都訥吉林精華若許其乘船至此即
張文襄公全集 卷二 奏議一
與東三省全境任其游行無異陪京密邇肩背單寒是
於綏芬河之西無故自蹙地二千里且內河行舟乃各
國積年所力求而不得者一許俄人效尤踵至不可許
者二朝廷不爭稅課當恤商民若準回兩部蒙古各盟
一任俄人貿易概免納稅華商日困猶末也以積弱苦
貧之蒙古徒供俄人盤剝以新疆鉅萬之軍餉徒為俄
人委輸且張家口等處內地開設行棧以後逐漸推廣
設啟戎心萬里之內首尾銜接不可許者三中國屏藩
全在內外蒙古沙漠萬里天所以限俄人即欲犯邊迤
北一面總費周折若蒙古臺站供其役使彼更將指重

一第丁〇册 續修四庫全書第〇 反反內

利以陷蒙人一旦有事音信易通糧運無阻勢必煽我藩屬爲彼先導不可許者四條約所載俄人准建卡倫三十有六延袤太廣無事而商往則譏不勝譏有事而兵來則禦不勝禦不可許者五各國商賈從無明言許帶軍械之例今無故聲明人帶一槍其意何居假如千百爲羣闖然徑入是兵是商誰能辨之不可許者六俄人商稅種種取巧如各國希冀均霑洋關稅課必至歲絀數百萬不可許者七同治三年新疆已經議定之界又欲內侵斷我南通八城之路新疆形勢北路荒涼南城富庶爭礮瘡棄膏腴務虛名受實禍不可許者八伊

張文襄公全集

卷二 奏議二

二

犁塔爾巴哈台科布多烏里雅蘇台喀什噶爾烏魯木齊古城吐魯番哈密嘉峪關等處准設領事官是西域全疆盡歸控制有洋官則有洋商有洋商則有洋兵初則奪我事權既則反客爲主馴至彼有官而我無官彼有兵而我無兵且各國通例惟沿邊沿海准設外邦領事若烏里雅蘇台科布多烏魯木齊古城哈密吐魯番嘉峪關乃我境內今自俄人作俑設各國援例將十八省腹地徧布洋官不可許者九名還伊犁而三面山嶺內卡倫以外盤踞如故據高臨下險要失矣割霍爾果斯河以西格得滿島以北屯墾無區畜牧無所地利盡

矣金頂寺久爲俄人市屢既與約定俄人產業不更交還是伊犁一綫東來之道必穿俄巢出路絕矣寥寥遺黎彼又盡遷以往人民空矣擲二百八十萬有用之財當一無險要無地利無出路無人民之伊犁將安用之不可許者十俄人索之可謂至貪至橫崇厚允之可謂至謬至愚 皇太后 皇上赫然震怒譴使臣下廷議可謂至明至斷上至樞臣總署王大臣以至百司庶官人人知其不可所以不敢公言改議者誠恐一經變約或招釁端然臣以爲不足懼也必改此議不能無事不改此議不可爲國請言改議之道其要有四一曰計決

張文襄公全集

卷二 奏議二

三

二曰氣盛三曰理長四曰謀定何謂計決無理之約使臣許之朝廷未嘗許之崇厚誤國媚敵擅許擅歸國人皆可殺者也伏望聖交刑部明正典刑治使臣之罪之例復有臣執全權可否仍在朝廷之條正與崇厚不遵密函不請諭旨之罪相合者英之獄成憲昭然故立誅崇厚則計決何謂氣盛俄人欺我使臣孤弱逼脅畫押施一償百意猶未饜不料俄羅斯峴然大國乃至出此不特中國憤怒即環海萬國亦必皆不直其所爲至俄使不待定議聲言歸國外洋亦無此例況凱陽德係

署理公使豈能擅歸其爲恫喝無實情狀顯然儘可去留不必過問莫若明降諭旨將俄人不公不平臣民公議不願之故布告中外行文各國評其曲直並屬各國會堂將我國家情理兼盡之處列入新聞紙明諭邊臣整備以待據衆怒難犯之情執國敝不從之志俄國雖大自與土耳其苦戰以來師老財殫臣離民怨近歲其國主屢有防人行刺之舉若更渝盟犯順圖遠勞民必且有蕭牆之禍行將自斃焉能及人故明示中外則氣盛何謂理長種種要約皆由伊犁而起若盡如新約所得者伊犁二字之空名所失者新疆二萬里之實際而

張文襄公全集

卷二 奏議一

四

每年尚須耗四五百萬餉需以供邊帥防軍建城開屯之用是有新疆尙不如無新疆也索伊犁而盡拂其請則曲在我置伊犁而仍肆責言則曲在俄况使臣畫押未奉御批未鈐御寶一如載書未畝豈足爲憑俄人理屈詞窮焉能生釁故綏索伊犁則理長何謂謀定俄人而講信義兵端可以不開若俄人必欲背公法棄和好設防之處大約三路一新疆一吉林一天津左宗棠席屢勝之威兵力素強金順劉錦棠錫綸張曜亦皆健將以靜待動俄人必敗聯絡喇嘛棍噶札拉泰過其歸路彼將隻輪不返若出吉林邊地遼奠林谷叢雜其地去

俄都二萬餘里懸軍深入饋餉艱難不能用衆如特簡兼資文武之將帥授以重權資以的餉分南北洋海防經費之半爲經略東三省之資命左宗棠金順選撥籍隸東三省之知兵將官數人東來聽用招集索倫赫津打牲人衆教練成軍其人素性雄勇習與俄鬪定能制勝卽小有挫衄堅守數月必解而去天津一路逼近神京然俄國兵船扼於英法公例向不能出地中海卽強以商船載兵而來亦非西洋有鐵甲等船者比李鴻章高勳重寄歲糜數百萬金錢以製機器而養淮軍正爲今日若並不能一戰安用重臣伏請嚴飭李鴻章論以

張文襄公全集

卷二 奏議一

五

計無中變責無旁貸及早選將練兵仿照德國新式增建礮臺戰而勝則酬以公侯之賞不勝則加以不測之罰設卽以贖伊犁之二百八十萬金願募西洋勁卒亦必能爲我用俄人蠶食回疆吞併浩罕意在拊印度之背不特我之患亦英之憂也李鴻章若以此開悟英使輔車唇齒當可同仇近年立功宿將如彭玉麟楊岳斌鮑超劉銘傳善慶岑毓英郭松林宋慶喜昌彭楚漢郭寶昌曹克忠李雲麟陳國瑞等或現任或退閒或處廢籍如酌量宣召來京令其詳議籌策分駐京通津沽及東三省以備不虞山有猛虎自可建威銷萌故急修武

備則謀定臣非敢迂論高談以大局爲孤注惟深觀世變日益艱難西洋撓我權政東洋思啟封疆今俄人又故挑衅端若更忍之讓之從此各國相逼而來至於忍無可忍讓無可讓又將奈何無論我之禦俄本有勝理卽或疆場之役利鈍無常臣料俄人雖五戰不能越嘉峪關雖三勝不能薄寧古塔終不至掣動全局曠日持久頓兵乏食其勢自窮何畏之有然則及今一決乃中國強弱之機尤人才消長之會此時猛將謀臣足可一戰若再閱數年左宗棠雖在而已衰李鴻章未衰而將老精銳漸盡欲戰不能而俄人已城於東屯於西行棧

張文襄公全集

卷二 奏議二

六

於北縱橫窟穴於口內外通衛藏脅朝鮮不以今日捍之於藩籬而待他日門之於庭戶悔何及乎要之武備者改議宜修不改議亦宜修伊犁者改議宜緩不改議亦宜緩崇厚者改議宜誅不改議亦宜誅此中外羣臣之公言非臣一人之私言也輔謀在疆臣作氣在百寮據理力辯在總理衙門而決計獨斷始終堅持則在我皇太后 皇上事關宗社大計坐視不能緘默不敢仰懇將臣此疏一并發交廷臣會議不勝憂憤迫切之至

詳籌邊計摺

光緒五年十二月十六日

竊臣於本月初五日曾上一疏備論俄約從違利害

皇太后 皇上既一再下廷議矣臣前疏之意要以急修武備爲主竊揆朝廷之意亦未嘗不以修備爲是而似不免以修備爲難豈非洞見二十年來邊備一無可恃遂覺中國大勢斷不足以禦強鄰故不免長慮卻顧不得已而出於講耶臣愚以爲無備則不能戰無備則并不能講及今而言備尙有可備之兵尙有可備之餉尙有可備之人敢就前疏未盡之意詳切臚陳唯聖明垂察焉備之法曰練兵曰籌餉曰用人練兵如何首練蒙古兵蒙古各盟與聖清累朝同休戚與今日中華同利害雍乾間征討準回各部均資其兵力以集大勦近年各藩無才日就貧弱俄人乘機闖入烏梁海南北受其牢籠喀魯倫河東西侵爲田牧漸且盡奪膏腴雜居無限一旦有事卡倫鄂博直如虛設彼將徑叩邊牆擬請特命蒙古王大臣隨帶曉習邊事文武數員周歷各盟體察土謝圖等四汗所屬情形息耗強弱諸王台吉才智高下縷晰以聞布告各盟曉以俄人叵測意在蠶食蒙疆激勵所部講求牧政簡練成軍創辦之始酌給餉需蒙人以畜牧爲耕鑿若多發帑金市其戰馬配給邊軍蒙人得金我軍得馬邊軍多馬則兵強蒙馬易售

張文襄公全集

卷二 奏議二

七

則蒙人因富而亦強設俄人內犯我堅守邊牆蒙人截其輜重擊其惰歸其師必盡蒙古強則我之候遮也蒙古弱則彼之魚肉也出入之間利害不可以道里計矣其次練西兵沙漠荒寒馳驟搏擊南人十不敵北人一關內人三不敵邊外人一劉錦棠之軍名爲湘營實多隴西壯士關外流人以故所向有功額魯特種人質性強悍阿拉善王部內向練有喇嘛兵數千亦甚可用若推廣於西北各部喇嘛擇其桀出者多假以呼圖克圖名號必能號召約束執戈前驅哈薩克雖爲俄人所脅逃出歸化者不少若令錫綸招徠此輩加以訓練庶湘

張文襄公全集

卷二 奏議一

八

營之勢不孤以後屯戍之役更不煩征調南軍矣其次練東兵黑龍江人素樸勇古有滿萬無敵之稱國朝名將多產其間將軍得人則盡人皆爲勁旅吉林金匪盤踞日久黨類繁多必欲勤捕驅除盡空其地斷無是事莫若撫之使爲我用免爲俄人所誘轉致多樹一敵又其次練北洋兵李鴻章新購蚊子船頗稱便利惜爲數不多其價尙廉似宜向歐洲續造數十艘專派統領分屯北洋大沽營口煙臺三處一方有警兩口赴援伺敵登岸圍其舟而焚之敵無歸矣惟舟師海戰准人十不敵閩廣人一請敕閩廣督臣擇熟悉海戰將弁數人招

募閩廣精卒來津聽用水陸之備既完如更密諭會紀澤結英圖俄攻所必救以掣敵勢此亦一奇也籌餉如何北洋所需本有海防經費新疆所需本有西征專餉東三省餉項可於南洋海防經費或各關提存二成內酌撥惟整頓蒙軍及沿邊重鎮如科布多烏里雅蘇台歸化城庫倫張家口諸處雖係次衝如從容布置亦須增兵增餉竊思各省營勇除津防西征兩軍外現存不下數百營節腹地之虛糜即可供邊軍之騰飽擬請敕下各督撫酌量裁撤大約汰四存六而邊餉出矣此外若倍徵洋藥稅歲可得數百萬酌提江廣漕折運脚亦

張文襄公全集

卷二 奏議一

九

可得二三十萬整頓淮綱但能專杜商私所得亦不下數十萬錢流地上得人斯理耳用人如何蒙古部當以蒙古王率之科爾沁親王伯彥諾謨祜世篤忠貞廉樸勇敢若令其總統各盟副以大臣分防烏里雅蘇台庫倫兩路當能遠追超勇親王策凌之英風近紹忠親王僧格林沁之餘烈劉錦棠前敵大將若假以重權則聲威益振錫綸現扼塔爾巴哈台爲極邊張曜可使備科布多爲後路均宜重其任厚其兵裕其餉使三軍相與犄角則俄馬不敢西牧矣至東三省內撫外攘斷非長才不辦現任各將軍才皆不逾中人恐不足以備緩急

可否於京外大員中遴選數人特降諭旨令將經畫關
東方略條議以聞就中察其實有條理器閎志壯者授
以東方之任若夫總攬九邊指揮諸將一如問耕問織
當責之素習之人似宜密諭左宗棠將各路戰守機宜
明白條上設異日俄人敗盟必開兵端即令左宗棠別
薦老成屬以隴事而身自來朝入閣以備廟堂咨訪籌
策亦無不可昔范仲淹自請行邊識者以爲措置西事
當在中書可見運籌決勝不在自將臨邊鎮一方何如
策全局乎其籌餉事理尤在度支得人侍郎閻敬銘長
於綜核理財有效朝野咸知今雖養疴山居並非篤老

張文襄公全集

卷二

奏議一

十

閻敬銘之心何嘗一日忘天下哉若蒙溫旨宣召動以
時艱諭以大義該侍郎豈忍堅辭得閻敬銘以理度支
朝廷當不憂饋餉矣此外文武之才儲備宜廣擬請敕
李鴻章左宗棠切實薦舉以備錄用邊才本屬專門方
今京外通弊冗員多而真才少不索何獲不學何能即
如李鴻章左宗棠等若非中原多事久歷兵間其才何
由而成何由而見伏望敕下各部堂官各省督撫就屬
員中訪求志節可造之人有願講求邊事者即行奏請
發往東西兩邊以資練習隱逸者士未仕者一體列薦
數年之後人才輩出安知不更有駕李鴻章左宗棠而

上之者何至令朝廷西顧東瞻興不得頗牧之嘆哉出
使絕國漢有專科必如陸賈之辯蘇武之節傅介子陳
湯之權略常惠班超之勇方稱斯職並請諭令疆臣亟
爲物色備行人之選庶可與謀臣戰士相輔爲功有備
如此可以戰矣然臣知國家之意非欲戰也即臣之言
亦非求戰也必實有戰心實有戰具而後可以爲講之
地也則請更籌講法一曰責以義自我 聖祖以來與
俄國久通盟聘不以藩屬畜之并不以外夷目之我兵
圍雅克薩城俄人窮蹙 聖祖不忍舍而弗攻前有徐
元文之碑後有察畢那之案載在盟府炳若日星是我

張文襄公全集

卷二

奏議一

十一

之有德於俄一也迭次所獲羅刹宜番等百餘人不加
誅戮賜居京師編爲佐領是我之有德於俄二也 世
宗時俄國官生來學於是建俄羅斯館於是立俄羅斯
學學醫則遣蒙古醫往學喇嘛經典則遣託波爾番僧
往是我之有德於俄三也恰克圖開關互市以利俄商
縱茶黃出口以活俄民乾隆間俄人渝約犯禁我 高
宗如天之度不加以兵因其悔罪仍許通商是我之有
德於俄四也我有四德俄不知報咸豐八年乘我方有
兵事給奕山而攘我烏蘇里江東之地五千里又誑我
沿邊常住卡倫以外之地萬餘里 文宗念舊盟重鄰

鮮閔兩國生靈因而畀之環海四洲莫不以俄爲曲今又乘我天子冲齡邊圉甫定挾小惠以徼大利俄之君臣獨不畏罹違天不祥之咎乎二曰折以約陸路通商不便原許酌商不得節外生枝則有咸豐十年之續約第十四條在有緊要妨礙之處尙未滿限立即議改則有同治八年改訂之約第二十二條在界牌永無更改他地並不侵佔則有咸豐十年之續約第一條在邊界既定登冊繪圖兩國永無此疆彼界之爭則有咸豐十年之約第九條在張家口不設領事不立行棧則有同治八年改定之約第四條在京城恰克圖二處公文准張文襄公全集卷二 奏議一

十一

關外天山南北概不納稅新約有舊約無通商總例向完正稅子稅今云陝甘漢口不納子稅新約有舊約無交易原須兩利華商豈可偏枯今云准以貨物抵帳新約有舊約無通商許人帶兵器一件未言火器查洋槍洋礮洋火藥尙爲禁物今云人帶一槍新約有舊約無領事官向止與地方官平行自不得與大憲抗禮今云領事與大憲往來用信函會晤用友邦禮新約有舊約無就臣所指駁者固已如此其多其他或自相矛盾或影射欺蒙若總理衙門更按各國條約參酌比例並檢俄國歷屆照會逐細研求可駁者更復何限以此詰俄張文襄公全集卷二 奏議一

十一

用臺站站費兩國共之今云在蒙古地方天山南北行路寄信概用臺站新約有舊約無准設領事向止伊塔喀三城今又增烏魯木齊六處新約有舊約無入邊道路止恰克圖近邊馬頭止張家口今又取道關隴以達漢口新約有舊約無松花江行船至伯都訥與沿江一帶居民貿易新約有舊約無俄人來路向出北道尙免西防今由科布多過歸化城運貨前往天津新約有舊約無蒙古貿易或准或未准今忽以中國蒙古並蒙古各盟已設官未設官之處括之新約有舊約無不納稅者向止兩國邊界百里內爲然今云在中國蒙古地方

絕俄兵連禍結俄之精銳竭於外俄之亂黨起於內恐比得羅堡國都非俄之有也俄人自命大國比年收納難民代采軍精其心頗欲市義沽名今見我有備而又參理勢兼剛柔以動之蔑不聽矣至使臣緩急變通則當更求操縱之法或新約不許而增兵費郵款之數以易伊犁或新約不許而令左宗棠畫窮邊荒遠無關要害之地數百里與之使盡歸伊犁山川要隘是我棄一石田而得完伊犁也新約不許伊犁不歸則令歸我罪人白彥虎我仍以償款酬之此一役也俄有所得既足以戢戎心我除遺孽亦足以存國體此三者為奇兵為

張文襄公全集

卷二

奏議一

西

活著臨事相機是在使臣之善應矣總而論之備為主講為輔操縱為變化我苟無備俄人知我虛實肆其恫喝雖有辯士將不得言言亦不信雖然修備之道並非朝廷頒一詔書疆吏辦一覆奏已也竊念自咸豐以來無年不辦洋務無日不講自強因洋務而進用者數百人因洋務而糜耗者數千萬冠蓋之使交錯於海邦市船之司日增於腹地屈已捐愛將日待時事閱三朝積弱如故一有俄事從違莫決縉紳束手將帥變色即號憂國持高論者亦徒吁嗟太息而不能知其所以然泄泄悠悠委其憂於君父今猶中興時也不知十餘年後

又將何以處之有七年之病而不蓄三年之艾此古來志士仁人所為搯腕而歎恨者也伏願 皇太后 皇上自今日始君臣上下卧薪嘗膽戒鳩毒之安惕肘腋之患專心求賢才破格行賞罰如仍有以含垢姑安養晦縱敵之說進者一切斥勿用然後修備始非虛文矣昔者晉無失德符堅恃強而伐之渡淮而堅滅宋無亂政完顏亮恃強而伐之臨江而亮亡天眷所在雖偏安之朝猶足以勝強敵況以國家德澤之深疆域之廣物力雖絀而未窮人才雖稀而未盡如謂修德修政竭禹跡九州之全力而不能與一鄰國抗殆亦數千年來史

張文襄公全集

卷二

奏議一

五

册所未有者也仰懇 皇太后 皇上將臣此疏交再議之王大臣等一併議奏以備裁擇茲事體大臣書生之見不知有當萬一否

邊防實效全在得人摺

光緒六年正月二十一日

竊臣仰承諭旨於會議事件累與各商邊防之法現經王大臣等籌議覆奏臣惟邊防事宜不外廷議數端而究之邊防有益無益有效無效必以得人不得人為斷得其人則皆勝算也不得其人則盡空文也大抵得入之道約有數端一曰至誠責大臣以薦舉不薦不止廣條目以求才不得不休二曰秉公務采物望務拔幽滯

黜尸素禁濫竽不以喜怒為愛憎不以異同為去取三曰虛心不患下無才但患上不求才朝廷以樞臣為耳目樞臣當以公論為耳目宜預儲之於夾袋不可取辦於臨時四曰破格勿計年資勿泥成例奇傑之才不拘文武艱鉅之任不限疏戚五曰器使足食足兵量能授任南船北馬各用所長即塞外番僧泰西智巧駕馭有方皆可供我策遣六曰節取邊才每多偏駁健將每涉不羈不以一眚掩大德不以二穀棄干城或取其技能或採其議論七曰造就有邊事始有邊才頗牧衛霍非本天生皆由習練疆圉孔棘之秋正磨練人才之具我

張文襄公全集

卷二 奏議一

六

朝平準回平金川平川楚教匪平粵捻每辦一次軍務即出一次人才是其明證總之朝議之所能籌臣下之所能請者不過曰簡命重臣不過曰宣召宿將不過曰飭大臣薦舉不過曰請旨考核對調至於派何人召何將薦舉之用與不用考核之嚴與不嚴則其中真精神真消息全在朝廷惟有仰懇 皇太后 皇上責成軍機大臣將廷臣所稱派重臣召宿將保薦考核各條平心鑒裁竭誠翊贊然後邊防一事不至勞師糜餼徒令海內騷然而終歸於有名無實也

俄事機可乘善籌抵制摺 光緒 年 月 日

竊維俄事大端界務以伊犁全境為最重商務以西漢通商為最重前此廷臣所以請緩索伊犁者以俄人不還帖克斯川伊犁無出路故也應令曾紀澤反復辯論若伊犁南境或有可商則西漢重而伊犁亦未嘗不重取一棄一非計也臣愚以為今日之計彼既有可乘之機我亦宜出兩全之策伊犁南境如可讓還即當據為鐵案不必更動西漢一條當別籌相抵之方或令曾紀澤商之俄人令其別議一款與之相抵或於伊犁原議償欸之數酌量加增以之相酬洋人唯利是視事必可行蓋無路之伊犁則可舍而有用之伊犁則不可棄無名之兵費則當拒而挽回謬約之償款則不當惜夫西漢一條實為商民生計形勢要害之所關我 皇太后 皇上重義輕利損上益下豈有為民生為險要而吝此區區資財而遂至捐有用之疆土擲已返之侵地者本末得失之間稍一失算不亦重可惜乎伏望敕下曾紀澤速與設法商議兩條並爭如慮限期將滿即請一面電寄曾紀澤一面告知凱陽德屬其速達本國但令照會俄使在本月晦前彼自不得以逾限藉口臣等私憂竊議同此拳拳

張文襄公全集

卷二 奏議一

七

會議未盡事宜片 光緒六年正月二十一日

再邊防各條現經廷議覆奏惟尙有餘義數端敬爲朝廷陳之一北洋師船宜得人也天津雖購有外洋戰艦數艘聞水手運用猶未嫻習臨戰恐不足恃水陸人才各有所宜海戰舟楫非閩廣將士不可故大學士曾國藩奏疏中曾發此義至於教練海戰實是西人所長聞赫德願覓西士助我教練海防其說未嘗不可酌采但須權操自我耳一北路亟宜練邊兵邊將也現在廷議調張秋鎮淮軍駐張家口調劉連捷楚軍駐綏遠城兵不另募餉不另籌自係目前良策第邊外征戰總宜北人東三省練兵現經議及若再令察哈爾都統綏遠城

張文襄公全集

卷二 奏議一

六

將軍各就本地邊人無論旗民蒙古簡募成軍奏調知兵將領前往訓練方可一戰竊揆以後時勢九邊防務正無已時正宜及此整頓邊軍提倡風氣則因地爲良他日可與湘淮各軍接踵而起矣一蒙古練兵之藩臣宜擇將佐也現既請派重臣行邊撫練蒙古治兵固爲要圖屯牧尤爲切務文武將佐均宜精選將校宜擇曾經戰陣者不宜用游惰之徒文吏宜擇幹練耐勞者不宜用虛浮之輩應請朝廷簡派發往以資臂助一蒙古屯牧生計宜求簡要之方也蒙人性拙夏秋百草豐美長至數尺彌漫山原牲畜蕃息用不勝用不知收儲及

至冰雪被野則聽其餓病近來蒙人貧弱實由於此擬請敕下各部王公勸諭所屬務惟儲草禦冬之計畜蕃則富馬壯則強至庫倫一帶可耕之地甚多惟時令早寒宜派員董勸令種夏熟之穀足可無誤收穫農功作地利興斯生計益饒矣一近邊兵屯可舉行也口外屯田歷年臣工屢經陳奏他處姑不具論查察哈爾附近圍場地地方彌望沃壤私墾甚多其地本屬蒙部不徵錢糧今若聽其曠廢則可惜徒聽私墾不能升科則仍於國計無補且私墾率係莠民亦多流弊惟有募軍屯田可以練兵可以省餉實爲鞏固邊圉之良策擬請敕下

張文襄公全集

卷二 奏議一

九

該處都統體察速辦一西路僧兵宜有統率也查棍噶札拉參現經給假三年伏思彼既爲俄所憚似不宜久離本部彼之所惡乃我之所寶若自棄干城聽其閒散正墮敵人狡謀似宜令其銷假赴軍俾資犄角論者或慮該呼圖克圖不易控制然錫綸既與投契當不至無駕馭之方也以上六條雖爲餘義亦屬要圖謹推闡廷議未盡之意附片具陳

請飭疆臣詳籌改約片

光緒六年正月二十一日

再此次寶廷奏請另派參贊一節經王大臣等議駁查參贊既無衆論推許之人自屬無從另派至廷議之意

擬俟會紀澤到彼察看情形隨時奏明請旨此時無從懸揣條約未能議及竊謂崇厚既經獲罪所定條約自應作為廢紙惟會紀澤此次所奉之命既以另議妥議為辭自應實有另議妥議之事既須授方略於請旨之後必當議方略於請旨之先此事關係重大僅使總理衙門議之不如兼使廷臣議之而後能集思廣聽廷臣議之不如兼使疆臣議之而後可實見施行擬請此時即敕下總理衙門王大臣將如何另議之方迅速妥籌有利於中國者爭之有害於中國者避之一面敕李鴻章左宗棠亦將另議之策詳籌速奏俟總署及兩督臣

張文襄公全集

卷二 奏議一

三

議上時仍敕王大臣等會議即諭知會紀澤遵辦務使從違有準抵制有方操縱有法庶幾詢謀僉同不至一誤再誤會議之日臣謂不派參贊一節意見相同唯使臣另議之方亦宜預為籌及管見擬另行陳奏會向沈桂芬等詳細聲明

酌改國書字樣片

光緒六年正月二十二日

再此次所擬國書大致自係仿照舊式俄為盟聘之國措詞原宜和平惟中間稱俄國君主之處似可於大皇帝三字上冠以大俄國字樣語氣較為相宜且與篇首稱謂本屬一律並非更改舊式顯為抑揚彼亦無從挑

剔至中有惋惜一語想係按照與英國通書之式竊思前次所謂惋惜乃指馬加利被戕而言施之此事似未相符恐彼國繙譯不得其解轉致疑問似不如直以行人失辭立言較為光明磊落

敬陳經權二策摺

光緒六年五月十九日

竊自冬春以來俄事初起臣屢次上疏大意不外修備籌防以為操縱之地悠悠數月軍容闐然今者俄人恫喝英法居間首以赦免崇厚為請而南北洋大臣張皇入告樞臣不再計廷議無深謀既無能戰之人安有萬全之策觀此時局不勝憤惋然臣謂當此難於著手之

張文襄公全集

卷二 奏議一

三

時尤不宜倉皇失措謹籌二策為 皇太后 皇上陳之守正之策曰必誅無赦以存國權在請免崇厚者不過曰使臣不誅則俄人不怒俄人不怒則兵端不開臣愚以為不然英法之調停但保接新使不保翻舊約俄人以罪使為辱必更以翻約為辱若我必欲翻約兵端不仍開乎謬約不能翻罪臣不能殺是俄再勝而我再辱也從此賞罰不信威令不行聽命敵人受制諸國賊臣有護符奸民無忌憚紀綱蕩然何以立國且即使條約之無關緊要者略改數條俄人見我甘受挾不待數年一修約而十八條仍盡許之矣再修約而十八條

之外又加十八條矣故既不能正崇厚之罪而謂能改崇厚之約此必無之事也爲今之計惟有善言以覆英法婉詞以謝俄人明諭中外謂我自治罪臣並無侮辱鄰國之意命邵友濂先行達知或將英法二使賞給寶星酬其厚誼託以轉圜屬其致書俄邦先告以伊犁可緩償款可給俾俄人知我之另議條約但欲除其窒礙並非一味翻駁以此作爲和好實據自然接待使臣夫與其屈法而仍無把握何如持正而別圖轉機哉昔晉文公不肯棄信取原何況刑賞大柄非止一諾之微乎宋華元不受楚人之鄙而殺楚使卒之宋亦不亡何況

張文襄公全集

卷二 奏議一

三

中國非如宋之小弱乎諸葛亮不肯廢法而誅馬謖何況崇厚非如謾之有用乎此古來謀國之常經兼是非權利害而並非迂闊難行者也變通之策曰赦此罰彼以示不測如俄怒必不敢擾英法之請必不敢拒崇厚必不敢誅則莫如明詔昌言徑赦其罪而姑驅策之勒令捐銀百萬以充邊餉責令仍往俄國交會紀澤差委戴罪自效更議條約如條約不改邊衅終開即令會紀澤在彼處將該革員卽行正法蓋使過棄瑕恩猶自上畏鄰貸死轉屬無名至北洋大臣李鴻章南洋大臣劉坤一身爲干城甘心畏葸不能任職以解君父之憂但恃

曲赦以爲僥倖之計致令 慈安端裕康慶昭和莊敬皇太后深宮旰食 慈禧端佑康頤昭豫莊誠皇太后扶病臨朝何以爲心何以爲顏如果欲釋崇厚則必將南北洋大臣立加嚴譴仍責令戴罪急修水陸防務樞臣等職司籌筆亦宜訓諭督責飭令實心捍患戰守兼權無得專恃遷就爲長策但一赦一罰勢如張弛相資必須並用諸大臣身受厚恩爲國任過當亦有所不辭若不能用臣之言而譴疆臣卽亦不必因臣之言而赦罪臣海外各國見中朝剛柔互用恩威不測死囚雖赦而名尙正排解雖聽而氣尙雄不挑敵不怒鄰而禦侮

張文襄公全集

卷二 奏議一

三

之備不弛報人之志不衰則彼莫測我之淺深或猶長慮卻顧而不敢逞此英主應變之權略或不得已而用之者也由前之策正也由後之策變而猶不失其正也若猶豫不決既無鬪志又昧機宜是爲無策總之今日國家大勢中原無事金甌屹然朔自咸同以來髮捻苗回之變亂寇雖多而難卒平燕秦晉豫之旱荒災雖深而民不變比年綏豐成象時暘時雨有禱必靈良由列祖 列宗之澤厚仁深 皇太后 皇上之至誠求治上蒼眷佑福應昭然方今雖似有才難之歎積弱之形而中外將吏正不少智勇兼備之才草野士民未嘗

挫忠義激昂之氣天命如此人心如此即使四鄰窺伺果其將相得人或剛或柔相機維持大局斷可無慮惟望 兩宮皇太后寬懷頤養萬勿過於憂勞但使慈闈安健餐衛日強萬幾之繁從容措置自可徐圖修內攘外之方此則薄海臣民之大願也臣懇懇愚忱謹抒一得以為因時補救之計再臣欽奉懿旨前往內閣諮商因會議覆奏迅速臣摺若由本衙門代奏恐致周折稽延即由內閣代為呈遞合并聲明

謹陳海防事宜摺 附片 光緒六年七月初十日

竊惟俄警日聞罪臣已蒙曲赦成事不說惟有憤懣夫

張文襄公全集

卷二 奏議二

三

俄之發兵恐脅早在意計之中是以臣屢疏瀆陳總不外乎以備為講一語今使臣雖已接待條約尚未置詞設全不能改而此外復加要求和不能和戰不能戰豈堪設想故今日而欲保全和局仍惟有急修戰備一法海防虛實敵人周知我多一分兵威則敵人少一分要挾即旁觀諸國亦尚易於調處至海防不外籌地籌人兩端而人為尤要不得良將與無兵同敬抒管見以效土壤涓流之助惟事目較繁謹分繕另片條上以便垂覽 謹將應防各要地事宜臚陳管見仰懇敕下沿海督撫

酌量籌辦

一天津重兵不宜全聚海口聚兵一處設礮臺有失敵人闖入遂無阻遏天津之兵宜分數層扼劄大沽北塘為頭敵新城為二敵紫竹林為三敵三岔河北為四敵豫先擇要築壘諸軍半守老營半赴前敵戰即或不利仍有退步敵雖登岸不能長驅深入

一蘆臺宜屯重兵天津東北一帶海濱小口歧路雖多皆以蘆臺為總匯之路舊制通永鎮駐此具有深意宜選健將專屯重兵於此

一天津內河宜扼守天津海河大鐵船不能駛入果能

張文襄公全集

卷二 奏議二

三

節節阻遏較之海口尤易

一燕臺旅順諸島宜急籌固守庚申之役洋人據此為窟穴可以接濟煤水休息兵士急宜設法堅守宜責成山東巡撫親駐燕臺防扼無令敵人得之則彼後路終有不便

一營口海口難守宜專備陸戰營口地勢平迤船可近岸宜於陸地早籌可扼處所勿致臨時倉皇驚潰

一大沽營口宜備水師以為奇兵雖無戰艦宜速調閱粵熟習海戰之將厚募習水死士即用沿海漁船分泊淺處相機圍攻焚燬其船船小而散彼之巨礮失其所

長雖擊沉數船無損於我可以來往自如鐵甲船雖堅尋常兵輪船仍可燬也卽或敵已深入若燬其船彼安歸乎

一天津奉天沿海處所宜辦團練非謂民團能與洋人搏戰也但能處處有團不與交通彼運械買糧等事自多窒礙藉此亦可少清漢奸彼若與民團爲難激成眾怒尤我之利也

一盛京將軍宜擇人營口距盛京太近將軍岐元未經兵事戰守恐非所長可否量移他處別選八旗知兵大員往代以固陪京

張文襄公全集

卷二 奏議二

三

一江防宜專派重臣督辦此時宜令彭玉慶楊岳斌親駐吳淞江陰等處及早防備

一上海賣煤與俄宜禁阻聞俄人近在海上煤行購定煤數千萬斤此後若源源購買敵船將更游行無忌宜令上海道密查設法牽制

一日本宜連和以伐其交俄人遠來專恃日本爲後路宜速與聯絡彼所議辦商務可允者早允之但得彼國中立兩不相助俄勢自阻

一吉林金匪宜招撫以爲我用既無勦捕禁絕之方不如化私爲官撫而用之亦可藉以禦侮

一宜發防海新論令各營講習近年西人著有防海新論一書經上海道譯出刊板通行於外洋爭戰防外海防內河種種得失利鈍辨論至詳京師洋書肆現有其書擬請先購數十部發交東三省一面令沿海各督撫向上海多購分發諸將領細心講求觸類引伸必有實效綜而論之欲禦洋人斷以講陸戰扼內河截後路三者爲要義伏祈聖明裁度施行

謹將知名宿將臚陳數人以備擇

提督劉銘傳該員勳望勇略最爲淮軍推服兵無強弱惟在一將天津淮軍雖多精銳較前稍減必得該員爲

張文襄公全集

卷二 奏議二

三

之統領調度方可以戰雖其性情頗傲而將略實優昔在陝西督辦無功由於專任之故若責令速起赴津假以事權會同李鴻章辦理防務當能維持調護舍短取長

湖南提督鮑超該員威望中外咸知若當大敵必須任用雖其紀律稍遜然長處實多將士隸其麾下自然氣壯似可令別統一軍與劉銘傳犄角

提督曹克忠該員智勇兼備現已在津差委似宜合募重兵一枝扼劄蘆臺本係津人地勢民情較熟尤爲相宜

福建建甯鎮總兵張得勝該員征戰三十年在諸將中資望最老劉銘傳陳國瑞皆其舊部樸勇不貪猛鷙之氣至今未減現在請假回湘可否令募楚軍北來聽用安徽壽春鎮總兵郭寶昌該員驍勇趨捷才能應變可否令率所部添募大枝准勇北來聽用

廣東總兵鄧安邦該員謀勇兼優心術最正為粵將第一眾論僉同可否令其赴津或水或陸隨宜任用粵人習見洋人殊不覺其可畏宜令多帶所部精銳數營同來此外并宜多調閩廣水師將士實為要着

前侍衛陳國瑞該員猛勇無匹專能以少擊眾屢立奇功諸將無不亟口贊服惟獨當一面則非所宜可否令其效力自贖交奉天統兵大臣差委使募四五營扼防營口必能得力時勢如此若有驍將而不用未免可惜前呼蘭副都統依克唐阿該員驍勇善戰為東三省諸將最知名者現因丁憂在吉林原籍可否俟百日後飭赴營口帶兵

張文襄公全集

卷二 奏議二

无

甯夏將軍善慶關東設有戰事必須有八旗將領方能相習善慶戰功素著可否令赴山海關營口一帶辦理防務

直隸正定鎮總兵婁雲慶直隸宣化鎮總兵王可陞該

二員素皆著名健將近在畿輔可否令各帶所部赴津聽用

前布倫托海辦事大臣李雲麟該員在胡林翼軍營知名最早久歷戎行亦屢經蹉跌於東南十餘省軍務西北萬餘里邊防皆所身經目擊閱歷最多當此需才之際會國荃來京時朝廷若任以兵事可否即發交差委察看是否可用可則用之不可則罷之

總之全才難得若以瑕掩瑜則可用之將希矣以上諸將各有所長亦各有所短惟在位置得地駕馭有方相輔而行自能奏功與其少調一人而貽後時之悔不若多調一人而為未雨之謀與其少練一軍而疏蟻穴之防不如多練一軍而為開著之備綜計天津奉天海防除舊有防軍外每處約須增軍二萬人方可敷分布應援之用餉需雖覺浩繁不過半年可定即使和局已成將來邊備萬不能已儘可汰疲留銳或發東省以維不拔之根本或發西陲以代思歸之防軍亦非無用冬春以來已多遲誤若再不急選將練兵速為自強自存之計後悔何追臣不勝迫切之至

張文襄公全集

卷二 奏議二

无

改約重要各條必應堅持片

光緒六年七月初十日

再改約各節會紀澤自必力為辯論然其中關係極要

之條尤須堅持定見期於必行竊謂界務商務兩大端形跡則界務重隱患則商務重商務中以陝楚陸路通商一條爲尤重緣俄商運茶出洋及由天津改行陸路回國道途紆遠以致俄之茶價每較他國爲昂西北一路若通運捷利重俄人必以全力爭之惟穿行三省流弊太多彼若肯改固善設萬不肯改惟有於兩難之中曲謀挽救查左宗棠原議本擬招徠華商由漢口販運至關俄商就關外市買惟其不便有二一則由鄂達隴道阻且長商貨不旺零星販到之茶多少無常不足以供俄商之購買一則疊經關卡例納稅釐成本漸重市

張文襄全集

卷一

奏議二

三

價仍昂俄人必仍不願竊謂若令江漢關監督於漢口廣勸股分創設運茶公司起運之地援洋商成例但完正半稅卽不再重徵源源販往不使缺乏關外茶多價賤而俄商又省跋涉之勞揆以人情或可轉圜如此則雖稍減西傾之榷稅而可絕腹省之隱憂輕重權衡顯然易見伏望朝廷裁奪如以爲可卽將此條發交會紀澤酌辦至松花江行船一條查咸豐八年愛琿約載由黑龍江松花江烏蘇里河此後祇准中國俄國行船又載黑龍江左岸由額爾古訥河至松花江海口爲俄國屬地右岸順江流至烏蘇里河爲中國屬地詳繹約文

乃由黑龍江順流至松花江會處由松花江順流至烏蘇里河會處皆係兩國分界故連文總言由黑龍江松花江烏蘇里河准中國俄國行船公法有云江河夾兩國之間者以中流爲界二國同享其利是約中所指松花江係專就夾於二國之間一段江流而言若松花江未與黑龍江會流以前本係中國地方約中但言准俄國行船可矣何必又贅言准中國行船耶參考約法詞義甚明此條可否亦寄知會紀澤以爲辯論之助

張文襄全集

卷二

奏議二

三

運至嘉峪關俄商就關外市買令江漢關監督於漢口廣勸股分創設運茶公司起運之地援洋商成例但完正半稅卽不再重徵庶關外茶多價賤俄商又省跋涉之勞至松花江行船一條咸豐八年約中所指准中國行船之松花江係專就夾於二國之間一段江流而言若松花江未與黑龍江會流以前本係中國地方約中但言准俄國行船不必又贅言准中國行船等語籌慮尙屬周詳著會紀澤於議約時揆度情形參酌辦理欽此

張文襄公全集卷二終

黃陂蕭延年校

張文襄公全集卷三

奏議三

議約迫促急圖補救摺 光緒六年七月三十日

竊惟曾紀澤抵俄已久計目前正與俄議崇厚之釋中國既已示弱曾紀澤未及議事先爲乞恩將來約章已可想見竊就議約一端謹抒管見敬爲我 皇太后皇上陳之

一責使臣以羈縻

固不宜率爾決裂更不可率爾允定理正詞婉何至遽激敵怒總須時日稍寬朝廷方能詳酌若憑曾紀

張文襄公全集 卷三 奏議三

澤一人定議所見一偏更將不可救藥竊謂不必以強爭必行責之但當以羈縻無絕責之不得藉口決裂任意允許

一條約應駁改處宜全數達知彼國

發出準駁章程所欲改者必應一氣告知俄人則彼之意嚮所在孰重孰輕自然可見敵情既得我方有以應之萬勿囁嚅不吐陸續辯駁不然彼將謂我隨口增長我將不得盡其辭矣

一辯駁宜先重後輕

我已事事遷就俄人彼礙於情面或於末節略改一

二處聊以搪塞若先以全力爭論輕者彼既應允我豈能再與之爭重者乎

一先詰俄人無故遽發兵船商令撤回

俄船久泊日本近又駛至北洋愈近我境夫無故發兵俄原不直我釋罪臣彼撤兵船正足相當如此方是兩國和好實據此時宜令曾紀澤以此詰問緩議改約先議撤兵兵撤以後辯論即可從容此實緊要關鍵如彼不認發兵來華而以自防俄境海面爲辭則他日定議後不能藉口索取兵費矣

一責他國使臣以調處

張文襄公全集 卷三 奏議三

英法德諸國公使所請我已無求不應若俄約全不容商酌威妥瑪寶海巴蘭德諸人豈能置身事外應請飭總理衙門以此詰問令其調處挽回即曾紀澤在彼稍有爭執齟齬該使臣亦可託諸國轉圜

一最要數事宜百計挽回以顧國體

陝甘陸路通商至漢口一也松花江行船至伯都訥二也張家口設行棧三也伊犁未還全境四也原約之有害者甚多而此四條則害之尤大者也能改固善卽或萬難徑改無論如何設法抽換抵制總以挽回爲期不然使命再勞一無救正不惟後患太深於

國體亦太損矣

一約如不改惟有誅崇厚以存國權

崇厚本無可赦之理亦知朝廷本無願赦之心不過藉此睦鄰冀改原約設萬不能改請飭會紀澤與俄人商論謂和約定後中之與俄顧全鄰好事事曲從惟崇厚實因不候諭旨犯我律條絕不與俄國相涉中國必須誅之俄國不必過問如此則雖無補於覆轍尙可示儆於將來中國不失其自主之權他日或尙有自強之望若會紀澤此行兵不能撤約不能改崇厚亦不能誅三者一無所得徒貿貿然發一乞免

張文襄公全集

卷三

奏議三

元三

三

罪臣之報恐人將以議崇厚者議其後也宜令會紀

澤熟思審處無貽咎戾

前數條爲目前入手之事機末兩條爲萬一無可挽回之退步謹於萬難之際勉效維持之方仰懇敕下總理衙門嚴切電致會紀澤詳慎辦理無得意爲輕重終誤大局

請防範崇厚片

光緒六年七月二十日

再臣聞崇厚之家於本月初三日卽已知有奏請開釋之信延請星士占問何日可奉恩旨查會紀澤電報初六日始到何以崇厚先期得知此事都下閩傳詫爲怪

事顯係外國洋人在俄與會紀澤商有成說後卽有人先用電信報慰崇厚蓋崇厚辦理洋務多年家本鉅富與各國使臣厚爲結納以故交情甚深觀其羽翼如此之廣消息如此之靈此日難保不胸懷怨懟將中國虛實輸情外國從中播扇務使原約不改更加要求以掩其前此所辦之罪且雖蒙貸死正宜杜門辭舌省愆悔罪乃出獄數日卽已各城內外拜客輿馬烜赫賀客盈門不知謝絕可謂毫無愧恥毫無畏憚當此俄人兵船正在海上之際尤恐其造言恫喝搖惑人心其應如何防範禁絕之處伏候聖裁

張文襄公全集

卷三

奏議三

四

海警日迫急籌戰備摺

光緒六年八月十二日

竊聞俄船將近俄使將來沿海防軍尙未趕到儻再因循數日敵兵臨境必至束手而聽要求若與爭執彼突然決裂我將何以應之故此時必有實可以戰之方始可免於倉卒浪戰之害敬將切近急務數端循序聯貫條列以聞

一急速徵兵並急速籌給的餉軍火

俄船既來必將禁阻我之援兵以遂其要挾之計彼時調兵則礙和撤兵則受制從古敵國脅和無不如此同治庚午天津之事法國問李鴻章將到力阻其

兵不準入境方允議和前車可鑒查已經奉調各軍及臣前疏所請諸將如曹克忠張得勝鄧安邦依克唐阿善慶陳國瑞王可陞婁雲慶等亟宜促令募練成軍星馳到防並須嚴飭各該省督撫移緩就急立撥餉銀發給軍火刻期起程如誤軍行即罪督撫若欲調此將而與該省督撫往返商酌則遲緩耽延與不調同調將而不令募兵與無將同募兵而不指撥的餉軍火與無兵同儻必待決裂而後徵召勤王之師悔之晚矣

一 鮑超之兵宜速調輪船迎取

張文襄公全集 卷三 奏議二

五

鮑超聞已成軍然由漢口顧募長江輪船船數無多往返裝載到防太遲必致誤事惟有速令沿海督撫將向泊福建官局輪船暨招商局輪船盡數飭赴漢口運載此軍庶免到津在俄船之後致被阻遏不能入口

一 各輪船宜調齊停泊北洋

船政局輪船共有二十餘隻分泊各省海口零星三兩毫無益處宜俟運載運軍到津後即令分駐大沽營口兩處聽李鴻章曾國荃調度不必遣回本省此船雖非鐵艦之比然以之攔截敵人運煤運械之船

牽綴敵人後路守島之兵以及海面偵探馳報亦非無用北洋為兩京門戶萬不準各省督撫扣留一煙臺必宜有良將重兵

煙臺為北洋第一重門戶欲固天津必宜以全力爭之方為先著臣前疏請飭周恆祺親駐扼守現聞該撫調兵往劄未經親往且並無著名將弁兵力亦弱若欲就近籌調惟有於江防各軍如吳長慶唐定奎章合才三將內酌選其一令統所部由輪船迅速赴東併力扼守煙臺及登州威海衛口岸五六日可到江防較緩江防自狼山以上之陸路更緩儘可另調

張文襄公全集 卷三 奏議二

六

他營填劄

一 大孤山泉水急宜斷絕

大連灣為敵船入北洋停頓之所大孤山有泉一眼甘而且盛自咸豐十年洋人踞此益加開鑿泉水更旺查洋船非淡水無以為命近日雖有製造氣水之法然止可敷十日之用若無淡水接濟彼到海口自難持久宜令盛京金州防守大臣速即密往查看將大孤山此泉設法塞斷萬勿顧惜但貴速貴密若機事不密必有他國洋人阻撓近年德國所以力爭此口者固為停泊實欲奪據此泉之利此舉正不

獨爲一時一事計也

一 天津內河事急時宜斷船路

沈船浮簾下椿皆斷船路要法西洋各國行之屢效
查下椿須早爲布置事多窒礙惟沈船可以倉卒取
辦浮簾兼可藏設水雷爲用較便宜令李鴻章早購
壞廢沙船巨材竹木備用臨時相機酌辦

一 劉銘傳宜特召備用

臣言劉銘傳屢矣未蒙明旨徵召查淮軍非有劉銘
傳督戰不能取勝該提督功高負氣李鴻章知其才
而畏其傲以故不便奏調當此危急之際豈可令良

張文襄公全集

卷三

奏議二

七

將投閒似宜特旨徵召來京量加任用卽或天津無
可位置亦可令其自募一軍或守煙臺或防天津後
路該提督現雖引病家居臣聞其實非沈痾皖人多
知其詳

一 京師根本宜速調知兵大臣

外間傳聞大學士陝甘總督左宗棠已蒙宣召來京
中外均賀得人惟恐該大學士因布置西防北來遲
緩竊謂凡事當權輕重如和議竟成新疆自無戰事
何必左宗棠身在行間如戰局終開京師重乎新疆
重乎不待智者而決矣况新疆現有良將勁兵足資

控扼哉擬請再降密旨催令迅速來京毋許推託延
緩京師必有此等緩急可恃之重臣方免宵旰獨憂
人心震動

一 籌巨餉必須借洋款

此時兵力宜厚萬不可吝惜餉需惟庫儲正患支絀
如或兵集餉匱將有譁潰之憂目前救急之策止有
商借洋款一法宜令上海道速向各洋商議借數百
萬巨款以應急需若俟交兵以後再議及此必致才
難重利且恐緩不濟急矣聞俄國現向上海匯借銀
數百萬以供來華兵餉寇能爲此我獨不能爲此乎

張文襄公全集

卷三

奏議二

八

多用數百萬餉銀卽可免贖敵國千餘萬兵費孰得
孰失此理易明部臣仰屋持籌萬不可吝小費而誤
大局也

以上數條有未辦者有現雖議及而並未決意速辦者
有聽疆臣自爲布置而中旨未經嚴切責成者當此大
局緊迫臣是以苦口危言不憚瀆請斷宜審其緩急權
其輕重勿再游移勿再延緩勿再惜餉勿再吹毛求疵
而棄將材勿再任聽督撫推宕粉飾勿再恃鄰國調護
遂存微倖勿再聽敵國甘言遂懈軍心俄人見我實有
戰心庶可早成和議仰懇 皇太后 皇上察臣愚悃卽

飭樞臣迅速籌畫施行敕下各督撫將軍分別辦理毋得有名無實勿因出於小臣之口遂以人微言輕而棄置之天下幸甚

重臣辦防宜降明旨片 光緒六年八月十二日

再會國荃內召中外多知為督辦山海關外一帶防務惟以晉撫倚居邊外名不正權不尊既未便以寄論徧示鄰省更不能以客官策遣諸軍士氣不揚安能制勝現聞其因此為難不免疑惑顧慮似宜明降諭旨以一事權彭玉麟亦宜特頒明旨將江海各防飭令督辦兩臣名有專屬責有攸歸然後威令能行事無掣肘矣如張文襄公全集卷三 奏議三 九

恐有礙和局或渾涵其詞亦無不可會國荃督辦奉天山海關一帶事宜彭玉麟但稱督辦江海一帶事宜似亦可行是否有當伏祈聖鑒

遵議奏陳摺 光緒六年八月二十四日

本月二十日欽奉 皇太后懿旨以俄使將來令廷臣通盤籌畫顧全大局妥議具奏竊謂布策未來俄人意指如何無從懸擬然而謀國禦敵之道有須待臨幾因應者有必當素定於先者不然或游移不決而誤事或一時惶恐而乖方非計也查俄國外部來文有要務全駁無從和衷議改等語是未嘗不可駁也又有和平商

辦等語是未嘗不可商也臣謂布策此來固是危局亦未必非事機緣會紀澤多執已見在彼定議亦屬無益從古敵國交際之事謀戰為本辯論為末形勢相禁制為上婉詞懇請為下計其到來尙須一月即或決裂又須兼旬及此之時惟有急修邊備靜以待之布策來時自上海煙臺天津一路入京沿海兵備皆在目中若知我實有必戰之心則十八條之中必可商改若見我實無能戰之具則十八條之外必多要求俄人必欲來華定議詭謀不過如此若慮要挾過橫與其聽命於人若不若求之在我至於議約一節亦須豫定等差胸有成算

張文襄公全集卷三 奏議三 十

方可臨時操縱謹分別備法講法另片臚陳伏思去冬詔議俄約以來至今十閱月矣臣不揣愚陋迭有奏陳猥荷聖恩屢與諮議第一次疏請緩索伊犁即西洋所謂布魯太斯特辦法也若使總署當時照此電商俄國何至與此波瀾此一誤也上年十二月總署會議臣奉旨諮商即面向王大臣言之請毋庸遣使可即令邵友濂與商原以邵友濂昔為參贊今署使臣本係崇厚議約時事中之人俄人不能拒不與議則俄之或可或否早有回音我之或戰或和早可定計何至遲至目前並不知俄人准駁確信此二誤也正月初會議邊防並崇

厚罪名臣於上年十二月二十五日即向王大臣面陳請調李鴻章來京與議如該大學士灼知邊備萬不足恃自能造膝密陳早思轉圜之計何至崇厚已定罪名復來請赦致辱國體此三誤也上年十二月臣即疏請宣召左宗棠鮑超劉銘傳郭寶昌喜昌諸臣若當時即召召來即用早已內有運籌外有折衝何至此時倉卒無備此四誤也上年十二月臣會疏言東三省將軍不足以備緩急正月初會議臣復力向沈桂芬言之謂東三省將軍如暫難破格或派大臣巡歷或派良將訓練公摺曾列此條入奏若早請簡派何至會國荃至今尙

張文襄公全集

卷三

奏議二

十一

未到防銘寶喜昌之軍至今尙無軍火此五誤也五月內議免崇厚罪名臣疏言既無能戰之人即宜電致邵友濂告知俄國緩伊犁給償款其餘各款並非一味翻駁若不專待會紀澤早將此數條達知何至中使赴俄俄使赴中兩相錯迕成此緊迫之局此六誤也上年十二月臣第二疏會請購造戰船分屯大沽營口煙臺三處調募閩廣將卒正月總署會議擬陳各條復切言之七月上疏又請徵調粵將鄧安邦率領所部北來若使早有水師戰船何至明知敵人欲入遼海旅順煙臺無法攔截大沽北塘無術牽制此七誤也種種失機悔之

已晚臣每逢會議之期恭親王頗爲虛心諮訪止以臣人微言輕樞臣等成見過重總覺書生之見無當機宜又復存希冀無事之心不欲徵兵動衆用將則刻意吹求籌兵則靳惜巨餉心既以戰爲不然又不敢痛切力陳早爲准約退兵之策進退無據以至斯失事至今日臣亦不忍歸咎樞臣自矜先見惟往不可諫來猶可追不得不披瀝上陳欲望飭諭樞臣等博采羣言早謀速斷勿致始終鑄錯悖親王恭親王醇親王國之懿親休戚最切樞臣等身任秉鈞責無旁貸伏懇 皇太后懿旨將臣此次摺片發交醇親王恭親王醇親王暨軍機

張文襄公全集

卷三

奏議二

十二

大臣妥商速辦如別有良策亦望早爲謀定施行天下幸甚

條陳防務片

光緒六年八月二十四日

謹陳目前防務數條恭候聖裁一催知兵重臣以備戰大局必宜顧全故臣始終意在以備爲講斷不欲輕挑衅端特恐布策毫不與我以可轉且更有無理要求迫我以不得不戰又將奈何然則力維和局仍須實籌戰計竊計布策到華總須九月半後議事或妥或否定局約在冬初其時距封河之期不過一月若彼驟開戰局爲期過促豈能持久然則即啟兵衅亦在明春趁此數

月之間急籌防務此時惟有與布策往復辨論姑與羈縻一面徵軍調將一面再頒諭旨促令左宗棠迅速來京籌畫戎機並令將戰守方略先行奏上約計該大學士正月可到其時海防已完諸軍已集該大學士老於兵事臨時操縱自有卓見定衡也一詰俄兵以杜兵費此時宜電致會紀澤照會俄人詰其兵船東來之故謂兩國議約自應和平商辦若挾兵要盟於中國體面有關且恐沿海將士一見敵船誤發大礮囑其國知照來華水師暫勿駛至中國海面儻和議不成再戰不遲彼若覆以並非來華構兵將來即不能要素兵費此條臣

張文襄公全集

卷三 奏議二

十三

前經陳奏今布策雖來事尚可行一速購軍火聞調防諸軍皆苦於軍火短缺兵無利器豈能徒手搏戰李鴻章津防緊要豈能供眾人之取求若姑以各省舊存鈍朽土槍土礮充用亦非制勝之策惟有立發數十萬金飭南北洋大臣向上海洋行迅速購買各種精巧後膛洋礮洋槍及戈登所云之春坎礮並火藥炸彈等物務令足敷各軍半年之用除見有外速寄信外國定買往返三閱月可到不可再緩再咨一調水師將士臣屢疏請調閩粵熟悉海戰將士並請調廣東總兵鄧安邦率所部前來北洋其利害前疏已詳查海口雖無戰艦然

輕舟水師亦有大用且粵人長於海鬪習見洋人性所不畏與長江水師不同此層極為要務仍宜趕辦一用現有之將曹克忠雖交李鴻章差委然至今未聞成軍坐閒良材實為可惜宜令募練數千人自成一隊即用天津忠義驍果之士尤為相宜或即割蘆臺或備天津後路策應均屬有益依克唐阿臣前疏請令百日後赴營口帶兵如已蒙俞允應即催其速來令岐元將旗兵內揀選精銳一二人交其統帶以為會國荃之助此二將近在咫尺可以應急此外如臣前疏所請劉銘傳諸人儻蒙召用即宜促令北來至於借洋款以籌巨餉

張文襄公全集

卷三 奏議二

十四

增大將重兵以扼煙臺均為要義可否查臣原疏酌量采用伏祈聖鑒

俄約最重數端必宜抵制片

光緒六年八月二十四日

竊惟條約一節臣閱總署奏片如果所許尚在十八條以內即行請旨批准等語此懸揣會紀澤之語言可想即應付布策之大意諸臣為救急紓禍起見亦屬謀國苦心臣愚以為時勢不同處置亦異假如許條約而立誅崇厚則原約雖稍與通融猶之可也今崇厚既釋則原約不能不爭假如置伊犁而全約可翻則用沈葆楨之議竟棄伊犁亦未嘗不可也今俄使已來條約勢難

多改則伊犁不能不取取伊犁則仍不能不索伊犁全境罪臣赦矣五案結矣屈意強鄰無微不至若原約一字不易不惟膏肓貽害實於顏面有傷從此四裔交侵何以立國今縱不宜開決裂之端然亦必思抵制之法查最重四條內如張家口設行棧此易爭者也松花江行船本係專條可以剔開緩議者也漢口通商一條若用臣前疏所議設立運茶公司招商減稅令彼在嘉峪關接販務令茶多價賤較之恰克圖一路省費獲利彼當肯允查俄國外部來文但渾言伊犁割地推廣商務均須允行並未指明此件若他項商務準其推廣有準

張文襄公全集

卷三 奏議二

五

聖明裁奪
議約期迫請籌挽救摺 光緒六年九月十二日
臣聞俄使已經東來會紀澤要之使回重與訂議廷臣皆喜臣獨以為不然何也俄使為我追回若不開誠決計速為定局令其挾忿重來是怒敵國也既無分別輕重簡約易行之策又無不畏決裂準備一戰之語徒令使臣吐茹不得剛柔皆非是窘使臣也使臣多執成見但論界務不爭商務若不予限制不受機宜必致逞臆率定一翻不能再翻是誤國事也夫使布策到京總署自可從頭另議果能持以堅忍之心輔以變通之法或可爭回要義數條今會紀澤再議必承該使臣五條上文而言查原議五條本有難解內止索還伊犁全境一條為要務為實爭其餘已屬次等措詞又甚浮游如領事暫緩一條即言暫字終歸必設是名爭而實不爭也如天山兩路不全免稅一條將來新疆各城但納稅一兩處即算如約是爭其所不必爭也如塔喀邊界派員議定一條空言議定並未言分界限以何處是竟以不爭強稱為爭也如哈巴古三城一處留貨一條尤為瑣屑本非十八條之一是雖爭尚不如不爭也試思伯都訥西安漢中既許通商張家口既許設棧內地近畿暢

張文襄公全集

卷三 奏議二

十六

行無阻而於關外沙漠計較留貨之區亦顛倒之甚矣大抵會紀澤之意既苦俄人強橫又復偏執已見於最要者止爭伊犁全境一條而以四條或不關緊要或並非實爭者搪塞充數名爲五條實止一耳雖俄人慨允我已大失便宜況布策追回譬如賈人出門我復招之使返必須增價無疑可知會紀澤此次必至降格相就據彼外部來文伊犁割地俄志甚堅即使布策十分通融極之准改其四亦必不允其一然則伊犁全境終不可得夫會紀澤既有五條不權輕重之上文失言於前日又有總署八月初八日漫無限制之電寄橫亘於胸

張文襄公全集

卷三 奏議三

七

中將來轉圜結局不過新疆俄商稍有一兩處納稅而已夫以中外大局擾攘近一年徵調半天下九重怒羣臣爭再遣行人六下廷議而究竟止歸於爭得邊外區區一兩處稅銀而止以言實則大傷以言名則不正天下萬世將謂之何臣謂彼既有不强概允一言正可就此與之力爭要著此時必宜速飭會紀澤掃除前文從新另議注意重務專力籌商除其他各條應由使臣相機辯駁外竊謂西漢通商一節尤爲大利大害之所關臣上年十二月第一疏已經備陳而大學士左宗棠覆奏疏中病國病官病商病民諸說尤爲詳盡至於目前

維持臣已兩疏陳有減稅招商中俄兩利之策此時與俄人辯論但當以華商生計爲言蓋新疆賈販本皆西商今准俄貿易准俄免稅則山西甘肅數省之商民於關外已無所獲何忍并此而奪之查張家口恰克圖一路舊有茶商二十八家利息豐盛自咸豐季年俄商盛行今存者止三家耳西漢若引入俄商吾民生計尙堪設想哉捐關外之利于俄商留關內之利于華民可謂極寬極讓極和極平俄人於他條所得已多於此條亦復有利何至決裂就令敵國不顧情理使臣何忍不一啟口乎嘗讀同治六年九月故大學士曾國藩覆奏豫

張文襄公全集

卷三 奏議三

六

籌修約疏有云總就小民生計與之切實理論自有顛撲不破之道如果洋人爭辯不休儘可告以即使京師勉強應允臣等在外亦必以全力爭回即使臣工勉強應允而中國億萬小民窮極思變與彼爲仇亦斷非中國官員所能禁止中國之王大臣爲中國之百姓請命不患無辭置辯甚至因此決裂而我以救民生而動兵並非爭虛儀而開釁上可以對天地 列聖下可以對薄海蒼生中無所懼後無所悔等語又云害我百姓生計則當竭力相爭不設抵制之詞不用嚴峻之語但以誠意動之始終不可移易彼知理直不可奪眾怒不可

犯或者至誠所感易就範圍等語縱樞臣以臣爲書生之見獨不思左宗棠固嘗連篇累牘而上陳乎縱使臣以爲不曉洋務獨不思其父曾國藩固嘗腐心切齒而力爭乎伏請敕取左宗棠曾國藩兩疏上呈御覽令諸臣等一再思之至如松花江行船一條曾紀澤本有提開緩議之說卽不能爭亦當姑置勿議免致說斷無可轉移如伊犁全境一條卽不能爭當與俄人婉商酌分南境爲中國留一南通八城之路免致棄伊犁孤城爲絕地如領事一條則烏里雅蘇台科布多兩處尤要我之防兵稀少一設洋官數千里蒙古盡爲彼用卽不能

張文襄公全集

卷三 奏議三

九

臣不知樞臣使臣諄諄讀請頒國書釋崇厚結五案展限期卑遜包荒無微不至所爲者果何事也臣誠迂陋亦知相時勢諒使臣獨以區區愚誠旣蒙厚恩使與諸議有見不敢不爭有言不敢不盡惟聖明垂察焉

敬陳東防西防事宜片 光緒六年九月十二日

謹將目前西防東防事宜敬陳數條以備裁擇一左宗棠內召劉錦棠素爲軍鋒該大學士自必薦爲西帥惟是劉錦棠勲績雖多資望非左宗棠之比張曜百戰宿將名位相埒恐懷觖望之心致成不相下之勢西陲兵衝豈可令將領自生疑忌臣聞張曜才兼文武智略老練實非一介武夫似宜予以幫辦之名庶幾益加鼓舞彼此和衷自於邊事有益一聞曾國荃之意欲駐劄山海關竊惟關外形勢營口爲前敵錦州爲重鎮統帥宜駐於此方可左右策應今日海防情事敵船若入遼海必趨營口設由此登岸必就近東窺奉天決無西突關門自斷後路之理彼若欲擾畿疆則徑犯津沽矣然則宜備者奉天也非山海關也統帥不出關備營口則鞭長莫及援奉天則著者落後似無大益至宋慶郭寶昌劉連捷劉維楨四將之軍分相敵而情相浹且湘楚皖豫餉之厚薄不同共處相形必懷嗟怨輕則有逃潰之

張文襄公全集

卷三 奏議三

三

憂重則有私鬪之患尤須主帥較近方能施鎮撫調護之方曾國荃近頗衰病神識銷滅大為可憂朝廷宜豫籌替人方免臨時失措總之即使俄人與我無衅恐亦將逞志朝鮮以後遼防勢不能已伏冀廟謨廣運於東方將士早為籌畫周密以固陪京再目前應急之計止可徵調南軍若計久長則關外征防總以選練北將北兵為上客兵斷不相宜臣前此具疏具說帖屢經瀝陳惟望聖明留意一鮑超不日到津該提督功高氣盛必須位置得宜方免主客參差即不願受李鴻章節制又難驟假重權竊謂若使調補直隸提督則不亢不卑自

張文襄公全集

卷三

奏議三

三

然形迹默化即使俄事粗定以後各國修約等事無年無之防將防軍斷難遽罷而畿甸之間尤須有大將重兵方免受人要挾臨事徵召又蹈後時之悔霆軍皆係楚人北邊東陲皆不相宜自以屯駐畿輔為便直隸年年水患苦於無力修治將來防秋之暇即以兼供濬河開渠之用亦未嘗非一舉兩得之事也以上三條關乎將帥之乖和即繫乎邊疆之利害臣愚私憂過計不能默然

預籌鈴制松花江行船辦法片

光緒六年九月十日

再松花江行船一條如萬一必不能改惟有二策可以

鈴制一則烏蘇里河之西淀泊甚多若於松花江南岸決口數處放水入淀以舉行水利為辭江流漸淺輪船自阻一則松花江沙洲極多若於淺處沈船墜石或做江南沙田之法種植挂淤之物數年後淤積洲成可礙輪船此則目前無形日久有效查上海吳淞江口內於咸豐末年沈有洋船一隻積年沙阻成洲輪船多礙繞行喫力前數年上海洋人修築鐵路徑達海塘蓋恐日後沙洲愈高船路竟阻因欲別通口岸觀此可知沙洲確是輪船所忌以上二策應擇其易行者舉辦擬請敕下銘安吳大澂酌采此意相機推廣密行籌辦管窺之

張文襄公全集

卷三

奏議三

三

愚伏祈聖鑒

日本商務可允球案宜緩摺

光緒六年十月初一日

竊惟日本擅滅琉球中國屢行責問彼遂賂我兩島而因以推廣商務改立新約為請近聞其使臣屢催總署迫我速結臣以為此不可不審也七月初十日臣為俄事所上邊防一疏曾有聯日本以伐交商務可允者允之使彼中立不助俄勢等語所云聯日本者專指商務且必可允者方允與球事無涉也既允商務則必與之立約中俄有衅彼不得助俄為寇濟餉屯兵非無故而曲徇其請也蓋商務所爭在利方今泰西諸族廣集中

華加一貧小之日本亦復何傷夫中國不過分西洋諸國之餘瀝以沾丐東洋而藉此可以聯唇齒之歡孤俄人之黨此所謂不費之惠因時之宜臣所以敢爲朝廷請者也若球案牽結寥寥荒島卽復封尙氏終難自存我不能庇累朝臣僕之琉球復不敢抗蕞爾暴興之日本從此海環萬國接踵效尤法踞越南英襲緬廓俄吞朝鮮數年之後屏藩盡失他國猶緩也朝鮮一爲俄有則奉吉兩省患在肘腋之間登萊一道永無解甲之日矣竊念俄事擾擾將及一年廟堂無欲戰之心將相無決戰之策將來結局大略可知夫撫俄猶可言也畏倭

張文襄公全集

卷三 奏議三

三

絕商賈立窘嚴修海防靜以待之中國之兵力財力縱不能勝俄何至不能禦倭哉相持一年日本窮矣臣聞近日外間文武將吏語及日本皆謂可討臺灣生番一案志士扼腕太息以爲失計比者自俄警以來徵兵選將沿海森然今日移防俄者以防日本卽借憐日本者以懾外洋各國計孰有便於此者儻此舉再誤則中國安有振作之日哉若夫出師跨海擣橫濱奪長崎掃神戶臣雅不欲爲此等大言至於修防以拒之絕市以困之此亦平實而甚易行者矣臣所爭者非琉球之存亡所計者乃國家之利害仰懇廟謨裁斷將商務擇無弊者允

張文襄公全集

卷三 奏議三

三

不可言也情見勢絀四裔交侵其能堪乎此則臣所不能不爲國家深憂之者也從古來諸國角立之世大率須審鄰國之治亂強弱於我之遠近緩急分別應之固無一律用武之道亦無一概示弱之理經傳所謂度德量力史策所謂遠交近攻故與俄戰則不得不與倭和與俄和則不妨與倭戰此謀國不易之策也臣愚以爲此時宜酌允商務以餌貪求姑懸球案以觀事變並與立不得助俄之約俄事既定然後與之理論感之以推廣商務之仁折之以興滅繼絕之義斷不敢輕與我絕設必不復球則撤回使臣閉關絕市日本甚貧華市一

臺防重要敬舉人才片

光緒六年十月初一日

再日本若有違言南北海防他無足慮北洋兵力尙厚不能攻也上海洋商所萃彼不能包各國之利息不敢

擾也所防者惟臺灣爲急夫議臺防者已五六年矣而毫無成效者不得人故也閩省兵既不練將材又少竊聞甘肅軍營差委候補道劉璈曩在左宗棠軍中才識雄毅兼有權略前官浙西治行第一曾隨沈葆楨渡臺辦理倭案聞其平居私議自謂惡寒喜熱若有事臺灣慨然願以身任又廣東潮州鎮總兵方耀智勇沉深身經百戰聲威赫然臺灣距潮甚近其地商務半係潮人若令帶所部潮勇數營前往風土尤爲相習竊思若得此文武兩人責以臺務畀以重權必能左提右挈閩土阜財撫番捍敵爲八閩之藩衛蓋臺灣瘴熱任此者不

張文襄公全集

卷三 奏議二

五

惟擇其才又必服習水土不致疾病者該兩員尤爲相宜兩人材器敢請詢之浙粵兩省官吏士民決無異詞朝廷如以爲可用卽當先其所急不得任聽督撫扣留夫日本滅球乃垂涎臺灣之漸爲保臺灣計爲保閩省計此亦不可緩者也惟望宸斷早爲決計施行

請飭李鴻章節制防務片

光緒六年十月初一日

再俄人貪橫決裂與否尙不可知誠恐彼目前與我閃爍其詞姑作和勢懈我戰心俟其瓊春等處水陸之兵大集沿海虛實盡已偵探詳確然後肆意要求昌言索戰若稍存冀幸無事之念日後必受其愚故邊防必宜

趕辦近來惟天津一路粗有戰守之備營口煙臺斷不可恃曾國荃病日深而氣日衰頓軍臨榆自關以東絕不敢引爲己任關東四將惟宋慶郭寶昌能戰耳劉維楨劉連捷兩軍平日空籍太多臨行湊募劉維楨所部多係黃陂孝感游手浮惰之徒劉連捷所部半是直隸山西沿途烏合之輩以此臨陣豈特不能當俄人乎周恆祺撫東尙無劣蹟然素不知兵諸將皆玩而凌之謂防登州之總兵全祖凱新募之勇大半濟南乞丐致土人有丐兵之嘲總兵王正起在東將中略勝而桀驁太甚不受鈐束夫營口乃盛京近岸煙臺乃渤海首衝同

張文襄公全集

卷三 奏議二

五

爲北洋門戶而疆臣如此諸將如此可不爲寒心哉竊謂曾國荃素有大勳周恆祺幸無官謗朝廷用人自宜因其所長而不窘其所短可否分別回任量移另擇干城之選則北洋全局庶可無虞聞劉銘傳近來目疾漸痊實無大病亟宜促召北來如李鴻章必以爲天津無須此人或令專防關外駐劄錦州亦必能壁壘一新遇敵不敗且聞劉銘傳與盛京副都統富陞素稱投契極相引重則以後共事關東可期同心戮力至於北洋大勢總須聯爲一氣方能戰守兼權犄角相助論地理論人事皆合如此竊謂宜令李鴻章節制北洋三口防務

責令通籌方略簡汰將士該大學士究係更事重臣精力猶壯儻專其責成當可力圖禦侮固勝於今日之散渙推諉者遠矣否則兵劣而無律將雜而無統餉浩而無實一旦有警豈不危哉區區管見敬備聖擇

閹宦宜加裁抑摺 光緒六年十二月初四日

竊近日護軍玉林等毆太監一案劉振生混入禁地一案均稟中旨處斷訖查玉林固係毆太監之人而劉振生實因與太監素識以致冒干禁籟是兩案皆由太監而起也伏維閹宦恣橫為禍最烈我朝列聖馭之者亦最嚴我皇太后皇上恪守家法不稍寬假歷有

張文襄公全集 卷三 奏議二 三

成案紀綱肅然即以此兩案言之玉林因藐抗懿旨而加重並非以太監被毆也劉振生一案道路傳聞謂內監因此事被罪發遣者數人是聖意灼見弊根並非嚴於門軍而寬於營御也仰見大中至正宮府一體曷嘗有偏縱近侍之心哉惟是兩次諭旨俱無戒責太監之文竊恐皇太后皇上裁抑太監之心臣能喻之而太監等未必喻之各門護軍等未必喻之天下臣民未必盡喻之太監不喻聖心恐將有藉口此案恫喝朝列妄作威福之患護軍等不喻聖心恐將有因噎廢食見奸不詰之憂天下臣民不能盡喻聖心恐將有揣摩

近習諂事貂璫之事夫嘉慶年間林清之變則太監為內應矣本年秋間有天棚搜出火藥之案則太監失於覺察矣劉振生擅入宮禁不止一次則太監從無一人舉發矣然則太監等當差之是否勤慎小心所言之是否忠實可信聖明在上豈待臣言萬一此後太監等竟有私自出入動託上命甚至關係政務亦復信口媒孽充其流弊所至豈不可為寒心哉相應請旨嚴飭總管內務府大臣將太監等認真約束稽察申明鐵牌禁令如有藉端滋事者奏明重加懲處至內監出入舊例應有門文即使謂禁中使令繁多向來或有便宜辦理非張文襄公全集 卷三 奏議二 三

外廷所能盡悉者亦望敕下總管內務府大臣前鋒統領護軍統領妥議章程以後應如何勘驗以謹傳宣而杜影射之處奏明遵守其劉振生一案如有懲辦太監亦懇明旨宣示則聖心之公國法之平天威之赫曉然昭著於天下庶幾宿衛班軍知感知悚可以各舉其職矣臣記注之官職在拾遺補闕聞之經曰履霜堅冰防其漸也傳曰城狐社鼠惡其託也迂愚之見不敢不竭知上陳伏祈聖鑒

請修政弭災摺 光緒七年六月初十日
自上月二十九日夜間彗星見於參井之分至今已十

日矣竊惟古來遇變修省之義不外乎修德修政方今皇太后仁聖恭明勤勞庶政 皇上敦孝典學日就月將斷無失德上干宸疹至今日修政之要敢敬爲朝廷陳之一曰用人夫用人不過進賢退不肖然不肖不去雖有賢不得而用也近日大患宵旰憂勞於上而臣工泄沓於下其膜視君國痼習已深斷非空言訓戒所能悛改而激濁揚清自大臣始擬請聖明獨斷默加審察並飭軍機大臣切實秉公考核內而部院卿寺各堂官外而將軍督撫諸大臣其有蠹國害民曠官廢事昏庸鄙劣物論不孚者擇尤請旨立予罷黜數人以儆其餘僉壬既去俊良自升長官既賢舉劾自當夫然後可以講求自強之略儲材之道察吏之方理財治軍之策昔王猛治秦不過斤斤焉以黜尸素拔幽滯爲務而國勢以強轉移風氣之樞要將在是矣一曰言路伏讀四月初二日求言之詔諭以不可稍存避忌誠矣切矣今既數月言者寥寥他官姑不論科道獨無愧乎臺諫失職官邪民隱何由上聞此臣之所大懼也擬請申諭有言責諸臣於臣僚賢否時政遺闕直言無隱言而當者獎之不當者容之則讜言日至矣而朝廷亦可因其所言以知其心術之所存才識之所至未嘗非觀人求才

張文襄公全集

卷三

奏議二

三

張文襄公全集 卷三 奏議二 三

之一道也一曰武備各省防軍歲餉費至二千萬以外防營之弊空額吞蝕一游惰充數二不加訓練三滋擾防所四夫罄庫藏竭民膏乃徒以飽統領營官之囊橐而遇事仍不得其用誠可痛惜者也擬請嚴飭各督撫統兵大臣稽核所部務令足額精選約束習勞防營若蹈諸弊一經彈劾發覺則罪其督撫主將至於戰必資火器守必藉礮臺防海必需戰艦而土槍土礮萬不如洋槍洋礮舊式礮臺萬不足以資捍禦木質兵船萬不如西式裹鐵諸兵船稍習行陣者皆能言之疆臣統將尤宜於此刻意考求多方購備隨宜建造安不忘危此

張文襄公全集

卷三

奏議二

三

則古聖人未雨綢繆之義也一曰禁衛各門護軍職司環衛所繫匪輕比來禁衛之懈弛亦甚矣臣愚以爲欲整飭之先體恤之似可仿照神機營之例加給餉項使之生計贍足庶可盡心當差至於督率稽察嚴定章程各舉其職則責在前鋒護軍諸統領擬請敕下軍機大臣會同各該衙門速議舉行要之雖無妖祥亦當有整綱飭紀之道既觀變異尤不可無防微慮患之心人事既修天心自格若夫臺官占星出何宮掃何宿主何占此乃拘墟膠柱之談儒者不道謹約舉數事以備聖人應天以實之一助

星變修省勿過憂慮片 光緒七年六月初十日

再星辰變異正由上天仁愛人君因事垂象俾得早爲之備此次彗星較之以前數次所見迥不如彼之甚光淡氣薄亦無芒歧所出所經部位亦非要地嗣後距垣星漸近尾即漸短臣仰觀目驗逐日遞減始終未犯入垣中夜來已將消滅謹案春秋傳曰齊有彗星晏嬰曰君無違德方國將至何憂於彗蓋彗之取義在於除穢布新澄汰不職滌盪積弊即除穢也登進賢良奮發振作即布新也若不加儆惕豫防則爲禍若因此而增修政事益臻治安則轉可爲福前史具在實非必不可解

張文襄公全集

卷三 奏議二

三

之災也側聞 皇太后因星變之故過於憂焦寢食不怡仰見敬畏之誠修省之切惟是聖體尙未大安正需攝養儻焦勞過甚轉非所以仰副上天仁愛之懷即如近年俄事方棘而俄主自斃中華安如磐石是天之眷顧中國福祚我朝信而有徵伏望寬懷頤養惟勤切以盡人格天諸事責之樞臣萬勿過於憂慮但使聖體早臻康復祥孰大焉此非獨微臣一人之愚悃實九州四海臣民之同心也謹再披瀝上陳伏冀聖明垂察宗社幸甚天下幸甚

疆寄虛懸請早處置摺

光緒七年閏七月初五日

竊自夏間彗星示儆省愆修德下詔求言乃邇日星象復有變異上蒼仁愛告戒如此深切著明若猶不急思弭災防患之道則真可懼矣臣誠愚陋不敢毛舉細故竊謂今日防患之道其大者無如西北之邊防東南之海防新疆初定濟兵轉餉遏亂萌安反側調和將士綏徠遺黎創開商務撫馭遠人惟陝甘總督之責厥任可謂重矣今曾國荃自拜命以來半年矣養疴故鄉殊無行意或云病體孱弱或云家事憂煎其進退維谷之實情自亦可閔然而雍涼西域之事將誰屬乎且聞近日陝回之安插在甘者紛紛潛歸陝民洵懼楊昌濬暫時

張文襄公全集

卷三 奏議二

三

護篆才望無奇馮譽驥入關未久將吏不習曾國荃病痊無時若待其固請解任然後謀帥展轉抵任必在冬春之交矣設有意外之事誰當任之臣愚以爲曾國荃勳望素盛功在中興其舊勞當錄其私情當恤斯乃國家所以勸大臣也伏望將會國荃開去陝甘總督之缺溫詔慰問酌量情形別加優禮委任速簡重臣疾馳度隴必須清強任事於理民治戎兼能諳悉而又能調和楚軍者始稱是選庶乎朝恩邊寄兩不相妨矣兩江總督劉坤一現蒙內召令彭玉麟署理綸音一下萬口驩然爲東南得人賀方今中外大僚勝此任而無愧無如

該侍郎者惟是該侍郎秉性超曠不樂居官恐其必有辭讓之舉必且謂兩江繁劇病軀不任臣聞其年齒雖長而志氣甚壯宿疾雖在而神明不衰性情雖豪邁疎闊而宏綱大體洞中窾要為總督者若是亦足矣該侍郎公忠直諒海內咸知一聞蒞任墨吏鴛材必且望風解綬驕兵悍將必且不戒而戢吏治軍威立見起色即至外洋各國亦將敬憚日本聞之必且悚懼改圖就我範圍至於尋常吏事責之蘇撫及兩藩臬運四司而該侍郎受其成足可無誤夫總督一官原貴其總攬綱要策厲僚屬耳豈以刀筆筐篋簿書期會為能哉即使該

張文襄公全集

卷三 奏議二

三

侍郎坐鎮卧治亦勝他人十倍僕必須既上遜讓之章始下強起之詔往返周折動淹旬月似宜於此時先頒寄諭催其赴任優旨敦勉責以大義謂該侍郎當以擔荷艱鉅為純忠不當以不受美官為高節並論以但持大綱勿過勞煩總之必令該侍郎受任而後已此二事一以定西北一以安東南實關天下大計若待曾國荃始終謝病不起西事已棘然後蒼黃謀之則已晚若待彭玉麟辭疏已來朝廷處置已定然後臣僚上章論之則已遲故不敢不豫為早計披瀝言之至於江蘇山東兩巡撫皆係海邦重任命下數月尙未到官今福建巡

撫岑毓英早經自黔抵閩遠者已達而近者無期此可為長太息者也臣於六月內已疏請飭催不憚再瀆伏惟聖明垂察趣令赴任海疆幸甚又若劉錦棠張曜二員如朝廷察其能勝邊帥亦望早降明旨實授以欽差幫辦之任俾其各專責成以堅將心以作士氣亦於邊防有益今日天時人事內憂外患可慮者甚多當言者甚多然未有如封疆重寄虛懸未定之最可慮者安危所係夙夜憂灼不能自已謹繕摺上陳無任焦思迫切之至

請勸俄主除去苛政片

光緒七年閏七月初五日

張文襄公全集

卷三 奏議二

三

再聞俄國自舊主被刺後其嗣主亦屢被人謀害捕之不勝捕防之不勝防於是終日惶懼無策可施現在居於礮臺之上以兵士環而守之其嗣主素稱英壯自即位後憂懼太過半年以來面目頓如老翁蓋俄民深惡其君必欲逞其凶謀使無人敢為嗣主方可改為民政之國推原其故由俄國政令苛急賦重役煩好兵不已國人苦之冀改為民政則一切略用西洋之法政事聽之公議民生得以休息如斯而已竊謂外國禍變如此此中華大有可為之機也為我中國計莫如發一國書遣會紀澤赴俄先道存問安慰之意繼申恤災聯好之

謀略言俄國亂民爲害中朝眷顧盟好深爲念之憂之但如此憂懼防範終非長策勸其除去苛政務行寬大輕刑薄賦弭兵息爭親睦四鄰與本國民人及各國公使堅立約信政寬民樂自無叛心謂此乃中華自古來安民禁亂之法願俄主納此以爲自安之計並向各國使臣俄國官民昌言之俄主若聽之則亂黨必解俄主必安從此兵端漸戢且感我之推誠親睦其君其民皆德我矣若不聽而苛暴如故則禍變必且再見而我之德意亦已播聞則各國皆智我而俄民亦德我矣嘗考西洋風俗鄰邦公使常有排難解紛之事堂堂中國豈可無此舉動哉夫不乘危大信也除鄰國之虐政息海外之兵端大仁也中國能定俄國之亂使地球上下萬國無不讚服大威也長駕遠馭之略昭德懷遠之經實在於此孔子云懷諸侯則天下畏之正謂是也機不可失伏惟宸斷施行

張文襄公全集

卷三

奏議三

五

張文襄公全集卷三終

新城王樹桂校

張文襄公全集卷四

奏議四

到山西任謝恩摺

光緒七年十二月二十六日

竊臣於本月初八日跪請聖訓仰蒙慈闈溫諭訓勉周詳莫名欽感陛辭後於十二日束裝就道馳抵山西省城二十四日准前任撫臣衛榮光派員將山西巡撫關防并提督鹽政印信暨王命旗牌文籍等件齎送到臣當卽恭設香案望闕叩頭謝恩祇領任事訖伏念臣以文學侍從之下才被天地生成之殊遇容其愚戇寄以撫綏入境以來沿途體訪民生重困吏事積疲貧弱交

張文襄公全集

卷四

奏議四

一

乘激揚並要當以課吏安民之道先爲深根固柢之圖墾荒積穀以厚生節用練兵以講武至於鹽鐵理財之政邊屯固圉之謀苟爲勢所便而時所宜豈敢辭其勞而避其怨惟有虔稟懿訓奉宣皇仁期無負公正之特褒誓一掃因循之錮習身爲疆吏固猶是瞻戀九重之心職限方隅不敢忘經營八表之略庶殫駑鈍少答鴻慈所有微臣到任日期除恭疏題報外謹繕摺恭謝天恩再本月二十四日二十六日省城連得大雪傳聞省外郡縣霑足頗廣堪以仰慰宸厪合併上聞旨知道了欽此

閣敬銘定期赴闕摺 并鈔件 光緒八年二月十六日

竊臣於上年陛辭日仰蒙 皇太后聖諭令召閣敬銘來京同日奉准軍機大臣字寄奉上諭前工部右侍郎閣敬銘疊經召令來京均以疾辭現在時勢多艱需才孔急等因欽此臣到任後知閣敬銘久寓解州因訪諸人在河東及南路來省官吏將其近年精力若何衷曲若何考證詳確知其心力精健足以任事當具公牘咨會並致書函恭述欽奉寄諭有宣示之件趣其來省閣敬銘答書似已揣知朝廷有召用之意以天寒疾作為辭臣訪知候補知府馬丕瑤因居官甚好素為閣敬銘

張文襄公全集

卷四

奏議四

二

所敬愛可以婉曲盡言即委該府再持手書馳赴解州書中動以聖朝眷注者碩之深恩責以老臣共濟時艱之大義並飭馬丕瑤相機敦勸旋接部咨閣敬銘已蒙簡授戶部尚書又具函牘百方規勉頃接閣敬銘咨送謝恩摺稿並致臣手書略言辭遜高官而定期入覲其摺徑由解州驛遞計已早達宸覽據摺稿有三月先至太原即行北上四月內泥首宮門之語函內有無論病體若何必遵斯語諸皆奏明一無更改之語具見感激之誠瞻戀之切北上之期當非推緩查閣敬銘今年才六十五歲自僑寓山西以來查賑減徭諸事無不殫精

勤力智慮周裕不覺疲勞每與人談及時事艱難晉民困苦輒為搥腕泣下是其愛國憂民之心未嘗一日去諸懷抱所稱春寒痰喘不過一時微疴且行路既多偶然發喘亦係五旬以外人常態至於左臂疼痛更無妨於辦公聞其上年講授生徒娓娓不倦即讀其此次摺稿事理詳盡真氣充溢足見神識聰強並無衰徵所以屢徵不起者因前撫山東奪情視事引為心疚此次來函錄示同治八年四月答友人書稿專發斯義此其苦衷所在固非以辭榮遜世為高也伏思閣敬銘本非篤老之年又無沈痼之疾平日未忘君國此時躬詣闕廷

張文襄公全集

卷四

奏議四

三

值茲宵旰焦勞求賢孔亟若聽其固守辭讓之節虛置康濟之材實覺可惜可否再頒優旨促其啟行將來到京召對時如蒙 皇太后 皇上剴切開諭褒勉與責備兼施並將其前此金革奪情移孝作忠之義宣示大廷則閣敬銘既感奮於殊恩又見迫於大義出處心跡皎然無疵當可以拜命就職力任艱鉅謹將所寄答友人書稿鈔呈御覽除俟閣敬銘啟程日再行奏聞外理合繕摺覆奏伏祈聖鑒 旨知道了昨據閣敬銘奏請收回成命已有旨催令仍遵前旨即行來京供職矣欽此

謹將閣敬銘寄來同治八年四月答友人書稿鈔錄恭呈御覽

來札以詔書五下鄙人伏疾未出爲責深感厚教惟事君期於竭忠立身必先守禮敬銘負罪人也同治壬戌癸亥冬春數月四奉詔敕從軍齊魯奪情任事屢辭不獲是時海內十九行省除山西外寇盜徧天下山東九府州屬羣賊如毛揭竿指名可八九股隣邦捻匪不到此數餉竭兵弱將吏疲茶詔旨峻迫忠勇多公面以畏死質責亡弟病中亦謂時事岌岌卽當以死報國干犯禮義拚身前赴並誓先人墓東土稍安卽行避位贖愆

張文襄公全集

卷四

奏議四

四

賴僧耶兵力僚將羣策馳驅一年齊境盜熄疏陳背禮之人不可任官切詞求退嚴旨詰責以刑政未修重申厲飭抑情忝顏又事一載諸廢略復正思陳情乙丑夏初僧軍失利捻賊二十餘萬自豫東趨深恐釀成流寇建議圍制河壩三齊餉力養兵僅四萬餘敵賊六七分之一愧無奇謀獨滅捻匪議定自任東面臨邊勦禦俾不入境計各路征軍十餘萬眾若西南兩面同力圍賊於曹州河套誠爲聚殲善地徒著此議迄無成功戰守兩年賊眾兇突七次僅使賊未深入齊魯腹地無恙捻蹤遠遁入楚入秦久不北窺捻賊縱橫皖豫並非東寇

時有督帥專任勦捻而齊民安堵政事粗具庫儲略蓄兵政稍有規模勉可自立且海內靜謐除陝甘滇黔邊事外共戴昇平之福非復壬癸之際矣敬銘以疾病負罪之軀處安靖無事之邦國計民生無補萬一久辱高位夙夜疚心乞疾兩載前後疏十餘上幸蒙恩宥丁卯三月始得去官自忖前違孔子從利之訓名教不容惟早避名罪或未減若久周旋利祿復觸往來屑屑之譏則累咎增尤擢髮未足自來奪情起復皆被刺斥惟南朝袁粲聞變奪情變靖辭位前史褒之不肖初出以山東賊亂亂平不歸貪位戀祿百喙莫解歷古致仕之人退

張文襄公全集

卷四

奏議四

五

臚舉賢才摺

并清單

光緒八年四月二十日

竊惟人臣之義無急於以人事君者光緒六年正月有旨令中外大臣保舉人才臣備官侍從綜計平日所博蒐而詳記者不乏其人因品秩殊絕不得與薦賢之科

僅於隨時條奏時務疏中因事論及上年冬間蒙恩簡任晉撫陛辭之日欽奉 皇太后懿旨諭以時事艱難朝廷廣開言路命臣如有所見准其隨時陳奏并諭臣以留心訪求人才仰見淵懷求治納言籲俊之誠曷勝欽服曷勝感激抵晉以後夙夜不遑求民生之疾苦考官常之淑慝振頹廢之紀綱清盤結之弊竇迄今三月略具規模然而宵旰之憂勞時局之日棘未嘗一日去諸寤寐竊念臣雖殫精勤職而自囿方隅何補於天下大計顧惟厚恩悚仄難釋用敢敬舉所知仰塞明詔以備聖擇嘗見巡撫胡林翼官止鄂撫而性好舉賢矜域

張文襄公全集

卷四 奏議四

六

無分歲時不絕中朝士夫鄰省將吏並皆蒐采列於剡章其所稱引不識面者居多以故薦賢滿天下卒收其用為中興之功首世稱其忠今享其利臣雖不肖心竊慕之臣所舉中外文武官吏凡五十九人素無通識者居其什之七學術不同而同歸於濟世器量不同而同歸於端人其秉性回譎品行凡下作用偏駁者不敢濫及臣之愚闇誠不足以知人惟此絕無一毫私曲之心可以上質天鑒間有官階已崇任寄已重因論列人才究其所用未便遺而不舉至於量才任之以盡其長破格拔之以厲其氣則裁成鼓舞之妙用敬俟聖人之權

衡非微臣所敢擬議者也謹別繕清單上呈宸鑒不勝惶悚屏營之至

謹將遵旨臚舉人才繕列清單恭呈御覽

京秩十四人

翰林院侍講張佩綸內行純美秉性忠貞清鯁不阿能謀能斷誠摯可以共艱危警敏可以應急變內政外事皆所優為論其志節才略實為當代人才第一

太僕寺卿吳大澂多才而沈厚精密而耐勞勇於任事長於用人賑務邊防卓著成效大抵事事能破常格而步步皆占穩者可謂全才數年後邊事大定使治腹地

張文襄公全集

卷四 奏議四

七

必有異政

前右春坊右中允于蔭霖學術純正直諒篤實論事詳盡不涉空疏正色立朝可以處斷大事

前翰林院侍講學士李文田學識博通託志忠雅進退出處合於古義兼之任事有膽熟悉洋情或置之朝列或任以洋務必能有益時局

翰林院侍讀學士朱道然行修學邃好善至誠可以坐鎮雅俗扶持正氣

翰林院侍講學士陳寶琛才思敏銳慮事精詳沈毅不浮勇於為義比年來殫心洋務若試之外任以擴其才

將來使備總署之選必能綜核入微斟酌得宜

翰林院編修王文錦植品清嚴篤於風義厚重練事有膽有識堪備司道之選

翰林院編修黃國瑾趣向正大宅心誠厚勤學好問研求經濟忠義所激不為威惕利疚可以內居言路外任監司

翰林院編修吳大衡事理通達才力精練於吏事洋務閱歷甚深兼有權略可以備司道之任

前詹事府少詹事文治講求理學內行甚篤沈靜方嚴可以矜式浮靡

張文襄公全集

卷四

奏議四

八

前工部主事夏震川學瞻才高而能潛心理學貞苦讜直大有古人之風加以歷練其材器實邁凡庸早年論事與臣大為齟齬然薦賢為公臣不敢是己非人致蹈蔽賢之咎

翰林院修撰王仁堪志遠才長究心經濟處事明銳毫無凝滯現在山西學政任內清廉精核體恤地方提倡實學頌聲翕然是其明徵實效

翰林院侍講盛昱學博文雅熟於掌故翰詹各員中罕有其比志趣不俗究心時務洵為雋才

刑部山東司郎中胡清瑞法律精熟風操勁挺迥異凡

庸

以上各員因衡論才品各從其類是以未按官階叙列合并聲明

外官二十九人

廣西布政使徐延旭正直強明兼資文武在粵有年威惠及於僚屬任襄陽道數月政績已彰才品俱優洵堪大造

貴州按察使易佩紳廉正有為條理精密愛民察吏風軌卓然

直隸按察使剛毅操行堅卓吏事精詳

張文襄公全集

卷四

奏議四

九

直隸永定河道游智開清強幹練不徇流俗實惠在民輿情愛戴

補用道高崇基廉樸誠懇才力剛果綜核計密不避艱難所至頌聲輒起官民無一間言

湖北安襄鄖荆道黃彭年品望清峻學術深純吏事洋防皆能博綜可以化導屬吏激濁揚清

廣東督糧道孫鳳翔樸厚直方切實可任

河南河北道陳寶箴通識長才盡心民事政聲播於鄰境

福建臺灣道劉璇才力沈雄素以剿賊治匪得名至於

撫民課吏尤能慈惠精嚴

廣東候補道陳彝志操端雅脩然拔俗慮事深穩有體有用

河南南汝光道任愷仁恕老練臨事綽有風力素有循吏之目

直隸口北道奎斌操守廉謹吏才明練遇事必求實際分發江蘇補用道凌蔭庭端正明達久在兵間近年從軍新疆所辦善後事宜最稱核實為關外局員之冠浙江督糧道廖壽豐心性慈祥學行恭謹當官洽辦切實不浮

張文襄公全集

卷四

奏議四

十

山西補用知府李秉衡德足懷民才能濟變政聲遠播成績宏多實為良材大器

甘肅甯夏府知府陶模廉惠勤民不染官氣心細才長所造未可限量

山西候補知府馬丕瑤潔清愛民而有威勇決任事而有謀天資勁直器幹恢張可期遠到

山東候補知府全士錡實心愛民不畏疆禦官聲甲於三齊

甘肅候補知府龍錫慶樸邁懇至勤於舉職篤於愛民陝西候補知府黃照臨才氣權奇堅強不屈蒞官最有

廉名處事絕無霸氣

河南南陽府知府鞠捷昌綜核名實悃愾無華口碑流傳循良之選

四川補用知府華聯輝品行清逸澹於榮利綜核之才獨出冠時

廣東惠州府知府李用清堅確勤苦不為習俗所奪可以挽回風氣

直隸候補知府朱采志正識遠綜核精勤於洋務能見其大

江蘇徐州府知府桂中行力果才長優於理繁治劇

張文襄公全集

卷四

奏議四

十一

山東青州府知府李嘉樂操履清約處事明決

直隸候補知府薛福成學識淹通持躬循謹洋務極深切於世用

浙江候補知府鄒仁溥志趣不俗才調兼人

貴州鎮遠府知府莫勒賡額端謹切實不染時趨現任前任口外八旗大臣可膺邊寄者六人

塔爾巴哈台參贊大臣錫綸膽略雄傑稟有奇氣極耐勞苦而文理頗優清漢蒙古回俄語言文字皆能通曉守邊有年俄人畏而忌之似宜漸加事權將來可以為北邊長城

甯古塔副都統德平阿久更兵事曉暢戎機明達沈重可當一面

璵春副都統依克唐阿樸誠驍勇毫無習氣久於東三省威望屹然

盛京副都統富陞忠勇知兵不避艱險雖性好負氣然自是邊陲緩急可恃之材

前布倫托海辦事大臣李雲麟廉勇鯁直才兼文武三十年來東南軍務西北邊防多在行間閱歷最博大局瞭然自是間出之才惟稍欠沈細以故屢有蹉跌方今全才甚難若與深穩者相輔而行勝於庸材百倍

張文襄公全集

卷四 奏議四

三

伊犁參贊大臣升泰幹局壯偉志趣不凡

武職十人

廣東陸路提督張曜器量閎偉文武兼資規畫設施能知大局將來新疆軍事大定以後該提督於治軍治民與屯權稅之事皆可倚任

四川提督宋慶樸勇久著上年關外諸軍紀律軍實最為嚴整使防遼海可謂得人以後宜籌經久之局不再移調該提督籍隸山東其部下中原及北省將士不少朝廷若擇其部將多任以北方營鎮於籌備北邊練訓北軍必有裨益

廣東水師提督吳長慶忠壯廉潔深明中外大局形勢

戢兵安民秋毫無擾淮將中節制最勝有事可當一面前固原提督曹克忠材器雄闊謀勇兼備為故將軍多隆阿部下上將屢建奇功欲練邊軍必須北地將才方能相習值此邊圉需才該提督投閒可惜

直隸通永鎮總兵唐仁廉素稱霆軍健將忠勇善戰血性過人

安徽壽春鎮總兵郭寶昌在剿捻宿將中最以驍健著名然果銳而能審機宜

廣東廣韶南鎮總兵方耀毅勇沈細威望素著

張文襄公全集

卷四 奏議四

三

江西南贛鎮總兵程文炳事理通達部署井然淮將中最為穩練者

記名提督程允和為宋慶部下知名良將長於訓練能使行陣和睦優劣得所

記名提督宋得勝驍勇功多亦宋慶部將中最著名者

越南日感宜籌兵遣使先發豫防摺

光緒八年四月二十日

竊惟法國圖越窺滇蓄謀已久五年前與立十四條之約越已為法所箝比者海上傳聞法人兵船已突入彼東京而踞之則越將為法所并從此溯流入滇強開南岸南徽亦為兵衝中國自固藩籬斷無坐視之理廟算

深遠想已確有成謀臣目擊時艱不勝焦灼敢就愚慮所及規畫次第敬謹臚陳以備聖裁第一成算法人狡謀已遂情勢已彰徒遣密使偵探無益徒在法京辯論亦無益惟有遣使帶兵赴援保護助越之勢沮法之氣上可令退出越京次可以代定條約相機操縱進退綽然越禍既紓滇防自緩此古人所謂守四境不如守四夷之說也第二發兵雲南兩廣省省設防年年勞費無所底止待其根蒂已固路徑已通雖有防軍何益於事故今日斷宜迅速發兵非芸人之邊功乃自守之先著也第三正名外國通例原有保護屬國保護商人之條

張文襄公全集

卷四

奏議四

古

我兵之出無妨明告諸邦並非勤遠挑戰第四審勢勢者何緩急是也他年受病之處在滇而今日制敵之道則在粵論敵之注意則滇急而粵緩論我之下手則滇緩而粵急法人新入粵東經營未定斷無即窺滇境之理然聽其安踞越京數年後亦斷無不通滇路之理若不從兩粵進兵批亢擣虛則滇防徒糜費耳第五量力閩粵人與洋人狎不畏洋兵而皆習於海戰粵西兵勇自同治年間深入越境代平土寇近年復踰境剿平李揚材兵氣頗壯地利亦熟滇界雖亦與越鄰但道路迴遠聲息較阻滇軍亦較弱必須及早措置訓練經年始

可用耳第六取道粵西陸師萬人出龍州鎮南關粵東水師二萬人出廉州海入越南港口皆會於越東京若調集兵輪一二十艘益以粵東購辦及自製快船再由粵東量募艇船商船不患濟師缺乏至需用戰艦何項宜多何項宜少應聽使臣斟酌第七擇使宜派忠正明幹大員兩人為出使越南大臣辦理護商議約事宜中外賢才自當不乏如聖意一時尙難其人臣敢敬舉所知以備選擇查有船政大臣黎兆棠老練沈雄久任海疆才勝正使在籍侍講學士李文田才敏膽決熟精洋防才勝副使可否即以該兩臣量加虛銜為出使越南

張文襄公全集

卷四

奏議四

五

護商議約大臣令其統領閩粵師船并節制廣西陸軍密授以統兵之權而陽畀以尋常出使之名外國亦不至驚詫其參贊等官如熟悉洋務之徐建寅馬建中等即可徑發數員前往聽該使臣酌用免致奏調耽延船政局近來事簡本有提調綜理一切可令岑毓英暫為兼權該兩臣皆博究洋情深明大局斷不至孟浪粗疏特任重道遠必須正副二使相輔相濟兩臣偕往必能取成約而還第八選將廣東廣韶南鎮總兵方耀身經百戰沿海知名可統越船黃巖鎮總兵貝錦泉習於水戰兵輪多其舊部可統閩船兩將皆屬使臣調遣廣西

布政使徐延旭可統援軍出關雲南布政使唐炯可統滇軍臨邊布置徐延旭唐炯尤宜假以事權責成滇粵督撫勿掣其肘第九籌餉援餉取給於閩海粵海兩關四成洋稅廣西庫儲近年稍裕半年內尙可支持半年外廣東接濟滇餉取給於川丁寶楨必能力籌第十議約我師入越詰問法國公使兵官責以公法示以戰意爲之居間調處法不得逞則與越立約必有限制有損於華之條自不能萌兼與法越議定中國常駐一軍在越南港口護越護商其餉可借資越民華商分半資助此非徒有益越事從此兵船更番屯劄外海更可練習

張文襄公全集

卷四

奏議四

六

水師第十一相機我師在越然後會紀澤在法京得以行其說駐越駐法使臣互相關會操縱相機爲之法人必可就範第十二刻期所論諸臣及戰艦兵勇皆在沿海自中樞定議之日始分投調撥部署速行兩月可集廣州再二十日可達越京粵西防營本在邊境惟待徐延旭到彼整飭調度後水師十日亦可會於越京城下唐炯自川赴滇自滇省成軍出蒙自臨越界後粵西軍一月亦可到防聲息自可相聞此時奮迅赴機於越事猶可及挽若少遷延便恐後時第十三廣益大局須自內定其調將吏遣間諜添船募士諸事宜除飭李鴻章

及南北洋大臣滇粵沿海督撫籌議外如黎兆棠李文田方耀貝錦泉徐延旭唐炯等儻加委任並可令其自抒所見隨時條議采擇但不必待羣議既集而後行致類道謀第十四定局大要此事即使一切迅速亦必須秋間始有端倪彼時李鴻章百日已滿似可令其先赴粵省一行詳酌條約布置久計再返天津第十五兼籌倭事觀望不決勢同騎虎越事既定然後催問球案我師東還聲言順赴東洋察看琉球三島形勢法人轉圖倭事迎刃而解矣第十六持久廣東爲洋舶來華第一重門戶越事既須經營則以後粵防愈要查當年會國

張文襄公全集

卷四

奏議四

七

藩建議南洋大臣本擬駐粵擬請增設南洋大臣一員以兩廣總督兼之不惟經略南交兼可先得各國要領免以增兵置帥致啟各國猜疑其兩江總督所兼或卽更名爲東洋大臣三口鼎峙首尾聯絡氣局較緊總之今日事勢不防不可欲防不能非庇屬國無以爲固吾圍之計非揚兵威無以爲議條約之資士卒必須閩粵之人師行必須水陸並進責兩廣以援責雲南以守防援同此一兵動靜同此一餉即使越之東京不復而法之鋒燄必衰即使滇之商路終開而我之守備已固語云守則不足攻則有餘此事有進無退有益無損伏望

聖明垂察燭幾慮遠斷在不疑敕下軍機大臣總理衙門王大臣迅籌辦理大局幸甚

請遣重臣駐粵籌辦越事片 光緒八年四月二十日

再丁憂大學士李鴻章固辭奪情自是常經正性朝廷開其實官專理洋務仰見 皇上經綸海甸體恤臣工仁至義盡特李鴻章應命與否尙未能知臣惟方今時勢內憂雖弭外患日深球社未封越警又告他邦抵隙絡繹而來此時即合天下現有之人才竭力措柱猶未從容若更令重臣去官大局實爲棘手竊意李鴻章如已承百日後駐津之旨固爲甚善否則更有一策臣此

張文襄公全集 卷四 奏議四

六

次疏請遣使帶兵援護越南事體重大若有威望素高之大臣駐粵督辦尤可得力可否飭下李鴻章百日後馳赴粵東頒給關防指授各員於發兵議約諸事宜總籌督辦既可資其聲威規畫必更精密夫金革勿避禮意昭然此舉乃關繫國勢海防豈得謂之輕於髮捻軍務俟越難既解即令其還津措置倭防如仰賴國家威靈南越東倭一切順軌彼時再詔聽李鴻章還里終制豈不忠孝兼完儻李鴻章於此時一意堅辭或更有無識者流不體朝廷不得已之苦衷橫生訾議伏望聖明獨斷置之不論庶幾全局不致周章臣爲中外大局私

憂過慮附片上陳伏祈聖鑒

閻敬銘遵旨赴京供職片 光緒八年四月二十日

再新授戶部尙書閻敬銘於本月初二日由解州抵省臣接晤後知其所患氣喘臂痛諸證自春令暄暖逐漸得瘥察其體履俱強氣充神炯當將前奉諭旨敬謹傳知據稱渥受殊恩亟思圖報惟自揣頹老迂執無用於世徒玷高位恐負國家擬俟到京展覲一抒瞻戀之誠仍行懇辭乞歸等語臣當即遵旨將時艱天眷剴切敷宣正言規切略謂方今安攘並亟度支爲先司農一官乃擔荷艱鉅之時非安富尊榮之地該尙書蒙被累朝

張文襄公全集 卷四 奏議四

九

恩知學道有年濟時有效盡瘁亦所當然何況並非癯老若目睹疆事孔棘老成稀寡宵旰憂勞尙不肯慷慨致身出而任事則是小丈夫硜硜之爲而非古大臣蹇蹇之義儻必以抗命鳴高自甘疏忽即使聖明曲宥誠恐天下萬世責備難寬開陳數日反覆累數百千言閻敬銘於是幡然奮發謂主恩如此何忍言辭此行到京即當遵旨拜命受職竭此桑榆惟力是視屬臣先爲覆奏即日束裝北上等語適因天氣多陰感患泄利調理數日日來亦已平復定於本月二十五日啟行入京相應先行奏聞以慰宸廑

特參害民不職各員摺 光緒八年四月二十八日

竊惟山西承災祲之後四民困苦官司叢勝尤賴良有司盡心撫字勵精整飭庶幾由庶而富而教漸復全盛舊觀臣愚以為糾劾以害民為先害民以貪墨為首至於侵蠹廢弛亦當沙汰及之臣到任以來悉心察核考諸實事驗諸公評謹擇其尤據實劾奏查有薩拉齊同知定福貪縱害民行檢不修聲名最劣候補直隸州知州李春熙行徑鄙俗私加釐金剝商擾民補用知縣洪貞頤習染最惡徵收弊混以上三員應請即行革職甯武縣知縣蕭樹藩居心很鷲放利而行石樓縣知縣王景羲昏惰無能縱丁滋擾汾陽縣知縣慶文抽釐不實不能聽斷以上三員應請以府經歷縣丞降補和林格爾通判惠俊秉性浮巧不愜輿情長治縣知縣李楨闇昧無識動招民怨高平縣知縣慶鍾嗜好太重公事模糊以上三縣應請開缺留省另補綜計此次所參九員皆係實蹟彰聞斷難寬假此外尚有不知振作及不免疵累者臣當指陳其失嚴檄教戒責令改過如仍不悛悔再行隨時奏參所參各員缺其應歸部選者晉省現有應補人員應請扣留外補合併聲明
旨另有旨欽此

張文襄公全集 卷四 奏議四

三

保獎循良片 光緒八年四月二十日

再激揚之術道貴兼施嘗考西漢之世循良之吏璽書褒勉所以吏治蒸蒸最為近古臣於晉省害民不職之員已經專摺奏參至實心愛民為守兼優者亦應上達宸聰懇加褒獎然後羣吏知所趣向查有現署太原府知府候補知府馬不瑤廉惠剛明所至有聲前署永濟縣痛除差錢數萬緡民困大蘇泊知解州辦災最善清丈招墾精密有法以故解州既無荒地亦無累糧至今徵收最易官賦不虧民力不因成效益彰候補直隸州知州方龍光學道愛人前署汾陽縣正值光緒二三年當災象初成首請停徵觸怒上官於是早籌荒政設法儲糧苦心糶運全活甚多若使再任一年該縣罹災尙不甚酷至今縣民稱之朔州知州姚官澄操守廉潔政事勤明晉省早年州縣不染賣粟惡習者不過數人而姚官澄兼以有才陽曲縣知縣錫良守清識定自其候補時抽釐辦賑早著賢聲到陽曲任兩月革除差累商民咸悅萬泉縣知縣朱光綬廉潔慈祥上次任萬泉時荒政盡心饑而不害所到皆有惠政太原縣知縣薛元釗廉樸至誠專心民事前署垣曲災區於禁種鴛粟極為認真現任太原孜孜講求渠利以上六員官聲最好

張文襄公全集 卷四 奏議四

三

眾論僉同合無仰懇天恩降旨嘉獎勉勵以為晉省官吏之勸

旨另有旨欽此

整飭治理摺

光緒八年六月十二日

竊惟今日治晉之道議者皆以培養元氣為言然而元氣之傷必有所以奪之而始傷元氣之復亦必有所以助之而後復若不為之抉去病根祛其所奪益其所助而徒以彌縫姑息矯託鎮靜之治坐收富庶之功無是理也臣以為國之元氣在戶口蕃息田野墾闢政事有紀綱經賦無侵盜而聚斂吝嗇不與焉民之元氣在官

張文襄公全集

卷四

奏議四

三

吏無苛擾四民無游惰而末富奸利不與焉官之元氣在官項無虧累上司無誅求賢否不顛倒功過有黑白而濫恩曲法不與馬山西自咸豐以來較稱完善公私積弊本多沿襲前撫臣曾國荃治晉之日饑饉薦臻專意荒政多用權宜勢不能過加繩削自葆亨由藩司而接護撫篆因緣為奸壞法亂紀於是民困未起吏道益衰至衛榮光之來始漸整肅考究經年方欲有所設施遽移蘇撫以去因以一切利病原委娓娓告之於臣加以臣數月來之鈎考思索灼見晉省公私困窮幾乎無以自立物力空匱人才艱難上司政出多門屬吏愍不

畏法民習頹惰以蹙其生士氣衰微而廢其學軍律日即蕩弛吏胥敢於為奸譬如尪羸之軀而復為百病諸創之所攻削固非表裏兼治不可大抵晉省要務二十事一責墾荒一清善後一省差徭一除累糧一儲倉穀一禁鶯粟此六條務本以養民一減公費一裁攤捐此二條養廉以課吏一結交代一核庫款一杜吏奸一理釐金一救鹽法此五條去蠹以理財一開地利一惠工商此二條輔農以興利一培學校此一條重士以善俗一紓餉力一練主兵一遏盜萌一修邊政此四條固圉以圖強凡此皆儒術經常之規絕不敢為功利操切之

張文襄公全集

卷四

奏議四

三

計其前八條謹於此次分別疏陳請旨辦理其餘亦經詳加規畫即當陸續奏上要之凡百政事皆須得人而理晉省偏僻陜隘官斯士者才俊之士志氣鬱遏而不伸闕冗之流徼倖掩覆而苟免其致此之由尤在近年大吏紀綱不立賞罰無章不激不揚人才安出臣殫竭愚誠董率告戒各官中有奉職無狀妨於吏治民生者已經隨時劾奏果能由司道以至牧令共矢公忠咸遵法度皆以利國利民為務自有成效可觀至於善後事體需用浩繁尤非稍留財力不辦伏望聖慈俯念右輔巖疆彫敝太甚急須培補維持於晉省用人理財諸端

種種為難情形鑒察軫念斷自宸裁稍逾常格俾臣得盡力為之則將來民康物阜皆出聖主之生成矣

未墾荒地請寬限起徵摺

光緒八年六月十二日

竊惟為國家理財之道莫如覈經賦足經賦之道莫如無曠土闢曠土之道莫如養民力若視同秦越但急催科土著無力客民不至地之不毛賦於何有溯查光緒五年查勘荒地其時上司責令委員及州縣草草蕪事屬吏迎合意指往往以荒報熟其實真正新荒不止所報之數故至今紛紛呼籲種種棘手以後催徵事體為難尙多至於當日辦理招墾全不知稼穡艱難一味操

張文襄公全集

卷四 奏議四

五

切一味惜費有名無實現飭善後局查開已報之有主無主荒地未墾者共一萬頃有奇緣曩年餓莩過半流亡不歸比年雖稍稍蘇息而丁少工昂蕪深資薄復畏賦役之累契稅之徵相率觀望查光緒六年三月原奏查明新荒地畝共二萬二千七十六頃七十畝零有主者三年開徵自光緒五年為始光緒七年為滿無主者四年開徵自光緒五年為始光緒八年為滿竊思例定升科之條當以開墾之日起限原奏統自光緒五年為始不問其已墾與否但以三年四年為斷一律升科辦法殊未盡善此時若不亟為聲明將從前奏明有案各

州縣荒地籲請特沛恩綸則小民忱於催徵期迫必致仍前裹足數年以後寢為豪民隱占鄰里侵沒馴至如

陝皖江浙已事清查之官吏無從清缺額之正賦終於缺臣博采羣議今日墾荒之道惟有先化無主為有主一法合無仰懇天恩俯念晉民困苦開墾艱難明降諭旨所有陽曲等五十四州縣荒地除已墾者仍照光緒五年奏案分別有主無主於光緒八年九月上忙開徵外其未墾之一萬一百八十三頃六十四畝零自此次奉旨之日起無論有主無主荒地均以實在開墾之日起限三年後起徵臣一面督飭善後局司道趕緊開造

張文襄公全集

卷四 奏議四

五

清冊送部查核並嚴飭各該州縣此等新開荒地升科以前概不得派及差徭其實在無力者稟明酌給牛種之資所有給發認墾執照紙筆印紅等費由局發給不准需索一文將來該民人執此印照即作為官業契據無庸另行稅契州縣勸墾數多者優獎膜視荒蕪者重懲如此緩其賦役杜其擾累資其物力小民灼見墾荒之有利無害必將踴躍爭趨競圖占業一二年間可盡化無主之地為有主田土既有著落正賦自不終虧此則稍寬目前之追呼而實所以裕久長之本計者也其實係已墾者仍當督飭藩司責成地方官認真稽察依

限起徵必不容里長糧差私收匿報所有籌辦勸墾荒地情形謹繕摺具奏伏祈聖鑒

豁除累糧片 光緒八年六月十二日

再晉省徵收向無魚鱗冊過割不清展轉移易或耕無糧之地或納無地之糧祖孫相承莫窮原本州縣催徵但知責之戶頭甲長弱者扑責包賠黠者隱匿飛灑於是有一戶倒累甲甲倒累里之害加以小民惜稅契之費常有百年恒產但執白約並無紅契災荒以後迷亂益多儻不窮源核實而貿貿然榜管戶甲嚴急催科凋瘵窮黎更無生理此一事為晉民之大害今欲去之斷非

張文襄公全集

卷四

奏議四

奏

清丈不可昔賢如宋之朱子明之海瑞呂坤國朝名儒陸世威皆汲汲以清丈為言夫豈得已徵之目前晉事高崇基行之於介休而效馬丕瑤行之於解州而益效以故解州亦係被災極重之區而至今一無累糧且無荒地成效昭然現據曲沃縣紳民呈懇清丈已飭該縣認真舉辦此外如陽曲縣則因圈糧為累復有缺額錢糧數千金太谷亦有累糧數千金由官賠墊汾陽孝義皆民間自願清丈因經費未集尙未開辦臣當督率司牧因地制宜籌款辦理惟丈地必先查糧查糧必先查契方不至有隱田缺賦之虞若清丈之先明示糧戶令

將所有契據概行呈驗登簿鈐印免其此次稅契之費宥其從前漏稅之愆并須與民相約取足賦額而止設有圭撮盈溢之地亦不增糧則一縣之契自然歡呼雲集一縣之地自然纖悉無遺魚鱗之冊咄嗟可辦然後再行清丈執契求田必無短絀訪之習於晉省吏事民情者所言皆同查晉省州縣田房稅契每歲徵不過百餘金至數百金仰懇逾格天恩此後晉省州縣何處能辦清丈者由省委員勘明舉辦於清丈開辦之年暫免一年田房契稅計一年所辦不過數縣其於歲入所減不過毫毛而小民踴躍從事田賦可以徹底澄清責

張文襄公全集

卷四

奏議四

奏

糧於地不必求賦於人所損於上者甚細而所益於下者甚宏此亦培養元氣之一助也

裁減差徭片

光緒八年六月十二日

再晉省州縣虐民之政不在賦歛而在差徭所謂差徭者非役民力也乃斂民財也向來積習每縣所派差錢大縣制錢五六萬緡小縣亦萬緡至數千緡不等按糧攤派官吏朋分衝途州縣則設立車櫃贏櫃追及四鄉牲畜拘留過客車馬或長年抽收或臨時勒價一驢月斂數百一車動索數千以致外省脚戶不願入晉外縣車驟不願入省遠近行旅目為畏途疾首痛心非一日

矣西南路州縣差徭經閣敬銘減數定章民紓而官亦不困特貪吏無厭難保不日久復故臣嚴飭西南路州縣恪守閭敬銘成規不容稍軼每月收支錢數一面榜示差局一面將原榜照錄詳送備查然而行省所治以及附省數百里內外縱橫四達大驛衝途差累未除怨咨未解大抵中路之陽曲首縣東路之平定州並所屬孟縣壽陽西南路之靈石南路之榆次北路之忻州皆為最衝冠蓋交午或車櫃驛櫃拉扣勒索或小甲差班無票橫擾或城鄉設局任意攤收居者行者兼受其患前撫臣亦嘗有意籌辦無如官吏既不捐利又不任勞

張文襄公全集

卷四

奏議四

天

膜視民艱枝梧不辦臣堅持定見甘為怨府陽曲責成陽曲縣知縣錫良平定靈石派知府馬丕瑤榆次派朔州知州姚官澄忻州派代州直隸州知州俞廉三分投前往察度核議各就情形多方調劑現已定章舉行一洗苛政陽曲則為籌款生息官設差局自養車驛如必不敷臨期自行雇備並飭將驛馬買補嚴定應差章程不准差員濫支總之不取民間一錢不擾過客一車平定壽陽辦法亦同孟縣令其津貼上下兩站代為接遞自四月以來陽曲平定孟縣壽陽等處未出一拉車扣驛之票靈石則將官署應酬浮費痛加裁省令其買補

驛馬自支差務永除車櫃之弊為靈石本縣民間歲省差費制錢二千餘串兼為鄰境汾西等縣民間歲省幫貼差費銀四百餘兩榆次差錢三次核減為民間歲省制錢七千串忻州將舊日四鄉總局南北車局弊章釐正革除冗費為民間歲省制錢一萬串為行旅歲省制錢一千餘串目前眾情歡欣任載絡驛南北商旅四鄉車畜度恒霍而趨弁門者聯鑣接軫漸有坦蕩之樂以上五路乃通省差務最繁最疲之區今已一律廓清此外支郡下邑如有積累未除者即當以次推行隨時整飭并懇聖恩明降諭旨所有本省及外省經過晉境之

張文襄公全集

卷四

奏議四

无

文武員弁兵勇需用車馬務遵定例不得例外騷擾如有額外需索臣當即據實參奏則有驛州縣不致受累而民困可以永蘇夫輕其徭者所以不奪民之時而勸其盡力於南畝也薄其斂者所以不竭民之財而督其併力於正供也此臣所以為民計而不僅為民計者也至於官署用物里甲支應詞訟賣票魚肉富民乃晉省積年之惡習藉名興工修志按畝捐派乃晉省災後之貪風並已嚴檄禁革不許稍滋民累所有裁減晉省五路差徭情形理合附奏

禁種鶯粟片

光緒八年六月十二日

再晉民好種鴛粟最盛者二十餘廳州縣其餘多少不
等幾於無縣無之曠土傷農以致畝無棲糧家無儲粟
丁戊奇荒其禍實中於此然而覆轍相尋不知迷復議
者或持不宜禁之說大率一由見小一由畏難然臣謂
以地以時有不可不禁者四晉地磽瘠產糧無多早年
本恃外省接濟自為鴛粟所奪蓋藏益空即如前此大
稷垣曲產煙最多餓斃者亦最眾近日種煙之利以交
城為最盛而糧價亦以交城為最昂賊民害稼確有明
證此時若再不遏其流設有偏災豈堪設想此必禁者
一也晉省山農多水利少種植鴛粟之功倍於蔬卉偶

張文襄公全集

卷四 奏議四

三

有山溪水澗可資灌溉悉以歸之鴛粟此物最耗地力
數年之後更種他穀亦且不蕃夫僅有此區區難得之
水利而養此毒民之物此必禁者二也晉省吸煙之癖
官吏士民弁兵胥役以及婦人女子類皆沾染大率鄉
僻居其十之六城市居其十之八人人尪羸家家曼起
怠惰頹靡毫無朝氣在官者不修其職食力者不勤其
業循此不已貧者益貧弱者益弱數十年後晉其危乎
惟種之者多故吸之者便此必禁者三也洋藥稅為海
關大宗今日方議重徵藉禁外販以為坊民正俗之謀
若內地不禁聽其蕃滋何以關遠人之口此必禁者四

也查晉省鴛粟之所以不能禁者一由於上官之禁弛
不一朝令夕更一由於官吏之視為利源私收畝稅祗
此二弊必有成效可觀臣愚以為禁之有方行之有漸
先膏腴而後磽确先腹地而後邊廳責之於鄉保毋徒
付之於吏胥遏之於播種之先毋徒毀之於揚華以後
力禁庇擾嚴定考成感民以誠未有不動雖不能遽絕
根株而少一畦之鴛粟即多一口之餘糧矣至於官生
將卒臣已多方勸戒現仿李鴻章天津所設之戒煙局
延醫購藥以冀廣起沉痾屬官中有嗜好廢事分別撤
任停委勒限戒斷許令自新弁勇勒限戒斷不悛者汰

張文襄公全集

卷四 奏議四

三

黜學校諸生由學臣隨時董戒冀以漸摩觀感徐收移
風易俗之功

裁革公費餽送摺

光緒八年六月十二日

竊查外省臬司道府直隸州等官辦公每患不足廉俸
扣減益形支絀不得不仰給屬吏其歲時餽問有三節
兩壽季規到任禮程儀諸目各省大同山西亦然大吏
之講求吏治者知其足以累州縣而又無以處司道府
州於是乎別籌閒款明定公費使上無匱乏下無挾制
故近年各省遵旨議定公費之案屢見奏章然其款必
有所出如三江閩蜀諸省或取之釐羨或取之漕折或

取之鹽平儻別無可籌亦必量加裁減然後著爲定數凡以意在恤下而已自光緒六年王定安任冀甯道時懲於晉省官吏之貧窘舊日規禮不能刻期如數因憇恩葆亨巧立裁汰陋規之空名改立公費以便其私舊日止送水禮者一律改爲實銀並妄稱裁去一二三成蒙混飾奏州縣由此重困人人嗟怨物議沸騰臣抵晉後案考其實則皆明減暗增甚至自無而有自少而多原奏所謂核減三成者僅止兩縣其餘僅減一成半成而合以加平加色較舊數實爲過之且向來致送規禮每年五六次之中必短欠一二三次不等至水禮一項

張文襄公全集

卷四

奏議四

三

厚薄有間辭受無恒即使收納不過數色今則化私爲官轉紂爲贏公然委員守提公然於領款坐扣以致歸綏道屬向無節壽陋規者藉口新章一律添收橫徵巧取敗壞官常莫此甚矣臣除晉省苛政首將原議臣衙門公費一萬九千五百五十兩共支卓飯銀六千四百兩暨此外一應查庫門包等陋規全行裁禁旋將通省公費就光緒六年原定數目體察情形分別裁汰臬道府州所收公費除河東道全裁外其餘酌量核減其著名瘠苦原有解送公費者如永和蒲縣大寧平魯吉州汾西和順榆社寧鄉寧武偏關沁源屯留沁水靜樂五

寨天鎮五臺右玉定襄左雲靈邱廣靈崞嵐嵐縣等二十五州縣全行裁免著名瘠苦原無解送公費者如石樓應州山陰垣曲平陸等五州縣申明永禁口外各屬新增解送公費者如歸化城綏遠城薩拉齊清水河托克托城和林格爾等六廳仍行裁革其餘舊有解送公費尙非瘠區者六十四廳州縣概行減半惟各屬中如雁平道暨朔甯平汾澤五府遼沁隰三直隸州或地居瘠苦或刪減較多不能不量予補苴卽於臣衙門所裁各費之內酌提津貼綜計裁減之數除津貼各屬外爲兩司各道歲省銀六千二百一十兩爲各府直隸州同

張文襄公全集

卷四

奏議四

三

知通判歲省銀一萬四千五百六十九兩爲州縣歲省銀五萬八千一百三十七兩通計爲闔省屬官歲省銀七萬八千九百一十六兩晉省餽送上司水禮之風亦爲巨害實與節壽無異送時開票持票折錢優缺每年五六次統計所值撫藩兩衙門豐者二三千金約者一二千金以下衙門遞減有差廉者不收收者率留其半一年所費亦復不貲今一併嚴申屬禁刊印章程以本年四月爲始通飭遵行臣平心審核此次所定固一本於損上益下之義然實亦足敷辦公絕無強人以所難之事此後儻有於裁減之外橫索巧取者當卽劾治其

罪奏明立案

特參貽誤善後各員片 光緒八年六月十二日

再晉省去災賑之後亦已數年而元氣益索度支益艱
吏治益敝者大率皆前藩司葆亨前冀甯道王定安二
人所為其咎約有數端一曰玩民瘼葆亨自為藩司暨
護巡撫善後之款恢乎有餘而吝惜牛種不肯給發查
勘荒地勒限嚴急草草截數以致靈石有社長迫限畏
刑剖腹自戕之案榆次有截數以後報荒被駁地蕪民
流控訴不已之案隰州吉州有以荒報熟錢糧無著之
案汾州靈石臨晉冀城有請領籽種被駁嚴飭之案壘

張文襄公全集

卷四 奏議四

五

過生機至今彫耗其咎一也一曰糜庫款葆亨在晉兩
年妄費虛糜款目含混不一而足其將卸藩篆之時一
日中放銀六十餘萬並無軍餉大批急需款最無理
顯著者如提塘趙嘉年欠款自咸豐元年停發至光緒
六年二萬五千餘兩參將王同文欠餉一萬八千餘兩
總兵羅承勳奏結不發之欠餉二萬七千餘兩眾論譁
然其故可想他若興不急之工作以調劑工員支無名
之薪水以彌縫窟口於民事則百計刁難於妄用則揮
金如土王定安代理藩司不過一旬亦於一日中放銀
三十餘萬亦皆不急之款庫儲既竭但恃善後現銀填

補挪用遂令善後巨款懸欠無歸是先以庫款供濫支
因以善後抵庫款於是庫款賑款二者俱傷以致今日
百廢待舉無從措手其咎二也一曰累屬吏晉省屬吏
之於上司向有致送節壽規禮之陋習然上下通融每
多帶欠葆亨用王定安之謀改為公費明減暗增甚至
或昔少而今多或昔無而今有舊送水禮者一律改為
實銀乃以裁汰酌減蒙混具奏公然檄催委提坐扣領
款王定安自定冀甯道所屬公費如太原通判崑嵐陽
曲交城嵐縣介休高平黎城武鄉等州縣皆較前有加
應酬豐簡禍福隨之晉省官場本窘又復加以誅求既

張文襄公全集

卷四 奏議四

五

竭力以事上豈能潔已以恤民以致股削無忌貪風未
改其咎三也此外若葆亨以善後局之款七萬兩存放
票號縱令家丁私收利息晉省官鐵局雖有總辦之員
實皆王定安一手主持帳目案據存其署中用其至戚
通判黃學濂為提調總辦不得與聞支用浮濫不可紀
極王定安又創立營製所一年開銷數萬金考其帳目
無名之費甚多內有闔省生息公用一項並不遵照詳
定章程於半年中擅將應備一年之款全行動用王定
安又創議歲提公款津貼藩司五千金並自定道署津
貼千金其署臬司時欲領全廉為諸官吏所格因於局

內自提津貼五百金當光緒五六年間晉民喘息未蘇中外汲汲邊備而晉省各衙門張鏡演劇豪宴無度彌月不休供帳苞苴較前益盛敗壞風氣非大吏之責而誰大抵晉省弊政事事皆葆亨出名而大半皆王定安播弄省城各局王定安無局不列銜無局不主稿其為人才調頗長而利心太重曾國荃初賞其才徐乃察知其所為亦深疾之該二員在晉官民憤怨萬口沸騰臣考核善後各案贖因得查悉其種種弊混之端論其貽誤善後之罪葆亨實為之魁而王定安挾私妄為咎亦次之此外十分荒謬之端眾口鑿鑿而文案粗可彌縫

張文襄公全集

卷四

奏議四

三

承勳諸款與夫一切濫發無理蒙混挪移之稿無一非陳本核定改削親筆圖章炳然案牘蓋其時凡事太支離藩署幕友不肯核稿鈐章者則陳本悍然為之其為該員合謀弊混明白無疑應請旨將陳本一併革職卽行驅逐回籍至安頤入局在陳本之後出局在陳本之前經臣查詢尙肯詳晰陳明不加迴護且查其平日居官亦屬勤慎惟在局日久於各款目不能細加清釐究屬疏忽應請旨交部議處此外當日在事之司道府暨各局員不能匡正均有不合惟以葆亨之昏謬王定安之恣橫兩人相比各該員勢有不敵仰懇逾格天恩

張文襄公全集

卷四

奏議四

三

從寬免其深究臣當隨時督察飭其洗心改轍以觀後效除將一應款目此時尙可補救者現仍嚴飭該局司道各員分別認真查核員領者勒限清交虛懸者提歸公款含混者杜絕再支并飭藩司將各項收支款目隨時詳報查收至善後公費各事另摺奏辦外相應據實擇尤奏參伏祈聖鑒

上諭張之洞奏晉省治理刑做現籌次第整飭請將未懇荒地寬限起徵並豁除累糧裁減差徭禁種鶯粟裁革公費餽送各摺片覽奏具見實心為民潔己率屬深堪嘉尙山西積弊相沿吏治日紊又當災禱之後民困

未蘇亟宜興利除弊整頓紀綱俾地方日有起色該撫抵任未久將該省情形詳細體察切實籌辦即著悉心次第經理以肅吏治而厚民生現在該省未墾荒地尙多閭閻困苦著照所請自實在開墾之日起限三年後起徵用示體恤其實係已墾者仍著責成地方官認真稽查依限起徵該撫現擬豁除累糧籌辦清丈何處開辦著暫免該處一年田房契稅以資集事苛派差徭最為地方之累所有陽曲等州縣五路差徭業經該撫分別裁革釐正嗣後經過文武員弁兵勇需用車馬務遵定例不得稍涉騷擾儻敢額外需索即著張之洞據實

張文襄公全集

卷四 奏議四

奏

參奏民間栽種鴉粟有妨嘉穀屢經嚴諭申禁仍著該撫隨時查察有犯必懲以挽頹俗至該省裁汰陋規改立公費據張之洞查明實係明減暗增貽害州縣已將巡撫衙門新改公費及一切陋規全行裁革復將通省公費酌量裁革並禁止餽送水禮即著飭屬一體遵行儻敢仍蹈前轍即行重治其罪以懲貪劣另片奏已革山西布政使葆亨前在藩司及護理巡撫任內玩視民瘼虛糜庫款貽累屬吏前冀甯道王定安創立款目支用浮濫葆亨一切弊端大半王定安播弄請旨懲辦等語山西迭遭大祲地方大吏應如何潔清自矢加意撫

綏於庫款則擇要開支於賑款則核實動用以期實惠及民培養元氣乃葆亨王定安貪黷營私貽誤善後種種荒謬實堪痛恨葆亨業經革職著發往軍臺効力贖罪王定安著即行革職一併發往軍臺効力贖罪其辦理善後諸務扶同弊混之候補直隸州知州陳本著革職驅逐回籍候補知府安頤於局款不能細加清釐實屬疎忽著交部議處欽此

張文襄公全集

卷四 奏議四

奏

張文襄公全集卷四終

新城王樹桂校

張文襄公全集卷五

奏議五

裁抵攤捐摺 光緒八年六月十二日

竊臣當甫入晉境既問民之疾苦因問官之疾苦則僉以攤捐為累對攤捐者凡關繫一省公事用度而例不能銷則科之於州縣者也晉省自乾嘉以來州縣解交兩司暨本管府州之攤款通計需銀十一二萬兩節經前撫臣成格鮑源深會國荃先後議裁議抵時有增減至今尚常年攤捐十七款一平好鐵不敷價脚部飯部費等項一潞網不敷例價盤費一農桑絹不敷例價運

張文襄公全集

卷五 奏議五

脚盤費一生素絹不敷例價運脚盤費一呈文紙不敷例價運脚盤費一毛頭紙不敷運脚盤費一京餉津貼差費一科場經費一歲科考棚經費一兵部科飯食一臬司兵部奏銷印紅飯食一秋審繁費一臬書飯食一省城臬府縣三監繁費一土鹽公用一各府州歲科考經費一交代繁費通計約銀十萬兩實為官場第一鉅累大率上缺所攤二千餘金下缺所攤亦數百金州縣無從取辦或移甲就乙暗虧正供或剗肉補創苟且稱貸即使批解如額固已力盡筋疲亦惟有私徵勒派受賂鞫獄以取償於百姓臣以為欲講晉省吏治必先盡

去攤捐之累使州縣之力寬然有餘而後下不至以賒削者累民上不至以虧挪者累國晉省地瘠民貧即所謂脂膏之區本已遠遜他省廉俸減扣以來辦公竭蹶益以攤捐之累於是自拔者少而自愛者益稀且交代膠葛多因攤捐常有官隔六七任案懸十餘年而調算咨催糾纏不已致令官斯土者率皆愀然有逋負牽絀之憂而毫無潔身奉職之樂此不特有妨澄敘之方恐亦非盛明熙皞之世所宜有也數月來督飭兩司以下各官通籌詳議決意除此弊政可刪者徑行刪汰可節者極力撙節必不可刪必不能節者就本省籌畫開款

張文襄公全集

卷五 奏議五

抵補現已籌定辦法通飭舉行專設一局辦理裁抵攤捐以清吏治之源名曰清源局惟平好鐵一端事重而款鉅難以全籌網緝紙五項目繁而累深即使代為籌款而仍有糾紛淹滯之苦謹另片奏明請旨辦理如蒙俞允則此六項之費可以變通從省其不足者仍由本省籌畫尙可勉為從此晉省牧令苛累一清無所藉口察吏之法可以必行惠民之政可以下逮矣抑臣更有進者攤捐欠解不能參追往往急需已至而本款不來惟有於司庫移款墊付遇有參故極累之員欠者終欠則藩司又取他款以掩補之夫攤捐待用之款不能暫

停而攤捐應解之銀十欠其五然則司庫年年挪攤無慮數萬金皆是何物窮其所歸不過侵耗正款而止其始則病官吏其終則害庫儲此亦無形之漏卮也臣查晉省歷屆清查報銷各底案正雜各款皆易尋求獨至攤捐一項煩瑣繳繞交代之推宕司庫之撥抵展轉繞算新舊牽纏大約奸胥作弊之窟穴猾吏取巧之伎倆盡在其中將此葛藤剷除則盈虧一一披露於庫款交代均有裨益

旨該部議奏片二件併發欽此

籌補鐵款片 光緒八年六月十二日

張文襄公全集 卷五 奏議五

三

再晉省攤捐之最爲官累者無如平好鐵每年應解平鐵一批八萬四百九十斤好鐵四批共二十萬斤例支價脚銀一萬一千三百餘兩尙不敷價脚及部飯部費盤費等銀三萬九千餘兩由州縣攤賠各官苦之光緒六年前撫臣曾國荃曾有例支者免扣三成不敷者動支釐金之奏當經戶部議駁在部臣自爲恐啟效尤起見迄今又閱兩年臣熟考利病實有不得不申籲於聖主之前者查例支價脚定自百年以前謹案國初至雍乾之世百產豐盈物價輕賤百工庶役以及轉移職事之閒民僦值無多考之本朝掌故及前人文集筆記大

率其時每銀一錢抵今日三錢之用自俸餉大端與夫一切工程料價當日皆綜核而出之故同一銀數昔則用常有餘今則日形不足凡涉例價無不皆然百年來物價人工日貴而浮費耗蠹日益多承應官物者由此困矣趙代爲九州產鐵之區今非缺乏自潞安平定被災戶口凋傷工匠略盡粗工則因民流而開采者稀細工則因民拙而學製者少故今日不患無鐵而患無工鐵鑪之出貨不足以供鐵販之取求出鐵既艱鐵價亦貴駝畜既少運費亦昂價脚日以增而州縣日以苦自經六年議駁以來雖有攤捐此項鐵斤之名而處處絀

張文襄公全集 卷五 奏議五

四

欠月月催迫至今並未清完仍歸司庫籌墊臣到任以來考求鐵政將官鐵局章程詳加稽核派員親赴省外鐵鑪訪究利害事事求實求節從前糜費浮銷居奇壟斷之弊全行掃除選廉正精密之員總司其事計每年可省銀一萬六千兩然尙短銀二萬三千餘兩雖欲設法籌備苦於爲數太多除會國荃所請免扣三成一節有礙定章不敢申請外合無仰懇天恩俯念晉省地貧官累略予補苴所有前項不敷鐵價鐵脚等費可否比照例價脚之數准其暫於本省釐金項下動支銀一萬一千三百兩稍資津貼以五年爲限俟五年後物力

漸紓官力漸裕再由本省籌發其餘不敷銀一萬二千餘兩由臣籌款抵補至晉省釐金有由各局卡徵之行商者有由各州縣徵之坐賈者近年收數甚微無非藉口攤捐賠累百計枝梧如蒙聖恩明予體恤稍減積累該員等具有天良臣竭力整飭必能使州縣每年收數較前漸增足以敵此項而有餘鐵款既無攤派則通省攤捐之害可以廓清實出逾格鴻慈此事為晉省吏治全局所關不勝屏營待命之至

請折解綢絹紙張片 光緒八年六月十二日

再晉省常年例解大小路綢八十四匹生素絹一千二百

張文襄公全集

卷五 奏議五

五

匹毛頭紙一百萬張呈文紙四萬張上項諸色為物甚菲而累及官民甚重所役馱載甚多路綢並不出於潞安路民但解養蠶不習機杼向在澤州織辦或雇澤匠到潞織辦或寄絲至豫省織辦大裨以後桑植不蕃機匠寥落如澤州機戶前明千有餘家五年前三十餘家今存米山鎮劉氏一家此不惟災餘之衰耗亦足見地利之遷移絹則外郡解絲供匠省城織造近年欠絲甚多解匠者十一州縣今有九州縣皆報故絕召募無人通計絲價織工運脚雜費解絹一匹費銀十兩紙戶向以承應官差為行頭胥吏所擾而蒲州紙戶流亡失業

尤為困苦屢次呈訴求免綜計綢浮於例價五倍絹紙浮於例價十倍又各項價脚不敷攤之通省一縣不齊則全批停運臣到任後多方督催甫於四月內各解一批綢解至光緒四年止絹紙解至光緒元年止此就解多者言之其餘各府積欠尙在十年以上查晉省土性疆輿產絲猶縑水色沈闇凍染無方織為衣料不惟非江浙四川綢緞之比亦遠不如南陽鄖陽之繭緞僅與雲南所產相等並無足貴若生素農桑等絹質地尤為疏薄略如京師羅底稀紗至毛頭呈文等紙理粗色黯即京師市肆通行之皮紙而潔白遜之竊考山西地產

張文襄公全集

卷五 奏議五

六

他無可稱惟煤鐵兩端利於民用其出最蕃而其質最良甲於他方鐵之為物既為農器軍器家人日用海疆機局之所必資而平日本為薊遼兗豫江淮以南商賈轉販之所及所宜講求推廣招徠工商以為足國富民之計故平好鐵一端臣此次疏中但懇津貼不請折納以其非他省所產之可敵故也若夫隨地皆有之物又不精良宜無關於任土作貢之義但使可以備用似不必輸之遠方按綢絹紙張皆以江南所產為勝近年華商輪船暢行江海絲貨紙貨充物津沽達於輦下由其轉輸輕利故物美而價廉都市之中何求不得即如毛

頭紙一百萬張呈文紙四萬張合計包裹繩索箱篋既席解役行李共重三四萬斤晉地山路艱難任載有限用大車五十餘輛用驢贏則須三四百頭再加以他項綢絹勞民重役抑又可知全省之中騷然煩費而運致此粗重之物此固因時制宜之道所當斟酌者也合無仰懇天恩俯念晉省積累物微運艱量予變通可否將此項綢絹紙張抵支例價例脚解部此外再由晉省籌款按照例價例脚現行扣減實銀之數津貼銀二千七百一十四兩零一分三釐並舊章部飯一併附京餉之便搭解戶工兩部就近采買應用如此一轉移間內府

張文襄公全集

卷五 奏議五

七

曹司不闕需用不煩催迫而晉省承辦之民戶攤捐之州縣委解之佐雜微員均免賠累之苦共戴皇仁實無涯矣伏查潞綢一項乾隆中葉以前額解大綢一百匹小綢三百匹乾隆三十四年減為今日之數旋又復舊嘉慶十一年工部奏准停止至嘉慶十五年始又飭令織辦遂減定為今日之數絹匹一項咸豐二年戶部有籌議節用之疏奏准停其織辦至咸豐六年復舊毛頭紙一項乾隆三十九年戶部奏准停辦折價解部至乾隆五十一年始又飭解本色呈文紙一項元額一萬張乾隆三十四年增至今數嘉慶五年戶部奏准停解嘉

慶八年復舊咸豐三年戶部奏准停辦折價解部以節帑項至咸豐六年始又飭解本色又如晉省原有辦解高錫黃蠟之例於乾隆道光年間先後停止此皆先朝舊典屢有變通可見核減有會沛之恩綸而折解有可稽之故事聖人時中所謂化而裁之與民宜之者矣

建倉積穀摺

光緒八年六月十二日

竊惟山西善後事宜端緒錯雜款目糾紛粹難清理臣到任後案考故牘遺闕甚多迭飭司局詳細開報臣按款句稽現經查明有所謂善後節省一款為數甚鉅問所從來大略有六一報銷既畢各運局原領經費繳回

張文襄公全集

卷五 奏議五

八

之款一四川捐局應支局費一併解晉之款一天津補捐項尾零並津貼斛費之款一各省解項長出餘平之款一各州縣繳回原領牛馬價之款一蒙古捐馬變價運糧口袋變價之款通計共銀二十二萬八千餘兩以上諸款或專款尙存或因事借動今飭局員分查統核得有此數均在光緒六年善後報銷第二案奏報司庫所存積欠善後正款之外該員等原擬俟善後用款完竣再行歸案附報現經善後局司道查明詳報前來臣准此項存款雖係輾轉節省而成溯其所由當日要皆為周恤晉民而來今日當為補助晉民而用查晉省素

患穀缺仰食關洛經傳所載與今日情事無殊固本之計莫如積穀積穀之道莫如多儲而專壹聚之壹則稽核得實儲之多則能禦大患晉省各州縣倉穀雖經會國荃發款買補現在通計止買至七成分散畸零僅備一區無裨全局仍非有大宗積儲不可閻敬銘過太原時與臣請切言之考之古事漢置敖倉於成臯隋置黎陽倉於衛州唐置洛口倉於鞏縣集津倉於三門皆於適中水次儲蓄豐饒以備有事時取給無窮轉般利便晉省產穀之區無如邊外薩拉齊廳所屬之包頭鎮其地濱臨黃河商賈雲集邊穀萃焉其價常賤於內地什

張文襄公全集

卷五 奏議五

九

之五浮河而下千一百里達於磧口磧口爲汾州府通判所治東距汾州陸行二百八十里南至蒲州中經龍王起起剝易舟共水行千里惟包頭入內地河無大船受載有限運費不輕擬派員在包頭設局視穀賤時收買存倉視穀貴時以舟運至磧口計賣穀一石可運三石磧口居民多累石爲窠以居米商卽以之屯糧最爲穩固擬於磧口多建石倉以儲之穀盈於倉卽行封錮可無侵盜之虞卽付磧口通判典守並撥遣附近弁兵防衛惟此項穀多款鉅得人爲難且急買則價踴久住則費多查調署大同鎮總兵張樹屏年來統軍常駐包

頭軍律整肅甚得吏民之心該鎮廉正密實勇於任事本年四月來省臣與往復議論知其胸有經緯議及此舉規畫井然擬派明幹之員前赴包頭會同該鎮察度情形辦理大端責成該鎮臣決其必無侵蝕浮冒之弊該鎮所部將校足供任使而有餘可省局員費無算而且以靜待動收買發運操縱因時見可則行知難則止期以兩年當可集事有此高廩廣儲萬一晉省遇有急需東由汾平可達省垣南下蒲津可及邊鄙亦何至救朝饑而糴數千里之遙運一石而需數十鍾之費糜財曠時致誤事機哉此策發之於閻敬銘而贊之於張樹

張文襄公全集

卷五 奏議五

十

屏該兩臣一爲老成更事之論一爲熟悉邊事之人言之鑿鑿理當不謬臣愚以爲備豫之道無逾於此且使鉅款安置得宜此時不致虛懸而將來可收大用統俟善後正款用竣一併彙案報銷奉旨知道了欽此

清釐善後庫款片

光緒八年六月十二日

再會國荃去任之先善後之款所存尙多墾荒經費及籽種牛具銀兩各州縣領者寥寥農民需用正急藩司葆亨不知其意何居銳意停發汾州府知府林拱樞請發籽種大怒批飭幾致詳參並令州縣已領者繳回賴

羣議力沮之而止然自六年六月以後發牛種之說戛然截止矣如臨晉翼城靈石等縣稟請支發皆被駁飭批詞有云飭該民將前項地畝自行儘力墾種儻敢覬覦籽銀有意觀望定將地畝入官另佃永不准本戶承業以示懲戒等語實爲至苛極謬如民力自能墾種何藉官催賑款本以爲民何名覬覦且查當日所發資耕牛馬皆責令民人繳出半價其籽種農具銀兩卽於所收牛馬價內轉發展轉扣算所得幾何而河東現存牛馬價餘款令其緘藏道庫不以爲招墾之資甚至蒙古捐助耕馬五百匹俵散民人亦令繳價以蕃部樂輸之

張文襄公全集

卷五 奏議五

十一

物爲司牧取值之資忍心害理何乃至此竊不曉必與災民曲折刻扣析盡秋毫而留此纍纍多金將作何用以致殘黎束手墾闢無從至今西南郡縣彌望污萊者職此之故而葆亨輒將善後之款任意揮霍輕重顛倒款目混淆不可究詰至今收支之數臣衙門多未詳報有案以庫款供濫支因以賑項抵庫款善後之事未舉善後之款已空致令聖主如天之深仁四海樂善之高誼而實惠不盡及於民憤詞怨聲至今未已臣到任後反覆推案竭數月之力始將善後局存款用款大略查清已往者未便鉤深現行者力求核實除款項較微者

隨時清釐撥正外現據善後局司道詳稱光緒六年善後二次報銷以後尙有各省零星樂輸捐款不願邀獎者因報銷案內皆係請獎之款是以未經列入共計銀十五萬一千六百餘兩原擬歸入第三案善後報銷案內造報前任藩司以善後事宜可以從緩布置意謂無甚急需巨款當將此項分發河東及各州縣生息隨時提取息銀以作善後零星之用現查民困過深元氣未復善後事宜如墾荒地減差徭課桑棉興水利開道路惠工商諸政令亟須舉辦待用方殷從前所存善後之款其名雖有數十萬然皆在前案奏明司庫發餉積欠

張文襄公全集

卷五 奏議五

十二

之中目前庫藏支絀歸還非易惟有將前項銀十五萬一千六百五十餘兩設法陸續抽回提歸司庫列入善後正款以應目前要用統俟第三案善後報銷案內作正列收支銷庶不沒各捐戶樂輸之初心且可充晉民康濟之急用於公事款目亦足以昭核實懇請先行奏明前來理合奏聞立案以杜侵欺

旨知道了欽此

裁免科場支應片

光緒八年六月十九日

再山西省文武鄉試向歸陽曲縣承辦所需食用各物皆省城行戶及附省州縣民間支應總行科之於零販

甲長歛之於農工灑派有追呼之煩交納有羈留之苦甚至深山極僻之靜樂供鐵千里以外之蒲州供紙行戶藉口支差從中漁利科場之年百物騰踊不止三倍因以累及赴試之士子在省之居民首縣每遇科場輒稱賠累緣監臨提調監試以下文武各官位皆出首縣之上各衙門之家丁吏役百端需索勒取使費承辦者不堪誅求以致食物濫惡闔舍敝漏疾病叢生故承辦之知縣支應之工商農民入闈之官員士子皆以為患而市僧衙蠹則利焉計文武場一次實用不過二萬餘金首縣賠累至三四萬金騷擾奔命者省內外十餘州

張文襄公全集

卷五 奏議五

三

縣此時晉省官民交困必應優恤本年壬午科鄉試臣督飭司道另籌公款將民間各項應支一律永遠除免禁止行戶藉口擡價查江南浙江湖北諸省戡定以來科場事宜皆是設局委員經理其法甚善茲特設科場供給所遴派候補知府周天麟為總辦並派正佐數員幫辦差委百物必求豐潔價值必求核實浮華靡費痛加禁改各色陋規全行裁除應用各物刊單定數鈐蓋監臨提調關防張貼各所額外勒索者徑稟監臨立即懲辦惟藩司胥吏及陽曲縣貢書向來據為利窟最稱騷擾此次改章已經優予津貼難保不意存無饜藉端

挑剔已責成藩司嚴查各該吏如有勒索誤公者從重懲辦至貢院年久失修圍牆卑下屋宇傾圮實不足以重試典現已籌擬修理務令整嚴完固並於大門外創建兩廊七十餘間以備士子止息所有設局辦理科場裁免行戶支應各緣由理合附陳伏祈聖鑒

清查庫款摺

光緒八年七月二十九日

竊維晉省患貧至今日而極然非匱乏之患而弊混之患何也自咸豐軍興費廣用急紛紜牽補不為限斷以至於今蓋上距道光二十九年未經澈底清查者三十年矣外困於供億之繁內困於墊款之鉅虧挪掩覆無有窮期藩吏以淆雜為秘局有司以拖欠為得計若再不為之所譬如上填下漏雖休養數十年歲入數百萬無救於貧一由於軍需報銷之案歲月過陳一由於善後之案挪移過鉅一由於交代之案未結過多而三案之盈絀虛實則相為鈎連隱互於其間三案不清遂生五弊一曰籌墊第一案軍需籌墊者十三萬搭入次案第二案軍需籌墊者五十萬搭入三案第三案軍需籌墊者四百三十三萬有奇懸宕至今其墊欠之主名正雜攤捐兵差生息無一不有即如歲底造送軍機處戶部常年藩庫實存冊尚列舊管實存銀一百五六十

張文襄公全集

卷五 奏議五

四

萬大率皆嘉慶道光以來正雜各款之尾數凡已用未銷確係有著者例報實存夫案庫儲之籍則曰實存多金檢軍需之案則又曰籌墊巨款忽紕忽盈矛盾已極雜攤諸款大率類是竊思既係部核准銷之案若當日報銷時卽爲劃撥清楚豈不徑直分明今擬檢核司冊查對部案凡在核准數內軍需例得動用者卽將所借之款各就本款開支毋庸虛立墊欠名目徒多撥還文案其有本款現須應用或本款墊發軍需又借欠他項以供本款之用必須展轉歸還勢難開除者分列簡明確數從容籌還如此則塵牘簡省眉目分明雖欲侵挪

張文襄公全集

卷五 奏議五

五

無從影射故以劃清籌墊爲第一義一曰濫支查籌墊諸款中當日固係實在動用屢經詳核然歷年久遠有此項可就現款支持陳欠無須歸還者有前案早已渺茫欠款無人承領者葆亨在任時於此等款項放手濫發縱容家丁書吏與承領者按成朋分倒扣三七二八糜費無算今雖頽波不能復迴而覆轍不可不鑒擬卽確切查核如有此類卽予勾除不准再行歸還庶免以有限之正供飽無涯之羣蠹故以刪除濫支爲第二義一曰撥抵凡州縣墊辦兵差核准而未發者則本員以抵解款溯查咸豐之季同治之初軍書旁午供頓浩繁

且其時上司執法皆務謹嚴屬吏風尙亦多愿樸賠累誠所不免近年巧偽萌生開報已難深問甚至本員兵差長餘用之不盡並可借與他人賤售得價於是州縣欠解實銀化爲空帳從此人人覬覦交代誰肯清完徒爲藩署丁胥之利藪病國長奸莫此爲甚查從前已經撥抵結案者不可勝數礙難追究今日所存者尙多臣已嚴飭司局速將兵差墊款已抵未抵確數查清截止除本員外不准再行借抵俾州縣不致效尤故虧故以禁止撥抵爲第三義一曰借動司庫遇有急需難免權宜借放然未有如晉省庫帳之紊雜者或零星湊集並不專借一項或展轉墊補並不隨時歸還如甲既欠乙乙又欠丙丙或復欠之甲雖有算士法家粹難窮其端緒遇有動撥之款坐聽書吏指揮吏曰撥甲則甲吏曰撥乙則乙此皆司吏幕友故作紛糅以爲居奇之地索費之門以致司庫存款孰虛孰實州縣欠款孰完孰否並無確數今擬層遞撥正從流溯源務令本款之有無多少一一披露以後各支各款不許紛紛借動其有必須移緩就急者宜整勿散刻期歸還卽將庫簿庫劄借撥之條注銷如此則可以得存款欠款之實而量入爲出之策有所施故以釐正借動爲第四義一曰隱匿晉

張文襄公全集

卷五 奏議五

六

省近日法紀廢弛迥異他省往往入款出款至數十萬而漫收漫放不奏不詳撫臣並不與聞必待他年報銷而後知則已時過人非虛實莫辨即如臣六月十二日所奏查出善後餘款兩起共三十七萬有奇此款從何而來以前臣衙門並無隻字案據實可駭人聽聞此外牽混之處尙多現仍以次清理又如光緒六七兩年撥解會國荃山海關防餉四十八萬兩之內有二十三萬兩直待光緒七年十二月會國荃撤防半年而後補詳請奏四十八萬之外又有十萬兩直待本年五月會國荃來咨造銷而後得知種種參差多不可解鉅款如此

張文襄公全集

卷五

奏議五

七

何論其餘現飭司局將各案各項通盤澈查開報並飭按月詳報收支其有動用鉅款及不在例支之內者隨時詳核庶幾一切均有限制故以稽核隱匿爲第五義蓋籌墊清則度支之數確矣濫支除則侵盜之風息矣撥抵禁則州縣之虧少矣借動正則書吏之權失矣隱匿核則監臨之職舉矣至於催結交代以清舊欠趕辦奏銷以察新虧除免攤捐以省司墊裁減浮費以節眾流皆與清查庫款相爲表裏除隨案分別飭辦外統於此次一律清理夫繁碎繳繞者吏之所樂而官之所苦也混淆牽搭者盜臣之利而國家之害也能去以上五

弊則簡易明白盈虛在目藩司可以持籌而會計撫臣可以按籍而考稽惟歷年過久積案如山首尾二三十年款目四百餘萬而其事又爲作弊者之所不便必將百計推宕而阻撓蓋此實爲奸蠹窟穴之所藏而帑藏漏卮之所在若不於此著手晉省終無理財節用之方臣於上月奏設清源局此次庫款兵差交代攤捐借款撥款各案清查統歸一局辦理庶可通盤呈露查藩司方大湜起家州縣利弊素悉且到任未久無所庸其迴護臣卽責成該司會同臬司冀甯道並添派委用道員高崇基督飭局員迅速辦理限以五箇月於年內將各案一律清查完竣相應請旨嚴戒晉省大小官吏勒限辦理庶各該員知所悚惕不致諉延總期於斷芬絲而攬宏綱塞旁流以歸正派臣賦性迂直不敢避勞怨而不爲俟辦有規模再行詳晰奏聞並開單咨部查核旨另有旨欽此

請展緩協撥各餉摺

光緒八年七月二十九日

竊惟晉省磽确之地荒歉之餘財用所資惟在丁耗歲入今止二百五六十萬本省旗綠額餉湘樹練軍綏遠馬隊防餉俸工驛站解部物料一切雜支極省亦須一百六十餘萬協撥之餉至二百五十餘萬積欠之餉至

張文襄公全集

卷五

奏議五

六

一千餘萬計不敷銀約一百六十萬而河東鹽課歲撥五十二萬積欠二百餘萬不與焉此其贏絀之大較固已久為聖明之所鑒照計臣之所周知前撫臣之所獲陳而呼籲無待於微臣之瀆告者也惟是目前情形則更有艱難於前數年者蓋光緒三四五等年通省賦稅雖多停徵京協各餉亦不催解復合天下之全力以相資助恃有賑捐之鉅款猶得挹彼而注茲六七年之間餘波未竭今則捐協都止挪墊已空而滿目荒蕪閭閻彫敝正賦既已蠲緩拖欠而不足額兼以人物不蕃工商不至權務奪於海票鹽筴蹙於鄰私零稅殘釐僅同

張文襄公全集

卷五

奏議五

九

拾藩故歲入之數不能大加於光緒六七兩年然而自六年以來歲加東北邊防經費十萬七八兩年加撥伊犁償款各八萬七年始撥京餉四十萬八年加撥京餉十萬七年八年加籌還部墊烏科二城經費五萬五千八年加撥烏科四萬八千七年八年加金營提前各五萬是派撥之數較之六年極相懸殊固不敢引為常例然較之七年已增多十四萬有奇在部臣自為湘軍漸撤晉力漸紓而不知湘軍僅撤七營尙有會國荃所部留晉湘軍馬步三營上年衛榮光以沿邊不靖新增大同練軍馬隊五旗其費當步隊練軍三營且自近兩年

來西征金營之餉亦已逐年添解雖不及額除鹽庫不計藩庫已在三十萬之外是本省內支之數較之六年則略減較之七年則頓增外協之數本已不遺餘力有加無已論省嗇則無術論派撥則屢增論歲入則仍缺論通挪則已竭而各路邊臣將帥方謂晉事已有起色火急追逋急奏督趣差員查至夫以極貧之晉枕漠環山既不比江湖嶺蜀諸省地大物博百川匯流華蕃走集可以別畫生財之策呼應於倉卒之間又不能向煙火寥落之墟鳩形鵠面之煥悍然追呼而取盈僅恃此二百餘萬歲入之常欲為四百餘萬之供億雖有研桑

張文襄公全集

卷五

奏議五

三

亦難為計矧如臣之迂疎無術者故且晉省所以困敝至此極者議者亦知其故乎案北方五省惟晉號為殷實非其物產盛蓄積多也皆末富也自咸豐軍興以來各省被擾而晉省驟貧然而三十年來徵兵轉餉率以晉為大宗官斯土者從井救人悉索敝賦以應四方之求甚至減成兵精又停兩季藩司印券借貸票商以供協餉加以客兵來往人塞防河民間供頓所糜又無慮萬數河東自免商以後領運但出於販夫腹引責銷於州縣課稅所出罔非晉民以晉民筋力口食之所餘百方率權盡濟鄰疆而本省曾不得其一鏹一銖之用以

是蓋藏盡空公私俱竭屢逢歉歲追比如前至丁戊之際遂成奇災以國家之福聖上之仁四海之力晉民之良僅乃得免於亂設有不靖誰爲厲階蓋嘗綜計晉省一隅所出以給天下之饋餉者不下五六千萬今幸四方已定矣譬如農田地力乏者必一休之譬如乘馬勞憊過者必少息之况晉省善後事理待用尤繁查善後之款除兩次報銷開支湘樹兩軍防餉一百二十餘萬兩毋庸歸還外其奏明墊欠應還者爲數尙鉅夫此款所自來乃堯舜博施濟眾之殊恩薄海內外匹夫匹婦銖積寸累之義舉爲司牧者豈忍坐視民困久假不歸

張文襄公全集

卷五 奏議五

三

臣愚以爲此時宜爲晉省稍留有餘俾司庫借欠善後之款陸續抽還以備利民之用開源固圉以次經營待其內實外充以後仍可爲國家不涸不竭之區其爲度支計者不已多乎臣督同藩司綜核盈虛熟權利害與其枝梧於追呼之際莫若披瀝於聖主之前惟有將應解各餉分別輕重緩急上懇宸裁除本年京餉五十萬自當督催解足本年應交伊犁償款八萬金營提前藩庫五萬鹽庫五萬業已如數完解外其東北邊防西征協款原應竭力併解惟京餉加撥十萬爲數已多去年因京餉東方驟增遂致西征協款頗少一勺之水此盈

彼絀勢有固然竊謂西征爲戎索藩籬東防爲陪都後路西征爲善後之計東防爲開辦之功此時邊情自是東爲急而西漸緩合無仰懇天恩准予量力酌劑其西征一款即使百事俱廢亦斷難解足十成惟現當裁兵定制之際所需孔急現已恪遵諭旨籌撥大批解往必較去年所解之數力求增多至於東防所需必不敢稍有帶欠其喀城張曜一軍塔城錫綸一軍皆係前敵重兵烏科兩城舊章經費西甯王公常年俸餉皆係窮邊口食亦必如數應付若固本餉六萬兩先經前撫臣衛榮光奏准緩至今年起解現已屆期實難設措且本省

張文襄公全集

卷五 奏議五

三

營伍半菽不飽衣甲不完乃代爲直隸謀練軍之具實無解於舍已芸人之譏擬懇聖明垂諒再行展緩三年以光緒十一年起解又若部墊烏科之款擬請每年勻解五千陸續繳部其餘各項協餉以及本年新撥各路舊欠惟有盡其力之所能視其事之緩急酌量籌解至於河東鹽課自光緒六年來又已隨時掃括輸之於劉錦棠金順兩大營每年三十七八萬今年已二十六萬晉省之協力與否公論難誣各路統兵大臣固知必有恕施節用不肯苛求者矣臣以陋儒薄植仰蒙高厚授任封圻分應力維全局動分畛域決非素心若謂自安

貧弱不求綜核開節之方漫無區分專以訴貧搪債為計臣實耻之然而奔命不遑耗竭元氣將使疆事敗壞於無形不為國家之遠謀苟免目前之吏議則臣亦所不為既守晉疆臣責攸在時勢所限不敢不據實披露仰籲恩慈伏祈敕部核議施行

旨戶部議奏欽此

請變通邊缺摺 光緒八年七月二十九日

竊惟晉省北境邊牆以外舊設理事同知通判七員管理蒙民交涉事務隸於雁平道者曰豐鎮廳寧遠廳隸於歸綏道者曰歸化廳薩拉齊廳托克托城廳清水河

張文襄公全集

卷五 奏議五

三

廳和林格爾廳其轄境東接張家口察哈爾西當甯夏河套鄂爾多斯北走大青山外扎薩克諸部蒙回雜厠客民往來在平時已號稱難治迨及近日有司曠官奸徒叢聚閭閻苦於盤剝倉庫耗於侵牟乘墟伏莽方且環顧圖萬一之逞買誼所謂厝火積薪正此之謂再不及此量能授官修明政事將為邊圉大憂其大要約有數端如蒙古放地一案自咸豐三年將烏拉特三公旗地奏明封禁二十六處蒙古貪圖押租私放如故明拒暗招一不遂意即以奉文攆逐為詞甚至東公出租中公攆逐屬下出租本公攆逐招新奪舊仇殺相尋弱肉

強食無能阻遏將來終恐釀成事端往者民蒙交涉不過通易有無在內地生齒日繁相率耕於塞下游民屯聚日多及西陲用兵秦隴道梗如宋慶張曜金運昌劉景芳等軍頻年屯駐轉運其間其他西軍亦多設轉運分局諸軍往來早成孔道而市井白徒與夫脫離伍籍者相為依附擾害蒙部劫掠行商聚眾稱亂如曹鴻照劉大刀杜二致煩官兵追剿日久甫行撲滅至歸化為漠南領袖包薩乃河套下游均屬商賈走集之所因市廛錢缺行使短陌錢一減再減僅以四十餘文作抵千錢以上遂皆寫帳過撥而大猾奸商遂以意增減銀價

張文襄公全集

卷五 奏議五

三

便利私圖又因油米麩集買空賣空名曰作盤定買賣則大注賭博每一盤長落贏虧必在數十萬緡上下因而賄通官吏把持行市如臣前拏之劉定邦等皆得逞其心計句串衙蠹內外分肥擾害商民以致市廛終歲惶惶不安其業又各廳藩部荒遠民不地者趨利飢法自為風氣健訟鬪狠視等故常往往一呈控告多人一案懸及數載其命盜巨案地方並不依限呈報屆及詣驗兇賊早已脫逃法令弁髦幾同化外夫以各廳口前治理情形其難已十倍內地州縣何況近來洋人游歷動有蒙古字樣而中俄新約增入俄界運貨赴津准由

科布多歸化城行走之條該洋人形狀殊異言語侏離假令稍有齟齬難免滋生事端內憂外患有如此者乃歷考各廳員多不稱職由來已久卽如近數年間豐鎮同知玉麟寧遠通判佛爾根額富明歸化同知常桂清水河通判慶啟托克托城通判廣熙薩拉齊同知定福皆因虐民害政先後被參落職核其交代則又無人不短無任不虧查各廳經徵旗租米豆以供兵精與州縣錢糧無異無如廳員揮霍者多謹慎者少以倉庫官物視等私財用之無少各色如已革寧遠理事通判佛爾根額虧短正雜各款銀四萬九千餘兩已革豐鎮理事

張文襄公全集

卷五

奏議五

五

同知玉麟虧短正雜各款銀三千五百餘兩已革寧遠理事通判富明虧短地租銀二萬八千餘兩已故署豐鎮同知薩麟虧短正雜銀二千餘兩已參和林格爾通判惠俊虧短米二千餘石前署豐鎮同知福增虧短旗租銀七千餘兩推原其故出其不諳律令惟家丁書役之言是聽故上而虧國下而戩民終以覆厥身家臣與在省司道歸綏道暨曾任邊廳各員博議深思在今日欲謀綏邊柔遠之規必求因時制宜之道查豐鎮歸化薩拉齊三同知缺向例於理事同知通判中升調寧清和托四通判缺專於臣衙門俸滿筆帖式奏准以理事

同通用者請補如無人題請補放大率此項人員在各部院中原非上等出色之選其才具固非絕無可造而不能通曉政體者居多以故既苦竭蹶兼貽身累考國

初疆理建置之時蒙多民少政簡俗樸不得不專以旗員治之然豐鎮本治以通判寧遠本治以衛所和托薩清本治以協理筆帖式自乾隆二十五年後始一律改設同通自以事變日多法制日密今則出塞民人數倍於土著蒙部卽土默特人等言語嗜欲亦全與漢民無異多不能通曉蒙古語言文字遇有獄訟公事則每廳設有繙譯書識一二人循例繙成滿蒙文其實官之與

張文襄公全集

卷五

奏議五

五

民都未甚解今昔情形迥異則斷宜以爲地擇人爲先竊見比年來直隸奉天吉林等省皆以籌邊切要於用人成格屢有變通並蒙俞允仰見聖人之道時措皆宜擬請將晉省口外七廳均改爲撫民同通要缺并酌照直隸張獨多三廳滿漢統用成案遇有七廳同知缺出先儘本省實缺候補同知直隸州或調或補如調補無人以實缺州縣升用遇有七廳通判缺出先儘本省實缺候補通判或調或補如調補無人以實缺知縣升用不拘滿漢惟取人地相宜仍責令該管道員隨時督飭將緝捕詞訟錢糧交代暨綏輯蒙部交涉華洋各事宜

加意講求整頓庶於化俗安邊均有裨益其廳屬佐雜分防營汛原已無闕一切應循其舊惟口外七廳戶口至今皆稱奇民不編籍貫亦未立學士無進步農鮮恒心目前民人讀書者甚眾歸化廳舊有文廟近年兼有書院義學士類喁喁久濡雅化若將七廳一律設立學官學額澤以文教則為士為民各有歸宿民氣馴擾政教易施為益甚大所有增置學官擬於內地簡僻州縣有雙缺教官者改撥將來即附於朔平府棚考試其未盡事宜各廳學額以及現任各廳員作何分別留任改調之處俟部議覆准再飭司道詳議續行奏陳抑臣更

張文襄公全集 卷五 奏議五

三

有請者現擬將七廳員缺按案改補乃為邊要擇人但外而六年俸滿內而候題請放之筆帖式暨太原理事通判升階較隘未免向隅查山西內地通判僅止三缺同知裁剩五缺除太原同知管理鼓鑄潞安同知管理緝私澤州同知管理鑛廠責重事繁未便更張外擬請將汾州蒲州同知二缺專以本省實缺旗缺通判酌量請升及筆帖式俸滿引見後之候補理事同通酌量請補放平陽汾州大同通判三缺專以臣衙門俸滿之筆帖式酌量請補如無人則題請補放期於有益邊政無妨仕途儻部臣以為內地同通向無專用旗員之缺或

即仿照直隸成案此七廳員缺徑改為滿漢兼用勿庸另行抵還將太原府理事通判臣衙門俸滿以同通用之筆帖式於內地同通一律升調請補則辦理尤為簡易臣為邊缺緊要中外交涉起見伏祈敕部核議施行旨該部速議具奏欽此

籌議豐甯押荒辦法摺 光緒八年十一月初三日

竊臣前以墾荒濟餉為籌邊善策晉省絕少習於邊事堪以獨任之員奏請特派直隸口北道奎斌兼辦豐鎮甯遠兩廳押荒事宜並請敕頒空白部照三千張轉發應用均蒙俞允當經欽遵轉飭設局勘辦在案疊據直

張文襄公全集 卷五 奏議五

三

隸口北道奎斌來稟該道於八月十二日抵晉親歷豐甯兩廳體訪輿情詳審地勢分飭委員前赴各地勘丈計豐甯兩廳奉文報墾地十處內有二處尚未指定其餘均經商人放墾應徵押荒交過商人地價者照直隸章程商佃各半分交民戶補交銀一錢填給部照執為承業商人名下承追銀一錢革退商人不准干預地事拖欠不交勒限監追其有當日未交地價之戶查照部章視地肥瘠按則徵收均由民戶交納不追商人如民戶僅執商約不交押荒無論種地多寡曾否交過地價一概不准另佃應徵租銀均遵部章豐甯兩廳歷辦官

荒馬廠租則每畝徵銀一分四釐遇閏每兩加徵銀三分每正銀一兩隨徵耗銀五分王公馬廠每畝加徵私租銀四釐不加閏耗牧地官荒不徵私租統以此次查填部照爲限其開墾已滿三年者卽造冊報部升科自光緒九年起徵其有近日新墾扣至光緒九年未滿三年者俟三年屆滿再行升科聲敘明晰冊報存案至地局房租旗蒙直晉委員薪水書役工食心紅紙張勘丈地畝挑掘界壕人夫工價一切用款均照直隸成案於押荒項下樽節動支作正開銷稟請具奏前來臣查蒙古各旗游牧定例不准私開現議辦理押荒升科皆係張文襄公全集卷五 奏議五 五

各王公馬廠官荒之地承平日久變牧爲耕雖云官荒實已溝塍櫛比無異內地田疇特以未經勘丈未報升科渙散隱匿流弊百出墾戶領地於商人無官府文書之憑執視若儻來不同世業荒熟任天耕耘不力而旗員衙蠹互串需索予奪不常科派百出且未經升科終屬私墾遂致大小并兼強弱魚肉械鬪相尋訟獄煩數此害之中於墾戶者蒙古放墾奸商賄勾蒙員以意出入隱匿侵欺頃畝旣無定數承種亦無定名歉薄者竟舍地而去收穫者或負欠而逃租課虛懸每至無著數百里膏腴之地徒歸中飽此害之中於蒙古者且廣莫

遼闊無地方有司之編查地戶雜糅無里正鄉保之約束藏垢納污散無友紀窩留馬賊藪萃逋逃雖有內地幹捕窺得蹤跡而徒黨繁衆來去飄忽莫敢誰何此又害之中於地方者若不廓清而要東之不特墾戶之受困日深地利之坐棄可惜行且積成悍俗爲草澤亡命所趨必釀爲沿邊之巨患而不可收拾此微臣之所以亟亟籌辦押荒升科固不僅爲區區賦稅計也顧其舉辦之牽掣艱難亦迥有不同於內地者蓋各王公馬廠類皆世遠年湮道里四至殊少確證全憑蒙員指示界限含糊約略稍不遂意輒以有礙游牧爲詞自來開辦張文襄公全集卷五 奏議五 三

升科之案一切供支費用無不取之佃民屢有墾種一區而查勘數次無藝之費累百盈千承辦之人久已視爲利藪今旣盡祛積弊缺望者多樂成者少難保不藉端爲煽惑之計或且影射啟私放之謀臣疊次文檄痛切指陳無論旗蒙印委各員不准仍蹈從前故習現經察哈爾都統謙禧派出蒙員與奎斌所帶各員分投勘辦責令嚴禁需索力戒欺蒙指示地界必公必確從前節節攤派索費之弊概予蠲除曉諭佃民務使深信一經清丈呈交押荒卽可領照承爲世業毫無擾累不准旋種旋拋不致忽予忽奪則墾戶之害可除昔日私墾

私租雖云客民與蒙古平分花利其實霸犁強割此攘彼爭逋欠逃亡無非蒙古受累從此租有常額戶有定名官為經徵利可坐享則蒙古之害可除經此變通之後設立鄉里保約稽察一如內地務使人皆著籍之人戶盡編牌之戶奸暴斂跡耕鑿相安廣屯墾以養邊氓清盜源以靖塞下則地方之害可除口北道奎斌矢懷堅白力任怨勞規畫精詳事事求實屢次謁見察哈爾都統謙禧力陳利弊不激不隨約束旗蒙印委各員亦能破除情面辦張獨多三廳墾務誠信早爭故一經布置民戶咸能敬服現據墾戶彭敦厚等百餘戶聯名

張文襄公全集

卷五 奏議五

三

呈懇勸丈願交押荒聞風爭奮惟恐不及若得蒙員協力自可順機利導足以仰慰聖廑所擬章程各條核與直隸前辦成案相符由臣咨明戶部立案惟口外地勢散漫村舍蕭條天氣早寒雪霜被野跋涉艱辛十倍腹地而其中地脈不齊或鹹或沙沃瘠迥異非各委員親自履勘酌量上下以定科則必致有拂輿情上年直隸辦理押荒在事各員仰荷恩施給予獎勵晉省事同一律所派旗蒙印委各員如能遇事和衷力除積習始終不懈歲事之後可否由臣查明援案給獎之處出自逾格鴻慈謹恭摺具陳伏祈聖鑒

旨著照所請該部知道欽此

請停分發摺光緒八年十一月二十五日

竊惟山西地瘠官貧經傳所謂狹隘迫小今日猶然候補向無多員同治年間道府州縣尚不足百人同通佐雜不足二百人似較之東南各大省為少然已苦無差可委即有差者亦甚拮据緣東南軍興以後帳行閉歇稱貸不通官場大困自光緒三年前撫臣曾國荃以奇荒之故逾恆惠恤薪水而外加給夫價踵之者益肆淨濫省會局差增出數倍每月薪水夫價費至六千餘金局勢一變況當賑捐痛減之際正值奏停實官之時佐

張文襄公全集

卷五 奏議五

三

貳雜職捐納三班及分發指省不過一二百金至多者三數百金營謀得差半年即可取償於是官幕子弟流寓營員下逮市井馴僧少解囊囊盡化為晉省之官正印以上來者略少他項人員數年間驟增三百餘人蓋多於舊日者十之七矣計晉省同通共八缺候補者四十二員佐雜共一百六十六缺候補者四百一十二員河東鹽務共九缺候補者八十七員現各省停發每月繳照到省者尙復雜選而來闕塞無聊伊於胡底臣承晉省凋敝之餘惟務養民節用一切虛誕之例差濫竿之薪水無稽之局費凡昔之病民蠹國藉以周濟閭閻

而習以爲常者次第裁除差委日少人數日多該員等既鮮讀書窮理之士又居不甚愛惜之官磨聚省垣專以告饑求差爲事謂之官吏則一無職司謂之四民則一無生計天寒歲暮顛踣相聞而司道府州見其貧窘又將爲之設法位置糜費帑金騷擾州縣夫以窮迫之人偶被差委官箴在所不恤雖曰問曹其足以害政擾民一也蓋此間公私物力止如蹄涔之水實不足以贍無數閒冗之官若不停止分發於澄清吏治既有所妨其誤入窮途亦殊可憫合無仰懇天恩俯念晉省災後瘠區閒員困塞除道府州縣俟明年察看情形再行奏

張文襄公全集

卷五 奏議五

三

明辦理外擬請將勞績捐納兩項同知通判並府經歷以至未入流暨鹽務各官無論指省改省一律停止分發三年於吏治仕途均有裨益據藩臬兩司河東道具詳前來理合恭摺具陳
旨吏部議奏欽此

張文襄公全集卷五終

新城王樹桂校

張文襄公全集卷六

奏議六

通行保甲法并請定就地正法章程摺

光緒八年十月十六日

竊惟晉省二十年前稀有盜案非無盜也本省民情謹弱不能爲盜曩年殷盛之時聚落稠密屋宇堅完游民頗少村規甚嚴流勾亦不容棲止匪頭更無敢窩留外來之盜既無引綫又無窩家自然無從託足自同治年間設防河之軍客勇數十營紛紜累年而後罷以後屢駐大枝營勇遣者不盡還鄉於是晉有游勇邊外七廳土地荒闕亡命潛蹤自新疆用兵大軍出塞入塞者皆

張文襄公全集

卷六 奏議六

一

以歸綏爲轉輸屯駐之場莠民萃焉於是晉有馬賊自丁戊荐饑戶口大減墟落蕭條村規稍弛貧民誘於小利漸有句賊窩匪之事此罅一開趨之若鶩於是晉有外來糾夥劫盜比年日益橫肆光緒五年通省劫案凡四十九起六年劫案凡二十九起七年劫案凡五十七起本年十月以前劫案凡二十九起最甚者莫如去年三月蒲縣黑龍關有盜匪直入汛署劫奪獲犯戕殺把總王標一案今年十月孝義縣有盜匪多人白晝入城開放洋槍劫奪錢鋪奪門逃逸一案解州有盜匪十三人踰城而入開放洋槍劫奪錢鋪旋於五日內連劫陝

豫境內拒傷弁兵一案各盜大率皆直東豫三省界上
游匪平日冒充賣布賣帶小販分股入境混匿城市伺
便而發蓋直豫兵力較壯未能大逞稔知晉省兵單而
民懦輾轉招引踵接而來此據各盜供詞與諸採訪一
一相同加以今年大青山後荒旱流民南徙就食者麇
集歸綏多方彈壓時虞滋事臣節次嚴檄通省文武防
營將領講求緝捕協力擒拏調派馬步兵勇於南北路
分段梭巡惟是兵役之力僅能及於城汛要衝非激勸
民間自謀守衛不可因飭通省地方官力行保甲勸諭
居民聯爲守助約查晉俗每一村每一社若一村有二

張文襄公全集

卷六 奏議六

二

三公廟則一村爲二三社社各有長村民悉聽指揮因
令卽以社長爲約長仿古人連村置鼓之法令其鳴鐘
鳴鑼相聞平日則自清窩匪聞警則互相救援協助兵
役攔截追捕優懸賞格詳定條規不令造冊點名以免
吏胥滋擾如將辦有成效戢匪安民其勸辦有效之地
方官捕獲巨盜尤爲出力之約長來可否由臣查明奏
懇恩施酌予獎勵庶可以鼓民氣之積懦輔官力之不
周惟查歷任撫臣奏定章程皆以南北路盜風未息迭
請將就地正法章程懇免停止而查辦過成案於糾夥
持械搶劫兇暴眾著者亦多有酌量情形卽比照土匪

馬賊游勇辦理實所以力懲奸宄俯順輿情本年四月
准刑部咨酌議就地正法章程原奏內稱各省實係土
匪馬賊會匪游勇案情重大並形同叛逆之犯均暫准
就地正法隨時具奏錄供咨部其餘尋常盜案統限一
年一律規復舊制儻實係距省窩遠地方長途恐有疎
虞人犯解赴該管巡道訊明詳由督撫分別題奏等因
查核所指六項既見執法之慎仍示戢暴之嚴極爲明
允准原議語意渾括不得不再請明晰定章以資遵守
蓋劫盜中多有五方游匪猝然聚會糾夥多人執持刀
械火槍出沒各省界上攔路搶掠迭劫多次逞兇傷人

張文襄公全集

卷六 奏議六

三

公然拒捕復有窩盜招匪作綫分贓謂之馬賊則仍係
徒行謂之游勇則未著號袪謂之會匪則不肯供出會
黨姓名謂之土匪則非籍隸本境而其爲害則較之馬
賊游勇會匪土匪僅止二三人者而有甚焉其人數既
多器械既利則擒獲不易其鄉貫既雜則追捕無蹤卽
如目前解州盜案幸而兵役促之河干始克陸續全獲
若在平原必已大半竄逸而悍盜兼爲窩主之姜太榮
就縛以後依然遁去歸綏道温圪齊等處盜案賴有大
隊樹軍防營窮搜山後始獲數名然盜首張均等尙未
弋獲若羈禁解勘既恐難免疏虞且不在劫所行誅亦

不足以昭炯戒擬請嗣後晉省盜案如有執持刀械火槍者衆至三人以上者行劫二次者行劫致傷事主者拒捕傷人者入城行劫贓數較多者窩緝分贓至二次者有一於此卽由該州縣錄供通稟撫臣查核情形批飭該管道府前往提訊供證確實暫准就地正法如距本管道府較遠者由省派委道府大員前往提訊供證確實亦卽就地正法均卽隨時奏咨緣此七項實與部議馬賊游勇會匪土匪案情重大諸條情節相等則辦法亦應一律如不在部議原定諸條及此七項之內者仍照例解勘其尋常盜案而距省寫遠者仍照此次部

張文襄公全集

卷六

奏議六

四

章辦理如此明列條目則奸暴旣可知做而州縣亦不致含糊遷就上下重輕與部章防濫殺重民命之意正相符合抑或遇有糾夥持械搶劫兇暴衆著者暫准酌量情形卽比照土匪馬賊游勇一律辦理無庸分別條目統俟部臣核議夫弭亂於旣兆不如防患於將然以晉省近輔臨邊而盜風日熾若不極力懲遏則南路爲他省匪徒所涎皆將以晉爲壑北路控引朔漠藩部雜居尤多隱患養癰伏莽臣實懼焉竊謂撫良民則以煦媪寬平爲治懲亂民則以剛斷疾速爲功地方官果能於訟獄賦斂時存愷悌之心不以敲撲拖累使良懦困

斃於無形則一省之中一年之內所全活者已不下數百千人正不在稍緩此數十強暴匪徒之死而後爲慎重民命也臣爲晉省盜風日熾因時因地制宜起見所由理合繕摺奏陳伏祈敕部速議施行

旨刑部速議具奏欽此

光緒八年十二月十六日

再晉省民教交涉事件近年日漸繁多緣奸民恃其護符無理生衅該教堂包攬祖庇動輒徑向巡撫衙門投遞信函時來恩擾教堂日橫民怨日深實屬可慮臣到

張文襄公全集

卷六

奏議六

五

任後察此情狀因設立教案局派令冀甯道專司其事並先後派委候補直隸州知州錢榮增杜崧年充當該局委員遇有教案令教堂函致該局衡量事理依據條約分別准駁其來臣處徑瀆者斥之不答飭令各縣州遇案必秉公剖斷其逞刁之教民飭其驅逐出教生事之教士責令主教撤換教堂之安分講理者亦卽施以嘉獎秋冬以來稍覺安靜查晉民最稱良懦斷不存與教堂爲難之心詳核新舊各案皆悉教曲民直又皆地方事體無關傳教之事大率各州縣教民來省朦聳主教省城主教又到京朦聳該國公使但使該公使不受

朦聳則教堂無所倚恃不能干預扛訟自然相安無事庶免激成眾怒轉難收拾仰懇敕下總理衙門遇有晉省教案捏詞朦聳該國公使向總署攪擾者一切據理駁斥切囑該公使不可偏聽受欺臣於外間斟酌操縱斷不容其長成氣燄亦不致滋生事端旨該衙門知道欽此

新募馬隊並未增餉摺 光緒九年正月二十日

竊臣前奏於直東等省招募馬隊四五百名來晉訓練以備巡緝盜匪練習邊防奉旨該部知道欽此茲准兵部咨節用爲今日先務無事之區轉籌添募恐此端一

張文襄公全集

卷六 奏議六

六

開各省紛紛奏請巽然繁費靡有了期查該省實存防勇五千七百餘名但就現存兵勇訓練求精足資鎮撫若謂綠營疲弱或汰舊易新或減兵加餉皆可轉弱爲強所請添募馬勇應毋庸議等因前來查山西勇營自歷年移防裁撤後現止湘軍馬步一千名淮軍馬步一千二百餘人湘軍亦稱湘毅軍淮軍爲總兵張樹屏所部故稱樹軍軍全數常年屯駐口外歸化包頭等處巡防地段東抵察哈爾右翼邊界西抵烏喇特及河套鄂爾多斯北抵大青山後四子部落南至歸化薩拉齊兩廳止與邊牆以內不相涉也通計晉省口內防勇止

有湘軍一枝餘則光緒七八兩年新挑練軍而已而湘軍步隊七百餘名撫標練軍步隊八百餘名前年秋間經前撫臣奏明派修四天門道路地廣工艱尙未竣事此係奏辦要工斷難中輟其湘軍馬隊二百四十名分派省城南北路巡緝北自雁門關內起南至平陽府止其自平陽以南達於蒲解盡晉省之西南境自子洪口以南達於潞澤盡晉省之東南境不能分布也撫標練軍馬隊一百六十名上年三月甫經成軍留省訓練大同鎮軍馬隊七百餘名巡防地段北自薩拉齊之纏金起跨殺虎口一帶沿邊各口門內外以爲汎地南至雁

張文襄公全集

卷六 奏議六

七

門關止關以內不能兼顧也此晉省內地防營練軍有限又爲工作所占之實在情形也臣上年六月十二日奏整飭晉省事宜一疏第十八條曰練主兵主兵者對客勇而言臣之意固欲將防勇盡化爲練軍以爲本省經久不拔之計尙不止爲節餉一端也審察經年規畫略定本擬於今春舉行蓋湘淮各勇需餉過多戰事方殷非此不濟操防持久未免虛糜然行之多年自爲風氣驟欲更制減餉勢有難行晉省防營如樹軍久駐塞外尙稱得力由其籍隸江北皆能騎戰與北地風土亦尙相習擬從容與張樹屏籌商畫一經久之策至湘毅

軍馬步三營臣熟加體察並非百戰精銳其馬隊於馬上技藝究非所長又與此間水土不甚服習民情亦多扞格不如裁之爲便故臣擬卽以此餉另募北省馬隊一取其餉需較省一取其騎戰便利於邊防相宜一取其風土性情相近與軍民相安且訓練旣成或卽以挑補練軍彼時再當酌度情形奏明辦理諸多活便而其選募則早已嚴定章程專取確有身家樸質習勞力強膽壯者游民散勇禁絕不收此軍將成湘軍遣撤回籍因去冬遣撤之說未經宣播故前奏亦未便分晰指陳並非欲增餉以募勇也自上年十二月二十六日欽奉

張文襄公全集

卷六

奏議六

八

寄諭兵部奏請飭裁各省防勇確核兵額以節餉需一摺國家經制有常度支竭蹶不可不力圖樽節應如該部所稱查明各該省制兵缺額數目並將現存兵丁汰去老弱廢疾或再酌裁汎鋪其原缺與現裁兵額悉擇防勇之精壯者挑補做直隸章程作爲練軍其餘設法裁撤著該大臣督撫等各就該省情形悉心酌度奏明辦理欽此仰見聖謨宏遠於節用之中不忘經武之道自當欽遵酌度籌議辦理惟晉省綠營疲敝殆爲各直省之最風氣本甚怯弱因月餉微薄饑困藍縷加以沾染嗜好者什之七八經臣疊次嚴檄各營勒限戒斷沙

汰選補然痼疾已深止可徐圖變化斷無立時將各伍概革一空之理卽使加餉改作練軍亦必須假以時日方可徐臻有用夫以晉省外枕邊塞內多匪徒武備空虛豈可終日故爲今日之計非急儲勁兵無以安邊而自固非盡改綠營爲練軍無以節餉而持久而當此練軍未成之際非仍有得力之防營無以備不虞目前鎮撫有資則練軍事宜庶可以次從容籌辦總之改勇爲兵減兵加餉乃廟堂之至計部臣之深心而卽微臣年來籌畫設施之本意特裁減制兵非孟浪可爲之事練懦卒成勁旅尤非咄嗟可辦之功行之必有其序變之

張文襄公全集

卷六

奏議六

九

必有其方總期節用整軍兩無偏廢至部臣所慮此端一開他省紛紛奏請一節臣現已聲明係屬另募節餉他省自無從藉口又所慮素多獷悍一節臣此次召募所定章程專選身家樸實之人且分赴四處選募人數寥寥尙可無慮合無仰懇聖恩俯准仍照前請由臣於直東等省召募馬隊四五百名來晉訓練以應急需晉省幸甚其整頓練軍各事宜容臣詳悉籌議續行奏上再以上所陳晉省營伍疲敝情形不敢不據實上達伏望敕知部臣將臣此疏勿庸宣布免致傳播四達匪徒生心不勝悚切之至

旨另有旨欽此

密陳北軍應練情形片

光緒九年正月二十日

再今日大局北徼之商路日開西陲之藩籬未固此殆非弭兵忘戰之時也深謀本計邊備爲先而欲爲籌邊經久之計非急練北軍不可竊惟咸豐同治以來討平諸寇湘軍爲首淮軍次之各省則少遜焉今腹地雖安外憂未弭海防邊防皆不可緩臣愚以爲必宜因時因地儲備千城如海防則以閩粵之軍爲宜邊防則以北軍爲宜臣在晉言晉敢先以整頓邊兵之說進蓋九邊內外風霜嚴勁沙磧荒闊飲食粗糲惟有北人與之相

張文襄公全集

卷六

奏議六

十

習且其地皆宜於騎兵馳騁衝突尤非北人不便北五省外惟淮北人亦爲近之查勦捻諸軍宋慶張曜所部豫軍素稱善戰劉錦棠金順等肅清西域前敵摧鋒亦頗藉甘肅關外土勇之力聞近年直隸正定等處練軍亦有可觀可見北兵非不可用患在無人提倡以故風氣未開光緒六年奉直諸省籌備海防倉卒徵調糜費無算罕見得力其可恃者惟宋慶一軍耳然則無事不籌邊兵有事募勇南勇不惟餉精過費亦恐遷地弗良彼時幸而無事萬一有警豈不可爲寒心誠宜乘此國家閒暇之時亟作深根固柢之計臣到晉後銳意欲辦山西

練軍而練軍不可猝成故有募練北省馬隊之請前奏所言直東等省蓋兼直東豫三省而言大抵北方數省風氣近日惟山西最弱陝西南路次之若直隸山東河南甘肅及陝西之北山人皆可用惟甘肅相距過遠陝西北山人數無多故擬先就三省募之其選募格式有七一身家良善者一質性樸實者一力舉百二十斤以上過頂者一能控騎生劣馬趨捷如飛者一試使放槍敏疾不怯火者一能超躍八尺濠塹者一膽量絕人者不必嫻於技藝惟擇七事俱合格者取之大意專取生兵練以熟將其沾染嗜好會充營混以及浮蕩無籍桀

張文襄公全集

卷六

奏議六

十一

騫夸詐同民鹽販概不收入到晉後再加挑選使之專練馬上洋槍兼練步下長矛俟教練既成就中察收此數省中以何省爲勝達之朝廷以備他日推廣卽以裁汰湘軍之餉移作此用微臣區區之愚固不獨爲尋常巡緝計並不獨爲山西一省計也果使此軍練成勁旅不惟可以挑補晉省練軍沿邊萬餘里隨處皆可用之但嫌其少豈患其多乎從來治國之道理財治兵兩義互相維繫非阜財不能養兵非安邊不能足食二者相倚如環無端至於籌餉練兵皆爲疆臣專責值此度支竭蹶斷不敢以不節之嗟作法自困也前奏不敢張皇

其詞故但渾以緝匪防邊爲言而臣意所注實在於開北軍之先聲籌防邊之全局既經部臣議駁不得不詳晰陳明溯憶光緒五六年冬春之交邊事方棘 皇太后 皇上宵旰憂勞盈廷束手無非以沿海沿邊兵力俱不可恃種種爲難此事猶在目前可爲悚戒臣曩官侍從荷蒙聖恩與聞邊事其時曾屢有請練北軍之疏今身膺守土目擊晉省武備墮廢邊圉空虛若再不早爲之計便爲有負國家未雨綢繆所關實大晉省一隅辦法不過小試其端惟望聖明千萬留意天下幸甚

擬調營哨各官片 光緒九年正月二十日

張文襄公全集

卷六

奏議六

三

再晉省現募北省馬隊又亟須籌辦本省練軍自以物色營哨官爲先臣自到任以來卽時留心物色本省實缺候補武職中可任用者頗少無嗜好者亦不多得更無論其膽略材武矣查近年北將中惟提督宋慶曹克忠兩人最爲立功知名宋慶暨提督張曜所部皆係北軍曹克忠雖罷兵家居舊日部曲仍當不少擬與署北洋大臣李鴻章咨商詢訪宋慶曹克忠令其各舉得力將弁數人由李鴻章咨送來晉差委並咨商提督張曜挑選得力將弁數人咨送來晉差委以備挑作營哨官之用但須擇其樸誠勇敢久經戰陣習勞耐苦籍隸

奉直豫東陝甘諸省而又向來未充營官者官階必須在都司以下緣近來軍營習氣若官階稍大卽不免習染油滑專講應酬惟知剋扣漁利安逸娛樂而誇張驕惰不肯赴急用命必其官秩較卑未充營官者習氣尙淺加以拔擢尙可出力此等卑微將弁需用甚多位置亦易俟其到後察其材具量爲委用其不得力者當仍隨時咨回如此則將弁得人訓練可收實效如蒙俞允臣當函咨李鴻章張曜斟酌辦理俟調到後再行咨部查照

審辦劉定邦摺

光緒九年三月十一日

張文襄公全集

卷六

奏議六

三

竊查代州棍徒劉定邦向在口外歸薩等處倚勢橫行積爲商民之害恃其雄於貨財廣通聲氣屢被控告到廳到道到省均經展轉營脫經臣飭拏奏革委提人卷來省發交太原府審辦去後茲據該府馬不瑤訊明由藩臬兩司解勘前來臣親提研訊緣劉定邦籍隸代州寄居薩拉齊廳向在歸化城等處開設糧店素性狡黠強橫人人畏懼同治九年報捐游擊職銜輒敢捏稱由軍營保舉副將銜游擊擅用二品頂戴勾串防營將弁各衙門官吏丁役囑託詞訟把持行市並願打手金全仔等十餘人各執刀槍出入自衛威嚇商民十餘年來

專以買空賣空爲事贏則立時取貨虧則恃強狡騙由
此致富商民多被坑害各城街市爲之惶惶前大同鎮
總兵馬陞訪聞劉定邦勾結匪徒游六緝獲脫逃疊被
民人周大禮等控告多案光緒七年夏間劉定邦因歸
薩等處商民畏避不敢與之交易復起意於薩拉齊廳
所屬之包頭鎮買空賣空從中漁利在聚源元純兩店
內詭立福星聚字號定買廣豐等十八家糧店麻油二
百四十萬斤每油百斤價銀四兩三錢至五兩七錢不
等共合價銀十四萬餘兩詭稱秋標付銀取油轉運他
處售賣廣豐店等信以爲真立有定帖嗣屆標期油價

張文襄公全集

卷六 奏議六

四

賤落劉定邦既無現銀又慮虧折復狡稱油有攙雜堅
欲退回廣豐等店不允屢向索價劉定邦即率領金全
仔等將廣豐等店油斤封存不許售賣價仍分毫未付
復先架詞控廳傳訊將油驗明加封諭令分別交銀取
油或酌給油店賠項劉定邦均抗不遵斷以致各商民
被封之油既不能照帖取銀復不能轉售他主十餘萬
金之資本盡成虛懸一時闔鎮鋪戶凡與十八家糧店
來往者因封貨與訟帳不能結債不能收受累者甚多
竟有閉門歇業者被各商民來省控告臣素聞其劣蹟
多端爲害地方當即密飭署大同鎮總兵張樹屏設法

捕獲解省並將其職銜奏革復咨准甯夏將軍善慶查
復並無劉定邦保案提集人卷審悉前情不諱應即擬
結查例載兇惡棍徒屢次生事行兇無故擾害良人人
所共知確有實據者發極邊足四千里安置凡係一時
一事實有情兇勢惡者亦照例擬發又奸民買空賣空
賭賽市價長落其賣空者照用計詐欺局騙人財物計
贓准竊盜論罪止杖一百流三千里買空之犯照爲從
律減一等又凡無官而詐稱有官並未造有憑劄但係
圖騙一人圖行一事犯該徒罪以下者發近邊充軍各
等語此案劉定邦起意買空賣空從中漁利向廣豐等

張文襄公全集

卷六 奏議六

五

店定買麻油二百四十萬斤值銀十四萬餘兩之多嗣
因油價賤落挑剔狡賴並率領金全仔等赴廣豐等店
將油封存不准售賣架詞捏控該廳斷令分別交銀取
油復斷酌給油店賠項一味狡抗不遵以致各商民鉅
貲虛懸事外鋪戶多家亦因之賠折苦累且其平日以
遊擊虛銜假冒副將銜遊擊勾串文武營署顧養打手
威嚇街里擾害商民實屬情兇勢惡大爲地方之害查
該犯空買麻油尙未空賣自應按例問擬劉定邦除勾
結大青山匪徒游六訊明僅止結交匪人尙未隨同滋
事免其置議及起意空買空賣假冒副將銜遊擊諸輕

罪不議外合依兇惡棍徒屢次生事行兇無故擾害良
 人人所共知確有實據者發極邊足四千里安置凡係
 一時一事實有情兇勢惡者亦照例擬發極邊足四千
 里充軍到配折責安置遊擊職銜部照追出繳銷廣豐
 店夥朱永明恆興店夥牛承恩公盛泉店夥王銘復盛
 錦店夥施德潤永和成店夥張翹於劉定邦買麻油訂
 期交價均係實貨存店經該廳驗明加封並非空賣且
 不知劉定邦有意空買未便科以賣空之罪惟口外糧
 店悉兼兌換銀錢該鋪均係行頭當劉定邦謊立福星
 聚字號並未照五家互保之例報官存案又未查明劉定
 邦有無資本輒與交易致興訟端累及案內案外眾鋪
 戶實屬不合所有廣豐店朱永明恆興店牛承恩公盛
 泉店王銘復盛錦店施德潤永和成店張翹應與未經
 到案之各店夥並代開福星聚字號之聚源店夥冀步
 青楊椿齡元純店夥丁如佐均酌照不應重律各擬杖
 八十張翹係廩生照律納贖追取贖銀入官冊報朱永
 明等折責發落匪徒游六早經在保病故已據歸化廳
 驗訊擬結周大禮控案亦經訊結均無庸議金全仔等
 緝獲另結劉定邦所定油斤雖係空買而廣豐等店所
 賣之油係屬實存不得謂為賣空免其入官案已訊結

張文襄公全集

卷六

奏議六

六

張文襄公奏議 卷六

未到人證免提省累查山西買空賣空之風甚熾名曰
 虎盤銀錢米麥花布油鹽洋藥一切大宗百貨皆可為
 之大抵皆奸商地棍借此以陷無知之富人籠愚弱之
 賈販始則情同賭博繼則計等局騙其因此而破家蕩
 產者指不勝屈皆由地方官吏貪其陋規以致悍然無
 忌省城附近之平遙祁縣太谷等處皆所不免口外歸
 化薩拉齊兩廳尤甚臣現已嚴飭地方官認真禁絕如
 有得規庇縱者即當嚴行參處除將全案供招咨部查
 核外所有審擬緣由理合繕摺具奏伏祈聖鑒
 旨刑部議奏欽此

張文襄公全集 卷六 奏議六 七

年例積案懇改題為奏摺 光緒九年四月二十日

竊查晉省每年專案請銷各件陳陳相因迄未造報竟
 有積壓至數十年之久者推求其故約有三端而句稽
 之遲誤吏胥之奸弊不與焉一由於上屆清查未截尾
 數難以接算也一由於軍需交代互相出入迄未畫撥
 也一由於災荒年分展轉挪借款仍懸宕也臣自奏明
 設局清查庫帑以來將從前挪墊之欸遞撥歸源將歷
 年懸支之項推求落實查有叢積未銷者共十三欸一
 常平倉穀二大朔二府本色米豆三學租四科場經費
 五寶晉局鼓鑄錢文六武職養廉七綠營公費八各營

二〇九

朋馬九各營賞卹兵丁白事十節省鋪司工食十一川甘回目土司過境食物十二護送遣犯弁兵盤費十三獄囚冰水棉衣煤炭以上諸欸自道光咸豐同治年間以逮今日遠或三四年近亦十一二年不等相距太久為數太繁若必一一責令補冊追銷不特簿籍繁碎繕寫不能驟齊抑且欸目參差考覽難於明晰現在清查將次告蕺更不值因此零星雜項致令全案停待惟有呈請改題為奏以期簡易等情由清源局司道具詳請奏前來臣查此項銷冊歷年過遠補造為難其欸則均為動撥無存之欸其數則皆係照例應銷之數因糾

張文襄公全集

卷六

奏議六

六

芴而遂致遷延因懸閣而益啟率混徒妨綜核無益庫儲該司道等所請自係實在情形合無仰懇天恩俯念晉省庫欸久未清釐銷案繁多限期急迫准將光緒七年以前未報各案一律開單奏報免其題銷其自光緒八年起仍照定例辦理庶塵牘得以清理而清查鉅案不致藉延

旨著照所請該部知道欽此

籌解經費撫恤蒙部摺

光緒九年六月二十九日

竊臣於六月初三日欽奉寄諭昨據吉和等奏軍臺亢旱成災請撥銀兩撫恤當有旨令戶部速議具奏茲據

署都察院左副都御史張佩綸奏內外蒙古地方亢旱太甚被災頗廣請飭妥籌辦理等語內外蒙古各旗向以畜牧為生默霍爾嘎順布魯圖等處自上年夏秋以來旱災甚重赤地千里蒙古人等困苦情形殊堪軫念著張樹聲吉和承德張之洞確切查明應如何妥籌撫恤及安設臺站之處即行具奏欽此查喀爾喀各部蒙古連年乾暵延袤千餘里不見青草東自布魯圖西至默霍爾嘎順此十二臺為北走庫倫西通烏里雅蘇台各城之要衝今駝馬斃盡臺丁潰散烏蘭察布盟六旗亦因災困無力幫差事關軍站通塞外藩生計奉旨飭

張文襄公全集

卷六

奏議六

九

籌撫恤自應竭力措畫且慮災蒙流徙轉至山南尤須善為安撫當經飛飭歸綏道大同鎮總兵體察籌辦並咨商直隸督臣綏遠城將軍歸化城副都統辦理查烏蘭察布盟在軍臺大路之南既已請綏幫臺則臺站勢難向南移改至附近軍臺雖別有商路而同係災區均無水草今年商民赴外藩貿易者皆因草乏駝稀停待抑鬱則商路亦屬難行訪之臺員商旅西北兩路轉運差員所言僉同此時別擬安設臺站實苦無策惟有寬籌經費由察哈爾都統仍就原設各臺購備駝馬招復臺丁不惟郵置疏通兼可以臺代賑山西雖極支絀不得

不急顧邊外大局當即督飭藩司趕緊籌撥據署布政使高崇基於光緒九年地丁項下籌銀四萬兩以三萬兩委從九品杜永富星夜趨行解交察哈爾都統以備安臺撫蒙之用以一萬兩委縣丞李謹業解交歸綏道以備撫恤入境災蒙之用均於六月初六日啟程計此時早已解到至臺路距晉遼遠所有購備駝馬安設臺站撫恤蒙衆各事宜應請敕下吉和等酌量妥辦頃據歸綏道阿克達春稟復本年五月中旬以後邊外連得透雨大青山附近一帶可望草生禾熟目前尙無災蒙入境以後如見有流亡卽當妥爲撫恤遣歸

張文襄公全集

卷六

奏議六

三

旨知道了欽此

請免造交代細冊片

光緒九年六月二十九日

再州縣交代算結後歷造細數清冊由本管道府州並監交加結申送咨部近年晉省交案陳積太多冊結並非現交皆係補造而此項細冊每一州縣均十數欸每欸一冊存案及本管道府州藩司臣衙門戶部各一分共須冊八九十本結八九十張一任卽須此數若一人而接數任十數任交代則須代爲補造冊結四五百分以至八九百分不等而此冊到部之時距本員在任時已在數年數十年之後其欸早已支用奏銷之人早已

升調參故於綜核之方勸懲之道毫無關涉徒令勞費紙墨耽延時日而欸目繁碎豈能絕無點畫錯誤不過爲各上司衙門書吏挑駁勒索之資而已查州縣經管欸項若丁糧耗羨雜稅常年倉穀兵米學租之屬其常年實徵實欠動支各數有本管道府州按季盤查冊有藩司衙門按年奏銷冊又有後任正雜無虧總結層層覆核防制極嚴其有無虧短原不待檢此細冊而後知交代定章以最後出結之員是問設有舛錯責有攸歸況現在辦理清查各屬錢糧虛實畢露如其交結未清咎在何任不難按籍鉤考分別參辦卽無此冊亦屬無

張文襄公全集

卷六

奏議六

三

從弊混且晉省未結新舊各案交代尙有二百餘起其已結而未經冊報者不下四五百起光緒七年十二月經前撫臣衛榮光奏准將七年三月以前未結交案寬免遲延處分勒限清算臣於上年十二月間擇尤奏參勒限清理現在甫據各屬陸續呈送總結若必責令挨任造具細冊奪其句稽之日力無關庫帑之虛盈且吏胥勒索挑駁換造必致遷延時日欲速不能惟有將光緒八年十二月以前新舊各案例造細冊一概免其造送俾得專力核報庶幾積案可望速清由清源局司道詳請具奏前來臣查該司道等所請均係實在情形合

無仰懇天恩俯念晉省交案陳積細冊繁難准令將光緒八年十二月以前各案取具倉庫正雜無虧印加各結咨部備案免其造送細數清冊以歸簡速所有城垣衙署例應造報各項臣仍隨時察看不任稍有廢弛其自九年正月起仍照定例辦理臣為核實際以清交案起見伏祈聖鑒

旨著照所請該部知道欽此

籌議七廳改制事宜摺

光緒九年九月二十九日

竊臣前以山西口外七廳今昔治理不同奏請將七廳理事廳員仿照直隸成案酌改撫民兼理事要缺以修

張文襄公全集

卷六

奏議六

三

邊政奉旨該部速議具奏欽此旋經吏部會同各衙門奏准咨覆合將一切未盡事宜詳細妥議奏明辦理等因臣查歸化等七廳宣雲屏藩漠南重鎮幅員荒闊民蒙雜居僑戶逋糧曩稱難治去省遼遠吏治不修近年以遊勇馬賊之標掠河界地租之鬪爭奸商大猾之撓亂風氣囂然隱患漸伏而且旗屬多有教堂歸化新通商路地形益衝事體益煩仰蒙聖明鑒察邊情俯如所請准將原設七廳理事同通改為撫民滿漢統用所有未盡各事經臣督同藩臬兩司歸綏雁平兩道悉心籌議如分別缺項定章補署更議管轄濬築城垣編立戶

籍清理田賦建設學校變通驛路籌補遺糧添設公費募練捕兵議定巡牧分列十二條皆為目前切要之圖謹繕清單奏陳伏祈聖鑒敕部迅速核議施行謹將晉省口外七廳改為撫民要缺應議未盡各事宜分列條款開繕清單恭呈御覽

一缺項宜分別也查七廳向惟托克托城廳為簡缺甯遠清水河二廳為中缺餘皆邊要現以今昔情形不同奏准改為撫民要缺所有各廳缺項亦應重為釐定歸化廳為七廳領袖內控土默特外界大青山以通外札薩克諸部土地膏腴形勢壯闊民蒙雜處俗悍事煩薩拉

張文襄公全集

卷六

奏議六

三

齊廳為晉地極西北邊境北控外藩西接河套水陸轉輸商賈輻輳該二廳現均有洋商教堂交涉事件歸化薩拉齊二缺均應定為衝繁疲難直隸廳撫民同知兼理事銜邊外最要缺豐鎮廳東界張家口錯處察哈爾大同門戶牧廠環列流民屯聚亦多洋務教堂交涉應定為繁疲難直隸廳撫民同知兼理事銜邊外要缺甯遠廳開墾日多朔平外蔽七屬樞紐且現擬改設驛站托克托廳濱臨黃河為邊外商船下駛入晉口岸水道咽喉均應定為衝繁疲難撫民通判兼理事銜邊外要缺和林格爾廳山險俗獷糧多逋欠亦為北通歸薩之道

清水河廳環拱邊牆民龐俗悍均應定爲繁疲難撫民
通判兼理事銜邊外要缺以上各缺均歸專摺奏請升
調酌補至各該廳員向按三年俸滿奏留三年由部推
升今既滿漢兼用應請一律照邊俸例改爲三年俸滿
查明政績酌量保薦引見後回任候升既非理事人員
所有從前三年俸滿內升之例應請停止

一補署宜定章也臣原奏所請遇有七廳撫民同知缺
出不拘滿漢先儘本省實缺候補同知直隸州調補調
補無人以實缺知縣請升遇有七廳撫民通判缺出不
拘滿漢先儘本省實缺候補通判調補調補無人以實

張文襄公全集

卷六

奏議六

五

缺知縣請升一節實爲因地擇人慎重邊缺且該廳等
轄境遼闊形勢緊要雖缺係同通其繁劇難治遠過於
內地孔道州縣而實缺候補同知均係閒曹兼多捐納
出身未能盡諳政務故原奏於七廳撫民同知缺出請
以實缺候補直隸州一體調補原以直隸州一班職任
較重人才較多揀選調補邊要可收得人之效係爲整
飭邊政起見接准部覆獨於直隸州請調請補一層既
未議駁亦未議准似係疎漏惟各廳初改治理頗難欲
求幹濟之才非量爲變通不可應請嗣後遇有新改七
廳撫民同知缺出應先儘實缺同知直隸州及實缺州

縣中保以同知直隸州在任候補者請調請補並照兩
廣雲貴等省邊瘴缺例免其扣算年限歷俸以上二項
無人地相宜之員以候補同知直隸州及實缺州縣中
合例應升之員請補請升遇有新改七廳撫民通判缺
出先儘實缺通判及知縣中保有升階者請調請補亦
免扣算年限歷俸以上二項無人地相宜之員以候補
通判及實缺知縣中合例應升之員請補請升其試用
同知直隸州通判如果人地相宜亦准援照道府等六
項試用人員准補應題要缺之例一律准其酌補以上
七廳撫民同通缺出但須人地相宜不拘滿漢實缺候

張文襄公全集

卷六

奏議六

五

補試用同知直隸州通判及實缺知縣保有升階及應
升合例之員一體酌量分別請調請升請補至委署七
廳撫民同通亦應於候補試用直隸州同通知州及各
知縣中隨時酌揀熟悉邊情長於治理人員委署不入
輪次其廳屬佐雜如歸化廳之畢齊克齊巡檢薩拉齊
廳之包頭鎮巡檢豐鎮廳之大莊科巡檢張阜兒巡檢
甯遠廳之後營子巡檢均分駐要地有緝匪巡防之責
事理較繁非幹練之員不能勝任應請將畢齊克齊包
頭鎮大莊科張阜兒後營子巡檢五缺均改爲緊要以
內地實缺巡檢請補並以各縣典史驛丞請升及候補

巡檢從九品及八九品例得借補之孤缺無缺人員一體酌量請補試用人員照例試署蓋佐雜材質有限得人為難若拘於一途尤難其選必班次稍寬選擇乃易一管轄宜更議也查豐甯二廳向隸雁平道歸薩和托清五廳向隸歸綏道七廳分隸二道未免事權不一且雁平道駐代州離豐甯道里較遠亦有鞭長莫及之虞應請將豐鎮甯遠二廳改隸歸綏一道管轄以資聯絡改設撫民同通後一切倉庫錢糧交代詞訟緝捕事宜均責成歸綏道察核命盜要案及秋審案件亦由該道審轉其餘一切統屬體制處分均照該管上司定例不

張文襄公全集

卷六 奏議六

三

再由雁平道暨大同朔平兩府核轉考察應令該道府將兩廳緊要案卷檢齊送交歸綏道存檔備查

一城隍宜濬築也查七廳向無城池現既因今昔情形不同邊務緊要奏請改設為撫民廳倉庫監獄關繫綦重且近年以來游勇馬賊伏莽猶多華洋交涉邊防為要七廳除和林格爾山險可守餘皆平衍曠漠漫無界域不及此時濬築城隍倉猝有警殊不足以資控禦惟現當庫藏支絀大興版築籌措匪易應俟飭令相度地勢察看情形歸薩豐三廳商賈輻輳民居繁庶或於本地勸諭捐資藉圖營建稟請奏明立案事畢援案給獎

其和托等廳素稱瘠苦或每處酌發數千金先飭築建土城濬掘深濠暫資守禦以上各節均應由該管道督飭勘估繪圖附說稟請核辦

一戶籍宜編立也查七廳半係客民寄居五方雜處良莠不齊村舍零星人情渙散雖居已祖孫數世室則蓋藏千箱人無定名籍無定戶不特賦役保甲難於稽考案件人證難於查傳而奸匪之藪匿贓盜之攀誣詞訟之波累弊不勝窮現欲整齊治理非查造戶籍無從措手應令該管道督飭該廳員逐一清查歸廳交涉之子部落王達爾漢貝勒茂明安台吉等旗薩廳交涉之

張文襄公全集

卷六 奏議六

三

烏拉特三公鄂爾多斯郡王達拉特貝子等旗托清二廳交涉之準格爾貝子等旗豐甯二廳交涉之察哈爾各旗雖為蒙部然該處寄民眾多因非該廳管轄外來游匪往往恃為逋逃淵藪以後七廳與旗屬交涉地方應請議定由察哈爾都統綏遠城將軍歸化城副都統揀派旗蒙各員會該道各廳員於交涉各蒙部寄居民人每年編查一次其土默特各旗界與察哈爾各旗界本為各該廳該管境地者應令各廳員分為三等辦法將種地納糧者編為糧戶無論久暫均編入籍置有房產種有田地者編為業戶雖不納糧亦應編籍攜有眷

口並無房產不常厥居者編爲寄戶如寄居年久情願入籍准取里甲保結編入現住里甲准其一體應試其有隻身傭趁無戶可編者應附於三等戶籍之內傭三等中皆不具保容留卽行驅逐遞籍管束蒙古仍隸該旗不入民籍回民與漢民一體編審但注明回民字樣以備稽考此次編定以後如有新來寄民應令呈明入籍擬視內地之例量爲從寬卽以呈明之年起扣足十年方准與考儻僅係寄戶未請入籍年分雖遠不在應考之例以示限制仿照內地按村查明老幼男婦及所業士農工賈編造牌冊分別良莠編審之時嚴禁需索

張文襄公全集

卷六

奏議六

三

攤派一應差徭悉仍其舊其有孝悌方正之士隨時由官給予花紅獎賞節婦貞女照例旌表以端風化庶治理可期而糧賦亦不致逋累無著

一田賦宜清理也查七廳地畝徵糧徵租端緒紛雜豐甯兩廳則兼有民糧地太僕寺王公勳臣牧地右衛圍地大同屯地口北道察哈爾綏遠城王公勳臣租地新升科各項官荒牧地未升科各旗蒙古牧地歸綏五廳則兼有民糧地馬廠租地土默特養贍地喇嘛香火地各邊界烏喇特達拉特杭錦四子部落茂明安等部落蒙古牧地近來莊頭疲累逃戶滋多加以流氓擇利來

去無常運費浩繁民力重困地商蒙員罔客戶以爲利土棍衙蠹匿官地以自肥於是或甘於流徙或聽其荒蕪或積水待豁或攤廉認賠苟且補苴殊無長策府欠租官欠糧旗欠米莊頭虧業客民虧本蒙古虧牧而且東兩廳則商攬民墾有費無照積成爲訟端西五廳則蒙民私約予奪無恒日尋於爭鬪此不惟重傷度支實亦有妨治理者也做至此極不可不亟圖整頓現值七廳改制首宜將田賦清釐除東兩廳官荒牧地現經委員設局查勘升科西五廳糧地現經次第試辦清丈外所有一切利弊自應詳議章程因查各種地畝如牧地

張文襄公全集

卷六

奏議六

三

租地養贍地香火地率皆蒙古自種自租並無應納國賦官無冊檔可稽暫置無論其有關賦課之經徵兵米者俗謂大糧地經徵租銀者俗謂小糧地糧賦大累約有三端一在逃戶地不值錢民不戀地糧賦積欠棄地而逃或春作方來秋收便去或此肥彼瘠擇地而耕應令將業戶租戶一律查清里甲互出保結稽察逃匿此則寓清糧於編審戶籍之中者也一在糧差圖取私賂賣放正糧愚民圖目前之利易爲所惑年復一年積欠愈鉅索詐愈橫終於逼迫逃亡應令各糧戶公舉一人點充里長催令各糧戶自行封納差役祇傳里長不催

糧戶此應寓清糧於稽查保甲之中者也口外章程向多疎略錢糧交官米石供兵層層使費無非取給農民地瘠民困萬萬不支以致輕於逃亡惟有減其無藝之費方可以責維正之供應由臣嚴飭該道廳并隨時咨商綏遠城將軍察哈爾都統切實籌辦法體恤剔除弊端此則寓清糧於整飭吏治之中者也以上三累首宜廓清至於嚴考成籌公費使官無虧挪之弊輕運費改折色使兵無缺食之虞絕商奸禁蠹擾使民無爭地之覺清界限察蒙情使蒙無失牧之憂截陳欠清交案使藩司無催追之煩查逃匿分荒熟使道廳無賠糧之

張文襄公全集

卷六

奏議六

三

苦現經分別籌辦又如閒地招墾以壯邊塞之藩籬建倉屯糧以足營伍之兵精均爲今日籌邊要義除此大隨案籌議以及應專案奏咨者隨時酌辦外餘具由臣次第督飭舉行

一學校宜建設也查七廳惟綏遠駐防向附朔平府棚考試其餘均無學額各廳寄居民人多有遠至百餘年及數十年者現已生齒日繁其中不乏俊秀之士進身無路未免向隅改設撫民廳以後自應設立學額查歸化廳戶口蕃衍四民輻輳誦日多近年設有書院最爲口外繁盛之地應設文武學額各四名薩豐兩廳均

設文武學額各三名甯清和托四廳均設文武學額各二名歸化廳設廩生二名增生四名餘廳均設廩生一名增生二名每屆歲科悉照大朔兩府年分先由該廳員試取童生初次無廩生可保即取具地隣甘結俟學臣按臨大同府時由七廳彙送附棚考試歲科接續并考其廩增附生亦按歲科并考附棚考取等第遺才以作士氣而裨風教俟後文風漸盛再行察看情形或於歸化廳議建專棚專案奏請其入籍考試均以此次編審入籍者應准與考以後入籍年限應比照內地酌量從寬暫准以置產十年爲斷綏遠城駐防舊有學額向隨

張文襄公全集

卷六

奏議六

三

右衛考試今歸化廳既已設學自應改歸歸化廳一切考試章程及取進學額仍照舊例再五廳所治皆悉土默特地面查土默特筆帖式聞向有准考繙譯鄉試之說但此處蒙古亦概未赴考今既在土默特地面立學該蒙古係屬土著自亦未便獨令向隅似應於歸化廳一處設土默特繙譯學額二名由歸化城副都統於土默特官學生內考錄咨送學政一體隨棚考試將試卷封送禮部或何處通曉清漢蒙文衙門校閱取進後仍發交學政咨送副都統榜示俾其涵濡文教漸化愚頑於治理不無裨益雖向無辦過成案值此整飭邊政之

際未便稍事拘泥至繙譯鄉試仍照筆帖式調京考試之例辦理其應設教官卽於歸化廳設教諭一員並令兼管和林格爾廳學務薩拉齊廳設教諭一員豐鎮廳設教諭一員並令兼管甯遠廳學務托克托城廳設訓導一員並令兼管清水河廳學務以內地尚有雙缺之簡僻州縣裁改應卽裁去臨縣屯留縣平陸縣復設教諭各十員垣曲縣訓導一員適符改設之數應建文廟教官衙署歸化廳本有歸綏道修建文廟一所餘廳應由各廳員相度估計籌款興修

一驛路宜變通也查自右玉縣至歸化廳向出殺虎口

張文襄公全集

卷六 奏議六

三

以和林格爾廳爲驛路是以歸和兩廳額設驛馬各十匹夫各五名豐鎮廳設驛馬六匹夫三名甯托兩廳各設驛馬四匹夫二名薩清兩廳各設驛馬二匹夫一名向歸驛站奏銷同治九年七月間前將軍定安因軍需緊要咨明兵部於歸化廳設腰撥四處薩拉齊廳設腰撥五處和林格爾廳設腰撥三處歸入軍需奏銷每年約需夫馬工料銀六千兩內外至今因之現以七廳改設需費較多欸無所出應卽將此項添設腰撥夫馬概行裁撤節存銀兩另備要需其額設之數應仍其舊惟自咸豐年間甯遠廳新開商路往來行旅不復取道和

林行店車馬悉以甯遠爲聚集之所致和廳支應差務車馬店口雇覓爲難官民交累雖疊經前撫臣示禁而甯遠路旣坦捷商民爭趨旣非情勢所順斷非文告所能禁勒不若改設驛路庶於差務商情兩無阻礙應請將原設和林格爾廳驛馬十四匹夫五名移設甯遠廳卽以甯遠廳所設驛馬四匹夫二名移設和林格爾廳一應往來文報差使均改歸甯遠廳接遞支應車馬旣便店口亦多以免誤差累民

一遺糧宜籌補也查和托兩廳自同治六年以後疊據勘報逃戶遺糧因所徵糧石有關兵食必須籌補方能

張文襄公全集

卷六 奏議六

三

請豁迨至光緒五年始據歸綏道詳經前撫臣曾國荃奏明請將和托兩廳無著遺糧共四千二十六石八斗八升六勺懇請豁免豁缺兵米卽以歸綏道半廉綏歸薩三同知和托清三通判全廉扣解成平全數籌抵經戶部議准在案惟各廳自養廉全數扣抵以來辦公無資動多掣肘虧欠正欸取給商民陋規流弊孔多在當時因逃亡難復處分甚嚴不得不請豁荒糧以寬吏議別籌抵補以濟兵精原屬權宜辦法事非得已今豐甯二廳現辦牧地升科以新糧之租課抵舊缺之遺地自是名正言順應請於現辦升科地租內撥銀四千二百

二十八兩二錢二分四釐按每米一石價銀一兩五分
解交綬遠城將軍衙門抵補兵米所有道廳養廉准照
舊全數支食免其核扣以資辦公

一公費宜添設也各廳初改政務殷繁尤須砥礪廉隅
方足以臻治理歸薩豐三同知養廉稍優尙可勉強足
用甯和托清四通判向來尤稱瘠苦不免仍形竭蹶應
請仿直隸張獨二廳成案每廳添設辦公費銀五百兩
四廳共銀二千兩亦在豐甯升科地租內撥給此係新
籌之款免扣六分減平原原有俸薪役食概仍其舊

一捕兵宜募練也各廳地勢遼闊民蒙淆雜匪棍盤踞

張文襄公全集

卷六 奏議六

三

而直東及口內游民亡命又以各廳爲逋逃淵藪西路
用兵以來游勇馬賊縱橫出沒連年盜風日熾隱患日
深雖經樹練各軍設法緝拏而此風仍未甚戢現當七
廳改設情形與內地不同斷非捕快等役所能濟事亟
宜照直隸張獨多三廳章程設立捕盜弁兵以爲緝匪
巡防之用但經費難籌不得不暫從核減應請於歸薩
豐三廳各設千總一員甯和托清四廳各設把總一員
七廳均各設經制外委一員額外外委一員歸薩豐三
廳各設馬兵五十名甯和托清四廳各設馬兵四十名
七廳共設千總三員把總四員經制外委七員額外外

張文襄公全集

卷六 奏議六

三

委七員馬兵三百一十名按晉省額餉章程千總每員
養廉銀一百二十兩俸薪銀四十八兩共銀一百六十
八兩計七成實銀一百一十七兩六錢例馬二匹共乾
銀二十一兩六錢計八成實銀一十七兩二錢八分把
總每員養廉銀九十兩俸薪銀三十六兩共銀一百二
十六兩計七成實銀八十八兩二錢例馬二匹乾銀二
十一兩六錢計八成實銀一十七兩二錢八分經制外
委每員養廉銀十八兩計七成實銀一十二兩六錢餉
銀二十四兩例馬一匹乾銀一十兩八錢共銀三十四
兩八錢計八成實銀二十七兩八錢四分月米三石六
斗按北鎮米折之例每石以九錢合算計十成米折銀
三兩二錢四分外委馬兵每名餉銀二十四兩馬
乾銀十兩八錢計八成實銀二十七兩八錢四分月米
三石六斗計十成米折銀三兩二錢四分歸薩豐三廳
每廳通年共需弁兵廉俸餉乾米折銀一千七百六十
三兩六錢四分甯和托清四廳每廳通年共需弁兵廉
俸餉乾米折銀一千四百二十三兩四錢四分七廳通共
實需銀一萬九百八十四兩六錢八分因查豐甯兩廳
升科牧地雖未截數大約以七千頃爲率每畝徵租銀
一分四釐共應徵地租銀九千八百兩每租銀一兩隨

徵耗銀五分共耗銀四百九十兩內有官荒三千五百
頃係屬無主地畝應將隨徵四釐私租一并入官共私
租銀一千四百兩通年共徵耗銀一萬一千六百九十
兩除抵補兵米添給公費共用銀六千二百二十八兩
二錢二分四釐外尙餘銀五千四百六十一兩七錢七
分六釐以之撥充弁兵廉俸餉乾等項計尙不敷銀五
千五百二十二兩九錢四釐欸無所出卽以議裁腰撥
節存銀兩內撥出銀五千五百二十二兩零以作弁兵
廉俸餉乾之用往來文報卽令捕盜弁兵幫同馳遞尙
可節省銀四百餘兩惟目前勘丈未畢如地租徵收不

張文襄公全集

卷六 奏議六

美

足一萬一千六百餘兩之數卽暫於押荒項下支用如
將來墾地漸廣地租日多地租多收一兩此項腰撥改
充兵餉之發欸卽減一兩隨時核減報部此項捕盜弁
兵卽歸各該廳同通節制兵丁由該廳挑補額外外委
由歸綏道揀拔千把由臣衙門揀拔把總以下專令升
調七廳捕盜營之缺千把以上與撫鎮各標之弁一體
升補以示鼓勵其購買馬匹製造旗幟號衣器械以及
建造千把總衙署俱在押荒項下動支事竣奏銷
一巡牧宜議停也查歸化城察哈爾游牧每屆五年由
都察院於蒙古科道司員內奏請簡派二員分巡一次

外省稱爲巡察游牧御史一員巡歸綏道所屬五廳一
員巡直隸口北道所屬三廳並山西豐甯二廳隨帶之
員多係兄弟子姪於到境後由將軍都統派給巡捕戈
什哈並所帶之丁役約百餘人周行各廳種種搜剔爲
需索之計歸綏兩廳供支最久約費二千餘金其次各
廳亦約費千金及數百金不等各官皆有餽贈旗民均
有攤派徒滋繁擾累及兵民其實一無事事於蒙情牧
政毫無所益溯查從前土默特地方雖設有都統副都
統等員皆由土默特蒙古世襲如同土官故須派員巡
察今副都統由京簡放又有將軍移駐綏遠城鎮守道
張文襄公全集

卷六 奏議六

美

員督率各廳分治卽與內地州縣無異豐甯兩廳情形
一律應請將山西歸化薩拉齊和林格爾托克托清水
河豐鎮甯遠等七廳游牧每屆五年巡察舊例卽行裁
停以歸簡易而免擾累
旨該部議奏單併發欽此

張文襄公全集卷六終

新城王樹桂校

張文襄公全集卷七

奏議七

遵查革員侵蝕各款擬議結案摺

光緒九年九月二十九日

光緒八年七月二十三日欽奉寄諭前據張之洞奏已革藩司葆亨道員王定安貪贖營私當經降旨將該革員等懲辦所奏濫支各款內并有奏結不發之款國帑攸關不容稍有虧短著張之洞詳細確查將不應支發及朦混開銷款項責令葆亨王定安分別賠繳並此外有無侵蝕之款一併查明具奏將此諭令知之欽此當經派委前藩司方大湜升任河東道唐咸仰今授河東

張文襄公全集

卷七 奏議七

一

道高崇基檢調案卷傳詢當日局員庫官承領經手人等詳細確查去後惟該革司革道在晉乃賑務方殷之時用款紛淆文卷舛漏有無弊端猝難稽核正值奏明設局清查庫款之際因飭各員隨案綜核詳加參考方大湜旋即去任茲據唐咸仰高崇基分派太原府知府馬丕瑤原任潞安府知府何林亨准補甯武府知府俞廉三等先後查明詳覆前來查葆亨濫發之款其為數較鉅為臣原奏所已及者如已故總兵羅承勳欠餉二萬七千餘兩一條本係奏明不發之款該革司發出後即又聽羅承勳家屬轉借與人撥抵交代寄存外庫臣

於上年七月奏參後即飭司將此款提回大庫正款地丁項下所有借撥交案概行注銷分飭另繳如提塘補嘉年欠領塘費工食馬價等項二萬五千餘兩一條已飭太原府知府馬丕瑤查訊該提塘除使費扣成外實領到銀一萬二千五百餘兩如已故參將王同文欠餉一萬八千兩一條亦經太原府馬丕瑤暨東路營參將施紹恒查訊王同文家屬除使費扣成外實領到銀一千六百餘兩詢其索費扣成為誰則家丁庫吏與夫居間關說之人兼而有之其是否本官染指供詞含糊未能指實其為數較少為原奏所未及者如光緒六年挑

張文襄公全集

卷七 奏議七

二

掘後小河積土案內查明浮費銀一千餘兩又有與該革司素有私交流寓在晉之候選知府任鶴年支領薪水六百七十二兩盤費二百兩查明亦係違章濫支此外索費減扣之弊凡屬稍可緩發者幾於無款不然數多畸零應即勿庸核計以上三項共計使費扣減銀三萬兩有奇臣衡情酌理無論在官在吏在丁藩司均不得辭其責應令該革司賠繳一半銀一萬五千兩王定安濫發之款除瑣細者不計外有光緒六年十二月二十三日放楚軍勇糧銀一萬四千兩此款本可緩發該革員曲徇將弁之請亦難保無丁吏索費扣成之弊臣

於上年六月查出後卽飭令該革道照數賠繳合計葆亨王定安賠款共二萬九千兩已據陸續繳清據藩司易佩紳詳報均於本年九月二十三日收入司庫作爲專案賠款報部撥用充餉至王定安設立營製所浮支糜費過多雖所動係本省公用生息外銷之款究屬虛糜誤公現因臣於省城創立令德書院以課諸生經史古學飭令該革道賠繳公用生息銀一萬兩以爲修造書院之費已於本年六月初六日繳清據清源局司道詳報收入書院工程處動用歸入外銷此查明葆亨王定安濫發款目并分別收回酌賠之詳細情形也至此

張文襄公全集

卷七

奏議七

三

外有無朦銷侵蝕各節查詢局員庫吏在省人員均不能指出確據若再搜求陳案徒致株連廢事於庫款仍無所益應請免其置議竊惟葆亨王定安兩員不知體念時艱節慎庫帑致有濫發浮支索費扣成諸弊雖非朦銷侵蝕實屬荒謬異常業經褫職遣戍追繳鉅款已足蔽辜惟葆亨家丁貴州人龔登科卽龔萬銘一名萬銘一名萬聯瀛湖南人楊興瀚卽楊清如索賄招搖劣蹟最著扣減濫發諸弊率皆此兩人所爲聞均現居揚州開設金珠店且龔登科朦捐同知職銜四品封典楊興瀚朦捐從九品按經歷升銜五品封典尤屬膽玩應

卽撤銷捐案革去封典職銜咨會兩江江蘇湖南貴州督撫臣等解來晉審辦以爲家丁藐法舞弊者戒王定安之戚山西試用通判黃學濂充當營製所委員倚勢罔利款目含糊應請旨卽行革職葆亨任內掌庫書吏賈立農素多劣蹟已於光緒七年七月病故所有贖款身死勿徵應免著追抑臣更有請者一省政治清濁責在大吏道府以下無非視風氣爲轉移葆亨由藩護撫才行昏濁稅政多端其咎最重王定安辦事頗有才具而不知自愛附和妄爲均經朝廷明正其罪通計此案提回司庫正款銀二萬七千兩勒令賠繳銀三萬九千

張文襄公全集

卷七

奏議七

四

兩並另片附奏各官捐銀二萬兩又此次另摺奏明查出巨興源票號隱匿捐款繳還銀一萬兩共提回捐繳銀九萬六千兩凡所以懲貪儆儆之道實已不遺餘力其鑽營助惡因緣爲奸最甚各員亦經臣先後參撤驅逐離省此後臣當隨時董戒通省屬官勵清奉法督飭藩司嚴察吏奸綜核財用當不致再蹈覆轍合無仰懇聖慈將晉省舊案准其從此清結於晉省官吏不復追咎前失但考察現在實政俾得振奮精神濯磨自效出自逾格鴻施再此案因待清查庫款完竣始能定議且將各項賠款收齊始行具奏合併聲明

旨另有旨欽此

各員捐修貢院片

光緒九年九月二十九日

再葆亨在晉之日政事昏荒廉隅蕩盡其時通省屬官上行下效營私趨利舉國若狂一切工程局用薪水津貼不免糜費濫支歛濁獨清之士殆不多觀自臣劾治葆亨王定安以後是非大明從前各員除參故離省外其在晉者皆漸覺心地清明慚悚追恨茲據各該員等道府同通州縣佐雜三十餘人稟稱晉省現在籌辦貢院工程情願公捐銀二萬兩以助工需查貢院舊規狹陋年久坍塌甚多去年鄉試迫促略加修葺今尚有外

張文襄公全集

卷七 奏議七

五

簾各所及東北西北兩隅展拓地基添建屋宇等工亟須一律營繕正苦籌款為難現經各該員將捐項如數措齊呈交由清源局司道轉據太原府彈收詳報前來尙見能知愧悔相應附片奏明並懇聖恩寬大免將銜名開列庶以全其廉恥開其自新此項貢院捐款不請獎敘當於工竣時咨部存案應請免其造冊報銷旨知道了欽此

請將侵匿釐稅各員革職追繳片

光緒九年九月二十九日

再晉省山僻之區商貨蕭索百貨釐金為數甚屬微眇惟洋藥及陝甘土藥行銷頗多而此項釐稅歷年罕有

具報幾於無收大約奸商透漏者半委員侵匿者半緣晉省向來惡習凡委辦釐務名曰調劑縱之吞蝕上下相市法紀蕩然臣查知情弊屢經嚴飭各員實力奉公現查出候補直隸州州判下瓊管理軍渡釐務不遵釐則減半賣放既收之後又不全行詳報填寫釐票不經吏役之手所收銀錢或託攬頭代為經收或撥兌各處或並不給票竟無總數可查行徑詭密已極計本年正月之內侵匿藥稅銀已有二千餘兩其餘尙不知凡幾候補知縣王懿恭管理廟前鎮釐務抽收不用官設吏役減價賣放並侵匿藥稅銀四千餘兩候補布庫大使

張文襄公全集

卷七 奏議七

六

毛頡雲管理石皮村釐務減價賣放並侵匿藥稅銀二千兩該委員等經臣三令五申教而不改實屬怙惡藐法其下瓊一員於查出後飭令繳出免其參劾乃竟負固狡橫分文不認稟請查辦復經先後飭令知州阮志謙同知周桂敷等疊次查訊書吏脚戶證據確鑿乃始無可置辯是該州判始終欺隱尤屬敢於為惡若不嚴行劾治何以整權政而挽貪風應請旨將下瓊即行革職仍澈查此外侵匿共有若干照數追繳其王懿恭毛頡雲兩員應請旨暫行革職勒令繳出儻能依限如數完繳再行奏請開復該三員若再抗延均即從嚴參辦

查外省通行惡習先私後公蒙蔽上司袒護同寅名曰顧大局雖矯矯者亦復不免遇有飭查之件大率彌縫消化十事罕得一真卽如此項釐稅弊端臣到晉後卽知梗概然歷次札查委查率皆扶同徇隱茲經嚴飭同知周桂敷密查始得據實發露似此任勞任怨一洗外官積習實爲難得該員樸實勇往平日委辦各事皆能竭盡心力除飭司存記獎勵外合并奏明以風通省官吏

旨另有旨欽此

參劾不職武員片 光緒九年十月二十三日

張文襄公全集

卷七 奏議七

七

再緣營錢糧向歸守備經管本營副參遊等官往往疑有沽潤以致上多苛求下存挾制動相攻訐漫無紀綱實爲晉省營伍惡習疊經嚴檄禁戒此風未能盡除茲查有得勝路參將那琛居心俗陋改變外汛應撥租穀舊章多招物議得勝路守備蘇殿忠性情桀驁挾忿無禮於存儲公款任人挪借迨經查辦始行歸清且妄稱庫銀被竊凌逼兵丁孟壽營遊擊德海識見庸闇意存需索於操練發餉藉端挑剔不恤兵艱平定營守備王福慶性氣粗浮且於該營應還倉穀之項買補遲延以上各該員上不秉公下不循分均屬不知檢束有乖政

體據大同鎮太原鎮總兵先後咨請查辦懲處前來相應請旨將那琛以遊擊降補德海以都司降補蘇殿忠王福慶均以千總降補以肅營政至該員等所出得勝路參將孟壽營遊擊得勝路守備平定營守備等缺晉省現有應升應補人員應請扣留外補合併聲明謹附片奏陳伏祈聖鑒

旨著照所請兵部知道欽此

設立鐵絹局片 光緒九年十月二十三日

再晉省年額應解平好鐵大小路綢農桑絹生素絹毛頭紙呈文紙硫磺等物料價脚例動地丁正項幫費取

張文襄公全集

卷七 奏議七

八

給通省攤捐辦解責之各府廳州縣臣前以攤捐之累病官害民奏請裁免並請將綢絹紙三項折價解部惟鐵之爲用最廣又非他處所產另行籌款造辦旋准戶部工部內務府議覆綢絹紙三項行令仍解本色不得不勉力辦解當於省城設立鐵絹局凡鐵絹綢紙統歸承辦硫磺一項併責令辦運以省擾累而便綜核查有准補霍州直隸州知州杜崧年老練廉明辦事切實檄委該員總司其事將積年痼弊釐剔淨盡無名冗費概行裁除惟此五大端其細目又分九種端緒紛雜經費浩繁例支價脚不敷甚鉅現既裁免州縣攤捐晉省本

屬瘠土籌款甚屬不易曩年通省府廳州縣為此數事營營擾擾猶覺竭蹶不遑甚至佐雜微員亦不免因之受累臣既決計除去官民之累不得不力為其難惟有督飭清源局司道責成該局員設法支持多方撙節以期無誤要需據藩司詳請奏咨前來除咨部外理合附片陳明伏祈聖鑒

旨知道了欽此

法豐已成敬陳戰守事宜摺光緒九年十一月初一日

竊惟法蘭西貪悖不道翦我屬國偏我邊徼脅越立約意猶未厭攻奪不已聞法人接我照會後漫不省改依

張文襄公全集

卷七 奏議七

九

然進兵攻取北甯諸鎮必欲吞滅劉團盡有越地且聞其調集兵船為將來恫喝之計事勢如此邊患已亟來春二月必有舉動方今朝廷固已出滇桂之師修濱海之備廟謨宏遠度已計畫無遺特是兵事秘密外間不盡聞知微臣杞憂不勝過慮竊以為今日之事定計宜堅赴機宜速自守宜固料敵宜審必如是而後有濟敢就管蠡所及謹陳戰守事宜十七條敬為我 皇太后

皇上陳之

一曰決戰計 中國素以息民睦鄰為重况值水災餉

細豈有輕言用兵而今日法越之局惟有一戰何也我

助劉永福法人久已昌言欲向中國尋釁况今日中法之軍顯然交綏繼斃法人不少彼若滅劉併越必責我以償兵費脅我以開滇岸假使公然決裂戰而不勝亦不過索兵費開滇岸而止且法國自破德國攻破以來安集未久乃復逞欲橫行今年夏踞馬達加斯加而英人忌之今年秋辱西班牙之主而德人怒之去年無故據河內今年無故奪順化吞噬不休殘殺無度而越人讎之夫鄙遠微利而不止者兵必敗始禍怒鄰而不悔者國必亡彼曲我直彼先發我後應天道人心可以一戰今日之事斷在不疑再戰計一決首宜撤使使臣不

張文襄公全集

卷七 奏議七

十

撤彼謂我虛張聲勢不破和局早有以窺我之勇怯矣事已至此羈縻無益宜令會紀澤去法適德法疑我與德結必疑沮此乃伐敵謀堅士氣之要端也

一曰固根本 能守而後能戰兵家定理故今日未論越南之戰先講天津之防津防實則廟算定煙臺旅順之防密則天津安中國虛實西人纖悉皆知天津能戰則法人必不來天津不能戰則法人必來事變無常惟視乎我根本既固夫然後廟堂之上可以從容運籌前敵之軍可以專心攻剿他省海防皆在其次所有津防事宜另陳於後

一曰策敵情 法人若內犯必以大隊擾廣東而以虛聲怵天津上海洋場屬集必不輕擾閩浙非我所急彼亦未必以全力爭據探報言法人調集大中小鐵船四十餘艘自係爲來華之計就使屬實大小船牽算合計一萬二千人兵餉船械所費已在一千萬以上沿海停泊接濟其能到津者至多不過二十餘艘共八千人除守船外能登岸者僅六千人而此六千人中又須節節留兵疏通後路轉運糧械前敵不過五千人我分軍更番以疲之獲級重賞以募之此五千人能橫行中國乎且粵南廣東戰急則津防自緩相持數月法人師老財

張文襄公全集

卷七 奏議七

十一

匱民怨商疲越擣其虛德議其後法必破矣

一曰擇戰地 志在必戰則非爭越不可戰於海口不如戰於越南若全力爭越彼拒守之不暇奚暇內犯卽或內犯不能大舉卽或寇粵不能擾津卽或到津不能持久且越之北境山嶺多瘴紅江究不甚廣止行小輪仍是陸戰山戰爲多無論劉團卽滇桂之軍與法兵短長相去亦不甚遠若近演桂之境則險隘尤多劉團爲正我軍爲奇越之義民爲助此時法之於越固已反客爲主河內順化南定以及諸海口處處留防聞現在越地者法兵約七千人只二千爲法人餘皆外募阿洲及

越人耳法國道遠而餉鉅每一兵來華須七百元其財力能有幾何豈尙能有數萬水陸之眾擾我沿海哉此化急爲緩移短爲長之道也

一曰用劉團 此時我於劉永福固已激勵而資助之矣然臣竊以爲用之之道尙未盡也越戕其王國內大亂國人讎法而德劉眾望屬焉敢請敕下徐延旭明諭永福若能擊退法人綏定越土卽封以越南世守其地永福本爲越之三宣提督此事宜先授以武職崇銜使爲越南監國並資以精械巨餉如此則民心有繫士氣大振必有奇功從此受我羽翼爲我屏藩利莫大焉夫

張文襄公全集

卷七 奏議七

十二

陳莫黎阮攻奪何常況越南故王並不請命中朝同治丁卯甲戌以來私與法約引虎入室自取覆亡其罪本在廢黜之列皇朝不利其地欲民所欲益足見怙冒宏仁堂堂正正此策若行法人立將奪氣賢於十萬師矣若值此時勢而猶慮以此怒法則失策之甚者也

一曰用越民 不獨劉團可用卽越之義民海盜亦皆可用越俗素懦今因其怒可以用之此輩攻法人則不足擾法人則有餘法人據越之關稅以給軍若擾其稅務梗其運道法人亦必不支宜飭岑毓英徐延旭張樹聲彭玉麟等招其頭目厚加賞犒獎以虛銜令其轉相

要結此時順化越都以南兵力不及故法人得以專攻北圻若全境同時蠶起神疲力分然後可乘也

一曰務持久 法兵遠來費鉅利在速戰劉團甚孤我軍新集忌在浪戰萬有一挫兵氣頓沮此時宜申戒關外將士及劉團務宜持重養威觀釁伺隙謀定後動斷不必急攻堅城耗損士卒更不宜株守空城爲礮樹的但能相持數月法人技窮力絀必有變動暑瘴漸作法軍進退維谷主客合勢乘機急擊旬日之內可以盡逐法人盡復越地矣

一曰散敵援 欲與法戰非禁他國接濟不可此關不

張文襄公全集

卷七 奏議七

三

通萬無戰法夫法勢日強非各國之利也外國性情我強則助我我弱則否此次聞法人與駐粵之英人澳人商令將來接濟皆以公法拒之此正由我援越備戰氣勢稍壯之故宜急與英德美澳日本諸國開陳曲直堅立要約務守公法若各國不接濟擾粵已難持久犯津更有所不能矣

一曰防津 李鴻章威望素重任寄素專自必籌畫詳盡特是京畿門戶責重而艱備豫宜詳兵力宜厚大沽北塘以及新城紫竹林三岔河諸處皆須有犄角策應之師兵力既恐不敷淮軍士氣尤須激勵李鴻章所部

銘軍盛軍兩枝皆淮軍也欲激勵銘軍惟有用劉銘傳該提督戰略素優聞其羨慕文職盡人皆知竊謂駕馭人才之道患其無欲苟有可欲便有可用朝廷用人無方軍興以來文武互改者不少假如予以文職使爲幫辦津防必能感奮圖報不惟銘軍能戰卽盛軍亦必觀感激勵而赴戰矣於國家毫無所損而於津事大有裨益振作淮軍之微權似在於此有李鴻章之持重閔深章酌度覆奏烏魯木齊提督金運昌素爲淮將知名今在西陲後路並不喫重現因餉絀將所部各營裁撤南歸似可速令來津招集數營分防一路庶與津防舊有淮軍可期聯絡前提督曹克忠素稱智勇且係津人地利熟悉似可令該提督精募十營分防一路此皆津防實際不然徒添生兵無益也

張文襄公全集

卷七 奏議七

四

一曰防煙臺 欲固天津宜防煙臺敵人不得煙臺以資接濟斷不敢深入渤海必宜有健將拒守提督吳長慶素性忠赤意量宏遠新定戰功於海外前兩年屯防煙臺規畫略有成算今日我方自謀之不暇何暇代爲朝鮮戍守哉不如調回使守煙臺惟所部六營略少可令募足十營不在擊賊海中只責以不使敵船住泊不

使敵人登岸其功即亦已不細

一曰防旅順 從前洋人犯津其淡水皆自旅順島載來並在島中牧馬旅順能守則煙臺之軍方有力旅順新建礮臺戰守有資惟宋慶所部在該島者止六營王永勝新往亦止二營金州蓋平等處各只馬隊百名亦有何用宜令宋慶增募數營使敷守禦其營口原有宋慶二營亦嫌太少宜別擇一將增兵守之

一曰防粵 庚申之事所以洋人徑犯天津者以其時不諳洋情津門開仗而上海閩粵各岸仍與通商任其接濟煤水糧械一無禁制故也今若與各國約不得接

張文襄公全集

卷七 奏議七

五

濟則法人不能飛渡北來故戰事必自粵東始粵民素強敢與洋人戰近以沙面之案積憤思鬪不惟兵勇即鄉團皆勁兵也激而用之咄嗟可辦近因籌備海防民間慷慨捐輸已成鉅款其敵愾同心可以想見擬請密諭廣東督撫暨彭玉麟等傳集紳士密告各村此案姑置勿較待法事既定然後議之果能戰勝不憂他國不交人抵罪此事地方官須力任之庶粵民不致逞忿樹敵且其戰法亦必力矣再粵團義勇有餘而散無統紀竊恐一旦有事玉石不分轉難收拾可否特命彭玉麟吳大澂督辦廣東團練而擇粵紳之有才望者佐之如

此則有所繫屬令出於一有公戰而無私鬪矣

一曰防江南閩浙 左宗棠鎮撫南洋慷慨任戰但長江廣闊必須有相助為理之人楊岳斌功在長江似可召起於家令其協籌江防有益無損閩省及浙之甯波民強能戰在上海屢與洋人私鬪土人即甚可用應請敕下沿海各省將江海防所險要形勢礮臺法式速具圖說奏上以備運籌並令江浙閩廣水陸各提鎮北洋各防所大將條上戰守方略庶可以觀其志氣之強弱材識之短長防務是否認真有事是否可恃所謂知己百勝者此也

張文襄公全集

卷七 奏議七

六

一曰籌餉需 統計滇桂廣東天津煙臺旅順營口江海閩浙各路三軍除原有各營外共新增募者一百七十八營其中湘淮滇桂餉章略有參差多少牽算共歲需銀四百餘萬兩軍火各費約需銀百餘萬兩然則多費六百萬金可支一年不過洋稅十分之四五耳各路新增兵數果其能戰止此已足如不能戰再多無益屢年扣存洋稅四成正為今日如庫儲無多惟有商借洋款現在張樹聲已向英商揭借似宜速趁此時向英美各商借定銀五六百萬分期取用此為應急大宗其餘均恐零星無補若兵鋒既交或恐他國瞻顧借款不易

矣

一曰備軍火 軍火所需甚鉅新式各種利器急宜令南北洋大臣速籌鉅款向各國定購廣儲備用庶免臨時各國推諉若恃土槍土礮而與法人角必致誤事此費萬不可惜迂執之說萬不可信也

一曰速文報 滇粵奏報遲緩事機不靈宜令滇桂兩軍商擇便地安設臺站以達廣東由廣東電寄天津總署代奏較為便捷

一曰備重臣 南北籌防需才甚廣急而求之勢將無及重臣宿將必宜亟儲丁寶楨忠壯性成素能擔當大

張文襄公全集

卷七 奏議七

七

事此時蜀中無事似宜暫時召詣闕廷置之近地或南或北惟所用之以備分任艱鉅否則臨時徵召道途悠遠緩不濟急矣鮑超聲威最著而所用皆係南勇紀律少遜用之北方到防既難遣散尤不易曩在廣東剿平髮逆餘威猶震粵事方急似宜令赴廣東分任一路即募楚勇亦較便捷但營數不宜過多以就近募廣勇為便此外宿將如郭寶昌婁雲慶之類均可調來近地一旦有事使率偏師統以大臣為津郡以北後勁之師勝於庸材新進多矣以上數臣不過隅舉伏望敕下樞臣總署諸臣考究體訪奏請多調數員來京備用總而論

之防不如戰近不如遠遲不如早而要以爭越封劉戰粵防津為四大端若已有戰衅而尙無戰心徒有戰形而實無戰具則其禍不可勝言蓋今日中法事勢彼無助兵之與國我多習戰之宿將此與道光庚子異者也有彼有後憂我無內患此與咸豐庚申異者也有海防無邊防有越軍以分其勢有劉團以殺其鋒此與前三年俄事異者也惟在宸衷獨斷決機速行小有利害不為動搖古訓有云兵者聖人不得已而用之今日用兵事非得已上可以告天祖下可以告海疆之百姓海外之友邦伏望 皇太后 皇上持以敬慎之心守以堅強

張文襄公全集

卷七 奏議七

六

之志破格以任賢節用以養兵時時存卧薪嘗膽之心汲汲為秣馬厲兵之計固邊圉而振國威正在今日臣睹此時勢憂憤填膺晉省偏僻見聞遲陋不揣迂闊效其涓埃以備聖明裁擇此國家大計並請救交廷臣迅速會議施行就中儻有干慮之一得幸不以數語之不當數事之不合而概棄置之大局幸甚不勝惶悚激切之至

法患未已不可罷兵摺

光緒九年十一月初一日

竊臣前經條上法越戰守事宜一疏正在繕發間適聞法人攻下越南甯西兩鎮援兵失利之報不勝憤懣焦

灼臣惟法人圖越窺滇中朝不能不自固邊境於是命滇桂兩路出師於是又命彭玉麟督辦廣東海防於是又照會各國陳說曲直明言用兵凡此皆常經正理然猶持重審慎而後出之以上三大端海內臣民無不欽頌欣愜以爲廟謨至當任用得人謀畫得策中華將士之氣爲之勃然奮興乃法人貪戾逞兵復陷北圻數城援師偶挫竊恐此時必有以撤兵棄越閉關息事之說動聖聽者臣竊以爲不可若果如此則前功盡棄而後患不可勝言矣夫夏秋以前中國僅爲劉永福聲援法人責言已多此兩月來中法之軍直已旗鼓相接殺傷

張文襄公全集

卷七

奏議七

五

大當法人恐我與越併力姑置不議將俟劉團已覆越地已定然後移兵來華逞其索費通滇之說此時不顯然與我樹敵者所以緩我之兵誤我之謀懈我之心而孤越之勢也今若棄越棄劉越必亡劉必破然而要求之舉萬不能免待至彼時毫無牽制從容來華挾兵恫喝既不言戰便須聽其兵船入口在廣則抵省城在津則過沽塘儻要求無狀欲允之則不能欲拒之則已入海口悔之何及乎夫既明知終有索費通滇之事則何如整軍鼓勇一戰於越再戰於廣萬一竟不能勝然後決之乎况桑合之敗不過偏師大軍未動北甯西省兩

鎮久爲法逼居民必已遷徙一空安知非官軍劉團見株守無益移就便地別爲掩擊之計乎此時諒山數鎮猶在三宣要隘猶在順化諸處之義兵紛紛四起而爲法梗法兵雖強而占地愈多去海愈遠處處須設戍兵節節須防後路亦斷無大隊長驅直叩滇桂邊關之理此時乘已戰之局藉劉團之助因越民之擾就陸戰之便與之縱橫奮擊安見不可終挫凶鋒且從來有防則必有戰有戰則不能無敗前代英主明將及近日削平髮捻諸勳臣當起兵討賊之初何嘗不敗迨土馬日精敵情日習遂奏成功法人屢敗於劉團何以不餒華兵

張文襄公全集

卷七

奏議七

三

素未與洋人交鋒初戰間有挫衄乃理之常必相搏數次然後曉所以破之之術况自九月以來華兵實已大勝兩次若聞一敗而輒沮敵未臨境而變計滇桂之大軍未集而罷兵不知數年來紛紛擾擾徵兵轉餉以供海防者果何爲也爲今之計惟有切懇 皇太后 皇上凝神定慮勿以忽遽失策嚴飭雲南廣西督撫協規合力厲兵決戰但期相機制敵其攻守動靜機宜萬望勿爲遙制迅催王德榜之軍出關以爲之助激勵劉團號召越眾若劉永福尙能自振即早定爲越南王以繫越人之心以奪法人之氣一面敕廣備戰救津備守其

餘海疆一律速治防具一切海防事宜詳具前疏伏望
俯賜裁擇就中用粵團以為兵借洋款以供餉尤為急
務法人見我確有鬪志軍雖敗而氣不衰必當逆計大
舉內犯之難深入要求之不易若其越廣兼擾則彼勢
分力單師老餉絀合水路之全力因粵民之眾怒大破
之可也即或相持不下亦必大小數十戰持之半年
俟彼實有悔禍之機再議息兵之事亦可也否則忽而
趣戰忽而罷兵將帥無所適從諸軍為之解體從此海
防一說皆屬空談豈惟一法恐東西洋各國皆將生心
矣臣深知時局艱難豈敢妄逞虛矯好兵之論誠以處

張文襄公全集

卷七 奏議七

三

此時勢有如騎虎不下惟有急急籌防庶可不致墮敵
計而貽後悔事機日急仰懇救下廷臣與臣前疏一併
迅速會議聽候

宸斷施行伏祈聖鑒

旨張之洞奏法費已成敬陳戰守事宜暨瀝陳不可罷
兵各一摺著軍機大臣總理各國事務衙門王大臣會
同妥議具奏欽此

越事關係大局請斷自宸衷片

光緒九年十一月初一日

再此舉關係大局固宜令廷臣會議以收集思廣益之
功然制勝之要則尤視聖心之定與不定耳從來舉大

事者必須毅然擔當不計小利小害乃能成功而兵事
為尤甚洋務為尤甚近年來洋務事體朝野多議樞廷
總署諸臣之過弱不免遇事遷就此皆未諒樞廷總署
諸臣之苦衷也恭親王兼領樞譯兩府 皇太后 皇
上倚任至篤虛衷疇咨事事取決夫洋人強橫中外所
知若稍有妨礙上不能免朝廷之責備下不能謝天下
之譏評故不得不格外慎重流於矜持多以息事為主
而 皇太后所以不肯遽然用武者則以聖主冲齡
慈闈聽政不能不過求萬全此又 皇太后不得已之
苦衷也 皇太后不肯力主用兵恭親王自不能不力

張文襄公全集

卷七 奏議七

三

保和局恭親王如此其他樞廷總署諸臣可知外省疆
臣更可知已夫敵人虎狼無厭而我執一不破和局之
見不遷就能乎至於遷就則廷議游移將帥觀望士卒
迷惑勿剛勿柔且前且卻事事顧慮處處受制譬如與
人角鬪既欲擊之又恐怒之雖授以常勝之兵無敵之
破亦必不能取勝矣伏思祖宗付託之重在聖躬即在
皇太后此外則惇親王恭親王醇親王國之懿親與同
休戚當此強鄰窺伺藩屬急難疆圉堪虞自宜赫然震
怒奮武籌邊事理當然並非中國開衅且中法已經開
仗矣華軍已屢殲法人矣接仗兩三次與夫接仗數十

次無甚區別也劉永福不過一粵人耳而屢敗法人滇桂諸軍亦曾獲勝是華兵可敵法兵之明驗也萬一屢戰不勝多索兵費若干萬亦不過多扣一年洋稅三四成而已卽他國亦欲均霑不過以合眾通商一策了之於我無甚出入也若戰而勝則越地可保兵費可免國勢可強夫必戰並無不測之虞罷兵則必受要挾之累利害相權豈有罷兵之理乎唐韓愈頌憲宗中興之功曰凡此大功惟斷乃成伏望 皇太后斷之於上召見三親王令其深思熟計贊於下聖意主之中外諸大臣謀之行之朝廷於樞臣總署諸臣但責其謀畫之盡心

張文襄公全集

卷七 奏議七

三

不盡心而不計敵之強弱於督撫將帥但責其戰之力不力而不可責其戰之勝敗不論一事之利鈍但論全局之得失夫然後上下内外文武軍民同秉此堅定之一心心定則氣壯氣壯則力果心定則神閒神閒則智出主餉主兵任謀任戰各竭其能各效其力十八省合爲一身南北洋聯爲一氣人謀旣和天道祐之誠能如是不必合天下之全力卽廣東省城之義民足以破法人而有餘矣臣區區愚誠睹此時事孔急不能不剴切上陳伏祈聖鑒

籌議京員津貼摺

光緒九年十一月十七日

本年四月戶部因言官條奏議以京員津貼令各省開提解外銷之款奏准咨行到晉當飭司道於藩鹽兩庫籌動外銷公款於八月內全數解訖咨明戶部在案竊惟京秩清約上軫皇慈此體恤羣臣之渥恩澄敘官方之本計至於籌津貼而不耗正款具見計臣苦心特是愚臣管窺以爲尙宜詳議何也京朝賢士大夫每自矜重此項但責以不報部之款便不能一一問所從來款目渾淪於受者有不安一也取給外銷情同仗助勢必省省發書年年告糴婉言敦趣略法言情以春秋之王人而特監河之分潤於政體有不肅二也無名巨款一

張文襄公全集

卷七 奏議七

三

且呈解雖出竭力措畫有如發其私藏於外省籌解者有不願三也部臣原定二十六萬之數已屬竭力搜羅然散之羣僚所增無幾不能贍其身家豈能如部臣所言繩以峻法於砥節勵廉之本意有不盡四也不特此也旣非庫帑難加考成創辦之始各省已未必踴躍爭先寢假而逾期寢假而缺額五年以後必減其半少給則朝廷爲口惠墊發則司農爲漏卮於筭度支者有不便五也議者或謂徑支正款最爲正大堂皇不思財用方艱諸務省嗇偏重一端殆難輕議臣竊本部臣維護正供之意更爲推闡而疏通之以爲欲使名正而用足

莫如作正開支欲加支款而不傷庫儲莫如指撥外款歸入正款內銷指撥之款有三一曰釐金取之奏案一成一日鹽務取之雜課一日關稅取之溢解查各省釐金皆有奏定外提一成以備本省公用其出款雖云外銷其入款實為內案不得與他項漫無稽考之外銷比若於此一成內酌提十分之二三合各省計已成鉅款按其報收之數可知一成之數無所推謝其原動此項者或刪減或改支聽該省自為籌畫此奏案一成之可指者也凡鹽務例設公項雜支皆取給於雜課名目甚多各省鹺政不同大致要當不違即以河東論年額雜

張文襄公全集

卷七 奏議七

三

課二十七萬餘兩例提二萬六千八百餘兩以充鹽官養廉部飯解費及一切額設紙硃票簿酒筵衣廩花紅棚廠等雜費庶吉士幫俸即出其中大約亦居雜課之一成若於此項外用不入撥之一成內亦提十分之二三而移其原動此款之輕緩者責令鹽道撙節另籌便可不勞而理此雜課之可指者也自去年飭下各關額外溢解當已陸續遵行夫昨甫責其溢解今又提其外銷稍嫌重出此項本在例定正額盈餘之外正可移充此用似可定一溢解之數即以爲津貼京員之數在司權者無大出入當可不致爲難此溢解之可指者也通

計各省關稅課鹽務釐金歲入三千餘萬核其一成應得三百餘萬就一成中提其十分之三多則百萬少可得九十萬十分之二亦可得六十萬即將此次之酌提定爲應解之常額惟釐額無準成數視其收數量分數批隨同京餉解部歸入正款核銷有餘者留備推廣之用斯則朝廷養士名正言昌取之有名稽之有籍身受者不怍督催者不難此法一行經久不做而於部臣原議不動帑項正供之意適相符合且爲數饒多數倍原派各員分給大可從豐假使每員以五百金牽算如部臣所擬一千四百員之數亦止需七十萬金所餘尙多

張文襄公全集

卷七 奏議七

三

既無窶貧內顧之憂必有國而忘家之報夫以國用歲出數千萬其耗於虛伍之餉精冗員之薪水有司之虧欠蠹吏之侵漁者不知凡幾若夫九重禁近之清班六曹政事之總匯苟可以激揚士風裨益治理雖多費帑金亦不當惜况乎籌之在正供以外取之僅十分之三不過量節溢支稍除中飽豈有合九海關十四大省八鹽運司道之全力而不能辦此者哉臣身處貧疆愧無理餉之策亦何樂建議以自困特以朝局所關今幸沛此非常之恩值此難逢之會不能不更爲之規美善而計久長在部臣自不肯存竭澤之心在疆臣宜深明無

外之義各省大吏諒有同心是否有當伏祈聖鑒
旨戶部議奏片併發欽此

請加翰詹科道津貼片 光緒九年十一月十七日

再查戶部原擬京員津貼之數自數十兩至二百餘兩止為數頗廉若以官品為差則翰林院編檢等官所得定當有限即科道較有增益而最優之數亦復無多竊維翰詹之官乃國家儲才之地必使譽望清重心力寬閒可以覃精稽古討論朝章講求經濟以備異日公卿之選且部曹尚有養廉飯銀印結費而翰詹無之若編檢居五品之班不得以階級論至於臺諫之職所司較

張文襄公全集

卷七 奏議七

三

繁費用較廣尤須峻其行檢養其風稜然後能正色糾繩無所瞻顧故翰詹職雖閒而用遠科道位不尊而責重惟此四項必宜加優計京官用度即十分刻苦日須一金歲有三百餘金始能勉強自給中贊以上員數不多計編檢約二百人科道八十人即每員歲給三百六十金所增不過十萬戶部原派不敷儘可加提如臣此次摺內所籌則更可加多可至五百金左右伏望敕部酌核從優定議至此四衙門加給之數無論定議時出之內銷出之外銷均屬易辦一聽部臣派撥三晉雖貧願比大省但使朝廷多得一賢才臺垣多抒一議論其

利亦已大矣合併附片上陳伏祈聖鑒

請明定報銷飯銀摺 光緒九年十一月十七日

竊惟雲南報銷一案因部費浩穰以致言官糾劾嚴旨按治計此案獲譴者內外大臣以及御史司員道府下至書吏凡三十餘人可謂近年大獄現經戶兵工等部嚴定章程通行各省內外官吏宜皆儆懼奉法特是微臣區區之愚尙不能無過慮者蓋人之好利非訓戒所能移吏之作奸非法令所能絕當此時天威甫霽爰書猶新各部大臣亦皆有振作求治之意或可暫為斂戢不旋踵而故智復萌矣緣錢糧事體最為繁碎繳繞款

張文襄公全集

卷七 奏議七

三

目不誤駁其法式出入不舛駁其月日或調查無干之案或飭造無用之冊苟欲吹索豈有窮期雖有精明之堂司亦難窮吏胥之伎倆迨至有意作難外省無從措手不予費則鉅款難銷欲予費則自干憲典將令外省何所適從且即欲予費而不浮不冒錢將安出筦度支者不亦難乎以臣所聞從前歷辦軍需凡有報銷即有部費特早年為數較少且風氣謹樸職官自愛惟部吏有之司官以上則未聞焉咸豐季年始有司員招物議者同治中年始有局外之京官選人居間分潤者至近三五年而肆濫極矣以多年大利之源一旦欲盡絕之

令職官從此不扞法網可也謂部吏從此不敢需索恐部臣亦未之敢信也臣愚以為馭胥吏之道與待士大夫異少恤其私然後可使不大潰吾法伏思各直省奏銷錢糧事件皆有例定飯銀開支公項即以山西論之如地丁奏銷有戶部飯銀一千七百五兩零大朔兩府糧石奏銷有戶部飯銀一百八十兩布政司交盤有戶部飯銀一千二百兩均於耗羨項下動支文武鄉場奏銷有戶部飯銀六十兩於科場經費正項下動支河東鹽課奏銷有戶部山東司飯銀六百兩於鹽引雜課項下動支朋馬奏銷有兵部飯銀一百六七十兩不等於

張文襄公全集 卷七 奏議七

元

朋合項下動支前人立法具有深心故年例奏銷不致格外挑剔亦無格外使費當日所以於軍需報銷未經議及者國家治安二百餘年征伐用兵事非恒有當時一案軍務既竣經手人員只了身事豈慮後來竊揆今日事勢以後海防邊備正宜經營防勇練軍未能驟罷豈得諱言兵事不為報銷籌一長策似不若明予體恤嚴定限制查山西舊額歲徵地丁銀三百二萬餘兩奏銷飯銀一千七百五兩零大較二千分之一今擬略準此數從優倍給定為千分之一每軍需善後報銷銀一萬兩解飯銀十兩約計此後各省銷案多者七八百萬

少者一二百萬飯銀不過一二千金至數千金而止尙不至駭人觀聽俟本案核准後照准銷之數核計飯銀於一月內解部既便核計且免嫌疑其案歸何部核銷者即解何部此項飯銀即在軍需本案湘平升平項下動支緣湘平一項現經戶部奏明行令扣提報撥此本係外間節省贏餘向不報部之款以充此用於庫款絕無所傷而有銷案即有升平籌款不難名義亦順以理推之如部議允行各省督撫統兵大臣殆無不樂從者如此辦理則部吏有紙筆辦公之資無從藉口其於銷案准駁當可洗心斂手帖然一聽堂司各官之所為儻

張文襄公全集 卷七 奏議七

三

再有藉端需索情弊經部臣言官暨外省督撫統兵大臣查出即行奏明重治其罪庶幾各部正直之大臣賢能之曹司可以執守新章不虞蠹擾秉公綜理得行其志而各直省有督兵理餉之責者亦不至棘手而為難內不索費則外不浮銷此亦理財節用之實際也

旨該部議奏欽此

年例物料請分別免解摺

光緒九年十一月十七日

竊惟晉省額解之物其大端有五曰鐵曰緇曰緇曰紙曰礮每年例解平鐵一批共八萬四百九十八斤好鐵四批共二十萬斤大路綱一批共三十四匹小路綱一批

共五十匹農桑絹一批共三百匹生素絹四批共一千二百匹遇閏加四十四匹呈文紙一批共四萬張毛頭紙一批共一百萬張硫磺一批共十萬斤各項物價運脚例皆動支地丁然價脚之不敷者數倍例款有限各官攤捐攤捐不敷行戶幫貼驟然繁費官民苦之臣於上年六月具疏瀝陳晉省苦累情形請免攤捐並請將平好鐵一項議給津貼均蒙恩旨允准在案至綢絹紙三項前請折價解部經戶部工部內務府議覆仍令照舊造辦並准工部疊次催解硫磺前來查以上各宗物料在物產豐盈之時價廉工省尙以勞費無度以致累年

張文襄公全集

卷七 奏議七

三

均有積欠大履以後官吏工商無不大困欠解愈多自臣抵晉極力經營籌專款設專局選擇廉幹之員釐剔弊端盡除冗費甘爲怨府力任其難計自上年正月至本年十一月共籌解平鐵二批好鐵十六批大潞綢二批小潞綢二批農桑絹二批生素絹八批呈文紙二批毛頭紙二批硫磺三批除臣任內兩年所解已足兩年之數外并爲補解鐵礦紙十批論晉省之物力實已竭盡無餘然通計從前積欠截至光緒九年除戶部議免光緒三四五等年平好鐵十五批外尙有未解平鐵一批好鐵四十四批大潞綢四批小潞綢四批農桑絹十

一批生素絹三十二批呈文紙六批毛頭紙十三批硫磺三批就此欠數合而計之例價例脚之應動地丁者共需銀一十萬六千六百餘兩幫價幫脚之應出攤捐者共需銀三十萬七千六百餘兩若必一一補解不惟攤捐已裁幫費無從取辦卽例應正動地丁之款爲數亦逾十萬庫儲未免大傷伏思以上數端但使年額無虧自可不闕於用而各物又皆由庫款購辦而來非如官民逋欠錢糧多追一分於帑藏有一分之益今當度支匱乏之秋若耗捐重金以求府庫充物積此纍纍不急之需輻輳轉輸致此陳陳相因之物似爲非計况攤

張文襄公全集

卷七 奏議七

三

捐所自來自府州以至佐雜無不有之查欠此攤捐者遠近二十年外大小五百餘員或已物故或已叅劾或已離省在晉者什不存一凡欠解攤款於例不能參追卽使追呼亦終無濟至於工少商疲行戶乏絕更不待言如此時而欲追集此三十萬之攤款竊恐難以劉晏之才商鞅之法亦必有所不能徒令官吏愁歎文牘繁滋亦非所以修吏治而存政體也臣審度時勢綜核盈虛惟有畫分新陳區別緩急查潞綢爲典禮之用硫磺乃軍必所資無論晉省如何竭蹶亦實新陳併辦擬自光緒十年爲始每年辦解本年大小潞綢硫磺各一批

並搭解舊欠各一批至鐵絹紙三項質既重滯數更浩繁質重則轉運艱數繁則工費大正款既鉅攤幫尤多今方仰沐聖慈掃除積弊官民交慶喘息稍舒若此三項亦責以新陳併辦舊攤既不能追收新攤又不便科派如此鉅款籌措何從且歷來部檄敦趣責舊則移新責新則遺舊以致貽此鉅累牽搭拖延永無廓清之日此等辦法原可掩飾一時但事理既有所不可微臣愚拙之性亦有所不為不得不瀝誠呼籲量請裁免合無仰懇天恩俯念晉省彫敝之區公私交困准將同治三年分起至光緒八年分止欠解各批平鐵好鐵農桑絹

張文襄公全集

卷七 奏議七

三

生素絹呈文紙毛頭紙概予免解俾臣得以專力於額運年清年款斷不至再有所虧即按年認解之潞綱疏礦新陳各一批亦可兼籌無誤庶幾庫儲既節額運亦清官累既紓民困亦減種種均有裨益出自逾格鴻慈理合繕摺具奏伏祈聖鑒

旨該衙門議奏欽此

太汾兩府試行潞鹽片 光緒九年十一月十七日

再河東鹽務積累滯引太多課虧餉絀催西餉則文移火急責奏銷則部限森嚴推究本省潞引不銷之故則由於蒙鹽違例水運浸灌潞綱延及平陽潞澤等府霍

隰等州不復知有違禁越界之事經臣申明定例嚴飭沿河官吏咨會陝甘兩省曉諭商販令其照例水運至皇甫川為止查定例蒙鹽陸運至晉者止准由殺虎口入邊今查殺虎口一路程途稍覺紆迴運銷蒙鹽既有益於商販亦有裨於外藩因擬酌量從寬如有陸運入晉者除殺虎口外准其由皇甫川對岸之河曲縣渡河登岸陸運至向銷蒙鹽之口內外三十四廳州縣地面行銷其向行土鹽引之陽曲等三十州縣亦准照舊兼銷不准任意再由皇甫川下駛惟太汾兩府為晉省南北適中之地又為蒙潞各鹽接界之區該兩府本係例

張文襄公全集

卷七 奏議七

三

定土鹽引地因土鹽味劣產少民食每多不敷嘉慶十七年部議責令潞商承辦吉鹽六十四廳州縣引岸而潞商不願兼辦是以當時權宜辦法聽其兼食蒙鹽體察今日情形若僅聽蒙鹽兼銷而不兼銷潞引必不能杜蒙私南路之浸灌而護潞岸切近之藩籬且查吉蘭泰引課六萬二千五百餘兩先係潞商代完以後改歸全綱攤認是吉池銷無課之鹽潞綱賠無鹽之課事理不平莫此為甚况充斥潞岸之蒙鹽多倫諾爾蘇尼特烏珠穆沁浩齊特花馬池各處所產皆有更非獨舊引有名之吉蘭泰一種而已也因飭河東道酌提潞綱積

引配鹽轉運分赴汾州府屬之汾陽平遙介休孝義太原府屬之陽曲太原徐溝文水榆次太谷祁縣等十一縣試辦行銷以輔土鹽蒙鹽之不足價值務令減於蒙鹽至土鹽仍聽民淋曬蒙鹽仍聽民運售民間願食河鹽悉聽其便不准絲毫抑勒據護理河東道黃照臨體察籌議稟請試辦前來除飭委本任河東道高崇基督辦省城總運局該護道督辦河東發運局會同籌辦外理合附片具陳伏祈聖鑒
旨戶部知道欽此

陳明禁種鴉粟情形摺

光緒九年十二月十二日

張文襄公全集

卷七 奏議七

五

竊維栽種鴉粟耗民元氣各省患之晉爲尤甚欲振中國之貧弱必以此爲大端臣於上年六月奏奉諭旨嚴禁當經通飭各屬實力奉行刊布告示開陳利害禍福行之以漸動之以誠與農民約今年不得再種即以栽種之有無定地方官之功過痛切告戒至再至三惟小民嗜利忘害狃於積習兼以從前示禁非朝令夕更旋禁旋輟卽地方官吏賄庇優容以故官民習慣視爲具文今欲革歷年銅習非痛加拔除不可欲使通省廓清非首先攻堅不可查晉省種煙最盛之地南爲交城北爲代州交土代土之名聞於鄰省而交城尤爲之冠於

是迭飭印委員弁先赴交城分查互勘窮數日之力徧歷谿谷不避幽險其間東西壺盧峪地如其名素爲種煙淵藪民俗較悍號稱難治亦復一莖不留其查代州亦如之各屬民戶以交城代州之多且難猶然禁斷每有間風自毀改種秋禾者各牧令亦俱踴躍奉行順流而下並令地方官各視土宜教之種桑種棉種麻種藍種黃種菜子種花生以敵其利其極苦貧民婦老無依者酌給籽種以濟其窮其恃賄豪民刁頑客戶紳庇兵包者嚴提責懲以儆其餘其紳士社長勸導有方者匾額花紅以旌其善屢次明察密訪考之紳商士民合通

張文襄公全集

卷七 奏議七

五

省計之南交北代一律淨絕其餘廳州縣南濱黃河北抵邊外或什去八九或什去六七通省多少牽算實已禁除十分之八查沿邊各釐務外來藥稅較旺於前則以進貨之多可知土產之少省城戒煙局就醫購藥絡繹不絕則以吸食之少可知禁除之多果能從此廢續而行大吏有司同心竭力持之不變三年以後可期此害永除嘗考向來倡爲鴉粟不宜禁之說者不曰違抗滋事卽曰錢糧難完甚則曰於民有益勿奪其利今臣行之一年但有偷延絕無梗抗但有官吏所不到絕無百姓之不從兩忙錢糧輸將如故至交城產煙最盛之

鄉經印委剴切開導鄉民咸謂歷年有煙無穀每村必有客民開設小舖轉販外來雜糧以供本村賒貸收漿以後盡數取償且種易吸多全家鳩鵠藍縷利歸外販害中本鄉此次禁除深知於眾小民有益悔恨感發至於泣下可見民雖愚而可勸習雖久而能移所以向來不辦者不過大吏畏難有司好利天下與利除弊為難之通患大率類此現屆冬令又值曩時播種之候已由臣重頒告示再申厲禁以期逐漸廓清由勉強而馴至自然查督辦重大事務出力例得獎敘晉省查禁鴉粟乃奉旨飭辦之件關係通省民生風俗且力破錮習辦

張文襄公全集

卷七 奏議七

三

理尤難不有勸懲何以責效除私受畝稅之前署石樓縣知縣汪恩湛另案奏參外所有光緒九年分督查鴉粟殫心竭力之雁平道廣蔭應請旨交部議敘其地方情形難辦查禁尤為出力著有成效之交城縣知縣賈成霖河曲縣知縣徐永吉代理岢嵐州知州馬汝良應請旨交部從優議敘其辦理得法著有成效之署屯留縣知縣張建功署興縣知縣艾紹濂陽曲縣知縣錫良署高平縣知縣李義銘朔州知州姚官澄應請旨交部議敘其初辦較緩經本管道督查旋經力禁之署代州直隸州知州余振芳應飭司記功一次其承辦不力之

永甯州知州賀澍恩靜樂縣知縣李兆勳應請旨摘去頂戴勒限明年認真禁斷如再有遺柁即行嚴參報禁不實之垣曲縣知縣趙錫恩趙城縣知縣王燿章絳縣知縣劉斌失察丁役縱庇之五臺縣知縣王步墀應請旨撤任責令幫同各縣查禁如仍不出力即行開缺其玩禁捏報辦理不善之故交村巡檢朱維篤應請旨即行革職其餘次等出力及疎懈各員由臣分別給予外獎飭司記功記過以示勸懲臣為正吏治而除民害起見是否有當伏祈聖鑒

旨著照所請該部知道欽此

張文襄公全集

卷七 奏議七

三

張文襄公全集卷七終

崇仁黃維翰校

張文襄公全集卷八

奏議八

清查庫款完竣摺 光緒九年十二月二十日

光緒八年八月初八日奉上諭張之洞奏晉省庫款陳
緒太紛漏卮太鉅請設局勒限清查一摺山西歷年以
來司庫出入款目久未清理皆由軍需善後交代各案
弊混太多亟應澈底清查以重庫款該撫現議劃清籌
墊刪除濫支禁止撥抵釐正借動稽核隱匿所籌甚為
詳盡即著張之洞責成該藩司等督飭局員認真稽核
迅將積年款項一律勒限清釐毋任稍有含混儻敢諉

張文襄公全集 卷八 奏議八

延即將該官吏嚴行參辦欽此當經臣詳立章程督飭
清源局司道遴派各員分承趕辦竊惟晉省庫款不清
歷年久遠官員屢代老吏稀存檔案糾紛簿籍多闕惟
有就現在案據首尾兼綜彼此參稽據道光二十九年
清查詳於州縣之虧短而略於司庫之盈虛咸豐二年
清查原議將借款歸還而隨還隨借迄未釐清於是督
飭局員自向司房故牘中澈底蒐索數日檢得道光二
十八年舊案印摺一分開列是年十二月二十六日應
存數目甚為詳晰與是年年底冊籍核對相符應即以
是日實存之數為此案清查之根由此逐年遞推截至

光緒八年十二月底止每一款分立一簿每一員分任
數門務使本款一綫相承各款符節密合於是紛者就
理闕者仍完底數既清馭之以法其大要有七一曰區
分內外力護內款嚴剔外銷提收寄儲之正供索還攤
捐之司墊以馭公私之雜糅一曰墊款正銷以例准之
正用除虛存之陳款以馭羸絀之兩歧一曰借款尋源
層遞過撥各歸其根以馭虛實之混淆一曰勒清撥款
各屬抵解勒限畫清責之委員不假吏手以馭交案之
虛懸一曰更正借撥兵差長餘不准通融以馭官虧之
取巧一曰先結另支候領之款已充正用月前權作開

張文襄公全集 卷八 奏議八

支日後另議籌發以馭雜案之葛藤一曰核刪庫債庫
內之外墊不必償庫外之陳欠不必發以馭積年之漏
卮七法既立實數乃見通計舊管銀二百一十八萬四
千七百三十一兩零凡上屆清查所存之正雜錢糧扣
成減平捐輸扣存節省各項皆在焉新收銀一萬五千
五百二十三萬五千七百二十六兩零凡節年正收之
丁耗課稅成平捐釐扣節雜款凡節年續收之各屬正
雜款各官例賠款司庫扣收款平糶穀價緩買寄儲款
兵米豆價糶剩曠餘款凡本年續收之提回追繳各款
凡節年接收之道廳州縣墊辦兵差軍需准銷應抵各

款皆在焉開除銀一萬五千八百二十一萬六百七十三兩零凡節年正支之軍需京協餉本省例支各款凡循例暫行借支之年例應發各款凡第一第二第三等案軍需歷年京餉歷年例支光緒三四等年例支因災蠲免此四項借支之正雜款凡第三案軍需歷年京協餉光緒三四等年額餉例支因災蠲免此四項借支之地方善後款凡第一二三案軍需第四案營務善後歷年京協餉塔城換防此四項借支之外銷款凡第三案軍需欠發之歸綏墊餉各廳腰撥第四案營務善後欠發之各廳腰撥皆在焉綜計不敷之數若將庫存現銀作

張文襄公全集

卷八 奏議八

三

爲儘數抵還墊欠應不敷銀七十九萬二千一百一十五兩零今將庫內現銀留存緩還墊欠尙有銀七十二萬八千九百八十七兩零則是應不敷銀一百五十一萬九千二百二兩零內除借動地方善後一款一百一萬五千六百四十兩零本係各省義民善士零星捐賑之款專爲濟助晉民之用奏借需還核准有案現當培養地方要政孔多未便刪除應歸從容籌還外今將歷年積欠軍需防餉或係司庫籌借外款或係各屬各營墊辦未領雖經戶部推銷有案一概勾除明白立案不還不發計刪除銀五十萬三千五百六十二兩零實在存庫

銀七十二萬八千九百八十七兩零凡八年十二月庫儲報撥正雜各款皆在焉蓋較之八年底原報庫儲之數增多實銀七萬有奇銷去欠帳五十萬有奇從此晉省藩庫除應還地方善後一端之外脫然無累更無負債糾纏之憂無論存多存少滴滴歸源亦無名存實亡之弊官不能蝕吏不能欺數十年塵蕪絲棼之累一舉而廓清之以後設立會計簿爲歲會月要之法撫臣知其綱藩司知其目部臣知其數可以隨時句稽永遠循守據清源局司道詳請具奏前來臣惟此案數逾一萬五千萬閱時三十有三年事體實爲繁重自開辦以至

張文襄公全集

卷八 奏議八

四

藏事局中司道及正佐委員鈎索核正備極艱辛局無曠員日無曠晷臣才性迂鈍於會計素非所習不得不殫心苦思反覆研求期無舛誤謹將四柱總數辦法大指撮要奏陳其各案原委諸款門目附繕清單恭呈御覽其逐案底據分款細數另造細冊咨送戶部再此案本擬早日辦竣因戶部催辦營務善後報銷與庫款相爲出入故清查截止之期亦應截至八年十二月底止前經奏請展限與報銷同時告竣奉旨允准茲報銷甫竣是以同時具奏合併聲明

旨戶部知道單併發欽此

報銷營務善後用款摺 光緒九年十二月二十日

竊臣前准戶部咨議覆御史梁俊等奏軍需善後報銷內外辦法一摺令將凡從前未經奏明兵勇數目營制員弁薪水口糧軍火雜用等項統限三箇月奏明報部不准於奏銷後補報光緒八年八月以前未經報銷各案向來開單者截至光緒八年十二月止照舊開單等因查晉省光緒五年十二月以前軍需用款業經前撫臣開單報銷其自光緒六年正月起留防兵勇營制餉章等項經臣考核詳悉奏明立案復以晉省賑務餘款向來名曰善後將來尚須專辦善後報銷若軍需事體

張文襄公全集

卷八

奏議八

五

亦名善後無從分析是以奏請將辦理民事動用善後款者即稱地方善後報銷辦理兵事動用地丁正雜款者即稱營務善後報銷奉旨允准在案茲據清源局司道詳稱晉省第四案營務善後用款自光緒六年正月初一日起至八年十二月底止留防各營兵勇應支薪公口糧津貼添設口外各廳腰撥應需夫馬工料以及文武委員薪水局費役食製造采運雜支等項按照章程詳細核算共用銀一百一十二萬八千一百二十九兩零均係實用實銷毫無浮冒計收地丁等款銀一百五萬四千一百七十七兩尚不敷銀七萬二千九百五

十二兩零內有墊用司庫外銷款銀五萬四千六百二十九兩零又欠發各廳腰撥銀一萬六千四百五十六兩零又欠發運脚地租銀二千八百六十六兩零皆係各廳州縣墊辦分別開列清單詳請具奏前來臣查報銷款目易滋冒濫自部臣定稽核之法刊畫一之章但能內外同守範圍自可無虞弊混此次辦理第四案報銷適值清查庫款事相表裏凡一應動用款目臣督飭司道及在局各員悉心句稽必詳必慎臣覆加綜核稍軼部章者駁刪案據未的者覆查今奏報之數款款確實毫無浮濫其不敷數內墊用外銷款銀五萬四千六

張文襄公全集

卷八

奏議八

六

百餘兩並各廳未領腰撥五成銀八千二百餘兩臣有理餉之責自不得力求節用之方已於清查案內列入刪除不再籌還籌發即刪剩之五成腰撥暨運脚地租共銀一萬一千九十四兩零亦止准列抵本任交代欠款不發現銀以示限制再此案因款目繁多明算人少同時辦理清查止此數員復經臣屢次駁減覆核是以具奏稍遲合併聲明

旨該部知道單併發欽此

覆奏捐工各員並無劣蹟摺 光緒九年十二月二十一日
竊臣欽奉寄諭有人奏該省道府同通等三十餘員捐

辦工程該撫請免開銜名以全廉恥辦理贍徇等語此項捐銀各員仍著該撫查明有無劣蹟據實覆奏毋稍徇隱原摺片著抄給閱看等因欽此查晉省劣蹟昭著各員經臣節次參撤驅逐離省九月二十九日覆奏查辦葆亨等濫發贖銷一疏內業經陳明在案即工程局用等項糜費濫支過甚者已均在劾逐之中此項捐辦貢院工程各員自係別無劣蹟徒以薪水津貼不免浮多而究其所謂浮多者皆由藩司議發撫臣批准絕非該員等冒領擅動之款若論其咎當在上司是應參者已參該員等並不在應參之列因臣既劾治葆亨等日

張文襄公全集

卷八 奏議八

七

以砥礪廉隅申儆羣吏該員等爭自濯磨欲藉報捐自明心跡臣察其尙知愧勵是以收其捐款附片奏聞原片內復經聲明除參故離省外等語十月初六日奉旨知道了欽此其覆奏查辦葆亨等正摺內尙有參劾拏辦之入摺尾仰懇聖恩此後於晉省官吏但責實政不究前失同日欽奉寄諭晉省吏治亟宜大加整頓以肅官方其從前鑽營助惡各員業經張之洞先後參撤驅逐離省此後仍著該撫隨時董戒通飭所屬砥礪廉隅奉公守法儻敢再蹈前轍即行從嚴參辦所請將晉省舊案從此清結於該省官吏不復追究前失之處即著

照所請行等因欽此是朝廷亦已鑒其並無重情許其補過且上年六月十二日初次參劾葆亨等一疏內即經奏明此外各局員懇恩免其深究當即欽奉諭旨此案臣此次之奏請分別懲辦完結不究前失乃係遵旨辦理今言者並不知臣在晉劾逐幾人既未見臣此次查辦正摺亦未見十月初六日聖上恩旨復不看明臣原片文義另有參故離省之員而概以應參者屬之此項捐工之員豈能有當於事實乎夫顯著劣蹟者已加嚴懲而僅蒙濫惠者亦須捐繳此可謂極力從嚴充類至盡之辦法正所以飭簠簋而澄吏治原奏乃謂簠簋

張文襄公全集

卷八 奏議八

八

不飭恃以無恐吏治之壞伊於何底抑何其深文巧詆如此也竊惟晉省自大禘以來法紀廢壞貪蠹成風誠爲可恨然而各種弊端各員罪狀民間無一紙之告發言路無一疏之究彈歷任撫臣無一款之參辦事隔四五年官經三任微臣到晉既無隨員亦無幕友官皆舊日在事之官案皆彌縫無迹之案冥心鉤索百計參稽於是舉發於是嚴劾於是窮治追繳計有關善後各案遣戍參劾者兩年來自藩司以至州縣十有餘員查出奏明者善後未奏之款三十八萬餘兩提回追繳者九萬六千餘兩拏辦逮平家丁監追及平商賈蓋微臣之力

止於此而國家之法亦止於此今言者乃謂臣為消弭
謂臣為瞻徇此則臣之愚昧反覆思索而不得其解者
也溯當臣查辦諸事之始規臣者曰疾惡太嚴不勝其
怨勸臣者曰剔弊太盡不勝其勞諷臣者曰今日居官
祇宜見事辦事各管各任若追究前任陳案是謂自生
荆棘慎勿自尋煩苦然而臣一秉愚誠不知其他所辦
諸事是否消弭瞻徇今日山西吏治是否較從前日見
其壞聖明自有天鑒天下自有公評臣仰體皇仁略知
治體竊以為鷹鷂鸞鳳道各有宜大惡加以罪謫中材
施以教化人材乃奮政事乃成且大臣法則小臣廉乃

張文襄公全集

卷八 奏議八

九

經傳昭垂不易之理臣身為大吏故嘗厚責大員而薄
責下僚若刻深株連糾纏不已世間豈復有清結之舊
案一省豈復有可用之屬員合無仰懇天恩將臣九月
二十九日查辦葆亨等一疏付之邱抄並十月初六日
所奉恩旨宣示中外以釋臆說而息苛論不勝惶悚感
幸之至

旨知道了欽此

口外編籍無礙游牧摺

光緒十年二月二十六日

竊臣接准綏遠城將軍豐紳歸化城副都統奎英來咨
具奏土默特界內歸化五廳寄居編籍勢必占礙該旗

游牧擬請各廳體制復舊勿編民籍一摺抄奏咨會到
臣當即飛飭布政使奎斌歸綏道阿克達春詳切查覆
去後茲據奎斌稟稱遵查七廳議編戶籍原以種地客
民生齒日繁故就邊外原有民人編戶立籍原有田地
清畝立册既非招內地之民添移邊外亦非使邊外之
民另占蒙地清其根柢定其法制將來增丁減口有籍
可稽奪地逃糧有册可考可以詰奸究可以禁侵占不
使如前之漫無稽查於游牧何礙前請編查戶籍實與
該將軍等所引雍正十二年理藩院奏准設立牌甲之
意正相符合今該旗以民蒙雜居則相安編籍則有礙

張文襄公全集

卷八 奏議八

十

豈雜居足以禁侵占盜賣一經編籍反無以禁之如此
持論誠不可以理測窺其不願之隱所謂慌懼者非懼
客民占其地實懼蒙官失其權耳從前歸化等五廳蒙
民交涉命盜重案及有關徒罪以上之案例有土默特
蒙員會審尋常詞訟向歸廳員自理並無會審明文近
來無論地土錢債細故一經在廳涉訟蒙古即赴副都
統衙門具呈該衙門不問事之大小即委蒙員會審其
輿訟也多係典荒奪熟逐佃增租有利則徇無利則
驅逐恣意營私已非一日今知改設廳制恐難施其故
智此不願之在蒙員者也各處副都統於地方公事例

不干預而歸化五廳向有交涉事件儼然盡屬管轄遇有商民事務副都統亦出示曉諭一經改制慮失攬越之權此又不便之在副都統者也軍興以後五方游民雜居其間強悍漸形土客混淆殊非所宜目前編籍清賦實足綏邊弭患乃庸常淺識見不及此上下謬執殊難理解該藩司去歲奉檄查邊悉心體察各廳編查戶籍係屬地方要政且與土默特蒙古毫無妨礙該蒙古安居自適初不知改設爲何事焉有無故慌懼之理此不過無知蒙員造言生事意在阻撓合將慌懼實非出自蒙情編籍不致有礙游牧各情形查明稟覆等語又

張文襄公全集

卷八

奏議八

十一

據阿克達春稟稱查歸化等廳之在土默特地面與直隸張獨多等廳之在察哈爾地面情形稍有不同者察哈爾蒙古在本朝已編隸八旗而土默特蒙古自命外藩欲私分土故邊制更難於措手溯查土默特蒙部明季時實已爲察哈爾林丹漢所襲滅其部人或役屬於察罕或逃匿於他處我朝天聰年間大軍征破察哈爾進師歸化城林丹漢由歸化城西遁土默特頭目等始得集眾投誠我朝興滅繼絕令其仍居土默特游牧復其前明順義王封爵未幾該蒙人有與明邊將通謀欲邀截大兵歸路遂執其王削其爵因分土默特爲

兩翼而以投誠兩頭目世襲二都統分統之嗣後裁併爲一副都統又改爲由京簡放當土默特投誠時地已非其所有而該參領等尙謂帶地投誠一若不知其地爲我朝賞還之地觀其所稱我朝定鼎分界邊牆各守各土不容越占等語殊有乖於普天王土之義至其所虞民人一編戶籍卽成土著必致占蒙古之牧地礙蒙古之生計則有必不然者查土默特部附近邊內其服食起居竟與內地人民無異漸至惰窳成性有地而不習耕芸無畜而難爲孳牧惟賴民人租種其地彼纔有糧可食有租可用故現在該蒙古以耕牧爲生者十之

張文襄公全集

卷八

奏議八

十二

二三藉租課爲生者十之七八至該旗所謂游牧地戶口地者自康熙年間以來久已陸續租給民人以田以宅二百年於茲矣該民人等久已長其子孫成其村落各廳民戶何止煙火萬家此等寄民卽不編籍亦成土著歷年旣久寄民漸多迨同治年間因陝甘回氛不靖口外勦防喫緊各軍有在此駐扎者有由此經過者迄今遺勇尙多在雍正年間寄民尙少之時僅止設立牌甲已足稽查邊氓而近來寄民之久居者益多若僅設立牌甲而不爲編定戶籍則人無定名籍無定戶土客混淆而莫辨賦役散亂而難稽欲施治理誠難措手現

定編籍章程亦無非就各廳原有之民人查明戶口編立冊籍且所編既名爲戶籍則籍內亦止編戶口本與地上不相關涉況蒙地例准民租不准民買民人雖編定戶籍地土則仍屬蒙古嗣後蒙古所留爲牧廠者蒙古若不租給民人人民人焉能占及牧地且民人之編戶籍亦與蒙古之比丁冊無異蒙古比丁有年初不聞生齒日繁將民人擠回口裏民人編籍以後亦何至人稠地窄將蒙古擠往後山況邊外寄民若不編定戶籍則現在者既漫無稽考未來者更漫無限制不但有人滿之患且恐盜賊竊發蒙民械鬪釁皆由此而起若一編

張文襄公全集

卷八 奏議八

七

戶籍良民之有業者方能編收入籍游民之無籍者亦即可驅逐出境並將後來寄民定有入籍年分則續來者亦有限制庶客民不至麇集蒙地亦無慮鳩居而且戶籍既編則客土分而良莠易別盜賊息而蒙民皆安乃反謂不編籍則雜居尚可相安一編籍則闔旗無不慌懼此理甚不可解至於著籍之戶或有滋事之人輕則查明原籍遞回管束重則徒流軍遣國有常刑當不慮滋事難逐一登天府之版圖卽成莠民之淵藪也至沿邊州縣如晉省之保德州河曲偏關等縣亦皆有會審蒙民交涉事件該州縣不但印文內並無管理蒙古

字樣卽官衙內未必有加理事衙明文然蒙古不能不服其訊斷者以國家自有成例也況我朝制度凡理事官員皆能管旗民蒙民各交涉事件並不在乎印文內有無管理旗蒙字樣卽如綏遠城將軍印文並無管轄駐防旗人字樣歸化城副都統印文亦無管轄土默特蒙古字樣若必將管轄事件逐一鑄入印章恐數寸篆文殊難一一駭載矣總之廳員雖改撫民印文雖經改鑄而撫民同通仍請加有理事衙業經奏明在案該蒙古若恪遵朝廷定制 皇上諭旨交涉事件斷不至難於辦理等情先後稟覆請奏前來臣查口外七廳因歷

張文襄公全集

卷八 奏議八

七

年吏治不修邊政廢弛深恐藪匪養癰蒙民不能綏緝是以奏請改爲撫民同通奉旨允准後復飭藩臬兩司歸綏雁平兩道籌議未盡事宜因阿克達春久任塞外奎斌熟悉邊情特飭該道詳擬條目該藩司親往體察奎斌周歷回省後據稱目前改章整飭眾情帖然欣欣望治臣覆加察核兼考諸歷任邊外各員始行陳列十二條於上年九月二十九日奏請敕議施行茲閱豐紳等鈔奏實深駭異查戶籍三等之外里甲不具保結者卽行驅逐遞籍並議編造牌冊分別良莠此臣原奏之第五條也清界限察蒙情使蒙無失牧之憂此臣原奏

之第六條也臣仰體朝廷一視同仁之義綏邊弭患之規現在辦法皆民蒙兩益之事編籍一條正是原本雍正年間奏准設立牌甲舊章辦理既非遷內地流民以實邊方亦非使現有客民另占蒙地夫大青山以南歸化城以東以西延袤數千里西漢元朔以來久為郡縣即定襄雲中五原三郡之境況以國家休養生聚二百餘年士農工商數十萬戶斷無驅還口內之理著籍與否於蒙古生計何干若如所奏則是土客淆雜轉可相安法制井然反生疑慮臣愚思之良所未解竊惟遼瀋以北吉林以東乃聖朝龍興豐鎬之地今皆編有民籍

張文襄公全集

卷八

奏議八

五

版冊蕃庶學校莘莘豈土默特一區便應自為風氣至摺尾所請體制復舊一條尤近枝蔓考七廳規制祖宗以來屢有變通無非因時制宜日臻美備土默特初設蒙古世襲副都統繼改為由京簡放副都統並設常駐將軍七廳初設協理筆帖式繼改為通判繼又改為同知繼又增設歸綏道若必復舊而後可然則將盡罷將軍副都統一切文武各官仍復世襲副都統蒙部乃能安居乎茲據奎斌阿克達春先後查明稟覆各節甚為明晰淺顯總之因編戶籍而侵奪牧產實無此理因改撫民而蒙眾慌懼實無其事相應據實奏陳仰懇敕部

仍照臣前奏各條迅速議覆以便遵行
目前據豐紳等奏業經戶部議覆仍著該撫等妥商具奏該部知道欽此

密陳奎英阻撓邊事片

光緒十年三月二十七日

再臣疊據歸綏道阿克達春密稟並閱該道致布政使奎斌密函據稱歸化城副都統奎英於地方公事多有意見往往愚弄商民離間同城文武且搖惑從前駐紮之卓勝直字等營別生枝節民蒙交涉之事爭控之案一味偏袒即如清丈糧地原為社民累而裕兵食乃亦以恐被侵占為詞逞其私見平時徇庇蒙古阻撓地方

張文襄公全集

卷八

奏議八

六

本非一端亦非一日尤可奇者七廳改設民蒙安帖初無異詞當土默特比丁之期各蒙古齊集副都統衙門比造丁冊忽有謠言欲將土默特蒙古徙往伊犁安插空出蒙地全行入官一時街談巷議甚屬支離隨經該道飭令歸化廳同知謙吉訪拏惑眾之人始得寢息詳細訪察其言實出自副都統衙門等語當臣飭議邊政時風聞該副都統意欲從中梗阻而又未便獨出已見遽然形諸公牘遂授意所屬各參領令聯名具稟當為據稟照轉約將軍豐紳會奏因豐紳未肯遽允延擱至今茲閱原奏徵以所聞該副都統之欲阻撓邊事已屬

信而有徵竊思邊地蒙眾性情質樸尙不致爲煽惑惟當各廳求治方殷若遇事掣肘必致有妨治理聞該副都統因臣前奏七廳改制未與會銜意甚不悅故爾設法阻撓伏思七廳同通改理事人員爲滿漢兼用此乃關繫地方官缺項選補之事於蒙部無涉更於將軍副都統無涉例無會銜之理況直隸奏改張獨多三廳事宜亦不聞會及察哈爾熱河都統之銜乃該副都統藉此爲詞實則止如奎斌所稟深恐蒙官失權不能遇事攙越之故因是動輒爲難凡查禁罌粟籌辦兵精於關繫民人事件無不從中攙越初猶以爲畛域之見未泯

張文襄公全集

卷八 奏議八

七

竟不料其罔識大體一至於此也當此邊務方殷之際似此不知大體動發不根之言人地似不相宜將軍豐紳性情質厚不過爲所牽制尙無成見所有副都統奎英有意阻撓七廳吏治民事礙難辦理情形理合據實密陳伏候聖裁

旨留中欽此

籌改營制摺並單

光緒十年四月初七日

竊維綠營積弊無可挽回勇營餉章營制均勝綠兵而其病在隨將領爲去留不與地方相維繫且不習風土亦往往有遷地弗良之時是以臣於光緒八年六月十

二日條奏晉省事宜疏內卽經議有練主兵一條嗣於八年十二月二十六日奉上諭兵部奏請飭裁各省防勇確覈兵額以節餉需一摺前因各省辦理軍務於制兵之外添募勇丁疊經諭令裁減現在各省尙存防勇二十餘萬歲需餉項爲數甚鉅不可不力圖撙節如該部所稱各該省制兵缺額數目並將現存兵丁汰去老弱廢疾或再酌裁汰鋪其原缺與現裁兵額悉擇防勇之精壯者挑補仿直隸章程作爲練軍其餘設法裁撤自係爲節省餉需補救時艱起見著該大臣督撫等各就該省情形悉心酌度奏明辦理等因欽此仰見聖明

張文襄公全集

卷八 奏議八

六

整飭武備因時變通之至意臣遵奉諭旨謹將邊腹地形營制詳加審察與司道等暨太原大同兩鎮總兵往復籌商規畫略具擬將通省綠兵減額加餉一律改爲練軍大率參制兵勇營之制而用之取勇營之簡易參以制兵之持久化饑爲飽化繁爲簡化散爲整化板爲活惟歷考湘淮營制及直隸練軍餉章擇其最儉者已三倍於綠兵餉額縱使本省兵額甚寬亦斷不能裁三並一未見精進之功先貽空虛之患是練兵與節餉二者斷難並行臣既慮武備之不修復慮餉需之難繼不得已建爲二議惟聖明采擇焉查晉省兵額合省標兩

鎮共二萬一千七百六十七人馬兵居七分之一今擬通省口內口外共設四軍撫臣兼提督為一軍太原大同兩鎮各統一軍口外七廳跨有漠南數千里東涉察哈爾西界河套北盡大青山南帶邊牆遠控蒙回新通商路同治中年以來俱屯重兵以備戰守目前雖有樹軍暨大同練軍分割傲巡究非經久定制擬設歸化鎮掛印總兵官一員鎮守山西口外七廳地方該鎮亦統一軍每軍皆四千人提督向不管轄地方故省標向止左右二營精兵左右二哨馬步共一千八百餘名惟省會中權必使兵力略厚方足以握控制之勢施遊擊之

張文襄公全集

卷八 奏議八

九

功今擬畫省東之平定省西之汾州府屬東四縣省南之遼州省北之忻州各營汛地改歸提督任之則兵數可與各鎮齊同務使一提三鎮內外相維輕重相等省標設馬步親軍一營馬兵二營步兵六營一旗共馬兵六百人步兵三千四百人太原大同兩鎮各設步隊親軍一營馬兵二營步兵五營三旗每鎮共馬兵五百名步兵三千五百名並畫太原鎮屬之汾州西四屬汛地歸大同鎮添設之磧口營管轄以均兵力歸化鎮原居塞外利在馳騁騎兵宜多擬設步隊親軍一營馬兵六營步兵三營三旗共馬兵一千五百名步兵二千五百

名步以五百人為營馬營半之地方較簡者駐一旗以三百人為旗皆如勇營之制計通省四軍馬步一萬六千人向敷分布裁汰者約居三分之一有奇亦易就理此為第一議核其餉數通年共需廉俸餉銀九十六萬四千餘兩查近年本省綠營額餉米乾廉費通年題估應銀五十萬三千餘兩本色米五萬一千餘石豆七千六百餘石通年亦應銀五萬兩以上加以樹軍湘軍練軍通年需餉約八十三萬八千餘兩現擬餉數似覺較多然同治七八年間省南水陸各營通年用銀九十二萬兩綏遠城防兵通年用銀六十七萬二千餘兩神機營及天津馬步洋槍隊向不在內南北鎮調防官兵通年用餉十餘萬兩加以綠營額餉歲需在二百萬以外即至光緒五六七等年歲需防練綠營各餉亦均在八十萬上下而各州縣自募之勇請銷之數不與焉果使制兵精強何用糜餉另募以此相較所省多矣萬一部臣必以餉重難行則請暫緩歸化設鎮之議擬通省分為三軍每軍亦四千人共馬步一萬二千人省標與太原鎮兵數汛地俱如前議惟馬隊過少擬大同鎮設馬兵一千步兵三千口外七廳惟有變通辦理於省標太原大同三軍內擇其形勢較緩者抽調換防大同鎮抽

張文襄公全集

卷八 奏議八

十

原大同三軍內擇其形勢較緩者抽調換防大同鎮抽

兩營省標太原鎮各抽一營共爲四營前往口外分紮
薩廳包頭歸化甯遠四處一年一更統歸大同鎮總兵
節制調遣內地邊防尙可勉力兼顧計通省三軍馬步
一萬二千人通年共需廉俸餉銀七十一萬二千餘兩
較之額餉則加多合以防餉則較少於事亦尙可措持
是爲第二議但照此議計之則挑練者僅一萬二千人
裁數幾與相等即將缺曠老弱查裁淨盡亦斷難符此
數應請通省暫留守兵四千人按原額支餉缺額不補
三年可以裁畢所費無多且非經久之款總之晉省近
畿臨邊武備爲急練有用之兵卽是節無度之餉晉省

張文襄公全集

卷八 奏議八

三

自爲固本之計籌備此數尙不爲難若再求節省或減
餉數或減兵數若非仍憂饑困必致備禦空虛於事實
無所益此則微臣之愚所不敢出者也至裁留將弁無
論通省分立四軍三軍均擬留外委一百五十名分駐
於各廳州縣及要隘處所責令訓練額設民壯兼可暫
管存留守兵爲巡緝地方之用聊藉以爲末弁升轉之
階其餘將弁除選歸練營外疲老不職者卽予罷斥才
堪造就者分留各標作爲裁缺另補現存樹軍俟綠營
裁改既定卽行遣撤以節餉需其練軍籍貫亦須嚴立
條章不拘州縣必用晉人方可使主兵日強懦氣漸振

查省北如大同甯武朔平三府保德代兩州人皆樸壯
可用省南如解絳霍三州民風亦甚勁悍一經提倡三
五年後風氣自開如此辦法其利約有十端餉足易使
一利也屯聚易練二利也虛伍易考三利也調防便捷
四利也力厚能戰五利也專習火器六利也騎有專營
七利也官氣漸化八利也例文減省九利也長爲晉用
十利也儻蒙聖恩准行謹當卽日舉辦此外如改定營
名修建營房分防移調習練火器出省加餉統領公費
長夫限制支食廉俸分設汛弁變通借補改鑄印信暫
留守兵各條議列爲事宜清單裁留兵馬分營處所亦

張文襄公全集

卷八 奏議八

三

照二議分列兵數清單酌擬各項營制列爲餉數清單
裁留官弁列爲官數清單擬留汛弁列爲分汛清單並
照議分繪設營地段輿圖二分一並恭呈御覽其餘未
盡事宜應俟舉辦後再行隨時奏陳
旨該部議奏單六件圖二件並發欽此
謹將晉省裁改兵制應議各事宜分列十二條開繕清
單恭呈御覽
一 改定營名山西提督向駐平陽太原鎮總兵向駐省
城嗣於乾隆年間裁提督歸撫臣兼管而以總兵移駐
平陽至今沿襲太原鎮之名未經議改現旣擬省標設

立一軍並畫近省汛地則太原營應歸省標管轄應請
 將太原鎮改名平陽鎮以清界限省標向設中軍兼左
 營參將右營遊擊馬步兵一千八百餘名今擬設中左
 右前後五營馬步二千人原以省城為中權要地兵力
 宜厚核之原有兵額數亦相仿計留中軍營參將一員
 汾州營參將一員孟壽營遊擊一員栗城營都司一員
 改太原營參將為副將添前後左右四營遊擊各一員
 親軍營都司一員平陽鎮留中軍營遊擊一員平陽營
 參將一員蒲州協副將一員潞安協副將一員澤州營
 參將一員運城營遊擊一員平垣營遊擊一員隰州營

張文襄公全集 卷八 奏議八

三

都司一員改平陽營右營都司為親軍營都司改吉州
 營守備為吉州營都司添絳州營都司一員裁東灘營
 都司一員此二軍為兩議所同若照第一議則大同鎮
 一軍應留中軍營遊擊一員新平路參將一員東路營
 參將一員殺虎協副將一員河保營參將一員甯武營
 都司一員偏關營都司一員改大同右營遊擊為大同
 營遊擊添親軍營都司一員磧口營都司一員裁得勝
 路參將一員助馬路參將一員大同左營遊擊一員高
 山城都司一員天城城都司一員北樓營都司一員平
 型關都司一員靈邱路都司一員忻州營都司一員平

魯營都司一員朔州營都司一員靖遠營都司一員歸
 化營都司一員歸化鎮一軍添總兵官一員親軍營都
 司一員中軍營遊擊一員左右營遊擊各一員青山路
 參將一員包頭路副將一員達舍營參將一員豐川營
 參將一員豐鎮路副將一員甯遠路遊擊一員南海營
 都司一員托城路都司一員靖遠營都司一員若照第
 二議歸化暫緩設鎮自可毋庸置議惟大同鎮一軍較
 第一議多留得勝路參將一員其餘應改應添應裁悉
 如前議守備以下應俟挑選既定再行分別裁留未能
 預限營分所留各缺向用滿員者仍用滿員添改各缺

張文襄公全集 卷八 奏議八

五

均請定為滿漢兼用提督所統一軍應管汛地遇有因
 公處分即照總兵官辦理
 一修建營房此次裁改兵制減額加餉設立練軍零星
 塘汛悉予裁併擇要屯紮勿令散居庶氣聚易練擬請
 仿照直隸練軍章程無論馬隊步隊駐紮老營一律浚
 濠築牆營內應造營房馬棚馬槽以及寒暑訓練之所
 出征防勦巡哨各帶鋤鋤支棚野宿不得借住民房其
 老營修房經費准其核實開報
 一分防移調塘汛既裁各營所管地段應令仿練軍章
 程於冬令派隊分紮巡防聯絡會哨嚴緝盜賊春暖撤

同老營合操遇有調遣若於各營旗內零星抽調不惟隊伍散亂難以稽查且倉卒集湊心志不齊斷難得力應卽預定限制於挑練成軍後遇有徵調祇准指調一營一旗不准零星調派致蹈綠營故習

一練習火器綠營向以弓箭爲先此次裁改制兵弓箭固不得廢惟臨敵制勝首重火器今擬令各軍無論官弁兵丁弓箭之外均習火器編隊之法馬營中哨親兵兩隊均用旗矛仍各兼習連響洋槍中哨正兵一隊火器二隊長矛三隊火器外哨五隊一隊火器二隊長矛三隊火器四隊長矛五隊火器四哨同步營中哨親兵

張文襄公全集

卷八

奏議八

五

一隊火器用新式洋礮二隊旗矛三隊火器用新式洋礮四隊旗矛用旗矛者仍各習連響洋槍其餘正兵各隊均以一隊火器二隊刀矛相間輪用五哨同無論馬步火器概用洋槍其旗矛刀矛各隊均令兼習洋槍各標親軍營應用器械由各統領擇其擅長者自行酌配不定限制各營應用軍裝器械一切均由軍裝局給發隨時小修出自公費其實有不堪應用者准繳舊易新不定年限旗幟號衣號補以及馬隊鞍轡等物均於成軍時發給一次帳棚照章由軍裝局給發

一出省加餉此次裁改營制所定薪公口糧不惟較湘

淮章程大加核減亦較直隸練軍餉章爲省現以餉需支絀本省出防巡哨概不加餉如徵調出省馬營月加柴草銀八十兩步營月加柴草銀一百四十兩步旗月加柴草銀九十兩均分給全營采買應用以免擾累民間其什長親兵正兵火夫無論馬步每名均各月加銀六錢以示體恤回營之後卽行停支

一統領公費通省各軍以提督爲總統並自統一軍以各鎮總兵爲分統各統一軍以副將參將爲兼統酌統一二營提督爲撫臣兼管兼統皆自帶一營且所統人數無多均不另給公費惟各鎮總兵分統四千人公事

張文襄公全集

卷八

奏議八

五

較繁一切公用及校閱賞項款無所出應請酌給統領公費以資辦公查直隸練軍章程統領自帶一營照營官之例月支薪公費如統至三千人以上者每月加公費銀五十兩等語是統領每員統兵至三千人以上者計每月支薪公銀二百兩今晉省裁改各軍各鎮總兵官爲分統不令自帶營旗計所統兵數均在三千人以上應援照直隸章程每統領一員減半月給公費銀一百兩以備校閱犒賞及一切公費之用

一長夫限制各省勇營無論行坐均有長夫直隸練軍長夫一項准於開拔時添募坐營停給今擬酌量變通

坐營不用長夫如遇本省出防馬兵每哨准由地方官支車四輛一營共支車二十輛步兵每哨給車八輛一營共支車四十輛步兵每旗共支車二十輛以備裝載帳棚軍械子藥等項之用馬兵仍令乘騎馬匹步兵列隊步行徵調出省馬營共設公長夫四十名步營營官設長夫十二名哨官設長夫三名每隊設長夫二名每步營共設長夫一百二十七名步旗惟營官長夫減為八名每旗共設長夫七十七名親軍營仿此按哨數隊數計算長夫口糧照火夫出省加餉之數每名月支銀二兩七錢

張文襄公全集 卷八 奏議八

三

一支食廉俸查統領營哨各官如係候補人員派充薪公之外自無廉俸可食此次裁改營制兵皆經制之兵官皆實缺之官廉俸銀兩應請照章支食如按通省四軍應留官數計算自總兵以至把總各按官階應支廉俸舊額照章減去成平通年共需實銀三萬三千七百六十一兩零如按通省三軍應留官數計算通年共需廉俸實銀二萬四千九百八十四兩應請隨同月餉一並支給至心紅紙張銀兩提督歲支銀二百兩總兵歲支銀一百六十兩請仍其舊其餘本色折色米豆草乾及副將以下心紅紙張本色折色米豆草束概行停支

一分設汛弁綠營外委秩雖微末為各兵進身之階自不可廢現擬營制外委一項未經編入應請於通省一百八廳州縣所治及地方衝要之陽曲縣王封廠等四十二處共一百五十處每處酌留外委一名共一百五十名均歸各地方官調遣存城者責令訓練額設民壯分設各鄉村鎮者責令管帶額設捕快專司巡緝如遇暫留守兵地方兼可責令管束遇有缺出以馬步各營額外外委拔補如遇各營把總缺出亦於此項外委內選拔外委每名通年支養廉餉乾實銀三十八兩零計一百五十名通年共支實銀五千八百八兩零

張文襄公全集 卷八 奏議八

三

一變通借補長江水師借補章程以大銜借補小缺借至三級為限今晉省裁改兵制尤以選將為第一義擬請照借補章程量為變通提鎮准借補副將總兵副將准借補參將副將參將准借補遊擊參將遊擊准借補都司遊擊都司准借補守備守備准借補千總把總千總准借補把總外委把總亦准借補外委無論何缺每年借補統以三成為限其已經借補實缺之員即以本銜在任候補不得照借缺品級再行升借其本非借補人員升署升補悉如舊例

一改鑄印信綠營守備以上印信由部鑄造頒發此次

裁改除缺項照舊者毋庸另頒外其擬改擬添各缺應俟裁改覆准先行刊發木質關防暫爲開用另由臣詳開缺項營分及應頒印信清單咨部鑄發以資信守其裁缺改缺應繳各舊印亦卽截角送部繳銷

一暫留守兵晉省兵額馬步二萬一千七百六十七名如按通省四軍一萬六千人挑練所裁約三分之一自無庸再議酌留若按通省三軍一萬二千人挑練則裁數幾與相等一時斷難遽裁此數擬請於裁改營分及兵額素多之處除精壯者挑練老弱者汰除外實有一時未能汰竣每處准酌留數十名卽原係馬步戰兵亦

張文襄公全集

卷八 奏議八

三

祇准食守兵之餉通省以暫留四千人爲斷嗣後額缺不補限定三年一律裁竣不准踰越至何處應留若干人以及通省共留若干處此時未能預定應俟選汰後再將暫留數目詳細奏明計守兵每名照章折實共月支米折餉銀一兩一分六釐通省定爲一律卽遇向支本色米營分亦不重支先以四千名計之每月需實銀四千六十四兩三年共需銀一十四萬六千三百零四兩所有本色米豆草束無論官弁馬步兵丁概予停支應令通省各廳州縣按年出糶將價銀解司充餉旨該部議奏單六件圖二件併發欽此

修治四天門韓侯嶺路工完竣摺

光緒十年四月初七日

竊惟平治道路通商惠工經傳昭垂以爲利民富國之要政前於光緒七年七月經前撫臣衛榮光奏明興修四天門工程自晉省榆次縣什貼鎮起至直隸獲鹿縣土門口止由晉獨力認辦卽令湘毅軍與撫標練軍兩營分段認修派候補道吳其復督工所需經費於善後款內籌動請免專案造銷奉旨允准在案臣到任後節次加派總兵何鳴高副將呼延霖參將申萬祿副將吳元愷都司吳良儒督率諸軍添雇夫匠分段修治常川駐工並飭新授蒲州府知府前署平定州知州沈晉祥

張文襄公全集

卷八 奏議八

三

會同履勘籌度因地立法稽核軍匠查此項路工跨直晉兩省之境東起土門西訖什貼首尾綿亘三百八十里以中間有山嶺四處最爲險峻故以四天門爲統名以括之其實除四天門之外巉巖峻坂隕岸長灘徧地皆是連屬不絕無處無險無村無工而河灘難越岸曲易刷其爲害與費工較之山嶺爲尤甚其險要工段之在直境者曰土門口曰東天門曰白王莊曰微水鎮曰井陘縣南關曰三里橋曰長崗曰橫口曰東窰嶺曰板橋曰龍窩寺其險要工段之在晉省者曰北天門曰甘桃驛曰固關曰槐樹鋪曰柏木井曰西天門曰青玉

峽曰翠蛟潭曰橋頭曰西郊曰南天門曰義井曰平潭
曰石壩嘴曰墩臺山曰測石驛曰張淨村曰芹泉驛曰
紅泥坡曰王強鋪曰要羅山以上各工除修築道路填
平坑坎均係土工尙易修治外其難者大率土石相間
或專用石工或鑲以石礮或護以攔馬牆山峻者壑巖
剝壁以益其寬岸狹者培土累石以增其厚道旁開渠
以洩橫流隨處作橋以通車馬而用力最爲艱苦者則
爲井陘南關東天門青玉峽測石驛四處井陘南關石
橋斷壞以來涉水四次方達官道今自南關外至東坡
底止創築石堤六段計長五里有奇屹若長城永免厲

張文襄公全集

卷八 奏議八

三

揭之苦東天門既將舊路石工重修完整因地勢過於
斗峻行旅畏沮另於東南山麓創開新道七里有餘高
下聽民所由青玉峽一段兩山夾峙以河爲道山雨暴
漲漂没人畜無所逃避現於兩岸砌石成礮中實碎石
沙泥融以油灰鈎攪牢固義井至測石驛一段灘路紆
回涉水者凡十二處夏秋亦苦山水之患今於平潭石
壩嘴墩臺山三處創築石堤二里內則因山開道外則
築壩護堤堤內樹桑堤外樹柳可以方軌行車所有各
工於去年三九十二等月本年三四等月陸續據報完
竣經臣飭委署平定州知州蔣拱辰逐段勘驗據稟工

程堅實均能合法可期經久等情又省南驛路中互霍
山最險者爲韓侯嶺該處爲七省通衢千年巨險北道
既通南路宜理臣復檄委署霍州知州方龍光榮河縣
知縣王希濂副將胡有才於上年九月勘估興工自靈
石縣坡底鎮起歷竹杆坡山神廟韓侯嶺郭家溝天險
橋仁義鎮逍遙嶺老張灣溝窰窰以至霍州北關止計
程九十里分爲十一段其間石崗土坡間以河灘處處
施工兼用土石高者鑿之使平陷者填之使實其鑲石
礮開水道護攔牆一如四天門之法現已據稟委勘一
律修治完善此外潞安府西至洪洞縣曲亭鎮一路計

張文襄公全集

卷八 奏議八

三

程三百五十里東北自府城至黎城縣東陽關計程一
百四十里平遙縣東關至沁源縣赤石橋一路計程八
十里偏關縣至朔州秤溝一路計程一百二十里均係
商旅必經素不通車之路節節分別批飭各該地方官
相地鳩工一律開通車道於光緒八年九年十年先後
具報工竣前來臣查晉地環山而處道阻民勞四天門
韓侯嶺之險聞於天下今已一律坦蕩冠蓋往來任載
絡繹車馱無傾踏之虞人畜免漂溺之患從此商悅工
來百貨蕃息晉民生計當必有所裨益各軍工役辛苦
兩年有餘寒暑不輟夏則雨汗冬則斲冰於行旅居民

秋毫無擾各該員弁於兩省連界奏辦要工兩年督率經營始終勤奮不無微勞且考嘉慶年間紳民捐修路工碑碣計東天門一段即費數十萬兩今該員等於兩省界連要工躬率軍士搭用民工所費不過三萬數千金於經費尤能核實節省除將四天門韓侯嶺其次出力各員弁兵勇暨潞安平遙偏關等工施治較易均由臣核給外獎外謹擇其尤為出力者繕擬清單仰懇天恩俯准給予獎敘以昭激勸其武弁千總以下由臣咨部給獎所需經費皆於善後款內動支應請免其專案報部即由臣飭令清源局司道核明確數歸入善後案

張文襄公全集

卷八 奏議八

三

內造銷

旨該部議奏單並發欽此

請開復安頤處分片 光緒十年四月初七日

再降調知府安頤經臣於光緒八年九月奏請留晉責令清查庫款儻再有舛錯從嚴參辦如能力改前非有益庫儲亦當據實上聞奉旨著照所請該部知道欽此該員自奏留晉省隨同清源局司道清釐庫款專司句稽事事小心稟承不敢稍涉怠忽當初開局時派入各委員未能諳習者居多該員不憚煩勞一一指引偶遇書吏意圖弊混尤必盡心抉摘力護內款嚴剔外銷上

年十二月清查完竣刪除陳年准銷兵差等項銀五十萬三千五百餘兩其為有益庫儲已屬顯而有徵查該員原參係因承辦善後局務於各款未能細加清釐究屬疏忽經臣請旨交部議處吏部議以降一級調用係公罪恭候欽定奉旨不准抵銷欽此今該員自降調後異常愧悔於此次清查案內殫竭心力痛改從前疏忽之弊自開辦以至歲事處處鉤索釐正備極艱苦實為局員中最為任勞任怨之員竊惟屬員之得力與否惟視上司為轉移有過宜懲有功宜勸合無仰懇天恩俯准將該員降一級調用公罪處分准就原案開復仍留

張文襄公全集

卷八 奏議八

三

鑒

晉省補用俾示鼓勵而策羣材理合附片陳請伏祈聖

潞鹽運陝在晉包釐片 光緒十年四月初八日

再潞鹽運陝係屬行銷引地既經完納鹽課本已不應再納釐金第以陝省防軍未撤需餉甚殷前項釐金抽收已久一時勢難遽裁但晉省商販運鹽到陝在總卡完釐以後分路零運各岸不能將釐票分裂到他卡復行抽收重疊完納不無苦累是以潞鹽日形疲滯前於同治十三年間議於河東包納釐金旋因經費難籌而止查豫省於軍興之際亦曾於會興鎮議抽鹽釐咸豐

六年經前撫臣奏准於靈寶加引項下按年提銀二萬兩解豫抵充釐金軍務告竣旋即停止是晉省包完鄰岸釐金久有成規陝省事同一律自宜仿照辦理惟豫鹽額引二千二百九十九名零陝鹽一千三百五十一名零如照豫釐成案每名完釐銀八兩六錢九分五釐陝岸額引少於豫鹽幾及一半釐數亦應隨減恐不足以濟陝省軍餉之用今擬將運陝鹽斤責成商販於納課時每名完釐十二兩呈交道庫另款存儲按季解陝應用以後亦斷不停止傳詢各商販無不懽忻樂從呈由河東道核議具詳前來臣查陝岸釐章本係每名徵

張文襄公全集

卷八 奏議八

五

銀十二兩此次援案議包係令仍照陝章並不限以豫釐之數兼令常川籌濟亦不限以停止之年而且隨課封交按名起解於彼於此較若畫一在陝餉並無出入而於潞商藉免留難可期以後鹽引暢銷晉課陝釐兩有起色

旨戶部知道欽此

知縣外補壅滯懇恩量予變通摺

光緒 年 月

竊臣接准吏部咨議覆前給事中戈靖等條奏內開嗣後各省知縣參革一項缺出概令歸部銓選並將知縣終養與降補二項所出之缺暨修墓等項比照終養之

缺一併改歸內選不得扣留外補等因奏准通行自應遵照辦理惟查定例知縣班內即用候補兩項遇有升調病故休所遺選缺各按輪次序補又知縣終養改教撤回降補迴避遺缺以即用候補兩班相間酌補又知縣丁憂參革遺缺專以軍功候補人員酌補原以即用候補兩項班次最優軍功人員勞績最著而即用候補軍功各班人數亦最多是以較各項試用人員於輪補外更有酌補專補之缺原所以區別而優異之也溯自軍興捐廣捐保人員接踵而至而即用大挑人員各班故自簽發如期近年因疏通選法各優貢截取孝廉方

張文襄公全集

卷八 奏議八

五

正教習教職各班復皆得呈請分發班次愈多輪補愈難升調二項為各班輪補之途晉省缺少人稠數十年尙未一轉其中即用候補兩項自光緒四年七月分班請補以後非數年十數年不能輪到病故休三項每年雖出數缺然以即用候補大挑三項並正班之員及分缺先前分缺間前挨班序補即用候補所得不過十之一二歷年以來惟恃有終養等五項雜缺藉以疏通至軍功一班以丁憂參革之缺併歸此班專補自同治七年部議將丁憂一項擬歸部選後缺數已去其半茲以疏通選班續將專補軍功之參革並即用候補應補之

終養降調修墓等項之缺一併改歸內選則外省卽用之補班益隘而候補軍功之補班殆將無期矣在部臣所議以降補參革終養修墓數項擬歸內選以撤回改教迴避數項留爲外補似欲使內外各得其平無可畸重然撤回與修墓較則修墓略少撤回略多降補參革終養與改教迴避較則降革終養出缺甚多而改教迴避者往往經年無一焉用意雖欲持平核實太形軒輊方今捐例甫罷需項仍多竊惟吏部古號銓曹今日亦言銓選銓者稱也謂立法量才各稱之平也臣愚以爲外補難則害官方內選滯則困寒峻選補並重斯爲大

張文襄公全集

卷八

奏議八

七

之缺按班請補一如舊例無庸更張合無仰懇天恩俯准飭部核議施行

知縣丁憂起復仍歸原省候補片

再知縣丁憂起復選缺極難是以言官建議部臣改章查此項人員以禮去官非有過謫考之漢魏以來棄官行服者史冊稱美今若如吏部所稱應補者冊逾百員百年不能選舉則是一遭大故永遠沈淪謹厚者自無怨尤澆漓者競思取巧現經部議增入單月五缺後插選一條具見力籌疏通特插選有限終無大益竊思外省丁憂起復人員自以仍回原省歸候補班序補毋庸

張文襄公全集

卷八

奏議八

天

公且卽用一班乃國家取士掄才爲民社擇人之上選軍功候補兩途皆由歷練辛苦而得濫竽雖不能免每自幹練爲多若事急則優其階資時平則扼其仕進亦無以昭大信而勸將來因查保升捐升及大計參劾本爲內選之班升調病故休本爲外補之班均可無庸更議其餘外出之丁憂參革終養降補修墓葬親撤回改教迴避各缺擬請統改爲一咨一留於咨報開缺時隨案聲明再行照例截缺自可無虞膠葛卽使一時一項略有出缺多寡之不同而選補各不偏枯自無舛望旣以昭平允之定法亦以示易簡之宏綱其遇留歸外補

原係此省有缺之員即使得缺甚易同僚不得而忌之
如此全歸外補不占選缺於他項選班疏通多矣此外
由府州下至佐雜事理相同似亦可類推酌議謹附陳
管見伏祈聖鑒

恭報交卸山西撫篆起程日期摺

光緒十年四月初八日

光緒十年四月初一日准吏部咨三月十七日內閣奉
上諭張之洞著來京陛見山西巡撫著奎斌護理欽此
竊臣晉臺承乏瞬逾兩年夢寐觚稜無時稍閒況值時
事多艱上勞宵旰瞻戀尤深茲聞恩命獲覲天顏曷勝
欣幸當將任內經手緊要事件略為清理於四月初八

張文襄公全集

卷八 奏議八

五

日將山西巡撫關防提督鹽政各印信並王命旗牌文
卷書籍等項飭委署中軍參將烏爾棍泰太原府知府
馬丕瑤賚交布政使奎斌接收護理臣卽於是日起程
北上趨詣闕廷臣比年以來苦於才鈍事繁勞頓過度
心血日虧鬚髮多白本年自入二月諸病交作心忡氣
喘舌燥咽痛日食一餐仍復不能運化言語稍多卽覺
舌本枯強審盪力疾從公未敢請假至三月中旬甫覺
略減茲幸展覲有期彌覺奮飛念切謹當星馳就道惟
有於沿途稍用藥餌調理不敢稽延
旨知道了欽此

張文襄公全集卷八終

張文襄公全集 卷八 奏議八

罕

張文襄公全集卷九

奏議九

到兩廣任謝恩摺 光緒十年閏五月二十三日

竊臣奉命署理兩廣總督於五月十五日恭請聖訓仰蒙綸音訓勉溫諭周詳莫名欽感陛辭後當於十八日啟行取道天津乘輪航海由津而滬由滬而粵於本月十六日行抵廣東省城二十日准前任督臣張樹聲將兩廣總督關防鹽政印信王命旗牌等件委員齎送前來臣當即恭設香案望闕叩頭謝恩祇領任事訖竊惟兩廣當華洋錯處之衝兼水陸邊防之寄政刑紛冗兵食兼營臣之迂疏駑弱實不勝任惟有澄清吏道固結民心綜核財源修明軍實以簡靜為馭繁之要領以自強為柔遠之本源一應地方事宜當會商東西兩撫臣防務事宜當會商兵部尚書臣彭玉麟前督臣張樹聲竭力認真辦理以仰答高厚鴻慈於萬一所有微臣馳抵署任接篆日期并感激下忱理合繕摺具奏恭謝天恩伏祈聖鑒

張文襄公全集

卷九 奏議九

一

旨知道了欽此

派兵援閩片 光緒十年七月二十九日

再准總理各國衙門本年六月十二日密電奉旨法人

專注閩口聚集多船閩防日緊前經彭玉麟等調撥兩船往援所辦甚是刻下該省情形尤急兵力尙單著該尙書等速再力籌援應或調派陸兵由海道前往應由何處進口與該省電商定見再行進發以免疎虞欽此臣張之洞倪文蔚與臣彭玉麟張樹聲等公同商酌欽遵力籌援應查粵東潮州距閩較近署水師提督臣方耀舊部尙多素稱得力飛咨該提督選派副將銜督標補用遊擊方恭督帶在陸豐縣屬查辦匪鄉之潮勇一營馳回潮州汕頭一面飭令署潮州城守營都司方鰲將所部潮州防勇兩營交方恭接統並令方恭添募潮

張文襄公全集

卷九 奏議九

二

勇一營另募水勇一營共成五營就近在潮郡撥足軍火軍裝由廣東善後海防總局會同東藩司籌墊兩箇月口糧銀兩及酌發輪船盤費於六月三十日在汕頭陸續起程乘坐毡拿輪船直赴福州進口馳抵閩省聽候調遣並飭方鰲募補三營照舊填紮以固潮防茲據善後海防總局司道會同東藩司詳稱前准署水師提督臣方耀移知方恭統帶援閩勇丁五營所有旗幟號衣洋槍洋藥一切軍械在潮郡就近添置齊全雇募輪船由海道赴閩聽候調遣該軍口糧奉文先發兩箇月共約需銀三萬兩輪船盤費每名約需洋銀十元共二

萬五六千元又添置旗幟號衣軍械以及一切經費未能約計請先籌撥銀五萬兩統俟事竣另行造冊具報等情已由局照數給領伏查該軍係援閩之軍去粵較遠嗣後口糧應由閩省籌撥所有粵省墊支口糧及船價軍裝銀兩共計若干俟支發清楚作為粵東協濟之款移送閩省歸案報銷詳請奏咨前來臣等覆核無異除咨明戶部及閩省督撫臣查照外謹合詞附片具陳伏祈聖鑒

旨該衙門知道欽此

接濟臺灣軍火餉項片 光緒十年七月二十九日

張文襄公全集 卷九 奏議九

三

再臣等准光緒十年六月二十三日總理衙門電稱奉旨劉銘傳各營急需軍火著張之洞等趕緊大批設法由臺南運往備用並著源源接濟等因欽此又奉六月二十九日七月初三日兩次電旨法人注意臺灣設法接濟軍火粵並撥餉等因欽此欽遵各在案竊惟粵省海防喫緊且正值餉需奇絀之時惟臺灣孤懸海外強敵垂涎不敢不設法兼籌以紓宸廑當飭東善後海防總局暨軍火局司道竭力籌備銘營軍餉庫平洋銀二萬兩又購覓呷咄地洋槍一千四百桿碼子五十二萬粒洋火藥六百桶雇用歷實莫輪船委員解至淡水臺

北府點收轉解嗣據該局司道報稱歷實莫係英國輪船已經雇定定日開行忽稱因中法開仗裝運軍火於公例不符不肯運往另雇常往臺灣之紅頭船裝運其餉銀二萬兩仍附搭輪船運臺交納等情除飭該委員等迅速分別趕解外謹合詞附片具陳伏祈聖鑒旨戶部知道欽此

查覆張樹聲參款摺 光緒十年八月二十八日

竊臣王麟臣之洞承准軍機大臣字寄光緒十年五月十五日奉上諭有人奏參兩廣總督張樹聲不符物望難勝兼圻推諉取巧玩視邊防貽誤地方任性徇私各等語前據張樹聲奏患病未痊已有旨准其開缺所參各款是否屬實必須確切詳查著彭玉麟張之洞會同秉公查明據實具奏毋稍徇隱又前有人疊次奏參廣東順德協副將利輝庇匪收規營私瀆職候補知府黃杰奉委查案得賄朦稟各情先後諭令張樹聲倪文蔚確查尙未據該督撫覆奏茲復有人奏參利輝藐法妄為軍政廢弛等款並著彭玉麟張之洞查照歷次奏參各節一併澈底根究據實參辦摺五件片一件均著鈔給閱看將此各諭令知之欽此遵旨寄信前來承准此臣等查閱鈔發各摺片張樹聲被參各款大略相同臣

張文襄公全集 卷九 奏議九

四

之洞抵任後卽與臣玉麟詳核卷宗采訪輿論一面檄飭藩臬兩司運司糧道按照所參各節確查稟覆其有應行者查者卽咨詢前督臣張樹聲令其據實登覆前來臣等復博訪周諮互相考證除順德協副將利輝參案頭緒紛雜捐納道員陳桂士參案續奉寄諭交臣之洞確查原奏事極繁瑣均與張樹聲無大關涉應另行查明覆奏外謹將前督臣張樹聲被參各款先行逐一查明敬爲我 皇太后 皇上陳之如原奏內稱越南河內初爲法人所困曾遣使赴督署告哀乞援張樹聲置之不理並無一詞慰藉致越人失望於中朝而轉附

張文襄公全集

卷九

奏議九

五

法人一條准該前督覆稱法人謀佔越南北圻規取河內係在光緒七八年間七年十月總署擬籌辦法奏奉諭旨飭下南北洋及滇粵各省參酌辦理樹聲當派道員唐廷庚於十一月間齋咨前往越南順化國都見其國王暨執政將通商自強各事及聯絡外交之法密爲探詢隨機進說導以先路八年三月十一日覆奏密籌越南事宜大概情形摺內陳明在案唐廷庚等至越南與其執政商詢一切及該國懇求各節均經轉達總署核辦有案該國並未遣使來粵告哀乞援樹聲先派大員齋咨往詢尤非置之不理並無一字慰藉等語查越

南河內先爲法人所困初無使臣來粵之事至光緒九年正月越遣使臣阮述范慎通來粵經派員妥爲看待嗣復派員送往天津其時張樹聲尙未回粵督之任又原奏內稱去歲越南不堪法人苛令戕其國主張樹聲若能乘機亟往定亂越南民心尙未盡向法人猶可挽回乃張樹聲既不自往又不遣人前往致法人從容定計收拾人心越事遂不可問一條准該前督覆稱光緒九年十二月初九日奉旨現聞越南民變將該國嗣王戕害禍亂方殷著派張樹聲統帶兵勇前赴越南相機勘定直達順化妥籌鎮撫或由海道或由陸路前進之

張文襄公全集

卷九

奏議九

六

處並著詳籌妥辦等因欽此樹聲當以越南之禍與朝鮮內亂不同海道難以前進擬至廣西由龍州出關電請總署代奏欽奉十二月十四日諭旨廣東至龍州道路遼遠目前河內等處節節梗阻勢難遽達順化於越事緩不濟急前有旨令岑毓英出省調度計日當已啟程滇軍馳赴越境較爲便捷本日已改派岑毓英迅速前進相機酌辦張樹聲卽著毋庸赴越仍將廣東防務妥籌布置等因欽此樹聲係電奏請行奉旨毋庸赴越未便復遣員前往等語查該前督此節係奏明遵旨辦理又原奏內稱法越初開衅時前雲貴督臣劉長佑卽

函商措置兵船火器以爲戰具張樹聲輒以餉糈無出無從措辦復之未幾調署直隸總督則又對人鋪張謂已部署嚴密先自爲地及此次回任兵端已見則畏懦不前以前鋒委之彭玉麟聞彭玉麟部兵三千僅以千人委道員王之春出防瓊州餘悉留省張樹聲外和內忌艱鉅則委之事權則毫不假借彭玉麟雖有智勇亦無所施一條准該前督覆稱光緒七年夏間樹聲接出使日本大臣何如璋譯寄西報知有法人伯朗手般獻取東京之論卽經密致前雲貴督臣劉長佑豫籌守邊保藩之策嗣後疊函往來籌商邊防並無劉長佑先行

張文襄公全集

卷九 奏議九

七

函商措置兵船火器以爲戰具樹聲輒以餉糈無出無從措辦覆之之事粵東海防因餉源艱窘布置未密節次奏陳有案可考調署直隸時安有對人鋪張之事直隸僚友甚多此可問而知之者至此次回任法越兵端已開樹聲兩次奏請出關身當前敵雖未奉命旨而是否畏懦不前毋庸置辯上年十二月初四日奉旨瓊州備禦空虛著派彭玉麟迅速前往擇地駐紮等因欽此當與將軍臣長善前撫臣裕寬會商僉以瓊在偏隅省爲根本重臣未可輕出公同商派道員王之春毅字兩營赴瓊駐防會同臣玉麟電達總署並會奏有案其以

千人防瓊餘悉留省並非樹聲主持等語臣玉麟查去冬到防與該前督籌議諸事莫不和衷商推間有議辦而不能隨行者實以餉項支絀力不從心之故謂其有心牽掣殆不其然至於身臨前敵力肩艱鉅乃統兵人員分內之事亦臣玉麟應盡心力之事臣玉麟以本兵奉命督辦粵防軍中之事豈不能自主何至聽張樹聲之忌而委之此理不待辨而自明也又原奏內稱張樹聲於鹽務釐捐百務廢弛軍用不給則借洋款以應多費重利往往爲洋商刦制此次飭辦邊防借洋款二百餘萬兩往外國購買鐵甲船又未確悉夷情既付價而

張文襄公全集

卷九 奏議九

八

船不以時至虛糜巨款不得其用一條查光緒八年正月奉旨飭粵省治水師經該前督會同前撫臣裕寬議購快碰船大根撥大蚊船十艘練一小枝水師約須銀二百萬設法向行商先爲墊付請停解西征協餉二成改撥加撥京餉十餘萬兩抵還籌借商款五年清還於光緒八年三月十一日會奏嗣奉戶部議准覆奏行知該前督時已赴直督署任是以未經訂購各船行商洋款亦未取用上年秋間該前督回任後防務緊急庫款匱乏於十月十三日會同前撫臣裕寬奏准息借商款銀二百萬兩擬以百萬兩辦防百萬兩購穹艦二艘迭

次電詢各國出使大臣外國並無現成製造合式鐵艦若由船廠訂造必須年餘始克告成且法越之事未平卽有造成之船各國皆援公法不肯運送來華鐵艦一層急難舉辦將擬購穹艦之一百萬兩先行提應急需其水師鐵艦俟法越事平另籌議購於光緒十年四月初四日會同撫臣倪文蔚附片奏明各在案嗣因防務緊要續借之一百萬兩亦撥充軍餉並未先付船價此外並無另有息借商款之事又原奏內稱前招商局唐廷庚以越南招商局爲法人所毀捐辦槍礮若干助粵西軍用張樹聲託以山路難運扣留不發一條查有候

張文襄公全集

卷九 奏議九

九

選道唐廷桂報効廣西軍火經撫臣倪文蔚前在西撫任內會同該前督奏明該道報捐德國克鹿卜後膛銅礮六尊礮子九百六十顆英國皮利後膛槍二百枝槍子十萬顆法國來福前膛槍一千一百六十枝美國士兵令馬槍五百枝四開金底銅帽一百萬顆經西省委員赴滬由海道運至東省據稟礮身太重梧潯以上灘河水淺轉運艱難出關山路崎嶇礮車亦不能行當經該前督商明西撫臣倪文蔚將礮六尊留東配用其餘槍械均運至梧州轉運關外並無扣留不發之事此外另解士乃打槍二千枝並子藥水雷等件運交前撫臣

徐延旭應用有案可稽又原奏內稱此次廣西潰敗之提督黃桂蘭素爲張樹聲倪文蔚所信任道員趙沃則爲徐延旭所信任故兩人不和張樹聲又意存左袒黃桂蘭因益驕怙不受徐延旭節制以至於敗一條准該前督覆稱廣西邊防向由西撫臣主政委任將領調度各營粵督不參異同前撫臣徐延旭出關視師黃桂蘭與趙沃分統左右兩路防軍一切軍事皆稟承徐延旭樹聲實無事左袒徐延旭前後函牘亦從無言及黃桂蘭驕怙不受節制之事等語查黃桂蘭於光緒五年十二月張樹聲在西撫任內派令接統粵西防軍十二營

張文襄公全集

卷九 奏議九

十

旋蒙簡放提督統軍五年此次援粵以驕妄無律致敗眾論僉同徐延旭先以藩司統兵出關勢難節制實缺提督及任巡撫月餘卽已覆敗至謂該前督左袒黃桂蘭查無實據惟黃桂蘭准軍舊部張樹聲職任兼圻不能隨時督察及早劾奏邊事既經潰敗在事文武諸臣自當分任其咎本年三月張樹聲奏請嚴議奉旨加恩改爲交部議處是朝廷於此事已加譴責自可無事苛求又原奏內稱張樹聲辦理沙面案進退無據始爲洋商所持則託美國領事調停繼而各國領事刁難又託太古洋行調停該洋行復因以譎索重利粵民無不爲

之痛恨者一條查沙面一案係奉旨交藩司龔易圖專辦之件當被焚之始各國領事初擬所償之數甚鉅經美領事喜默從中估計各領事始從實報共索三十六萬餘元臣玉麟派委候補知縣張義澍以太古洋行願抽馬頭捐款調停此案均經將經理案據咨報總署嗣接總署函稱以索款代墊不宜給利卽未向太古借款現已陸續定案除稅務司報失請示外各國之款祇二十二萬六千餘元疊經電請總署示遵並無洋商劫制及譌索重利之事又原奏內稱張樹聲所籌邊防專事鋪張毫無實濟大小事件輒恃電報請示總理衙門希

張文襄公全集

卷九 奏議九

十一

圖結媚卸過一條准該前督覆稱樹聲才智淺短凡籌畫邊防各事從不敢爲逾量之言粉飾之說邊事關係重大疆臣不敢專擅軍情不敢壅蔽或請代奏或請核覆或須報達均不得不電報總署既無所用其結媚亦無可藉以卸過樹聲任內所籌邊防奏報及與總署往來電報移交在案均可查核等語查電報係奏准遵行軍情緊急沿江沿海各疆臣現均電達總署或電請總署代奏冀可速達宸聰無關結媚卸過之事又原奏內稱張樹聲之子張華奎由舉人捐納郎中素習干預公事張樹聲前署直隸總督時常馳赴任所於李鴻章先

後交替之際猶不自韜晦張樹聲本與李鴻章同籍姻親附以起官頗事趨承李鴻章嘗召張華奎面誠之華奎不能改及隨任廣東於邊事利權遣將委官攬權受賄較前愈甚粵省有大小總督之目一條查張華奎於九年秋間隨任來粵平日在署經理家務從未出門亦未曾見客詳查司道府縣候補各官均未謀面凡遣將委官悉該前督自主張華奎實係無攬權受賄之事亦無大小總督之目惟前署督標中軍副將記名總兵唐士貴頗招物議經該前督查知於本年正月卽行驅逐離粵外間議論或係因此譏傳又原奏內稱前惠州陸

張文襄公全集

卷九 奏議九

十一

路提督方耀軍政嚴明土匪爲之斂迹張樹聲撤令回省帶兵實以其缺調劑私人蔡金章署理及惠州亂作乃令方耀率兵回惠勦滅是惠州之亂亦張樹聲調度乖方所致一條查南韶連鎮方耀於光緒三年八月委署廣東陸路提督五年五月交卸係前督臣劉坤一任內之事嗣於署潮州鎮任內經前署督臣曾國荃飭令挑勇往欽州駐紮九年八月奉寄諭調回當經張樹聲派委接署廣東水師提督以防虎門至該鎮交卸陸路提督歷李占春楊玉科兩任之後蔡金章始署斯缺並非緊接方耀之任至於本年二月惠州歸善縣土匪黃

金鞍李亞都等糾眾滋事先經蔡金章撥勇往辦該前督嗣又商之方耀添調得力兵勇會同蔡金章合力勦捕旬日之間首要各匪大半就擒奏明有案是該前督調度尙無不合又原奏內稱張樹聲留辦洋務之候補道盛宣懷乃曾經劉坤一劾奏之人聲名最劣張樹聲事事信任盛宣懷惟事附洋人實無所能一條查九年十一月間直隸候補道盛宣懷因香港電綫事來粵該前督飭令承辦由粵至廣西龍州電綫該道住粵僅止旬餘旋即回滬嗣經該前督會同前撫臣裕寬奏調該道會辦沙面一案該道旋因李鴻章奏留並未來粵

張文襄公全集

卷九 奏議九

十一

又原奏內稱南海縣丞薛瑤光因過爲前藩司剛毅撤省張樹聲喜其逢迎又令其次子向薛瑤光學習洋話爲之說情留任剛毅不從復強令飭回陽江縣丞本缺剛毅對眾有藩司不能撤一縣丞之語一條查薛瑤光係陽江縣丞署南海縣丞以通曉各國言語久充洋務委員遇有接晤洋人令其在旁傳述問答之詞因其爲人素爲物望所薄前藩司剛毅撤其署南海縣丞飭回本任以示裁抑該前督當經批准並無爲之說情及令次子學習洋話之事薛瑤光到陽江縣丞任後又經糧道以洋務局乏人稟請調省差委蓋傳述洋語繙譯洋

文此類人員各省率皆權宜節取實非該前督喜其逢迎而然臣之洞到任後卽已另派洋務委員然或遇洋務繁冗不敷奔走之時間亦量加差遣此後仍當隨時察看如有劣蹟卽行嚴參至另奏又稱廣西是該前督兼轄屢聞警報乃竟視爲膜外及至北甯勢不能支始遣王德榜方長華接應援兵未至要隘已失復於敗勦之後自請處分以嘗試居心尤爲取巧等語查前福建藩司王德榜於九年十一月經前兩江督臣左宗棠奏請募勇十營由湘援越道員方長華於九年十二月經該前督會同前撫臣裕寬札飭募勇五營由潯州甯甯

張文襄公全集

卷九 奏議九

十二

一路出關北甯不守係本年二月間事均有月日可稽至總督例請處分似非嘗試取巧伏查該前督被劾各節或本無其事傳聞失實或原無大過責備太苛或已經聖裁不必追論似均可勿庸置議臣等竊維張樹聲素行謙謹久歷封疆刻意自愛服官各省類皆孜孜求治初任粵督聲望頗優回任之後非議頓集今經臣等詳考案牘按覈實政以其設施不宜有此揆其致此之由略有數端一由於上年七八兩月英人羅近槍斃華民幼孩一案葡人戴阿士踢傷華民溺水一案因格於洋例不能令洋人抵償民情憤怨輒以租界洋人議之

一由於海防事起多用淮將淮軍該前督之意謂粵軍以驍悍勝淮軍以訓練勝欲以此示之準的自是治軍正論而本省將士因疑有鄙夷粵軍之意又該前督議防中路故戰具守具先於此處布置物力所限他軍或未能遽行徧及於是粵省將校不悅滋甚一由於該前督謂兵力不敷扼要以近為宜主守黃埔臣玉麟謂藩籬當固禦敵以遠為宜主守虎門並沙角大角兩山現在兩策並行始分終合持論偶不甚相同屬僚遂妄生揣測謂為懷忌掣肘由是民志將心各存成見吹求附會浮言遂多今既解任治兵督率所部辦防在朝廷實

張文襄公全集

卷九 奏議九

五

為保全善任在該前督亦得專力殫心於防務必有裨益以上所陳皆係覈實之言平情之論臣等奉命確查斷不敢有一毫隱飾所有查明前督臣被參各款謹合詞據實覆陳伏祈聖鑒

旨知道了欽此

敬陳海防情形摺

光緒十年九月初三日

竊臣到任之初即聞法人渝盟警報狎至揆其貪狡情形深知宸謨明決萬難遷就汲汲以籌備戰守為事諮之同官訪之將吏綜核軍實計畫餉需按考輿圖勸督團練於是巡歷外海內河各礮臺省城外陸軍各營壘

時已疊奉綸音籌防籌戰未幾而聞敵擾雞籠未幾而聞敵攻馬尾旋又聞有窺粵之信事機日迫舉凡設險創臺造船購械必需經年累月而後成者勢皆不能興作僅得就力之所及時之所能為者竭力措置查粵省帶海為疆無處非設防之所而大端有四處曰省防曰瓊防曰廉防曰潮防省防最重而最難虎門海口浩渺宏深相距千二百丈兩岸礮力不能相接舊建各礮臺疎謬無法背山平水留煙收彈一時猝難改造即能改造而寥寥數礮亦何能遮絕重洋沙角尤為遼闊礮臺竣工尚早一也內河深廣兵船可抵城下城垣痺薄戶

張文襄公全集

卷九 奏議九

六

宇闕塞城外無劄營之地城上無及遠之礮二也虎門之西又有海口五日五門而澳門不與焉橫門磨刀門崖門可進大兵輪蕉門虎跳門可行中小輪口內港汊交通皆達省垣三也香港敵可行船澳門敵可登岸英葡皆素與法親助械濟糧情同邸駟彼有頓舍之所我無禁制之方四也洋人居粵已久情民役洋人以為利教民資洋人以為庇地形營制官吏舉動纖悉備知無從防察五也粵垣游民多逾十萬鬪爭攘奪幾於無日無之省外交兵則此輩將乘機而起既禦外侮兼防內訌六也河道如此紛歧必有戰船庶可扼守粵省兵船

兩艘已燬於援閩之役此外中小輪船皆緝私捕盜之物並非戰艦僅有洋製蚊子船一艘土人仿製蚊子船一艘恐無大用七也餉絀各省通患而粵省庫儲常如懸磬專待借款辦防增營購械繁費無等加以協滇協桂援閩援臺實已無從羅掘八也夫三洋海面以粵爲衝中國之有洋務以粵爲始探洋情買洋械以粵爲便二十年來逐漸經營早應備禦完密乃歷來治粵者習常蹈故遠慮蔑聞自去年秋冬以來彭玉麟張樹聲經營防務漸有規模彭玉麟忠壯勤苦足以感發軍民張樹聲於泰西礮械素能講求次第籌備新造礮臺略仿

張文襄公全集

卷九

奏議九

七

西式始改舊觀惟是事體繁重經費艱難且動爲各國洋人所牽制而將吏習爲疲惰大率狃於積習謬見隱存微倖無事之心又多未見外洋戰陣備禦之方罕有成畫臣與諸臣三令五申考校督趣夜以繼日舌敝唇焦三月以來部署略定前路曰虎門距省百二十里虎門內東山麓一臺曰威遠臺海心兩臺曰上橫檔下橫檔署水師提督方耀任之虎門外東曰沙角西曰大角曰蒲州彭玉麟始議於此三處新建礮臺沙角湘將提督雲慶任之大角蒲州湘將提督王永章任之是爲前兩路中路曰黃埔距省六十里內海水勢東西流中

分爲二以達於省黃埔之尾曰長洲居南北兩支之中准將提督吳宏洛任之張樹聲行營駐焉南岸之南岸曰沙路准將總兵王孝祺提督蔡金章任之北支之北岸曰魚珠署廣州協副將總兵鄧安邦任之魚珠以內去省十里曰中流沙水心有臺遊擊黃增勝任之是爲中三路西南路距省十里曰南石頭爲五門諸河達省之總道湘將提督陶定昇任之彭玉麟行營駐焉再西南距省四十里有兩河口東曰石壁村西曰五斗口爲五門西來兼通佛山鎮之要道副將利輝任之分駐艇船二十陸勇一營築土臺於岸是爲西南內外兩路長

張文襄公全集

卷九

奏議九

八

洲之南北兩河沈船載石擇要攔塞每一河內外攔塞兩道以上皆海防也陸防東路自魚珠登岸可以抵省爲曩年洋人登陸之熟路除鄧安邦各營外提督楊安典所部礮隊助之魚珠岸上北亘大山曰吉山自吉山以西南及嶺德河濱北抵燕塘山麓迤邐至省城東門陸軍可行大隊此爲最衝署陸路提督鄭紹忠所部東七營任之陸防西路自城西北八里之增步可以登岸軍火機器局在焉鄭紹忠所部西二營任之副都統尙昌懋鍾泰所部旗兵洋槍擡槍隊四營助之鄭紹忠營於城東北白雲山前居中策應東西何路有警卽親率

大軍赴之是爲陸防東西兩路至沙角威遠有警則佐以濂溪竹溪二社團練沙路有警則佐以沙灣菱塘二司團練魚珠有警則佐以鹿步司及東莞新安兩縣團練白雲山各營有警則佐以慕德里等社團練增步有警則佐以三元等里恩洲十四鄉大瀝四堡團練五斗口有警則佐以五斗司佛山鎮等處團練若現有輪船止可爲濟運巡探之用艇船扒船舟鈍械缺止可分泊汶港藉作疑兵其統率內河各船相機擾敵則總兵黃廷彪任之於長洲左右屯雷勇洋划三十隻以護水雷於新塘尾魚珠沙路獵德海珠等處各置渡船二十隻

張文襄公全集

卷九 奏議九

九

以備調兵往來策應之用至南海番禺香山順德新會東莞新安各縣分口支河防不勝防惟有責成各該營縣激勵民團挑選練兵雇募沙艇號召漁拖於河道較窄處設法攔截建築土臺購覓民礮擇要而守相機而戰以沮敵人旁抄分擾之謀此省防之大略也瓊州孤懸海中水土毒惡物產瘠薄米糧仰給海北去省二千餘里文報艱難孤危已甚經署瓊州鎮總兵吳全美署雷瓊道王之春竭力經營尙不疎懈該府之西正對越南之海防口地有銅鑛久爲西人垂涎自六月以來法船屢往窺探量水近譯西電屢言法人攻臺後卽將圖

瓊設該處被兵惟恃力守外援無從飛渡復爲之增營增械籌餉籌糧現在瓊州有勇十四營粵省之力止於如此惟海口較淺大兵輪須止於十五里之外尙可設險力戰其文昌屬鋪前司口門頗深而一月兩潮船入不便陸行至府路徑迂曲淮儋州崖州兩口最深地窮水毒不特省城鞭長莫及卽瓊郡亦難兼顧人力所窮此瓊防之大略也廉州北海一口去越甚近自海防來之法船半日可到所屬欽州與越之海甯府毗連一名芒街而此中越交錯數百里之中教民素多皆係客匪又爲九頭山海盜出沒之區廉州則高州鎮總兵張得

張文襄公全集

卷九 奏議九

三

祿與奏辦團練之總兵李起高任之營於神開港欽州則參將莫善喜與奏辦團練之前廣西提督馮子材任之營於東興街七月底突來教民數百屯聚北海調團練往始行散去又有法船五艘由越境岳山港登岸至芒街號召教民散給衣械法酋復經逼我軍營壘熟窺而去法船半月始行或欲沿海以擾東境或踰山以抄西軍俱未可定惟有飭購舊礮酌增勇營聯絡崗團撫用海盜以爲固圍禦寇之計查廉欽一帶水陸兼防法船頃刻卽可來教匪窟穴不能去且距省僻遠多河少騎文報難達何況援應以後邊患未有已時此廉防之

大略也潮州汕頭一口近年始建有礮礮臺臺既嫌孤礮亦未備自方恭敷營舊勇援闕去後新募尙須訓練惟有責成該鎮道聯團集餉就地籌防由汕頭通揭陽一路河道深廣青嶼舊臺受敵失勢現飭於青嶼以東之錢岡作水柵欄截築兩臺於入內港二十里之南北岸再築一臺於距城三十里之雙溪嘴移置舊礮守之至汕頭抵府九十里河淺沙多潮民素悍內河陸路或非敵意所窺此潮防之大略也目前急務自不能不全力專顧省防卽以省防而論水陸兼包已及四五百里而八面受敵諸國牽制臺少巨礮水無堅輪水雷利

張文襄公全集

卷九

奏議九

三

用苦其不多塞河工鉅難於堅厚各臺之礮甫演準的新募之營未經訓練度支絀而餉需益急海面擾而釐稅日虧軍火搜諸香港而已窮購之外洋而難到團練能助勢而不能搏擊陸兵能拒守而不能還攻然且欲兼顧廣屬六門遠馭瓊廉兩郡救鄰置之急供入越之軍種種棘手情形實爲事勢時日之所限臣本迂愚未更兵事倉卒受任設施爲難惟有仰稟聖謨殫誠竭力以忠義激士民以重賞鼓勇士以和衷聯諸將以廣聽收羣策每遇防務措置事宜皆與尙書臣彭玉麟前督臣張樹聲撫臣倪文蔚虛衷商確謀定而行目前有事

諸臣毫無意見之參差卽湘淮粵諸軍亦毫無畛域之間隔各營皆有奮揚之氣小民咸懷敵愾之心設有敵警將軍臣長善撫臣倪文蔚分任城守臣彭玉麟親督虎門一路臣張樹聲親督黃埔一路臣親督魚珠一路上仗國威下憑士氣同心戮力誓遏凶鋒以保巖疆而紓宸慮

旨覽奏布置海防情形所籌均甚妥協卽著該督會同彭玉麟等督飭各軍並激勵民團隨時認真訓練嚴密備豫以期緩急足恃欽此

息借商款摺

光緒十年九月初三日

張文襄公全集

卷九

奏議九

三

竊據廣東布政使龔易圖詳稱粵東自上年八月間海防喫重經費不敷經前督臣張樹聲等奏請息借香港匯豐銀行商款二百萬兩內先提用一百萬兩本年三月間又因庫儲匱絀無款騰挪詳請會奏並將所備商款留備購買鐵艦未提之一百萬兩亦向該銀行提取以應急需閏五月以後海防更加緊迫添募營勇購辦戰守各具所用業逾鉅萬而奉撥湘軍營餉西省出關道員方長華月餉以及協滇協桂援閩援臺添募之軍軍火之用計續提滙豐銀行借款僅餘五十餘萬勉敷本省防營三箇月軍糧之需設使兵衅一開則用項更

難預計而外省協濟軍糧器械仍須兼顧勢不能不另籌鉅款以備緩急該司與各局司道等公同商議各庫既無可再籌要需又急如星火惟有再向港商借用以顧目前此時若不早為定議誠恐一有戰事借款即難應手擬請照前借章程再向滙豐寶源等行借定銀一百萬兩訂立合同印票備防務漸鬆此項自不敢輕動如戰事已開庶免臨時無措等情詳請具奏前來臣等查粵東籌辦本省海防協濟鄰疆餉械商款甫到要需紛來庫儲等於罄懸捐輸已成弩末該司所詳援案借款各情自係為海防日緊慮及戰事既開籌借無從設法起見合無仰懇天恩俯准援案息借商款一百萬兩以應要需謹合詞恭摺具陳伏祈聖鑒

張文襄公全集

卷九 奏議九

三

旨戶部知道欽此

唐景崧募勇出關片

光緒十年九月初三日

再臣之洞等前奉電旨飭令滇粵進兵規復北圻並令各籌出奇牽制之策當經轉電潘鼎新岑毓英欽遵辦理惟廣東欽廉一路山海艱險若踰山入越仍至諒山地方轉形紆頓是廣東奇兵一枝自不如仍由鎮南關進入越後再議會合劉團相機攻敵查四品銜吏部主事唐景崧久在越地熟悉邊情且素與劉永福相洽

擬令募勇協劉圖越較之別遣生兵生將便利尤多當於七月初四日電請總署代奏奉旨張之洞電稱牽制以戰越為上策現令唐景崧募勇出關與劉永福合力犄角趕籌餉項軍火濟之所辦甚是已賞給劉永福記名提督賞戴花翎令將法人侵佔越地方圖恢復矣唐景崧著賞加五品卿銜即令張之洞傳旨令其激勵劉永福奮勇進剿等因欽此臣當即電致該主事募勇四營迅速出關與劉永福會合相為犄角一面撥解餉械並助劉永福餉銀二萬兩即飭該主事帶交傳述天恩激勵力戰適有駐紮龍州之統領威遠軍候選道方長

張文襄公全集

卷九 奏議九

三

華因所部疾病較多東西餉章未能畫一經廣西撫臣潘鼎新電商裁撤即以該道一軍之軍裝器械全數撥給該軍應用不敷者陸續解濟疊據電稟於七月十六日將景宇四營招募成軍因候餉項解到於八月二十日出關取道牧馬高平宣光一路往會劉軍

旨戶部知道欽此

為張樹聲請卹摺

光緒十年九月十六日

竊前兩廣督臣張樹聲於交卸督篆後出駐黃埔親督各軍籌備戰守日前患病增劇暫回省城醫治均經該前督奏報在案臣等連日前往問疾見其病勢愈篤竊

以爲憂茲據該前督家屬具報張樹聲於九月初八日申刻病故等情前來臣等伏查張樹聲安徽合肥縣廩膳生家世儒素樹聲少負志節讀書好爲深沈之思尤究心經世之學咸豐初年粵逆方張皖北盜蜂起樹聲率其弟已故廣西右江鎮總兵樹珊團鄉兵築土堡拒賊遠近豪俊奉約束惟謹大股悍賊來擾屢挫其鋒准軍宿將如前直隸提督劉銘傳前廣西右江鎮總兵周盛波湖南提督周盛傳等皆樹聲所與聯團禦侮者同治元年今大學士直隸督臣李鴻章督師赴上海令樹聲募勇從樹聲爲言劉銘傳及周氏兄弟才武左提右

張文襄公全集

卷九

奏議九

三

擊各建旗鼓淮軍之興實樹聲爲之創也李鴻章克平江南先後數百戰樹聲靡役不與三年蘇浙肅清四年樹聲補江南徐海道銅沛境內湖團客民與土民日尋鬪戰幾肇兵端適捻眾東竄湖團謀句賊時故大學士曾國藩駐軍徐州檄飭查辦樹聲督同府縣分別良莠隨宜留遣酌定善後事宜安氓已亂徐人至今頌之是年十一月擢直隸按察使五年五月到任先是捻首張總愚在運河東路竄擾連月樹聲督辦省南河防躬勸督各鄉設團築寨爲守望計民感其誠凡官令修牆浚濠之事得樹聲一檄婦子皆荷畚鍤恐後緣河堡寨干

里屹然遇警悉持械晝夜登陴賊屢撲運河不得渡遂殲焉直隸訟案積壓萬餘件吏治之疲民生之困均由於此曾國藩時爲總督與樹聲籌清釐之法議清訟事宜限期功過章程樹聲實力奉行積案全數清結量移山西旋擢布政使十年十二月簡授漕運總督調署江蘇巡撫甫兩月復署兩江總督遂補授江蘇巡撫所至孜孜求治吏畏民懷望實益隆矣十三年丁憂回籍光緒四年冬服闋赴都五年正月奉旨補授貴州巡撫未至黔調撫廣西值粵將李揚才爲亂出邊擾越南越之北圻夙多土匪李揚才句結各股蔓延四出勢益張廣

張文襄公全集

卷九

奏議九

三

西出兵勦辦師久無功樹聲至激勵軍心考核地勢與提督馮子材計畫方略數月之間元惡授首餘黨悉平是年十一月補兩廣總督廣東嶺海奧區二十年來治粵者習爲寬弛紀綱淆紊庶事墮廢吏疵軍敝膠固難理樹聲正己率屬首劾監司鎮將之不職者調李用清段起諸人任以整軍理財各事表朱次琦陳澧之學行以示風厲風氣翕然一變八年春調署直隸總督兼辦理通商事務大臣朝鮮忽內亂燬日本使館日本兵艦連檣向仁川內訌外偏李氏宗祀幾危樹聲得報先遣兩兵輪東渡觀變廣東水師提督吳長慶統軍駐防登

州樹聲知其可任飛函令部署出師調集兵商各輪由登州橫海而東一日夜吳長慶率所部三千人齊達仁川直入朝鮮國都取李昰應送天津先後十日國中定日本大將海軍鄉頓兵海口相顧錯愕狡謀不敢發皆樹聲策也於時樹聲方病累疏乞退皆蒙溫旨慰留給假調理九年秋法蘭西用兵越南粵防日亟樹聲奉命迅速回任力疾銷假七月航海抵粵察看海防則兵餉俱缺礮臺槍礮水雷一切備禦之具蕩焉無有警報且日夜數至樹聲由津南來時即購帶哈乞開司毛瑟各洋槍克虜伯過山各礮並奏帶江南舊部提督吳宏

張文襄公全集

卷九 奏議九

三

洛淮勇五營冷駐常州併力扼險築二礮臺益遣將募兵訓練分布要害復電致外洋訂購克虜伯大礮二十餘尊毛瑟精槍數千桿及虎門長洲應用水雷電綫炸藥棉藥之屬刻期運到是年冬臣玉麟至復與樹聲及臣長善臣文蔚通力合作臣之洞到任以來措置一切得有所憑藉者樹聲經營先事之力為多樹聲既以病開缺遵旨督所部辦理粵防交卸後即親駐黃埔行營督率諸將備戰守日登山涉海相度形勢講求礮準及攔河阻船安雷發電截擊援應各事炎暑鬱蒸海風尤厲病體中之遂不支臣等以營中醫藥均艱力勸暫至

省城調治終以積勞過甚受病已深服藥亦不效臣等間日走視蕭然布被伏枕支離惟以外患未平聖恩未報流涕嗚咽無一語及私昏瞶謔語率皆部勒防務或大呼開礮擊賊聞者悲之樹聲忠偉誠懇識量過人平時治事纖悉縝密若拘謹已甚遇大利害當幾立斷無稍回惑即如朝鮮之役非樹聲赴機神速其不為越南前事者僅矣臣玉麟老病日甚臣之洞臣文蔚未嫻軍旅方藉張樹聲相與共濟是以出關援閩樹聲一再奉命慷慨治行均經臣等籲留不謂其一病不起齋志長逝臣等檢閱其書疏稿草所言經營海疆諸策類多深

張文襄公全集

卷九 奏議九

三

識苦心時事方艱一時封疆舊臣如樹聲之文武兼資通達中外機要者已不多有今乃俄焉彫謝不獨臣等痛失同志之助尤不能不為國家惜此人也合無仰懇天恩飭部照總督軍營積勞病故例從優議卹並將該前督事迹宣付國史館立傳以彰忠蓋張樹聲受列聖知遇為國大臣以死勤事予諡建祠諸曠典聖明自有權衡非臣下所敢擅請而該前督生平志事勳績臣等誼屬同官知之既稔不敢不撮其犖犖大者臚舉上聞張樹聲長子舉人戶部員外郎張華奎次子附生張雲霖三子張雲鵠年未及歲再張樹聲遺摺現據該前

督家屬呈請代遞謹一併附進合併聲明
旨另有旨欽此

添募水陸勇營摺 光緒十年十月二十六日

竊查粵東前因籌辦海防及勦捕惠州府屬稔山會匪
添募水陸勇丁前經督臣張樹聲會同臣文蔚於本年
閏五月初七日附片奏明在案臣之洞抵任後正值法
人啟衅閩洋時圖窺伺粵東海防事機日緊而附省六
門皆在百里內外處處水勢寬深蕉門虎跳兩門可進
中號兵輪餘四門則鐵甲巨艦均可駛入他如潮瓊高
廉各府同係濱海要區亦須設法兼顧非厚集兵力嚴

張文襄公全集 卷九 奏議九

爲之備不足以扼敵鋒當與臣文蔚暨兵部尚書臣彭
玉麟前督臣張樹聲再四熟商查虎門外大角沙角兩
處礮臺地當前敵兵力甚單飭令前直隸正定鎮總兵
婁雲慶記名提督王永章各添募勇丁一千名協同守
禦又虎門威遠礮臺爲進口衝要雖經駐有守臺弁兵
而後路尙虛咨會署水師提督方耀添募勇丁二千名
以千五百名駐紮臺後藉資策應以五百名分駐鵝嘴
之定洋礮臺互相聯絡又城西之增步城東之獵德及
南石頭等處均關緊要咨會署陸路提督鄭紹忠添募
勇丁二千五百名並礮勇三百名前往分紮又沙路一

帶與長洲相對爲入省南岸要衝飭令留川補用副將
黃德耀招募勇丁五百名駐紮該處添築土臺實力防
守並聯絡附近蓮花山各鄉民團藉資輔助又魚珠地
方與長洲沙路唇齒相依爲入省陸路必經之地該處
先駐署廣州協副將記名總兵鄧安邦所部勇丁一千
名尙形單薄飭令添募勇丁一千名駐紮附近之波羅
廟地方以資援應又城東吉山一帶東南陸路隨處可
通飭令署陽江鎮左營守備黎炳泰募勇五百名新會
營右營守備尹林安募勇五百名儘先守備葉良募勇
五百名均歸鄭紹忠統率調度分紮扼守又署大鵬協

張文襄公全集 卷九 奏議九

副將賴鎮邊原帶三百名現飭添募二百名足成一營
駐守香港對河之九龍地方又署水師提標後營遊擊
黃增勝原帶勇四百名駐守中流沙礮臺現飭添募六
百名足成兩營以五百人分守河心及兩岸之礮臺以
一營駐紮河岸以與礮臺犄角又南海縣屬之五斗口
陳頭地方爲內河要隘飭令順德協副將利輝雇募拖
船二十號配足水勇一千名派署該協左營都司鄧鎮
邦右營都司梁保泰分帶並添募陸勇三百名連原帶
勇二百名合成一營派署香山協右營都司利成耀管
帶分紮兩處以防敵船繞越又沙路魚珠攔河處所前

飭署水師提標左營遊擊黃廷燿雇募紅單船四號駐守現飭添募六號配足水勇並另募礮勇三百名分駐守禦又臣之洞選募親軍一百名前督臣張樹聲添募親軍五十名臣文蔚選募親軍五十名以備調遣此粵省海防中路添募水陸營勇之情形也省外則潮州地方有汕頭一口濱海緊要飭令署潮州城守營都司方鰲添募礮勇五百名又廉州壤接越南水陸兼衝前飭高州鎮張得祿帶勇防守歷據來稟不敷分布飭令添募一千名並飭欽州營參將莫善喜添募五百名以資守禦又瓊州懸隔海外尤覺孤危署欽州鎮吳全美署

張文襄公全集 卷九 奏議九

三

雷瓊道王之春稟請撥勇協防飭令就近添募勇丁一千名均飭勤加訓練擇要置守此又東西南南路添募營勇之情形也以上各起勇營均於六七等月先後成軍附省各路均由善後海防總局按照營制核給口糧其王永章婁雲慶所部口糧向照湘軍營制每月由局籌備解交兵部尚書臣彭玉麟行營兌收支發廉瓊距省較遠由各統帶隨時派員赴省彙領回營分別散放方鰲所募礮勇薪糧暫在潮州籌款動支應造花名等冊均俟造繳齊全再行彙造送部查核據廣東善後海防總局及營務處司道會詳請奏前來臣等惟海防之要

在於築臺購礮如新式礮臺林立形勢雄壯並有大礮多位對準轟擊敵自不敢內犯粵東沿海各臺建立失勢築造無法一時猝難更改且港闊口多礮小而缺藩籬之固實有難言不得已思及陸路添營與之登岸搏擊厚集其勢多為之備庶水陸相輔前後聯接差免萬一之虞

旨兵不臨陣練膽即平時訓練亦未可恃況訓練不勤乎該督等嚴飭將領時刻若對大敵精練勤操以備急用該部知道欽此

續修沙角等處礮臺片 光緒十年十月二十六日

張文襄公全集 卷九 奏議九

三

再廣東辦理海防先後在於虎門省河黃埔各處擇要修築礮臺以資防守經前督撫臣奏明在案其虎門口外之沙角大角兩處舊有礮臺久已頽廢亦不得地勢湘軍慶字振字等七營分紮該處前擬勘明修復本年三月二十二日經前督臣張樹聲會同臣文蔚於添築虎門黃埔等處各礮臺摺內陳明亦在案隨飭廣東善後營務處各司道前往沙角大角地方會同駐臺各營將領審度形勢妥籌布置去後茲據該司道等會詳稱虎門為入省首衝原設威遠下橫檔上橫檔各臺雖已次第修築然虎門以外沙角大角兩處尤屬要區詳勘

一第... 升... 8 反...

地形該二處最當前敵足爲虎門犄角之勢舊止各設一臺已嫌孤立且舊臺礮門藥庫均多破壞亟宜選擇形勢要地分別添築興修當即派委員弁設立支應分局以便駐臺將領購料興工現據具報督率弁勇酌召工匠陸續興築計沙角地方分築礮臺十三座內沙角舊臺一座係屬修復捕魚山築臺四座崙山築臺二座奇山築臺一座歸藏山築臺一座白鶴山築臺二座穿鼻灣築臺二座均係新增又大角地方分築礮臺五座內大角舊臺一座係屬修復二角築臺一座浮洲築臺三座均係新增所築各工悉係因地制宜參用西法以

張文襄公全集

卷九

奏議九

三

灰砂磚石洋泥層層春築並以磚石作拱以避敵彈內設藥庫兵房均尙穩固自本年四月間先後興築迄今大致完成現已酌撥礮位運赴安設俾資防守統俟各工一律告竣即飭令該委員等將用過工料銀兩覈實開列由報銷局核明造報等由詳請先行奏咨前來臣等覆核無異除咨明戶兵工三部查照外謹合詞附片具陳伏祈聖鑒敕部查照施行

旨該部知道欽此

截留京餉代雲桂購軍火片

光緒十年十月二十六日

再廣東省應解光緒十年分京餉及內務府經費銀兩

前據廣東布政使龔易圖兩廣鹽運使瑞璋在於藩運兩庫籌備第二批京餉內釐金銀二萬兩洋藥釐金固本京餉銀三萬兩鹽課銀三萬五千兩帑息銀一萬兩第二批內務府經費鹽課銀一萬兩共銀十萬五千兩遵照部行現銀裝鞘詳委候補同知格通額等於本年六月十八日起程由內地押解赴京當經臣等分別奏報在案該員等起程後法人撲犯閩江粵中警報迭至傳聞有法人句煽澳門葡人及各屬教民由內地入擾之信道路戒嚴省外居民紛紛遷徙誠恐稍有疎失關係匪輕當即飛飭沿途州縣將委員格通額等管解餉

張文襄公全集

卷九

奏議九

三

鞘截回俟警信稍定再行起解嗣後敵情略緩正在催令啟程間維時雲南廣西兩軍轉戰關外餉絀械缺迭次咨商接濟託購軍火尤爲迫切正值粵東庫款匱乏之時臣等以力不能代謀義不可坐視公同商酌擬將前項截回已解之京餉銀兩留爲雲桂兩軍購辦軍火之需當經電致總理衙門代奏請旨旋於本年九月十四日准總理衙門來電本日奉旨據張之洞電稱擬將藩運兩庫京餉銀十萬五千兩截留爲雲桂兩軍購辦軍火等語此項京餉著准其截留覈實購辦軍火迅速解往應用等因欽此當即恭錄咨行欽遵查照將前項銀

兩陸續購辦軍火解往雲南廣西以資兩軍進取之用
一俟軍火購辦齊全銀兩支用完竣再將軍火名目件
數起解日期及支過銀數覈實造銷再臣等前請截留
銀十萬五千兩因電文簡略僅聲敘京餉字樣茲查內
有內務府經費銀一萬兩既經奉旨准留應請與前項
京餉一併截留以符十萬五千兩之數
旨該衙門知道欽此

爲吳全美請卹片

光緒十年十一月二十八日

再署廣東瓊州鎮總兵前福建水師提督吳全美於本
年八月十五日在署任內病故業將委員接署總兵篆

張文襄公全集

卷九

奏議九

奏

務緣由附片奏明在案茲據署雷瓊道王之春稟稱吳
全美廣東順德縣人由行伍久歷水師游保花翎都司
升補遊擊咸豐三年督帶紅單戰船赴閩援勦克復厦
門四年調赴江南助勦轉戰大江南北逼下關復蕪湖
解鎮江之城圍清瓜揚之江面其間焚船奪壘戰功最
多經前統兵大臣向榮都興阿等先後奏保驍勇第一
疊蒙聖恩賞給迅勇巴圖魯獎武金牌頒發內府珍物
旋以浙江温州鎮總兵官奉總統江南水師之命同治
三年補授福建水師提督江南肅清凱撤回粵該提督
將積欠餉銀五十九萬餘兩暨温州鎮總兵任內應領

張文襄公全集

卷九

奏議九

奏

俸廉銀兩一律報効奉旨嘉獎加廣本省文武鄉試中
額各五名五年在福建水師提督任內因病開缺回籍
調治光緒六年病痊由籍請咨經前督臣張樹聲前撫
臣裕寬奏留辦理海防旋署廣東水師提督篆務統帶
輪拖各船九年冬間交卸提篆接署瓊州鎮印務時法
氛已熾該提督統帶水陸兵勇親赴海口各礮臺殫心
布置昕夕嚴防瘴癘鬱蒸不避艱苦以致積勞成疾觸
發舊傷在防病故由該署道稟請奏懇恩施從優議卹
並聲明該故員次子藍翎都司吳定國監生吳文沛均
在營隨辦防務等情飭據廣東善後局司道造具該故
員生平戰功事實履歷清冊核議詳請具奏前來臣等
伏查已故署廣東瓊州鎮總兵前福建水師提督吳全
美自成豐軍興之初卽已統率戰艦轉戰江南功績甚
多知名甚早其時賊勢方張堵拄長江尤非易易至其
先後捐廉捐餉尤屬好義急公此次署理瓊州鎮篆適
當海氛方熾之時窮島孤懸兵餉俱困該提督於籌防
事宜會同文員實力經營時逾半年備極勞瘁本年六
七月以來法船屢往瓊州窺探量水警信紛紜該提督
坐鎮籌防軍民恃以無恐該處水土毒惡瘴癘交乘該
提督扶病親駐礮臺躬親督率將士敦勸不肯回城乃

海警方殷宿將彫謝不惟深臣等袍澤之感亦上厯
聖主鼓鑿之恩合無仰懇天恩俯准飭部將已故署廣
東瓊州鎮總兵前福建水師提督吳全美照軍營立功
後病故例從優議卹並請將該故員戰功事實宣付史
館立傳以彰忠藎
旨另有旨欽此

張文襄公全集卷九終

張文襄公全集
卷九 奏議九

三

新城王樹桂校

張文襄公全集卷十

奏議十

分遣廣軍規越摺 光緒十年十二月二十七日

竊惟法人犯順擾閩以後圍禁臺灣朝廷指授機宜保
全南嶠各省疆臣渡兵濟餉百計俱施然以阻隔重洋
艱難殊甚粵東疊濟餉械派兵往助俱已陳明熟籌今
日敵情事勢我不能遽逐法虜以去雞籠法亦不能盡
破我軍而踞臺地惟有力爭越南攻所必救庶不致率
其醜類肆毒孤臺越圻漸恢臺圍自解屢奉諭旨進兵
越南牽制敵勢明見萬里勝算無遺前經臣之洞電奏

張文襄公全集
卷十 奏議十

一

爭越南以振全局復蒙諭旨飭辦欽遵在案自十月以
來法屢添新兵來華大率赴越者三之二赴臺者三之
一復據西電法人決意併力先逐桂軍出越再圖上拒
滇南誠以桂近滇遠為彼北甯河內等處眉睫之患此
時滇軍及提督劉永福方攻宣光未能即時東下桂軍
扼守觀音橋谷松那陽三路雖獲勝兩次為敵所阻兵
力尙薄必須由東路進兵使敵首尾兼急擣虛而入查
前廣西提督馮子材現在欽廉本籍奏辦團練該提督
老成宿將久官粵西曾征越匪威望在人罷兵未久舊
部尙眾派令募勇十營繼因該提督力陳出疆征討兵

力須厚又准續募八營計馮子材共統十八營由欽州上思州出邊入越趨那陽一路據報於十二月初五日到龍州先遣八營紮思陵隘口之外惟續運八營軍械須正月中旬始到又查右江鎮總兵王孝祺現在粵省防營該總兵戎行穩練派令帶本部四營抽撥省防粵軍四營歸其並統計王孝祺共統八營由梧潯溯江至龍州出關入越趨諒山一路據報於十二月十五日到龍州軍裝器械廿二日到龍州又查欽州參將莫善喜素號能軍自請率師圖越意以法虜屢來窺伺欽境口岸不如先發制人因飭就原部二營增募三營以爲馮

張文襄公全集

卷十 奏議十

二

子材後路策應又據參將陳榮輝疊次上稟請出奇兵襲越因飭率新募習於越情水路勇一營並由署雷瓊道王之春撥所部兩營助之會合莫善喜並進由臣玉麟抽省防湘軍一營填紮瓊防俟明正馮軍深入相機進兵計莫善喜共五營陳榮輝等共三營由欽州東興出邊趨海陽一路又查五品卿銜吏部主事唐景崧前經臣之洞奏派統帶四營入越會合劉永福攻勦嗣於十一月內宣光攻勦喫緊准添二營該主事由桂入越緹幽踰險千二百里非復人行之境到防以來勇略殊常屢挫強敵閱岑毓英奏稿亦贊其奮不顧身有膽有

識將滇軍潘德繼三營歸其兼統自宜厚其兵力以資展布已飭俟宣光克後添足十營計唐景崧現有六營正攻宣光攻克後卽下趨端雄一路通計廣軍規越者馮子材十八營王孝祺八營莫善喜陳榮輝等並瓊軍共八營唐景崧現有六營共四十營分爲四枝分道進攻遙相呼應會合滇軍桂軍劉軍互爲奇正優懸賞格申嚴軍律教民固不可濫誅法人亦許其歸命斷不准騷擾妄殺驅眾資敵現因諒山各路告警已電飭馮子材王孝祺飛速分道往援俟明年正月以後各軍俱齊械到餉足事機當可漸順惟軍資浩繁餉固不資械尤

張文襄公全集

卷十 奏議十

三

難購內防外協日不暇給卽使有餉有械而上水轉運甚遲關外辦糧甚苦特是權衡時勢之緩急上體宵旰之憂勞不得不勉爲其難現將藩運各庫之存儲軍火各局之造辦搜羅殆罄應付邊軍幸蒙 聖恩准借商款已奉電旨俟陸續提到當可支持自十月以來七接密報法虜將窺伺廣東曾紀澤自英來電亦同蓋深惡廣東爲臺越各軍餉械之所資力欲擾我以圖牽制然制敵機要所在斷不能爲之動搖以上各節均經隨時擇要電奏

旨知道了欽此

截擊瓊州客黎各匪摺光緒十年十二月二十七

竊照廣東瓊州府屬萬崖二州黎匪於光緒八九年間糾眾出巢滋事經前署雷瓊道劉鎮楚督軍勦平酌留兵勇分紮籌辦善後情形經前督撫臣先後奏報在案嗣署雷瓊道王之春抵任接統劉鎮楚原帶楚勇汰弱留強編爲春字前後中左右五營本年二月間據定安縣知縣陸寶書稟報定安縣匪首林開信等招集萬崖陵樂等州縣匪黨共二三千人由十萬崗前來滋擾經署瓊州鎮吳全美派署萬州營守備李渭培馳赴前途哨探並由王之春派記名總兵侯勉忠管帶安勇新左

張文襄公全集

卷十奏議十

四

營赴定安相機進勦續探知該匪竄擾南閩屯昌各處復調副將劉文成管帶春字右營前往協勦二月十三日侯勉忠馳抵屯昌據報該匪入南閩後經瓊山縣環鄉團勇在瓊山定安之六合坡與匪接仗陣亡附生一名武生二名團勇六名擄去男婦十餘名搶去耕牛數十隻旋竄至下瓊等村滋擾侯勉忠卽於十四日由屯昌拔隊進攻烏坡分三路前進該匪見我軍驟至逞凶力鬪侯勉忠手刃一賊各勇遂奮力攻擊槍斃黎匪十餘名殺傷十餘名奪獲所擄耕牛數十隻乘勝追趕該匪敗竄遂分二股一由定安嶺門市回竄楓木市大塘

等村一由定安烏石坡回竄呂一圖洋逆等村仍屬聚於定安十排山黎崗據險堅守我軍進紮嶺門市烏坡一帶署瓊山縣知縣陳起倬督率勇役會商侯勉忠分道進攻劉文成一軍亦到會同縣知縣杜紹唐已會營選派兵役團練赴連界地方截擊約定二月二十四日合力進兵侯勉忠劉文成分道出隊冒險徑進該匪踞住十排山口放礮抗拒侯勉忠督勇猛攻自己至未該匪抵死抗拒陸寶書會商陳起倬會營督帶兵役密約紳團雇覓鄉導鈔出十排山後期會侯勉忠火箭火彈前後環攻寨內房屋盡然我軍圍攻益力該匪冒煙突

張文襄公全集

卷十奏議十

五

出奪路狂奔由十萬崗而逸土客各匪亦分路潰散卽將十排山內寨房卡棚平毀生擒首逆土匪黃亞三散匪黃文閑黎匪王打生等共十一名客匪王亞昌等四名訊認放火殺人抗官擄劫不諱卽將該匪等正法搜捕匪擒斬八十餘名繳驗首級五十二顆旗幟刀槍四百餘件截回被擄男婦六十餘名口起出被搶耕牛二百餘隻並衣物無數查點受傷勇丁十二名陣亡瓊山縣團總附生陳鳳森武生陳鳳昇王日光王正官並練丁陳啟秀等九名傷亡定安縣團總監生黎奇並練目韓純貞等九名此二月間勦捕客黎各匪攻克十排

山寨平毀寨房卡棚之情形也該鎮道等以該匪出沒靡常此次經勦逃散仍恐乘間竄擾酌留勇營以資防禦迨六月初海防戒嚴將安勇左營調回郡城留春字四營分駐萬陵樂定等處七月初八九等日連據駐紮定安屬土坡之春字右營副將劉文成駐紮南閩之春字前營參將李奇珍報稱近有客土各匪勾引黎匪偵探防營撤回嘯聚七八百人由十萬崗竄出分作兩路一由烏坡迤東出擾一由南閩迤北出擾並據定安瓊山兩縣稟報七月初九日該匪由十萬崗竄至定安南閩附近會齊往來瓊定之皮三節關朗圮水口一帶肆

張文襄公全集

卷十 奏議十

六

劫參將李奇珍先領所部並帶南閩團丁四百餘人越境迎擊於初十日抵定屬之南凱坡突遇該匪列隊抗拒前哨官揮軍力擊斃賊頗多匪即分兩股來撲勇團間有傷亡李奇珍怒馬直前施放槍礮擊斃執旗匪目二名後哨官繞路橫衝各匪紛紛敗遁截回被擄男婦五十餘名口奪獲耕牛數十隻李奇珍奮勇力進直入密菁小路見匪股零落不接放心前進突有悍匪二十餘人於林間伏而狙擊暗放冷槍李奇珍受槍子兩傷登時尋躡匪蹤連刃數賊後力竭陣亡中哨親兵趕至合圍當將匪匪同時砍斃無一脫者劉文成援

軍繼至鼓隊前驅陣斬裹紅巾賊首五顆槍斃數十名通賊於小溪間落水死者數十人奪獲旗幟五面小洋槍二十餘桿賊勢不支奪路奔竄旋向嶺門楓木等處潰散亦有由思圖河敗竄退回老巢者此七月間勦捕客黎各匪獲勝參將李奇珍遇伏陣亡援軍追斬頗多餘匪敗竄回巢之情形也現經王之春添派道員李光炯管帶春字左營馳往協力守禦以杜該匪竄突等情據署瓊州鎮總兵吳全美署雷瓊道王之春瓊州府知府謙貴先後稟報前來臣等伏查黎客各匪歷爲瓊屬大患每年出掠視爲故常林深瘴重進兵艱難上年甫

張文襄公全集

卷十 奏議十

七

經官兵勦敗竄匿近被上年僭臨滋事逃入黎崗之客匪教誘悍黠益甚茲定瓊匪黨因我軍注意海防復敢糾合萬崖陵樂各匪乘隙出擾亟應痛加勦洗以防蔓延經署瓊州總兵吳全美署雷瓊道王之春疊次派隊會圍截擊頗有斬擒並將十排山寨卡棚平毀匪黨敗竄回巢勦辦尙屬得手本欲乘勝進攻爲掃穴擒渠之計祇以外患方殷瓊郡海防緊要未便專注內匪致有顧此失彼之虞除飭該鎮道等嚴督在事文武激勵兵團扼要堵截毋任該匪復出滋擾一俟防務稍鬆卽當別議方略厚集兵力分路大舉勦撫兼用力籌興利化

俗之策以期永靖地方參將李奇珍乘勝追賊遇伏陣亡殊堪憫惻應請敕部照參將陣亡例賜卹其陣亡之瓊山團總附生陳鳳森等定安團總監生黎奇等以及兵勇鄉團一併查明請卹以慰忠魂至此次生擒首要各匪平毀黎崗山寨卡棚並歷次勦賊獲勝之員弁紳團可否准臣等擇尤奏獎出自逾格鴻慈謹合詞具陳伏祈聖鑒

旨知道了著張之洞等督飭地方文武激勵兵團扼要堵截隨時實力防範毋任該匪復出滋擾李奇珍著交部照參將陣亡例議卹陳鳳森等著一併交部議卹所

張文襄公全集

卷十 奏議十

八

蔡錫勇留粵補用片

光緒十年十二月二十七日

再丁憂三品銜候選知府蔡錫勇在同文館肄業有年光緒元年由總理各國事務衙門咨送粵東差委嗣經出使大臣陳蘭彬奏帶出洋派充駐美緝譯官三年期滿又經出使大臣鄭藻如奏充駐日參贊該員以母老多病未能遠離力辭參贊一差仍留粵東差遣旋於差次報丁母憂均經奏咨有案近年粵東辦理防務經前督撫臣派充實學館教習及文報局差使深資得力臣

之洞到任後體察情形大抵粵東官吏結識洋人者甚多而講求洋務者甚少向來號稱熟習洋務者非學識粗淺即品行猥雜惟蔡錫勇志向端謹才識精詳因專派充當洋務局委員承辦各事均能深明大體動協機宜實為辦理洋務不可多得之員現准出使日本大臣徐承祖咨稱奏調該員充當日本參贊理事等官本應飭令前往惟粵東現值海防喫緊日日有中外交涉事件所有緝譯西報查探洋情遇有膠葛繁難之處傳述語言斟酌辯論以及各營各局洋弁洋匠稽查調和均關重要臣等所任用者止此一員自未便令該員遠赴

張文襄公全集

卷十 奏議十

九

外洋伏查該員久在實學館文報局著有勞績現係海防洋務最為得力之員合無仰懇天恩俯念粵東海防緊要准將三品銜候選知府蔡錫勇留粵差遣並俟該員服闋後以知府留於廣東補用俾得安心壹志探索籌畫實於粵省洋防大有裨益

馮子材起病片

光緒十年十二月二十八日

再前任廣西提督馮子材因病咨請前署督臣會國荃奏請開缺光緒九年六月十九日奉上諭准其開缺回籍調理等因欽此欽遵轉行遵照在案嗣經前督臣張

樹聲奏派辦理欽州本籍團練臣到任後詢訪自欽州來省文武各員僉稱病已就痊精神矍鑠於團練事宜認真籌辦該提督來函亦稱自回里後調理數月病體漸痊維時海防日急屢奉進兵越南之旨因該提督百戰宿將熟習越情當經電奏派令募軍出關攻勦並另摺會同尙書臣彭玉麟撫臣倪文蔚奏明在案查提督病症應赴宮門請安聽候簡用今該提督係奏派統軍會勦自未能即時入都相應附片奏明懇恩敕部知照備案

旨兵部知道欽此

張文襄公全集

卷十 奏議十

十

分設東西轉運局片

光緒十年十二月二十八日

再關外諸軍所需餉械計廣軍四枝固由本省供億其廣西雲南兩省出關各營及劉永福一軍近多由東省籌濟卽津滬解濟滇桂者亦皆由此轉解是廣桂滇越諸軍軍資所出統以東省爲轉輸無日無催餉之電音無日無購械之文件差員紛紜匯兌繁瑣流派旣廣端緒尤勞歷經飭令東省各局司道兼綜辦理惟是本省防務已極緊急軍需已極浩繁兼以援臺兵餉船械尤爲繁難內外兼營疲於肆應必須另設專局方有統紀責成查廣東省城爲軍實來源應設東轉運局廣西龍

州爲出關總要應設西轉運局而南甯爲赴龍頓舍之所又爲運滇分歧之區應設西轉運分局現派兩廣鹽運使瑞璋候補道閻希范蔣澤春總理東局仍會同東藩臬兩司糧道各局籌商辦理派現駐龍州之西按察使李秉衡左江道彭世昌總理西局東局爲原西局爲委東局司撥餉購械雇匠造船先期籌畫西局司籌匯催運軍糧臺站臨事分撥務使首尾貫通呼應靈捷至運道自梧州溯流而上水涸灘多民船日少往往停運待雇費重行遲現飭仿造廣西巡船六十艘領以水師員弁分班發運以輔民船之不足明年二月可陸續造成較之專雇運船可速一二十日於軍務不無裨益

張文襄公全集

卷十 奏議十

七

旨該部知道欽此

特參不職文武各員摺

光緒十一年正月十九日

竊臣欽奉光緒十年五月二十八日諭旨吏治軍政財用民風各端著張之洞於到任後將一切應辦事宜認真經理總期有利必興無弊不革等因欽此臣到粵之日海防已警征繕修防日不暇給按考粵中政事吏道龐雜固不待言卽兵食諸大端大率紀綱廢弛消紊無章惟有先就查出各員據實上聞分別懲儆查有總辦機器局江蘇候補道溫子紹經營該局多年料價旣多

不實工匠亦不足額物議繁多應請旨先行革職澈底查辦勒令賠繳試用通判張光裕委辦前山釐局緝私勇丁缺額太多公項亦多含糊試用知縣丁塘委辦後瀝釐局於司事巡攔中飽隱匿縱容不究聲名甚下以上二員應請以府經歷縣丞降補仍勒令如數賠繳試用知縣呂椿培委辦四會釐局挪移釐款浮開公用惟前數年於釐務頗能整頓尙有前勞足錄應請暫行革職勒令如數賠繳再行奏明辦理順德協副將利輝性情近滑委帶艇船勇丁懈弛多不在船操防亦有缺額署水師提標後營遊擊陽江鎮中軍遊擊黃增勝所部

張文襄公全集

卷十 奏議十

三

統帶花翎候補遊擊梁肇駿藍翎候補都司陳良傑委帶文子船並不在船住宿講求操防惟梁肇駿人尙明幹陳良傑尙諳礮法該二員應請均摘去頂戴拔去翎枝再不振作卽行嚴參此外文武弊端不可枚舉大抵粵東政煩俗雜吏偷軍玩養成積弊已非一朝苞苴情面習爲故事參不勝參撤不勝撤若一疏而劾罷數十百人未免駭人觀聽茲先奏劾數員以示風軌其地方各官應由臣另行察看甄別並懇嚴飭通省文武大員各宜精白乃心正己率屬同任勞怨司道總局督察屬吏提鎮統領督察各營庶幾微臣得所藉手可冀漸挽頹風

張文襄公全集

卷十 奏議十

三

旨另有旨欽此

黃照臨調粵差委片

光緒十一年二月初二日

再頃閱邸鈔知署山西按察使河東道黃照臨以回籍侍養奏准開缺在該員自是至情肫篤然臣之洞不免爲晉省惜之查廣東政事極爲繁難而人才最爲不敷端緒之紛習氣之壞實爲十八省之最無一而非利藪無一而非弊端官方民俗財源盜案軍政洋情奇變百出周知已甚不易整飭之難可知而司道各局所辦之事類皆博大緊急關涉防務洋務現值海防孔亟之際

籌畫兵食造船製器購買外洋軍火協濟各路軍需用款動至鉅萬用人難拘一格往往因時創法不主故常不藉羣才難言圖治大抵欲求治粵必須操守才略兼備者為之有守而拘隘者能自檢而不能辦事有才而疏縱者能謀事而不能服人必其守極正其才極長然後能內肅吏民外應萬變而挽回風氣尤以清廉為主黃照臨清操卓絕才力強毅而又能權宜因應警速如流政績久著即以在河東而論清積弊裁浮費整艦綱功已不小前蒙特恩令權臬篆固已仰荷殊知臣之洞移治兩粵恨不得與該員共事一方徒為耿耿無可如

張文襄公全集

卷十 奏議十

十四

何然每至政煩事急時輒不能無指臂之思今適聞其去晉歸里竊敢仰懇於 聖主之前查該員之父母雖老而甚健臣之洞所稔知其母本係就養在署其父每輕裝自湘來署看視時來時往強健可知署山西撫臣奎斌摺內祇言晉省天寒其母不服水土粵湘接壤水土不甚相懸天氣極煖水道可通自於迎養尤便臣之洞與臣文蔚籌商意見相同合無仰懇天恩俯念粵事至難長才至少將黃照臨發往廣東差遣委用俾臣等得所襄助將來必有大益於粵旨另有旨欽此

廣軍會合各軍保關克諒撤兵回界摺 光緒十一年四月初二日

竊惟廣東奏派馮子材王孝祺兩軍入越協勦當於上年十二月奏明在案至本年正二月間諸軍保關復諒大挫凶鋒當經前廣西撫臣潘鼎新隨時電奏臣等僅於桂電所不及者間有奏陳惟來電與各路稟報頗多異同深恐或有參差挂漏即不足以服將士之心現在款議粗成邊防猶亟謹將詳實戰狀上為 皇太后皇上陳之查上年十二月法虜大股自船頭來犯十九日攻谷松二十九日陷諒山本年正月初九日入鎮南

張文襄公全集

卷十 奏議十

十五

關桂軍將領楊玉科戰沒董履高重傷諸軍多潰惟蘇元春所部及陳嘉六營尚完於是法踞諒山於關外十里之文淵州築臺安礮為堅守計龍州為全軍後路商民驚徙遊勇肆掠逃軍難民蔽江而下廣西全省大震自太平南甯以達潯梧皆電報所通水路所達紛紛告急請兵桂林空虛倥傯籌備先是幫辦軍務前廣西提督臣馮子材暨廣西右江鎮總兵王孝祺於臘月先後抵龍而募軍未足裝械未齊王孝祺率數營馳援出關而諒已潰馮子材原有之八營尚在東路僅帶中軍兩營駐龍州元旦聞警乃留一營彈壓根本親率一營赴

南關與王孝祺軍攔截潰勇一面調八營來關晤商撫臣潘鼎新告以守關無須該軍令仍顧東路遂以所部全紮關外派隊親往督勦初九日南關告警復檄西援十二日聞信折回時法已於十一日晨焚關自退馮子材素有威惠爲桂越人心所嚮旣還入關眾心稍定乃建議於關內十里之關前隘跨東西兩嶺間督所部築長牆三里餘外掘深塹爲扼守計謂桂軍宜稍養銳自任以所部萃軍守之營於嶺半令王孝祺勤軍屯於其後半里許爲犄角當是時幫辦軍務署廣西提督臣蘇元春毅新軍陳嘉鎮南軍俱屯幕府在關前隘之後五

張文襄公全集

卷十 奏議十

六

里蔣宗漢廣武軍方友升親軍俱屯憑祥在幕府後三十里潘鼎新率鼎軍屯海村在幕府後六十里魏綱鄂軍屯艾瓦防芄葑在關西百里王德榜定邊軍屯油隘專備鈔截兼防入關旁路在關外東三十里獨廣軍兩枝當中路前敵時值北海封口西電皆謂法將由欽廉攻南甯斷桂軍後路而廉州並無統將臣等因桂軍漸集擬調馮軍回顧欽廉又恐難於移動當經電奏調廉仍令馮子材酌度進退緩急一面詢商該幫辦或全不移動但聲言卽日東援以定眾心聽其斟酌因潘鼎新屢電不以馮軍爲得力不肯言留故令該幫辦自酌知

其力任大局必有權度旋接潘鼎新覆電謂蘇元春自芄葑調回卽令馮軍回廉馮子材覆電則言該軍喫重兩營亦難移調當卽電覆令其專顧桂防不必援廉此正月中旬以後廣軍布置扼守前敵之實在情形也於時馮部全軍已成桂軍休息漸定越人密報法將出扣波襲芄葑攻牧馬繞出南關以北且斷唐景崧馬盛治兩軍歸路蘇元春率軍暨魏綱軍趨芄葑以待馮子材遣五營扼扣波以邀之二十七日法數十騎率教匪至芄葑官軍先在驚走扼扣波之馮軍突出奮擊敗遁獲其馱軍火大象一擒匪黨二二月初二日法又爭扣波

張文襄公全集

卷十 奏議十

七

馮子材法必於初七日禮拜一出兵決計先發制敵羣議多不欲戰潘鼎新以士氣未復止之馮子材力爭率王孝祺軍於初五夜出關襲敵山有賊壘三安巨礮我軍已入街心自五鼓戰至初六日午刻賊益盛王孝祺馬中礮斃易騎戰死士由山後攀崖而上破其二壘斃賊甚多賊敗走我軍傷亡亦多未刻我軍饑疲乃還此二月初五初六兩日廣軍倡議出關力戰破壘之

實在情形也初七日法果起諒山之眾併力入關直撲關前隘長牆攻廣軍營壘馮子材告諸軍曰法再入關有何面目見粵民何以生爲王孝祺以淮軍爲龍州人所詬病諸軍多輕之憤甚皆誓與長牆俱死法以開花礮隊循東西兩嶺進向下轟擊以槍隊撲中路法謂越人皆馮內應自以眞法兵居前黑兵次之西貢洋匪又次之教匪客匪在後礮聲震天遠聞七八十里外山谷皆鳴槍彈積陣前後者至寸許我軍死戰傷亡殊多東嶺新築五壘未成爲敵攻踞其三王孝祺自率小隊抄敵後仰攻敵稍却戰至申刻蘇元春援軍至合力拒戰

張文襄公全集

卷十 奏議十

六

諸軍竟日不食至夜仍未收隊是日王德榜自油隘出軍夾擊據文淵之對山與敵鏖鬪數時互有傷亡遇賊運軍火乾糧之馱馬無數逐之皆返走法糧械遂不得入關初八日清晨復大戰賊來益眾礮益緊馮子材居中蘇元春助之王孝祺當右陳嘉蔣宗漢當左左路卽東嶺敵礮最猛馮子材與諸統領約有退者無論何將遇何軍皆誅之復於各路設卡以截殺逃者馮子材王孝祺各刃退卒數十人賊勢狂悍致死已薄長牆或已越入馮子材年將七旬短衣草履持矛大呼躍出長牆牽其兩子馮相榮馮相華搏戰將士齊開柵門湧出諸

軍視馮子材如此無不感奮關外游勇客民千餘聞馮子材親出陣皆自來助戰何便隨處狙擊馮軍扣波五營自關外西路來夾擊其背於是諸軍合力死鬪短兵火器雜進王孝祺部將潘瀛率選鋒袒臂裸體衝入敵陣故所部勒軍傷亡最多陳嘉爭東嶺三壘蔣宗漢繼之七上七下陳嘉受四傷不退至西末王孝祺已將西路賊擊敗親率軍由西嶺抄敵後與陳嘉等合擊而王德榜之軍亦自關外夾擊東嶺之背遂將三壘全數奪回是日王德榜自清晨出軍甫谷待敵援賊至率隊衝之賊截爲二援賊因回槍擊德榜軍我軍奮擊大勝部

張文襄公全集

卷十 奏議十

九

將張春發蕭得龍戰最勇斃法酋法匪甚多餘眾敗走獲其驟馬五十餘匹所馱皆槍礮彈麵餅洋銀之屬德榜遂自外夾擊東嶺奪還三壘法慶戰兩日彈碼已盡而後隊軍火被截惶懼無措頃刻間礮聲頓息遂大潰我軍任意斬殺賊翻巖越澗而竄教匪路熟先逸法兵多殲此戰所斃眞法兵黑兵千餘法酋數十客匪教匪數百逐出關十里而還是日馮子材王孝祺身畔屢有開花礮子墜落未炸我軍曩與法戰被挫之時率皆陰雨霾霧獨是日大開晴霽風日光明此初七初八兩日廣軍會合桂省主客各軍血戰大捷之實在情形也初

十日馮子材親率十營出關攻文淵州法匪望風潰遁
追擊斃紅衣法酋一遂復文淵法以越官文淵州知州
通馮剖其腹殺之而去十二日諸軍三路攻諒法踞諒
城固守並扼對河北岸之驅驢墟墟有王德榜舊壘甚
固黎明王德榜進攻之士卒多傷斃其六畫兵總一午
後諸軍至王孝祺與王德榜兩軍戰尤力傷亦多孝祺
部將潘瀛執旗先登諸軍並進克之法涉水而逃併守
諒城十三日五鼓馮子材軍楊瑞山劉汝奇等潛渡河
攻諒克之獲其軍械糧米無算皆納之官軍無私焉諸
軍大至法悉眾遁分兵追勦桂軍楚軍追中路廣軍追

張文襄公全集

卷十 奏議十

三

西路十五日陳嘉攻谷松賊勢仍悍王德榜力援克之
斬三畫法酋一馮子材軍退賊至觀音橋破其巢同日
克復屯梅屯梅即長慶府生擒五畫法酋一斬三畫法
酋一遂進軍拉木逼攻郎甲郎甲即諒江府王孝祺進
軍貴門關連日諸軍追殺搜獲法兵極多盡復去年官
軍所駐邊界此初十日至十五日廣軍會合諸軍克諒
後分兵追勦獲勝復界之實在情形也越人久苦法虐
聞馮子材此次起家治兵欣若望歲越官越民多來入
關通款當即密布間諜宣慰招徠及克諒後遂慨然畫
掃盪北圻之計越官北甯總督黃廷經糾集各路義民

立忠義五大團二萬餘人皆建馮軍旗號供糧米作嚮
導或分攻或助戰北甯城內逃潰大半李揚材之弟在
北甯來報官軍破郎甲彼即率眾內應馮子材各許官
賞分給旗榜河內海陽太原等處皆密受約信紛紛呼
法西貢亦以重金購綫通款已令莫善喜一軍由欽州
襲廣安時唐景崧一軍亦由牧馬進規太原馮子材已
定二十五日親率全軍進規北甯並率勦軍同進適奉
停戰撤兵之旨乃止前軍馮紹珠麥鳳標等於二十九
日向攻郎甲是夜前軍聞九日旨乃還自三月十四日
起廣桂楚鄂諸軍連環捲紮至二十日皆撤入邊馮子

張文襄公全集

卷十 奏議十

三

材之軍分屯樟山平而關杉橋等處王孝祺軍屯杉橋
此二月十六日以後三月二十日以前廣軍進規北甯
遵旨凱撤還界屯防關內之實在情形也竊惟法虜自
去秋敗盟以來擾閩圍臺增兵踞越攻犯桂軍諒陷關
失以後大局岌岌此戰若再不利則南太將危欽廉隔
絕兩粵事體殆難措手幸賴國家威福宏遠詔令嚴明
諸將同心士卒效命遂獲大捷克復越南一省一府一
州擒斬法酋六畫至一畫數十法提督尼格里重傷法
之精銳盡殲客教離散全越驚擾法虜自謂入中國以
來未有如此次之受鉅創者時滇軍亦獲大捷於是法

都震攝天威舉國嗟怨將其外部花利罷黜倉卒乞款
聖上寬仁不欲究武俯允其請休兵息民是此戰勝
負之所關實非淺鮮在前敵親見戰事者僉言法二大
犯關非有生力大軍難遽言戰非馮子材創築長牆與
王孝祺合軍死守則諸軍無所倚更無戰守之法當
初六七廣軍苦戰兩日之後非蘇元春軍往援陳嘉蔭
宗漢力拒東嶺則馮軍亦將不支非王孝祺軍疊次肉
薄陷陣橫衝敵堅則馮蘇諸軍亦不能取勝非王德榜
截其後路斷其軍火關內外夾攻則亦不能如此大潰
然非馮子材之素得人心忠勇奮發鎮邊安民戢掠收

張文襄公全集

卷十 奏議十

三

潰設險倡戰料敵情散賊黨廣援應則法亦不至如此
摧破瓦解惶駭遠遁故諸將皆有功而尤以該幫辦為
功首然非李秉衡之廉勁公誠堅鎮龍州力持危局上
匡撫臣下調諸將弔死恤傷多方慰勞以撫殘軍苦心
搏節悉力供賞以勵將士糧餉軍火不分主客隨宜接
濟則諸將亦不能成功該護撫臣之措拄挽回其功不
細凡此皆參考各路電報稟函采訪關內外軍民輿論
並詢訪自龍來粵人員公論確情俱出一轍其廣軍屢
次出力傷亡員弁勇丁已由臣之洞咨照蘇元春李秉
衡會同各軍奏請獎卹不致慮有掩沒 聖主明見萬

里優獎戎行其應如何特願懇實朝廷自有權衡惟是
敵情軍勢將略民心臣等既考察詳實不敢不詳晰上
陳不惟知以前之戰狀亦可以籌後日之邊防所有廣
軍會合諸軍保關克諒遵旨凱撤入邊各緣由謹繕摺
合詞具奏伏祈聖鑒
旨留中欽此

請褒賞馮子材李秉衡片

光緒十一年四月初二日

再馮子材三次出關討平越亂恩威並著此次統軍赴
龍桂越軍民聞其至若得慈母稱為馮青天其軍紀律
嚴好凡關外越人受法匪游勇之害者關內民人受各

張文襄公全集

卷十 奏議十

三

軍騷擾之害者咸來赴訴馮子材亦視若子弟惻然矜
憫為之撫卹示禁告戒諸軍越官越民爭為耳目敵人
舉動悉來報知近自北甯遠至西貢皆通消息其軍出
關後扶老攜幼箠食壺漿來相犒問願供辦軍米糶導
先驅助官軍勦除法長為天朝赤子馮子材毅然自
任致書臣等謂若假以事權期以一年肅清全越由今
觀之全越則未可知若乘勝進兵滇軍東下劉團橫出
數月之內必可掃盪北圻其撤兵之日越民挽轡乞留
痛哭不舍隨之入邊者甚多師還以後尙有越官紳阮
文庭等數十人到龍具稟請馮軍往勦免遭法人報復

殘虐願糾各省義民以爲內應其凱旋龍州商民香燈
爆竹迎迓者三十里不絕當聞旨罷兵之日馮子材以
兵機方利敵患方長機會可惜力持不願電函並至忠
憤填胸力請上奏阻止謂必須責法人以越地還之越
王方可班師嗣經傳示屢次續奉電旨知成約難改始
肯還師在身爲邊將者志滅強虜自是職分當然如該
幫辦之忠勇廉惠決機料敵戢軍愛民考之古來名將
殆無以過此乃文宗顯皇帝拔擢任用之人留以備今
日邊關緩急之用到防之日即奉特旨幫辦軍務士氣
爲之一振故得成功至李秉衡素有清望爲臬司時吏

張文襄公全集

卷十 奏議十

西

民久已翕然稱頌及到龍州辦後路即值大局將潰之
時屹然不動收集吏民嚴禁逃潰前撫臣潘鼎新平日
撫馭將吏軍民諸多不洽屢次挫退民怨軍離威令久
已不行該護撫臣惟以至誠至公激勵將士楊玉科戰
沒與尸通衢無人過問乃親迎其喪痛哭厚歛諸軍感
泣創設醫藥局治軍士之陣傷者每日必兩三次往看
事緩後亦日往一次多賴全活於主客各軍將領苦心
調和視同一家糧餉軍衣不分東局西局但擇其急者
便宜應之在軍自奉刻苦濫費冒支力持不予於戰卹
功賞則搜括騰挪力從其厚一無吝惜護撫命下之日

歡聲雷動桂省官吏軍民若慶更生無論桂軍即廣軍
楚軍諸大將無不虛心相聽願爲盡力大抵馮子材李
秉衡兩臣其忠誠廉直皆同而其得人心亦同一戰之
功不足喜而邊疆文武大臣能得人心爲有足恃此後
邊防不論有事無事當可措置得法該兩臣均膺重任
克振大局臣等既確有所知不敢不據實上聞其應如
何優加褒賞之處出自宸裁謹合附片詳陳伏祈聖鑒
旨留中欽此

景軍越境會勦及撤兵還界摺

并清單 光緒十一年四月初二日

竊查五品卿銜四品頂戴吏部主事唐景崧於上年秋

張文襄公全集

卷十 奏議十

五

間派令出關會合滇軍及提督劉永福之軍進攻宣光
爲規越廣軍四枝之一歷經奏報在案查該軍行抵牧
馬值桂軍即甲挫潰前西撫臣潘鼎新令暫留防守牧
馬雲貴督臣岑毓英來函慮道阻難達囑其繞道入滇
唐景崧以進軍宜速不願遷延時日於無用之地仍由
牧馬分起前進山路險惡糧運艱難十月初旬抵宣光
西北之三江口宣光係石城城內一山法築礮臺下瞰
十一月初五日法攻劉永福部將吳鳳典營勢甚危急
該主事親督將士力援獲勝斃賊甚多於是先率所部
進薄城外宣光一帶荒僻無路但隨象跡以行野象百

十為羣夜行觸之則斃該軍隨處開修始漸能與各軍
來往復創該臺站自龍州達於館司千數百里設法分
段馳遞滇桂之氣始通十二月十一日與滇將提督何
秀林總兵丁槐等合力進攻滇軍爭南門外賊寨約該
軍截東門外援賊劉永福黃守忠截沿河援賊賊大股
自東門出專擊粵軍於山巔城上船中三面環施槍礮
營官參將談敬德已傷復進再中礮沒於陣營官都司
盧貴重傷參將王寶華兩傷軍不少却賊不得過南門
滇軍遂奪得寨該軍擊沈舟中逸賊甚夥劉軍奪賊舟
三賊多溺自此賊伏不出自十一日至十三日晝夜攻

張文襄公全集 卷十 奏議十

三

擊未曾收隊十五日該軍生擒逸賊二百餘會滇軍猛
攻滾草填壕而進奪獲城外礮臺賊潰死傷無算城上
槍礮密如驟雨該軍逼城而壘以草捆蔽身衝彈運鉏
懸礮西北隅山巔轟擊洋樓城堞多毀劉軍亦來助擊
賊紛竄又生擒數十據獲匪供十一日之戰斃五畫法
酋一四畫一一畫二法兵及教匪數百自十七二十二
二十六二十八二十九至本年正月初二初三等日俱
有戰事盡拔城外竹柵木椿以雲梯草捆進攻該軍據
城北土阜俯擊以鄉音誘客教匪投出百餘皆釋去偷
渡者任其逸嗣聞援賊將至逼攻愈急初八初十一

十三等日滇軍以地雷轟塌缺口三處賊於缺口立木
柵土壘排列開花礮伏地窟以守該軍與滇軍屢衝缺
口懸賞募士肉薄先登前者傷亡後者繼進裹創血戰
雨夜不休望見城內之賊紛紛倒斃該軍入城而戰死
者甚多帶隊遊擊賴朝榮於十一日冒彈登城殞於城
上參將鄒全鴻於初十日兩傷參將鄧有忠於十三日
重傷通計數月來營官帶隊戰沒者二人重傷者四人
哨弁以下更難悉數城中樵汲已斷糧亦垂盡教匪大
半竄逸賊勢危蹙伏匿待斃法自入中國以來皆係撲
犯官軍獨宣光為受攻被困之始於上年十二月十一

張文襄公全集 卷十 奏議十

三

十五二十四等日本年正月十三日疊奉諭旨褒嘉懿
旨頒賞乃以桂軍失諒移寇西援劉永福十六七等日
左育扼戰力竭敗退援賊與城賊通連恐致腹背受敵
遂與何秀林丁槐等商暫撤先鋒營穩紮緩攻時值法
入南關將窺牧馬牧馬即高平省該軍後路餉彈俱缺
慮被截斷臣與岑毓英均令回防牧馬該主事抵牧馬
後越官高太勦撫使梁俊秀願結北圻義民助戰太原
金英縣民亦來請兵游勇渠魁梁正理何三謝二等擁
眾甚多皆來就撫願受約束助軍攻勦越民自願集八
十社按月供梁軍糧餉黃守忠所部約千人已檄令東

來景崧各加撫勵部勒自任攻太原一路方欲進討適已奉旨撤兵現於三月二十日以前將該軍撤入邊界分紮龍州之下凍一帶與廣桂各軍聯絡屯防均經電奏在案當圍急時法虜以玻璃瓶盛求救書順流放下上插小旗書拾送端雄法營者給銀二十元被官軍截得數具解送臣處當經譯出自言日夜攻擊勢在垂危不日將陷又譯出西人自河內來洋信暨東京法人新聞紙所言略同盛稱宣光華軍力戰甚勇攻圍有法遊擊茂連孛釐傷斃再過七日則城內無一生者述左育之戰則言法攻東京以援宣一役爲最難黑旗勇敢無

張文襄公全集

卷十 奏議十

天

匹真法斃斃四百餘人官兵廿五人黑兵教匪不與焉蓋永福雖敗退而法人守城與援宣之兵受創過甚力做氣沮故僅解宣光之圍不能上犯館司其震怖之情露於楮墨至今法人猶深畏忌查該主事以文學書生親率偏師越疊會勦行無人之地千餘里山箐幽險不見天日夜墮深塹晝逢猛虎馬蝗盈尺噬人立斃人馬顛隕不可數計購糧運械尤爲艱苦其人數比之滇軍劉軍不及其半其後路之遠近難易則又倍之至於臨戰赴援攻城奪壘其摧鋒斬獲每與諸軍相埒將士致果效命傷亡多於他軍每有攻戰該主事皆親履前行

其爲才能用眾勇能克敵已可概見此軍以之防邊可期得力除宣光歷次攻戰獲勝雲粵劉三軍已奏奉恩准咨照岑毓英遵旨保獎並隨時奏郵外合將截獲宣光法匪求救書暨西人河內來信東京法人新聞紙譯出繕單恭呈御覽

旨留中欽此

謹將截獲宣光法匪求救書暨西人河內來信東京法人新聞紙譯出繕單恭呈御覽

書
譯光緒十年十二月官軍截獲宣光法匪玻璃瓶求救

張文襄公全集

卷十 奏議十

天

函面寫即交沿途所遇法營破隊官如不遇破隊官即速投遞駐紮宣泰統領

函背寫安南人能將此文飛遞宣泰者獲重賞切速切

速
函內寫本處被華兵圍困其數甚眾日夜攻擊勢在垂危四圍九百碼之外皆華兵所駐密邇相逼我軍不得不棄外壘而退守內城惟南面一方距華兵尤近相去僅二百碼華軍由此掘挖地道工程甚速不日將陷我城復於汗沃道上建築土壘堅壁固守此處即劉永福所駐有黑旗二千人在此謹此急報大營統領察照由

宣光法營發火速火速

另洋文一分辭意相同

譯正月二十四日西人河內來信

法攻東京以援宣一役爲最難然向與劉軍接仗未嘗有易事也宣光一城在克來河旁之山谷中距城百丈許有山臨之易於被擊去歲九月間華兵圍之至月杪鏖戰一次圍始解後法留新兵守之援兵仍回河內越四日華兵復圍之至十二月初間奮勇迎撲城垣被毀三處法苦不支告急於河內華人跨城數次雖被擊退而法兵死傷者亦甚多其時法已據諒山統兵官卽調

張文襄公全集

卷十 奏議十

三

前營副將幾阿樊你之兵趨援宣光計法兵二營一眞法兵一越南土著又有大礮一隊哈乞開士礮一隊由克來河沿流而上水程甚遠直至正月十六日始見黑旗有礮臺在都約地方距宣城約六英里形勢甚佳臺設山上繞以矮樹船礮既不能及陸礮亦難擊中共有小臺八座內聯濠溝外築短垣上開礮眼下挖地道垣以外有竹桿三重槍隊護垣一道再前十五丈樹土盡芟劉軍伏垣內地道既得地利復善策應法人連攻四次不克進至第五次始攻入第一重垣死傷甚眾黑旗勇敢無匹敗退時仍以藥筒藥包石塊小刀擲擊法人

忽見法之黑兵從左邊攻入有一華人自知逃避不及卽焚火藥房轟斃法兵四十人是日下午法攻第二重土壘華人相持不若前次之堅法營大礮又可翼助其步兵至黃昏後華人尙保存土壘數座夜間出圍法人旋被擊退次日軍心稍懈未刺宣圍始解華人所開地道距宣光城垣僅三丈垣上有五缺口皆填滿華屍可見華人攻城之勇又可見哈乞開士礮及開花礮近攻之利是役法守宣城之兵死者一百五十其餘受傷過半法兵穴地而居以避槍礮已閱三十六日設再遲七日援兵不至必俱死矣法之官報載援兵死者四百六

張文襄公全集

卷十 奏議十

三

十七其中二十五係員弁大約不止此數向來土著之兵死者法人從未計及觀河內醫院受傷者之多幾無安置處法之失利已可概見其援兵現劄宣城華軍離城僅二英里法之不敢迎擊者蓋自知其力有不及欲待援兵再至然後圍之聞日內有法兵五千來越現已有到河內者俟其全到將由紅河以取保勝法人亦自知欲到保勝非數月不可或須延至今冬可見法人在越不甚得手所謂增兵者不過補陣亡病故之缺而已四十日以來法兵之受傷病故已有二千名現在法軍第二隊駐守諒山糧運艱難未能得力其在宣光之第

一隊祇可固守城池冀不爲華軍攻陷已耳目下情形如此和議無期殊非法人之幸傍觀者始以爲去冬之戰和局可復及覩現在情形覺戰事終未易了不禁爲之太息夏月酷暑炎蒸進兵不易其新到之兵尤不堪其苦去年英四月法人多受瘴斃命一交六月濕證痢又將繼而發矣

譯東京法人新聞紙

華十二月初旬法軍聞華人欲奪回宣光之護城礮臺若攻奪宣光與太原州廣西雲南兩處之兵可進而聯守雲南兵勇又足拒越南兵之鎮守地名得及黑河者

張文襄公全集

卷十 奏議十

三

法將軍方帶兵二隊前往諒山即聞雲南官軍圍繞宣光城華十二月十一日華軍即攻擊此城觀華軍圍攻形勢布置極善想華人必有會往歐洲軍政書院練習戰法者華軍趁河水乾淺之時多人攜帶軍械徑望城垣前往即向牆邊洞穿窟穴埋以地雷華十二月廿七日侵晨華軍燃發地雷多具轟擊城牆即行傾塌遂乘勢奮攻竟被法軍擊逐並斃多人是時法總兵率兵丁在城內日夜急築土壘幸華軍不能進城華人又聞法人救兵將到愈速欲奪護城礮臺於華正月初八日再用地雷三具攻塌礮臺之牆傾卸甚闊鎮守此礮臺之

法兵又將華兵驅逐是日法遊擊名茂連擊釐者陣斃又有兵官二人受傷法兵斃命十二人

又譯東京法人新聞紙

以今日之華軍較二十五年前大相懸絕此次中法交戰華兵勇敢異常又有兵官善於管帶圍宣光城之法甚合歐洲軍政書院所教習者放槍礮均有準的且儲備彈子甚多法軍斃命不少其死傷實數尙未知確正月十六十七兩日法軍死傷者約三百人內兵官二十五人另鎮守宣光之法兵六百人已有一分之二在陣死傷中國交戰時法國淺水小輪船亦燃礮助擊惟河水太淺礮船不能駛進

張文襄公全集

卷十 奏議十

三

唐景崧可任兵事片

光緒十一年四月初二日

再五品卿銜四品頂帶吏部主事唐景崧前奉朝命經越入滇崎嶇蠻荒經營調護去年黃桂蘭潰退後該主事接統殘軍支持敗局扼守觀音橋最當前敵爲人所不肯爲此次越境出師首擊宣光屢挫強敵躬冒礮火備嘗瘴癘岑毓英前奏言唐景崧奮不顧身有膽有識致臣書亦同臣察其爲人既能親臨行陣深悉洋戰利病越地情形又能籌畫大局撫馭民夷條理井井如此人才實不易得洵屬可任兵事無愧邊才之選現因奉

旨保奏宣光出力各軍該主事稟稱事不償願無功可錄不敢仰邀保獎等語其應如何獎勵之處應請俟岑毓英奏到恭候聖明裁度出自逾格鴻慈理合附陳伏祈聖鑒
旨留中欽此

張文襄公全集 卷十 奏議十

三

張文襄公全集卷十終

新城王樹桂校

張文襄公全集卷十一

奏議十一

籌議閩姓利害暫請弛禁摺 光緒十一年四月二十日

竊於光緒十年九月三十日承准軍機大臣字寄九月初八日奉上諭翰林院代遞檢討潘仕釗奏變通挽回鉅款一摺廣東閩姓賭局疊經申禁茲據該檢討奏稱澳門開設閩姓公司利歸他族現在海防需餉請飭體察情形能否將澳門閩姓嚴禁抑或暫將省城閩姓弛禁等語著張之洞倪文蔚妥議具奏至所稱副將彭玉夥同奸民何貴等私收閩姓各節並著確切查明究辦

張文襄公全集 卷十一 奏議十一

二

等因欽此又於十一月十七日承准軍機大臣字寄十月二十三日奉上諭御史何崇光奏稱省城開設閩姓廠視澳門開廠流弊尤甚請飭申明厲禁等語著張之洞倪文蔚歸入潘仕釗前奏熟權利害一併妥議具奏另片奏請將閩姓賭匪陳恆等嚴拏懲治並著查明究辦等因欽此又於十一月二十九日承准軍機大臣字寄十一月初六日奉上諭據翰林院侍讀梁耀樞順天府府丞楊頤奏閩姓詭謀復開縷陳科場舞弊商賈受累奸民縱恣賭匪橫行四害請旨嚴禁並聲明澳門僻居一隅視從前閩姓已減十之六七等語閩姓弊端甚

多本應嚴申禁令惟須一律禁止不使利歸他族方爲上策若如該侍讀等所奏不特省城未便弛禁卽澳門亦可逐漸禁絕應如何設法辦理之處著張之洞倪文蔚悉心籌商妥議具奏等因欽此臣等博訪周咨熟權利害於十一月二十七日電奏請旨旋准總理衙門電開十一月二十九日奉旨彭玉麟等電稱粵省闖姓請暫弛禁濟餉等語著依議行仍隨時體察如察有流弊卽行奏停欽此欽遵查照先後咨行在案伏查廣東闖姓一事自前撫臣張兆棟奏請申禁以來遂爲澳門利藪於是議塞漏卮者率皆以此爲言並不因籌餉而起

張文襄公全集

卷十一 奏議十一

二

海防既亟籌澳防籌軍餉者言之尤切臣玉麟上年五月條陳廣東事宜疏內本有闖姓弛禁一條臣之洞到任之初曾經錄稿相示自八月奉妥防澳門之電旨九月奉能否弛禁之寄諭當經分別會飭司道府縣各官妥籌詳議旋據布政使龔易圖按察使沈鎔經鹽運使瑞璋督糧道益齡會同善後局轉據廣州府知府蕭韶署南海縣知縣危德連署番禺縣知縣侯甲瀛詳稱自同治三年至同治十年歷經地方官查拏闖姓罰認軍需疊次共罰繳銀四十餘萬兩均經奏明在案光緒元年申禁以後奸民私於澳門設局輸資葡人澳酋作護

官力遂窮藉此巨資購船置礮近且接濟法虜窺伺省垣澳爲粵患中外共知爲叢驅爵有名無實藉寇資盜有損無益現經紳商具呈如蒙弛禁情願認捐巨餉此時餉源無出亦可藉紓目前之急卽據誠信堂商人張榮貴敬忠堂商人楊世勳等呈請合辦以六年爲限共捐洋銀四百四十萬元五箇月內先繳一百五十萬元其餘二百九十萬元按年分繳當經邀集省城大紳暨各書院山長前赴明倫堂團捐局公同面議再三諮訪僉謂可行並據署水師提督方耀署陸路提督鄭紹忠咨呈稱防務甚急絕澳之援增我之餉無逾於此應請

張文襄公全集

卷十一 奏議十一

三

速辦等情會詳請奏前來臣等會查潘仕釗所奏言弛禁便何崇光梁耀樞楊頤所奏言弛禁不便兩說判然若水火之不相入恭繹九月初八日諭旨則曰熟權利害十一月二十九日諭旨則曰不使利歸他族宸謨二語精要無遺實爲此事之權衡羣言之斷制謹先言資敵之害葡與法通確有明證上年七月二十一日之電旨十二月初二日會紀澤輪塾之電信香山縣丞之密稟以及港澳各項探訪員紳洋商之密報皆謂法將借地泊船屯兵由五門窺省許以法向租澳地酬葡去秋開戰後法領事薩來思之子卽潛寓澳各屬教民多逃

赴澳以至代招游匪運助火食鑿鑿可稽海警方殷之時接濟苦於不能斷口岸苦於不勝防豈更可豐其羽毛資其巢窟害一也或曰中法兵衅有時而弭葡雖助法何妨則請言養寇之害粵省大患首在香港澳門一東一西塞我門戶百事不得自由藪奸撓法伏戎乘虛港猶隔洋澳則接壤所幸澳尚貧弱商業蕭疏近年茶商頗爲減色自開姓移館以後游民雲集賈販爭趨各項公司日增月盛澳民增一商澳酋增一餉澳酋歲收關稅數十萬他稅亦數十萬澳商歲增數百萬於是增兵額加砲臺以二十萬向外洋租置戰艦聲勢日張彼商務不足自存我驅華商租稅以富之坐使肘腋之間增一強鄰廣州永無安枕之日害二也或曰葡雖富強亦無能爲則請言自耗之害財物止有此數枝強則幹弱外溢則內虛三十年來廣州商利半移香港此已無從追論澳門陸路相接通逃尤便開姓開先公司踵後洋界日富省會日貧損境內有釐有稅安分守法之良商而益界外法令不及徵稅不加之奸富害三也或曰何不如言者所云查分館責兵役以禁之則請更言妨政之害自明文申禁以後大吏避開開姓之名而又欲攘開開姓之利於是造爲截緝之說委派員紳各路

張文襄公全集

卷十一 奏議十一

四

搜截爪牙四出白晝橫行分館之家得規者免佛山爲近郊大鎮偵知其館最旺利最豐委紳陳桂士作綫掩捕官得罰款七萬兵役地棍所得可想而知民間大擾遂被言官參奏上年七月初六日欽奉寄諭飭臣之洞查辦在案數年來肇慶韶州清遠之分廠如故官商之投買如故紳棍衙蠹之陋規如故上造子虛烏有之言以欺朝廷下行告緝沒入之法以罔百姓名實相違進退無據成何政體害四也或曰言者所陳尙有責巡船禁渡船之法則請言擾民之害有羶則蟻往有市則買來澳館大開利徒安阻夫賣開姓者人給數葉之卷買開姓者人挾數寸之紙縣縣有之日日有之必將於各屬通澳水陸各路歧塗支港設巡船數百號駐巡役數千人凡往來之商旅良賤解衣倒篋人人搜檢終年無休王道蕩平之世安有如此政體哉即使爲之而巡邏之賣放赴澳洋人之夾帶北自京城上海南至暹羅呂宋新嘉坡中外輪船之遞送果有何術可以禁絕查澳館初開之年葡酋歲責稅餉十餘萬上年遞增至三十餘萬必其利厚然後稅多若謂近年已減十之六七何以澳商認稅爭充轉加三倍然則禁令之行與不行投買之減與不減亦略可知矣禁則無矣擾則有之害五

張文襄公全集

卷十一 奏議十一

五

也有此五害即無捐餉助軍之舉亦宜解此虛懸之文網以塞切膚之漏卮矣且即以籌餉而論去秋以來強敵在門連營在野外援臺閩滇桂內防廣湖廉瓊軍械工程礮臺河道繁費萬端京餉已留借款已罄釐稅不足勸捐不應自交冬令事益急而餉益枯始則停工繼則欠餉臣等與司道將領外費拊循內困羅掘日夜憂焦其時歲暮天寒各營將士枕戈待旦若非幸蒙聖恩得此巨款百餘萬聊濟目前粵事殆不堪設想夫籌餉事體何一不取之於民抽收捐集銖黍皆艱即每年數十萬亦何容易軍餉多一來源即民間少一搜括此則

張文襄公全集

卷十一 奏議十一

六

得規則省澳有何區別厲禁愈嚴索規愈暴陳桂士以得規參所得者省禁澳開之規也彭玉亦以得規參所得者亦省禁澳開之規也此皆諸臣原奏所言者也至科場弊端自宜嚴杜特是作弊者在省與在澳同粵省向有匪徒名爲闖棍扛姓包槍招搖射利歷年有之惟在學政考官明於校閱監臨提調嚴於關防自無弊竇查粵中司文衡者物議紛紜適在光緒元年既禁闖姓之後潘仕釗疏內已詳不待煩言而解現經臣之洞臣文蔚等嚴章明示凡關涉學政考官及各衙門人等不准投買責成該商稽察如投買之人與得標之人可疑者即行舉發查究將所得之彩充公該商隱匿不舉即封其館不准開設使棍徒無從獲利其弊自絕臣等學術才性素近迂拘若僅恃此爲防海之良圖理財之上策臣等雖陋尙不至此然當此安攘交亟之際而有權宜弭患之方既已詳考博議利害較然斷不敢飾空論以欺聖明務虛名而滋實禍所有闖姓暫行弛禁一節現已飭行司局格遵十一月二十九日電旨妥爲辦理以後仍隨時體察如有流弊即行奏請停止抑臣等更有進者此舉原屬權宜不得不然終必須禁絕根株方爲常經至計以後粵防自必日求強固惟有俟我兵力

張文襄公全集

卷十一 奏議十一

七

漸強船礮足備先行移檄澳酋約彼不得梗令庇匪違者絕其通商然後省澳一律通禁護符既餒令下風行庶乎坐言起行確有實際此則臣等所竭力圖之而寤寐不敢或忘者也至副將彭玉澳商陳恆何貴等在澳設廠收規各情由臣之洞臣文蔚另行查明覆奏再何崇光等摺係交臣之洞臣文蔚議奏因此議原係司道具詳紳商具稟經臣玉麟與督臣撫臣公同飭議批准先於上年十一月二十七日會銜電奏是以此次摺奏仍會同列銜合併聲明
旨知道了欽此

張文襄公全集 卷十一 奏議十一 八

請派瑞璋兼辦洋務片 光緒十一年四月二十日

再粵省為南洋首衝港澳密邇中外交涉之事視他省為繁照會函牘無日無之粵省向無關道專辦洋務光緒七年前督臣張樹聲前撫臣裕寬奏請將廣州一口派糧道專管尋常洋務事件由道轉申奉旨該衙門知道欽此欽遵並經總理衙門照會各國公使轉行領事遵照在案無如各國領事狃於故常事無鉅細並不經由糧道仍係逕達督署動輒來署索見瀆擾不休自光緒九年藩司龔易圖經總理衙門暨前督臣張樹聲奏派辦理汕頭沙面兩案因是遇有各項緊要洋務每飭

該司與之晤接操縱較為活便以該司係奉旨派辦品秩較崇各國洋人尚肯與之交接現在龔易圖調任湖南即將卸事離粵除經手汕頭沙面兩案已經定議外現在隨時商辦要件尚多若不另派大員則遇事無人可與辯論實多窒礙查兩廣鹽運使瑞璋事理明澈局度安詳由總理衙門章京出任關道數年於各國性情風尚及各口通商條約均能諳習若令兼辦洋務當可斟酌妥協合無仰懇天恩將粵省現在未結洋務各案飭派運司瑞璋辦理嗣後遇有洋務要件即飭該司與之面加商酌函牘往來官階體制與藩司相近洋人當

張文襄公全集 卷十一 奏議十一 九

無異詞臣仍當覆加裁酌妥籌辦理其尋常事件仍由糧道會同該司妥辦如蒙俞允應請敕下總理衙門查照龔易圖成案函知各國駐京公使其如何措詞應由總理衙門酌度如此則辦事既有層次辯析可期周詳臣亦可藉收臂指之助於粵省洋務不無裨益再此係因運司瑞璋諸悉洋務是以請旨派辦並非委令運司衙門永遠專辦合併聲明
旨著照所請該衙門知道欽此

續增勇丁并規越援臺各營補陳備案摺 光緒十五年五月二十日

五月二十日

竊查上年七月以前布置海疆各營及分遣規越援臺各軍經臣等於十月十二月兩次奏報在案八月以後粵防日形喫重法船退出長門以後多來香港聲言擾粵沙路爲中路之南路地最向外前接蓮華山後通南石頭王孝祺勦軍四營一哨不免單薄因移北岸提督蔡金章所部廣濟軍三營紮沙路迤南以助勦軍北岸專責之署廣州協副將鄧安邦令其選調東莞新安團勇三千名編爲六營官給口糧分紮魚珠前後之蚧岡烏涌等處以爲魚山獅山各礮臺犄角其時水雷俱已編下令記名總兵劉寶春趕造洋舢板三十隻配水勇

張文襄公全集

卷十一 奏議十一

十

四百五十四名分泊黃埔虎門沙角蒲州一帶巡護水雷又募善於泗水之勇丁一百名令廣西試用知縣張義澍管帶以備攻燬敵船十月間派王孝祺統八營一哨出關援剿所部內有安勇一千五百名係由署陸路提督鄭紹忠營內抽撥因令鄭紹忠添募安勇四百名酌量填補有礮勇三百名係由遊擊黃廷耀營內抽撥因令黃廷耀添募礮勇一百五十名并於黃廷耀紅單船水勇五百名內裁撥一百五十名仍合成礮勇三百名填紮原防勦軍既行沙路太單令蔡金章添募五百名連原部三營副將黃德耀團勇一營以資防守令陽

江鎮總兵黃廷彪於東濬口建造礮臺添募親軍一百名守之嗣接臺灣來電法人將棄臺圖粵臘正之交香港惠州一帶會匪頗多蠢動有句結法匪之謀省城戒嚴尙書臣彭玉麟親駐沙角臣之洞卽擬出省赴黃埔魚珠一帶督勦添募親軍四百名臣文蔚添募親軍五十名正月初旬以後南關被寇龍州危急廉州封口南甯以下沿江驚擾遊勇土匪乘機肆掠潯梧各郡皆來東省請兵其時省防方急各軍皆有分地設有緩急無可抽調而周家盛廖長明兩軍尙無入桂音信雖經奏調龔繼昌率軍來粵爲期尤遠因令記名總兵李先義

張文襄公全集

卷十一 奏議十一

十一

招募廣勝軍二千五百名以備赴急援勦之用自正月初卽定議遣吳宏洛一軍渡臺擬移沙路之軍填守長洲令記名總兵劉樹元招募湘軍兩營併撥他處原有湘軍二營益之填守沙路此粵防本省節次添募之營也廣桂滇越諸軍餉械皆由東省轉輸軍情日急解運日繁民船旣多稽遲又須待沿江扒船輪轉護送不免耽延上年冬間飭督標左營參將蔡其昌酌量龍甯一帶灘河情形造轉運船六十號募配水勇五百五十五名取其裝運護送合而爲一較可迅速派知府張廣雲赴龍州設西轉運局募勇五十名以資防護十二月間

准提督馮子材咨前敵攻勦喫緊防護糧餉需人該軍添募收放局勇丁六十名正月初署懷集營守備副將龔尙春自請卸任率勇援臺其時吳宏洛正在籌船東渡聞臺北淮勇病亡過多粵省新來淮勇尙眾因另派龔尙春帶淮勇五百人先到汕頭設法東渡現已據報到臺五品卿銜吏部主事唐景崧於宣光撤圍後奏明調回桂邊防扼收馬其時桂軍多潰敵勢蔓延收馬爲歸順鎮安屏蔽地勢可斜出南關之後敵所必爭情形緊急因電飭該主事添募二千人俾可獨當一面進規太原黃守忠所部先經奏明飭調隨唐景崧助勦旋據

張文襄公全集

卷十一 奏議十一

三

唐景崧報黃守忠率眾一千人到防編爲兩營分紮下凍等處此規越援臺節次添募之營也所有前後添募各勇應造花名等冊均俟造繳齊全再行彙造送部查核據善後海防局營務處各司道會詳請奏前來臣等查以上續增水陸各項勇丁均係奉旨停戰撤兵以前之事爲省防者尙不甚多大率皆因協助臺越滇桂而起不惟出關渡海者固係外援卽屯駐本省者亦多因廣軍外調致需增兵填紮故粵餉之累不累於本省而累於鄰疆臣等現正體察情形將各路防勇酌量分別撤留以節餉需

旨該部知道欽此

補陳保衛教堂情形片

光緒十一年五月二十五日

再上年七月初三日閩江開戰法領事師克勤盤踞省城殊無行意竊思界限不清則軍心疑惑奸細公行內外通連防務無從下手當卽於初四日照會該領事責該國於雞籠馬尾兩次先開兵端令其率同法國商民教士卽行出境該領事包藏禍心不願令教士離粵覆書不允始行相隨而去嗣於七月二十五日准軍機處咨欽奉七月初六日諭旨法國商教一律保衛仰見聖德如天實爲攻心伐謀之上策查粵民强悍好義亦喜

張文襄公全集

卷十一 奏議十一

三

生事平日教民倚恃洋符抗官作惡士民切齒若徒加厲禁必更激成眾怒更無保全之法將又蹈沙面覆轍波及他邦先經與在事諸臣商定一聞戰信立飭地方官出示將法國教堂概行封禁諭以法人開衅擾害地方所有法國教堂物業均應查封備抵此與官物無異不得擅動凡法國教士出境密飭地方官妥爲防護若習教民人敢有通敵接濟者立誅無赦其安分者不准殺害一面優懸賞格若法寇犯境痛加勦除并諭以粵民衛國同仇素深嘉尙惟是誅犯順之法兵奪臨敵之船礮則爲勇士害安分之教民燬封閉之教堂則爲亂

民勇士有賞亂民有刑各不相假其時省內外眾怒洶
洶傳書集眾意欲盡燬法產攻擊教民見此示後眾情
稍定復經責成團練紳耆剴切開導通省有司營弁多
方鎮撫自七月至十月以來據廣州等府各屬稟報查
封教堂之案二十餘起計教堂并公署行棧九十五所
什物飭役看管護送出境兩廣法教士五起共十名其
改裝潛逃者無從悉其名數又欽州有教堂違約置買
私產一案暫令人官管業綜計各教堂物業間有被閒
人侵損者尚未大加殘毀亦有教民自行拆毀者惟省
城賣麻街教堂於十月二十一日因看街兵棚失慎延

張文襄公全集

卷十一 奏議十一

十四

燒數間旋即撲滅至於法國商教都無所傷教民積惡
者多遁至香港澳門欽州教民多至越南餘則畏罪伏
處或移徙他鄉頗有悔教求免者均無傷害廉州府屬
潤州墩教民所萃本年正月法船來封北海串誘墩內
教民助亂攻廉該教民不從當經飭令該府縣善爲獎
撫其各國教堂民間未能分晰偶有生事計所損失尤
屬幾微均經官弁隨時彈壓酌量調處息事法領事師
克勤徬徨香港深銜粵省之首倡驅遣明懸賞格慙恨
萬分因致信孤拔令其攻粵報復所以法船出長門時
津滬閩港各電皆言將擾廣東而孤酋意在臺灣未聽

其計此事探訪甚確不知當時情事若領事不行教師
不去教堂不封則在粵法人早已唯類無遺而教民之
禍亦不可問現在款局已定按照公法事在開戰以後
法人斷無責問之理如將來法使妄聽該領事所嗾強
詞追論伏懇敕下總理衙門嚴加駁斥以杜妄求
旨該衙門知道欽此

請留蕭韶片

光緒十一年五月二十五日

再廣州府知府蕭韶蒙恩擢授湖北荆宜施道現已委
員接署俟署任人員到省交替後即當飭令赴鄂查該
員官聲最好爲通省官場之冠曾經臣之洞年終密疏

張文襄公全集

卷十一 奏議十一

十五

贖陳臣文蔚上年露章薦舉各在案竊惟粵省最爲難
治吏治亟須整飭久在聖鑒之中由其政繁俗悍華洋
錯處事雜言訕非素得人心雖有良法惠政動多扞格
該員端潔公明剛柔得中專務力行周悉民隱每當盤
錯糾紛之際該員出一言行一令眾情立即帖服相悅
以解由其皎然之操愛民之意久爲粵人所信而又久
官省垣熟習地方情形以故令行禁止目前籌防籌餉
百事艱難水潦爲災賑撫尤急非有得民練事之員實
難措手該員行將去粵臣等失此臂助殊切徬徨僚屬
紳民咸爲悵惘竊思粵省實缺各道員才猷政術各有

所長特較之該員最爲粵民所感孚尙屬有間可否仰
懇天恩於廣東各道中與蕭韶對調一缺實於粵省吏
治民生大有裨益

旨留中欽此

籌議海防要策摺 光緒十一年五月二十五日

竊維自強之本以操權在我爲先以取用不窮爲貴夫
欲善其事先利其器百工居肆君子致道經之明訓也
器械不利與空手同不能及遠與短兵同史之良規也
自法人啟衅以來歷考各處戰事非將帥之不力兵勇
之不多亦非中國之力不能制勝外洋其不免受制於

張文襄公全集 卷十一 奏議十一 六

敵者實因水師之無人槍礮之不具故臣抵粵以來首
以購備軍火爲務分向歐美各洲不惜重金廣求利器
遠募洋將以資教練並訪求粵省究心雷械之員弁工
匠凡稍有才藝心思者皆令多方試造以冀逐漸擴充
開茲風氣往時華軍與洋人角逐每苦不敵近來滇桂
出關之師漸得各種後膛快槍已能取勝儻更有陸路
車礮地雷等具加以主客之形眾寡之勢勝算實可自
操卽臺北諸役人自爲戰尙能遏其內犯如有利械何
敵不摧茲雖款局已定而痛定思痛尤宜作臥薪嘗膽
之思及今不圖更將何待臣夙夜籌思當時急務首曰

儲人材夫將帥之智略戰士之武勇堂堂中國自有干
城腹心豈待學步他人別求新法獨至船臺礮械則雖
一藝之微卽是專門之學有船而無駕駛之人有礮而
無測放之人有魚雷水雷而無修造演習之人有礮臺
而不諳築造攻守之法有槍礮隊而不知訓練修理之
方則有船械與無船械等故戰人較戰具爲尤急查泰
西各國莫不各有水師陸師學堂粵省曩年設立實學
館近改名博學館以教繙譯算法因經費未敷規模未
廣臣擬就博學館基址設水陸學堂一所參考北洋福
建水師學堂章程慎選生徒延聘外洋教習並令陸續

張文襄公全集 卷十一 奏議十一 七

募到之通曉火器水雷輪機駕駛臺壘工程之洋弁皆
集其中講習水戰陸戰之法外如繙譯西國兵書測繪
地圖並電學化學重學氣學光學等項有關於兵事者
以及製造火藥電綫強水紅毛泥各種技藝均可量能
因性分門講求並選有志氣肯用心之將弁亦入其中
博習討論以備將材之用此時儲育之經費無多而異
日備用之功效甚大以爲宜急籌者一也次日製器
械去年各省設防以來所購軍火不下數百萬金而良
楛不齊且損重費甚至居奇抑勒藉口宣戰停運截留
種種爲難令人氣沮其運脚保險行用等費扣至四五

成不等仰人鼻息實非長策查外洋所恃以爲戰者四其爭戰於外海者恃鐵艦其水陸攻守兼用者恃快槍巨礮其設守於海口者恃各種水雷鐵艦之製費鉅工遲卽穹甲衝快各船費雖稍減然如所定濟遠之式每艘已需銀六十萬事體重大機算精微未便率爾施工粵廠現雖試造淺水輪船亦爲練習人材漸求造法而於快船巨艦不易蹴幾謹當另籌辦法專疏上陳惟各種槍礮乃水陸所急需查後膛前膛利鈍迥別一不避風雨二迅速三及遠四輕捷五穩便輕捷者克虜伯三千斤之礮其力與英法前膛萬斤者等而簡速靈活過

張文襄公全集

卷十一 奏議十一

六

之穩便者後膛礮可以蔽身入彈不必探身出外裝洗敵彈緊密之際後膛槍可以臥放滾進洋兵笨整彼不能學此前敵將士屢次苦鬪思索而得之者也比年各軍將士漸已曉然後膛之利不復偏執故說是故船利雷猛則省礮臺臺堅礮準則省陸營敵在海口以一臺禦之而有餘及其登岸以十營防之而不足連年各省海防募勇數百營耗費無算良由臺礮俱無可恃不得不多備陸勇以爲平地搏戰之謀然深入野戰所傷已多且勇敢多則可憂械久存而不敝故節餉之道自礮臺始礮有臺礮船礮行營礮三種其用各別臺船礮皆

以身長擊遠爲貴船礮非輕則船不能勝惟德之克虜伯廠爲宜臺礮略重無妨卽英之亞吾士郎廠亦尙可用克虜伯之礮內管外箍皆用純鋼其製較難亞吾士郎之礮鋼管外加熟鐵箍其製較易近上海購有製十八噸礮之機器用亞吾士郎之內鋼外鐵用克虜伯之來福綫後開門各法如使所製能成其重已及三萬斤彈遠能至十六里中國各海口礮臺似已足用臣近閱大學士左宗棠疏請閩省船政兼鑄礮廠心韙其論蓋閩廠地基堅固規模宏闊工匠眾多其中機廠皆足備用若就原有之拉鐵鑄鐵各廠增置機器以製十八噸

張文襄公全集

卷十一 奏議十一

九

之礮當所能爲特是鑄巨礮最難德國克虜伯廠中能主持鑄冶心知其意者止有二人故巨礮難於猝成卽成亦不能多惟有一面購備一面學製若陸路行營車礮其用尤廣其製尙易近來考求洋兵陸戰專恃礮隊擅長槍隊次之以槍禦礮短長懸遠勝負立形若中國有礮隊則彼之長技盡失故行營礮尤不可緩如克虜伯車礮之六生特七生特半口徑者南北皆宜之八生特口徑者北方平原以及守營攻壘宜之其機器購之德國葛魯孫廠又有烏拉秋司行營鋼銅礮內用鋼管外用銅套雙層緊束以水力壓擠性純質輕亦可參用

其法以期利便其機器購之德國奧國各廠連珠礮則諾登飛哈乞開思兩種皆良而哈乞開思新加爲二寸徑之礮彈可穿雷艇其用尤精其機器購之德國力拂廠又有分截行營鋼礮分攜合放利於踰山行遠德國克虜伯廠有之又有田雞礮製樸價廉利於憑城據嶺夾岸擊船英德廠皆有之此上數種華廠足可仿造至各國後膛槍標新關巧而通國一律從不參差中國各軍亦宜畫一以免彈馬混淆手法錯亂屢經校驗大抵單響者以德之毛瑟爲最擊靶取準遠較遜於馬梯尼三十步而機托堅樸過之連響者以美之五響黎意槍

張文襄公全集

卷十一 奏議十一

十

爲最遠於毛瑟十步近於六響哈乞開思十步而穩定不搖槍尾不坐均過之十槍中速於哈乞開思者三槍而吐子無病亦過之其機器購之美國林明登廠近毛瑟亦有八子連響之式其機器亦購之德國力拂廠如於單響連響各擇定一種雇匠購器設廠自造尙不爲難又如各種水雷以魚雷最爲猛烈一物而兼船礮雷三者之用而布扼海口則有浮雷沈雷撞雷伏雷伺雷射雷專視港口淺深以別其用其中機竅繁細電機雷括弁之毫釐臣近飭各員及所延西人悉心考校雖內中瞻管購自外洋而模範筒殼皆能自製雷艇形模較

小機器尙簡亦應隨雷自製既有精槍礮尤宜有精火藥既求力猛且防浪裂德廠礮則宜用杜屯考甫廠之棕色藥英廠礮則宜用一孔餅子藥擬先製測驗張力速率之機器再向各廠購法雇匠仿造并造炸藥棉藥則可以因應不窮矣至洋師洋匠惟宜求之德國其人性樸而學精近年所製各種船械甲於歐洲各國取法造槍或可用美匠造雷或可用丹匠此兩國人性和平尙能盡力此外他國夸詐不馴平日則不盡其術臨時則刁難變幻甚多斷不可用粵工多習洋藝習見機器於造槍造彈造藥造雷皆知門徑香港素多鐵工尤易

張文襄公全集

卷十一 奏議十一

十一

招致擬歸閩廠造礮而礮彈及隨礮各件附焉粵廠造槍造雷造藥而槍彈雷艇及隨槍各件附焉槍廠行之有效則漸可試造行礮各省撥用者繳價歸廠兩廠既成各省皆足臣以爲宜急籌者二也次日開地利山澤之利王者所重外洋富強全資煤鐵我中國煤鐵之富遠駕四洲如謀製船礮取資重洋以銀易鐵何所底止況中國之鐵質堅栗而性柔韌以製礮槍實勝洋產徒以考地不精故鑿空而無得不能深求故得而旋棄不知煉法故不盡其用茲擬訪求外國專門鑛師二人或搜求地場或化分鑛質或煎煉成器各專其責搜求得

地再考化分化分有質則歸煎煉備能煉鐵成鋼其用尤大至煉生鐵宜用高爐汽機風具煉熟鐵宜用砂鑪氣錘煉鋼鐵宜用畢士買鑪西門馬丁鑪綠中國鐵質多夾磷硫皆須先煉出磺強水再入鑪治始成純質備非實得真授貿然開采徒耗巨資考福建之穆源古田安溪等處皆產善鐵兼饒煤聖即廣東之惠州清遠等處產鐵亦佳粵商豔此利者頗多集股亦易臣近於省城設立鑛物局招商試辦茲已略運鑛砂到省開鑪試煉如有實效再行分投勘辦鑛本所需由商鳩股而地勢便否土民願否則由官酌度以免滋事閩鑛供閩粵

張文襄公全集

卷十一 奏議十一

三

人而粵省尤為要策大抵外洋入華必以粵海為首衝粵防能固彼即越疆遠襲而軍火接濟書報往來皆須取道粵疆如其兵精械足守固財饒水師陸師俱成勁旅大敵來則斂船依臺入口自防小敵來則縱船出洋橫海邀截彼斷不能深入狂駛肆意侵陵又况自廣而桂而滇沿邊二千餘里以後三省邊防永無弛期所需軍火槍礮之屬委輸取求皆於粵東是賴若儲侍充足則不惟供支滇桂并可波及湖湘故欲辦東南海防西南邊防均不能不先立基於粵海而立基之要則以人材器械地利為先惟是百端并舉一省難支竊計閩與粵鄰聲氣相通臺瓊孤懸海外形勢又相類既為輔車唇齒之依即宜為率然首尾之應兩省各盡其力各專其任成事則相資用法則互考務使智勇聰明日增月益大開風氣則南洋成一關鍵實天下得一轉樞備再遷延歲月不汲汲為補牢求艾之謀以後海防日亟邊患日深何從措手臣愚以為今日之務無急於此惟念三者籌資甚鉅莫敢為先因思近蒙天恩允准定借洋款內有定購美國氣礮一百萬兩昨據出使美國參贊蔡國楨電稱該礮蓄氣不足其製未精未與定購擬請提動此款以為粵省學堂槍礮雷廠之需又查閩省新

張文襄公全集

卷十一 奏議十一

三

借洋款四百萬兩一時當難用竣當可以提百萬以爲
閩廠製礮之用約計造槍藥雷艇機器營建廠基洋師
洋匠來華資費開辦物料需費在百萬內外若造大礮
各種行礮機器洋匠物料亦將百萬幸閩無造廠之費
爲數約略相敵籌辦之始當可足敷以後常年經費除
各省分用收回原價外當再隨時核計另籌專款果能
製造日精人材日出物產日增則因機利導鐵艦火路
次第舉行可絕外人壟斷之謀即建中國久大之業天
下幸甚左宗棠楊昌濬老成碩畫度早已成算在胸特
以事本貫通必須齊力協規不能不連類而及如蒙俞

張文襄公全集

卷十一 奏議十一

五

允應請敕下左宗棠楊昌濬等籌議奏辦臣當咨商閩
省并分致南北洋暨外洋出使大臣詳考學堂章程及
槍礮船雷機器各種價值設廠雇匠各項工程及早開
辦隨時詳細奏報

旨留中欽此

教練廣勝軍專習洋戰片

光緒十一年五月二十
五日

再越地滇粵諸軍與法人攻戰累年利鈍亦已共見查
洋兵陸戰首恃過山礮隊次則連響快槍然而身帶槍
彈乾糧洋酒皮墊等物約重十許斤殊爲累重每欲進
兵先修寬路進不馳驟退必安眠禦之之法若我亦有

及遠之行礮快槍各帶短刀散隊分擊伏地疾進要之
險隘迫之藪澤分番夜擾不使休息必能取勝至於地
營地雷均爲守壘扼險所必需惟是礮準槍機營工雷
式非經訓練臨敵終無把握大抵膽力本於天生謀略
視乎臨事軍火技巧練之平時特是湘軍營堅戰勇而
於洋式軍火每多不屑深求淮軍於洋械素知講求而
步趨洋操頗嫌太板粵軍最爲悍猛不畏礮火而平日
不耐勞煩憚工作而厭操練三者各有所長自成風氣
若欲督責諸將領驟令就我繩墨頗有所難查總兵李
先義久在津滬於外洋軍火素稱熟悉所部廣勝軍五

張文襄公全集

卷十一 奏議十一

五

營皆擇其才力强健而又受約束耐勞苦者該軍新立
章程不分門戶營哨各官不拘一省勇丁南北皆有不
限一方近日多購克虜伯行營車礮上等快槍發給該
軍精加練習舊式刀矛概屏不用專練數端一礮準一
臥槍一散隊一夜戰一疾行一踰濠登山一造地營一
安地雷一兼演洋式火箭行軍電綫兼派洋弁爲教習
但學其鎮靜嚴肅之意槍礮取準之法築臺造壘之式
考究洋械機括子藥利病至洋操陣式屬聚方行隊伍
甚板進退遲鈍近日關越諸捷屢以此爲我軍所乘斷
宜棄之不學口令概用華言以防流弊其營規紀律築

壘掘濠諸工作則採用湘淮規制明定賞罰嚴加考核每半月臣親臨校閱一次總以近日之實驗爲師不以舊式之虛文爲美期於專備洋戰避短用長務成勁旅俟一軍練有成效再當推行諸營以期次第收觀旨知道了欽此

雇募德弁片 光緒十一年五月二十五日

再今日行軍要務如施放各種後膛槍礮魚雷水雷以及測繪地圖建造各種礮臺急就土壘行軍電綫安設地雷修整軍器諸事宜將士皆當通曉外洋將弁類皆出身學堂練習有素現當講求海防之際必須有洋弁

張文襄公全集 卷十一 奏議十一

三

爲之教習則兵勇工匠人等易得竅要查各國武備近以德國爲最精而且親睦中華確有協助之誠去年開戰以來凡粵省與德商辦諸事從不以局外宣戰等語藉口推謝皆係依期到粵故軍事需用西人惟該國人尙爲可信當經電致出使大臣李鳳苞與德國海部密商選派藝優性穩之德弁四員計雷芬一員每月給薪水銀三百兩郎概一員每月給薪水銀二百兩賴格一員每月給薪水銀六十兩該員另給飯食均於光緒十年十月二十一日抵粵馬駟一員每月給薪水銀三百兩於光緒十年十二月十五日抵粵又電致出使大臣

許景澄選訂德弁柏廬歐披次二員每員每年給薪水銀三千六百兩於光緒十一年四月初七日抵粵又令在籍候選道何獻墀在香港訪募德弁威勒西一員每月給薪水銀一百四十四兩於光緒十年十月十六日抵粵以上七員於上項各種藝法各有所長皆能教練均與先後訂立合同來華差遣其薪水均係在德國議定數目照合同支給并與訂明如改用中國冠服照德國官階給與武職品級頂戴雷芬馬駟均應給四品頂戴郎概柏廬歐披次均應給五品頂戴賴格威勒西均應給六品頂戴等語抵粵之後臣詳加考核諸能嫺習

張文襄公全集 卷十一 奏議十一

七

當經分別派充各項教習其薪水飯食等項銀兩卽就各該洋弁抵粵之日起支其來粵川費及繙譯通事工金均於薪水外另行支給據善後海防局司道詳請奏咨前來查該德弁等身列營伍當封口宣戰之時遠來效用而且願遵用中國冠服其輪誠慕化洵屬可嘉該弁等在其本國原係有職人員卽改華服似宜戴用頂戴合無仰懇天恩俯准照原訂合同分別賞給頂戴以資鈐束而策後效將來若教練著有成效再當奏請獎勵旨德弁雷芬等均著照所請分別賞給頂戴該衙門知

道欽此

展設欽廉雷瓊電綫片

再瓊州孤懸海外正與越之海防一口相直廉州所屬海面欽州所屬陸路皆與越接各該處文報素遲急遞亦在十日之外設有兵警廉欽則調度難施瓊郡則音信阻絕實為可慮上年海防緊急各路戒嚴港越之間法船如織惟有趕造電綫以捷軍報當飭直隸候補道盛宣懷詳籌定議飭善後局會同總辦兩廣電報局副將王榮和委員分道勘估次第興辦所需外洋物料分向上海香港等處采購有倉卒難集者並與丹國大北

張文襄公全集

卷十一 奏議十一

无

電綫公司商借乃就兩廣原綫設法展接自橫州舊綫南出一歧作綫經靈山合浦達廉州府城南抵北海計綫路三百四十四里由廉州作綫東行經遂溪海康徐聞至雷州府屬海安所二塘港口入海作綫南行渡海至瓊州屬海口迤西之天尾村登岸東行達瓊州府城東抵海口中間海港溪河分設水綫數處計水陸綫路共五百一十六里海綫四十七里有奇瓊口海綫上岸之處擇於水淺地僻處所即有兵事不致為敵所斷自廉州府城新綫西出一歧達欽州城計綫路二百里有奇又查龍州至鎮南關尚一百二十里冬春之間關內

外戰事方急電信到龍後與前敵往返馳報動須三四日不免仍有遲誤關內十五里為幕府以後邊防難弛商路新開此地常有大將屯兵之所應接龍州舊綫南行直抵幕府計綫路將及一百里所設各綫路係作工時相度地勢裁彎取直移濕就燥較之原勘里數略有出入合計有減無增分設廉州北海雷州瓊州欽州局各一添設潯州局一以便察驗通塞隨時修理所需工料各費於海防經費項下動支惟水綫較陸綫為貴海綫尤貴因欲趁臺事方急時趕設海綫故十月中旬海綫先成嗣據報橫廉綫於十二月十九日竣工廉瓊綫

張文襄公全集

卷十一 奏議十一

无

於二月二十九日竣工廉欽綫於二月初十日竣工久經分投傳報龍州幕府新綫因潯梧大水運料阻滯近日電綫中阻尚未據報於本月內亦可竣工各局所收商報藉以津貼巡修局費據善後局司道詳請奏咨前來除電奏並咨總理衙門戶部外理合附陳伏祈聖鑒自該衙門知道欽此

試造淺水輪船摺 光緒十一年五月二十五日

竊惟海防之要無論戰守必有水師戰船以援礮臺礮臺以護戰船臺船相輔其用乃宏南北洋尚有快船衝船數艘粵東則并此無之僅有閩廠撥來舊製飛雲濟

安兩兵船去年六月初旬聞法船集於馬尾即日派往赴援督帶官參將高騰雲戰沒兩船皆燬此外本省中小各輪皆非戰船僅可供捕盜緝私轉運之用其洋製仿製文子船兩艘不能出海即用之內河而破笨船脆受敵則不固運駛則不靈亦欲購製戰艦而時日既難猝辦經費亦無所出惟有經營砲臺廣購軍火以爲陸防陸戰之計然而虎門廣闊五門紛歧西江後路時有擄虛拊背之憂望洋興歎終非長策且日視法艦之往來港越濟餉濟兵竟無從稍梗凶鋒實深憤懣因與署水師提督臣方耀籌議巨艦快船固不可期若有淺水

張文襄公全集

卷十一

奏議十一

三

輪船十餘艘縱不能縱橫於大洋亦可馳逐於六門之內外其時海警方殷未知所屆若不反求諸已探討經營三年之艾何由而得適於冬間有閩姓捐餉之舉蒙恩允准決計酌提此款創始爲之查黃埔向有船澳係光緒三年前督臣劉坤一購之英商者乃博訪水師將弁招致香港工匠采取香港華洋船廠圖式令明於算理者推究斟酌度華工之所能爲者擬成一式大率長英尺十一丈廣一丈八尺艙深八尺六寸喫水六尺馬力七十八匹內用康邦臥機冷水氣櫃雙輪暗車前後兩桅桅身上半可以伸縮下用鐵脊旁施鋼板船頭後

膛巨礮一船尾中等後膛礮一前後桅盤懸連珠礮各一船腰兩旁配連珠礮各一取其身淺行速可於六門內外貫穿往來內可過黃埔以至省河外可出虎門以達香港至於沿海近岸亦尙可行其機器物料分購於外洋香港上海創辦之始蓋造廠屋置辦鑄具所費較多造成數艘以後算校漸確器用漸備工役漸熟當可較省先於閩姓款內提洋銀二十萬元交署提臣方耀應用當經派委臬司沈鎔經候補道施在鈺會同署提臣督飭各員弁細心試辦去年十二月定議本年正月募匠購料修廠置器二月興工先造四艘約八月內可

張文襄公全集

卷十一

奏議十一

三

成二艘十月內可成二艘四艘成後如尙利用卽當籌款續造察其機鑪馬力是否靈捷堅固船身礮位是否量配停勻儻有不精隨時修改俟有募到洋匠更可與之商榷有此船十艘可以衛虎門有三十艘可以徧防五門旁扼西海謹當隨時籌畫造船養船專款量力爲之船成以後所有額設綠營水師紅單船概行裁汰捕盜緝私以此代之其船費兵餉亦可併養此項淺輪語云大輅始於椎輪又云不索何獲從此員弁工匠身親其事心通其法自當益造益精未嘗非練習人材之一道所有用費應俟工竣時核實奏報要之此船但爲守

禦六門而設若欲攻擊羣舸出沒重洋非有鐵甲穹甲快船之屬不可體大法精需費亦鉅工料稍差即成棄物且中國學製廠地機器工師物料諸須創為成工亦太遲緩此時惟有專籌巨款購之外洋以應急需及此三數年間練駕駛於中華學製造於西國兩者確有把握方可舉辦謹當另疏籌議上陳

張文襄公全集

卷十一

奏議十一

三

張文襄公全集卷十一終

新城王樹桂校

張文襄公全集卷十二

奏議十二

創造礮划設立廣安水軍摺

光緒十一年五月二十五日

竊惟粵東防務當去年秋冬之間中路首衝自虎門以內至黃埔魚珠沙路南石頭等處水陸戰守之具已有規模惟迤西蕉門橫門磨刀門虎跳門厓門五口外廣而內歧交午旁通皆可互達巨艦可入口百里或數十里中小輪則可由五門而薄省垣由磨刀門入西江而薄肇慶敵若犯境必以巨艦綴我中路而以餘船旁突五門窺我堂奧雖於西路近外之盤古廟梅角村菱角

張文襄公全集

卷十二

奏議十二

一

洲右口汎博刀沙大律口圭沙等處近內之陳頭五斗口蔗圍口銀河口東濬口等處築壩造障酌量攔塞分築土臺屯軍安礮特是臺粗礮小力量殊薄若無水師萬一敵船闖入省河將坐視其縱橫城下復經分駐紅單船水勇以助各臺調集各路巡緝扒船以資策應然而紅單重滯非風不行板屋高大招礮引火扒船頭方底平行駛甚遲船腰有艙阻塞漿路皆非戰具徒以別無可用之船不得不姑就固有者布置應急至臘正之交警報日亟皆謂將襲五門以窺粵省臣之洞臣文蔚屢與將弁詢究省河如何防禦率多游移無詞此時欲

製淺水輪船而倉卒難成已購外洋雷艇而阻絕難到不得已而思其次惟有用舢板礮划之一法蓋省河非鐵艦所能到礮划以多制寡以小制大以散制整未爲非計查法人慣用水雷傷我兵輪惟有舢板可以防彼攻襲本年正月十五十七等日浙江鎮海口內南洋兵輪三艘將法船雷艇擊敗即得舢板之力是此船可以禦敵確有明徵去冬已先令署南海縣知縣同知危德連試造數號驗之可用因與臣玉麟籌商定議即委危德連暨提督王光耀前記名總兵柏正才購料設廠創造舢板礮划一百號募勇配礮以百號分爲三營統名

張文襄公全集

卷十一 奏議十二

爲廣安水軍營制餉章俱照長江水師規制間有不便稍加變通照章併造長龍四號爲統領營官營務處乘用一切工匠由臣玉麟向長江調集併令熟習樸實之營弁親兵監造選派湘軍習於水師之將弁爲統帶營哨官其募配水勇之法定爲湘勇三分之一粵勇三分之一非導以湘勇不解駕駛非參以粵勇無從練習他年運用漸熟便可多配粵軍緣紅單扒船起居皆便長江礮划船面無屋夜施布帳粵勇敢戰而不耐苦故向不喜用此式之船前撫臣蔣益澧曾於粵省造舢板多隻以供巡緝行用靈捷有案可據此船製造甚速早經

造成多隻六月內一律竣工即可成軍操演爲粵省內河水師開此風氣大抵粵防爲五門計爲省河計以多造淺水輪船多購魚雷艇多布水雷爲上策此數百里間縱橫港汊彌望沮如無地可以建壘無路可以通軍行目前勉造土臺類多孤露隔絕蓋其地勢斷非礮臺所能徧防陸營所能肆應無陸隊則礮臺爲孤注無臺船護守則攔河椿壩船水雷皆爲棄物方今巨艦水師未成淺水輪船未備惟有礮划水軍之舉尙可剋期觀成此外更無防守內河之法要之以槳船禦兵輪似乎不敵然而裏河支港迅駛環攻護我之水雷擊彼

張文襄公全集

卷十一 奏議十二

之雷艇雖無摧破巨艦之大力確有便捷如意之實用粵省劫盜最多水路尤甚舊設之扒船器械朽鈍練兵饑疲積習亦深將來防務大定即以此項礮划分撥附近省河各段巡緝漸減舊船勝之遠矣其造船工料編營薪糧配用礮械應俟成軍後核實奏報目前即將所募紅單水勇先行裁撤移其船租餉項以充此軍之用旨知道了即著照所議辦理該尙書等務當督飭各員覈實製造隨時認真操練以資巡緝該部知道欽此

籌辦劉永福內徙情形摺

光緒十一年六月初六日

竊臣於二月二十三日欽奉二十二日電旨法人現來

請和於津約外別無要求業經允其所請等因欽此同日又奉電旨劉永福一軍必須妥爲安插等因欽此臣查津約第一條有無論何人侵犯北圻中國均應保全護助之語法人此條之意即指劉永福而言法與永福仇衅山積永福不去越則法人必不容中國既不能違約而助永福然永福曾經授職統軍爲國宣力亦斷無代法人翦除之理惟有令其去越則葛藤自解既可結束款局兼可保全猛將其時適接雲貴督臣岑毓英咨電謂永福遣弁來粵募勇意欲東來就餉該督詞意甚以永福離滇赴粵爲喜此臣調屯思欽之議所由來

張文襄公全集

卷十二 奏議十二

四

也嗣經委員孫鴻勳等賚文赴越傳達停戰撤兵諭旨該員親見永福剴切宣諭據永福面稱感激天恩深願內徙惟在越年久部多累重但求妥爲措置俾得成行委員帶回一稟內有請示數條一求帶舊部三千人入關一請給木質關防以資統率一歷年軍士戰沒者家屬皆加收養約有數千家義難棄之此項丁口求爲安置一歷年出力傷亡將士乞臣奏請獎卹一積年礮械甚多乞爲設法運致一備言保勝險要擬令其子通判劉成良留守其地以固滇防等語臣體察情形若不許其統帶數營則心不自安又似置之閒散必不樂於內

附多帶越眾則其部下不盡馴謹恐日後轉爲永福之累因岑毓英咨有劉部并招回黃部不過二千人之語故許其帶一二人如得力舊部不多數百亦可不必勉強湊數以少爲佳入關後必令募足五營關防許其入邊發給其餘眾丁口則令給貨留越安業謀生獎卹則允爲上請礮械則告以精者酌帶粗者稟商岑毓英酌辦內地精械甚多毋庸搬運勞費至其子劉成良留越一節則駁飭不准以前餉項目前資費則咨照岑毓英於解到劉餉從寬發給當經逐條批答併咨岑毓英轉飭酌辦兼令唐景崧加函催促各在案獎卹一條當

張文襄公全集

卷十二 奏議十二

五

經電奏仰蒙俞允由臣奏請種種招徠無非欲其速入邊關早定款局復派總兵馬宗駿州判孫鴻勳等再往敦趣乃接岑毓英函咨但云五月中啟行唐景崧接永福四月二十七日來信亦無准期而法人方且坐踞澎湖以待保勝之退嚴旨屢下西顧憂勞若再遷延相持成何事體查永福征戰越境二十餘年根深柢固一旦盡棄故壘重覓新巢實非容易自法攻北圻以來越官率多依附永福聞其內調咸詣委員請留今滇軍已撤越人糾眾拒法者甚多更必藉永福以爲固雖永福左有敗後部眾多離而其積威虛聲尙足悚動法越法酋

勃里也及五晝以下兵官日向委員探問永福之去否以臣揣之大抵永福一人甚願內徙而難免不為部眾所累越人所留不來則懼負朝恩來則重棄故土是以動多牽制大有進退維谷之情昨據永福二月遣來募勇之營官劉正興面稱接永福信知已將資產陸續變賣遷移如因道遠累重猝難赴粵亦必讓出保勝就近先移滇境等語惟是廣越相去二千餘里該軍實情殊難遙度岑毓英近在咫尺其撫馭機宜可以隨方因應宜慰操縱似尚非難臣又嚴檄永福令其迅速啟程遵旨先入雲境再議東行一切措置之法迭次函檄批稟

張文襄公全集 卷十一 奏議十二 六

俱已周詳其有未盡事宜變通辦法令其就近稟商岑毓英酌辦不得以聽候粵批為詞亦毋庸俟委員到彼致稽行期并函致岑毓英永福應帶若干人先到何處屯紮餘眾若何安置輜重礮械若何運致或竟難赴粵止肯稍移至滇邊地界悉請該督就近裁酌并囑察其是否果能離越如實有為難之處亦令其切實稟覆飛速奏達上聽聖裁所有催調劉永福近日情形除隨時電奏外理合繕摺具奏如有諭飭辦理之處仰懇先由電旨傳達俾臣早得奉到遵行

旨覽奏均悉前據岑毓英電奏劉永福一軍據報於五

月二十四日起程赴粵沿途夫役糧米已飭開化廣南兩府備辦諒可遊行無阻目下該提督計將抵粵即著該督懷遵前旨飭令迅赴思欽一帶妥為安置欽此

劉永福舊部另投別軍片光緒十一年六月初六日

再據劉永福四月間稟稱該提督舊部員弁營官黃俊芳謝炳安陸東環劉文謙朱冰清梁三劉志雄練忠和王玉珠章高魁鄧遇霖梁茂林等十二人哨弁黃爵元等十人均係另投別軍現紮越南紅花江一帶此項舊部現隨別營不同進關者日後有無事故不與永福干涉等語又接岑毓英五月初一日電稱劉團自左育潰

張文襄公全集 卷十一 奏議十二 七

後逃歸阮光碧玉珠湯宗政三處不下千人朱冰清劉文謙劉志雄等帶歸何元鳳六百人又黃俊芳梁茂林陸東環謝炳安等各帶各部歸覃修綱張世榮又千餘人所存不過數百人謬為大言該督過保勝曾詰之等語體察永福來稟之意殆深恐黃俊芳等各樹一幟不肯附從知其散處越地將來必為法梗意在聲明已投他軍以免後累岑毓英此電之意蓋力斥永福之非謂其不應大言部眾多人求索重餉然電稟互證是以上諸人現不在永福部下尙屬可信查近日越地游勇義民結營拒法者遙起諒平一帶華越約六七千人宜

與以上華越約二萬餘人大率越人自知必遭法虐又已習見法兵伎倆故連結游勇供給糧米與法為難恐非法人一時所能安戢亦非中國之力所能措處永福能速離越入滇中國即已踐言此外只可付之不問故永福之部眾漸離在永福則為失勢而在中國則甚為有益誠恐法人強指為永福部下籍口刁難謹先陳明以備總署辯論駁折

旨該衙門知道欽此

妥籌安置劉永福事宜摺光緒十一年六月二十九日

竊臣屢接雲貴督臣岑毓英咨并劉永福來稟知已率

張文襄公全集

卷十二 奏議十二

八

其家屬部眾移入滇界文山縣地方所有該提督遠行不易暨現在催調情形疊經臣電奏驛奏在案該提督到粵之期計亦不遠必須及早籌定辦法以期經久無弊竊惟朝廷所以處永福者必兼安插保全任使三義而有之乃為周妥欲息邊衅故須安插該提督素有忠勇之名敵國所憚故須保全予以高官資以重兵厚餉若置之冗散則虛糜可惜故亦須量能任使俾該提督得盡其長而國家得收其用查安插之地兩廣邊腹皆不相宜臣原議欲處以思欽者為其鄉土所在且欲資以捍邊也前兩年法人來議越事但云溯紅江通滇境

尚無通桂之說今年停戰之始臣曾力請將諒山廣安等省留為歐脫因未悉詳約通商已兼滇桂又請拒其桂境通商蓋中法隔絕則處此自無所嫌今桂岸之商已許歐脫之議不行而思欽教民最多以永福處此其部下與越太習出入莫禁聲氣相通設越民稍有不靖必為法人藉口不日黑旗之舊部則曰粵將之指揮隙滋多聞該提督已自不願若處之歸順鎮安等州其地毗連保樂既接越邊亦近滇境其不便與思欽文山略同若如該提督所請處之南甯則此地滇桂樞紐商民輻湊尤非屯兵之所桂省官民皆不謂便若處之內

張文襄公全集

卷十二 奏議十二

九

地甚或移之他省則南北異地山海異宜部眾必不願從行即使果行亦歸無用且該提督為人性情直率禮節麤疏一半年後疆臣或以節餉之故而罷其兵文吏或指部卒之疵而攻其短枝節紛紜必致該提督終受其累亦甚非朝廷招徠激勵之本意也臣愚熟思惟有處之瓊州則一無窒礙而於海防甚有益粵防惟瓊防為最可慮其地之荒陋貧瘠不及臺灣什之一而最近越南海防港口朝發夕至去年以來法船屢來量水窺探設有敵警惟有付之良將獎率瓊島軍民自為戰守無從援瓊防固則可與廉郡犄角為外洋入華之梗

瓊防疏則敵人得以屯泊舟師休息兵馬爲粵省眉睫之憂而且內防峒黎外備海盜水土惡劣將吏視爲畏途欲求良將正苦乏人查岑毓英奏屢有簡授劉永福一實缺海疆總兵之請竊思若朝廷卽以瓊州鎮處之似甚相宜大要其利有五瓊越隔海法於海防譏禁甚嚴華人無保人執照者不得登岸該提督部下旣無挑衅之方法人亦無吹誣之具法疑旣釋永福亦安一也非使該提督統帶一軍則體貌太輕部曲難散勢必不能內附故臣曾許其到粵募足五營然此五營之餉加以薪費軍火一年所費不貲惟瓊州防海防黎近數年來常有四五營屯駐其地越事旣起陸續增至水陸十一營事平以後亦難全撤然細考歷年瓊防各營未見一律精銳該提督所部不惟能戰而且耐炎瘴習山險較之外募利鈍迥別減彼增此則養此五營不爲虛耗二也該提督近年部眾稍離由於越亂商阻稅失餉缺今正左育之挫由於我之重兵俱在宣光僅能分兵往援該軍血戰兩日遂不能支然其勇猛威名久播四裔本年三月委員到越與法酋勃里也及大小兵官言及畏忌之情形諸詞色親見法兵船上所懸畫圖皆繪劉永福歷次擊敗法兵戰狀粵省及外埠各國洋人談及

張文襄公全集

卷十一 奏議十二

十一

該提督無不敬服稱贊以諸藩敬憚之人扼南洋首衝之島則隱然有老羆當道之勢萬一法人再萌窺伺該提督上爲公義下爲私讎必能力戰死守無勞督策且必終日防維隨事經畫將使叢爾孤島屹若長城三也瓊州生黎年年出巢侵掠終未一大紐之餉不耗於剿而耗於防軍不死於戰而死於病列戍相持實非勝算故臣於上年冬底請獎剿黎疏內陳明以後尙須大舉剿辦然而內地將士斷不能踰險深入以該提督所部辦此自易得力且猛將健卒勞則有功逸則生事責以剿生撫熟伐木開山其事亦非一兩年所能遽定瓊屬昌化銅鑛極旺久爲各國垂涎更以餘力督率所部開鑛墾田則瓊州之內患旣除地利亦興其益甚廣四也該提督輸誠內附斷無可疑深感國恩惟有竭力圖報若必慮其部眾稍雜恐有不馴則瓊島孤懸一應軍火餉銀糧米無一不仰給內地譬如嬰兒專待乳哺六轡在手控馭非難五也兼此五利似於安插保全任使之道均尙有合反覆思之無踰於此惟處之瓊州卽宜授以實缺若徒使屯紮其地則形迹似乎流徙必生疑畏查本任瓊州鎮總兵賴鎮邊人甚開展明練而未見有獨當艱鉅之才升任後現尙仍在大鵬協本任爲處劉

張文襄公全集

卷十一 奏議十二

十二

永福計似可將賴鎮邊調任他省總兵一缺如臣議倘有可采可否由電密諭臣知緣處桂處瓊辦法不同以便豫為籌計俟該提督有赴粵起程確信臣即當電奏上聞再請明旨簡授伏思該提督偏強越地垂二十年所任三宜提督轄境甚廣其保勝地方營壘礮臺累年經營極稱完固自興化以上數百里沿江險仄人馬不能並行實有一夫當關之勢且獨此數百里間山嶺迴複毒瘴薰蒸外人斷不能堪而保勝以南則為三猛十州之地內通老過田多米廣近年已為黑旗黃旗據有十分之六築室墾田於其中丁口蕃息資產縣延目前

張文襄公全集 卷十一 奏議十二

三

雖不盡屬劉部然該提督若不去越則此輩可離而亦可合該提督屯踞已久儼然有土司酋長之勢越官越民奉令惟謹臣此次檄調議者咸料其不來今一旦盡棄故壘率眾來歸非感激聖恩恪遵朝命斷不至是查該提督在越與法本無妨礙徒以受越之官忠越之事忿越之坐受魚肉挺身血戰積成深讎法人屢經招之該提督義不肯往觀其盡忠於藩國知其必能効節於皇朝惟望朝廷優異矜全顯以作天下忠臣勇士之氣而隱以固孤危難守之瓊粵防幸甚

旨張之洞奏安置劉永福事宜一摺覽奏均悉瓊州孤

懸海外選將駐兵諸宜審慎劉永福到粵後著張之洞傳見詳加察看將其性情才略究竟何如所部勇丁是否安靜守法據實電奏候旨定奪欽此

緩開塞河片 光緒十一年六月二十九日

再廣東省城洋船馬頭向在黃埔距省四十里自咸豐末年始駛入城西南四里之沙面白鵝潭查省河入虎門後至黃埔尾之長洲分為兩支南一支溯流經沙路至沙面北一支溯流經魚珠過省城南亦至沙面北支較淺南支較深沙路計攔截兩道外沈船石內作橋樑魚珠內至中流沙亦攔截兩道去年七月海防戒嚴即

張文襄公全集 卷十一 奏議十二

三

將沙路一支兩層口門塞斷華洋官商輪船專由魚珠一路行走魚珠暨中流沙留口門十五丈其商船較大者即至黃埔起刺換船入內至各國護商兵船洋行往來香港之渡輪仍可駛至沙面行之十閱月毫無窒礙今和局已定逆揣各國洋人必欲請開各沙路河道惟攔河工程勞費極多將及一年始有規模阻截固難開通亦不易前年秋初議攔河時各領事屢來阻撓極費籌維始能舉辦去年塞斷沙路口門時洋人亦欲阻止嗣見中國戰志甚堅亦遂無詞今擬即將沙路一支不必開通輪船專由魚珠以後海防較易為力且攔截器

一第... 丹... 第... 版... 外...

具設在水中中間空隙皆寬一二丈僅能阻船不能阻水於省城行水絕無妨礙茲特豫爲陳明應請敕下總理衙門查照如遇洋使干瀆時與之辯阻實於海防有益

旨該衙門知道欽此

添建礮臺軍械所片

光緒十一年七月初一日

再粵省外海內河各衝要如虎門內外之沙角大角上下橫檔威遠山黃埔左右之魚珠沙路等處自上年設防以來陸續築臺安礮已有規模惟限於經費日力酌量騰挪布置而水陸遼闊仍嫌礮少臺單如遇有警不足

張文襄公全集

卷十二 奏議十二

十四

足以資策應臣等周諮將領體察形勢虎門一段沙角以外十三臺取勢甚遠然能外擊而不能內擊威遠橫檔扼敵最衝然能迎擊而不能橫擊且威遠原配巨礮亦少必宜於沙角舊臺地址增臺置礮與威遠橫檔鼎足相倚取勢較緊因於沙角環抱之處依山迤邐築臺四座威遠舊臺背山貼水最爲無法因於舊臺後山半築臺三座又將舊臺八礮移置山阜較高處所築臺八座皆令參差散處不聚一隅下橫檔各臺未能回擊駛過之船因於下橫檔山頂增臺一座上橫檔亦就舊臺添置巨礮一尊以便回擊大角當大洋西來之路礮亦

嫌少因於大角增臺二座黃埔一段長洲較爲完密惟魚珠屏蔽趨省陸路原臺尙孤因於魚珠以內之獅山築臺二座蟹山增臺一座沙路遠接蓮華山獅子洋最爲近外地勢散漫因於沙路以外之馬鞍山增臺二座共應添十八臺均采取西法作露天臺式以灰沙洋泥層層春築皆有暗道兵房藥庫濱海餘地較寬者酌量加築壕塹卽飭各營統領督勇募工分承修築先經臣等電託出使大臣李鳳苞與德國兵部議購克虜伯二十一生特後膛大礮十六尊本年二月內到齊分發新

張文襄公全集

卷十二 奏議十二

十五

增各臺各臺於春初興工六月告竣大率各臺皆各因地勢聯絡呼應將弁工匠漸臻熟習臣等復嚴加核計故作法較從前各臺爲合經費亦較從前爲省又粵東連年購置軍械爲數繁鉅舊有軍裝局地方狹小不敷儲放現於新城內素波巷另建軍械所一區正月內興工亦經告成此外水陸各隘尙有應增臺壘之處亟宜乘此防營未盡裁撤分投舉辦藉資勇力尙可較省較速統俟各工一律告竣由各統領委員將工料銀兩覈實報局再行核明報銷

旨該部知道欽此

租購調撥各輪船補陳備案片

光緒十一年七月初一日

再廣東省內河外海向設巡緝輪船二十餘號上年防務日緊需輪甚多或分撥沿河沿海防營各統領專供運濟裝械兵夫或專泊虎門稽察華洋輪船瞭望哨探以及防守攔河巡護水雷運送礮臺料物巡徼五門內外至於轉運滇桂越南餉銀軍火電桿兵勇均須輪船拖送梧州幾於無日無之且惠潮廉瓊一帶同時辦防每須由省載送勇丁運解餉械以及傳遞軍報偵探敵情均不可少舊有各輪不敷調遣事機緊迫倉卒無從裝造祇可租購洋輪並將鹽關緝私船隻調撥來防應用援臺事急來往泉閩厦汕之間者需用尤多自光緒

張文襄公全集

卷十二 奏議十二

去

九年十二月起先後共購買中等輪船二號曰廣凱曰廣威小輪船五號曰定功曰報捷曰克膚曰奏捷曰飛電以上共買中小輪船七號均係委員分赴香港等處購辦或係洋行自用之船照價讓出或係洋行出售之船議價購來船身新舊機器精粗質料厚薄未能一律各該船原有水手多屬華人暫資熟手即領駕駛尙未拔補兵額其薪糧各項係比照馬力酌量支給一俟拔補營兵核定薪糧再將各該船長寬丈尺以及購買價值一併造冊送部又租雇中等輪船二號曰益得利曰米利亞士頓租雇小輪船三號曰金安曰金利曰永昌以上輪

船五號本有華人配駕租用久暫無定祇須派員管帶毋庸更配人役又調粵海關所設緝私大輪船一號小輪船二號運司所設緝私輪船三號與租買各輪船俱備轉運巡探之用以上各輪船價值租銀薪糧等項統在善後局海防項下開支現在防務漸定其買定之輪船即以之分派巡緝其租雇調撥之船均經分別退還謹合詞附片具陳伏祈聖鑒

旨該衙門知道欽此

廣西梧州至龍州展設電綫動用經費開單報銷
摺 光緒十一年七月初一日

張文襄公全集

卷十二 奏議十二

七

竊照光緒九年間法越構兵廣西籌辦邊防事機緊急軍報由驛往來時慮遲緩經前督臣張樹聲會同前廣東撫臣裕寬前廣西撫臣徐延旭於是年十一月二十八日奏明將廣州電綫展至龍州飭令直隸候補道盛宣懷招商承辦廣州至梧州一節其梧州以上由官建造照津滬路綫成本核算約需費十餘萬兩請借用出使經費銀十萬兩分派各省籌還不敷之數由粵籌之奉旨知道了著准其於出使經費項下借用銀十萬兩暫勿庸由各省籌還該衙門知道欽此欽遵在案茲據總辦電報事宜直隸候補道盛宣懷詳稱光緒九年十一

月十八日奉札委辦廣州至龍州電綫以通軍報其廣州至梧州一節仍由商局認辦維時蘇浙閩粵陸綫工程尙未造竣當經移緩就急調回總辦粵閩工程委員知府余昌宇督率員弁工匠人等於九年十一月二十四日由廣州向西開工派都司美世清督同洋匠先行勘路並收備造閩粵陸綫之機器物料挪備應用一面託丹商大北公司向外洋采購照數撥還又派知府黃建完同知周冕在廣州設局辦理轉運布照磨談震臨赴廣西購辦電桿木料旋照路趨工尙嫌緩不濟急須再添一路分頭趕造以期速成十年正月間復調回總

張文襄公全集

卷十一 奏議十二

六

辦浙閩工程副將王榮和督率銘軍兩哨以及工匠人等於三月十四日馳抵南甯開工造至龍州爲止十年閏五月兩路工程一律蒞事統計此次添設電綫經費共用庫平銀十萬二千五百兩一錢九分三厘四毫七絲六忽按照津滙電綫成案分款開單詳請奏銷再廣州至梧州所設電綫悉照原議由商人報効惟因趕設此綫致將閩粵陸綫工程停待半年商人喫虧尤甚悉以由廣州至梧州設綫委員工匠薪工火食等項免向商人科派畧示體恤合併聲明等由前來臣查廣西梧州至龍州計程約一千六百里鳩工伊始關外戰事適

開實屬途遠機急該道盛宣懷徵調部署前後僅閱半年全工告竣所有經費十萬二千餘兩核之原估十餘萬兩之數有減無浮似應准其照數核銷除撥領出使經費銀十萬兩外其不敷二千五百一兩一錢九分三厘四毫七絲六忽查照原案由粵省籌款發給以清款目所有廣西梧州至龍州展設電綫動用經費援照津滙電綫成案開單核實報銷緣由理合開具簡明清單會同廣東撫臣倪文蔚護理廣西撫臣李秉衡繕摺具奏伏祈聖鑒

旨該衙門知道單併發欽此

張文襄公全集

卷十一 奏議十二

九

甄別貪劣不職正佐各員摺光緒十一年八月初一日竊惟廣東吏道猥雜法廉罕講疊經臣等屢疏瀝陳臣之洞本年正月奏參不職文武摺內曾經聲明地方各官另行察看甄別在案茲經臣等會同隨時體察查有試用知府鄒觀臯每經奉委出差專務需索查辦沙田案物議沸騰候補同知李玉棻藉差營私不顧公事候補同知際安試用通判潤惠均係充當釐差聲名平常試用通判劉鼎鑽營招搖膽大妄爲聲名最劣試用通判范鼎委辦土火藥局開報工料多有不實署儋州事試用知縣黃湘林性情粗鄙苛索地方英德縣知縣秦

侍堯才識庸陋不勤民事署揭陽縣事電白縣知縣鄭履端平日公事尙稱明晰不知循分營求妄爲署徐聞縣事試用知縣宗樹蘭年力衰頹難期振作候補知縣陳惟不修行檢難膺民社試用通判陶家馥試用縣丞張正容試用從九品符國瑞俱充海防捐局委員句結土棍包攬奉充漁利擾商肆行無忌香山縣丞倪文寶操守不謹嗜利擾民所有鄒觀臯一員應請旨卽行革職李玉棻際安潤惠三員均請以府經歷縣丞降補劉鼎一員應請卽行革職永不敘用范鼎一員應請暫行革職確切查究責令賠繳俟查辦完結後再行奏明請

張文襄公全集

卷十二 奏議十二

三

旨辦理黃湘林一員應請卽行革職奏侍堯鄭履端二員均請以府經歷縣丞降補其英德縣一缺粵省現有應補人員應請扣留外補宗樹蘭一員應請勒令休致陳惟一員應請以巡檢降補陶家馥張正容符國瑞三員均請卽行革職符國瑞一員情節尤重並請永不敘用倪文寶一員應請卽行革職此外道府州縣佐貳中有乖官方者尙復不少惟舊染過重參不勝參當擇其事屬既往情節稍輕者驅逐回籍免令敗壞害政其法難姑容者仍當隨時嚴察認真沙汰以期吏治蒸蒸日上

旨另有旨欽此

特參鹽務洋務營伍不職各員摺光緒十一年八月初一日

竊查粵省不職地方官吏業經臣會同東撫臣查參另摺具奏茲查有潮州運同錢瑄糊塗濫用信任非人欠課甚多屢催罔應借領運木拖欠尙鉅查潮橋爲粵鹽大宗獨當一面儻馴致巨款無著關繫非輕現經檄飭運司委員查辦并派潮州府知府朱丙壽會同該運同經理以期維持大局相應請旨將錢瑄暫行革職仍留本任勒限運銷如逾限不完卽行從嚴參辦候補運同江懋勳居心險詐罔利營私累商欽怨委充省河緝私

張文襄公全集

卷十二 奏議十二

三

毫無整頓並訪聞有緝獲私鹽隱匿入已及賣放漏釐私貨情弊應請卽行革職仍嚴行查辦追繳候補運同鄧清鳳委充梧州緝私不恤商情專務漁利應請以鹽知事降補洋務委員陽春縣丞薛瑤光前因被人參劾奉旨查辦經臣於上年八月會同尙書臣彭玉麟奏明隨時察看一年以來詳查該縣丞僅通洋話並無所長當差既屬貪鄙心術尤多悖謬應請卽行革職驅逐回籍交地方官嚴加管束不准在粵逗留生事署欽州營參將候補副將莫善喜所部營勇缺額太多性情殘暴多玷官箴惟該副將素有驍勇敢戰之名應請卽行革

職仍留於省城防營効力責令自贖署新會營參將候
補副將柏慶不諳兵事需索汎弁拔補兵缺不公應請
以都司降補儘先參將鄧韞輝不守營規貪利生事應
請卽行革職署佛山鎮都司候補都司謝其中履歷含
糊在任比匪縱盜貪贖卑鄙應請卽行革職永不敘用
旨另有旨欽此

密陳求治需才情形片

光緒十一年八月初一日

再竊惟自強之道從自治始漢臣諸葛亮之治蜀法度
立而兵食乃足故撫臣胡林翼之治楚名實核而征討
有功故吏治之與邊防體用相資實爲表裏臣到粵以

張文襄公全集

卷十二 奏議十二

三

來海氛旁午外修戰備內考官常董戒兼施甘爲怨府
疊次遞陳論奏分別舉劾久在聖鑒之中無如習氣既
深指臂殊少僅竭一人之精神才力欲以旬稽眾局廉
察通省勢有不能夫承流分職司道之任曾經奏請嚴
飭通省文武大員司道提鎮精白乃心同任勞怨復經
先後會同撫臣奏調在籍道員李興銳前河東道黃照
臨無非以該二員廉樸勁直正可藥粵省之弊李興銳
兼長於工政黃照臨又究心洋防冀以風茲做俗分理
艱鉅嗣因李興銳已引見未邀允准黃照臨經吏部以
終養人員向無奏調成案議駁目前自沈鎔經任藩司

後官場風氣漸變新授臬司于蔭霖治行端篤知之有
素不日來粵以後政事財用自當漸有起色惟是海防
百端正宜及時開辦粵省如善後營務釐金海防捐軍
械船雷製造各局皆須專員綜理條緒甚多規模甚廣
無時不關涉外洋無事非出納鉅款廣東候補道雖有
十數員能辦事者不過兩三人餘皆或近庸陋或近油
滑盡効似覺太苛然斷難委以要政且治兵考工尤非
專門不辦仍須多有賢員協助現任司道爲之始克有
濟合無仰懇天恩飭令李興銳俟勘界事竣仍赴粵東
差委至黃照臨一員湘粵接壤迎養非難前疏已經陳

張文襄公全集

卷十二 奏議十二

三

明似於陳情本意無所妨礙竊思查成案以爲准駁者
部臣之職守擇人材而維大局者聖上之權衡可否懇
頒特旨發往廣東差委儻他日蒙恩簡任粵省一缺此
尤逾格鴻施粵事之幸非臣下所敢擅請者也伏懇聖
明俯念整飭海疆必有人才能措手俾微臣得資襄
助一洗粵省官場積弊振此清明之正氣以爲安攘之
本原謹附片披瀝密陳伏祈聖鑒
旨李興銳勘界事畢尙有另行簡用之處黃照臨業經
部駁現在該省又無軍務所請均毋庸議欽此
各路防營分別裁留摺

光緒十一年九月初四日

竊惟廣東自光緒九年越事萌動即有防軍至十年夏而海警戒嚴至十一年春而邊防益迫加以遵旨赴援臺閩經營越圻水陸營勇遠徵近募逐漸增加處八面受敵之區不得不作無米為炊之計本年春季款議略定各省漸可息肩而臺澎之波未平保勝之局未定粵為越境比鄰南洋外戶仍不能不盛我軍威隱相懾制以杜狡謀迨五月內澎湖肅清防務解嚴自宜亟為裁軍節餉之計當經臣等體察強弱分別緩急會商尙書臣彭玉麟次第減汰惟撤營過驟易啓戎心游勇太多又虞生事不得不循序相機辦理計數月以來省內省

張文襄公全集 卷十二 奏議十二

西

外防軍署水師提督方耀所部先後裁去六營零二百名留省防四營潮防二營署提督鄭紹忠所部先後裁去十一營零四百名留省防三營惠防一營北江防勇兩營併親軍一百名沙面巡勇二百名署廣州協副將鄧安邦所部先後裁去兩營零四百三十名又裁去所部東莞團勇六營留省防一營零一百名舊設巡緝兩營提督婁雲慶所部在粵續募湘勇兩營提督王永章所部續募湘勇兩營總兵劉樹元所部續募湘勇兩營先後全裁提督蔡金章所部廣濟軍四營先後全裁提督楊安典所部礮隊裁一營留一營仍分爲兩底營總

兵李先義所部廣勝軍裁去一營留四營提督吳宏洛武毅軍五營除先遣赴臺一營外裁三營留一營歸入粵省廣勝軍總兵劉寶春所部護雷洋舢板水勇四百五十四名知縣張義澍所帶水勇一百名全裁總兵黃廷彪親軍一百名全裁署順德協副將利輝所部裁去二營并裁紅單船十號留陸營一營赤溪協副將吳迪文所部一營及親軍三十名全裁并裁紅單船十號水師遊擊黃增勝所部兩營先後全裁水師遊擊黃廷耀所部裁去一營零五十名并裁紅單船十號留礮勇一百名副將黃德耀所部一營全裁香山縣知縣蕭丙堃

張文襄公全集 卷十二 奏議十二

三

所部招安義勇裁去七十二名留二百名署大鵬協副將賴鎮邊所部一營裁去四百名留一百名督標親軍裁去四百名留一百名營務處親兵一百名全裁其副將龔尙春援臺淮軍一營裁留應由福建撫臣劉銘傳酌辦此外尙有副將黃榮華所部新設內河舢板廣安水軍三營副將黃金福所部舊設綏靖營巡勇一營均仍其舊此省防裁留之軍也高州鎮所部分防廉欽共四營全裁現委王孝祺署該鎮即以所部勤軍現存四底營填紮欽州署參將其善喜新舊四營全裁參將陳榮輝所部兩營先後兩次全裁即以馮子材所部現存

六底營填禁由閩赴廉之遊擊方沿所部五營載回潮州全裁選其精銳併入潮防老營此廉防裁留之軍也瓊州鎮所部兩營裁一營留一營雷瓊道王之春所部粵軍五營零二百五十名今裁三營零二百五十名留兩營都司鄭廷宗所部水勇八百名紅單船二十號全裁此瓊防裁留之軍也潮防原有之營先後裁去方文方麓等營共一千二百名留二營歸入方耀所部六營計算惠州歸善縣自十年稔山會匪滋事後該縣募勇三百名全裁計惠留鄭部一營潮留方部兩營此潮防惠防裁留之軍也出關會滇會桂征軍提督馮子材所

張文襄公全集

卷十一 奏議十二

三

奏明辦理尚仍其舊西江襲邕潯梧一帶轉運船水軍五百五十五名全裁其劉永福一軍原擬五營應俟抵粵後實有幾營再行酌定奏辦此出關征剿凱旋分防裁留之軍也統計各路裁撤水陸勇丁五萬三千八百餘人每月可省餉二十餘萬計現存者廣境桂境共尙有四十餘營無可再減所有已裁各營均經分別道路遠近酌給資糧籍隸外省者或以輪船送至上海揚州或雇民船送出粵省北界由江西湖南分遣量其餘資可抵湘鄂江皖直東各原籍以免逗留滋事或已據報裁竣或正檄行遵辦一切俱屬安謐此外無著游勇甚

張文襄公全集

卷十一 奏議十二

三

多亦經分起隨時資遣惟是海警雖息海防難弛已成之臺壘不能不守新置之礮械不可不練健將勁卒不可不儲養以備緩急粵省水陸盜匪時常竊發不能不借兵力以資巡緝所有原防地段或分營移紮或併力扼要仍責令隨時訓練以紓餉力而期持久

自該部知道欽此

查明洋款數目請飭各省關分還摺

光緒十一年九月初四日

竊臣於光緒十一年五月初七日承准總理各國事務衙門來電本日奉旨廣東所借洋款除動用外餘存若干著張之洞迅速詳晰奏報候旨撥用欽此臣當即飭

行司局查覆去後茲據布政使沈鎔經會同善後海防局司道詳稱廣東省第一次借匯豐洋行銀一百萬兩係爲本省海防之用第二次借匯豐銀一百萬兩原係備購鐵艦旋以海防無款改作防費均係前督臣張樹聲奏明辦理次第支放臣於上年秋間查明前款已竭防急費重奏准向匯豐第三次借銀一百萬兩應用又於十二月間以粵餉不繼奏准向匯豐第四次再借五十萬五千鎊按照外洋時價每鎊值銀三兩九錢八分五釐一毫四絲九忽零合銀二百一萬二千五百兩二錢九分三釐統計本省海防案內所借洋款共銀五百

張文襄公全集

卷十一 奏議十二

天

一萬二千五百兩二錢九分三釐聲明粵借粵還不累各省各關計自上年夏間至本年春杪省防緊急水陸戒嚴瓊海常見敵船廉口復經封堵所有支發防餉建築礮臺購買華洋軍火船隻裝械以及一切布置河道守具轉運製造在在均需鉅款前項借款計已支用無餘此粵省海防案內歷借洋款收支之實數也此外粵省代借寶源洋行一百萬兩又第五次與匯豐洋行議借七十五萬鎊按照每鎊價銀三兩九錢八分五釐一毫四絲九忽零合銀二百九十八萬八千八百六十一兩八錢二分二釐以上代借各案洋款共銀三百九十

八萬八千餘兩均經臣先後由電奏准其寶源一百萬兩係奏明分撥滇桂餉各四十萬兩劉永福餉二十萬兩匯豐借款七十五萬鎊內係奏明援臺規越共一百萬兩臺越各半支用又奏明籌備鮑超軍餉一百萬兩先准部行以鮑餉由川省支應此項另款存儲嗣以滇桂邊防餉絀續經節次奏明改解滇桂各四十萬兩鮑餉十萬兩桂省邊防購礮十萬兩又奏明定購氣礮一百萬兩均經聲明由各省關認還先後奉旨允准在案因洋行以鎊數合計除上兩項二百萬兩外實存九十八萬八千八百六十一兩八錢二分二釐此粵省代借

張文襄公全集

卷十一 奏議十二

天

洋款收支現存之實數也以上等由由該司局核明詳請覆奏前來伏查粵省代借各案洋款共銀三百九十八萬八千八百六十一兩八錢二分二釐係奏准由各省關合力籌還之款所有歷次合同亦經分案咨送戶部計應還本息轉瞬屆期應請旨敕催部臣查明歷次合同內載應還本息日期銀數作速指定各省關分還數目行令遵照撥解咨粵查照並請嚴定撥解遲延處分以免臨期貽誤大率粵省所借洋款先後共九百萬兩零爲本省海防而借者約五百萬兩爲滇桂臺越各省買礮而借者約四百萬兩本省借者經前督臣張樹

聲借二百萬臣借三百萬俱已收清支訖此應粵省藩
運兩庫歸還外省借者已用者三百萬現存候撥者約
一百萬此應各省關歸還為滇桂用者似應由向有滇
桂協餉省分認還應候部臣酌派伏思粵省為三洋之
首衝越寇之接境本應各省合力通籌以顧前敵祇以
海疆同時設防腹省各有協款計臣撥派已費籌維當
時艱事急之時臣誠不敢以無餉藉口貽誤邊疆更不
忍以煩數請撥上勞宵旰是以將本省海防五百萬兩
聲明粵用粵還獨肩其難獨任其累區區苦衷愚悃當
在 皇太后 皇上天鑒之中將來悉索抵支能否如
張文襄公全集 卷十二 奏議十二 三

期照付實已不易周轉至於代借約四百萬兩專為維
持全局協濟鄰封合無仰懇天恩敕部於分派各省關
案內粵省邀免再派以免失期洋賈偏累巖疆粵省幸
甚
旨戶部速議具奏欽此

張文襄公全集卷十二終

崇仁黃維翰校

張文襄公全集卷十三
奏議十三

籌議大治水師事宜摺

光緒十一年九月初五日

竊臣承准軍機大臣字寄光緒十一年五月初九日奉
上諭現在和局雖定海防不可稍弛亟宜切實籌辦善
後為久遠可恃之計前據左宗棠奏請旨敕議拓增船
礮大廠昨據李鴻章奏仿照西法創設武備學堂各一
摺規畫周詳均為當務之急自海上有事以來法國恃
其船堅礮利橫行無忌我之籌畫備禦亦嘗開立船廠
創立水師而造船不堅製器不備選將不精籌費不廣
張文襄公全集 卷十三 奏議十三 一

上年法人尋衅疊次開仗陸路各軍屢獲大勝尙能張
我軍威如果水師得力互相援應何至處處牽掣當此
事定之時懲前毖後自以大治水師為主船廠應如何
增拓礮臺應如何安設槍械應如何精造均須破除常
格實力講求至於遴選將才籌畫經費尤應謀之於豫
庶臨事確有把握著李鴻章左宗棠彭玉麟穆圖善會
同商議之洞楊昌濬各抒所見確切籌議迅速具奏江
蘇廣東本有機器局福建本有船廠然當時僅就一隅
創建未合全局通籌現應如何變通措置或扼要設總
匯之所或擇地添設分局以期互相策應呼應靈通並

著李鴻章等妥議奏辦總之海防籌辦多年糜費業已不貲迄今尙無實濟由於奉行不力事過輒忘幾成銅習該督等俱爲朝廷倚任之人務當廣籌方略行之以漸持之以久毋蹈常襲故摭拾從前敷衍之詞一奏塞責李鴻章左宗棠摺著分別鈔給閱看將此由六百里各諭令知之欽此仰見聖天子澄清海宇安不忘危此誠今日第一要務所當合天下之全局而殫精併力以成之者也竊惟戰守兩事義本相資故必能海戰而後海防乃可恃三十年來環地球諸國無不以船礮爲強國之計卽葛爾之倭亦且經營恐後獨中華以物力不

張文襄公全集

卷十三

奏議十三

二

給之故歷年設廠購船僅開其端未暢其用自去年用兵以來海上攻守得失之故中朝士夫邊疆將帥皆已曉然今雖越事略定而外患方殷法逼滇桂俄窺瓊春且俄與倭爭朝鮮英與俄爭印度英與德又復分踞朝鮮各島伺便攘臂於其間四夷鬪爭於中華洋面而我亦將受其敝故海防諸大端天時人事無可再緩臣於五月二十五日陳奏海防要策疏內聲明快船巨艦另籌辦法專疏上陳適奉諭旨飭議謹竭其愚慮通籌全局切實核計分條臚舉敬爲我 皇太后 皇上陳之一日分地中華洋面北起吉林南訖欽州延袤萬里不

比長江水師止二千餘里江面可以一提督統之若將海上水師合爲一軍勢有難行海闊路遠呼應不靈一也沙礁口岸一將難悉二也操練勤惰督察難周三也沿海有警不受調度四也稟報遙度虛實難憑五也需才太多一區難備六也竊謂宜分爲海軍四大枝北洋爲一枝旅順煙臺瓊春屬焉南洋爲一枝浙江屬焉閩洋爲一枝臺灣屬焉粵洋爲一枝瓊州屬焉所轄洋面各有專責遇有大敵仍責令各枝合力攻擊互相援應每枝設海軍統領一員左右翼分統各一員轄於統領官階暫不拘定以便斟酌人材其統領應令中外大臣

張文襄公全集

卷十三

奏議十三

三

各舉所知上聽朝廷簡擇任用其分統應由各統領自擇奏明派委俟規模大備再議設立額缺或卽名爲某洋海軍提督左右翼總兵均聽該洋面督撫節制調遣而統隸於京師以總理衙門總統四枝以便通計度支權衡緩急整齊規制選擇人材譬如前代本兵之職總司調度天下兵馬而各省諸鎮仍受各省節制若不兼歸本省調度考察有警之時必致擇便觀望遇急不赴捏報遇風擱淺遇敵獲勝貽誤戎機一日購船鐵甲巨艦工用繁重算理精微中國工廠未備非數年之內所能學製僅一閩廠卽製亦不能多粵廠甫學淺輪難求

速效惟有購之外洋以應急粵洋海軍一枝擬配水帶鐵甲船三艘鐵甲魚雷船六艘每一鐵甲巨艦兩鐵甲雷船爲一隊統領左右翼各領一隊三隊合爲一軍水帶鐵甲者德國伏爾鏗廠新創之式不用全身鐵甲止於水淺上下數尺及旋臺八角臺上加鋼面鐵甲其不甚要害處所則略省鐵甲安大礮五前爲旋臺礮一中爲八角臺四隅各礮一魚雷筒四首一尾三據西人及曾出洋者言之皆謂此式頗善比定遠所費較省鐵甲魚雷船者德廠新創於船首施鐵甲既可攻鐵艦又可禦哈乞開思連珠礮並安大礮一尊此爲最新最利之

張文襄公全集

卷十三 奏議十三

四

船而費不甚多若有三水帶鐵艦六鐵甲雷船合爲一軍可以一戰有如此者四軍不難縱橫洋面摧破強敵度財量力中國尙能辦此快船較廉隨後酌增配用設海面有事敵緩則一軍獨禦敵盛則諸軍合攻惟此係臣一人管窺之見因一粵以推之全局既審船力兼計財用斟酌通籌約計船式船價擬爲此策以備采酌至南北洋閩或已有鐵艦或自有船廠應配何等船隻自必各有精思良策應由各該疆臣酌辦惟戰艦必須有港口可以收泊有礮臺可以助護方能操縱如意中華海口除虎門深廣可容巨艦津閩臺及廉瓊各口鐵艦

皆不能收入吳淞潮退時亦不能入我船若少懸泊外海必受敵船圍攻若僅製快船收口則便出洋縱擊當敵之巨艦則難故鐵艦不宜甚少方能在海面結陣自固一日計費上項所稱水帶鐵甲船每艘約需銀一百萬兩有奇現與德國出使大臣許景澄電商屬其與該廠酌式議價參用各式務求盡善擬每一艘以一百萬兩爲率三艘并雷礮電燈之屬約需三百六十萬兩鐵甲雷船每艘約九萬兩六艘并雷礮約需七十八萬兩大小九船并械約共四百三十餘萬兩洋例買多則價減若承辦之員清廉核實將經手茶金五釐提出歸公

張文襄公全集

卷十三 奏議十三

五

約計四百萬必能辦此設或船式尙可酌改再能多省卽以所餘湊製快船以備廉瓊淺海之用大抵一軍以四百萬兩爲率四軍共需銀一千六百萬兩惟工作之良楛價值之貴賤全視乎人造船無非英德兩廠粵船臣當與許景澄暨會紀澤熟商圖式博詢厥價諮訪水師名手慎重舉辦以期工良價實一日籌款大舉鉅款斷非枝枝節節所能辦頃接會紀澤咨知洋藥稅釐併徵一節已經議妥刻期開辦除正稅三十兩外計每箱徵併釐八十兩每年中國入口洋藥約計實有八萬箱以外若能杜絕偷漏計每年可徵併釐六百四十萬兩

此等洋關鉅款正宜作洋防之用計五年可得舊有新
增藥釐共三千二百萬兩較舊收釐數捐數約增一倍
擬提出五年收數之半銀一千六百萬兩每年三百二
十萬兩以爲造船專款不分何口所收統提統用惟各
省向徵藥釐及各項捐抽皆有待用之款今擬設海軍
四枝粵洋爲四軍之一用款亦應得四分之一就四分
之一一百六十萬兩內劃提一半應得八十萬兩五年
適得銀四百萬兩各口併計共得一千六百萬兩恰敷
造船之用餘仍留作本省向來支銷及他項撥用若每
年所收不及六百四十萬總以分半劃提爲度五年不

張文襄公全集

卷十三

奏議十三

六

足則以六年續成之各口收數未能一律應請通盤合
計以每年各口統提一半爲率蓋北洋爲神京拱衛南
洋乃南北咽喉間有孤懸之臺敵所窺伺而粵爲諸蕃
入華之首衝七省洋面之鎖鑰水師之設無一可緩必
有此鉅費專款通力合作則水師可望必成一曰定銀
洋例貨價議妥先付三分之一貨成起運又付三分之
一貨到付清亦間有定銀略少者或付五六分之一分
五六次交價惟第一次定銀若少則第二次付價須早
此項船礮價一千六百萬兩定銀五分之一須三百二
十萬兩尙宜另籌擬請由戶部墊八十萬飭出使大臣

在該國銀行暫借八十萬或卽在該船廠挪墊認息更
爲簡易向有如此辦法約期一年俟藥釐收獲陸續匯
還今戰事已息無人居奇大約四五釐息卽可籌借一
年卽還受累尙輕計墊借共一百六十萬餘分令四川
湖北湖南江西安徽沿江五省限數勸捐以足此數兩
江督臣曾國荃原奏會有五省協濟之議若以捐爲協
似更覺有可措手至沿海七省海防多費應免認捐其
腹地五省每一省認捐三十二萬兩共一百六十萬由
部頒發實官空白照若干張仰懇天恩准予於現定減
成數內再減二成聲明此捐專爲購辦鐵甲船之用此

張文襄公全集

卷十三

奏議十三

七

數滿後卽行截止不准減成國家恩澤人人至深各省
士民近年目擊海氛咸懷義憤知此舉關係中外大防
且又核給實獎優予減成必當同思敵愾踴躍輸將定
銀早集則船工速成此項部墊之款於五年外船價交
足後由各關洋藥加釐項下分年扣還一曰養船自定
議開工之日起兩年後各船陸續來華卽須籌養船之
費五年之後卽將此提半造船之藥釐約三百二十萬
兩仍分四股以充四枝海軍將卒師匠及修船之費應
俟臨時籌議章程奏明請旨辦理所餘仍當撙節積存
以充續造新式堅利戰艦之用一曰修船巨艦兩年必

須一修故製船必先製澳工費甚鉅一澳需費數十萬造成亦須二三年且必在設有礮臺防衛完密之地粵省黃埔船澳淺窄當徐籌開拓之計香港現有英商新造極大船澳兩年外可竣粵澳未成粵船或可暫向香港修理各省有無可作大鐵艦船澳之所應請敕下各該省預籌備用一曰練將中華水陸學堂津滬間本有規模粵省現始創議奏請撥款開辦俟籌有定款自當選擇師生認真講求惟讀書考索成效迂緩百聞不如一見古有明箴擬選派精壯用心之員弁生徒出洋習練其一途隸於出使大臣分發各國學堂水陸營伍礮

張文襄公全集

卷十三 奏議十三

八

臺船廠分科學習其一途駕坐練船周歷華洋各海口先中後外藉以周知諸邦口岸形勢戰船規制練習風濤駕駛練船即爲學堂兼可講習諸藝向來習西學者皆取聰穎少年爲之取其語言文字易於通曉臣愚以爲戰陣之道膽先藝後習藝術則但取聰悟習戰陣則先在勇敢否則聞礮而伏見敵而避藝學雖精會有何用故文弱學徒即使各技精通只可以備船中專門職司之用臨時主持調度禦敵涉險仍須勇將壯夫方有實際此項出洋員弁文者先取其志趣端正書理明通武者先取其膽勇過人或經戰陣但能耐勞不拘年齒

雖洋文算術未能造微但得其戰守布置大端即已足用惟粵省從無能出外國洋面之船此時海氛既平南北洋快船尙多應請敕下南北洋酌撥完固寬大兵輪一艘以備駛用其養船之費即由粵支至於京秩旗營人員似可由總理衙門每年揀發一二十員分赴各國分門學習回華後考其所能分等優獎所費非鉅裨益宏多一曰船廠閩廠規模已備自可由此開拓竊揣快船一種閩廠生徒當所優爲滬廠亦略有憑藉惟粵省本無船廠本年春間創造淺水兵輪乃因海氛猖獗檣墩試辦既無舊基亦無經費目前粵省餉力大困又須

張文襄公全集

卷十三 奏議十三

九

籌辦購戰船設槍廠築礮臺等事尙無所措船廠實有未遑竊擬俟新造淺輪四艘告成後察看利病如何當設法專籌一小款每年酌造兩三隻由粗入細積少成多俟藝熟工多再當騰挪財力定議大舉五年之內暫且購之外洋一曰礮臺臺船相輔其功乃彰西式之臺不一或尖或圓或蓋或露或作聯堡子堡或陸路當衝作大礮壘可以啟閉往來或水路當衝作浮礮臺可以迎頭擊敵此兩式最得力而費太重或以鐵或以石或以紅毛坭鐵最堅而最費遠難仿造粵東省防虎門內外一路年來新造各臺略有規模雖不能盡合西法然

已不沿舊式其間參差不齊闕略未備惟有隨時量力
修改增補其五門要隘現已另籌辦法續行另摺具奏
至廉瓊海口爲南洋第一重門戶關繫最重急須堅臺
巨礮惟工費太鉅此次專疏奏陳考西人之論礮臺法
式甚多其淺顯而緊要者約有數條一山坳嶺曲隱蔽
擊敵不宜孤露一臺外須作坦坡不得壁立一扼要處
須有數臺犄角不宜聚礮於一臺一連臺多作犬牙形
以便兩臺礮力相接夾擊名曰十字火謂兩礮交會成
十字形一臺後不宜背山以免敵彈反擊一臺上不宜
多人以免多傷搖嶽一臺上礮堂不宜寬以防炸彈墜
張文襄公全集 卷十三 奏議十三

十一

落一臺後宜有回擊小礮以防敵襲一臺旁登岸處宜
作濠隄伏連響快礮快槍以防敵人舢板登岸一臺成
後以礮轟試壞則更造粵省各臺限於地勢財力勢難
概行改作惟有酌量修補英廠新出地藏礮一種坎地
爲臺上施鐵蓋適與地平人伏地中其礮以水機升降
用意似頗精密沿海無山阜者甚爲相宜擬購一尊試
用至各省海口應由各疆臣自行酌辦一曰槍械粵省
原擬請籌款開設槍雷各局已於五月二十五日具奏
俟奉旨允卽擬開辦大礮擬歸閩滬鑄造前疏已經
聲明至廣東省城內有機器局城西增步又有軍火局

地狹工少章程淆雜以經費無出器具未備僅能製小
鋼礮開花子尋常洋火藥白藥水雷殼洋火箭修理船
礮尋常機器除火藥火箭尙好其餘能成而不能精設
局十有餘年僅動用銀數十萬迥非津滬閩各局之比
現正澈底清查選員覓匠重加整頓茲擬將機器軍火
兩局併歸城西增步一局以就水運之便且便督察統
名爲製造局仍製槍礮彈火藥等物其修理魚雷學製
淺水兵輪者歸黃埔雷局船局俟籌有經費卽可逐漸
擴充大要欲成水師必宜合力造船分地治兵專責以
別綱目總會以聯氣勢而水師礮臺槍械三端水陸戰
張文襄公全集 卷十三 奏議十三

十一

守相資爲用然水師未成之時則礮臺尤要就製械言
之則槍彈與行營礮尤要蓋購槍可用數年購彈斷不
能支三月一舉而購槍數千則易一舉而購礮數十則
難自宜分條並舉循序程功期以一年半而鑄槍礮廠
成兩年而礮臺備三年而水師立五年而水師大備自
足以隱懾強敵靖我環瀛惟是經費甚難人才尤不易
伏望朝廷破除常格多方鼓勵部臣少寬文法不事苛
求其如何考察獎勵用人不拘常格之處應請敕下總
理衙門查照南北洋閩省辦理章程推廣核議通行庶
幾大開風氣計日成功伏讀此次聖諭閱遠精詳於安

攘大計包括無遺而事過輒忘一語洵足以抉盡近世痼病發聾振聵凡爲臣子者敢不竭誠籌維以副明訓謹就愚慮所及今日事勢物力所能行者臚陳覆奏不敢以空言塞責伏祈聖鑒敕議施行

旨據奏籌辦水師事宜不無可採惟該督擬以洋藥稅釐作爲經費此事各國能否一律商允尙無把握前經欽奉懿旨先從北洋精練水師一支此外分年興辦該督所奏各節著交海軍衙門隨時察度情形俟餉項有著次第推廣辦理該衙門知道欽此

勸令僑商捐貲購造護商兵船片

光緒十一年九月初四日

張文襄公全集

卷十三

奏議十三

三

再外洋各埠華商甚多如新嘉坡新舊金山河內海防西貢暹羅橫濱秘魯以及檳榔嶼檀香山等處大埠六七小埠十餘華民約在百萬以外粵人最多閩次之浙又次之祇以僑居異土每受洋人欺凌羣情憤鬱延頸喁喁仰冀國威遠加覆庇若勸令各埠捐貲購造護商兵船必所樂從外洋賦斂最重每一人身稅或歲徵十元八元多者至四五十元今爲華民謀自衛之方除大商願輸巨貲者不計外假如人捐二元亦可得百數十萬兩約可造快船五六艘船成後分赴各埠周巡護商儻以船數不敷未能一埠二船則每埠一年內閒駐數

月時來時往議定有事時各埠之船調集相助其養船之費卽由各埠捐抽此船應另設外洋海軍統領一員各埠距粵洋較近擬卽歸粵省調度一旦中國海面有事亦可酌調駛至南洋一帶以助聲勢從此皇威遠播海外商民咸蒙乂安之福似於中外大局不無裨益查出使大臣張蔭桓籍隸粵東熟習中外情形擬請敕下該大臣體察外埠商情如此事可行卽令妥籌辦法責成該大臣選擇廉潔明幹之員分赴各埠會同領事紳董善爲勸諭不得抑勒先與各埠商定船式俟捐有成數陸續匯寄英德船廠及早興工一面隨時分批奏請

張文襄公全集

卷十三

奏議十三

三

優給獎敘仍加廣原籍學額中額各埠華商必有神祠書院公所之類如能捐輸巨款可否每埠各賞給御書匾額一方懸於公所旣足以示好義之殊榮尤足以昭聲教之無外核計近年以來外洋華民捐助賑款防餉者爲數已不爲少臣采訪外埠輿情僉謂此舉若有旨敕辦並派欽使勸諭經收必可踴躍其養船經費各埠商奏明辦理似亦徠遠馭外之一助也

籌辦廉瓊破臺摺

光緒十一年九月初四日

竊惟廣東省防經年以來粗有端緒至廉瓊兩口則以限於事力惟恃屯軍列壘以備陸戰北海於今正新築兩臺而巨礮闕如查瓊州近距海防一日可達孤危固不待言廉州至廣西南甯止四日程若敵由廉襲豈則南斷龍州之後路北據梧江之上游西絕百色之運道一路有失而廣桂滇三省皆病去臘今正法人即有此謀西電言之鑿鑿兵輪絡繹封口兩月開礮數次幸方恭撥臺之軍自汕東遣陳榮輝規越之軍自瓊北渡我軍既盛得以形勢相持敵人不敵遽動諒山既捷廉危始解今海氛雖平越防日逼而要害所在彼此共知此

張文襄公全集

卷十三

奏議十三

五

次法人受創於粵他日如法人生事必自廉瓊始不乘此時築堅臺練巨礮終為兩廣肘腋之憂故往日則瓊最急今日則廉尤重查廉州北海關以東沿海平衍惟冠頭嶺馬鞍山電白寮三處略有岡阜可築數臺臺後可築護臺數壘口門內可伏魚雷水雷欽州水路則龍門口陸路則那梭墟皆宜量設礮壘瓊州則府東北八十里濱海有嶺曰木欄頭下臨銅羅羅斗兩沙礁多水曲扼香港越南往來之路必應築臺據險海口舊臺無用海口關以西曰西場曰金牛嶺前有竹林後有陂陀可以築臺劄營沿港可築礮隄港內可用雷艇大率廉

瓊兩口宜各築堅臺十餘座配克虜伯大礮十餘尊其餘各隄壘輔以克虜伯中小礮二三十尊田雞礮數十尊港內伏雷艇數艘水雷多具然後戰守有資約計築臺壘購礮雷共需銀八十餘萬無從籌備因思臣之洞前次奏請開辦快槍槍彈行營礮等廠擬動奏准各省關認還之氣礮洋款百萬未奉覆旨竊念要需難緩鉅款難籌擬請將廉瓊礮臺暨開辦槍廠兩案均於此項內分撥動支以便一面訂礮一面勘地築臺計礮到必須一年臺成亦須經歲而購機募匠建廠各項亦不能一時全付有此現款即可兩端並舉勻挪應用以後再

張文襄公全集

卷十三

奏議十三

五

當陸續分籌踵而成之免致延誤歲月至廣西龍州關內應築礮臺前於六月十九日經臣之洞會同西撫臣等奏准動支籌備餉餘款十萬查餉本係奏明由各省關認還今擬將桂防礮臺十萬兩併歸氣礮存款下支用毋庸各省關認還惟粵省應還洋款已有五百萬併息約三百萬十年方能還清未清之前力難加認此款合無仰懇天恩俯念粵洋為海疆各省之屏蔽廉瓊為兩廣水陸之首衝且在今日情形尤為喫重至於南關前敵更不待言此項洋款二十五萬鎊約銀九十八萬餘兩款部暫派各省各關代粵墊還粵省邀免併

派俟十年後粵省借款還清即將此款本息分作三年
勻還各省祇以藉紓喘息並非終累鄰疆揆之情理似
非過當且桂防十萬亦請由東省認還粵省但圖騰
展於目前而甘任艱難於日後部臣明於會計各省疆
臣共矢公忠粵之竭力籌維當可共諒若部議必欲責
之於粵并此通力合作周轉一時之計而亦不能行則
此項洋款無從措還謹當存儲聽候部撥所有廉瓊礮
臺暨槍廠諸事勢必延緩以後本省能否籌畫實未可
知獨是屬戶綱繆不宜再緩此時若因無力而束手將
來必致臨事而蒼黃事關全局伏望宸斷施行大局幸
張文襄公全集 卷十三 奏議十三

去

甚
旨戶部速議具奏欽此

購配克虜伯礮解交畿輔各軍摺

光緒十一年九月初四日

竊查上年冬間南北洋時有警報臣於十二月內訪得
上海泰來洋行有克虜伯八生特車礮九十三尊車架
子彈全備價值尙廉刻期可到當以此等精礮最爲北
方陸戰之利器大批平價頗不易遇亟應速爲購致以
備緩急隨飭委員知縣惲寶善在滬訂立合同由粵付
定銀五萬兩擬請分給津軍及曹克忠張曜各營之用
並懇電飭南洋暨上海道將合同驗收礮到由北餉付

價等情於二十六日電奏二十八日奉旨據張之洞電
稱滬泰來行有八生車礮九十三尊各帶彈四百議定
每尊一千三百四十兩已立合同由粵付定擬分給津
軍等營等語著李鴻章會同張之洞會商辦理總以
按期銀械並清勿似德國購艦事爲要等因欽此當經
臣電商李鴻章會同張之洞議委員於正月內與該行
約定催令迅速解運去後其時法人雖有禁阻華械之
說該行仍然依約起運於四月內將此項車礮全數運
到計克虜伯八生特後膛新鋼礮九十三尊車架器具
全並包鉛開花子二萬七千九百箇子母彈九千三百

張文襄公全集 卷十三 奏議十三

七

箇計礮一尊配開花子母彈四百箇查外洋陣式車礮
六尊爲一隊竊思若配足一百零八尊可敷十八營之
用適有前飭直隸候補道盛宣懷在該行訪購前式礮
十八尊身長口徑均同每尊配彈四百亦如之亦經運
到就中提出十五尊合之九十三尊共得八生特車礮
一百零八尊經臣派員驗明九十三礮雖購買現成之
物與新造者無異其來福綫絲路完好火門不鬆鋼底
門劈各件俱屬堅緻其另購十五礮亦俱全整可用其
價并解津運費約十五萬兩左右除粵已墊付五萬兩
外其餘十萬兩擬即於餉餉洋款餘存十萬兩改撥支

付應照原案由各省關認還緣此餘款十萬先經奏准
 提充廣西南關礮臺之用現經另摺奏請將此十萬併
 支氣礮存款十年後由粵認還是以此款騰出未動據
 善後海防局司道查明詳報前來臣惟近年外洋各國
 陸戰專恃礮隊北地平衍無山谿之險可恃尤非有車
 礮不可現在海防弛警而近畿要地備禦不可不嚴查
 近日軍營皆知過山礮之利粵中將領聞知咸欲請領
 惟粵省平原不多祇以分撥各礮臺各陸營作為守壘
 阻隘之用未免零拆可惜現既配有車架不如北地車
 馳馬驟始足盡此礮之長以近日戰事驗之若以中國
 宿將統礮隊十八營與西軍角逐於平原曠野之間必
 可制勝此項車礮擬即委員解赴天津請李鴻章派員
 驗收就近分撥近畿各軍應用似於神京防衛不無裨
 益

張文襄公全集

卷十三 奏議十三

六

旨該衙門知道欽此

恭聆懿訓瀝陳下忱摺

光緒十一年十月初九日

竊照勘界大臣鄧承修到粵臣等恭請聖安該大臣口
 傳八月初一日請訓時面奉 皇太后懿旨張之洞在
 廣東辦事認真甚肯用心汝可傳諭張之洞知之欽此
 跪聆之下感悚難名伏念臣才性庸篤謬承海疆重寄

時事多艱安攘並亟不過竭此血誠不自愛其心力不
 敢稍避嫌怨徒以迂鈍過甚或有其志而智不周或有
 所見而力不逮兵食宜足而要務尙多未遑官方宜澄
 而積習未能盡化省躬循職疚愧實多仰蒙慈訓遙頒
 不加譴責轉邀獎勵隆天厚地感激涕零惟有恪遵訓
 諭認真以祛粉飾之痼習用心以規善後之要圖以冀
 仰答鴻慈於萬一

旨知道了欽此

派員隨勘滇桂邊界摺

光緒十一年十月初九日

竊臣於光緒十一年八月十一日承准軍機大臣字寄

張文襄公全集

卷十三 奏議十三

六

七月二十日奉上諭總理各國事務衙門奏請派大臣
 勘定滇粵邊界一摺據稱現接法國使臣巴特納照會
 近接外務部電咨已派浦理燮等六員勘定邊界於中
 歷十月初三日即可行抵河內等語越南北圻與兩廣
 雲南三省毗連其間山林川澤華離交錯未易分明此
 次既與法國勘定中越邊界中外之限即自此而分凡
 我舊疆固應剖析詳明即約內所云或現在之界稍有
 改正亦不得略涉遷就本日已降旨派周德潤前往雲
 南鄧承修前往廣西會同各該督撫辦理勘界事宜即
 著岑毓英等各委明幹之員帶同熟習輿地之人周歷

邊境詳加履勘繪具圖說以備考證一俟法國勘界大臣到後卽由周德潤鄧承修與岑毓英李秉衡會同勘定該大臣等務當詳細審慎按照條約持平辦理是爲至要將此由六百里諭知岑毓英張之洞張凱嵩倪文蔚並傳諭李秉衡知之欽此等因茲勘界大臣周德潤鄧承修等於八月二十四日到粵當經與該大臣等詳述邊關情形籌商一切並先經電商護西撫臣李秉衡分派將吏先行查繪草圖該大臣等於九月初旬先後啟程西行署雷瓊道王之春來省接見後卽回瓊州部署一切由瓊廉徑赴龍州相候五品卿銜主事唐景松

張文襄公全集

卷十三

奏議十三

三

因定議劉永福毋庸赴龍現亦由龍取道南甯赴滇查此次勘定中越邊界爲以後邊防樞紐關係甚鉅必須有熟諳法文繙譯通曉西法輿圖測算繪畫之人隨同前往況兩廣雲南三省沿邊將及三千里惟有分投測繪再成總圖庶可精詳且免曠日現經探聞法國派來繪圖人員甚多約計二十餘人尤應廣爲儲備惟是各省習法文者甚罕精西法輿圖者亦不多邊關瘴遠擇人殊難當經分向粵港閩滬多方采訪調集後覆加考驗分派應用計桂邊繙譯二員福建船政總監工守備李壽田六品頂戴陶瑟瓚測算繪圖十二員監生鄒璣

八品頂戴羅國瑞廣州駐防附生韓貞元八品頂戴姚文炳監生祝永清鄒澄貢生陳渠船政學生劉義寬監生孔繼榮李播榮知州顧潮都司黎中配以上各員令赴龍州備鄧承修李秉衡委用滇邊繙譯一員船政學生都司林慶昇測算繪圖四員廣東水雷局教習六品頂戴老穎安八品頂戴王紹衡七品頂戴王仁增原在龍州軍營之船政學生石紹祖該學生並可兼充繙譯以上各員令赴蒙自備周德潤岑毓英等委用並分向上海香港購置測繪儀器表尺圖籍紙筆一切器具物料攜帶同行兩項人員搜羅殆徧實難多得查滇邊勘

張文襄公全集

卷十三

奏議十三

三

界事宜數月之內斷不能遽行舉辦因與周德潤商定俟桂界事竣再將測繪各員分撥赴滇應用並派委明習桂邊情形之同知黃寶田尹恭保直隸州知州鄧兆松知縣賴聯桂及佐雜數員供鄧承修等差委至此次分畫之疆域卽爲他日戰守之要害現接外洋電稱法國分界之員係兵部武官狄色爾海部武官布依納等竊思該國勘界多係武職意在考究形勢審探路徑用意甚深在我亦應揀派將官隨往體察查有總兵侯勉忠李寶賢副將李定勝馮紹珠黃義德參將梁振基桑儒修龍名晃都司王德標莫善積葉華泉等十一員均

係久經戰事熟習越邊情形當派隨往邊境令其周歷險要審度築臺設戍處所考究軍行出入道路藉資閱歷以備他日有事之用其西省明習員弁應另由護西撫臣李秉衡派委至東境欽越交界另行會同東撫臣倪文蔚委員先行履勘繪具草圖以備覆勘竊維勘界之舉於兵情商路兼有關繫或剖析舊疆或更正現界該大臣等自能欽遵諭旨按照條約持平辦理不涉遷就臣如有所見謹當隨時會商在事諸臣竭力籌辦斷不敢略涉遷就以仰副 聖主慎固封守之至意旨知道了欽此

張文襄公全集 卷十三 奏議十三

三

派員先勘欽越交界片 光緒十一年十月初九日

再臣等欽奉寄諭越南北圻與兩廣雲南三省毗連其間山林川澤華離交錯未易分明此次既與法國勘定中越邊界中外之限即自此而分凡我舊疆固應剖析詳明即約內所云或現在之界稍有改正亦不得略涉遷就本日已降旨派周德潤前往雲南鄧承修前往廣西會同各該督撫辦理勘界事宜即著岑毓英等各委明幹之員帶同熟悉輿地之人周歷邊境詳加履勘繪具圖說以備考證等因欽此查兩廣界越之處延袤二千餘里自必先從桂邊開辦所有東省欽州越南交界

處所正宜先期查勘明晰繪具草圖以備勘界大臣覆勘較爲省便當經飭委通判劉保林直隸州州判張炳麟並由督辦欽廉防務提督馮子材揀派熟習將弁署廉州府知府李璣署欽州知州余鑑海派委熟習員紳偕同該委員等詳加履勘繪圖附說以備覆覈旨知道了欽此

密陳滇桂勘界機宜片 光緒十一年十月初九日

張文襄公全集 卷十三 奏議十三

三

化至東路諒山所屬暨高平太原北甯等處游勇與越團亦復麇聚自四月間法兵爲黃廷經阮氏兩枝所敗以後法兵未與接仗揆此情形一年之內法人斷不能遽定越亂滇界固不能遽達桂界亦難一律暢通法領事師克勤在粵晤鄧承修曾有或先辦桂界之語查新約邊界設關收稅之處應在諒山以北考鎮南關至諒山四十里出關至文淵十里亦稱八里文淵至驅驢三十里驅驢與諒山僅隔一河驅驢在河北諒山在河南此次桂越分界設關之處竊以爲必須力爭以文淵州爲限該處大山分峙其山頭安礮飛彈可擊至南關內

之關前隘若就鎮南關設稅關通商則法亦於此設領
事中外之險法與我共將來實無防遏之策惟發議之
始尤宜先爭驅驢與約內諒山以北之語無礙驅驢不
得再議文淵如此或可就範稅司務赫政過粵時問臣
之意臣即告以止能讓出諒山總在文淵以外此節已
與鄧承修李秉衡籌商應俟臨時竭力辦理儻稅關分
界可在文淵並應議定法人不得於此築礮臺謹附片
密陳伏祈聖鑒

旨知道了欽此

酌留湘軍摺 光緒十一年十月初九日

張文襄公全集 卷十三 奏議十三

三

竊臣等准兵部尙書臣彭玉麟咨以粵省防務解嚴奏
請將湘軍裁撤昨閱邸鈔奉上諭彭玉麟著賞假三月
回籍安心調理毋庸開缺並毋庸開巡閱長江水師差
使餘著照所議辦理等因欽此查彭玉麟自前年冬來
粵辦防由湖南江蘇等省調來湘軍八營長江親兵二
百名到粵添募湘軍六營以道員王之春毅字兩營防
瓊州以提督婁雲慶五營防虎門外迤東之沙角以提
督王永章四營防虎門外迤西之大角蒲洲是為省防
中路最近外之海口以提督陶定昇三營防五門沙路
兩河交匯之南石頭彭玉麟親駐其地督之是為省防

西路最近內之衝要沙角大角山上礮臺皆湘軍新築
南石頭海心岡礮臺則就舊臺修葺分配巨礮教習操
練嗣後省防益急因又於沙角大角蒲洲等處增臺益
礮並由粵省續募湘軍六營共計新舊調募湘軍二十
營零二百名於是虎門橫檔之粵軍長洲沙路魚珠中
流沙之淮粵各軍得以聯絡犄角省防始固以上防所
辦法疊經臣等奏明在案此次彭玉麟奏請盡罷湘軍
自係因陳請撤防回籍不能不將所部全軍一併請撤
以清界限惟查沙角大角為外衝南石頭為內衝皆為
必不可不守之地近以力籌節餉將本省防營疊次大

張文襄公全集 卷十三 奏議十三

三

加裁減共裁去一百餘營由粵續募湘軍亦經撤遣所
留甚為緊迫大率皆量其所守礮臺地勢酌留屯戍率
以一營而守數臺僅敷守臺操礮看護營壘之用無可
減少亦無可移動其提督方耀鄭紹忠署廣州協副將
總兵鄧安邦所部因該提鎮等既係本轄又皆土勇與
各地方相習略分其半以分駐東西北三江諸郡縣河
道巡緝匪盜頗形不敷目前尚未據報裁竣若湘軍全
撤窒礙殊多無營填紮臺空礮息外戶弛備他族生心
一也勉撥數人僅同看役必至礮閒而不放臺荒而不
修數月之後各礮器具闕失鏽澀即成廢物鉅萬購求

之利器兩年締造之工程坐視委棄二也若另募新營無從籌餉三也即使有新營可補或有事再謀屯紮而將士生疎猝難熟練礮性明習地形另起爐竈費多益少四也至於瓊州孤島外海內黎現存鎮道三營實不敷防峒黎緝海盜之用若再將郡治勇營掣動則海防未免空虛所有築臺練礮等事更無可用之軍當經與彭玉麟籌商惟有酌留湘軍八營沙角地段最廣縣延七里大礮臺十六座小礮土臺不與留慶字三營守之以提督熊鐵生統帶大角蒲洲兼包兩山大礮臺七座留定字兩營守之南石頭兩岸暨水心大礮臺四座海

張文襄公全集

卷十三

奏議十三

奏

心岡土礮臺一座留定字一營分守之均以提督陶定昇統帶令該提督駐大角瓊州留毅字兩營仍歸王之春統帶統由粵省督撫調遣所需月餉除由江蘇湖南長江撥解者停止勿庸再解外前經戶部撥定廣東釐金項下東北邊防經費八萬兩粵海關六成洋稅項下東北邊防經費十二萬兩應請留為防粵湘軍八營專餉至戶部於上年續撥廣東實官捐輸銀十萬為彭玉麟一軍專餉粵省捐務大疲所收微渺殊難指用除釐金海關兩項湘餉二十萬兩外不敷尚多應仍遵照部議於捐輸項下動支如捐數不足應由粵省另行籌濟

此八營營制餉章均經與彭玉麟商定一切悉照湘軍舊制不得稍有更改竊惟從前粵省防務以事緩餉絀不過略事補苴其緊要隘口外敵旁衝並無專營防守虎門尙不能顧及何論虎門以外瓊海之遙自彭玉麟率湘軍來粵後始創扼守沙角大角之議氣勢雄闊軍容嚴整終日築臺按期演礮各國洋輪出入望之皆為肅然又復近扼南石遠鎮瓊島上年法船屢次窺伺聲言內犯均未敢逞未必非防營整密之效臣等所以敢於將本省防軍頓裁大半實係因與彭玉麟籌定預計地段留此八營為汰弱留強之計且臺為該軍所修礮

張文襄公全集

卷十三

奏議十三

奏

為該軍所練愛惜培護習險設備自當遠勝他軍恭釋疊次諭旨現雖法人就款安不忘危孜孜以練軍造船洋防邊防為最復經臣等奏請於廉欽瓊等處籌款購礮築臺為牖戶縹緲之計從前未經設守之處尙思補其罅漏以防未然况已練之軍已設之險且係形勢必爭之處一旦去之實為可惜合無仰懇天恩俯念粵防緊要已練勁軍難撤本省餉力難支准將湘軍八營仍留省瓊駐守就原撥餉項開支實於海防大局關係殊非淺鮮不勝感悚待命之至旨著照所請該部知道欽此

欽越邊界亟應改正摺

光緒十一年十二月初一日

竊惟廣東欽州一境東南濱海西北負山有如昔時羅貼浪思勒羅浮河洲漸凜古森八峒地向係隸屬中華與廣西及越南犬牙相錯如昔時羅貼浪三峒密邇內地與越境尙少膠葛思勒羅浮河洲漸凜古森五峒地則自宋明以後不設關卡半爲安南侵蝕遠非從前舊址以致華夷參錯險要全失殊乖固圉保疆之道從前越爲屬藩中外界限尙可稍爲渾涵今該國歸法人保護此時勘界一歸越壤其土地卽淪爲異域其人民卽棄爲侏儻近聽邊民呼籲之聲遠攷歷朝沿革之故不

張文襄公全集

卷十三

奏議十三

天

得不爲 聖主憑陳之查欽越接界地方先經臣等派通判劉保林等又經督辦欽廉防務前廣西提督馮子材派都司陶烈武等先後帶同熟悉邊界土民詳加履勘以備將來勘界時辯論茲據該員等勘畢各呈界圖並五峒紳耆廩貢生王永儒等六十八人公稟聲稱自廣西思陵土州南境外沿十萬山而南其處名三不要地舊志謂廣東不要廣西不要安南不要古之甌脫是也自此沿丈二河東南行經河東之峒中永安雁慕新安州潭下河槍河西之舊街直抵海口兩岸崇山峻嶺有險可守居民約數萬皆華人查係前朝古界因越爲屬

國不甚拘限地由民間自墾就近納稅越官仍赴欽州考試在庠序者甚多廬墓皆在其中懇勿棄之異域並云分茅嶺卽銅柱分界處今名坑謝在上思州屬北崙汛外相距約五日程又云據欽州志明宣德間黃金廣等以五峒九十九村外附交址林希元請還四峒而羅浮峒未還以致江平黃竹各村墟混入越界故欽州素有八峒之名今缺其一又據署欽州知州余鑑海稟稱嘉道以前五峒地曠人稀耕鑿不及之區任越墾闢始於江平設萬甯州續於芒街設海甯府而移萬甯於河槍潭河以上改立新安州華民十居其九其間紳商多

張文襄公全集

卷十三

奏議十三

天

欲內附若趁勘界之便將新安海甯一帶收回內地則中越以海爲界有險可憑又據調署廉州府知府李璣稟稱考府志欽州各峒黃姓世鎮其地宋爲峒主明罷爲峒長分茅嶺在州西南三百六十里卽古森峒地有漢將軍馬援唐節度使馬總所立銅柱爲中國交趾分界處三不要地亦在古森峒爲水土極惡之區又荒僻險遠難以統轄雍正六年督撫會疏請歸欽州就近撫綏故北有北崙汛東有白雞汛設兵戍守各等情竊查廣西上思下思思陵三州沿邊以外有崎嶇荒僻地數百里東爲廣東欽州西爲越南諒山廣安南濱大海有

快子籠亞婁灣九頭山青梅頭諸島嶼北界北崙扶隆
愛簞等隘而十萬大山盤互其中其地總名古森峒亦
稱三不要地最高之山曰分茅嶺嶺有銅柱實為歷朝
中華邊徼之地遠憑銅柱近據方志有歸欽州撫綏之
案有入欽州學籍之人歷來峒主峒長本係華人此時
士著民居皆非異族而又形勢在所必爭邊氓急於內
附按照條約亟應改正自宜畫歸華界上游緊接廣西
三峒思陵土州之地下游直出新安州海口東包青梅
頭海甯府芒街接連竹山江平白龍尾一帶以正封域
該處山僻瘠壤彼當不復措意惟芒街即海甯府濱海

張文襄公全集

卷十三

奏議十三

三

形勢尤要法國設有教堂與欽州東興汛僅隔一小河
冬令即涸又江平近接防城墟又在東興之後去州城
僅百餘里均屬華離要害之地不能不與力爭應請旨
電飭勘界大臣鄧承修與法使勘辦辯論庶邊氓不至
終淪異域而於設防固圍實大有裨益

旨張之洞等奏欽州與越南接壤地界應照志乘所載
及時改正等語該處地圖已由該督咨送著鄧承修李
秉衡於桂界議定後酌量情形妥慎辦理欽此

請定盜案就地正法章程摺

光緒十一年十二月初一日

竊照粵東山海交錯民情獷悍盜匪之熾甲於他省朔

查同治二年間前督臣毛鴻賓奏奉上諭嗣後廣東省
除廣州府及佛岡同知拏獲逆匪盜犯仍行解省勘審
外其距省較遠之各府廳州縣所獲拜會從匪拒敵官
兵及迭次行劫夥眾持械拒捕傷人罪應斬梟斬決各
犯由各該州縣審實後即解送該管道府覆審錄供具
詳該督撫核明情節確實即行飭令就地正法一俟軍
務完竣盜匪斂迹即行奏明仍照舊章辦理此外尋常
命盜案件著仍照例解勘等因欽此歷經遵照辦理嗣
於光緒八年四月刑部議覆御史陳啟泰等條奏內稱
嗣後除土匪馬賊會匪游勇案情重大並形同叛逆之

張文襄公全集

卷十三

奏議十三

三

犯均准就地正法其餘尋常盜案予限一年規復舊制
儻實係距省寫遠均照秋審事例解送該管巡道訊明
由督撫分別題奏不准援就地正法章程等因奏准咨
行到粵復經前督撫臣議奏嗣後除實係土匪馬賊會
匪游勇案情重大並形同叛逆之犯及原例內罪應斬
梟者仍由該州縣體察情形隨時稟請就地正法按三
箇月彙奏一次其餘尋常斬決盜犯自光緒九年五月
初八日為始規復舊制高雷廉瓊潮韶六府嘉應南雄
二直隸州解道覆勘移司核詳題奏免其解省不准先
行正法經部議覆准咨行飭遵在案然自此次省章既

行以後盜案日多近年海防多事以來各路投營遣撤之游勇紛至沓來往往勾結土匪打單嚇財入村攔路劫掠慘殺加以各處積匪結黨拜會受雇助鬪肆搶勒贖此外洋犯鹽梟縱橫出沒時而在洋伺劫時而登陸剽掠一經兜拏輒卽連檣結陣放礮抗拒形同叛逆本年以來已經多起其內地之東西北三江均爲盜匪之藪往來舟楫以及各處渡船動輒被劫陸捕則駛艇而逃水緝則登岸而逸臣等接閱各屬稟報劫案以及另行訪聞查出盜案日凡數起無一非執持洋槍火礮糾夥多人其事主懼禍未經呈報者不知凡幾雖疊經懲

張文襄公全集

卷十三

奏議十三

三

儆該管嚴飭勒拏並將情重著匪批行正法以期稍知儆懼無如營汛疲憊有司拘牽實情不盡稟聞真盜或致狡脫以致水陸盜案有增無減省垣附近屢有白晝行劫近日英國貴翰商輪亦有在洋面被盜匪劫殺船主之事商民悚息伏莽日深是目前粵省土匪會匪游勇鹽梟門匪洋盜七種合而爲一若再因循拘泥必致釀爲亂階臣等職在地方觀此情形實深焦慮查光緒八年部章曾經指明土匪馬賊會匪游勇案情重大並形同叛逆之犯均准就地正法所謂案情重大四字包括甚多原未嘗稍形寬縱卽粵省奏定章程亦係聲明

上項土匪各犯及原例罪應斬梟者均准就地正法乃各州縣狃於積習不問案情輕重藉口已復舊章不肯從嚴稟辦經年以來文告諄諄拘執罔聽除南番兩縣外罕有稟報拏獲游勇土匪嚴辦之事是以匪徒益無忌憚恣意橫行查就地正法章程原屬辟以止辟部章所謂案情重大自係由地方官酌核情節近來各直省辦理持械夥劫凶暴兇著之案皆係不分首從一律先行就地正法梟示矧粵省盜匪無一案非糾夥無一盜不持械所持之械無非洋槍洋礮及獲械訊供無一犯非迭劫多次且忽海忽陸忽土忽客忽自行糾劫忽助

張文襄公全集

卷十三

奏議十三

三

門逞兇又與會土械門各匪洋盜鹽梟互相出入其情節實與尋常盜賊迥異卽如內河外海各盜駕船列礮大夥橫行劫殺拒捕如廣東艇匪一項較之北省馬賊騎止一人一槍尤爲兇悍實爲土匪之尤若拘泥本省章程凡斬決盜犯情節雖重舊例無斬梟明文者動須解勘題覆轉稽延不足示儆甚至狡翻誣攀劫逃越獄隱患不可勝言至此等盜匪多有此案附夥而彼案糾邀此案行兇而彼案接應其慙不畏法之心同惡相濟之罪實屬無分軒輊若過爲文法所拘必致意存避就倖脫稽誅此非因時立制實不足以安善良而

遏亂萌臣等督同臬司廣州府等體察地方情形悉心核議應請嗣後拏獲持械夥劫兇暴眾著之各項盜匪無論水陸不分首從凡有案情重大罪干斬梟斬決者一體照土匪馬賊會匪游勇章程先行懲辦其距省較遠者由該廳州縣審實後酌核道路遠近如有道府同城者解由該管巡道督府覆審不同城者即分別解由最近之該管或道或府州覆審如犯多路遠者即由道府州親赴所屬覆審均錄供通稟督撫核明情節確實批飭就地正法案情重大者仍傳首犯事地方懸桿示眾其廣州府屬及佛岡赤溪二直隸同知所獲盜匪仍

張文襄公全集 卷十三 奏議十三

三

於審實後錄供解府審明通稟批交臬司會同營務處司道覆訊明確稟候核飭就地正法案情重大者臬示曉示民間拒捕者格殺勿論并將通省此項正法盜匪按三箇月彙奏一次逐案補具供看由府送司詳咨一俟盜風止息即照舊例辦理州縣營汛諱盜縱匪者查出從嚴參辦據署按察使瑞璋詳請具奏前來臣等詳加覆核不敢拘泥以殃民惟有嚴法以弭亂考諸文武軍民人等眾論僉同謹合詞繕摺奏陳伏祈聖鑒敕部速議施行

旨刑部速議具奏欽此

張文襄公全集卷十三終

張文襄公全集 卷十三 奏議十三

三

新城王樹桂校

張文襄公全集卷十四

奏議十四

為沈鎔經請卹摺 光緒十一年十二月初一日

竊已故廣東布政使沈鎔經於本年一月十九日因病出缺業經臣之洞等奏報在案查該藩司由進士即用知縣分發江西歷任長甯上饒新建貴溪等縣潔已愛民息訟治盜興學養士所在皆有循聲上饒有九龍山為齋匪窟穴以計訪擒其渠魁亂萌始息嗣選授安徽太平府知府郡無城郭該司濬壕置柵盜賊屏息調安慶府時值皖北水災殫心拯濟以工代賑盛暑奔馳烈

張文襄公全集

卷十四

奏議十四

一

日中董率撫輯全活無算居官守正不畏強禦臣玉麟巡江過皖備悉其詳心甚敬之洵升安廬鳳道光緒九年擢授廣東按察使粵民勁悍健訟械鬪命盜重案最多莠民恃洋人為護符豪族以良懦為魚肉該司明慎公勤一介不取抵任以後清釐積案數百起詳結京控要案十餘起用法皆得其平尤以廉正風厲僚屬力遏奔競遇事守經而體察眾情通達政體處人和遜而不為苟同其所施設輿論翕然十年春間兼署兩廣運司粵鹽積年疲銷課餉甚窘該司任事數月釐剔奸蠹設法疏銷除正額照解外復帶完價款銀七萬兩籌捐海

防經費銀二十二萬兩餉銀賴以挹潤五月後法事愈棘粵防戒嚴沿海各口營屯林立軍書旁午該司總理

營務處係其專責凡調和將士肅清內奸經營臺壘舉辦團練無不竭盡心力區畫得宜臣等深資其助時方議發大軍進規越南援助滇桂計畫已定而苦於饋餉無出本省財力已竭兼須援濟臺閩藩司困於持籌不能兼顧該司遂兼任籌規越之餉百計羅掘懇誠勸諭紳富捐集鉅款出關之軍乃得成行歲暮寇急出巡各營申儆戒備除夕駐守海墘與將卒共勞苦而司中公事仍復親自經理不少休息本年四月調任粵藩六月

張文襄公全集

卷十四

奏議十四

二

接篆防務甫解撤留省內省外關內關外各營數至四萬餘人移屯併成給資清餉費益浩繁散勇雲布時西北兩江大水為災人心惶惶深慮擾動該司籌款資賑復派員弁分途押送均各帖然回籍一面籌措鉅款議修廣肇兩府圍堤考核圖經規畫工料現已籌度略定該司以粵省吏治久敝亟思激揚而廓清之自受藩篆以來嚴立章程銓品人才孜孜如恐不及數月以來屬吏欣欣皆有爭自濯磨之意八月以後洋款屆期京協各款待解尤急司庫搜括殆盡該司焦思籌畫嚴稽出納力杜浮冒鉤校簿書夜分不息自夏間積受暑濕重

以勞瘁過甚中氣耗損致患風痺危證濕瘡遍體雖在假中仍力疾伏牀手治官書與臣等函商兵食要政使牘往來日猶數起調理稍愈卽勉出治事十月十六日委赴波羅廟致祭南海神因令就近察閱牛山新築礮臺工程形勢勞頓不支十八日還省頓發前病適作函稟陳公事發函擲筆倒枕困伏氣息頓微風痰驟湧遂以不起歿之日布被蕭然一如寒素僚屬無不同聲痛悼竊維粵省物博民龐事變日多而習氣日靡吏事兵事餉事無一不費整理若該司之才識操守久爲粵省官民信服使之久任必能轉移風俗整飭官常本年五月奉旨令保奏籌濟滇桂各員已擬將該司首列剡章

張文襄公全集

卷十四

奏議十四

三

一旦因病出缺臣等失指臂之助尤不能不爲國家惜此人也合無仰懇天恩垂念該司盡瘁防務遺疾殞生飭部照藩司軍營立功後積勞病故例從優議卹並將生平政績查付史館列入循吏傳以爲以死勤事者勸出自逾格鴻慈不勝感悚待命之至

旨沈鎔經生平政績著准其宣付史館列入循吏傳所請議卹之處著毋庸議欽此

請開缺回籍調理摺

光緒十一年十二月十八日

竊臣幽冀下士學術迂疎以編修積資十有七年薦陞

坊局孤根薄植獨被特達之知朝廷軫念時艱廣開言路應詔竭慮屢有敷陳不加譴訶轉邀遷擢復以疏論邊事奉旨命赴總署遇事諮商旋蒙不次殊恩由內閣學士授任晉撫上年四月奉召入覲遽聞督粵之命其時惶悚踈踏莫可名言祇以海防喫緊宵旰焦勞欲受任則力不勝欲固辭則義不敢當於四月二十九日謝恩摺內曾將才智精力皆不勝任據實陳明在案陛辭之日復經披瀝上陳旋卽乘輪泛海星馳赴粵甫到省門海警已迫當與尙書臣彭玉麟前督臣張樹聲撫臣倪文蔚等併日趕辦酷暑蒸灼不容喘息粵省當八面

張文襄公全集

卷十四

奏議十四

四

受敵之區又須兵食並籌東西兼顧內防外援無一不難無一不急臣竭其心思夜以繼日而吏弊盜源復不能不竭力補救自到任以至解嚴夜寐不過數刻罕有解帶安息之事粵中賓客之多各省所無接晤同僚將吏他省委員每自平旦至於日暮甚至夜分未已今年以來飲食日少精力日減言語稍多卽覺舌本枯強蹇澀五月猝值水災臣方患瘡證困頓牀蓐痛楚萬狀仍力疾自作函牘延客臥內日與僚屬籌措賑務秋間卽擬具疏乞罷以西省邊防未定界務未舉東省裁營留戍餉款隄工正在糾紛棘手之際未敢上陳近來病勢

益深加以喘嗽氣逆用心稍久即發怔神據醫者云由於心血過傷肝脾俱病惟有靜養調理非藥餌所能速效竊思粵事雖漸有端緒而兩省邊防海防各善後事關久大籌畫艱難必須蓄艾卧薪始克有濟若事過輒忘敷衍目下必致貽悔將來近日政務繁難仍未稍減斷非屏病之軀所能勝任惟有仰懇天恩俯准微臣開缺回籍調理俾得從容醫治另簡廉公閱毅之大臣來粵接任以免貽誤臣年未五十儻蒙福佑漸臻痊復惟當葆性攝生讀書學道俾識力稍有增益或可為將來報國之資不勝感悚屏營之至歷次奉旨飭查飭議要

張文襄公全集

卷十四

奏議十四

五

件略已就緒另疏上陳目前緊要事務臣仍當力疾辦理謹恭摺具奏伏祈聖鑒

旨著賞假一月毋庸開缺欽此

查辦匪鄉摺

光緒十一年十二月二十七日

竊維廣東秀民為害地方者約有三類一曰盜劫一曰拜會一曰械鬪盜以搶掠會以糾黨鬪以焚殺三者互相出入統名曰匪會多則為盜盜強則助鬪鬪久則招募會盜各匪皆入其中習俗相沿葉芽日盛擾害農商撓亂法紀盜以廣州府屬沿海各縣肇慶韶州兩府沿江各縣及廉州瓊州兩府洋面為最多會以惠州府屬

及毗連香港之九龍司等處為最多高廉所屬亦漸蔓延以惠潮廣三府為最多廉瓊次之廣惠潮匪徒則以香港澳門為窟穴廉瓊匪徒則以越南為逃藪溯查同治以前潮州府屬最號難治焚殺相尋田地荒蕪商旅裹足錢糧抗完民不畏官幾同化外經前督臣瑞麟於同治七年奏派署潮州鎮總兵方耀帶兵勦辦周歷匪鄉清理積案先後拏獲首要匪犯一千一百餘名盡法懲治民情大懼近十餘年來潮屬遂為安土嗣後同治十年有查辦韶州翁源等縣土匪廣州東莞劫擄械鬪之案同治十二年有勦捕東西兩省交界高廉等處

張文襄公全集

卷十四

奏議十四

六

伏莽之案光緒三年有查辦惠州匪鄉之案無不懾以兵威勦交匪犯礮械一時稍為斂跡終以未經大加懲創撤營之後其結盟拜會劫鬪報復如故比年以來沿海辦防未及清理內地高州之電白惠州之稔山於光緒八年十年先後滋事雖經勦辦未絕根株兼以游勇海盜鹽梟會匪暴鄉悍族互相煽助勢黨類益眾仇殺益多礮火攻擊動連一二十鄉村鎮劫掠月至二三十起其大姓恃強凌弱象匪抗官視為常事非文告所能禁非縣汛所能理若不趁此防務已定軍事稍暇之時由統兵大員酌帶營勇前往歷來滋事地方督同該

管文武剖分良莠詳查彙由示以軍威勒交匪械如敢
抗庇卽行圍捕痛懲積惡重治窩家申嚴條約鈐束化
導則將來禍患誠恐未已臣等維安良除莠古有明箴
欲爲杜遏亂萌之謀必先行辟以止辟之政迭經督辦
欽廉防務前廣西提督馮子材署水師提督方耀署陸
路提督鄭紹忠電函往復屢次面商均以爲此時必應
辦之事未可養癰遺患以致燎原難滅現擬將粵省各
州縣著名匪鄉澈底查辦會匪盜匪鬪匪一體清釐以
惠潮爲一路廣州爲一路廉州爲一路惠州海豐陸豐
兩縣悍鄉最多匪徒最衆從前豎旗倡亂已非一次近

張文襄公全集

卷十四 奏議十四

七

日情形兇橫日甚此處應先行舉辦擬以方耀專辦該
處鄰近水師所轄者附焉其餘惠潮所屬各縣屬陸路
提督所轄者則會同鄭紹忠辦理以鄭紹忠專辦廣州
屬番禺東莞香山新會新甯清遠花縣佛岡等處督同
署廣州協副將鄧安邦辦理韶州肇慶兩府界連廣屬
者亦附焉其近海匪鄉則以方耀會同辦理以馮子材
專辦欽廉等處其洋面盜匪及九頭山匪巢則飭陽江
鎮總兵黃廷彪統帶兵輪暨該管水師巡艇協同馮子
材之軍勦捕至於訊供定罪究以前之案情立以後之
約法必須道府大員會同妥辦惠州卽委署惠潮嘉道

益齡廣州卽委署督糧道李蕊廉州卽委署廉州府李
璉會同辦理責令該道府等督率委員將捕獲細送各
匪調核案卷研究是非情節較重素行不法有擄殺
糾匪實據者卽予正法餘則分別懲治保釋剪除積年
巨憝以生其做畏之心扶持一鄉端人並予以鈐束之
柄略仿潮州章程設立約正約副族正族副房正房副
責成稽查勸導給以札諭榮以頂戴匾額以後該鄉如
有各項匪徒卽令舉首捆送令悍徒皆歸於統紀獷俗
以漸而轉移國法彰明穢瑕滌盪庶可保全良善杜絕
亂階馮子材勦威夙著性慈愛民以辦本地土匪自可

張文襄公全集

卷十四 奏議十四

八

裕如方耀鄭紹忠歷年辦匪久著成效均能明達事理
不致冤誣衆所信服臣等又諄囑馮子材等轉飭各將
弁辦案與戡亂有別捕匪與禦敵不同仍當酌量重輕
寬猛相濟毋得過爲操切至於劣紳豪棍保匪誣良於
此舉甚爲不便其造作謠言蜚辭誣構恐所不免臣等
惟有勤商辦法考究實情不以浮言而撼大局以仰副
聖主綏靖海疆子惠邊氓之至意

旨著照所請該部知道欽此

請嚴定械關專條摺

光緒十一年十二月二十七

竊據廣東按察使于蔭霖詳稱查粵省民情強悍每因

睚眦小怨田山細故輒卽不候官斷招雇外匪約期械
鬪主鬪之人大率係其族首族紳祠長之不肖者名爲
兩族兩鄉互鬪實則臨時雇募土匪鹽梟海盜及一種
專習綫槍游手亡命之徒號召者或數百人或千餘人
附和者或數村或數十村外洋利器隨處可購是以洋
礮洋槍旗幟刀械無一不有又復高築寨牆建造礮臺
有攻擊三五年而互鬪不已者有已經和息而挾恨復
鬪者臨鬪之時高豎大旗對放巨礮若攻入彼村卽恣
意焚殺搜搶所燒房屋動以數百間計所殺人口動以
數十命計甚至掘毀墳墓擄捉男女拒殺兵差兇殘不
張文襄公全集 卷十四 奏議十四 九
法無異化外且鬪勝之村動輒殘毀田禾薯蔗數百畝
砍伐樹林果園數千株故此數村經一次械鬪卽喪失
一二年或數十年之資產其隱害民生者尤非細微此
等惡習惟廣州府之番禺東莞增城新甯新會惠州府
之歸善陸豐海豐博羅長甯河源潮州府之潮陽揭陽
爲最他郡縣亦多有之其惠州所屬近日甚至傳聞有
設卡斷路殘食人口之事殘忍藐法各省罕有互鬪之
村鬪散卽止每不據實具報而地方文武規避處分亦
不免代爲隱飾習以爲常卽或馳往彈壓捕拏該匪等
悍然不理兇鬪如故或迎拒官長不令入村或兵役無

多不敢近前必俟其鬪散然後邀致鄰近紳耆從中排
解責令交匪繳械於是賄買頂兇任意搪塞所繳者皆
破壞無用之械所交者皆蠢愚老疾之人不特必非爲
首抑且並非爲從彼主謀肇衅斂錢糾衆幫鬪行兇者
轉得逍遙法外縱使懸賞拏獲而人多鬪急槍礮如雨
之際究竟何人下手傷人何槍何礮之傷最重亦屬無
從質證照例懲辦罪止軍流毫無儆畏推原其故由於
粵民聚族而處祠產素豐事無大小皆聽族首族紳祠
長號召族首等賢否不齊主鬪者既藉勢豪兼恃財力
取公帑以恣揮霍歛衆費以供侵漁而所雇兇之匪徒
張文襄公全集 卷十四 奏議十四 十
又足以爲之羽翼但有得財之樂從無償命之苦地方
官因無兵力傳首謀則不到勒凶匪則不交官法既窮
私忿益熾以故江河日下羣相效尤歷年大吏及地方
官明知其弊特恐操之過急激成事端得辦理不善之
咎不得不將就了結民強官弱法令不行實情不敢上
聞嚴辦諸多窒礙所以積弊至於此極也查從前髮逆
滋事徒以養癰成患馴至不可收拾今外患甫平內訌
宜靖現奉檄行文武大員分往各縣匪鄉查明新舊各
案推究致鬪之由判明曲直勒交積匪審明案據立予
嚴懲各就該處情形從民所便責成鄉長族長房長層

層鈐制約束化導以後遇有匪徒生事則令稟報網送以期永靖地方惟查例載廣東省糾眾斂費約期械鬪仇殺人數雖多致斃彼造一命者主謀糾鬪之首犯發極邊足四千里充軍二命者實發雲貴兩廣極邊煙瘴充軍三命者發新疆給官兵爲奴四命以上絞立決十命以上斬立決二十命以上斬決梟示其隨從下手傷重致死應行擬抵者各依本律例擬抵傷人及未傷人者亦按各本例分別治罪又廣東械鬪案內如有將宗祠田穀賄買頂凶構鬪械鬪者於審明後除主謀買兇之犯嚴究定擬外查明該族祠產酌留祀田數十畝以

張文襄公全集

卷十四 奏議十四

十一

供祭費其餘田畝及所存銀錢按族支分散若族長鄉約不能指出斂財買兇之人者族長發遣鄉約杖徒各等語如下手傷重方議抵償主謀糾鬪不皆重典而爲從傷人及並未傷人之犯照爲從減等罪止滿流卽照軍器傷人亦止擬軍詳釋例文自以鄉里尋仇尙非鉅患僅言鬪則無焚擄之流毒僅言械則無槍礮之利器僅言糾眾則無梟匪海盜之叢集僅言仇殺則無抗官拒捕之重情是以下手者仍照共毆主謀者尙多差等竊惟今昔情形實多不同變通之道因時而宜重典之刑因地而用近年廣東械鬪聯村聚眾殺害無辜焚毀

搶擄抗官拒敵傷及兵差形同叛逆罪坐所由主糾者似無寬貸之理而爲從之犯各項匪盜畢萃其中專以幫鬪爲生不過殺人漁利並非本族本村與彼造夙有不解之仇切膚之患槍礮轟擊之際殺傷之多少亦不能自爲限制下手之輕重更無從推究主名揆其兇悍情形實係真正土匪配所逃回必更報復滋害然非當互鬪之時派兵圍捕則真犯決不能拏獲主謀亦無從追究且使此鄉尋鬪殘害彼鄉未經報復之時若早發官兵將肇衅之鄉認真圍捕能將首禍幫兇勒交數名立置重典則彼鄉冤憤既平自不致尋仇蔓禍保全實

張文襄公全集

卷十四 奏議十四

十二

多伏查同治六年刑部奏定章程天津鎗匪數十人以上持械聚鬪殺傷搶掠就地正法拒捕者格殺勿論等語其所以特從重典者原爲除暴方可安良况以廣東鬪匪數累千百械必槍礮較之天津鎗匪僅聚數十僅持刀械者情節尤爲重大相應詳請奏明另立專條從嚴辦理寬免州縣處分責令實稟實辦以儆兇匪而遏亂萌等情前來臣等查粵省械鬪實爲諸匪之藪惡俗不革內患堪虞該司所陳係屬實在情形惟有據實瀝陳仰懇聖明俯念廣東械鬪日多情形兇悖數盜養匪實爲地方治亂所關勅部特立專條准將粵東械鬪匪

犯凡糾眾數十人以上招雇匪徒放火器殺傷人命擄
虐男婦焚燒房屋搶毀資財之案其主謀者斂錢糾
者受雇持械幫圍審明素行不法兇暴顯著者無論殺
傷幾命是否係該匪所傷均照土匪例不分首從一律
就地正法情節重者酌加梟示向來管事之該族首族
紳祠長於聚鬪之前數日不行出首既鬪之後十日內
不行交犯即以主謀同論至鬪鄉祠產查係赴他鄉尋
鬪及定地互鬪者除酌留香火資三十畝外盡數入官
以爲義倉社學之用雇覓無資則亂源可止其因強鄉
生費尋鬪弱鄉集眾應敵因而殺傷焚擄者但科鬪罪

張文襄公全集

卷十四 奏議十四

十三

祠產免其入官若此鄉雖經受害不候官兵拏辦自行
糾匪前赴他村報復殘害者不論致鬪先後一律辦理
其未傷人放火擄生劫財及人數較少者暨他村尋鬪
僅在本鄉自衛拒鬪致有殺傷並無殘暴情形者仍照
舊例辦理各屬再有鬪案准其請兵圍捕務將主謀糾
斂及幫圍真犯拏獲究辦抗拒者立予格殺并懇格外
天恩將從前凡有鬪案處所之地方官無論已報未報
概免其應得處分俾免瞻顧以後州縣遇有鬪案據實
稟報懲辦免其議處如再有諱匿粉飾致主謀鬪匪遠
颺者一鄉摩費尋鬪地方官不早請兵獲匪嚴辦以致

釀成巨禍者均予從重參處庶足以抑強安弱漸
變澆風

旨該部議奏欽此

勦捕洋匪摺

光緒十一年十二月二十七日

竊查粵洋向來多盜廉瓊海面以九頭山爲巢穴省城
六門內外海面以香港澳門爲逃藪九頭山孤懸越境
海中巖谷荒遠匪踪麇聚伺便出劫本年十月間准督
辦欽廉防務提督馮子材函咨欽州近海之猫尾海沙
井茅嶺各處屢有匪徒駕艇行劫擄人勒贖且防城墟
等村竟有登岸搶掠傷斃人命情事查係結連九頭山

張文襄公全集

卷十四 奏議十四

十四

盜匪勢甚猖獗疊經該處商民稟訴請撥師船前往勦
辦又據署廉州府李璩署龍門協副將梁正源稟大略
相同當經派委陽江鎮總兵黃廷彪統帶兵輪四艘馳
往廉瓊洋面會同高州瓊州兩鎮龍門協副將陸路防
勇拖扒各船併力勦辦均聽馮子材調度所需陸勇即
由馮子材所部酌撥附載各輪隨同攻勦並囑馮子材
就近雇募拖船配給勇械以爲輪船輔助如匪蹤窺匿
山島即登岸搜勦如逃至沿海村鎮即會合陸勇防營
兜拏疊接馮子材等文電已於洋面連遇匪船勦擊數
次除殲斃溺斃外擒獲多名解交地方官審辦至於港

澳之藏垢納汙習為故事近在省門逃犯會匪藉為糾約栖息之所劫盜於此窩賊私梟於此屯鹽連檣巨舸泊於洋界不能過問其間夾帶私硝私火藥違禁濟匪私土私貨闖越課釐更為餘事任意出沒無所不有巡船若少則開礮拒敵動輒損船傷兵官輪本屬無多水師習氣尤重海面遼闊此防彼竄從前防務倥傯未能騰出船力九月間有匪黨偽稱客商搭附英國貴翰商輪行至澳門外萬山洋面突起戕害船主一名傷管輪等三人飽掠而去即另用小艇接運遁至澳門寄賊伏匿經臣等訪聞並據英領事照會請率現派廣西催餉

張文襄公全集

卷十四 奏議十四

十五

委員思恩府知府劉恩濬廣東直隸州知州曾紀渠副將黃金福統帶輪拖各船並配陸勇統巡六門內外洋面所有鹽務釐局海關輪拖各船均聽調遣以期通力合作會合水師將弁遇有海盜鹽梟各匪一律勦捕截之華界洋面待其駛來即行攻擊並預行知照香港澳門洋官遇有追捕竄至洋界即行協緝交出近日已拏獲數起解省現在匪蹤仍未大戢復經嚴飭各路設法合力勦捕務期大創羣醜殲擒渠魁以靖海疆而安商旅

旨覽奏已悉即著督飭派出員弁實力勦捕以靖洋面

仍由該督等隨時妥辦約束水陸弁勇毋任別滋事端
欽此

分撥毛瑟槍摺

光緒十一年十二月二十七日

竊查去年臺圍緊急越戰方殷內地需械急如星火港滬售賣已罄所存者類皆零星舊式之物經臣之洞密電柏林託李鳳苞設法覓購毛瑟槍二萬枝子彈一十萬顆包送到華分撥各省應用於九月二十六日電奏請敕李鴻章與李鳳苞定議嗣准總理衙門電開二十八日奉旨精械急須多購即著李鴻章鄭藻如蔡國楨定廠李鳳苞業經交仰著電許景澄定槍先行籌款妥

張文襄公全集

卷十四 奏議十四

十六

速辦理等因欽此當即欽遵轉電分別辦理嗣經李鳳苞許景澄先購到槍一萬一千枝彈五百五十萬顆併運費由戶部墊付銀二十萬九千六百五十二兩四分七釐奏明於受槍省分照數解還部庫其餘九千枝屢接許景澄函電前經遵旨如數購定不能退還一併陸續運華計續到九千枝彈四百五十萬顆並運費由粵墊付銀一十四萬六千五百七十三兩四錢八分三釐另由香港運至省城黃埔費並息銀由粵墊付銀二千五百四十五兩七分四毫總計槍二萬枝彈一千萬顆均已到粵部粵共墊付銀三十五萬八千七百七十兩

六錢四毫分計受槍一千枝彈五十萬顆應攤銀一萬七千九百三十八兩五錢三分查粵省及滇桂各軍已由臣等另行購備毛瑟等槍分別解濟此項槍彈本年春間經臣等派員運解楊岳斌行營一千枝彈五十萬顆劉銘傳行營一千枝彈五十萬顆又副將龔尙春援軍攜帶槍五百枝彈五十萬顆已另由粵省付價其二千枝應於粵省濟臺餉內扣回解部墊款銀三萬五千八百七十七兩六分又撥張曜嵩武軍槍一千枝彈五十萬顆又解滬聽李鴻章分撥槍四千枝彈二百萬顆計五千枝應由北洋解還部庫銀八萬九千六百九十二兩六錢五分尙存槍一萬三千枝彈六百五十萬顆分撥未定以致部粵墊款至今尙虛懸無著竊謂中法接仗之初以器械不精難操勝算迨關外各軍陸續皆得後膛新槍遂能奮厲無前大裨敵魄可知中國無不可用之軍而有必當講求之械現在粵省歷經購備精械已屬敷用卽直東兩江閩浙籌辦洋防有年想亦不虞缺乏惟京畿各營正在講求訓練東三省目前急宜經營甘肅新疆餘氛未定此外如甘肅關外及河南陝西四川湖南等省防軍皆以距海遙遠尙多沿用舊槍後膛新械甚少若每處勻受若干枝籌價既不爲難而

張文襄公全集

卷十四

奏議十四

十七

利器足資要用擬將此項槍彈撥解神機營三千枝東三省三千枝新疆軍營三千枝陝西四川湖南各一千枝每千枝配彈五十萬應由戶部核定價值何處解粵俾部庫及粵省得以收回墊付之款似覺兩有神益部款關係緊要固應迅速歸還粵自辦防協鄰以來羅掘已盡此後善後籌邊各事宜及帶還洋款無一不需鉅款尤盼此項早日收還俾得稍事補苴據廣東善後軍械等局司道詳請奏咨前來臣等覆核無異相應具奏請旨如蒙俞允其京營東三省所需臣等當卽遣員解赴天津由北洋大臣點收分別轉解其新疆陝西四川

張文襄公全集

卷十四

奏議十四

十六

湖南河南所需應由各該省派員赴粵領運應解價款照案解還戶部及粵省以清懸欠

旨該衙門議奏欽此

陳明同時告病片

光緒十一年十二月二十七日

再臣因病軀不支於本月十八日專摺奏請恩准開缺回籍調理計已上邀宸鑒乃臣將奏稿咨行後於二十六日夜始接撫臣倪文蔚函稱已於初九日因舊病復發疏請開缺其時并未接准撫臣咨會不勝爽然查撫臣前以請假奏稿相示詞意似欲引退臣當卽勸以休息旬日卽可復元并告以臣自五月間病體已形委頓

秋間即擬乞罷因粵省緊要為難之事尚多且有應行覆奏之件數起俟諸事趕辦略清後即當上陳撫臣精力尚好而臣病勢日深萬難久任若兩臣同時求退似有未便諄勸其萬勿引退撫臣當已應允不再續假本月初一日假滿即出城與臣會同閱操連日屢經晤談僚屬亦無人言及是以臣疏即行拜發初不意撫臣已先自入告也竊恐朝廷未悉其中情形以督撫同時乞病事不多見不敢不縷晰陳明目前地方一切要政仍與撫臣及司道等籌商妥辦竭力整頓不致上貽宸厪伏祈聖鑒

張文襄公全集 卷十四 奏議十四 充

旨留中欽此

劉永福到粵摺 光緒十二年正月十九日

竊臣於上年七月二十六日接總署來電本日奉旨張之洞奏安置劉永福事宜一摺覽奏均悉瓊州孤懸海外選將駐兵諸宜審慎劉永福到粵後著張之洞傳見詳加察看將其性情才略究竟何如所部勇丁是否安靜守法據實電奏候旨定奪欽此伏查劉永福於上年三月以後經臣委員前赴越南館司關傳旨罷兵五月間由保勝移至滇境文山縣之南溪八月初由滇啟行入桂九月間由百色行抵南甯十二月間由南甯率部

赴廣並思欽不便屯紮各節疊經臣隨時驛奏電奏在案查南溪距保勝數十里僅隔衣帶一水經雲貴督臣岑毓英多次飭催該提督請發欠餉請帶多軍請代運送礮械請遷移家口之費請安置越眾之資久未就緒揆其大意一則以經營多年棄之可惜一則以舉部來歸意存畏疑一則以內徙處所滇便粵難是以河上徘徊仍復觀望不免專待粵省委員到後面叩情形始定東來之計直至七月底委員孫鴻勳先後到彼宣述聖恩指陳利害示以臣批檄手書各條保以來必無患許以奏獎該軍並賚給賞犒服飾各物所部皆喜乃始慨

張文襄公全集 卷十四 奏議十四 三

然就道其時從赴南甯者部眾強弱共三千餘人臣豫飭左江鎮劉光裕左江道彭世昌暨委員等照料彈壓並奏派主事唐景崧前往諭導一切隨經該提督分別妥為資遣將其家屬並部下眷口送至賓州安置當初調入關之始不能不許其率眾自隨檄令准帶五營豫為刊發福軍統領並五營營官關防以安其心嗣亦奉准帶二千人之旨及到南甯後電飭該提督推誠開諭謂人多適足為累令減為五底營每營二百人外親兵一百人差委將弁十員營制餉數略照楚軍章程統領公費視常格稍優大抵存五營之名以隆體貌減人數

之實以省煩擾省月餉加公費以圖持久並論以如有
征戰再准將五營募足手定該軍營制規條一紙發往
該提督奉令維謹其時新約已行桂商已通甌脫之議
尙未可必該軍將士之意遂欲留止南甯屢接護廣西
撫臣來電力言西省邊腹皆不宜處臣前雖有請處瓊
州之議但既奉旨察看未便遽行擬議然不指定屯紮
處所則軍無定向彼既不免顧慮臣亦無從安排熟察
情形暫時惟有徑處之廣東省城爲宜一取其在臣左
右得所依倚其心自安臣亦可就近察其軍律才具一
取其近隸臣標鈐轄易施且省門軍容尙盛不致或萌

張文襄公全集

卷十四

奏議十四

三

驕滿一取其與粵省文武各官相習日久浹洽諸事易
商一取其地當省會眾人屬目不致譏言附會別生枝
節嗣於十二月二十二日率部抵省卽令該軍屯紮東
門外十五里之龍泉岡豫爲築壘以待綜計行經兩粵
境內水陸數千里以至登岸歸營不擾釐稅不恩街市
出之邊外新附之勁軍尤爲難得臣接見該提督感激
涕零自稱蒙聖朝高厚之恩誓當盡力報效捍禦邊陲
臣慰以盡釋疑慮戒以奉法束下勉以異日勛名仍派
赴越諭調之委員州判孫鴻勳通判陳文埤經理該軍
營務爲之講論書史隨時規勸指示禮數通其隱情旬

月以來肅然安靜伏思該提督雄長越地根蒂已深據
保勝以爲奧區連三猛十州以爲後路法人屢經遣使
納賂連和令其假道罷兵決意不允自斬法國大將李
咸利以後大振華風連摧凶愆事刊西報名播諸洋最
爲法人所忌永福一日不去則法人一日不安故澎湖
之退否專視保勝爲遲速無理要挾上勞宵旰臣仰遵
詔旨深維大局始則議調繼則頻催而事多葛藤又費
駕馭岑毓英不欲處之於滇李秉衡亦不欲處之於桂
於是廣東不得不獨任其難檄諭函電數十次委員航
海赴越深入法營由河內至館司傳旨者一次由河內

張文襄公全集

卷十四

奏議十四

三

再上至興化被土寇擊回者一次由龍州取道越邊行
荒險無人之地出開化抵南溪者一次由南甯百色亦
出開化南溪者一次由粵送餉赴百色相待伴送回來
者一次崎嶇瘴毒礮火艱危由越往者從人被害由桂
往者士馬多亡人人皆病僅乃得達至於繁費無算更
不足言幸該提督不違朝命勉東來燭其積聚棄其
軍資攜其老弱盡棄故土來效馳驅一路約東秋毫無
擾遵道遵裁悉依條教此皆兩省官民所共見共聞者
也臣察其爲人沈靜驍鷲知恩畏法勇而有謀深明洋
戰歎要又肯講求後門槍礮是其所長特生長邊鄙質

地甚樸聽言易受人欺吝惜財物不忘人過是其所短至於不識文字性情間有暴急之處乃武將常情無足為異其治軍紀律在越則甚疎入關則甚整是本有治眾之才但視其加意與否若用之兩粵海防宿望所資最易見效其於他省是否能為遷地之良則尚未可知惟該提督久擁羣部號令北圻越地大小各官無不承風聽命一日內附情勢迥殊然於臣極為恭謹與各官相接亦皆謙和如禮且安家賓州將為求田問舍之計是其輸誠報效心跡顯然溯查上年岑毓英電奏曾有請授永福海疆一鎮之請故臣前作函電招之有云中

張文襄公全集

卷十四

奏議十四

三

給以資令其常親端人代為檢束部將惟在以後疆臣推誠相待善為拊循勿以節餉為詞而遽罷其兵勿以部眾細事而苛繩不已庶幾平日無嫌緩急有用則所以厲海內忠臣猛士之氣即所以絕敵國妄生窺測之心於海防大勢不無裨益

旨劉永福已簡放南澳鎮總兵仍著統帶本部駐劄原防訓練部勇暫緩赴任欽此

已塞沙路永遠不宜復開摺光緒十二年二月二十五日

竊惟因地設險立國大經粵省自辦理海防所有黃埔入省水路兩支分用船石橋樁兩道攔截費盡唇舌工

張文襄公全集

卷十四

奏議十四

三

華一鎮遠勝南越三宜不過藉此闔職之榮堅其內附之念今既遵旨到粵合無仰懇天恩可否授以兩粵總兵一缺并請明諭仍令統帶本部駐紮省城原防訓練部勇聽候調遣如此則可勿庸前赴本任數年後體察情形再為奏明辦理該提督益當感奮心安而亦不致以文法未嫻致干吏議似於激勸保全之道均屬相宜其部下員弁前已奉旨准由臣保獎另摺奏陳竊惟朝廷之待該提督前後恩施賞賚優渥非常而該提督先則苦戰捍邊屢破強敵今則毀室歸朝恪遵法度亦尙能不負國家臣之所以處永福者大抵嚴馭以法而寬

料不貲始克辦成南支曰沙路口門業已塞斷北支曰魚珠尚留口門十五丈以通舟楫行之年餘各國護商兵船港澳渡船照舊往來惟專行中國各口岸之洋行商輪喫水較深到黃埔後另雇他船剝運入省於通商情形毫無窒礙嗣因和局已定魚珠一支已開臣逆揣各國洋人必欲併開沙路河道若如所請從前心力勞費盡付東流以後設再有海警防務更難措手當將沙路不必開通輪船專由魚珠實於海防有益各節於上年六月二十九日附片奏明奉旨該衙門知道欽此隨於七月初四日據美國領事喜默照會有水師員希處

慎願借中國官勘察河道搬移阻礙等語八月初四日
 又據德國署領事穆麟德照會沙路塞斷海船只在黃
 埔上下貨物小船剝載多延時日應請撤除照舊往來
 如恐礙難則開一十五丈之闊口儻仍未便則酌派特
 權委員將尋常公事在黃埔就近辦理等語又於七月
 十九八月二十三九月初一十九等日節據英國署領
 事嘉托瑪文函均請將省河南支開通復准總理衙門
 咨據德國英國駐京公使各以前情函致總署咨粵查
 辦又據英法美德奧和瑞丹等國領事照會請將南支
 開通二十丈等情經臣以沙路開通工程浩大既與商
 張文襄公全集 卷十四 奏議十四 五
 船無甚阻礙尚須徐議酌行又以沙路開口礙難開通
 所請黃埔設一特權之員事隸海關俟與粵海關商辦
 先行照覆旋咨准粵海關監督轉據稅務司賀璧理覆
 稱查上年進出口輪船共一千零六十七隻內德國船
 九十隻不及十二分之一他國船多至十餘倍並無耽
 延豈有德船獨被海關耽延之說且將上年未塞時一
 二兩結比較本年一二兩結逐船推算耽延不及一日
 無至二三日者貨卸畢而單照未到者十中無一秋冬
 水涸船至大沙頭亦須耽延德領事所請添派委員在
 黃埔辦理尋常日行事件則輪船洋行必須預設分行

而駐省貨主勢不能移至黃埔於洋船仍屬無益等情
 臣又以南支水道攔塞於通商大局實無所妨不必更
 議開通照覆各國領事在案查洋船入華最大者曰公
 司輪船向來只到香港不能駛入虎門其洋貨發售存
 港者多入省者少間有來省者由渡船自港零星運寄
 次日夾板帆船洋貨皆由載運向亦僅到黃埔不能行
 抵省城歷年通商定章至今不易其直抵省城沙面者
 則洋行所設來往香港澳門之渡輪各國之護商兵輪
 並通商口岸各洋行所設之商輪及招商局之商輪現
 在渡輪兵輪照舊抵省而各岸洋行商輪以喫水較深
 張文襄公全集 卷十四 奏議十四 五
 未能駛入究竟此等船隻來自中國口岸亦僅上海一
 處其南而瓊廉北而汕頭廈門福州皆由香港發軔並
 不經由省城故為數獨少且所載悉係華貨其所搭悉
 係華人其起卸費用出自華商華民與洋人毫無干涉
 而所費又復有限乃借有礙行船之利為詞欲搖撼粵
 東已成之防局居心殊不可問計英美在華分行各岸
 洋輪尚多德國已少法國並無一輪奧和瑞丹更不足
 論其為商利損益與各該國何涉何必聯幫瀆請此其
 注意在中華形勢海防不在該國商務尤屬顯然蓋沙
 路一支但能三年不開自然沙長灘多巨艦永難駛入

若專由北支一路不惟魚珠以內水淺行遲且自四沙口起須先過牛山新造礮臺再過長洲魚珠各礮臺關鍵既多防遏歸於一路全力扼此簡要易施其為利害出入實相懸絕况沙路塞口淤沙已漸長現實亦費鉅難開竊惟通商馬頭原在黃埔咸豐季年各岸商輪擅自深入徑抵沙面不載條約斷不宜聽其妄演以致棄已成之鉅工縱入室之隱患上年十月內各領事復有照會詢及此事詞氣已鬆近英領事費里德來晤亦略言之臣直告曰不能彼遂默然揆此情形若能始終明言堅持彼斷無強干中國海防之例兩年以後彼自寂

張文襄公全集

卷十四 奏議十四

三

然此事所關甚鉅不得不再行詳切瀝陳仰懇敷下總理衙門立案永遠不予曲從粵防大局幸甚旨該衙門知道欽此

湖網廢弛委府兼辦片

光緒十二年二月二十五日

再兩廣鹽運分司運同錢瑨糊塗濫用欠課甚鉅前經臣之洞奏奉諭旨暫行革職留任勒限運銷在案茲據署廣東布政使蕭韶署兩廣鹽運使蔣澤春詳稱湖橋運同一缺引地行銷廣東之潮州嘉應福建之汀州江西之贛州甯都地聯三省路隔千數百里額引八百二十一程場課餉項一十三萬有奇自成豐同治年間各

張文襄公全集

卷十四 奏議十四

三

省匪擾引地疲壞埠商倒歇每年奏銷約在七成以上其銷路有大河小河之分行潮嘉汀州者為大河行贛甯者為小河大河官代商辦小河商仍埠舊官辦者晒價運脚悉出於官無重資不能周轉商辦者運脚由商晒價由官亦非重資不能接濟每年旺銷全在於冬魚鹽茶鹽百倍口食全在資本充裕於春秋天氣朗晴之時將一年冬銷預為晒儲官運商運源源往來若既無餘資又負重息不及冬季場埠已少存鹽魚茶大宗半飽私販且船戶不加鼓舞挑販無術招徠亦難一律疏暢流通往來鹽務盛時運同印票商號極為珍貴以故借易息輕運速課足十數年來銷至七成有餘已形竭蹶至該運同錢瑨不諳綜核又多耗累因其虧欠日鉅商號益復不肯通挪以至運則無費晒則無本雖有可銷之路亦無可售之鹽現查該運同自奏參勒限以後僅將六年分奏銷正餉解足其七年課餉甫經破白未完尚多似此疲累日深必致虧帑無底應請將錢瑨撤任勒限嚴追照例參辦惟揀員接署實難其人各鹽員深知此時難於措手無不視為畏途竊思此時欲籌補救之方惟有令潮州府知府兼署運同則晒價運脚尚能籌墊巡丁船戶呼應亦靈必能自顧考成力清課項

查潮州府知府朱丙壽公事穩練情形熟習於上年八月委令協同該運同籌運督銷尙能細心考求陸續催解應即委該府朱丙壽兼署潮州鹽運分司運同責令將以前滯引設法疏銷並飭查明錢瑄任內有無徵課未解及存鹽未銷詳覆核辦庶免潮橋課餉愈久愈誤等情詳請具奏前來臣等查潮橋分司爲粵鹽課餉之大枝其官商兼運章程於通網大例之外自爲風氣去省遙遠亦非運司之所能代謀大率鹽之晒運皆責於官銷之旺歉惟視資本近年以來官本久未充裕加以錢瑄之昏庸疲玩虧欠尤多若僅將該員參追而不令

張文襄公全集

卷十四 奏議十四

五

旨著照所請該部知道欽此

張文襄公全集卷十四終

新城王樹桂校

張文襄公全集卷十五
奏議十五

籌議廣西邊防摺 光緒十二年二月二十五日

竊臣等於光緒十一年七月二十八八月初二等日先後承准軍機大臣字寄光緒十一年七月初五日奉上諭鎮南馬白二關爲滇桂入越邊要處所現當和議甫成越南游匪爲患關內亦多伏莽此後分界通商中外人民往來尤夥必須大枝重兵添紮要隘以戢奸宄而靖人心著岑毓英張之洞張凱嵩李秉衡悉心會商將如何添設提鎮專官確核兵勇營數或留現在得力勝

張文襄公全集

卷十五 奏議十五

一

兵以充新額汰腹地無用常卒以省空糧何處總禁何處分防一切通盤籌畫繪圖貼說縷晰覆陳候旨定奪其新設各營尤須選練精實能戰能守一兵得一兵之用勿以疲弱應汰之兵濫竽充額用副朝廷慎固邊防消弭隱患之至意將此由五百里諭知岑毓英張之洞張凱嵩並傳諭李秉衡知之欽此仰見聖主鞏固邊防精核武備之至意臣等無任欽服當即公同詳加籌議伏查廣西南邊綿亘二千餘里原設隘所二百零九處分卡六十六處與越南之諒山高平宣光等省接壤山菁紛歧路路可通而鎮南關至龍州一路較爲寬平故

曩爲中越使命商賈往來之通衢東出太平南甯西出歸順鎮安之總匯且自龍州以東河灘漸廣舟行下水直達潯梧其視全桂腹地東省上游據有建瓴之勢實爲兩粵利害所關當此款議旣成外防游匪內靖伏莽鎮南一關尤爲中外鈐轄聖諭所謂禁要隘添重兵者無以易此惟南關固居極衝而關之中後關之左右各路均須擇要設防而後氣勢不形單薄不致有腹背受敵肘腋乘虛之慮大要分爲三路鎮南關口及關以內之關前隘再近內之憑祥土州爲中路自關以東明江屬轄之由隘甯明州轄之羅隘思陵土州轄之愛店隘

張文襄公全集

卷十五

奏議十五

二

上恩州轄之百崙隘剝機隘爲東路自關以西龍州屬轄之平而水口兩關下凍土州轄之希局隘峴花隘順州轄之頻峒隘隴邦隘小鎮安廳轄之平猛隘峒隆隘剝淦隘百懷大隘等爲西路以上各隘皆須屯兵中路最急東路隘口較少西路地段較長原有防軍三十二營聲勢僅能聯絡現在餉需極絀須籌經久之計而越境游勇蔓延全邊未靖又值勘界未定之時未便示人以弱勢難多議裁減茲於本年正月起認真汰留裁去八營併爲二十四營以十二營專防鎮南關中路以四營分防東路六營分防西路路寬者築臺安礮路窄者

設卡開濠甚僻者掘斷禁阻戍所豫造地營營外多栽刺竹無事則各分守地督飭操練有事則酌量緩急抽調赴援俟冬間界務大定再當裁去四營中路酌減兩營西路酌減兩營以節餉需以後全桂大勢注意邊防必宜有大將親臨控制調度擬請將廣西提督由柳州移駐龍州原有提標制兵五營擬撥中軍參將一營隨來龍州以資策遣而符體制將原屬新太協之龍憑營都司改爲龍州城守遊擊隸於提標照例設該遊擊中軍守備新太協駐紮太平府距龍最近應併將新太協副將率其所轄左營都司趙霖營都司共兩營改爲專

張文襄公全集

卷十五

奏議十五

三

屬提督毋庸轄於左江鎮其新太協右營守備一營應卽裁汰柳州東屏桂省北控黔湘苗疆緊要擬請添設柳慶鎮總兵一員鎮守柳州慶遠義甯融懷等處地方駐紮柳州府以提標存留左右兩營遊擊改爲鎮標左右兩營左營卽爲該鎮中軍提標前後兩營應俟邊軍規模詳定卽行裁汰所汰之兵發給一年餉銀兵米俾資改業官弁遇缺另補並撥柳州城守都司一營附近之慶遠協副將義甯協副將融懷營參將率其所屬各營俱統轄於柳慶鎮其沿邊常駐二十營提督爲總統其下酌設分統現在提臣蘇元春係奉旨督辦邊防之

員熟悉邊情深孚眾望一切自應統歸調度以後若提
臣不兼督辦者亦宜於防勇內指定十營屬於提督本
標以厚兵力龍州開關通商重兵所萃宜有文職大員
同任邊事擬請設太平歸順兵備道一員總轄全邊駐
紮龍州廳以左江道所屬太平府全境暨東邊南甯府
屬之上恩州西邊鎮安府屬之小鎮安通判歸順州隸
之沿邊統屬一道以期聯絡一氣上思州卽撥歸太平
府屬小鎮安歸順距太平較遠應升歸順州爲直隸州
小鎮安改爲鎮邊縣加通判銜屬於歸順州該道兼轄
太平一府歸順一直隸州所有漢土廳州縣土司管理

張文襄公全集

卷十五

奏議十五

四

整飭邊防監督關稅以及經理一切中外交涉事宜設
道庫大使一員經管關稅瑣務應用繙譯委員由該道
選擇調委惟查左江道駐南甯轄泗鎮南太四府鹽法
道駐省轄桂平梧鬱四府州今左江道既撥出太平一
府而鬱林州遠在全省東南一隅距南甯止五百餘里
距省將及千里督察難及諸多不便該州屬之博白陸
川等處毗連廣東高廉素爲匪徒出沒之區擬撥鬱林
直隸州改屬左江道以協形勢而資治理其需餉之數
沿邊水土惡劣瘴癘薰蒸百物昂貴與腹地情形迥異
與向年防剿土匪尤相懸殊若照內地桂勇餉章萬難

得力應照從前奏案正勇月餉三兩二錢以及營哨各
費俱照現章合計邊軍二十營加以軍火軍裝轉運製
造修臺築壘電局雜支各費以及遣處游勇撫恤邊氓
所費不貲而軍火尤爲鉅款每月至少亦需銀六萬兩
現就本省儘力搜羅再能此後釐金不致短收地方安
謐每年可得三十萬兩計每月仍短實銀三萬五千兩
無可再少目前二十四營所需尙不止此數非藉外省
接濟無從支持查現准戶部咨以後滇餉除四川原解
練餉抵捐兩項共銀二十八萬五千兩照常撥解外再
由湖南月協銀二萬兩四川月協銀三萬兩是滇省一

張文襄公全集

卷十五

奏議十五

五

年外協的餉已有八十八萬五千兩之多廣西所請協
餉僅四十二萬尙不及雲南之半實係刻苦節省免致
部撥爲難惟有仰懇天恩飭部指撥近省有著之款可
否仿照從前西征協餉近日東北邊防經費考成按月
源源撥解以濟急需而免遲誤所慮者新約原有法稅
較輕之議關稅開收以後三聯票暢行沿江釐金必然
大減彼時稅釐能否相敵尙不可知擬請飭部於此項
關稅留充邊餉除該關費用外免撥他用若稅多於釐
則請減協餉稅釐並絀則續請加撥應俟屆時據實奏
明請旨辦理至通省綠營馬步戰守兵丁原額六萬二

千七百一十五名同治四年五年兩次裁減一萬零九百八十二名迨十二年與光緒元年三年三次復補新增六百五十二名較之原額裁將及半所存實不為多茲擬將提標裁汰前後兩營新太協裁汰右營一營其內地勇丁迭次裁減尙有水陸二十餘營散布防邊常患不敷近日懷集貴縣博白等縣疊出聚匪滋擾之事未敢過涉空虛現復將腹地防勇騰挪裁撤兩營各營長夫一律裁減以冀稍資節省此外兵勇一時實難再裁其沿邊之新太協鎮安協上思營都司各營將來徐加體察或就龍州現存勇營內改勇補兵或裁兵留勇

張文襄公全集 卷十五 奏議十五

六

藉此日分防之舉即為將來併省之階此外無論兵勇如有可裁之處自當行之以漸力圖樽節以期減一冗食之軍即省一艱難之餉至改勝軍以補新額誠為經久至計但緣營規制細密其間分汛地段挑拔章程俸薪等差推補缺項一成不易必須周詳貫通方無窒礙目前猝難定議且緣營積習驟難更改久在聖鑒之中而兵餉自有通行例章邊關喫緊處所若照緣營辦法則恐難資飽騰若改稱練軍比照直隸練軍章程餉數並不能減其與勇名異實同而轉成常設之標營永久之經費竊擬俟兩三年後體察敵軍距邊遠近各隘緩

急餉源盈歉內地伏莽能否漸清邊腹通籌或尙能再加併省儻作為額兵規制既難猝定定即不便屢改似只可就目前事勢力量斟酌維持如有因事變通隨時議奏較為活便據廣西藩臬兩司會同善後局司道核議會詳前來臣等疊次往復函電熟商並將圖說郵寄參考意見相同謹遵旨先行縷晰覆陳並將沿邊要隘分布重兵駐防處所會圖貼說恭呈御覽其添設鎮道等官建置經費各事及改撥標兵營汛詳細章程暨其餘未盡事宜仍俟陸續陳奏是否有當伏候聖明裁奪勅部議覆施行

張文襄公全集 卷十五 奏議十五

七

旨該衙門議奏圖留覽欽此

會籌保護僑商事宜摺 光緒十二年二月二十五日

竊臣等承准軍機大臣字寄光緒十一年十月十一日奉上諭張之洞奏外洋各埠華商甚多勸令捐購護商兵船養船經費由各埠捐抽歸粵省調度等語著張蔭桓抵粵後與張之洞先行會商再於經過處所體察情形能否照辦悉心妥籌具奏原片著鈔給張蔭桓閱看等因欽此臣蔭桓行抵粵省正與臣之洞會商間復准軍機大臣字寄光緒十一年十二月十四日奉上諭翰林院代奏編修鍾德祥條陳時務一摺所稱南洋各島

特派使臣遴員分駐一節是否可行並著張之洞張蔭桓歸入前奏一併會議具奏原摺著分別鈔給閱看等因欽此竊惟中華人民散處外洋各埠略分工商兩途百年以來生聚日盛雖僑居異域而頻年捐賑捐餉不忘本源深堪嘉尚特以謀食他方漫無統屬不免爲他族欺虐大約海外各國之待華人情形雖不一致而意存畛域則一有官申理則共慶來蘇無所控告則苛虐殊甚秘魯古巴昔苦今安是其明驗年來舊金山埠華工深受埃利士黨匪徒之害焚殺驅逐駸駸未已詢諸洋人據云華工在美歲得傭值除日用外餘悉寄以贖

張文襄公全集

卷十五

奏議十五

八

家歲計約數百萬兩等語竊謂此乃爭工專利者倡爲謬論謂此舉益華而耗美藉以聳聽作難查美使西華回國會著書力闢此說大意謂華人以工易資美商以工作所成者獲利假如給華工者百萬則所成之工所出之貨其獲利斷不止百萬於美有益無傷各國有識者皆趨之是華民在洋主客兩益推之羣島更屬不貲綜計諸洋華民數逾百萬除世居海外及孤身出洋者約十之八有家屬通音問者約十之二尙有二十萬人每年寄家少者數十多者千百酌中率算人以百元爲率亦有一千萬元爲銀一千數百萬兩果能保護無虞

其獲利回華者復能論禁鄉鄰吏胥不得訛詐從此聲息常通不忘歸計日推日旺實爲中國無形之益若化外視之則沿海各省華民生機日感甚非中國之利也誠得兵輪爲之保護設官爲之經理則威靈仰藉乎天朝疾苦可達於宸聽雖不必事事代謀而聲勢遙通自然生計安穩羣情嚮慕必可收效將來惟發端伊始必當審慎庶免爲彼族所撓誠如聖諭創始非易經久之計尤須豫籌臣蔭桓陛辭時業將大略情形陳奏茲與臣之洞會商惟有仰稟宸謨詳慎妥籌因其自然加以激勸不稍勉強不涉張皇應俟委員前往查詢方能定

張文襄公全集

卷十五

奏議十五

九

議至鍾德祥所稱南洋各島特派使臣遴員分駐自爲辦事得手起見查原奏內稱小呂宋爲日斯巴彌亞屬島而距日國都城幾二萬里新嘉坡爲英屬島而距英國都城遼遠亦復相等僅設領事名微權輕遇有機變必株待使臣商辦往返動逾四五十日阻誤可虞請特派使臣辦事仍由使臣遴擇委員爲領事官分駐各島益昭慎重小呂宋現已稟願捐費儻有使臣南出各島商民必能仿照小呂宋共捐公款尤爲惠而不費又稱增設一使恐難位置如遣使駐小呂宋卽作爲出使日國之副使各等語臣等查外洋各島所設頭目兵官悉

秉承於外部專使駐劄一島徒擁虛名而該國都城相隔遼遠遇有要件仍須面商外部往返奔馳恐轉失專駐之效卽副使分駐仍不能舍外部而就議於島首是該使若駐彼都城則與現辦情形無異若分駐各島遇事不獲與外部迅商徒恃文牘往還仍屬隔閡如故專使之職分雖尊未見其有實益臣等悉心籌議南洋各島設官不外保民集捐二事而以保民爲首要誠能爲民興利除害則民情愛戴自無不急公慕義踴躍輸將其中小呂宋華民會屢求派領事保護並有自籌經費之說從前各使臣雖經議及未有端緒諸臣函牘略言

張文襄公全集

卷十五

奏議十五

十

先須澈查方能議辦臣蔭桓在京會與總理衙門大臣商及抵津後晤北洋大臣李鴻章言小呂宋設領事之舉疊與日國使臣相商該使借島首以延宕恐難猝辦須到彼與該國外部熟商定議等語臣蔭桓抵粵後適於正月間有小呂宋商董葉龍欽陳最良林光合許志螺等來華呈遞華商二百九十家公稟求設領事當卽親赴香港與該號商接晤體訪一切察其情詞懇切皆實有不忘桑梓之心求庇皇朝之願惟經費一節尙無成說詢據東華醫院紳商僉謂各埠情形經費未嘗不可籌惟須先議設官保護待保護有基再議籌費則發

端得體勢順而事易集等語臣等再四籌商旣不宜絕該埠嚮往之誠亦未便率行允定擬先選派委員前往小呂宋及南洋羣島確查情形明示以朝廷子惠元元無遠弗届之至意詢其風俗政治若者不便於吾民丁稅鋪餉若者歧視於他國其中某弊可以酌除某例可以商改國家將爲設官保護解其倒懸異域之民能聞風興起傾心內附於是密察其籌款之所由出不以爲派官之俸薪而以爲辦公之經費果有把握且能經久然後酌派領事前往分駐卽籌款不易而華民實有願望派官之誠似亦必應於南洋羣島總分爲東西兩

張文襄公全集

卷十五

奏議十五

十

路擇要先設立總領事二員歸使臣節制令其巡歷各島就地選擇公正紳董稟請使臣奏派爲副領事懇恩賞給職銜令其經理本埠事務藉以聯絡人心不無裨益副領事旣就地選充其身家殷實者以獲選爲榮願充當者必眾卽可勿庸籌給薪俸然後仿照各國領事通例華人注册一律收費或收其出口進口照費以爲公款合各島華民注册出進口之費歲入當成鉅款所籌之款宜先備該埠公用如學堂醫院聘請律師伸理屈抑等事而造船養船等費卽可並及或於此項劃分或另行勸捐湊集臨時酌量妥辦惟總領事薪俸則須由

中朝籌給若南洋止設總領事二員所費尙不甚多總之必先設領事而後有招徠拱衛之方此舉關係遠大卽歲有所需未爲非計但恐該島所隸之國以爲自有利權不願分讓則與酌議劃分若干應俟委員查覆到日隨時與出使各該國大臣電商奏辦惟各島距該國都城皆遠而距粵省僅數日程多者十餘日程若駐島領事株待使臣商辦誠如鍾德祥所慮阻誤可虞就南洋大勢衡之似宜由粵兼顧較爲靈活該領事等遇有疑難之事一面稟報使臣一面稟商疆臣如須與外部辯論由粵電致使臣較有條理蓋南洋島嶼雖多華民散處雖繁而備趁貿遷大都以香港爲歸宿誠能與粵中聲息相通實於大局有益查南洋各島小呂宋閩人最多餘島則粵人較眾現擬派委兩員同往諸事可資商酌查有記名總兵王榮和籍隸福建龍溪縣明慎精詳久居外洋情形極熟各埠華商亦甚信服又前內閣侍讀鹽運使銜候選知府余璠籍隸廣東新甯縣曾充日本長崎領事官勤能穩練洋務透晰兩員均現在粵省擬卽委該兩員先赴南洋有名諸島詳慎周歷宣布德意聯絡商董訪查情形將設官造船兩事一併密加商度如皆樂從卽籌定切實辦法行程自小呂宋起并

張文襄公全集

卷十五

奏議十五

三

及該埠附近之蘇祿衣耶祿奈三島次新嘉坡次麻六甲次檳榔嶼次仰江次卑力次新金山次雪梨次加拉巴次泗里末次三寶龍次般鳥至暹羅止其餘若孟米若蘇門答臘若加吉打若鳥施令若谷當若井里汶諸島或水土荒惡或華人無多不在此列歸途擬卽順道至西貢等處一律體察回粵時詳細稟陳臣等奏明請旨辦理至橫檳爲臣蔭桓途必所經舊金山密魯古巴夏灣拏爲臣蔭桓奉使之地俟道出該埠時親加體察具奏檀香山地在大東洋由臣蔭桓就近派查惟暹羅向爲中國所屬未便名爲領事而該處華民寄居最久較他埠多至十倍如查看駐官有益或名爲辦事委員臨時再當奏陳該委員等往返約須八閱月川資電費跟役各埠酬酢實有所需爲數頗繁擬請每員每月比照三等參贊酌給薪水各銀三百兩該員等公用文案書識二人共八十兩該員等川資辦公費多少牽算每月共七百兩統共一千三百八十兩船價雜費一切在內此係力從節省之數并請卽由粵海關歲撥出使經費項下就近劃給至該員等此次前赴各島擬卽名爲訪查華民商務委員如蒙俞允仰懇敕下總理衙門卽電致駐英荷日使臣轉告該國外部知照各島俾委員

張文襄公全集

卷十五

奏議十五

三

到日不虞阻礙并請一面電敕臣等以便飭知該委員等早日整備行計并與各使臣商辦該委員出洋以後如有應行相機籌辦之處容臣等隨時電商奏明辦理一俟查復確實奏准開辦其應如何分派領事駐劄仍由出使諸臣按案辦理以符向章所有遵旨會議緣由是否有當謹合詞恭摺覆陳再會議定稿臣蔭桓即於二月初八日自香港放洋另摺陳報合併聲明旨該衙門知道欽此

請催設香港領事摺 光緒十二年二月二十五日

竊惟香港一島密邇粵省近年商務日盛華民寄居益

張文襄公全集

卷十五

奏議十五

十四

多交涉案件無時無之而該處並未設有中國領事官辦理每形不便光緒八年八月間准出使英國大臣曾紀澤咨是年六月照會該國外部請在香港設立領事隨又准咨轉據英國藩部查明現任香港總督差期已滿明年年初新任總督即可履任詳細思議緩定各等因先後咨會粵省查照在案迄今已閱四年我未催辦彼即閣置不提緣港設領事我有利益彼多牽制欲允從則不願欲阻拒則無辭臣到粵之初即擬舉辦此事因海防空總未遑兼及近日體察眾情該處商民十餘萬無不延頸舉踵永戴皇朝莫觀漢官之威儀長蒙堯

天之覆幬是目前事勢領事之設實為不可再緩其利害約有數端一曰通商查香港自歸英屬海外諸國之講好於英者莫不各駐領事於彼以治其國之務中國最為切近轉無駐劄之官此外如英屬之新嘉坡以及美之舊金山西班牙之古巴日本之長崎等處亦俱有中國領事此等外埠程途不若香港之近華民不若香港之眾貿易不若香港之多關繫不若香港之要彼既設官此何獨闕是為通商計不可緩也一曰保民香港距省僅三百餘里物力既饒流寓所萃俯從洋例控訴無由得領事以莅之遇有港官治理不公之處聞於粵

張文襄公全集

卷十五

奏議十五

十五

省小事則商之港督大事則達於總署不獨有礙華人商務之事能向港官申理也政化所覃風聲即樹重溟雖遠必有恍然於為聖人氓之可樂者且在港華民生理事事取資洋人似有近墨染泥之慮然自前年海防有事以來在港商賈工徒船戶傭作無分貧富賢愚咸懷敵愾發於本心或堅拒法役或密輸敵情或力助軍火或憤發公論此固由聖朝德澤淪浹之深而眾志之恪誠亦實不易至於歷年捐餉捐賑每有內地義舉聞風思奮更不勝書該商民等既有父母孔邇之心朝廷自斷無置之度外之理若不為設官拊循則似與東南

洋各埠華民視之有別是爲保民計又不可緩也一日
逸犯內地罪人以港爲藪最爲粵省吏治地方大患照
約本有逃人查明交出之文乃港官每事齟齬或交或
否如楊永康等致死本族尊長一家三命案內在港獲
犯十一名始終不肯解省訊辦案情略輕者無論矣又
香港情形他省容未盡悉如去年福建藝新輪船不先
行文知照徑往港地緝拏盜張阿知等幾至枝節叢
生若設領事則覺察有權機要易協何致吞舟巨鯨樂
得馭淵是爲逸犯計又不可緩也一日巡緝香港水界
之內不予人以緝捕之權近因私梟盜匪出沒洋面漸

張文襄公全集

卷十五

奏議十五

七

致縱橫以及一切藥貨硝磺走漏釐稅經臣行文廣州
英領事約會港官協力查緝港官雖允照辦終恐藉詞
枝梧且洋藥稅釐併徵一事現既議有端緒他日終須
開辦洋藥私販甚多稽察耳目不妨廣置若設領事就
近會商港官兼理巡緝匪事務庶無轉折扞格之虞
是爲巡緝計又不可緩也一日防海省港既相鄰接安
危彼此共之港之煤硝米麩十日不來則省城困省之
牛豬薪蔬一日不往則港民譁港亂則省之商路難通
省擾則港之匪徒四起當法事方殷之時省固且夕防
戍港亦籌備倉黃海警尋常何時蔑有香港有事我固

生肘腋之憂我若有事香港亦無高枕之理矣設領事
則聲息更孚聯絡尤壯固粵之利亦港之福是爲海防
計又不可緩也夫香港片壤本是中朝寬仁假與棲息
俾資懋遷若不設領事則是諸洋百貨入華之利益英
國得而專之華商華民之在彼者中國轉不得過而問
之英收其利我承其弊英資其益我受其損諸邦皆有
地主獨無揆諸和好公平之理種種難通臣愚以爲此
事既經會紀澤商之英國外部並無却拒之詞只作緩
延之計如果力持促辦彼亦何說之辭如議成開辦該
領事除照章屬於出使英國大臣外應就近兼歸粵省

張文襄公全集

卷十五

奏議十五

七

統屬由粵省督臣與駐英使臣商明會委以便隨時斟
酌至於領事經費一節擬卽由粵省奏明籌撥相應請
旨敕下總理衙門照會駐京英使一面電咨出使英國
大臣催令該國外部藩部速將香港設立中國領事一
節照約定議刻期開辦以篤邦交實於粵省商務盜案
釐稅海防各項交涉事件大有裨益

旨該衙門知道欽此

查革肇潮兩府稅廠積弊摺

光緒十二年三月二
十一日

竊臣等承准軍機大臣字寄光緒十年七月二十六日
奉上諭有人片奏肇慶府黃岡稅廠吏書巡役皆以厚

資謀充該府收受規費每年收稅十餘萬兩祇報解三萬餘兩又有黑錢等名目刻剝商人侵蝕正稅每年有解藩署陋規前藩司剛毅未經收受飭令解足溢額一萬兩充公該府敷衍塞責東江白沙廠所收洋紗煙絲釐金全充軍餉惠潮嘉道張聯桂前在潮州府任內將稅釐減輕以致洋紗煙絲兩項悉往潮州東關輪納祇入私囊等語著張之洞等認真查辦一併據實覆奏原片著鈔給閱看等因欽此當經臣等行司逐一認真查辦因防務倥傯委員往查久無確切情節駁令覆查並因案情牽涉前藩司添委肇陽羅道潘駿猷查覆又先

張文襄公全集

卷十五

奏議十五

六

後密委候補道李蕊奏留差遣河南候補道朱壽鏞山西偵探委員直隸州知州陳占鰲通判徐敦詒降補知縣楊光銓鹽大使周志端迭赴肇潮兩府分別密加訪查互相印證復札藩臬兩司查核擬議茲據署布政使蕭韶按察使于蔭霖署督糧道李蕊肇陽羅道潘駿猷河南候補道朱壽鏞會同稟覆前來臣等參考覆核詳加酌定查原奏內稱肇慶黃岡稅廠每年收稅十餘萬兩報解者祇三萬餘兩各節查黃岡稅廠即黃江稅廠只徵西江下水貨物從前徵收稅餉遞年約銀八九萬兩不等並無收至十餘萬兩之多而每年應解正稅銀

一萬二千八百兩院司養廉三百八十餘兩羨餘銀一萬五千九百五十兩片奏加徵盈餘銀二萬兩橋羨銀一萬兩共銀五萬九千餘兩有聞之年加增羨餘銀一千七百餘兩共銀六萬九千餘兩即從前加徵盈餘橋羨兩項止解六成已不止報解三萬餘兩之數且倘有該廠緝私勇餉庫夫工食賞犒平水火耗解費等項費用並有肇慶端溪書院經費肇慶綠營操演山梁經費白石卡巡丁口糧分攤科場經費歲脩景福圍幫費皆出自該廠稅餘此皆多年舊案為數實屬不貲該府紹榮到任後嚴懲包攬募勇巡緝所用查廠之人復能誠

張文襄公全集

卷十五

奏議十五

九

實出力以故日有起色光緒十一年收至十萬餘兩原額內有片奏加徵盈餘銀二萬兩橋羨銀一萬兩係嘉慶年間增加自咸豐元年粵匪滋事正稅短絀加徵盈餘及橋羨兩項多不報解同治七年升任藩司王凱泰詳定章程令兩項均須解至四成同治八年加至六成光緒九年升任藩司剛毅飭令解足十成俟一年以後察看情形再行稟辦亦經該府遵辦是該府已將正餘解足並非止解三萬餘兩又原奏內稱若所謂黑錢辦用錢包攬錢乃額外剋剝商人者並有人櫃錢乃書役侵蝕正稅者尙不在內各節查黑錢一項係發子手句

通商人少報貨稅所得名曰黑錢此無定款亦無定數此項卽一名入櫃錢又包攬錢一項乃無業地棍熟識書巡扛攬納稅名曰包攬仔從中取利亦無定數此兩項本屬爲該府所力禁者當不致任聽侵蝕正稅惟辦用錢一項實爲累商藥材雜貨按稅每兩收三四錢至五六錢不等木料茶葉每兩七錢柴炭每兩多至一兩四錢此厥書巡役所得者每年共約收銀九萬餘兩又有原奏未及之官釐頭一項按稅每兩抽三四釐至七八釐一分不等此官房幕友及總房散房家丁所得者每年共約銀五千餘兩又有原奏未及之船頭錢一項

張文襄公全集

卷十五

奏議十五

三

金不得不代爲庇護聞從前書役承充五年先納規禮銀五萬元前年冬間朱姓承充加至八萬五千元而每年節禮約四千兩厥費約五千兩尙不在內巡役則每名值千兩係私相授受官祇收堂禮百金各節查該厥書吏照例五年充補一次現在書吏朱安係於光緒九年九月內奉札供役其巡攔人役亦名簽子手額設四十名向來陋習書巡於承充之時有繳納規費之事其規費係合厥書巡統換朋湊合計充規并幕友家丁司道府縣房費及一切雜費共須六七八萬元不等並非厥書一人卽納此巨款至節禮堂禮向來亦有此名目

張文襄公全集

卷十五

奏議十五

三

米船每隻一千三百文穀船六百墟艇錢一項分大小號各數百不等此兩項係充關厥雜用者每年共約銀五六千兩又該厥徵稅係收洋銀尙有彌補平水火耗解費銀兩名曰三六平餘該厥書於應補平水各項之外有額外加平一錢四分至二錢六分三兩一分不等此厥書所得者亦原奏所未及每年共約銀一萬七八千兩以上各項痼弊相沿由來已久數目散碎難稽商賈亦不深明其故紹榮到任以來並無該厥徵收上控之案該府雖未能摘發杜絕尙不至有心庇護又原奏內稱黃江厥書吏巡攔皆費厚資承充該府既受多

一遇升任藩司剛毅在粵日適值關書承充未收此項令該府將加徵盈餘橋羨兩項照額完解其光緒九年分之項該府既已遵解似無敷衍塞責情事曩易圖在藩司任內未值承充其並無規費自不待言綜而論之黃江一廠正餘各項值銀六萬兩左右該府照額完解外以之開支各項公用尙屬從容而書巡淨收勒索至逾正稅一倍實爲有累商民其中尤以充規爲百弊之根每遇廠書將滿之年各色吏胥商民集股謀充視如置產其爲賸商蠹稅勢有必至理有固然今欲兼收利國利民之益必宜斷以拔本塞源之計故欲去浮勒非

張文襄公全集

卷十五

奏議十五

三

盡革書巡之充規廠費各項規禮不可欲除規費非盡除廠書巡攔名目年限不可欲免謀充索費尤非改章另設委員承辦不可不然雖使裁規革費書吏必然盤踞把持別立勒索名目甚至串攬漏稅該府必仍不免上司之誅求種種之浮費誠恐仍將襲舊收規聽其滋弊且該廠距府城三十里該府不能親往稽察但委之幕友家丁斷不能透悉商情抉發吏弊溯查同治五年前廣東撫臣蔣益澧奏改太平關章程委員試辦革除書吏各項人役名目使費至今宿弊廓清自應仿照辦理擬請將黃江稅廠以後改委府廳一員前往試辦駐

廠稽徵將廠書簽子手名目裁除改用司事雇募巡丁可以隨時更換責革不准幕友家丁干預稅務不准有官房總房散房各名目刊給三聯印票分別存發報查按月開報將所有出自商民之額外加平辦用錢官釐頭船頭錢墟艇黑錢包攬錢共七項概行禁革至該廠向有花押小票錢每貨船一隻銀一錢卽梧關之紅單錢差艇看船錢每船一百文挂號錢每船一百文收旗錢每船三十文均係下水此數項略與梧關同爲數甚微以資散役差艇雜用應准均仍其舊敢有別立名目違章私收者從嚴懲辦其出自該廠書吏之充規節禮

張文襄公全集

卷十五

奏議十五

三

堂禮簿規火燭共五項及藩司衙門之季規充規一併概行禁革違者與受一律從嚴參處並將裁革核定數目章程榜示該廠十里內外勒石水陸通衢商民共見永遠遵行其所收稅項除原有之正稅羨餘片奏加徵盈餘橋羨四項務令照額解足外其餘悉數歸公儘數解省至該廠簿租簿夫司事巡丁薪工賞犒撥船陸勇口糧等項所需實繁擬按稅項之數酌提一成以爲廠用惟肇慶向有之端溪書院經費綠營操演山梁經費白石卡巡兵口糧分攤科場經費歲修景福圍幫費礙難刪除且該府及肇陽羅道辦公無資亦應仿照太平關

章程籌給公費均於向有之三六平餘項下分別撙節
勻撥支給不得傷及稅款通計此後商賈過肇慶者每
年可省銀十二萬餘兩除稅廠改歸委員試辦候旨遵
行外現已先飭將各項浮收各種規費一律即日裁除
此案原查委員山西直隸州知州陳占鰲籍隸潮州熟
悉本省商情又無官場惡習迭次委查諸弊均能力任
勞怨得以纖悉無遺現即委令前往暫行幫辦以免書
吏把持違抗久擾商民以後如委辦之員果能稽徵有
效較之舊額正稅盈餘加徵盈餘橋羨四項原數加至
一倍擬即奏懇恩施照異常勞績給予獎勵此肇慶黃

張文襄公全集

卷十五

奏議十五

五

江稅廠遞年盈絀現在定章整飭積弊之實在情形也
又原奏所稱張聯桂前在潮州府任內將東關稅釐減
輕以致洋紗煙絲悉由汕頭來往東關輸納一節查潮
州府東關祇徵落地稅並不抽釐至洋紗販自外洋煙
絲產自福建永定等縣汕頭未開口岸之先洋紗係由
省城泝東江而上至惠州府龍川縣屬之老隆司水陸
並運分抵潮州府屬揭陽縣嘉應州屬各縣銷售煙絲
出產之處本與潮州府城一水相通從前商販或順流
徑下過府關抵汕頭由海道分運各處或中途即折入
嘉應州境泝流至長樂縣陸運越歧嶺以達老隆司換

船沿東江而下趨省會其時東江之白沙地方尙未設
有釐廠迨夫釐廠既設汕頭口岸亦開華洋貨遷四通
八達於是洋紗之專銷於潮嘉兩屬者煙絲之不專銷
於廣東省城者大抵由汕頭口出入經過潮州府關同
治九年潮州府知府何慶齡稟經前督臣瑞麟批准東
關完稅照則稽徵蓋洋紗一項昔則東江有水陸並運
之煩今則汕頭有一葦可杭之便煙絲一項昔則踰嶺
入江而祇注粵省一處今則順流出口而分售沿海各
區難易固殊趨避自審所有洋紗煙絲兩項經由東關
非因減輕稅項而然張聯桂前在潮州府任內委無減
則徵收之事又原奏內稱東關餉有定額添收洋紗煙
絲兩項則祇入私囊一節查潮州府徵收商稅每年應
解正額銀六千九百四十二兩稅羨餘銀一萬二千二
百五十九兩商稅部費銀二千七百八十四兩火耗銀
二百零八兩加增盈餘銀二萬兩有閏之年加增稅羨
銀一千三百七十九兩部費銀二百九十兩共銀四萬
三千八百餘兩加以補足洋銀平水解費需銀五萬餘
兩又該廠各卡勇糧工食紙燭賞犒之費每年需銀一
萬餘兩此外地方公用爲數甚多該府歷係遵則徵收
照額完解查潮州東關收稅舊以茶葉白麻魚紙爲大

張文襄公全集

卷十五

奏議十五

五

宗近十餘年來茶麻毫無徵收魚紙日形短絀綱緞概行透漏各項廣貨報稅者亦甚稀少茶麻等項短收之稅專賴花紗銷路較廣以補之大率遞年徵收銀八九萬餘兩不等較之十年以前所增無多較之嘉慶道光年間沙船盛行釐金未設民豐稅旺之時則遠有不逮張聯桂以旺補缺餘充公用並無歸入私囊情事自張聯桂去任後近年潮關情形大致相同至該廠向無朋充鉅規及辦用錢等苛索名目尙不至擾累商民與肇慶情形不同應仍照舊章辦理此潮州府東關稅項本關互有盈絀無關弊竇之實在情形也臣等伏查肇慶

張文襄公全集

卷十五

奏議十五

天

稅廠之旺由於近年桂境商賈流通紹榮稽徵得法而然地方公用取給該廠稅餘者甚多潮州稅廠之旺由於花紗煙絲乘輪改道所致又須抵補他項短收肇慶府年額解銀六萬兩潮州府年額解銀四萬三千餘兩其餘除彌補平水火耗解費外以充廠用及地方公用之需計肇廠於正額外已加羨餘又增加徵盈餘又加橋羨較之舊制已加解三次潮廠於正額外已加商稅羨又加盈餘較之舊制已加解兩次竊思關稅一項原有定額果其解額無虧既使略有餘饒亦爲法之所不禁此等羨外之羨餘外之餘留爲地方及本署辦公原

可率循其舊第粵省現當庫儲匱乏防務孔艱似此雜項公用逐一樽節津補防需未始非以公濟公之法查肇慶府向解之加徵盈餘橋羨二項共三萬兩合計歷年實解六成尙短銀一萬二千兩自升任藩司剛毅任內始令全解然原詳僅令試解一年再行察看情形亦非定案今擬改章委員責令常年將此一萬二千兩解足其光緒十年十一年之加徵盈餘各二萬橋羨各一萬均已飭照數接續解足至原額正餘四項以外凡有所餘悉數歸公此係將向來各項地方公用改支他款並將該府用度極力裁省騰挪而出每年儘數解省約

張文襄公全集

卷十五

奏議十五

三

可於額外解銀三萬兩內外以充海防經費飭潮州府將該關一切公用自行設法樽節竭力稽徵自光緒十二年春季爲始每年於額外解銀二萬兩以充海防經費合計此兩項共約銀五萬兩應併名爲額外節省防費每年按四季批解善後局專爲充支海防經費無論何事不得挪用暫以十年爲限十年之內不得無故輒請減免十年之後如果商貨銷路實有變遷再當體察情形能否定額奏明辦理一面嚴飭肇慶府暨幫辦委員遵照裁定新章辦理盡革規費嚴懲索擾並飭潮州府不得因會解節省防費於例外多徵病商似此分別

辦理兩廠增解之數固於防費可稍資貼補而肇慶改
章永除苛斂顯以蘇息商賈即隱以保全正項稅釐尤
爲目前要務湖北荆宜施道前潮州府知府張聯桂查
無減收入私情事應請毋庸置議肇慶府知府紹榮經
徵黃江廠稅業已遵解足額查無收規庇護情事其於
該廠書巡多取累商未能防查禁絕本屬不合惟積弊
相沿非止一任且現擬改章委員試辦應予從寬請旨
將該府紹榮革職仍留本任以觀後效肇陽羅道潘駿
猷近在同城未能覺察亦有不合惟此次查出各弊係
該道會同訪查稟聞尙與始終含糊者有間自應一併
張文襄公全集 卷十五 奏議十五

天

從寬請旨將潘駿猷交部察議仍責成該道以後將肇
慶稅廠實力督察力杜弊端再此兩案因屢次駁查派
員密訪詳核章程是以覆奏較遲合併聲明
旨覽奏均悉紹榮著革職仍留本任潘駿猷著交部察
議該督等請將肇慶潮州兩廠添解額外節省銀兩及
肇慶稅廠改章試辦各節均著照所請行仍著督飭該
道府及委員等實力經理毋任稍有弊混餘依議該部
知道欽此

存儲礮臺專款片

光緒十二年三月二十一日

再粵省海防前年喫緊之時敵氛旦夕可至物力又極

艱難只能先其所急先顧虎門及黃埔一帶中路其五
門要隘只可量設土臺土礮靜以待之然肘腋空虛處
處可致侵軼斷非長策查五門海口深廣距省遼遠內
河港汊太多勢難徧行設戍節經派委鎮將文員洋弁
周歷數次詳加測勘查得近內最爲扼要者略有三處
一路曰南沙洲由橫門旁入至此可襲虎門橫檔之後
一路曰大良河口由橫門入內至此可以趨順德出省
河一路曰甘竹灘由磨刀虎跳兩門入內至此可以直
上西江三處皆上中等兵輪所可到均須設守每處須
分別當衝夾河築堅臺安大礮始能有益計需分築大

張文襄公全集

卷十五

奏議十五

天

小礮臺二十餘座新式巨礮十六尊新式次等礮四十
餘尊因所費過多減半購配礮價臺工約需五六十萬
此款萬無可籌論省防則萬不可不辦反覆焦思惟有
銖積寸累逐漸經營現擬將肇慶潮州兩府新增每年
額外節省防費銀五萬兩專款存儲以備此三處礮臺
之用不准挪作別用按年催收隨時訂購接續興工共
以十年爲期三年可造成一處十年而畢每年將此款
收齊訂礮布置大略情形奏明一次臺礮配齊時專案
奏報各臺若成五門內防自固此乃萬不得已羅掘補
苴之策

旨該部知道欽此

廠書罰款助修隄工片 光緒十二年三月二十一日

再黃江廠書巡浮收累商各節此次摺內業經詳陳自應嚴加懲儆惟查該廠書雖係朱安一人出名供役實則書巡數十家朋分朱安素充開幕原名朱安藻今係眾書雇募應名並非獨享其利若僅將朱安一人懲辦其名則是其實則非於蠹吏仍無所損而積弊過久人數過多亦難一一究治臣等準情酌理除飭將朱安責革外卽照原奏充規八萬五千元之數令該廠曾經獲利之書巡等公同罰繳洋銀八萬五千元卽以助肇廣

張文襄公全集

卷十五

奏議十五

三

一帶西北兩江被水之區修築圍隄之費藉示懲儆緣此項錢物本係取之過肇商民今以累民者還而利民實爲人情之大順現既改章裁除書吏似可免其追究此項旋經湊齊解繳省局分發各工支用

查革梧州積弊摺

光緒十二年三月二十一日

竊臣之洞於光緒十年六月承准軍機大臣字寄閏五月初七日奉上諭有人奏廣西梧州關稅加費過多請飭永遠全裁等語又有人奏廣西積弊太深亟宜剔除一摺所陳梧州關弊竇大略相同均應確查嚴禁至所稱

釐金各卡應行酌量裁併州縣案件株連太多請飭隨到隨結不得拖累無辜藩司衙門吏房爲肇慶黃姓盤踞百弊叢生應飭查明驅逐各節該省積習相沿必應嚴查禁革著張之洞潘鼎新按照所奏各條確切查明將一切弊端悉行釐剔毋得有名無實等因欽此當經臣之洞咨會前廣西撫臣潘鼎新據實查明會奏迭次札飭西布按二司會查各在案潘鼎新迄無一字答覆嗣據西兩司覆稱潘鼎新於光緒十年奏明梧州公費解交省局亦未准抄摺咨會臣秉衡在臬司任內以越事緊急奉旨駐龍辦理後路事宜旋蒙恩命暫護撫篆

張文襄公全集

卷十五

奏議十五

三

又奉光緒十一年六月十八日上諭張曜奏廣西被水成災擬籌賑款一摺據稱廣西梧州府向有應徵稅銀軍興以後加徵養勇經費每年約計十六七萬此後勇營裁減徵款未停現值籌賑艱難請飭將本年經費全行提充賑務等語著李秉衡查明先將本年經費提歸賑需嗣後此項經費應酌減若干其餘提歸公用之處並酌奏明辦理欽此經臣秉衡一面提充賑款一面恭錄轉行署廣西布政司慶愛署按察使沈康葆查辦其梧州一案經臣等迭次委員密訪西省委知府黃宏藻東省委直隸州知州陳占鰲通判徐敦詒降補知縣楊

光銓鹽大使周志端從九品張祖恩先後分別密查並會委奏留差遣河南候補道朱壽鏞覆加確查會同西藩臬兩司核議稟覆去後茲據覆稱查原奏內稱梧州府關稅自咸豐七年後加抽經費為招集鄉勇保衛地方起見凡往來貨物於正稅銀一兩外加抽銀一兩每年合計約加抽銀四五十萬兩均收銀而不給票肆意侵漁無從查考加費過多請飭永遠全裁一節查梧州加抽經費實係咸豐初年艇匪土匪肆擾前任梧州府知府陳瑞芝募勇剿捕經費無出集商籌議按貨抽捐以供勇費有稅費相等者有費多於稅者嗣後賊平勇張文襄公全集卷十五 奏議十五

項下撥解公費此款早年出自稅餘後因軍興稅細改在經費內動支從前係每年三萬兩此外雖有節壽之說收與不收視乎上司光緒十年減為二萬二千兩裁去節壽餘作該府陸勇兩營及護關扒船之餉費惟查歷年經費之數官收雖不過十萬有奇而商人所費實不止此吏胥巡役家丁地棍船戶浮收包吞皆所不免雖無檔册可稽追出書巡分銀底帳及船戶木商完經費底簿按月核計全數約略可知約計每年大率收銀十七萬兩實為商民巨累此外尚有因頭一款為原奏所未言及此款係由書吏算船估稅而起定例權算米穀豆麥各船之法以長一丈廣一丈深五尺為五因一因五千斤五五共作二萬五千斤他貨二三因至七八因不等皆有定則書吏欺愚商賈如米則謂例應七因今私讓為六因應納使費若干故曰因頭商人懇囑關吏不令報足十成甘於稅外私納規費名為讓減一因實已暗增一因先則商人利其隱漏繼則關吏踵事多求既屬病商亦兼蠹稅計暗加因數每年約銀二萬兩私得因頭每年約銀五萬兩係書巡幕丁所得又有外費一款係書巡府差人等所得每年約銀六千餘兩又有現費一款乃上下水零星雜貨物若缸瓦桂碎爆竹

彩錢筆竹木梢等類皆例不收稅之物係查船巡丁所得每年約銀五千兩又有柴火銀一款乃無稅無費之物每柴一束收錢一文係充該廠日用每年約銀一萬三千兩合而計之正稅尙屬有限而商賈於正稅之外所費至二十餘萬商民怨苦實不能堪羣蠹縱橫人思染指情弊之深至斯而極查該廠經書七名算房七名銀房十名卽官銀匠巡役四十四名內正總四名亦稱籤子手亦稱尺手書巡皆五年一換經書算房銀房及正總更換時各納充費一千兩上下不等此條最爲諸弊之根查梧州一區既有例設稅廠又有釐金總局又

張文襄公全集

卷十五

奏議十五

三

有經費局一日之內三次權徵百金之貨完至什一實爲病商苛政且經費一局商民費至二十餘萬兩而國家並不能用其分文尤出情理之外况徵歛愈重商賈愈困趨避走漏句串影射愈多西省稅釐大局將不可問自應將經費一項卽行裁免抽收以蘇疲商而保正餉並將該府所募勇丁兩營金數裁撤以節糜費由西省另派防營駐梧巡查彈壓令該府於經收正稅自行竭力稽徵不得藉口缺額別圖彌補從前該廠徵解稅項係前後遞推牽搭淡旺不均或淡月而所解極多或旺月而所解甚少應改令按照定額計日攤解以免藉

口賠累此後該廠徵稅俱按定則估算不准浮加一因其餘吏役私收之因頭分費規費等項一律嚴除永免商累並刊給三聯印票分別存發報查其廠書巡役充規概行禁革惟根蒂不除弊端決不能斷應將廠書算房銀房籤子手尺手等名目年限一概革除廠中查船核算繕寫記簿俱改用司事籤手尺手改募巡丁既無報部額缺充滿年限卽可隨時另募隨時革換庶可杜賄充婪索之弊惟向來各項人等仰給此廠者不下數百家此次裁除太鉅若不酌籌飯銀限一定數必至另開需索刁難之弊防不勝防甚至包串漏越轉虧正款

張文襄公全集

卷十五

奏議十五

三

擬令按正稅之數每兩止許收飯銀五分分給司事巡丁一切人等統在其內不准多取分毫亦不准別立名目查梧州釐局向有商捐三江緝捕餉一項及鹽包小釐一項以養護商扒船每兩五分每年約銀一萬二千兩現經臣秉衡飭將此項緝捕餉委員勇役扒船概行裁撤另派水師扒船巡護緝捕鹽包捐項概行免交計以此項抵稅廠飯銀之數每年商民尙可少納銀七千餘兩此外貨船一隻有紅單銀一錢有挂號錢上水一百文下水二百文有收旗錢三十文皆散役差艇所得爲數甚微應准均仍其舊又查上項所開柴火銀一

項銷路甚廣取之甚微積之甚鉅無稅無費尙不至爲商民之累此項一萬三千兩卽遵旨提充公用查西省鄉闈經費例銷止一千九百餘兩不敷甚鉅向係由各州縣派捐銀一萬四千餘兩其餘由外籌補各屬瘠苦難支應卽於此項內按年提銀七千兩解存司庫備支科場經費以後各州縣應攤闈費立案永遠免派至舊日院司道公費二萬二千兩原係辦公之需臣秉衡及司道等均未提作私用惟現既停抽經費不宜累及該府惟有極力撙節擬裁減一萬六千兩卽以柴火銀餘款六千兩分季解交善後局分充巡撫藩臬鹽道各衙

張文襄公全集

卷十五

奏議十五

奏

門辦公之需並將此次裁革減定各項數目榜示該廠十里內外並勒碑水陸通衢人人共見永遠遵行計稅費均按例定因法徵收一項裁減約二萬兩經費一項官私裁除約十七萬兩因頭一項裁除約五萬兩外費現費兩項裁除約共一萬二千兩緝捕餉捐款鹽包小釐兩項除抵充飯銀外裁減約七千餘兩通計此後商賈過梧關者每年約可省銀二十五萬兩若有浮收勒索逾於定章之外者被人告發或經查出嚴行參辦並嚴禁梧州府永遠不准餽送上司節壽如有私送私收者與受均一律參處又原奏內稱廣西藩司衙門有吏

一房吏二房向係廣東肇慶府人黃姓充當而作弊惟吏一房尤甚盤踞日久視缺分之肥瘠索取規費一節查廣西正佐各缺原有詳定輪委酌委章程前藩司張夢元謹小慎微在任日每有缺出必詳核輪委超委各册照章辦理現署藩司慶愛一本定章間有人地未宜改爲酌委者隨時稟由臣秉衡酌定始行懸牌詳委傳到各員面給委札不經書吏之手官場並無閒言似無延擱索規之弊至補缺本有定例無論酌補之缺均詳由臣秉衡悉心核定分別題奏辦理官員繳憑例應於到任後扣明程限有無逾違具結列批送司按季彙繳

張文襄公全集

卷十五

奏議十五

奏

其間有聲扣外錯較查更正以致稽延亦事之所有並無半年後始行繳憑之事藩署吏一房書吏前藩司張夢元於到任時查閱卯册見係黃姓居多且籍多肇慶者業已分別更換吏二房書吏查無黃姓之人署藩司慶愛隨時訪查各書尙無弊實其有承充年滿者概行撤換一有弊端立予革究又原奏內稱廣西釐金各卡自桂林順流而下省垣上下兩關卡陽朔縣城一卡平樂府城一卡照平縣城一卡梧州府城三卡自梧州府溯流而上則至藤縣一卡濛江一卡平南縣之白馬塘一卡大烏墟一卡桂平縣之大隍江墟一卡潯州府城

兩卡又自潯州府分南北河溯流而上其南河則橫州之南鄉墟一卡永瀆縣城一卡南甯府城三卡宣化縣之三江口一卡右江平馬墟一卡百色城一卡其北河則至武宣縣屬之濁水河一卡柳州府城兩卡融縣長安墟一卡古宜墟一卡慶遠府之懷遠鎮一卡皆大河船隻所常經其餘窮鄉僻壤私設之卡尙難盡悉各卡有督辦有幫辦有委員司事有尺手巡丁除耗費侵漁外報解不過十中一二脫削商民應於府城舊設釐卡酌量裁併其外卡除擇要者酌留一二處其餘概行刪汰一節查廣西地瘠山多舟楫可通之處乃有商賈聚

張文襄公全集

卷十五

奏議十五

三

集是以開設釐卡皆在濱河口岸而四境多與雲貴廣東湖南等地連界支河歧出並無扼要總口堪以歸併抽釐不得不於桂平梧州南甯百色柳州慶遠等府屬沿河市鎮設立正分各卡或管抽收或可查驗設卡之數雖似較繁實因杜絕繞漏並非節節重徵蓋西省釐金章程凡商民囤貨發行時抽落地釐金一次販運貨物由鄰省入境者抽入境釐金一次由本省運赴鄰省者抽出境釐金一次無論落地入境出境均止抽收一次經過各卡驗票放行概不重抽辦理多年歷久相安水陸設卡之外陸路祇泗城府屬汪甸卡一處稽查滇

省繞道入粵之貨其餘僻遠之區實無一卡歷來設卡之所必先詳由撫臣批示大張曉諭方無抗違更不能任意私設至各卡有督辦幫辦委員司巡等名目則係量釐務之繁簡分別酌派其應支薪水經費向有定章不能任聽虛耗歷經查察整頓將行爲卑陋聲名平常之試用縣丞蔣錫熊吳桂森從九品尹蓋一史葛森徐溥試用通判程銑先後參革並將開報含混之通判陶用中加平漁利之司事丁憂湖北巡檢孫新原卽孫仲裘參革究辦在案近年釐數每年總在六七十萬之間廣西貧瘠省分貨少商稀抽數尙不爲絀似無侵隱之

張文襄公全集

卷十五

奏議十五

三

弊如果報解不過十之一二則每年收數當在四五百萬從何有此鉅款所議裁汰釐卡一節查前次給事中劉曾弋靖先後奏請查辦均經澈底查核凡有可裁之卡已欽遵諭旨裁去二十餘處無可再裁經前撫臣覆奏有案臣等亦知抽釐爲不得已之舉如能隨時裁撤以恤商艱原屬善政無如邊防孔殷餉需緊迫廣西別無可籌之款惟有仍請循舊辦理嚴飭承辦各員倍加謹慎力杜煩擾容俟時務漸緩再行體察情形酌議裁併又原奏內稱州縣案件株懸太多候質之人概行監押書差私行拷撲停給粥飯必索詐得遂而後已炎暑

薰蒸禁卒又不打掃囹圄以致死於饑餓拷撲瘟疫者
纍纍該管官定有月報限期各州縣多空文回覆其實
案仍延閣不辦一節查各州縣辦理一切案件先經升
任撫臣張樹聲照直隸清訟章程將積案監禁管押逸
犯四種分別管收除在四柱按月冊報專派委員將各
屬月冊逐案詳核隨時飭催訊結分別功過自理詞訟
只准一原一被一證或證至二三人而止令頭門外懸
掛粉牌將在押人名案由月日及有無刑具逐一開載
儻有私押私刑准該家屬喊稟並由省隨時委員密查
如並未懸牌及開報不符者懲處臣秉衡起家州縣於

張文襄公全集

卷十五

奏議十五

罕

恤民一端時兢兢以此為意前在臬司任內深恐各州
縣有名無實復經通查各屬未結各案應辦者依限詳
辦應釋者取保開釋各州縣陸續稟報遵行雖才具短
長不一尙不至延擱不辦其候質之人分別取保候訊
並非概行羈押並嚴飭各州縣清查監獄羈所勿令禁
役勒索凌虐曾經委員密查分別懲儆尙無十分荒謬
情弊署臬司沈康保到任後仍不時嚴加查催惟州縣
斷不能人人勤明差役更不能忘情訛詐惟有隨時密
訪隨事重懲有被控及查出者不稍寬貸或可獄少冤
民此又非章程文檄所能為功者也據該司道等先後

查明議擬分別稟覆前來臣等伏查此次飭查各節以

梧州經費為最要此事前曾經言官論及此次奉發一
片一摺皆論此事其為病商厲民亦可想見此次臣之
洞委員往查書巡等許以重賄加以恐嚇該委員堅拒
不聽因遂造言傾陷希冀撤回臣等察知狡謀不為所
動然則積弊之深澈查之難更可概見現經裁撤經費
局革除廠書籤手裁減公費禁止節壽改章立案勒石
永遵當可於恤商保餉均有裨益丁憂梧州府知府梁
俊未能禁止書巡多取病商迭經飭查復不行據實稟
明查禁節費充公咎無可辭惟經費局歷經相沿弊端

張文襄公全集

卷十五

奏議十五

罕

積重已久未便專責一人致有偏枯且該府平日居官
尙能辦事似可量予從寬相應請旨將梁俊以同知降
補以示薄懲其嚴禁藩署書吏盤踞把持以及整頓釐
務清理訟獄各節均係實在情形至光緒十年梧州解
存公費臣秉衡與西藩臬兩司鹽道俱係存局充公並
未移作私用臣秉衡上年先已奏明提作賑撫水災之
用在案十一年臣秉衡等公費亦已遵旨提解再此件
因臣等六次委員密查始得查核詳實且須察度情形
會商定章是以覆奏較遲合并聲明
旨另有旨欽此

張文襄公全集卷十六

奏議十六

停止沙田各捐摺

光緒十二年三月二十一日

竊臣等於上年十二月初二日承准軍機大臣字寄光緒十一年十一月初七日欽奉上諭御史熊景釗奏粵東沙田派捐請飭裁撤一摺據稱該省派收富捐房捐牙釐捐及魚肉油酒等捐並徵收沙田苦累小民等語該省前因辦理防務徵收沙田捐輸現在防營漸撤用款較減著將此項捐輸即行裁撤此外因辦防新增各項捐輸並著一律停止以恤商民至沙田升科一事正

張文襄公全集

卷十六

奏議十六

一

張文襄公全集卷十五終

張文襄公全集

卷十五

奏議十五

聖

賀縣林世燾校

賦攸關豈容奸民蔽匿迭經戶部奏催辦理著該督撫督飭所屬查明已升科若干畝未升科若干畝即將未經升科之沙田迅即確查妥辦並著將辦理情形詳晰具奏將此各諭令知之欽此仰見 聖主軫念民艱培固根本之至意曷勝欽服當即恭錄行司欽遵辦理茲據署廣東布政使蕭韶詳稱粵省庫儲支絀用項浩繁久已入不敷出自籌辦海防以來需費尤鉅內防各口外撥四鄰無一而非鉅款無一稍可緩圖不得不取資商民多方補綴統計自光緒九年以來粵省辦理各捐大率有五一曰沙捐一曰紳富捐一曰停止防費改抽

之牙捐一曰房鋪捐一曰當捐其沙捐一項查粵省沙田利息最厚弊端最多斥鹵久熟不肯補升溢坦日增終不首報同治五年原辦升科儘呈報之數勘丈於同治九年停止光緒十年春間前督臣張樹聲暨臣文蔚因籌辦海防查知溢坦未報斥鹵未升者尙多援照成案改辦沙捐以期簡易臣等於光緒十年八月曾專札切飭司局議辦升科請給部照爲正本清源之策並舉臣之洞前在山西辦理豐甯馬廠官荒升科發給部照民情樂從成案爲據迄以防務倥偬清丈無暇司局未能定議查光緒元年二月成案沙田一畝捐銀二錢沙

張文襄公全集

卷十六

奏議十六

二

田業戶類皆富紳大戶連阡累陌此項捐數甚微絕無苦累從前未辦防務此項均能樂輸此次照案辦理並未創立一法多抽一文察看輿情似無窒礙上年西北兩江雨潦爲災新會香山等處並未成災然亦間有漲溢被水之處經臣等當卽批示立免捐抽有案故光緒十年所收十四萬餘兩十一年祇收十一萬餘兩此辦理沙捐實無苦累小民之實在情形也紳富捐一項係於光緒九年海防緊急粵省各官公議捐廉充餉以爲紳富之倡官捐至五萬九千兩各處紳民食毛踐土具有同仇報效之忱自亦未便阻遏亦經前督臣張樹聲

會同臣文蔚奏准辦理其書捐則由各紳富自行酌量認繳仍照章請獎貢監封典虛銜臣之洞到任旬日卽與臣文蔚會商於光緒十年六月刊發明示曉諭各縣所有紳富捐悉作爲團練經費自捐自用自衛身家不以提充省用前委勸紳富捐各員卽行調回責成地方官會紳勸辦然多有家資數十萬以至百萬並未輪納分文者亦皆聽其自然不便抑勒且自光緒十一年春間起卽罕有書捐僅有收繳故以粵之富甲東南除捐項留充團費外僅據繳捐銀十五六萬兩以之支發鄧安邦所謂東莞新安團勇及添補各團軍火軍裝之費

張文襄公全集

卷十六

奏議十六

三

不敷尙多此歷辦紳富捐之實在情形也牙捐一項本於光緒十年四月抽收海防經費成案查從前海防經費係愛育堂商董勸辦卽在各行戶中自行抽繳每年認交銀三十一萬餘兩經前督臣張樹聲會同臣文蔚奏明在案嗣因收繳未能如數而防務益緊需款繁多因思定一抽收章程以免推諉而期推廣查粵省貿易向章買主每兩扣平三分名爲九七銀水令買主補足十成實價於此項三分補平之內抽繳銀二分四釐餘六釐以給行戶謂之九七補平捐因端緒煩瑣且不欲官吏經手仍歸行戶承辦故亦稱爲牙捐亦經臣等於

上年九月奏明在案計自設局開辦以來臣等隨時稽察多方防弊嚴札手書面飭切責殆難殫述章程未周者隨時更定局員辦理不妥者經臣等於光緒十一年八月奏參通判陶家馥縣丞張正容從九品符國瑞等三員節次撤換八員商人有違章多抽者亦隨時斥退查辦具有案牘統計省城附近各行認定捐款通年可收銀七十萬兩已收者四十萬兩隨時充支防餉若省外大縣巨鎮酌量添辦數處計所收不止百萬原議本擬俟收繳一年後得其實數若何確知其利病所在或改爲官督紳辦或酌設官牙行請頒牙帖令牙行經收

張文襄公全集

卷十六

奏議十六

四

以杜外行商人冒承中飽之弊至魚肉各捐並未抽收鮮魚一行實係大宗從前曾抽坐賈釐金後經停止此次並未捐及省城官商所萃每日屠行所售猪隻總在三千以外銷流極大從前亦有屠行猪欄坐釐亦經停止卽如四川省向抽肉釐爲通省夫馬三費等局專款近年因海防需餉加抽肉釐復增鉅數此次牙捐屠行猪欄本擬仿照川章議抽嗣因行欄爭承並未舉辦油酒本係商業大宗權酌之法古今不廢卽係牙捐之一端並未另立專名此項鉅款終以中飽難防恐爲民累因將牙捐一項於上年十二月刊發告示概行停止此辦理

牙捐係由舊案海防經費一項改抽並未開辦魚肉捐亦無另辦油酒捐之實在情形也房捐一項始於光緒十年查粵省房租一項實爲富戶貨產大端其時外警日間匪徒蠢動西關及城外紳民僉請募勇巡護因與局紳籌議於省城關外河南三次關開繁盛處所令業戶捐房租一月四鄉皆未捐抽官收七成民留三成以爲局費除省城外令各州縣查明情形酌量勸捐嗣據各屬稟覆情形不一每縣或捐二三千兩或數百兩勸辦者止有數處當察其不易舉辦卽令外屬勿庸辦理計收到者則以支發西關沙基巡勇及東莞新安南海沙

張文襄公全集

卷十六

奏議十六

五

灣等處調防團勇及添補各團軍裝閱團犒賞各費計省城及外屬零星數處僅收銀七萬餘兩卽行停止所辦未及百分之一且僅捐一月似尙無傷此開辦房捐抽收無多之實在情形也此外有原奏未及之當捐一項查當商本係殷富之家各省遇有籌費之舉勸捐當商事所常有無關大衆商民光緒九年前藩司剛毅任內令每當舖一家捐銀一百兩未經議獎亦未收齊此次勸令當舖報捐監生上等者捐監二名次者捐監一名移獎子弟者聽列入上等者僅止十分之一二數甚輕微又有獎敘仍懷觀望收繳無多此歷辦當捐之實

在情形也以上沙捐富捐房捐牙捐統計四項捐輸於上年秋冬間先後一律停止兩年內共止收銀約八九十萬兩較之道光咸豐年間粵省每有軍需要款紳商捐助動逾二三百萬實相懸殊蓋雖當防費窘迫之時必以固結民心爲計粵省籌餉未能擴充實由於此且其中以之支發團費巡勇者居多仍係民間自用至沙捐停止改辦清丈升科誠爲至計惟經費先需鉅款約計一二年後方能見效而目前來源已竭出入相懸甚鉅京協防餉洋款三大宗未知如何措付若不另行籌措必致貽誤匪輕難當重咎容再體察情形趕緊設法

張文襄公全集

卷十六

奏議十六

六

詳請奏辦以濟眉睫之急等由詳請具奏前來臣等伏查粵省歷年開辦諸捐實因防餉緊急萬不得已暫行設法抽繳悉經熟議酌辦未敢稍涉病民沙捐富捐皆有本省成案富捐尤係各省通行皆係勸之巨室殷商與小民絲毫無涉且係聽其自認數目核給獎敘勸諭之時隆以禮貌寬其限期但有渾涵並無抑勒牙捐係本之行戶防費成案稍爲變通隨時查禁房捐乃係僅抽一月業租藉充團費且未全辦似均不至苦累除當舖捐監能否隨時勸導應聽各州縣酌辦外其餘各項皆於上年六月撤防以後以至年底陸續停撤竊惟籌

餉之策何一非取資商民但使事在可已自係少一捐卽省一累無如海防緊急之際遠則瓊廉潮各口近則省防六門處處可危假如力絀防疎敵船闖入稍有不虞土匪乘之各屬騷動卽就廣州屬六大縣而論其時濱海紳富商民所耗失貲財當不知幾千億萬是以每遇籌款之舉皆係采集各官紳條議由前今司道等覆加酌核籌商累月始定一議凡係違道病民者立加駁斥卽如參將鄧韞輝因出位言利經臣之洞於光緒十一年八月奏參革職在案臣等皆係書生於宏才遠略則自愧不能至於恤民固本之大經則刻刻講求以爲

張文襄公全集

卷十六

奏議十六

七

首務綜考前年海防有事以來開源節流諸大端深費部臣籌計兩淮則抽捐川鹽湖南則鹽斤加價江蘇則開辦牙帖四川則加抽肉釐臺灣則派各縣捐輸數至百萬此皆見諸邸鈔以及各行奏牘至於髮捻滋事以來除四川常年按糧捐輸百餘萬不計外湖南之西征協餉係於釐金內帶抽五成江蘇之畝捐捐捐門捐釐金內加抽二成善後浙江福建之絲捐茶捐山西之富戶捐輸此外各省之一切捐款廣東之厯屆籌捐其爲藉資商民情事一轍歷來督撫統兵大臣奏牘所謂籌款無非出之捐抽粵省舊案現章收數用款未能人人

深悉以致局外之人及過客游士但見名目較多以為皆係創舉苛派傳為苦累小民臣等悚愧交集寢饋難安自應遵旨一律停止現在並無絲毫捐派有礙民生之處堪以仰紓宸厯惟餉源已竭出入相懸本年正月奏留闈姓捐款摺內核計已短銀二百餘萬兩近又加以節次部咨駁催指提補解新增京外各餉暨未准湘餉未經議定之寶源洋款並運庫不敷竟短至三百數十萬兩計境內境外省外水陸裁汰至一百餘營節省不為不多現擬遵旨開辦沙田升科照章清丈但非一二年內所能收效洋款既有必還之期部檄屢增

張文襄公全集

卷十六 奏議十六

八

嚴解之款現在三路辦匪瓊州勦辦客黎及舊日水陸巡緝之兵不能盡去礮臺海口軍械一切善後之計不能盡蠲流已無甚可節源亦難於再開臣等與司道各官日夜焦灼不知所以為計如籌有妥善辦法無損民生復能有益國計再當奏明請旨辦理

旨戶部知道欽此

懇恩續假摺 光緒十二年三月二十一日

竊臣以病軀不支難勝疆事於上年十二月具奏懇恩准予開缺回籍調理本年二月十七日差弁回粵齋回原摺後開軍機大臣奉旨著賞假一月毋庸開缺欽此

跪聆之下感悚莫名當即一面經理職守一面設法調治冀得就痊無如經月以來政務之繁愈甚舉凡規畫善後督察盜案部署匪鄉裁汰諸軍綜節庫款核催圍工籌畫沙田懲勸將吏料理一切交涉事宜千條萬緒紛至沓來無一非棘手之事無一有可循之例加以痼習太重曲折太多急之則焚緩之則玩每有一事無不煩屢次之文牘語言然人才止有此數又不便操之過急而廣東撫臣適在假中臣督率司道鎮將各官籌思經營并會商東西兩撫臣辦理其接見僚屬鈎考案牘仍復夜以繼日寢饋不遑並無片刻休息之時故轉瞬

張文襄公全集

卷十六 奏議十六

九

匪月病體仍未輕減惟聞近日各省疆臣引病者較多未敢遽行瀆請惟有仰懇天恩再予賞假一箇月俾得加意醫治其地方政務仍當力疾辦理俟屆時揣度精力是否尚能支持再當據實上請

旨著再賞假一月欽此

籌設鎮缺摺 光緒十二年三月二十四日

竊惟廉州府境處廣東極西南隅之地南臨大海有北海龍門兩口所屬欽州西南界越之海甯府西包中越交界之分茅嶺三不要等處大山西北接廣西之士思州土思思陵兩土州皆有通越邊隘所屬合浦北接廣

西之博白所屬靈山北接廣西之橫州皆為積匪好亂之處該府陸路營汛歸高州鎮轄水師有龍門協兩營歸瓊州鎮轄查高州鎮統轄高廉雷羅四府州營汛駐劄高州府自北海通商華洋紛錯廉郡已為要衝越事既變廉屬遂為外洋入華北岸水陸第一道門戶高州鎮總兵常年帶兵駐防北海兩年有餘不能旋署而高州鎮轄境遠及羅定西北一帶與廣西之岑溪容縣北流陸川博白等縣壤地相錯均為伏莽所在高郡本屬電白信宜等處向多會匪光緒八年十二月會匪莫毓林等謀為不軌雖經撲滅餘孽至今未淨該鎮若常駐

張文襄公全集

卷十六

奏議十六

十

廉郡則於高羅等處腹營邊備鞭長莫及若仍駐高遙制其餘礮械臺壘港口等事斷不能并力經營且防海之要尤在水師而龍門協水師副將隸於隔海之瓊州鎮呼應不靈今昔情形緩急迥異審度時勢必宜變通前奉光緒十一年七月初五日寄諭令臣之洞與西省撫臣籌議鎮南關邊防事宜添設提鎮扼紮重兵仰見朝廷慮念邊疆因時立制之至意臣等因將東省邊情營制與提鎮司道等集議詳籌僉謂廉欽設防在今日極為喫重然形勢必取近便水陸必須兼資宜分高州鎮所轄白石城縣以西之陸路各營瓊州鎮所轄自海

安所以北之龍門協水師兩營專設一鎮駐劄廉州但高州鎮屬各營撥出既多轄境過狹而陽江鎮事務較簡宜分陽江鎮所轄自陽江廳以西之沿海水師各營撥歸高州鎮自陽江廳以東之赤溪協亦仿香山順德水師各協營之例自為獨營庶幾輕重相宜遠近相等擬請於廉州特設總兵一員名曰北海鎮水陸總兵駐劄廉州府以廉州營遊擊為北海鎮標中軍兼左營遊擊陽江鎮左營兵數較多陽江鎮右營既有都司復有守備同駐電白縣城應移右營都司駐廉州府城為北海鎮右營都司即撥陽江右營兵二百名並撥陽江左

張文襄公全集

卷十六

奏議十六

十一

營兵二百名隸之陽江鎮左營遊擊改為陽江營遊擊尚存兵四百二十餘名陽江鎮右營守備改為電白營守備尚存兵三百一十餘名其龍門協副將兩營欽州營參將雷州營參將均歸北海鎮統轄石城縣為廉雷兩府往來之道應將向駐石城之化石營都司改為石城營都司隸於北海鎮化州距高較近仍應屬高為便應將化州城守千總改屬於高州鎮右營都司靈山縣為廉郡北門兩省商旅要道匪多俗悍素患空虛查羅定右營都司駐新興之河頭汛事少兵多雷州右營守備駐遂溪之白沙塘地僻事簡應移該守備為靈山營

守備即撥雷州右營兵一百名并撥河頭汛兵二百名
隸之屬於北海鎮左營遊擊河頭汛尙存兵二百七十
餘名雷州右營尙存兵二百六十餘名令歸雷州左營
守備管轄北海商埠日盛交涉事繁且有稅關釐局防
護宜嚴應移龍門協右營都司并所屬弁兵五百四十
餘名駐防北海并分防濶洲墩仍歸龍門協管轄計北
海一鎮統轄本標中軍兼左營一遊擊右營一都司水
師龍門協一副將陸路欽州營雷州營兩參將石城營
一都司各營地皆濱海該鎮居中控馭形便責專并擬
請將陽江鎮裁省併入高州鎮亦改爲水陸總兵以陽

張文襄公全集

卷十六

奏議十六

三

江鎮所轄之陽江左營遊擊吳川營都司碣洲營都司
分防電白之陽江右營守備併歸高州鎮統轄陽春營
守備駐陽春縣向隸肇慶協副將該縣距肇慶甚遠中
隔新興大嶺地形插入陽江廳羅定州之間數百里應
將陽春營守備改屬於陽江營遊擊亦統轄於高州鎮
計高州一鎮統轄本標中軍兼左營一遊擊右營一都
司陸路羅定協一副將水師陽江營一遊擊吳川營碣
洲營兩都司電白營一守備本轄氣勢較爲團結且高
郡距廉較陽江爲近一旦海防有事與北海鎮易於呼
應其陽江鎮所轄之赤溪協副將水師左右兩營距高

遠而距省近應改爲獨營徑隸於水師提督至於洋面
責成水師各營尙有分地統鎮雖改地段仍舊毋庸更
定其北海高州兩鎮巡洋事宜應照向來水師總兵巡
洋班期辦理似此一轉移間將弁額兵並無增益而廉
州設有重鎮則可專力籌防高州鎮屬地勢緊湊則可
便於調度既無東西兼顧之慮亦免邊腹偏重之虞據
陽江鎮總兵黃廷彪署瓊州鎮高州鎮總兵張得祿藩
臬運三司督糧道會議稟詳並准水陸兩提督咨覆前
來臣等伏查今日之廉州邊海交衝實爲粵省重鎮該
鎮既不能暫離防所復不能遙控高羅建設專閭洵爲

張文襄公全集

卷十六

奏議十六

三

要圖不兼水師亦多窒礙而高州鎮遠防廉欽實不如
近扼吳電陽江鎮屬境既狹卽毋庸自爲一鎮若照現
議裁併改撥則北海高州兩鎮均有海防之責地勢環
接控扼易施水陸兼轄洋防易固實於內鎮外防均有
裨益謹繪具圖說恭呈御覽伏候聖明裁奪敕部速議
施行其未盡事宜容俟奉准後續行議奏
旨兵部速議具奏圖併發欽此

陳明廣東洋務情形并委蔣澤春兼辦片

光緒十三年三月

四月二十

再前因粵省洋務過繁遇有要件須先派大員與之辯

論方有層次經臣奏奉諭旨派委兩廣鹽運使瑞璋兼辦洋務在案瑞璋旋經升授江西按察使離粵上年十二月間出使美日秘國大臣張蔭桓道出粵省面語臣云廣州法領事法蘭亭向該大臣稱遇有要事如臣未暇接晤只須擇一可以商酌定議之人與之商辦亦可等語是各國領事但求有人與之接見爲彼了事卽臣不常與見亦尙無妨查署兩廣鹽運使蔣澤春明亮老成凝重得體經管此事必能妥協現擬卽委該署運司辦理洋務要件仍由臣授以大指窾要令接晤後稟覆由臣核定不過取其免來屢瀆且可商度詳審易於轉

張文襄公全集

卷十六

奏議十六

十四

圓如察其情形緊急非面見不可臣卽立于接見大抵交涉之事不能不辦而操縱之權不能不施查領事職分本卑介乎官商之間西洋各國於此等人員待之與他項職掌之官有異各國公使方與中國大臣督撫敵體領事分際本殊祇以近年洋人深悉中土虛實狡妄日甚兼以廣東向來於交涉之件過形遷就是以愈久愈肆瀆擾不休每隔數日必來一見驕蹇不遜要求無厭無論極瑣細不情之事一來函牘卽須應允卽須速辦其函牘之語無非凌侮挾制之詞幾非敵體故論廣東洋情不特非各國交際之常例且亦爲中國各口岸

領事之所無一切商務居址交際游歷逐漸侵占任意踰違不合條約明文亦無奏咨成案此類甚多祇因洋人暴橫歷任疆臣恐生枝節諸多隱忍以至今日其已往之失已難追改而日熾之徵急宜防維自臣到任後待之稍加嚴重其妄干者明予斥拒失禮者卽駁詰其函牘之無禮過甚混瀆不休者則置之不答然亦每

張文襄公全集

卷十六

奏議十六

十五

聽悟之時臣遇有應告知該領事之事或派地方官或派局員或派司道或另派委員或約之使來或令委員作函與之並無一定彼亦積久相安近來似覺稍爲安分函牘措詞亦漸謙和故英領事會屢次自赴釐務局商辦各事或自尋晤洋務委員商辦一切均不盡拘歷年體式竊思此次派委運司蔣澤春辦理洋務似總理衙門竟可勿庸知照該國公使待其來署詢問卽告以此事粵督已經奏明粵省洋務仍是粵督辦理此不過多委一大員可以時常晤商免致耽閣之好意彼自無詞蓋預先知照則彼將以爲專待該使商定或反刁難若徑由臣酌辦則彼自氣沮至於交涉各案經臣駁斥者如英商德喇吉私販爆竹案漏越釐金訊詰詞窮領事嘉托瑪認錯罰銀並函稱該國公使屬向臣致謝番

禹縣民崔七順德縣民鍾評山等假冒洋行案搜出洋文合同洋人當現津士等親寫悔狀英領事韓仕認錯願聽封禁南海縣民何回生私販火水油被緝案冒稱英民洋行藉傷訛詐勢甚洶洶經臣駁覆傳訊旋據該領事嘉托瑪照會報何回生病故英國貴翰輪船在澳門外洋面被劫案領事費里德函索郵銀意在責賠臣正言拒之而止高要縣英國教堂被鬧案經臣飭縣查結領事費里德來函現據教士查出教民辛炳南去年所報失單數目鉅而且虛已將辛炳南斥出不准在教內理事請予銷案德國領事穆麟德借輪向肇慶頂符

張文襄公全集

卷十六

奏議十六

六

山遊歷經臣駁以條約所無穆麟德復以前任常借有案盛氣強索臣駁以前任錯誤本任不能照辦遂即中止至前年法國教堂間有被閒人滋鬧損失各案法領事師克勤初到粵時文牘索賠責令委員會同教士查辦其勢尤爲狂悍經臣直言開戰以後之事例得勿論無可查辦其公使在京瀆擾經總署力斥其妄數月來遂已寂然若能始終堅持彼斷無理可說以上各案其先皆甚橫肆似乎事在必行及經多方折駁亦遂默然轉圓大抵臣體察在粵洋情徇之則驕折之則謹還刁蒙混得步進步與中華之奸商訟棍略同所言固亦未

必可信所求亦未必期於全予准行在粵省則扛攬私貨香港則包庇私鹽無非得規漁利既違中外約章亦犯該國禁令蓋洋人來粵最久譎猾尤甚迥非早年初通中國之洋商及目前在其本國之西人尙略有守信質魯之意粵地華洋相習但餌之以利洋人亦往往肯爲我用即如前年去年法氛未息之時有一香港法人時爲我密報法人動靜情形十得七八年來有英人謝耳仕美人士邊臣皆爲釐局作綫引擎私貨私土故粵省之探測洋情亦較他省爲稍易馭之道所求事件有理者力認辦妥不必推諉不待催促無理者直言拒

張文襄公全集

卷十六

奏議十六

七

駁亦不周旋若再瀆擾則竟置之不理百折不回彼雖島夷亦有政體公論彼雖強悍亦有形勢牽掣兵餉不便之處斷不能因無理細故輒啟衅端領事無理生事亦斷非其國外部之意彼看無可如何自然消沮歇手而尤在日夜孜孜經營戰守講求船礮使彼知我時時有不忘戰事不甘隱忍之志則可省無數口舌波瀾此尤無形之折衝探源之因應粵省洋務確係如此情形他省口岸洋情似亦相類總之臣承乏海疆自當上稟朝廷懷柔之略隱折他族侵凌之燄既以防微杜漸亦即以息事安人惟有量力審勢妥慎辦理若故與海外

諸邦違約逞忿致挑衅端臣固有所不敢若遇華洋商民交涉事件強詞偏袒自處於曲致失我國家大公同仁之政體臣亦有所不為凡所力持嚴拒者要皆於理宜爭於約不肯於勢可行之端斷不致自生枝節上勞宸慮

旨覽奏均悉尋常交涉事件可由該督派員晤商至事關緊要及領事初到請見仍著該督與之面晤免滋藉口該衙門知道欽此

光緒十二年
四月十六日
瀝陳華僑被害粵省辦理情形並請敕催懲辦摺

張文襄公全集

卷十六

奏議十六

六

竊臣於本年二月初四日准總理衙門電稱本日奉旨倫敦電報華民在美被害中國索賠總統却之粵督電致駐美大臣謂將報復等語美使田貝歷次照會均允擊人究辦現亦以前信來問閩粵華民在美甚眾若該督果有報復之語恐粵省人民藉端滋事或波及別埠洋房必致枝節橫生難於收拾儻係好事之人播散謠言該督必應實力查禁美國向係真心和好此次照會詞亦恭順切不可因此開衅究竟該督有無此說并著先行電聞欽此臣當即將粵省辦理情形遵旨由電先行覆奏在案此事先於上年十月初七日准出使美國

大臣鄭藻如來電內稱現有焚殺華人案向美議辦請查沙面案內償美銀數等因當經查案電覆並囑其須照本案華民所失之數賠足務宜財命兩究迨本年正月十七日香港東華醫院接舊金山中華會館電報云及華民財產被毀五十餘萬傷人不少商務大礙並接甯陽公司電報略同囑醫院將此電刊布並致信省城愛育堂紳董勸阻華人切勿再往該埠華人頗多粵籍粵省既聞此信眾憤洶洶爭欲攘臂生事臣立即密飭愛育堂及東華醫院各董事申以手諭責令開導阻止略言朝廷保護粵省催辦以緩其鼓煽之勢又云美國

張文襄公全集

卷十六

奏議十六

九

懲禁美匪傷斃以平其結轡之怒又云仇衅若遂大作華工必全被害以怵其生事之妄而動其卻慮之心責令遇有紛傳務各妥為勸解仍密飭地方文武揭除傳帖隨機防阻蓋當眾怨沸騰之際若文告禁令但有督過粵民之詞而無究治洋匪之事必至激而愈憤立生事端沙面一案可為前車之鑒時美英兩領事疊來文函請為彈壓法德領事亦有照會意甚悚急流言旋即停歇街市安謐如故美英領事均具牘致謝察其詞意美領事喜出望外先是金山電到之際臣一面電奏一面電鄭藻如詞意略同大指皆言粵動公憤洋商悚懼

囑使臣力商美國保護懲禁得該使臣一電可宣示息事等語倫墩電報所載粵督電美謂將報復等詞此由華洋文字屢繙易誤金山事起以後洋人在粵者自知理屈皆有戒心因懼生疑傳謠失實倫墩原電載入香港日報美英領事據以來詢當即正言答復並囑英國當自禁謠傳美國當力籌保護以敦睦誼而昭平允伏思我聖朝仁聲義問普浹遐荒亭育蒼生詎分倫類臣忝守封疆奉宣德化如彼殘害華民其國官吏助惡萬難容忍惟有奏請執約公評甚至閉關絕好交鄰制敵自有正道何至以血氣之尋仇作安攘之上策至近日

張文襄公全集

卷十六

奏議十六

三

粵省民情靜謐似不致另生枝節堪以仰紓宸慮臣仍隨時密飭防範以免他虞惟是近又據該埠中華會館紳董商工人等寄到公稟數件蓋有商號廣聯興等一百六十七家圖記託愛育堂紳董來臣衙門投遞懇臣代為轉達其中備言焚劫殺逐種種遭害臚列各案內如光緒十年十二月間天李架埠一案焚鋪逐商劫財七萬餘元十一年七月二十五日洛市丙冷埠一案慘殺廖臣頌等二十八命傷十五人焚毀鋪屋財物值十四萬餘元七月二十八日舍路埠一案慘殺莫月英等三命焚燒煤廠約值數萬旋將華人盡逐八月十一日

倒路粉坑一案枉殺李駒南等五命九月二十八日喊罷埠一案焚逐失財數萬十二月初四日尾矢近地一案慘殺伍厚德等二命皆為無辜被匪殘害歷赴洋官控告有案其餘密謀殺害不可勝紀以致卓忌埠禮靜埠則有被逐之事興當埠杯市埠喜路卜埠鈴近埠匿架市埠洒市地埠鉢倫埠云乃埠坎下埠古魯姐埠粒卜綠埠亦皆有定期議逐之事其金山大埠華民住房則有十苦之訴洗衣裳館則有六不近情理之訴統大小各埠工商人等則有七難之訴所謂十苦者金山大埠住房每人限地八尺不足八尺者查拏監禁謂之拏

張文襄公全集

卷十六

奏議十六

三

房拏房之苦計地少絀同居概拏一也監後寓財盡竊無追二也回華有期暫寓被禁三也到埠資乏借寓亦拏四也畏捉夜行即街被打五也工藝出監無處備食六也監房地狹疾癘益增七也入監勒銀始任贖出八也監鬱鬢亂被剪違制九也昏夜巡查破廳越屋十也所謂六不近情理者洗衣館八九百間木樓木屋歷數十年乃借防火私擅勒令改建甄樓鐵門既非美廷所命別處又不一律一也拆改不獨勞費工眾無處容身二也甄鐵本重租貴主客兩受其害三也曬棚謬謂惹火別處樓棚更多四也任意拏人罰銀被擾至數百間

五也洋館木樓曬棚何以不用此律六也所謂七難者一爲欲守業之難二爲欲拒匪之難三爲求保護之難四爲居散埠之難五爲居大埠之難六爲業工者之難七爲業商者之難等語查該埠會館來稟係填本年正月呈遞正月以後情形亦恐不甚懸殊今粵東眾憤經勸導而暫平海外遺黎積煩冤而莫訴湮塞之極易起他端不於粵中亦必有在臣既據出洋粵民呈遞公稟不敢不據實瀝陳上達宸聽爲民請命竊思金山各埠始則利華民之工勤價省多方招徠開鑛修路諸工美商藉華工以獲利者不知其幾千億萬乃因埃利士黨

張文襄公全集

卷十六

奏議十六

三

人嫉妬把持合謀驅逐殘毒焚掠以奪其貲財勒逼行主辭用華工以斷其生路華工既無生計華商亦遂貽折窮蹙留不能留歸不能歸保護亦無從保護情形實爲危慘假如將此十餘萬華民盡行驅歸中國沿海各省何處容之既屬可閔亦多隱憂此外南洋諸埠設皆踵事效尤何堪設想美與中國雖無嫌隙但此事係由美境土人專利而起其視華工究不免稍存畛域且該國官員近亦多有埃利士黨人在內故多設苛政幸災助虐實有此情幸蒙聖恩令總署詰其公使使臣責其外部美國總統及其議院始漸籌議護禁疊接鄭藻如

電言美已調兵緝匪斃匪一名傷數名議院多願照賠洛士丙冷案可望賠足餘案催賠未定議各等語近日凶燄漸息大有轉機鑿崙等埠兵仍未撤臣復經屢電懇其催辦以安粵人昨美使田貝到粵臣極力優禮款接卽與直言美應緝匪賠資永籌保護並告以粵待美商如此優厚美國何以如此虐待華民囑以彼任保護華工則臣任保護美商若不能辦好地方官雖嚴法懲禁人心終不悅服於美國商務處處有礙且各國傳播皆謂美權不能禁制匪徒既於該國聲名大損匪黨把持工作勒價生事亦於該國商利多傷該使臣甚爲欣

張文襄公全集

卷十六

奏議十六

三

感且有慙歉之意大利陳中美素睦該國現正極力懲護必有公平辦法並云美已獲匪七人尙未訊定訊明卽須辦罪又託其電催外部該公使覆云已經發電各等語查新任使美大臣張蔭桓甫經抵任鄭藻如與該外部議辦多日已有端緒若原議之人與之辯論彼外部自難翻覆近於三月二十七日電奏請救鄭藻如暫留美國會同辦理保護華民各案旋接總署二十八日覆電本日奉旨張之洞沁電已悉洛士丙冷案尙未定議張蔭桓到後著鄭藻如暫留會同經理將從前各案議定善後章程再行回華欽此當經電達鄭藻如欽遵辦

理臣愚以為此事關繫甚大若辦理得法從此重溟黎庶皆獲安全拯之於水深火熱之中庇之於高天厚地之內聲靈愈廣人心愈固於大局甚為有益不獨金山一埠為然更不獨美國華工一事總之緝匪賠資善後三事缺一不可且察今日事機情勢三事皆所能行而緝匪為尤要查沙面一案僅燒洋房十四間而償款至十七萬今金山殺掠重情過之十倍若彼不認真懲辦太為不平以後交涉事體愈難措手此次田貝徧行各口察其來意即為察看各省華民是否與美商尚能相容意頗惴惴體察各國洋報議論及美國情形甚恐中

張文襄公全集

卷十六

奏議十六

五

國因此與美失和頗欲善了蓋中華斷無報復之舉而美商切己各國旁觀則實有恐動公憤彼此互相抵制之勢是以美國前與中國訂續約之大臣安杜盧及根省大書院皆痛責美國官吏不能保護不速賠償之非力勸執政按理照約速為辦理刊諸紐約日報足見公論大同理直勢順惟該國匪黨過多美官難免袒護若非朝廷極力責讓則彼亦遂聽其自然能緊一分則必有一分之益合無仰懇天恩敕下總理衙門照會美國駐京署使臣電催該國並電敕鄭藻如張蔭桓力詰外部務將以上焚殺搶逐各案應抵者議抵應償者追償

應緝者速緝應卹者給卹迅速澈底嚴辦并請美總統特頒明文惋惜不得以酌償十餘萬監禁七八人含糊率結總期已死之數十命已失之數十萬資財不致歸於無著此後之工商物業如何調護保全務令遵約照最優之國一體相待一一會商妥辦俟各案緝賠一切善後俱有確實辦法妥善章程再令鄭藻如同華則六合以內戴德嚮風永沐皇仁於無既矣
旨該衙門知道欽此

駁斥法領事索賠銀兩片

光緒十二年四月十六日

再法領事師克勤上年回粵後來文請委員查辦教堂

張文襄公全集

卷十六

奏議十六

五

燬去各物當經臣函牘駁斥嗣該國公使在京妄瀆復經總理衙門駁斥在案昨又據領事法蘭亭照稱教士教民被害共失去銀三十八萬餘元係光緒十年十一年之事因地方官未能實力保護開到失單三十三張請委員會同辦結等語查該領事所請謬妄已極無論損失甚微捏造虛誕即使真損鉅萬亦無向中國饒舌之理當即照復駁斥略言戰後和前之事無可議辦無可歸結該國在粵領事人等仰賴我皇上無外深仁粵中文武各官奉宣德意粵民遵旨守法該國官商教士身命物業始獲瓦全今不知上感聖恩下謝粵民復為

此請實屬不合情理如必欲糾纏前事則辦理海防以
來中國各路兵費及稅釐短收爲數甚鉅然此係國家
款項不肯與鄰國計較即專就商民言之閩臺浙甯商
民傷損何限然此係他省亦姑置不論即專就粵省言
之據黃海之渡船封北海之商口岸潮廉瓊道路梗阻
貨物停銷合計廣東各口商工船漁共虧折銀約三百
八十萬兩須先將此項查辦歸結再爲查辦教堂零星
什物等語並將此事電告北洋大臣李鴻章請其告知
該國公使戈可當旋接李鴻章電稱調法蘭亭移閩派
白藻泰往粵係修好之意白謹慎和平必無此等惡習
張文襄公全集 卷十六 奏議十六 三

旨該衙門知道欽此
洋商夥串華民包送私貨請旨知照外洋約禁摺
光緒十二年四月二十六日
竊惟廣東華洋錯處河道紛歧向多透漏稅釐之事近
來每有無賴洋人勾串內地莠民夥同走私漁利歷年
課餉深受此累經臣飭令釐務局並南海番禺兩縣密
加訪查並由局僱用洋人謝耳仕潛爲耳目目前於光緒
十一年二月查出省城河南地方有假洋行六家均係
華民所開託名洋人以便走私包攬一名非亞協又名
非亞黑即番禺縣人崔七所開一名津士即順德縣人
張文襄公全集 卷十六 奏議十六 三

求一言爲介望善待之等語查核情形此案經總署正
言斥拒臣疊次痛駁法國已將法蘭亭撤調離粵白藻
泰復懇李鴻章先容是法廷斷無此妄想戈使已自知
法蘭亭妄索之非其氣已折其術已窮若永遠堅持自
然消沮廣西教堂甚多將來如亦有妄請臣與廣西撫
臣自當一律駁斥大抵兩廣洋務率皆類此各該國並
無生事之意各公使亦不敢遽設可行之想皆由領事
生端嘗試加以明駁力拒即遂寂然謹將此事駁復大
略情形奏明立案以備日後稽核除鈔錄節次來往文
函咨送軍機處總理衙門外理合附片奏陳

鐘評山所開一名羅法一名當現一名四丁利一名當
等當查確華民行主爲何人其當現一名聞別發覺懼
罪即於二月十二日赴釐務局親寫悔狀以後不預販
私之事非亞協一名經英人謝耳仕查出與華人所立
洋字合同備知受僱包攬之狀於二月十一日赴局呈
請約同委員勇丁往拏初至非亞協行遇有煙土二箱
到門知事敗露棄之而逃續至津士行經謝耳仕搜出
煙土多件計共煙土二百十四箱拏獲該行僱工華人
二名並提到中國字賬簿歷年走私登記不諱據該僱
工供稱津士實係受僱行主爲鐘評山販私屬實等語

因飭查拏崔七鐘評山二名將該行等查封入官迺署英領事韓仕以案情未實函請質訊當傳華洋兩造到案委員會同該領事訊問而非亞協避匿不到洋人津士與謝耳仕等對質供證確鑿的係包攬津士又請狀師來省意圖翻案洋狀師商釐又詢知原委不肯代管津士始願具悔狀息事所封假洋行疊據英美各領事信函照會懇請撤封給還均未之允彼亦無詞此以華行捏作洋行之實據也又於三月十八日經承釐商人王念供在城西渡頭緝獲自佛山運來之漏釐爆竹一百箱係內地剝船裝運並非洋船亦無洋人在船英領事韓仕照會以為係英商德喇吉之物當查炮竹係土貨產於佛山內地英商未領單不應免釐華商販運更不應漏釐曾經臣電覆公使敘明情節訊詰無詞嘉託瑪情願遵章繳釐認罰銀兩完案臣飭局從寬照准韓仕來函稱謝又於五月十七日戌時英人謝耳仕在關廠迤東一里有半之海幢寺以下河面拏獲走私洋藥八十件署英領事戈頒納來文謂係印度商法德嘉販自香港者報稅後四點餘鐘將運回洋行致被誤拏查此案是否走私總以被緝地方時刻為憑法德嘉洋行在河南地方名曰南記洋行與海關草廠相對若由輪

張文襄全集 卷十六 奏議十六 天

船馬頭起貨回行應自關廠對渡徑至南岸片刻可到乃此艇沿流東下已過該行渡口一里餘直過海幢寺而東且香港渡輪向來未刻到省即時起貨報關向例四點鐘收關若完稅後即行回省何至咫尺河面行至二三點鐘之久以致戌刻尚在下流迤東數里游弋其為包攬華貨偷漏釐金實無疑義先後傳質兩造初訊據法德嘉自帶來之證人艇戶亞瑞供忽云該艇在元壇廟被緝忽云在南記行尾已無一定又供稱被緝之時潮水已乾等語查五月十七日係子午潮卯酉退可見實係戌刻且眾供當日拏獲時天氣將昏到岸報局時街鼓已交二更城外更鼓向來較早夏至後初昏正是戌刻眾證確鑿法德嘉所言地面時刻均屬舛錯不符當初訊之後領事忽來函請將前後往來照會註銷欲以後一次彼造一面之供為斷臣飭該局仍執初供原證再訊亞瑞匿不到案另換一艇戶名亞賊者作證年貌不同即領事常來之書識跟丁亦僉稱非是復添出案外之印度人加蘭洽為證並以發貨單係法德嘉之貨且稱電報香港被緝時刻係屬酉初曉曉辨執查核香港貨單上寫加蘭洽寶號並無南記洋行及法德嘉之名香港電報局皆有洋人其發電底單係多日始

張文襄全集 卷十六 奏議十六 天

行呈出已難憑信且果係理直何以偷換艇戶該領事詞窮而去該領事忌謝耳仕爲我效力因向臣言謝耳仕爲人不端並來函言釐局不應用英人臣答以釐稅一理稅務司何以即係英人彼遂默然嗣於八月二十五日復有法德嘉私販洋藥被緝一案委員陳瑞濤亦在海幢寺下河面查獲該艇有單花大土九十件無印花白土二十四包法德嘉當即將無花私土拋棄水中經巡勇撈獲法德嘉始則詈罵繼則哀求將無花私土給還云此係他人之物並云給價贖還署領事嘉托瑪疊次函贖索還一味狡混凡粵省洋藥由民船入口兼

張文襄公全集

卷十六

奏議十六

三

有海關印釐局關防者爲雙花由洋輪入口只有關印者爲單花單花者完稅未完釐之物也無花者並無海關印花則直接漏稅之物也洋商固不必完釐洋商亦不應漏稅果法德嘉之物耶則漏稅應辦非法德嘉之物耶則不應代人護送法德嘉會說係他人之物是出頭護送已自承認正與不准洋商護送之條相背且現護實係大土九十件法德嘉稱係八十件其白土二十四包直不承認斷無巡勇獲少報多之理尤無已貨不知件數之理其爲受僱護送尤屬顯然本年正月二十七日英領事費里德親至緝私委員陳瑞濤寓所云該

領事已允法德嘉之求託陳瑞濤改換兩次原稟改說在海關馬頭緝獲而言在海幢寺下河面該員不允二月初三月初四日兩日法德嘉偕一印度洋人來見該員送給大土一件洋銀二百元力托代爲掩飾該員當即將銀退還將私土呈局現封存局庫以後法德嘉屢來尋晤該員費里德亦疊邀該員赴該領事署婉言有事商量該員來往有洋文信可據情虛賄囑可謂確鑿查法德嘉疊次以走私被緝皆早經派人查明實係華商之貨前案地面時刻不合後案件數包數不符而且悔匿吐實原證偷換要證洋商賄屬委員領事托改原

張文襄公全集

卷十六

奏議十六

三

稟種種荒謬實爲積慣舞弊之尤此以華販捏作洋販之實據也又於九月十九日承辦煤油局商人張紹英在省河緝獲走私油四十箱私船開槍拒捕先被私匪槍傷巡丁陳成馮載馮興三名墮水何亨一名旋格斃私匪李福生一名格傷何回生一名捉獲同艇李亞希一名奪獲洋槍刀械驗明巡丁火丁器物屬實英領事嘉托瑪照會以爲何回生何英明久居香港係英屬民何回生現開張太釐洋行應照英例辦理李亞希係該行僱工而何回生則供係南海縣人在太釐行充司事何英明即其姪李亞希亦供何回生係中國人並自稱

名李子敬係番禺縣監生並不名李亞希向充增沙鹽務司事此次係搭船到省並非何回生同夥而何回生據領事稱係洋行行主自供則稱係司事已屬矛盾冒充洋人固干禁令華洋合夥開行亦違約章均無一是查何回生元名何慎之一名何來一名何飛鸞係同知職銜現充上海招商局司事曾經左副都御史陳蘭彬奏帶出洋其時並聞新派使臣張蔭桓亦擬奏帶出洋並無英籍之說仍應照中國走私拒捕例科斷飭催集訊籌辦領事自知理屈於十月初三日忽來照會稱何回生旋已身故可見窘急搪塞此以華人捏作洋人之

張文襄公全集

卷十六

奏議十六

三

實據也查洋人在中國貿易係其本分茲乃勾串中國莠民假冒洋行販私射利歷年假行所漏釐金不知幾十萬疊經破案不知斂迹其領事復為之事後相幫架詞恐嚇撓我抽釐緝私之權從此內地奸民恃符妄行不肖洋商恣意包攬中國稅課釐餉豈復可問實屬違背條約有辱邦交其歷年假冒洋行所漏釐金應令賠還商民公論皆謂此由領事圖利包庇眾口一詞揣其無理干預會訊不公各情節難保其必無此事據釐務局司道前後查明具詳前來相應據實奏明仰懇救下總理衙門咨照出使英國大臣曾紀澤令告外部嚴禁

並知會該國駐京公使詰其歷年假洋行六家所漏釐金數十萬速議作何賠償囑其嚴飭現任領事費理德將法德嘉治以屢次違例販私之罪驅逐離粵曉諭各洋商不准勾串內地奸民犯法走私從前領事韓仕弋販納嘉托瑪失察假洋行屢次扛庇私販大屬不合姑念已經離粵應屬英使將該三員嚴飭記過如領事再違約包庇即行撤換另委正派領事來粵妥辦以為違約多事妄干權利者戒旨該衙門知道欽此

張文襄公全集

卷十六

奏議十六

三

張文襄公全集卷十六終

紹興孫家棟校

張文襄公全集卷十七

奏議十七

財政艱窘分擬辦法摺

光緒十二年五月二十二日

竊照承准軍機大臣字寄光緒十一年五月初八日奉
上諭現在海防善後用項浩繁必須通盤籌畫核實經
理方足以裕度支而紓國用各該省關每年所入之款
究竟實有若干其常年例需及現在添支防勇局卡餉
需薪水各款實在費用若干此後常年可以裁減歸併
節省之款若干各該將軍督撫監督等切實核計逐款
分晰開單限於奉旨一月內詳細奏報毋得稍涉含混

張文襄公全集

卷十七 奏議十七

一

藉詞延緩將此由六百里諭知各直省將軍督撫並傳
諭粵海關監督知之欽此當經轉行欽遵嗣因藩運兩
庫款項繁多其中有無可以裁省之款亦須行查登覆
前項款單難以依限開造奏明展限辦理隨准戶部咨
部頒冊式飭令造報歲出歲入係指已經開支之實在
數目而言五月初八日上諭係指十一年以後支款應
裁併節省而言本非一事飭於本年三月內將光緒八
九十三年歲出歲入款冊照式填造至奉旨裁併節省
之款亦不得以裁併此次海防暫用之款搪塞了事等
因本年三月初四日欽奉寄諭上年八月間欽奉 慈

禧端佑康頤昭豫莊誠皇太后懿旨通飭各直省督撫

裁勇節餉從光緒十二年起每省每年可得若干奏明
專款存儲解部備用限於十一年十一月內定議覆奏
嗣據各該省陸續奏到惟廣東省至今尚未覆奏此項
銀兩係於常年部撥各款外專案飭令籌撥前議旗兵
加餉關繫根本至計現在王公官員俸銀及旗綠各營
餉銀均照舊制全數放給需款尤鉅該督撫自應力顧
大局設法樽節專款解部究竟該省可籌若干著張之
洞倪文蔚竭力籌措務於每年應解京協各餉外籌定
數目迅速覆奏不得以無可報解等詞一奏塞責至庫

張文襄公全集

卷十七 奏議十七

二

款出入數目該督撫於上年九月間奏請展限現又將
屆半年仍未奏報並應速行詳查開單具奏將此由四
百里各諭令知之欽此又經轉行欽遵飭催造報去後
茲據署廣東布政使蕭韶署兩廣鹽運使蔣澤春會同
善後釐務各局司道詳稱粵省藩運兩庫每年入款合
地丁太平關稅田房雜稅鹽課貨釐一切雜款並海關
撥款洋藥釐餉等項暨新增之弛禁捐款另捐之洋藥
防費膏釐綜計所入不過四百五十餘萬兩至於每年
出款略分五類一常年例支如本省旗綠俸餉糧料文
武養廉解部料價部飯州縣坐支之類是也一部撥餉

項如京餉加餉東防籌邊固本備荒京員各省協餉是也一舊案添支如十年以前原有勦匪防黎勇營軍餉及巡緝兵勇口糧旗營津貼輪船扒船薪糧局卡經費各項工程之類是也一新案添支如近年續增水陸防軍之薪糧軍火之尾欠軍械礮臺河道之工程水雷魚雷雷艇電纜製造等局匪鄉勘界各經費之類是也一籌還洋款如代還西征借款本省兩次借款滇桂寶源借款是也大率例支銀二百一十六萬七千餘兩舊案添支一百三十四萬六千餘兩新案添支銀一百三十一萬七千餘兩舊案率為緝捕勦匪防黎新案專為海

張文襄公全集

卷十七 奏議十七

三

防此三宗皆為本省用度部撥並催提舊欠京協各餉一百六十七萬三千餘兩洋款一百一十一萬五千餘兩綜計出款共約銀七百六十一萬九千餘兩以收抵支計不敷銀三百零五萬四千餘兩此粵省預計本年收支之實在情形也查粵省雖稱蕃庶從前地方平靖入款不過額收丁課出款不過額支餉需源足流簡歲收歲支亦僅敷用每有大事無非取給紳商捐輸自商岸通而洋行歇香港盛而富商移引埠懸水客招而鹽綱散咸豐軍興以來防協各款愈增愈多然而內寇零匪士兵舊械所需不鉅至光緒六年始有海防之議略

加籌度未及大舉光緒九年越事既起邊海俱防需款浩大以致藩運兩庫悉索靡遺挪用墊發寅支卯款歷年綜核收支不敷甚鉅所幸沙田行戶鹽埠等項尙可隨時籌捐各省協款亦視本省財力酌盈劑虛尙無需解足十成此中挪展後先藉資敷衍現在京協各餉部催緊迫皆須實解迥非從前各省協餉之比各項洋款不能逾期而本省界務孔棘邊海俱籌盜匪方熾客黎未靖除新增防勇節次裁撤一百餘營外其餘礙難盡數裁併所有留防之軍餉善後之經費巡緝辦匪遣勇防黎勘界諸費外洋軍械之尾欠皆為必不可少之需

張文襄公全集

卷十七 奏議十七

四

此外年例支銷各有占定額數局卡各費俱經節次裁刪以目前用款論之併省實不為少而所需仍復不貲固無餘存仍多鉅欠至本省舊有人款除了課正賦申嚴定章實力督徵大率歷年無甚出入外近年因海防空惚來往兵勇官差過多加以水災釐金減色復因港澳走私他族庇送藥餉鹽務受累日深現在多方整頓剔弊緝私以後僅可不致短絀若新籌人款則所有捐款於冬間悉經停止沙田升科收效尙遠為數亦不能甚多礦務雖已開局招商收效在七八年以後前請留實官捐輸稍資補苴未知能否邀准既無鑿空生財之

方亦無百事俱廢之理仰屋蒐索焦灼萬分實不知所
以爲計該司道等反覆籌議惟有將出入不敷情形瀝
陳請奏以備戶部裁度然僅備陳支絀而不勉籌一支
持騰展之法徒致上煩宸慮卽部臣亦難代謀必致往
復瀆陳貽誤事機竊擬分爲三項辦法一爲節省現將
防勇練兵輪船製造及一切各費並藩運兩庫常年例
支竭力裁併大約防營可省三十餘萬他項舊案新案
添支項下及一切雜費可省二十餘萬常年例支項下
可省約三萬通計可節省約五十六萬至於外銷各項
極力裁汰以之湊補正項急需者不下三四萬尙不在

張文襄公全集

卷十七 奏議十七

五

此數內一爲請緩擬將部撥催補京協各款酌量緩急
請旨分別暫准緩解減解帶解抵解免解俟粵力稍蘇
陸續籌補或俟光緒十四年以後補解或俟光緒二十
一年以後補解所擬緩籌之數大約二十餘萬如蒙俯
准亦可暫紓眉急以後儻能籌措應手稍可敷用仍當
自請酌量增解不敢推諉一爲奏請另籌除實捐一項
懇准留用外現擬將巡緝經費一項就地籌捐此兩項
數難預定大約少則二三十萬多則五六十萬並擬催
收紳富已捐未繳各款暨將寶源洋款兩年尾數二十
餘萬兩本省洋款按年十萬兩一併懇請改撥粵海關

籌還准其分抵應解本省俸餉防費舊欠旗綠兵餉新
撥之款統計節省請緩另籌三項共一百七十八萬兩
此外尙短銀一百萬兩以外實無設措之術如果籌有
辦法再當詳奏辦理其糧道庫各款每年例支皆有不
敷無關通省度支大局謹就本年正月現存兵勇實數
並各項用款就三年內酌中核計并將議擬三項辦法
繕列清單詳請具奏前來臣等詳加覆核其出入相懸
不敷太鉅委係實在情形竊惟庫款支絀各省所同而
粵省所以虧短尤多窘迫尤甚者其故有八各省餉需
多者則撥款輕供億繁者則自用簡直隸有海防者也

張文襄公全集

卷十七 奏議十七

六

而淮軍有專餉畿軍有專餉練兵有固本餉海防有北
洋經費甘肅新疆雲南有邊防者也而西征滇防各有
的餉江蘇財賦素饒海口較少四川協撥雖鉅邊事尙
鬆福建現已劃出臺灣京餉亦少此外腹省雖有奉撥
之款尙無新增之費廣東有廣潮廉瓊各口海防有欽
州邊防有本省洋款有代還西征洋款有代還滇桂寶
源洋款共一百一十一萬而本年部文嚴催解京滇餉
款或增或補或提藩運兩庫至一百四十九萬內外兼
籌接應不暇一也滇桂甘吉有邊無海江浙閩東有海
無邊廣東兼之卽專以海防而論奉直東江浙閩之海

防地勢近內事機較緩廣東海防香港則鄰英越南則鄰法廣州口闊港多廉州濱臨大海遠不如閩口之險隘瓊郡狹小荒瘠更不如臺灣之富饒故無論外洋何國有事粵洋皆爲首衝前敵勢尤急而費尤多善後籌邊屢頒明訓若將礮臺師船之防軍概從罷遣水陸戰守器具練習人才一切製造之工用不規規模將來有事時始爲臨渴掘井之謀必致糜費而誤事故他省或可弭兵節用粵省正當征繕經營二也財賦不外丁稅鹽釐四端廣東土田沃饒而丁糧素輕不惟難望三江抑且遠遜北省釐金向止一起一驗至於坐釐或有或

張文襄公全集

卷十七 奏議十七

七

無較之江浙湘鄂爲數已輕且潮州以富強而無釐瓊州以貧瘠而無釐省城以通商口岸而無行釐鹽務引地雖廣而廣屬蕃庶精華之地皆爲港澳私販充斥形格勢禁無從防維潮橋分局一枝久爲漳私所拒年年賠累無所底止至於沿海之地多爲魚鹽影射亦不便操之過蹙自輪船盛行太平關稅項已屬支流其餘各府雜稅爲數亦復有限三也凡屬海邦大利全在商船鉅款全在關樞江蘇最稱富饒而兼有各海關撥解南洋海防經費製造局經費輪船經費福建之船政有閩海關撥款浙江之浙海北洋之三口撥款皆多此皆取

之本省關稅者也廣東粵海關常洋兩稅收數素旺而大宗皆係撥解京餉西餉東餉南北洋應用廣東本省歷年有部撥常稅旗綠各營兵餉七萬兩從未解足且尙遞欠三年始行補解有奏定洋藥稅項下歲撥海防經費二十四萬兩近年大率僅解七八萬間有解至十萬外者本省用款未獲多爲協助四也從前西征洋款各省各關分還即近日福建洋款亦係江海浙海閩海各關分還廣東與福建同辦一事而本省自還且前督臣所借洋款奏准本省專款指還者今又改換要需亦令另行籌還甚至代滇桂臺越所借寶源匯豐洋款奏

張文襄公全集

卷十七 奏議十七

八

准各省分還者除部撥之外其餘亦均責之粵還五也各省勇營滇桂餉數較輕最多者三兩二錢或二兩四錢一兩八錢不等湘淮各軍餉數雖重各營多有帶欠卽如淮軍平日止發九關十關足餉此外各省防餉或輕或欠大率必居其一廣東勇餉舊章平日卽按楚軍營制正勇三兩六錢什長護兵以次遞加出省征調日加二分正勇加至四兩二錢按月支發從無帶欠相習已久驟難更變較之他省所費已多六也廣東自紅匪滋事以後曹冲客匪惠潮鬪匪高廉土匪稔山會匪接踵滋擾盜匪迄未止息同治五六年間羣盜縱橫民不

聊生於是東西北三江以及廣屬內河沿海皆有巡緝兵勇扒船隨時捕治稍得安戢目前盜風復熾正須大加彌艾此項兵勇船隻需費甚巨斷難裁省且皆係零星分駐必須土人素習河道能覓眼綫者爲之其於防海守隘練槍演礮之營勇絕不相涉此項用費出於制兵防勇之外實爲他省所無七也各省出入率皆不敷然按籍而計雖短一二百萬問所以支持補苴之道不過積久協餉與欠發勇餉兩端卽如粵省向撥西征之餉止解七八成他省協餉如滇桂黔塔或少至一成或全未撥解此中藉可騰展今戶部以歷年未解之西征

張文襄公全集

卷十七 奏議十七

九

餘款二十萬改撥爲籌邊軍餉卽須實解京餉增多十萬尤難欠緩本省旗綠兵餉雖撥粵海關洋稅十萬難望撥解是無形之中已增多實銀三十萬八也綜此八難似皆非各省之所有臣等才智淺拙心計粗疎如部臣所云運籌有術實臣等之所不逮悚愧憂灼寢饋難安伏思粵省爲洋務發端歷次首先被兵之區兼鄰英法葡三國所屬之境當中華洋面第一道門戶之地積累雖深而當日有不能不先其所急之勢餉項雖竭而此後不能不爲綢繆善後之謀水陸廣袤而綠營已經裁汰三成則制兵驟難再減河海紛歧盜賊出沒則巡

勇亦難議裁至畿邊各款皆關安攘大計凡爲臣子者誼當不待部撥自請分籌方爲盡職但使稍可周轉斷無瀆懇恩慈之理自去年以來臣等督飭司局各員極力整飭入款鈎稽裁汰日夜不遑凡釐務餉項查有弊端防務稍有浮糜歷經參劾追繳者文武凡十五員奏報有案其撤差驅逐者尙不在內剔弊懲貪甘爲怨府上有聖明之鑒照下有士庶之見聞無如核省雖鉅短欠仍多查上年九月臣等奏陳動款趕辦海防善後各事宜嗣准部咨令臣等自行陸續籌辦竊思所謂自行籌辦者不過就地籌款取資商民今日粵省情形誠非

張文襄公全集

卷十七 奏議十七

十

別開財源萬難措拄無如事雜言訕責多諒少加以綜核之才殊屬不多再謀開源實非易事夫一省財賦止有此數地偏事簡者則取之於節省若萬無可省者則取之於外籌今籌者停止撥者日增舊案新案本省他省之洋款俱重疊累集於粵無米之炊何從取辦在部臣總攬全局精核無遺斷無獨苛求於一粵之理自係因粵省萬難情形尙未深悉而籌邊則路路俱要派撥則省省俱難臣等亦不敢不代爲計及此次所奏困絀情形及籌擬辦法均係勉力籌維或暫圖騰挪或尙待羅掘其間絕無纖毫推諉之意合無仰懇天恩俯念粵

力已竭粵事方殷南洋首衝關繫全局敕下戶部通籌熟計俾粵省得以應付支持不致遷就貽誤海疆幸甚臣等幸甚

旨戶部速議具奏單三件併發欽此

請指定專款備還本省洋款摺光緒十二年五月二十二日

竊照前因光緒九十一年海防緊急軍餉無出經前督臣張樹聲前撫臣裕寬奏借洋款銀二百萬兩作為第一次第二次臣之洞臣文蔚兩次奏借洋款銀三百萬兩作為第三次第四次共五百萬兩以供本省防餉現經善後局核計開單每年應還本息之數自七十餘

張文襄公全集

卷十七 奏議十七

十一

萬至八九十萬不等必應籌備專款臨時撥還方免失信遠邦有妨關票前准戶部光緒十一年八月初二日來咨詢及粵省藩運二庫籌還洋款究係動支何項銀兩行令咨覆等因查張樹聲等所借係奏明在粵東應解西征協餉及劃還甘省洋款按八成而計每年須解銀六十七萬二千餘兩自光緒十年起全數停解以還本省現借商款嗣准戶部議覆該省應解西征款項除劃還洋款仍舊批解外其餘實解協甘之款即自光緒十年為始作為該省陸續歸還現借商款之需臣等所借係奏明由藩運兩庫籌還未經指出的款現經督飭

司道等詳加核計粵省洋藥各項釐費為藩庫歲入之鉅款計釐金一項除經費外每年所入不過十一萬餘兩光緒五年海防經費無出始議另行捐抽海防經費經商人黃進源包辦每年認繳四十二萬元光緒七年續行捐抽膏釐經商人虞齊政包辦並包防費每年認繳九十萬元迨商辦虧折改歸官抽復經減成招徠商販於本年四月咨明戶部在案計正釐防費膏釐等項歷年所收除經費外約五六十萬兩不等上年收數最絀僅得四十七萬兩有奇現經設法招徠力除中飽派撥輪拖多方緝私始據商人黃昌禮等包釐承餉自認

張文襄公全集

卷十七 奏議十七

十二

總在六十萬兩以外試辦三箇月後再行定數果使無意外變更虧折約略可敷此項分還洋款之大半再查光緒九年十一月戶部議覆前督臣張樹聲等奏借洋款已准將粵省應解西征款項除劃還洋款外其實解協甘之款作為歸還該省借款迨十年十月復有西征軍餉改撥近畿防餉之咨單開廣東省應解西餉劃還洋款四十九萬餘兩塔餉三萬兩內除光緒七年所借四百萬兩洋款案內光緒十一年還銀二十四萬三千餘兩仍由該省歸還外尚應解銀二十七萬餘兩茲再指撥光緒十一年近畿防餉二十四萬兩尚餘銀三萬

六千餘兩免其報解等因查粵省原撥西征餉八十四萬兩遞年勉力籌解暨代還借用洋款不過解至七八成約銀五十餘萬至六十餘萬兩不等今除劃還甘省借款二十四萬餘兩餘尚不敷還前督撫臣原借洋款本息之數若再改撥近畿防餉此外借款更屬虛懸且光緒十一年粵還甘省借款及本省第一二三四次借款爲數九十三萬餘兩已浮於原解之實銀六十餘萬兩實屬無力再籌迭經臣等奏請改撥在案復准部咨廣東省光緒十年連閏原應協甘餉十成銀九十一萬兩除扣抵海防經費十九萬兩代還洋款四十萬兩外

張文襄公全集

卷十七 奏議十七

三

萬兩內外所短在五十七萬兩左右更何從設法支付惟洋款既在所必還部撥又未能稍緩臣等再四籌畫惟有請將每年實協西征餉數內劃留實銀二十萬兩張樹聲奏准原案雖係實銀六十餘萬兩今部撥要款甚多本省餉需尤鉅臣等未敢援案懇懇多留擬請於西征本款內指定每年撥銀二十萬兩作爲抵還本省洋款本息之需其餘於洋藥各項釐餉內儘數湊還如有不敷另行設法籌補萬一稍有贏餘卽留爲籌還洋款較多年分彌補之用其鎊價或有增加之處亦當由此款內籌補查洋藥正釐每年止十一萬餘兩係聽候

張文襄公全集

卷十七 奏議十七

四

其餘協甘銀二十二萬九千餘兩准留爲該省歸還借款光緒十一年三月部咨代還洋款兩案還清可以騰出餉力二十餘萬適值近畿辦防故有指撥近畿防餉之議等因咨照前來伏查此次部臣所指協甘十成之餘款二十二萬九千餘兩一款向來未經籌出解過矧值經費萬分支絀之時豈轉能驟將虛欠增爲實款且光緒十一年無閏之年十成協餉亦僅八十四萬兩並無餘存二十二萬餘兩之多卽令有此款逾額籌解而還張樹聲等原借第一二次洋款每年四十萬兩內外不敷已多合臣等續借第三四次洋款每年應還八十

部撥之款其餘另行捐抽防費膏釐等項從前皆係充支本省海防暨外銷之款合計西征藥釐兩項共僅留銀三十一萬餘兩其餘尙短銀五十萬兩萬不得已併將本省防費暨外銷之款添入此本非支撥京協餉之款且尙須設法整頓方可免敷此數特如此辦法不過先其所急力任其難而洋款雖屬有著防費更將無措尙須設法另籌據署廣東布政使蕭韶會同海防善後局司道具詳前來合無仰懇格外天恩俯念粵防歷年最久粵借洋款係四次借到三年分用合計不爲甚多俯准查照部准原案於西征協餉實數併准指定洋藥

釐餉等項內湊足撥還懇請飭下戶部勿於西征項下另撥他餉以紓粵急無任悚切屏營之至

旨戶部議奏單併發欽此

籌捐巡緝經費摺 光緒十二年五月二十二日

據署廣東布政使蕭韶按察使于蔭霖會同善後局司道詳稱竊查粵省盜風最熾州縣捕役力有不及額設營汛不敷分布省外各路向來招募巡勇添撥練兵配駕拖扒等船分布省河及東西北三江西海江浦香新洋面等處水陸緝捕計兵勇數千名各路商旅藉獲無虞此項薪糧船隻軍火器械每年需銀三十餘萬兩而

張文襄公全集

卷十七 奏議十七

五

購纜懸賞各費不與焉此款不在防餉之內現值庫儲奇絀用款浩繁而牙捐沙捐及省捐海防經費又已一律停止此項巡緝薪糧各費實屬無從撥發各路湘淮粵軍防營已四次續加裁撤屢經臣等檄行節省用款無如盜匪日橫巨案日多商賈居民均受擾害迭經將疏防文武嚴參勒緝若將巡緝兵勇船隻概行裁撤地方將不可問惟是此等常年鉅款各庫無可搜羅現經督同廣州府南番兩縣並會商省標四營將領邀集地方紳士公同酌議惟有就地籌辦以商人集腋之資還為商民自衛之用查省城為各貨總匯之區並未設立

釐卡同治八年經前督撫臣奏明在省城佛山江門陳村繁盛處所補抽百貨坐釐由商承辦較之行釐數目輕減一半兼係補抽其所未及並非重疊徵收故歷年相安即承辦商人亦復從容餘裕且以行釐坐釐一併核算方諸江浙等省之兩起兩驗及湖南江西等省釐則為數已覺輕微光緒十年該署藩司蕭韶在廣州府任時曾隨同前升任藩司剛毅邀集愛育堂紳董勸辦海防經費無不報効情殷此即釐金無多行戶不甚為難之明證也設使巡緝無具劫掠公行商賈豈能懋遷閭閻何從安謐現惟有勸令各行量力捐助經費專為

張文襄公全集

卷十七 奏議十七

六

水陸巡緝保護商民之用查愛育堂即為省城各行商賈萃萃公所向來專作有益地方公舉善事本省外省商人等素所信服今議由各行商捐資緝盜該紳董誼關桑梓自屬義不容辭舍此之外委係無從設法擬即在於省城設立公所遴派端謹廉潔與情素孚之員督同紳董籌辦巡緝經費酌量商務情形以銷路之旺淡定銀數之等差務期眾情樂從毫無勉強責成愛育堂各行自行稽查隨時消息不令稍有滋累似此民捐民用於各行並無苦累而地方可期又安至上兩年防務緊急分派委員前赴各州縣勸諭紳富捐助防餉經將

所收捐數先後彙報請獎在案其中已捐未繳之款綜計尚不下十萬餘兩已繳各捐戶心頗非之竊謂此項本屬自行認寫之款並無強派抑勒若不一律收齊則先繳者已充防費後者得免解囊似不足以示公允以後地方公舉必皆觀望遷延實於激勸之道多有窒礙現在粵庫窘迫更甚於前除未捐者勿庸再勸外此項已捐未繳之十萬餘兩應仍催令繳齊以濟急需並照章補請獎敘等情詳請具奏前來臣等伏查粵省盜匪方滋斷無將巡緝兵勇船隻概行裁撤之理而庫帑艱難正議樽節又實有不能支付此等巨款之勢至地方

張文襄公全集

卷十七 奏議十七

七

公捐經費衛良緝盜各省多有即如廣東香山順德之護沙軍費專為保護沙田設船募勇以備巡緝歷係民捐民辦官不與聞茲則保護商民事關全局眾議均屬僉同但非官督紳勸無以集事既以議定資以衛民他項不得挪用即與民捐民用無殊該司道等所稱巡緝經費萬不可省而舍此又無從設法委係實在情形體察輿情似無不便至已捐未繳之款似應一律收齊方足以昭平允再此事係采集眾議實無窒礙如蒙俞允仰懇迅賜訓示遵行俾得及早勸辦庶於庫款稍資樽節合併聲明

旨著照所請該部知道欽此

試造淺水輪船工竣摺日

光緒十二年五月二十七

竊臣等前因粵省現無水師兵輪六門海口內外扼守無具當於闈姓捐款內提洋銀二十萬元交署水師提督臣方耀等督飭員弁就省河黃埔設廠選募華工采取香港華洋船廠圖式試造淺水兵輪四艘以之防護海口援應礮臺於光緒十一年五月具奏奉旨據奏試造淺水輪船現已先造四艘著俟造成後詳加察看如果合用再行奏明辦理該衙門知道欽此茲查該輪船四艘於上年冬間陸續造成試水名之曰廣元廣亨廣利廣貞入春以來安配礮械選派弁勇工役練習駕駛漸次嫺熟經臣等於五月二十三日親往閱驗操演船身計長英尺一百一十尺船面闊英尺一十八尺船深英尺八尺半喫水英尺七尺半合中尺六尺一寸有奇工料多自港來故皆以英尺估計廣元廣貞兩輪馬力七十八匹速率每四刻行英里十里合華里三十三里廣亨廣利兩輪馬力六十五匹速率每四刻行英里九里合華里三十里船面頗低以便攻戰輪聲甚小以免驚敵船後皆雙車暗螺內用康邦卧機內兩船兼用冷水氣櫃前後皆活桅兩枝龍骨左右帶以鐵脇水淺上

張文襄公全集

卷十七 奏議十七

六

下輔以鋼板船頭安四頓半後膛鋼礮一尊船尾安九生口徑克虜伯鋼礮一尊桅盤船腰各配一諾登飛連珠礮共三尊護礮皆有鋼板礮房與前奏所擬式樣相符當即駛赴虎門內之蓮花山海面樹立礮靶該四輪連環操演察看礮力與船力相稱礮準約得什之五六船身轉捩頗靈行駛亦速機器一切磨擦光潔雖係華工所造視洋造者尙堪彷彿計該四輪本船工料修建船廠工料委員司事人等薪工載運起落各項物料夫價廠局什物繪圖暨雜項統共用銀一十二萬五千一百餘兩槍礮各件係就臺局現存者酌量配用價值不

張文襄公全集

卷十七 奏議十七

九

在此內另購存鐵木各料銀一萬七千五百餘兩除原撥闈姓捐款二十萬元合洋銀一十四萬兩外尙墊支銀二千六百餘兩准方耀咨據監造赤溪協副將吳迪文等造冊具報飭營務處司道點收具詳請奏前來臣等伏查粵廠試造淺水兵輪事屬創辦工匠募之華人機器造之本廠款項由勉強羅掘而來法式由集思考索而定以視津滬閩廠局面恢闊工用精博遠不相侔今一年之內成船四艘總計船值礮械大約每艘不過五萬金遠而瓊山淺洋近而省河西海均堪行駛船頭之礮可擊水路八里中靶五里以之防護內河暨近海

各口頗為合用現經選派員弁管帶分駐六門內外會合所在師船一體巡緝內河外海盜匪比較各輪船丈尺馬力照支薪費章程每船月支薪工加餉公費等項銀六百八十二兩零以符成案應俟籌有款項再行添造多隻以固粵防

旨該衙門知道欽此

勦辦九頭山洋匪摺

光緒十二年六月二十日

竊照粵省北海與越南連界洋面有九頭山孤懸海中距欽州屬東興司海口西南約百里越南新安州海口東南百餘里為瓊廉兩郡商漁船隻必經之路該山四

張文襄公全集

卷十七 奏議十七

三

島錯峙周圍六十餘里物產瘠苦所居並無越民皆係中國沿海無業及犯案逋逃之人該山因舟師不入巡查積年窩聚盜匪或駕艇攔劫過往商旅或剽掠沿海村鎮居民久為邊海大患同治十二年十月間前督臣瑞麟奏派副將雷秉剛等統帶兵船前赴九頭山亞婁瀉一帶勦捕斬獲多名奏奉諭旨將出洋勦匪各員分別獎勵嗣後連年皆有九頭山洋盜出劫之案屢經稟報有案終以兵力尙單未能常往該山搜捕光緒十一年六月間據瓊州鎮道府稟報派員督率師船在感

恩縣漁鱗洲洋面擒拏盜首阮先等訊明係由溺斃之
匪首劉亞鳳等在九頭山集夥出劫經臣等批飭按擬
懲辦奏明在案上年秋冬間疊據廉欽等處商民呈控
海盜劫掠之案甚多皆供係九頭山一夥分股四出以
李廣興爲首吳大肚五次之其勢日橫經督辦欽廉防
務前廣西提督臣馮子材函商以九頭山窩聚洋盜陸
盜日聚日眾若不從此入手則北海盜匪皆以我師鞭
長莫及負嵎擾邊後患未已當於上年十二月奏明由
馮子材酌撥營勇水陸相機剿捕各在案先是署龍門
協副將梁正源於九月初十日督船巡至瀾洲東邁遇
盜船四隻該副將飭中軍都司梁鼎勳署右營守備邱
志貴督兵開礮該匪還礮拒敵弁兵猛擊焚燬匪船一
隻奪回民船一隻救出被擄水手何亞美等六名時值
北風大作不能窮追各匪紛紛覓水逃逸查點勇目曾
永和中礮斃命兵勇龐文標等受傷十名分別撫卹醫
治十月二十三日巡至三娘灣外洋見大匪船一隻追
擊商船督率師船連放槍礮首尾夾擊約三時之久各
匪拋棄槍礮意圖涉淺竄逃當駕舢舨追趕生擒盜首
吳鳳春卽吳青洪潮和盜匪張定珍楊許陳吳四楊延
錢王二廖觀養駱維堂等九名擊斃十餘名奪獲盜船

張文襄公全集

卷十七 奏議十七

三

一隻大礮一尊小礮二尊旋經臣咨會馮子材派隊配
船出洋添派陽江鎮總兵黃廷彪督同該副將梁正源
率領輪拖各船隨同剿捕准馮子材先後咨報於十一
月二十二十一二十八等日經署欽州營參將楊瑞山
督弁楊岑英黃彪在白龍尾洋面分投截拏擒獲盜匪
陳計然鄭七蘇原等三名梁正源率帶輪拖哨見白龍
尾洋面匪船五隻連檣而來梁正源激勵弁勇破浪而
入該匪膽敢開礮與弁勇接仗兇悍非常自巳至未三
時之久擊沈匪船一隻燒燬二隻各匪紛紛落海淹斃
餘仍駕船且戰且逃各弁勇奮不顧身躍過賊船擒獲
盜匪徐亞保黃大鄭光喜黃得香張亞黑黃亞四陳廣
復龐亞二伍文珍鍾廣生伍亞二陳老快鍾亞二林亞
保陳炳通等十五名內龐亞二陳炳通傷重立斃起出
被擄商民林書檢等四名奪獲匪船二隻大礮二尊洋
槍四枝尙有匪船三隻忽先忽後意在連幫拒敵迨見
官兵追殺卽駕船飛遁弁勇鼓勇急追直至青梅頭洋
面該匪還礮拏抗自寅至午鏖鬪五時之久經弁勇施
放火礮連燒匪艇二隻該匪始覓淺水逃竄當燒斃十
數名溺斃甚多格斃七名割取首級七顆追獲匪艇一
隻擒獲盜匪鄧三黃亞石藍亞二温石保李發勝米五

張文襄公全集

卷十七 奏議十七

三

王晚七名奪獲大礮三尊洋槍二枝知府馮相榮遂督率萃軍會商黃廷彪梁正源遠出大洋合籌追剿督飭管帶輪拖各船之知縣李家焯都司劉華青守備黎炳泰黃廷琛府經歷石佩瓊參將符堅高守備陳才業千總黃輔成等於十二年正月初六初七初九等日齊抵九頭山亞漚瀉洋面與匪船相遇擒獲盜匪謝大鼻二一名餘匪敗遁上山各軍水陸分進派定輪拖由通籠港大港口等處進攻並分布各船繞至北港巡截前軍由沙白環一路直搗山上賊巢於山險箐密之地該匪樹柵負拒一見官軍先行開槍黃廷彪馮相榮等督軍

張文襄公全集

卷十七 奏議十七

三

四面進攻該匪抵死抗拒我軍與該匪互施槍礮攻戰兩時之久砍柵而入登時平燬巢柵斃匪多名我軍受傷十餘名生擒梁亞簡鄧三九吳亞晚吳亞三劉亞大黃亞烏黃進酉黃助球等八名起出被擄商民麥朝對等十五名搜獲槍械甚多其釋械聽命者免死其藏匿抗拒者分投追剿查該山地分四環當將賞格勸諭四環里長將匪交出並引導官兵搜擊以別良莠據里長符國章等報稱山上竄出之盜潛逃駕艇出洋當被後軍揮船截住轟沉斃匪甚多各軍會合兜剿當將匪首李廣興李廣彥麥生吳大肚五譚初五名一併擒獲並

擒獲著匪鍾四吳二郭六顧三關二鄧貞斤黃亞三馮東養黃實青鄭煥南陳亞二張亞發馬亞英等十三名共十八名內麥生因傷旋斃奪獲匪船一隻鐵礮洋槍火藥軍械多件業經電奏在案嗣經官軍入山搜捕又獲盜匪陳亞晚曾得有趙亞和李良陳士彬寶亞隆寶亞九黃六張五褚福求陳亞花四翁四鍾大林永芳駱亞五等十五名查係賊寮均行焚燬其被脅可原者俱經李家焯訊明分別保釋其先時聞風竄出之匪責成該里長具結限拏餘眾查無抗拒情形眼綫指證者嚴諭里長約束安業各軍遂即駛回欽州當經馮子材將

張文襄公全集

卷十七 奏議十七

三

所獲各匪發交署欽州知州余鑑海審訊明確將積年劫殺抗官之著名匪首李廣興吳大肚五李廣彥譚初夥匪鍾四吳二郭六黃晚顧三關二鄧貞斤黃亞三馮東養黃實青陳計然鄭七蘇原陳亞花四翁四鍾大梁亞簡張五徐亞保陳老快黃大二十五名正法梟示其餘質審明確分別辦理計陣亡勇目一名弁勇受傷二十餘名重加卹賞醫藥察看九頭山情形經此次大加懲創水陸附近匪盜失其所恃當可稍為斂戢等因咨報前來臣等伏查九頭山橫亘北海界連華越藏納盜匪何便出沒歷有年所廉瓊沿海居民華洋往來商旅

均受其害以致近來北海內外洋面劫案日多現值越南舉辦界務之際廉瓊水陸防務均形喫重若不亟趁此勘界未定時早為清釐則將來必致招納內奸句串越匪影射鄰邦常為邊患現經斬獲著匪多名巢穴既覆洋面當可漸就肅清實於戢匪防邊不無裨益其此次出洋剿捕盜匪出力之員弁兵勇等合無仰懇天恩俯念遠出大洋擒渠掃穴不無微勞可否查照同治十二年成案准由臣等擇尤分別奏請獎卹以勵將士而靖海疆出自逾格鴻慈除咨照馮子材併嚴飭該鎮將督率兵勇仍於洋面認真巡緝隨時截擊外所有派軍

張文襄公全集

卷十七 奏議十七

五

勦辦九頭山亞婆滿洋匪擒斬首夥攻燬賊巢安輯島民各緣由臣等會同督辦欽廉防務前廣西提督臣馮子材水師提督臣方耀謹合詞具奏伏祈聖鑒旨著准其擇尤保獎毋許冒濫欽此

力疾銷假並謝兼署撫篆摺

光緒十二年六月二十二日

竊臣前因病體未痊奏懇續假一月於五月十三日差弁齋回原摺後開軍機大臣奉旨著賞假一月欽此荷恩慈之矜恤彌銜感於私衷遵即趕緊醫調仍一面照常治事一月以來體氣雖仍如常肝膈漸覺清爽適於六月十四日准吏部咨光緒十二年四月二十七日奉

上諭倪文蔚著來京陛見廣東巡撫著張之洞兼署欽此二十一日准撫臣倪文蔚將廣東巡撫並太平橋監督各關防王命旗牌文卷委員齋送前來並循例將兼理廣東學政關防并一應卷宗移送到臣當即恭設香案望闕叩頭謝恩祇領任事伏念臣兼圻謬領兩載於茲庸材孱軀正求罷退乃荷聖慈優容迭予假期復兼職任鴻施逾格感悚難名當此疆事緊要責無旁貸之時臣惟有力疾暫行銷假將兩衙門公事分別籌維一律整飭本任固係職守攸關署任亦不敢稍涉忽略勉策駑庸惟力是視以冀仰答高厚鴻慈於萬一

張文襄公全集

卷十七 奏議十七

美

旨知道了欽此

請頒沙田部照摺

光緒十二年七月初一日

竊臣前欽奉上諭沙田升科一事正賦攸關豈容奸民蔽匿迭經戶部奏催辦理著該督撫督飭所屬查明已升科若干畝未升科若干畝即將未經升科之沙田迅即確查妥辦具奏等因欽此當即恭錄欽遵督飭司局籌議辦理近准戶部咨現擬改辦升科誠為正本清源之計粵省地居濱海沙坦較寬此項退水之田素稱膏沃獲利既厚流弊滋多是在妥議章程豫定期限嚴稽匪稅慎選賢員一切事宜果能經理認真自必立規成

效況仿照山西豐甯馬廠成案辦理更當確有把握萬不至若從前之因難中止務須妥速籌辦勿涉因循等因復經轉行飭辦茲據廣東布政使高崇基會同沙田局司道詳稱粵省沙田以廣州府屬香山爲最多順德新會東莞次之番禺南海又次之潮州府屬海陽揭陽潮陽澄海等縣爲數有限自嘉慶二十三年查辦升科以後所有新沙溢坦斥鹵成熟雖迭經報查清丈飭令照則升科終以未經部覆核定未能入額編徵各業戶坐擁膏腴仍完斥鹵輕則至沙田畝數湖查嘉慶二十三年奏案已查明奏准升科者五千三百餘頃此項名

張文襄公全集

卷十七 奏議十七

三

爲老沙咸豐三年屯田變價案內除由官屯虛稅無人承領五百餘頃外實定則升糧者一千四百餘頃同治六七等年清丈案內查出溢坦繳息升科者五百餘頃光緒七年補升案內查出斥鹵成熟應按則補升者四千餘頃此各項皆爲新沙此外近來新增溢坦自當不少但未經呈報勘丈無從懸擬合計老沙新沙有案可稽者共計一萬一千三百餘頃至同治年間清丈案內奏報沙坦一萬九千餘頃查與司案縣案皆不相符似係舛誤無關收息銀數出入應俟查明致誤之由另行辦理惟查老沙新沙皆未請給部照民間但憑墾單縣

照司照管業其間或有遺失或經典售影射侵佔啟爭受累均所不免此次擬請除原額民田外無論老沙新沙一律換給部照其每戶田不及一頃者以一戶爲一照其一戶田過一頃者以一頃爲一照如數頃數十頃之外尙有尾零數十畝亦儘數填給一照以便買賣分析老沙無庸再丈按冊核給新沙清丈明確立時填給嗣後民間買賣過割以此爲憑仍詳加查勘分別上則中則升科起徵永遠免其攤派捐抽此次繳息定則俱較舊章酌量從寬庶國課漸充民情亦順現已詳察輿情酌擬章程一面遴員設局延商公正大紳出示開辦

張文襄公全集

卷十七 奏議十七

三

惟必須頒發戶部空白執照隨時填給方期鼓舞其照式由粵省酌擬各部核定刊發詳請具奏前來臣查廣東查辦沙田之案自道光二十四年以來已不下五六次或溢坦歸屯或屯田變價或斥鹵補升或呈報溢坦或海防沙捐查勘累年籌捐多次惟始終未領部照未編賦額以故清如不清丈如不丈不能取信於民由來已久此次遵旨清丈升科應頒部照隨丈隨給使各沙戶曉然於此舉實爲便民安業一勞永逸之計執有此紙以後或買賣或管業永息訟爭更無派累庶可踴躍趨事一律澄清查臣前在山西巡撫任內勘辦豐甯官

荒馬廠卽係奏准頒發空白部照隨丈隨給一時租戶耕氓無不爭先引勘惟恐清丈委員到來之晚事理相同民情可見竊聞直隸奉天等處丈勘荒地辦法略同此次部咨既准仿照山西豐甯馬廠成案催令速辦相應援案奏請現卽委員赴部領解此項部照回粵以期妥速合無仰懇天恩飭部迅速頒發空白沙田執照一萬張交委員領回俾得及早勘辦一俟辦有成數隨時咨報實於清賦便民大有裨益

旨著照所請戶部知道欽此

請派大員澈辦瓊州客黎各匪摺

光緒十二年八月初十日

張文襄公全集 卷十七 奏議十七 三
竊惟瓊州一府孤峙海南黎集其中民環其外地瘴而瘠民弱而惰其爲地方之害者一曰客匪一曰黎匪客匪大率皆籍隸嘉應州及廣州府屬之新甯肇慶府屬之恩平開平高明鶴山等縣言語風俗自爲一種土人不與爲昏姻或云卽係疍人非若他省僑寓民戶皆謂之客民也其性勤苦力作悍猛齊心所到之處土民無不視爲他族積爲深讐在瓊有老客新客之分老客寄居百餘年較爲安分新客則多係同治年間恩平開平高明鶴山新甯陽江等處滋事客匪前撫臣蔣益澧奏明安插高廉雷瓊等府廣西容賀等縣瓊屬之儋州臨

高澄邁皆有之漸衍及萬州陵水等處查瓊屬沿海民居之地患在沙瘠近山膏腴之區患在瘴癘至銅鉛各鑛皆在黎境土民安於貧弱地利坐荒瘴地腴田多屬客產光緒五年客匪滋事經前督撫臣派軍前往分別懲辦遷之雷廉乃未久而潛回故里爲匪如故以後土客之衅遂成黎人所居最深處曰黎母山其地居瓊之中盤亘數百里現在未經開通之處縱橫二百餘里十三州縣環之定安會同樂會萬州陵水崖州等處皆有峒口出入前代生黎獠狂荒陋爲患尙輕百年以來熟黎與民人往來習爲狡黠生黎漸稀出巢益數諸黎以儋州臨高爲最馴陵水之倭黎歧黎爲最悍崖黎富強亦易滋事其出也北路則定安當其衝而波及於瓊山南路則萬州陵水當其衝而旁擾於會同樂會從前出掠不過附近內山而已近七八年來客匪游勇散入其中奉惠州客民陳鍾明陳鍾青爲總頭目合生黎熟黎客匪游勇爲一夥名爲黎而不盡真黎遂敢離巢數百里大肆劫殺其軍火鹽米皆由客民接濟每牛一頭易槍一枝火器既具黨羽益多得以抗拒官軍習爲戰鬥歲必出巢兩三次該處官軍未嘗認真痛剿一次不過零星分防尾截零匪幸其回巢以爲了事大率客匪以

黎峒爲負隅藉黎人爲聲勢黎匪以客匪爲嚮導藉游勇爲附從客黎糾結全瓊遂無安枕之日此二十年來客黎各匪蓄毒構衅句結滋蔓之實在情形也其僑臨客匪一股自光緒五年查辦遷徙以後當時設局籌費給予圖記使客籍紳士自加約束而局紳楊元珍陳贊桂阮祖祿等庇匪仇民匪徒益無所畏忌迨上年冬間澄邁紳圍入臨高搜捕復爲該局紳阻同時值歲旱米貴人心搖動匪首黃鄒保等結新老各客於十一月揭竿遽起到處裹脅雜匪游勇乘機附和旬日之內眾至二千餘人以臨高之和舍蘭洋岑崙南豐儋州之抱舍

張文襄公全集

卷十七 奏議十七

三

田表樂基那大四方山大星等市爲老巢擾至澄邁之金江司瑞溪等處金江爲澄屬大鎮市該處既破賊勢蔓延臨澄百餘里間所到村莊恣意焚殺勒索資財民間積聚一空而陵萬黎匪復有出掠會樂之信合郡驚擾臣聞報後卽電飭署瓊州鎮總兵劉成元護雷瓊道瓊州府知府謙貴調集駐瓊各軍以兩營防黎以三營剿客黎匪旋退合軍進剿西路參將陳榮輝率粵軍提督張拔萃率楚軍迭據鎮道稟報節次擊賊獲勝收復金江楓樹市西峯下嶺等村官軍進紮那大和舍擒斬匪首劉眞贊陸眞佑林鴻猷龐六石等暨餘匪多名匪

首黃鄒保溫河清率黨赴陳榮輝營投誠溫河清並斬其黨范亞先江二來獻請照光緒五年安插僑臨客匪成案將此股投誠丁口移徙欽州之白龍尾墾荒自給等情前來臣查該鎮道迭稟以該匪屢經官軍戰勝畏剿投誠自願交凶就徙始定撫議乃經臣訪聞官軍並未痛剿民恨客匪痛入骨髓咸以此策爲非且白龍尾在欽州西南海濱正與越境毗連豈有將無數匪徒置之界上自貽邊患之理當經駁飭再議遂至枝梧無策其時眾論參差民情惶惑竊思督辦欽廉防務提督馮子材威望素優欽廉僅隔一海情形易悉往復詢商該

張文襄公全集

卷十七 奏議十七

三

提督謂客匪不可信未剿而撫亦非長策適瓊民亦紛紛赴欽呈訴懇馮子材發兵往剿當經電奏請旨飭派馮子材親赴瓊州察看情形孰宜撫孰宜誅以定辦法兼籌黎事六月十三日奉旨此項餘匪業經就撫義無盡誅著馮子材赴瓊妥籌安插仍隨時妥商張之洞詳慎辦理勿得稍有輕忽欽此遵卽恭錄咨催馮子材於七月初旬抵瓊而黎警又作自本年春間黎匪出擾瓊山之屯昌市七月間逆首陳鍾明部下黎客雜匪千餘擾定安之南閩仙溝雷鳴各市及澄邁之新吳市同時另有儋州匪徒陳鍾銘糾眾滋事攻掠感恩縣西鄉黎漢

各村至陳榮輝所撫客匪飭令造冊送點遷延避匿其頭目多自營逃歸撫局竟未就緒臣迭次派員赴瓊密查接閱該處探報並由馮子材暨道員方長華封送紳民公牘數十起備知該客匪異常兇悍文詞悖逆土民連年受害甚酷即如去冬出擾澄邁所屬焚掠至百餘村戕害良民至七八百人擄掠婦女至百餘口劫去耕牛至二千餘隻財物至值錢百餘萬串迨官軍進剿雖有斬擒而巨寇未殲大股仍在勉為就撫首鼠兩端其用心叵測黎匪今秋出擾距安定縣城止三十里焚殺亦甚凶慘回巢時告虜脅運送財物之民人云俟下次

張文襄公全集

卷十七 奏議十七

三

出巢再併給扛擡價值尤為狂悖自馮子材到瓊後羣情欣悅籲懇為民除害臣綜核情形客匪黎匪皆宜勦撫兼施若再不亟圖良策大拯瓊民糜餉分防永無底止受害愈深失業愈眾養癰長寇合勢燎原數年以後必致瓊地全為羣匪糜爛而後已查前署雷瓊道王之春遵旨隨同勘界所部久無主將漸就懈弛先於六月間檄委在東差委之廣西候補道方長華赴瓊籌辦客黎各匪即接統其眾將原有春字毅字各營重加整頓汰弱留強編為八底營統名瓊軍仍飭聽馮子材節制近日疊與馮子材電商定議客則臨以兵威分別良莠

誅其凶悍為亂抗拒不悛者撫其安分謀生真心悔罪者或即用為官兵前驅攻黎自贖或遷往他處相宜地方應俟臨時察看情形由馮子材督飭方長華暨瓊屬地方官妥為辦理黎則先勦積年逆首陳鍾明一股先將附和擾害之外匪亂黎痛加懲創以次招徠良黎宣布朝廷德意相機進兵如其勢順情通再議深入老山馴生闢土之策伏查本年正月二十二日寄諭瓊州黎人迭次滋事重煩兵力果能設法化導變狂獠為馴擾實當務之急等因欽此仰見聖謨廣運灼見孤島籌防必先自清內患始儻能從此長驅深入仿照前明以來

張文襄公全集

卷十七 奏議十七

三

海瑞諸人開通黎峒十字路之議據其腹心通其險阻令其雜髮嚮化設立土目從此漸開曠利廣植禾蔗增益賦稅利民通商於海防實大有益即使地終不能富民終不能強而瓊地永除心腹之患瓊民永免塗炭之苦亦地方官必不容己之責當務為急誠如聖諭此臣所以熟籌深念不能不為大舉澈辦之計者也惟地勢廣闊山箐深邃今擬客黎兼辦數路並進兵力過單無濟於事馮子材所部萃軍除留欽防外帶赴瓊者四底營茲酌派十四底營益以瓊軍八底營陳榮輝全字兩底營調往協勦之王孝祺勦軍一底營當可勉敷分布

惟餉源奇窘祇有飭司局設法挪湊移緩就急暫為應付并咨商馮子材勸諭紳民曉以大舉安民之意就地籌集經費以助軍需至該前署鎮劉成元兼護道謙貴於該處賊鋒恣肆生靈荼毒官軍未能得力並未詳切稟聞籌畫妥實辦法但以賊匪敗退就撫為詞敷衍了事實屬玩忽因循昧於事機自應予以懲儆除接署瓊州鎮張得祿在任日淺業經病故應予免議外相應請旨將前署瓊州鎮總兵記名提督劉成元交部議處兼護雷瓊道瓊州府知府謙貴革職留任前署海口營參將南澳鎮右營遊擊陳榮輝輕於撫匪草率敷衍且所報戰狀不免鋪張尤為軍營積習亦應懲儆姑念該參將深入瘴地尚有斬獲擬請將陳榮輝革職留任責令將所撫各匪刻日造冊送交馮子材辦理以竟前局如始終不能切實出力即行從嚴參辦馮子材現督辦欽廉防務應請明降諭旨令該提督兼督辦瓊州客黎事宜其鎮道以下官暨瓊防各營兵勇悉歸節制以一事權

旨此項客黎各匪必應分別良莠剿撫兼施著馮子材督率各營相機辦理以靖地方其稟報不實之提督劉成元著交部議處知府謙貴遊擊陳榮輝均著革職留

任該部知道欽此

張文襄公全集卷十七終

張文襄公全集卷十七 奏議十七

紹興孫家棟校

三

張文襄公全集卷十八

奏議十八

大修廣肇兩屬圍堤工竣摺

光緒十二年九月初三日

竊照上年水災緊急之際賑饑堵決多方拯濟自八月後災象稍舒臣與前撫臣倪文蔚及司道等籌議僉謂備災之計與其補救於事後不如豫防於未然因擬籌集鉅款大修沖要圍堤曾於上年十月初九日將大略情形奏明在案查廣肇兩府水害考諸省志從前每數年十數年而一見近二十年來幾於無歲無之其患常在西江若助以北江則為害愈烈上年通省潰決圍堤

張文襄公全集

卷十八

奏議十八

一

一百五十餘而高要高明四會清遠三水南海六縣所屬一百二十九高要高明受西江之水四會受綏江及西江之水清遠受北江之水三水南海兼受西北兩江之水故此六縣為最沖餘縣或地勢較高或受水較緩或去海已近旁溢倒灌為患稍輕當九月間派員攜帶算生勘繪圖式籌計辦法於此六縣中擇其圍大田多當沖受灌者若干處分別首沖次沖又次沖酌加培築分為三路南海圍多事繁自為一路責成前署督糧道蕭韶督同署南海縣張琮辦理嗣蕭韶委署藩司即專令張琮經辦三水清遠河多溜急面面皆沖工程最為

契重合為一路責成署陸路提督鄭紹忠辦理高要高

明四會地處上游合為一路責成肇陽羅道潘駿猷辦理湘軍統領提督陶定昇籍隸岳州熟諳堤工檄調其部下弁勇赴肇慶幫同工作查圍基本屬民工然其時民困未蘇非由官先發鉅款以為之倡不足以資鼓舞而司局各庫正當無款可籌且借修圍基仍須帶征歸還事亦膠葛查有誠信敬忠兩堂商人捐修會館銀三萬餘兩曾於上年九月間奏明發交紳董收儲改作修築圍堤之用又查辦肇慶府黃江稅廠書巡浮收累商案內該廠書巡等罰繳銀八萬五千元七兌合銀五萬

張文襄公全集

卷十八

奏議十八

二

九千五百兩以助廣肇災區修圍之費本年三月奏明在案又光緒九年間直隸籌賑局司道以順直水災刊印捐資經前督臣張樹聲行司分發勸辦嗣據各屬陸續捐繳計收存銀四千三百兩零二錢二分因為數無多其時順直賑務已竣尚未彙解又上海協賑公所紳士嚴作霖等解來助修東省圍工西省路工規平銀二萬七百三十三兩六錢九分四釐除撥解西省外尚存銀一萬五千二百四十七兩六錢七分又在上年試辦牙捐項下提銀十二萬兩又率同各官捐集銀二萬六千五百二十一兩零四分四釐計共籌撥捐集銀二十

五萬五千五百六十八兩九錢三分四釐均充本案大修圍堤之用於上年十月興工本年四五兩月先後告竣查南海縣地居首要勢處下游現將該縣西北兩鄉較為喫重之五十二圍一律加高培厚並於沖要處所加作內圍或添作石砌建造石閘就中以符其篤大攬背烏茶埗花岡南沙荻洲頭三水南岸珊門大良官洲大珊下龍灣基羅格南北大富共十五圍基為最要共支用銀一十萬零二千兩由該署縣張琮督率紳董修理核實支發至兼跨南海順德兩縣最大之下桑圍東西圍已於上年九月照案於籌備堤岸項下發銀一萬

張文襄公全集

卷十八

奏議十八

三

兩交圍紳修築此係該圍生息專款並非正項業經於本年二月專案奏明計南海境內當沖較大之圍僅良鑿一圍因原修堅固未經發款加修三水縣為西北兩江所匯注上年全縣三十三大圍概行漫決雖經修復此次必須加培完固其衝要各圍於頂溜跌塘處所必須間用石壩或用石築基或參用灰沙以期堅穩此次計培築大小四十八圍堤就中以縣前魁岡深水擔竿涌尾江根榕塞東海口壩石頭岡兩圍上梅埔下梅埔長洲青塘永豐大陵鳳起蜆殼白泥谿陵雄旗蜆塘電岡二十四圍堤為最要共支用銀六萬四千九百零七

兩一錢三分二釐清遠縣除石角圍外有基無圍上年漫決十七基隄被灾亦重此次計培築二十二基隄就中以下界牌上界牌恆頭花岡山塘金亭正江口倒水灣黃岡捕屬三壩十基隄為最要共支用銀一萬五千零六十九兩五錢四分一釐以上三水清遠兩縣均由署陸路提督鄭紹忠督率地方官營汛兵勇紳董修理核實支發高要縣上承梧州三江下束於羚羊峽水勢易漲難消上年受灾最先此次計培築二十四圍就中以景福羅秀豐樂大灣白石五圍為最要內景福一圍近護府城羅秀一圍為高明各圍門戶决口深廣屢築

張文襄公全集

卷十八

奏議十八

四

屢潰尤須大加修築粵省民圍向止用人築牛踐今於高要最衝各圍或酌加夯礮或幫石護根或須打樁沈船或須運土填潭羅秀一圍尤極費手共支用銀四萬二千六百九十兩零六錢三分七釐高明縣圍基較少地方最瘠此次計培築十四圍就中以上秀麗下秀麗三洲下圍大沙下圍白鶴五圍為最要共支用銀一萬一千九百六十八兩九錢五分四會縣當懷集廣甯高要下游每遇西江綏江並漲上注下灌交受其害上年漫决各圍均已修復此次計擇要培築十五圍就中以倉豐上倉豐下大興馬安四圍為最要共支用銀一萬

三千九百七十四兩五錢以上肇慶屬三縣圍工係由肇陽羅道潘駿猷督率該府縣暨肇慶督標協營弁兵委員紳董修理核實支發又打椿機器租價測繪地圖薪工勘修委員夫馬等項共銀六千二百九十六兩五錢一分四釐通計六縣一百七十五圍隄加高培厚以及添造石工重築基址統共用官款銀二十五萬六千九百零七兩二錢七分四釐除以上籌撥捐集銀二十五萬五千五百六十八兩九錢三分四釐尚不敷銀一千三百三十八兩三錢四分在司庫海陽等縣塘租奏留充公項下撥銀一千三百三十八兩三錢四分充支

張文襄公全集

卷十八

奏議十八

五

足數此次因有官款助修民情極為踴躍用能安速厥功現據各路陸續具報工竣除南海之大有巾子銀涌蜆殼孝墩五圍興工較晚將次修竣續行勘收外其餘逐一委員驗收均屬堅實完固足以捍衛田廬其酌發官款之數各視當衝等差業戶貧富工程大小斟酌消息或官一民二或官民各半或官款多至什之七八亦間有因災深民困全資官力者大抵南海各圍民籌多於官款肇屬高要高明四會三縣各圍官民約略相等三水清遠兩縣各圍官發多於民捐通盤率算略以官民各半為率此外尚有愛育堂紳董自行捐資助修者

不在此內惟查廣東圍基向係民捐民辦其修築圍基力有不足者定例由官借給修費分年帶徵歸還僅南海桑圍一圍其中村落田畝最多嘉慶二十二年督臣阮元借支庫款銀八萬兩發商生息遞年歸本存息以備歲修道光十三年廣肇兩府大水前督臣盧坤等籌集官捐銀三萬五千餘兩紳富鋪租捐銀三十五萬餘兩均充賑濟至修圍之費仍奏明借給分限五年免息征還光緒四五等年清遠縣石角圍沖決該圍為三水南海兩縣保障前督臣劉坤一等勸集民捐銀八萬餘兩修成石工此次水災適當海防倥傯重勞民力之

張文襄公全集

卷十八

奏議十八

六

後而當沖各圍不能不急修以備春漲若勸捐恐涉遲緩借款亦多葛藤故擬籌集鉅款為官民合辦之策以資感發而速成功計此次大修官籌銀數合之去年夏秋堵決代賑八萬九千餘兩之數統計已及三十四萬餘兩今年水勢雖覺稍緩而五月盛漲時較之上年高要僅差四尺九寸三水僅差二尺六寸南海僅差一尺三寸各圍幸獲安全惟南海之射洲肚窩琴沙巾子四圍高明之陳深水等一圍沖決或數丈或十餘丈皆係低窪小圍傷稼尚屬無多但使每年少決十餘圍即為民間保全錢穀百餘萬所動各款除會館捐款廠書罰

款本係奏明專備圍工之用外借用順直賑捐存款目前順直正有水災應由粵另行籌捐歸還滬紳捐款出於樂施善舉粵官捐款尤係分所應為均不敢邀請獎敘塘租奏留充公一款本係各官應領之項令其節省輪助扣發辦公其牙捐一項因海防需餉甫經試辦並非向有庫款且防海修圍同一保衛民生之事今以取之於商者用之於農似於情理尚順各圍均經詳加查核委係實支實用此係官民合辦且並未動支正項錢糧應請免其造冊報銷仍飭各屬督令各圍總業戶人等各就該圍向章隨時妥為保護自行培築日增月益

張文襄公全集 卷十八 奏議十八 七

常保無虞其各圍修過丈尺銀數官款數目一面刊刻徵信錄宣示周知由廣東布政使高崇基會同善後局司道詳請具奏前來臣伏查此次大修廣肇兩屬沖要圍隄乃仰體慈恩浩蕩軫念邊黎故亟於懲前毖後之時勉為曲突徙薪之計溯考粵省修圍成案關係重要者共三起前督臣阮元則借款提息專充桑園圍歲修意在先其所急惠而不虛盧坤則賑款捐放圍款征還意在分別常變俾救急之與循法並行不悖劉坤一則專作最沖大圍石工意在擇要併力成效較鉅三督臣辦法不同而用意精密實皆為經久良規此次水患過

廣災民過眾防務粗定游匪日多必宜先保今年農收方免眉睫之患勢不能專顧一兩大圍從容籌修又以海防民困之餘專勸民捐必致畏難貽誤暫借帶征亦多觀望不前今昔時勢不同故不得不羅掘大舉官倡民和合力成之此後遇有修築圍基之事仍應按照定例借款征還或籌修最要一兩處方為經久之法此次工程係屬官民合辦核實支發並未動用正款其滬紳集捐粵省官捐均係仰體聖慈救災盡職出於至誠不敢仰邀議敘相應將修築各圍隄加培丈尺石壩工段籌發款銀數分別清單並繪具西北兩江水道及此次

張文襄公全集 卷十八 奏議十八 八

修築各圍隄圖恭呈御覽仰懇敕部查照免其造冊報銷至各官捐助銀數銜名已於賑撫堵決案內開單奏陳毋庸重列

旨該部知道單片圖並發欽此

修築潮州府屬各堤工竣片 光緒十二年九月初三日

再上年七月潮州府屬韓江水漲沖決海陽饒平澄海三縣堤岸淹損田廬當經潮州道府籌捐銀三千兩及時賑撫臣復飭司籌撥銀五千兩委員前往勘辦工賑業經會同前撫臣奏明在案該處近海水消迅速田廬並未久淹尚無大礙惟三縣堤岸沖決甚廣經該屬紳

董在籍福建補用知府郭廷集等籌議集款興修估計
海陽縣屬秋溪堯里等鄉堤基修費銀五萬餘兩饒平
縣屬隆都等鄉堤基修費銀一萬五千餘兩澄海縣屬
洪橋等鄉堤基修費銀七萬二千七百餘兩而海陽南
堤自郡南之安南廟起至龍都長橋止計長八千一百
餘丈保障三縣捍衛府城沖決計數十處若僅略事補
苴終屬敷衍之計必須一律加高培厚庶可收一勞永
逸之功估計全堤修費約需銀一十六萬餘兩此次紳
民集議原擬自行籌捐前將發去官款銀五千兩分撥
海陽澄海各二千兩饒平一千兩為之倡率小民自衛
張文襄公全集 卷十八 奏議十八 九
身家踴躍爭先已集資十一萬八千餘兩尚短銀四萬
餘兩力難再籌競赴該道府呈懇發款助工因查上年
海陽縣紳富海防捐輸已捐未繳之銀尙有一萬餘兩
經該道府稟請將此項如數催收即發作津補此項堤
工之用其餘不敷之數再勸令殷戶量力題捐其澄海
縣屬之洪橋鄉堤岸民間籌捐不敷亦擬將該縣紳富
欠繳海防捐項二千六百餘兩催收撥用當經臣批飭
照辦查署潮州鎮中軍遊擊方鰲情形熟悉素能聯絡
紳董因飭該遊擊及該府縣分派委員督工程辦統計
三屬賑撫修築之費除民捐不計外上年由司所發之

款係在沙田海防捐項下撥銀五千兩茲催收紳富海
防捐款撥給銀一萬二千六百餘兩共銀一萬七千六
百餘兩均隨時發交各該屬紳耆領出彙同民捐自行
經理支用其紳富捐款催繳不齊者應由民間自行籌
捐足數現據該道府稟報饒平澄海各堤均已告成惟
海陽南堤工程較鉅趁此秋晴併力趕築亦即陸續竣
工查潮郡素稱殷實該處堤工向係民捐民辦此次因
上年水勢過猛沖決太多迫近郡城急須修築鞏固需
費浩繁又適當廣肇兩府被災之時賜金籌款工賑兼
施該屬紳民同時呼籲未便概從膜置致涉偏枯且所
張文襄公全集 卷十八 奏議十八 十
動皆係捐款以資補助民堤尙屬相當應請併免造冊
報銷
辨認欽州老界繪圖列證請旨飭辦摺 光緒十七年九月初
七日
竊臣欽奉光緒十一年七月二十日寄諭本日已降旨
派周德潤前往雲南鄧承修前往廣西會同各該督撫
辦理勘界事宜即著岑毓英等各委明幹之員帶同熟
悉輿地之人周歷邊境詳加履勘繪具圖說以備考證
等因欽此又奉十月初二日寄諭目前分界自應以會
典及通志所載圖說為主仍須履勘地勢詳加斟酌周

德潤鄧承修親自履勘該處地形瞭然在目自可相機辦理岑毓英李秉衡就近面商務臻妥善張之洞張凱嵩身任地方如有所見亦當詳告以資商榷等因欽此本年四月間勘界大臣鄧承修自桂返廣商詢一切該大臣面稱疊奉電旨現在先辨認老界自當欽遵辦理查欽州接壤越南有三都八峒地方轄境甚廣自廣西上思州沿邊之十萬大山起歷分茅嶺跨一丈河而下南至舊址漫漶不可復識與桂之鎮南滇之馬白儼然設關戍守者不同是以中越地勢華離參錯民夷雜處有既入越界後行數十里復得華界者有前後皆華界

張文襄公全集

卷十八

奏議十八

十一

中間斗入一綫名爲越界者有衙署里社尙存華名檔案可據者有錢糧賦稅輸繳本州列名學冊者有田宅廬墓全屬華人並無越民者固由越爲屬藩不甚考究亦以邊地荒遠地方官未能撫馭周密之故今越歸法護界務一定邊防因之欽州距廉瓊甚近若水陸形勢險要盡爲他族偏處則他年貽患悔不可追且華民數萬戶廬墓數百年紳民老幼泣訴環求亦斷不能置之度外近譯法人所繪越南地圖其指爲新界之處竟將欽州西南一帶劃入越境若我於老界再不切實辨認必至內地轉爲侵佔此臣所以悚惶憂慮而不能已者

也臣自上年八月卽委通判劉保林等與督辦欽廉防務提督馮子材所派都司陶烈武等就近密勘沿邊形勢疊據五峒紳耆公稟懇懇復參稽志乘調查檔案並據該府州縷稟各節所言皆符當於上年十二月會同前撫臣倪文蔚奏請電飭勘界大臣鄧承修與法使勘辦辨論並將草圖按據呈稟各件咨送在案嗣經添派知府尹恭保帶同繪圖人員前赴該峒邊界重加履勘徧考舊聞續查案據復飭隨同勘界督糧道王之春覆加研核益得其詳大抵該處中國老界確鑿可據之證共有十端皆係原本本朝史館官書部案公牘刊本省

張文襄公全集

卷十八

奏議十八

十二

府縣志知州學官冊檔印契越南國王印文峒長世傳有印分單正與前奉諭旨以會典通志爲主之意相符實應全行辨明認還方昭公允與滇桂邊地新與法人商議改正者迥然不同特恐法使無理狡執出於意外一時遽難定議臣與王之春密切籌商竊擬就圖畫爲四綫第一綫中越歷來分疆舊址第二綫將中國老界酌議先行認還一半於邊海大勢尙不甚失第三綫於老界內最切近者先行勘認數處餘再商辦第四綫卽現界近內地地方乃近年來中朝涵容藩服未經詳辨確認之界也總之第一綫乃中華舊壤土應我屬民應我

護並非格外爭多即萬不得已第二第三兩綫亦當力辨堅持方不致棄所固有如此則自遠而近較有層次屆時當相機辨論隨時請旨辦理彼雖貪狡當亦有就我範圍之處且即老界尙待勘明現界亦不至更從剝削謹繪圖分綫並將十證繕列清單恭呈御覽相應請旨飭下總理衙門暨勘界大臣鄧承修北洋大臣李鴻章查照圖證界址與駐京法使暨勘界法使逐條勘論務使舊界得以辨認收還不致全行淪棄海疆幸甚邊氓幸甚

旨該衙門知道單圖併發欽此

張文襄公全集 卷十八 奏議十八

十三

謹將欽州與越南接壤地方查係中國老界詳列確證十則以備辨認繕列清單恭呈御覽

第一證分茅嶺爲中國界分茅嶺在州西南三百六十里屬貼浪都古森峒地爲漢將軍馬援唐節度使馬總立銅柱之所銅柱在新安州外相傳山脊生茅南北異同乃中國與交址分界處見歷代史書圖經及一統志省府州志第二證三不要地爲中國界三不要地在分茅嶺北與十萬大山接雍正五年戶部議准廣東總督孔毓珣奏廣東廉州府欽州西北地名三不要與廣西之上思州安南之河口接壤與廣東龍門協相近請歸併欽州以

便就近撫綏而該地有三村曰白鷄白鴿白灘又有土名曰北崙最爲險要請於龍門協派撥千總兵丁設汛防守巡遊彈壓從之見東華續錄

第三證十萬大山以南循丈二河兩岸南抵新安州濱臨大海皆爲中國界十萬山在州西北丈二河在州西南至新安州入海乾隆二年巡撫楊文乾批飭欽州呢鷄松徑等村夷人歷來未征輸餉稟羅浮等八峒因山岡磽瘠歲只納丁銀四十兩前人立法深得撫綏羈縻之道毋庸報墾升科等語查八峒即包分茅丈二萬甯新安在內河東之峒中永安雁慕潭下河槍河西之新

張文襄公全集 卷十八 奏議十八

十四

安舊街直抵海口皆屬貼浪峒境是該處皆爲欽州完納丁賦之地見廉州府志記事門

第四證新安州江口爲中國界新安州今土人稱爲先安在州西南其江發源於十萬大山沿丈二河而下入於海有雲屯海鎮在新安府雲屯縣之雲屯巖內海中番舶舟船多聚於此永樂中設市舶提舉司見方輿紀要及廉州府志經政門第五證思興水西岸潭下河槍六虎村一帶爲中國界潭下河槍六虎村均在州西南思興水之西新安江口之東潭下又名大潭河槍又名下街六虎村又名駝六

村屬貼浪都今越人私稱為萬甯州其地土子多入欽州學籍及保獎捐輸議敘職員累世廬墓在此見明萬曆三十八年峒長分單及欽州學冊五峒紳耆廩貢生王永儒等稟

第六證古森港海口為中國界古森河今名古森港在州西南距東興十餘里明宣德間欽州峒地入安南嘉靖二十一年壬寅莫登庸納款還侵地遣指揮王相劉

滋知州文章經歷姚明相畫定疆界思勒以潭鱗溪為界河洲以砦溪江為界漸凜以三歧江為界古森河為界見廉州府志建置界鄉都門及疆域圖

第七證漸凜峒三歧江海口為中國界三歧江在州西

張文襄公全集

卷十八

奏議十八

五

南源自思興小水東南流出東興口分為三道一繞砦街之後一經岳山萬注之北一南行出古森港入海查明嘉靖間收回侵地漸凜以三歧江為界又漸凜峒南至大河為界即指此見廉州府志及明嘉靖十一年峒長分單

第八證砦街為中國界砦街在州西南東興僅隔一小溪為佛淘涇巡司地明宣德間黃金廣等以漸凜羅浮河洲古森思勒五峒佛淘涇巡司屬地附黎氏嘉靖壬寅歸還今砦街五里有佛淘巡撫舊署水驛遺址近年越人始私稱海甯府按一統志欽州西南二百四十里有甯海廢縣舊址唐屬陸州蕭梁曰海甯郡以在海南

有陸路通海北故名正與今東興與砦街帶水之隔相符越之海甯府本於蕭梁之海甯郡似無疑義再砦街之北有山名長山山下有村名長山村屬羅浮峒地與松柏隘接見明萬曆三十八年峒長分單暨一統志廉州府志建置鄉都門欽州志古蹟門

第九證江平黃竹為中國界江平黃竹在州西南距思勒十里距防城三十餘里去州城約一日程明崇禎間

係潘士目將田土私賣與越民為業並無官文書案據見明長後裔黃輔文等公稟江平為欽州安良社地今猶名安良街見明萬曆三十八年峒長分單街門刻字現存江平五方雜處漳泉惠潮人最多乾隆二十年知府周碩勛請移州判署於思勒以稽

張文襄公全集

卷十八

奏議十八

六

察江平見廉州府志文門江平民人何殿舉賣與熊昌屋契乾隆間經欽州州判判斷見欽州州判署檔案現經委員調驗此契與原案同

第十證海面快子籠青梅頭以南至九頭山附近諸島皆為中國界諸島皆在州西南為大洋中越相接之處所居皆係華人並無越官越兵駐紮查九頭山即狗頭山同治九年十二月前兩廣總督瑞麟因欽州洋面鄰接亞婆瀾狗頭山等處向為洋盜窩聚之所除派兵勦辦外照會越南國王派兵會勦旋接該國王呈覆下國廣安海分原無亞婆瀾狗頭山等名號現派工部署參知阮文遠等管帶師船往廣安省之白藤江按截等候

等語是白藤江口以外海中諸島並非越境所轄其爲
華界無疑

見同治十年正月十一日越南國王呈覆原文現存兩廣督署有案

謹按欽州邊越之地有三都八峒曰如昔都時羅都貼
浪都如昔峒時羅峒貼浪峒思勒峒河洲峒羅浮峒漸
凜峒古森峒是三都可統八峒故有稱都不稱峒者要
皆歷向中國納賦聽訟應試之地其西北之分茅嶺屬
古森峒爲漢唐立銅柱之所其西南之新安州屬貼浪
都爲明設市舶司之所三歧江等處屬漸凜峒砦街等
處屬時羅都爲明設佛淘涇巡司之所江平黃竹等處
屬思勒峒爲乾隆間議移設州判之所自明宣德間黃

張文襄公全集

卷十八

奏議十八

七

金廣擅以五峒佛淘涇巡司附黎氏嘉靖壬寅莫登庸
納款還侵地而江平黃竹復爲潘土目所私賣官吏未
及深究國初以遷海之禁近海居人較稀越民漸多雜
處雍正五年始正三不要北崙之界華民漸復故居江
平一隅閩廣人尤夥故乾隆間有移東興州判於思勒
以稽察平江之案近年越人私設土目因蕭梁海甯郡
之稱設海甯府又設萬甯州等名號並無明文至邊越
峒地雖間有納稅於越者據乾隆二年巡撫楊文乾批
牘則指明八峒皆爲欽屬歲共納丁銀四十兩毋庸報
舉升科尤爲明白無疑查北起十萬山南循丈二河兩

岸直抵大海西包新安州皆在八峒之內卽古森貼浪

漸凜河洲諸峒之境土民人人皆知我朝免其履畝升
科而令其納丁銀不過體恤邊氓並非棄之度外嗣後
峒民自墾間納越稅乃係越人之誤不得因越之違法
私徵遂謂欽州歷有丁銀之地應入於越也故丈二河
東之河槍潭下等處河西之新安舊街等處華民十居
其九或取入州學或獎敘職員學冊部照廬墓契券歷
歷可據至九頭山越人自謂非其所有現有該國王呈
文足據綜此十證確爲中國老界無疑今勘認中國老
界自新安州以東皆應辨明認還若分茅古嶺及岳山

張文襄公全集

卷十八

奏議十八

六

萬注以東砦街江平黃竹石角句冬山脚等處插入腹
地圖籍案卷炳然可稽則辨認尤不容含混者也竊擬
將欽越交界地圖分爲四綫第一綫西北起十萬大山
三不要地分茅嶺跨丈二河兩岸歷東岸之峒中永安
雁幕平寮西岸之舊街新安州至新安江口入海海中
包雞頭山抬山諸島至大洋止第二綫西北亦起十萬
大山三不要地分茅嶺歷峒中丈二河沿思興水之西
里火馬頭山脚六虎必那大嶂大小茅山下棠潭下河
檜海中包快子籠青梅頭副大門九頭山諸島至大洋
止第三綫西北亦起十萬大山三不要地分茅嶺峒歷

中橫抵思興小水沿思興水之東循河而下出三歧江口包石夾岳山萬注砮街竹山江平萬尾黃竹石角句冬山脚海中亦包快子籠青梅頭九頭山諸島至大洋止第四綫則近年中越接壤未經詳辨確認之界也即使第一綫地界暫未能遽行劃還其第二第三兩綫西北猶收十萬大山三不要地在內東南遠則包潭下河檢近猶包砮街江平在內洋面猶包快子籠青梅頭副大門九頭山在內尚存舊日水陸險要界限亦較分明與雍正年間部案乾隆道光同治以來地方賦稅學籍各案亦尚相符其應如何勘認之處伏候聖裁

張文襄公全集 卷十八 奏議十八

七

密陳于蔭霖才堪大用片

光緒十七年十月二十四日

再升任臬司于蔭霖到粵以來事事能舉其職其嚴治盜匪一洗從前彌縫拘攣之習最為治粵急務清釐訟獄勤求民隱於劣員猾吏濫紳訟棍悉心按考一繩以法厓岸巖峻請託不行蒐拔人材如恐不及臬司向兼營務處於防營兵食諸事隨時贊助知無不言遇有洋務事體與之籌商類皆批隙導窾既能力顧本源復能通達時勢凡臣所銳意整飭之事無不實力推行臣有籌計未當之處無不遇事規益志同道合坐言起行屬吏有定趨法令無隔閡近數月來吏習似已大為轉移

捕務亦已得其要領如該司之持正秉公宏達剛斷不獨為粵省第一賢員察其才器不凡洵堪大用今將去粵僚屬士民同聲戀惜微臣尤覺頓失臂助焦慮傍徨伏思廣東華洋錯處邊海兼防而吏治疲敝盜匪橫行積毒已久在各直省中首稱難治僅有守者不足以懲官邪除民害僅有才者不足以變風氣服羣情如該司之才望設施適為粵省對證之藥現在粵省近有察吏詰奸之本務遠有籌邊防海之宏規若無賢才誰與為理該司已蒙簡擢其才品早在聖鑒之中將來自必游膺重寄宸衷自有權衡惟是粵省當百端交集之秋值

張文襄公全集 卷十八 奏議十八

三

甫有轉機之日臣承乏海疆恩深責重種種緊要實在情形亦何敢不據實上達在該司莅不習之滇省未必即有速效可觀而粵遠少得力大員未免前功頓棄朝廷旰懷南服必蒙照察無遺臣為地方利害起見披瀝密陳伏祈聖鑒

旨留中欽此

密陳瓊防人才片

光緒十二年十月二十六日

再瓊州海外孤懸密邇越界水土毒惡地瘠民貧穀米仰給腹地外而防海內而防黎儋州臨高澄邁一帶又須兼防客匪加以游勇莠民句結滋擾皆為心腹之患

歷年瓊民困於殺掠瓊餉竭於屯防外侮內患交迫兼營實非經久之計現屢接提督馮子材電稱已經攻克什密老巢勦平黎首陳鍾明一股從前滋事客匪亦經懾服就撫容俟另摺詳奏惟黎山尚未開闢其中種類繁多未通聲教大軍一撤又慮出巢肆擾重煩兵力惟有欽遵本年正月二十二日寄諭將該黎人設法化導變獠狂爲馴擾始爲一勞久逸之計如能逐漸歸化納土編氓則因其頭目以省兵力息其殺掠以安土民開其鑽利以徠商賈蕃其雜糧以資軍食內安食足而後可言防海查兵部侍郎曾紀澤原奏稱近日瓊州情形

張文襄公全集

卷十八

奏議十八

三

較之臺灣尤爲喫重法人既據全越卽不能忘情於瓊州在我宜增瓊州之守備以杜法人之覬覦等語洵爲深明形勢切中肯綮之論是今日籌瓊之要以治軍防海爲歸宿而必自撫黎開山始惟是大軍深入事機頗順而黎情未得化導難言善後事宜更未能卽時就緒必須選閱通堅卓之大員任以地方重寄親歷嚴峒周察習俗通其情性布以恩威束以條教令其熟者爲我用生者不爲我患則黎通而瓊安矣然此非尋常監司之比必破格而後可言得人必得人而後可言闢土聖論所謂經久之計未雨綢繆無過於此查雷瓊道一缺

向由內地揀員調補臣於粵東實缺道員內逐加體察實無堪調之員如督糧道王之春才具優長智慮縝密熟諳營務前曾署理雷瓊道在粵省各道中極爲出色之員惟該道向係統帶湘軍該軍戍瓊兩年不習水土營官弁勇病沒纍纍故歷年只在附近州縣地方防截斷不能深入黎峒該道現經調回內地署蒙高廉自未便再令前往此外更難其選臣悉心思索查有山西汾州府知府朱采廉勁果毅勤樸耐勞器識甚闊志趣甚遠久在北洋深通洋務臣在晉時深悉其才其所區畫設施既不爲淺陋凡近之圖亦絕無蹈空粉飾之弊現

張文襄公全集

卷十八

奏議十八

三

在瓊事緊要如蒙天恩破格擢用昇以事權必能披榛闢莽爲國家完此奧區粵防大局亦得犄角無慮實於邊海皆有裨益又卸署兩廣鹽運使廣西候補道蔣澤春守潔才練明澈精詳老於戎行歷在廣西辦理苗疆土司各匪俱能措置妥帖其與撫黎等事情勢相同於斯缺亦能勝任理合據實密陳以備朝廷任使

旨留中欽此

查覆大南沙築圍一案摺

光緒十二年十一月十五日

竊臣於上年承准軍機大臣字寄光緒十一年三月十九日奉上諭有人奏廣東頻遭水患皆由土豪占築圍

壩牟利所致現聞順德縣人胡玉林即胡傳盛串通劣紳羅家言賄託香山縣知縣蕭丙莖領批圈築大南沙田數百頃迨各業戶赴沙踏勘胡玉林膽敢率眾放槍幾釀巨案請飭查辦等語私築圍壩壅塞水道例禁甚嚴若如所奏胡玉林等強築武斷漁利殃民實為閭閻之害著張之洞倪文蔚按照所奏各節澈底查辦據實覆奏等因欽此當經行司委員澈底查辦並據封職何太英陳言羣職員胡祖彝等以胡玉林霸築勒收舉人黃玉書以何太英逞勢故害等情先後具控經候補知府金桂馨前赴順德大南沙勘訊明白因兩造纏訟不

張文襄公全集 卷十八 奏議十八

三

休復經委員前署督糧道李蕊親赴該沙查勘稟覆飭催廣州府知府孫楫提訊斷結嗣據該府以飭縣查明各情兩造延不到案申覆止在催提間本年十月內據在籍戶部候補主事羅家勤翰林院編修黃玉堂及官紳舉貢等八十九人聯名呈控何崇光之胞姪何祖榮兄弟倚恃侍御之勢包匪挖堯傷害農田毆辱約紳等情監生何祖榮訴詞亦許護沙約諸紳謂因禁築大南沙圍挾嫌誣控復據黃玉書等呈控何太英串同姻親陳言羣等糾黨串噬侍符匿審密囑其子妄奏等語復委署督糧道閻希范親赴順德督同兩司委員知府萬

方輝知縣陳藻漢順德縣知縣魏傳熙香山縣知縣張文翰等併案查訊飭司覆核茲據東按察使于蔭霖會同東布政使高崇基署督糧道閻希范詳稱查大南沙築圍被參一案如原奏內稱胡玉林等串賄霸築漁利殃民各節查大南沙築圍係舉人黃玉書倡首有香山縣原稟及各控案可證胡玉林雖亦在事不能主持並非倡築原奏內謂築圍阻塞水道一節查圍多方能阻水不能歸咎於大南沙一圍勘明該沙西南面有光緒四年麥汝良等所築之罟步圍西面有光緒三年胡承勳所築之牛角圍北面有光緒七年何太英等所築之

張文襄公全集 卷十八 奏議十八

三

浮墟圍皆與大南沙毗連黃玉書等議築係仿效三圍辦理又原奏內稱每畝勒收圍底銀二兩餘每畝扣實田八釐及串紳羅家言賄通香山縣知縣蕭丙莖批准一節查黃玉書等築大南沙議每畝收圍底工費銀二兩六錢五分扣提涌佔田六釐亦均係沿襲上三圍舊規絲毫無異黃玉書等沿案請築蕭丙莖沿案批准似無須羅家言從中賄通又原奏內稱圈築大南沙田數百頃並未向各業戶商允各業戶赴沙踏勘胡玉林放槍拒逐幾釀巨案一節查大南沙共有潮田三百餘頃現經黃玉書等圈築僅有七十餘頃只及四分之一此

次稟築大南沙圍已據黃玉書黏呈各業戶簽名知單三紙計二百八十九戶又經護沙公約出長紅通知并無一人到約說及不願築圍是未向業戶商允一層實無所據雖有陳言羣胡祖彝等構訟皆係有爲而爲不允既非公論阻築亦非實情當圍工將竣時何太英雇蠻民數十人連船駛至大南沙欲將該圍挖毀值圍上工作人眾以致彼此口角爭鬧并非出自業戶亦無放槍拒逐情事至原奏內所稱築圍牟利先許劣紳出稟謝資若干分溢田若干酬袍金若干謂之挂銅錘乾食麩等項名目一節查此等陋習從前築畝步牛角浮墟

張文襄公全集

卷十八

奏議十八

三

三圍均所不免亦不獨築大南沙爲然此查明大南沙築圍一案並無阻水串賄放槍拒逐各節之實在情形也又查何太英夥同其戚陳言羣等與黃玉書疊次互控一案何太英等呈一則謂沙棍倚豪霸築畝傷稅業再則謂築圍將使肥田變瘠三則謂攬抽圍底溢田徒飽棍徒慾壑獨不思該封職倡築浮墟沙圍九十餘頃其事甫逾五年其地僅隔一涌大南之築皆由浮墟作俑何得以己所曾爲之事覘顏責人前經在廣州府呈遞和息又行復控謂黃玉書不遵照合約割田補價等語經該道調閱合約尾係陳言羣之子副貢生陳廷

顯代父簽名誠有講割換田十四頃一條訊據何太英供稱已分只有田二十餘畝在圍陳言羣供稱已分只有田六十餘畝在圍乃約內令割田十四頃計一千四百畝其爲包攬別業挺身扛訟顯然易見且合約內云議明聽業戶揀擇不要受水冲射之田自是以瘠易腴何以約內另條反令補田價銀三千兩既云田價何以約內云所欠田價三千兩立單作爲泛常貿易揭充本錢約內所稱立單共銀五千一百五十兩除田價三千兩尚有二千一百五十兩又作何項之用約內又云交銀後務與何封翁出力辦妥銷案並云入控到堂者日

張文襄公全集

卷十八

奏議十八

三

後減收圍底銀一半附控未到堂者減收圍底銀四分之一附控者尙得以次沾利則倡首扛訟者獨享其贏可知種種詭譎貪橫合約內已自和盤托出現據黃玉書等供稱已交何太英銀一千七百兩據陳廷顯供認收入大南公所不諱勒索已有確據至胡祖彝胡尙儻胡廷鎔等訊據供稱該族姪有田四百餘畝被黃玉書等霸築在圍願另拆出查該田中邊俱有何能拆出現圍已築成勢必將全圍拆毀該職員並非真欲拆出明係見何太英詐索得利競起效尤外則挾黃玉書等以賄和內則藉收族人之訟費亦無非爲乘機涎利起見

至黃玉書等築大南沙圍以數百戶共有之業倡爲興築先稟請築五十頃後推擴至七十餘頃實爲多收圍底多扣溢田之計雖踵效畧步浮墟之故套而牟利則一查現圍築之田共有七十七頃零計收圍底可得銀二萬零二百餘兩九四交田可溢田四頃六十六畝零除圍基涌道應佔去田二頃八十畝尙餘溢田一頃八十六畝零每畝約值三十兩計所得溢田可值銀六千餘兩統共可得銀約二萬七千兩雖據黃玉書等供稱築圍實用工本銀一萬四千餘兩訟費及交何太英之銀尙不在內墊資甚鉅現因訟案未結圍底銀分毫未

張文襄公全集

卷十八 奏議十八

三

收溢田亦未扣清而意在藉公營私致使強戶覬覦藉口興訟亦屬咎由自取竊思大南沙圍旣築成若遇水潦盛漲圍中田畝不受浸灌各業戶亦自均沾利益儻果有不便何太英等何不控於甫築之時而控於築竣之後且圍中業戶數百家獨何陳胡數姓纏訟不休各姓均少赴控顯係爭強漁利一切換田拆田控請毀圍之說皆爲假託現經該道於訊明後飭令凡在圍中業戶各守原址各安己業不准以割換拆出爲詞致使強戶取羸弱戶與虧何太英陳言羣等詐贓五千餘兩除立單未支之銀不准索交其交銀一千七百兩飭令順

德縣追繳充公黃玉書等核計將來所收圍底溢田除歸還墊本餘利約有銀一萬三千兩俟明年開收後飭將餘利銀一萬三千兩全數提出罰繳充公乃黃玉書自知認過具結遵依而何太英雖理屈詞窮恃老恃勢一味橫蠻抗不遵斷致陳言羣胡祖彝等因亦從而違抗此查明大南沙築圍互控實因一則意圖沾潤一則恃勢婪索現經勘明訊斷一遵一抗之實在情形也又查何祖榮被控挖蠔傷田庇匪毆紳一案據聯名原呈內何崇光之姪庠生何祖康與弟何祖安何祖榮倚勢包匪挖壳到處傷人田畝復督匪艇數十艘向神步臺

張文襄公全集

卷十八 奏議十八

三

經禁海道肆挖本邑護沙公約禁止弗恤九月初三日臺勇及沙艇拏獲壳匪陳亞銀等七名挖壳鐵具十餘件何祖康兄弟膽率壳匪多人到臺搶奪適臺弁已將壳匪繞道解約竟將臺內旗幟器械毀散隨闖進護沙公約大肆咆哮聲言我侍御第作事誰人敢管要將壳匪搶去約紳前江西上饒縣知縣區作霖勸阻竟敢毆傷右目當將壳匪解縣區作霖傷亦驗明伏查何侍御第父兄橫恣子弟效尤欺民藐官素無畏憚今搶匪鬧約更將老成紳士毆傷藐法兇橫實爲歷來世家所未經見士林聞之無不切齒集縣明倫堂會議咸謂公論

具在國法宜彰緣岸蠟壳所以保護沙田該縣護沙約公議禁止挖蠟係屬歷年成案何崇賢身列約紳乃其子何祖榮等率匪挖蠟鬧約索匪致將區作霖毆有微傷有臺勇葉萬青目擊為證經順德縣知縣魏傳熙驗明傷痕如謂黃玉書一人與之有嫌與八十餘紳何涉已據邑紳羅架龍景愷潘玉璿羅家勤羅彤熙楊康等到案訊明眾供如一僉稱何祖榮等庇匪毆紳係所親見伊家倚言官之勢不法之事甚多此其一端等語傳訊何祖榮等始猶以偶從神步臺經過聞艇呼聲因往解散并非包庇為詞及提陳亞銀等面質供係聽何四

張文襄公全集

卷十八

奏議十八

三

少使令何祖榮乃無詞可辯復據委員萬方輝陳瀛藻查明覆稱何祖榮等平日包匪挖壳每年收壳規銀至千餘兩此次鬧約其叔何崇德並要糾人搶奪幸得邑人阻止否則幾釀大事區作霖被毆激動閭邑公憤赴明倫堂簽名集議者至三百餘人等語尤可異者此案既控之後何祖榮赴臬司控辯並不遵例遣抱具呈公然以何太史第函封投並夾入伊胞叔何崇光新升給事中紅報單一紙投進以此二節證之不獨此案包庇匪毀約毆紳其平日種種恃勢橫行已可概見黃玉書控稱何太英密囑其子妄奏等語恐非無因此查

訊因大南沙築圍滋成挖蠟一案之實在情形也統查築圍挖蠟兩案始末情形加以博采輿論順德閩縣皆以為咎不在何太英何祖榮等而實在何崇光平心論之大南沙久成奏案何崇光身居諫垣不應不知其父及子姪親戚藉大南沙索詐蔓訟何崇光亦不應不知自宜婉切貽書勸戒其父兄約束其子姪令此事早為處息方為無愧科目朝紳之選乃經此案入奏之後其父岳子姪勢焰加張揚言鄉里若惟恐人之不知並不稟請差拘而何太英擅細職員胡心如解省並不繕呈遣抱而何太英徑行面遞此案節略於前藩司龔易圖

張文襄公全集

卷十八

奏議十八

三

之前今且愈橫愈甚至公然投報紅遞訟面駁駁以勢力凌挾官府陳言羣係何崇光之妻父結黨樹幟助勢索銀供認不諱其稟內有經言官參奏章墨未乾等語顯係隱有所挾查何太英不過一微末武弁近年雄視一鄉父子祖孫相率強霸其著有控案者其第四子崇賢以強霸稅田為孀婦梁胡氏所控其孫桂芳以扛佔沙田為貞婦潘吳氏所控其第七子崇烜以扛幫霸耕田田搶割桑禾幾釀巨案為周殿樞所控綜考一門眾案種種暴橫然則閩縣公論歸咎於縱使之入何崇光亦殊難以自解也此案何太英陳言羣之老悖貪橫何

祖榮等之少年狂誕置閩縣水利民生於不恤藐公論國法於不顧種種妄為厥咎均有難恕然探原論事無非恃有身列諫垣之人應請將何太英先行交該地方官嚴加管束其何太英與陳言羣索詐銀兩勒令如數追出充公強立銀單銷燬並將監生何祖榮生員何祖康等分別發縣發學從重戒飭舉人黃玉書築圍浮派銀一萬三千兩悉數遵結充公仍責令該地方官嚴加管束不准再蹈牟利滋訟情事胡祖彝胡廷鏞等如果始終抗斷滋訟再行飭縣嚴懲惟現值清丈沙田之際首宜整頓劣紳把持積習何太英等舉家恃勢婪索抗

張文襄公全集

卷十八 奏議十八

三

斷庇匪毆紳公呈衆論率皆牽涉何崇光此案若不秉公裁斷不獨大南沙一案纏訟不休將來於辦理沙田之全局大有妨礙至翰林院編修黃玉堂係舉人黃玉書之胞兄黃玉書既與何太英互有控案自應引避乃控何祖榮等公呈列名在前以致何祖榮等以挾嫌誣控為辭蓋兩案事雖各別鮮實相因公呈雖係閩邑紳士聯名非僅黃玉堂一人具控究屬不知避嫌似亦微有不合惟給事中何崇光編修黃玉堂皆係京官清要未便擅加評論亦未敢緘默不言相應詳請奏明請旨分別辦理其何太英之第四子何崇賢其孫何桂芳被

控各節與現控係屬另案應飭縣傳集秉公訊斷另行議結其第七子何崇烜查已身故上年案經順德縣斷結應予免究等情前來臣查粵省沙田向為豪紳利藪每一沙中皆係有力者出為首事斂費築圍所派工料之數每有浮多名曰圍底又藉堤涌占地之名各業戶復於每田一頃中提田六畝以酬首事名曰六釐溢田各國雇人看田名曰沙夫亦名沙骨充沙夫者每名先納充規數百元於首事名曰投沙骨此乃順德各沙相沿陋習其他縣各沙亦復大同小異蓋由沙田皆係上腴類多託名斥鹵延不加升隱匿溢坦抗不首報勢之

張文襄公全集

卷十八 奏議十八

三

所在利即歸之利之所在訟即因之訟不能決鬪即隨之此案大南沙築圍被參各款以阻礙水道一節為最要疊據前今署督糧道李蕊閣希范等親往履勘該處海以交錯沙灘分羅並非適當大溜入海之口若論沿海各縣各沙俱有圍田致阻水勢理自有之若謂止此一沙區區面徑五里身高六尺之圍遂能壅遏狂瀾且謂阻及上游數百里外西北兩江之水竊恐近於附會且何太英為首所築之浮墟沙一圍地在其北事在其先彼圍不阻水道而獨責此圍所控殊妄至該圍係黃玉書倡築胡玉林並非首事築圍之人各業戶現有簽

名願築知單其口角爭鬪係何太英雇人掘圍所致並非出自業戶亦無放槍拒逐之事該圍沿案請築該署縣蕭丙埝沿案批准無所用其賄通現經查明羅家言委無串賄之事其圍底溢田之數陋習相沿各圍所同黃玉書沿舊派收其築圍工費皆係墊辦尚未收到現經飭令俟收齊時將餘利盡數罰繳充公既無阻水串賄釀案各節胡玉林羅家言蕭丙埝等應請勿庸置議惟查此案構訟實情皆由各欲牟利而起黃玉書沿舊浮派本有不合但尙未經入手而何太英陳言羣勒寫借單強割腴田訛索已經入手者至一千七百兩之鉅

張文襄公全集

卷十八

奏議十八

三

以何陳兩家之田八十餘畝勒換他戶之田至一千四百畝之多已屬貪橫且黃玉書遵斷罰繳而何太英抗不遵依銷繳息訟尤爲恃勢藐法至順德紳士公呈控告何祖榮等庇匪毆紳一案皆經查訊屬實並查出何崇烜何崇賢何桂芳被控強霸各案以一家祖孫子姪橫行鄉里恫喝官紳致動閩縣公憤且正當委員查訊之際公然以函封訟呈並加給事中報單投送臬司衙門是其一味恃符妄爲罔知法度於臬司衙門如此其於該縣可知其於鄉里更可知現在順德衆憤沸騰僉謂何太英何祖榮及陳言羣等無從深責實由給事中

何崇光庇縱主使所致竊思何崇光身爲言官其是否知情臣斷不欲加以苛責惟此起奏案旣因抗斷不結被控庇匪毆紳一案又復暴橫日甚現當奉旨查辦沙田升科之際法令不行官吏束手臣若委曲徇隱不行據實奏聞不惟無以息大南沙一圍之鬪訟亦無以服順德閩縣之人心相應據實奏明其應如何辦理之處伏候聖裁至在籍翰林院編修黃玉堂適當前案未結之際亦隨衆列名呈控其疎忽之處似亦稍有不合相應請旨交部察議舉人黃玉書沿舊派收圍底溢田並未收到現已重罰充公應請免其置議仍交該地方官

張文襄公全集

卷十八

奏議十八

三

嚴加管束其封職何太英陳言羣監生何祖榮生員何祖康職員胡祖彝胡廷鏞等應請將何太英先行交地方官嚴加管束何祖榮何祖康從重戒飭如果始終抗斷不悛滋訟生事以上各名均卽各予嚴行懲辦其何崇賢等各案飭縣另行查訊議結至沿海沙田如查有實係阻礙水道之處斷不准私行築圍賄串官紳率行批准上年七月已經臣會同前撫臣倪文蔚通飭示禁在案應再嚴飭禁止以杜流弊

旨另有旨欽此

張文襄公全集卷十八終

吳縣周仰公校

張文襄公全集卷十九

奏議十九

瓊軍獲勝籌辦招撫摺

光緒十二年十一月二十七日

竊臣前因瓊州客黎各匪殘害地方為患日鉅奏請特派統兵大員大舉澈辦勦撫兼施奉旨此項客黎各匪必應分別良莠勦撫兼施著馮子材督率各營相機辦理以靖地方等因欽此仰見宸謨廣運誅暴救民之至意曷勝欽佩查前奏聲明黎則先勦積年逆首陳鍾明一股先將附和擾害之外匪亂黎痛加懲創以次招徠良黎誠以馮子材到瓊之初各匪聞風懾伏獨陳鍾明

張文襄公全集

卷十九

奏議十九

一

一股糾眾寇掠定安縣南閩仙溝雷鳴各市焚殺慘酷擾及澄邁是其力悍性頑又在諸匪之上諸亂黎素奉為總頭目全瓊軍民苦之亟應先行剪滅以彰天討疊准馮子材咨報打密什密兩寨為逆首陳鍾明巢穴地居萬山之中道路險遠馮子材自督總兵林長福知府馮相華諸軍進攻中路派知府馮相榮通判劉保林率軍由萬州東路進兵夾擊與中路之軍會於什密飭道員方長華率瓊軍出西路由儋臨一帶進兵會攻黎山以分賊勢兼以控禁客匪使其不能與黎匪合勢助逆陳鍾明聞大軍將至先退入嶺門內之打密黎巢該處

張文襄公全集

卷十九

奏議十九

二

地勢險遠該逆於沿路密插竹籤漬以藥水塞斷隘路其溪澗上流均先期下毒陳鍾青則踞萬州之長沙寨與為犄角馮子材一面整軍進攻並飭道員方長華通判劉保林等設法招致匪黨林開信令誅陳鍾青以自贖密飭萬州文武紳團乘機進擊以為官軍嚮導八月二十一日林開信偕兄開忠夥黨符用廷等密約該處團勇潛入逆寨突起圍擒匪眾驚起救護格鬪林開信等與團勇等奮勇衝擊將陳鍾青殺斃斬獲該匪首級並斷其六指右手一隻生擒逆子陳添與等餘匪被團勇擊散官軍繼進當將長沙一寨奪據查點團勇間有受傷林開信林開忠受傷尤重維時陳鍾明尙在打密聲言親督大股赴萬州九甲復仇九月十三日馮子材親駐嶺門督飭各軍踰險深入十五日知府馮相華率率中右各營至雙溪灘正將渡河之際瞥見對岸山上有賊柵一座匪眾三百餘人鳴鑼吹角下山迎撲都司張福啟首先突擊各營皆奮勇攻戰約一時許匪始挫敗乘勝疾追河寬二里其地無橋梁船筏將士皆梟水而渡進至黃竹賊於當路樹石柵二峙列左右槍自石縫中出我軍分路冒險進攻都司譚信祖奪獲左柵都司張福啟攻破右柵各軍一湧而進匪勢不支翻崖穿

林而遁因天晚樹密未能窮追計共破賊棚三獲槍械旗幟多件該匪中槍斃者率由後隊拖匿巖峒約數十起官軍亦傷亡十二名淹斃三名此初次進剿攻克雙溪灘黃竹等賊棚之實在情形也十七十八等日遊擊馮驊知縣蔡其銘攻奪二渡溪喃喻等賊棚二十日張福啟譚信祖蔡其銘馮驊冒雨攻奪總口山要隘二十一二三三二十九十月初一等日總兵林長福守備陳江志張有德由八村進破牛軛壟暫對分界嶺等賊棚計數日內賊級生擒共百餘名搜斬二十九名擒獲匪目王那寒陳亞六卓均勝范蒞蘭范亞二黃三林觀松

張文襄公全集

卷十九

奏議十九

三

等我軍被賊槍彈毒箭傷亡者四十餘名其東路一軍知府馮相榮通判劉保林由萬州九甲進剿西峒之黎以斷賊援九月二十二二十二二十三二十八二十九等日參將符堅高守備陳才業由田心進攻克南水峒參將梁振基副將馮紹珠由水割村進攻克番署坡竹窟嶺等處焚燬黃志成匪棚都司陳榮坤與符堅高梁振基陳才業由竹窟嶺進合軍力戰攻破西峒匪首陳文中逆巢獲其妻小斃匪甚多奪獲大礮一糧米火藥軍械甚夥弁勇受傷二十餘人各軍距打密漸近該逆退至打密以內二十里之什密老巢率眾死守中隔溪

水三道連日盲風陰雨嵐霧迷漫咫尺不辨十月初旬天氣漸晴中路各軍涉水進攻馮相榮劉保林亦率各營從東路會攻漸逼賊巢初六日馮相榮劉保林親督都司王得標哨弁楊步雲廖得琳楊士丞馮明進等冒險進攻什密守備蔡必壽哨弁陳德芳龔源桂從山旁小路合擊千總黃輔成哨弁陳學榮李暢春攀崖緣樹繞攻山後馮相榮林長福亦督軍趕到合軍逼攻以火箭火藥包射擲棚內斃匪極多自辰至未攻擊四時之久始將什密賊巢攻破逆首陳鍾明率死黨突向後山逃逸蔡必壽追及該匪等回頭拒戰當經蔡必壽將陳

張文襄公全集

卷十九

奏議十九

四

鍾明砍斃生擒逆子陳良嶸一名搜斬悍匪數十名餘匪踰山亂竄計陳鍾明一股悍黨悉就殲除此疊次攻破棚卡及攻克陳鍾明老巢殲除首逆之實在情形也惟是此股巨匪就平以外各峒亂黎歷年勾結外匪凶殺擾害者大小尚十餘股多在萬州陵水一帶亟須分別辦理中路諸軍自深入黎峒以來糧運艱阻冒雨涉水饑凍交乘兼以染受瘴氣水毒疲病不支營官哨弁死者十餘勇丁尤夥馮子材當將萃中萃右兩軍暫行撤出嶺門屯紮烏坡就醫督飭別營由萬州陵水進剿馬嶺匪首黃清廖二弓匪首胡那肥兩股馬嶺匪寨林

密濠深該匪火器甚多我軍連日進攻伐其竹木二十九日馮相榮劉保林督軍力攻竟日哨弁區錫鏞梁廷獻斬柵先登立將馬嶺匪巢攻破斃匪數十名生擒黃亞濃王亞董符代貞三名奪獲抬槍洋槍多件匪首黃清由巢後地孔竄出率餘眾奔赴廖二弓陳文中亦附餘各軍追擊俱有斬擒哨弁楊步雲楊士丞斬賊最多獲賊礮二此次斃匪甚多我軍亦有傷亡查陵水山內黎峒每一峒稱為一弓廖二弓在馬嶺東三十餘里山勢險阻為五十年以來陵水黎匪肇亂之地與哮黎十八村接壤該弓收集各匪七八百人與哮黎匪眾千餘

張文襄公全集 卷十九 奏議十九

五

聯為死黨哮黎一種在羣黎中最高悍三十日攻克廖二弓匪巢哮黎來援為我軍擊退十一月初一日進剿十八村哮黎該匪潛伏山溝叢草中伏礮邀襲官軍斃勇丁四人馮相華劉保林分飭諸軍用槍礮四應轟擊斃匪無數該匪始披靡敗退不能歸巢由山僻小路四竄擒獲哮黎匪首黃亞養所有十八村等處卡寨三十餘以次一律焚燬此續剿馬嶺廖二弓十八村等處獲勝迭平逆寨之實在情形也刻下近外黎山一帶悍匪屢殲賊巢多毀樂會七峒總匪首王打文素習邪術夥黨千餘積年攻剽焚殺村寨受害者無算其為匪尙

在陳鍾明之先亦經定安團紳訓導莫如瑾等率團圍擒解營伏誅馮子材已由萬州馳赴陵水親督官軍暨官吏紳團招諭良黎令其薙髮歸化一面搜剿各匪一面伐木開山節節廓清期於直抵五指山為開通十字路之計至道員方長華所統瓊軍由西路進兵自駐和舍司那大市等處該處為澄邁臨高儋州界上客黎錯雜之地先招撫白沙峒花黎稿以牛酒諭令開路前導抗拒者即行助剿欣然聽命元門峒黎二百餘夙稱凶悍地有金鑽亦願薙髮改裝歸化又干脚峒黎符朝志等聲稱靜候安撫該道分別犒勞即派營官遊擊李渭

張文襄公全集 卷十九 奏議十九

六

培提督邵升堂參將桑儒修遊擊徐永元率四營進元門峒提督張拔萃參將張學詩副將朱廷棟以三營出白沙峒徑抵紅毛上下兩峒沿途撫納小水峒馮墟峒暨龍頭七坊薄沙各峒生黎該軍亦以受瘴多病暫撤四營回南豐調理休息另募土勇更代前進以三營仍紮白沙紅毛以圖再舉至客匪一項聞大軍渡瓊伏匿觀望首鼠兩端既不出犯官軍亦不造冊聽候安插遷延數月始有願就撫遷徙者二百餘人當由馮子材派員點驗押送渡海交署高廉道王之春分發電白吳川茂名等縣安置匪首黃郁保溫河清謫詐反覆竄匿深

山始終不出經方長華懸賞購緝密派遊擊李渭培千
總胡友勝等深入巢穴設法擒獲搜獲腰間有大元帥
印布一方已將該逆首二名解交馮子材大營訊明正
法其安插客匪沿途潛逃至高州時止二百餘人近日
聞已全行逃歸肆惡如故瓊州紳民向臣籲懇請將該
匪痛懲妥處以免後禍馮子材以諸軍方專力辦黎擬
俟黎事就緒後措置客匪臣現正與該提督電商再行
相機妥辦此方長華一軍擒獲匪首迭撫峒黎之實在
情形也查黎地中東西三路現經分軍勦撫踰險苦戰
歷年積惡之亂黎與近年倡亂之客首相繼誅擒羣黎

張文襄公全集

卷十九

奏議十九

七

震懾紛來求撫請薙髮送丁冊而將士瘴鄉攻勦病歿
甚多深爲可憫經馮子材咨請分別獎卹并據方長華
稟報前來臣查此次馮子材督率各軍渡海辦黎自當
中堅直攻什密數旬之內殲逆破巢旋又親督各軍攻
克萬陵各賊寨無數按瓊州緯綫處赤道北十八度至
二十度尙在臺灣之南三度距赤道尤近故黎地黎匪
與臺灣生番地勢夷情大略相類其地亂山窮谷野樹
蔽天雨多晴少不分四時晴午則毒熱雨夜則寒涼溪
澗縱橫深一二尺三四尺不等每日須涉水三四道暴
漲暴消無橋無船匪徒伏匿其間我軍逐層掃盪而進

行則隊伍難齊臥則支帳無地該逆阻隘拒我以逸待
勞我軍攀險仰攻入生出死雕勦蹂擊終日疲勞較之
內地行軍艱苦十倍而且水土惡劣毒瘴靈雨霧潦水
濕死亡纍纍前者僵仆後者繼進爭先恐後義無反顧
遂能殲渠搗穴大振軍威西路瓊軍不避瘴險深入各
峒迭撫生黎並能生擒漏網首逆黃鄒保等亦足以大
快人心此次攻勦處所皆爲數十年來官弁兵勇未到
之區計嶺門去定安縣已一百九十里嶺門進至什密
又一百八十二里什密距五指山僅九十里廖二弓暨
十八村去陵水縣一百三十餘里儋州至那大一百二

張文襄公全集

卷十九

奏議十九

八

十里那大至元門峒一百八十里皆由提督馮子材志
氣忠壯獎率諸軍親歷奇險愈進愈勇是以將士用命
所向有功現在移軍萬州誓清孽黎現正與臣籌商開
山通道及將來開屯設長興利化俗之策該提督規畫
久遠動中機宜儻能仰藉天威開通羣峒盡化諸黎實
爲治瓊長策所有此次攻克黎巢擒斬首逆疊次獲勝
出力文武員弁合無仰懇天恩俯准由臣查明保奏請
旨優獎以鼓士氣而策全功出自逾格鴻慈其傷亡瘴
故者容俟一併查明奏請敕部議卹
旨寬奏均悉此次進勦黎客各匪連破峒寨殲擒首逆

其傷害人命尤重於劫財竊查本年十二月初三日准刑部咨定擬南海縣拐婦衛駱氏罪名照強盜律斬決一案原咨內稱迷拐者以人爲財人已被迷拐走卽屬得財雖藥未起獲惟經船戶救醒供證實屬確鑿豈得因其未賣治罪反可輕減等語具見部臣深悉粵省情形執法懲奸之意雖藥迷之與出洋情事各別而拐賣之無殊於強盜理有可證該司等現詳各節係屬實在情形擬請嗣後略誘拐賣之案除立時由內地起出被拐人口訊明並非圖賣出洋及起獲之人實係情甘出洋並非略誘者仍照定例辦理外其確有證據實係略

張文襄公全集

卷十九

奏議十九

十一

賣出洋而捏稱賣往內地者或狡稱被拐之人情甘出洋毫無憑據及妄指轉賣處所查無蹤跡時逾三月仍未起獲者均暫行照強盜得財律不分首從一律斬決先行正法歸入奏辦各路匪鄉案內就地懲辦彙案奏報如此明定章程庶州縣不至曲爲開脫而匪徒知儆民命保全一俟此風稍息再行體察情形奏明辦理旨著照所請刑部知道欽此

請開鐵禁摺

光緒十二年十二月初七日

竊據兩廣鹽運使王毓藻會同廣東布政使高崇基詳稱各省鐵斤鐵器定例不准下海所以預防移濟洋盜

也海禁既開今昔情形迥異每歲外洋銅鐵入口不下數千萬斤所售槍礮器具不下數百萬件銷銀不止數百萬兩有來無往理殊不平近年來各省講求鑛務率以煤鐵爲大宗粵鐵尤屬精良而銷路不廣卽欲行銷沿海各口陸運脚費既繁海運又冒法網徒使洋鐵到處流通大利盡爲所奪廣東現設鑛政局鼓舞商民應請將兩廣鐵斤鐵器免禁出洋至出口之處一體照例完納稅釐詳請具奏前來臣查粵鐵出產素饒行銷不廣聽其頓滯一區不惟洋鐵徧行漏卮難塞卽粵鐵盈積私販亦難禁絕徒令鑛法多一窒礙工商少一營生

張文襄公全集

卷十九

奏議十九

十二

伏查光緒九年十二月臣在山西巡撫任內會同北洋大臣李鴻章奏請將山西鐵斤准由天津出口轉運各處奉旨著照所請欽此現在晉鐵由津出海轉運奉天省久已欽遵辦理廣東廣西事同一律且廣東現在開辦鑛政該司道等所請援案免禁出洋係爲利民通商起見相應據情奏懇天恩俯准兩廣鐵斤鐵器海運出洋銷售以興鑛務而惠商民旨著照所請該部知道欽此

查覆收支款目尙無歧誤摺

光緒十二年十二月二十六日

竊准戶部咨議覆臣與前撫臣倪文蔚奏廣東省收支

款目一摺以入款一端與部查數目懸殊令將入款出款查明分晰開單具奏光緒十二年八月初十日具奏奉旨依議欽此抄錄原奏咨行到粵當即轉行司局欽遵辦理茲據廣東布政使高崇基會同鹽運使王毓藻暨善後釐務各局司道開列清單逐條登覆詳請奏咨前來臣查本年五月內所奏粵省艱窘短絀各節皆係實在情形前單所列收款銀四百五十六萬五千餘兩係約計現年應入之數而部咨謂收款所報數目不確行令查覆查部單所開六百二十七萬五千餘兩係以光緒九年報數爲例年分不同已難一轍其多列之數

張文襄公全集 卷十九 奏議十九

三

則有三端一爲舊管六款併入新收計算溢出銀七十九萬餘兩一爲續完舊欠十一款歸入常額計算溢出銀八十萬八千餘兩一爲節扣十一款作爲實銀計算溢出銀三十萬九千餘兩查舊管本非每年新收似不能以入款論且從前舊管因積年軍需挪用尙未歸補其數祇係虛列續完舊欠乃九年分所收遠年舊欠亦非歲入定額多寡尤難預定是以前單未經列入其節扣各款或已列入正雜各項之內或因本款並未收足無從扣存此三款皆係例報之數且多虛列之名未可作爲現年實數者也其間弛禁藥釐兩項部單亦有重

複誤計之處此外間有參差皆於清單詳晰聲覆其飭查節省支用各款自當另案分別咨覆造報至前奏請緩請減請免之新舊京協各餉部覆仍令照解現經陸續分別籌解奏明在案惟部臣謂廣東出款日增而收款日減致以殷富省分變爲艱窘等語臣待罪巖疆生財無術循繹之下悚愧萬分特是廣東出款之不得已而增收款之有增而無減有不得不陳明於聖主之前者查廣東之累不患入款之少而患出款之多現計光緒十二年一年之中撥解過京協餉并補解帶解抵解各餉共銀一百五十三萬餘兩其中抵解者亦係動支

張文襄公全集 卷十九 奏議十九

四

實銀又清還本省第一二次匯豐洋款本息銀五十萬零二千兩第三四次匯豐洋款息銀二十八萬四千餘兩代還滇桂借用寶源洋款本息銀三十九萬餘兩內除抵解東北邊防尾數約四萬兩抵解舊欠近畿防餉十萬四千餘兩外實還洋款一百零三萬餘兩兩項共計銀二百五十六萬餘兩而本省防餉善後緝盜匪鄉辦黎勘界諸費不與焉綜考同治元年至光緒十年撥解各餉及清還借款從無如此之多者計前此二十餘年中實解各款少於本年者居多率皆在一百五十萬以下其甚少者則五六十萬至三四十萬第論本

年撥解各餉之數已溢於海防無事之時再加洋款百餘萬其數目浩大實爲粵省從來未有之創聞夫以多事之區承積累之後而支解之鉅如此雖甚富饒豈能不窘此則一由近年海防之急需一由目前部撥之嚴急非粵省所能自主者也至目前善後諸費越已淪敗粵獨當衝邊海俱防綢繆難緩伏讀上年五月初九日諭旨以懲前愆後事過輒忘垂爲大戒宏謨深慮日月不刊此則地勢使然時勢使然必當慎遵籌畫不敢諉諸艱窘而不爲者也加以粵省內河外海之羣盜東西北三江及廉屬之匪鄉瓊州全境構亂之黎客皆從前

張文襄公全集

卷十九

奏議十九

五

數十年醞釀留遺伏戎貽患以至今茲民庶不安其生地方將不可問此固非粵省近日新增之事端而微臣之好爲勞費也若論粵省收款年來力濬財源痛懲糜費除例收賦課不計近兩年防務倥傯因時籌辦者不計外自今年起每歲新增之款有現捐巡緝經費約三十二萬弛禁捐款三十五萬貨釐整頓補抽約較上年增多十三萬鹽務籌捐善後經費十萬潮州肇慶兩關增解海防經費五萬以外洋藥包釐於原包數六十萬之外增加二十萬合計歲增一百一十萬似不得謂之日減無如以上各項皆係因事添籌各有待用專款無

從抽出移作撥餉之用至例收之款收支原奏曾經聲明丁課正賦歷年無甚出入更無虞其驟減總之洋款自還而撥款不減此殷富之所以變爲艱窘也撥款已多而關繫地方大局利害之事不能不辦此艱窘者之所以愈形艱窘也假使海防善後以及緝盜辦匪平黎諸端概從敷衍彌縫百事俱廢而聽其貽誤於冥漠無形之中未嘗不可歲省鉅金從容支應將來必致外有事而無備內有患而難除即使事過境遷幸而聖上譴責不及而微臣清夜疚心亦無以對朝廷而謝百姓今因部催嚴急已將本年撥款大略應付然而無非挪移

張文襄公全集

卷十九

奏議十九

六

借貸剜肉醫瘡明年本省應辦事宜正未知所以爲計以後如何籌解實無把握前經奏請將實官捐輸展限一年留爲粵用如蒙聖慈俞允或尙可稍濟目前茲再懇切申請無任悚惶待命之至
殊批戶部知道單併發欽此

請編定瓊州鄉會試中額摺

光緒十二年十一月二十六日

竊照瓊州孤懸海外逼近越南情形較臺灣尤爲喫重前經兵部侍郎曾紀澤論奏奉旨飭將黎人設法化導等因當經分飭欽遵次第籌辦在案茲據廣東布政使高崇基按察使于蔭霖詳稱溯查自海防有事以來瓊

州情形最爲緊急歷經奏派文武大員分布防營竭力籌辦並勸諭該處士民捐資團防以爲官軍之助本年以黎客各匪滋事經臣奏明大舉澈辦先清內患仰秉宸謨剿撫兼施數月以來將士用命紳團協力已將歷年構亂之黎酋客首次第殲除現飭各軍深入老山撫黎開道締造經營餉需支絀尤不得不藉資民力爲日方長觀成非易必須紳士倡導氓庶信從始能歷久不懈查瓊州府所屬十三州縣幅員方二千里不少英才績學之人前代名臣通儒如邱濬海瑞諸人史冊輝映國朝乾隆嘉慶年間科第頗多嗣後稍稍不振然如瓊

張文襄公全集

卷十九

奏議十九

七

山文昌定安會同等縣近日文風仍復可觀該府地瘠土貧府治距省會海陸一千七百餘里所屬南境州縣距府治又八九百里每逢大比資斧艱難而重躡謁蹶趨赴省門者甚不爲少徒以遠處海南風氣近樸遊學不易非無篤志近思之士或少修飾潤色之功與腹地郡邑合較自不免相形見絀以故近十科以來每科鄉試大率七八百人至九百餘人往往竟無一人獲雋至北上春官往返尤屬不易會試中式者數科間得一人殊無以堅其勵學之心鼓其進取之志查臺灣未經分省之時向定有會試中額一名鄉試則原編至字號田

字號共四名迭加至七名之多今瓊島孤懸近鄰越海較臺灣尤爲重要應請援案奏請每文武科鄉試編爲玉字號取中三名會試取中一名均由廣東鄉會試中額撥出等情由兼護雷瓊道瓊州府知府謙貴稟經該司等核議會詳請奏前來臣查瓊州地形最爲喫重防海平黎團練捐輸皆資民力而土族單寒登進不易若不亟思培植何以鼓舞人材抑臣尤有慮者方今異學旁流離經畔道所在橫行瓊州爲通商口岸外鄰越境內接瀾洲墩民俗傳習素稱詭雜尤賴薦紳儒林蒸蒸繼起維持化導庶免鄉愚懵昧見異思遷查鄉會試撥

張文襄公全集

卷十九

奏議十九

六

加中額現有臺灣成案可援今瓊臺地勢略同而海防尤衝寒士尤苦鄉試人數至八九百名不爲不多合無仰懇天恩俯准援案將廣東鄉試民卷中額八十三名內撥出三名編定玉字號每科就瓊州府屬取中三名會試人數在十名以上懇恩於廣東中額撥出一名取中若不及十名臨時無庸請旨以示限制其武鄉試會試亦擬請照文闈名數編定中額如蒙俞允卽自光緒十四年鄉試十五年會試爲始庶邊士登進有階益勵敵愾同仇之氣愚民詩書被澤不爲異端邪說之歸感戴皇仁曷其有極

硃批禮部議奏欽此

薦舉州縣人才摺

光緒十二年十二月二十七日

竊惟廣東吏治頹敝甚於各省歷年以來多方整飭參撤不少然吏有劾無舉亦無以發人興起之思而端其趨向之準臣督同廣東布政使高崇基按察使于蔭霖詳加甄選大要以心地爲本操守爲先而復覘其才具考其成效查有現署新會縣准補高要縣知縣包永昌清剛樸訥皎然不欺抵任兩月之間訊結羈犯八十餘名結案百餘起平反盜犯五起前在萬州署任親率團練捍禦黎匪境內乂安至今民頌其德無愧悞悞無華

張文襄公全集

卷十九

奏議十九

九

之目現署香山縣優貢分發知縣張文翰明決勤能遇事敢任歷任劇縣皆有政聲到任以來獲著匪五十餘名訊明前任積盜百餘起措置繁難迎刃而解輿情翕服人樂爲用可謂濟事應變之才現署欽州試用知州李受彤廉潔精細條理詳明委查事件不蹈瞻徇之習其在署任殲除地方積匪多起興學化俗百廢俱舉頌聲卓然洵屬爲守兼優之選現署澄邁縣試用知縣楊蔭廷樸質少文貧不易操上年冬間客匪滋事募勇禦賊多所保全審理案件下鄉履勘絲毫不累民間前在署文昌縣任內革除傳呈陋習捐修便民所以處候審

者親查速判書役不能索擾去任時父老遮道請留至今民猶思之署連平州知州優貢分發知縣徐多珍處

瘠能廉審斷明慎緝盜有方籌辦倉穀著有成效所謂日計不足月計有餘者庶幾近之署開平縣補用知縣溫樹棻操守可信才識老練委辦要案卓有操縱可以理煩治劇以上六員才守治績均有可觀雖才性各有不同要皆有盡心民事之實際無俗吏油滑浮靡之積習在粵省州縣中均屬出色之官似應上達朝廷以風羣吏據該兩司會詳請奏前來理合據實上聞合無仰懇天恩俯將該員等予以嘉勉不獨該員等益當感奮

張文襄公全集

卷十九

奏議十九

三

期造循良庶通省牧令皆有所感發興起於吏治大有裨益

硃批另有旨欽此

購辦機器試鑄制錢摺

光緒十三年正月二十四日

竊惟粵省制錢自咸豐七年以後二十年來未嘗開鑄官錢日乏商民病之臣比年以來久欲整頓圖法惟舊例辦法虧耗過多限於物力未能舉辦上年與廣東布政使高崇基詳籌熟商博采眾議惟用機器製造則錢精而費不鉅當經電致出使英德各國大臣考究機器價值及鑄造之法疊接使英大臣劉瑞芬函電喜敦廠

機器全副每日工作十點鐘能鑄造銅錢二百七十萬
箇並寄來喜敦廠機器價目廠屋圖式計上等機器全
副內參大號造銀元機器四架另鑄刻銅錢文母模一
副子模十副鑄造銀元母模四副子模八副製造鋼模
所用之鋼料隨時購辦合計機器鋼模外加運腳保險
以鎊價折合約需銀二十五萬餘兩建造廠屋佔地縱
橫六十丈地面須布鐵板墊洋泥除地基外工料約需
銀五萬餘兩粵省城內民戶稠密地基過昂約需銀數
萬兩不得以為常例此外常年所需鎔銅鎔銀洋製泥
罐每月約需銀二千六百兩鑄銅鑄銀鋼模鋼料每月

張文襄公全集

卷十九

奏議十九

三

約需銀一千零八十兩鍋爐烘銅片所用上煤枯煤粟
煤每月約需銀三千兩洋匠四名薪工每月約需銀八
百六十兩匠夫三百餘名以及員役薪工挑運雜貨每
月約需銀二千四百兩綜計一切每年約需銀十二萬
兩原議機器一年半造成三批運送首批七箇月到每
日可造銅錢四十萬箇次批又五箇月到每日可添造
銅錢五十萬箇并銀元十萬圓二批又六箇月到齊每
日可共造銅錢二百六十萬箇銀元十萬圓總計仍符
每日鑄錢二百七十萬箇之數每月可造銅錢七萬八
千緡銀元三百萬圓通年約停工三十日除搭鑄銀元

數百萬圓外約得銅錢九十萬緡查銅鉛配合之劑銅
質若少即不能受機器軋力應以紫銅六成白鉛四成
為率考錢法輕重歷代多以唐初之開通元寶為準其
制重今庫平一錢蓋古之稱物皆以銖兩計後世十錢
為兩之名即由開通錢而得宋太宗時太平通寶真宗
時咸平元寶景德元寶重皆如之我朝順治十年以前
所鑄即重一錢康熙十九年 聖祖仁皇帝諭令一文
重一錢誠以輕重適中名實相稱此制最為經久今擬
即鑄此式每一文重庫平一錢並擬於錢文背面上下
鑄庫平一錢四字以杜私鑄合計每千重庫平六斤四
兩

張文襄公全集

卷十九

奏議十九

三

兩粵省錢價一千五百文值銀一兩今暫以香港上等
洋銅洋鉛時價合計銅鉛價本暨物料工費火耗與鑄
成所值銀數大率相等不致虧折機器所鑄輪廓光潔
字體精好私爐斷難相混鑄成後或發商易銀或購買
官物或搭放餉項按照市價臨時酌量務順羣情不限
定搭放成數亦不預定折合銀數以免軍民受累竊惟
上古鑄幣本意開山澤之鑛鑄通行之貨固以利民即
以富國今以外洋銅鉛充鑄祇屬一時權宜緣洋船銅
鉛煉精耗少易受模範港去粵近價值亦平滇銅黔鉛
所產至富而提煉未淨價脚過昂目前難資應用查西

南諸省多產五金此乃天地儲此無盡之藏以供國家邊防之用今日爲西南實邊計莫如大興鑛務就近鼓鑄一端然非下手試辦參考羸虧并變通采煉鼓鑄轉運之法其事必不能舉天下事每憚於勞費而創始故臣願以粵省創之茲擬并用內地銅鉛搭鑄并行其式樣配料輕重一切相同用以較其精粗核其息耗粵省一面試辦一面與雲貴總督臣考核銅鉛價脚由兩省自行講求開采鎔鍊之法如半年以後核計粵鑄無虧則就近滇黔開鑄節省必多查貴州威甯州一帶爲產鉛之所亦兼出銅黔省近年卽於該州設局鼓鑄以取

張文襄公全集

卷十九

奏議十九

三

利便惟山路阻遠機器難至考黔鉛運道向由威甯陸運十站至永甯縣水運三站至四川瀘州委員於此設局轉運滇銅產雲南東川府與威甯鄰境滇銅運道亦由威甯東下瀘州亦於瀘州設局轉運是四川瀘州實爲滇黔銅鉛會集之所而去該兩省又甚近瀘州濱江富庶商賈輻湊爲川南緝穀之區若由川滇黔三省合力集資購置機器一副湖江至瀘建一大廠滇銅黔鉛并四川本省之銅俱就此局鑄造三省自行籌商酌劑每年各鑄錢若干緡計兩副機器歲可出錢一百八十八萬緡浮江而下達於沿海上海神京旁濟吳楚制錢通

暢而滇黔已受無窮之益矣如此則鑛商鼓舞開采日蕃價值漸減鎔煉漸精卽專用內地銅鉛鼓鑄不致虧折廣東及他省所需更無須取給外洋庶爲經久之道行之大效更可於漢口設機鑄造以期四達旁流以京師及各直省之銀易川滇黔三省之錢自相灌輸大利仍在中國似於京外民用邊餉邊民均有裨益但目前粵鑄兼用中外銅鉛虧折過鉅力有不支惟有搭鑄銀元或有餘息藉資彌補庶免以虧耗牽掣致阻圖法其試鑄銀元辦法另片詳陳至此項購器造廠之費需銀三十餘萬兩粵省庫款支絀無可撥動現經與弛禁商

張文襄公全集

卷十九

奏議十九

三

人酌款令其代向富商挪借此數應用將來陸續由外籌還不動正款俟機器到粵開鑄三箇月後當將各項工費商民行用確實情形詳晰奏聞據該藩司高崇基具詳前來除已電致出使大臣劉瑞芬立約購運餉縣委員購地建廠外理合恭摺奏陳伏祈聖鑒

硃批戶部速議具奏片併發欽此

試鑄銀元片 光緒十三年正月二十四日

再廣東華洋交錯通省皆用外洋銀錢波及廣西至於閩臺浙江皖鄂煙臺天津所有通商口岸以及湖南長沙湘潭四川打箭鑪前後藏無不通行以致利歸外洋

漏卮無底竊惟鑄幣便民乃國家自有之權利銅錢銀錢理無二致皆應我行我法方為得體且粵省所用洋銀皆係舊洋爛板破碎黴黑尤為隱受其虧粵省此次訂購鑄錢機器內兼有鑄銀元機器擬即選募西人善鑄銀元者來華試造若附在錢局內鑄造計此歲鑄銀元三千萬枚之機器其機器價值廠屋工料火耗一年所費不過四五萬金專設一廠亦不過十餘萬金外洋銀元每元重漕平七錢三分今擬每元加重一分五釐有奇定為庫平七錢三分銀元上一面鑄光緒元寶四字清文漢文合璧一面鑄蟠龍文周圍鑄廣東省造庫

張文襄公全集

卷十九 奏議十九

五

平七錢三分十字兼用漢文洋文以便與外洋交易鑄成之後支放各種餉需官項與徵收釐捐鹽課雜稅及粵省洋關稅項向收洋銀者均與洋銀一同行用不拘成數銀色務與外國上等洋銀相等銀質較重而作價補水均與相同商民趨利自易風行若日久通行民間自行加價亦聽其便聞外洋銀元頗有贏餘雖每元加重一分五釐斷無虧折如蒙允行懇請頒發明旨粵鑄銀元除京餉外各省協餉解款完納華洋釐稅民間交易准其一體行用開鑄時即當將銀樣恭呈御覽試造之初先鑄一百萬元察其能否流通陸續添鑄多至五

百萬元而止如不能暢行隨時停鑄殊不為難即略有虧耗亦甚微渺可以預決當由粵省籌補不動庫款一年以後粵省果能暢行當將工費細目贏餘實數詳晰奏咨屆時擬請敕下戶部體察酌劑由部購置機器一副在天津設局鑄造頒發通商口岸一體通行粵省銀元仍懇准其鑄造由戶部酌定限制歲鑄若干如有息款即以彌補鑄錢虧耗計戶部機器一副日鑄十萬元歲可鑄三千餘萬元即以每歲鑄千萬元計之數年之後充叔海邦流通域外雖不藉以裕國用亦足以保利權粵省試其端而戶部權其利揆時度勢似尚無所窒

張文襄公全集

卷十九 奏議十九

五

礙總之鑛務錢法銀元三事相為表裏交互補益如環無端鑛產盛而後鑄銅鑄銀有取資鼓鑄多而後西南各省銅鉛有銷路以鑄銀之息補鑄銅之耗而後錢法可以專用內地銅鉛而無虞虧折迨至開采日多銅價日賤官鑄無虧商趨其利民便其用邊軍資其餉實西南徼外之邊備塞東南沿海沿江九省之漏卮未必非自強之一端也所有粵省擬請試鑄銀元以備戶部推廣各緣由相應附片具奏請旨敕下戶部速議覈覆施行

勦撫各黎開通山路摺

光緒十三年二月十七日

竊查瓊州黎匪自攻克陳鍾明什密老巢平燬馬嶺廖二弓十八村匪寨後軍威已振西峒逆首陳文中馬嶺逆首黃清廖二弓逆首那肥即胡那肥那閃陵水逆首丁鬚生藍紅衫胡明時樂會逆首賴文成等負隅抗拒死黨尙多又有僞大將軍鄭顯昌係光緒七年閏七月奉旨飭拏未獲之逆首瓊民多罹其害均應亟爲勦辦以伸國法而快人心當經提督馮子材派直隸州知州劉保林督率部勇勦辦那肥一股道員楊玉書知府馮相榮率軍追勦陳文中黃清各匪分飭紳團搜捕餘孽上年十一月二十七日探知那肥踞廖二弓老巢濠深

張文襄公全集

卷十九

奏議十九

三

巖密上列礮石爲死守計劉保林派隊進攻先燬堅木柵十餘層該逆猶抵死不退二十八日我軍直逼老巢以火箭飛射寨中知縣石佩瓊主簿楊士丞巡檢楊桂振等繞出山後圍攻自辰至午賊勢不支棄巢向後山越竄石佩瓊督勇猛追那肥中槍倒地經楊桂振割取首級逆黨回援楊士丞猝爲飛彈所中登時陣亡各軍四面兜擊殄斃悍賊百餘名奪獲槍械三百餘件陣亡勇丁九名受傷三十餘名生擒匪供那肥槍斃屬實餘匪逸出無幾維時陳文中竄入陵水首弓之打鐵村十二月初一日楊玉書馮相榮暨團紳譚喬紳分帶兵練

馳往圍捕該逆奪門狂竄練長林明志奮勇持團槍斃逆首陳文中練長吳金章生擒僞先鋒胡那耀並斃匪夥多名初七日楊玉書馮相榮劉保林移營廖二嶺尾逆首那閃率黨出柵拒戰猛鷲異常我軍合力圍攻礮傷該逆左腳始經就擒解交馮子材大營訊明梟示連日各軍勦捕搜山丁鬚生藍紅衫胡明時三逆以次就擒總兵林長福率萃右軍搜勦烏坡一帶餘匪初一至初五等日將橫山固賊黨一併攻燬生擒賴金昌王打狂等匪殲斃逆黨數十名我軍亦有傷亡知府馮相華率萃中軍分搜定安望天嶺天峒嶺一帶擒斬逆匪賴

張文襄公全集

卷十九

奏議十九

三

文才夥黨黃亞二等九十餘名萃右軍擒獲逆首賴文成暨匪黨胡鳳尾等八十餘名劉保林所部萃左軍擒獲黃昌明等一百餘名萃前軍擒獲林成珍等一百八十餘名均係積年黨匪供認迭次殺掠不諱經馮子材先後飭令正法東中兩路匪勢已經渙散惟鄭顯昌黃清未獲十二月二十一日偵知鄭顯昌率其死黨盤踞萬州黎峒馮子材飭署萬州營遊擊方敬選派弁兵會合萃軍馳往圍捕千總張德星五品軍功朱廷光首先奮勇深入黎巢將該逆生擒解營正法本年正月十二日馮子材自赴寶停司督勦令馮相榮劉保林分率勇

團搜山是夜躡及黃清於廖二弓灣洲地方都司陳榮坤守備劉步高連槍擊斃之令降黎認明屬實並將平日濟匪致富被控多案之土棍李榮誥拏獲正法合縣稱快當萃軍漸移瓊南之時中路定樂毗連之嶺門烏坡一帶尙有餘匪當經臣之洞由省另派福軍四營益以土勇兩營前往搜勦撫定其西路客匪黃鄒保溫河清夥黨前次雖經投誠渡海安插仍復潛回故地伺便糾眾劫掠怙惡不悛法難寬宥經道員方長華派軍擒斬匪首陳贊桂匪目張秀生鄧亞生賴官生等四十三名稍輕者分別發交州縣懲禁保釋仍飭該處紳團勒

張文襄公全集

卷十九

奏議十九

三

拏餘匪以期安緝又有儋州匪首陳鍾銘藉報復爲名糾眾滋擾感恩地方焚殺淫掠黎漢各村均被其害上年八月奏明在案方長華派府經歷毓濂等設法擒獲交馮子材大營訊辦以上情形接據馮子材暨方長華楊玉書護雷瓊道謙貴等節次咨報稟報前來計定樂陵萬澄感各匪俱已漸次廓清惟崖州一屬處瓊郡之極南距府城將及千里山谷最深瘴毒最重從古人跡未到之處該處生歧最悍自道光九年至十一年戕官爲亂經前督臣李鴻賓督軍勦平卒以官兵未能深入草林嶺以北黎村自此叛爲生黎不納丁糧抱寨抱丑

打蕩等村黎匪四出焚殺甚慘紳民屢經稟請勦辦又陵崖交界之下馬峒在五指七指之間地勢深險素爲匪窟此兩處尤應乘機勘定此時將士久勞饋餉不易然不就此兵威一律底定則瓊地病根未除聲教終梗以後難期再舉臣之洞熟加籌度亟宜恪遵一勞永逸之諭廓清崖境以竟全功當經與馮子材電函定議激勵諸軍多備醫藥移師南路病者撤出善地調養壯者鼓勇深入令馮相榮馮相華劉保林等三軍由東路進方長華之軍由西路進會合紳團分別勦撫務令直抵生歧巢穴應俟辦有端倪再行奏報此萬陵各匪肅清

張文襄公全集

卷十九

奏議十九

三

後現又移辦崖匪之實在情形也現在亂黎漸稀則撫定良黎有可措手臣之洞酌擬撫黎章程十二條刊發傳布一官軍此舉專爲勦除亂黎招撫良黎開通十字大路以期黎漢永遠相安其良黎秋毫不擾毋庸畏懼一從前爲匪黎人投誠者免抗拒者誅擒斬來獻者重賞一投誠各黎無論生熟一律薙髮改裝一投誠黎首開送戶口冊細獻匪徒繳呈槍械一投誠黎眾隨大軍伐木開山必驅嚮導仍按計里數酌給賞犒一將來開通生黎大路後選擇要地設官撫治安營彈壓各村黎長助勦開路有功者授爲土目就中酌設局總土目數

人散目給頂戴總目授土職自爲約束仍聽地方官選
黜略仿黔滇各省土司之例不令吏胥索擾一開通後
黎人仍安生理有主之田斷不能強奪惟抗拒者籍產
入官充官軍屯田之用一開通田業三年內不收賦稅
三年之外務從輕則起徵斷不科斂一開通後黎境有
鑛各山由官商開采者給錢租賃絕不強行佔踞黎漢
均享其利一開通後民人鹽布百貨與黎地牛木糧藥
等物在各峒口設場互市來往暢通公平交易嚴禁漢
民訛賴盤剝總令於黎人有益一設立土目之後應各
具永遠不敢殺掠抗官藏匿匪徒之切結存案所屬有

張文襄公全集

卷十九

奏議十九

三

犯責成該土目拏送到官按律懲辦一每數村仿內地
設一義學延請塾師習學漢語漢文宣講聖諭廣訓所
需經費就地籌辦令在籍紳士總兵林宜華副將符鴻
升等分遣通曉黎語團紳經歷各峒剴切宣諭其霞黎
苗黎哮黎乾脚歧各種類多裸處酌給衣袴令其漸被
冠裳之化馴其頑悍之俗現據各路稟報已經薙髮改
裝就撫造冊者東路丁口三萬餘北路一萬餘西路四
萬餘查撫黎以開路爲先開鑿險隘芟焚林莽令其四
通八達陽光照臨人氣日甚則嵐嶂自消水毒自除前
代雖有開通十字路之議迄未舉行康熙二十年瓊州

鎮總兵吳啟爵勦南勞峒黎後亦曾議及中作而輟綜
考黎峒形勢北以十萬峒之牛欄坪爲要東以太平峒
之什密爲要東南以寶停司爲要南以羅活峒之安司
爲要西南以古振州峒爲要西以紅毛峒之凡陽爲要
皆出入衝要可以屯兵足食之所茲擬開大路十二道
一由樂會之嘉瀆市西行經石壁船埠加嶺中平河濫
出五指山之北西抵牛欄坪此爲東北路一由萬州之
興隆五甲西北行經長沙營什密禁會南峒七邨出五
指山之東亦抵牛欄坪一由定安之銅甲口西北行過
毛祥口出五指山之南西抵五指山下水滿峒一由陵

張文襄公全集

卷十九

奏議十九

三

水之烏牙開至寶停司又由崖州之藤橋亦開至寶停
司再由寶停司西行橫開一路越七指山抵崖州屬樂
司此爲東三路均責成道員楊玉書辦理一由崖州東
之三亞口西北行越華林大嶺出五指山之西抵凡陽
此爲東南路責成道員楊玉書暨知府馮相榮馮相華
辦理一由儋州南豐市東行經大水番崙元門紅毛合
棘諸峒東南抵五指山下水滿峒一由紅毛峒南行經
番響毛匱諸峒出五指山之西北經凡陽南抵樂安司
一由儋州之調南市東南行經七坊刀缸諸峒南抵威
恩古振州峒北爲西三路一由昌化東行經古振州峒

東亦抵樂安司此爲西南路均責成道員方長華辦理一由崖州西之九所市北行經樂平汛東北抵樂安司此爲南路責成署崖州知州劉保林署崖州協副將方敬會合方長華辦理一由定安之嶺門南行經蚺蛇峒十萬峒牛欄坪南勞峒抵五指山過山南至水滿峒此爲北路一由嶺門西南行經三坎溪豬母灣加釵峒出黎母山之南抵紅毛峒此爲西北路責成督帶福軍同知孫鴻勳辦理統由馮子材考核督催並飭瓊州道府激勵各屬紳團同力協助大率參考前明海瑞俞大猷諸人之說加以變通推廣所開之路如井字形其餘各

張文襄公全集

卷十九

奏議十九

三

州縣團夫分開小路以合於大路縱橫貫通同時並舉分地定限會合聯接勇團土黎併力作工以一丈六尺爲度極險仄處以八尺爲度人力所不能施者以炸藥轟裂之所到之處伐木焚莽搭橋鑿井經過黎歧隨宜撫定分遣員生測繪地圖並令沿途察看各河道是否可行船筏以備運出老山材木百貨測看各山鑛苗種類以備開采山內地形土性宜於種植何物以阜物產而贍瓊民路通地闢之後應於內山要隘廣饒處所建置城寨設官安營以資化導控制舉辦一切俾此奧區永爲樂土竊惟瓊郡唐代建州置縣以來峒黎叛服不

時屢煩兵力良由山深林密恃險爲患外匪附和荼毒益深勞費防守直無安歲與臺灣番情形無異乃蒙聖主明見萬里采兵部侍郎曾紀澤之奏特頒諭旨令籌經久之計臣等仰秉宸謨策勵諸將稔惡亂黎誅擒殆盡開荒鑿險漸化榛莽目前路工已得十分之四統計五月間路工可一律告成羣黎亦可撫定一切善後事宜臣等當妥議奏陳所有疊次攻克萬陵等處匪巢殲除首要以及深入老山撫黎開路各員弁艱險勞瘁迥異尋常應懇恩施由臣等存記俟全瓊肅清後彙案奏請獎敘

張文襄公全集

卷十九

奏議十九

三

硃批覽奏均悉卽著張之洞等將勦撫各事宜妥籌辦理以靖地方所有出力各員弁著俟全瓊肅清後准其擇尤彙案奏保毋許冒濫欽此

張文襄公全集卷十九終

紹興孫家棟校

張文襄公全集卷二十

奏議二十

恭報交卸兼署撫篆日期並懇賞假調理摺光緒十三年二月十七日

竊照新任廣東撫臣吳大澂現已抵粵臣當將廣東巡撫關防及太平橋監督關防並王命旗牌文卷等件於光緒十三年二月初九日委員齎送撫臣接收臣即日交卸署任伏念臣當兼權撫篆之日正勉銷病假之時辱軀未復元而吏治軍政餉需盜案洋務邊情兩衙門公事一時並集尤無喘息之暇誠以委畀之厚時事

張文襄公全集

卷二十 奏議二十

之艱不敢不勉策疲驚獨自措拄現在署任雖獲交卸而本任職守繁重依然幸同官有人可資商榷亟擬趁此調養宿疴兼因感受春寒觸動肝木舊證鬱塞作痛醫者謂病原在於用心太苦有乖消息之宜必須息心靜養非藥餌所能驟效惟有籲懇天恩賞假一月俾得調理速痊勉圖報效至日行緊要事件臣仍當力疾會商東西撫臣妥為辦理

硃批著賞假一月欽此

添調福軍赴瓊片光緒十三年二月十七日

再上年十月萃軍攻克什密老巢後因冒瘴苦戰兼以

不服水土病歿疊疊當將各營撤出嶺門調息傷病將士分軍由屯昌進紮陵萬專剿馬嶺廖二弓等處股匪業經奏報在案查自萃軍撤退後中路無勁兵填紮在瓊各軍皆未堪此瘴癘正擬添調生力兵勇以代疲病而竟全功適記名提督南澳鎮總兵劉永福請假回廣西賓州安置家屬並往博白縣省墓所部福軍五營尙留省城該軍將士以入關後未立功效自願赴瓊助萃軍剿撫黎匪當查該軍久在關外素習艱苦能忍煙瘴到彼如果相宜將來即令在彼墾田開鑛既可節省軍儲安插人眾瓊防添此一校勁旅更有大益即經檄飭

張文襄公全集

卷二十 奏議二十

前委經理該軍營務之同知孫鴻勳選帶四營前往由中路進并於到瓊後添募土勇兩營以資嚮導每營二百人仍隸福軍編為福軍新左新右營以便鈐束劉永福銷假回東後仍留省防俟將來體察情形若亦令該提督赴瓊是否相宜再行奏明請旨辦理現在該軍悉遵孫鴻勳調度渡瓊以後秋毫無擾於撫黎開山諸事甚為得力

硃批知道了欽此

為張福啟等請卹片光緒十三年二月十七日

再遊擊銜廣東儘先補用都司張福啟自馮子材渡海

勦辦黎匪該都司踴躍請行首率一營由嶺門深入黎
峒為諸軍先雙溪灘黃竹等處賊寨為陳鍾明什密老
巢第一重門戶巖深河廣該都司鳧水而渡麾軍猛攻
首克堅柵三處旋復冒雨會合諸軍攻奪總口山要隘
大挫凶鋒是此次殲渠掃穴該都司尤為首功詎以日
日渡河冒雨受溼兼受瘴氣水毒致嬰重病歿於營次
各軍同聲痛惜計該營弁勇傷亡瘴故最多又查有六
品銜分省補用縣主簿楊士丞向在萃軍派充哨官上
年十月隨同大軍攻克什密老巢復經攻勦廖二弓黃
清匪巢斬馘最多均經奏報在案此次進勦廖二岩那

張文襄公全集

卷二十 奏議二十

三

肥一股該主簿力追該逆中槍陣亡該逆及其悍黨率
為我軍所殲查張福啟首克黎巢殞身瘴域楊士丞以
文吏親身搏戰奮勇捐軀均屬深堪閔惜合無仰懇天
恩俯准敕部將遊擊銜儘先都司張福啟照遊擊軍營
立功後積勞病故例從優議卹六品銜分省主簿楊士
丞照六品陣亡例從優議卹以慰忠魂其餘疊次傷亡
瘴故員弁兵勇容俟查明另行彙案奏請賜卹
硃批著照所請該部知道欽此

京員津貼請仍照原派數目籌解摺

光緒十三年三月十七日

竊惟我朝優待臣工京官於正俸外復有恩俸而外任

復益以養廉銀尤為前代所未有光緒九年間戶部因
言官條奏議令各省關提撥外銷之款作為京官津貼
計每年擬解京官津貼銀二十六萬兩會同吏部酌定
章程於十年間奏准各衙門四品以下京官翰詹科道
及內閣各部院侍讀郎中員外郎主事中書小京官等
官每年各按三百兩二百四十兩一百六十兩一百兩
數目開放在案各署京員同聲感戴無不益思磨勵冀
以仰答生成至十一年十二月間戶部以在京官員放
給全數俸銀奏明停止津貼各省關仍將原撥津貼之
款解部搭放俸餉在部臣自以增餉繁鉅派撥為難故

張文襄公全集

卷二十 奏議二十

四

不得已而出此特是俸銀津貼莫非聖恩名實固不必
區分而贏絀實不能無異查京員四品以下歲俸一百
五兩至四十五兩有差此次議給全俸不過補足近年
減成之數並非全數新增近時物力之貴日用之昂迥
非往昔可比且員數踰濟銓補需時竊惟澹泊所以明
志乃儒臣守道之本懷而為學必先治生亦先儒探源
之要論京朝諸臣直禁近之地處清要之班氣節學術
關繫國家元氣似仍宜曲加體恤用示激揚惟軍實官
常必須兼籌無礙伏查各省海防救平用度漸簡疆吏
權使無不恪遵訓諭精心綜核力戒浮糜如各省關再

將內銷外銷各用款分別設法節省計每年所籌自數千金至二三萬金不等尙不至無從措手似可卽照戶部奏准搭放俸餉二十六萬兩之數令各省關各按原數力籌另解關繫神京要需斷不至推諉貽誤至京員津貼仍照原案籌解卽仍照原案支給但稍資眾擊之力實大助六計之廉臣等承乏粵疆當此度支困絀外銷日少初何敢建議擴充惟省關分籌尙不甚多誠仰見 聖主體恤羣工旣已澤霈非常允宜循行不替合無籲懇天恩俯念京秩清約係屬實情除遵旨放給全俸外伏請敕下戶部核議可否令各省關卽照此次部

張文襄公全集

卷二十 奏議二十一

五

議將津貼改爲搭放俸餉之二十六萬兩仍按原省原數另籌解部作爲搭放俸餉專款其原派京員津貼一款照舊籌解戶部仍照原議之數分給似於贍軍養廉兩無滯礙省關諸臣仰體聖慈度有同心而朝廷惠養在其中臺閣儲器亦在其中裨益良非淺鮮

硃批現在京員已給全俸自毋庸另予津貼該督等所奏意存見好著不准行欽此

詳陳澳界利害立約尙宜緩定摺

光緒十三年四月二十四日

竊臣於光緒十三年三月二十四日承准總理衙門咨稱洋藥稅釐併徵新章香港與澳門會辦各節於光緒

十三年二月十三日奏奉硃批依議欽此恭錄各行到粵查原奏內稱竊查洋藥自印度販運來華聚於香港澳門分赴各口銷售必須英葡兩國相助稽查方可杜偷漏繞越之弊上年正月間奏請飭派道員邵友濂會同總稅務司赫德前往香港與英官會商辦法查知港地雖爲握要尙須與澳門會辦始能得力澳門自前明嘉靖時卽經葡國佔居歲輸租課二萬金迨至國初知該處被佔已久難以收回遂改稅課爲地租僅令輸銀五百兩按年完繳自道光二十九年以後并此項銀兩亦未交納近年該國屢求訂約通商因澳門之事爭論

張文襄公全集

卷二十 奏議二十一

六

未定輒作罷論刻下因洋藥稅釐併徵一案非與葡國商辦則澳門之偷漏無從巡緝是以十一月間開辦併徵之後卽密飭赫德派稅務司金登幹就近前往葡國徐圖辦法茲據赫德申稱現已准葡國外部電信一派使來華擬議通商條約二葡國永駐澳門管理一切三葡國不得讓其地於他國四香港所允辦法澳門亦類推辦理以上四層現值香澳稅務開辦在卽卽由金登幹在彼畫押爲據一面照會英國使臣轉致葡國派使來華議約并飭知澳門洋官卽照所議開辦各等語查澳門久爲彼國盤踞今縱不准其永遠居住亦屬虛文

又徒於稅務多添窒礙并無收回該地之實際儻能議約有成則權有專歸稅務可期無缺向之偷漏稅課者今可設關向之招納叛亡者今可緝匪向之拐騙丁口者今可安插稽查而且與新加坡等埠鄰近藉可通達消息尤爲得力再查葡國貧困日甚如法美俄德各國皆有財力無不垂涎澳門冀以巨款購得其地爲駐兵之所是不讓其地於他國一層尤應於議約之先切實聲明杜絕覬覦所議各節似宜照行請旨飭下兩廣督臣遵辦并札飭總稅務司飭金登幹先行畫押至同治年間原定未換條約各款今昔情形不同所有應增應

張文襄全集

卷二十 奏議二十

七

刪各節應候該國使臣至華詳細核議隨時另行請旨辦理等語臣惟葡人僑居澳門歷有年所總署因其久假不歸且慮他國垂涎陽資其權稅緝奸之力陰禁其併吞授受之謀原所以曲示羈縻裨益國計所以臣初見港報尙覺將信將疑未幾接到總署來文方知成謀已定迫灼徬徨不可言喻頻月以來通籌利害竊恐羈縻之意雖善滋長之患方多茲事體大有不得不瀝陳於 聖主之前者查澳門爲香山縣管轄距省城二百餘里陸路可通實爲廣東濱海門戶非如瓊州之孤懸海外亦非如香港之矗立海中葡人雖盤踞多年不交

租銀不守界址然亦幸中國之不屑與較至絜權量力我之可以逼葡葡之不足病我事理甚明今因事要求曲徇其請遷就立約在葡人固始願不及卽他國亦相顧驚疑夫因練軍而始籌餉乃因籌餉而先損權可慮一也葡之住澳本以圍牆爲界牆外民田戶籍悉隸香山管轄葡人逐漸越佔又屢向界外村民勒收田房租鈔迭據望廈村紳民聯稟赴懇經臣先後委員會勘照會葡官查禁在案名爲租界猶得加以詰問立其隄防若竟畀以管理一切之權將此後土地人民盡歸葡屬以後水界附島皆將視若固有是其政令旣行於澳中

張文襄全集

卷二十 奏議二十

八

管轄將及於澳外界限混淆潛滋暗長可慮二也中國濱海各省租界林立一切管轄辦案權利章程幸有公法可循條約可守雖暫無退還之舉亦莫生覬覦之心今有澳門爲例則日後諸強國乘機伺便接踵效尤拒之則有厚薄之嫌應之則成滋蔓之勢且此次英葡同一幫緝英人倡議主事德色尤深葡則成效未見已有先施英若美利能收能無厚報可慮三也粵民僑寓澳門人數眾多良莠互異南番香順等縣商民往來省澳者何止數萬往往兩地置產兩地行商無從限斷至於閩民濫匪往來如織尤無紀極西例凡生長於某國之

地即可隸籍爲某國之民領取票據恃爲護身之符遇有犯事地方官不能以華法治之卽如光緒十一年南海縣民何回生走私一案何回生現隸民籍家有職官人所共知乃英領事來文以其久居香港冒入英籍公然據爲英國屬民前車可鑒查英國稽核較嚴猶不能無冒濫給票之弊葡國貪鄙陋劣若以澳門歸其管轄奸民將取巧冒籍四出作奸葡國必漁利扛幫紛紛移索民無定籍官法不行可慮四也澳門藪盜庇奸由來已久臣到任後所有照會葡官提究要犯雖不無往返駁詰亦均陸續交出以視港官之扣留員弁勒請訟師

張文襄公全集

卷二十 奏議二十一

九

糜費曠日或交或否聽憑洋官辦理往往始終不交者難易較殊租界與屬地辦法不同確有明驗今若改歸管轄以後不獨拐騙人口難於過問卽緝匪一節亦將藉口洋例如香港之節節刁難彼之事權愈專我之隔閡愈甚可慮五也葡踞澳門得之無名未立條約利益不能與各國同霑葡人犯事可歸地方官審辦通商以來未聞有葡人遊歷傳教之事彼非不願來實不便來也今若與立約必有遊歷傳教之條彼族將藉此爲營私之計將來交涉教案必有歐洲各國之人所不屑爲者葡人則優爲之可慮六也葡人貧困日甚各國垂涎

澳門誠如總署所云冀以巨款購得爲駐兵之所然名爲租界環瀛共知猶未敢公然取求顯干名義今改爲葡轄我縱能禁葡人之不得轉讓豈能保各國之不以力爭設竟效併越吞緬之故智不取之於我而取之於葡葡人爲自主之國而無可求援中國爲局外之觀而無從庇護澳門雖蕞爾逼近省垣此後水陸籌防均難措手實爲肘腋之患非獨唇齒之憂可慮七也有此數弊雖併徵得效利害兼權似亦不能無鯁鯁之過慮特是草約已立勢難中止微臣愚陋竊思今日挽回補救之策約有五條一曰細訂詳約查簡約雖經金登幹畫

張文襄公全集

卷二十 奏議二十一

十

押而詳細條約應刪應增仍須俟葡使到華會同總署核議請旨辦理其永駐澳門一條原因協辦藥徵格外見讓租銀非畫地歸葡者可比且約有不得轉讓他國之文可見澳門係中國讓與葡國居住仍係中國疆土應聲明讓與葡國永遠居住免其租銀不得視爲葡國屬地其不讓地於他國一條應聲明澳門仍係中國疆土葡國不得讓於他國如此則我有讓地之名而無損權之實仍與原約之義毫不相背既可關葡人之口亦不至生他國之心一曰畫清界限有陸界有水界何謂陸界東北枕山西南濱海是爲澳門其原立之三巴門

水坑門新開門舊址具在志乘可徵所築礮臺馬路兵房均屬格外侵佔應於立約時堅持圍牆爲界不使尺寸有踰彼所重在租界外之地本屬可有可無我讓則彼取我爭則彼棄斷不至因此遂廢前議何謂水界公法載地主有管轄水界之權以礮子能及之處爲止兩國土地毗連中隔小河則以中流爲界此係指各國自有之地及征伐所得者而言澳門本係中國之地不過准其永遠居住葡人只能管轄所住之地宜明立條款所有水道准其船隻往來不得援引公法兼管水界一曰界由外定准葡住澳免其租銀水界仍是中國所

張文襄公全集

卷二十 奏議二十

十一

有自無水界之可分陸界至舊有圍牆爲止葡人於同治初年將圍牆拆卸希圖滅跡然牆可拆而舊址終不可沒將來約有成議似應由粵省督撫臣就近派員會同葡使親往勘驗詳查舊址公同立界俾免影射踰越一曰核對洋文查赫德申稱所訂草約四條與澳門洋報所載者文義輕重懸殊第一條派使來華擬議通商條約洋文內加須有利益均霑字樣第二條葡國永駐澳門管理一切洋文內加悉與葡國別處屬地無異字樣草約內澳門字樣凡三見洋文皆作澳門及澳門附地查附地二字意極含糊不惟將圍牆外至望廈村陰

括在內卽附近小島毗連村落皆可作附地觀至謂與葡國別處屬地無異一語措詞亦謬雖洋報所載未盡可信要其有意朦混藉圖侵占傳說必非無因既與總署奏案不符亦非奉旨准其永駐之本意應請飭下總署先將草約漢洋文詳細校對以防狡混而免侵越一曰暫緩批准立約雖有成議批准權在朝廷此各國之通例美國煙臺條約光緒二年所立有未經批准三條直至上年始行議定成案可據自應明與之約定約後須俟稅釐款項大增拐騙逃亡隨提隨解諸事皆有明效可徵兩國始行批准互換庶彼不得終售其欺以上

張文襄公全集

卷二十 奏議二十

十二

五條皆就原約之中力籌萬全其間自必有總署所已經計及者亦容有澳地情形總署所未能深悉者謹竭管蠡所及以備挽救之資竊思葡人至貧至弱素爲各國所輕食用則仰資粵產貿易則專仗粵商其於粵尙不能無所顧忌今既允其立約并准其永住澳門港報所譯又有利益均霑之條是葡人所獲已多卽此次詳約有所刪增亦足贖其願望况所陳各端皆就草約立論未嘗有所變更應請飭下總理衙門於該使來華時就臣所陳細與辨論極力堅持彼能就我範圍自可照此立約如其不從是棄約出自葡國草約自可任作罷

論香港徵稅章程仍前舉行而於拱北關多設巡船前山廠多派巡丁水陸截緝漏私當亦無多而葡人必大有所不便利害相形不數年間彼終不能不就所議來求立約如此則所損於釐稅者少所全於大局者多矣臣職在守土利害之大不敢不詳籌瀝陳並將澳門地形繪圖貼說恭呈御覽

硃批該衙門知道欽此

請斥革劣紳摺 光緒十三年四月二十四日
竊照前欽奉上諭沙田升科之事正賦攸關豈容奸民蔽匿迭經戶部奏催辦理著該督撫督飭所屬查明已

張文襄公全集

卷二十 奏議二十

三

升科若干畝未升科若干畝即將未經升科之沙田迅卽確查妥辦具奏等因欽此當經恭錄欽遵籌辦在案茲據廣東布政使高崇基按察使王毓藻會同沙田局司道詳稱查東莞縣屬土名西大坦沙坦自道光初年漲積卽經該縣武舉王遇春之父王鎮安私行佔墾匿不報官迨王遇春王葆真父子相繼仍前霸爲己業同治五年因橋朗村陳姓爭佔始以王萬全等出名赴縣報墾一十頃零六十畝其後久逾公墾之期仍不繳息升科經該前縣裘伯玉盧樂成先後勘丈查出熟田並水白坦較當日報墾之數多至兩倍照例應將該沙坦

全數歸官另行招佃承耕仍勒追歷年侵收花息以示懲罰乃王遇春父子恃其豪橫置若罔聞既不遵繳花息仍復照舊霸耕迭經傳質抗不到案此次設局清查沙田王遇春先經病故其子王葆真霸佔抗違如故且查該處厚德涌口兩鄉王姓各戶已辦升科沙田應完經費一萬八千餘兩勒催半年僅繳二千兩皆由王葆真從中包攬阻撓所致查王葆真中式同治十二年癸酉科本省鄉試第八十五名舉人光緒二年捐納郎中分發戶部似此恃符妄爲實於清查沙田大有關礙詳請奏明斥革究追前來臣等查粵省地大物博衣冠如

張文襄公全集

卷二十 奏議二十

四

林各屬紳士中廉正持躬慷慨好義足爲鄉閭矜式者指不勝屈而鄉曲之間倚勢牟利魚肉良懦顯干法紀者亦往往而有向來地方官於此等案件率多遷就消弭鮮有直發其覆者良以強宗巨室聲氣易通投鼠忌器之嫌瞻顧卻步之慮誠所未免臣之洞到粵以來於賢紳則優加敬禮於豪猾害民者從不敢稍存瞻徇如香山縣侍衛何綸章庇匪歐六翟老振一案順德縣給事中何崇光大南沙築圍一案南海縣舉人李錫培戶部主事張瑄生戶部郎中潘譽徵等馬頭岡建閘糾眾焚傷一案新會縣舉人李廷槐庇匪李孖指掌及抗繳

沙田經費一案先後奏奉諭旨斥革究辦非不知其蓄憤思洩必將播煽浮言遇事暗中掣肘然國紀不肅則惠政不行豪強不戢則良弱不安士習不端則民俗不化故甘以一身府怨叢謗而不恤但使一懲百儆則臣等亦不願以苛察自居今沙田為奉旨籌餉要政而王葆真佔種膏腴六十餘年既不遵例納息完糧亦不退田似此霸匿包抗若相率效尤於賦則餉需大有妨礙仍不能不從嚴究辦以資整頓相應請旨將東莞縣舉人捐納戶部郎中王葆真暫行斥革以便歸案提追究辦

張文襄公全集 卷二十 奏議二十 五

硃批王葆真著暫行斥革歸案究辦該部知道欽此

稅司代收新香六廠貨釐宜防流弊摺 光緒十二年四月十三日

十五

竊臣等於本年三月初一日會同粵海關監督臣增潤電奏新稅司馬根法來格到粵來議附近香澳六廠代徵百貨稅釐事有關華洋界限大局利害現已具摺詳奏可否暫緩改章俟奏到後仰懇聖裁詳察并交總署戶部會同妥議如確無窒礙再當請旨遵行又官鹽例有引地接引繳課私鹽向以香澳為藪四出充斥若抽其釐便成官鹽各處可銷充占引地正課無出商必不

從各等語正在具摺詳奏間三月初六日准總理衙門來電初五日奉旨張之洞等胡東先等電均悉香澳六廠歷收為數無幾等因欽此伏讀之下欽悚莫名查洋藥稅釐併徵實有大益於中國餉項經總署籌議經年始有成說臣等實深欣幸此次奉旨飭行粵省即於正月初九日遵辦統交海關徵收於正月二十四日奏明在案若稅司代徵貨釐臣等先無所聞僅於二月初十日接總署初九日電稱香澳各廠巡緝抽收事宜統交稅司代辦補抽貨釐十數萬即由稅司經收詳細情形專函另達二月十二日接總署本日電稱鹽私走澳已

張文襄公全集 卷二十 奏議二十 六

囑赫飭新派稅司巡船幫緝向章私鹽是否入官赫以加重抽釐為勝各等語事關財賦要政更改舊章臣等與增潤有監收之任有地方之責其時尙未接到總署函牘戶部各行而馬根法來格來粵遽請接辦並未賚帶公文倉卒之際不能不益加詳審縷晰上陳祇候飭議妥善以期久遠無弊非敢稍涉拘泥聽受浮言坐誤朝廷至計也荷蒙聖明曲垂鑒察暫罷稅司私鹽抽釐之議復經總署傳諭赫德將停關停驗之洋例更改悉照華章辦理不令貨船延擱臣等前電所云商情不便一節竊幸可冀相安至此外窒礙之端似不能不一

慮及惟既欽奉嚴旨飭行自應先行遵照辦理除常稅由增潤飭辦外釐金一項由臣等轉行司局飛飭該六廠遵於三月初九日一律移交新稅司接收訖伏思代抽稅釐一節另爲一事與洋藥實不相謀總署兩次來電一則曰經收釐金不致無著再則曰收得之款照舊分撥是粵省向有之釐並不減少就事論事豈不樂從初一日電奏業經聲明至廠員侵漁中飽乃臣等所深惡而痛絕者臣之洞到任後於釐廠各員參撤甚多使其有之方欲盡發其覆上陳於 聖主之前上年十一月遵查覆奏汲水門六廠洋藥稅收支數目奏裁歲支

張文襄公全集

卷二十 奏議二十

七

七萬金覆奏北海關定額請加歲額正餘七千金若瞻徇屬員之私囊致礙國家之巨餉臣等何敢出此查新香六廠補抽貨釐上年六月甫經議定陸續開辦其地逼處澳港開辦之初洋官洋商句串華商造言阻撓臣之洞持之甚堅剴切曉諭始得相安計每年所入雖止十數萬金而保全內地之貨釐實屬不少且凡事皆日久而弊生此次開辦未及一年又多洋界牽制收數尙不爲少臣等隨時明查暗訪似尙無賣放中飽情事此臣等電奏所論固非阻撓併徵亦非不交釐廠之實在情形也竊謂餉項固屬難籌隱患亦不可不杜用人固

貫專一流弊亦不可不防謹將豫防此後窒礙各節暨稅司到粵以後情形並前電未及詳奏之處敬爲 聖主一一陳之一曰踰險查六廠曰汲水門曰九龍司向設有九龍司巡檢大鵬協副將曰長洲曰佛頭洲此四廠水陸均屬新安縣轄在省城外東路虎門之外近接香港曰馬留洲曰前山寨設有前山同知此兩廠水陸均屬香山縣轄在省城外西路橫門磨刀兩門之間近接澳門是以歷屆奏報稱爲新香六廠汲水門爲香港入省海道必由之路九龍爲香港赴省城暨惠州陸行必由之路佛頭洲爲香港赴潮州汕頭海道必由之路

張文襄公全集

卷二十 奏議二十

六

長洲爲香港赴澳門海道必由之路前山爲澳門入香山陸行必由之路馬留洲爲澳門赴高廉雷瓊四府海道必由之路廣東省垣東爲香港所阻西爲澳門所扼事事牽制已有喉骨胸刺之憂自同治七年以後釐務局粵海關先後開辦藥釐藥稅百貨稅在該處分設六廠計海關釐局共十二廠上年補抽貨釐以九龍附於汲水門故亦稱五廠各該廠委員勇役輪拖各船分投巡緝人數不少自洋界過此隱若關隘各廠聲勢聯絡與洋界消息易通哨探亦便於徵權之中實兼有巡防之益今英葡藉洋藥併徵一端乘機要挾始欲撤卡繼

欲代徵常稅釐金後并欲代徵私鹽釐金於是數百里海面巡船巡勇胥授權於洋人將來必有事事掣肘之憂藩籬盡撤之患此形勢之窒礙一也一日混界九龍與香港對岸汲水門長洲佛頭洲皆各自爲島環繞香港近香港耳非香港也馬留洲拱北灣均在澳門西隔海亦各自爲島前山在澳門西北陸路相連中隔關閘近澳門耳非澳門也洋人妄稱香澳六廠已隱伏蒙混占地之根本年二月初五日臣之洞電達總署在案乃三月十一日接新稅司馬根來函封寄赫德單銜告示一紙內稱澳門附地添設新關一處名拱北關香澳附

張文襄公全集

卷二十 奏議二十

九

地添設新關一處名九龍關等語實堪駭異傳有之惟器與名不可以假人今乃以分明我疆指爲外邦附地既敢懸諸告示從此登諸案牘英葡兩國得步進步居之不疑粵省政令不能出海口一步後患豈可勝言近年住澳葡人於三巴門外踰界徵租臣之洞屢與勘查辯駁正在設法禁制其耽耽之意確有明徵在赫德或由委曲求成圖加薪俸所致然臣等不敢謂英葡必無希圖占地之心此界務之窒礙二也一日侵權楚材晉用從古有之洋關開設之初中國未悉外國商情不能不暫用洋人然洋員但司查驗貨其法令文告仍由

南北洋大臣監督關道主之稅司間有曉諭不過諭知洋商洋船而已其徵銀仍存關庫故有利而無弊今馬根法來格來粵並未持有總署公文總稅司申文竟由赫德單銜出示諭飭華商華民華船並不知會海關是粵海兼轄之說不過徒存其名遇有民船華商罰禁懲辦概由稅司徑行主持發落地方大吏並不與聞州縣更無論矣西例最重者權利今以洋員全奪地方官之權撓我內政以後粵省虎門以外縱橫數百里耳目所習將不復知有華官法度非特利權有損并於事權有妨易曰履霜堅冰至言漸之不可不慎也此事權之窒

張文襄公全集

卷二十 奏議二十

三

礙三也一日擾民現又接總署來函據赫德申呈香澳兩處新設分關華船有從通商口岸前往者有從不通商口岸前往者有從不通商口岸未設粵海分關處前往者可分三等抽收按通商稅則完納正半各稅發給船牌等語所謂通商口岸者有洋關處所也不通商口岸者有常關無洋關處所也不通商而又無粵海分關者內河行釐坐釐及各府雜稅設關設卡之地也赫德因洋藥併徵而闌及貨釐關稅今更因新香六廠之一隅侵及沿海內河之常稅雜稅行坐各釐且欲將各屬民船民貨悉改用洋稅章程盡籠粵省內外大小之利

權併而歸之香澳之地稅司之手齊之以洋關之法疑
民改制全省紛擾得隴望蜀長此安窮此民情之窒礙
四也一日有礙海防昨准粵海關監督增潤咨稱接
赫德照會內稱新設海江防私巡緝稅務司之缺查有
粵海關右副稅務司葛雷森堪以充補等語該稅司當
卽將來管帶新設巡輪之員查該稅司專爲緝私而設
只可稱管帶緝私輪船何以攬入海江防字樣若謂防
私卽係緝私文義亦屬牽強顯係蒙混影射欲以稅務
司而兼海防江防之事查光緒初年赫德曾有自請充
總海防司之說經故協辦大學士沈桂芬駁斥而止以

張文襄公全集

卷二十 奏議二十一

三

前證後顯然可疑今合六廠水陸船勇均由洋弁管帶
並有外洋新造巡輪十一艘江海皆可任意來往一旦
有警或與英國稍有違言所帶之兵船所踞之關卡向
無華官在事豈能驟令全行交出棘手殊多此海防之
窒礙五也一日虛誑不實英人原議香港設關洋商不
報稅不得開箱故我如其請以予之今港官不允洋界
設關之舉港商不允不開箱之條近雖聞有出具保單
議罰之說恐走漏亦所不免至香港向有煙膏公司每
年繳餉十八萬元於港官併徵既重不漏私土必漏私
膏查每土一斤熬膏八兩是藥膏之稅釐應較藥土加

倍今總稅司議每膏百斤收稅三十七兩五錢釐一百
兩是未成膏者藥土百斤稅釐二百一十兩既成膏者藥膏
五十斤實係藥土百斤只完稅釐六十八兩有奇港之
膏商包攬圖利必爭熬膏分運港官之膏餉日增中國
之藥徵日絀每年八百萬之數誠恐難期彼願已償而
我利未見此食言之窒礙六也一日要挾無已准總理
衙門咨稱澳門歸葡國管轄訂立新約已經奏准各行
此事關係甚鉅立約必須詳審另摺詳陳查中國各省
租界甚多雖暫無收回之舉而種種管轄辦案權利章
程租界與屬地判然各別果使藥徵有效而英人市德

張文襄公全集

卷二十 奏議二十一

三

援澳門以爲詞各國效尤援英葡以爲例拒之則不允
助緝許之則枝節日多舐糠及米何所底止此滋蔓之
窒礙七也爲今之計似宜熟籌盡利防弊之法約有數
端一請先行試辦一年伏讀此次電旨本有此後辦理
設有窒礙儘可隨時變通復歸舊制之明文仰見聖慮
周詳默寓時措咸宜之妙惟事關交涉必以豫定爲宜
擬請敕總署與英葡約明作爲試辦如一年後尙無成
效或別有窒礙卽當仍復舊章一請添設華官各廠除
稅司外仍由粵省每廠各派委員一人稅司報總署委
員報督撫監督互相維繫卽如洋關雖用稅司仍歸監

督關道造報督撫按結奏聞並無掣肘之事今釐金係地方官所收常稅係監督專管督撫兼轄自應有地方委員在事一以存餼羊之意一以備習練之資他日設須改章亦易接手一請由總署明文行知總稅司新稅司此六廠係代抽內地稅釐所辦理皆係民船華商之事此六廠照舊歸督撫兼轄或總督兼轄查各海關無不歸所在督撫兼轄者此係各洋關通例况代收民船貨稅貨釐尤有不同一以後該關遇有曉諭商民之事仍照向章由總督監督出示稅司不得徑自單銜出示一體制文移宜照各海關通例令該稅司用銜名印文

張文襄公全集

卷二十 奏議二十

三

申報總督照會監督總督監督應行知照該稅司之事照章分別劄知照會以符向章不得僅用信函收數由督撫監督照舊分別奏咨以備稽核而便維繫一九龍司拱北灣兩處以後總稅司新稅司文牘宜稱為粵地不得混稱香澳附地速將從前告示錯誤更正一議明徵銀不宜交香港匯豐銀行不得於九龍地方令匯豐擅設分號查各該廠設有巡船巡勇向來不致疎虞每月所收儘可遵照總署戶部所定分撥之數分別解交海關釐局存儲無多自無庸存放香港各海關稅司向無自設銀庫之事此六廠自應照辦以符通例一巡船

管帶管駕各弁宜仍用中國員弁由粵省派委聽稅司調遣考察如有不力及舞弊者准該稅司申報總督立時撤參更換一管巡船之員弁只宜稱管帶緝私船稅務司將海江防三字刪改以昭核實一九龍稅司現住香港並不住九龍至拱北稅司亦不住拱北灣在澳門賃屋居住所有該兩關廠卡乃中國辦公之所官吏體統所繫商民眾目昭彰其屋舍仍用中國公所舊式不得改易前觀建造洋樓緣該廠距洋界太近易涉嫌疑亟應豫為之防以定民志一議定以後他處稅釐不得援例推廣總之洋藥併徵與常稅釐金本是截然兩事

張文襄公全集

卷二十 奏議二十

三

英國既允開辦即由海關原設之稅務司併徵似亦未嘗不可該兩國果肯助緝則隨時函知電知省城原設之新關稅務司儘可稽察不漏或以九龍拱北專設稅司便於聯絡則洋藥自歸稅司稅釐自歸委員並無干涉並無妨礙何以稅司必欲代我抽收民船貨船貨釐其中自別有用心所在已屬顯而易知且廠員未必人人皆不肖大吏未必任任皆縱容固間有舞弊之事亦常有發覺參黜之時極而言之止此六廠縱有數千金雀鼠侵蝕之微似亦不敵數百里門庭隱患之鉅此事在總署反覆酌定無非為有裨國計極費籌維然立法

不厭精詳庶期盡臻美善竊揆赫德之爲人大約類乎儀秦縱橫一流才幹甚敏心計甚深爲中國效力有年非無勞績可觀而其意實欲兼攬各國之權互相挾持以自重此舉增稅則似乎利華得地則似乎利葡移界據險布散徒黨於海面盡存稅銀於匯豐市德樹援於澳門其策仍歸於利英而其實則歸於自利朝廷駕馭羣材自必已灼見隱奧似宜量加限制庶得其力而不受其欺伏思廣東爲中華海疆第一道門戶粵防弛則沿海皆爲兵衝粵力盡則南洋更無可恃此事關涉重要臣等屢與司道以下各官籌議無不同切隱憂論旨

張文襄公全集

卷二十

奏議二十

三

自不敢不遵而有關於地方利害此舉未盡事宜自亦不能不計臣等雖至愚極陋亦知共體時艱斷不致爲粵省地方官與稅司爭權况無損粵餉更何必爲粵省司局與稅司爭利特以中外大防所繫苟有管蠡之見不敢不上達宸聰誠恐他日流弊漸著悔不可追則臣等罪戾滋重伏懇聖明俯加權度敕下總理衙門戶部詳核妥議請旨遵行大局幸甚粵省幸甚臣等荷聖上高天厚地之恩受一方疆土人民之寄但願所言之不驗不願朝廷之有悔不勝惶悚屏營待命之至

硃批該衙門議奏片圖併發欽此

六廠貨釐宜儘徵儘解并請免指撥片

光緒十三年四月二十

再汲水門等處六廠補抽貨釐現已歸併稅司徵收前接總署來電云收得之款照舊分撥又據稅司馬根面稱所收釐金暫存匯豐聽候提用各等語查釐金本無定額此項補抽貨釐開辦未及一年計自上年六月底七月初各廠先後開辦至本年二月底止此八箇月內共收銀約十萬兩初辦數月類多周折觀望冬臘後收數逐漸增多所謂每年可收十數萬之說原係就現收數目按月約計而言至此後商情既孚規模既定必更

張文襄公全集

卷二十

奏議二十

三

日有增益事理昭然歲收或能增至二十萬以外亦未可知但以後之旺淡終難臆料若定額徵若干則長收固不能作爲贏餘短收亦難責稅司賠繳似宜令該稅司儘徵儘解所收釐金按月解交釐務局充用分別造冊具報總理衙門暨兩廣總督粵海關監督衙門查核可否請旨敕下總理衙門飭知總稅司轉飭照辦至該六廠開辦之由因粵省近年富商貿易羣遷港澳大宗貨物皆由輪船近海港汊民船復多繞越以致內地釐金日形虧絀是以設法開辦新香海口補抽原欲以海口之所長補內河之所短而猶慮不足此乃通省正釐

盈虛相抵並非閒款可以存儲相應懇天恩飭部毋庸指款提撥庶無窒礙再該六廠所收另有棉花棉紗豆子火柴火水油五項係抵補省城坐賈釐金又有帶抽商捐巡緝經費貨物數種向由各該廠就近帶收現在廠員既撤只可一併交稅司暫行代為試辦所收棉紗等五項係應歸入省城坐賈之款所收巡緝經費更係另案商捐奏明專款待支之項發交釐則章程內已經聲敘明晰皆不在每年十數萬正釐之內合併聲明至於收數稅司有冊可稽臣等當飭司局併入粵省原有補抽貨釐照案分晰造報以備稽核

張文襄公全集

卷二十

奏議二十

請開缺回籍調理摺 光緒十三年閏四月初四日

竊臣前因交卸兼署撫篆後舊疾復發奏懇天恩賞假調理本年四月初三日差弁齎回原摺奉硃批著賞假一月欽此恩慈體恤欽感莫名惟自上月初三日至今已及一月公事繁劇未獲休息所患肝木舊證鬱塞作痛仍復未見輕減而精神漸形委頓夜寐不安飲食減少稍一用心便覺怔忡無已醫者云肝脾交病心氣太虧非藥餌所能速效伏念兩廣嶺外大府南洋首衝臣以庸才叨竊非據亟思殫竭駑鈍稍補時艱而德器淺薄學術迂拘吏習未底於澄清民氣未臻於康樂綢繆

之策未周綜核之術多拙心因力阻悚與愧俱雖無片刻之偷安終鮮寸效之可紀重以疾病侵尋神智困敝若再勉強支拄馴至隕越既辜恩遇亦負初心惟有仰懇天恩俯准開缺回籍調理另簡公忠方正習於兵略之大臣來粵接任以免貽誤臣年甫五十將來調治就愈報國之日尚長斷不敢自甘暴棄有負高厚生成至目前緊要事務臣仍當力疾會商撫臣辦理

硃批再賞假一月毋庸開缺欽此

籌議移設廣西邊要各缺事宜摺 光緒十三年五月初三日

竊臣等上年具奏籌議廣西邊隘分營扼紮請撥餉

張文襄公全集

卷二十

奏議二十

酌移提督駐所添設鎮道以資分任各節奉旨該衙門議奏等因欽此旋經兵部會同吏部戶部議奏欽奉諭旨刷印原奏咨行到粵當經轉飭議覆去後茲據署廣西布政使凌彝銘署按察使周鶴會同善後局司道籌議詳覆並准廣西提督臣蘇元春咨轉據該營將守備等節次稟覆該提督逐加考核先後造具清冊呈送前來由臣秉衡臣元春商定具稿咨送臣之洞核辦查原咨詳內稱柳州府提標額設制兵六營一千二百六十名除分防外存城八百餘名現在中營移駐龍州擬裁去前後兩營所留左右城守三營僅留五百十六名若

照原撥汛防之永福雒容象州柳城馬平等州縣屬境二十一處則存城兵額較少不敷操防擬將中路所管之永福縣城守深定黃冕寨沙鹿寨五汛改歸桂林營就近分防前後兩營所管之雒容縣城守中渡洛垢高嶺象州城中大東馬平縣穿山等七汛左右兩營所管之馬平縣振柳白沙三都雞公五都流山柳城縣城守太平等八汛改歸柳慶鎮左右兩營及柳州城守營分別派防其各汛在郡城之左者撥歸左營在郡城之右者撥歸右營其土博魚窩下吉三汛前因匪徒滋事於光緒三年添設現在地方安靜應即裁汰歸入五都汛以

張文襄公全集

卷二十 奏議二十一

三

省繁冗又中路之振柳白沙流山三汛附近城南應歸城守營就近管理計各汛派出兵一百七十五名存城尙有四百一十一名擬於裁汰前後兩營內挑留十四名合成六百名仍分六戰四守每百名內設馬兵六名以符舊制其鎮標左營兼管中軍差務較繁擬撥二百五十名右營擬撥二百名其餘一百五十名歸入城守營所有存留各兵應在五營內一併挑選務期精壯足額毋任疲冗充數餘者即作爲前後兩營悉予裁汰惟左營遊擊所轄原有守備千把各員今既兼管中軍較之左營尙少千總一員自應一併添設又柳州城守營都

司所轄原有千把外額六員向無防汛今既派有分防不敷差委應添設外委一員額外二員即在前後兩營員弁內酌撥其永甯州守備一營原歸提標中營應改隸鎮標左營管轄至龍州城守營遊擊所有原防苛村汛水口關兩處悉仍其舊應設守備一員千總一員把總二員外委二員額外二員即在原營員弁內挑補並添設下凍土州防汛以臻周密又新太協右營應行裁撤所有該營守備原駐之明江廳及各弁分防之甯明海淵思凌等汛應由道署營弁兵接替撥提標中營弁兵填防平而關鎮南關由隘三處以補龍憑道署兩營

張文襄公全集

卷二十 奏議二十一

三

所遺之額其餘該兩營及左營原防各汛悉仍其舊又上思營都司向隸左江鎮管轄亦係責任邊防原奏未經議及茲應將該營都司改爲專屬提標以歸畫一此外尙有平樂協副將全州營參將賓州營參將桂林營游擊四協營向歸提標舊轄應照原制無庸更改除新設龍州城守營中軍守備原係內地部選之缺今移駐龍州煙瘴地方亦應改爲煙瘴題調缺其餘改撥各缺均應仍照舊制辦理其建造移設提督道員以下文武各衙署應由西省籌撥經費另行奏咨辦理此遵照部議查明移改營制並續擬分撥之詳晰情形也至所擬

新設太平歸順兵備道一員控制邊關經理中外交涉諸務責重事繁非精明幹練熟習兵事之員弗克勝任擬請作為衝難邊要兼煙瘴題調缺酌照廣東雷瓊道直隸津海關道湖北漢黃德道之例由外酌量奏請升調揀補歸順州知州缺原繁難兼煙瘴題調要缺今升為直隸州管轄鎮邊一縣擬請仍作繁難煙瘴要缺由外揀員調補五年俸滿在任候升小鎮安通判一缺原係煙瘴要缺今改為鎮邊縣屬於歸順直隸州擬請作為繁難煙瘴要缺由外揀員調補三年俸滿在任候升並添設道庫大使一員鎮邊縣典史一員擬均作為煙瘴要缺

張文襄公全集

卷二十 奏議二十

三

瘴調缺三年俸滿在任候升其餘上思鬱林等州僅係撥隸別無更張其缺分自應照舊並援案擬給該道員及道庫大使鎮邊縣知縣典史各員廉俸役食銀兩暨添設裁改各營之俸餉等項銀兩分別核明造冊備查其餘未經添改各營毋庸備造以省繁牘此遵照部議體察地方情形酌定逐項缺分之詳晰情形也至小鎮安通判改為鎮邊縣該處應試童生向入鎮安府學者今為歸順直隸州屬縣自應另設學額擬請歲科每試取進四名廩生二名四年一貢武童歲試取進四名該州縣均係科歲併行即令就近附在鎮安府城考棚校

閱並擬援照崇善凌雲天保等縣併歸太平泗城鎮安等府學兼管成例將鎮邊縣生童由歸順直隸州學正兼管毋庸另設該縣訓導以節糜費又上思州改歸太平府轄向之赴試南甯者自當改赴太平惟太平考棚狹窄未能容納多人應令上思生童仍赴南甯考試俟該處籌款另建寬展考棚後再行飭赴太平考試此又改設縣治另定學額就近赴考兼管之詳晰情形也所有新設之柳慶鎮總兵一缺應請旨迅賜簡放其新設之太平歸順道一缺俟部議核定缺項後即當由廣西撫臣會同督臣酌量揀員分別升調請補以便舉辦一

張文襄公全集

卷二十 奏議二十

三

切事宜所有鎮道暨此外添設各缺均請敕部頒發關防印記以資信守其餘未盡事宜應俟該鎮道到任察看情形陸續詳請奏辦至廣西協餉解未足額臣之洞已飭廣東藩司陸續竭力籌解其各省欠解數目業於上年十一月會同奏明應請敕部查照前奏指撥的餉以濟要需

硃批該部速議具奏欽此

張文襄公全集卷二十終

吳縣周仰公校

張文襄公全集卷二十一

奏議二十一

創設槍彈廠片

光緒十三年五月初三日

再廣東前因籌辦海防購運軍火兼濟滇桂後膛槍彈一項需用尤多採辦維艱必須購置機器自行製造始可取用不盡無庸倚藉外洋當經飭海防善後局委員在上海泰來洋行購運製造槍彈機器一副來粵價銀二萬五千九百八十餘兩正擬設廠開辦適前廣西撫臣潘鼎新亦在泰來洋行訂購槍彈機器一副由委員運解到粵時西省已將撤防准護理廣西撫臣李秉衡

張文襄公全集

卷二十一 奏議二十一

一

咨商西省無力設局開辦所有前購機器請留東省備用復經飭局籌款將機器及造子銅片物料價值委員洋匠川資暨運脚保險等費由東撥給計共銀三萬一千三百餘兩當即遴委江蘇補用知縣薛培榕會同地方官在於省城大北門外二十里番禺縣屬之石井墟購地三十一畝有奇創建製造槍彈廠一所地居省城後路較為穩便上年九月經始本年五月落成計頭門一進公務廳兩進機器大廠一座鍋鑪打鐵烘銅殼造木箱裝子藥房共五處儲料發料庫各一另有裝蠟餅紙餅火藥等房及工匠住房廚房等二十餘間外加甄

牆一道高一丈周圍二百零四丈共支工料連地價銀

一萬七千三百餘兩安設機器兩副能造毛瑟馬梯呢

士乃得雲者士得四種槍彈試辦之初每日約造二千

顆熟習之後每日可造八千顆目前即可試火開造此

外尚有需用鎔銅輾銅等機器併應添蓋廠屋容俟陸

續購辦

硃批該部議奏欽此

全瓊肅清分別裁留營勇通籌善後事宜摺

光緒十三年六月十三日

竊照瓊州黎客各匪自上年八月奏明大舉澈辦勦撫

張文襄公全集

卷二十一 奏議二十一

二

兼施各路以次廓清惟南境崖州一隅黎歧怙惡負隅未經戡定臣等前於本年二月奏報陵萬肅清進勦崖黎摺內聲明趁此軍威策勵將士鼓勇深入以竟全功欽奉硃批即著張之洞等將勦撫各事宜妥籌辦理以靖地方等因欽此當即恭錄咨行欽遵辦理在案查南林嶺黎巢在崖州之東一百六十里高峰深谷險峻異常匪首譚亞吉與其黨吉文香等勾結附近各峒黎匪據險結寨乘便四出擾害該峒黎恃其地遠山深歷年屢抗官軍疊准提督馮子材咨報崖屬各黎歷經分別撫諭各峒相繼薙髮歸誠惟該逆首譚亞吉謂官軍斷

難深入抗不受撫經馮子材即派知府馮相榮馮相華等督率各營激勵將士由藤橋三亞一帶進兵山險水毒兵勇節節開通攀援而進募集土團以為鄉導至三月十七日遊擊馮驊守備陳才業由蘿蓬嶺入山攻破南路賊柵十八日參將符堅高遊擊陳德成由大茅峒入山攻破東路賊柵進逼老巢適馮驊等南路官軍攻入復派道員楊玉書由紅花村小路入山與馮相榮馮相華所部會合並進冒險鏖鬪賊勢不支敗奔回巢拒守同日知縣石佩瓊守備蔡必壽等亦攻奪西路賊卡三座十九日馮相榮等親督各軍勇圍攀崖踰澗四面

張文襄公集

卷二十一

奏議二十一

三

仰攻誓以必克該逆乘高死守槍石雨下勇丁頗有傷亡相持半日道員楊玉書多方激勵諸軍從山後攻進知縣沈寶光巡檢楊桂振等分軍賈勇猛進猛攻縱火該逆始行潰竄我軍登將南林老巢攻克先後殲斃悍賊二百餘名追擒匪黨二百餘名奪獲槍械及牛隻穀米無算惟逆首譚亞吉吉文香逃逸未獲連日馮相榮等督軍搜山四月初三日知縣蔡其銘於紅花峒擊獲吉文香一名閏四月二十五日馮相華蔡其銘督率弁勇躡及逆首譚亞吉於南林峒附近深谷中生擒解營驗明正法沈寶光先後擊獲卓五生藍亞對陳亞爛等

三名各弁勇搜山生擒匪生馬王用書二名殺斃符光清一名皆係著名積匪其大茅峒十二弓等數十村峒皆請繳械交匪均經楊玉書詳訊情節審察良莠分別誅釋不令稍有枉濫署崖州協副將方敬署崖州知州劉保林分派弁兵團勇搜捕各峒匪亦經斬獲多名崖境一律肅清此官軍破巢擒渠廓清崖境之實在情形也嗣因天熱瘴盛瓊地已無大股應勦之匪自宜撤兵節餉詳籌善後當於五月初四日電奏請旨飭馮子材統率萃軍仍回欽州原防瓊州善後由臣等督飭雷瓊道朱采籌辦欽奉電旨允行在案馮子材於奉旨後

張文襄公集

卷二十一

奏議二十一

四

還至瓊州府城與道府各官商酌一切即於五月內凱撤回欽查馮子材原統萃軍新舊各營並撥歸統率之全字兩營共二十二底營現裁遣十七營陸續運送渡海俟抵欽後分起給資裁撤酌留五營分防欽州邊界并彈壓廉屬積匪瓊軍除撥歸署高廉道王之春兩營帶赴東興外現經酌定方長華原統各營暨朱采新募各營孫鴻勳所帶新福軍兩營重加選汰統名為瓊軍共成十底營分屬朱采及方長華統率調遣並合之在籍總兵林宜華等所帶土勇土團辦理善後搜捕逸匪撫安生歧培修道路已飭相度要隘分建碉卡以資控

制並經馮子材咨商酌定瓊郡各屬除文昌無黎外其餘十二州縣准各募勇五十名以資防緝此瓊郡勦匪事竣分別裁留勇營之實在情形也其各屬就撫各黎據道員方長華楊玉書知府謙貴同知孫鴻勳等稟報除以前就撫各戶口外南路崖州新撫丁口二萬三千餘尙未報齊中西兩路瓊山定安儋州昌化感恩等處陸續就撫丁口十萬三千餘東路萬州陵水尙未報齊其間本係生黎者十之七本係熟黎而歷年頑梗化爲生黎者十之七均已薙髮改裝造冊編戶其附近新開大路者逐漸推廣化導招徠至深山生歧旣不出爲民

張文襄全集

卷二十一 奏議二十一

五

一由中興市至樂會五村一由番葛坡至陵水黎萬嶺門一由金雞寮至分界水一由黃麋坡至深田一由西峒至長沙陵水三道一由馬嶺弓至七指嶺一由文村弓至寶停司一由北渡溪至藤橋市定安四道一由打運至三坎溪一由銅甲口至牙打一由新興坡至打喃們一由新興坡至牛欄坪崖州二道一由郎萁汛至官坊河一由抱懷村至樂安所澄邁二道一由岑崙墟至臨高垂南村一由岑崙墟至瓊山那略大溪儋州一道由塘源市至元門峒臨高一由蘭洋市至加嘉村感恩一道由北黎村至古振州昌化一道由縣城南經大

張文襄全集

卷二十一 奏議二十一

六

害亦不致阻礙商路鑛山處所則聽其踰伏孽生不復過問前奏定開闢大路十二道經西路道員方長華東路道員楊玉書北路同知孫鴻勳南路署崖州協副將方敬署崖州知州劉保林等各照前奏分定地段督率弁勇團夫設法開鑿均皆依限開通四面交會聯接皆可達於五指山下同知孫鴻勳國子監典簿韓方炳知縣周林皆親至五指山繪具該山形勢道里甚爲詳晰各段間有黎峒梗阻之處經各該員宣諭激賞恩威並用以次一律暢通合併接算計所開通道路共三千六百餘里此外復勸督各州縣團紳另開小路萬州五道

連年黎客寇掠民不聊生逼近越疆海防尤亟臣等恪遵光緒十二年正月二十二日所奉綢繆未雨化導臻狂之諭旨力籌餉需拊循將士堅持定見竭力圖維不敢畏難自阻現在勦匪諸事略定其善後事宜大要約有數端一移民墾田黎山既通以後查其田土皆屬饒腴土煖雨多一歲三熟遠勝於瓊屬山外州縣除有名諸嶺而外多係坡坂縣延可資種植卽山谷之中亦多產佳藥材木並無荒崖棄土計現在人跡可到可耕者何止數十餘萬畝種禾種薯種藍種蔗無所不宜聽民自便文昌縣人稠田少每年出洋趁工服賈者甚多已

張文襄全集

卷二十一

奏議二十一

七

飭縣出示曉諭民人願入山墾種者聽其自擇地段認墾報官勘明給照三年內免其升科並令文昌團紳副將符鴻升廣爲勸導他縣民人願往開墾者一律辦理民情甚爲踴躍數年之後瓊地米穀日多閒民日少庶於本務不無裨益一招商伐木商務以林木爲大宗現飭朱采於撫黎局內附設招商局開采山木並委發粵差委記名提督謝鴻章貴州候補知府席時熙專辦招商伐木事務略分官辦商辦二法官辦則派員率帶土勇深入老山無論良材雜樹一律砍伐成材者堆積溪河兩岸轉售商人叢雜者一併芟除亦可充搭棚蓋屋

爲薪之用藉以豁其陰霾消其瘴氣商辦則指定何山限以四至先給護照始令開采官山量材納稅黎產公平價買現粵商分赴定安萬州崖州等處勘得近河道處山林極夥尙可設法運出集股前往者絡繹不絕一助商開鑛黎境各峒有五金鑛者甚多惟昌化所屬大豔山銅鑛最旺銅苗上洩多產石綠故亦名石綠山府志名爲峻靈山宋以來卽稱其山常有寶氣嘉慶三年曾經督撫臣奏請開采鼓鑄以省遠運滇銅同治四年有西人與香山監生林騰漢私議欲開此鑛經前督臣瑞麟查知照約阻止現有香山職員張廷鈞集資往開

張文襄全集

卷二十一

奏議二十一

八

募黎作工經營已及兩年機器現亦購到察其鑛苗確係豐美現經設法鼓舞開通並許由縣營力爲保護免致土黎索擾目前粵省正在設局鑄錢如此鑛暢旺鑄錢卽可取資瓊產可免外購洋銅大率材木之利在一年以後墾田之利在兩年以後銅鑛之利在三年以後雖不能驟致富庶總可期瓊地商民生計日裕公家亦資其益庶不致以一切經營全行仰給內地一設官之制疊次與馮子材方長華等函牘籌商博采眾議僉謂新經開通處所凡形勢衝要距城遼遠之區如定安之十萬峒萬州之什密峒定安控凡陽感恩之古振州崖

州之大本弓瓊山之水會所等處皆須設官既以彈壓
黎村兼防土團擾害並經理開墾招商修路諸事方不
致通者復阻此六處均應量設同知通判州判縣丞等
官并移置營汛惟目前經費未裕地利未開瘴氛未淨
應暫派委員及帶勇將弁就以上各處駐紮經理以後
體察情形或增或移徐圖建置至生黎各峒前明以來
多設有世襲總管類皆刁黠貪橫平日則苛虐黎人伺
便則勾結外匪突出劫掠此後應卽一律革除擇循謹
者派爲村長峒長所轄村峒多者酌給頂戴予以把總
外委等職銜由地方官選黜不准世襲責令奉法緝匪
張文襄公全集 卷二十一 奏議二十一 九

因很官軍一撤難保不糾眾報復現經方長華飭地方
官傳集土客各紳剴切勸諭解釋宿嫌查有漏網未獲
之客匪細送者給賞容隱者連坐若土人仇殺誣陷者
亦必按律治罪土村匪徒一律清釐懲辦但目前尙須
兵威彈壓方能責令遵守其有悍暴客民習慣生事者
貸其一死勒令攜家離瓊不容逗遛先除其敗類繼之
以持平庶可經久相安以上善後各事宜當督飭雷瓊
道朱采次第切實籌辦陸續具奏此又現在撫綏良黎
輯和土客通籌善後之實在情形也臣等查崖州爲瓊
南瘴癘最重之區而南林一嶺山深水毒尤爲險惡楊
張文襄公全集 卷二十一 奏議二十一 十

免致負固爲亂一除弊化俗各黎性固愚獷亦甚樸魯
平日每爲奸民剝削尤應加意體恤查知黎村糧賦向
來不免爲蠹胥地棍抑勒欺蒙現據署崖州知州劉保
林稟稱已查明量加核減復經嚴飭各屬一律查核力
除苛累如有奸商欺騙盤剝團勇擾索奸民誣害一併
嚴行懲辦其建立義學一節萬州已設有六處此外各
州縣飭令一律酌辦先令粗通華語略識漢文宣講聖
諭廣訓使知禮義法度之大端且免爲奸民所愚至客
匪一項自上年秋冬以來歷經方長華派軍查拏勒交
正法者一百餘名惟客強土弱積憾過深而客民賦性

該督等務當督飭所屬實力奉行毋得徒託空言此次出力人員准其遵照前旨擇尤保奏毋許冒濫該部知道欽此

為楊玉書等請卹片 光緒十三年六月十三日

再鹽運使銜奉調廣東差委山西候補道楊玉書上年十月派往瓊州軍營差委經馮子材委令總理營務並總辦撫黎開山事宜該員拊循將士督催工程招徠黎歧遍歷陵水萬州各黎峒冒瘴越險艱苦備嘗本年三月會同知府馮相榮等督軍進勦南林匪巢身先士卒深入其阻擒渠掃穴戡定崖黎旋以受瘴過深回至崖

張文襄公全集 卷二十一 奏議二十一 十一

州三亞地方遽行病故查該員年力正強慷慨任事撫綏黎眾恩信甚孚力戒濫殺嚴禁騷擾其病歿也生熟各黎聞之多為感泣野祭壯志未伸殞身瘴域臣等失此臂助悼惜同深又查委赴瓊州軍營差委各員弁文員如廣東試用知縣晁振翮同知銜廣東候補知縣陳烈廣西候補同知直隸州羅家泰廣西補用知縣石佩瓊廣西候補知縣陳仕同知銜江蘇候補知縣陳治安揀選知縣拱觀楓汪樹生候選直隸州州判王國棟戶部候補筆帖式岳志候選國子監典簿韓方炳廣東補用布經歷顧恩裕補用布照磨李維馨試用巡檢吳淵

武員如記名總兵易榮華總兵銜副將朱廷棟劉德森副將銜參將黃秉朝遊擊彭致和李續金都司譚信祖邵興杜明益梅立本何蘭芳石啓發守備陳江志蔡必壽王雲光武貞泰白維楨等或轉戰直前或開路深入或冒險招撫或力疾勘工均先後染瘴在營病故深堪憫惜查瓊州黎峒晝熱夜涼天時既殊瘴霧毒泉水尤惡各員弁觸暑登山渡河受濕攻勦黎匪則藥籤水毒放盡禁咒防不勝防伐木通道則嵐氛蒸鬱林莽糾紛蛇虺飛蝗所在充斥觸之即病一病即斃各該員等志在報國慷慨請行百折不回置死生於度外較之臨

張文襄公全集 卷二十一 奏議二十一 十二

陣捐軀者忠壯實屬相同而堅忍尤徵定力合無仰懇天恩俯准敕部將鹽運使銜道員楊玉書照軍營立功後積勞病故例從優議卹其餘文員廣東試用知縣晁振翮等十四員武員總兵易榮華等十七員均請照軍營立功後積勞病故例從優議卹以慰忠魂其有本年二月瓊州勦辦黎客各匪遵旨保獎案內奏保陞銜陞階經部議核覆奏准者均請照陞銜陞階從優議卹出自逾格鴻慈倘有傷亡瘴故員弁兵勇未及查明者容俟另行彙案奏請賜卹 硃批楊玉書及晁振翮等十四員易榮華等十七員均

著照軍營立功後積勞病故例從優議卹餘依議該部知道欽此

查辦匪鄉已有端緒摺 光緒十三年六月十三日

竊照粵省積匪糾結經臣之洞會同前撫臣倪文蔚奏明分爲三路督營查辦澈底清釐所有盜匪會匪鬪匪一體懲辦水師提督方耀分辦惠潮一路署陸路提督鄭紹忠分辦廣韶肇一路督辦欽廉防務前廣西提督馮子材分辦欽廉一路會同各道府督率委員將獲送各匪訊明分別懲辦光緒十二年二月十五日奉旨著照所請該部知道欽此嗣以各屬地方遼闊伏莽尙多

張文襄公全集

卷二十一 奏議二十一

三

前奏三路所指各州縣係屬擇要舉隅此外各屬如有著名匪犯自應比照推廣一律查辦以期一勞永逸去良安又經分別咨行各屬遵照辦理臣大澂到任亦經嚴飭各屬會同營員認真查辦去後省東一路惠州屬海豐陸豐兩縣最爲凶橫不法久同化外水坳浚徑東洲坑沙港等鄉尤爲蠻悍該兩縣辦清然後惠州各屬有可措手茲准方耀咨報親督員弁兵勇於上年四月內行抵陸豐縣城分諭海豐陸豐兩縣設立公局遴選公正紳士入局辦事每鄉公舉鄉約正副房族正副責成稽查將歷年械鬪拜會搶擄劫殺等案匪犯按鄉

諭飭查拏細送派委參將何長清遊擊方沿蔡申方杜

丁惠良從九張志煥都司林飛鴻把總方億帶勇分駐碣石南塘甲子大安河田等處查緝勒交十月內移駐海豐縣派委降補守備方恭署海豐縣丞周運春從九呂長庚已革副將莫善喜副將黃國安遊擊林進陞都司李國清守備方記興帶勇分往青坑可塘捷勝仙美公平梅隴赤石鵝埠等處查緝勒交歷九閱月迭據兩縣各鄉遵交及營并拏獲各項匪犯劉亞拂等共四百六十五名均據供認歷年豎旗拜會從逆攻城戕官傷勇糾鬪傷人以及迭次搶劫擄禁誘拐出洋姦淫霸奪

張文襄公全集

卷二十一 奏議二十一

四

等情復經詳詢鄉族實係素行不法凶暴眾著之匪經署惠潮嘉道益齡署惠州府知府夏獻銘督同審案委員候補同知增亮等覆訊明確錄供咨報就地懲辦惟應辦之匪過多其情節稍有可原者痛加懲責交該鄉紳約族長領回責令保結約束以前鬪案由委員會同地方官剖分曲直秉公處斷一律解息該兩縣匪徒抗官害民習爲故事亂萌已彰官法久廢此次痛加懲創一清積惡民情欣悅并詳擬善後章程嚴禁烏旗紅旗名目不令結黨構禍追出霸奪財產添建書院九處義學四十三處嚴定鄉規均經臣等核明轉飭地方官認

真遵辦並准咨報拏獲潮州府屬澄海縣已革生員楊春英等供認因抗繳沙田花息起意聚眾罷市糾邀積匪蔡亞柯等搶毀局廠挾制官長並究出蔡亞柯等另犯搶奪姦佔械鬪傷斃人命各案潮州民俗素悍近來已知奉法斷不宜使頑梗復萌經該提督馳赴澄海親督兵團拏獲訊明當將供認之楊春英等十三犯就地正法以昭炯戒其餘隨同滋鬪之蔡廷林等分別責懲發落眾論翕服現經商定該提督即行移師惠州府城將歸善博羅長甯永安龍川連平河源和平等八州縣接續一律辦清此方耀辦理惠州海豐陸豐兩縣及潮

張文襄公全集 卷二十一 奏議二十一 五

州府屬澄海縣匪鄉之實在情形也省北一路通稱北江以廣屬之三水清遠花縣韶屬之英德翁源連州屬之陽山及佛岡廳爲多匪而清遠一縣尤爲著匪所從出之區故去年與鄭紹忠商定將東路略加布置後即專辦省北七廳縣親駐清遠居中調度西江之肇慶屬四會廣甯二縣附近清遠一併查辦茲准鄭紹忠咨報上年自赴惠州府與方耀商定辦法後歸途取道東莞布置一切隨即移營駐劄清遠將佛岡英德翁源陽山花縣三水四會廣甯各屬同時舉辦派委三江協中軍都司朱輝煌候補遊擊常林三水營守備蔡珠署清遠

營遊擊江志署南韶鎮標右營都司黃忠保署連陽營遊擊顏金候補遊擊王榮武都司陳達署四會營守備劉成等各帶兵勇會同各廳縣督飭團紳查緝勒交就中惟清遠之滘江司英德之潭頭鄉素稱盜匪之藪四出爲害計鄭紹忠在惠郡歸善拏獲匪犯黃水嬌等十三名在東莞獲匪黃扁頭才等十六名在三水清遠佛岡等廳縣獲匪劉松等一百四十二名均經惠州府並委員候補知府薛謙等悉心研鞫各供認迭次搶劫糾鬪擄殺不諱稟經臣等批飭就地正法本年東北江行旅暢通無阻此鄭紹忠辦理北江一路廣韶兩府屬匪

張文襄公全集 卷二十一 奏議二十一 六

鄉之實在情形也特是廣屬地段太廣鄭紹忠難以兼顧且省城迤東之東莞增城兩縣距省甚近而東莞風俗最悍其毗連博羅之鐵岡鄉及壘夏江邊等村積年劫掠械鬪擄殺拒捕抗官習爲常事又竹溪蓮溪二堡所屬各鄉歷年兇鬪附近白濠寶塘及弱小各村附和幫鬪築臺架礮互相殘殺即經添派署廣州協副將總兵鄧安邦前往專辦分東莞增城爲近省東路獲犯劉子寬等五十二名經委員候補知府嚴家疇等訊明供認迭次械鬪擄殺及行劫打單之犯稟經批行正法餘犯分別礮禁保釋其省西路肇慶府所屬沿江州縣地

居上游毗連西省歷年匪徒游勇攔江登岸劫掠商民
德慶州所屬之涿水村匪首陳定邦積慣窩匪銷贖出
貨主謀黨羽眾多以致四近河道盜賊充斥即經派委
署肇慶協副將黃金福專辦西江水陸一帶計先後拏
獲匪犯梁亞楊等十名交肇羅道府覆訊明確稟經批
飭正法餘犯分別懲禁責釋其窩盜巨匪陳定邦等四
名提省訊明懲辦已歸入第九十五次盜案彙奏在案
現在西江水路肅清商旅稱便又省西南路廣屬之新
會新甯肇屬之恩平開平鶴山等縣偏在一隅壤地相
接河海交錯盜匪繁多自應別爲一路且新甯之新昌

張文襄公全集

卷二十一 奏議二十一

七

荻海二村匪徒最多歷年擄殺窩盜挖河爭利斂財糾
鬪其張逕等村甄李兩姓互相糾鬪擄捉殺傷甄姓男
婦多名兩村房屋數百間盡行燒燬又開平之塘朗村
械鬪習慣其著匪楊有興屢經拒傷官兵必須專員帶
隊圍拏節經先後派委陽江鎮總兵黃廷彪已革通判
徐賡陞都司司徒驥等督帶兵勇會同地方營員前往
查辦臨以兵威始陸續具結交匪計該員等先後共獲
匪犯譚亞高等一百零一名均經委員知府吳尙恭等
訊明稟報臣等批飭正法此近省東路鄧安邦省西路
黃金福省西南路黃廷彪徐賡陞分投辦理之實在情

形也其南海番禺二縣經地方文武隨時查辦計獲積
匪何亞福等三十六名均經廣州府知府孫楫督同縣
委訊明實係素行不法迭次擄劫殺傷之犯隨時稟由
臣等核飭正法各在案廉州一路靈山界連廣西闖案
盜案最多欽州濱海鄰越地方遼闊素爲匪徒游勇出
沒之所馮子材派委知府馮相華劉汝奇欽州營守備
賴連會等各帶兵勇會同各該地方文武督飭紳團查
緝勒交因馮子材駐紮欽州距廉較遠所有欽州境內
暨沿海獲到匪犯由署欽州知州李受彤審擬稟由馮
子材核明批辦其合浦靈山二縣拏獲匪犯由署廉州

張文襄公全集

卷二十一 奏議二十一

八

府知府李璣審擬稟辦馮子材渡瓊辦黎分留營哨
會同地方官辦理迭准馮子材咨報並李璣稟報欽州
九坡塘村農正廩等歷年據險滋事抗官拒捕形同叛
逆經李受彤會同萃軍圍捕焚其匪巢殲斃著匪農正
典等十一名擒獲農正廩等十五名訊明正法靈山平
吉墟劉廖兩姓積年鬪殺多命焚擄不休築有礮樓閉
柵拒捕經馮相華暨署靈山縣知縣鄧清圻等督軍圍
拏攻破擒獲匪首劉相田並懸賞緝獲廖乃寶等七名
發府訊辦又經李璣訊明由營縣解到合浦靈山匪犯
廖二等四十三名均供認械鬪擄殺迭次搶劫節次稟

經臣等批飭正法情節較輕之犯分別敬禁柳責保釋
目前欽靈一帶漸知畏法此馮子材辦理廉州一路之
實在情形也以上各路自開辦起至本年五月止合計
共正法積匪九百零六名臣等伏查粵省各屬劫盜拜
會械鬪各匪日肆兇橫幾同化外此次奏派大員督兵
按鄉查辦紀律嚴肅各鄉士庶皆知此舉實係為民除
害紳耆送匪均能踴躍從事方耀鄭紹忠馮子材皆係
各辦本籍情形既熟威信素孚所辦各項積匪大率皆
鄉族攻指網送或據控派員訪拏必其案據確鑿眾論
痛惡者始予正法其為匪皆不止一年所犯尤不止一

張文襄公全集 卷二十一 奏議二十一 九

案逃逸未獲之匪皆經榜列姓名懸立重賞購緝令其
鄉族遠近周知即使一時未能遽獲亦斷不敢復回鄉
里如此嚴加懲治洵足以安閭閻而快人心其已經辦
清處所飭令各地方官選擇正紳嚴立鄉規隨時稽察
約束舉報網送荒陋犷悍之區酌設義學以期永臻安
輯漸化頹風現在東路之海豐陸豐等縣西路之德慶
封川高要東安西甯恩平四會等縣西南路之新甯開
平恩平等縣北路之清遠三水英德花縣佛岡廳等處
廉州屬之欽州靈山等處自去冬今春以來盜案頗稀
鬪案漸息確係清查匪鄉之效惟廣屬南海番禺順德

香山新會等縣則盜案鬪風尚未甚戢且打單之風日
熾由於近來港澳弊端愈出愈奇四出打單勒取重金
以供巡役包庇之費且沿海諸沙居民寥落最易藏奸
盜匪聚會分贓逃匿出沒多在此等處所現專設緝務
總局所有省城暨附省南番香順等縣緝捕保甲團練
統歸此局辦理派委奏調差委前浙江按察使陳寶箴
會同臬司王毓藻總司其事前經奏明在案現將省城
各項緝捕水陸勇丁歸併汰留申嚴賞罰添派輪船四
出巡緝委員分赴各縣勸導城鄉力行團練並勸諭順
德護沙約紳整頓護沙艇由官調遣以佐緝匪之用紳

張文襄公全集 卷二十一 奏議二十一 十

民均屬樂從三數月以後當可漸有端緒至此查辦
匪鄉在事文武員弁官紳緝匪勤奮訊斷詳審諸無枉
縱俾良民得以久安應由臣等查明酌給外獎其從前
失察拜會械鬪罷市之地方官民狃於積習相沿官限
於兵力不足尙非有意疎縱相應仰懇恩施免其置議
殊批著照所請該部知道欽此

肇慶稅收加倍請分年購礮摺 光緒十二年六月十三日

竊照肇慶府黃江稅廠前因弊端太多經臣之洞奉旨
查明禁革各項規費改章恤商遴委山西候補知府陳
占鼐前往試辦並擬經徵之員若較原額正餘四項加

至一倍卽照異常勞績請獎其潮州府東關稅廠亦於此案內查明覆奏請定爲每年加解節省銀二萬兩所有肇慶稅廠除原額四項解足外所餘銀兩暨潮廠加解銀二萬兩併名爲額外節省防費暫以十年爲限十年之內不得輒請減免各等因於光緒十二年三月二十一日會同前撫臣倪文蔚具奏奉旨該督等請將肇慶潮州兩廠添解額外節省銀兩及肇慶稅廠改章試辦各節均著照所請行等因欽此並以省垣五門設防需增礮臺同日附片奏明請以此項節省防費專備五門分年購礮不准挪作別用每年將此款收齊訂礮布

張文襄公集

卷二十一 奏議二十一

三

置情形奏明一次奉旨該部知道欽此均經欽遵分別飭辦各在案自該委員接辦後迭經臣等隨時督飭嚴密稽查茲據委員陳占鼇報稱自光緒十二年五月二十二日接辦起至十三年五月二十一日止屆滿一年連閏十三箇月共收正稅盈餘等銀一十二萬二千二百二兩七錢四分八釐查黃江廠每年應解正稅銀一萬二千八百兩院司養廉銀三百八十餘兩羨餘銀一萬五千九百五十兩加徵盈餘銀二萬兩橋羨銀一萬兩遇閏加增羨餘銀一千七百餘兩共額解銀六萬九百餘兩現計連閏十三箇月經徵銀一十二萬二千餘

兩係屬加倍除廠用於原定一成數內樽節支用計不及一成銀一萬一千一百九十一兩二錢一分四釐司局銀一十一萬一千一百九十一兩二錢一分四釐伏查肇慶關稅徵解久未足額臣之洞上年改章之時飭令原額正餘四項務照解足凡有所餘悉數歸公並將該府用度極力裁省約計每年額外祇期溢解銀三萬兩內外以充海防經費乃改章僅及一年除應解連閏銀六萬九百餘兩外竟溢解五萬有奇誠爲始願之所不及若非該員陳占鼇任勞任怨力除浮糜則積弊雖經禁革未必遂拔根株成效縱有可觀未必驟增鉅

張文襄公集

卷二十一 奏議二十一

三

款今收數旣已加倍此後經徵各員無所藉口循此辦理不致仍前短絀且樽節廠用力願解款實於粵省餉需大有裨益計前項新增節省溢解銀共五萬兩有奇併潮廠新增節省銀二萬兩上年奏案本係留充海防經費專爲五門購礮之需又該廠應解橋羨及加徵盈餘兩項共三萬兩咸豐以來久未徵解同治八年以後解至六成尙欠解一萬二千兩臣之洞上年查明覆奏責令該廠以後每年將此一萬二千兩解足此項亦係新增查核舊案橋羨加徵盈餘兩款係撥充水師燂洗戰船之費由外省支銷粵省師船年久失修近年燂洗

之費尙可酌量緩發所有此項新增解足銀一萬二千兩應一併添作買礮之用三項合計共銀八萬二千兩本年三月臣等校閱前路虎門中路黃埔一帶礮臺礮位尙未敷用且間有參用前膛舊式者必須一律改換新式長礮方收致遠命中之功上年十一月二十八日臣之洞覆奏汲水門六廠藥稅摺內請將粵海關節省六廠經費分年撥爲虎門礮臺之用部議核准今六廠藥稅改章此款無著仍須另籌又潮州汕頭海口形勢實以鰲頭馬尾馬矢三山爲最要自海防有事以來與鎮道各官考核詳審較之蘇安崎嶇舊臺尤爲扼要應

張文襄公全集

卷二十一 奏議二十一

三

於此三處分築新式礮臺酌配巨礮十尊則潮防可臻完固當經電致出使德國大臣許景澄與克虜伯廠議妥擬購十五生三十五倍口徑新式長礮五十尊架件全每礮一尊配彈二百顆實心開花各半棕色藥二百出其價勻十年匯交礮亦十年分運計礮架彈藥四項共需銀三百五十二萬四千七百四十六馬克外加運費保險約二十萬馬克以現時馬克價折合共約需銀八十三萬五千餘兩分作十年匯付每年約需銀八萬三千五百餘兩以肇潮兩廠節省溢解防費每年八萬二千兩計之適足敷用僅短千餘金尙易添足潮廠二

萬兩業有定額可循肇廠六萬二千兩但使責成委員實力稽徵當不致大有盈絀如或不敷礮價按年由外籌補明年礮到之後再當分年陸續接辦臺工並酌量分撥潮州各海口礮臺應用儻潮州尙有別款可籌亦隨時提撥湊支礮價以後仍每年於收款收礮後具奏一次據廣東布政使高崇基會同海防兼善後局司道詳請具奏並飭將委員陳占鰲照案請獎前來臣等伏查上年奏定肇潮兩廠額外節省銀兩充支海防經費會經奏明專爲購礮而設茲擬訂購後膛長礮五十尊以之分布虎門五門潮州等處礮臺均爲必不可緩之

張文襄公全集

卷二十一 奏議二十一

三

需現已咨商海軍衙門一俟咨覆核准後即行電致許景澄匯價購定刻期運華粵省當萬分支絀之時而又不能不爲未雨綢繆之計惟有銖積寸累庶免臨時周章此款由蒐羅整頓而來且須經歷十年之久必須堅守成議始不廢棄前功至肇慶稅廠改章試辦一年連閩徵收加倍該委員陳占鰲實屬稽徵得力自應遵照奏案照異常勞績請獎合無仰懇天恩俯准將該員山西前充補用知府陳占鰲以道員仍歸原省儘先補用以示鼓勵

硃批該衙門議奏欽此

創辦水陸師學堂摺 光緒十三年六月十四日

竊惟古今人才皆出於學學之爲事講習與歷練兼之近日海防要策首重水師兵輪次則陸軍火器外洋諸國於水陸兩軍皆立專學天文海道輪算駕駛礮械營壘工作製造分類講求童而習之畢生不徙其業是以稱雄海上我朝聖武恢闔中國人材所萃將才何一不備兵法何一不精特是時勢不同船礮機算諸端至今日而巧者益巧烈者益烈若欲應時制變固非設學不可近年天津福州皆設水師學堂而天津兼設武備學堂以練陸師誠以二者不可偏廢也廣東南洋首衝邊

張文襄公全集 卷二十一 奏議二十一

五

海兼籌應儲水陸師器使之材較他省爲尤急光緒三年前督臣劉坤一捐銀十五萬兩奏明生息爲儲養洋務人才之用光緒六年前督臣張樹聲撫臣裕寬於省城東南十里長洲地方就前款內撥銀建造實學館分派教習考選學生肄習西洋語文算法用項取之前次息銀特以限於費絀定額較少此外有關兵事諸端未能肆及臣之洞到任後察看該館生徒學業尙堪造就改名博學館於奏請籌辦閩粵兩省開設學堂各務摺內聲明在案臣等審度時勢公同籌商卽就其地改爲水陸師學堂並須添購地段增建堂舍以區功課而臻

完備其水陸師均各額設七十名先挑選博學館舊生通曉外國語文算法者三十名爲內學生再遴選曾在軍營歷練膽氣素優之武弁二十名爲營學生再擬選業已讀書史能文章年十六以上三十以下之文生二十名爲外學生無論生監俱准就學其水師則學英國語文分管輪駕駛兩項管輪堂學機輪理法製造運用之源駕駛堂學天文海道駕駛攻戰之法其陸師則學德國語文分馬步槍礮營造三項內學生取其繙譯已曉算法已諳營學生取其兵事已歷膽氣已壯外學生取其志向已定文理已通惟營學生外學生兩途年齒

張文襄公全集 卷二十一 奏議二十一

五

較長學習外國語文稍有不便應於洋教習之外添用華繙譯一名轉相解授以便領悟其房舍則分爲水師誦堂水師操堂陸師誦堂陸師操場陸師馬步礮操場其規制課程略仿津閩成法復斟酌粵省情形稍有變通大抵兼采各國之所長而不染習氣講求武備之實用而不尙虛文堂中課程限定每日清晨先讀四書五經數刻以端其本每逢洋教習歇課之日卽令講習書史試以策論俾其通知中國史事兵事以適於用在堂者一律仍准應文武試以開其上進之程其營學生外學生兩途年歲不必甚幼庶可辨其志趣氣質不致虛

養庸下之材語文但取粗通不必以此一端耗其心力
目力總期由粗入精必不使逐末遺本水師學成之後
撥入練船另設練船正教習槍礮帆纜教習測算教習
四員皆用洋弁在船課讀即在中國沿海口岸遊行認
真練習一年之後再選其材藝尤長者分赴外國學堂
兵船學習其陸師則三年學成後擇尤出洋分赴各國
學堂陸軍練習水陸均令每年九月在堂三月在船在
營遇有外洋有事擬照西國通例前往觀覽以資考鏡
實事現在購買地基添造學舍與築場廠約估需銀六
萬餘兩每月員弁薪水華洋教習薪費學生贍費丁役

張文襄公全集

卷二十一 奏議二十一

三

工食約需銀五千兩按之津閩章程已屬節省堂中應
用書籍機器隨時添置除博學館原有每年息銀六千
餘兩外應於海防經費項下開支粵省度支極絀豈敢
更增用款然此爲儲才要務不得不竭力成之惟學堂
事屬創始總辦者非有熟習大員未易勝任查有二品
銜分省補用道吳仲翔才識沉毅思慮精詳前充福建
船政提調十餘年船政始規皆其創辦嗣經北洋大臣
李鴻章調赴天津委辦水師學堂亦著成效現在請假
回籍經臣等函邀來粵詢商一切相應請旨將吳仲翔
發交臣等差委擬即委令總辦水師學堂事務以資熟

手至洋教習擬用三員水師駕駛洋教習一員查有福
建船廠英員李家在閩期滿堪以調充陸師語文測算
兼操練正洋教習一員粵省現有德弁歐拔次堪以充
補其副教習一員應由臣等咨商出使德國大臣向外
部選訂此外應設漢教習十一員水師則駕駛操演洋
文各一員華文三員陸師則英文幫教二員德文幫教
一員華文二員其稽查各堂及經管錢糧文案各委員
酌量任用此舉現經臣等詳加籌度飭據廣東布政使
高崇基會同海防善後局司道擬議章程詳請具奏前
來除咨明海軍衙門總理衙門暨戶兵兩部外謹合詞
張文襄公全集

卷二十一 奏議二十一

三

恭摺具陳伏祈聖鑒

硃批吳仲翔著交張之洞等差委餘依議該衙門知道
欽此

續造兵輪摺

光緒十三年六月十四日

竊查粵海爲東南首衝不可一日無備海戰固須鐵甲
巨艦卽爲自守計而輔助礮臺扼截內港亦非兵輪不
可南北洋歲有各省關協撥經費或百餘萬或數十萬
用能寬裕經營船械具備而粵省無之歷年支持不暇
無從議及兵輪僅有巡緝供差輪船亦不甚大光緒十
年臣之洞到任之日已爲海防戒嚴之時事機緊迫患

在門庭海戰既無從猝謀內河自不能不備乃先其所急籌款集工囑水師提督方耀前藩司沈銘經試造廣元廣亨廣利廣貞淺水兵輪四艘聊以資內河扼守之具是年年底定議次年畢工曾經遣赴瓊州汕頭等處近洋尙可駛行若風浪馳逐究無把握現在合計四淺輪併舊有中小輪船共二十九號除分撥瓊廉應用及各營要差外縣巡緝外省河內外止有十四號僅資緝捕轉運之用至光緒十二年海防大定臣之洞欽奉懿旨籌議海軍環顧海疆懲前毖後乃與司道將領百計經營苦於無從籌此鉅款適據籍隸粵省之署廣州協

張文襄公全集

卷二十一 奏議二十一

完

副將鄧安邦順德協副將利輝等稟請邀集文武官紳分年捐資廣造兵輪無事緝匪有事應敵自光緒十二年起至十四年秋間止可集銀四十二萬兩又經督飭運司勸諭鹽埠各商竭力襄助嗣據各商稟請分二年籌捐造船經費亦自光緒十二年起至十四年年底止可集銀二十八萬兩兩宗捐款皆據稱保衛桑梓肅清引地不敢邀請獎敘惟自造則萬萬不敷船小則又無大益乃於去冬姑先試造較大之淺水兵輪兩艘并函詢署福建船政大臣裴蔭森以歷年閩廠製撥南北洋各口輪船之長闊深淺駛行速率若何用資考較適是

時閩廠爲南洋代造三船均竣器全工暇遂商爲協造辦法粵濟閩經費之不足閩助粵工力所有餘如此則就此現有之款可造出海兵輪與臣大徵核計熟商并飭司道等籌議僉以爲便於是定議協造鐵脇快輪一艘穹甲快輪三艘共四艘擬名曰廣甲廣乙廣丙廣丁廣甲馬力一千六百匹長約二百二十一英尺寬約三十三尺有奇喫水極深處約十三尺有奇全船載重一千二百九十六噸每半時約行四十七中里鐵脅木舳製仿兵輪機器新式乙丙丁三艘均馬力二千四百匹長約二百三十五英尺寬約二十七尺喫水極深處約

張文襄公全集

卷二十一 奏議二十一

三

十三尺全船載重一千噸每半時約行五十五中里鋼脅鋼舳鋼殼罩穹甲斜厚一寸活桅兩枝能助鐵甲出洋攻擊自本年夏初起製約三十箇月以次完竣其廣甲一艘係閩廠已造之船本年九月可成駛粵應防共協銀三十六萬兩又協造河海並用中號兵輪四艘擬名曰廣庚廣辛廣壬廣癸每艘馬力四百匹長約一百四十四英尺寬約二十尺喫水約十尺每半時約行三十六中里鋼脅木舳鋼板鋼殼罩活桅兩枝亦可行大洋抵津滬自本年閏四月起製約十六箇月可成兩艘又八箇月可成兩艘共協銀一十二萬兩臣之洞先於

上年十一月委派前臬司于蔭霖員外郎熊方柏就黃埔設立船廠選匠開造淺水兵輪二艘擬名曰廣戊廣已每艘馬力四百匹長一百五十英尺寬二十尺喫水七尺每半時約行三十三中里鐵脅木舢鐵礮單活桅兩枝足駛近洋內港限今年九月十二月次第工竣共需銀五萬數千兩其各船所需礮位甲乙丙丁四艘每船船頭十五生長礮一尊船尾十二生長礮一尊船腰荷乞開士聯珠礮二尊戊己庚辛壬癸六艘船頭十二生長礮一尊船尾十生半長礮一尊船腰桅盤荷乞開士聯珠礮共四尊彈各三百顆實心開花酌配棕色藥

張文襄公全集

卷二十一 奏議二十一

三

戰事時止能守口巡洋甲乙丙丁四艘尚可在大洋助戰較之南北洋在外洋所購巨艦相去尚遠實由粵力已竭粵防難弛眾情激發集壤成山然猶集資寬以三年通工及乎隣省始克勉成此舉若欲禦大敵於重洋則必如臣之洞光緒十一年九月初四日具奏籌議海軍摺內所請水帶鐵艦三艘鐵甲雷船六艘併酌配快船方能自成一軍鞏衛瓊廉門戶然需款甚鉅應俟朝廷裁奪次第規畫施行至此十船中閩製者均可駛行南北洋將來造竣後當令駛赴天津聽候海軍衙門閱驗此係外籌捐辦不動庫款將來亦不請獎敘應請敕

張文襄公全集

卷二十一 奏議二十一

三

部免其造冊報銷再臣等前於本年五月初旬欽遵四月二十九日懿旨電請海軍衙門核示旋准五月十三日覆電開十船成後裁舊養新尤合海署命意且係捐辦於經費無所出入又在奉旨以前即由粵自奏等因合併聲明

硃批該衙門知道欽此

張文襄公全集卷二十一終

新城王樹森校

張文襄公全集卷二十二

奏議二十二

查明潯梧兩廠短徵稅銀請分別著賠寬免摺

光緒十三年六月十四日

竊臣等接准戶部咨遵議廣西省潯梧兩廠短徵稅銀擬令勒限追賠一摺光緒十二年十二月二十五日具奏本日奉旨依議欽此原奏內開廣西潯梧兩廠稅課自同治十一年十月起至光緒十一年五月止歷任經徵之員共短徵銀七十六萬六千九百餘兩伏思關稅為歲入常供不容絲毫拖欠本年據兩廣總督張之洞

張文襄公全集

卷二十一

奏議二十一

一

查奏梧關經費病商摺內聲明每年商賈於正稅之外費至二十餘萬厥員例外苛求較正稅多至數倍則謂稅課不旺稅餘短絀其誰信之且梧關積弊如彼潯州壤地相接亦難保無前項情弊請旨飭下兩廣總督廣西巡撫嚴飭藩司即將潯梧兩廠自同治十年十月起至光緒十一年五月止短徵銀兩在於歷任經徵各員名下按照任卸日期核定短徵應賠各數勒限追繳先將如何勒追之處詳悉開單限三箇月具奏報部該督撫同為國家倚任大臣務當共濟艱難力任勞怨等因當經臣等飭行遵照去後茲據署廣西布政使周鶴核

明該兩廠短徵正餘銀數議請分別著賠寬免具詳前來臣等覆查廣西潯梧兩廠自軍興後稅課未能暢旺

歷年短徵缺額尚係實在情形前因戶部指撥該兩廠應徵盈餘銀兩協濟黔餉歷經各前撫臣將兩廠正稅尚細盈餘無徵情形奏明並將潯梧兩廠短徵正盈銀兩經徵各員無力賠繳援案奏請豁免經部議准各在案可為明證比年因部撥兩廠稅銀以供邊餉每多徵解不前復經臣秉衡嚴切稽查督催徵收實難足額以致未能按期批解是該兩廠稅課歷年徵收短絀實非捏飾上年奉部行查歷年徵解款目又經臣等查明該

張文襄公全集

卷二十一

奏議二十一

二

兩廠短徵正稅勒賠足額盈餘實無徵收分別賠正免餘具奏在案茲准部議以臣之洞查奏梧關經費病商摺內聲明商賈於正稅外費至數倍應令將短徵銀兩勒限追繳在部臣慎重公款誠不為過惟情節尚有可原辦理應加區別祇宜整頓將來未能概追既往其中實在詳晰情形有不得不瀝陳於 聖主之前者查盈餘一項必須商貨甚旺於徵足正稅外尚有來貨可徵始謂盈餘今梧廠經費出自商捐與稅課判然兩事同此一貨既已照則抽收正稅復於額外捐繳經費並非別有貨物可抽盈餘銀兩是盈餘因貨多而有經費與貨

稅並行有正稅一兩而捐費一兩有餘或至二兩者故
工科徵至五六萬兩經費已至十萬有餘推原其故僉
言當日貨物稀疎不得不重抽其費以濟急需此足爲
商貨不多之據若稅課則悉按戶部則例徵收不能因
收數短絀輒有加增是以經費雖重仍與盈餘無涉至
臣之洞前摺所稱商賈每年費至二十餘萬係連書巡
丁役地棍船戶人等中飽之數而言聲敘甚明並非專
指經費一款其實在官所收經費不過十萬有奇而各
項支銷皆從此出溯查此項經費當時原因商人稟請
募勇保衛商船而設節節屯防節節護送所需餉械實

張文襄公全集

卷二十一 奏議二十一

三

屬不貲迨賊平勇數漸減而各前任撫臣卽已將經費
陸續撥補正稅足額旋又令撥解公費且於正稅足額
之外仍令賠繳盈餘三四成是已歷經設法規復正餘
稅額而廣西土匪仍時竊發游勇散練所在劫掠隨時
添募勇丁仍不能少至所收經費每年參差不齊既非
年年一律亦非徑歸私橐臣之洞原奏亦經聲明此項
商捐經費撥補本廠正稅暨支給水陸勇糧并因西省
院司道公費早年出自稅餘後因軍興稅絀改在經費
項下動支等情奏明在案假使當時巡撫藩司若肯早
加綜核勒令彌補盈餘未必不可撙節浮費以資挹注

乃失可爲之時而不圖視現有之財而不問今事過境
遷歷任各員大都病故丁憂參革黜降在西省者寥寥
無幾前既無力賠補今雖督責嚴切參劾查抄恐亦終
無實濟而因臣之洞查奏各弊舉發無遺遂致窮迫既
往誠恐嗣後引以爲戒遇有此類事體相顧莫肯抉發
矣從前歷任督撫豈無見聞乃積弊相仍從未澈底查
奏正恐一發其覆督責因之貽累歛怨致興大獄故凡
積重之弊振之愈難實由於此似於疏壅除蔽之道不
無關繫且平心論之表正景直責在上司今不究歷任
撫藩專責歷任知府實不足以服屬吏之心若因此株

張文襄公全集

卷二十一 奏議二十一

四

累遠年巡撫藩司追呼蔓延竊恐朝廷亦有所不忍臣
等再四籌商確加體察竊以爲懲前毖後義各有歸事
貴持平方昭大順先年潯梧兩廠盈餘或收未足額實
係無徵皆非徵存虧挪可比而梧廠究有經費一款雖
查無入已確據究屬不知撙節糜費惟有酌量再令著
賠擬將每年額徵盈餘仰懇天恩俯准寬免十分之六
其餘四成責令歷任經徵各員如數賠繳按照例限分
別清完以示儆懲其潯廠稅項地較僻遠伏莽未清徵
收尤爲短絀正稅缺額尙多迥非道光年間廣西未亂
以前之潯州可比此等情形商旅皆知且向未另抽經

費與梧厥情形截然不同曾於上年三月二十一日附片奏明早經裁免解省公費撥補正稅足額在案若非實係短徵西省撫藩何必出此儻再令賠繳盈餘更屬無詞可措督責難施應懇逾格恩施將該厥歷年未徵盈餘概予豁免以示區別而昭平允臣等受恩深重當此籌餉爲難之際誠如部議分宜力任勞怨臣秉衡於該兩厥解省公費從未提用短徵之款又非臣秉衡任內之事無所用其瞻顧臣之洞於該兩厥積年弊竇澈底查奏抉摘無遺並力爲裁汰冗人禁除經費久已甘爲怨府此項各員短徵盈餘之款苟有可追斷不敢自張文襄公全集卷二十一 奏議二十一 五

軍餉以足四十二萬之數西省貧困已極此後西省撫藩待此支發軍餉耳目既近利害切身督催稽核自必不遺餘力似於國計商情兩有裨益

殊批戶部議奏欽此

量開河道口門與英使妥商交犯辦法摺

光緒十三年六月十日

四月十日

查廣東由黃埔入省有水路兩支北曰魚珠南曰沙路上年辦理海防用船石橋樁將南支塞斷船隻出入統由北支全力防此簡要易施自防務解嚴後各國使臣領事屢請開通沙路迭經臣奏請敕下總理衙門立案

張文襄公全集卷二十一 奏議二十一

六

不予曲從誠以粵防攸關不得不守此成局以冀淤沙漸增用固吾圉乃年來在粵領事仍紛紛陳請各國使臣亦向總署曉瀆以洋船不能直達省河洋商受累爲辭務請開通沙路以利船商經總理衙門與臣內外堅持頻年以來極費唇舌不與通融而彼族仍紛紜不已上年七月接總署來咨深以兩年內之饒舌不能置之不理爲慮自是深思熟計之意本年四月經臣詳細聲復並以體察情形統籌全局如別有善法再當籌議舉辦等情函達總署在案誠恐將來難保不藉端要求似不可不籌一抵制辦法以爲量子變通之計查沙路攔

河共有三處一在四沙尾一在長洲後一在海心岡三者以長洲之橋為最固計長二百五十餘丈純用大洋木築成開之尤未易必不得已將來擬擇中央水深處開通口門十五丈兩傍加椿各兩排中納石塊日久挂淤當可漸臻鞏固至於有事時填塞口門應俟臨時相機料理其餘四沙尾海心岡兩處亦可做此辦法惟是當日攔截河道費盡心力工料不貲始克辦成今為利便洋船許其開通則彼亦必有利便於我者相與對易方昭公允查年來粵省嚴緝盜匪所有著名大賊皆以香港為遁逃藪向來到港提犯諸多為難須有事主

張文襄公全集 卷二十一 奏議二十一 七

眼證當堂質訊情節口供偶有參差犯之狀師即為開脫每提一犯須用狀師各費數千金猶不能必其交解實為條約所無近日匪匪愈多窒礙尤甚擬請旨敕下總理衙門與英使妥商議立專條嗣後交犯務以兩廣督臣公文為憑文到即行交解無須事主質證不得藉端刁難彼如允從即許以從權暫將沙路開通彼得便利英商之益而我收澄清盜藪之功似尚可以相敵雖於河道一節勉從其請略加變通於目前戢匪安民事宜不無裨益 硃批該衙門知道欽此

創建廣雅書院摺 光緒十三年六月十六日

竊惟善俗之道以士為先致用之方以學為本廣東廣西兩省地勢雄博人才眾多文學如林科名素盛惟是地兼山海東省則商賈走集華洋錯居西省則山鄉瘠瘴地荒遠習尚強悍民俗不齊見聞事變日新月異欲端民俗蓋必自厚士始土風既美人才因之查兩廣總督舊治肇慶設有端溪書院為總督課士之所兩省人士皆得肄業其中自總督移治廣州書院不能親臨考核整飭雖歲時封題課試規矩弛士氣不揚且原有齋舍止四十間大半敝漏不足以容來學每逢應課

張文襄公全集 卷二十一 奏議二十一 八

大率借名虛卷草率塞責臣到粵以來兵事倥傯又值水旱為災未遑及此比年海宇清宴民生粗安一切籌辦諸事宜規模略具兩省人士屢以整頓書院為請當經委員會同肇慶道府勘議興修特以限於地勢該書院東鄰府學宮西鄰肇慶協署後城前市無從展拓且以肇慶山水峭急游學者少除肇慶一屬外他處諸生罕有至者官紳士林僉謂宜別有經畫設於都會於事為便查省城粵秀越華應元三書院專課時文齋舍或少或無肄業者不能住院故有月試而無課程前督臣阮元所建之學海堂近年鹽運使鍾謙鈞所建之菊坡

精舍用意精美而經費無多膏火過少又以建在山阜限於地勢故有課而無齋舍竊思書院一舉必宜萃處久居而後有師長檢束朋友觀摩之益至於稽核冒名代倩猶在其次且以上各書院多為東省而設西省不得與焉東省外府亦罕有應課者臣以文學侍從之臣過蒙聖恩濫忝兼圻之寄才識迂拙無所建明至善俗儲才之端職所當為不敢不勉因於廣東省城西北五里源頭鄉地方擇地一區其地山川秀傑風土清曠建造書院一所名曰廣雅書院考江西白鹿洞書院湖南嶽麓書院皆遠在山澤不近城市蓋亦取避遠賢雜收

張文襄公全集 卷二十一 奏議二十一 九

攝身心之意廣州省會地狹人哢尤以城外為宜計齋舍一百間分為東省十齋西省十齋講堂書庫一切具備延聘品行謹嚴學術雅正之儒以為主講常年住院定議立案不拘籍隸本省外省總以士論翕服為主不得徇情濫薦調集兩省諸生才志出眾者每省百名肄業其中講求經義史事身心經濟之學廣置書籍以備誦習宋儒周子曾官嶺南著有德惠並無祠宇於義闕如今建祠院中并祀古今宦寓名賢本省先正有功兩粵文教者以示諸生宗仰肄業生額數東省廣州府三十名肇慶高州惠州三府各十名韶州潮州兩府各六

名瓊州府嘉應直隸州各五名廉州雷州兩府各四名南雄直隸州三名連州羅定兩直隸州各二名陽江直隸廳一名駐防一名連山赤溪佛岡三直隸廳共一名西省桂林府三十名梧州潯州兩府鬱林直隸州各十名平樂南甯兩府各八名柳州府七名思恩慶遠兩府各五名太平府三名泗城府二名鎮安府一名百色直隸廳歸順直隸州共一名遠郡下邑師友尤難各屬徧及以示公溥豐其膏火每月兩課校其等差優給獎賞道遠各府州分別遠近加給來往盤費總令其負笈住院靜心讀書可以自給免致內顧為憂紛心外務院內

張文襄公全集 卷二十一 奏議二十一 十

課程經學以能通大義為主不取瑣屑史學以貫通古今為主不取空論性理之學以踐履篤實為主不取矯偽經濟之學以知今切用為主不取泛濫詞章之學以翔實爾雅為主不取浮靡士習以廉謹厚重為主不取騫張其大旨總以博約兼資文行並美為要歸不住院者不領膏火以便考其行檢無故不得給假以期專壹有成嚴立規條責成監院考察約束違者即行屏黜欲其不分門戶不染積習上者效用國家次者儀型鄉里以仰副 聖天子作育入才之至意其書院常年經費所需甚鉅臣以歷年積存廉俸公費等項捐置其中並順

德縣沙田充公之款南海紳士候選道孔廣鏞等捐款發商生息歲共得息銀七千一百五十兩查黃江稅廠羨餘歷年即以提充端溪書院經費自改章後徵收較旺上年臣奏定三六平餘一項除支銷外尚有贏餘卽於此款內每年撥銀五千兩又於紅鹽變價充公項下每年撥銀五千兩撥款息款共歲得銀一萬七千一百五十兩以充書院師生膏火監院薪水人役工食一切祭祀歲修雜費至建造地價工料經順德青雲文社省城惠濟倉各紳愛育堂各董事誠信堂敬忠堂各商聞風鼓舞情願捐貲修造現已於閏四月二十日集款購

張文襄公全集 卷二十一 奏議二十二

七

料興工約計十月可成當經札委兩廣鹽運司會同東布政司督飭委員妥為辦理並飭監院教官妥議一切詳細章程稟定立案現經臣發題各屬諸生試以文字數首出色者卽行調取並咨商兩省學臣如有才志可造之士亦卽咨送竊惟易象有云君子以居賢德善俗言賢者會集則俗自化也論語有云君子學以致其道言同學講習則道易成也惟望從此疆臣學臣加意修明維持不廢庶於邊海風氣人才不無裨益其舊有端溪書院臣已檄飭道府酌提書院本款就原有規模修葺完整並酌加諸生膏火釐整章程以存舊觀學海堂

年久失修亦經飭司量為葺治於原設專課生十名之外增設十名會課改為每月一次責成學長申明舊日章程以期無廢前規

硃批該部知道欽此 光緒十三年六月十六日

遵保提鎮各員摺 竊臣於四月二十一日承准軍機大臣字寄光緒十三年四月初八日奉上諭各省提鎮大員均有專闕之責必須才略素優方足以資整頓邇來軍務紛平尤應安不忘危物色將才用備任使著各直省督撫於軍營著續人員內無論實缺候補各就其人之才具或長於陸

張文襄公全集 卷二十一 奏議二十二

七

路或熟於水師出具切實考語分別保奏其曾經引見發往各省差委之提鎮各員本欲令其練習營伍以備緩急並著隨時留心察看如有才識出眾之員一併奏保聽候簡擢各該督撫身膺疆寄以知人為最要務當確切考察勿採虛聲勿徇情面用副朝廷訪求人才整飭武備之至意將此各諭令知之欽此仰見 聖主經武綏疆慎重闕寄之至意曷勝欽服查咸豐軍興以來將才蔚起指不勝屈此後邊海兼防較之內地戰事為尤難專闕之才殊非易易如曾經與外洋接戰者或本有戰績近來又肯講求練習新式軍火礮臺戰船等事者

尤不易得廣東廣西兩省歷年辦理邊防海防將領雲集其戰功之等差才略之長短皆已明白彰著臣三年以來隨事考核證以公論凡該員等謀略膽氣操守紀律一一確考默識每遇成績昭然緩急可恃者則必優加敬禮傾心倚任激勸鼓舞以備國家干城之選茲奉旨保奏謹就東西兩省實缺候補軍營差委各員中詳加甄核擇其才識尤為出眾者繕具清單切實注考恭呈御覽再所保皆係長於陸路合併聲明 奉 硃批王孝祺等均著交軍機處存記欽此

謹將東西兩省軍營才識出眾之提鎮各員繕具清單張文襄公全集 卷二十一 奏議二十一

恭呈御覽

記名提督廣東北海鎮總兵王孝祺

該員忠勇老練簡重質樸推功讓能深明大體從前在淮軍多年歷著戰績前年鎮南關諒山之捷該員首率所部勤軍偕馮子材所部出關夜襲敵營隨卽扼守關前隘最當前敵疊次大戰破敵克城萃軍克捷多賴該軍特角之力實為功卓資深之將

記名提督婁雲慶

該員忠勇堅果紀律嚴明在霆軍將領中勛績久著前隨尙書彭玉麟來粵辦防建議扼守沙角礮臺銳

然自任獨當外海首衝臺工堅實規畫精詳實為緩急可恃之將

記名提督熊鐵生

該員閱深勇猛才略優長素稱霆軍健將前隨彭玉麟來粵分守沙角各臺任事伉爽訓練精熟紀律極為嚴整可當大敵

記名提督陶定昇

該員誠篤勇往廉明恤士久在老湘營中合字營立功前經彭玉麟奏帶來粵分防南石頭蒲州各礮臺治軍練礮事事盡心

張文襄公全集 卷二十一 奏議二十一

記名總兵劉樹元

該員勇決鎮靜不避艱險久在湘軍立功經彭玉麟奏帶來粵分防虎門外大角蒲州礮臺迅速節省軍整嚴有法

補用總兵奏補廣西慶遠協副將董履高

該員端重勇勁深悉兵機歷在淮軍立功前在關外谷松威坡等處禦敵諸軍不支之時獨率一軍力戰敵骨被礮打折調治年餘始獲痊愈現經調至廣東統帶廣勝軍治軍嚴肅訓練精勤

記名提督廣西右江鎮總兵張春發

該員忠勇堅果紀律嚴明在霆軍將領中勛績久著前隨尙書彭玉麟來粵辦防建議扼守沙角礮臺銳

該員驍勇精詳能謀能戰關外戰功卓然為定邊楚軍中將領之冠眾論僉同

記名提督蕭得龍

該員勇鷲謹嚴衝鋒堅守皆其所長久在湘軍從征西路卓著戰績上年在關外立功名亞於張春發

記名提督貴州安義鎮總兵蔣宗漢

該員膽略俱優能耐勞苦係已故提督楊玉科得力部將南關之戰厥功甚偉

記名提督謝鴻章

該員志遠氣銳曉暢戎機前在黔軍立功已經借補

張文襄公全集

卷二十一

奏議二十一

五

貴陽營右營遊擊海防緊急時自請開缺來粵效力貴州撫臣奏明奉旨允准現委辦瓊州撫黎開山事宜條理精明實為武職中不可多得之員

再請開缺回籍調理摺

光緒十三年六月十六日

竊臣前因假期屆滿病難速痊懇恩准予開缺回籍調理本年五月十四日差弁齎回原摺奉硃批著再賞假一月毋庸開缺欽此恩慈曲逮感悚難名當即趕緊延醫調治冀得速痊所有地方及交涉事件仍須勉籌辦神智愈鈍休暇愈稀經一月所患肝鬱氣痛怔忡眩暈等症有增無減精神委頓不支接見僚屬語言稍

多輒覺舌強氣喘醫者云心血虧耗太過若非屏息勞煩培養元本斷難就痊臣以一介腐儒受恩深重捐糜頂踵不足云酬特念病日增困久妨賢路心思既竭無補時艱自憾早衰徒滋負疚惟有再行懇懇天恩俯准開缺回籍調理另簡公忠大臣來粵接任以免貽誤臣獲卸仔肩庶得留心攝衛惟冀蘇沈疴而圖後效非敢安偷惰而外生成至目前緊要事件仍當力疾會商東西撫臣辦理

硃批著再賞假兩箇月無庸開缺欽此

再陳澳界膠葛立約必宜緩定摺

并清單 光緒十三年七月二日

張文襄公全集

卷二十一

奏議二十一

六

十八日

竊惟中國與葡萄牙議立新約一事臣於三月內承准總理各國事務衙門來咨當經臣暨撫臣吳大澂各抒所見奏請從緩定約奉硃批該衙門知道欽此六月間疊准總署來電查詢澳地開闢以內華民詞訟案件是否仍歸地方官審理旺厦村等處田糧每年實徵若干歸葡人收租者若干等因當經密委廣州府知府孫楫候補知府富純署香山縣知縣張文翰前署香山縣知縣蕭丙堃候補知縣蔡國楨等分別確查旋據查明七村訟案錢糧仍歸香山縣管理并查明洋藥來華分運

寶與澳門無涉業經據稟電復並分別咨達函達總署商辦在案撫臣於七月十六七八等日親赴澳門水陸一帶履勘目擊情形旋省後與臣反覆籌商大率澳門一帶原有葡人原租之界有三十餘年久占之界有十餘年來新占之界有近數年圖占未得之界區別甚多實非一致現當立約之際彼必將含混貪求若使稍不詳審則遠慮近憂處處棘手除前奏所陳可慮七條之外敬敢縷晰再爲我 皇太后 皇上陳之查旺厦一村歲完糧銀糧米共銀三十餘兩其餘沙岡新橋沙梨頭龍環龍田塔石等六村依山而居並無田糧葡人先於

張文襄公全集

卷二十一

奏議二十一

七

各島居民男婦老幼萬餘人相率環觀咸頌皇仁歡呼感泣察此情形若明歸葡屬各村各島斷不甘心此民不服葡一也關閘乃前明所設以其地勢險仄設守於此國朝因之以南圍牆以北七村仍是我疆並非將閘南之地皆予葡人道光季年以來逐漸混占修路築臺直抵關閘且藉設燈救火諸事勒向海中諸島收繳燈費地租建造洋房數間於大拔島迤西之山尾當十字門內築一墩臺又至澳西隔海灣仔銀坑等處勒收船租地租民拒不繳今若立約彼必將關閘內七村及潭仔過路環諸島攘爲己有甚至隔海灣仔銀坑一帶皆

張文襄公全集

卷二十一

奏議二十一

六

相連長約二里寬僅百步名曰蓮花莖恰肖其形關開
卽扼其上葡人久蓄詭謀欲將蓮花莖西面一帶填平
直接前山寨同知治所岸外計向澳門西北展出之地
長約九里半寬約二里半如此則所占更出關開以外
不惟貪妄無理而且險要全失此次撫臣到彼稅司法
來格呈出一圖畫有紅綫縱橫數十道皆葡人現擬填
占之界實可駭異此奪我險要四也朝廷所以允以澳
予葡者爲其協查洋藥稅釐也今據委員等確查稟稱
洋藥自海外入中華皆徑到香港分運各口從無徑運
澳門卸貨之船是稽查之關鍵在港不在澳葡人卽包

張文襄公全集

卷二十一

奏議二十一

九

攬走私澳門一隅所銷有限尙可於澳外水陸兩途分
防嚴緝查英國助我稽查洋藥現屬試辦並非一定不
易之法萬一三數年後章程改變香港不能嚴查澳更
無能爲功此得之無名五也不惟此也稅司法來格向
委員知府蔡錫勇言現因潭仔過路環兩處及十字門
一帶海面葡人妄謂係葡之海界以致我之緝私諸多
不便等語現在已經妄占作梗若立約屬葡其阻礙自
必更甚不惟洋盜鹽梟內地出洋各匪無從捕截卽以
洋藥論不惟無益於緝私而且正有害於緝私此求益
反損六也英國圖澳之意已久嘉慶十三年曾有兵船

占据澳門礮臺謀奪葡利之案經奉旨用兵驅逐而後
去英得香港後此意乃息今若以澳予葡他國已難免
覬覦且此議倡自英人恐英尤必設法攘之查葡欠外
國借款現已五千三百餘萬鎊將來或折債抵換或通
融借用俱在意中港澳通連水陸受敵粵省海防何堪
設想此徒資強敵七也從前商口未開洋舶入華皆在
澳門停泊葡人獨據互市之利故有奏准設立商船二
十五隻自英得香港立爲馬頭澳門貿易頓減商船並
無一存租界內之洋房大半現皆賣與華紳華商爲業
近數年澳門既失闖姓之利葡人益形貧窘每年入不

張文襄公全集

卷二十一

奏議二十一

三

敷出養兵止四百名各臺皆係前臆舊廠經費猶患不
足於是勒索附近華民鈔費華船漁租民多不從若視
爲屬地強行制縛苛斂旺廈諸村及潭仔諸島居民累
萬必與葡人爲難葡人必受重創一經決裂轉難收拾
此別生枝節八也伏查澳門一區久爲粵省肘腋之患
自道光咸豐以來洋務紛紜內患未靖無暇議及彼遂
蒙混多占得步進步乃歷來無人禁制非果葡之強盛
不能禁制也臣到粵後卽首將闖姓之利收回上年春
間臣據旺廈村紳民呈稟卽經密札印委各員疊次密
查一面照會葡官禁阻一面繪具地圖考核葡人虛實

兵食商務情形並每年粵省接濟澳門米穀若干經由何道以爲清理防遏之計並於紫泥關設卡稽查走私蠶繭以免土絲之利歸入澳門疊經咨關行司飭局籌議有案然非籌定辦法奏奉諭旨不敢輕易發難其時以東西兩省越邊界務未竣未便同時並舉擬俟越界既定即當奏陳先已於本年三月內咨達總署密籌辦法嗣接到立約明文隨即通籌利害條列具奏今覆加詳查民情之憤後患之深如彼於藥徵之無益有害又如此竊謂詳約總宜緩定俟年餘後體察藥徵旺淡究竟若何再行請旨定奪如彼非理要求或竟作爲罷論

張文襄公全集

卷二十一

奏議二十一

三

七月十三日復准總署來電慮及此後更有侵占及轉屬他國兩節令熟籌杜之之法所慮誠關緊要臣熟加籌度若杜絕侵占一節其圍牆以外關閘以內葡人所自已成之馬路洋墳花園似可聽其自然不必拆毀至於牆外閘內之兵房礮臺如能收回固善即聽其存留亦尙無大礙至於七村民居民田總當劃清界址豎立碑石已占者仍作爲租界既經免其租銀或作爲借居之界未占者作爲官界不得踰越其澳門本島以外之潭仔過路環兩處必與理論雖有修成礮臺洋房石路塔燈等工或酌給修費與之贖回或已占者准其暫行

租居酌定年限獨近逼潭仔正當十字門之礮臺必應歸我未占者我亦安營設汛以資鈐制應俟臨時相機妥籌斷不容其占有諸島其灣仔銀坑一帶與澳隔海與香山縣土地相連斷不准其覬覦至蓮花莖以西填地遠過關閘直接前山之詭謀則豫爲揭明禁止絕其妄想青洲一墩自前明已建洋寺爲地甚小應議明不准填地連接總之除原租圍牆以內之地仍舊聽其居住外已侵占者明示限制察其於我有無大礙分別租給收回未侵占者力爲劃清嚴加防範其海面按照公法與之議明不容擅占以後只須責成地方文武隨時

張文襄公全集

卷二十一

奏議二十一

三

認真稽查派兵輪常往巡哨督撫提臣每季一巡即不致再有侵占儻蒙朝廷主持總署定之於內疆臣必當守之於外即如俄法強國邊界既經勘定亦必期永遠循守何況於葡蓋清理從前之侵占則須分別酌辦若杜絕以後之再加侵占粵省之力尙可辦到亦斷不至因此致生衅端者也至轉屬他國一節既已屬葡則彼可自主若仍爲華地即與沿海各省地面無異中國威力遠勝葡人他國非有意外開衅決不能憑空盜據似可布告各國聲明免其租銀借與永遠居住以示地主有屬譬如賃屋假館之客固不敢轉贈他人即他人亦

不能強行估買防維較易為力若既已正推解之名又欲施控制之計竊恐更費周折矣是欲杜轉屬之弊尚不如仍舊之為愈也總之澳無田地其米糧皆係由香山縣石岐等處接濟並違禁私運出洋澳販恃為大利若米船數日不到立形困窘葡無商利專恃勒抽華民以資用度入不敷出每年僅解繳該國銀二萬餘兩已形竭蹶葡無駐澳兵船僅有租來他國兵船一號泊於海中餘有小巡輪數隻而已其陸路礮舊兵單迴非他國洋兵之比以彼貧弱如此我並不加驅逐彼原租者聽其安居久占者量加區別新占者設法清理未占者張文襄公全集 卷二十一 奏議二十一 三

明文杜絕彼方當深感聖朝怙冒之仁斷不至與中國啟衅竊惟此次藥徵改章赫德所自任者不過歲增二百萬澳門一路協助之益已屬無多若澳為葡有已屬得不償失況協助未必得力乎至總署來電慮及葡使坐待一節該使之意蓋恐非常之惠遲則生悔又恐中國察知洋藥之效於彼無功則事將中變以故亟於請盟彼利在急則我利在緩可知煙臺之約遲十年而後行澳門之約豈能責我數月而遽定伏望聖明垂察將臣前奏并此次所奏各節敕下總理衙門妥籌詳議緩與立約免致民情梗阻別生枝節粵省幸甚 奉

硃批該衙門知道單圖併發欽此

謹將澳門詞訟案由錢糧數目葡人租銀人數敬繕清單恭呈御覽

計開

詞訟

一咸豐十一年十月西洋理事官獲解致死鄒亞俸兇犯陸亞邦移請審辦一案

一同治元年七月西洋理事官獲解致死有孕媳婦及孫二命兇犯洗開和移請審辦一案

又西洋理事官獲解將其養女推壓入海淹斃犯婦樊張文襄公全集 卷二十一 奏議二十一 三

蘇氏移請審辦一案

一光緒八年十月黃祺呈控吳遜如貪租背約一案

又梁騰芳呈控蕭啟琛抄搶貨物一案

一光緒十二年八月吳逢昌呈控郭宏章串夷抄搶一案

又黃朝輝呈控何怡翰私頂串跳一案

田糧

一仁一圖末甲僧建城共稅三頃七十七畝八分五釐

一毫內稅一頃五畝在望額征銀一十二兩三錢三分

一毫厦村餘在界浦左右額征銀一十二兩三錢三分

米一石八斗六升八合

又僧慶壽共稅六畝三分零九毫額征銀二錢八分米三升三合

一 番一圖末甲張保和共稅七十五畝零二釐二毫

三十餘畝在望厦村額征銀一兩零四分米一斗一升八合補升

銀一兩五錢六分米六斗一升四合

又胡徐亮共稅三十六畝一分九釐一毫額征銀一兩

零八分米一斗四升

一 良二圖八甲李承蔭共稅五十五畝零二釐五毫

望厦村額征銀一兩六錢二分米一斗五升二合

一 良五圖一甲沈大任共稅三十八畝二分九釐額征

張文襄公全集 卷二十一 奏議二十一

五

銀一兩二錢五分米一斗八升

一 良七圖四甲何大昌共稅一頃四十二畝三分九釐

九毫額征銀三兩六錢八分米四斗四升八合

以上七柱共征銀二十二兩八錢四分米三石五斗五

升三合銀米合計共銀三十餘兩

一 望厦村舖戶民居篷屋大小四百餘間壯丁千餘人

田四頃零不繳租鈔

此外各村概無田畝

一 龍田村舖戶民居大小七八十家壯丁百餘人龍環

村舖戶民居大小三四十家壯丁七八十人約半繳租

鈔每戶自半元起至三元止不等

一 水坑尾除進教園外舖戶民居篷屋七十餘家壯丁

二三十人搭石村除進教園外舖戶民居篷屋四五十

家壯丁七八十人每年約繳公鈔及街燈費共銀三百

元

一 沙梨頭村舖戶二十餘家民居三百餘家壯丁四五

百人每年約繳公鈔及綠衣街燈等費共銀一千餘元

一 沙岡村舖戶船廠灰爐六十餘家篷屋三百餘家每

年約繳公鈔及綠衣街燈等費共銀一千餘元

一 新橋村舖戶二十餘家民居二百餘家壯丁二三百

人每年約繳公鈔及綠衣街燈等費共銀一千餘元

張文襄公全集 卷二十一 奏議二十一

五

一 三巴門外石牆街舖戶三十餘家民居一百餘家每

年約繳公鈔街燈費共銀一千餘元

一 潭仔舖戶船廠六十餘家民居篷屋一百餘家壯丁

二三千人每年約繳綠衣街燈等費共銀一千餘元葡

人勒收地租丁口每人半元遇有紅白事又勒繳租銀

該處迄未照繳

一 過路環舖戶船廠四十餘家民居百餘家每年約繳

綠衣街燈等費共銀一千餘元未繳租鈔

又潭仔過路環約有拖船八百餘隻每隻寄泊一次收

銀二元二角半每年約銀二千餘元葡人於此二處派

有陸路綠衣兵三十四名潭仔二十名過路環十四名又小輪渡船兩隻

查全澳舖戶民居並附近各村每年約共公鈔銀二萬四千餘元地租銀一萬二千餘元

計澳門各村各島丁壯約八千餘人男婦老幼約共一萬數千人

又查葡人不及千名兵丁不及四百名唐人綠衣不及百名兵船祇一艘另教民約二百名

設局清查沙田酌擬章程摺并清單 光緒十三年七月二十八日

竊照廣東欽遵諭旨查辦沙田升科經臣之洞援照勘

張文襄公全集 卷二十一 奏議二十二 毛

辦山西豐甯官荒馬廠成案奏請敕部頒發空白沙田執照於上年十一月間派員領贖回粵並前准戶部咨一俟辦有端倪即將如何設局清丈如何預限升科如何追繳花息一切章程開辦日期委員銜名先行報部備查等因當經飭行妥籌舉辦去後茲據廣東布政使高崇基會同沙田總局司道詳稱伏查濱海沙坦為天地自然之利積年閱歲子母相生工築滋培連阡累陌雖經疊次查辦大抵皆就司冊之可稽者分別籌捐而溢坦之隱匿如故現經奏明仿照豐甯馬廠成案辦理由部頒發執照一萬張來粵民情可資鼓舞查廣東沙

田以廣州府屬為最多潮州府屬亦間有之當飭廣州府知府孫楫添派委員在省設立總局由該司道督率該局員等詳察檔案悉心鈎核並在南海番禺香山順德新會東莞等縣各設分局遴委明幹之員會同各該地方官及紳士於上年十一月起次第開辦其潮屬則由會潮嘉道潮州府督飭各該縣印委紳董設局查辦體察民情尚無異議惟沙坦為利之所在匿報者距久耕之坦已承者利輕則之糧富豪視蔽匿為固然奸棍復講張而嘗試查辦不慎流弊滋多該司道督率局員酌中定章於腴田則按則加升於虛稅則准其報豁於

張文襄公全集 卷二十一 奏議二十二 毛

盜坦則酌減花息以徠自首於老沙新沙則各議繳款以示區分至潮州沿海沙坦多係鹹水與廣州沙田腴瘠不同尤應查照舊案分別辦理以示體恤緣清丈造端宏大需款繁多必宜寬為籌備仍力求撙節核實動支如有盈餘花息加升之款一律充餉至頒發部照之時新沙業戶報案具存自可飭將原領司照繳呈換給惟老沙年分深遠民間歷經展轉分拆售賣畝數不免畸零屆時給照或須稍示變通容俟體察情形酌量辦理從此經界既正各安其業既除兼并虛稅之弊亦息構訟械鬪之端似於國賦民生均有裨益至此查辦

沙田舊案膠葛太多積習把持最甚清理極爲不易全須在事各員紳不避勞怨一秉公平使民間樂於從事查山西豐甯馬廠成案係照異常勞績奏請給予獎敘業經奉部核准在案此次清田益賦事同一律而事體紛煩收數較鉅其繁難則更過之應請先行援照奏咨立案如辦有成效准照異常勞績請獎以期奮勉並將酌擬章程八條詳請具奏前來臣等覆核無異除咨部並將委員銜名隨時報部備查外所有設局清查沙田情形暨酌擬章程理合繕具清單恭呈御覽奉

硃批戶部議奏單并發欽此

張文襄公全集

卷二十一 奏議二十一

无

謹將設局清查廣東沙田升科分別繳款換照酌擬章程八條繕具清單恭呈御覽

一查勘沙田擬飭先報後丈也業戶所有沙坦令自赴各該縣局呈報如有田浮於稅未經報承者准據實自首仍歸管業如延不自首即俟各業戶報齊後由委員逐段勘丈如丈有溢坦或經人指控即將溢出田畝召變充公以示懲儆

一首報溢坦擬酌減花息也業戶報呈沙坦舊章成熟已久者上則繳銀八兩下則六兩草白坦三兩乃業戶以繳價過鉅因之隱匿不行具報現擬格外從寬如係

自首者准將花息酌減上則六兩下則四兩草白坦二兩勘明後分別給照定則升科起徵以後不得援以爲例

一已升老沙擬一律清查也已由斥鹵加升銀米者是名老沙既經照番馬上則完納本可無庸查辦惟新沙由老沙接漲若專辦新沙則民間將以老沙爲影射之地易滋蒙混現擬統行清查飭令呈繳契照如畝數相符無庸清丈者另案核辦若田浮於稅必須清丈方能明晰者飭令酌繳經費以資貼補

張文襄公全集

卷二十一 奏議二十一

三

一斥則沙坦擬分等繳款也現完斥鹵輕則各田成熟已久早應加升銀米而隱匿多年積數較鉅若令按年追繳業戶力有未逮查光緒七年斥鹵補升議令每畝酌完應升銀米銀一兩充作海防經費現擬從寬已繳過海防經費者飭繳清丈經費銀五錢未繳海防經費者飭繳欠糧銀一兩清丈經費銀五錢以示均平

一補升田畝擬照各縣稅則辦理也查斥鹵沙坦年久成熟原案皆照番馬上則補升銀米但地土之肥瘠不同各縣之徵收有異若強而爲一民情多有未便故自嘉慶二十三年以後續辦升科之案甚屬寥寥現擬酌量變通分別等則按照各該縣稅則編徵給發部照如

有以熟作荒以高作下者一經查實即照欺隱田糧律究治惟查原領部照當時祇有上中兩則字樣未經聲敘下則體察情形不無觀望擬俟辦有成效再行續請頒發下則照以資填發

一原報虛稅擬概予豁免也舊例報承沙坦統以自首之年升科如有坍者題請豁免惟業戶初承報時往往約畧多報以冀將來成熟內有日久尚未成田者土豪遂藉此印照虛糧影佔新生溢坦自經此次查辦後所有虛稅應予一概豁免又從前未變屯坦其時因半係虛額故尚有未變之稅四百餘頃現為日已久其間有

張文襄公全集

卷二十二 奏議二十二

三

無成熟亦擬一律分別查辦均按照田畝實數填給部照以清賦稅而杜侵佔

一沙田升科擬隨時分起咨部也各沙查清給發部照自應全案告竣始能造冊達部惟此次清查係為一勞永逸清釐賦稅起見一經查明給照若不隨時咨部則耽延日久適啟業戶觀望之心現擬查照光緒七年奏准成案隨辦隨咨一俟業戶清繳銀兩覆勘明確填發部照取具圖結到司按起分別新升加升具詳咨部並將照根隨送聽候查核以免積壓而示民信

一潮屬沙坦擬分別辦理也潮州沿海沙坦多係鹽水

雖築成圍基驟難盪滌該處居民向多圈作魚塘不盡成田種穀本省成案於潮屬沙坦間有酌捐從未澈查是以歷次未經議及此次請發部照潮屬業戶聞風樂從亦願一律查辦現擬體察情形量加寬減以示體恤

張文襄公全集

卷二十二 奏議二十二

三

張文襄公全集卷二十二終

紹興孫家棟校

張文襄公全集卷二十三

奏議二十三

粵省併征洋藥釐金應照奏案原數撥還洋款請

飭催撥解以歸墊款摺 光緒十三年八月初三日

竊查廣東辦理海防先後四次息借滙豐洋款銀五百萬兩有奇訂明分年分期歸還計每年應還本息銀七十餘萬兩至八九十萬不等先經奏准將本省商包洋藥釐捐八十萬兩專作歸還前借洋款本息之需嗣因奉行新章洋藥稅釐併征統歸稅務司辦理即據原辦包釐商人於本年正月稟准退辦遵照新章由各關彙

張文襄公全集

卷二十三 奏議二十三

一

收並經臣之洞於正月內奏請查照原案在於廣東洋關及六廠征收洋藥項下照商人包定原數每年劃藥釐銀八十萬兩按月勻解藩庫兌收作為歸還本省洋款專需已准總理衙門戶部會同議覆所奏歸還該省息借洋款自係要需應准屆期暫由海關洋藥釐稅內提撥應付等因咨行遵照在案茲據廣東布政使高崇基會同海防善後局司道詳稱查本年應還本省息借洋款共銀七十七萬九千二百餘兩近年鎊價增昂為數尚不止此從前商辦包釐按月解庫備支遇有期迫款鉅之時仍可提前催繳今改歸稅司開辦以後數月

之久未據解到絲毫前經電請總理衙門飭催奉准電

復稅司已收有銀十二萬兩飭令提撥九萬兩現又奉准戶部咨在於前次撥贖並新收藥釐項下提撥銀九萬餘兩各等因即使如數撥解已屬不敷甚鉅乃卒之屢次電函往復久未撥解至六月二十日始准粵海關轉解紋銀一十一萬九千四百餘兩逾期又近所短仍多以此類推以後收數固未必驟豐解期亦不能甚早現計本年自正月以至六月共五期應還洋款本息連不敷鎊價共銀六十八萬九千餘兩因藥釐未據解到洋款陸續屆期萬不得已將司局各庫要款先行騰挪

張文襄公全集

卷二十三 奏議二十三

二

墊付所有本省應支兵餉勇糧及擬解京協餉旗營加餉東北防費暨新例捐輸項下認解海軍衙門銀十萬兩皆已移緩就急挪墊一空轉瞬八月十四屆期又應籌還洋款銀十餘萬兩實屬挪無可挪墊無可墊竊思廣東庫項正當窘絀之時洋款一項本係指定藥釐歸還此乃粵省舊有之款戶部議准之案今驟少此大宗的款憑何支付目下兵勇糧餉急待補發京協各餉屢奉檄催若再遲延則各營有譁潰之虞部庫及各省要餉有延誤之咎洋款屆期不能再墊更有失信遠人扣抵關稅之慮且稅務司若本年不能解足八十萬兩則

本省挪墊之要需未付之洋款皆無從籌措一有貽誤關係非輕日夜焦思不知所以為計合將本省支絀迫切情形及已墊未墊洋款數目切實聲明詳請奏咨飭催前來臣等覆核無異相應請旨敕下總理衙門戶部飭催該洋關趕緊照數撥解以憑撥還墊款支解要需及備還八月一期洋款之用且每年藥釐八十萬兩本係粵省竭力籌維勸諭包辦商人已經辦足之數今雖改歸稅司經理戶部自應仍照原數撥還方無窒礙如該洋關收數無多其應如何另籌的款抵還之處並請飭部速行議覆遵辦以免貽誤

張文襄公全集 卷二十三 奏議二十三

三

硃批戶部速議具奏欽此

整頓潮橋鹽務摺 光緒十二年九月初六日

竊照潮橋鹽務為粵省鹽課大枝自咸豐以來疲累日深前運同錢瑑欠課尤多經臣奏參嚴追並遴委潮州府知府朱丙壽兼署運同責令設法疏銷極力整頓查該埠疲困之故累在閩省汀州八埠八埠者汀州府所屬八州縣皆潮鹽行銷引地自經匪擾招商不前由官自行拆辦現在各埠運鹽係由潮州廣濟橋掣配溯流而上水陸迭更計程共八百餘里灘河險阻山路崎嶇運脚愈昂成本愈重以致甯化歸化清流三埠全被閩

私侵占潮鹽顆粒難銷閩販銷鹽潮埠賠餉虧累無窮此時補救之法惟有力紓商困或可稍挽頽綱查福建西路邵武等屬所行閩鹽自光緒八年已減釐金二成續又量減二成惟潮鹽引地未減而所抽釐金閩係招商包收諸多留難潮埠深受其累擬請閩省將江屬各埠鹽釐按照邵武各埠一律核減以示持平而輕潮本即由潮埠按照閩省每年原包釐金之數再減二成代抽解繳如有短絀由粵照賠於閩釐無損而於潮綱有益似為簡便易行至鹽務行銷之地率有抽捐地方官緝私經費一項惟江屬銷鹽既少抽費如故商力實難

張文襄公全集 卷二十三 奏議二十三

四

支持嗣後應將此項抽捐經費按銷鹽成數照繳以百二十票為十成如銷不及成則繳費亦照成遞減如減釐節費以後再將各路私鹽兩省合力查緝網庶可日有起色飭由兩廣鹽運司英啟督同潮州府兼署運同朱丙壽籌議具詳前來臣查行鹽省分包抽鄰釐前四川督臣丁寶楨於黔岸引鹽即係如此辦法著有成效歷有奏案可稽閩省鹽釐向係閩商包繳本非官辦若改由潮埠代抽不過略為轉移而彼此均有裨益其應繳經費按照銷鹽成數抽繳亦極為公允惟事隸閩省非粵之可得而專當經電商閩浙督臣楊昌濬疊准

函電覆稱減釐節費均可照辦包商辦至年底亦屆期滿卽以正月爲限交替接辦等因臣查現在餉力各省俱細減釐節費深屬不易閩浙督臣獨能勉顧鄰綱力從樽節若非素矢公忠不分畛域曷克臻此其收繳詳細章程應俟閩省咨會到粵卽便飭行照辦並分飭各屬合力緝私毋任仍前充斥以期漸復舊觀
硃批戶部知道欽此

粵省仍請專認寶源洋款其補解畿餉應聽戶部酌核摺

光緒十三年九月初九日

竊查廣東代還滇桂借用寶源洋款尾數銀兩前經戶

張文襄公全集

卷二十三 奏議二十三

五

部奏准由粵海關舊欠粵省兵餉並海防經費內劃抵在案嗣准戶部咨據粵海關監督增潤呈覆各節咨照到粵當經轉行司局籌議並與該監督商酌查原咨內稱廣東省應代還滇桂尾欠寶源洋款二十二萬六千餘兩本年二月奏明准照兩廣總督前奏卽在粵海關舊欠該省餉銀等款一百四十餘萬兩數內劃還原以該督原奏內稱粵海關應解該省兵餉並海防經費等款一出自該關常稅一出自該關洋藥正稅徵收亦無不足十年以後收數稍絀而經費開支浮糜以此知籌解無術並非實情該督與該關同官一省見聞必確且

該關原欠省銀一百四十餘萬兩之多僅令還銀二十萬餘兩尙未及十分之二且分爲兩年解還尤不至稍形竭蹶是以議准奏令該關遵照辦理茲據該關監督呈稱此項並無徵存應還尾欠寶源洋款萬難設措請予改撥殊與該督前奏不符究竟此項銀兩該關能否籌解撥還應由該督與監督會同奏明辦理所請改撥之處戶部未便據咨議准等語臣等查寶源尾欠兩年分還銀二十二萬餘兩上年五月臣之洞原奏本係由粵海關欠解粵餉歸還部議未允令由粵省籌還至十一月臣之洞因奏請由粵認還卽以抵解舊欠近畿

張文襄公全集

卷二十三 奏議二十三

六

防餉其不敷尾數分年解補嗣經部覆令由海關欠餉撥還本年未還寶源之款並撥上年粵省已墊還寶源之款其欠解畿餉仍飭解部今該關監督增潤呈稱稅項無存萬難設措臣等與監督增潤商酌多次迄無切實辦法並准增電咨稱自同治十年洋藥六廠開辦起至光緒十三年正月十八日止共徵洋藥稅銀四百一十九萬餘兩除解過部庫及支銷各廠經費輪拖船價修葺輪船等項外應存銀一百一十一萬餘兩而伏莽經費海防經費兩項其解過銀一百七十八萬餘兩實不敷銀六十七萬餘兩現在洋藥稅釐併徵統歸稅務

司經理其向不符銀兩無款歸還以之抵還本省洋款萬難設措等語查該關所欠兵餉出自常稅所欠海防經費出自洋稅抵還寶源之款係在兵餉防費內移撥自應合常稅納稅而並及乃關咨但計納稅之贏絀而置常稅於不論若此款與常稅無關也者所論殊未清晰且納稅以支銷浮糜始告無餘否則以入抵出未至棘手查當日開辦六廠本由籌濟粵餉而設嗣後得魚忘筌漸失經始命意徒為該監督增一支銷之款而於應解之防費反至延欠本非事理之平所稱解過部庫為數恐亦無多然事歷多員並非增潤任內所欠今

張文襄公全集

卷二十三 奏議二十三

七

該監督既以改撥為請萬難設措為詞臣之洞雖同官一省關務係其專司其積年出入款目騰挪牽搭豈能一一代為會計謂舊欠者之何由致欠難措者之何法籌措現在洋款期限甚迫臣等只與該關催索往返申辯而不先事豫籌臨渴掘井必至貽誤現督同藩司高崇基籌議惟有先其所急力求實際無論何款需支均先行挪用以備解還寶源尾欠十二萬一千餘兩之數免致失信遠人上廬宸慮粵省鉅款既經兩次認還其舊欠近畿防餉一項自屬無力兼認或照臣之洞上年十一月奏准原案即以代還寶源之數扣抵或將上年

粵墊寶源三十萬四千餘兩並本年粵墊之款統歸該關補還戶部或應如何改撥如何停免之處應聽戶部核辦再部咨又稱粵海關自同治十一年開辦洋藥正稅起所支經費有無侵蝕濫支應由臣之洞一併清查海關局面寬綽開支六廠經費不免浮糜上年十一月臣之洞覆奏核減吸水門洋藥稅經費摺內業經詳晰陳明惟粵海關事體向多不按通行例章事隔多年無憑詢其確數自上年十一月奏定以後歲支銀十萬蓋自海緒任內漸從核減增潤任內核減尤多其以為歷任支銷是否核實久已事過境遷追求既無確據恐亦

張文襄公全集

卷二十三 奏議二十三

八

無裨餉需應請免其再加清查以省案牘據海防等局員司道詳請覆奏前來所有粵省專認寶源洋款其舊欠近畿防餉請由戶部酌核抵撥緣由謹會詞恭摺具奏再此案粵省係向粵海關索還欠餉該監督則力陳該關艱難所處之地不同自必各申其說此摺碍難與該監督會奏合併聲明

硃批戶部議奏欽此

派員周歷南洋各埠籌議保護摺

光緒十三年十月二十四日

竊臣於光緒十二年二月二十五日遵旨會同出使大臣張蔭桓具奏籌議外洋各埠捐船護商情形當經奏

派總兵銜兩江儘先副將王榮和鹽運使銜候選知府余瑞先赴南洋有名諸島詳慎周歷飭將設官造船兩事一併密加商度以憑籌定切實辦法等因奉旨該衙門知道欽此當經總理衙門電致駐英荷日使臣轉告該國外部去後該委員王榮和等於十二年七月二十七日由粵起程先後往查各島埠情形均經隨時稟報頗爲詳悉本年七月各回粵東臣復面加考詢大抵設立領事一節事甚切要勢亦可行謹撮其大要爲我

皇太后 皇上陳之查該委員等所歷南洋計二十餘埠先至小呂宋爲日斯巴尼亞國屬次新加坡次麻六

張文襄公全集

卷二十三 奏議二十三

九

甲次檳榔嶼次仰江皆英國屬次日裏各附埠次加拉巴各附埠次加拉巴次三寶壠各附埠次泗里末皆荷蘭國屬次新金山之鉢打穩次雪梨次美利濱次亞都律省各附埠次哀司倫次哀司倫各附埠皆英國屬其抵小呂宋也華民分訴日人虐害情形懇請派官保護自籌經費緣該處華民五萬餘人貿易最盛受害亦最深該委員等詳查被害各案或挾嫌故殺或圖搶故燒甚至官兵徇私巡差訛詐暴斂橫征顯違條約當經擇要照會日官查辦時值土人聯名擬逐內地華工該委員等到呂其議遂寢綜核情形非設總領事不可其分

設正副各領事暨駐劄處所由總領事因地制宜擇員稟委以期妥洽其抵新加坡也與原設領事左秉隆往見坡督各官禮意向洽該處華民十五萬人富甲各處除衙舍公產外所有實業華人居其八洋人僅得其二每年往來華工又最多英設華民政務司專理其事立法尙稱公允惟不向中國領事衙門報名情意既不聯絡而目擊招工客館作奸欺瞞無從禁止亦失保護之旨似應並由中國領事官稽查以重事權而免流弊至麻六甲檳榔嶼兩處與新加坡相連華商居多生意繁盛又附屬石郎阿國之吉隆埠卑力國之罽埠均尙知

張文襄公全集

卷二十三 奏議二十三

十

保護華工華人開采錫鑛者十餘萬眾富至百萬者數人服飾禮儀一如故鄉無所改換檳榔嶼一埠人材聰敏爲諸埠之冠宜添設副領事一員與駐坡領事相助爲理益可以收後效其抵緬甸之仰江也該處華人三萬餘眾設有甯陽會館及各公司該員徧加訪查出產以米石爲大宗寶石牛皮等物次之自英據其地收餉設成密邇騰越爲中國隱患此處宜設副領事聯絡商情必於邊事有益其抵日裏也該處爲原奏所未及華工亦萬餘眾來自汕頭等處先由客頭帶至新加坡檳榔嶼經英官查過自願傭工者訂立華文合同往日裏

爲傭所業種菸菸勤奮者年終可餘番銀百餘元否則不足糊口工頭以賭傾其資繼以稱貸第二年復須留工則返鄉無日查荷官洋文章程內載工人有過准圍主送官訊辦不得私自鞭撻做工不得過三年之期限滿後無論有無虧欠圍主皆應給予川資不得再留等語而圍主陽奉陰違於華文合同內並不敘明任意虐待經該委員等告知荷官始允爲設法整頓此處宜設副領事以資保護其抵加拉巴也該處華民七萬餘眾荷人捐稅繁多賭風尤熾甚至迫令人彼國籍其附近之波哥內埠文丁內埠皆有華人聚處又有三寶瓏張文襄公全集卷二十三 奏議二十三 十一

與疏羅及麥里芬及泗里末惹加等處皆荷蘭國屬地華人二十餘萬眾荷官橫肆暴虐該委員等接見華商備言其苦中國如籌保護小呂宋而外當以加拉巴爲先該處宜設總領事兼辦三寶瓏等處事務於荷屬各埠華人加以恩義數十萬眾皆可內附其分設副領事一切與小呂宋同其抵新金山之鉢打穩埠也華工三千餘眾雪梨附近華人萬餘眾美利濱埠旺加拉打埠必治活埠叭拉辣埠紐加士埠市丹塔埠均屬新金山外埠惟庇釐市檳埠係英司倫之省城又有湯市噉路埠波得忌利士埠及谷當埠每處華人自數百至千餘

不等該委員皆勤加撫慰查新金山即英屬澳土地利爲五大洲之一地方遼濶物產繁富多五金鑛產華人至者頗多英欲阻之特立收人稅之法每人納英金十鎊方准登岸間有收至三十鎊者似可援照美國總領事章程在雪梨大埠派設總領事一員總理雪梨及美利濱亞都律衮司倫各埠並紐討蘭島華人商務則華工得所庇倚謀生益覺有資其各埠副領事可即令商人兼辦無須發給薪費此該委員等先後稟報籌辦及同粵後面加考詢之大略情形也臣查委員王榮和等于役南洋海程五萬餘里各埠商民觀漢官之威儀仰張文襄公全集卷二十三 奏議二十三 十二

堯天之覆幬莫不歡呼迎謁感頌皇仁其懇求保護之情極爲迫切查出洋華民數逾百萬中國生齒日繁藉此消納不少近年各國漸知妒忌苛虐驅迫接踵效尤若海上不安其居即歸內地沿海驟增此無數游民何以處之故保護之舉實所以弭近憂而非以勤遠略也儻蒙朝廷設立領事加以撫循則人心自然固結爲南洋之無形保障所益匪淺該委員所到之處各該國洋官款接照料禮意甚優英屬尤爲周至商及保護等事亦俱和平承允其議設領事一節英屬最爲欣然力勸速辦俾資約束荷日限於公法亦皆無辭相拒查小呂

宋距中國最近華民望切倒懸必須先設總領事駐劄其地以收遠近之心以伸華商之氣經臣電商張蔭桓擬派總兵銜兩江儘先補用副將王榮和爲駐劄小呂宋總領事緣該處閩人最多王榮和籍隸福建穩練精詳究心洋務素爲閩人所信服此次出差南洋親歷小呂宋各埠熟習情形深得窺要以之充當總領事人地實屬相宜應由該大臣先向日國商定發給憑照事宜再行奏明辦理隨准該大臣咨稱業經照會外部概允照辦而藩部以土人齟齬爲詞懼設官之後喧賓奪主礙其溢征是以至今延宕臣查各國通例凡立通使之

張文襄公全集

卷二十三

奏議二十三

三

後即可派領事駐劄其地保護商人古巴等處中國早經設官小呂宋同爲日屬何獨不可應請旨飭下總理衙門與日使會商催令該國速發憑照不容推宕一面由臣咨會張蔭桓催促外部速辦此外商務較繁之埠應如何添設正副領事應俟小呂宋辦有規模再行推廣至英荷各屬或苛待華工或暴征身稅亦應次第設官申理容俟般鳥各島一律訪查之後由臣分別咨商駐英和法使臣酌度奏明辦理所有總領事繙譯隨員等官薪俸前經奏明請由中朝籌給本年六月十二日承准總理衙門咨開此次小呂宋新設領事薪俸經費

應由何項撥給應給若干由臣妥籌辦法等因臣體察所稟情形各該島甚願自籌力亦能辦將來小呂宋總領事派定後應在出使經費項下將第一年經費先行核給較爲得體並照總理衙門奏覆新加坡成案飭令該領事將歲收冊照各費報明抵還第二年後便可不費公帑餘者作爲造船公款稟候撥用其總領事等署中一切辦公雜用應准於所收冊照等費內動支開報毋庸另請公款一年後稟報核定數目其設領事之處就其餘款酌撥若干量設書院一所亦先從小呂宋辦起由臣捐資倡助並購置經書發給存儲令各該領事

張文襄公全集

卷二十三

奏議二十三

四

紳董選擇流寓儒士以爲之師隨時爲華人子弟講授使其習聞聖人之教中國禮義彝倫之正則聰明志氣之用得以擴充而愈開水源木本之思益將深固而不解從此輾轉傳播凡有血氣未必無觀感之思查各埠入款以每年注册及進出口船牌之費最爲名正言順誠使事機順利不致別有阻礙屆計該處此兩項收入不少除抵支領事公費尙可逐漸積存一欸以備購置護商兵船之用一切收撥章程應俟設官之後再行飭令核擬如所收冊照船牌等費不敷開銷擬懇恩准由粵省勸諭各該埠商量力捐資獎以虛銜封典翎枝專

充領事經費永不提用各埠旺淡不等挹彼注茲必可
敷用

硃批該衙門議奏欽此

續查未歷各埠片 光緒十三年十月二十四日

再上年奏派總兵銜副將王榮和鹽運使銜知府余瑞
周歷南洋有名諸島往返程期約須八閱月所有月薪
公費每月統共需銀一千三百八十兩請由粵海關歲
撥出使經費項下就近劃給均經奏明在案現據該委
員等稟稱自上年七月起程至本年七月初四日由新
金山折回粵省止已逾期四月有餘所至各埠如日裏

張文襄公全集

卷二十三 奏議二十三

五

柔佛庇釐市濱亞都律大金山叭拉辣旺加拉打必治
活谷當九處皆原案未及備載而華民衆多商務緊要
不得不順道一往以致往返稽時未能如期歲事先經
稟准展期六箇月綜核支用不敷已多重洋未克隨時
請領當由新金山折回現擬續請再往般烏西貢海防
暹羅各處查看等情臣查王榮和等祇以遠隔重洋跋
涉不辭勞瘁所查各埠情形甚爲詳細般烏一島地方
廣濶距中華洋面不遠至暹羅西貢海防等處南洋近
地華民極多尤應體訪明確自應將前奏未歷各埠仍
由該委員等一律訪查以竟全局當經咨會粵海關監

督臣長有在於出使經費項下續撥六箇月經費銀八
千二百八十兩發給該委員等收領以便進行
硃批該衙門知道欽此

力疾銷假籲懇陛見摺 光緒十三年十月二十五日

竊臣前因久病未痊疊疏乞罷於八月二十四日差弁
賁回原摺奉硃批著再賞假兩箇月毋庸開缺欽此恩
慈優容感悚交集當卽一面匍匐供職一面加意調治
緣臣以極迂極鈍之才處兩廣至繁至難之地思力日
趨於艱苦陰陽遂至於交傷近日籌辦諸事粗具規模
現屆兩月假滿氣體之疲肝脾之證雖仍如前而神思

張文襄公全集

卷二十三 奏議二十三

六

稍覺活潑夜寐稍覺定靜伏念臣病軀竊位無補時艱
乃守官之疚責方深而大造之洪施無盡浮沉戀棧則
有不安固求弛擔則又不敢但可支持自效亦何容再
瀆宸聰當力疾銷假隨時醫調一應地方事件仍照常
竭誠辦理惟臣自光緒十年閏五月來粵瞬逾三年遠
離闕廷夢寐依戀早應奏請展覲祇以夏間卽經乞病
未得上請今已銷假自應及時疏陳合無籲懇天恩准
臣入都陛見俾抒瞻就之忱至兩省重大事務地方詳
細情形亦得縷晰敷陳面聆聖訓庶幾欽承有自遵守
奉行可免隕越無任懇切屏營之至如蒙恩允所有兩

廣總督篆務仰祈簡員署理俾臣得以交卸起程
殊批毋庸來見欽此

開設書局刊布經籍摺光緒十三年十月二十五日

竊惟經學昌明至我朝爲極盛道光年間前督臣阮元校刊皇清經解一千四百餘卷藏板學海堂既已表章先正亦以鼓舞來學於是海內通經致用之士接踵奮興迨今六十餘年通人著述日出不窮或有藁草遺編家藏槧本當時未見近始流傳亟應續輯刊行以昭聖代文治之盛況學海堂爲當日創刊經解之所是粵省尤當力任此舉勉紹前規臣等海邦承乏深惟治源亟

張文襄公全集

卷二十三 奏議二十三

七

宜殫敬教勸學之方以收經正民興之效此外史部子部集部諸書可以考鑑古今裨益經濟維持人心風俗者一併蒐羅刊播上年即經臣之洞捐貲設局舉辦然必須籌有常款擇有定地方能經久現經臣等公同籌度即將省城內舊機器局量加修葺以爲書局名曰廣雅書局臣之洞捐銀一萬兩臣大澂捐銀三千兩順德縣青雲文社捐銀一萬兩仁錫堂西商捐銀一萬兩省城惠濟倉紳士捐銀五千兩潮州府朱丙壽捐銀五千兩共銀四萬三千兩發商生息每年得息銀二千三百六十五兩又誠信堂敬忠堂商人每年捐銀五千兩共

七千三百六十五兩以充書局常年經費計款項尙不甚充如以後別有籌捐之款再當湊撥應用視經費之贏絀爲刊書之多寡檄飭兩廣鹽運司綜理局事博訪文學之士詳審校勘將來各書刊成當隨時刷印咨送國子監以備在監肄業者考覽之助
殊批該衙門知道欽此

建築牛山礮臺完竣摺光緒十三年十月二十五日

竊查廣東省河東路北岸之牛山地方距省七十里其東八里曰波羅廟即南海神廟所在由此登陸可達烏涌燕塘爲入省大道道光年間洋船係由此登陸其地

張文襄公全集

卷二十三 奏議二十三

六

與沙路南北相對爲長洲之左臂魚珠之外屏其下海洲四段相接名曰沙口凡由虎門入口之船必經蓮花山下駛進四沙口方能上抵黃埔以達省城水陸均當衝要光緒十一年間飭委德弁周覽省防形勢僉謂此處必宜築造礮臺方不致令敵人由波羅一帶登陸襲我魚珠各臺營後路當飭記名總兵李先義督率副將吳元愷都司吳良儒相度形勢繪具圖說經臣之洞覆加核定就該山建築新式礮臺七座兵房暗道子藥房均依法配造礮路所向正扼四沙口咽喉若敵船將近可與沙路之礮犄角呼應即使敵船橫過又可與魚珠

之礮首尾夾攻安設阿模士莊十二頓新式鋼礮四尊
克虜伯二十一生特三十五倍口徑新式鋼礮三尊各
礮係先後電託出使大臣會紀澤許景澄分向英德兩
廠訂購臺工於本年二月間告竣各礮自前年六月至
今年十月陸續到齊安放妥貼臣等親往驗視臺工演
放礮位均屬合法得用所費亦較從前所建礮臺為省
所有礮價臺工地價飭局彙案造銷現派記名總兵李
先義督同副將吳元愷率營駐守操練以固省河藩籬
殊批該衙門知道欽此

請表揚前運司洪汝奎摺 光緒十三年十一月初三日

張文襄公全集 卷二十三 奏議二十三 九

竊照已革兩淮鹽運使洪汝奎前經臣之洞以廣東防
務善後需才孔殷將該革員奏調及立身居官大端
分晰上陳欽奉諭旨發往廣東差遣委用先是該革員
卧病居家臣鴻章深念其才品不凡閒廢可惜屢次致
書約赴天津處之賓幕以資遇事商榷該革員以疾辭
迨奉詔起用感激聖恩力疾航海南來於上年冬間抵
粵經臣之洞委辦海防善後局虛衷諮訪該革員探討
利弊不遺餘力議論皆中肯綮以病軀積勞於十二月
內歿於粵省差次忠忱徒切未竟厥施臣等同深痛惜
茲據江蘇江甯府紳士國子監學正銜舉人汪士鐸等

十二人江蘇揚州府紳士按察使銜刑署山東兗沂曹
濟道候補道姚光鼎等十二人先後聯名呈稱該革員
洪汝奎原籍安徽寄籍湖北由舉人考取教習留京當
差師事大學士倭仁故侍郎呂賢基吳廷棟勉為經
世有用之學考德問業以躬行實踐為主日有記錄嗣
以粵匪之亂迭經故湖北巡撫胡林翼故大學士曾國
藩辟參戎幕贊畫軍謀多所裨助泊自江甯由教習知
縣游保道員先後委辦善後營務保甲各局事宜時大
難甫平城中房產地基為豪強侵占該革員躬率履勘
扶弱鋤強疲氓復業同治五年臣鴻章署任兩江諭知

張文襄公全集 卷二十二 奏議二十三 三

該革員廉正精核長於理財檄委總理江甯糧臺該革
員設法句稽不避嫌怨力顧要需出納逾數千萬裁禁
濫支節存鉅款後來興修水利籌辦海防並資其用而
新疆巡撫劉錦棠所統老湘營一軍始終籌濟軍餉凡
七百餘萬兩用收廓清西域之功尤為有神時局歷任
兩江督臣均傾心委任沈葆楨尤所器異連章論薦渥
蒙厚恩遂由候補道員簡擢兩廣鹽運使旋調任兩淮
鹽運使該革員自筦淮綱力節浮冗甄拔沉滯設經國
堂以課僚屬凡委差委缺胥視其殿最以為衡裁適逢
海嘯奇災淮南各場被禍最烈該革員發款籌捐盡心

賑撫沿海竈丁數百萬胥慶更生地方諸務銳意振興未及期年百廢具舉旋因案罷職遣戍去任之日父老遮留追送不絕於道考其得罪之由究由於嫉惡過嚴之故業蒙恩命賜環特旨錄用茲以力疾馳驅於廣東差次病故江淮士民感念遺澤諶思不已查原任揚州府知府何金壽前經故大學士左宗棠奏奉上諭左宗棠奏已故知府遺愛在民懇恩宣付史館一摺已故揚州府知府何金壽講求吏治輿論翕服實屬遺愛在民該故員生平政績著宣付史館立傳以彰循吏等因欽此今洪汝奎前任兩淮運司清節惠政實屬後先濟美

張文襄公全集

卷二十三 奏議二十三

三

相應援案呈請具奏懇懇聖恩將該革員事蹟宣付國史館列入循吏傳並可否懇恩開復原官以勵循良等語該紳等先後赴臣國荃臣鴻章衙門呈遞臣之洞臣大澂復准安徽撫臣陳彝咨送揚州府紳士姚光鼎等公呈懇祈具奏請予表揚前來臣等伏查該革員洪汝奎鎮軍戡亂具有前勞善政宜民尙留遺愛已蒙恩旨發粵委用是其前愆可原人才可用早在宸鑒之中茲據該紳等臚列事實請予奏懇恩施查已革貴州巡撫林肇元在籍病故前經雲貴督臣岑毓英奏准開復革職處分欽奉諭旨嗣後不得援以爲例自應欽遵辦理

惟該紳等係兼爲洪汝奎懇恩列入循吏傳臣等未敢壅於上聞且洪汝奎已奉特旨起用究與廢棄之員有別其應如何加恩之處出自聖裁臣等未敢擅擬再此摺係臣鴻章臣國荃因洪汝奎係在粵差委病故咨送公呈函商臣之洞等由粵會銜具奏

庸議欽此

續裁營勇摺

光緒十三年十一月初三日

竊查瓊郡現已肅清省外各路匪鄉辦理亦漸就緒所有各勇營自應隨時酌量裁撤歸併填紮以節餉需綜

張文襄公全集

卷二十三 奏議二十三

三

計提督馮子材所部萃軍暨全字兩營共裁去十七底營四千二百五十名尙存五底營一千二百五十名親軍一百三十名水師提督方耀所部潮普勇裁去一營五百名尙存五整營勇二千五百名親軍一百名潮州鎮總兵鄧安邦所部各項巡勇共裁去三百五十五名尙存巡勇六百四十名駐守礮臺銳勇一底營二百五十名廣西補用道方長華所部瓊軍八底營除撥歸署高廉道王之春前赴欽防兩底營撥歸雷瓊道朱采四底營外實裁去方

長華所部勇兩底營五百名調署碣石鎮總兵劉永福所部福軍裁去三底營六百名尙存兩底營四百名親軍一百名以上所裁各營均飭截至六月底止署高廉道王之春經撥帶兩底營裁去一營二百五十名尙存勇二百五十名親軍一百名北海鎮總兵王孝祺所部勤軍裁去一營二百五十名尙存勇二百五十名親軍一百名本年閏四月內於省城奏設緝務局原募勇丁四百八十名又守備羅祺原帶巡防沙面靖衛營勇三百名又知縣李家焯原帶河南緝捕一百名三項共八百八十名裁去三百八十名尙存五百名併爲緝務營

張文襄公全集 卷二十三 奏議二十三

三

歸緝務局管帶都司司徒驥於上年十一月查辦恩平開平新甯鶴山等處積匪原募勇丁二百名全裁經理福軍營務同知孫鴻勳除所帶新福軍兩營全數撥歸雷瓊道朱采外實裁親兵一百名知州田明曜原帶西關緝捕勇一百名全裁以上所裁各營勇皆於十月以前陸續裁撤計共裁勇丁七千九百八十五名又署前山同知蕭丙莖於九月內新募巡緝勇丁二百名並添配拖船兩號輪船一號收除併計實裁減勇丁七千七百八十五名仍酌量地方遠近加給口糧其有籍隸外省者加給一箇月餉銀並分雇船隻派員押送回籍沿

途均屬安謐此外由營務處委員查遣湘皖廣西等省游勇十起共一千四百七十四名亦經分別內外江海雇船給資妥爲押送 硃批該部知道欽此

改定瓊州營制摺

光緒十三年十一月初九日

竊照瓊州一島爲海疆第一要衝孤峙大洋逼近越境內綏黎客外籌海防在在胥資兵力而勇營需餉浩繁殊非經久之計迭經與督辦欽廉防務提督馮子材水師提督方耀署陸路提督鄭紹忠暨瓊州鎮道往復詢商臣等督飭司道參考羣言覆加酌核惟有就瓊州原

張文襄公全集 卷二十三 奏議二十三

三

有之制兵酌設練軍加足練餉一洗綠營積弊庶可化虛糜而爲實用查瓊州鎮標裁存額兵四千零九十九名擬就瓊州鎮標左右兩營崖州協萬州營儋州營海口營海安營共七營每營抽練陸軍一底營計二百五十名書識號令親兵紅藍旗俱在其內七底營共一千七百五十名先將馬兵戰兵儘數歸練不敷之數以守兵補足又瓊州水陸額設崖州儋州海口海安等營拖船十號現擬先行整頓七號分撥崖州二號儋州二號海口二號海安一號共配撥練軍二百五十名連前陸軍共二千名陸軍不論馬步戰守每名均給月餉實銀

三兩每練軍十名設副長一名月餉三兩三錢拖船正兵月餉三兩每號設正副舵工各一名正舵工每名月餉六兩副舵工每名四兩五錢陸軍每營五哨中哨營官自帶拖船每一號爲一哨陸軍哨官二十八員拖船哨官七員水陸哨官均於本營千把外委內選充不拘實缺候補每員月給薪水銀九兩所有薪糧均不扣建營官七員卽以本營現任副參遊等官兼充無論官階大小每員月支辦公費銀一百兩如遇有剿捕擇要屯防爲日甚久管帶之將官未便終年在外應每營各設幫帶一員以便更番而資兼顧卽於本營現任都守內

張文襄公全集

卷二十三 奏議二十三

三

酌派兼充幫帶官七員每員月給夫馬費十五兩以瓊州鎮總兵爲號統領自支辦公費銀二百兩統計練餉薪水公費每年共需銀八千八百四十八兩各營除抽練之外尙應存守兵二千零九十九名以充看管城門局庫護解人犯各項例差及勻撥各處緊要塘汛以存舊制此抽撥練軍酌定練餉之章程也查此項抽練之馬步戰守各兵原有底餉銀三萬三千餘兩又原有本色糧米七千二百石每石按照部章六營均折銀七錢海安營折銀五錢共銀五千餘兩又馬兵原有馬料米折銀五百六十餘兩一律由藩庫及高廉雷瓊各道分

別扣出移交海防善後局湊撥練餉既歸畫一旦免延欠共抵銀三萬八千五百餘兩尙不敷支銀五萬餘兩擬卽就瓊州現駐防勇十底營中酌裁五底營每年計裁銀八萬一千餘兩除撥補此項不敷之練餉外每年計可節省銀三萬零二百餘兩遇閏之年應加月餉薪費共七千三百七十八兩有奇除原有餉米外較之閏年勇餉所省仍多俟勇營報裁之日卽爲練軍起支之時其挑剩之守兵二千餘名應支餉米仍照舊章此酌撥勇營撥補練餉之辦法也至抽練之兵悉按勇營規制一律挑選精壯足額臨時派委大員點驗向來虛伍

張文襄公全集

卷二十三 奏議二十三

三

攤扣散換驕惰等積習嚴行禁革其有革退事故卽由練營募補不得沿襲缺底頂充之弊革退者將積欠餉米清給本人已故者清給家屬其底營之本管都守千把等官不得干預但不得以別省之人充補應專募廣東本省之人毋庸拘定瓊州一府餉項每月支發一次陸軍七底營務令一營合禁一處朝夕操練不准散處城市兼習工商海風猛烈支帳難以耐久均令搭蓋營房居住卽以每年應領帳棚經費抵作工料修理之用所有軍器仍由軍需局照章核發拖船責令住船勤操巡洋會哨練習風濤沙綾水路均由瓊州鎮督率考校

認真奉行至支發練餉責成雷瓊道切實稽查按季稟報如有缺扣稟明查參此挑練成軍屯紮操練發餉稽查之章程也以上各條略仿直隸練軍章程而月費薪水及火夫長夫等項摺節甚多至統領管帶各鎮將雖係有缺人員而廉俸無多又經減成萬萬不敷用度以致攤扣百出難期整頓況海外瘴鄉尤須優加體恤方能專心盡力且本營各有將官統帶之總兵不能照別省章程自帶一營別無薪公可資津補自宜一律籌給以資辦公而免流弊由海防善後局司道核議會詳請奏前來臣等查瓊防勇營分布黎峒及郡城海口地方

張文襄公全集

卷二十三 奏議二十三

三

巡察鎮壓為數不能過單若非酌設練軍則勇營斷難議裁而緣營無憑整頓原有之底餉銀米徒滋虛耗今加餉抽練挹彼注此一轉移間營兵可為有用勇餉亦多節省似於瓊防不無裨益

硃批該部議奏欽此

瓊州伐木免稅墾田給獎片

光緒十三年十一月初九日

再瓊州黎山開通山內林木茂美田土饒沃現在籌辦善後開濬利源尤以伐木墾田為當務之急前經奏明招商伐木略分官辦商辦二法官辦亦須轉售商人仍應廣為招徠查商貨向以木料為大宗瓊郡素產木材

而歷年出口本稅收數甚屬幾微良由黎山深阻煙戶甚稀人工運脚無一不昂商販不前坐棄大利茲當黎山初開欲興商務必須寬籌辦法減輕成本以來商賈而惠黎歧現擬凡由瓊州出口木料三年之內所有關稅釐金暫行寬免官山則指定地方限以四至給予護照開采黎產則與黎人公平價買三年之後再行察看情形量徵釐稅若能開通老山木料層出不窮商賈雲集徵權自形暢旺埠頭日見繁盛邊民生計利賴良多至開墾田畝緩徵薄賦亦經奏明在案惟近來民人入山覓地多係零星認墾不成片段田土之利本微又屬

張文襄公全集

卷二十三 奏議二十三

三

瘴鄉若欲廣集商民大開阡陌必須格外鼓勵始足啟動羣情現擬出示曉諭商民有能集資前往雇募黎枝開墾一人名下認墾至千畝及萬畝以上三年成熟者酌量給以千把外委等武職以示獎勵而資鈐束庶商民聞風興起踴躍赴功田土可期日闢

硃批該部議奏欽此

瓊州開墾暫免稅釐片

光緒十三年十一月二十四日

再瓊州府昌化縣境內大豔山府志名峻靈山多產銅及石綠故亦名為石綠山前經香山職員張廷鈞招集股分購備機器前往開采業經奏明在案查石綠為銅

苗所結下有銅鑛精華上溢融爲石綠每石綠百斤佳者可鍊銅十餘斤至二十斤不等其不能鍊銅者賣作顏料茲查大豔山地近黎境道路既遠瘴癘尤重出產雖佳工費甚昂現在黎境甫通鑛務創始儻無確利可圖必致觀望自沮惟有減輕成本始足以徠商販而惠民黎茲擬將昌化石綠及銅斤凡販運出瓊州海口者自光緒十四年起三年之內所有山稅及關稅釐金概行暫免俟開采行銷大旺再將稅釐酌量抽收其餘瓊屬五金等鑛如有集資開辦亦卽一律辦理暫免稅釐庶幾通商惠工地利興而島民裕矣

張文襄公全集

卷二十三

奏議二十三

三

硃批戶部知道欽此

張文襄公全集卷二十三終

紹興孫家棟校

張文襄公全集卷二十四

奏議二十四

巡視海口摺

光緒十三年十一月二十七日

竊惟廣東帶海爲疆三洋海面均以粵爲首衝粵省緊要海口廣州六門而外欽廉瓊潮最爲扼重省防虎門一帶水陸各營壘迭經臣會同歷任撫臣巡閱多次惟省外尙未及周歷目前兩粵吏治軍政大端粗舉臣雖以孱軀力疾未敢偷安茲定於十二月初二日乘輪出省隨帶測繪員生由虎門放洋先巡瓊州海口次至廉州北海次歷欽州洋面次至潮州汕頭周覽形勢審度築臺設戍處所測量兵輪出入要隘兼以詢訪風土民情考核吏事營伍回省日徧閱廣屬五門內外河海港汊及西海水道計往返約需旬餘理合恭摺具報伏祈聖鑒

硃批知道了欽此

密陳鄭紹忠久任有益片

光緒十三年十一月二十七日

再署廣東陸路提督記名提督前潮州鎮總兵鄭紹忠自光緒十年辦理海防奏署陸路提督以來威信卓然軍民愛戴近年奏派查辦廣肇韶等郡匪鄉已著成效前丁母憂經臣奏明廣東各鎮如該署提督才器堪膺

斯任者實難其人懇請暫留提督署任奉旨允准在案
茲恭閱邸鈔本年十一月初八日奉上諭御史金壽松
奏請飭唐仁廉赴廣東提督本任等語提鎮大員留帶
他省勇營事所常有朝廷慎重防務具有權衡唐仁廉
簡授提督後如果現在防營無須該提督管帶李鴻章
定行具奏或廣東本任緊要必須唐仁廉赴任張之洞
亦必據實上陳何待言官陳請等因欽此仰見 聖主
眷顧嚴疆任官惟取其宜聽言必求其是欽服莫名伏
查廣東陸路提督一缺轄境寥闊民俗獷悍自非威望
素孚情形熟習措施鮮能應手該署提督鄭紹忠功績

張文襄公全集

卷二十四

奏議二十四

二

才望與水師提督方耀相埒而質樸清廉厚重謙謹所
部安勇紀律嚴明秋毫無犯士民愛敬尤異常情前年
大修廣屬三水清遠等處圍基該署提督親身勸督工
程隄防永固日前查辦匪鄉於盜匪之踪跡弁兵之利
弊紳團之情偽無不周悉巨匪凶黨以次殲除輕重緩
急悉合機宜且陸路各營將弁大半皆其舊部隨在稽
察整頓湔除綠營積習均能實事求是如能久於其任
俾得盡其所長裨益營務造福地方實非淺鮮朝廷於
專閫大員遷擢調遣自有權衡非臣下所敢輕議茲因
明詔所及謹將該署提督鄭紹忠署篆得力久任有益

之處據實附片密陳以備裁擇

硃批知道了欽此

添設各路電綫摺

光緒十三年十一月二十七日

竊照兩廣電綫前已造至梧州並分達南甯龍州等處
惟自梧州至桂林省城相距七百餘里尚未設有電綫
嗣因西省設立防營兼有勘界商務事宜均關緊要文
檄往來甚遲若非設立官報不足以通消息而速事機
當於上年十一月經臣之洞檄委電報局委員候選直
隸州知州沈嵩齡督飭員弁由梧州開工歷昭平平樂
陽朔至桂林省城共造綫路六百四十五里一路俱屬

張文襄公全集

卷二十四

奏議二十四

三

高山峻嶺幸趨工迅速於本年四月十五日竣工即在
桂林設立分局一所復以綫路過長巡護難周於昭平
添設報房一所此由廣西梧州展至桂林省城電綫之
情形也又雷瓊欽廉前經一律展設電綫節節靈通惟
欽州至東興仍須由驛投遞嗣因傳遞勘界官報所關
甚鉅當於去年十月間飭委員沈嵩齡分飭趕造由欽
州歷防城茅嶺抵東興計綫路三百二十里因茅嶺河
面甚闊另用鋼綫飛渡以省水綫之費於上年十二月
初十日竣工即在東興設立子局一所此由欽州展至
東興電綫之情形也又官軍赴瓊勦辦客黎各匪飛檄

往來急需遞報仍飭委員沈嵩齡於上年九月間督飭興造自海口開工由定安至萬州復由定安至屯昌而抵嶺門並經番響入黎峒以達毛西村計綫路七百五十里中隔大河均用長木飛綫另由番響經打運及毛站凡陽至萬充計綫路一百八十里又由儋州至昌化以備鑛務通報計綫路二百零六里又由儋州至那大經南豐進黎峒以達番崙而抵毛西村與東路接合計綫路三百六十五里其間隨營通電由萬州至陵水由陵水至崖州復由澄儋進抵和舍那大一路共計常綫軍綫七百三十五里除拆卸常綫軍綫三百三十五里

張文襄公全集

卷二十四 奏議二十四

四

外實造存常綫軍綫一千九百零一里均於本年閏四月八月間陸續竣工在崖州設立子局一所在屯昌萬州陵水嶺門那大儋州昌化凡陽等處設立報房八所現擬將嶺門報房移設番響以便分綫此由瓊州海口展至黎峒各處電綫之情形也又據署高廉道王之春稟稱高廉控制兩郡現在北海通商欽邊籌防事機動關緊要當即飭委沈嵩齡自岸步設機厯石城化州而抵高州計綫路二百四十里於本年十一月初四日竣工即在高州設立子局一所並將雷州子局移設岸步仍在雷州設一報房此由岸步展至高州電綫之情形

也又光緒十一年間准雲貴督臣岑毓英咨奏請興辦電綫欽奉上諭著照所請由廣西南甯接設電綫直達雲南其應如何擇地安綫之處並著派員前往查勘妥為籌畫奏明辦理欽此等因其時因綫路設立未周費用較鉅再三籌議無從辦理嗣後鄂川入滇直達蒙自一路電綫業經奉旨建造查廣西南甯接壤滇邊桂滇皆南鄰越南滇境則西接緬甸若僅恃由鄂入滇一綫傳達電音設有雷雨拆斷綫桿阻滯堪虞且遇有軍務之時由滇川滬鄂展轉至粵恐有交會壅滯之患臣等因將廣西南甯至滇境剝隘一段先行由粵勘造一面

張文襄公全集

卷二十四 奏議二十四

五

與雲貴督臣往返籌商旋准雲貴督臣電復自剝隘至蒙自地方即由粵購料接造並籌款添設騰越一綫則滇中防務絕無隔閡之虞等語現由廣西南甯府經百色廳接至雲南剝隘約計綫路八百餘里於十二月開工明年二月初旬計可告竣即在百色剝隘二處設立子局各一所其剝蒙一綫俟剝隘工竣後由滇省委員接造此後滇粵氣通兩綫並行邊防大有裨益此由南甯展至剝隘並滇省擬接通電綫之情形也以上各路電綫經費均由海防善後局籌款支給飭令該委員格外撙節不得稍事虛糜俟一律竣工即將承造各處電

綫地名里數彙案核實報銷茲據廣東善後局司道轉據電報局候選直隸州知州沈嵩齡具詳請奏前來臣等查核以上各路電綫縱橫三千九百餘里均能迅速竣工核實樽節得應急需且瓊州內地山高林密瘴癘薰蒸水土惡劣在各軍攻剿喫緊之時萬分危險該員弁工勇人等懸軍深入毫無退避以致瘴故者至六十餘人之多航海登山蒙瘴冒險實為向來所未有現在南甯至剝隘一路該處山嶺崎嶇人煙稀少逆水轉運將及千里其艱險亦復相同殊為備極勞瘁可否俟工竣後由臣等按照上屆成案擇尤保獎出自逾格鴻慈

張文襄公全集 卷二十四 奏議二十四 六

謹會同廣西撫臣李秉衡恭摺具奏伏祈聖鑒

硃批著照所請該衙門知道欽此

恭報巡海旋省并查閱圍隄情形摺 光緒十四年正月初五日

竊臣於上年十二月初二日乘輪出巡各海口兼巡五門河道當經奏報在案隨即率同道員王之春及熟習礮臺各將弁等乘坐新造廣甲兵輪出海藉以考驗該輪行駛遲速於初五日南行抵瓊州海口港登岸閱視海口所城外舊臺及府城情形併周歷府西之西場金牛嶺水英等處詳加測量與該鎮道等籌商撫輯黎客及善後招商建築馬頭事宜初七日西北行抵廉州屬

之北海鎮登岸查閱冠頭嶺地角山南灣等處形勢初八日西行抵欽州屬之白龍尾泊舟珍珠墩登岸查閱該島及沿邊沿海諸沙形勢與該鎮道府州等籌度設官安汛諸事宜江平嘉隆八莊等處紳團遠來迎謁當經各加拊循犒賞該紳團等喜於內附無不感頌皇仁歡忭鼓舞初十日東南行抵北岸雷州府屬之海安所登岸查閱博漲白沙各舊臺形勢十四日經由香港東抵汕頭連日登岸查閱崎嶇大小兩礮臺暨馬嶼馬仔澳頭等處口門形勢適潮州鎮道府等稟報海陽縣大隄工竣稟請委驗當即由汕抵府城查閱該隄工程還

張文襄公全集 卷二十四 奏議二十四 七

汕後復至南岸查閱蘇安山礮臺十九日還至香港二十至二十五等日換坐中等兵輪由八塘尾觀音沙周歷蕉門橫門磨刀門崖門惟虎跳門上下口均有沙淺未能駛過遂派西江而上直抵肇慶府城沿途查閱圍基各工西抵肇慶府上之五榕峽口率同該道府縣等查閱桂林景福羅秀等圍沿途查看甘竹灘陳頭石壁等處河道於二十六日旋省大率瓊州海口地勢平行淺灘過寬泊輪處所尋常礮力難及設防最為不易廉州北海雖有冠頭天馬諸嶺而迤東平沙皆可登岸亦須礮臺礮隊相輔為用始克有濟海安舊臺不適於用

尙須另爲布置汕頭口門最緊量築新臺易於得力五
門內扼要之區以觀音沙仰船海潭洲山豬頭山竹洲
頭等處爲要綜計內外各口應行籌辦各事宜容俟分
案奏陳其潮州海陽縣隄工地廣工鉅一律坦平堅實
足爲郡城保障該隄係民捐民辦已集資二十餘萬兩
間有小鄉力絀未能補苴完密處所勢難再爲題捐當
飭該道府於潮州紳富捐尾數內提銀五千兩以助民
力所不逮其西江各圍及道經之北江大路圍尙屬完
固惟西江之羅秀圍地衝村貧關繫高明一縣利害上
年新築外隄尙嫌卑薄必須加築石隄當卽督飭肇羅
張文襄公全集 卷二十四 奏議二十四 八

道孔憲毅督同紳董估計工費刻日籌款趕修以防春
漲工成後專案奏報

硃批知道了欽此

請於嘉應州城建左宗棠專祠摺

光緒十四年正月初十日

竊照原任東閣大學士左宗棠前於光緒十一年奉命
督辦福建軍務力疾視師盡瘁報國歿於福州軍次欽
奉恩旨優卹特諡文襄入祀京師昭忠祠賢良祠並於
湖南原籍及立功省分建立專祠仰惟聖朝篤念盡臣
節終之典報祀之恩至優極渥凡有血氣欽感同深茲
據廣東嘉應直隸州紳士知府銜陝西補用直隸州知

州張其飭率同閩州紳耆呈稱竊惟已故大學士左宗
棠樞輔重臣助庸懋著勳平髮捻底定回疆功在旂常
無煩贅述而紳等則有不容已於言者當同治四年髮
逆僞康王汪海洋一股由江西定南竄入廣東攻據鎮
平經閩軍邀擊江西去路已斷該逆遂由連平繞越和
平興甯各境進陷嘉應維時前閩浙總督左宗棠旣奉
命節制江西福建廣東三省各軍策賊東西流走無定
利於困而不利於攻遂定長圍坐困之計自率大軍由
漳州進駐廣東大埔下令先由東西南三面滾營進紮
江閩粵諸軍十餘壁各有分地水陸環進以乘賊敵汪

張文襄公全集

卷二十四

奏議二十四

九

逆百計衝突迄不得逞遽率悍黨數萬猛撲東南方江
閩各營官軍并力夾擊大敗賊軍槍斃汪逆餘眾仍推
僞僭王譚體元及胡瞎子爲首負隅死拒適故提督鮑
超一軍入粵會勦行抵州西相公亭累戰皆捷左宗棠
卽飭州南一面粵軍進紮而東閩軍進紮而西長圍一
合飛走皆窮擒斬三萬餘人受降五萬餘人譚胡二逆
先後殲斃全股盪平克復嘉應州城俾山陬海濱之民
出水火而登衽席迄今二十餘年父老追思猶爲感頌
現距該故大學士歿已二載閩浙陝甘各省均已遵旨
奏請建祠而嘉應一州爲積年逋寇殄滅之地大功於

此告竣若不請建專祠何以慰謳思而彰崇報為此聯
名呈懇據情陳奏等情由署嘉應直隸州知州金桂馨
具詳前來臣等查髮逆自金陵敗竄之後餘孽以汪海
洋為最悍擁眾二十餘萬由江閩窺粵所過摧陷盤踞
嘉應州城粵省兵單僅敷扼守賴故大學士左宗棠督
師入境合圍蹙賊聚而殲旃得截橫流而免滋蔓論其
戡定之功關係廣東全省茲該紳等呈請為該故大學
士建立專祠眾議僉同羣情允協相應據情籲懇天恩
准於嘉應州城內地方建立已故大學士左宗棠專祠
列入祠典地方官春秋致祭以垂久遠而順輿情謹合

張文襄公全集 卷二十四 奏議二十四

十

詞具陳伏祈聖鑒

硃批著照所請禮部知道欽此

轟開府江險灘片 光緒十四年正月初十日

再廣西水道自桂林至梧州名曰府江會灘樂恭荔諸
水灘險石多最為舟楫之患前明萬歷年間廣西巡撫
蔡應科設法疏鑿數年之久未能盡平嗣後官商人等
雖亦隨時修治獲效甚難臣前查悉西省緯路廢壞灘
瀕險絕光緒十二年內籌發款項並江蘇協賑紳士嚴
作霖等捐項會同護理廣西撫臣李秉衡飭委總兵馬
進祥桂林府同知趙慶蕃永福縣知縣任玉森等將平

樂昭平一帶山路先行修理當將籌辦情形奏明在案
嗣該員等因尚有餘款復將平樂至省緯路一併接修
完善並鑿險灘五處惟各灘僅能略去水面亂石其
水底石根堅牢奔湍漩洑非斧鑿所能施因復派委知
縣陳瀛藻縣丞張煥斗攜帶機器炸藥及工匠人等前
赴各灘以機器鑿石成孔泗水安放炸藥以電綫轟發
凡有險要惡石連根炸碎自光緒十三年二月起至四
月漲發暫停計開將軍灘木碌秀才犁灘三門柳木龍
口險害上下仰威鎮節箕象棋黃牛小背等灘一十有
四迨至十月仍飭該委員復行開辦維時冬乾水涸險

張文襄公全集 卷二十四 奏議二十四

十

石盡出除前開各灘擇險再加轟除外至年底工竣另
又開下古欖上古欖耙灘木夾鎖匙強灘面灘小神唐
調馬灘下延亭金雞大龍大結廖家橫灘黑山脚韭菜
龍鬚五大連假險等灘二十有一此外各灘尚平無
須再事轟炸綜計兩次由蒼梧以迄陽朔約一百餘里
共開險灘三十五處商民往來莫不稱便據該委員等
繪具圖說稟報前來臣伏查桂林府江灘石林立有礙
舟行向為商旅之患此次施放炸藥化險為平從此利
涉同占似於商情民命均有裨益所需經費除電綫炸
藥機器外經飭東善後局於公用閒款籌發銀四千餘

兩所有開竣灘河情形謹會同廣西撫臣沈秉成附片具陳伏祈聖鑒

硃批知道了欽此

光緒十四年三月二十八日

再臣之洞因北江猛漲親赴北江各縣查勘圍基前於會奏分籌防護水災摺內陳明在案當於三月十五日乘小輪船派北江而上過清遠峽至白鶴汛連日天宇開霽查看沿岸漲痕詢問上游一帶水已消退民田人口幸無損傷即轉輪下峽會同署陸路提督鄭紹忠於沿江各大圍詳加查閱所有清遠縣屬之倒水灣正江

張文襄公全集 卷二十四 奏議二十四 三

口山塘石角等圍三水縣屬之長洲清塘榕塞東海口等圍壩均屬完固間有墊陷滲漏者均經該提督督同各該縣官紳相機修築其支河各圍及四會花縣英德佛岡并西江所經之高要高明南海腹地各圍分遣委員前往查覆俱獲無虞遂駛過西江下游查勘三水縣屬大路圍水竇工程高要縣屬羅秀圍石隄工程並南海縣屬之西江沿岸各圍羅秀石隄業經興工當經諄飭該管肇陽羅道孔憲毅督率印委紳董趕築歲事沿途順查緝捕河道過新會縣屬之江門燕子塔熊海西抵新甯縣屬之新昌荻海周歷香山縣屬之梅浦虎跳

門疊石海白花頭小欖鸚哥嘴順德縣屬之木頭海板

沙尾李家沙番禺縣屬之蠔濠口紫泥關沙灣八塘尾

獅頭海大欖口東抵東莞縣屬之新塘河等處以上皆

海以衝要河道廣闊處所查看新設巡緝輪扒各船稽

察文武員弁勤惰於二十一日旋省查本年春漲西北

兩江各圍幸資捍衛臣等現飭擇其衝要卑薄處所趕

緊修補完固豫防夏秋盛漲其緊要工程民力實在瘠

苦者並酌量籌發官款以為倡率俾令迅速集捐修築

早日成功以收曲突徙薪之益至東江上游向無基圍

下游東莞縣屬之福隆司馬兩圍被水甚重圍大田多

張文襄公全集 卷二十四 奏議二十四 三

潮州府屬海陽澄海兩縣大隄地段廣長關繫甚鉅此

次冊卸雖少該處秋漲素盛尤宜慎防應即一體酌發

官款分飭潮州鎮總兵邵安邦署潮州府知府方功惠

署潮州鎮中軍遊擊方沿分別會同各該縣督勸紳董

集捐修復

硃批知道了欽此

光緒十四年五月初八日

加增閩廠協造兵輪經費并聲明辦法摺

竊查臣等上年具奏廣東分年捐款由閩廠協造鐵輪

穹甲快船四艘共協銀三十六萬兩又協造中號兵輪

四艘協銀一十二萬兩聲明請免報銷等因一摺欽奉
硃批該衙門知道欽此嗣准戶部咨議覆船政大臣裴
蔭森奏請動用工料仍歸船政報銷一摺以所造兵輪
係由捐辦與南洋之動支官款者不同將來應由廣東
彙報該大臣所請由廠報銷之處應毋庸議又於裴蔭
森奏請援照開濟快船成案動支官款仍由船政報銷
摺內議以此項兵輪係粵省官商捐辦與開濟快船事
由官辦者不同所請動支閩省官款及代為報銷之處
礙難核准各等因會同海軍衙門奏奉諭旨依議欽此
先後咨行到粵並准船政大臣裴蔭森咨會籌辦前來

張文襄公全集

卷二十四 奏議二十四

四

伏查兩次部咨皆議駁閩廠所請報銷而令照粵省原
擬辦法夫粵省原議本謂粵濟閩費閩濟粵工不論需
費若干惟以大船每艘協銀九萬中船每艘協銀三萬
為率緣訂議之初工料皆從約估未能絲絲入扣且謂
公款公用尤不必過較錙銖其實各船需用繁鉅斷非
數萬之資所能造成若如部議不准閩支官款則不敷
之物料將自何出不准閩為報銷似常年之工資亦歸
粵認在閩廠有難行之勢即粵船有中輟之虞有不得
不縷晰上陳於 聖主之前者臣等溯議辦此事之初粵
省並無可籌之款徒以官紳商民忠忱激發報效銀八

十萬兩以三年之力成十艘之用而有船不可無礮除
備購礮價二十餘萬兩並粵省船局自造廣戊廣已兩
小輪工價五萬數千兩外以之再製大中八輪實有不
敷適值閩廠為南洋代造三船告竣器全工暇遂商為
協造之舉誠以閩廠工匠參養有常不令造船便成坐
食且虞荒惰而閩廠造船經費又苦難支是以臣等前
奏有粵濟閩經費之不足閩助粵工力所有餘之語此
蓋兩省均有利益資閩廠之成局成粵防之利器非欲
使閩廠為粵之故驟然多請撥支數十萬也粵省原奏
所謂不動庫款者謂粵協數十萬全出捐資不動粵省

張文襄公全集

卷二十四 奏議二十四

五

庫款閩廠就原有經費協造亦不另撥閩省庫款也閩
省原奏所謂船政自行報銷者乃就閩廠原有之常年
經費中分晰造報協造粵省某船用過工費若干其應
銷之數自當循照閩省舊章辦理如部駁所云則是經
費工力皆須粵認是直粵省雇賃閩廠閩工而為之耳
何名為協造乎與臣等原奏既有未符與他省協造成
案亦不畫一夫南洋前製快船動用官款閩廠且為代
造助以工料之不足今粵省兵輪出自民捐實歸官用
將來造成尚須遵照海軍衙門奏定章程駛赴津沽聽
候查驗與民捐民用者迥然不同雖非全數報效較之

南洋究可省官款一半而轉不令協助工費臣等反覆思之未解其理江粵同爲海疆戶部斷無厚於江而苛於粵之理竊揆部臣之意似係誤會閩奏疑爲閩廠將因此於年例外多支多銷若干萬以致嚴切駁阻查粵省於歷年悉索之餘能捐船礮費八十萬可謂急公好義竭盡緜力而船政大臣於作輟兩難之際思爲協造之法其支持籌畫亦實具見苦心茲粵價已匯閩料已買而閩廠奉駁欲停辦而不能欲續捐而無力不但失此次商民之心且以阻後來勸捐之路則是反不如不捐之爲愈也惟既屢經部駁且又謂協費未能及半自

張文襄公全集

卷二十四 奏議二十四

六

不得不勉籌辦法以冀兩全臣等與裴蔭森往復函商切實估計廣甲一艘約計工料銀二十二萬兩乙丙丁三船每艘約二十萬兩庚辛壬癸四艘每艘約六萬兩合計約共需工費銀一百零六萬兩以協濟各半計之粵省應協助五十三萬兩除原議協銀四十八萬兩外擬再統行協助銀五萬兩湊足半價五十三萬兩其餘一半由閩支銷庶閩廠不致掣肘粵船得以告成與兩省原奏之案亦相符合然粵省於指定鉅資之外復增數萬之多實已萬分爲難矣竊念國家設立船政原爲海疆各省造船而設經費有專款員匠有常額自造與

協造本無區別協粵與協江更無差等不過爲粵省多造一船卽爲別省少造一船要之於閩廠經費並無出入合無仰懇天恩俯念此舉有益粵防無損閩款敕部立案准照臣等所議辦理仍由船政自行造報以清款目至於各船礮位現擬改設耳臺添配一尊並須較大者原備礮價二十餘萬仍有不敷尙須勉籌集捐彌補以成斯舉而裨海防

硃批該衙門知道欽此

舊疾復發懇恩賞假摺

光緒十四年五月十五日

竊臣以疾驅庸材溼荷高厚之恩自上年十月力疾銷張文襄公全集 卷二十四 奏議二十四 七

假假後極思勉策朽鈍求盡職守稍答涓埃未敢稍存畏難偷安之念乃本年春間感受濕熱觸發肝鬱舊證左脅作痛醫者誤用猛劑正犯醫經所忌攻伐無辜之條以致正氣大傷土被木侮水爲火鑠陰陽不和夜不能寐近日肝經愈虧憤急不免時發則殊於治事有妨亦欲勉強遏抑則木旺不能自制自揣病證非息心理氣難望轉機惟有籲懇天恩賞假一月俾得靜心醫治其重要事件仍當力疾籌辦俟假滿後體察病勢能否稍爲平復再當奏懇恩施 硃批賞假一箇月欽此

遵籌欽州新界善後事宜摺光緒十四年六月初四日

竊臣等於光緒十三年六月初一日承准軍機大臣字寄光緒十三年五月初十日奉上諭此次所定粵省界務將勘界大臣意見不合歸入請示之白龍尾江平黃竹等處一律劃歸中國江平黃竹向為華民聚居白龍尾地方歲祇巡哨一及此後各該處善後事宜應如何設官分汛妥籌布置該督撫務當悉心會商奏明辦理等因欽此仰見 聖主眷顧海疆固圉綏邊之至意當即恭錄行知藩臬二司海防善後局營務處司道高廉道北海鎮會議詳覆並咨商水陸提督及督辦欽廉防

張之襄全集 卷二十四 奏議二十四

六

務提督馮子材去後上年十二月臣之洞巡視粵海各口復親至白龍尾地方登岸查閱該島形勢督同該鎮道府州諮詢籌度僉以欽州地方本屬荒闊難治今復拓地定界幅員愈廣控制愈難惟有於近邊扼要分設縣治將欽州量為升改以重事權而資撫馭其白龍尾一處為北海之蔽遮南溟之門戶上可設礮臺下可泊兵輪宜設專營弁兵駐守島岸再於龍門協酌添派師船巡緝洋面庶水陸各專責成邊海自臻靜謐臣之洞回省後與臣大澂切實商辦詢謀僉同當經飭司檄委署欽州知州李受彤兼理靈山縣印務以便統籌早定第

事體繁重飭查覆核往復多次始能定議正擬具奏聞復承准軍機大臣字寄光緒十四年四月二十六日奉上諭欽州與越南交界劃定後曾諭張之洞等將各該處善後事宜妥籌布置迨張之洞巡閱各海口據奏親至欽州察看情形其應行籌辦事宜現尚未據奏到此次定界將白龍尾江平黃竹等處一律劃入中國扼險設防極關緊要其十萬大山一帶田畝膏腴惟素有匪踪出沒既經劃入內地其如何安民靖盜著張之洞吳大澂悉心會商將新定各界設官分汛一切事宜妥速議奏毋再延緩等因欽此茲謹悉心會商詳加酌度查

張之襄全集 卷二十四 奏議二十四

九

欽州自隋唐以來皆領縣治隋為甯越郡領縣六唐為欽州總管府領縣四自宋迄明皆領縣二宋州治即今治明洪武初改欽州為府繼改為縣又改為州隸廉州府我朝因之其輿地之廣方六百里有奇分縣而治自昔已然今則南自江平長山至白龍尾拓地百餘里北自嘉隆江至峒中墟拓地二百餘里地勢增廣邊民新附中外時有交涉事件撫綏防範斷非一州牧所能獨任若分置同知通判等官與欽州不相統攝勢隔權分反生窒礙酌古準今惟有升欽州為直隸州相度邊要分建一縣為輔車之依資指臂之使查防城可在欽州

西南一百里東達州治西近東興前控白龍尾後通廣西南甯府屬各隘乃欽州西南之衝要明萬厯間曾叔建土城國朝原設有廉防同知駐劄防城乾隆十二年始移防城同知於龍門後復移駐瓊州復由瓊州移改為赤溪同知茲擬卽其地建置防城縣應請添設知縣一員作為衝繁難煙瘴要缺分欽州之東興如昔司白龍尾及新收迤南之江平黃竹迤西之嘉隆八莊等處悉隸防城其防城司巡檢舊轄之三娘灣頭二三甲地方與防城隔一海港仍應歸欽州管轄欽州既劃出防城一縣之地截長補短應於接壤州縣分撥地段數處

張文襄公全集

卷二十四 奏議二十四

三

所屬各海口既非衝要陸路北界廣西容縣亦非極邊廉欽邊海交衝今昔情形迥異海防邊備最為喫重高州距廉州陸路六百里距欽州七百餘里緩急難資籌辦應將該道移駐廉州府城以便控馭其欽州原設之吏目學正及長墩沿海兩司巡檢仍歸欽州管轄其靈山縣林墟司巡檢所駐之陸屋墟及所轄之秋風博我等練均已撥歸欽州應改為欽州林墟司巡檢原設欽州州判應改為防城縣縣丞仍駐東興原設防城司巡檢改為防城縣典史欽州如昔司巡檢改為防城縣如昔司巡檢江平一十七甲地方沃衍應增設江平司巡

張文襄公全集

卷二十四 奏議二十四

三

增其式廓查廉州府所領合浦靈山二縣皆為壯縣靈山轄地二十二練疆域最廣與欽州犬牙相錯應分畫靈山縣西南所屬之秋風菩提博我三練青塘練一半地方及林墟司巡檢所駐之陸屋墟與欽州交界之平銀渡縣正南之那思那彭東南之丹竹那麗等處悉隸欽州以上地方均距靈山遠而欽州近地僻俗悍論形勢之宜治理之便均應撥歸欽屬擬請升欽州為直隸州改為衝繁難煙瘴要缺以新設之防城縣歸其管轄一切刑名錢穀事件均歸高廉道考核不隸廉州府高廉道應請改為高廉欽道該道原駐劄高州府城該府

一切諸多不便擬請將新升欽州直隸州并所屬新設防城縣仍附廉州府柵考試此欽州升改添設文職員缺之擬議辦法也新經劃定白龍尾地方重山巨浸界畫中外誠海防一大關鍵擬請添設白龍營陸路都司一員設兵一百名並設該營中軍千總一員左右哨外委一員駐守其地即歸欽州營參將統轄當與水陸兩提臣籌商查有惠州協副將之中軍都司堪以撥調所遺營務該協右營守備駐劄善縣城與府城近在咫尺堪以兼管毋庸再設此外新收各界江平擬增設千總一員新設之防城縣擬增設城守千總一員以北崙

張之洞全集

卷二十四

奏議二十四

三

崙王光汎等皆與廣西交界鞭長莫及荒遠難稽率多有汎無兵幾同虛設茲當添設營汎之際亟應區分水陸界限一掃積弊整頓操防擬將該協左營原轄之濱海牙山礮臺石龜嶺礮臺漁洲坪漁埔港三口浪紅沙灣等汎及舊有弁兵仍歸該協左營都司管轄其餘近內陸路汎地弁兵概撥歸欽州營參將管轄陸汎中有龍門協左營中軍守備一員分駐東興虛有水師中軍之名應改為欽州營陸路守備其龍門協左營水師中軍守備事務本係該協左營都司兼管毋庸另設經此次劃撥之後龍門協左營兵額較少應增設中號輪船

張之洞全集

卷二十四

奏議二十四

三

汎千總移駐所遺北崙汎應以思勒外委移補思勒距江平十里堪以兼顧不必再補嘉隆擬設把總一員以三口浪汎移駐三口浪汎應以埔崙汎外委移劄埔崙汎以尖山汎把總補劄尖山汎離欽州僅三里不必再補板興擬設千總一員以三十六村汎千總移駐三十六村汎距王光汎十五里應歸王光汎兼管毋庸再補除舊有弁兵移駐外所有新設之白龍營陸路都司一營應設兵一百名防城城守千總應設兵三十名江平增置千總應設兵二十名共添設陸路額兵一百五十五名其龍門協水師左營所轄汎地悉屬欽州地方如北

一艘酌配練兵四十名增設拖船二號共配練兵七十名歸龍門協左營都司管轄龍門協副將統轄減陸地之汎增海面之船亦於水師名稱其實統計水陸營汎共添設額兵二百六十名查同治九年前督臣瑞麟奏裁冗兵加餉練軍會將欽州營及龍門協左右營裁減三成額兵六百六十五名現因邊地展拓擬添復水陸兵丁二百六十名邊防緊要不同內地緣營口糧均照粵省練餉向章分別支給添復額數應於廣州等處緝捕輪扒各船所配練兵內裁併移撥毋庸增設白龍尾為邊海極衝已經擇定地勢擬築礮臺四五座以資控

扼而衛邊氓其購礮築臺事宜即當籌款舉辦專案奏報新設額兵百名力量尙單現以馮子材所部萃軍防勇分哨駐防尙可聯絡一氣並擬撥新增之防城江平兩千總及東興千總所轄之埔崙外委那馬松柏隘羅浮峒三汛地暨原有裁存額兵歸新設白龍營都司管轄龍門協所管洋面今已遠至白龍尾以西其地盜匪出沒無常且附近洋面時有法船遊弋擬設中號輪船一艘尙覺不敷現由省城另派兵輪一艘駐泊白龍尾一帶協同往來巡緝其濱海各港汛地盜匪則責成該協左營都司督同師船及原有汛兵緝捕內地支河盜匪則責成欽州營緝捕庶內河外海各有攸司不同前此之漫無稽考此又欽州添設水陸營汛之擬議辦法也現署欽州知州李受形署任有年地方利病既熟輿情尤爲愛戴現委兼理靈山縣事俾增縣撥鄉各事宜一手經理完竣新定中越各界該員均已選擇團總鄉正編立保甲前此內地窮民多將田產轉賣越民日久遂淪爲越地現已疆理田畝嚴行禁止違者惟該處團總鄉正是問其擬設之防城縣所轄五峒田土向來納糧僅徵丁銀現在邊防藉資團力自未便遽議升科新收江平八莊等處邊民新附應請暫照五峒向章止納

張文襄公全集

卷二十四 奏議二十四

五

丁銀其五峒地方積年開墾官荒甚多設縣後應令請領墾照酌納官租尙有沿海潮荒堪以築圍成田亦准民間請領墾照自行堵築候田成熟酌納官租此後戶口日增田土日闢隨時察看情形再請升科其欽州防城靈山撥分地界所有地丁兵米應卽一律查核清楚分別各歸各納至十萬大山在欽州西南一百六十里貼浪都地方自廣西上思州樞羊嶺發脈連亘粵東西及越南邊境深遂險阻山外可耕之地頗爲不少現在欽靈各邊界有提督馮子材所部萃軍分紮廣西上思州有提督蘇元春所部分紮內地尙無匪踪出沒仍當隨時督飭各營於界內嚴密巡緝以靖地方其分茅嶺與越南分界地方尙有漢伏波將軍馬援遺廟當於新收各界要隘按照圖約標明界址以杜混淆侵占之弊其移駐高廉欽道新設防城縣之城垣衙署及白龍營官署兵房應如何籌款營造暨欽州直隸州防城縣白龍營等處文武廉俸役食各項經費一切未盡事宜統俟奉旨允准後詳晰核明分別奏咨辦理

張文襄公全集

卷二十四 奏議二十四

五

珠批該部速議具奏欽此

寓美粵商稟懇詳議新約以維生計據情上陳摺

光緒十四年七月十四日

竊臣等據粵省及香港業金山生理各行店職員陳選良等聯名稟稱竊商等在粵垣香港開設金山生理行店有年與美國舊金山埠華商行店一脈相通互相維繫該處華民往來無阻生理方能茂盛反是則否上年洛士丙洽之案未結商賈裹足市面寂寥迨至賠款償償商業始漸興復詎近日接寓居舊金山商民函電謂中美現定約款禁止華工赴美以二十年為限未往者概不准去已回者不能復往業經議院核定使臣畫押憑懇稟達等語查寓美華人約十餘萬眾每歲物故者幾三千人回華者數千人是一十年後美國當無華人

張文襄公全集

卷二十四 奏議二十四

五

足跡矣商等生業所關何堪設想粵東出洋人眾每歲所得懋遷之利不下數百萬金蓋在覓利較易故銷貨亦多如綢緞衣服襪襪器丸葯油酒茶糖海味醬料之類舉凡華民日用之需無一不取資於中國每歲以千餘萬計而關稅所入亦成鉅款可見華民往美者愈多則華商之財源愈旺不徒有繫民生實亦大關國計且內地遇有水旱偏災華民在外捐助者遞年不下數十萬金以其積蓄裕如故能相率赴義踴躍急公今如禁例果行不獨通商大局有變竊恐商等生理均須停閉由是南洋各埠相率效尤共禁華工是廣肇惠潮各

屬及閩省窮民謀生無策屯聚中土其隱患有不堪設想者或謂新約若定所有華民從前在美歷年被毀物業共二十餘萬元皆可索償未嘗無益不知彼以目前之小利相餌豈可因此而貽永遠之鉅患哉美國此議必曰志在禁華工與華商無涉不知既禁華工則華商勢必不禁而自絕光緒六年美國遣使來華續訂條約聲明華工往美准美國代為整理或定人數年數之限並非禁止前往至人數年數總須酌中定限等語該國甫經換約即擬例限禁二十年美之總統以限期太久與約不符改期十年於今已閱六載方幸限期將滿生

張文襄公全集

卷二十四 奏議二十四

五

業可以重興不意今日復有二十年之禁將使華商生業不絕不已上年洛士丙洽一案既蒙軫恤於前此日商務所關尤賴挽維於後查條約雖經使臣畫押尙有一年期限允否出自朝廷此時未經互換惟有籲懇俯察下情咨達總署堅拒其請則商等合粵垣香港舊金山各行店數千家生理數十萬生靈叨沐天恩曷其有極等情前來臣等查廣東人滿為患無業遊民皆恃出洋為謀生之路就美國而論華人十餘萬眾日用飲食無一不取資於中土推而至於南洋羣島比比皆是華民謀生之路愈廣則中國貨物之銷流愈多華工以力

作而獲值華商即以販運接濟而收其利事本相因利不旁落未有禁華工而不礙華商者也又况美既作俑於先難保南洋各島不踵行於後本年三月間美屬之新金山有禁華人登岸之案經英廷駁飭其事暫寢現猶有增人稅意使不禁自絕據洋報所載有欲援美國成案遣使來華訂約之議倘南洋各島相率效尤概與厲禁則華人生理日促商務日微內地無業閒民日多所關綦重似不可不預爲之計查光緒六年中美續修條約有並非禁止華工前往之條又稱如所定章程與中國商民有損可由中國駐美使臣與美國外部公同

張文襄公全集

卷二十四

奏議二十四

无

妥議中國總理衙門亦可與美國駐京公使公同妥爲定議總期彼此有益無損各等語現在使臣張蔭桓籌議寓美華人善後事宜所訂細約條款未准錄咨有案邇間辦理情形是否如該商民所陳無從懸揣既據合詞稟訴於華商生計有關臣等未敢壅於上聞可否敕下總理衙門查核利弊設法維持之處出自聖裁

硃批該衙門知道欽此

兼署撫篆銷假謝恩摺

光緒十四年七月十八日

竊臣前因觸發肝鬱舊疾奏懇賞假調理本年六月二十二日差弁賞回原摺奉硃批賞假一箇月欽此茲於

七月十一日承准總理各國事務衙門七月初十日來電奉旨本日已有旨令吳大澂署理河東河道總督毋庸來京請訓廣東巡撫令張之洞兼署吳大澂接奉電旨後即交卸起程勿稍延緩欽此即於十八日准撫臣吳大澂委員賚送廣東巡撫並大平橋監督各關防暨王命旗牌文卷前來臣當即恭設香案望闕叩頭謝恩祇領任事伏念臣久玷疆寄薄劣難勝乃以病困頻侵渥蒙賞假辦公之餘勉圖攝養奈木旺土虧等症仍未少減假期將滿方擬續假醫調適拜兼署撫篆之命仔肩愈重痼疾難瘳恐隕越之滋愆益屏營而罔措惟是

張文襄公全集

卷二十四

奏議二十四

无

鄭工緊要撫臣吳大澂尅日前赴河督署任自不得不力疾視事以便撫臣交卸起程雖艱鉅非病軀可支而官守無旁貸之責臣惟有勉策衰庸殫圖報稱植孤根而恩愈厚冀邀勿藥之占佩兩綬而事彌繁敢昧匪躬之義期於本任署任公事均無貽誤以仰答高厚鴻慈於萬一

硃批知道了欽此

張文襄公全集卷二十四終

紹興孫家棟校

張文襄公全集卷二十五

奏議二十五

香山紳士捐修寨城摺

光緒十四年九月二十二日

竊前准部咨各省捐修城工應於議修議築之始先行奏明存案該處有無軍務在於摺內詳細聲明等因通行遵照在案現據廣東布政使高崇基詳稱據香山縣紳士在籍候選道劉永康等呈稱世居縣屬之前山寨地濱海濫近接澳門城垣年久失修坍塌過半城內舊址狹隘居民生齒日繁駐足無地自應及時修拓以資棲止而固苞桑該紳自願捐資集事不敢請給官款當

張文襄公全集

卷二十五

奏議二十五

一

經檄飭署廣州府海防同知蕭炳堃會同委員候補通判張士彥勘得前山寨城北依山麓西南面海東為直走澳門之大路該城舊址長三百六十丈高僅八尺或五六尺不等現擬將東西南三面一律卸舊換新加展至三百三十七丈城脚用石城身用灰沙三合土築高一丈一尺城堞用磚高三尺五寸仍設東西南三門所有門鞏礮臺悉如舊址其北城舊基長一百六十五丈毋庸加展擬將城身築高一丈城堞亦三尺五寸通計周圍共長五百零二丈較之舊址加展一百四十二丈城牆皆厚七尺城外東南角開濠一道長一百五十丈

兩面砌堤共闊二丈六尺至於城身加展所用糧田稅地多係劉姓公產計城牆壓占田地一十一畝二分開濠用田六畝五分東西南三面拓城共用田地三十七畝內有別姓三畝九分由劉永康等給價買回一併捐作城基應完糧稅照舊輸納所有圈入地場仍歸原主營業分別勘丈明確核實估計共需經費銀四萬餘兩劉永康自願獨力擔承成此盛舉並不請官發款亦毋須別處籌捐據該同知等勘明圈築之處並無阻礙橋梁道路民情亦甚樂從並據劉永康等呈請開工等情稟覆到司由該司具詳請奏前來臣伏查前山寨城建

張文襄公全集

卷二十五

奏議二十五

二

自前明天啟年間當水陸扼要之衝為形勢所爭之地內達香山縣城外接澳門十里而近在今日尤為衝要現因該城舊址窄狹民間棲止不敷邑紳劉永康等自願出資修理加展城身一百四十餘丈所需經費及應用田地悉係該紳捐給不動官款洵屬急公好義自應准其開工修拓以順輿情惟粵省現無軍務該紳捐修前山寨城係為保衛居民鞏固海疆起見自當遵照部章先行奏明存案一俟城工告竣委員驗收仍照民捐民辦章程免其造冊報銷至劉永康等所捐修城經費及拓作城基田地現飭分別開報姓名細數再加覆核

工竣之日合無仰懇天恩俯准給予獎敘以昭激勸
硃批著照所請該部知道欽此

電綫不宜與法接捐 光緒十四年十二月二十日

竊臣前准北洋大臣李鴻章來咨法國早綫自鎮南關
邊外達東京西貢各處中國早綫如與該綫相接則以
上各處電報自可接轉已准總理衙門咨允其接連咨
臣轉飭兩廣官電局遵辦等由臣當時即慮其窒礙甚
多然來咨既云總署允准只可照轉嗣據登萊青道盛
宣懷稟同前事其時已在北洋批准接連總署覆准之
後其准駁之權已不屬之於粵准固無所用其准駁亦

張文襄公全集

卷二十五

奏議二十五

三

無從施其駁並非由臣批准而後定議也嗣後未據盛
宣懷將章程稟送近據十月二十一日該道電稟始知
又有廣東東興與越南芒街接綫之議臣見此事愈推
愈廣流弊愈多即將其中窒礙及萬不可准情形詳悉
電達總理衙門及李鴻章查照隨接李鴻章復電云業
經畫押似難翻悔茲准李鴻章來咨知已具奏鈔錄摺
稿章程咨行到臣伏查接綫之議發之於法公司惟所
接乃兩廣地方之官綫所關乃兩廣地方之利害而創
議之初並未與兩廣督撫臣一商迨已有成說而後咨
臣接辦及定議之時亦無函電咨會迨臣電既發而云

已畫押在先李鴻章之批准盛宣懷之籌議無非為中
國受益起見所言有利無害各節謂各國未聞以電綫
相連為害原非絕無所見但於兩粵情形未能深悉且
中外相交與外洋各國相交亦難一致臣責在粵疆固
不敢好為辯論亦何敢緘默依違查洋參贊博來說帖
內云英國原有大東水綫可達各國中國早綫雖接仍
須由水綫轉寄價雖稍廉遲速迥異且多周折時須修
理將來綫報未必能多等語是接綫並無大益明矣東
與南關皆鄰越境中國設電本欲我之軍報速過於人
如法亦可用則與法共其利且為法占其利矣至有事

張文襄公全集

卷二十五

奏議二十五

四

斷綫之說一日不失和一日不能斷廣西太平府上思
州廣東欽廉等處皆多教堂教民龍州係商務總匯之
區尤逼肘腋萬一有事虛失機宜彼皆頃刻可達避長
攻短盡洩密謀及至決裂斷綫戰守之先機已失矣或
謂教民到處皆有龍州即不接綫彼亦可由香港海防
轉寄然緊急呼吸之際一迂一直利鈍即殊教民固隨
處有之龍邊險要之區電綫軍情所係與尋常內地情
形似難並論然則無事接綫收利甚微有事斷綫受累
已迫此東西兩省電綫萬不可與法接之實在情形也
凡此種種利不敵害情形臣皆已詳電總署及李鴻章

無如臣在先未得與謀無從阻止電至業已畫押致難挽回查鎮南關官局電綫前年早已撤至憑祥擬逐漸收至龍州其東興官局電綫原為勘界而設界務既竣即擬收至欽州而止經費既屬難籌巡修尤為不易東興地僻報稀更非南關可比南關東興之綫既撤龍州欽州之距越界或百數十里或二百餘里斷無為法國特造遠綫待其來接之理且東興一帶人情浮動邊民雜處時思與法相仇儻知此綫係為法人來接而設難保不集聚多人生事毀拆文武官弁相距較遠恐彈壓照料不周轉多枝節此又東興電綫尤不可與法接之

張文襄公全集

卷二十五

奏議二十五

五

實在情形也不特此也我代洋人傳報後累實多溯查光緒十二年八月間臣接英領事費里德照會稱准香港水師總兵移稱本月十八日下午兩點鐘零五十分本總兵發電報與瓊州英領事官詎是晚九點鐘始到似此耽閣已非一次中國電局如此任意將官報耽延實於該國家事務大有關礙等語當經臣嚴詞駁斥在案夫由廣至瓊僅逾三時中國電報之所常有此不過平日無甚關係之報彼已公然行文詰責視同彼之郵傳遲誤公文者然可謂謬妄無理之至英且如此何況於極暴極橫之法夫未與接連之綫洋人尙敢無理挑

別如其即與接連彼此相共或遲或誤彼更有詞假使兩電並需即發先此後彼必致相爭後我先人亦無此理且香港局大人多尙有遲誤南關東興地僻人少更不免雷雨梗阻停待舛錯之虞勢必致各路電局委員報生為接遞洋報之故奔命不遑救過不暇領事查詢公使瀆擾譙責辯析唇舌滋多不知中國自設電局本無一事何苦而為此也夫商局獲利受累猶可說也官局無故而自擾不可解也現在南關之綫北洋已允接連應如何嚴防流弊及密行補救之處可否敕下總理衙門密籌酌辦至東興之綫昨接李鴻章來電云或可張文襄公全集

張文襄公全集

卷二十五

奏議二十五

六

推延中止屆期由粵酌量議奏等語應請敕下總理衙門查核存記如法人得步進步再來瀆陳即以粵省官民不願辦理為詞嚴拒其請地方幸甚

湖橋鹽務疲弊改章試辦摺

光緒十五年二月二十八日

竊照湖橋鹽務遞年應銷額引二十萬零五千餘道額徵正餉銀一十二萬六千四百餘兩部飯銀一千九百六十餘兩均捐銅斤水脚銀九百八十餘兩為廣東鹽課大枝尙設有鹽運分司運同專司其事嘉慶二十一年以後銷路漸滯迭經奏准展限分年帶銷道光三年

以後遂至屢次奏請展緩奏銷年限自咸豐以來引地
迭被匪擾鹽塌窮乏埠務尤壞閩私充斥遞年引鹽不
能報銷足額每屆奏銷辦理竭蹶多至七成三分而止
除道光咸豐年間展限奏銷不計外同治元年起至光
緒五年奏銷止節經前督臣奏請展緩限期已至五次
之多而催迫守提仍復艱難萬狀兼以曬價運脚悉出
於官運同籌備無資勢不能不暫借官款往往致有拖
欠至已革前運同錢瑄虧帑尤鉅幾成不了之局經臣
奏參勒追百計督催派員代為經理方將奏銷勉強辦
至七成一分嗣後兩次委令潮州府兼署運同重以事

張文襄公全集

卷二十五

奏議二十五

七

權輕其費用復奏明行閩引地減釐節費所以設法維
持者不遺餘力此兩年奏銷始能復還七成三分之數
僅免拖欠公帑雖略有微效仍非長策且兼署本出一
時權宜知府責在地方又不能人人皆熟鹺務斷無常
令兼署鹽篆之理然使歸運同專辦則流弊更不可問
歷考數十年來皆係減成奏銷雖亦有運同辦理得法
仍不能有銖兩之增儻天時人事一有不齊即必有鉅
萬之短且不惟奏銷不足額已也歷屆展緩奏銷限期
初則因乎匪擾後則沿為疲玩每屆展緩少者三月多
者十一月一屆之銷數不能有加而數月之課餉已歸

無著此則無形之短絀格外之取巧實使課餉於虧之
中而又有虧者也查潮橋疲累之故約有數端埠商倒
歇僅存空名暫招水客代辦曬運胥由官出銷數之旺
歉視乎運本之多寡官本不裕收儲不廣船戶居奇商
販勒指雖有暢銷之機會已無可售之存鹽其累一運
本至少亦須五六萬金運同無論實署之員何從籌此
鉅本向來辦法皆係以印票重息向商號借貸近年閩
私日多鹽務利微迥非昔比迨稍有贏餘僅償逋負其
累二資本不敷挪用課餉徵存正款藉口拖欠日久遂
成侵虧其累三積重難返陋規痼習不能破除因而私

張文襄公全集

卷二十五

奏議二十五

八

沖無忌愈致折閱其累四距省遑遑自為風氣司巡取
多薪工浩大酬應紛煩虛糜浮濫其累五運同新舊交
替舊任存鹽往往減價爭銷新舊兩任同致虧損其累
六運同部選者人地固屬生疏委署者為日又不能甚
久幕友司事之盤踞書巡兵役之疲玩聯為一氣牢不
可破其累七積弊相沿根株難拔奏銷永無足額之期
庫帑時有虧欠之患懲前慮後深切憂焦若不亟思變
計將并此七成三分之銷數亦且不可長恃即使日日
嚴檄追呼任任撤任參革亦屬無濟此潮橋鹽務疲壞
已極必須改絃更張之實在情形也臣督同鹽運使英

啟熟籌詳議迭派委員明察暗訪一切利弊現已灼然無疑必須盡破向來之成局始能挽救以後之頹綱查光緒十年准戶部通行開源節流事宜內鹽法一條云如四川督臣丁寶楨不避嫌怨一洗積弊歲入鉅款他省果能認真核實必有增益切勿觀望延宕等語是戶部極以四川改辦官運爲認真整頓又肇慶府黃江廠稅務積虧多年久未足額經臣奏准改章專派委員稽徵收數加倍具有明效今潮橋鹽務疲壞已極亟應查照部行酌採四川官運辦法仿照黃江廠稅務成案改章設局委員辦理蓋潮橋配運行銷悉由運同自主利

張文襄公全集

卷二十五 奏議二十五

九

則歸已害則歸公消長盈虧莫可究詰若改歸委員澈底清查操縱悉在運司本籌於官利歸於國茲擬在潮州設立官運局由運司自行督辦遴委廉幹之員前往潮橋駐局專辦於運庫雜款項下撥還運本六萬兩俾資配運凡潮橋折引配鹽督銷完餉緝私等事均責成委員一手經理仿照通綱章程蓋用運司三聯印照飭發領運按月截根繳查其潮屬各場官場務仍由運同考察各場鹽漏亦照舊由運同督飭整理以廣場產而濟埠銷至官運局引餉考成即開列委員銜名以專責成其運同衙門另行於節省經費項下籌給津貼以資

辦公不准稍有阻撓運本足則場鹽無慮賣私浮費裁則成本較爲輕省設局另辦則衙門痼習一律革除委員接替則存鹽新舊不致爭售諸弊廓清正餉自裕查有試用知縣周福昌才具精強力任勞怨歷年委辦鹽務各差俱能認真整頓著有明效即委該員充潮橋官運局總辦其一切詳細章程由運司隨時體察情形酌核飭辦嚴加考核竊惟潮橋鹽務疲敝積數十年此次改章滌弊於課餉必能大有起色斷不止歷屆七成三分之數如果天時人事一切平順應手或能辦足十成奏銷亦未可知現經切飭該總辦委員周福昌極力整頓務將一切利弊豁然呈露果能解足十成奏銷則每年可增正課三萬四千餘兩創始既有明效以後接踵辦理者皆有成式可循斷不能聽其因仍朦混任意虧短從此常年正課可增鉅款創辦之功實非尋常出力可比查黃江廠稅務改章徵收加倍會蒙恩旨將創辦委員照異常勞績給獎經部議准行在案至廠稅係加增額外節省潮橋鹽務亦加增正課難易輕重尤有不

張文襄公全集

卷二十五 奏議二十五

十

同自應籲懇恩施按照黃江廠稅成案准照異常勞績請獎以示鼓勵出自逾格鴻慈所有潮橋鹽務改章設局委員試辦各緣由據兩廣鹽運使英啟具詳請奏前

來臣覆核無異除咨部查照外理合恭摺具陳伏祈聖鑒

硃批戶部議奏欽此

請緩造津通鐵路改建腹省幹路摺

光緒十五年三月初三日

本年二月初六日承准軍機大臣字寄光緒十五年正月十五日欽奉 慈禧端佑康頤昭豫莊誠皇太后懿旨前據總理海軍事務衙門奏請由天津至通州接修鐵路當經降旨允准嗣據御史余聯沅等先後陳奏請停辦鐵路均諭令總理海軍事務衙門會同軍機大臣妥議具奏茲據會商籌議逐款臚陳詳加披閱所陳各

張文襄公全集

卷二十五

奏議二十五

十一

節辨駁精詳敷陳剴切其於條陳各摺內似是而非之論實能剖析無遺惟事關創辦不厭求詳在廷諸臣於海防機要素未究心語多隔膜該將軍督撫等身膺曁寄辦理防務利害躬親自必講求有素著慶裕定安曾國荃卞寶第裕祿張之洞崧駿陳彝德馨劉銘傳奎斌王文韶黃彭年按切時勢各抒所見迅速覆奏用備采擇等因欽此仰見朝廷勤求民隱鄭重海防之至意竊惟泰西創行鐵路將及百年實為馴致富強之一大端其初各國開建幹路以通孔道迨後物力日裕闢路日多支脈貫注都邑相屬百貨由是而灌輸軍屯由是而

聯絡上下公私交受其益初費鉅資後享大利其功效

次第實在於此今中國方汲汲講求安攘之略自不得不采彼長技以為自強之助伏查總理海軍事務衙門覆奏所陳迅海防省重兵便轉運通貨物興礦產利行旅速郵傳捷賑濟諸條鐵路之利亦已詳明確實包舉無遺且欲推之南北各省廣安鐵路以振全局在王大臣謀畫閎遠本非專為津通之一隅臣之愚見竊以為今日鐵路之用尤以開通土貨為急蓋論中外通商以後之時局中國民生之豐歉商務之息耗專視乎土貨出產之多少與夫土貨出口較洋貨進口之多少以為

張文襄公全集

卷二十五

奏議二十五

十二

斷近數年來洋貨洋藥進口價值每歲多於土貨出口價值者約二千萬兩若再聽其耗漏以後斷不可支現任在洋貨洋藥之來源無可杜遏惟有設法多出土貨多銷土貨以救之此乃王道養民立國之本源並非西商爭利會計之小數中國物產之盛甲於五洲然腹地與區工艱運費其生不蕃其用不廣且土貨率皆質粗價廉非多不利非速不多非用機器化學不能變粗賤為精良化無用為有用苟有鐵路則機器可入笨貨可出本輕費省土貨旺銷則可大減出口釐稅以鼓舞之於是山鄉邊郡之產悉可致諸江岸海隅而流行於九州

四瀛之外銷路暢則利商製造繁則利工山農澤農之
種植牧豎女紅之所成皆可行情遠得價則利農內開未
盡之地寶外收已虧之利權是鐵路之利首在利民
之利既見而國之利因之利國之大端則徵兵轉餉是
矣方今強鄰環伺外患方殷內而沿海沿江外而遼東
三省秦隴沿邊回環何止萬里防不勝防費不勝費若
無輪車鐵路應援赴敵以靜待動安所得無數良將精
兵利礮巨餉而守之夫守國即所以衛民故利國之與
利民實相表裏似宜先擇四達之衢首建幹路以爲經
營全局之計以立循序漸進之基至津通一路其緩急

張文襄公全集

卷二十五 奏議二十五

三

輕重之宜尙有宜加審察者請爲我 皇上縷晰陳之
查御史余聯沅等原奏或恐洋教之煽張或惜捐金以
資敵或以狡謀利啖爲懼或以人心風俗爲憂不知鐵
路不過行程迅速至洋人洋教之多少與此無涉造路
之鐵可用華產修路之工仍用民人洋匠薪工亦屬有
限洋廠勸造不過市僧圖攬貿易之故智此事似非別
藏禍心輪機與輪船電綫等確有利用之實不得謂之
淫巧凡此數端舉無足慮至所陳引敵失業二事業經
王大臣剖析詳盡自屬切中時宜惟津通密邇輦轂非
尋常散地可比以臣所聞俄德鐵路相接俄人則改寬

其軌道以限止德車德國鐵路之人都城者必穿行土
邦達礮壘而後得達柏林法國巴黎城外諸路皆有大
堡環護之即英人與法接界處海底鐵路之議雖因工
艱而止亦由忱於法岸近峙自失海險之故是外國顧
念根本未嘗不慎重深嚴今大沽鐵路已至天津若再
開至通州不爲置兵築壘以扼要隘但恃臨時收車撤
軌之圖則備預似覺未密苟於中途多設堅臺巨礮以
爲之備則所費必在百萬以外籌款實屬不貲其當審
者一也查奎潤等摺內稱津通之民以車船行店負販
爲生者約六萬人一家五口已有三十萬人此項人數

張文襄公全集

卷二十五 奏議二十五

四

本難確知然就極少計之仰食於此者總不下六七萬
人粗貨舟行不能盡廢短車客店不能盡歇尙可安插
其半其廢業者必有二萬餘人若鐵路既開其投效公
司傭趁車站固必需轉移執事之人願津通二百餘里
地段不長中站停頓不過數處一切修路掃軌等役需
人不能甚多據西人鐵路述略稱英地四萬里鐵路執
事等衆需十六萬五千人以此爲準津通二百里僅需
八百餘人加以各項販運夫役不能過三千人其鐵路
左右鄰近鄉邑無甚巨鎮名區人貨赴集亦難甚旺多
方安插終恐不敷蓋津通一段內近神京外近海口又

有倉場三者兼之故閭民苦其太多而地段又苦其太短其難於消納實與他處不同至於廬舍尙可給費遷移若墳墓多所毀遷亦恐不易設處其當審者二也或謂非常之舉難與圖始鐵路爲利便所在不得總總過慮致失事機顧查所以續辦津通者但爲養路計耳夫籌養路之需而度支轉益屯防之費恤公司之困而郊甸乃有無告之民利害相兼宜籌兩全之策其當審者三也又查西國鐵路每爲距遠水口陸行艱滯而設有無輪車利鈍懸絕故雖重費勞擾而不嫌今則潞河深通帆檣如織車驟馳驟經宿可至商旅驛遞爲益無多

張文襄公全集

卷二十五

奏議二十五

五

權以西例此路尙非所亟其當審者四也至於徵兵一節誠於軍事有益然當今所憂者外患耳津沽爲京師門戶常屯重鎮在焉大沽有事後路援師早應厚集津門若待至天津郡城告急勢難再分都門之禁旅遠出赴援亦無從抽大沽山海關之防軍回師宿衛苟無此路亦無甚妨其當審者五也夫利不百而不興害雖隱而必慎旣非萬不得已之計卽宜防意外枝節之端設此路創造之時稍有紛擾則習常蹈故者益將執爲口實視爲畏途以後他處續造集股之官商必裹足疑沮之愚氓必有辭則鐵路之功終無由成而鐵路之效終

無由見矣記曰先其易者後其節目及其久也相說以解言舉事宜有次第也今津通一路關繫既重不便尤多此則鐵路中之節目也竊查翁同龢等請試行鐵路於邊地以便運兵徐會澧等請改設於德州濟甯就黃河故道墊路以便運漕均擬緩辦津通爲另闢一路之計但邊地偏遠無裨全局若於邊隅發端其效難見且非商旅輻輳之所則鐵路費無所出不足以自存德濟一路黃河岸闊沙鬆勉強椎築工費太鉅河流遷徙無定其鐵橋等事尤難時時改作似擬改之路尙非盡善臣愚以爲宜自京城外之盧溝橋起經行河南達於湖

張文襄公全集

卷二十五

奏議二十五

六

北之漢口鎮此則鐵路之樞紐幹路之始基而中國大利之所萃也蓋豫鄂居天下之腹中原綰轂胥出其塗鐵路取道宜自保定正定磁州歷彰衛懷等府北岸在清化鎮以南一帶南岸在滎澤口以上擇黃河上游灘窄岸堅經流不改之處作橋以渡河則三晉之轍下於井陘關隴之驂交於洛口西北聲息刻期可通自河以南則由鄭許信陽驛路以抵漢口東引淮吳南通湘蜀萬里奔湊如川赴壑語其利便約有數事內處腹地不近海口無引敵之慮利一南北二千餘里原野廣莫編戶散處不如近郊之稠密一屋一墳易於勘避利二幹

路表道廠盛站多經路生理既繁緯路枝流必旺執鞭之徒列肆之賈生計甚寬舍舊謀新決無失所利三以一路控八九省之衝人貨輻輳貿易必旺將來汴洛荆襄濟東淮泗經緯縱橫各省旁通四達不悖豈惟有養路之資費實可裕無窮之餉源利四近畿有事三楚舊部兩淮精兵電檄一傳不崇朝而雲集都下或內地偶有土寇竊發發兵征討旬日立可盪平徵兵之道莫此爲便利六中國礦利惟煤鐵最有把握太行以北煤鐵最旺而最精然質最重路最艱既有鐵路則輦機器以開采用西法以前鑛產日多大開三晉之利源永塞

張文襄公全集

卷二十五

奏議二十五

七

中華之厄漏利七海上用兵首慮梗漕東南漕米百餘萬石由鎮江輪船溯江而上三日而抵漢口又二日而達京城由盧溝橋運赴京倉道里與通州相等足以備河海之不虞關飛輓之坦道而又省挑河剝運之浮糜較之東道王家營一路礙於黃河下流者辦理最有把握利八此路既成但有利便並無紛擾民受其益人習其事商觀其利將來集資推廣續造不至爲難兵民食貨無往而不宜公私行役轉運盜竊損失兩潦稽延虧耗蠹蝕之患不禁而自止關東隴右以次推行惟力是視二十年以後中國武備屹然改觀矣難者曰幹路之

利誠如此矣其如費鉅難成何則請以分段之法爲之擬分自京至正定爲首段次至黃河北岸又次至信陽州爲二三段次至漢口爲末段中原地勢平衍工力可省若令承辦員匠核實摺節估計大約每里不過五六千金一段不過四百萬內外合計四段之工須八年造成則款亦八年分籌中國之大每年籌二百萬之款似尙不至無策開辦之始先就首段估造俟本段工竣餘段以次推廣其籌款之法除由鐵路公司照常招股外應酌擇各省口岸較盛鹽課較旺之地分別由藩運兩司關道轉發印票股單設法勸集集股多者股商及承

張文襄公全集

卷二十五

奏議二十五

六

辦之員優予獎勵並准該公司按照前案借商款墊解以資周轉至購買鐵料取之海外則漏卮太多實爲非計查山西之鐵產自平定孟縣者可運致於獲鹿縣產自澤潞者可運致於清化鎮鐵軌非同船礮取材不在至精土煉之產雖遜洋鐵亦足濟用即使價值略貴幾微其財仍散在中國不宜斤斤計較應一面迅速於正定清化分置煉鐵機爐以供取用除首段動工參購洋料外其餘悉用土鐵以杜外耗庶幾施工有序而藏富在民總之津通之視豫鄂度地考工相去懸絕臣之爲是議者非敢有驚廣侈大之心實以置路於可開可不

開之區雖一節有所必惜展路於有利無害之域即艱重亦所當爲擬請責成李鴻章仍令原派總辦鐵路各員督飭該公司熟籌全局擴充原議次第舉工臣議解迂愚謹遵按切時勢各抒所見之旨竭誠籌度詳切上陳伏候聖明裁度飭下海軍衙門通籌熟計采擇施行國計幸甚民生幸甚至該公司呈請試辦鐵路原案係自認接續至山海關此路通接關東誠爲要工應飭其照案修造未便聽其中道改圖壘斷罔利如必以養路賠累爲辭則此乃海防應辦之事無妨籌動官款或酌助官本或於目前該公司生理未旺之時暫行酌給津貼養路經費以示體恤其商借洋債仍由該商自行清理似覺較爲簡便

旨留中欽此

慈禧端佑康頤昭豫莊誠壽恭欽獻皇太后懿旨前因籌議鐵路事宜諭令沿江沿海各督撫各抒所見以備采擇嗣據陸續覆奏詳加披閱其偏執成見不達時勢及另籌辦法尙未合宜者毋庸議外張之洞劉銘傳黃彭年所奏各有見地而張之洞所議自盧溝橋起經行河南達於湖北之漢口鎮劃爲四段分作八年造辦等語尤爲詳盡此事爲自強要策必應

張文襄公全集

卷二十五

奏議二十五

九

通籌天下全局海軍衙門原奏意在開拓風氣次第推行本不限定津通一路但冀有益於國無損於民定一至當不易之策即可毅然興辦毋庸等室道謀著總理海軍事務衙門即就張之洞所奏各節詳細覈議奏明請旨張之洞劉銘傳黃彭年摺各一件均著鈔給閱看欽此

出省查勘西北兩江國基情形片

光緒十五年五月十五日

再上年冬間經臣疊次檄飭東西北三江凡有國基各縣急趁冬晴水涸於向來卑薄去年被水處所修築完固并派員會同各屬文武員弁督率紳民籌發經費倡率民捐爰速辦理務於春水未至之前一律蒧事復於本年春間籌款委員豫買應用之木椿竹籠篾摺等項分儲水道總匯各縣以備緩急四月中旬省城連日大雨各路漸次加漲臣慮新築沙土未實即於四月二十一日乘坐小輪出省親往履勘督催先溯北江轉過西江仍由北江還省中途由青歧口入閩四會之綬江由新興江口入閩肇慶府城外之支河由三洲口入閩高明之支河由官山海口入閩南海之支河所有三水四會高明高要鶴山南海等縣各大圍晝夜奔馳詳加查勘凡沿江暨內河小輪可通之重要各處均登岸步行

張文襄公全集

卷二十五

奏議二十五

十

察看此外沿岸各圍舟行可觀培築尙屬認真即於二十六日回省現在圍內各田禾苗長發彌望青葱續據四會縣稟報四月底晝夜大雨五月初一日該縣上游廣西懷集縣暴漲驟下水長一丈有餘幸各圍基略有崩裂處所均經竭力保護無虞於初三日後水勢旋即消退若此後晴雨應時夏漲平緩西北兩江郡縣或可無意外之慮臣仍切飭員弁督率慎防以免疎虞殊批知道了欽此

限定出洋米數酌捐建倉積穀經費捐光緒十五年七月

三

張文襄公全集 卷二十五 奏議二十五

三

竊查內地米穀舊例本禁出洋無如粵省商民常恃澳門爲淵藪借自運租穀爲名蒙混走漏關稅吏胥得其規費輒聽漏逸數十年來相沿已久迭經臣查拏懲辦而仍未能禁絕再四訪查推求其故緣外洋貿易之人什九皆係粵產計粵民出洋者不下數十萬外邦水土異宜飲食不慣必須購食本省最上一種之油黏白米始免疾病是以出洋米穀得價最重而越南暹羅等處洋米貨色稍次者每年販運入口約在一千萬石內外粵民率用賤值購食洋米轉將內地上米販運出洋以圖厚利若概行嚴禁不特外洋華商本屬粵民僑寓道

邦固未便斷其接濟且粵省內地農民以貴易賤以少易多自食之外尙可略沾餘潤一旦不令周轉於小民生計並未受益轉致有拂商情多方影射偷漏查禁終無實際然聽其由澳門轉運漫無限制又恐日運日多外洋多一銷路即內地少一儲蓄亦非經久備荒之道當經飭令廣州府督同南海番禺兩縣會同九龍拱北兩關委員體察輿情悉心籌議茲據稟稱粵米出洋勢難全禁未免有名無實不若查明外洋粵商食米確數明定限制前數年約每年出洋百萬石上下以出洋米石最少之年計之亦在五十萬石以外請即以五十萬

張文襄公全集 卷二十五 奏議二十五

三

石爲限儻遇多運卽行禁止歲或偶歉雖不滿數亦卽停減此項出洋之米並擬每石酌令捐銀一錢穀石減半由九龍拱北兩關代收每年約可收銀四五萬兩此乃粵米出洋商民所捐之款卽爲粵民建倉積穀備修田圍以爲根本之計等情臣查粵省米穀出洋實係專濟粵民今昔情形過然不同且外洋各國多食麥麵惟東西各洋食米而越南暹羅卽係南洋地方產米最多且以其餘分販粵省是外洋之無須華米甚明其爲出洋粵民自行買食尙屬可信今既未能全禁出洋自當籌一妥善之策以期推行盡利於內外商民兩無窒礙

且每年進口之米約在一千萬石而出洋之米只准五十萬石計所出之數僅當所入二十分之一於民食似無虧損且可稽察確數酌予限制隨時消息該府縣暨委員等所籌各節均係實在情形自應照議舉辦所捐經費因稽查出洋米穀而起自以建倉積穀爲先經臣飭局委員會同該府縣在於東關西關內外選擇善地各建一倉在東者擬名之曰廣豐東倉在西者擬名之曰廣豐西倉按年以銀四萬兩買穀存儲有餘留爲備修田園之用粵省卑溼穀不耐久兩倉擬共儲穀十萬石爲率收足卽存銀備用仍三年糶換一次所有倉穀

張文襄公全集

卷二十五

奏議二十五

三

收放各事遴選公正紳士經營並派監倉委員稽查由督糧道督飭員紳妥協經理不由吏胥經手以杜流弊至澳門商民向係仰食粵米該商民等同係中國赤子不忍視同化外每出洋米穀百石准其多帶二十石以爲澳門民食華米免捐倉穀銀兩此項乃米商捐助專備本省積穀係屬民捐民用並非抽收稅釐官董其事而不用其款商出其資而民收其益仍視年歲豐歉以爲權衡實於粵省根本之計大有裨益

硃批戶部知道欽此

光緒十五年七月初三日

修築珠江隄岸摺

竊照廣東省城南臨珠江亦稱省河承西北兩江之下

游歷年以來省河北岸官地民間逐漸侵占填築與水爭地淤停日多每逢異漲西關南關一帶皆苦水患蓋自洋人在省城外西南隅當白鵝潭之口建築沙面廣造洋房不特地勢高整界畫分明而石隄陡峻江流湍急力能刷沙致淤沙停積多在上下游水緩之處其沙面以上以下沿江一帶私占民地屋宇參差瓦礫蕪穢雜投淤積無從禁阻湖退以後皆成泥灘近年地方豪族往往明目張膽填築河身蓋造房屋動輒斗入河心數十丈若不亟爲禁斷將來接踵效尤河身日窄三十

張文襄公全集

卷二十五

奏議二十五

三

年後爲患何可勝言臣數年以來蒿目民間博采眾論督同司道府縣悉心籌議僉以欲弭水患必先杜絕侵占欲杜侵占必須明示限制惟有在省河北岸堅築長隄整齊畫一增損均有所不能侵占填築之弊不禁自絕再於沙面南岸斜對之洲頭嘴地方適當西北江頂衝之處另闢一河以分水勢由鷄鴨濬經馬涌瑤頭諸村過省城之東五里至鴨塾關以下始歸入省河北支正流復將南岸鰲魚洲江面最窄素號阻水之處開掘寬通使上游江水之來既分其流復去其梗從容暢行西關南關繁富之區自無水患臣詳加籌度實爲當務

要圖不容少緩疊經臣親督委員周歷河道勘查地勢南關自天字馬頭起東至東關東涌尾止西至沙面止又越沙面之西舊名西礮臺西至橫沙止東西共長一千八百丈有奇一律築成石隄東西地勢錯出不齊迤東填築較寬迤西填築較窄總期於水勢無礙修成之隄一律堅築馬路以便行車沿隄多種樹木以蔭行人馬路以內通修鋪廊以便商民交易鋪廊以內廣修行棧鱗列櫛比隄高一丈隄上共寬五丈二尺石砌厚三尺隄幫一丈三尺馬路三丈鋪廊六尺其沙面以東粵海大關之左現為洋行香港輪渡馬頭擬於其右添設

張文襄公全集

卷二十五

奏議二十五

五

丁字馬頭為將來官設輪渡停泊之所並在沙面以西之橫沙地方為招商局輪船建造馬頭一所以惠道商西關沿河南自橫沙起北至增步止約長千餘丈舊有民間自築護田圍基一律加高培厚酌開小涌并設竇門既防外漲兼洩後路自白雲山南來之內水統計西關南關一帶隄基馬頭及河南挑河之費約共需銀四十餘萬兩若分段填築所費尚不甚多今先從南關適中之天字馬頭築起中為官輪大馬頭東西共接築一百二十丈以為首段層列木椿入土丈餘隄外砌長方石塊縱橫十層高以一丈為率石底鋪以紅毛泥石縫

擬以鐵錠石砌之內以土和灰沙春築堅實務令鞏固平整於本年三月內興工八月內即可竣工迤東迤西及西關一帶分為十段接續推廣分派員匠照式興工並多開小涌為小艇避風之處約計兩年大致可以修成其沿河新填私占之地段房屋應令其拆徙年久侵占之戶但須清丈明白從寬免其追究房屋非有大礙不令遷徙備必須撤去其實深貧苦者酌給遷徙修屋之費如有劣紳土豪從中把持抗拒漁利妨民即行奏請嚴懲惟此項修築經費若責令商民自辦築室道謀集款不易若非官為籌墊未易刻期觀成且分段計費

張文襄公全集

卷二十五

奏議二十五

五

尙不為多擬先由官暫行籌墊每一段修成之後即隨時招令公正紳商承領新填地段繳還修築經費准其蓋造房屋西南兩關沿河均係商賈輻輳之區一聞准其繳價承領極為樂從清還此項經費甚不為難可以無須動用官款此後遞年地租馬頭各租即以留備每年疏濬河道興修一切水利之用伏查廣州名邦素稱雄劇乃自洋人築成沙面隄岸堅固馬路寬平民居毗連之處街埠逼窄棚寮破碎不獨相形見絀商務受虧實非淺鮮且粵省通商三十年洋行輪渡久設馬頭而省河之內我之官輪兵輪以及招商局商輪並無馬頭

一處不獨上下不便亦於體制有關一經修築隄岸街衢廣潔樹木葱茂形勢遠出其上而市房整齊馬頭便利氣象一新商務自必日見興起且粵省米穀均在花埭離城甚遠城廂內外湫隘又無可儲糧之地所有沿隄行店應即多修米棧以便屯積緩急便可恃以無恐水患既息商利亦興實為粵省商民久大無窮之利此項工費隨墊隨還不動庫款應請毋庸造冊報銷殊批該部知道欽此

籌建槍礮廠摺 光緒十五年七月初七日

竊廣東地方邊防海防胥關緊要槍礮一項最為急需

張文襄公全集

卷二十五 奏議二十五

三

臣於光緒十三年五月內奏明建設槍礮廠購買機器兩副鑄造毛瑟馬梯呢士乃得雲者士得四種槍礮祇以為經費所限故僅得小試其端查水陸各軍需用槍礮概係購自外洋不但耗蝕中國財用漏卮難塞且訂購需時運送遙遠辦理諸多周折設遇緩急則洋埠禁售敵船封口更有無處可購無處可運之慮况所購之械種式不一精粗各別彈碼各異倉卒尤易誤事詳籌時勢必須設廠自籌槍礮方免受制於人庶為自強持久之計惟廣東司局各庫經費有常京協各項數倍他省加以本省餉需浩繁萬分竭蹶實無餘力兼籌此與

當查光緒十二年間會據文武官紳暨鹽埠各商分年捐資以三年為率約集銀八十萬兩在福建船廠及本省分造甲乙至壬癸兵輪十號並購配礮械均經奏准辦理有案計自光緒十二年起至十四年底止業已三年期滿所有捐款陸續繳齊因復督同司道將領籌議擬將前項捐款接續勸辦以作開設槍礮廠專款各紳商以款鉅力絀頗形觀望復經竭力開導始允自光緒十五年起扣至十七年底止續捐三年指定專充購買鑄造機器並建造廠屋經費總以足敷開廠之用為度查後膛新式單響連響各洋槍如馬梯呢毛瑟哈乞開

張文襄公全集

卷二十五 奏議二十五

三

司黎意等名目以及次等舊式洋槍不下一二十種各省從前陸續添購或倉卒取辦往往兼收並蓄不甚擇別以致分給軍營槍式多有參差現既設廠自造自宜仿照西國軍制擇定一式使弁兵專意操演器與人習臨戰更資得力綜計諸式中惟德國之毛瑟槍各軍購用最多於號碼近遠機簧裝卸較為諳熟槍之退力較馬梯呢稍輕後膛機簧則視哈乞開司黎意等槍較為樸實耐用德之陸軍冠於各國以此特為利器近又訪知該國照單響毛瑟槍式改造連珠十響軍中一律換用實為最新最精之式至純鋼後膛礮位向推德國之

克虜伯英國之阿模士莊兩種為最精而克虜伯廠以泥罐煉鋼後膛橫門堅固尤出其右該廠口徑十五生以上大礮造法深奧經費太鉅目前未可猝辦至所製十二生以內過山礮式運載輕便利於陸戰近日洋戰步隊專恃礮隊為前驅亟宜先行仿造以立初基以上槍礮兩式均經臣詳切考究確可採用惟連珠毛瑟槍德國官廠自造其式尙未傳播克虜伯礮專以出售不肯為他國代造所有一切機模無從覓致未免臨淵徒羨臣又訪知柏林地方力拂機器廠於該國槍礮模式常有承造情形最熟因電託出使德國大臣洪鈞與之

張文襄公全集

卷二十五

奏議二十五

三

商詢購鑄造新式連珠毛瑟槍及造克虜伯過山礮各項機器全副其汽機馬力加大以便槍礮兼造鍋爐併為一廠較得節省旋接洪鈞覆稱該廠應允能辦因與訂定造槍機器一分每日能成新式連珠十響槍五十枝汽機馬力一百二十四匹又造礮機器一分每年能成克虜伯口徑七生半至十二生過山礮五十尊共淨價一百五十一萬七千七百六十馬又添購槍尾尖刀機器全副淨價八萬一千四百八十三馬共合銀三十餘萬兩十一箇月成交此事係由外籌捐不請獎叙並非動支庫款經費惟關繫海防重務遵經咨請海軍衙門

核示現承准覆稱廣東捐款開廠鑄造軍械並未動支帑項尙屬妥善自應照准等因在案昨已付匯定銀數立合同繪就廠圖寄粵此外購地設廠造屋約需銀數萬兩現經擇得距省西北四十餘里石門地方後依山麓前臨北江地勢深奧近內水運亦復利便於建廠甚為相宜當即派員經理按照洋圖刻日庀料興工其槍管鋼料及罐煉礮鋼俟開鑄伊邇暫向德國名廠購備以期精良適用此擇式仿造槍礮之擬辦情形也竊惟外洋槍礮造法日變日新近今益臻精絕淵源奧變本屬不易窺尋向來辦理皆患製造之難而利其可以購

張文襄公全集

卷二十五

奏議二十五

三

獲遂致相率因循未遑變計各省雖經試造林明敦槍及阿模士莊小礮但槍式既舊礮式尙非精品且偶一仿造非專廠開鑄規模未見恢拓於中國風氣尙難振作臣此次與辦幸廣東官商電勉急公續捐鉅貲不動庫款於非常拮据之中得有措手是以不憚委曲繁重銳意舉行將來擬即以雜式年久等槍發給腹地綠營緝捕團勇而以新式快槍專給精兵勁旅彈壓邊海要地當可使水陸軍容肅然改觀若經費充裕成槍迅速不獨廣東軍營取給不窮並可協濟各省至過山礮一項若能製造精熟則臺礮船礮亦可次第擴製以收大

效尤盼鐵鑛各山采煉得法日旺日精數年之後鋼料
鐵料悉取內地則尤度支無形之利矣一俟機器運到
廠屋落成開爐鑄造當再將各項工費鑄造情形詳晰
奏聞

硃批該衙門知道欽此

開鑄制錢及行用情形摺

光緒十五年八月初六日

竊照光緒十三年三月初五日奉上諭戶部奏遵議張
之洞奏廣東購辦機器試鑄制錢銀元並擬令督辦鑛
務大臣兼理瀘州鑄錢事宜各一摺覽奏均悉現議規
復制錢必應廣籌鼓鑄變通辦理以輔各局之不足張

張文襄公全集

卷二十五

奏議二十五

三

之洞擬於廣東購用機器鑄造制錢自係因地制宜之
策惟創辦之始應將工本一切確切估計方免將來掣
肘該督摺內始稱價本及火耗等項與鑄成所值銀數
不致虧折又有目前粵鑄兼用中外銅鉛虧折過鉅等
語究竟鑄錢一千所值銀數有無虧折仍著詳細核算
據實覆奏至所奏兼鑄銀元一節事關創始尙須詳慎
籌畫未便率爾興辦著聽候諭旨遵行該督摺內所稱
弛禁商人酌議挪借究係何項商人並著明晰具奏等
因欽此查機器鑄錢事屬創始一切價本火耗工費非
開鑄之後無從核計準數故一時未能覆奏此項機器

於光緒十三年四月間由使英大臣劉瑞芬向英國喜
頓廠定購訂期十八箇月造成分三批運粵至上年十
二月底一律到齊當經委派候選道蔡錫勇江蘇知縣
薛培榕籌度建廠鑄造其廠屋先經擇地於東門外一
里之黃華塘買地八十二畝有奇貼近東濠加開寬深
便於轉運照圖建廠至本年二月間廠屋落成所有機
器亦陸續安設齊備於四月二十六日開爐試鑄先將
日本紫銅六成參配英國白鉛四成鎔成扁塊再用火
烘熱以機輪碾成銅片次用機器軋出方孔錢胚搖洗
磨光然後印字成錢計展轉十餘手無一不取資於機

張文襄公全集

卷二十五

奏議二十五

三

器其運動健捷勻準實非人力所能及故所成之錢輪
廓光潔字體精好私鑄斷難仿效謹將錢樣一千枚分
裝二匣恭呈御覽論機器全副之力每日能造錢二千
六百緡惟開鑄之初人與器不相習洋匠僅有四名分
教未能徧及開用機器不及十分之一每日成錢不過
百餘緡邇來匠徒所學漸臻純熟添募工匠加開機器
日下每日已能成錢五百緡再過數月逐漸增多至於
機器全開每日即可成錢二千餘緡此開局後數月以
來鑄錢之大略情形也至核計工本火耗一節此時機
器尙未全開工匠亦未募足而且諸少熟手本難遽定

確數大約就粵省已買之銅鉛價值核算每日成錢在千緡以上則可免於虧折若在千緡以下則遞有些微虧耗將來匠徒日習日熟如能日鑄二千緡以上則可有盈無絀即銅價稍長亦尚無妨蓋發軔雖藉馬力成物則在機器如馬力可動機器十座今只用其五馬力減用其半則煤火虛耗一倍矣諸如此類莫得準數故必盡機器之力量始可定火耗之多寡今就每日成錢五百緡計之洋匠每七日休息一日一月作工二十五日得制錢一萬二千五百緡每錢一文重庫平一錢每千文重一百兩折合六斤四兩內配銅六成鉛四成洋

張文襄公全集

卷二十五

奏議二十五

三

銅每百斤值銀十一兩七錢二分洋鉛每百斤值銀五兩五錢連傾鎔火耗共用銅四萬八千零四十七斤值銀五千六百三十餘兩用鉛三萬三千九百八十四斤值銀一千八百七十兩合計銅鉛價本火耗合共銀約七千五百餘兩煤炭泥罐鋼模約銀二千六百四十餘兩委員司事華洋匠役薪工各費約銀二千七百餘兩總計銅鉛價本工火等費每一月約需銀一萬三千兩鑄成制錢一萬二千五百緡若以銀一兩易錢一千文計之尚不敷銀數百兩此指日鑄五百緡而言若同此匠役人數而技藝純熟一日可鑄千緡一月以作工二

十五日計之可鑄錢二萬五千緡核計價本工費約二萬四五千兩便可敷用是則不至於虧折矣此核計價本工費之大略情形也溯當光緒十三年臣購辦機器之初東洋銅價頗平今雖洋銅頓長然較之滇銅價仍懸殊故前奏稱用上等洋銅洋鉛價本火耗不致虧折若兼中外銅鉛則虧折必鉅查粵省滇銅甚少並無準價白者珍貴過甚只可製器不能鑄錢紅者每百斤二十四兩貴於洋銅已將一倍雖質比洋銅為佳而虧折過鉅此外則有內地舊銅廢銅每百斤價十二兩搜買既屬無多銅質又復不淨難受機器軋力雖經提煉仍

張文襄公全集

卷二十五

奏議二十五

三

易酥裂不足以充鼓鑄以故目前未能兼用滇銅應俟滇省鑛務辦有起色銅價大減再行商定銅價運費采辦參用雖少有虧折究屬以中國之銀易中國之銅其利不至外溢即使以後洋銅之價漸平年年漏卮亦非長策此則鑛務之不可不亟圖鼓舞振興者也自開局至今已鑄成制錢二萬餘緡應即定價行用臣督飭東藩司游智開道員蔡錫勇等詳加核議現定為每錢一千值銀一兩百文值銀一錢十文值銀一分一文值銀一釐整齊畫一無論官民收支出入皆準此數永無增減每百每貫皆係足陌收發皆不准扣底減數先行搭

放官項每月善後局支發薪糧公費采辦雜支等項均定搭放二成至本省現開鄭工捐局振捐局凡報捐者准以新錢上兌由司局自行以應發銀款通融抵收將來解部時仍按定例銀數起解一切釐稅捐款繳官之項均准搭交出人均照每錢一千作銀一兩官發只搭二成官收則自二成以上以至全用新錢抵銀交納者聽不限成數意在發從少而收從多官先貴而民自重至新錢雖經通行其市面舊錢仍准照舊行用嚴禁奸商藉端擡舊錢之價以免物價增昂軍民受累至行用新錢除發給藩運兩司官銀店承領行銷外其餘省城

張文襄公全集

卷二十五

奏議二十五

三

各銀店俱准取保赴錢局領回存店代銷民間如願以銀易錢者即赴各銀店按每千一兩之定價兌換如願以新錢易銀者准赴官錢局亦按每千一兩之定價兌換私鑄私銷照例嚴禁總之每錢一分質重一錢值銀一釐以示簡出入同價以示平價值永無增減以示定有發有收以示通准赴官局換銀以示信市錢不禁以示自然業由司局出示曉諭於八月初三日開用民間以新錢銖兩齊一質文俱精莫不先覩為快各處銀店爭來局領回發兌城鄉商民俱遵照定價交易貨物行用尙屬暢利市面並無紛擾此定價開用新錢之大略

情形也現計購置鑄錢機器全副並附鑄造銀元大號機器四架及鑄刻各種網模共價值運脚保險費銀三十一萬五千餘兩購買民地建造廠屋局房橋道並開濬河濠水池安放機爐製辦器具雜物共用工料價銀一十四萬六千餘兩至前奏所稱與弛禁商人代向富商挪借應用即指誠信敬忠兩堂截緝闖姓之商人而言此項借款係屬暫時挪移已由善後局陸續籌款歸還

硃批覽奏均悉各省錢樣向有成式該省鑄錢應用清文寶廣二字並不必添鑄庫平一錢字樣該部知道欽

張文襄公全集

卷二十五

奏議二十五

三

此

張文襄公全集卷二十五終

紹興孫家棟校

張文襄公全集卷二十六

奏議二十六

洋商附鑄銀元請旨開辦摺 光緒十五年八月初六日

竊臣於光緒十三年正月二十四日具奏粵省購辦機器試鑄制錢擬請附鑄銀元一片於三月二十七日接准戶部咨奉上諭所陳兼鑄銀元一節事關創始尚須詳慎籌畫未便率爾興辦著聽候諭旨遵行等因欽此經臣欽遵在案現在制錢甫經開鑄一切辦理情形業已另摺陳明所有銀元遵旨尚未開鑄茲有香港英商匯豐洋行因前數年籌借洋款與中國時有交易前月

張文襄公全集卷二十六 奏議二十六

遣人至海防善後局面商聞粵省欲鑄銀元該行有英國輪墩及美國舊金山所出款銀每條約重一千兩成色較中國紋銀稍高欲求代為附鑄按月陸續交來多則十餘萬兩少亦四五萬兩鑄成後願在中國各口一體行用每鑄銀百元補工火銀一元並送來條銀四條請為試鑄經海防善後局司道稟商到臣伏查粵省除藩司地丁部款運司鹽引正課海關稅項均用紋銀投納外其餘運庫雜款各府廠釐金捐項租息一切雜款及善後局支發各項率皆通用洋鑄銀錢至民間所用則更全係洋錢此等情形不獨粵省為然如臣前摺所

稱閩臺江浙皖桂等十餘省大率相同是外國洋錢之行銷日多一日即中國紋銀之漏卮日甚一日此已為中外所共知無俟微臣之贅述至匯豐為英國著名之銀行在中國口岸生意繁多遠勝他行其意因中國南方各省多用洋錢外國所來之銀條不便散碎使用欲自在香港開鑄則購辦機器置造廠屋所費不貲欲在

張文襄公全集卷二十六 奏議二十六

外國鑄就運來則中國近來通用之洋錢大半皆係墨西哥國所鑄條銀所出之地與洋錢所鑄之地相去太遠運費甚多不如粵省與香港相距咫尺朝發夕至便於往來可以節省費用且以中國所鑄之銀錢行用於中國理勢既順獲利自饒此匯豐洋行情願鑄用中國銀元之實在情形也前准戶部來咨本擬請旨允准試辦惟原咨令將部臣所陳四弊預籌杜絕慎選賢員切實經理終始如一以期推行盡利並云目擊時艱亦思與鑄銀錢權衡國用是部臣之意實以試鑄銀元為可行且擬准粵省試辦惟與利必先防弊自係慎重銀幣之意臣查部臣原奏謂中國之銀出洋者多一日聚以鑄幣恐致價貴源涸查現在粵省試鑄銀元其銀條取諸匯豐乃係來自外國即使匯豐條銀或有短絀亦可向別家洋行購買於中國原有紋銀並無銷耗且可使

外洋紋銀充物中華則源涸之弊無矣部臣又恐鑄匠攪和小民銷剪查攪和之弊最易辨識聞聲辨色皆可不爽局員詳備監察衆多只在經理得宜章程周密所謂慎選賢員卽無此弊至小民私銷一節查此事銷燬無利保其必無既無機廠亦難私鑄小民私剪一節查銀元上鑄明重幾錢幾分輪廓花紋均極精緻若稍有虧缺輕小真偽顯然較之內地向用各種化寶松江銀錠方圓厚薄參差不齊者銀店尤易辨別再查粵省所用洋銀率皆椎鑿日久破壞爛板現在誠不免有剪碎使用之事今官局擬鑄銀元並擬照外洋通例兼鑄每

張文襄公全集

卷二十六

奏議二十六

三

元二開五開十開二十開之小銀元以便民用亦鑄明分兩輕重民間交易卽一錢數分之微可以小銀元搭用無須等平可免紛爭既可零用何須私剪則攪和私剪之弊無矣部臣又慮鎔化銷折官幣有虧臣細加考核如銀元大小兼鑄核計成本足可通融抵補不致有虧至匯豐附鑄之銀元已議定酌補工火將來贏則多鑄歉則少鑄操縱因時則銷折虧帑之弊無矣部臣又慮銀色太低減成取利用必不暢臣查中國所用之洋錢從前各國皆有近則墨西哥國所鑄盛行臣飭通曉化學之洋匠將各種洋錢逐加化驗大率得銀九錢不

相上下始知從前有謂只七成者其說不實至各國所鑄小洋錢通例皆逐次遞減成色最少者亦有八成左右今粵省擬鑄銀元意取中外流通其大銀元定用九成小銀元由八成六遞減至八成爲止色雖稍遜工費較多其實成本仍係一律總期較之外洋所鑄成色相符或且稍勝民間自無異說斷不肯任意減成以致自相窒礙則減成不暢之弊無矣至部臣謂廣東省銀元鑄成後稅釐雜項均准搭收各省協款應查明受協各省向用銀元與否分別辦理一節臣查粵省擬議原係解部各項仍用紋銀向用洋錢省分乃以新鑄銀元搭

張文襄公全集

卷二十六

奏議二十六

四

解與部議正復相同伏查部臣所慮四弊臣俱已熟慮周防並無窒礙然臣所謂此事之有益者猶不在此泰西各國率皆自鑄金銀各幣自相寶貴不用別國之錢中國乃用各國錯雜所鑄之銀錢甚至徽黑破碎不可辨識而民間爭相行用其於體制實有所關傳云惟器與名不可以假人今遠人慕化欲用中國所鑄之銀元其文日光緒元寶如推行漸廣不特中國各口岸卽越南暹羅南洋各島均可用中國之銀元各該處華民甚多其心皆有所維繫是此事實大有裨於國體至利析錙銖抑其末也惟洋錢每元向重七錢二分臣前奏因

中國之銀中國所用故擬定為庫平七錢三分茲據匯豐洋行聲稱仍擬鑄七錢二分則與向有洋錢一律便於交易竊思既欲中外通行自宜俯順商情仍以七錢二分為率至附鑄之小銀元亦照此遞為差減民間向來以此為便現今省內省外市面觸處皆是自可行銷無滯總之此事臣再三籌度可發可收似屬有利無弊合無仰懇天恩准照部臣前議由粵省開鑄試辦即由戶部行知各省凡向用洋錢各省關一律通行准其與洋錢一體完納華洋釐稅并各項雜款一切捐項其官商軍民或用中國銀元或用洋鑄銀錢隨宜通用聽其

張文襄公全集 卷二十六 奏議二十六

五

自便粵省所鑄之銀元刻縷精工成色有准較之東洋銀錢過無不及商民既肯用洋鑄之銀錢豈有轉不願用中國自鑄銀元之理且並不禁外國之洋錢又不強其必用官鑄之銀元於市面民情兩無紛擾至向用洋錢各省藩庫關庫所收之項其向用紋銀投納者儻有用新鑄銀元交納應准其仍照各該省行用洋錢向章補繳紋水於經制之款亦屬毫無窒礙謹將廣東錢局試鑄銀元式樣大小五種分裝兩匣開單恭呈御覽

計開一號銀元十枚 每枚重庫平七錢三分一號銀元現擬改為七錢二分

十枚 每枚重庫平三錢六分五釐現擬改為三錢六分 三號銀元十枚 每枚重庫平一錢四分六釐現擬改為一錢四分四釐 四號銀元十枚 每枚重庫平七分五釐現擬改為七分 五號銀元十枚 每枚重庫平三分六釐五毫現擬改為三分六釐 以上大小銀元分兩係照光緒十三年原奏每元重七錢三分依次遞減今因匯豐洋行商請附鑄擬改為每元重七錢二分二號以次按照遞減以順商情

硃批戶部議奏單併發欽此

擬設織布局摺 光緒十五年八月初六日

張文襄公全集 卷二十六 奏議二十六

六

竊自中外通商以來中國之財溢於外洋者洋藥而外莫如洋布洋紗洋紗縷細且長織成布幅廣闊較之士布一匹可抵數匹之用紡紗染紗軋花提花悉用機器一夫可抵百夫之力工省價廉銷售日廣考之通商貿易册布毛布三項年盛一年不惟衣土布者漸稀即織土布者亦買洋紗充用光緒十四年銷銀將及五千萬兩查洋藥一項中國向有絲茶兩宗足以相抵近則日本印度意大里等國起而爭利徧植茶桑所出幾與中國相埒華貨因之滯銷是絲茶本為中國獨擅之利今已成爲共分之利棉布本為中國自有之利自有洋布洋紗反爲外洋獨擅之利耕織交病民生日蹙再過十年何堪設想今既不能禁其不來惟有購備機器紡花

織布自擴其工商之利以保利權第近年以來中國殷商大賈屢有議及此者徒以資本難集心志不齊迄今尙無成效臣督同善後局司道詳籌熟商擬在廣東省城開設織布官局官爲商倡先行籌款墊辦以應急需俟辦有規模再陸續招集商股當即電致出使英國大臣新授廣東巡撫劉瑞芬考究機器價值及建廠設局辦法又查洋製之布式樣衆多難以徧效現擇中國最爲通行之布樣七種曰原色扣布一種曰原色布上次二種曰白色布上次二種曰斜紋布一種曰提花色布一種各取布樣附同棉花寄交英廠以便照配織機依

張文襄公全集

卷二十六

奏議二十六

七

式仿製嗣接劉瑞芬電稱寄到棉花經英廠考驗能織原色扣布斜紋布及原色次等布三種若織上等細布須參美國棉花各半紡成細紗方能合用臣查中國附近長江各省均產棉花以江南通州所產者爲最佳其次爲嘉定南翔之花又次爲浙江甯波及江南松江府屬之花雖非出自粵產然由上海運粵價脚甚廉且其利均在中國惟各花僅能成布三種若欲織成上項七種必須少參洋花查英法各國棉花必購之印度與美國皆非本土所產然織布紡紗獲利固已不貲今中國自有之棉花已能成布三種統計成布七種不過參用

洋花十分之三而工價較之外洋既賤成布即可出售又省往返運費其獲利自當勝於洋人現計中國織布商局僅有上海一處經營十餘年尙未就緒若粵省開設官局營運有效再能推廣於沿江各省悉變洋布爲土布工作之利日開則漏卮之害日減且洋布本非中國所有雖用機器以代人工並非奪力作小民之利本務長策無踰於此已於本年七月內訂購布機一千張照配紡紗染紗軋花提花各項機器及汽爐鍋爐水管汽管機軸等件共需價英金八萬四千八百三十二鎊外加運脚保險以鎊價折合共需銀四十餘萬兩機器

張文襄公全集

卷二十六

奏議二十六

八

分五次運粵十三箇月在輪墩交清計來年秋冬之間可一律運到出布長短視紗縷粗細爲定照每匹二十六鎊至三十二鎊者合算每機日可出布一匹建造廠屋占地縱橫約八十丈除地基外工料約需銀十萬餘兩廣東省城民居稠密無可設局之地擬在河南購買墳築約需銀數萬兩華洋工匠薪工煤火等費現未開局尙難預計應俟機器運到廠屋落成次第開工再將各項工費織辦銷售情形詳晰奏聞以備考核且備他省仿照開辦

硃批該衙門議奏欽此

商定稽查外國育嬰堂辦法摺

光緒十五年八月初六日

竊自通商以來外國教士在各口岸每設有育嬰堂收養嬰孩育成者固有其人而夭折者亦復不少在彼以行善圖名未必遽加殘害無如民間訛言易滋疑惑遇有嬰孩病故道聽塗說輒謂係剜眼剖心之所致展轉傳述激成眾怒因而焚毀教堂殺戮教士事變倉卒遂至一發難收類此之案不勝枚舉必須妥籌辦法庶足以釋羣疑而消隱患本年五月間據番禺縣民人陳至剛赴臬司衙門稟稱東門外淘金坑常有嬰孩尸首由法國育嬰堂昇往掩埋為數甚多傳聞有剜眼剖心之張文襄公全集卷二十六 奏議二十六 九

事雖未目擊究屬可疑難保無殘害情弊懇請查辦等語當經臬司王之春派委員弁帶同陳至剛在東門城緝獲挑尸之陳亞發一名並嬰尸七具即交番禺縣訊據陳亞發供係教士育嬰堂收養病死昇往掩埋者一時觀者盈千累百勢甚洶涌共抱不平經番禺縣將尸身當眾驗明確係因病身死並無半點傷痕羣疑始釋陸續解散當令陳至剛具結完案無如粵省民情浮動謠言四起聲稱洋人殘害嬰孩鑿有據必欲盡殺教士毀拆教堂而後甘心遍出匿名揭帖定於六月初八日集眾舉事各國領事紛紛照請保護調撥兵船以備

不虞臣當飭地方文武多方開導嚴密預防各員弁等竭力彈壓幸不致滋生事端民情漸就安謐臣當與法國署領事于雅樂妥商令教士將所設育嬰堂每日收養及病故嬰孩各若干名按月刊單具報每月由臣派員到該嬰堂查看一次如有育養未得其法或乳媪照顧不力隨時商令更改如有病故立即填寫報單報由管理育嬰堂委員親往驗明加蓋驗戳給還該嬰堂存據然後用棺木殮埋不得仍前用物包裹並擬就報單式樣照送法領事轉飭教士遵辦去後旋據覆稱所開各節至周且備均係永遠相安極好之長策自當一一遵照辦理等語業已分別委員照章妥辦兩月以來極為相安臣伏查外國教堂收養嬰孩最為生事之媒大率總以殘害人命招人詬病一唱百和莫釋羣疑同治戊辰天津教堂一案幾至不可收拾此外各省因此致生枝節亦復不少此次粵省商定稽查辦法適得法領事于雅樂人頗明白解事一切就範風浪立平要在括其總綱而不豫其細事嚴其考核而不禁其收留在彼藉以明心迹在我即以息浮言洵屬兩益之舉相應將此案原委暨以後商定辦法章程奏明並咨明總理衙門立案將來各省皆可相機援照仿行似於安民弭衅之

張文襄公全集卷二十六 奏議二十六 十

道不無裨益

硃批該衙門知道欽此

軍需善後各案請開單奏報免造細冊摺

光緒十年八月初六日

竊查光緒九年法越生衅廣東實當南洋首衝海防戰守之需前督臣張樹聲回任併力經營倉卒多未就緒至光緒十年臣到任之初警報疊至事機緊迫帑藏空虛水無兵輪陸少巨礮分防四口遠顧海南舉凡增兵置械設險攔河以及添購水雷魚雷電綫軍火等事均為事勢之所迫窮日夜之力取辦於一時加以欽遵諭

張文襄公全集

卷二十六

奏議二十六

十一

旨力任其難援閩援臺協滇協桂既救鄰疆之急復謀規越之軍至於萃勤兩軍大舉出關餉需尤鉅海面擾而釐稅日虧餉饋急而羅掘俱罄軍火購之重洋而難到商款借之香港而彌艱百計籌措苦心樽節涓滴之餉源皆由臣省嗇搜集而來一出入莫不親加綜覈嚴杜虛糜力求實濟重賞以鼓勇士廣募以偵敵情兵氣奮揚傲備周密幸得疆境晏然四民不擾仰賴國家威福南關告捷強敵大挫款議遂成諸軍漸撤又值瓊州黎客為患移師勦撫欽廉界務孔亟調勇籌防外患既紓懲前毖後復籌集巨款廣購車礮及毛瑟精槍各

種軍火分給本省防營並奏明解濟近畿防軍暨海軍衙門轉撥東三省練兵之用又以購械外洋緩急終不足恃置辦機器仿造船礮勉為自強經久之圖現在兵輪漸增臺礮略備水雷魚雷槍彈各局及水陸師學堂

已有規模可觀此數年以來籌辦海防善後諸務用款之實在情形也綜計光緒九年起到光緒十四年底止約共用銀二千五百餘萬兩積年既久合之為數甚鉅分之則屬無多均經歷任司局大小各員公同覈支臣覆加覈定無一非明白顯著實用實支其間查出舊案中一二劣員稍涉侵漁皆經嚴參示儆從重追罰一洗

張文襄公全集

卷二十六

奏議二十六

十二

從前虛冒積習惟籌備海防事多創舉軍情瞬息百變思慮所及但求無誤立即施行各項用款大半為例章所無餘如轉餉越南運械臺北海上封阻諸國牽制計覓洋輪遠雇馱馬事當喫緊不免居奇類皆不惜重資期以必濟其支數亦難與例章符合若必責以造具細冊款目如例不獨各將領有所不能即熟於例案者亦無從措手若由各局員代為按例改造亦實無此辦法伏查同治三年以至光緒八年各省軍需用款多係開單報銷其時羣寇盪平吏治整飭並未聞各省筭理度支之司局各員任意浮冒各擁巨資光緒八年九月復

經欽奉上諭各省軍需用款歷年既久用款甚煩善後事宜名目尤多若必造具細冊與例脗合往往再三駁查稽延時日甚至遷就挪移串通囑託百弊叢生並有應行造報之案積久未辦轉不足以昭覈實所有光緒八年八月以前各省未經報銷之案著將收支款目分年分起開具簡明清單奏明存案免其造冊報銷等因欽此仰見聖明垂察於造冊報銷一切為難情事實已燭照無遺旋因言者奏稱免造細冊外重內輕易滋流弊復經部臣覈議光緒九年正月以後各省軍需善後各款概令一律造冊報銷不准再有開單並行令各省

張文襄公全集

卷二十六

奏議二十六

三

之堂司難窮吏胥之伎倆臣在山西巡撫任內曾將以上各弊奏陳不惜籌定飯銀以圖省事然飯銀之數有限其實近來各省辦理報銷聞不免於正款之外提存另款鉅數暗給書吏臣愚不知此項另款從何而出粵省財用如此艱難豈能辦此即使有款可籌以實用實銷之款因恐書吏作奸而為此請託之舉實非臣之所敢出也查光緒八年以前廣東善後海防兩案報銷已逾數年以循舊造報之案猶復往返行查迄未能准銷完案茲再益以六年新款多為例章所無且須分年滾接造報前案未准後案復積年復一年清釐愈難款目

張文襄公全集

卷二十六

奏議二十六

四

將兵數勇數餉數先行報部立案預為覈銷根據在部臣之意以為預立案據覆覈各籍准駁分明向來書吏需索刁難遲延積壓之弊可以一概捐除乃行之未久而需索之弊仍不能除積壓稽延因循如舊蓋款目事件最為煩碎繳繞即如此次部章戶部則議令工兵應銷之案不必造入戶部冊內兵部則又令造送全冊工部復令將兵勇實數專咨報部章程已難畫一至若兵部須開兵勇花名起止轉運軍火斤重道里遠近工部須開礮臺軍裝工料做法細冊尤為煩瑣易起吹求或款目不誤駁其月日或出入不誤駁其案據雖有精明

懸宕流弊滋多殊非慎重庫儲之道且戶部之意重在預立案據原奏內稱有籍可稽造冊能覈開單亦能覈無籍可考開單有弊造冊亦有弊是開單之與造冊不過繁簡之分初無出入之別粵省近年新支各款俱已遵章報部立案若必令造具細冊不過多增案牘冊籍如山徒使堂司各官閱不能閱算不能算而原冊細數斷難與例脗合往返駁查祇供書吏刁難之具展轉延壓永無了結臣督同海防善後局兼辦報銷事務司道詳加籌議惟有援照從前成案開單奏報免造細冊始克破除積習迅速清釐由該司道等具詳請奏前來臣

查此次廣東海防各口較他省爲衝繁事機較他省爲急迫收支各款半係籌自本省並非悉動庫儲亦非盡屬額收且用款半係購辦船械修造臺廠以爲久圖非如從前軍需多係勇丁口糧耗散即歸烏有惟欲求實用實銷造報斷難如例一經挑駁嚴准無期查光緒八年以前各省軍需善後銷案多半邀恩開單奏報部書無可藉手暗中裨益公款實非淺鮮粵省自籌諸款既極艱難用項自力從嚴實較之從前髮捻報銷各案慎重實爲過之合無仰懇天恩俯念粵省海防善後各案款積六年事關五省價少成例款多外籌舊案不結新

張文襄公全集

卷二十六

奏議二十六

十五

款難清准其援案將光緒九年起截至十四年底止廣東軍需善後收支各款開具簡明清單奏明存案暫免造册報銷俾清積壓而重庫款如蒙俞允應請特旨飭遵出自逾格鴻恩其從前奏定每兩一釐之報銷飯銀自當隨案照數解部以資辦公斷不拖欠合計已及銀二萬五千餘兩此皆各營各局文武將士刻苦餘積而來爲數實已不少此後防務已定舊案已清用款較簡分年造報較易爲力自十五年以後防營勇糧及製造等事仍當遵照部章造册報銷不敢援以爲例殊批該部議奏欽此

沙田發給部照片

光緒十五年八月初六日

再廣東遵旨查辦沙田升科經前撫臣奏請敕部頒發空白執照一萬張並將設局清查升科分別繳款換照章程奏明在案查廣州府屬沙田舊章其老沙已補升者均照番禺上則徵收銀米其新沙未經成熟者均完斤兩輕則每畝約完銀四釐有奇不徵米凡老沙新沙各坦向俱祇發司照或由縣發給墾單便執爲管業之據今設局清查無論已升未升上則中則斥則自應一律換給部照俾資遵守惟此次戶部所發執照祇有上則中則兩起並無斥則之照各局委員每多拘泥遇有

張文襄公全集

卷二十六

奏議二十六

十六

熟坦畝遂謂無照可發議請停給臣查光緒十二年七月內請頒部照原奏聲明無論老沙新沙一律換給部照老沙無庸再文按册核給新沙清丈明確立時填給嗣後民間買賣過割以此爲憑仍分別上則中則升科起徵等語並無何項沙坦無庸發給部照之說且前次奏定章程聲明草白等坦酌減花息勘明後分別給照定則升科起徵是草白坦亦應給照尤爲明甚但未成熟未便遽發上則中則之照耳非謂斥則以下遂不發給部照也况草白水坦等項望影佔築尤易起爭豈可轉令私照管業留貽訟累且今日之新坦即將來之熟

田一經給照則土名畝數業戶姓名承墾年月一一明晰俟五年升科之期戶不須另查田不須清丈業戶雖欲延匿而州縣有冊可憑祇須勘明成熟分別科則按戶加升豈不簡易扼要一勞永逸且本屆清丈勞費數年若於此次大舉清丈之後業戶仍無確實可信之部照執以為憑必致成熟屆期重丈有擾換照有費胥吏得賄永不報升覬覦不息訟端不已葛藤懸宕撤局無期是使胥吏開一需索之門為民間留無數未完之案當經嚴飭司局一律發給部照以示民信而清田額勒限今年年底將所領部照一萬張一律發竣如有不敷

張文襄公全集 卷二十六 奏議二十六 七

再行奏請續發惟現領部照既無斥則等項名目若待另行請領未免往返需時除熟坦分別上則中則填照發給外應將未熟之草坦白坦水坦照章列入斥則一律發給部照於照內分晰註明令地名畝段花戶墾期一一有案可稽俟五年成熟補升之期按冊查勘未熟者仍其舊貫已熟者改注補升科則賦既不匿民亦不擾實於清賦恤民均屬大有裨益再查新安縣向未報有沙田此次查出該縣沙田皆係鹹水沙坦遠遜香山東莞等處且併不及潮州應酌照前次奏明潮州府屬沙坦辦法酌量寬減以示體恤仍一律發給部照俾

免向隅 硃批戶部知道欽此

全瓊肅清彙獎出力員弁摺 光緒十五年八月初六日

竊臣於光緒十三年二月會同前撫臣吳大澂具奏續勦陵萬黎匪首要就殲一摺欽奉硃批覽奏均悉所有出力各員弁著俟全瓊肅清准其擇尤彙案奏保等因欽此又於是年六月會奏攻克崖州南林老巢通籌善後事宜一摺奉到硃批此次出力人員准其遵照前旨擇尤保奏等因欽此迭經隨時恭錄咨行欽遵辦理各在案查瓊州黎客各匪以次廓清前經奏明分別裁留

張文襄公全集 卷二十六 奏議二十六 六

勇營責成雷瓊道朱采搜捕逸匪通籌善後上年二月據該道查悉陵水縣屬七弓地方伏莽未清尚有漏網之匪首黃那絲符琶娘盤踞山內當派總兵朱達陸游擊李渭培等督隊進攻連克匪寨六處擊斃悍匪數十名我軍員弁亦有傷亡朱達陸等會合兵團踰險深入三月初十日攻破什常村老巢生擒匪首黃那絲符琶娘等解府懲辦復經分兵搜捕五弓及崖州之過山弔羅等處擊獲首要王那東王拂記謝其青等黎客匪黨殲除略盡全瓊一律肅清一年以來各峒黎歧馴服絕無糾眾出擾之事自本年九月起先將瓊州鎮標兩營

改爲練軍兩營裁去防勇三營以後當查照奏案陸續
裁改現在瓊州黎境分設撫黎局八處各派委員一兩
人文武參用每局各募土勇一百名或數十名責令該
員等經管平決爭訟緝拏盜匪修路墾田設墟招商等
事嶺南一局南豐一局凡陽一局番嶠一局樂安一局
廖二弓一局茅地一局古振州一局皆係扼要之所卽
爲將來設官控制應增移張本其新開各路近外者
暢行無阻近內者稍有水冲草沒之處已嚴飭各局隨
時巡查修理芟剔以免梗塞設立墟市數處商販漸集
如定安之荔支園陵水之閔安墟儋州之薄沙峒牙汪
張文襄公全集卷二十六 奏議二十六 九

辦所有先後在事員弁冒瘴越險僵仆相繼歷久不移
實屬異常出力茲策案擇尤按照部章請獎由海防善
後局司道開具清單詳請撫奏前來臣覆加查核各員
弁或臨戰殲擒首要或率軍攻克堅巢已經兩次奏奉
恩旨准其保獎嗣後二年以來籌辦善後搜山破寨擒
匪安良開路設墟勘山興利均係深入瘴鄉備嘗艱苦
仰懇天恩俯准照獎以昭激勵除傷亡瘴故員弁附請
賜卹暨千把各弁咨部請獎外理合恭摺具陳伏祈聖
鑒

硃批該部議奏單併發欽此

張文襄公全集卷二十六 奏議二十六 三

請頒廣雅書院扁額摺 光緒十五年八月二十二日

竊照廣東省會創建廣雅書院合課東西兩省諸生臣
於光緒十三年六月曾經奏明在案嗣經書院落成選
調兩省士子肄業其中嚴定學規慎防流弊分經史理
學經濟四門隨其性之所近而習之各立課程日記以
便考核兩省肄業生額定各百名人數衆多添設分教
四人分門講授至策勵品行考察勤惰院長實總其成
臣於公餘之暇間詣書院考業稽疑時加訓勉先之以
嚴辨義利課之以博約兼資大旨欲力救漢學宋學之
偏痛戒有文無行之弊兩年以來才俊輩出造就斐然

其餘亦多恪守院規不蹈陋習十年以後人才必大有可觀竊惟嶺海雄博本多秀傑之才近來華洋錯處事雜言詭習俗所移其志趣凡下者多存希圖倖獲之念其才智穎悟者或有歧於異學之憂臣設立書院之舉竊欲鼓舞士類維持世風上者闡明聖道砥厲名節博古通今明習時務期於體用兼備儲為國家棟幹之材次者亦能圭璧飾躬恂恂鄉黨不染浮囂近利習氣足以淑身化俗士習既善民風因之伏惟我朝崇儒重道列聖典學右文各省會書院多蒙發帑興修贍給諸生膏火江蘇之紫陽書院浙江之敷文崇文兩書院福建張文襄公全集卷二十六 奏議二十六 三

之鰲峰書院均蒙 聖祖仁皇帝頒給御書扁額其江蘇福建之紫陽鰲峰兩書院重蒙 高宗純皇帝頒賜扁額同治年間福建創立正誼書院江蘇重建正誼紫陽兩書院復蒙 穆宗毅皇帝俯允疆臣之請頒發御書扁額欽 列聖宸翰之昭垂示多士訓行之正勸人文日盛厥有由來今粵東創建廣雅書院事同一律且兩省肄業人才尤多相應援案仰懇天恩頒發御書扁額一方垂範士林以正學術以勵儒修俾海隅邊徼之士得以瞻仰率由奮興鼓舞從此賢才蔚起經正民興皆涵濡聖澤於靡涯矣

殊批著照所請欽此

沙路設防籌定久計摺 光緒十五年八月二十二日

竊照廣東省河入虎門後至黃埔尾分為南北兩支南支溯流經沙路至省城西南四里之白鵝潭北支溯流經魚珠過城南亦至白鵝潭北支較淺南支較深均為廣州口岸中外船隻出入必經之路光緒十年間海防戒嚴南北兩支分用船石橋樁兩道攔截南支沙路全行阻斷北支魚珠尚留口門十五丈以通舟楫自和局定後魚珠一支照常開通沙路一支為粵防大局所關經臣於光緒十一年六月十二年二月先後奏請永不

張文襄公全集卷二十六 奏議二十六 三

宜開蓋欲藉所沈船石為根令其挂淤生洲日久便多紆折淺阻以後全力專扼北支一路庶幾簡要易施乃洋人注意中國形勢各國使臣領事始則聯幫瀆請開此河道繼復藉口為有礙行船之利經總理衙門與臣內外堅拒不予曲從數年以來費盡筆舌彼則百計圖維必求開通此路而後已臣深惟事勢各國皆以開河為便將來終必藉端要求必須籌一開通而仍可防守之方乃為盡善連年反覆籌思多方考究查外洋河道設險之法除礮臺水雷以外惟有排立品字鐵樁一法最有實際而無窒礙鐵樁林立深插沙底中留口門有

事趕即堵塞其要在阻船而不阻水最爲無弊敵人雖用水雷不能驟然攻拔且較之堆石阻攔不免爲水浪衝倒漂散者尤勝疊經督飭洋務處通曉工作算法之員及水雷魚雷局各員弁探測河道籌定辦法擬在舊建木橋之外沈石築壩處徧樹鐵樁中間留口門十五丈旁立紅綠燈以爲標識以備無事時仍可行船有事時立即封堵其法樁長數丈用螺絲接合其樁根亦有螺絲紋旋轉入於河底深可七八尺用品字式三樁紐合上加鐵蓋是爲一攢每攢相距約一丈分列內外兩排以大鐵練交加維繫備極穩固口門兩旁密樹鐵樁

張文襄公全集

卷二十六

奏議二十六

三

經理接合訂樹約一年內可以安畢此工若成則河道可塞可開操縱在我於水道戰備兩無妨礙現辦係下椿兩層已足資遏敵戰守之用所費亦不甚多以後擬兩年加增一次向外添樹鐵樁兩層日引月長愈增愈密若遞加至十數層則河路永臻鞏固至樹立鐵樁新工各費約需萬餘金現未開辦無從預定確數應俟工竣之後核實開報統由海防善後經費項下支銷查本年二月承准總理衙門函開英德兩使同時照會要求各節共五事囑令酌議孰可通融允許蓋開通沙路即其一端其西江添岸行輪內地租房屯貨兩節爲害甚鉅關涉各省各口全局利害斷不可允必宜堅拒其聯單不得加徵領單不宜偏枯兩事尙可允許已允代爲切飭核辦至開河一節尙只關繫廣東一省臣其時已經籌有設樁之策考明價值作法若照此布置即開通後亦尙不至險要全失當經電商總署以備分別准駁在案現已一面次第舉辦我之守具既備則彼族之請開與否靜以聽之將來相機因應均不爲難

張文襄公全集

卷二十六

奏議二十六

四

硃批該衙門知道欽此

請定獲盜獎勵章程摺

光緒十五年八月二十二日

竊照歷准吏部咨拏獲著名巨盜一名或斬梟斬決盜

犯五名以上俱照拏獲擒匪之例保奏又各省獲盜人員如係舉發巨案拏獲著名大盜勞績與戰功無異者奏請破格獎勵准其捐定應升官階各等語又歷准兵部咨除軍營戰功外概不准越級免補等語定章昭著本極允協詳明乃部中雖有此章而粵省屢次所保拏獲大盜無異戰功各員雖聲請從優無不以尋常勞績議駁揆諸粵省情形實有望礙伏查廣東盜匪素多近海地方為甚近年情形尤有不同疊經臣奏明在案大率以香港澳門為老巢各有頭目分立堂名遣人四出打單凡鄉鎮富商僻靜甄窯沙田業戶皆為打單之所

張文襄公全集

卷二十六

奏議二十六

三

捕之無從擊之不可該匪等恃以無恐不啻形同叛逆疊經臣嚴飭地方文武暨緝捕員弁多方截拏不惜厚集兵力優懸重賞近年以來陸續平毀匪巢捕斬首要不下數百名所有東江西江各府縣以及海北廉欽海南瓊州之內地盜風大減商民安業從前一縣歲出盜案百餘者今則每年不過數起或竟無一案凡係近內地地方無所牽制者似已均有實效惟廣州府及沿海地方鋼結已久迄未止息溯查粵盜素橫歷見前史國朝奏牘言之極詳嘉慶十六年前督臣松筠於一年之內捕斬盜匪一千六百餘名當時松筠奏定專條內

張文襄公全集

卷二十六

奏議二十六

三

及按時收取鉅貨名曰行水以重賞為賄買洋界巡役置備礮械撫恤夥黨傷亡等費餘始分贓其根蒂深穩夥黨眾多與別處盜賊首夥臨時湊集得贓隨手耗散有窩可緝有巢可破者其情事迥不相同雇船無從禁軍火無從絕接濟無從斷加以海面遼闊內河紛歧每

一出掠無不結隊連艘船則置有大礮身則懷有連響洋槍兵勇追捕冒死拒鬪有時盜雖被繫其在前弁勇亦必身受多傷甚至立時殞命或動殺事主或放火延燒或擄其子女海盜則動將全船商民溺斃良民受害實堪髮指及合力尋蹤追捕則已遁歸港澳竄入一步

已獲之盜公然由香港洋官行文索回在昔或行劫三
次以上或脫逃二三年以爲重情今則首要之盜行劫
百餘次漏網十餘年者有之在昔間有拜會結盟今則
港澳通匪大率皆係三合會並且立有堂名如巨匪曾
亞杰曾鱸魚全稱爲聯義堂李畝李安稱爲隆義堂王
觀稱爲新隆義堂黃有成稱爲聯勝堂自曾亞杰被獲
曾鱸魚全逃往洋界其黨復與黃有成合稱義勝堂之
類是凶燄較昔尤甚至同治三年間前督臣毛鴻賓撫
臣郭嵩燾等奏請將舉發巨案或拏獲著名大盜核其
勞績與戰功無異者給與優獎並將盜犯仍照新章從

張文襄公全集

卷二十六

奏議二十六

三

嚴懲辦業經部議奏准通行查其原奏所稱寇亂之興
其原多起於劫盜得一捕盜之良吏亦足以稍遏亂萌
又謂今日治盜有從嚴無從寬有速斷無久稽等語實
於廣東情形深切著明今日港澳情形又非二十年前
之比賄串洋巡厚募狀師多方抗庇凶狡愈甚捕獲愈
難疊經臣奏明並函咨總署電致使英大臣與香港洋
官籌商交犯之法始終偏執庇護未肯允從竊思廣東
盜風甚於他省治盜專條重於他省獨於獲盜勞績仍
與尋常無別似覺輕重失平在部臣意以爲捕盜無關
大局不過尋常兵差捕快之所優爲故不許其比照戰

功殊不知廣東盜賊每與官兵拒戰當其肆劫之時礮
火震地兵勇團練聞警奔赴或圍或追賊黨槍礮橫飛
當者立殞若非弁勇多人致死格鬪鮮能就獲故凡獲
數盜我軍必有傷亡核其情形實與打仗無異較之他
省緝盜零星掩捕恃重無虞者其難易何啻霄壤此等
情形中外人人皆知若以此項勞績視爲尋常則臨事
孰肯爭先效命查部章所謂尋常勞績者大率補缺後
以何官補用及加銜而已今日候補武弁盈千累百老
死未必有補缺之期若已有加銜以後即無進步副將
以上不能保越級不能保免補本班不能保翎枝不能

張文襄公全集

卷二十六

奏議二十六

三

保先換頂戴不能保甚至儘先字樣亦被駁改舊制干
把歸外省拔補者亦新立補缺後名目所有遷擢褒榮
之實際無一焉是其意專在裁抑獎案而已夫各省現
無軍務之時各營將弁正宜設法以練其膽力考其才
技即隱儲他日邊疆戰守之才不於緝捕取之於何取
之若但觀其操故套之陣法供塘汛之例差以爲殿最
豈足以得人才乎應考本朝名臣文如姚啟聖于成龍
胡林翼武如藍廷珍李長庚關天培等皆由捕盜知名
大用是此事實可以識拔人才臣於捕盜員弁嚴檄督
責多方激勵及至請獎之時輒爲部議所格有罰無賞

但託空言孰為用命今以向有比照軍營戰功比照擊獲擒匪之定章明文者反從駁斥是不惟不能破格獎勵且並部定多年之常格而亦廢之誠恐士氣愈墮盜風愈熾再過數年將為地方大患且例章者或因廷臣之條陳或經部臣之奏定本係因時制宜並非一成不易惟有籲懇天恩廣東內河外海等處遇有擊獲著名盜首或擊獲大夥盜匪多名或迭次擊獲盜匪積至二十名以上核其勞績與戰功無異者無論文武准將獲盜之員照軍營異常勞績從優保獎以示鼓勵臣為綏靖海疆激勵人材起見如蒙俞允仰懇特旨准行出自

張文襄公全集

卷二十六

奏議二十六

三

逾格鴻施事關地方亂萌民生鉅害不敢不懇切瀝陳臣不勝惶悚待命之至

硃批該部議奏欽此

派員查辦緝匪片

光緒十五年八月二十一日

再廣東連山廳緝排踞五嶺之脊界連粵湘桂三省深山重谷羣獠恃險負固屢作不靖自道光十二年勦辦以後漸就安戢近二十年來其頑悍之緝排故態復萌每每出巢劫擄焚殺民村亦遂糾眾互相報復讎隙日深滋蔓日廣良民被其擾害不得安居近年文武均以拘擊購捕空談敷衍了事兵差人等俱無敢入緝山傳

人緝犯者地處山僻距省遙遠地方文武多不據實稟報省城無憑核辦以致肆無忌憚愈逞凶殘本年正月間疊據連州直隸州知州朱璟署連山綏緝廳同知輔良三江協副將宋福慶稟稱連山軍寮火燒等緝排與梅村上坪村民眾尋衅糾黨至茶園壩火鋪尾一帶焚掠斃斃民人迭經派撥兵勇查拏該緝排慙不畏法恃眾抗拒屢出肆擾該文武會稟請派兵勇查辦前來當經檄飭署南韶連道林賀峒抽調兵勇二百餘名馳往連山督飭地方文武將歷年民緝構衅之案澈底查辦安撫良緝嚴緝奸民其一二稔惡之緝排相機懲辦

張文襄公全集

卷二十六

奏議二十六

三

以消亂萌旋據該道林賀峒查明自光緒元年迄今民緝積案六十七起緝控民者僅止二起餘皆自逞強橫肆行報復其兇惡最著之緝排為殺人坪打鐵沖黃瓜沖三排自來未經懲創而火燒寨新寨耳環沖等處實為黃瓜沖等排出入門口該緝排屢釀巨案此次飭令交凶屢抗不遵當經該道調派兵勇進火燒寨等處圍捕該緝排先已避匿各軍進燬其巢搜獲殲斃悍緝數名而著名之皮道二汕里唐三諸凶均在逃未獲殺人坪打鐵沖黃瓜沖三排仍負固不服中爐炕上蒞源六暗三排仍復抗傳不到藐法情形極為頑悍可惡臣惟民

猺相攻爲害無所底止必須將猺寨民寨歷年凶悍滋事之匪分別拏獲懲辦始足以弭後患而示持平惟猺人負山爲固伺便出擾民人恨之切齒若不先將猺排各匪搜獲懲辦只辦民寨之匪則民人不服然非以兵威則猺人斷不能交匪聽命此時若不早辦以後釀成巨案必致重煩兵力復經遴委候補通判鄭敦善署理綏猺同知就地募土勇五百名隨同林賀峒籌辦並飭將電綫由英德縣展接至連州以速軍報正在布置之際林賀峒適以丁憂離粵現在廣東道員中無可委辦之員茲查有廣西丁憂候補道前南甯府知府何昭

張文襄公全集

卷二十六

奏議二十六

三

然果毅有爲曉暢兵事上年冬間經前撫臣沈秉成派辦慶遠府土族匪徒莫國經等滋事一案擒渠散脅辦理迅速尤見才識查猺排境接廣西事關兩省前經電商前廣西撫臣高崇基札調該道來東督辦連州猺排事宜所有連州連山兩屬文武及三江協弁兵並歸該道何昭然節制以一事權飭卽添募親兵一百名馳往連州連山等處體察情形妥爲辦理並調廣西分防平樂府之副將梁效賢率領部勇一營前赴猺山西面賀縣一帶堵遏以資協助現議辦理之法惟在分別良莠宣諭良猺勿得黨庇助惡其不法猺沖則分路扼要築

卡斷其鹽布木植貿易以困之焚山開路兵勇步步進紮擇其排中腹心之地築礮營數月以後該猺必然窮蹙日當縛獻凶渠一切咸受約束一面嚴飭民寨勒交凶匪將歷年民猺互相劫擄之案澈底清釐其往來猺山構衅滋事之奸民尤須捕獲懲辦以期永息衅端再將築礮留營移官增汛各事宜詳切籌辦以期經久綏安

硃批知道了欽此

張文襄公全集

卷二十六

奏議二十六

三

張文襄公全集卷二十六終

紹興孫家棟校

張文襄公全集卷二十七

奏議二十七

籌設煉鐵廠摺

光緒十五年八月二十六日

竊以今日自強之端首在開闢利源杜絕外耗舉凡武備所資槍礮軍械輪船礮臺火車電纜等項以及民間日用農家工作之所需無一不取資於鐵兩廣地方產鐵素多而廣東鐵質尤良前因洋鐵充斥有礙土鐵經臣疊次奏請開除鐵禁暫免稅釐復奏免爐餉請准任便煽鑄以輕成本而敵侵銷多方以圖無非欲收已失之利還之於民查洋鐵暢銷之故因其向用機器煅鍊

張文襄公全集

卷二十七 奏議二十七

一

精良工省價廉察華民習用之物按其長短大小厚薄預製各種料件如鐵板鐵條鐵片鐵鍼等類凡有所需各適其用若土鐵則工本既重鑄欠精生鐵價值雖輕一經練為熟鐵反形昂貴是以民間競用洋鐵而土鐵遂至滯銷以本省鐵貨出入計之每年洋鐵入廉州者約四五十萬斤入瓊州者百萬斤有奇入省城佛山者約一千餘萬斤入汕頭者約二百餘萬斤內地鐵貨出洋以鍋為大宗其往新嘉坡新舊金山等處由佛山販去者約五十餘萬口由汕頭販去者約三十餘萬口由廉州運往越南者約四萬餘口此外鐵錠運往澳門

等處者每年約五六萬斤鐵錠運往越南者先年約十餘萬斤近因越稅太苛業經停販然此皆粗賤之物凡稍精稍貴之鐵板鋼條則不惟不能外行且皆取資洋產以各省各口鐵貨出入計之查光緒十二年貿易總冊所載各省進口鐵條鐵板鐵片鐵絲生鐵熟鐵鋼料等類共一百一十餘萬擔鐵針一百八十餘萬密力每一密力為一千針合共鐵價針價約值銀二百四十餘萬兩而中國各省之出口者銅鐵錫併計祇一萬四千六百數十擔約值銀一十一萬八千餘兩不及進口二十分之一至十三年貿易總冊洋鐵洋針進口值銀二

張文襄公全集

卷二十七 奏議二十七

二

百一十三萬餘兩十四年貿易總冊洋鐵洋針進口值銀至二百八十餘萬兩而此兩年內竟無出口之鐵則是土鐵之行銷日少再過數年其情形豈可復問臣督同海防善後局司道局員暨熟識洋務之員詳加籌度必須自行設廠購置機器用洋法精煉始足杜外鐵之來惟是廣東近年餉繁費絀安有餘力更為斯舉然失此不圖惟事以銀易鐵日引月長其弊何所底止計惟有先籌官款墊支開辦俟其效成利見商民必然歆羨然後招集商股歸還官本付之商人經理則事可速舉貨必易集大率中國創辦大事必須官倡民辦始克有

成經臣於本年三月間電致出使英國大臣劉瑞芬往
返籌商數月之久茲准劉瑞芬電復現與英國諸塞德
公司鐵廠訂定鑄鐵大爐二座日出生鐵一百頓並煉
熟鐵煉鋼各爐壓板抽條兼製鐵路各機器共價英金
八萬三千五百鎊先匯定銀二萬七千八百三十三鎊
運保費在外機器分五次運粵十四箇月交清等語當
經飭局將定銀鎊價折合銀十三萬一千六百七十兩
零如數先行籌匯訂立合同至於建廠地方擇定於省
城外珠江南岸之鳳凰岡地方水運便利地勢平廣甚
爲相宜俟繪就廠圖寄粵卽當趕緊建造此購辦機器

張文襄公全集

卷二十七 奏議二十七

三

自設鐵廠之擬辦情形也竊惟通商以來凡華民需用
之物外洋莫不仿造窮極精巧充塞土貨彼所需於中
國者向祇絲茶兩種近來外洋皆講求種茶養蠶之法
出洋絲茶漸減愈不足以相敵土貨日少漏溢日多貧
弱之患何所底止近來各省雖間有製造等局然所造
皆係軍火於民間日用之物尙屬闕如臣愚以爲華民
所需外洋之物必應悉行仿造雖不盡斷來源亦可漸
開風氣洋布洋米而外洋鐵最爲大宗在我多出一分
之貨卽少漏一分之財積之日久強弱之勢必有轉移
於無形者是以雖當竭蹶之時亦不得不勉力籌辦至

於開采鐵礦尤須機器西法始能鉤深致遠取精出旺
臣現已分向英德兩國聘募鑛師來粵勘驗以便購機
精采僮物力稍紓尙擬將民間需用各鐵器及煤油火
柴等物悉行自造將來鑄造漸多豈惟粵民是賴尙可
分銷各省一俟機器運到開煉以後辦理情形再當隨
時詳晰具奏

硃批戶部議奏欽此

派員募勇分路緝捕片

光緒十五年八月二十六日

再粵省盜案之多以南海番禺順德三縣爲尤甚前經
派定緝捕船勇雖弋獲不少而地方遼闊河海紛歧現

張文襄公全集

卷二十七 奏議二十七

四

有緝捕兵勇以之追緝搜捕尙可致力若欲防護各路
鄉鎮絕其打單實屬不敷分布臣熟加籌度港澳藪匿
盜匪雖竭力與之籌商誠恐一時猝難就範惟有合力
大舉將劇盜大夥痛加懲創數次一年數月之後匪黨
內劫之謀漸知畏戢各鄉恃有官軍始敢拒其打單之
需索被打單不行無以爲賄串包庇之資一面與英國
外部剴切熟商務令酌改交犯章程驅逐在港匪徒並
商葡國一律協助庶可從容清理現經添募勇船將三
屬分爲六路派令署廣州協副將黃金福充當總辦駐
紮中左路專任南海五斗黃鼎神安番禺鹿步一帶署

督標後營參將補用都司蒙啟森分辦中右路專任南海江浦九江順德江村一帶署水師提標左營遊擊黃增勝分辦西路專任南順交界之西海馬甯一帶本任南澳鎮右營遊擊陳榮輝分辦東路專任順德之陳村番禺之沙灣菱塘一帶署順德協副將鄭潤材分辦南路專任順德縣城附近及容奇挂洲紫泥一帶已革清遠營遊擊莫善喜分辦北路專任南海之三江金利番禺之慕德里一帶除鄭潤材原有船勇外其餘五路各募緝勇五百名每路各撥給中輪小輪各一號拖船扒船各十號配齊礮械如有不敷就近雇用勇糧船租等項均由善後局照章發給又省城地面五方雜處搶竊頻仍現飭總辦保甲局務候補道劉鎮楚添募壯勇三百名分段巡察以靖地方一俟盜風漸息捕務稍鬆再行酌量裁併現嚴定賞罰章程各專責成如能盜息民安著有成效當予從優獎勵儻所分地段仍任盜匪往來不能攔截捕獲定即嚴加參處

硃批該衙門議奏欽此

為鄧安邦請卹并請立傳摺
光緒十五年八月二十八日
竊查已故原任潮州鎮總兵鄧安邦籍隸東莞縣年少貧甚勤力養親有孝友之稱粵東盜起應募為團練勇

長文襄公全集 卷二十七 奏議二十七

五

張文襄公全集 卷二十七 奏議二十七

六

目咸豐四年會匪李文茂黨數萬犯省城北門官軍失利該故鎮時帶團練三百禦賊於小磨盤山戰獨力賊終敗走時前督臣葉名琛於五層樓以遠鏡觀戰見一壯士縱橫盪決所向無前傳見詢姓稱之為鄧勇士撥入廣州協充伍以外委拔補此該故鎮在粵立功知名之始也自時厥後屢隨官軍先後克復順德和平等縣攻破匪巢多處七年英人肇釁攻廣州該故鎮以勇丁五百禦之東郊遇於三寶壩鏖戰勝之是役也尤為粵人所稱迨和議成英人於稠人中見之亦指謂曰此勇將也旋以緝拏土匪會匪海盜積功累擢都司賞戴花翎同治三年髮逆餘孽分竄福建江西等處將窺廣東粵人大震該故鎮隨同前廣東布政使李福泰帶勇堵剿時逆首丁太陽等擁眾數萬踞福建之武平縣閩粵各軍會攻久未克福泰予以五千人馳至遂與方耀吳贊誠等會師連拔之由峰市進攻永定踞匪而丁太陽竄陷詔安該故鎮進紮下饒之分水關賊以大隊如牆而進該故鎮躍馬自以擡槍隊擊之賊不少卻復出馬隊來犯該故鎮令從弟鎮邦抄其右賊驚走遂薄詔安城連戰克之是役也該故鎮屢出奇兵功最著時康逆汪海洋陷鎮平縣聞李福泰駐平遠繞截餉道圍平遠

該故鎮赴援馳兩晝夜抵城下饑疲無糧雜取芋薯食之力戰獲勝賊復以馬隊由校場山後蹂騰上城幾入矣該故鎮戰益急賊始潰退再敗之於大柘降其利首朱興隆掃九嶺茶園等賊連營七座平之又連破安仁老墟賊營十餘座攻破坑口大巢斬其偽酋多名遂破超竹大柘賊巢時道員康國器以閩軍入境該故鎮爲之嚮導戰屢勝降其偽天將譚富會閩粵諸軍收復鎮平縣城廓清花旗餘黨康逆竄江西不利折回關入和平縣城該故鎮追及復竄連平再走和平該故鎮與方耀等威之於白沙洲頭追至下車賊渡河而東該故鎮

張文襄公全集

卷二十七 奏議二十七

七

從之賊疾走三百里陷嘉應州遂會江閩諸軍合圍克復嘉應州城髮逆全股蕩平論功擢遊擊加參將銜並賞給銳勇巴圖魯名號同治六年帶勇隨剿曹冲客匪連戰屢勝事竣陞參將加副將銜又剿捕土匪多起擢副將光緒四年匪徒闖入佛岡廳城該故鎮帶勇會同鄭紹忠剿平之擢記名總兵丁母憂尋丁父憂起復簡放潮州鎮總兵光緒十四年十一月因公來省舊疾舉發遂以不起此該故鎮頻年立功積勞病故之實在事蹟也臣伏查鄧安邦以勇目奮跡行間轉戰本省外省各處克復多城剿平土匪多起大小三百餘戰未嘗敗

劔捕斬劇盜尤不勝數平日躬行節儉而厚於養士遇事推誠故士卒樂於用命所向有功所部弁兵團勇頗多驍悍難馴之徒該故鎮善於駕馭能令各盡其長該故鎮與提督方耀鄭紹忠齊名有粵東三將之稱光緒十年臣來督粵時法越構釁防務方殷該故鎮尙未服闋臣奏委署理廣州副將統率重兵調集團練駐守魚珠築成洋式礮臺七座自創地雷地營軍民輯睦深資捍衛事平後連年講求海防所有籌款咨商閩廠協造兵輪以及添購臺礮船礮查辦沙田辦理匪鄉等事該故鎮贊成之力爲多臨歿之際語不及私所具遺稟惟

張文襄公全集

卷二十七 奏議二十七

八

以綏靖地方爲念實屬一時良將未易多得臣前於奏報該故鎮出缺時曾經聲明俟查明戰功事蹟奏請賜卹在案茲經查明合無仰懇天恩敕部照軍營立功後病故例從優議卹並將該故鎮戰功事蹟宣付國史館立傳俾垂不朽而勵戎行

硃批著照所請該衙門知道欽此

遵旨籌辦鐵路謹陳管見摺

光緒十五年九月初十日

竊臣承准軍機大臣字寄光緒十五年八月初二日奉上諭朕欽奉 慈禧端佑康頤昭豫莊誠壽恭欽獻皇太后懿旨總管海軍事務衙門奏遵議通籌鐵路全局

一摺據稱擬照張之洞條陳由盧溝橋直達漢口現在先從兩頭試辦南由漢口至信陽州北由盧溝至正定府其餘再行次第接辦并臚陳籌款購地各節所奏甚為賅備業據一再籌議規畫周詳即可定計興辦著派李鴻章張之洞會同海軍衙門將一切應行事宜妥籌開辦並派直隸按察使周馥清河道潘駿德隨同辦理以資熟手此事造端闊遠實為自強要圖惟創始之際難免羣疑著直隸湖北河南各督撫剴切出示曉諭紳民毋得阻撓滋事總期內外一心官商合力以成全功而裨至計餘均照所請行將此各諭令知之欽此茲於

張文襄公全集

卷二十七 奏議二十七

九

九月初七日奉准總理海軍事務衙門抄錄原奏咨行到粵竊惟此舉造端宏大乃國家自強之遠謨 聖上不以臣病軀庸材為不肖命與李鴻章同肩此舉艱鉅重任豈敢辭諉惟是開非常之源必當出萬全之計大學云物有本末又云知所先後古今常變理無不賅就今日鐵路一事論之則不外耗為本計利便為末儲材為先興工為後就外洋富強之術統言之則百工之化學機器開采製造為本商賈行銷為末銷土貨敵外貨為先徵稅裕餉為後現經廟堂定議開辦順直豫鄂一道按海軍衙門原奏計程三千餘里計費三千餘萬需款

需鐵均屬極鉅若取資洋債洋鐵則外耗太多且外洋金鎊之價日貴前五年止銀三兩七錢今年漲至四兩五六七錢不等借款鉅則年限遠十年以後更不知漲至幾何矣至洋鐵現亦驟漲若購之他國法人必將執之西新約強思獨攬多滋唇舌設竟專歸一國彼壟斷居奇更不可問是洋款洋鐵兩端皆必致坐受盤剝息外有息耗中有耗臣前奏鐵路之益專為銷土貨開利源塞漏卮起見若因鐵路而先漏巨款似與此舉本意未免相戾至臣前奏原擬各省招股准該公司暫借商款墊辦以資周轉因欲責成該公司承辦不得不略予

張文襄公全集

卷二十七 奏議二十七

十

通融俾其作速興工以免藉口津通賠累堅執推諉且墊辦不過初年所借亦屬有限自向無妨今既經海署確核路長費鉅此斷非該公司所能獨任其遲速盈虧自宜從長另計臣竊審此事推行之序似宜以積款采鐵煉鐵教工四事為先而勘路開工次之試就海署原奏需款三千萬限期十年之數計之若將鄭工新改海防捐例再酌減一二成每年可收一百萬以外至二三百萬洋藥稅釐除戶部指撥外尚有贏餘每年亦可指撥一百萬此兩款每年將及三百萬由戶部提存專儲為鐵路之用若仍不敷竣工稍展一二年似亦無妨款

既有著卽一面急求煉鐵采鐵之方查晉鐵並非不善特由煎煉未精若多購略小機爐分拆轉運到地裝合足可運入晉境尙無須遽造鐵路此節已向外洋詢明平孟鐵出自小范卽可由清河運澤潞鐵出至衛輝卽可由衛河運粵亦產鐵近由臣購定機器設廠鑄煉業經奏明在案由粵至鄂水運可通聞湖北大冶縣向來產鐵該縣近省濱江俟到鄂後當詳晰勘明妥籌采煉之法有此三省之鐵卽可供此幹路之用目前宜卽揀派曾經出洋學生一二十人分赴鐵路各國專習此藝俟兩年回華指授工匠展轉傳習則工作并可無需洋

張文襄公全集

卷二十七 奏議二十七

上

匠多人此時專講采鐵煉鐵俟新鐵之采日旺舊鐵之煉日精彼時積款已足路工已爛再爲定期開工修路兩端並舉一氣作成合計亦不過十年內外查美國每年添造鐵路或一二千里或六七千里足見工料應手並不甚遲至分段辦理一節海署所奏南北並舉之法極爲扼要臣前奏分爲四段辦法不過約略計費之詞似宜分爲南北兩路黃河以北至盧溝爲北路直隸督臣任之黃河以南至漢口爲南路湖廣督臣任之其道里遠近約略相等豫境跨河兩路均宜兼令河南撫臣會同辦理如此則首尾一氣其勘路運料一切便於合

計通算緣南路開造卽宜由漢口直造至河南省城則路成之日商旅立見輻輳若信陽尙非繁盛都會僅造至此運載尙少經費難敷橋道雖多惟黃河一橋最爲鉅費聞外國鐵路遇有大河則以輪船數艘上安鐵軌接渡火車所延不過數刻所省費多且可留此天險以備不虞其出示一節似可從緩俟興工有日再當剴切曉示蓋民間不知鐵路爲何事漢口游民甚多會匪尤眾况山東水災甚廣流民四出此時開辦尙早卽不宜驟爲宣示致令羣民地棍造言煽惑別滋事端臣曾電南北洋大臣暨河南撫臣均以爲然至鐵路利民之端

張文襄公全集

卷二十七 奏議二十七

上

尤莫如差徭一事直隸兩省最苦差累胥吏拉派車驟重價勒索錢糧正銀一兩差銀難至加一兩倍若火車暢行所有官差兵差貢差皆由火車於民間一無所取從此爲北省驛路小民永除鉅累若并將此節剴切曉諭地方自必欣悅其經由之路實在里數若干有無應改應避之處應俟到鄂後詳加考究派委委員密爲相度詳慎辦理如有失業之人亦須豫籌安插總以不致疑累擾民爲主又集股一節竊擬幹路專歸官辦以一事權枝路留待商股以便招徠路成見利商股自然爭趨枝路較短集股較易總之此事儲鐵宜急勘路宜緩

開工宜遲竣工宜速蓋此舉必待全功既竟大利乃彰若款尚未籌鐵尚未備急遽從事枝枝節節而爲之此數年中人但見日日償債處處鳩工未見其利但見其擾設數年中偶有水旱災祲軍國要用必致謠謗繁興中作而輟徒糜巨款致棄前功此尤不可不慮者也誠能量力而舉相時而動此時惟汲汲以開鑛煉鐵爲先務并令各省將中國所需格致算學化學鑛學諸事加意講求則無論鐵路之費多費少效速效遲事事注在養民滴滴歸於中土利源日開漏卮日塞明有強國之效暗有富民之益此則 聖天子創物利用之宏規斷然

張文襄公全集 卷二十七 奏議二十七

三

有利而無弊者也以上各節謹就臣管見所及陳其大略其山西平孟澤路各鐵鑛及道路情形臣當一面委員分投詳勘所有一應事宜臣當隨時籌酌會商辦理除先經山東登萊青道盛宣懷由海軍衙門飭令詢商當經電復轉達海署暨疊次與北洋大臣電商外理合恭摺覆奏伏祈聖鑒 硃批該衙門知道欽此

請於羅定州城建福興專祠并請立傳摺

光緒十五年九

月初十日

竊據督辦廣東欽廉防務雲南提督馮子材呈稱原任

綏遠城將軍福興前因患病開缺回旗調理光緒十二年四月初三日在京厲病故欽奉上諭前任綏遠城將軍福興咸豐同治年間從事戎行轉戰廣東廣西湖南湖北奉天等省迭著戰功歷任都統將軍克勤厥職前因患病開缺茲聞溘逝軫惜殊深加恩著照將軍例賜卹任內一切處分悉予開復應得卹典該衙門察例具奏伊孫筆帖式鐵寶著賞給主事分部行走用示篤念蓋臣至意欽此旋蒙賜祭一壇予謚莊愨仰見 聖主眷顧勛勤褒卹有加哀榮已極特念子材自效力戎旃卽隸該故將軍部下轉戰兩粵湘鄂江南等省竊見該

張文襄公全集 卷二十七 奏議二十七

西

故將軍志慮忠誠謀勇兼裕身經百戰屢受重傷其有功於粵民尤在羅定羅鏡墟一役將積年狂寇聚殲於一隅不致蔓延爲害實屬有裨大局高州羅定兩屬紳民感念功德崇報尙虛謹思彌切子材同屬粵民當時復與其役知之最稔義有不容不爲之陳請者查該故將軍福興滿州正白旗人姓穆爾察氏道光十五年由一品廕生補三等侍衛出任直隸懷安路都司存升參將經前任直隸總督訥爾經額保舉將才升任直隸督標中軍副將咸豐元年蒙 文宗顯皇帝特恩擢授廣東高州鎮總兵來京陛見召見九次赴任高州時值粵

匪披猖逆首凌十八係髮逆洪秀全起事黨魁道光二十九年即在廣西金田地方拜會倡亂與洪秀全等同惡相濟擾及兩省盤踞羅定州屬之羅鏡墟地方前督臣徐廣縉駐軍信宜剿辦經年前後幾及百戰未能得手該故將軍奉派前往攻剿至則簡士卒廣間謀設方略先將附墟礮壘十餘座一律平燬督率諸軍定計合圍進攻羅鏡身先士卒躍馬入陣飛石傷胸墜地絕而復甦督戰益急卒搗其巢賊魁首凶渠悍黨殲除淨盡旋督粵軍剿平廣西鬱林博白兩屬土匪蒙恩賞戴花翎賞給剛安巴圖魯名號補授廣西提督奉命馳往湖

張文襄公全集

卷二十七 奏議二十七

五

南軍營協剿咸豐六年奉旨補授西安將軍幫辦向榮軍務旋奉命赴江西會同曾國藩督辦江西軍務維時東南事亟劇寇縱橫該故將軍提督卒不滿五千軍無見糧以饑疲之眾奔馳大江南北備歷艱險惟以忠義激勵將士摧鋒陷陣屢奏膚功咸豐五年在江南則克復高淳縣城及東壩鎮六年解鎮江之圍七年在江西則解貴溪之圍擊退回犯廣信大股逆匪力遏賊衝八年赴援浙江踏平衢州油柵地方賊營數十座及城外堅壘十二處解衢州之圍身受槍彈重傷懇恩賞假在營調理欽奉寄諭回京當差十年奉旨召見以傷口未

合經軍機大臣代奏蒙恩賞五福拔毒散十一年十一月銷假補授正黃旗漢軍都統同治元年管理神機營事務四年奉旨選帶神機營威遠隊二千名前赴奉天會同故大學士文祥剿辦馬賊督率官軍於中陽堡朝陽坡新河口等處三獲大捷殲斃馬賊無算五年署理盛京將軍派軍分剿馬賊餘黨拏獲匪首馬傻子正法奉省以次肅清奉旨授察哈爾都統旋簡放綏遠城將軍六年以衰病疏請開缺回旗調理該故將軍馭將治軍知人善任拊將領如子弟與士卒同甘苦每能以少擊眾制勝出奇身歿之後家無餘財奄有古名將之風

張文襄公全集

卷二十七 奏議二十七

六

其任高州鎮時整軍經武紀律嚴明羅鏡地屬羅定界接高州凌十八竄踞該墟黨眾幾及萬人屢敗官將兩郡震動該故將軍摧狂寇於方張防狡虜之四逸出奇制勝聚而殲旃俾高州羅定兩屬得免蹂躪紳民父老感頌遺澤馨香俎豆之思久而弗忘以子材向在行間熟悉高羅戰狀兼久隸該故將軍部下審知生平事蹟各省戰功函屬呈請具奏籲懇天恩准於高州府暨羅定州城內建立該故將軍專祠以隆報祀並將生平事蹟宣付史館等情前來臣查已故綏遠城將軍福興忠勇樸誠助庸昭著其剿平羅鏡墟之逆匪凌十八實為

粵逆洪秀全倡亂黨魁粵亂初起洪逆竄踞永安州城亦只一隅之地以攻剿不力該逆竄出湖南遂致流毒海內凌十八竄踞羅鏡負隅抗拒前督臣徐廣縉督剿經年攻之不克該故將軍相機進剿一鼓盪平盡殲醜類恭讀欽定剿平粵匪方略 文宗顯皇帝有掃數殲除深慰朕懷之諭具徵此役戰勝攻取關係至重非僅功在一方前年該故將軍病歿仰蒙寵予易名賞延於世其事功本末久契宸衷既係輿論感頌部將陳情臣未敢壅於上聞相應據情奏明可否仰懇天恩准於高州府羅定州城內由地方捐建已故綏遠城將軍福興張文襄公全集 卷二十七 奏議二十七 七

專祠並將該故將軍生平事蹟宣付國史館以彰蓋績出自逾格鴻慈理合恭摺上陳伏祈聖鑒 硃批著照所請該衙門知道欽此

竊惟瓊州一府孤懸海中逼近越南關鍵中外地方千里黎山廣深榛莽未啟林木茂美鑛產頗多強敵日伺垂涎已久蓋自英得香港以來不惟商務殷繁尤於屯泊修造兵輪爲便泰西各國羣相豔羨於中華洋面諸島莫不欲探得善地爲開設埠頭停頓兵輪之所是瓊島一隅在中國則如石田如贅瘤然令他人據之則全

粵不能一日安枕非惟一國之覬覦實爲列邦所屬目年來測訪洋情參之事勢實已見有端倪仰蒙 聖主明見萬里采侍郎會紀澤之奏以該處情形較臺灣尤爲喫重特頒諭旨令籌經久之計欽服莫名查瓊州離省過遠限隔大洋若非豫爲籌備完固令其可戰可守自固藩籬一旦有事無論水陸赴援斷然無及惟是峒黎叛服不常客匪句煽爲患疾在腹心遑云外侮近年剿撫兼施黎客綏靖獮俗略變利源漸開內患既紓外防宜鞏減勇練兵因地設險亟應以次遞舉臣前年冬間因出巡各海口先至瓊州海口親加相度海灘廣闊

張文襄公全集 卷二十七 奏議二十七 六

敵人巨艦難以駛近然其船礮甚巨足可護其登岸舳板若我之臺礮稍弱則徒受礮而不能擊敵濱海舊有廢礮臺二座修造既未合法地基亦被淹浸當勘得海口城西五里之秀英山土人稱爲水英山地勢最好距敵較近岡阜高廣可以東西兼顧應築臺七座海口城西十里之西場地亦堅實其地亦可登岸應築臺三座每臺各配大礮一尊均二十四生三十五倍口徑長礮始足及遠攻堅海口城後西南之大英山地勢聳出俯瞰海口令城應築臺五座配十五生長礮五尊外洋所爭專重海口埠頭此防敵人萬一登岸屯踞海口有此

巨礮下擊自難立足該山堅實高燥外人久圖侵占民情不願光緒元年至十二年間屢煩筆舌若築有礮臺兼可消患無形其海口城西三里之鹽竈近年建有鎮瓊臺城西一里臨河舊有得勝臺地低沙鬆只可量加修治酌設田雞等礮以資輔助惟瓊州海口形勢海岸平行海灘散漫若敵人用舢板小輪分投伺便登岸更難防遏比年以來熟加諮度惟有沿海堅築礮隄方可有恃今將濱海一帶西自西場起東至牛始舊礮臺止共二十餘里築一堅厚長隄開修礮路通行礮車用以扼擊沿灘入口敵船礮臺遠攻車礮近擊交相爲濟庶

張文襄公全集

卷二十七 奏議二十七

九

可云以守則固惟隄基甚長海港間阻又須多造堅橋工程浩大籌辦不易先後飭委雷瓊道朱采署瓊州鎮總兵李先義履勘復派署北海鎮總兵陶定昇帶同精於測繪之將弁前往覆勘博采眾論酌定辦法兼以需款甚鉅年來多方撙節騰挪始得有所藉手現在派委朱采李先義督辦礮隄工程會同切實估計隄身自西至東長共五千五百五十九丈有奇高八尺厚二丈隄牆高四尺一律堅築平坦通行礮車共配七生半車礮一百零二尊計十七隊操演精熟以備攻擊隄脚遍栽蘆竹波羅茨護隄當潮以期經久所有隄工橋工及隄

牆栽種蘆竹一切需銀七萬餘兩現已刻日興工其臺工俟礮到再行確估趕速修竣安設此勘估與築瓊州海口礮隄礮臺及分配臺礮車礮之情形也廉州北海一口去越甚近敵船自海防來一日可到近接九頭山又爲海盜之窟宅瓊防而外此爲最亟臣前至北海巡視冠頭一嶺最爲扼要嶺之左右數峰相倚遠瞰大洋正對輪船來路前派副將劉幹清監修之礮臺其時海防緊迫倉卒趕辦雖工程尙爲堅實惟地勢低而臺心小不能安設大礮迨東平沙廣漠皆可登岸曾與北海鎮總兵王孝祺商酌廉防不能專恃礮臺必須陸軍礮

張文襄公全集

卷二十七 奏議二十七

三

隊與礮臺相輔爲用始能得力現擬於冠頭嶺天馬嶺石龜尾諸山擇要居高築臺五座配二十四生礮五尊扼擊敵人巨艦廉州平行向可行車其平沙一帶擬練車礮五隊配八生七車礮三十尊用馬駕運以備敵人近岸往來馳驟攻擊及援護礮臺之用此又籌議興築廉州北海礮臺及分配臺礮車礮之情形也計瓊廉礮臺共十五座瓊州沿海卑濕地基不固築臺須加椿石北海冠頭嶺因山爲臺又費開鑿之工是瓊廉臺工皆較尋常工費爲鉅已飭該鎮道俟礮隄築成時接續確估興辦查前次購定各礮係奏明以肇潮兩稅廠新增

節省防費爲買礮專款訂購十五生長礮五十尊除第一批運到五尊外其餘四十五尊臣權劑緩急配撥瓊廉兩防礮力尙嫌其小於上年電致出使德國大臣洪鈞與克虜伯廠改訂二十四生三十五倍口徑長礮二十尊架件全共配擊鐵甲鋼彈六百顆開花鋼彈一千四百顆鋼子母彈四百顆硬鐵彈一千六百顆引火五十枚裝彈炸藥二萬二千啟羅又額外添配小粒藥九百五十啟羅藥筒一百二十六啟羅專爲新式子母彈之用此項礮價除以前議定之價相抵仍動支奏定買礮專款外今改訂大礮核計應加七萬餘兩當於沙

張文襄公全集

卷二十七 奏議二十七

五

田經費項下補足業經籌付半價礮到全清其籌墊之款應於十年專款項下陸續扣還並限定於明年十月全分造齊運粵又訂購七生半車礮一百零二尊有車無鞍三生七車礮三十尊車件配全每礮彈一百顆共價一百四十七萬八千三百五十馬合銀三十七萬餘兩運保費在外現已匯付半價定立合同限十四箇月造齊運粵此項改訂之二十四生長礮二十尊計撥瓊防十尊廉防五尊尙餘五尊留爲省防橫嶺沙角等處之用其潮防汕頭地方前奏明應於口門之澳頭馬仔馬嶼三處添築礮臺安礮十尊其地防禦較緩所訂之

礮今已改撥瓊防應俟潮州新丈沙田經費今年冬底即可收有成數當照案買足布置至新收之白龍尾地方亦爲緊要前遵旨將設官分汛事宜籌定舉辦並奏明應築礮臺四五座以資控扼查該處海港內通欽州防城實爲欽防之門戶臣前此巡視率同提督蔡金章等詳加審度定於近內較高之山建設礮臺五處現將省防撤出之四頓重以上克虜伯鋼礮五尊撥發該處應用委署北海鎮總兵陶定昇前往勘估臺工督同馮子材所部將弁修造大抵外洋性情無時不思進步無事不伏暗者東西兩粵沿海沿邊眈眈無已若我已明

張文襄公全集

卷二十七 奏議二十七

五

有征繕之備則彼自陰消其覬覦之心此臣所以不敢苟幸目前之無事而必汲汲竭蹶以圖之者也所有建築瓊廉海口礮臺礮隄改訂大礮訂購車礮各緣由咨呈海軍衙門暨咨戶兵二部外理合恭摺具陳再瓊廉防務必須礮臺礮隊相輔爲用應行籌辦各事宜分案奏陳曾經臣於光緒十三年十一月奏明在案此次添配臺礮車礮係遵照從前奏案辦理是以未經咨商海軍衙門理合陳明

上諭張之洞奏建築瓊廉海口礮臺以固防局一摺覽奏均悉各省築臺購礮等事均應先期咨商海軍衙門

議定有案方准與修前經該衙門奏准通飭遵照瓊廉防務張之洞前於巡視海口摺內奏明與辦惟係統陳大概情形並未將築臺若干購礮若干先行咨商海軍衙門籌定請旨現在閱時已久始將購礮築臺各節一一陳奏均係動用鉅款率行定議殊屬不合張之洞著傳旨申飭所奏瓊廉等處現辦各事宜均著該衙門議奏欽此

查勘榆林港形勢籌議駐營築臺片

光緒十五年九月二十日

再據署瓊州鎮總兵李先義代理雷瓊道顧元勳署崖州知州唐鏡沅等稟稱本年七月初三日有法國兵輪

張文襄公全集

卷二十七 奏議二十七

三

駛進崖東百里之榆林港沿港量水由港西上岸釘椿四處港口有石椿均用灰塗東西兩岸分插紅白四小旗十七日復來插標十五處有海關巡船遇見等情當電飭瓊關稅司查覆旋據復稱該關名開辦之巡船在榆林港相遇詢其何事據稱到瓊島西南測量水道查瓊州除海口而外皆非通商口岸法船何得入港量水上岸釘椿插標非特顯背條約實屬包藏禍心除飭將各椿標撤毀並照會法領事嚴切禁阻暨電達總理各國事務衙門詰問法使外當即派李先義帶同精於測繪將弁數員乘駕兵輪前往榆林港測量查勘去後茲

據該鎮及各將弁稟稱勘得榆林港兩山環抱水口緊而且深形如葫蘆口門內水深港闊可泊鐵甲大船十餘艘中號兵輪二三十艘各山林木叢雜泉水甚甘周圍十餘里土人及來往舢板皆往取水如海防有事紮水寨爲營形勢之勝不獨爲瓊海他口所無即廣東通省各海島亦所罕觀查瓊州海面七洲洋一帶風浪最惡無可停泊若將此港籌備完密設瓊海有事我之鐵艦與敵艦攻擊之時倘值風暴不使得此可資收泊又有礮臺以爲犄角實爲講求海軍必爭之地等情繪圖貼說稟請核辦前來臣查法人窺伺瓊州已非一日此

張文襄公全集

卷二十七 奏議二十七

三

次在榆林港量水插標狡謀顯露該港水深能泊鐵艦並可取水避風若不幸爲敵所據兵輪中道停泊有所豈惟瓊州一府之憂將南洋各口胥被其害方今環瀛各國眈眈羣伺此港既爲形勢之區牖戶綢繆自應亟圖豫防之計現擬於榆林港口門外東山樂道嶺西山獨田嶺分築礮臺各三座兩岸相距二百餘丈敵船若欲進口中等礮力儘可摧堅若配十五生新式長礮六尊足資扼守惟該港經營必須及早築臺尙可從容現經雷瓊道朱采調派一營前往駐紮令其覆加體察一俟定議即行籌款購礮興工

硃批該衙門議奏欽此

捐建瓊州昭忠祠摺 光緒十五年九月二十日

竊照瓊州黎客各匪踞巢負固糾眾殺掠藁牙蔓衍三十餘年殘害地方為患日亟自光緒十二年八月奏明大舉澈辦剿撫兼施數年以來鉅患克紓庶務畢舉良民安業黎峒樂生在事文武員弁艱苦備嘗陣亡瘡故纍纍不絕計兩次奏卹道員楊玉書總兵易榮華等共三百六十二員其各營兵勇應策案咨部議卹者復有一千數百名之多查瓊州黎峒寒暖不時瘴癘尤毒各該員弁等擣穴擒渠馴生闢土通道安甯建學設墟以

張文襄公全集 卷二十七 奏議二十七

五

及招商伐木墾田開鑛等務靡不踰越險阻窮極幽深出入鋒鏑蒙犯霧露朝病夕故九死一生往往未邀獎敘之恩遽已殞身瘴域乃前者僵踣後者繼進奮發不悔退避毫無跡其矢志報國致命捐軀瘴海忠魂實堪矜憫先後准督辦欽廉防務雲南提督馮子材函咨並據雷州道朱采等稟稱各該員弁等有功於民以死勤事軍民感戴將吏同欽既邀朝廷賜卹之恩應體盛世褒忠之典建祠報祀於禮攸宜竊擬籌捐集款於瓊州府城購地創建昭忠祠合祀此次剿撫黎客瘴故賜卹之三品銜山西候補道楊玉書及一應在事陣亡瘴故

曾經奏卹之員弁兵勇紳團懇請具奏前來合無仰懇天恩俯准列入祀典飭地方官春秋致祭以慰羣情而勵效命

硃批著照所請該部知道欽此

籌定廣西邊防摺 光緒十五年九月二十日

竊維廣西邊防重在鎮南關向時通道往來祇由文淵州一路可入內地雖有別隘封禁甚嚴自和約告成南關通商此外平而水口兩關亦條約載明通商之路歧中有歧防不勝防經臣屢商廣西提督臣蘇元春隨時體察妥籌布置迭據報稱法人在越南地方擬開鐵路

張文襄公全集 卷二十七 奏議二十七

五

由海甯出峒中那陽以達諒山復由文淵扣波至龍州平而關外之白欖村在彼屯貨以便商運從前商販舊路係由文淵進南關至樟村登船路約百里今改此道由文淵扣波緣邊行走至平而關之上登船路亦百里而可繞避鎮南關前各隘且勢據龍州上南關轉居其後無事則轉運商貨行銷廣西雲貴可避各處稅釐有事則轉運兵餉亦極便捷等情臣察法人狡謀避險深懷叵測未可因款議新成稍弛戒備疊與蘇元春往來電商以電音簡略未能曲暢所言該提督擬來東就商邊務經臣電請總理各國事務衙門代奏奉旨允准當

卽恭錄轉電去後茲該提督於七月二十四日到東據稱中外邊地處處接壤揆度形勢必須於平而關增置礮臺以備防守前飭副將楊昌魁駐營該處密切查勘應築臺者四處北岸則平而汛對過之嶺頂並距數里之底隘各築一臺南岸則距汛二里許之平公嶺并巴口隘右嶺各築一臺四處均土山可爲暗臺經該提督親勘洵屬扼要又彬橋先築之各臺亦須修築其平公嶺等處尙須設營應隨時酌量抽調各等情查法人開鑿新路繞出南關其爲力爭上游蓄意深入已可概見自不得不置臺設備以爲之防且鎮南關中路一帶舊

張文襄公全集

卷二十七 奏議二十七

三

日布置之礮尙不敷用亦須酌增數臺以臻完密惟龍州一帶地多山嶺此專爲防敵人之陸路步隊及水路小船不比扼海攻堅無須甚大之礮且由梧州歷灘湖流上至龍州大礮亦難挽運茲經臣與蘇元春籌商共應添新式十二生三十五倍口徑長礮二十尊各配彈一百顆由東省代爲訂購運至龍州由蘇元春酌量布置約須銀十八萬餘兩運保費在外其價由廣東陸續墊付卽在廣西協餉項下分作三年扣還每年扣銀五萬計尙不敷三萬容俟臣抵鄂後竭力籌措於每年實協桂餉之數加解一萬以裨防局運費保險若干再由

協餉續扣查東省每年應解西省協餉十二萬兩近年籌解之數除撥抵各項墊款外大率每年解西現銀均在十萬八萬之間計此後三年內每年仍當實解西餉銀七萬兩西省較前僅歲少銀二三萬兩若將邊防各勇暫裁一營卽可省出二萬餘金減隨時可添之勇置經久有用之礮實爲籌邊至計臣復囑該提督前往虎門等處閱看所有礮臺工程式樣及布置情形以便仿照辦理該提督閱看後卽於八月十六日起程由梧州水道回防合併陳明

硃批該衙門議奏欽此

張文襄公全集

卷二十七 奏議二十七

三

裁革州縣規費各項加給公費津貼摺

光緒十五年十月十日

竊惟察吏之本首在清廉爲政之方貴乎平恕從古未有不恤民而能言治者亦未有不恤吏而能恤民者廣東仕宦素有豐廩之名其實州縣優缺本屬無多自同治六七兩年裁減各州縣米羨每年計銀三十餘萬兩進款頓少而司庫派解之捐攤各款道府之節壽陋規各上司衙門之水禮門包辦差雜費一切如故州縣計無復之若非飢法鸞獄卽是虧欠庫款大率大缺則擾累無底小缺則窮困無聊強黠者則以貪墨敗檢名玷

摺紳庸闇者則以虧空獲罪全家流落苟非操行十分耿介罕有能自全者其中豈必盡甘暴棄一經絀累不克自拔為人材計亦甚可惜夫上司誅求無厭而責屬員之貪黷是謂無理上下互相挾制互相徇隱聽其虧帑虐民是謂無政其究仍歸於國計民生交受其害而已臣前在山西巡撫任內奏明將通省陋規全裁改給公費并將各屬攤捐全行籌免籌款抵補各屬稱便光緒十年來粵後即考知此間積弊徒以海防虧累以及各國交涉事體急迫紛紜加以水災匪鄉籌餉善後等事統籌兼顧物力日力皆有不給且積重已久非

張文襄公全集 卷二十七 奏議二十七

完

澈底查清亦難輕舉惟有先於省城端其本源示之表率除臣實署兩衙門所有饋遺雜費於到任日即已一律禁絕外司道衙門亦經嚴行戒禁於屬吏之或優或劣隨事示以勸懲自高崇基為藩司于蔭霖為臬司相助為理力懲貪風習為儉約粵省風氣為之一變省外屬吏頗不乏聞風興感者隨於光緒十三年為瓊州道府籌足公費將陋規一律裁禁上年秋冬間臣再兼撫篆責任較專當飭藩司將各屬公私出入各款逐一詳查竭數月之力始得一呈露茲經臣督同兩司悉心籌議必欲為廣東州縣永除鉅累廣東吏治清其本源

一規禮宜革一捐攤宜裁一辦差浮費宜省一例差宜少派一道府公費宜籌發一州縣苦缺宜津貼查陋規一項相沿已久本非道府所樂為特以辦公無資不免襲常蹈故謹飭者聽其自然量從寬簡鄙俗者斤斤計較表率難言其名目亦甚猥雜如節壽到任禮季規月費油米柴炭客案修金盤查倉庫費秋審費到任水禮過山禮乾脩修署門包共十四款或此有彼無或大同小異應即一律禁革不准別立名目需索巧取其有必不能省之公務供支各款雖難全無應照先時裁減一半又查捐攤一項乃本省需用而不能開銷者於是派

張文襄公全集 卷二十七 奏議二十七

手

之府廳州縣此百餘年各省相沿之痼習大缺在二千金內外小缺亦在二百金內外屬吏之力既不能堪於是百計宕欠其應解司庫者或始終懸欠任扣養廉或設法抵兌利歸胥吏其歷任流攤者久成虛濫徒於交代案內多費筆墨延誤例限計藩司衙門凡十二款曰香蠟差費高錫差費小書工食憲書三成綏搖廳練勇經費稽查口糧餉差盤費清查無著擬款報資塘兵餉不敷火藥價草鳥船經費臬司衙門凡三款曰驛傳房紙劄飯食傳供飯食司監加增藥餌以上各款概行裁免其有向需支發之項約歲需銀二萬餘兩由司局另

籌開款動支抵補以後道府廳州縣各員養廉除自行稟請留抵部款外均發現銀不准扣抵至捐解道府衙門各款除向係實解公用者其所解多寡之數各仍其舊凡無名之款或有捐無解之虛款及流攤數目一概全裁亦不准再將新款稟請起攤其學政歲科兩試考棚經費往來夫船勿爲州縣藉詞虧累之端除棚規本屬各省通行多年舊章自應循舊辦理此外考棚辦差雜費爲數實繁學臣樊恭煦持廉恤吏深知治體與臣會商酌定一律裁減三成並令司局道府不得將候委人員無故多委例差以省擾累此分別禁革規禮裁免

張文襄公全集

卷二十七 奏議二十七

三

恤吏戒貪之用似屬相宜此籌給公費津貼之辦法也似此分別釐正積弊一清道府既充然有餘州縣亦脫然無累有餘則有以正色率下無累則可以勉爲循良倘道府仍巧取於下牧令仍轉剝於民以及侵挪錢糧甘受賄賂兩司不難詳參道府不難稟揭從嚴懲處亦復何辭從此官無重累民無虐政庫無虧款廣東吏治民生可日臻上理矣

殊批該部知道欽此

核定州縣錢糧表目片

光緒十五年十月十二日

再州縣徵收錢糧例應隨時報解乃廣東省各屬習成

張文襄公全集

卷二十七 奏議二十七

三

疲玩每屆奏銷遲逾六七箇月始行造辦已歷多年不肖之員藉此挪移延不報解其廉謹者亦復視爲泛常虧短之弊因之而起殊不思報解遲延在各州縣非不暫覺從容惟縱弛既慣積成虧空日後必深受其累皆寬縱之上司有以誤之也欲除此弊惟有嚴核徵存早催報解臣前兼署巡撫時即仿照鹽務辦法督同藩司通飭各屬勒限徵解嚴定功過自光緒十二年爲始每屆奏銷趨早一箇月辦理以期規復舊制經於上年會同前撫臣吳大澂附片奏明在案臣猶恐各牧令狃於積習藩司眩於紛繁待至事後參追於庫帑仍無實濟

必得一簡明格式豫籌早催然後上有所稽下有所守
及再兼撫篆因復詳加考核定一格式名爲各州縣錢
糧新舊徵解完欠表共兩葉其前一葉爲表目將該處
額徵額解正雜錢糧銀米等項數目逐款明晰填注次
一葉爲每月完欠表將此月徵收某項若干報解若干
坐支若干尙欠若干據實填注兩葉黏訂相連均於月
底截數限次月初三日稟繳督撫司道及本管府州查
核不准遺漏各上司將每一州縣按月所報接續訂成
一冊儻有徵存未解或徵多報少上司即可隨時指款
嚴提如有不按月造報卽予撤任停委如此辦理目前

張文襄公全集 卷二十七 奏議二十七

三

雖有不便通融之苦日後自有脫然無累之樂新章既
嚴其一切浮費應酌亦可藉以拒絕豈獨庫款無虧吏
治亦必有起色既經通飭照辦去後各州縣知臣於嚴
核之中寓以矜全尙能奮勉趕解本年應辦十四年奏
銷業已趨早兩箇月於八月內辦竣具題以後藩司如
果遵照程式認真考核隨時督催再過一年則廣東奏
銷卽可復舊章例限虧空亦當漸稀所以裨益庫款保
全州縣者實屬不少

硃批戶部知道欽此

張文襄公全集卷二十七終

紹興孫家棟校

張文襄公全集卷二十八

奏議二十八

進呈粵海圖說摺 光緒十五年十月十二日

竊臣前經承准總理各國事務衙門來電奉旨著將沿
海各口地形繪圖貼說並將某營現紮某口兵勇若干
何人管帶有無礮臺分別詳細注寫以備考證等因欽
此嗣准咨同前由合遵奉諭旨督飭所司繪刊簡明圖
說毋漏毋枝進呈乙覽並咨送軍機處及總署各一分
以備稽核等因當經分別恭錄咨行欽遵辦理在案查
廣東爲南洋首衝近連港澳遠控越南沿海各口迴環

張文襄公全集 卷二十八 奏議二十八

一

廣袤四千餘里內河外海暗礁明島叢雜林立必欲測
繪精密考核詳明斷非旦夕所能集事當於光緒十二
年設立海圖館派委戶部主事趙濱彥廣西候補道方
長華等督飭通曉算法輿地之學生員弁等分赴各海
口疊次履勘詳確測繪派候選道蔡錫勇在館總司其
事區分廣州省防湖防廉防瓊防爲四路約舉極衝次
衝又次衝爲三等就各路所繪草圖所錄條記覆加匯
合繪爲總圖分圖詳爲之說所有經費支銷各款均已
分晰奏咨立案各該員生等出入風濤無間寒暑候潮
汐測沙礁辨島嶼凡輪帆可達之處戰守緩急之宜靡

不周歷審視反覆推求兼以勇營調撥不常礮臺逐漸增築均須隨時添募改訂自光緒十二年正月開辦起截至十三年七月歲事臣於是年冬間乘輪巡海隨帶測繪員生親歷四路復就所繪各圖詳加核正裁定義例令內閣中書楊銳刪除繁蕪鈎提綱要定爲圖說一卷大要以當務切用爲主故畧於前事詳於近事畧於山川詳於阨塞凡圖中極衝次衝又次衝均爲之說若輪船所不到守備所不及之處皆從其畧共爲總圖五廣東全省海口總圖一四路海口總圖一分圖九中路廣州市防分圖六東路湖防西路廉防南路瓊防分圖

張文襄公全集

卷二十八

奏議二十八

二

各一圖說一本裝潢成帙恭呈御覽

硃批知道了圖留覽欽此

辦理水陸師學堂情形摺

光緒十五年十月十八日

竊臣於光緒十三年六月會同撫臣吳大澂奏請水陸師學堂籌建堂舍酌定課程並調熟習大員總辦專摺奏陳在案當於黃浦長洲地方舊日博學館原有房屋甄選學生調派教習暨各委員購買書籍儀器先行開辦一面卽就左近勘購田地四十七畝有奇價銀四千五百九十二兩就地建造新學堂一座計正中一路前後五院內有樓者三院以作講堂及委員教習住房左

右兩路前後各四院均屬上下樓房以作學生住房後院小房平列者三院以爲廚竈茶房浴房暨丁役住房凡爲院一十有六爲房一百八十有六而每院之左右廂廊正中路亭之屬不計焉堂外別建機器廠一座鑄鐵廠一座附廠煙囪一座儲料所打鐵廠匠丁住房大小共七間又建操廠一座操場一區演武廳一座帥臺一座操場水溝三道前後圍牆一周堂前石隄一帶洋木馬頭一座共支工料銀五萬九千二百餘兩較之原奏估銀六萬兩之數尙屬有減無增各項工程業已次第完竣工料均屬堅實規模亦頗壯闊計機器廠內應

張文襄公全集

卷二十八

奏議二十八

三

設十二匹馬力汽機鍋爐全座並大小鍛鐵床鑽鐵機削鐵床剪鐵機一十七架暨手用器具銅鐵鋼料約共英金二千五百鎊此項機器亦已由英購致此學堂購地鳩工大畧情形也其學生係於博學館原有七十餘名派令分習駕駛管輪諸學比年歷經考察其器識資質體氣之不如式者陸續剔退十有餘名現存三十八名十四年五月由天津調致會充行伍膽力素優之武職員弁二十名經派令專習陸師諸學十五年八月復由福建船政後學堂調致曾經在堂三四年之水師學生三十七名以其在閩原屬分習駕駛管輪而入堂

先後不等察其造詣深淺或另列一班或量與博學館舊生分別併班入堂受課本年九月又由天津招致曾經讀書能文幼童二十名以其初入學堂權令學習英文算學以爲初基將來酌配水師陸師仍專一藝此連年先後入堂學生分派學習大畧情形也博學館舊有房舍無多委員教習暨各學生皆併屋而居講堂亦不敷分布現在新堂既成自應分別居住新堂大倍舊堂卽以分居駕駛管輪兩項學生而以舊堂專居陸師學生其委員教習亦各視所職分配兩堂俾約束教導咸有專責兩堂經費原奏每月約需銀五千兩查當時係

張文襄公全集

卷二十八

奏議二十八

四

籌先行開辦駕駛陸師兩項其管輪一項因經費最鉅但籌兼習之法是以水師陸師學生各祇額設七十名今則管輪駕駛陸師三項同時並舉管輪亦額設學生七十名共額設二百一十名又增建管輪機器廠一座廠內匠丁料件一一有費則按月所需自較原估增鉅而自開辦以來臣督飭在堂各員凡百力求撙節現在按月所支華洋教習委員薪費學生膏火茶飯丁役工食暨各項雜費率皆不過三千兩左右以此逆計將來學生招足二百一十名之額並添派教習除練船經費及堂內隨時值有添置大宗儀器書籍文具畫具仍照

章另案領款造銷外兩堂每月常川用費度仍不越五千餘金實屬初估意願之所不及此新舊兩堂分別布置及堂內按月常川經費大畧情形也至於水師學生所需練船擬卽以廣甲輪船充用委派儘先副將劉恩榮爲練船總管船政學生拔補千總陳璧光爲練船副總管船內應設練船正洋教習一員槍礮洋教習一員帆纜洋教習一員均已電致使英大臣劉瑞芬代爲募訂其該船應行分配器具修改帆桅艙位學生應帶上船之儀器書籍號衣帽靴之屬均經分別製辦查水師之有練船所以與學堂相輔而行學生在堂既備習水

張文襄公全集

卷二十八

奏議二十八

五

師諸學之理派登練船乃以使卽平時在堂所學者一徵諸實踐以備嫻其法此次設立練船擬以三年爲限三年之中擬分六次出洋俾周歷中國沿海口岸島澳及附近南洋東洋各國口岸從前閩廠練船全年薪糧雜費約共支銀六萬餘兩此次所擬練船員弁名額薪糧之可得而計者每月約共支銀二千六百餘兩其煤炭引水華洋紙筆隨時添置一切雜費無從懸揣應令總管練船官撙節動支核實造銷然約計一歲薪糧雜費兩項所需大約當四萬兩左右較諸閩廠練船成案歲可省銀約二萬兩而一切規模仍臻全備此籌辦

練船並約估練船經費大略情形也查學堂開辦以來已逾二年有奇駕駛頭班學生一十四名在堂應授諸學業已次第畢業年內可以派登練船其陸師頭班學生十九名亦已學成堪以派赴各營供差在事各員不無微勞足錄學生之歷考優等者亦不乏堪期造就之材查從先天津武備學堂水師學堂著有成效先後經北洋大臣李鴻章奏請將在事出力之委員教習暨優等學生援照總理衙門同文館成案二年奏保一次奉旨著照所請該衙門知道欽此經吏部核奏以查所保既據奏准有案應照異常勞績給獎嗣後二年保獎一

張文襄公全集

卷二十八

奏議二十八

六

次即以現在所保人數爲定額再此次事屬初始是以按異常勞績給獎下屆二年期滿保獎擬請照尋常勞績核辦以示區別等因具奏奉旨依議欽此欽遵在案現在廣東創設水陸師學堂已逾二年著有成效與天津水師武備兩堂事同一律合無仰懇天恩俯准將在堂出力之委員教習暨優等學生照北洋成案初次按異常勞績保獎俾在事者益奮勉以圖功願學者更聞風而興起如蒙俞允當由新任督撫臣擇尤奏請獎勵嗣後每屆二年期滿仍照尋常勞績保獎至天津武備水師兩堂係屬分案保獎員額自爲較少現在粵堂係

水師陸師併案請獎堂內委員教習暨各班學生額均較多將來應獎員額自必倍於津堂一案所獎之數俾免或抱向隅

殊批著照所請該衙門知道欽此

增設洋務五學片

光緒十五年十月十八日

再近來萬國輻湊風氣日開其溺於西人之說喜新攻異者固當深戒然其確有實用者亦不能不旁收博采以濟時需查西學門類繁多除算學幾多兼通外有礦學化學電學植物學公法學五種皆足以資自強而裨交涉查外國以開礦爲富國首務以中國地產至蕃而

張文襄公全集

卷二十八

奏議二十八

七

銅鐵鉛煤之屬多從洋購其招商開鑛者擇之不精取之不盡理之又不得其人往往虧本無效視爲畏途將來鐵路創興用鐵益廣輪船日富用煤益多縱一時未能遠銷外國總當使中國之材足供中國之用此鑛學宜講也提煉五金精造軍火制作百貨皆由化學而出今各省開局製造之事甚繁而物料之涉於化學不能自製自修者仍必取資外洋且不通其理則必不盡其用此化學宜講也電之爲用若電綫電燈電發雷礮之屬最裨軍政今各省用電之事甚多而生電之機發電之氣製電之藥亦皆仰給外洋此電學宜講也聖人教

民樹藝後世抑為農家西人竊其緒餘而推闡之遂立植物一學析其物類性質辨其水土宜忌勒為成書天時之窮濟以人力人力之窮輔以機器於是國無棄地地無遺力農桑為生民之本業方今生齒日多災沴時有豈可不亟為經營此植物之學宜講也泰西各國以邦交而立公法獨與中國交涉恆以意要挾舍公法而不用中國亦乏深諳公法能據之以爭者又凡華民至外洋者彼得以其國之律按之而洋人至中土者我不得以中國之法繩之積久成憤終滋事端夫中外之律用意各殊中國案件命盜為先而財產次之泰西立國

張文襄公全集

卷二十八 奏議二十八

八

畸重商務故其律法於凡涉財產之事論辯獨詳及其按律科罪五刑之用輕重之等彼此亦或異施誠宜申明中國律條參以泰西公法稽其異同輕重衷諸情理至當著為通商律例商之各國頒示中外如有交涉事出無論華民及各國之人在中土者咸以此律為斷庶臨事有所依據不致偏枯顧欲為斯舉非得深諳中外律法之人不可此公法之學宜講也凡此數端皆為有益自疆之務今粵省既設水陸師學堂以儲武備人材則此數種學藝亦應及時講習以期相輔而行臣已電致出使英國大臣劉瑞芬分別募致鑛學化學電學植

物學公法學五種洋教習各一員來粵教授水陸師學堂屋宇寬敞應即令新立五學附設其中此項學生擬各以三十名為額五項共額設一百五十名惟鑛學公法兩項人員在其國皆食優俸募作教習薪費必倍尋常凡習公法者於精通該國語文以後尚須兼習希臘臘丁二國語文則此項學生未便以新招者當之以致糜費多而收效遲現由閩廠酌調已通英國語文及各項算學之上等學生五六十名更就上海廣方言館及廣東同文館考校錄取以充斯選可期事半功倍除應行拓建堂舍購置各項書籍儀器畫具文具藥料之屬

張文襄公全集

卷二十八 奏議二十八

九

暨按月所需經費悉由總辦水陸師學堂道員吳仲翔等分別籌計另案咨部外所有增設洋務五學情形謹附片具陳伏祈聖鑒
硃批該衙門知道欽此

續造兵輪片

光緒十五年十月十八日

再廣東船局製成廣戊兵輪一艘業於光緒十三年十一月間附片奏明在案十四年四月間廣己一艘亦經完竣試洋察看船身機器即駛行速率均屬及格與廣戊大略相同經臣先後遴員管帶分駐巡防嗣因惠潮高廉一帶海面尚在需輪而該局歲修各船工作多暇

曠廢可惜所有委員工匠等必須日有所事庶可講求精純當飭接續起製鐵脅鋼般鋼壳雙桅兵輪經總辦船局分省補用道王葆辰幫辦廣東試用知府熊方柏遴選船局差遣軍功黃福華繪具圖說飭令承造計船長英尺一百五十尺寬二十三尺喫水極深十尺配康邦新式卧機馬力五百匹船前耳臺擬安十二生礮兩尊船後擬安十一生礮一尊中桅上擬安五管荷乞開士聯珠礮一尊以能出大洋為度每半時約行三十三中里礮價在外估計全船工料銀五萬七千餘兩擬共造兩艘一名廣金備欽州海面常川巡防之用一名廣

張文襄公全集 卷二十八 奏議二十八 十

玉備瓊州海面常川巡防之用廣金於本年六月間開造茲於本月安上鐵板龍骨限明年春間一律工竣試洋一面添調閩廠出洋藝成學生候選知縣鄭成候選縣丞曾宗瀛兩員到工常川測量較定以臻精密臣查粵廠船工不比他省鉅廠所籌者零星之捐款所用者士著之工匠銳意發端冥思創造只如椎輪大輅小試其端今由木壳漸製鐵壳由淺水漸駛大海風氣可望日開該局總辦王葆辰熊方柏等精勤詳實熟習竅要考求督察不憚煩勞洵屬殫心出力有裨實用所需經費仍係照案外籌捐辦應請敕部查照奏准戊己兩艘

成案免其造冊報銷至閩廠協造各艘節次准船政大臣裴蔭森電咨廣庚一艘已於本月上旬造竣經臣遴委都司張斌酌帶舵手人等赴閩接帶日內即可回粵派撥巡洋其廣乙一艘業經下水年底亦可竣工硃批該衙門知道欽此

請錄用姚觀元摺 光緒十五年十月十八日

竊臣欽奉本年三月十六日恭上 慈禧端佑康頤昭豫莊誠壽恭欽獻皇太后徽號恩詔應行事宜內開自同治元年以來曾經任用現已革職官員若有事係冤枉被革果有才力堪用者在京聽該衙門在外聽該督

張文襄公全集 卷二十八 奏議二十八 十一

撫查明詳開緣由奏明請旨等因欽此欽遵仰見 聖主行慶推恩甄錄廢棄愛惜人才之至意茲查有已革廣東布政使姚觀元前經大學士閻敬銘在戶部尚書任內奏參監司大員前戶部司官聲名貪劣羣議沸騰請予罷斥奉旨廣東布政使姚觀元湖北荊宜施道董雋翰湖北候補道楊鴻典均著革職即行回籍等因欽此查該革員以戶部郎中蒙恩簡授川東道初膺外任卽有政聲時臣視學四川按試所至深知該革員操守廉謹從不向所屬府縣苛索陋規眾論皆同臣甚器其為人洎升任湖北按察使到鄂未久卽署理湖北藩司

綜核名實獎廉懲貪為前督撫臣所倚任迨擢粵藩該
革員感激恩遇益加奮勉開辦沙田升科事宜整頓通
省釐務條理精密均有成效可紀治事之暇時以刊刻
經籍培植士類為務故所在常存去後之思該革員歷
仕三省臣考之輿論按之所見所聞實未見有貪劣之
蹟推求其故緣同治年間戶部司官不免多招物議外
人徒見該員同係部中出色屢當要差之員遂致一例
譏彈不加詳考區別閣敬銘嫉惡素嚴其再入都門離
京已久曹司近事自難詳知不過采諸人言遂致彙登
白簡跡其所為委無病國妨民之實蹟該革員現在僑

張文襄公全集

卷二十八 奏議二十八

三

寓江蘇省城精力甚為強健並無厚產鉅資果係貪劣
之員久任農部歷縮藩條不應如此綜其操守謹飭才
幹優長練習度支博通掌故實為今日切實有用之才
若任令廢棄實為可惜似當期以後效俾其效用國家
相應奏明請旨可否量加錄用之處恭候聖裁臣現在
奉命會辦鐵路事宜造端閎遠雖舉事不求速效而論
功期在必成所有采鐵煉鐵勘路等事均須預為布置
鄂省現患水災民情浮動尤須熟習情形之大員贊畫
一切微臣始得有所藉手該革員如蒙俞允起用可否
仰懇天恩將該革員發往湖北交臣差遣委用以收指

臂之助出自逾格鴻慈謹恭摺具陳伏祈聖鑒訓示
旨留中欽此

密薦人才片 光緒十五年十月十八日

再為治以得人為要臣嶺表五年考察僚屬聽言觀行
或敏於才或篤於守隨宜器使尚不乏人惟求其才識
俱卓為守兼優足以儲為大用者僅得二員為廣東雷
瓊道朱采署潮州府知府羅定直隸州知州曾紀渠查
朱采曾任山西汾州府操行廉正卓著循聲蒙恩簡授
雷瓊道該員到任之始黎客甫靖伏莽未清督率勇營
勦平五弓七弓等處匪徒全瓊肅清籌辦善後凡撫黎

張文襄公全集

卷二十八 奏議二十八

三

通道治盜遣勇建學設墟招商開鑛伐木墾田諸務為
人所不肯為不能為者該員苦心經營次第畢舉現在
嶺門凡陽南豐一帶黎峒新開之路牛車暢行墟市數
十處煙火相接耕鑿日盛商賈懋遷黎歧嚮化無劫掠
之案有弦誦之聲近復裁勇練兵籌築海口礮隄礮臺
盡屬戶綱繆之計杜強鄰窺伺之謀其才守風力洵足
獨當一面羅定州知州曾紀渠前任連州知州即有惠
政曾經光祿寺卿馮爾昌保薦人才奉旨交軍機處存
記臣審知其人於該員到粵後即委辦緝務非種必鋤
不畏疆禦歷任南雄羅定兩州均屬頌聲載道遠近流

傳現署潮州府事潮州號稱難治從前匪鄉近復萌動時有械鬪之案強紳倚勢官吏無權該員到任以來整肅紀綱杜絕請託所屬要案皆親提審訊判斷明決抑強扶弱剔弊除奸今夏潮屬大水嘉應直隸州水灾尤重該員不分畛域竭力代籌多方賑濟境內境外民無流亡該員年壯氣盛往往面折人非而整頓地方駕馭紳士復能通達權變操縱咸宜肆應之才剛果之操兼而有之時事多艱人材難得該二員志趣器幹迥異俗吏之所為皆係實蹟昭著若蒙聖明破格擢用假以事權必能展其才猷有裨大局敢信其決不至蹈庸鄙因循之譏臣為時局需才起見謹附片密陳以備朝廷采擇

張文襄公全集

卷二十八

奏議二十八

五

硃批朱采會紀渠均著交軍機處存記欽此

密薦將才片

光緒十五年十月十八日

再署理廣西柳慶鎮總兵慶遠協副將記名總兵董履高智勇深沉勤卓著同治元年投効准軍克復常熟昭文兩縣首先登城以六品軍功奏保守備管帶江蘇撫標親兵中營疊復江陰無錫金匱等縣城勦平東西捻匪均與其役洊保總兵光緒五年前督臣張樹聲任廣西巡撫奏調差委勦平思恩謀逆匪首莫夢弼全股

十年奉調出關統帶五營適當邊軍潰退強寇方張該總兵遏紮前敵屯梅法人大股來犯以孤軍血戰五晝夜糧盡援絕士卒夷傷大半該總兵左股亦為槍彈擊斷法遂攻谷松陷諒山直叩南關臣於保關克諒摺內會將情形奏明在案當時軍中不乏驍將設令調度得宜使為該總兵後繼強敵當不致鴟張若此該總兵傷重經年未愈經臣調東醫治為之多訪良醫內外兼治始就痊可左足猶有微跛奏署柳慶鎮總兵經畫改撥營汛事宜井井有條軍民翕服該總兵厚重有體可任大事在將領中尤為難得以該員之忠勇苦戰眾論交推以後如蒙聖恩優加拔擢邊關將士必更當觀感奮興似與邊防武備不無裨益臣歷年與聞邊防備知戰狀今將去粵不敢不詳切瀝陳可否存記以備簡用之處伏候聖裁

張文襄公全集

卷二十八

奏議二十八

五

硃批董履高已簡放廣西左江鎮矣欽此

參革劣紳摺

光緒十五年十月十八日

竊粵省沙田向為豪紳利藪每一沙一圍之中必舉有力者為之首事倡立名目藉為把持計通省沙田以香山東莞順德為最多而此等風氣亦惟該三縣為最甚光緒十二年間順德縣大南沙一案何太英等恃勢勒

賄庇匪藐法經臣據實奏參仰蒙聖明懲辦在案查東莞沙田以萬頃沙一圍爲大宗計田三百數十頃該縣紳士倡立明倫堂名目築圍收租其中有官築屯田該紳等承佃繳租者亦有官屯變價該紳等繳價承領者又有向爲民業該紳等出價買受者甚至恃勢抑價強買佔耕者亦復有之亦有民間田畝投託該紳等代爲出名使佃戶不敢違抗他人不敢與爭統名之曰明倫堂沙田而其實並非一致必舉三五劣紳素能魚肉鄉里人所畏懼者管理其事該紳等從中侵蝕無所不爲假一縣學校之名以挾制官長恐喝鄉黨而其中不過

張文襄公全集

卷二十八

奏議二十八

六

三數紳士藉以爲漁利之資此等情形即粵人亦所深悉臣蒞任以來亦有所聞徒以事未發覺姑示含容不爲已甚此萬頃沙田豪紳假名漁利之實在情形也嗣本年夏間疊據沙田局稟稱東莞明倫堂紳局承種之萬頃沙圍中共計三百餘頃內有田一百三十餘頃乃係官變價該紳等承領三十餘年應繳屯價花息一十八萬餘兩僅繳過銀三萬兩其餘所欠甚鉅延不繳完稟請嚴催當經臣飭催速繳該紳等置若罔聞其意視官之催迫爲具文以已之延欠爲本分臣因該紳等所欠官項計銀十四萬兩有餘尙有承領博學館生息銀

八萬兩又有承佃官田歷年積欠督糧道屯租銀一萬九千餘兩合計共銀二十六萬餘兩一時斷未能繳完徒事追呼難期清繳明倫堂紳局又向爲人所畏忌其田恐無他人敢承查省城廣雅書院尙有臣籌捐發商生息銀十餘萬兩當經批令該紳等將田一百三十餘頃繳出歸入廣雅書院其所欠之銀十四萬兩有零即由廣雅書院代還此項屯田變價本係官田該紳等承領三十餘年收租已屬不少乃至今並未繳價即論民間買賣田業多年總不交價豈能將田土據爲己物亦只有田主收回另售他主此時由官收回官田免其繳

張文襄公全集

卷二十八

奏議二十八

七

價由廣雅書院代還既非將其私置田產罰以充公又非勸令捐助辦理可謂和平該紳等初以爲延欠官租田價官必無可如何聞臣決意澈辦乃與分局委員相商倒填年月分批繳銀四萬兩以爲藉口之計至其餘之十萬餘兩及所欠屯租仍無影響此該紳等之延欠租項舞弊朦混之實在情形也臣伏查沙田清丈給照升科係奉諭旨飭辦屢准戶部咨催斷不容稍有延欠至此項屯田本係官物尤非沙田民業可比當經臣飭委奏調廣西知府石承霖前往會同署東莞縣知縣張璿切實開導乃該紳視地方官爲無重輕抗匿不面該

縣等傳佃繳契該紳等喊令佃戶概行逃匿又復捏造長紅標貼稱此爲一邑之義舉其勢直不容官爲過問經臣札飭東莞縣知縣將管理明倫堂紳士指名詳參該紳等始稱來省商辦臣因該紳等既來省城飭令沙田局委員署南海縣知縣王存善會同署東莞縣知縣張璿傳集該紳等勸諭該紳等仍行抗匿轉託他紳面見該縣等商辦該縣等令將田一百三十餘頃繳出該紳等乃云歷年所費築圍工本計銀數十萬兩查粵省沙田向章其始批給佃戶承租議定或五年或十年承耕而不收租項謂之荒頭其田應築之圍即由佃戶出資如需費過鉅亦係按年扣租田主無須費本此等章程通省皆知該紳等承領三十餘年現在已成上熟之田豈有荒頭尙未滿限之理亦何曾出過築圍工本亦不過藉此爲辭意在刁難臣復令東莞縣知縣諭飭該紳僅令收回未經繳價之八十餘頃其限外倒填年月所繳之四萬本應發還亦姑從寬作爲限內所繳不再令繳屯田並令酌給築工本銀四萬兩以示體恤又令易佃卽令明倫堂紳局作爲控田俾其繳租之外仍可冀沾餘利似此辦理實屬格外從寬從厚乃該紳等始猶不遵繼則口云遵辦而又求加築圍工本並云官給

張文襄公全集

卷二十八

奏議二十八

六

之築圍工本四萬兩不能將所欠之屯租及承領之博學館生息銀兩扣抵查積年所欠屯本係應完之項除扣博學館之項更可免交息銀該紳等不肯扣除其爲有意欲延欠兩款銀兩不問可知似此佔耕官田始終違抗實屬大干法紀且該縣區區一紳局已坐享膏腴二百餘頃之厚利而此八十餘頃尙欲全數霸吞而不肯撥歸書院使兩省士林稍爲沾溉不惟國憲難容且亦非人情所有尤可異者臣飭署南海縣知縣王存善會同勸諭原因該縣本係沙田局委員又係管理廣雅書院委員並非局外之人於本分公事分應秉公竭力籌辦乃該紳恨該縣語言切實竟敢昌言於眾謂臣如奏參諸人臣雖調任湖廣該紳等必入京設法屬人將王存善參劾藉圖報復又託人告之臬司謂必與王存善尋讐洩忿意在挾制該紳等之意不過欲蹈何崇光之故智指使言官把持地方政務其視朝廷紀綱法令有如弁髦實在狂悖已極現據署東莞縣知縣張璿會同沙田局委員稟復並查該紳等銜名前來查有候選直隸州知州黎家崧捐納戶部郎中何慶修均屬攬權抗官營私專利大挑教諭郭康吉職員錢萬選均與黎家崧等朋比爲奸夥分私利遇事把持而黎家崧尤爲

張文襄公全集

卷二十八

奏議二十八

九

劣蹟多端平日最好干預公事相應請旨將黎家崧何慶修郭康吉錢萬選等四員一并斥革永不開復又禮部祠祭司主事鄧佐槐亦係在局管事惟平日為人尙近謹飭此事雖一同在局與聞尙非主謀應請暫行斥革俟查辦完竣察看能否改過有無阻撓情事再行奏請開復其欠租欠價之沙田八十二頃已飭署東莞縣

知縣張璿將該田查封勒令收回撥作廣雅書院常產另行招佃承租並據東莞在籍主事黃崑呈請認租此項沙田每畝每年願繳租二兩五錢批准該紳承領每年將地租繳縣由縣解送廣雅書院作為常年經費其

張文襄公全集

卷二十八

奏議二十八

三

應繳變價花息銀十萬零八千兩即由該書院經費項下照數撥交沙田局充餉以清款目其東莞明倫堂紳局所欠屯租一萬九千餘兩仍嚴行勒追如再敢延抗及有霸田不交情事再當從嚴參辦臣查廣東地方公正紳士固多而無知劣紳把持公事漁利抗官罔知法度者亦復不少最為惡習沙田一端尤為利藪豪強兼併病民抗官愍不畏法而又假借名目陰持利權直視官田為己物官租為應行乾沒之款該縣紳士亦多怨恨訾議側目不平臣辦理此案決不欲稍從刻覈迭次從寬而該紳等始終藐抗若不嚴加懲辦實無以清田

賦而做強橫不惟於沙田大局有妨且將謂劣紳漁利結黨抗官為得計於紀綱風氣尤有關繫臣在任一日於地方應辦之事必當竭力舉辦斷不敢存五日京兆之心稍為遷就

硃批另有旨欽此

廣西邊關修築礮臺請撥部款摺

光緒十五年十月二十日

竊臣前因法人在越南開鑿新路繞出南關上游蓄意深入其心叵測亟應置臺設備預為之防已將廣西提臣蘇元春來東會商情形及籌款購礮緣由奏明在案所有購礮墊款應由西省協餉項下分年劃扣之處當

張文襄公全集

卷二十八

奏議二十八

三

照奏案分晰電明廣西撫臣馬丕瑤去後復稱新購礮價歲扣協餉五萬邊餉不敷分撥西省力實難支且礮位甚巨舊築礮臺未盡合式必須另築合計添築之臺共二十座修築之費尙無所出等情電商另籌辦法前來臣查西餉維艱委係實情此項礮價十八萬兩外尙有運保費約二萬兩共二十萬兩每年協餉應即改為扣撥四萬實解八萬四年扣除十六萬其不敷之四萬仍由鄂省照每年實協之數扣解一萬四年解清以裨防局現在訂購礮價已准使德大臣洪鈞電復與克廠訂立合同應先付銀四萬餘兩已飭由善後局籌墊匯

付自明年起每年由廣西協餉項下照扣四萬陸續撥還墊款西省既有歲解現銀八萬防營裁固寬裕不裁亦可支持應由西省自行酌辦已與馬丕瑤往復電商妥協其舊臺既未合式此項新設之二十臺自應照新式加功修築令其一律精堅惟修築之紅毛泥青磚鐵器等項均須由香港及東省購往統計全臺礮堂兵房藥房暗道暨購辦物料轉運腳價竭力撙節就至少之數核計每座亦需九千餘兩臺二十座需銀十八萬餘兩查龍州現已通商實為水陸衝衢西南鎖鑰與他處沿邊地方非敵人所專注者不同若遇春夏江漲由龍

張文襄公全集

卷二十八

奏議二十八

三

州乘船建瓴而下數日即抵潯梧以南關往事而論前有文淵諒山之阻祇以守備空虛強敵淪盟遂爾長驅直入今實逼處此又復開拓新路繞出上游包藏禍心若復不為之備倉卒有變詎堪設想懲前毖後此項臺工實為目前要務決不可緩惟需款甚鉅西省既無可籌東省墊購礮價棉力已竭不敷之款不得已議於鄂省協餉籌加悉索俱盡實屬無可再籌合無仰懇天恩俯念廣西邊防重要有關全局飭部迅由各省關另撥銀十八萬兩解赴廣西務於光緒十六年夏間解齊為修築礮臺之費以鞏邊陲將來工竣之時如實有不敷

當由東西兩省設法撙節騰挪籌辦臣極知部臣籌撥甚難各省關亦應接不暇第事關邊防至計為數止此十八萬各省關分撥多者數萬少者一二萬只須籌解一次移緩就急尙可騰挪惟新式礮臺西省邊關諸悉者少俟此項撥款解到即由廣東揀派臺工熟手委員前往會同監修以期合式經久

硃批該衙門議奏欽此

添募安潮營片

光緒十五年十月二十日

再廣東潮州府各屬民情素稱強悍同治以前械鬪劫擄焚殺相尋幾同化外經前督臣瑞麟於同治七年奏

張文襄公全集

卷二十八

奏議二十八

三

派署潮州鎮總兵方耀督兵勦辦以潮人治潮芟夷剪伐盡殲匪類地方綏靖垂二十年近來匪鄉漸覺蠢動各屬時有械鬪之案該府緝匪辦案專恃各營弁所帶之勇積威之漸不免流弊之滋軍民積不相能或借端生事或呼應不靈該府素無營勇倉卒有事地方官幾至束手無策竊惟兩漢郡守皆有典兵之責故能禁暴安良吏治稱美今雖文武分途然遇有邊要強悍之區文職大員亦必資以權力方不致釀亂掣肘查現署潮州府知府曾紀渠整頓地方勤求民瘼與士民甚為相洽現經飭令選募二底營名曰安潮營薪糧一切照楚

軍營制支給專歸該署府統帶遇有匪鄉重案可資彈壓調遣一切劣紳土豪莠民悍族均可鈐束化導消患未形潮州與惠州毗連前經奏明查辦匪鄉以惠潮為一路現查惠州未辦之匪鄉尚多勇力亦形單薄已飭令該署府不分畛域兼顧惠州如接到惠州府縣文移有需用兵力之處即由該署府體察情形派撥弁勇馳往會同該營縣妥為辦理

硃批該部議奏欽此

通飭各屬修建監獄遷善所片光緒十五年十月二十日

再查廣東各府廳州縣監獄大半污濁狹隘甚至頽壞

張文襄公全集 卷二十八 奏議二十八 三

不堪其繁劇大縣訟獄尤多甲於各省一切盜案鬪案擄拐搶竊等事無日無之皆係兇悍積惡之徒一經獲案斷不遽供又未便輕釋除無罪待質者歸入候審公所外以上各犯歷係押拘羈所其情節重要未經審結之人不便取保者亦暫行押候質訊其重要與監獄無殊而其苦累較監獄尤甚南海番禺兩首縣本境人犯已多又加以上司發交管押及各縣解省罪犯各營解送盜匪南海監羈礮房柳房共六處合計至五百餘人番禺三處將及三百人往往僅有兩楹三楹而拘繫數十人至百餘人者粵地酷暑一年之中大半苦熱穢濕

薰蒸疾疫易起痲斃常多惻隱者尙知禁戒丁胥凌虐昏昧者則付之不問殊不思愚民犯法但應治以例內之罪不應使受非分之苦況又有案情未定者乎臣數年來疊經通飭各屬清理監羈矜恤罪囚又於光緒十三年將省城內綏靖營舊營房改修完整增添房舍建設遷善所飭令南番兩縣將礮犯撥入一百數十人潔其居處裕其衣食資以工本令人教以各種工藝俾將來釋出謀生有具不致再蹈前幸本年夏間炎熱過甚經臣委員周查南番監羈柳房礮房各處其擁擠困苦情形實難言狀隨經分派委員徧查通省監羈情形逐

張文襄公全集 卷二十八 奏議二十八 三

一稟復臣督飭司局詳加籌議除臬司廣州府衙門監獄自行籌捐修理外擬於通省府廳州縣中擇其訟獄較繁急需修理者如惠州府陽江同知嘉應州南海縣番禺縣順德縣香山縣新會縣東莞縣清遠縣三水縣新甯縣高要縣開平縣恩平縣曲江縣歸善縣長甯縣陸豐縣海豐縣連平州澄海縣茂名縣合浦縣瓊山縣二十五處俱飭令將監獄羈所大加修理務令寬大乾爽其惠潮肇高廉五府附郭之歸善海陽高要茂名合浦五縣礮犯較多游民亦眾並令仿照南番兩縣辦法設立遷善所所有此項修造工費暨常年經費為數不

賈先其所急自應從省會辦起南海人犯眾多原有監
羈太窄城內購地價又最貴番禺人犯較少舊有監羈
尙不甚狹當經委員勘估南海縣監羈並修需銀二萬
五千餘兩番禺需銀三千五百餘兩據署南海縣王存
善稟稱自願捐銀一千兩就地合籌銀七千兩署番禺
縣楊文駿稟稱自願捐銀一千五百餘兩其不敷之數
由司局籌捐補足刻已經臣核定圖式興工趕造其省
外州縣先令其自行酌量籌捐不敷者稟請酌核發足
臣先捐廉以爲之倡查鹽商續捐善後經費餘款項下
尙存銀二萬餘兩卽先儘此項動支此外藩庫尙存有

張文襄公全集

卷二十八

奏議二十八

天

積年陳案罰款繳款及臬司衙門贖款亦可湊集銀
二萬餘兩以充修造工費其平日矜恤事宜除原有囚
糧及該州縣自發羈犯口食飭令從優給發外並由臬
司於外籌保甲經費項下撥銀二萬兩以充常年經費
分別等差酌給添補以期粥飯醫藥涼席棉衣等項皆
足於用其餘未經發款之處地方較簡均飭各屬將監
羈自行酌量整飭並嚴禁丁胥刻減凌虐勒索諸弊伏
惟恤刑之要固在決獄然一獄之成未定則待讞既定
則待報往往經年累月使不有以善處則爰書未就而
死者已纍纍矣况明刑弼教兩者相需儻純任嚴刑則

苟免無恥遷善莫由今力籌矜恤之方俾拘繫者無駢
填之患以免瘼斃開釋者有自贖之術以免刑辟以後
果能實力奉行於聖朝欽恤之治或亦可稍神萬一
殊批該部知道欽此

防城學額請照原奏添設摺

光緒十五年十月二
十二日

竊臣前經覆奏欽州設官分汛各事宜摺內請將防城
縣歲科兩試學額各添設文生四名歲試添設武生四
名等因欽奉殊批該部速議具奏欽此茲准禮部咨行
令查照分設縣治成案由欽州靈山學額內抽撥數名
作爲防城縣定額其欽州靈山各學額除分撥外作爲

張文襄公全集

卷二十八

奏議二十八

天

各學定額其歲試取進武生亦應由欽州靈山兩學額
內酌撥等因奉諭旨咨行到粵自應遵照部議辦理惟
查禮部所引成案與此案情形迥異且邊邑新設丁賦
既增邊氓初附亦應加鼓舞以結民心有未可盡拘成
案者敢爲我 皇上縷晰陳之查禮部覆奏援照廣東
新會開平二縣分設鶴山縣一案議駁不知鶴山係就
新會開平原有之地分出一縣戶口錢糧毫末未加增學
額自應抽撥防城係增設之縣新收邊地四百餘里增
添戶口萬餘所屬啼鷄松逕豪了等處田賦及五峒丁
糧地租歲徵二千五百餘兩他處土田以後尙可陸續

升科賦入歲有所加錢糧既增學額豈宜靳而不與前
奏照小學定額文武每試各四名勢難再少此防城學
額之例應添設者也欽州地方原轄六百里今以東興
如昔等處撥隸防城而益以靈山秋風博我菩提等練
及新收邊地所轄六百里有增無減欽州文風為廉屬
之冠今升為直隸州疆域式增而學額轉減於情理未
協於體制亦非所宜此欽州學額之仍應照舊者也靈
山人文蔚起而學額向止八名才以額限士多向隅今
既經割地又減學額未免過於偏枯此靈山學額之不
應抽撥者也自咸豐同治以來欽州團練衛民悍災禦

張文襄公全集

卷二十八 奏議二十八

天

患捐資已有十七八萬緡之多有案可查以地處邊遠
未知報明請獎迨後已奉有停止永廣學額之旨士民
久深失望茲值邊邑新增經營締造借資民力者正多
亟應破格鼓勵多加學額以慰邊民慕義之心今請設
之額每試四名既不能多若再由欽靈兩學額內抽撥
必不能及四名防城得之不以為喜欽靈失之適以為
憂此又無益於防城而有損於欽靈者也而臣更有進
者欽州與越南接壤向有華人居越南入學州籍者
越人耳濡目染亦多嚮學自越南多故異端橫行入主
出奴兼以財利誘脅吾民從之如市目擊頽波正宜拔

取秀髦振興文教黜邪崇正經正民興士習與邊防關
係均非淺鮮在朝廷添設學額數名無損名器而邊地
多得秀才數輩足鼓羣倫自應請照原奏添設防城學
額歲科兩試各取四名歲試取進武生四名毋庸在欽
州靈山兩學額內抽撥其廉州府府學十二名向為欽
州靈山合浦三屬分取每考欽州占三四名不等今欽
州升為直隸州廉州分取欽靈合之額尚在應請撥出
三名歸入欽州學額以昭公允以上各節據署欽州直
隸州知州李受彤妥議具稟由藩臬二司核明詳請具
奏前來合無仰懇天恩仍准照臣原奏防城歲科兩試

張文襄公全集

卷二十八 奏議二十八

天

額取文生各四名歲試武生取進四名毋庸在欽州靈
山兩學額內抽撥並准將廉州府學額內撥出三名歸
入欽州學額出自逾格鴻慈謹會同廣東學政臣樊恭
煦恭摺具陳伏祈聖鑒訓示

硃批禮部議奏欽此

珠江隄岸接續興修片

光緒十五年十月二十二日

再臣建議修築粵省珠江隄岸以弭水患而興商務前
經奏明先從南關天字馬頭築起並修造官輪大馬頭
其迤東迤西及西關一帶分為十段接續興工等情欽
奉硃批該部知道欽此茲查天字馬頭第一段隄岸及

官輪馬頭工程現已告竣隄岸東西計長一百二十丈隄工路工石料丈尺俱照前奏定程式堅實平整中爲官輪大馬頭以大木椿列下水中上鋪堅厚木板作丁字式長十一丈前寬三十丈後寬六丈前泊兵輪後爲小艇灣入避風之所隄岸整齊畫一可永杜侵占之患隄上馬路寬平排立行棧街衢清潔氣象恢宏所有填築地段新修鋪房商民爭來承領繳價其隙地未修之鋪屋均有商人分領自認興修西關房租地租一月以來已經紛紛減價此後遞年地租及馬頭各租籌還墊修全隄經費綽有餘裕向之言不便者悉已改稱利便

張文襄公全集

卷二十八

奏議二十八

三

萬口一詞民情大懽查泰西各國富強之術工爲其基商爲其用官任其事商營其利所有開設埠頭經營貿易皆係官爲規畫主持粵省此舉原以弭水患而興商務現在明效大彰迤東迤西未修之隄工業已選擇匠頭會發議定價值承領興築照奏案分爲十段南關自天字馬頭修成之隄分起隄東至洪廟一段洪廟至東濠口一段東濠口至觀音廟觀音廟至川龍口一段隄西至潮音街一段潮音街至源昌街一段源昌街至同德街一段西關自西礮臺起至橫沙一段橫沙至半塘一段半塘至澳口一段一律築成石隄共長一千八百

丈有奇飭令如式趕築興修限一年半告竣其餘填沙開浦建橋種樹及局用一切均飭監修委員等隨時核實勘估樽節辦理至西關增步應加之圍基橫沙應修之商輪馬頭河南應疏之洲頭嘴河道應開之鰲魚洲江面以及招商承辦電燈馬車各業一俟全隄工成卽行接續籌辦大率此項隄路圍河各工程雖共需銀四十餘萬然可以隨墊隨收並無須全墊巨款至於將來利益租豐稅旺官民均利確有把握惟首段成效已見將來必有猾商豪棍飾詞捐餉希圖包攬承修一則必致工程草率體式參差橋浦減少鋪面猥雜攪礙全局

張文襄公全集

卷二十八

奏議二十八

三

二則徒見小利必致與沿河鋪民水濱漁艇苛求爭競構訟生端三則租賃居奇以全省商民之開源據爲數家壟斷之利藪種種流弊萬不可行故此項工程必應明白立案總以全工仍歸官辦爲宜不容商棍干豫攪擾

硃批該衙門知道欽此

恭報交卸兩廣督篆日期摺

光緒十五年十月二十二日

竊臣欽奉諭旨調補湖廣總督當卽具摺叩謝天恩茲新任兩廣督臣李瀚章業已抵粵臣當將兩廣總督關防鹽政印信王命旗牌暨文案卷宗於光緒十五年十

月二十二日派委督標中軍副將王世清廣州府知府孫楫齋送新任督臣接收卽於是日交卸督篆伏念臣渥承恩命督粵五年邊海繁難非材魯鈍雖日日鮮偷安之暇而事事深內歉之心顧牖戶而亟綢繆撫閭閻而慙富教事多草創修飾尙望於將來恩許量移報稱豈殊於易地新任督臣曾任廣東藩臬在粵最久情形素悉辦理自必裕如臣再將近日應辦事宜詳細告知現在料理行裝定於下月初間由海道乘輪遵旨馳赴調任

硃批知道了欽此

張之洞全集

卷二十八

奏議二十八

三

調蔡錫勇等赴鄂差委片

光緒十五年十月二十二日

再臣奉命督辦鐵路事宜任大責重事屬創舉亟應廣資羣策先事儲才查湖北省漢口地方洋商紛集宜昌以上新議行輪交涉事體本屬繁重現在當務之急尤以開采製造諸事爲先必須精於綜核勇於任事之員方足以備任使茲查有遇缺卽選道蔡錫勇器識闊遠熟悉洋情會充美日各國繙譯參贊等官奏明辦理粵省洋務有年近來粵防交涉創造一切事務悉以諮之該員力持大體動中機宜深資倚任又在籍山西候補道陳占鼇前因肇慶黃江稅廠改章奏派該員試辦綜

理精密任怨任勞每年除原額解足外新增溢解銀六萬有奇得供海防購礮要需頃臣奏請開采晉鐵卽派該員前往澤州潞安兩府查勘鐵礦籌度轉運道路及設廠安爐之處又候選知府沈嵩齡總辦兩廣電局創設東西兩省各路電綫不避艱險悉臻妥協工鉅用宏該員竭力搏節杜絕虛糜又廣東候補知州凌兆熊操履謹飭才識俱優博學多通於洋務西法俱能殫精考究該員本係廣西人員前因辦理洋務調東差委嗣經改留廣東於交涉事宜深資得力又廣東候補知縣趙鳳昌志潔才敏辦事誠實心精力果通達時務於電綫

張之洞全集

卷二十八

奏議二十八

三

事宜及外洋軍火最爲考究精細又江蘇補用知縣薛培榕才長心細操守端廉歷經臣奏派創設廣東槍彈廠及錢局工程開鑄銅錢銀元各事宜始終其事精思勤力工料一律精堅於安置機器撫馭洋匠精細得法實屬辦理工程最爲出色可信之員以上六員均查明在東並無經手未完事件應請調赴湖北差遣委用除陳占鼇卽由粵派赴山西外其蔡錫勇等五員卽由臣隨帶赴鄂以事機而資得力合無仰懇天恩俯允所請出自鴻慈謹附片具陳伏祈聖鑒

上諭張之洞奏調員差遣等語候選道蔡錫勇山西候

補道陳占鼇候選知府沈嵩齡廣東候補知州凌兆熊候補知縣趙鳳昌江蘇候補知縣薛培榕均著發往湖北交張之洞差遣委用欽此

添募親兵帶鄂差遣片

光緒十五年十月二十二日

再臣在廣東向有親兵礮隊二百名專練行營軍礮及各種新式洋槍操練精熟茲奉命調任湖廣查鄂省地近中原難得外洋軍火新式快槍已屬罕覯後膛軍礮更係絕無以彼上游重鎮南北交衝綢繆豫防自宜講求武備今擬將此項親兵帶往鄂省俾各營觀感肄習漸開風氣臣到任後當再籌款添購利械分給各營以

張文襄公全集

卷二十八

奏議二十八

三

備不虞現飭將親兵添招五十名連前共二百五十名合成一底營派委廣東水師提標儘先補用都司吳良儒管帶隨臣赴鄂聽候差遣所需薪糧在粵時照章支領截至到鄂之日即由鄂省給發並在粵借撥黎意槍一千枝彈一百萬攜帶赴鄂分給發各營操練該價到鄂繳還

上諭張之洞奏隨帶親兵前赴湖北等語各省督標均有額定兵弁足敷差委本不必另立親兵名目近來總督赴任輒復添帶親兵前往既多糜費且與定制不符該督所請添招親兵五十名著不必行其原有之二百

名即著管帶官吳良儒帶回廣東不准隨往湖北經此次訓諭之後如督撫升調赴任倘有再行瀆請者定即與以懲處不貸將此通諭知之欽此

恭報交卸兼署廣東撫篆並起程日期摺

光緒十五年十月二十七日

竊臣恭閱邸鈔光緒十五年九月初七日奉上諭廣東巡撫著游智開署理等因欽此臣現已於十月二十二日交卸兩廣督篆奏報在案所有兼署撫篆應即一併交卸惟游智開署理粵撫之部文候至二十五日未到恐中途或有他故當經電請總理各國事務衙門代奏

張文襄公全集

卷二十八

奏議二十八

三

可否於奉到電旨後即將撫印交游智開署理請旨遵行茲於二十六日承准總署復電奉旨張之洞電奏已悉廣東巡撫印務即著移交游智開接署欽此遵即於二十七日將廣東巡撫關防太平橋監督關防王命旂牌文案卷宗派員齎送游智開接收臣即於是日交卸兼署撫篆即日起程前赴虎門海口候有輪船即行馳赴調任

硃批知道了欽此

張文襄公全集卷二十八終

紹興孫家棟校

張文襄公全集卷二十九

奏議二十九

到湖廣任謝恩摺

光緒十五年十一月二十七日

竊臣前將交卸兩廣督篆及兼署廣東撫篆暨起程赴鄂日期先後奏報在案茲於光緒十五年十一月二十五日行抵湖北省城二十六日准前任督臣裕祿將湖廣總督關防王命旗牌文案卷宗派委武昌府知府李有棻督標中軍副將蔣澤斌齎送前來當即恭設香案望闕叩頭謝恩祇領任事伏念臣一介庸儒迂疏寡效渥承異命迭領連圻昔視學以采風循行江漢今綏疆張文襄公全集卷二十九 奏議二十九

而問俗遠及衡湘顧茲中原綰轂之區適當潦水告災之後臣惟有敷宣德意期蘇澤野之嗷鴻整飭戎行務靖江湖之伏莽所有地方應辦事宜隨時與湖北湖南撫臣和衷商榷認真籌辦以冀仰答高厚鴻慈於萬一殊批知道了欽此

遣散親兵並奏留吳良儒片

光緒十五年十二月初九日

再臣由粵起程行次江蘇上海地方恭閱邸鈔光緒十五年十一月初七日奉上諭張之洞奏隨帶親兵前赴湖北等語各省標均有額定兵弁足敷差委本不必另立親兵名目近來總督赴任輒復添帶親兵既多糜費

且與定制不符所請添募親兵五十名著不准行其原有之二百名即著管帶官吳良儒帶回廣東不准隨赴湖北等因欽此查臣隨帶赴鄂親兵二百名本係准軍恭讀諭旨遵即飭管帶官補用遊擊廣東儘先都司吳良儒傳諭該親兵等即行起程仍乘原輪帶回廣東該親兵等僉稱離鄉已久既經渡海均不願再回粵省當即在上海地方由臣酌量賞給川資妥為遣散至管帶官都司吳良儒本係臣由山西奏調赴粵之員歷在軍營出力紀律嚴明任事勇往甚為得力現在親兵既已遣散該都司已離粵省在粵並無經手未完事件據稱

張文襄公全集

卷二十九

奏議二十九

在粵數年水土不服早年從軍剿匪屢到鄂省於湖北風土情形尚為熟悉情願改歸湖廣督標效力等語查部定章程副參以下各官保有省分者遵旨留於該省候補奏明改發者仍行照准等語歷經前任督臣將他省武職奏准改發湖北督標有案可否仰懇天恩准將補用遊擊儘先都司吳良儒改留湖北歸標按班序補之處相應請旨遵行

殊批著照所請該部知道欽此

借撥粵省槍礮片

光緒十五年十二月初十日

再臣前在兩廣任內歷年購置外洋各種後膛精槍行

營車礮爲數不少存儲尙多茲奉命調任湖廣湖北地處上遊會匪伏莽竊發時虞亟應籌備軍實以應緩急近來南北洋暨沿海各省演習槍隊礮隊均屬優嫺湖北爲通商要岸地方衝劇營伍爲外人所屬目而各營猶復沿用舊式前膛槍礮於後膛槍隊礮隊操演之法多未通曉亦無以副朝廷整軍經武之意臣前經奏明借撥黎意槍一千枝自粵起程時復與軍械局司道商酌再撥黎意槍一千枝共二千枝槍彈二百萬粒七生半克虜伯行營車礮十八尊礮彈九千枚隨帶赴鄂發交鄂省軍火局妥慎存儲隨時酌量撥給各營應用其

張文襄全集

卷二十九

奏議二十九

三

價值若干應俟廣東核明後由湖北籌撥歸還
硃批該衙門知道欽此

粵省訂購織布機器移鄂籌辦摺

光緒十六年閏二月初四日

竊准戶部咨開廣東司案呈准軍機處交出兩廣總督李瀚章奏擬設織布局廣東礙難辦理情形一摺光緒十五年十二月二十六日奉硃批戶部知道欽此欽遵交出到部查原奏內稱前付訂購機器銀二十二萬九千餘兩係由閩姓商捐及軍需等項下支墊其未付之十七萬四千三百餘兩明夏設法籌付等語相應行文該督撫即將閩姓捐款一項已繳未繳及所分年限分

晰報部至明夏應付之十七萬四千三百餘兩動支何項一併聲覆等因並准總理各國事務衙門咨議覆詹事志銳奏請整頓商務一摺原奏內稱棉布爲用甚廣大利悉歸洋人亟宜自謀織造以塞漏卮查上海已設織布機器局本年兩廣總督張之洞亦經奏明於廣東設局織布因時興利實爲不可緩之舉惟事甫初辦必須實力講求認真經理如果經費不敷或撥官款或招商股隨時分別奏咨辦理等因奉旨依議欽此欽遵咨行到臣竊以購辦機器設局織布開中國自有之利源杜外洋歷年之鉅耗因時制宜事不可緩久在聖鑒之

張文襄全集

卷二十九

奏議二十九

四

中惟成本甚重商股既不易集庫款支絀官本亦屬難籌然若坐視其難而不爲凡事何從創始廣東地大物博較之他省尙可有爲臣上年在兩廣總督任內督同司道籌議均以購設布機係屬振興商務惟有設法勸令閩姓商人籌捐時值舉行鄉會試恩科閩姓收數較贏商力尙能辦到當飭善後局員多方開導勸令認捐洋銀四十萬兩爲訂購布機一千張及照配軋花紡紗各機器之本又以造廠及常年經費無出復經設法鼓舞令於光緒十六年冬間接充新商時另捐洋銀八十萬元合銀五十六萬兩爲將來建廠及常年經費之用

此兩款經該局員殫竭心力口舌督勸兼施甫克議定均已詳定批准有案此係特籌專款非闖姓商人原指之數所有與光緒十一年奏明該商六年勻繳四百四十萬元之正餉絕不相涉前因訂購布機時此款尙未繳到原奏聲明先行籌墊旋據該商陸續呈繳業將墊付半價銀二十二萬九千餘兩歸還其未付之價銀十七萬四千三百餘兩本年夏間機器運到仍應由該商所捐布機成本一款內撥付總計創議購機造廠以至豫籌常年經費並未動用粵省司局各庫款及闖姓原案奏明認捐之正餉此臣在粵設法另籌專款購辦布

張文襄公全集

卷二十九

奏議二十九

五

機之實在情形也查購機織布原奏本已聲明如營運有效再推廣於沿江各省鄂省沿江產棉之區甚多自較廣東開設爲宜第非倉卒所能興辦今李瀚章既經奏請移機鄂省事關爲民興利臣自當力任其難惟創建此廠地廣工精加以常年經費爲數甚鉅鄂中物力艱窘與粵省情形相去霄壤此款一時實無從另籌查闖姓商人認捐另款之八十萬元本爲布機而設與正餉無涉原案具在迭經電商李瀚章撥歸鄂省現准李瀚章覆電以粵省用宏費絀未肯全撥允於此項撥洋銀十六萬兩爲鄂省布機建廠之用粵省用度誠多此

廠既已移鄂自不欲全數撥作他省之用李瀚章已屬誼重睦鄰不分畛域臣亦未便固執前案過於相強惟運脚保險之費本應即在購機價本之內合計爲數約計四五萬兩擬由粵省於另籌八十萬元一款項下支清此外卽不復索之於粵至布局常年經費臣前在粵因海防緊急借有山西善後局生息銀二十萬兩此款原係晉省發交當商生息作籌抵捐攤之用者於光緒十年十二月曾經由電奏明奉旨允准在案旋經山西撫臣滙寄到粵應用按年由外籌足息銀寄晉從無遲誤年來粵省業將此款籌出尙未歸還晉省李瀚章

張文襄公全集

卷二十九

奏議二十九

六

來電囑將此項晉省生息款撥歸湖北作織布廠常年經費之用臣竊思此款在粵在鄂同是納息事同一律鄂可借充成本粵可免出息銀亦屬兩益當已應允撥借擬仍照粵省認息九釐按年匯還晉省以之充布局常年購棉及工用一切經費雖不敷尙巨亦可藉資周轉此項息銀自當由外設法籌措此乃晉省辦公要需臣服官晉省有年誼斷不肯膜視此又籌措建造布機廠屋及常年經費不動鄂省庫款之現在辦法也鄂省對江之漢口鎮貿易素盛特闢閩輻輳並無隙地可以設局現在省城文昌門外勘得官地一區高廣堅實近

在江邊便於轉運地基縱橫各百餘丈間有民房從寬
給價購買另片奏催江蘇補用知縣薛培榕由粵來鄂
監修工程俟該員到鄂即日興工現今上海專設有軋
花紡紗局遠近爭購多運至東洋銷售爲用甚廣獲利
甚豐是其明驗向來四川湖南河南陝西皆銷湖北棉
布湘江沿漢歲運甚多實爲鄂民生計之一大宗近年
洋花洋紗洋布南北盛行鄂省花布銷路頓稀生計大
減故此局之設於鄂省尤爲切務一俟布局落成開辦
臣當督飭員工實力講求務令機器作法華工人人通
曉價本利息華商人人共見臣並當勸諭商民集資購
張文襄公全集 卷二十九 奏議二十九 七

張文襄公全集

光緒十六年閏二月初四日

再准總理各國事務衙門咨甘肅興辦電綫由保定至
嘉峪關官商分辦業經奏准開辦等因仰見聖明思患
預防無遠弗届之至意伏查湖北襄陽樊城地方北省
通衢楚邊重鎮界連陝豫才痞會匪伏莽滋多時有竊

發之案而距省陸程七百里水程幾及千里郵遞需時
遇有緊要事機呼應殊難靈捷現在中國電綫四通八
達襄樊爲中原縮轂之區獨無電綫何以備緩急而資
控制且頻年漢水盛漲沿河各屬隄工潰決居民被災
甚重若設有電綫信息靈通隨時捍患救災裨益尤非
淺鮮查湖北向無官綫前經北洋大臣李鴻章奏請改
設鄂綫由川入滇湖北籌借銀五萬兩交商局領用事
竣分年繳還歸款等因在案臣體察情形只可仍設商
綫由襄樊通至武漢官報商情均臻便利當飭總理電
報事宜山東登萊青道盛宣懷籌議興辦茲據該道電
稟知府周冕已由嘉峪關勘回西安今飭由西安勘路
至荊州沙市入鄂一面派員購木運料俟勘至鄂省卽
由鄂興工並據稟稱商綫較之自造官綫可省常年用
費惟商綫造身養難懇酌撥存款二萬兩免利以示體
恤等語查鄂省甚爲艱窘不能如數籌付現飭司局籌
銀一萬兩撥交商局作爲借款不取利息俾資周轉仍
飭令酌度情形立定年限俟限滿卽將存款照案分年
繳還歸款

張文襄公全集

卷二十九

奏議二十九

八

硃批該衙門知道欽此

請旨飭查摺

光緒十六年閏二月二十六日

竊臣恭閱邸鈔署廣東撫臣游智開甄別屬員廣東候補知府王秉恩署南海縣知縣王存善候補通判魏恒等均以貪劣奏參革職奉旨允准在案又據自粵來人紛紛傳述升任左江道廣州府知府孫楫亦被單銜糾參係游智開事後自告眾人者又欲參署番禺縣知縣楊文駿屢次宣言於眾經督臣李瀚章及兩司力爭中止仍將楊文駿撤任皆上年十一十二兩月內事也查王秉恩係現署廣州府通判魏恒前署虎門同知游智開署理撫篆甫經月餘而粵省一首府兩廳兩首縣悉被單銜參撤實爲從來各省未有之事該署撫臣原參

張文襄公全集

卷二十九

奏議二十九

九

謂接見僚屬徵諸案牘采諸輿論確有可信乃臣在粵時游智開任藩司已經半年察吏是其專責如屬員中知有貪劣實蹟卽應據實詳參乃於以上參撤各員與臣公會燕見從無一言道及各員之短與臣公牘書函從無一字論及各員之非且各缺大率皆係游智開詳委者豈半年之內於案牘全無所考於公論全無所聞獨至署理撫篆一月之內忽然詳察無遺似不甚近情理如謂各員皆臣信任之人藩司任內暫行面從緘默姑聽其誤公殃民游智開素以強直自居當不出此原奏既非據司道詳稟又未會督臣銜聞發摺已久督臣

司道俱未聞知直至今年正月半始抄奏稿咨行無不駭異夫以同城督臣及司道皆不與聞不識采之僚屬公論者何人且兩廣鹽務係督臣專管參革中有鹽經歷陳寶昉一員既不會銜並未先知會亦於例章不合查參革各員如王存善以辦理洋務魏恒以創辦海口省河補抽釐金經臣量才委用卓著成效近日通曉洋務人員甚少王存善委辦督臣衙門洋務文案幾乎日日接見以勞見叙何用鑽營至王秉恩一員尤屬爲守兼優長於綜核粵省前數年庫儲奇絀洋款部餉以及本省餉需異常浩繁岌岌難支自該革員坐辦善後局

張文襄公全集

卷二十九

奏議二十九

十

裁節浮糜力任勞怨款項日臻寬裕至臣去任之日善後局存款充然有裕此皆督撫衙門暨司局有案可稽者至各局有關係款目者委令兼理以便通籌會計其各局總理坐辦俱有專員臣俱時時接見各加詢考各有責成該革員從何把持其缺望無識者但憾其核駁之嚴從無人議其發款之濫所謂營私又不知其何據臣斷不敢自謂任用皆賢亦不敢保各員初終一轍第以一省之大人員之眾而專取貪劣之員萃之於省城又適處之以首府兩廳兩縣臣雖愚闇何至於此且臣離粵未及兩月各員卽易節改操亦不能如此之速乃

游習開於臣任用諸員去之惟恐不力單銜空言不謀於眾誠不解其何心竊念黜陟為朝廷大典用人係疆吏專責臣渥荷厚恩歷典封圻竭力整飭吏治最惡貪風若以省會首劇官民具瞻所任各員盡屬貪邪愚聞至斯何能再勝疆寄儻各員被參冤抑臣離粵未及旋踵即遭此不白願乃明知其枉緘默不言他省屬員俱為寒心此後亦誰肯為臣盡力可否仰懇天恩飭下兩廣督臣李瀚章將革員王秉恩王存善魏恒等原參把持營私鑽營牟利各實蹟分晰查明覆奏以定是非而昭折服若所參皆實情真罪當該革員等既所甘心臣張文襄公全集卷二十九 奏議二十九 十一

任用非人責有攸歸亦應由李瀚章據實將臣奏參請旨交部嚴議以為專用劣員者戒是否有當理合恭摺奏陳不勝惶悚屏營之至

硃批另有旨欽此

查勘隄工摺

光緒十六年六月十六日

竊照湖北荊州萬城大隄本年夏秋二汛輪應臣前往督防業經奏明派委荊州府知府舒惠駐工代防並聲明隄工險要擬於五月中旬親往查勘並順道勘驗鍾祥潛江等縣新修隄工等因在案臣當即部署一切輕裝減從於五月二十四日自省起程乘輪船上駛二十

六日前往石首縣屬大隄南岸藕池口楊發腦新開水道暨調絃穴等處察看荆江南入洞庭湖水勢二十七八兩日駛赴北岸沿途查看郝穴登南局觀音磯楊林磯各工該處頂衝迎溜均有挑水石磯工程尚稱穩固二十九日抵荊州府城連日查勘北岸大隄官民土石各工歷屆歲修均尚堅實足資捍衛周覽形勢蓋自咸豐以來石首之藕池口公安之斗湖口江陵之毛楊二尖松滋之黃家埠等處相繼潰口荆江分流入湖盛漲之時虎渡調絃二口江溜均仍係南趨得以分洩江水北岸濱江各險江水衝激之力少減是以歷年得免漫

張文襄公全集

卷二十九

奏議二十九

十二

決之患惟近歲潦水泛漲異常秋汛尤防陰雨已切飭該府舒惠駐工督率防護務保無虞臣勘畢荆隄即由陸路馳赴安陸府鍾祥縣於六月初三四等日勘驗鍾隄三四八九各工新修坦坡石壩月隄及新築磯嘴所有內外撐幫磯工收分均尚合法惟六工迎溜內係深潭四五七等工上年積水亦多今年三月內襄河即已盛漲水來過早新工甫竣隄脚尚未乾透間有被水冲刷之處又十三工隄內脚十六工壩頭皆係舊工微有坍塌並飭趕緊修補設法疏消積水隨即順道勘驗潛江隄家洲新築月隄工程尚屬完固查襄河湍悍各工

冲刷最易目前增漲未已當飭安陸府知府史書青督率鍾祥潛江兩縣加意防護多加內幫築壩務令寬坦不可過於峻狹遇有險工隨時搶築抵禦前奏明添設襄陽樊城等處商局電綫已經開工此後信息靈通防護較易得力臣先後將各隄要工勘畢即乘船由襄河下駛於六月初六日回抵省城

硃批知道了欽此

察看藕池口情形片 光緒十六年六月十六日

再查湖北石首縣屬藕池口本荆江南岸大隄咸豐二年潰決成口荆江橫折而南北岸隄防之患稍紓而江

張文襄公全集 卷二十九 奏議二十九

三

水入湖挾泥沙以南趨西湖一帶淤地成洲土人名曰南洲地廣土沃土客互爭草澤嘯聚實為湖南隱患且淤洲日寬湖面愈狹內水阻遏不消濱湖州縣胥受其灾前任湖南撫臣王文韶奏明有案前經臣札飭署岳常豐道莊慶良查覆據該道稱湖南省紳民建議堵築藕池口以止淤漲分疏虎渡調絃二口以洩江水臣此次親至藕池口察看口門寬至五百餘丈以三十年分疏巨口一旦堵塞荆民必羣起相爭勢難率行舉辦至虎渡調絃二口冬令雖屬淤淺現今盛漲江水暢行水患不在冬令亦可勿庸分疏只可另議妥善辦法期於

南北兩省均無妨礙或酌量堵塞他口或疏濬湖內水道或禁止淤洲私築圍埝以期讓地與水至南洲地方縱橫二百餘里應如何清丈升科設官分汛以息鬭爭而弭隱患咨與湖南撫臣張煦籌商周妥再行會同奏明辦理

硃批知道了欽此

整頓土藥稅項籌擬辦法摺 光緒十六年八月二十四日

竊臣等承准軍機大臣字寄光緒十六年四月十五日奉旨諭總理各國事務衙門戶部奏整頓土藥稅釐一摺內地栽種土藥為中國出產大宗前據該衙門會奏

張文襄公全集 卷二十九 奏議二十九

四

請飭各省酌量加稅當依議行誠以洋藥充斥久為中國漏卮近來民間栽種日多獲利甚重駸駸有不可復遏之勢果能設法稽查認真辦理既可裨益餉需且亦收回利權之一助並可以徵為禁隱寓崇本抑末之意乃各省數年之間迄無切實辦法近聞土藥出產日繁各該省局卡徵收稅項弊端百出盡飽私囊徵多報少於國課毫無裨補含混欺飾實堪痛恨若不及時整頓於洋藥併徵辦法大有關礙稅數必將日絀著詳察各該省地方情形或於出產之處就地徵收或於販運過境嚴查走漏或即就現在私收之項和盤託出悉數歸

公其從前匿報之員朝廷姑從寬典不追既往著一併免其參處經此次嚴諭之後各疆臣務當破除情面實力稽核即將各實數詳查聲覆按季專款開報不得於百貨釐金內籠統聲敘著勒限三箇月各將原定新定各辦法迅速覆奏不准空言塞責該衙門前飭總稅務司赫德查開各處出產銷路暨價值釐稅數目即著咨行以備參考等因欽此並准總理衙門鈔錄原奏並赫德申呈二件咨行前來即經札飭藩司牙釐總局會議籌辦慎遵諭旨就鄂省情形詳加體察切實整頓謹將原辦情形及現擬辦法分別爲我 皇上陳之查鄂省

張文襄公全集

卷二十九

奏議二十九

五

土藥先係抽收釐金嗣於咸豐九年遵照戶部奏案改釐爲稅照洋藥科則每百斤征稅銀三十兩於宜昌之平善壩襄陽之老河口荊州之沙市設局收稅嗣將老河口分局移設樊城土藥完稅後經過本省局卡驗票放行落地售賣者每兩收釐金錢九文鄂中本非出產之處近雖宜昌施南鄖陽等府山僻之處間有種植爲數無多人鄂之土藥以川土爲大宗雲貴陝甘各土亦有來者聚市於漢口沙市等處分由平善壩沙市樊城三局收稅宜施等府所產即在該局一律納稅從前暢旺之年曾收稅銀七八萬兩以後遞年漸減至三四

萬兩至光緒十三年間於巴東縣屬之野三關設局收稅沙市一局改爲補抽漸有起色十五年一年始復徵至七萬餘兩此鄂省原定藥稅辦法及歷年收數之實在情形也查鄂省藥稅之細各局卡尙無私收入已情弊皆由此項土藥商販多係刁悍不逞之徒挑夫百十爲羣專以挾制闖越爲事而山徑紛歧防不勝防各局卡多設於荒僻之區止有巡丁一二十人自揣力有不敵其肯從該卡經過者恐其抗拒生事不得不含糊忍讓減折抽收愈趨愈下其繞越山等歧路者亦不敢認真查緝以致銷日多而稅日少藥稅之愈細實由於此

張文襄公全集

卷二十九

奏議二十九

六

臣之洞到任後查知以上情形即會商前撫臣奎斌銳意整頓密派委員分投察訪又查知川黔等省土藥由西陽州繞運湖南等處者多由來鳳縣南關過河復經會同臣繼洵派員設卡嚴爲堵截正在分別籌辦間欽奉諭旨飭辦自應欽遵大舉整頓以期一掃積弊查赫德所議土藥每百斤照洋藥稅釐共徵一百一十兩若能照此抽收餉項自更可饒裕惟土藥之質本遜洋藥近來民間所以多種暢銷者則以其價較洋藥略賤究之洋藥整箱裝運但須併徵一次土藥則銷路愈遠釐稅愈多今若加稅過多行銷必滯透漏益工轉恐有名

無實且毆魚毆爵事在意中亦未足仰副收回利權之
聖意臣等督飭司道牙釐局詳加籌議歷查鄂省藥稅
短絀之故非關稅數之少實由各路偷漏減折之多部
章原定每百斤征稅銀三十兩實係折衷至當若再有
增加商力亦難辦到此時惟有恪遵部章每百斤實收
十成足數銀三十兩隨征耗銀四兩七錢不准絲毫減
折亦不准稍有浮收實力稽征嚴杜偷漏庶於國課商
情兩無妨礙而偷漏絕則貨數必旺成數足則稅項自
贏是已寓加於不加之內查川土入鄂南路以宜昌施
南一帶為水陸要隘大幫皆出於此必須奏派文武大

張文襄公全集

卷二十九

奏議二十九

七

員督辦方足以資彈壓而期整飭現於宜昌府設立土
藥專局檄委湖北候補道吳廷華總辦局務其野三關
平善壩及新設卡之來鳳西關均為分卡沙市為查驗
野三關及來鳳稅票補收漏稅之分卡各處收數均歸
宜昌專局考核稽查以期水陸一氣骨節靈通其北路
則由四川大甯陝西漢中運入鄖陽府屬之竹山竹谿
房縣保康等處山徑紛歧四通八達襄樊一帶亦頭頭
是道今照十成足數收稅土販惟利是視必更將添約
夥眾鋌而走險抗拒嘗試斷非司事巡丁所能彈壓且
該販等翻山踰嶺四路繞越亦非各卡寥寥數人所能

追緝非資兵力斷無成效惟是鄂省營勇無多各有分
防地段無從抽調綠營疊經裁汰額少習疲堵截難期
得力查有署宜昌鎮總兵羅縉紳才長心細辦事結實
久在宜昌任內熟習川楚交界地方情形素為該處軍
民所信服當經照會該鎮會同道員吳廷華辦理責成
該鎮以緝私彈壓現經該鎮親身周歷施南宜昌山內
查明要隘歧途在利川縣者曰汪家營李子坳兩處咸
豐縣者曰忠堡歸州者曰龔家橋平陽壩兩處巴東縣
者曰野三關東湖縣者曰南津關天柱山羅天溪龍泉
鋪四處宜都縣者曰紅花套茶店子兩處恩施縣者曰

張文襄公全集

卷二十九

奏議二十九

六

七里坪宣恩縣者曰李家河來鳳縣者曰西關皆係私
販熟由之路飭令酌募緝私巡勇分派地段查緝梭巡
如續有查出之路及情形或有變遷隨時酌量添改務
令無從飛越其北路襄陽一帶並已派員詳查以光化
縣屬之老河口為扼要之地應於此設立專局於樊城
設立分局此外如竹山縣屬之官渡河馬門子河竹谿
縣屬之小河口關垵子郭家洲鄖陽縣屬之黃龍灘房
縣城外及下店子范家垵子均州屬之孫家灣均應設
卡補抽駐勇巡緝其有河道者量設巡船以杜趨避繞
越惟距南路過遠宜昌專局不能兼顧應另委幹練可

靠之員專辦北路以與南路相輔而行合計南北兩路
隘卡二十餘處延袤一千七八百里南路約需緝私巡
勇三百餘名北路約需二百餘名始足以資彈壓截緝
之用此項巡勇係爲杜緝土藥私販而設所需經費應
卽在土藥稅項下開支就地取材以免另行撥款此條
爲整頓藥稅之根斷不宜省照此辦法半年之後收數
必可大有起色各卡專爲杜截土藥繞越不與百貨釐
金相涉其地均係山僻深遠邊防要地卽屬湘兩省交
界處所游會各匪亦可並資防緝據該鎮道等會稟宜
昌專局已於七月十八日開辦體察商販情形皆知此
張文襄公全集 卷二十九 奏議二十九 九

稅之法實已不遺餘力惟土藥通行甚廣不盡銷售鄂
省必須鄰省通力合作互相稽查方能益收實效應請
旨敕下湖南河南江西安徽各省於交界處所設卡盤
查如有鄂來土藥驗無湖北省稅票印花者卽係偷漏
無疑應罰全數充公似於鄂省及鄰省餉項均有裨益
如此則奸商無從趨避稅項必可日增
硃批該衙門知道欽此

勘定煉鐵廠基籌辦廠工暨開采煤鐵事宜摺
光緒十六年十一月十八日承准總理海軍事務衙門
奏光緒十六年二月二十九日會同戶部具奏遵議粵
督李瀚章奏請將廣東煉鐵廠量爲移置一摺黏抄原
奏內稱查湘鄂煤鐵既經張之洞訪知可恃自應准其
將此項機器改運鄂省擇地安設較爲直截簡便第煉
鐵爲造軌之基其後半價值及營建廠屋之需自當由
部撥每年二百萬兩內劃撥究用若干應令先行估定
報明立案等因本日奉旨依議欽此咨行到鄂欽遵辦
理當卽於湖北省城設立鐵政局遴派奏調差委指分
湖北補用道蔡錫勇會同在省司道總辦局務陸續訪
求外省通曉鑛學之委員學生咨調應用自臣到鄂後

張文襄公全集 卷二十九 奏議二十九

三

隨時將籌辦煤鐵情形電請海軍衙門核示遵照疊次覆電辦理嗣於七月內承准海署七月二十八日電開廠地既經勘定令即舉行由臣自行奏明等因伏查設廠煉鐵濬利源而杜外耗爲中國創辦之舉工程浩大端緒紛繁約以開鐵采煤造廠爲三大端自上年冬間疊次承准海軍衙門咨電後即將臣前在粵省訪募英德各國鑛師洋匠化學教習人等咨調來鄂於上年冬臘間陸續到鄂即經臣派員帶同外洋工師赴大冶興國等州縣及沿江上下游一帶查勘煤鐵並委員分赴湖南及四川邊界查訪煤鐵於本年春間先後查勘回

張文襄公全集

卷二十九

奏議二十九

三

省查明大冶縣鐵山實係產旺質良取用不竭距江邊黃石港僅五十餘里興國州產有錳鐵尤爲煉鋼所必需適與大冶接界至煉鋼煉鐵以白煤石煤爲最善或用油煤煉成焦炭亦可湖北之荊門當陽產有白煤興山歸州巴東亦產白煤爲數較少湖南之寶慶衡州永州三府所屬各縣地方及接界之四川奉節巫山江西萍鄉所產白煤石煤油煤焦炭尤爲旺盛均屬一水可通帶回煤鐵質樣當發交洋匠用化學藥料詳細化煉分別等差大率鐵鑛每百分以鐵質多至五六十分內含硫質在二釐以內燐質在一釐以內者爲合用煤以

灰在十分以內炭質在八十五分及九十分以外者爲合用大冶之鐵鑛鐵質六十分有奇湘鄂各煤合式可用者共有二十餘處至建廠一節查大冶開采鐵鑛煉鐵廠自以附近產鐵地方爲最善惟該廠基及儲廠屯煤處所長三百餘丈寬六七丈地宜平原高阜兼通水運大冶通江之黃石港地方現任山東登萊青道盛宣懷曾於光緒三年帶同洋鑛師郭師敦查勘煤鐵據稟周歷大冶縣屬上自黃石港下至石灰窰尋覓安爐基地或狹小或卑濕再三相度僅有黃石港東吳王廟旁尙敷安置惟地勢不高難免水患旁有高地一區又

張文襄公全集

卷二十九

奏議二十九

三

形狹隘道光二十九年曾被水淹復赴樊口履勘武昌黃岡縣屬南北兩岸上下百餘里據鑛師云南岸多山隴少平原北岸多沙洲少堅土合觀大概即求如前勘黃石港東基地亦不可得等語稟鄂有案查該道所稱安爐基地係擬設出鐵四十噸之機爐已難得地今所購機爐每日出鐵一百噸兼有煉鋼造軌及煉熟鐵鑄鐵貨機器廠地寬廣宜加數倍臣屢派鑛師洋匠暨道員徐建寅督率測繪員生前往查勘該港沿岸平處皆屬被水之區其高阜僅寬數十丈斷不能設此大廠據徐建寅稟稱須將山頭開低數丈仍留山根高於平地

三丈再將平地填高始可適用勞費無等山麓兼有填數十家礙難施工復飭於省城各門外及沿江沌口金口青山金沙洲沙口一帶上下數百里尋覓測量非屬低窪卽多墳墓否則距水較遠濱江無一廣平高燥之處茲勘得漢陽縣大別山下有地一區原係民田略有民房長六百丈廣百餘丈寬綽有餘南枕大別山東臨大江北濱漢水東與省城相對北與漢口相對氣局宏闊運載合宜當經督飭局員及學生洋匠詳加考核僉以爲此地恰宜建廠大率其利便共有數端荆湘等煤皆在上游若下運大治雖止多三百餘里上水回船既

張文襄公全集

卷二十九

奏議二十九

三

無生意運脚必貴今設漢陽懋遷繁盛商販爭趨貨多價賤其便一也鋼鐵煉成亦須上運漢口銷售並須運至槍礮廠製造今煉成發售如取如攜省重運之費其便二也人才難得通達洋務諳習機器者尤不易覓鄂省鐵布槍礮三廠並開斷無如許之多精通得力委員分投經理至西洋工師繪算各生尤不敷用今鐵廠槍礮廠並設一處鑛學化學各學堂俱附其中布廠亦在對江皆可通融任使其便三也員司虛浮匠役懶惰爲中國向有之積習不可不防廠距省遠物料短數煤斤攪雜百人僅得八十人之一日僅作半日之工出鐵

不多不精成本卽賠今設在對江督察甚易其便四也官本二百餘萬兩常年經費貨價出入亦百萬餘兩廠在省外實缺大員無一能到廠者歲糜巨款易動浮言今則督撫司道等皆可親往察看百聞不如一見其便五也鑛渣煤渣每年約出三萬餘噸除填築本廠地基外兼可運往漢口後湖填築湖身漢口城垣可免盛漲沖灌沿湖民居可免淹浸其便六也惟廠外緣漢水之舊隄低薄須一律加高培厚以防盛漲全廠地基關繫最重其生熟鐵爐座基址須填築丈餘餘亦酌量墊高堅築並須於沿江沿漢分築馬頭於江岸到廠之路安

張文襄公全集

卷二十九

奏議二十九

四

設鐵軌以便運鑛火車據洋匠估計此工若在外洋三年乃成中國人工易集自八月初勘定廠基之日起兩年爲期約可開爐造軌現仍設法竭力趕辦務期早成一曰有一日之益約計成本運費將來造成鋼軌總較洋軌爲廉現擬一面出示曉諭鄂湘兩省及鄰近出產佳煤地方令民間廣爲開采酌定價值隨時收買濟用采運既多自可不至居奇一面派委員暨鑛學學生前往湘省覆勘察其窰口形勢運道難易能否用機器開采相機酌辦近復於大治之王三石明家灣兩處地方探得石煤油煤業經試用土法開采惟深入數層有無

改變目前購辦鑛地機器未經運到尙無把握如果煤質一色出產亦旺堪以鎔煉鋼鐵即當速購機器大舉開采益爲合算蓋武備所需及輪船機器民間日用農家工作無一不取資於鐵而煤之爲用尤廣實力開辦可大可久自強之圖實基於此臣惟有殫竭愚忱悉心經畫督飭各員趕購物料趨辦廠工一面興修大冶運道開采鐵鑛並與國錳鐵以備爐廠安妥即可煉造一面籌辦運煤采煤事宜實事求是務底於成一切詳細事宜自當隨時電達咨呈海軍衙門商請核示辦理查此項工程需款甚鉅海軍衙門上年覆奏鐵路原摺內

張文襄公全集

卷二十九

奏議二十九

五

稱西國中等煉鋼鐵爐約需銀一百四十餘萬兩正定清化分設兩爐約需銀二百八十餘萬兩等語第就購爐設廠而言其修道運鑛開采煤鐵等費均不在內原奏言之甚詳今鄂省開設煉鋼鐵兩爐及抽條夾板造軌各機器詢據外洋工師僉稱爲上中等機爐在外國亦稱大廠更兼采鐵煉鋼開煤三事合而爲一復有修運道築江隄設化學鑛務學堂添修理機器廠皆連類而及必不可少之費所需尤多前海署來電擬以二百萬兩撥歸湖北爲煉鐵之用深恐不敷前於三月初十日電達海軍衙門在案現在約估大數需銀二百四十

餘萬兩計戶部劃撥京餉暨鄂省本年認籌銀五萬兩共撥到銀一百萬兩目前趕辦工料及經始開采煤鐵等事動需鉅款各項經費均須湊手始能一氣呵成以後續撥之款必須源源接濟方免停工待款轉滋糜費蓋此項工程以廠屋造竣安就機爐造成鋼軌鐵料爲度用費確有限制並非永無底止之款以後常年經費只須第一年先行籌墊若干廠內所出之鋼軌鐵料銷售得價收回貨本卽是經費本年三月准北洋大臣李鴻章電稱撥用鄂軌隨撥隨付價界限乃清等語當以所籌甚當電達海軍衙門在案俟軌價付到以後卽可

張文襄公全集

卷二十九

奏議二十九

五

藉資周轉以後鋼軌鐵料銷售愈推愈廣循環不窮無須另耗常款臣自當隨時核實籌節辦理惟續撥之款必須於明年春間撥到趨辦各工一切始能應手已咨呈海軍衙門商請核辦合無仰懇天恩飭下戶部卽將續撥之款一百萬兩早爲籌定俾得及時撥給趕辦竣工實於要需有裨
硃批該衙門議奏欽此

湘省安設電綫片

光緒十六年十一月初六日

再湖南湖北兩省中隔重湖文報往來遇有阻風動淹旬日平時已覺呼應不靈設遇地方緊要事件尤虞遲

誤前擬將荊州商局電綫由沙市過江接造至湖南澧州經長沙省城直抵湘潭以通緊要信報湘潭以上能否旁出接造應俟臨時體察於本年閏二月間電商總理海軍事務衙門聲明俟將路勘定後再行具奏承准電復核准並咨明總理各國事務衙門在案旋即咨商湖南撫臣札飭地方官體察民情妥為曉諭以便開辦並委前湖南候補直隸州知州錢紹文馳赴電綫經過之澧州武陵龍陽益陽沅江甯鄉長沙善化湘潭等州縣會同該州縣等剴切開諭告以勘路安綫均用華工不用洋匠與民間墳墓田廬毫無妨礙茲先後接據湖南藩臬兩司署岳常澧道莊廣良鹽法長寶道紹榮暨該印委會銜稟稱經各該地方官出示曉諭復會同委員傳集紳耆詳晰開導告以此事有利無害民間俱已曉然並無異議等情前來並准湖南撫臣張煦咨同前由臣查電報之設實於緊要政務有裨久經通行各省今既查明湘省民情並無阻礙臣擬即札飭總辦電報事宜山東登萊青道盛宣懷由商電局自行籌款承辦趕備物料華工隨勘隨造早日觀成以利文報而裨商務將來修綫養綫經費統歸商局興工之日飭各該州縣會同營汛照料彈壓不令稍滋事端

張文襄公全集

卷二十九

奏議二十九

三

硃批該衙門知道欽此

廣昌輪船撥歸鄂省片

光緒十六年十一月初六日

再上年冬間臣由粵省赴湖廣調任奏明撥帶後膛精槍車礮等件赴鄂當經飭調粵省廣昌兵輪運載前來到鄂後因籌辦煤鐵需輪船應用查知鄂省輪船無多以之轉運餉項巡緝江面尙屬不敷粵省輪船素多臣在粵復添造廣甲廣乙廣元廣亨等大小兵輪十餘艘平時緝私捕盜內河外海駛用有餘查廣昌兵輪船身長中尺一百六十八尺寬二十四尺實馬力七百三十五匹本係木舢商輪便於裝運及長江行駛隨即函商張文襄公全集

卷二十九 奏議二十九

三

兩廣督臣李瀚章以此輪係臣在粵由粵海關撥來未出購價擬即撥歸鄂省應用以省購買之費旋准李瀚章覆函應允並稱不須付價囑由鄂省會奏當將該輪改名楚材專歸鐵政局調遣以供撥運機器及將來運煤拖鑛之用該輪在粵捕盜緝私時常出海勇數較多舵工水手工費稍重月需薪糧等項一千二百三十四兩二錢四分現為轉運煤鐵之用長江非外海可比勇數薪糧均須核減業於本年二月將礮勇水手酌量裁減每月共需薪工等項八百三十四兩二錢四分油價煤價行船計日核給向不在內除該輪薪工油煤等項

分別開具清單咨呈海軍衙門及分咨戶兵二部外謹
會同兩廣督臣李瀚章附片具陳伏祈聖鑒
硃批該衙門知道欽此

張文襄公全集卷二十九終

張文襄公全集

卷二十九

奏議二十九

无

紹興孫家棟校

張文襄公全集卷三十

奏議三十

安籌槍礮廠常年經費摺

光緒十七年三月十八日

竊照前承准總理海軍事務衙門來咨光緒十六年二月十九日會同戶部具奏議覆廣東槍礮廠改移鄂省一摺粘鈔原奏內稱開廠後常年經費應由湖廣總督張之洞豫為妥籌奏明辦理等因本日奉旨依議欽此欽遵咨行到鄂並准戶部咨同前因業經遵照籌辦嗣因購造槍彈礮彈機器及添購捲銅等機器一切雜費勸令提督劉維楨捐助鉅款復由粵籌專款建造廠屋暫借湖北糧道庫款應用均經奏明奉旨允准在案查上年正月初四日承准海軍衙門電開總以將來軍旅之事無一仰給於人為斷雖不必即有其效萬不可竟無其志又正月十三日電開鐵為廠根移廠就鄂分濟各省事功亦有倍半之別各等語方今時局多艱武備最為當務之急故海署之意亟欲講求軍實開拓風氣以為自強之圖經畫閱遠志意堅定指示剴切臣自應遵照竭力籌辦竊以為天下艱鉅之事成敗則俟之於天立志則操之在己志定力堅自有功效可觀海署前電誠為今日自強扼要之論臣督飭委員洋匠悉心考

求通盤籌畫計原定造槍機器一分每年能成新式連珠十響毛瑟槍一萬五千枝造礮機器每年能成克虜伯七生半至十二生行營礮臺礮共一百尊又應添購造槍礮藥造白藥造彈造礮車造礮架各機器每槍一枝隨彈五百顆每年須成槍彈七百五十萬顆每礮一尊外洋向規隨彈三百顆茲權按最少辦法亦須隨彈二百顆每年須成實心開花各種彈共二萬顆統計一切工料員匠雜項常年經費約需銀七十五六萬兩計一年所造槍礮全分比較外洋買價所省已多特款鉅難籌此次開廠試辦所有槍礮藥彈先擬每年各造一

張文襄公全集

卷三十

奏議三十

二

半約需銀四十餘萬兩若製造之數再少工本反貴轉不合算當此度支極絀之際海軍衙門及戶部既難籌撥各省一時斷不能遽有撥款囑鄂代造機器現已運到開闢必致鋪壞且人工亦須練習始能漸臻精熟惟有就鄂省財用自行籌畫騰挪查有湖北省土藥稅一項近二十年以來所收稅銀大率每年少者僅二二萬兩多者六七萬兩內光緒七年一年收數較旺亦不能甚多臣詳加體察戶部原定稅章每百斤收銀三十兩隨徵耗銀四兩七錢本極允當歷來未能核實徵收漏稅甚鉅若照章收足每年可成鉅款可供槍礮之用臣

到任兩三月後查知情形即經力排眾議詳考要隘添設局卡雇募巡勇遴委文武大員多方勸諭實力稽徵嗣奉旨整頓會於覆奏摺內聲明在案開辦之始浮言萬端臣一力堅持自上年七月新章開辦之日起截至十二月底止較之光緒十五年收數已經加倍商情帖服接踵而來毫無異議雖月有淡旺一年牽算較之往年總可多收銀十數萬兩上年十一月准戶部咨令將徵收前項稅釐等款存儲聽候指撥毋得擅行動用等因查鄂省土藥稅銀歷年俱係撥充協餉及本省要需與洋藥稅銀向歸候部撥用者不同臣與湖北撫臣譚

張文襄公全集

卷三十

奏議三十

三

繼洵暨司道等熟商此項稅銀現經竭力整頓如事無更變每年除局用經費外約可收銀二十萬兩擬即全數撥充槍礮廠常年經費其每年應解協餉及本省要需仍隨時騰挪籌撥不誤若能格外暢旺除去局用經費能收至二十萬兩以外仍當留充餉需緣此項土藥稅係新經整頓得來其舊有者本非向來解部之款其新增者更非湖北司局向來所有之款查四川機器製造局即係奏明支用土藥稅釐今鄂省槍礮廠係海軍衙門奏明奉旨特辦較之川省製造局大小懸殊關係尤重常年經費為款甚鉅惟有仰懇聖恩准將此項土

藥稅銀二十萬兩撥充槍礮廠常年經費此係專案遵旨妥籌奏明辦理之件他省自不能援以爲例又查光緒十年鄂省因辦理江防奏請將楚岸行銷之川淮各鹽每斤暫行加抽錢二文以充江防餉需嗣因籌解海軍衙門北洋海防經費又奏明以此項湊解約計淮鹽加抽每年約可收銀六萬餘兩川鹽加抽約可收銀十萬兩現與撫臣商酌并督飭司局通盤籌計設法騰挪除淮鹽加抽江防銀六萬餘兩仍留作本省湊解北洋海防經費外其不敷之數另行於釐金項下設法整頓騰挪湊撥總以照案解足爲度即將川鹽加抽銀約十萬兩騰出一併撥作槍礮廠常年經費專款合計土藥

張文襄公全集

卷三十

奏議三十

四

萬兩騰出一併撥作槍礮廠常年經費專款合計土藥稅及川鹽江防兩項每年約可得銀三十萬兩以充槍礮廠常年經費目前購機購料待用孔亟土藥稅應請自上年七月新章開辦之日起川鹽加抽本年尙須湊解餉需應請自光緒十八年正月起此外尙不敷銀十餘萬兩容臣再行隨時籌畫奏明辦理總以不誤解部之款爲斷但僅造一年究不足以盡此項機器之用且核計工費亦較多俟將來各省如能撥款由鄂代造則隨時收回價本即可推廣多造更爲相宜伏查鄂省新設槍礮廠所造各械皆係南北洋廣東山東四川等省

製造局所無者各省局間有一二處或能造槍既係舊式且所出甚少鄂廠所造克虜伯各種軍礮尤爲邊防海防陸路戰守必不可少之利器德國陸戰以此制勝雄視歐洲方今外洋各國陸戰無不以礮隊當先較之槍隊遠勝數倍歷經詢考近年洋戰克捷之將士所論僉同此等精利軍械若專恃購之外洋不獨財用外耗如前大學士左宗棠奏疏所言以銀易鐵實爲非計且萬一遇有緩急敵船封口洋埠禁售受制於人購運均無從下手況陸續遠購之器種式參差彈碼各異動致誤事兼之或係舊槍改造或彈碼已受潮濕朦混居奇

張文襄公全集

卷三十

奏議三十

五

種種流弊極費考察挑剔此皆前數年海防緊急時臣所身歷而目親者懲前毖後當此國家閒暇之時未雨綢繆之計斷不可緩故特建議奏陳設廠自造在粵則訂購機器來鄂則請移廠所懍遵光緒十一年五月初七日諭旨時時以事過輒忘爲切戒計先後在粵在鄂設法籌措購機造廠添製各彈機器等費共七十餘萬兩均係由外另行籌捐之項並未稍動司局各庫原有之款查南北洋各省製造局凡購機器造廠屋等費皆係奏請動支庫款其常年經費又經部撥歲有定款鄂省開設槍礮廠事同一律而所造之械又出乎各局之

外地處南北之衝分濟水陸各省均屬便利以前購機造廠等費外籌實已不少此後常年經費現經奉旨妥籌惟有就鄂省力所能及通盤籌畫於無礙京協各餉之款請旨撥定以爲此項槍礮廠專款查川鹽加抽一項本係鄂省近年新增之款至土藥稅一項雖係舊有而新增之鉅款實係新經臣整頓所得且與向來聽候部撥之洋藥稅迥然不同舍此兩款之外實屬無可再籌合無仰懇天恩俯念此舉爲自強經久至計利害所關不獨湖北一省准將土藥稅銀及川鹽加抽江防兩款撥充槍礮廠常年經費專款俾得多造精械以備分

張文襄公全集

卷三十

奏議三十

六

濟各省緩急有資其爲裨益江海防務實非淺鮮至於鄂省向來應解京協各餉臣必當竭力籌措照案解足將來槍礮開廠後各項用款臣自當督飭局員核實籌節辦理專案咨報查核

硃批該衙門議奏欽此

查明茶商捐助書院學堂經費商情樂從摺

光緒十七年五月二十一日

竊臣承准軍機大臣字寄光緒十七年三月初二日奉上諭有人奏風聞張之洞於上年四月間令湖南茶商分別輪捐作爲創修兩湖書院經費該商疊請邀免批

斥不准近來茶商賠累請飭一律撤銷等語連年中國茶葉銷路不暢由於成本太重所奏茶商輪捐一節如果屬實自應裁撤以恤商困著張之洞查明覆奏原片著鈔給閱看將此諭令知之欽此臣祇奉之餘仰見聖主體恤商艱之至意欽悚莫名謹將修建書院緣起及籌捐辦法情形敬爲我 皇上陳之查湖北省城現在修建之兩湖書院即係舊日之經心書院該書院係同治八年臣前任湖北學政時會商督臣李鴻章撫臣郭柏蔭籌款建造專課經史古學其時因經費不充規模草創齋舍無多其地適濱都司湖畔地勢頗窪湖身

張文襄公全集

卷三十

奏議三十

七

日淤積水日阻自光緒十三年十五年湖北兩次大水城內多被淹浸經心書院內水深三尺有餘院內諸生概行遷避他處臣於光緒十五年冬間調任湖廣總督抵省後閱視書院積水甫退壁間水痕宛然諸生仍未返院牆宇屢經淹浸多就傾頽至江漢書院屋宇尤少膏火素薄鄂省連歲災祲之後寒士生計益覺蕭條接見諸生見其棲止無所景況單寒甚爲可憫據該監院諸生等僉稱近二十年來湖北績學好古之士日增月盛率皆經心書院肄業之人科名尤盛以故來學日多課額屢廣齋舍既不能容膏火亦復無多其曾經學臣

札調各送入院而不得住院者尙有二百數十人聞臣來鄂僉以重修書院增加課額膏火爲請省內省外者紳儒士異口同聲臣察其嚮學情殷情詞懇切自不可無以慰其企望當經就其在院貧苦者捐廉量予資獎至十六年夏間始建重修經心書院之議墊高地基疏通水道添造齋舍購置書籍延訪名師講求明體達用之學而湖南人士游幕游學僑寓鄂省者向來最多間有重建書院之舉皆願附入肄業查臣前在兩廣總督任內所建廣雅書院係合廣東廣西兩省士子俱入其中今湖南諸生援此爲詞自亦未便歧視當經酌定課

張文襄公全集

卷三十

奏議三十

八

額徧及邊遠各府州以示公溥今春各行兩省選調諸生卽經聲明俟書院規模大定再行專案奏明立案此創建兩湖書院之原委也至書院兼括兩省額數較多用度較繁當經與司道籌議查湖北湖南兩省各書院經費大率皆出鹽務所捐爲數已多因查漢口商務以茶務爲大宗向分湖南湖北兩幫每年貿易生理核計約有一千餘萬兩向來籌捐亦惟茶捐爲最鉅自同治初年以來南茶向抽餉捐每百斤捐銀二錢八分至光緒五年每百斤減爲一錢四分專充漢口鎮團防緝捕之用嗣於光緒十二年因漢口團防等事漸少甫行停

收業北茶者向係紅茶每百斤捐銀七分餘茶遞減至一二分不等以充漢口堡工經費行之已三十年現仍照常抽收上年二月因戶部查茶釐情形當經據實咨覆在案查北茶有稅有釐南茶因在湘省完釐到漢口後並不抽其釐然北茶有捐而南茶無捐南北辦法兩歧亦欠平允當經飭令署江漢關道李壽蓉暨湖北候補道曹南英等前往商之南茶各商勸令捐助書院經費並詳體商情照舊案每百斤減爲抽銀一錢該商等均各欣然樂從毫無勉強其北茶亦勸令每百斤捐助書院經費銀三分連堡工捐合計亦係一錢俾令南

張文襄公全集

卷三十

奏議三十

九

北捐數畫一以昭平允大約南茶捐數每年不過一萬餘金僅敷南省士子膏獎盤費一切之用北省經費係屬另籌此係就該商多年舊案之捐爲該省嘉惠士林之舉而捐數又甚輕減楚弓楚得似不致有拂商情此南茶籌捐之原委也自開辦以後抽收極爲踴躍僅止去年秋間有人具稟求免當飭署江漢關道江麟瑞及原辦道員曹南英查詢各商乃係湘省一、二家素無資本好訟生事之人所爲並非出於茶行公議眾商均不以爲然各商既輸捐如常祇可置之不論不議此次欽奉寄諭後當經派委江漢關道孔慶輔會同鹽法道瞿

廷韶暨候補道曹南英等查詢商情切實籌議查中國茶葉為出口商貨之大宗近來洋貨暢銷財用外耗全恃絲茶兩項行銷外洋藉資補救事關大局臣到任後屢經檄飭江漢關道傳詢各商並疊次商之各國領事講求振興茶葉之法籌議設公棧開船港定公鑄禁抑勒各章程歷歷有案可稽若果此捐於茶務稍有妨礙及有商情不願之事臣愚豈肯出此惟查此項茶捐每年總共所收不過一萬數千金合之價值千分取一眾擎易舉其於茶務去取均無所增損是以商情樂從嚮風慕義並請設商籍課額為造就其子弟之計當經允張文襄公全集卷三十 奏議三十

其所請於湖南北課額二百名外另立商籍課額四十名羣情益深鼓舞嗣臣復加考求向來南北業茶各商不通外國語言文字與洋商交易均另由洋行買辦為之經紀商情隔閡弊竇叢生南茶各商尤以為病復議於兩湖書院外另設方言商務兩學堂專習泰西各國語言文字及講求整頓茶務種植製造之法一切涸源塞漏通商惠工之事其經費即就該商等所捐勻撥不敷之數另行籌足不令再捐各商子弟願入書院與學堂者均聽其自便昨經甄別書院肄業各生商籍中送及投考者至一百餘人之多士論歡欣羣情附毫無

張文襄公全集

卷三十

奏議三十

十

間言至原奏所言茶商虧折各節現經該道等詳悉諮訪茶商獲利與否惟視乎資本之厚薄茶色之美惡茶務向以頭茶為重連年頭茶均屬得價今年頭茶價值最昂每百斤高者七八十兩低者三四十兩近年漢口洋人買茶專以俄商為大幫買數既多價值亦尚公平緣印度產茶澀而不香別有一種氣味熏製亦不能佳故俄人概不食印度茶專向中國購買各省皆知此次俄儲來華復向臣面言如此英人雖食印度茶仍須攙和中國茶食之此英領事自言如此實無洋商賤視中國茶之說每年茶市資本豐厚者類皆獲利若零星商販資本微薄不免揀焙粗率攙和雜物希圖朦售以致洋商挑剔以後惟有督飭產茶州縣董勸商民講求種植揀焙之法嚴禁攙和朦混之弊庶於商務可收實效總之商務之盈虧全視乎出茶製茶之佳否實與此項捐輸無涉該道等並傳集南茶各商面加詢問僉以書院培植本省人才各商輸捐甚微收效甚大且學堂講習洋文商務兼於茶務有益願仍照舊抽捐並無異議臣仰體朝廷恤商至意當飭該道等諭知各商再加輕減自本年四月起將湖南紅茶每百斤原議收銀一錢者減為六分五釐青茶每百斤原議收銀七分者減為

張文襄公全集

卷三十

奏議三十

十一

四分五釐米勸茶每百斤原議收銀三分五釐者減為
二分三釐黑茶甄茶東西口套篋等茶每百斤原議收
銀三分者減為二分茶頭茶末茶梗等項每百斤原議
收銀一分五釐者減為一分北茶原議捐三分者改為
二分以紓商力各商益為欣感大率南北茶價略分三
等每兩箱約將及一百斤每百斤上等價值銀七十兩
內外中等四十兩內外下等二十兩內外姑即最少之
價計之每售價二十兩僅捐銀六分五釐為數極屬輕
微斷無因此賠累之理況尚有售價六七十兩者乎是
此項捐數之有無實無關茶務之盈絀業據南茶各商

張文襄公全集

卷三十

奏議三十

三

等稟覆江漢關道毫無異詞現擬即照此酌減之數抽
收辦理臣仍當隨時體察情形如稍有妨礙及商情不
便之處即行奏明裁撤據江漢關道孔慶輔等會同查
明籌議詳請覆奏前來除俟書院學堂規模悉定再行
將詳細章程分別奏明立案外所有查明茶商捐助兩
湖書院暨方言商務學堂經費於士林商務均有裨益
眾商樂從並酌減捐數緣由理合恭摺據實覆陳伏祈
聖鑒訓示

硃批知道了欽此

辦結武穴教案摺

光緒十七年八月十九日

竊查本年四月間蕪湖等處滋鬧教堂之後沿江一帶
謠言四起人心惶擾處處堪虞疊經臣嚴飭地方文武
密切防範凡有育嬰教堂之處尤為加意保護武穴地
方距廣濟縣城七十餘里僅有武黃同知及龍坪馬口
二巡檢駐紮向有英國福音堂而無育嬰教堂民教相
安已久詎意四月二十九日傍晚有廣濟縣人天主教
民歐陽理然肩挑幼孩四人行至武穴街外據云將送
往九江教堂適為痞匪郭六壽等所見誤信訛傳疑幼
孩送入教堂即遭刺眼蒸食肆口妄言激動公憤頃刻
之間人眾麤集喧嚷肆鬧竟誤以武穴教堂為即收養

張文襄公全集

卷三十

奏議三十

三

幼孩之處擲石奮擊人窗以致屋內洋油燈擊破失火
延燒洋樓一層餘亦多有殘毀匪徒遂乘機攫取零星
物件該處洋關分卡委員候補通判華聘三龍坪司巡
檢鄒振清急往彈壓均被匪眾擲石毆傷其福音堂內
教士包姓白姓兩洋人已先期一赴興國一往漢口僅
留眷屬婦孺在堂適有武穴洋關分卡之扞手英國人
柯姓外來散書之英國教士金姓當人眾喧雜之際馳
往救火登時被匪毆斃教士婦女三人洋孩四人由後
門逃出先投馬口司巡檢署該巡檢陳培周因眾勢洶
洶未敢收留婦孺即經同知衙門及龍坪巡檢差役弓

兵陸續護送至武黃同知署該同知顧允昌留住署內查知該洋婦三人在途次亦被匪徒毆傷次日各回漢口臣聞報之後立飭地方官嚴拏首要各犯一面抽調省外水陸勇營分投彈壓保護並飭江漢關道派員乘輪船至武穴將斃命之英人二名照料護送回漢口另派文武大員前往彈壓撫慰其時廣濟縣知縣彭廣心已經馳至武穴緝獲多人除無辜訊明省釋外實獲匪犯十名復經臣特委候補知府裕庚馳往廣濟會同黃州府知府李方豫督同該縣切實審辦並飭關道照會英領事飭取武穴教堂男婦各供並驗明洋婦各傷以

張文襄公全集

卷三十 奏議三十

四

資參證研訊旋據該領事錄供照覆並聲稱洋婦受傷甚重其洋婦包氏一名經洋醫驗明恐致不能生育等情前來旋經訊明此案實因挑孩懷疑痞匪鼓煽滋鬧事起倉猝並無放火圖劫情事滋鬧之時適值該堂兩教士前數日早經他往自非有意蓄謀與該堂尋衅且該教堂內存有鐵櫃向係存儲貴重物件並未搶去其非意在劫財無疑據郭六壽供認因見教民挑有小孩聽信訛言起意生事以致戴鰻魚與各匪附和滋鬧打毀教堂住屋器物並有毆傷委員巡檢之事實係該犯起意煽眾並下手用刀連砍致斃救火之洋關扞手柯

姓戴鰻魚供認下手用刀連砍致斃救火之洋教士金姓等情不諱查律載共毆人致死下手致命傷重者絞等語該兩犯事不干已鼓眾滋鬧殃及無辜均屬任意逞兇形同土匪比之尋常共毆情節較重近奉五月初七日上諭著各督撫迅飭該管文武查拿首要各犯訊明正法以儆將來等因欽此自應欽遵辦理郭六壽戴鰻魚二犯既據該委員府縣覆訊明確實係此案首要正犯未便稍稽顯戮當即批飭將該兩犯就地正法傳首犯事地方示眾以昭炯戒其幫毆及毆傷洋婦搜取零物之從犯八名當飭委員知府裕庚會督該府縣覆

張文襄公全集

卷三十 奏議三十

五

訊確供將英領事先後所指要證民人陶春燦及弓兵田德等三名教民范修興等四名柯扞手廚役王七賢一名一共九名一律傳到質訊明確按照律例擬議罪名核辦去後旋據稟稱據胡東兒供認執有小鐵尺毆傷柯扞手頭上據胡視生供認拾起石塊打傷柯扞手頭上呂二弟供認摸著石塊擲傷金教士許逢春田福兒二犯各供認於人叢中碰撞洋婦不知是否受傷許逢春並檢拾零物旋即拋棄陳連升供認檢拾零物亦即拋棄于老五范四妹二犯各供認聞亂想欲檢取物件人多未能擁上各供不諱反覆研鞫堅執不移質之

各要證亦無異詞供情毫無遁飾應即擬結查例載凡同謀共毆人除下手致命傷重者依律處絞外其共毆之人審係執持槍刀等項凶器傷人者發近邊充軍又律載搶奪傷人爲首斬監候爲從減爲首一等並刺字若因失火而乘時搶奪人財物者罪亦如之又例載鬪毆合至篤疾以致不能生育者杖一百流三千里又例載因失火而乘機搶奪除有殺傷又計贓重者仍照定例問擬外其但經得財罪應擬以杖徒者俱照本例加一等治罪爲首之犯杖一百流三千里爲從者杖一百徒三年刺字又例載搶奪不得財問不應又律載不應

張文襄公全集

卷三十

奏議三十

夫

爲而爲事理重者杖八十等語此案胡東兒因聞洋人住房火起攜帶鐵尺往看見眾人圍打洋人該犯亦用鐵尺打傷洋人頭上查鐵尺係例載凶器應照共毆之人審係執持凶器傷人者發近邊充軍例擬發近邊充軍胡視生呂二弟各因洋房失火往看見眾人趕打洋人該犯等各拾摸石塊打傷洋人均應照搶奪傷人爲從減爲首罪一等律各擬杖一百流三千里並於右小臂膊上刺搶奪二字許逢春因洋房失火往看見人擁擠適遇洋婦該犯亦跟隨撞撞雖據供稱不知是否受傷惟洋婦受傷已據該印委等查明屬實即就傷至篤

疾不能生育而論按律罪應杖一百流三千里該犯檢拾物件按照因失火而搶奪財物亦應杖一百流三千里二罪相等從一科斷該犯許逢春應擬杖一百流三千里並於右小臂膊上刺搶奪二字田福兒在人羣中撞撞洋婦雖據稱不知是否受傷並未檢取物件但撞撞洋婦與許逢春相同亦應按照毆人至篤疾不能生育杖一百流三千里律擬杖一百流三千里陳連升因聞洋房失火往看見眾人圍打洋人據供並未幫毆惟檢取零星物件該犯陳連升應照失火乘機搶奪人財物但經得財罪擬以杖徒者俱照本例加一等治罪將

張文襄公全集

卷三十

奏議三十

七

爲從者杖一百徒三年例擬杖一百徒三年於面上刺搶奪字樣干老五范四妹各因洋房失火眾人與洋人鬧事想往檢取財物未經得財均應照搶奪不得財問不應杖八十例各擬杖八十未獲之犯已懸賞緝拿俟擊獲有人隨時審實照例懲辦等情稟由署湖北按察使惲祖翼覆核具詳前來當經批飭照詳分別辦理署馬口司巡檢陳培周因眾勢洶洶未敢收留婦孺以致被毆受傷殊屬不合前已行司撤任並摘去頂戴以示懲儆武黃同知顧允昌本係管理防護江堤向無緝捕之責惟捕務非其所長現須會縣嚴緝未獲餘犯已將

顧允昌調省飭司另委委員署理武黃同知飭令訪緝餘犯已將審辦各犯照例從嚴科斷各節由江漢關道照會英領事旋據覆稱均屬情罪允當無可異議此獲犯懲辦之大概情形也至柯扞手金教士兩洋人無辜殞命情殊可憫自應撫恤以昭朝廷懷柔遠人矜恤無辜之至意擬給予該兩洋人家屬各洋銀二萬元武穴教堂素與該鎮民間無隙此次因無干訛言懷疑圍鬧致被焚毀並非該堂啟衅自應由官給款代為修復並補給堂內失物以示體恤應即從優酌給洋銀二萬五千元所有此案各款全數共洋銀六萬五千元合銀四

張文襄公全集

卷三十

奏議三十

六

萬五千餘兩經江漢關稅務司與漢口英領事商明應允並無異言該領事現已稟其公使專候覆文到日即可收款完案此撫恤修復等款之大概情形也查沿江各省數月來疊次滋鬧教堂大都因收養幼孩而起故匪徒得以信口造謠愚民無知易為所惑一旦事起倉猝彈壓不及遂釀鉅案臣於武穴滋事之後即飭江漢關道照會各國領事轉飭各教士暫勿收養幼孩免滋疑惑俟各案辦結人心稍靜再行收養各領事均以爲然並飭關道會商領事妥議稽察章程每月定期常有員紳前往察看以釋羣疑若各處教堂皆能遵行使人

無可疑之端庶不至再有滋鬧之事臣已嚴飭地方文武隨時訪查如有匿名揭帖捏造無根之言希圖煽亂務即懸賞嚴拏欽遵五月初七日諭旨從重治罪以杜亂萌其未結之案英國僅有德安府徐輝與教堂滋鬧廣濟縣教民藍姓與族人爭論入譜兩起現均已辦理完結飭關道照會領事在案謹恭摺會奏伏祈聖鑒硃批該衙門知道欽此

添募勇營摺

光緒十七年八月十九日

竊臣等於光緒十七年六月十九日欽奉寄諭各省哥老會匪最爲地方之害此等匪徒行蹤詭秘動輒糾集

張文襄公全集

卷三十

奏議三十

九

黨與乘機煽亂甚至造謠惑眾潛謀不軌若不先事籌辦絕其根株則涓涓不息將成江河後患何堪設想著各直省將軍督撫嚴飭地方文武實力查緝嚴懲首要解散脅從慎毋養癰成患貽害地方等因欽此仰見聖主思患預防除暴安良之至意當經恭錄咨行欽遵辦理並出示剴切曉諭各在案查此項會匪糾集夥黨結盟拜會開立山堂散放飄布黨與多者竟至數萬少者亦過千人歷來拏獲各犯起出飄布號簿偽印等件所有名目口號詞意顯然悖逆該匪等蹤跡詭秘聲氣靈通布滿沿江沿海各省陰謀不逞鄂省居江皖上游南

北交衝匪黨尤易混迹本年夏間沿江焚毀教堂之案疊出延及湖北武穴會匪乘機煽惑散布謠言武漢地方華洋雜處一夕數驚亟需勇營彈壓近年鄂省兩次裁營節餉裁去步隊十六營通省僅餘步隊六營另有鼎字一營係食准餉專爲零星分布查緝淮北之私而設不能移作他用省城駐紮鴻字三營尙須分防蒲圻茶山大冶鐵山江夏煤廠及武穴等處漢口巨鎮綿亘十餘里華商洋行之所萃僅駐有升字兩營卽專爲彈壓洋街已有不給不得已飛調麻城緝私鼎字副營來省填紮防護以顧根本麻城僅駐鼎字一營北私隨卽

張文襄公全集

卷三十

奏議三十

三

充斥旋又於六月內以河南商城固始等縣訛傳匪警麻城羅田黃岡黃陂孝感一帶居民登時驚擾紛紛遷徙急切無營可調乃於襄河汛段內暫行抽撥礮船數號馳往鎮撫查拏匪棍訛言始息而沿江商賈五月內以教堂多事六月內以豫警謠傳裹足不前釐金收數因之大絀計五六兩月已短收錢三萬餘串自五月以來外府州縣凡有教堂教民之處無不乘機思逞小有紛紜經各地方文武竭力彈壓保護乃近日宜昌又有焚毀教堂之案情形尤重假如再有一處生事直無可以派往防護查辦之勇事體何堪設想此武漢勇營不

敷調撥顧此失彼之實在情形也襄陽毗連秦豫僅有馬隊二營共只三百餘名亦爲巡緝潞私所占荊州宜昌鄖陽施南等府界連湖南川陝馬步一營俱無從前川楚教匪卽由湖北與川陝交界地方起事近年興山房縣一帶拏獲會匪首犯劉良棟舒春山等河南鄧州弋獲棗陽連世傑等均經奏明有案其安陸府屬之天門潛江京山漢陽府屬之沔陽襄陽府屬之襄陽光化均州等州縣及荊門州凡沿襄河一帶皆有會匪頭目黨夥皆盈千累百往往藉廟會拜神爲名訂期聚會私開爐座製造軍器兵役往拏公然抗拒現已經飭司委

張文襄公全集

卷三十

奏議三十

三

員密往查獲巢穴多處若無水陸營勇協力兜擒必致釀成巨患尤可慮者湘省會匪所叢根株最盛幾於無縣無之洞庭湖淤出之南洲尤爲逋逃淵藪卽與湖北石首公安等縣毗連上年澧州匪首楊思沅廖星階等滋事重煩兵力業經湖南撫臣張煦奏明在案今年春間復經兩省先後拏獲同夥在荊州岳州放飄之會匪渠魁李典葉坤山現在澧浦縣復有會匪聚眾劫獄焚搶衙署之案澧州復有糾眾燒燬電桿之案湘省各屬盜匪近日尤爲繁多總由年來宿將彫謝會黨日多乘隙生心亂徵已見湘鄂接壤若匪黨蠢動四處響應調

撥則無兵可分招募則咄嗟莫辦上游有警各路震驚馴至燎原勢成圖之已晚且湖南匿名揭帖種類極多雖經疊次查拏嚴禁至今未息岳常澧一帶近日尤盛因之傳播鄂省舊帖方燬新帖旋出方今交涉事體最關緊要何堪再有枝節以致上貽宸廑臣等督同司道等籌商僉以目前事勢武漢地方總須添募三四營極少亦必須添募步隊兩營方可備有事調撥之用臣等極知庫儲支絀部臣方建裁減勇營一成之議何敢不遵照籌辦反為添募之舉惟體察現在時勢鄂省勇營實係裁減過多備禦空虛會匪日滋交涉緊要情形岌岌可危實不敢忘遠慮而貽近憂惜小費而釀大患設遷就貽誤臣等罪戾滋深特兩營餉項殊不易籌復令地方官與紳商再四籌商均以此事專為綏靖地方暫添兩營斷不可少其一營之餉擬由商民籌捐不動庫款其一營之餉容臣等督飭司道於司局各款內極力騰挪勻撥總以無誤每年京協各餉為斷俟一二年後如果匪戢民安再行裁撤即以籌餉而論兵力壯盛民心安帖商賈暢行稅釐鹽課等款亦必暢旺鄂省餉章每年一營不過二萬一千餘兩所保全之數必遠逾於所費之數籌之已熟故敢披瀝上陳如蒙俞允此所添

張文襄公全集

卷三十

奏議三十

三

兩營共一千人擬照他省辦法就此勇數分為四底營每營二百五十人調撥較便聲勢較壯合併陳明硃批著照所請該部知道欽此

武穴教案償補各款請援照鎮江關賠款成案撥解摺
光緒十七年九月三十日

竊查武穴地方焚燬教堂毆斃洋人一案業經辦理完結其英國人武穴洋關分卡扞手柯姓暨教士金姓無辜殞命情殊可憫自應酌予撫恤教堂並失物亦應修復補遺照總理各國事務衙門來電從優議給當經飭令江漢關道與稅務司向漢口英領事商明應允議張文襄公全集卷三十奏議三十

給該兩洋人家屬撫恤各洋銀二萬元修復教堂補遺失物洋銀二萬五千元該領事現已稟明公使專候復文到日即可收款完案業經恭摺具奏在案惟查前項洋銀共六萬五千元計漢平足色銀四萬五千三百七十兩折合庫平足色銀四萬三千三百五十兩現在司關兩庫實無閒款可籌擬請援照鎮江關上年賠款成案在於江漢關所徵六成洋稅項下照數撥解等情由署湖北布政使陳寶箴江漢關道孔慶輔會詳請奏前來臣覆核無異謹恭摺具陳伏乞聖鑒硃批該衙門知道欽此

查明澧州毀拆電桿情形摺

光緒十七年十月二十八日

竊臣等承准軍機大臣字寄光緒十七年七月十五日奉諭有人奏官民構釁亟應思患預防一摺據稱湖南澧州委員下鄉豎立電桿勒索騷擾以致州民毀拆電桿毆打委員地方官勒交滋事匪徒該州團練匿不交出並有聚眾與官爲難等語現在各省會匪甚多必須嚴行拏辦所奏該省毀拆電桿是否委員實有需索激變情事抑係奸民藉端煽惑著張之洞張煦確切查明妥速辦結毋任養癰貽患原摺均著抄給閱看將此各諭令知之欽此查此案先經臣等札飭湖南岳常澧

張文襄公全集

卷三十

奏議三十

五

道廷杰督同署澧州知州裕慶並由臣之洞委湖北候補知府李謙馳往確查據實稟覆妥辦欽奉寄諭後復經札飭查覆茲據該道等先後稟覆稱前湘省奉辦電綫當將電綫之設有利無害工作概用華人不用洋匠以及無礙民間田墓廬舍各緣由疊次曉諭民間俱已曉然並無異說以爲可以相安迨委員到境接辦詎料州屬之馬家河青泥潭等處地方愚民終疑電綫關涉洋務必係洋人所設適逢本年各省匪徒布散謠言揭帖專意與洋人爲難又聽信地痞訛言如設電綫以後幼孩牲畜損壞綫桿者皆須處死民間受累無窮於是

疑團愈結電綫達湘澧州係入境首站適該州界溪橋地方因教士趙本篤造屋民人盜賣地基之案州民公稟有禁阻洋人之議而總辦電報局山東東海關道盛宣懷委辦之員又已赴常德料理電桿事宜留在澧州之司事工頭穿戴多係窄衣席帽鄉人視此異服益疑爲洋匠工作確係洋人所設紛紛傳播各團民愈聚愈多其勢洶洶所執旗幟大書痛逐洋人禁止洋綫字樣竟將馬家河青泥潭孟溪寺各處綫桿鉤碗等物先後焚毀多件澧州派有彈壓照料之委員紳士因救護物料紳士王坦齋致被火把熏灼並未受傷被毆復恐官

張文襄公全集

卷三十

奏議三十

五

派兵拏辦團眾聚集不肯散歸當經地方文武防營彈壓開導並飭城鄉紳士明白曉諭旋即解散先後拏獲滋事拒捕首要各痞匪十三名到案訊供另行擬辦並據查明委員下鄉辦理實無勒索騷擾情事所有毀失綫桿等物尙不甚多該紳民情願賠還惟愚民始終堅執爲洋人安設謂電綫設後必引洋人入湘猝難開導懇請緩辦各等情此該道等查明澧州團民阻毀電綫之實在情形也臣等查湘省創設電綫原爲通遞緊要官報而設方今除湖南一省外其餘十九省徧行設有電綫上年疊據湖南藩臬兩司暨沿途經過之岳常澧

道長寶道澧州武陵龍陽益陽沅江甯鄉長沙善化湘潭等州縣稟復業經曉諭民間俱無異言始行奏准開辦此次先據該印委稟報澧州鄉民阻毀電桿指爲洋人所設一時猝難開導又因夏令雨多水漲電桿應行經過地方濱臨湖汊多被水淹本難工作經臣之洞飭令暫行停工一面妥爲彈壓訪拏鬪鬧之犯訊辦在案茲該道州委員等先後查覆前來臣等覆加察核此次安設電綫經先示諭開導當時並無異詞出示至開辦已逾半年省內外紳民並無一人呈請停設之事乃適逢本年春夏間澧州公阻教士兼之各省毀鬧教堂張文襄公全集卷三十 奏議三十 三

澧州傳布揭帖甚多愚民竟疑電綫爲洋人所設遂將電綫與洋人傳教糾結成爲一事竟至形諸旗幟復經地方痞匪造言煽惑謂電綫設後民間受累無窮於是眾情惶惑牢不可破雖疊經印委劉論紳士俱能曉然愚民竟難理喻此次團民聚集焚毀電桿旋即解散並未毆打委員在愚民誤認爲洋人所設輕信地痞謠惑畏累疑懼情尙可原而聚眾鬪鬧毀棄官物刁風亦不可長現已將鼓眾滋事痞匪拏獲多名酌予懲辦示儆所有毀失綫桿等物尙不甚多已據自認賠還電綫本因水大停工已飭暫緩安設俟以後從容開導能否一

律曉悟再爲妥酌辦理現在地方均已安靜至委員承辦此事深知湘省民情强悍此等創舉但期加意聯絡妥洽集事豈能再向民間需索騷擾現據查無勒索騷擾情事自屬可信仍飭地方文武嚴密查緝以後如有會匪地痞任意造謠藉端生事卽隨時嚴拏重辦斷不令養癰貽患以靖地方

硃批知道了欽此

爲陶定昇請卹摺

光緒十七年十一月初三日

竊照頭品頂戴已故記名提督廣東瓊州鎮總兵陶定昇爲湘省知名宿將光緒九年前兵部尙書彭玉麟辦

張文襄公全集

卷三十

奏議三十

三

理廣東防務奏調該故提督由江南移軍赴粵駐防海口礮臺設險整軍備著勞勩嗣由臣奏委署理陽江北海兩鎮篆務治軍有方北海鎮新設未久該故提督於建置各事宜規畫悉當臣在粵曾經疊次保薦將才光緒十五年該故提督以積勞觸發傷疾請假回籍就醫十六年十一月初二日奉旨補授廣東瓊州鎮總兵而該故提督已先於是年八月十四日據報在籍病故矣查該故提督陶定昇籍隸湖南巴陵縣咸豐六年投効老湘營爲統將已故道員王鑫所識拔其後隸前廣東陸路提督劉松山部下倚之如左右手每戰必與之偕

管帶老湘第一旗轉戰江西安徽山東河南直隸陝西
甘肅等省克復安徽休甯黟縣建德徽州府陝西綏德
州甘肅靈州等城盪平甘肅吳忠堡金積堡堅巢歷保
花翎遊擊游升提督賞正一品封典由冠勇巴圖魯賞
換博奇巴圖魯名號賞穿黃馬褂賞給頭品頂戴該故
提督勇敢篤實謀定後戰橫厲無前善度地勢知進退
臨機應變雖倉猝眾寡不敵未嘗退卻其勦髮逆也屢
破大股悍賊於江西臨江吉安吉水等處咸豐十年攻
打吉水禾峒賊勢叢擁該故提督當先陷陣礮傷左股
不少卻旋於安徽休甯迪祥湖陣斬衝鋒悍賊感偽忠

張文襄公全集

卷三十

奏議三十

天

王李秀成於黟縣攻克其城再解徽州之圍十一年二
月攻破上溪口踏毀何村石田小當一帶賊壘乘勝克
復休甯縣城十二月偽輔王楊輔清圍攻徽州城該故
提督迭次拔關出戰被賊斷其右小指猶忍痛前進斃
賊多名圍久不解該故提督於黑夜縋城焚賊多壘賊
始冒雪遁去同治元年秋間髮酋黃文金楊輔清圍攻
甯國涇縣該故提督堅守以待援至內外合擊悍賊次
第殲除其勦捻回各匪也同治五年四月捻逆張總愚
牛落紅一股圍攻山東曹縣該故提督率老湘第一旗
充當先鋒力戰敗之又屢敗竄賊於江蘇豐沛徐州睢

甯等處七月賊分竄河南上蔡該故提督追至雙廟冒
雨設伏邀擊逼賊鳧水渡河淹斃過半六年四月追勦
陝西同州朝邑捻匪大股七月自渭南新莊永樂鎮等
處節次攻勦至興平呂家莊一帶俘斬無算十一月捻
回合股十餘萬踞綏德州該州下游阻山臨水賊營踞
其上游以百計我軍僅十八營殊以爲慮該故提督夜
領軍伏蘆葦中枵腹一晝夜出奇誘賊突起遮擊賊潰
返黑夜窮追六十里立復州城七年正月賊擾直隸近
至保定該故提督星夜馳擊彌月不收隊賊南竄跟追
至滹沱河殺斃淹斃賊眾甚多冬間由山西汾州追賊

張文襄公全集

卷三十

奏議三十

天

入陝搗毀懷遠縣大小理川各賊巢屢戰六晝夜餐宿
俱廢八年八月陝回賊目余彥祿馬正和敗竄靈州郭
家橋該故提督由中路進勦踏毀賊巢二十一處又敗
甘回馬愛王洪於郭家橋馬正和等股竄走吳忠堡南
岸自黑城子半箇城至金積堡數十里火光燭天陝回
馬生彥等大舉撲營該故提督由左路衝殺擊退賊眾
右胯中槍子深入骨銳不少挫九月攻賊於靈州賊開
南門死拒該故提督從中路猛攻賊退縮入城即策馬
乘勝搶入州城遂復嗣是吳忠堡一帶踞賊節次勦洗
殆盡十二月十三日賊眾麇聚胡家堡官軍左右夾擊

點賊四出乘之賴該故提督相機策應斃賊七百有奇
陝回附堡壕內外支帳抗拒十九夜官軍焚其帳正酣
關間忽援賊抄至該故提督突起奮擊故未為賊所乘
九年正月合攻金積堡旁馬五賊寨劉松山為飛子洞
中左乳該故提督憤甚引軍孫附賊寨縱火焚燒生擒
馬五雪憤二月堡賊掘堤撲營勢極兇悍該故提督梟
水橫出賊前奮力衝擊斬賊甚多三月擒斬賊目馬二
虎陳金子四月該故提督設伏於山後三關誘賊奪糧
突起殺斃二百餘名生擒二十一名手刃賊目馬順之
七月賊就馬連渠據壘死抗該故提督於五鼓伏隊高

張文襄公全集 卷三十 奏議三十

三

梁叢中伺賊放牲畜乘隙奪門入賊從睡夢中驚起錯
愕狂奔裸屍枕藉立平其壘八月秦壩關敗賊回撲悍
甚該故提督挺矛殿後賊不敢近全軍而退旋攻堡東
卡壘賊木石齊下該故提督從礮眼孫升而上雖血流
被面不顧卒破之九月進攻堡西賊壘賊絕人出壘助
戰該故提督奮勇衝鋒殺斃悍賊血襦衣袖盡毀賊壘
長圍始合金積堡老巢自此盪平蒙賞上方珍物同治
十年經故大學士曾國藩調赴江西管帶老湘營督修
沿江礮臺疏濬新河口便民河西壩鹽河各河道歷經
前兩江督臣沈葆楨左宗棠以堪勝總兵及堪勝海防

任使疏薦左宗棠稱其驍勇素著營官最為出色又稱
為湘軍營官最為出力之員委令統領老湘合字等營
迨奉調赴粵修築南石頭及虎門大角礮臺督塞海心
岡海口督軍扼守枕戈終年海防賴以完固復令履勘
瓊廉各海口礮臺礮堤基址綢繆相度不辭勞瘁查該
故提督自從軍以來戰必衝鋒奮不顧身疊次受傷甚
多大角為虎門以外之山斗入大海為海風及行營潮
濕所侵觸發舊傷在廣東大病幾危請假回籍醫療不
痊在籍病故年甫五十五歲時事多艱將才難得如陶
定昇者早奮戎行屢摧強寇泊應專閩之寄已為身後

張文襄公全集 卷三十 奏議三十

三

之榮年力正強中道彫謝臣竊傷之茲據其舊部記名
提督劉立志舒永勝謝玉泰陶國安補用副將易文元
陳萬興陶鼎友等臚陳該故提督戰功事蹟具稟前來
合無仰懇天恩俯准將已故記名提督廣東瓊州鎮總
兵陶定昇照軍營立功後積勞病故例從優賜卹生平
戰功事蹟宣付史館立傳並附祀於安徽陝西甘肅等
省曾國藩左宗棠劉松山專祠以彰盡績

硃批另有旨欽此
熊鐵生調鄂差委片 光緒十七年十一月初二日
再臣於上年春間附片奏請將記名提督陶定昇熊鐵

生二員調赴湖北差委奉硃批該省現無軍務毋庸調往欽此欽遵在案伏查湖北為南北水陸要衝茲當教案會匪巡防喫重之際業經臣奏請添募勇丁兩營共一千人奉旨允准在案查此項新增營勇非得知兵宿將不足以任統率而資控馭查湖北省差委之記名提鎮本屬無多其材器威望卓然出色者尤為罕覯統將之選實難其人再四思維查記名提督熊鐵生謀勇兼優威望素著上年六月丁憂在湖南原籍現已在一年之外惟有籲懇天恩俯念鄂省地方緊要統將需人准將該提督調赴湖北差委實於地方營務大有裨益

張文襄公全集 卷三十 奏議三十 硃批著照所請該部知道欽此

張文襄公全集卷三十終

紹興孫家棟校

張文襄公全集卷三十一

奏議三十一

擊獲會匪訊明懲辦摺

光緒十七年十二月初七日

竊臣等前經承准軍機大臣字寄光緒十七年六月初六日奉上諭各省哥老會匪最為地方之害疊經降旨查拏並經各該督撫先後獲案奏明懲辦惟此等匪徒行蹤詭秘與游勇地痞暗相勾結動輒糾黨煽亂甚至造謠惑眾潛謀不軌若不先事籌辦絕其根株則涓涓不息將成江河後患何堪設想著各直省將軍督撫嚴飭地方文武實力查緝如有訪獲首犯一面嚴行懲辦

張文襄公全集 卷三十一 奏議三十一

一面准將出力員弁照異常勞績隨案奏請優獎總期嚴懲首要解散脅從以除奸宄而安良善慎毋養癰成患貽害地方等因欽此仰見 聖主弭患防萌綏靖地方之至意當經恭錄咨行欽遵辦理剴切示諭嚴密查拏在案查湖北地當南北之衝長江連接重湖襄河上通陝豫武昌漢口尤為喫重華洋交錯繁雜難稽會匪到處勾結溷跡其間行蹤詭秘來往靡常本年沿江上下教案疊出輪船往返時有劫奪之案湘省會匪素多去年至今乘機煽亂巨案迭出春間湖南省稟報擊獲匪首李典旋經江陵縣擊獲與李典同夥放票之匪首

葉坤山其襄河一帶上起光化襄陽下至漢陽近日會匪甚多本年三月間於京山天門交界之黑流渡朱家廟地方訂期聚眾起事當經派撥員弁分往查拏始各驚散八月間上海鎮江等處盤獲英人梅生私運軍火臣等承准總理各國事務衙門來電滬關盤獲梅生據供匪黨大小頭目均在漢口而不肯舉其姓名令設法密捕消息將萌又准南洋大臣劉坤一電據梅生供稱匪目係漢口人現在長江一帶不肯說出姓名各等因自本年春夏以來臣等因湖南會匪萌動沿江教案紛起亂徵已見疊經嚴飭地方文武暨水陸防營清查保

張文襄公全集

卷三十一

奏議三十一

二

甲整頓操防一面懸示重賞購拏渠魁茲復遴派候補知府李謙總司漢口緝匪事宜飭令選募健勇廣購眼綫會同管帶水師健捷前營提督謝得龍乘輪沿江上下查拏躡緝旋據該府李謙督率委員縣丞胡子功把總徐堂拏獲匪首濮雲亭楊清和桂金亭等並遠近訪緝匪蹤提督謝得龍拏獲袁老么章金彪省城查街委員典史蔡鴻熙巡檢王家瑞把總馬玉陞等拏獲陳華魁署漢陽縣知縣陳夔麟督同漢陽縣丞黃新鏢拏獲李紫榮並協同李謙捕獲各匪候補副將張國棟拏獲聶海秋漢鎮都司高長洪協同各員緝獲各匪署武昌

府知府李方豫督飭代理武昌縣知縣鍾期濟拏獲高德華尹中安余啟宇楊老二並搜出各匪頭目姓名單又各該員等先後緝獲匪目多名及江陵縣知縣龍兆霖督率署沙市巡檢陸顯仁先行拏獲之葉坤山一併發交武昌府委員等分別提犯馳往會鞫訊據高德華即高松山供係武昌縣人向在揚州入會後自開楚金山護國堂供奉洪世武祖光緒十五年五月在上海會遇因案正法已革提督李世忠之子李洪號雨生說他是會中大哥擬邀各路同會的人與他父親報仇已託洋人在外洋購辦軍火器械到齊即行約期起事要該

張文襄公全集

卷三十一

奏議三十一

三

匪與他幫忙出力後來定封大官並說各路頭目應授官職候起事後大眾公同商議今年六月初間李洪專信知會該匪及各處頭目說軍器已經辦就叫該匪等約齊會議起事七月初一到安慶蔣雲家濮雲亭劉高升張慶庭龍松年許文魁們都先後趕到商定十月十五日各人邀集黨與分爲兩支該匪同蔣雲等爲下游一支在安慶會齊李典同李得勝等爲上游一支在沙市會齊同時豎旗起事又商量下游一支中又分爲東西南北中五旗濮雲亭統東旗劉高升統西旗張慶庭統南旗該匪統北旗蔣雲許文魁統中旗奉李洪爲大

元帥旋因下游一帶水陸各營甚多礙難聚集各頭目互相知會七月十三四五六等日都到大冶縣三夾地方假名做孟蘭會再行商議該匪十五日前往到齊五六十人大家會商沙市兵勇不多又與湖南四川連界官兵追來也有退步仍約定十月十五日起事並商派各頭目在漢口黃州樊口黃石港三夾楊葉洲武穴九江大通蕪湖金陵鎮江十二圩各輪船碼頭均行布置預備船隻等項該匪旋回鎮江八月在鎮江聽說鎮關滬關查獲洋人軍火該匪害怕到漢口住了半月因查拏甚嚴又逃回本籍就被兵差獲案濮雲亭供係貴州

張文襄公全集

卷三十一

奏議三十一

四

松桃廳人幼爲髮匪擄去後在淮軍當勇入哥老會已二十餘年先是天台山堂後因認識陳華魁高德華等在清江浦開山是聖龍山明義堂今年六月同在安慶蔣雲家與龍松年們商議十月十五日起事派統東旗因安慶查得嚴緊龍松年與熊啟渭袁孝春等坐堂議事叫該匪八月到沙市安排十月十五日起事陳華魁卽陳德才供係江夏縣人向在安徽當勇與濮雲亭同會開堂經濮雲亭供指陳華魁人極凶橫同會兄弟都畏懼他凡開堂要陳華魁在場壓服余啓宇供係武昌縣人向在李典名下入會去年與劉金魁另開北山堂

爲正龍頭各會頭目都曾見過約於十月十五日在沙市起事叫該匪在黃州樊口預備船隻接應尹中安供係大冶縣人向在李典名下是蓮花山義順堂今年各頭目約十月十五日起事囑該匪到沙市河街找開茶館的葉坤山李洪的事也聽高德華說過李紫榮卽李華堂供係湖南未陽縣人聶海秋卽聶海山供係湖北雲夢縣人曾與湖南未陽拏獲之劉健宏等結爲哥老會李華堂爲大哥係北梁山荊義堂因劉健宏被獲逃至漢口經未陽縣稟聞密飭設法拏獲聶海秋在漢口開堂賣票被勇丁誘獲於二犯起出票布及口號海底

張文襄公全集

卷三十一

奏議三十一

五

簿有坐堂陪堂刑堂禮堂等名目且多有悖逆語句葉坤山供係四川江北廳人向在李典名下蓮花山義順堂到處放票傳人入會李典爲正龍頭該匪爲副龍頭搜出偽印黃綾票件並據尹中安供指葉坤山是總頭目龍松年的幫辦各等情查以上各犯所供約期十月十五日在沙市豎旗起事或先到沙市糾黨布置或分佈下游預備接應悖逆情形顯然有徵實屬罪大惡極武漢人情浮動華洋雜處謠言沸騰當令臬司督同武昌府訊取確供均立予正法臬示以昭炯戒而靖人心其葉坤山一犯亦經荊州府覆訊稟經批飭正法至李

典卽李春陽在沙市客店自帖記名提督銜條向人又稱甘肅補用總兵在岳州供稱係湖南安化縣人向在營當勇領受揚州前經正法之匪首謝廷玉票布付給總統玉龍金象飛虎蓮花四山大元帥偽印上年五月在沙市開立蓮花山義順堂放票二百餘人嗣又來岳放票在會內稱爲龍頭大爺在福建稱小霸王等情據被誘同夥之犯劉鵬搏供稱李典開過山堂四次自向劉鵬搏說曾放票六萬餘張並親書李典所傳口號語多悖逆當將偽印票板搜獲查高德華尹中安等供內李典僞稱開山王查出鈔錄李典所傳口號夥黨與劉

張文襄公全集

卷三十一

奏議三十一

六

鵬搏在湖南所供無異幸經管帶振字營副將顏武林等在岳州府城外拏獲查該匪已在荊州布黨多人復又至岳州句煽希圖將荊岳聯爲一氣實屬狡謀叵測經臣之洞批飭迅速正法以杜逆謀此案出力人員應由臣之洞會同湖南撫臣張煦另案奏請獎勵至李洪卽李兩生雖據高德華供稱爲李世忠之子查訪李世忠親子向來尙屬安分有已中副榜者聞其義子中有李洪之名當經電達總理衙門在案惟李世忠舊部多而且雜其義子亦甚多鄂省實無從得其確據總之高德華既供明其號爲李兩生則以名號互相印證當可

蹤跡現仍密飭員弁並咨會各省嚴密查拏其各匪供出匪首多與沿江各省咨電所開匪首姓名符合足見聲氣相通其中如蔣雲卽蔣潤許文魁經安徽拏獲正法劉金魁經安徽拏獲譚金榜經江蘇拏獲正法萬松亭經江蘇拏獲至各匪供出而未獲之最爲著名匪首龍大勝卽龍松年吳有楚張慶庭龍海騰等亦經鈔單電咨沿江各省分投密拏此緝獲長江會匪首要懲辦之情形也其襄河會匪據署潛江縣知縣包鵬飛拏獲匪首周克明並督同千總銜五品軍功羅心溶率帶勇丁拏獲陳隄李朝奎李朝寅張庚萬秦開耀鞠老五卽

張文襄公全集

卷三十一

奏議三十一

七

鞠長貴黃明馨候補知縣京山縣縣丞呂賢笙拏獲李得勝徐光裕湖北提標前營左哨外委彭廷富拏獲王耀亭署襄陽縣知縣茹朝政拏獲敦五斤署湖北提標中軍參將蒯德浦督弁拏獲張榮庭李興五翟寶庭等鍾祥縣知縣徐嘉禾拏獲金配庵鄆會文李澤湘張必瑞並於該縣龍會山起獲槍礮火藥礮彈等件荊門直隸州知州嚴鸞昌拏獲李爲書隨州城汛把總武定雲拏獲楊華亭等訊據李朝奎供係天門人李朝寅卽李長寅供係孝感人周克明供係潛江人同供三犯均與已傷斃之陳隄於上年六月在朱家湖開天福全龍山

共掌一印散放票布起獲票板二方所刊字樣悖逆已極李得勝供係江夏人初入會充插花當家名目後升為會內新輔大爺與在逃之匪首陳先知均為大乾坤山頭目散票糾黨常在襄河一帶搶劫行船商旅本年二三月間各該匪於襄河黑流渡搶劫當店王耀亭供係穀城縣人光緒八年在穀城拜韓大發為師隨句引多人入會韓大發說該匪能辦事當給印布多張該匪又添造印布在河南邊界及襄屬各處放票坐堂後因拏逃至南漳武安堰改換姓名仍依舊串會各等供均屬糾黨煽惑潛謀滋事除陳隄一犯因拒捕格斃李得

張文襄公全集

卷三十一 奏議三十一

八

勝一犯暫留質證續獲各匪即行懲辦外其李朝奎李朝寅周克明三犯均據武昌府審訊明確批飭就地正法王耀亭批飭安襄鄖荊道就地正法此緝獲襄河會匪首要懲辦之情形也以上長江襄河一帶拏獲各犯皆係會匪著名頭目其在會中名次稍後者或留作眼綫或酌予監禁其有供詞狡展指證未確者暫行監候質訊應俟訊明分別辦理此外在逃著名匪目仍飭一體嚴拏重賞購緝務獲究辦以絕根株其愚民被匪誘脅入會僅止領受票布並非充當頭目及曾經滋事犯案者概令首悔自新不准兵役藉端滋擾以副朝廷除

莠安良之意臣等查此次哥老會匪句通洋人結連長江上下三千里匪黨購運軍火圖為不軌夥黨極多蓄謀至為深險湖北地處衝繁既便往來尤易混匿光緒九年三月會匪潛入省城約期為亂幸經發覺茲查首匪高德華所供各匪會商本擬十月十五日在安慶沙市分支同時起事後又改計十月十五日先在沙市豎旗起事沿江口岸匪黨布滿各犯供證亦皆符合是長江一帶上起荊岳下至武漢以下皆已聯為一氣一處蠢動處處響應使官兵應接不暇若非先事破獲倉猝揭竿而起荊州重鎮先已可危且本年湖南淑浦靖州

張文襄公全集

卷三十一 奏議三十一

九

黔陽岳州等處會匪滋事已有數起必致湖湘一帶匪黨紛起武漢下游處處可虞襄河一帶匪徒亦必乘機煽動湖北勇營素單即使迅就剿除而地方震驚擾害已不堪設想仰賴廟謨深遠先事欽奉嚴旨飭拏疊獲首要立予駢誅弭此亂階所有在事出力員弁或越境躡緝不避艱險或深入賊巢奮勇擒拏該匪等逞凶拒捕兵勇合力格鬪實與臨敵無異自應遵旨隨案奏請優獎以資鼓勵除襄陽鍾祥荊門隨州等處所獲各匪首應俟覆加質訊批飭懲辦後查明緝捕出力各員弁再行彙案奏獎外所有此次緝匪業經懲辦各案最為

出力之鹽運使銜湖北候補知府李謙擬請免補本班以道員仍留湖北歸候補班前補用記名提督謝得龍擬請交部從優議敘候補副將張國棟擬請加總兵銜補用遊擊漢鎮都司高長洪擬請俟補遊擊後以參將儘先補用署武昌府知府本任黃州府知府李方豫擬請賞加鹽運使銜調署漢陽縣蘄水縣知縣陳夔麟擬請以直隸州知州在任候補代理武昌縣事補用知縣鍾期濬擬請免補本班以直隸州知州仍留湖北歸候補班前補用署潛江縣事補用知縣包鵬飛擬請補缺後以直隸州知州在任候補候補直隸州知州江

張文襄公全集

卷三十一

奏議三十一

十

陵縣知縣龍兆霖擬請俟補直隸州後以知府在任候補漢陽縣縣丞黃新鏞擬請以知縣在任候補署沙市巡檢本任湖北糧道庫大使陸顯仁擬請加六品銜湖北試用縣丞胡子功擬請免補本班以知縣仍歸湖北儘先補用補用典史蔡鴻熙補用巡檢王家瑞均請免補本班以主簿仍歸湖北儘先補用千總銜五品軍功羅心溶擬請以千總留於湖北歸標儘先拔補並賞戴藍翎武昌縣城守營把總祝鎮清督標中營頭司把總徐堂督標左營二司把總馬玉陞均請以千總在任拔補據湖北按察使陳寶箴會同湖北布政使王之春具

詳請奏前來合無仰懇天恩俯准照獎以昭激勵出自逾格鴻慈謹合詞恭摺具陳伏祈聖鑒

硃批李謙等均著照所請獎勵餘依議欽此

添撥勇營分段緝私片光緒十七年十一月初七日

再鄂省前因北私浸灌淮鹽引地經前督臣李瀚章飭募鼎字一營駐紮麻城羅田一帶堵緝北私旋因地段寥闊巡緝難周准前兩江督臣左宗棠咨商添募一營共為鼎字正副兩營駐紮巡緝內有一營薪糧由淮鹽督銷局支放經前兼署督臣彭祖賢附片奏明在案本年夏間沿江教案迭出會匪乘機煽亂武漢根本重地

張文襄公全集

卷三十一

奏議三十一

十一

勇營單薄不敷分布當經飛調鼎字副營來省駐紮以資彈壓但留提督周得升自帶之鼎字正營一營巡緝北私此緝私之一營餉項仍歸淮鹽督銷局支發惟自鼎字副營調省以後北私頗形充斥疊准江督臣劉坤一咨請另撥勇營堵緝鄂省無可調撥再四籌維查有駐防襄樊鳳字馬隊前後兩營共馬勇三百二十名向係分派楚豫邊界堵緝潞私當與劉坤一商酌惟有將此項馬勇添募足成五百名上起襄樊隨棗下至應山黃孝勻撥分紮協同鼎字正營聯為一氣將北潞二私一律堵截所有勇餉馬乾帳棚雜費每年約需銀一萬

數千兩鄂省款無所出已准劉坤一商允咨覆由江南撥給外籌之款以資添募當經派委儘先副將劉恩榮挑募淮北河南精壯勇丁一百八十名照數采買配足馬匹編為鳳字馬隊中營與鳳字馬隊前後兩營原派營官參將丁季陞守備楊紹文勻分地段實力巡緝即委安襄鄖荊道朱其煊兼充此三營營務處就近考察約束此一營專為緝私而設餉歸江南外籌與鄂省勇營餉章無涉如江南撥款不敷由湖北另行籌捐補足復於黃安黃陂一帶添撥提督宋德鴻鴻字營兩哨補紮疏漏地段計添撥之馬步各隊人數已與原禁之鼎

張文襄公全集

卷三十一

奏議三十一

十三

字正副兩營相等通力合作足可截堵北路兩私以暢推銷至襄陽德安黃州一帶現正查緝會匪此項馬隊既經添募整飭時常巡哨邊境於皖豫邊界盜匪亦可藉資防緝於地方不無裨益

硃批該部知道欽此

測繪輿圖懇請展限摺

光緒十七年十二月二十

六日

竊照光緒十五年十月二十八日准會典館咨恭頒欽定輿圖格式限期一年測繪省圖府廳州縣圖各一分附以圖說解送到館等因當經前督撫臣通飭遵辦惟州縣諳悉輿地之學者甚少又無測繪儀器以故茫然

無從下手本年四月二十八日復准會典館咨到續定章程五條及表格一紙精切詳密始獲有所遵循疊經轉飭湖北藩司會同善後局司道分別撥款遴員設局開辦各在案竊惟會典一書分典例圖三門典例所不能詳者每藉圖以著明而輿圖一門關係重要為用宏多吏事軍事皆所取資而軍事尤為切於實用康熙間中外戡定遣使四出測繪輿圖詳載經緯度分乾隆間高宗純皇帝欽定輿圖列入會典兵部迄今泰西各國咸以測繪輿圖專屬之武職各員仰惟聖人立象垂法範圍莫外實足為萬世準繩查測繪輿圖大要在詳於

張文襄公全集

卷三十一

奏議三十一

十三

山水之形與道里之數而地形與天度相應非將經緯度數實測實量則山川形勢道里遠近必多差誤湖北素稱澤國境內之水江漢為大江水西自巴東東至黃梅約行二千三百餘里漢水北自鄖西南至漢陽約行一千九百餘里江漢交匯湖港雜出民生利病此為大端必應將流向曲折經過郡縣匯注分流之支派交錯斷續之隄坑吞吐順逆之穴口漲落廣狹之水界及當衝沙洲緊要閘壩從前湖身河道之可考者一一實測依率為圖始裨實用至境內之山則以鄖陽施南宜昌為最多襄陽荊門次之嘉慶中教匪跳梁賊蹤出沒其

間致稽征討山勢懸巨毗連川陝多扼塞天險之區人跡不到之地測量者測山較難於測水必應分別枝幹以人行道里繞測山麓及山峯立距平距之數深山僻遠雖難遍歷亦必測定山峯平距高低山脈斜度紆曲之勢山水形勢不差道里遠近悉合則疆域城鎮驛站營汛之類始各有所附麗以成分圖總圖前准會典館所頒表格詳敘天度經緯而山之要隘鑛產水之圩堰津梁均列其下最爲得其要領所有各府及直隸州廳各圖自宜博考事實附以圖說簡括著明不得空談形勢其各州縣分圖卽遵照表格之式詳悉填注無庸另

張文襄公全集

卷三十一

奏議三十一

古

撰圖說迭據鄂省各府州縣陸續繪送諸圖查與會典館格式章程多不符合自應博訪精通算學能用儀器之人分詣湖北六十八州縣治所測天定度詳審形勢於四邊之界測其經緯度分與地面鳥里及人行里開方命率如法成圖方有實際當於本年五月在省城開設輿圖總局派委道員錫璋蔡錫勇會同藩司善後局司道遴選人材購置儀器擬議舉辦揀委分省補用知縣鄒代鈞爲總纂湖北卽用知縣劉翰藻爲提調招致員紳教授學生以三十二人分爲四路每路八人共測一州縣之地復派員紳三人住局校定圖稿共計專司

測繪者十六人既須通曉測算又須涉歷險阻薪水夫馬之費自宜略予從優至於測量儀器有必須購備者如經緯儀度時表以測天空各曜高弧並校求時差定各州縣治所及山川險隘市鎮之經緯測向儀記里輪銅鍊尺以測地面鳥里及人行里水道湖隄山勢之遠近奪林儀風雨表以測山峯之高低均經轉向外洋價買漸次購齊惟各種儀器殊鮮通曉善用之人必須轉相教授學習通曉之後又須精練目力手力若持器稍有動搖目力稍有模糊在天度如差一度在地面卽差二百里事理精微非倉猝所能嫻熟湖北各府州縣西

張文襄公全集

卷三十一

奏議三十一

古

北多山東南多水既鮮平原曠蕩之區跋涉艱難復須實測實量以期詳審精當實非會典館所定一年限期所能竣事現在分爲四路測繪八人共測一縣約月餘可畢四路可畢四縣統計以兩年測地一年繪圖三年始可竣事如能多得精於測量之人設法趕辦至速亦須兩年有餘測量夫馬之費概由局發不致累及州縣合計省內省外需用經費及購備儀器繪刻工紙各項需款甚鉅鄂省庫儲支絀實無閒款可籌又未便派累州縣此係奉旨飭辦之件關繫通省水利江防邊防擬請卽在善後局釐金項下動支以應要需總期於餉需

不致貽誤以上各節據湖北藩臬兩司會同善後局與圖局司道詳請奏各前來臣等查湖北地處上游縮穀南北形勢最為衝要江漢兩大水腹地諸湖河一切水道隄工非有精確圖本其形勢不能瞭然而鄭宜施三府萬山叢雜界連川陝伏莽易生素為邊防戰守喫重之地輿圖之作實於地方利害得失所關匪細前撫臣胡林翼因繪本省輿圖推及各直省畫圖悉遵內府圖式惟當軍務倥偬之際未暇詳求測算茲以寰宇鏡清恭逢朝廷簡命儒臣纂修會典頒發輿圖格式章程自宜詳慎從事方能精確適用查會典館原奏內稱多一

張文襄公全集

卷三十一

奏議三十一

六

圖有一圖之用多一番考訂收一番考訂之功此事亟須求詳舉辦不宜更緩期限卻不可太迫又續發章程五條內開實測天度經緯以為開方計里之根宜詳毋略此係第一要事不得草率含糊以圖塞責等語實為切中窾要測繪事體繁重原限一年實難告竣合無仰懇天恩俯准自本年五月起展限兩年俾得詳細測繪以求精當而免訛誤臣等仍當隨時督催趕辦不令稍有耽延

殊批著照所請該衙門知道欽此

添募勇營變通營制摺

并清單 光緒十七年十一月二十六日

竊照鄂省前因會匪滋多口岸衝要兵力單薄備禦空虛當經奏請增募營勇一千名以遏亂萌而維大局並因統將乏人附奏請將記名提督熊鏞生由湘調赴湖北差委先後奉旨允准咨行欽遵辦理各在案查鄂省水陸交衝均資控馭陸勇需用固多而荊州宜昌地據上游最為喫重南則重湖浩渺北則襄河綿長伏莽均多長江襄河雖有水師然係按汛分駐地闊船稀不能多有移調熟察近日事勢遇有事端防遏策應非有活便肆應之水師不可而鄂省餉力極絀斷難再行奏請添募臣等督同司道將領再四籌商兼權並計惟有變

張文襄公全集

卷三十一

奏議三十一

七

通營制為水陸兼顧之舉現擬將新募勇丁令其水陸兼習編為三營每營設長龍船一號每號勇丁二十名船板二十號每號勇丁十三名以四號為一哨分為五哨每船設哨官一員每營設領哨官五員營官一員三營設統領一員因係水陸兼用統領未便兼帶中營應另募親兵四十名查水師舊章舵工頭工礮手等為一船安危所繫關係最重各有專司材藝既非一致口糧自宜略有等差前人立法具有深意自屢經改章裁減以後營哨用度不敷頭目同於散勇火夫不能開支動多窒礙於是統領營官不能不自行設法通融暗減勇

數以爲津貼哨官頭目火夫之用不肖者以此藉口短缺愈多剋扣日甚不可究詰殊爲有名無實徒令營制廢壞茲仍查照從前水師舊章其長龍艙長舢板頭工礮手之名目等差未便概從刪除混於衆勇以期駕駛可恃臨陣得力合計三營共勇丁八百四十名親兵四十名較之原奏募勇一千人之數有減無增水師一船之勇卽作爲陸路一棚遇有陸路調用長龍留勇四名舢板留勇三名守船餘俱登岸營哨隊伍仍各井然不紊查長江水師章程本於岸上操場兼習陸路技藝茲於省外江岸建造營房一所令此三營中輪派一營駐

張文襄公全集

卷三十一

奏議三十一

六

紮岸上精練陸路槍隊其兩營在船精練水師每營一月周而復始如遇水陸何處需用臨時酌量調派或三營均作水師或三營均作陸隊或水陸分用均可因時制宜卽委奏調湖北差委記名提督熊鐵生充當三營水陸統領此三營卽名爲鐵字營選派記名提督楊友益充當中營管帶提督銜記名總兵張星元充當左營管帶提督銜補用總兵羅進春充當右營管帶均於本年十二月初一日分投開招至十二日一律募齊點驗成軍所有應領器械等件由善後局照章核發長龍舢板礮船委員估定價值領款修造現募之營豫將營哨

隊伍編定先操陸隊俟明春礮船造成卽行兼習水師惟此三營水陸兼操一營抵兩營之用應支月餉自應參酌鄂省水陸營制餉章變通辦理略予從優酌照舊章以期得力該營統領每月支薪水銀一百兩公費銀一百兩營官仍照步隊營官月支薪水銀五十兩公費銀一百兩領哨月支薪水銀十二兩舢板哨官仍月支薪水銀九兩長龍艙長舢板舵工親兵什長各月支口糧銀三兩六錢舢板頭工礮手各月支口糧銀三兩三錢其餘正勇仍月支口糧銀三兩其稍優者亦皆係舊章所有三營薪糧統計大建月支銀四千一百八十兩

張文襄公全集

卷三十一

奏議三十一

九

零七錢小建月支銀四千零八十八兩五錢一分計照光緒十一年湖北改定步隊兩營章程每月多支銀六百八十餘兩查鄂省地多澤國水師尤不可少現因限於餉力不能添募水師故爲此三營水陸兼用之計餉需較之前奏一半之數每歲僅多銀四千餘兩設有緩急隨宜調撥既不爲江湖所阻亦不爲山谿所限一軍兩用通盤籌計所省已甚不少實屬費少益多不能不酌量變通未敢拘泥前奏此軍係水陸兼操倍極辛勤他營自不得援以爲例所有餉需查照此次奏案以一半動支正款一半由商民捐款支放據湖北善後局司

道開具清單詳請具奏前來除照章飭取統領營哨官弁勇丁銜姓花名清冊按季咨部外謹照繕清單合詞恭摺具陳伏祈聖鑒

硃批著照所請該部知道單併發欽此

謹將湖北新募鐵字中左右三營酌定水陸兼操營制餉章繕具清單恭呈御覽

計開

一統領官一員月支薪水銀一百兩公費銀一百兩不扣建親兵四十名內什長四名月各支口糧銀三兩六錢正兵三十六名月各支口糧銀三兩均扣建

張文襄全集

卷三十一 奏議三十一

三

一每營營官一員三營營官三員月各支薪水銀五十兩公費銀一百兩不扣建

一每營領哨官五員三營領哨官十五員月各支薪水銀十二兩不扣建

一每營哨官十五員三營哨官四十五員月各支薪水銀九兩不扣建

一每營長龍一號舢板二十號三營長龍三號舢板六十號每長龍船長一名共船長三名月各支口糧銀三兩六錢扣建

一每營舵工二十一名三營舵工六十三名月各支口

糧銀三兩六錢扣建

一每營頭工二十一名三營頭工六十三名月各支口

糧銀三兩三錢扣建

一每營礮手四十四名三營礮手一百三十二名月各

支口糧銀三兩三錢扣建

一每營勇丁一百九十三名三營勇丁五百七十九名

月各支口糧銀三兩扣建

一每營船長舵工頭工礮手勇丁二百八十名月支柴

油銀八兩四錢三營船長舵工頭工礮手勇丁共八

百四十名月共支柴油銀二十五兩二錢扣建

張文襄全集

卷三十一 奏議三十一

三

一舢板每號月支公費銀三兩每營舢板二十號共支公費銀六十兩三營舢板六十號總共支公費銀一百八十兩不扣建

以上通共大建月支薪工口糧銀四千一百八十八兩零七錢小建月支銀四千零八十八兩五錢一分

辦結宜昌教案摺 光緒十七年十二月二十七日

竊光緒十七年七月二十九日據署宜昌府知府逢聞古署東湖縣知縣許之璣電稟本日早間宜昌府城外地方有因尋幼孩焚毀天主教堂之事當經臣電飭該

府縣等確查啟詳詳細情形迅將爲首滋事之人拏獲
稟辦並派委荊宜施道方恭釗候補知府裕庚馳往宜
昌會督府縣切實查辦去後嗣據該道府縣印委各員
會稟稱查明教堂洋房被焚情形迭經會督營汛分途
查拏先後拏獲滋事各犯朱發金趙宗雅汪望王德娃
子李宗義楊長生何燮臣余五豹子高正洪黃順榮易
白熊宏發等十二名督同逐一研訊此案實因法國聖
母堂誤收民人游姓被拐幼孩啟衅懷疑蓄憤烏合打
鬧失火延燒其時游姓聞知失孩係在教堂赴堂詢問
當經教士令其識認領回並經該道府縣向堂中查出收
張文襄公全集 卷三十一 奏議三十一

養幼孩及婦媪六十五名內瞽目者三名眼球仍在瞽
一目者一名皆係原來因病成瞽均係其父母自願送
養實無一挖去目睛戕殘形體之事據朱發金供認光
緒十七年七月二十九日路過聖母堂見眾人吵嚷聞
係游姓失去幼孩在聖母堂尋出因平日誤信訛傳洋
人有殘害幼孩之說又因見有瞽目小孩數人懷疑逼
憤不服彈壓同眾打鬧聖公會新造房屋並先至聖母
堂同眾上樓亂打一時人多擁擠不知因何起火想係
翻倒洋油引燃所致又至天主堂屋廚房打鬧致竈
內火起延燒聖母天主各堂趙宗雅供打毀聖公會聖

母堂器物並搶取銀兩汪望供打毀聖公會聖母堂郭
洋人花園窗戶器物王德娃子供打毀聖母堂器物洋
醫生屋內藥瓶李宗義楊長生供打毀天主堂及洋花
園物件何燮臣供打壞聖母堂器物並向知縣出言頂
撞余五豹子高正洪黃順榮各供打壞聖母堂及洋房
器具樹木易白熊宏發各供碰壞聖母堂門窗並據各
犯供平素均不相識實係一時烏合各自打鬧並無爲
首之人預謀糾約情事教堂被焚實係打鬧失火延燒
並非有心放火各等供反覆研鞫堅執不移案無遁飾
應卽擬結查例載兇惡棍徒屢次生事行兇無故擾害
張文襄公全集 卷三十一 奏議三十一

良人者發極邊足四千里安置凡係一時一事實情
兇勢惡者亦照例擬發又律載白晝搶奪人財物者杖
一百徒三年若因失火而搶奪人財物者罪亦如之又
故意毀人器物者計所毀之物卽爲贓准竊盜論免刺
罪止杖一百流三千里又竊盜贓一百兩杖一百流二
千里一百二十兩杖一百流三千里又各例載斷罪無
正條援引他律比附又違制者杖一百又不應爲而爲
事理重者杖八十各等語此案朱發金因游姓失孩尋
覓誤信訛傳懷疑逼憤不服彈壓同眾打鬧聖公會聖
母堂以致人多擁擠翻倒洋油引燃起火並打鬧天主

堂以致竈內火起延燒聖母天主各堂審明並無預謀圖財情事亦非挾仇有心放火惟該犯逞兇肆鬧經地方官彈壓猶敢不服實屬生事擾害未便稍涉輕縱應照兇惡棍徒生事行兇無故擾害良人發極邊足四千里安置例擬發極邊充軍趙宗雅打毀教堂器物並搶取銀四十六兩有奇除搶奪計贓擬徒輕罪不計外計毀壞器物估贓在一百二十兩以上應照故意毀人器物計所毀之物即為贓准竊盜論竊盜贓一百二十兩杖一百流三千里律擬杖一百流三千里免刺汪望打毀教堂洋房三處器物計贓已及百兩亦應照毀人器物

張文襄公全集

卷三十一

奏議三十一

五

物准竊盜論竊盜贓一百兩杖一百流二千里律擬杖一百流二千里免刺各解配折責安置王德娃子李宗義楊長生何燮臣余五豹子高正洪黃順榮七犯各隨眾打鬧不服約束致壞洋房什物計贓無幾應照違制律均擬杖一百王德娃子李宗義楊長生各係打鬧二處何燮臣不服彈壓情節較重應從重枷號一箇月易白熊宏發二犯僅碰壞窗戶玻璃情節較輕應照不應重律擬杖八十分別折責滿日發落無干省釋等情由湖北按察使陳寶箴覆核議擬具詳前來臣覆加察核均屬允協應即照詳分別辦理至英法美各國教堂洋

房被焚所失器具什物或係領事或紳商或醫士均屬無辜受累自應量予撫卹以昭朝廷厚待遠人之意惟各國領事原開數目較多當經飭委員與之詳加辨論切實核減並經總理衙門與英美公使辨論核定查三國中惟法國教堂房屋最大器具毀失甚多議給洋例銀十萬兩英國損失家數較多議給洋例銀六萬六千八百六十一兩又洋九百十元美國只教堂一處議給洋例銀八千兩以示體恤共折合庫平銀十六萬四千五百九十六兩三錢九分二釐內由司庫撥銀三萬八千零四十四兩零四釐由宜昌關稅撥銀十二萬六千

張文襄公全集

卷三十一

奏議三十一

五

九百五十二兩三錢八分八釐飭據江漢宜昌兩關道暨委員候補知府裕庚與各該國領事往返妥商定議均無異言當令將撫卹銀兩先後送交各領事轉給完案

硃批該衙門知道欽此

煉鐵廠添購機鑪請撥借經費摺

光緒十八年二月二十七日

竊臣前於光緒十六年十一月將勘定煉鐵廠基籌辦廠工及開采煤鐵事宜分晰奏陳並將機器廠工一切經費約估大數共需銀二百四十六萬八千餘兩咨報海軍衙門暨戶工二部立案並聲明事皆創辦約略估

計不免疏漏此外續添料件續增用費恐尙有溢於原估之數等因各在案旋承准海軍衙門會同戶部先後奏撥煉鐵經費銀二百萬兩令就撥定之數開廠煉鑄設法勻籌樽節辦理各等因咨行到鄂均經轉行遵照辦理茲據湖北鐵政局司道詳稱伏查鄂省開設煉鐵大鑪日出生鐵百頓並有煉熟鐵煉鋼煅鑄各鑪酌用抽條夾板造軌各項機器詢據外洋工師僉謂在外國亦稱大廠更兼采鐵煉鋼開煤三事合而爲一復有修運道鐵路築江隄設化學鑛務學堂添修理機器廠皆連類而及必不可少之費據洋匠約估若在外洋非銀

張文襄公全集

卷三十一

奏議三十一

三

三百餘萬兩不辦當以中國人工易集物料較廉竭力樽節約估需銀二百四十六萬八千餘兩詳請奏咨在案開辦以來覈實動用間有可以節省者亦有溢乎原估之外者截長補短其在原估條目之內者通牽覈計尙足相準惟此等創辦大舉並無成式可循事理既極精微情形亦與外洋多異隨時變通補救續添料件續增用款實有意料所不及思慮所難周萬不能省必須購辦者卽如各種鑪甄長途轉運破壞過半必須重向外洋購買方能敷用鐵軌需用之鉤頭釘魚尾片必須添機自製方免仰給於外洋又外洋煉鐵先看鑛質再

配機鑪此項機鑪原係在粵購定續經電商海軍衙門奏明移鄂安設以免另購大冶鐵質過堅不甚合式必須添配煅鑄鑪煅過方能入鑪鎔化熱風鑪亦須添一座此皆意料所不及必須隨時添辦者也原議以湘煤煉冶鐵現經大冶開出煤鑛均係油煤可煉焦炭正與煉鐵相宜江夏縣屬馬鞍山又覓得油煤隆一處較之用湖南白煤用度實省自應舍彼就此設法開采惟開平開采煤鑛費至百餘萬金始見成效鄂省部款有限自難比照現擬分開小井以期節省而添機需費設焦炭鑪需費煤隆修鐵路以接合鐵山軌道需費遣工匠

張文襄公全集

卷三十一

奏議三十一

三

出洋學習煉鐵需費此皆思慮所難周必須變通辦理者也至原估化學鑛務各學堂卽係爲采鐵煉鐵煉鋼開煤本廠所用而設以備分司各事與此次遣工出洋學習煉鐵均俟習成以後卽可少用洋匠藉可稍節經費亦免造不如式動需改作耗棄工料並非爲日後他處應用之計修理機器廠尤爲本廠時刻相須之事此萬不能省者也除煤隆添接之鐵路約可在原估款中勻撥應用外共需續增款項三十二萬四千六百兩合之原估二百四十六萬八千餘兩共需銀二百七十九萬二千餘兩此雖目前加增工料用款之需皆實爲日

後節省常年經費之處除部撥二百萬兩外尚不敷銀七十九萬二千餘兩明知撥款有定續請殊難苟有可以樽節之處敢不設法勻籌無如工程浩大端緒紛繁廠工須一氣呵成機器皆相資爲用關一即難奏效必須廠工告成開出煤鐵製成鋼軌等鐵料運行銷售始能如部議所云收回價本此時委實無從周轉竊思此舉原以濬利源而杜外耗是以海軍衙門始終主持戶部極力籌款萬不能以款項不濟中道停止以致廢要政而棄前功必須鐵廠早成則關東鐵路有所取資可以歲省中國漏卮鉅款而部咨已力言無從應付勢難

張文襄公全集

卷三十一 奏議三十一

天

再請添撥再四籌維惟有就本省設法騰挪借撥以濟要工茲查上年及本年冬春以來因沿江一帶收成豐稔釐金鹽課兩項收數較旺覈計除支撥京協各餉及本省餉需外尙可勻撥應用擬請在釐金項下動撥銀五萬兩鹽釐項下動撥銀五萬兩兩項共撥銀十萬兩又查鹽道庫存長江水師申平銀一項暨糧道庫存各雜款皆有餘存均係存儲暫不需用之款擬請借撥鹽道庫存長江水師申平銀十萬兩糧道庫存雜款銀十萬兩兩項共借銀二十萬兩俟鐵廠落成後銷售鐵料獲有餘利自光緒二十年分十年勻攤歸還惟以上

動撥借用銀三十萬兩之外不敷尙鉅又查製造槍礮必鐵廠成後始有鋼鐵第槍礮機器久擱必致鏽壞現已次第修廠設機惟開造尙需時日鐵廠與槍礮局本爲一事相爲表裏難分畛域權衡緩急擬即在上年奏定槍礮局常年經費內自行酌量勻撥應用似此一轉移間於部款不至再費籌撥於本省正款毫無妨礙而鐵廠工程即可指日觀成該司道等自當督飭各員匠極力樽節動用斷不致稍有虛糜似此采鐵煉鋼開煤三事並舉又兼有創修鐵路六七十里較之從前海軍衙門原估但建鐵廠兩座已需銀二百八十萬兩之數

張文襄公全集

卷三十一 奏議三十一

天

實不爲多經此次續估之後斷不至再有請添之款開具續估數目清單詳請奏咨等情前來臣查設廠煉鐵及開采煤鐵各事宜開辦以來皆經臣悉心督察時時籌計事事樽節無如廠大工精端緒過繁中國創辦此舉一切類非習見習聞之事至運道馬頭機礮等事皆須因地制宜洋匠估計亦實難周悉無遺查前兩江總督沈葆楨開辦福建船政之時營建鑄鐵打鐵各廠原估用款銀四十萬兩續估多至一百餘萬兩均經奏明有案具徵創始之事估計工料確數實難豫定此案原估用款大數銀二百四十六萬八千餘兩咨部立案即

經聲明係約略估計不免疏漏此次續增用款銀三十萬四千六百兩均係隨時補救變通萬不容已額外增出之款項並非與原估前後參差且增出用款添購機器爐座居其大半其工用需費亦屬無多而添購之機器增開之煤井以及接修煤窿鐵路資遣出洋學習工匠皆係爲將來開濬利源節省經費之計所增止此所省實多方今戶部支絀籌畫維艱臣所稔知前次部咨既力言再請續籌戶部實無從應付自係實在情形斷不敢再請由內撥款惟二百萬斷不敷用臣早經計及是以光緒十六年三月初十日曾經電達海軍衙門

張文襄公全集

卷三十一 奏議三十一

三

聲明部款二百萬之外其餘不足之款當竭力籌畫等因在案現在惟有就本省設法騰挪籌撥以應急需茲擬勻撥釐金鹽釐兩項銀十萬兩於部撥京協各餉不致妨礙其擬借鹽道糧道庫存申平雜款銀二十萬兩由鐵廠分年攤還於款項初無出入其餘均在奏定槍廠廠常年經費項下移緩就急勻撥應用並非格外請添之款臣自當督飭該局司道等樽節迅速辦理目前關東鐵路工程緊要不能延緩鐵廠早成一則中國漏卮早塞一日將來鐵廠成後臣當設法籌計所有用過官款仍可逐漸收回合無仰懇天恩飭下海軍衙門

戶部迅速議覆俾各項應手得以趕辦廠工早日觀成以竟全功

硃批該衙門議奏欽此

張文襄公全集卷三十一終

張文襄公全集

卷三十一 奏議三十一

三

吉林慶 珍校

張文襄公全集卷三十二

奏議三十二

查辦湖南刊布揭帖偽造公文一案摺光緒十八年三月二日

十五日

竊臣等前經承准總理各國事務衙門咨開匿名揭帖本干例禁立法甚嚴自髮逆掃平後地方又安而散勇惰民思欲藉端為亂輒假西人傳教為言刊為書說編作歌謠繪為圖畫率皆鄙俚不經不堪寓目而愚民無識往往為所煽惑甚或釀成巨案迭准德國使臣屢次送到刊板書籍說詞歌曲畫圖種種並有捏造總理衙

張文襄公全集

卷三十二 奏議三十二

一

門公文及督撫文函各件居心甚為詭誕此等謠言微特有礙邦交即中國內治亦宜嚴懲咨行通飭各屬查禁究查捏造之人從重懲辦以消隱患並迭次承准電開長沙府有周漢開設寶善堂鄧懋華書舖刊刻詆毀洋教書籍布散甚多查各處教案之起皆由造言生事者搖惑人心各書皆由湖南而來有三家書舖鄧懋華會郁文陳聚德皆代周漢刻書各等因均經通飭嚴禁並行湖南臬司嚴切查究本年二月承准總理衙門電催辦理當經臣之洞電請總理衙門代奏派委湖北督糧道惲祖翼馳往湘省會同湖南臬司確查稟覆奏明

懲辦奉旨允准在案茲據該道惲祖翼自湘回鄂會同署湖南按察使呂世由稟稱查此案先經該臬司飭據長沙府知府趙環慶稟稱查得周漢係甯鄉縣人由軍功薦保道員留陝西補用向以寶善堂之名在湖南省城刊刻善書蹤跡無常現在遠出未歸鄧懋華會郁文陳聚德三人均以刻字為業會郁文已於上年身故當訊據鄧懋華供向在長沙省城小西門內路邊井獨自開店刷賣帳簿並未與周漢合夥刊刻書籍惟與之熟識往來上年周漢曾至店中寄居數日隨即出省有時言語荒誕狀似瘋迷其所輯各種善書聞係陳聚德會

張文襄公全集

卷三十二 奏議三十二

二

郁文代為刊刻據陳聚德供開設刻字店多年曾代周漢刊刻得一錄官紳寶訓育嬰良法拯溺寶筏格言聯璧傳家寶訓擴充惻隱各種善書所有板片隨時取去自行刷印夥店人數眾多不諳文義向來刻書照字算錢不問來歷所有辣手文章等書並一切畫圖是否間有店夥代刻實在記憶不清據會郁文店夥吳東海供店主曾郁文曾代周漢刊刻善書已於上年身故至於毀罵洋教書本曾否刊刻實不知情自奉將店門封閉各夥俱已散去各等供該道到湘當即會同該司派委湖南候補通判蔣聯庚馳赴甯鄉查傳周漢解省訊究

旋據該員會同甯鄉縣知縣鄭之梁稟稱周漢自光緒十年由新疆請假回籍隨即攜眷出外至今並未復回原籍當將周漢胞姪周德之戶族周昆玉團總唐篠楠鄰右黃樹秋一併傳解來省經該府訊據周德之供周漢係其胞叔自光緒十年回籍後即攜眷出外隨意遊遊六七年來並未回至甯鄉近患痰疾時發時愈病劇時言語不清有似癲狂又羨慕神僊自稱鐵道人最信扶箕平日雖不信洋教並未編刊書歌圖畫各處布散或係不逞之徒因伊叔周漢保至監司大員託名刊刻並捏造總署湘撫公文及致鄂撫書信希圖聳聽亦未

張文襄公全集

卷三十一

奏議三十一

三

可知質之戶族周昆玉團鄰黃樹秋唐篠楠等各供相同惟所有書歌圖畫究係何人秉筆未能得其主名自應先將板片搜獲銷毀淨盡以副朝廷輯睦中外之意當經該府督同長沙善化兩縣懸賞購覓並恐民間心懷疑懼知而不舉特於賞格內聲明隨繳隨賞並不追究來歷復派差分路搜尋始據長沙縣民萬富安等陸續繳到鬼叫該死辣手文章擎天柱滅鬼歌稟天主邪教並圖畫各種板片計三十一面共二十五塊內多殘缺不全自係畏罪毀棄所有板片及人證供結均由該府稟解該司道等親提覆訊所供均與該府原訊相

同誠恐尙有不實不盡究竟周漢是否在家避匿並該書鋪等有无諱飾情事復向周德之究詰據供伊叔周漢實係由新疆請假回籍後攜眷外出行蹤靡定平日不喜洋教僅止信口詆訾委無刊刻書畫各處散布情事且身係職官斷不敢偽造公文其致湖北巡撫信函伊叔並未到鄂省從不好與官場往來顯係他人假託總因伊叔是四品大員平日好發議論是以匪徒盜竊姓名希圖易於煽惑提訊戶鄰周昆玉等供詞俱同復訊據陳聚德供曾經代周漢刻過善書數種實未刻過毀教書畫該鋪在省開設多年代人刊刻善書主顧甚

張文襄公全集

卷三十一

奏議三十一

四

多向來照字算錢書板隨刻隨取其帳簿或僅記一姓或僅記一堂名或係輾轉交來實不能概行登記姓名且店夥甚多來去無常這辣手文章等書其中是否有店夥刊刻者委實無從查悉如有代周漢刻過毀教諸書亦只係工匠受雇該鋪並不知情儘可據實供明何必代為捏飾自受拖累又提鄧懋華再三質對堅不承認代刻書畫惟據供與周漢熟識遇其肆口妄論之時不免羣相稱贊事時有反覆研鞫供仍如前加以刑嚇矢口不移該司道等因案關重大不厭精詳復飭長善兩縣確查周漢實係早經外出久未在省又經派員

明查暗訪咸謂周漢患有心疾語言怪誕近來痰迷更甚見人動輒謾罵至刊刻毀教等書圖等事並無聞見異口同聲供證既屬確鑿應即據供擬結查周漢遠出未歸痰疾既劇言語支離即使傳喚到案亦難訊取供詞業已傳到該家屬及戶族團鄰人等嚴訊明確僉供周漢並無刊播揭帖及捏造公文等件情事眾供如一稱係匪徒託名偽造希圖煽惑尙屬可信即如致鄂撫信函一節湖北撫署號房並未接收此信其爲假託捏造更屬無疑惟周漢以在籍道員專好扶箕詭信鬼神語言怪誕跡類瘋狂病發之時乖謬尤甚逢人輒罵此

張文襄公全集

卷三十一 奏議三十一

五

等形狀仕途罕見自應稟請奏明予以懲處以儆謬妄而免生事書賈鄧懋華既知周漢形類瘋狂性好生事仍復與之往來遇事稱贊殊屬無知附和陳聚德平日代人刊刻書籍並不查詢來歷又不看明書畫內文義有無流弊任令店夥誤行刊刻以致滋生事端均有不合鄧懋華陳聚德均請照不應重律各擬杖八十加枷號三箇月滿日折責發落吳東海訊係會郁文幫夥不知店務應與病故之會郁文均無庸議仍將各該鋪永行封閉不准復開無干人證省釋免累至匪徒竊名造言刊播揭帖希圖煽惑已屬可惡並膽敢偽造總署督

撫公文四處傳播尤爲大干法紀除由司道飭湖南各屬一體訪查務得主名嚴拏究辦外合將查起書圖各種板片彙同供招戶族團鄰甘結並地方官印結呈繳稟請會核具奏等情前來臣等查西人傳教乃條約所准行久已中外相安民人入教與否聽其自便西人亦不强人必從其教教堂如實有不近情理不合條約之事儘可稟官照會查辦何得捏造不根之言惑衆生事况現值沿江各省嚴辦會匪之際豈容推波助瀾擾動大局此案周漢雖查無刊播揭帖及偽造公文情事惟該員以在籍四品職官理應謹言慎行矜式鄉里乃平

張文襄公全集

卷三十一 奏議三十一

六

日專以扶箕爲事惑於鬼神言語荒誕跡類瘋狂近來痰迷更甚見人動輒謾罵以致匪徒假託其名偽造公文造言煽惑自未便漫無懲戒致令滋生事端相應請旨將在籍花翎陝西補用道周漢暫行革職查傳到籍交地方官嚴加管束不准潛至省城妄爲生事仍隨時察看將來痰疾如能痊愈果能謹飭改過再行申請核辦儻瘋狂益甚滋生事端即據實稟請奏明嚴懲其書賈會文郁業經身故鄧懋華陳聚德自應各予懲儆應照該司道等所擬辦理至竊名刊播揭帖偽造公文信件之匪徒臣等自當督飭該臬司嚴飭各屬實力查緝

務獲究辦以儆效尤其起到書圖各種板片由臣之洞
派委江漢關道孔慶輔眼同漢口領事銷毀
硃批該衙門議奏欽此

籌款合修同仁隄工竣摺

光緒十八年五月二十日

竊查湖北黃梅縣與江西德化縣安徽宿松縣濱江連
界共管之同仁隄關係三省利害係於道光十八年由
湖北督撫臣奏明蒙恩撥發庫款銀十萬兩創建計長
一千九百餘丈隄成編列康樂和親安平六字號責令
黃梅德化宿松三縣業民按畝分承歲修保固厥後遂
爲三省公隄遇有改建大工歷由三省勻籌借撥經費

張文襄公全集

卷三十一 奏議三十一

七

通力合作光緒十六年七月因江水增漲該隄冲刷塌
卸勢甚危險由黃梅德化宿松三縣會稟估修並准江
西安徽二省先後咨商到鄂飭據該三縣會稟勘得該
隄和字號與親字一號起至五號止隄岸坍塌擬自樂
字號老隄起至安字號丁家口止勘定基址改建長隄
一道藉資捍衛計長一千一百三十八丈五尺估需經
費二萬五千九百七十餘兩三省分派每省應發銀八
千六百五十七兩零懇即撥款興修等情臣等查該隄
雖係官督民修遇有大工向係三省勻籌經費同治年
間曾經撥給賑款應用及借款興修緣黃梅縣屬低鄉

居多每遇江水稍漲田地輒被淹沒近年長江自九江
一帶南岸沙淤漸寬北岸江溜衝刷日甚是以連年以
來均遭水患民情困苦異常該隄關係三省田廬賦命
唇齒相依當此工程緊急之際刻難延緩若拘泥官督
民修責令照章集費民力實有難支必致貽誤事機所
關非細且歷年雖有借款徵還之說亦係有名無實此
次大修急工與尋常歲修培補不同惟有三省會商籌
辦疊准江西安徽兩省來咨俱係籌發官款應用湖北
省自應力籌合作以竟全功當即飭司核議籌款於鄂
省賑捐項下提撥銀八千六百五十七兩發交黃梅縣
張文襄公全集

卷三十一 奏議三十一

八

具領並委同知李雯會同該縣及江西安徽兩省印委
各員妥商趕辦即於光緒十七年二月十三日興工四
月初二日一律完竣並據該印委等核實樽節工竣餘
錢九百千文除備是年該隄防險之資三百千文外所
有餘錢六百千文批飭提存發典生息以備同仁隄歲
修經費不准挪移他用當經飭委署黃州府知府存厚
前往驗收據報承修之隄委係如式修築完固並無草
率偷減等情據湖北布政使王之春詳請具奏前來臣
等覆核無異除飭將用過土方工料照例造冊並取保
固限結詳咨外所有籌款合修同仁隄工竣緣由臣等

謹合詞恭摺具陳伏祈聖鑒

硃批該部知道欽此

裁撤茶商捐助書院經費摺

光緒十八年六月二十六日

竊臣承准軍機大臣字寄光緒十八年五月十一日奉
上諭有人奏捐重累商懇恩飭免一摺據稱茶商捐助
兩湖書院經費傳聞督臣僅照原定捐章減去三分之
一約計各項茶捐每年猶須銀二萬兩內外又有雜費
及留難等事種種擾害茶市蕭條國課日虧請飭蠲除
等語前據張之洞覆奏酌減抽收茶捐如稍有妨礙及
商情不便之處即行奏明裁撤至今將及一年若如所

張文襄公全集 卷三十一 奏議三十一

九

奏各情茶商苦累如此該督迄未據情入奏仍著張之
洞悉心妥籌務須體恤商艱如果實有不便自應早為
裁撤以蘇商困原摺著鈔給閱看將此諭令知之欽此
仰見朝廷體恤商艱之至意臣伏查茶商捐助兩湖書
院經費係就該商多年舊案之捐為兩省培植士林之
舉捐數輕減商情樂輸於茶務毫無妨礙臣前奏業經
分晰陳明上年奉旨飭查時臣復將捐數奏明酌減為
數極為輕微並陳明隨時體察情形如稍有妨礙及商
情不便之處即行奏明裁撤自上年覆奏以來並無一
呈一稟向臣及撫臣關道衙門投遞者臣隨時博訪周

諮實無稍有妨礙及商情不便之處惟今年春間雨水
較多茶市稍為減色究恐商人不免因此藉口正在飭
查核議酌擬停收欽奉前因遵即悉心妥籌檄飭江漢
關道立將此項茶捐即日出示遵旨裁撤一面札飭湖
北藩司江漢關道會同查照鈔奏各節確切查明詳覆
去後茲據湖北布政使王之春江漢關道孔慶輔會詳
稱遵查原奏所稱兩湖書院經費該茶商迭控求免未
准聞茶商具控關道督撫各衙門前後十有餘次均有
案卷可稽等語查創建兩湖書院所有兩省人士企望
欣忭各情及南茶籌捐經費原委前奏均經陳明在案

張文襄公全集 卷三十一 奏議三十一

十

此項茶捐各商均知所出甚微收效甚大且所成就者
非其子弟即其戚黨楚弓楚得衆情樂從毫無勉強惟
辦運南茶商人各省皆有賢愚不等間有不知大體好
訟生事之人曾於光緒十六年開辦之時兩次赴江漢
關道衙門呈請邀免當經前署江漢關道李壽蓉江麟
瑞先後批飭曉以善舉大義遂無異說同時亦曾向臣
及撫臣衙門具呈前經奏明在案自覆奏以後即無一
紙呈稟邀免者至藩司衙門則先後並無一商前來具
呈是茶商呈控督撫關道衙門先後共只二次均有案
可稽原奏所稱具控各衙門十有餘次等語實為傳聞

無據之詞現在此捐已停有德豐永聚生和南北茶商十餘號向督撫藩臬兩司各衙門具控茶葉公所首事袁雲峯等勒抽私費濫扣盤剝一案詞內猶以創建兩湖書院為三楚第一盛舉茶商捐助經費眾擎易舉義所當輸請革除該首事等向抽私費專就書院捐款免無益以成有益為言經臣批飭以捐助書院經費業經出示裁撤應勿庸議但飭該司道等傳集各商將該首事自行勒抽濫扣各節澈底查究妥籌裁減濫費整頓茶務之法此足為商情樂輸毫無勉強之一證又原奏所稱驗票驗貨給票換票雜費紛繁藉故留難一節查張文襄公全集卷三十一 奏議三十一 十一

前收此捐時係就關道署中派員經理除筆墨紙張之費其餘儘數歸公每日按照茶稅所入核計所售茶箱抽取捐費本無驗票驗貨之煩何至有留難擾累之苦是又不待辯而自明者也又原奏所稱國課日虧一節查漢口茶稅近年較前漸形短絀已非一朝一夕之故光緒十六年一年收稅銀九十五萬七千餘兩十七年一年收稅銀一百零二萬四千餘兩查十六年收捐書院經費之時頭茶已過所捐僅只數月並未全收而十七年全年抽取書院經費之時稅課轉較前加增尤足為書院捐費無損於茶務國課之明證至近年茶商虧

本之由洋商捐價之故實因茶莊過多每思僥倖朦混製造粗率煙薰水濕氣味不佳兼以劣茶攙雜由於資本不足重息借貸更有全無資本俟茶賣出以償借債者洋商漸知其弊於是買茶率多挑剔故抑其價茶商債期既迫只求速銷償債而成本之輕重不能復計一經虧折相率倒閉其資本充足者勢不能不隨眾賤售茶務之壞多由於此即如安化茶莊上年甚少安茶遂享大利今年長沙高橋驟開四十餘莊遂致成本大折是茶市之壞正因小販過多開莊搶售之故原奏所稱開莊各情適與現在情形相反亟應力籌整頓之法方張文襄公全集卷三十一 奏議三十一 十一

足維持茶務於不做等情詳請覆奏前來臣查該司道等詳覆各節均係實在情形至原奏稱初議開捐時道員曹秉哲捏詞迎合等語查湖北道員並無曹秉哲其人原奏或即隱指前派會同江漢關道勸辦之道員曹南英而言惟查此項捐款係委該道會同歷任江漢關道勸辦非該道一人所能主持總之此捐無累於商無損於國有稅課之可稽有商情之足驗非臣一人之私言此捐本為書院及方言商務各學堂經費而設不獨有益於士林兼有裨於商務惟現在茶市減色恐論者不揣其本而齊其末是以體察情形亟議停收以杜藉

口於奉到諭旨後即行裁撤其兩湖書院及方言商務學堂經費自當另行妥籌辦理
硃批知道了欽此

湘鄂合剿臨湘會匪擒獲首要摺 光緒十八年八月初三日

竊查湖南臨湘縣會匪汪殿臣向來開立山堂糾黨放飄人蓄逆謀於上年九月在巴陵縣界之大雲山糾黨嘯聚焚劫居民抗拒官軍當經兵勇追捕逃匿復在臨湘縣屬之小湄飛鳴山聚眾劫掠又經振宇防營暨岳州水陸營汛兵勇擊散拏獲匪黨多名惟匪首汪殿臣在逃未獲前經臣等將剿捕情形奏明在案本年閏六

張文襄公全集 卷三十一 奏議三十一 三

月臣之洞據湖北通城蒲圻等縣稟報匪首汪殿臣復在臨湘縣屬之漁角亭聚眾豎旗起事近接通城縣境據險設卡張貼偽示偽稱順天王總統乾坤離坎四卦天寶山勒逼遠近各鄉居民進貢通城蒲圻一帶民情洶懼等情當經臣之洞飭派鴻字營勇兩哨分投馳往通城蒲圻扼截拏並經臣等各據稟報分飭岳州府縣防綠各營趕緊併力撲滅嗣據岳州府知府鍾英岳州鎮總兵張捷書振字營統領記名提督余虎恩臨湘縣劉鳳綸巴陵縣陳濬書等先後稟稱該匪首汪殿臣上年在逃未獲此次復夥同偽軍師吳子餘僧思陶即

夏思道及著名頭目熊名野即熊名治熊采漢楊金榜即楊金圃等復在臨湘之藥姑山漁角亭糾眾豎旗偽稱王號分派夥黨四出逼勒鄉民獻納財物米糧稱爲進貢違者燒搶連日誘脅聚黨千餘人勢甚猖獗經振宇營將領弁勇會同岳州城守營長江水師岳州鎮標弁兵於閏六月二十日夜馳抵藥姑山麓出其不意分道進攻擊斃匪眾數十名生擒悍黨十九名賊眾不辨我軍多少紛紛逃竄因天色昏黑山徑紛歧汪殿臣及偽軍師等均已逃逸當將賊寨一律平燬逸匪有竄至湖北通城縣境內者亦被勇團截殺訊據該匪王有才

張文襄公全集 卷三十一 奏議三十一 四

供係偽順天王汪殿臣之西路頭目袁昌益供係會中三爺李興貴王金玉李定均供係催貢將軍俱拒敵官軍受有槍矛各傷並供稱汪殿臣蓄謀先取通城次下蒲圻情形極爲凶狡等情臣之洞當以汪殿臣偽稱王號頻年謀爲不軌此拏彼竄三次起事聲勢日盛匪黨日多此次巢穴雖經官軍擊破然三次倡亂之首逆及各著名頭目均未就獲必致數月之後又復嘯聚滋事尙復成何事體當經嚴飭該地方文武不准草率了事仍蹈養癰積習務須澈底搜捕以匪首必獲爲斷惟岳鄂毗連地段遼闊道路分歧該處防營兵力不敷分布

續修四庫全書 第 12 版 內

必須兩省合力圍捕始足以剷除巨患當派委湖北候補道李謙督帶武防營勇兩哨乘輪駛往會同督飭擊辦一面飛飭湖北通城蒲圻等縣防營合力截擊維時提督余虎恩已赴醴陵縣防所巡查邊防臣肫飛飭該提督星夜折回岳州會同澈辦務將各匪首拏獲以淨根株茲疊據道員李謙提督余虎恩等會稟稱該道馳抵臨湘縣桃林地方會同該提督暨該縣劉鳳綸懸立重賞多方購緝分派弁勇督飭團練四出搜捕偵知汪殿臣已將預備資糧率其死黨竄入江西設法斷截其四竄之路旋將偽軍師吳子餘僧思陶卽夏思道偽元帥張蘭田偽副元帥余正喜偽哨官何添直龔運城李伯鳳等陸續拏獲訊據各犯供稱聽從汪殿臣入會汪殿臣自稱偽順天王各人俱封偽職內李伯鳳一名向在軍營善製各種軍火商議先破通城次下蒲圻仍轉岳州各犯四出糾人各備器械拒敵官軍等情旋於七月十四日經振字營幫辦補用總兵沈玉貴會督各路兵勇團練等於臨湘白鶴峒地方將該匪首汪殿臣圍捕擒獲提犯質訊據供係臨湘縣人曾在甘肅各營當勇久經入會於光緒十五年七月自行開立天寶山玉華堂青龍水仁義香分路糾人起事曾被前臨湘縣擊

張文襄公全集

卷三十一 奏議三十一

五

獲狡供不認釋放十七年七月四處糾人已多在大雲山定議起事九月內自稱順天王私刻銅木偽印製造各項旗幟軍器火藥徧貼偽示聲稱天兵開世在會諸人都封偽官職迭在巴陵臨湘地方各鄉焚掠經兵勇擊散本年閏六月復在漁角亭豎旗起事四山搭立營棚分段把卡圖謀不軌屢次拒敵官兵等情不諱並據岳州城守千總蔣聲耀拏獲熊名野續又分派弁勇拏獲熊采漢均係起事之大頭目歷供與汪殿臣夥同謀逆糾黨起事不諱又據巴陵縣陳濬書拏獲萬先右一犯亦係歷從汪殿臣搶劫滋事之悍黨以上汪殿臣等

張文襄公全集

卷三十一 奏議三十一

六

殿臣以游勇開堂放飄偽稱王號糾黨千餘人偽封官職蓄謀攻取州縣三次倡亂狂悖已極所收夥黨皆積年軍營散勇驍捷善鬪凶悍異常臨湘之藥姑山界跨湖南北江西三省廣闊二百餘里山林深邃此拏彼竄向為藏奸之藪若稍一鬆緩該匪竄入深山逃至他省界內則留此禍根乘間輒發終成不了巨患岳州為湖南第一門戶與湖北水陸處處毗連此處設有擾動則湖北防不勝防實關大局利害該道李謙聯絡文武紳團深知該匪蹤跡窟穴赴機迅速籌畫精詳操縱得法督緝認真未及一月將積年未獲之首逆擒獲其著名

張文襄公全集 卷三十一 奏議三十一 七

頭目大率俱已就獲該提督余虎恩勇往有為督隊剿捕立將巨匪迅速撲滅臨湘縣知縣劉鳳綸平日官聲甚好此次查拏各匪在鄉奔馳兩月之久不辭勞瘁緝捕勤能岳州在城文武及長江水師岳州鎮各派兵役團勇協同圍捕俾渠魁悍黨次第擒弭患銷萌均屬異常出力自應遵照上年六月初六日欽奉諭旨照異常勞績擇尤隨案奏請優獎湖北候補道李謙擬請送部引見並賞加二品頂戴儘先簡放提督前陝安鎮總兵余虎恩擬請旨交軍機處存記遇有提督總兵缺開列在前請旨儘先簡放臨湘縣知縣劉鳳綸擬請以直

隸州知州在任候補並加四品銜補用總兵沈玉貴請以總兵記名簡放岳州府知府鍾英請以道員升用補用參將李聚發請以副將儘先補用補用遊擊楊遠管請以參將儘先補用補用都司李運隆請以遊擊儘先補用湖南撫標左營候補都司姚紹期請以遊擊仍留原省儘先補用儘先守備岳州城守營千總蔣聲耀請以都司儘先補用並加遊擊銜儘先守備劉國梁請以都司留湖廣督標儘先補用補用守備借補岳州營右哨把總趙孟達請以都司儘先補用補用守備石雲峯請以都司儘先補用補用千總借補岳州營外委蔣慶

張文襄公全集 卷三十一 奏議三十一 六

留陝補用千總廖鎮江均請以守備仍留原標儘先補用分省補用知縣閔家鎮請以知州仍分省歸候補班前分省補用湖北試用縣丞李兆庚劉肇墀均請以知縣仍留原省補用候選縣丞李宗藩請以知縣歸部不論雙單月儘先選用湖北儘先補用典史史悠森請仍以典史歸候補班前分省補用湖北試用典史周樹棠請俟補缺後以縣丞補用團紳候選州同馮大成請以通判不論雙單月儘先選用長江水師岳州鎮總兵張捷書補用副將岳州鎮標中營遊擊周啟茂調補湖北撫標中營參將岳州城守營參將秦三元巴陵縣知縣陳濬

書均請交部從優議敘合無仰懇天恩俯准照擬給獎
出自逾格鴻慈謹合詞恭摺具奏伏祈聖鑒

硃批李謙等均著照所請獎勵餘依議該部知道欽此

臚陳黃彭年黃國瑾事實請宣付史館立傳摺摺

光緒十八年八月二十七日

竊照已故湖北藩司黃彭年前在任因病出缺當經臣
之洞臣繼洵會同奏報在案旋據湖北省在籍各紳前
漕運總督周恒祺前刑部員外郎劉希護等聯名具呈
以該故藩司遺愛在民呈懇奏請宣付史館列入循吏
傳並以該故藩司之子侍講銜翰林院編修黃國瑾學

張文襄公全集

卷三十一 奏議三十一

九

有淵源天性純篤在京供職聞父喪遄征奔赴哀毀泣
血六日而卒至性過人呈懇奏請一併立傳又據湖北
補用知府傅吧孫調署漢陽縣蘄水縣知縣陳夔麟等
聯名具呈以該故藩司黃彭年孝行可風該員等均係
貴州同鄉見聞真切開具事實呈懇援照已故國子監
司業治麟成案奏請列入孝友傳各等情臣鴻章據直
隸省城蓮池書院肄業生徒翰林院編修胡景桂等畿
輔通志局員紳翰林院庶吉士孟慶榮等天津縣舉人
韓蔭楨等先後具呈以該故藩司黃彭年該故編修黃
國瑾父子主講保定暨天津書院成就人才甚眾呈懇

奏請宣付史館分別立傳等情當以該故藩司宦鄂最
久該故編修因父喪毀卒在鄂省尤共見共聞咨會臣

之洞臣繼洵由湖北主稿會奏正在飭行湖北藩司彙

同查核事實詳請具奏間恭閱邸鈔該故藩司業經陝

西撫臣鹿傳霖奏懇天恩宣付史館飭令咨行江蘇湖

北各省詳摺該故員生前政績爲之立傳等因奉旨允

准在案臣等查該故藩司黃彭年歷官湖北陝西江蘇

三省均有政績可紀其在湖北江蘇清操善政學道愛

人遺愛流風尤爲最久且著其在直隸父子先後主講

書院經師八師均爲無忝博考事實允愜公論敢就陝

張文襄公全集

卷三十一 奏議三十一

三

西撫臣前奏所未及爲我 皇上陳之查該故藩司黃
彭年幼承其父前陝西鳳邠鹽法道黃輔辰家學砥礪
名節博極羣書尤究心經世之學天性篤孝自入翰林
授職未久即請假歸里專意養親咸豐間屢奉詔特起
皆以親老不克赴在籍隨其父辦理貴州團練以苗漢
積不相能親入苗寨勸諭苗民翕然信從積憾盡釋地
方賴以綏靖丁父母憂均結廬墓側同治初元前四川
督臣駱秉章延之幕中贊畫戎機劇寇石達開盪平力
辭保薦又與前陝西巡撫臣劉蓉友善以道學相切劘
劉蓉延主講關中書院闡明關學士氣奮興嗣經臣鴻

章聘修畿輔通志采輯勤慎義例精詳主講蓮池書院購書三萬三千餘卷儲之院中課士有程度人給以札使為日記月考其得失而高下之選刊蓮池肄業生日記三十二卷院中經明行修之士接踵而起人文炳蔚一時稱盛光緒八年蒙恩簡放湖北安襄鄖荆道署湖北督糧道旋赴本任襄鄖界連陝豫會匪伏莽素多該故員到任首以除暴安良為務捕獲劇盜立寘之法其被誘脅者悉予自新匪戢民安邊陲靜謐又購書數萬卷儲之鹿門書院公餘之暇與諸生討論講習一如在蓮池時旋升任湖北臬司獎廉懲貪抑強扶弱僚屬敬

張文襄公全集

卷三十一

奏議三十一

三

畏通省肅然官場風氣為之一變每與督撫司道集議公事該故員直言正論侃侃不撓適有裁兵節餉之議兵心搖惑官民咸有戒心該故員獨開誠告誠營伍咸奉約束矜慎庶獄平反巨案十餘起又以鄂省士人每喜健訟通飭各屬籍生員之干訟者牒以聞士風為肅慮管押之濫則為設待質所憫竊盜之多則為建遷善局既於湖北臬司任內設學律館以教牧令復在江蘇藩司任內設學治館儲備有益治道諸書立課程定期會廣集僚屬講習研究手自批答孜孜無倦其護理江蘇巡撫也懲戒貪墨敦尚儉樸蘇省浮靡之習頗為改

觀水旱連年籌賑銀至一百數十萬兩活民無算賑務告竣餘錢三十萬緡專奏請修吳淞江及白茆河蘆藻濱等處期免吳中水患復核減漕價分別蠲緩以紓民困在蘇州省城創設學古堂以課諸生成就人材極多洎調任湖北藩司觀鄂省物力之窘乏蓋藏之空虛時與臣之洞臣繼洵往復籌維憂形於色節虛糜杜請託甄拔沈滯勤求治理在任甫及兩月未竟厥施遽以積勞病故其易簀之前一日夜半猶手書致糧道商榷漕事身後蕭然無異寒素洵可謂本末不渝治行卓著者矣該故藩司之子已故翰林院編修黃國瑾幼秉祖

張文襄公全集

卷三十一

奏議三十一

三

訓早讀父書刻苦自勵行誼純篤年十四遭祖母憂守禮盡哀如成人旋因其母病歿痛不欲生遂致鼻衄大作終身不瘥通籍後專以讀書考古講求經濟為事植品端嚴不染世俗浮華奔競之習同館皆敬而服之嗣為長蘆鹽運使如山延主問津三取書院時其父彭年方主講蓮池書院以樸學振興學者該故編修遂推行於天津仿廣東學海堂章程增設北學海堂經古課手訂規條示諸生以研經考古之法數年之間人才輩出嗣充國史館纂修本衙門撰文會典館總纂時會典館甫經開辦該故編修與在館諸人審定新章參酌成案

以會典分典例圖三門舊圖較略商於總裁奏請開辦
畫圖兼充繪圖總纂官條上界畫新圖測繪事宜通行
各省照辦館中事無巨細必躬必親綜理精詳黎明到
館日暮方歸雖嚴寒酷暑無少懈聞其父彭年在蘇藩
任內忽得中風疾倉皇馳往省視在途旬餘日不交睫
齒墮其五其父病愈促還京師供職會典館事務殷繁
值館中招考畫圖暨謄錄生每人須各授一題該故編
修詳為擬題自圖象方輿以及禮制樂律諸大端分門
別類至百餘道之多殆聞父病歿馳赴湖北奔喪哀痛
迫切過天津時哀毀骨立臣鴻章實親見之抵鄂後懇
張文襄公全集 卷三十一 奏議三十一 三

輿情
硃批著照所請該衙門知道欽此
修理兵輪勻撥薪糧摺日 光緒十八年八月二十七
竊查上年秋間因長江一帶教案疊出會匪乘機煽惑
生事湖北漢口及荊州宜昌等處需用兵輪彈壓當經
臣商請總理各國事務衙門電致南洋大臣先後派撥
測海飛霆兵輪二艘來鄂經臣分派漢口沙市兩處駐
泊巡防彈壓旋准南洋大臣劉坤一咨南洋裁減兵輪
備購新式碰快各船之用即以測海兵輪撥歸湖北留
用該船薪糧自光緒十八年正月分起即由鄂省供支
張文襄公全集 卷三十一 奏議三十一 三

棺一慟絕而復蘇泣血六日遂以毀卒士林聞之無不
痛惜茲據直隸湖北士紳追溯該故藩司黃彭年政聲
教澤誼思不已復以其子已故編修黃國瑾孝行肫摯
具呈請奏懇恩宣付史館分別列入循吏孝友等傳該
故編修貴州同鄉現官湖北各員等復臚陳該故編修
事實呈懇附奏立傳由湖北布政使王之春彙同具詳
請奏前來臣等覆核參考洵屬政績學行卓然可傳與
論僉同合無仰懇天恩俯准將已故湖北布政使黃彭
年政績事實宣付史館列入循吏傳已故翰林院編修
黃國瑾學行事實列入國史館孝友傳以彰風化而順

南洋既省養船之費湖北亦免購船之資實為一舉兩
得等因奏奉硃批該衙門知道欽此恭錄咨行到鄂嗣
以兵輪不敷巡防經臣復向南洋商借一輪旋准劉坤
一咨又將金甌兵輪一併撥歸湖北駛用自本年四月
起薪糧亦由鄂省支發各在案茲據湖北善後局鐵政
局司道會詳稱查湖北為南北水陸衝要漢口宜昌均
係通商口岸華洋交錯民教雜居彈壓巡防必須兵輪
方能得力外國向有兵輪停泊漢口近年往來尤多往
往上至宜昌光緒初年鄂省會購有漢廣兵輪一艘以
備巡防平日交招商局承領駛用嗣因觸礁沈沒經前

督撫臣奏咨有案以後鄂省遂乏兵輪現經南洋以測海金甌兵輪二艘撥歸湖北駛用具見南洋大臣劉坤一不分畛域力顧大局惟查省城以下由漢口以迄武穴省城以上過荊州而達宜昌口岸衝繁匪徒混迹加以湖南岳州與荊境毗連近年屢滋事端亦須時往巡察鎮撫統計上下游一千數百里間必須兵輪三艘方能兼顧茲查有光緒十五年由粵調鄂之楚材兵輪一艘前經奏明撥歸鐵政局駛用船身堅壯礮位齊全第礮爐機器節年未加修換用煤過費前據上海耶松洋廠勘估修費需銀五萬餘兩所需過鉅未及修改現值

張文襄公全集 卷三十一 奏議三十一

五

漢陽煉鐵廠內機器一廠先成輪船鍋爐均能自行修改飭據委員勘估照換鍋爐一切機器添新改舊限五箇月全船修竣必能節省煤斤行駛較前加速撙節至再需銀二萬一千餘兩較之洋廠修費已減少二萬八千餘兩復經飭善後局逐款覆核委係無可再減目前需用甚亟當飭該局照估修理工竣造冊報部彙銷現在鐵政局拖鑛輪船二艘已經造就擬即勻出楚材一輪撥歸善後局駛用俾巡防較為周妥儻鐵政局有鑛務等差撥用煤油等項應隨時由鐵政局另給以清界限查楚材兵輪前在粵月支薪糧銀一千二百三十餘

兩及調歸鄂省已奏明核減有案月支銀八百三十餘兩無可再減測海薪糧江南籌防局原定數目銀洋合計每月支銀一千一百一十餘兩金甌薪糧江南原定月支銀五百三十七兩有奇該兩船均係兵輪需用礮手水勇打磨操演非尋常官差輪船可比薪糧亦皆核實不能再減鄂省餉力極絀善後局籌撥兵輪三艘經費常年供支實力有未逮復飭該司道等再四籌商惟有通融辦理以兩輪之費勻作三輪之用即就測海金甌兩輪薪糧核計每月共支銀一千六百四十餘兩儘此銀數勻作三船經費楚材不另開支平日駐防巡緝

張文襄公全集 卷三十一 奏議三十一

五

兵輪三艘不能同時並開即將礮手水勇人等自行通挪勻撥應用如三輪有必須並開之時臨時照原定人數薪糧一律募足事竣即行停止仍照兩輪開支大率一年之中以九箇月開支兩輪薪糧勻撥應用以三箇月開支三輪薪糧隨時核實造報行住合併牽算總以三箇月為度如此變通辦理餉力尙可支持此實因鄂省庫儲匱乏籌撥不易而沿江上下游彈壓巡防兩輪又不敷用是以為此權宜騰挪之計既免購船之資又以兩輪經費而得三輪之用於巡緝地方彈壓口岸均有裨益等情詳請奏咨立案前來臣覆加查核巡江兵

輪爲鄂省目前時勢萬不可少之需該司道等所陳均係實在情形籌計節省亦甚周妥謹會同湖北巡撫臣譚繼洵恭摺具奏伏祈聖鑒

硃批該衙門議奏欽此

酌議嚴懲會匪章程摺

光緒十八年九月十四日

竊臣等承准軍機大臣字寄光緒十七年六月初六日奉旨諭各省哥老會匪最爲地方之害迭經降旨查拏並經各該督撫先後獲案奏明懲辦惟此等匪徒行蹤詭祕往往與游勇地痞暗相勾結動輒糾集黨與乘機煽亂甚至造謠惑衆潛謀不軌近來江蘇安徽湖北江

張文襄公全集

卷三十一 奏議三十一

三

西等省屢有焚毀教堂之事其拒捕逞兇搶劫衙署等案更層見迭出半由會匪從中主謀游手之徒相率附和以致愈聚愈多動成巨案犯事以後四散逃逸真犯十不獲一若不先事籌辦絕其根株則涓涓不息將成江河後患何堪設想著各直省將軍督撫嚴飭地方文武隨時留心實力查緝如有訪獲會匪首犯一面嚴行懲辦一面准將出力員弁照異常勞績隨案奏請優獎但須查有確實證據不得因希圖保獎妄拏無辜致滋擾累凡地方良民有誤買匪徒保家偽票呈繳地方官者免其治罪其有向充會匪自行投首密報匪首姓名

因而拏獲者亦一律宥其既往准予自新該將軍督撫務卽出示曉諭俾衆咸知總期嚴懲首要解散脅從以除奸宄而安良善慎毋養癰成患貽害地方是爲至要

將此通諭知之欽此當卽恭錄咨行欽遵辦理在案臣等自上年春夏以來因湖南及沿江會匪屢次蠢動滋事迭經嚴飭地方文武水陸防營懸立重賞購緝密緝奉旨後通飭各屬剴切示諭嚴密查拏先後拏獲長江會匪首要高德華葉坤山等及襄河會匪李朝奎等當將拏獲訊明懲辦各情形恭摺具奏並札飭前署按察使惲祖翼詳釋例意參考近年成案妥議懲辦章程通

張文襄公全集

卷三十一 奏議三十一

天

飭州縣遵辦去後嗣據該署司詳稱鄂省爲南北衝要游匪素多往來無定最易潛匿會匪幾至無地無之始則長江上下游一帶近則襄河上下游一帶隨處皆有根株盤結消息靈通該匪等開立山堂散放飄布分授偽職偽號往往與教匪游勇地痞暗相勾結乘機煽亂各屬所獲會匪各案起到飄布印章板片及所訊名目口號詞意悖逆顯然謀爲不軌上年沿江一帶會匪蓄謀滋事動成巨案若非先事捕其渠魁散其夥黨誠如聖諭所云養癰貽患必致有關大局亟應明定章程從嚴懲辦以遏亂萌擬請嗣後責成州縣隨時訪查如有

會匪瀾跡境內立即會督營汛嚴密拏獲悉心研審如係會匪為首開堂放颺者及領受颺布輾轉糾夥散放多人者或在會中名目較大充當元帥軍師坐堂陪堂刑堂禮堂等名目者與入會之後雖未放颺輾轉糾人而有夥同搶劫情事者及勾結教匪煽惑擾害者一經審實即開錄詳細供摺照章稟請覆訊就地正法此外如有雖經入會並非頭目情罪稍輕之犯或酌定年限監禁或在籍鎖帶鐵桿石墩數年俟限滿後查看是否安靜守法能否改過自新分別辦理其無知鄉民被誘被脅誤受匪徒颺布希冀保全身家並非甘心從逆之

張文襄公全集

卷三十一 奏議三十一

三

人如能悔罪自首呈繳颺布者一概寬免究治其有向充會匪自行投首密報匪首姓名因而拏獲亦一律宥其既往准予自新若投首後又能作綫引拏首要各犯到案究辦除免罪之外仍由該地方官酌量給賞總期嚴懲首要解散脅從以除奸宄而安善良地方文武員弁能拏獲會匪著名首要審實懲辦即將尤為出力員弁核其情節照異常勞績隨案請給優獎如有希圖保獎妄拏無辜或姑息徇縱不拏不辦以及曲為開脫一經查出即行嚴參如此明定章程各州縣有所遵循自必隨時留心實力查緝不敢輕縱玩忽該匪黨亦各知

所做懼地方可期安謐等情詳經核定並由按察使陳寶箴詳請具奏前來臣等伏查近年會匪日熾沿江沿海為尤甚滋蔓愈廣蓄謀愈險若不及早懲退將來終恐為大局之憂查光緒八年刑部奏定通行章程各省會匪本有就地正法之條無如州縣狃於積習毫無遠慮往往牽引異姓結拜弟兄舊例曲為開脫以致伏莽日滋寔成巨患湖北所議章程自應奏明通行各屬俾有遵守該司所擬首悔免罪及分別輕重辦法於懲奸弭亂之中仍不失有過持平之意消除巨患即所以保全善良文武員弁如能拏獲著名首要自應酌核案情

張文襄公全集

卷三十一 奏議三十一

三

欽遵諭旨隨案奏請優獎如妄拏無辜擾累閭閻以及縱匪貽害亦即嚴行參處仰副朝廷除莠安良綏靖地方之至意

硃批刑部議奏欽此

拏獲襄陽匪徒訊明懲辦摺

光緒十八年九月十四日

竊查襄陽府屬之襄陽穀城光化等縣本年六月閏六月間該處瘟疫盛行死亡相繼每一村之中一日疫斃至百餘人之多民間朝不保暮謠言紛起謂係有人置毒井中無知愚民展轉傳播始於穀城光化及於襄陽以下之宜城民間多方戒備遇有外來語音不同形迹

較生之人或赴井飲水或身帶暑藥輒指爲下毒之人
衆怒洶湧混行攢毆幾至斃命執送到官查驗皆無憑
據城鄉多張匿名揭帖造作怪妄不經之語民心惶恐
襄河兩岸上下數百里間紛紛遷徙避亂不知所由或
移家入城或聚團上砦遂有匪徒各處乘機放火搶劫
情事民間甚爲驚擾刀會各匪大有蠢動之勢毗連襄
郡之隨州亦於閏六月間有會匪在小林店高城總等
處數十里間徧插紅布小旗造謠煽亂之事臣等接據
該道府縣及提督臣程文炳來電以襄陽緝私馬隊及
提標練軍因緝私各路分紮兵力較單當卽飭派鐵字

張文襄公全集

卷三十一 奏議三十一

三

營勇一營星夜馳往駐劄樊城彈壓以杜匪謀因光化
之老河口水陸衝繁游匪素衆穀城地方教堂教民最
多電飭安襄鄖荆道朱其煊會同提標中軍參將蒯德
浦分帶馬隊練軍馳赴光穀一帶巡邊緝匪妥爲彈壓
勿令稍滋事端並委湖北候補道陳汝蕃前往會同查
辦旋據襄陽縣知縣梅冠林稟稱本年入夏以後該處
疫症盛行民間造謠揭帖至閏六月二十五日夜距城
四十五里之楊家岡地方有匪徒燒燬教民學堂內初
造未成廚房一間並教民楊姓朱姓空屋草房各數間
又二十七日夜距楊家岡八里之魏家冲地方復有匪

徒放火燒燬該村民人魏全長門前草堆經兵役查見
當場擊獲匪犯陳志道一名在該犯身上搜獲劍一口
又經兵役續獲朱苟王老三陳老大三名又訪獲楊家
岡縱火匪犯劉四五李發子胡七星三名訊據朱苟供
認起意放火故燒草堆冀圖乘亂搶奪財物陳志道陳
老大王老三聽從燒搶又訊據劉四五供認因謠傳煽
惑人心驚慌聽從在逃之陳三元燒屋行搶李發子與
劉四五並非同夥因見附近楊家岡火起糾約在逃之
李四九陳貴有前往燒燬草房搶掠財物胡七星係李
發子誘脅同行並未放火得財各等供並據襄陽道府

張文襄公全集

卷三十一 奏議三十一

三

等查明稟覆前來臣等查該犯朱苟於地方人心惶惑
之際放火行搶蓄謀擾亂陳志道聽從燒搶在火所當
場擊獲劉四五聽從在逃之陳三元乘機焚劫李發子
糾衆燒搶得贓均屬不法亂民應按照土匪章程懲辦
當經批飭將朱苟陳志道劉四五李發子四犯先行正
法傳首滋事地方梟示以靖人心其已獲之陳老大王
老三未獲之陳三元等各犯飭縣分別審擬嚴緝此懲
辦襄陽放火匪徒之情形也又穀城縣境內疫證傳染
死亡尤多民間亦因井中下毒之謠羣懷疑懼一時訛
言四起水陸過往商民動遭毆擊甚至揚言將拋入河

內閣六月十九日遂有匪徒在干莖樹地方焚燒教民雷財義房屋並焚斃其母雷謝氏之事距該處百餘里有地名沈家堖地處衆山之中有大教堂一所起自乾隆年間環教堂而居者數百家皆係教民因干莖樹被焚後人心搖惑民教互相猜防民人齊團相持教民亦紛紛遷徙幾釀巨衅當經提督臣程文炳分派弁兵於赴沈家堖之要隘石花街駐防彈壓並經該道朱其煊參將蒯德浦等帶隊前往查拏傳集紳首詳加開導民團旋經解散教堂亦平靜無事現在謠風已息至教民房屋被燒一節前據雷財義赴縣呈報即經前署穀城

張文襄公全集

卷三十一 奏議三十一

三

縣汪齊輝勘明所燒瓦房三間係雷姓所修預備該教中人往來歇宿之所草房二間係教民雷財義住屋並驗明雷謝氏被燒屍身等情填格詳報又經疊飭嚴拏正犯去後現據接署縣鍾桐山稟報前經紳首供指葉興茂等數人又拏獲之周稱一名供情尙未確實其放火正犯姓名已經訪有端倪現已飭催緝獲到案嚴行審辦此穀城地方解散驚擾民團暨防護教堂之情形也又光化之老河口爲豫陝水陸通衢商市稠密與穀城連界亦因謠疫流傳民情惶擾屢有匪徒張貼匿名揭帖臚列紳民多人姓名訂期閏六月二十二七月二

十八等日焚毀教堂意在挑激民教構衅乘機作亂經該縣梁沛英統帶襄河水師提督劉鶴齡及委員等曉諭查禁彈壓幸未激成事端當經飭令各員弁隨時防範嚴拏造謠揭帖之人現已查獲造謠之陳述琳一名俟訊明確供卽行懲辦此光化境內查獲造謠惑衆匪徒之情形也自八月以來襄陽各屬疫謠已息民教皆安道員陳汝蕃回省面稟情形與各該地方官所稟相符臣等查此次襄郡因時疫流行匪徒造謠惑衆縱火焚燒意在乘機爲亂至襄陽穀城兩縣被燒者民教房屋皆有同時各村無故火起旋經撲滅者甚多其被毆

張文襄公全集

卷三十一 奏議三十一

三

者大率皆係外來客民乃教士輒以教民被民人殺害多名赴縣具稟又不能指出凶手主名除雷姓被燒先經該縣驗報外至今並無屍親一人報官請驗總之此乃匪徒煽亂圖劫並非專與教民爲難更與洋人教堂無涉惟有查核案情實據按照向來懲辦土匪盜匪例章辦理惟近年濱江各省會匪甚衆教案亦多皆有關係地方利害襄陽界連陝豫又爲鄖陽咽喉楚之北門最關重要且素爲刀會各匪出沒之所此次匪徒造謠煽亂狡謀叵測各縣騷動若不嚴加防緝襄鄖一帶必致土匪叢起重煩兵力現仍督飭地方文武暨水陸各營

務將此次放火案內逸犯暨向來有名各匪查拏嚴懲以弭亂源

硃批該衙門知道欽此

張文襄公全集

卷三十二

奏議三十二

三

張文襄公全集卷三十二終

吉林慶

珍校

張文襄公全集卷三十三

奏議三十三

派員專辦沿邊緝捕事宜摺

光緒十八年十二月初七日

竊查湖北省北路沿邊各屬如襄陽光化隨州棗陽應山等州縣與河南鄧州新野唐縣桐柏信陽連界素為刀痞會匪出沒之區號稱難治本年六月間六月間襄陽穀城光化一帶因時疫流行匪徒乘機嘯聚造謠煽惑牽涉教堂放火燒搶沿襄河上下數百里間居民大為驚擾紛紛遷徙入城上若幾釀變端隨州各村亦有匪徒徧插小紅旗之事當經臣等派撥勇營馳往彈壓

張文襄公全集

卷三十三

奏議三十三

一

查拏獲犯懲辦均經奏明在案嗣後又經續獲要匪數名現正分別審辦惟匪黨多已逃逸出沒楚豫邊界劫掠為患查楚豫沿邊一帶近年以來哥老會匪頗多又向有燈花教匪即白蓮教之類行蹤詭秘飄忽靡定與刀匪會匪互相勾煽根株糾結蔓延日廣往往越境行劫此拏彼竄恃眾窩藏動輒拒捕本年入冬以來襄陽盜案頗多隨州復有查獲豫匪多人執持洋槍刀械入境圖劫之事伏莽潛滋實為邊境隱憂若不及早設法籌辦難保不養成當日捻匪之患且襄陽屬教堂頗多該匪藉端生事於交涉事體必致動生枝節是以九月

內湖北提臣程文炳安襄鄖荊道朱其煊與河南南陽鎮南汝光道約期會哨會商聯絡查緝之法臣等督同臬司陳寶箴詳加籌議各州縣限於職守究有畛域之分必須遴派幹員專司督捕假以事權輔以兵力多方偵緝尋蹤購捕始足以清邊境而弭亂階查有本任興國州知州宋熙會老成幹練強毅有為長於詰奸懲暴熟悉沿邊情形堪以派委總辦北路襄陽光化隨州棗陽應山五屬緝匪事務擇要於樊城隨州兩處輪流駐劄仍不時往來巡查邊境相機遏截與豫省文武互相聯絡協助令其選募緝勇六十名以資驅策邊地平行

張文襄公全集 卷三十三 奏議三十三 二

追截匪徒馬隊最為得力並派新經移駐樊城之鳳字馬隊中營營官副將劉恩榮督率所部幫同該員辦理沿邊五屬緝捕事宜兼飭駐劄襄陽一帶緝私之鳳字馬隊前後二營一體巡邏追捕不得株守一隅其沿邊地方營汛及操防練軍均准由宋熙會隨時知照協緝以期應手如在何處拏獲匪徒即會同該處地方官訊取確供照章稟請委員覆訊就地懲辦並咨會河南撫臣飭知豫省沿邊各屬地方文武兩省如有移緝追捕之事不分畛域一體協力圍拏如能多獲著名會匪盜魁再當奏請優獎以示鼓勵

硃批知道了欽此

豫籌鐵廠成本摺 光緒十九年二月二十五日

竊臣奉旨籌辦煉鐵事宜所有歷年欽遵籌辦情形均經奏陳暨電達總理海軍事務衙門各在案三年以來臣督飭各局廠委員外洋工師分投趕辦自光緒十七年八月奏明開工刻下生鐵大爐二座暨熱風大爐六座煅鐵大爐兩座統為煉生鐵廠已於二月內完工其煉貝色麻鋼廠造鋼軌廠造鐵貨廠均定於四月內完工煉西門士鋼廠煉熟鐵廠均定於五月內完工總計六大廠五月內一律完竣其機器廠鑄鐵廠打鐵廠三

張文襄公全集 卷三十三 奏議三十三 三

所已於上年秋冬間完工其大冶縣運鐵鐵路五十餘里暨大冶石灰窯鐵山鋪漢陽鐵廠水陸各碼頭亦於上年秋冬間先後完工此項工程極為繁重事理極為精微臣於開工原奏內曾經聲明據洋匠稱此工若在外洋三年乃成臣極力趕辦本擬兩年造成因外洋機器物料運到補齊諸多遲滯無從趕辦計開工至竣工共兩年零十箇月尚在三年以內至煤為煉鐵第一要務原議本擬以湖南之煤煉湖北之鐵惟運費較貴終非經久之計且煉鐵之煤必須精選灰須極輕黃須極少土窿所采精粗相雜不能一律所出又多少無定恐

難供用不缺幸於江夏大冶兩縣訪得煉鐵煤苗兩處分用西法開采計七月內江夏馬鞍山一處大井可以先成鐵廠造成以後擬一面督催兩處煤井工程一面采運興國州錳鐵一面先與洋匠籌商演試各種機器較準火候教練匠徒之法并先用湘煤試煉俟本省出煤漸多可供廠用即行接續製煉其從前所需經費前經奏准除部撥之款及借撥本省之款外其餘即在槍礮廠經費內勻撥應用係指造廠經費而言至開煉經費亟須另行豫籌此乃出貨成本與造廠經費兩不相涉前年開工原奏會將常年經費只須第一年先行籌

張文襄公全集

卷三十三

奏議三十三

四

墊若干聲明在案警諸農田既有買田開墾之費又須有常年牛種人工之本始能收穫警諸鹽務既有築場作竈之費又須有常年煎煉運售之本始能行銷只須籌此一次以後即可周轉並非年年需款鄂廠鐵質甚佳係用西法製煉除鋼軌外其餘鋼鐵各料並可向各省行銷惟此時度支極絀臣所深知斷不敢請撥部款上煩宸慮然此乃中國自強要政臣既奉旨飭辦亦斷不敢因經費因細致沮成功反覆籌思謹就湖北物力之所能辦到者籌一節省騰挪之法查兩爐並開成本約須百萬又須籌還鄂省借墊之款現擬先開一爐

從容擴充以節經費然亦必須五六十萬緣煉生鐵之法一爐能煉鐵若干需煤若干均須裝滿配足晝夜不可間斷既不能少煉以省料亦不能停煉以省工其工作極精細亦極危險稍有舛誤則鐵汁壅塞爐座受傷或致轟炸故開辦之初必須多用洋匠而一切運鐵之輪刺各船鐵山運道煤井各事雖止一爐所費亦不能甚少迨至日久工熟成貨日精出煤日旺洋匠日少則成本日輕查湖北煉鐵廠原議專為製造鐵路鋼軌而設本為力杜外耗起見光緒十六年二月海軍衙門戶部原奏內曾經聲明設廠煉鐵乃開辦鐵路鑄造槍礮

張文襄公全集

卷三十三

奏議三十三

五

第一要義又云煉鐵為造軌之基等語海署疊次來電大意相同十六年正月文電云正題宜先鑄軌鑄械次之等語尤為深切著明是現在開東修路湖北造軌本是相因而起十六年三月內籌辦設廠之初即經商明直隸督臣李鴻章接其電覆云將來鄂鋼煉成自可撥用等語是以特購製造鋼軌魚片鉤釘各機器分建各廠中國既能造軌斷無再購洋軌之理查關東議定每年修路二百里曾向李鴻章詢問每年約需軌價十九萬餘兩其橋梁各種鐵料尙不在內鄂廠造軌乃係官物必須先發官本不比商買圖利可以墊辦以常理論

之似應由北洋每年將此二十萬先行支付以爲工本
惟北洋造路工費浩繁未便全行預支竊擬將湖北湖
南兩省每年應解北洋鐵路經費各五萬兩兩省共十
萬兩截留劃撥充用作爲預支軌價此乃鄂廠應得銷
軌價值並非無故分用並擬再由湖北糧道無礙京餉
之雜款內借撥十萬兩作爲代北洋籌墊軌本之用兩
項共計二十萬兩造軌之外兼製各種鋼料鐵料以供
各省行銷其劃扣北洋經費之十萬兩俟軌成運津後
核計實用若干尙短價值若干由津補足在北洋不
預支半價後付半價似亦酌中平允先後一轉移間爲

張文襄公全集

卷三十三

奏議三十三

六

日無多以後每年卽照此辦理卽使日後北洋需用鋼
鐵較多價至數十萬亦只先劃留此數北洋所購外洋
鋼軌每噸價銀三十兩鄂軌初經開造工費較多然亦
只願比照洋軌價值無須加多各料是否合用儘可聽
北洋依法試驗或謂中國鋼軌不能經受壓力不知大
冶鐵礦厯寄外洋考驗皆謂極佳且造軌所用尙非極
精之鋼鄂省製煉皆依西法與洋廠所造無異確無不
受壓力之慮其糧庫借款俟兩年後鐵務日暢自光緒
二十二年起由鐵廠分爲十年歸還此外不敷之數仍
由槍廠經費項下勻撥應用緣鐵廠爲槍廠之根必

先煉有精鋼方能製造以彼助此尤爲允協且此時槍
廠尙未造成安配機器亦需時日計精鋼煉出之日
始屆開機製械之時臣自當設法兼顧並無窒礙偏廢
之處如再有不敷臣所設織布局現已告成陸續加工
開織機勢似甚順利明年當有贏餘亦可酌量撥補鐵
廠之費以後體察情形如鐵務日漸暢旺再當全開兩
爐總之以湖北所設鐵廠槍廠織布局自相挹注此
三廠聯爲一氣通盤籌畫隨時斟酌互相協助必能三
事並舉各觀成功以後斷不致再請部款此項開煉成
本概係由外省自籌較之南北洋製造各局歲需支撥

張文襄公全集

卷三十三

奏議三十三

七

庫款七八十萬福建船政亦歲撥數十萬者辦法迥不
相同甘苦難易判若霄壤合無仰懇天恩俯如所請鐵
務幸甚微臣幸甚惟是此舉之關繫大局及創造之種
種艱難有不敢不詳陳於 聖主之前者竊惟采鐵煉
鋼一事實爲今日要務海外各國無不注意此事而地
球東半面凡屬亞洲界內中國之外自日本以及南洋
各國各島暨五印度皆無鐵廠或以鐵礦不佳煤不合
用或以天時太熱不能舉辦中國創成此舉便可收回
利權各省局廠商民所需卽已甚廣且聞日本確已籌
備巨款廣造鐵路原擬購之西洋若中國能製鋼軌彼

未必舍近圖遠是此後鋼鐵煉成不患行銷不旺不特此也各省製造軍械輪船等局所需機器及鐵鋼各料歷年皆係購之外洋上海雖亦設煉鋼小爐仍是買外洋生鐵以煉精鋼並非華產若再不自煉內地鋼鐵此等關繫海防邊防之利器事事仰給於人遠慮深思尤爲非計溯查光緒十六年正月海軍衙門來電總以無一仰給於人爲斷一語堅定懇切洵爲不刊之論若僅云杜塞漏卮猶其淺焉者矣此事係中國創舉原非習見習聞之事或慮年年需款沿以爲常或謂卽煉成鋼鐵亦無大用此乃未悉中外情形之言廟謨深遠自能

張文襄公全集

卷三十三

奏議三十三

八

鑿燭無遺至此項工程之艱鉅實爲罕有機器之笨重名目之繁多隨地異宜隨時增補洋匠亦不能預計而起卸之艱難築基之勞費爐座之高大布置聯貫各機之精密鑿鑿修路開煤煉鋼之紛歧尤非他項機器局可比而最難者爲圖軛兩端各廠總圖分圖極爲精密多至數百紙皆寄自洋廠到鄂廠又須分畫各段細圖大爐焦炭爐各軛皆係洋製方圓斜正式樣數十種每一大爐需軛數十萬塊皆編有號數依次修砌一塊不能錯亂其爐皆內軛外鐵洋廠製造此軛又甚遲緩數萬里換船轉運破損尤多動須補購卽不能不停工以

待三年以來與出使大臣函電交馳派員加費百計催促近始太略寄全每一批機器物料運到多至數萬件或十餘萬件必須數十日方能點清每一種機器必須四五箇月方能安配完好至於其餘一切物料若廠屋之鐵梁鐵柱廠基爐座路工之水泥火泥等類無非來自外洋其最近者中等火軛則取之開平極大石料則取之湖南配補殘缺器零件則取之上海香港無一省便之事臣日日督催不遺餘力此時漢陽鐵廠及大冶鐵路漢口及上海領事洋人來觀者絡繹不絕皆謂此爲應辦急務並據洋人皆云比外洋迅速已多至於籌

張文襄公全集

卷三十三

奏議三十三

九

款既如此艱難臣身任其事若經費不繼卽是自困之道故臣極力綜核務求節省每定一機器開一工程必與洋匠多方考究令其務從樽節辦法大冶鐵路五十餘里鏟山填湖買地綏民亦極費手至開煤一事尤極艱辛訪尋兩年有餘試開窿口數十處始得此兩處堪以煉鐵之煤須用西法鑿堅石數十丈以下乃得佳煤既開直井又開橫窿又須開通氣之井及開煤之巷出煤乃多又須購製鑽地壓氣抽水起重洗煤挂綫運煤各機又須造煉焦炭爐數十座然將來所費斷不致如直隸開平煤礦之多臣力小任重時切悚惶加以督工

籌款事事艱難夙夜焦急不可名狀惟以此事為自強
大計所關既奉諭旨飭辦不敢不身任其難惟有竭其
愚誠殫其縣力專就湖北鐵布槍礮三廠通籌互濟相
機趕辦期於必成以仰副 聖主開物成務力圖自強
之至意斷不敢因工鉅款細中途停廢以致創舉無效
貽譏外國惟大爐開煉之始先須將配合煤礦分數逐
漸考校精詳一一合式且必須開火一月大爐方能燒
熱開爐以後即須晝夜鎔煉不能停火停則與爐有礙
且多耗費故一切事宜必須早為籌定惟有籲懇聖恩
敕下海軍衙門戶部早日定議行知俾得趕早布置將
各項工程物料洋匠華工及早核記俾免延緩虛糜臣
無任惶悚屏營之至
硃批該衙門速議具奏欽此

張文襄公全集

卷三十三

奏議三十三

十

覆陳查緝會匪情形摺

光緒十九年四月二十六日

竊臣等前承准軍機大臣字寄光緒十八年十一月初
六日奉上諭翰林院代奏編修陳鼎請嚴防各省會匪
一摺各省會匪疊經降旨查拏而根株未盡深虞蔓延
亟應銷患未萌妥籌辦理除原奏請酌派各州縣銀兩
備賑一節殊非政體著勿庸議外所稱使州縣官徧搜
伏莽總兵官巡閱境地起用各軍舊部熟習地形之人

延攬天下將才各條著悉心詳籌奏明辦理原摺均著
鈔給閱看等因欽此當經恭錄札行藩臬兩司欽遵查
照原奏所陳各節詳悉籌議去後茲據湖北按察使陳
寶箴會同布政使王之春詳稱竊惟近來各省會匪散
布之廣幾於無地蔑有湖北界連川陝湘皖諸省水陸
交衝匪徒涸跡往來尤難究詰光緒十七年長江上下
疊有闕鬧教堂之案兼盤獲私運軍火一事會匪乘機
思逞欽奉諭旨通飭嚴拏當經臣等督飭司道暨各將
領設法懸賞購捕訪查首要姓名攜帶眼線分往本省
及下江湖南等處多方緝拏獲糾黨謀逆之著名渠

張文襄公全集

卷三十三

奏議三十三

十一

魁高德華究出私購軍火一案以李洪為首又疊獲濮
雲亭葉坤山陳華魁吳有楚陳先知汪殿臣等各巨魁
並此外首要次要各匪分別懲辦不下數十百名近又
經臣之洞派員在湖南地方疊獲首匪匡世明會鳴臬
均係兩江督臣咨會查拏私購軍火案內之要犯所有
著名渠魁現已拏辦略盡均經隨時奏報并將出力員
弁擇尤保獎在案近來疊經出示曉諭從前被匪脅惑
愚民均多畏法自新繳燬票布又經奏明添募營勇分
紮要地彈壓巡防民氣尚覺靜謐惟徒黨已多糾結已
久一時猝難淨絕誠如諭旨所謂根株未盡深虞蔓延

者自當持久不懈以爲消患未萌之計惟有慎選州縣責成各道府州考核修明政刑聯絡公正紳耆以爲耳目編查保甲以知良莠申諱匿之禁嚴養癰之罰有能緝獲開堂放票首要會匪者仍照異常勞績予以獎勵誘脅者戒勿妄擊以安反側賞罰既明吏治自飭此又消患未萌之本務而非一時一事之比似不必如原奏所稱以州縣兼畫輿圖徧搜伏莽轉致閭閻驚擾也至原奏所稱延攬天下熟悉地形之士以儲將才一節查形勢爲行軍要略現在湖北省本繪有地圖每年提鎮以下輪流巡閱與鄰省會哨皆必攜帶營汛駐紮各圖

張文襄公全集

卷三十三

奏議三十三

三

參稽考證於所轄關津險隘頗能講求似與該編修原奏脗合第形勢特爲將之一端大將當以智略爲優偏裨當以樸勇爲尙非熟悉地形即可盡爲將之能事若專以輿圖之事責之則繁密細碎將才必非所堪又如起用各軍舊部熟悉地形之人以飭營務一節現在湘淮宿將除已經物故外多列提鎮大員次亦皆官副參游等官湖北綠營鎮將實缺候補各員及水陸各勇營統將如熊鐵生劉鶴齡宋德鴻樊國泰謝得龍常遠漢周德升諸人大率皆咸豐同治間勳績顯著之各統兵大臣舊日部將均經臣等酌量才具長短隨時委用仍

時有投効來鄂以待驅策者是原奏起用各軍舊部之說現正舉行無須更議等情由該司等籌議具詳前來臣等查該司等所陳均屬湖北現在查緝會匪實在情形謹合詞恭摺覆奏伏祈聖鑒

殊批知道了欽此

光緒十九年五月十日

鐵廠成本不敷另籌借撥摺四日
竊臣承准總理海軍事務衙門咨開光緒十九年三月二十九日會同戶部具奏速議鄂省鐵廠豫籌開煉成本一摺本日奉旨依議欽此黏鈔原奏咨行到臣查鈔奏內稱戶部查該督擬由湖北糧道借撥銀十萬兩應

張文襄公全集

卷三十三

奏議三十三

三

如所請辦理至李鴻章電稱鐵路經費礙難挪用請由戶部代籌一節查帑項支絀戶部指撥爲難爲該督所深悉所有戶部設法代籌之處礙難辦理等因竊惟鐵廠先行開煉一爐前奏歲需經費五六十萬兩實與洋匠多方考究樽節估計無可再省現在鋼鐵各廠將次告成但開辦煤井建造焦炭爐各項工程正在喫緊之際蓋開煤井煉焦炭實爲煉鐵之根必須趕辦而修理演試各種機器添雇洋匠教練藝徒修守鐵路填築廠內餘地各事端緒甚繁需用甚急均須迅速督備布置周妥始能開煉即使前奏所請借撥之二十萬兩如數

撥到而其餘尙須專指槍礮廠經費湊足究竟槍礮廠經費能收若干能挪用若干尙未可知已恐不敷今鐵路經費十萬兩既不允截留短此十萬鉅款實屬無從措手北洋大臣李鴻章亦深知開煉要需勢有難緩故有請戶部代籌以觀厥成而免作輟之議今此項經費戶部既不能代籌只可就湖北本省自行設法騰挪借撥以免功虧一簣再四籌維惟有仍由湖北糧道庫無礙京餉之雜款再借撥五萬兩又查湖北鹽道庫尙存有長江水師申平銀五萬兩一併借撥應用以符原奏之數仍照原議統自光緒二十二年起分作十年歸

張文襄公全集 卷三十三 奏議三十三

古

還此兩項於京協各餉均無妨礙至戶部原奏稱借撥糧道銀兩究係何項雜款將來按期歸還均須隨時聲明報部等語查前奏所借係免費水脚幫津三款此款向係留備本省奏撥餉需之用此次擬借五萬仍就此三款內撥用將來歸還時自應與申平一款一併隨時報部合併陳明合無仰懇天恩敕下海軍衙門戶部迅速核覆俾得開辦試煉一切事宜以免作輟延誤殊批該衙門議奏欽此

籌撥織布局官本摺 光緒十九年六月初四日

竊臣前承准總理衙門咨議覆詹事志銳奏整頓商務

一摺原奏內稱棉布爲用甚廣大利所歸亟宜自謀織造以塞漏卮查上海已設立織布機器局兩廣總督張之洞亦經奏明設局織布因時興利實爲不可緩之舉必須實力講求逐漸推廣方能有濟如果經費不敷或撥官本或招商股隨時分別奏咨辦理等因奉旨依議欽此欽遵在案茲查湖北省織布官局業經工竣布機一千張陸續教練開織所織布匹甚爲堅潔適用所紡棉紗堅韌有力遠勝洋紗銷路頗暢官商士民咸曉然於此舉爲有益地方之事大率一年需用棉花數百萬斤皆用湖北本省所產之花間或參用江南通州花紡

張文襄公全集 卷三十三 奏議三十三

五

織工徒需用二三千人皆用湖北本地之人此舉無論於大局何如要之銷湖北之土貨養湖北之貧民則已確有明徵惟購備棉花弁隨時添補修改機器各件以及洋匠華工需款甚鉅查該局購機造廠經費均係臣前在廣東設法籌捐並未動用庫款自經兩廣督臣李瀚章奏請將布局移設鄂省後又添購軋花機器及廠屋鐵料暨外洋運脚保險等費增款銀三十餘萬兩除前經奏明由李瀚章撥來息借晉省存款二十萬兩并由湖北藩司善後局議詳將向來存當生息善舉公款銀十萬兩分向當店提還改發布局應用生息外其餘

皆係向商號暫借及挪借善後局開款墊用現在開辦經費亟須籌措大率成本愈厚開機愈多則行銷愈暢盈餘愈多統計一年需費甚鉅而濬源塞漏可久可大誠如總署所云因時興利實爲不可緩之舉自應遵旨籌撥官本應用以阜民生而保利權查布局開辦經費至少需銀二十萬兩左右始足以資周轉鄂省司局正雜各款各有專支急切實無從籌此鉅款惟查有近年積存實當捐一款係光緒十一年前督臣卞寶第奏明辦理乃係新籌之款并經奏明留於本省儲備緩急之需奉旨允准在案現在共積存銀八萬兩以之撥充布

張文襄公全集

卷三十三

奏議三十三

去

局開辦經費照章生息允爲妥協布局購儲棉花爲目前最急之務刻不容緩已據該司道議詳將此款全數提交布局悉購棉花以應急需惟所需之花尙須廣儲急購不敷尙多容臣督飭司局隨時設法籌措

硃批該衙門知道欽此

勘明藕池等口情形妥籌辦法摺

光緒十九年七月十八日

竊臣等前承准軍機大臣字寄光緒十八年五月初四日奉上諭都察院奏湖南京官郎中張聞錦等以水患日迫請復舊隄繪具圖說赴該衙門呈遞一摺據稱湖北藕池口等處湖隄潰決灌入湖南常德府屬被害最

重惟有規復舊隄堵塞潰口或於藕池口東南築長隄一道兼濬深洪俾引入大江由江入海以消上下游水患等語藕池口潰隄情形前經張之洞親往查勘奏陳大概擬與湖南巡撫會商辦理現在該處水勢究竟如何該督撫等會否妥籌辦法此次張聞錦等所呈各節是否可行著張之洞譚繼洵張煦會同悉心商酌妥議辦理總期於湖南北兩省地方均無妨礙以弭水患而衛民生原摺呈均著鈔給閱看原圖一件並著發交張之洞等閱看後仍行繳回將此各諭令知之欽此遵卽恭錄咨行分委前署湖北荆宜施道曹南英湖南岳常

張文襄公全集

卷三十三

奏議三十三

七

澧道廷杰督同兩省委員湖北知府札勒哈哩唐樹滋湖南知府徐培元暨濱湖各縣馳往藕池口一帶地方率同原遞公呈之常德府紳舉人梅安等查照所呈各節會同詳切履勘並將調弦虎渡各口派員分別測量繪具圖說會同稟覆時值水勢尙盛猶恐測勘未確復經臣之洞選調廣東精於測繪之委員老穎安學生潘元普等來鄂檄委湖北荆宜施道周懋琦候補道裕庚帶同該員生等於春汛未到之先馳往藕池口內外覆勘將緊要處所重加測量繪圖貼說分晰稟覆先後飭據湖南布政使何樞湖北布政使王之春核議具詳請

奏前來臣等查常德府紳士刑部郎中張聞錦等原呈請堵塞藕池潰口欲障荆江濁流使無南汜自係為水患日深保衛桑梓起見惟事關湖南北兩省利害必須統顧兼籌且查所呈各節於現在江流改道之情形及各口能否疏濬之地勢尙未深考茲經疊次詳勘熟議臣等覆加考核往復籌商僅將藕池等口實有礙難堵築情形敬為我 皇上縷晰陳之查藕池為荆江南岸大隄當日因江心沙洲太多逼江溜直趨南岸藕池正當西南頂灣之處咸豐二年遂致冲成巨口分引大溜常德內出之水不免壅遏不暢然江水過藕池繞石首

張文襄公全集 卷三十三 奏議三十三 六

始北歸入正洪亦甚迂折不便自光緒十三年王家大路迤北之沙洲被江水自行冲出新口徑趨張家灣水勢較順西南一帶天心洲日漲江溜為沙洲所逼日趨日北由王家大路新口東北流歸大江正洪者日多南入藕池潰口者日少藕池口門當日之正值頂灣者今日已在新口之下實測今日藕池潰口之水較之昔年初潰時已減其半現在入藕池口門內數里即有淤沙沙日墊則水日緩以後入口之水自當日見其減而王家大路改道後大江縈迴如玦北岸三面環水僅以一綫長隄為捍蔽上潰則荆州府城當之下潰則監利當

之潛江沔陽等處亦必同受其害自咸豐二年藕池潰口以來四十餘年南北相安無事上年常紳等甫興築復之議監利縣紳舉人熊登校等亦即具呈瀝陳攔阻若一旦堵塞荆民必羣起相爭南省依隄為命者北省必將與隄為仇即使強欲議堵此工恐亦難成至於藕池口門廣三百五十五丈中洪深三丈盛漲加高一丈餘工費過鉅斷非數十萬金所能辦縱使辦成盛漲亦難深恃此堵塞藕池口之難也又如常紳所呈於藕池口東南隅鮎魚鬚橫築長隄一道截引荆江南汜之水使折而東逕調弦口經流故道一節查鮎魚鬚在石首

張文襄公全集 卷三十三 奏議三十三 九

華容交界地方距藕池口門五十里弁為公安安鄉等水東流入湖之路原圖擬截流橫築長隄一道與兩岸淤洲隄垸相接不恐果築此隄將使藕池及公安安鄉之水從何入湖豈不汜濫華容安鄉一帶更致多灌常德何能強令曲折繞歸調弦口出口至於口門廣一百八十八丈深二丈二尺工費難舉尙可不計舉人梅安等隨同印委各員履勘經各員指示詢問目覩情形亦自深知其謬此鮎魚鬚築隄之難也原圖又擬塞藕池而潛虎渡調弦兩口以洩荆流查虎渡口在藕池之上游一百七十餘里本係自古以來分引江水南流之口

惟歷年沙淤已久口門甚窄口內五六里卽已淺至數尺冬令幾不通舟楫實有難疏卽使能疏而下塞藕池上落虎渡目前亦斷無此物力且下游藕池既塞去路壅滯江水上游之直注虎渡者必多澧州及所屬安鄉必遭壅遏淹浸緣安鄉湖身近來半已淤成沃壤水無所容迥非五十年前形勢利於常德而害於澧州亦未得爲善策至調弦口在藕池口之下游考之志乘此口原係分洩江水入湖之口並非引放湖水入江之口無論現在疏濬不易誠使疏之則內水能出外水亦能入盛漲時江水倒灌仍南歸鮎魚鬚曹家廠一帶此塞彼

張文襄公全集

卷三十三 奏議三十三

三

灌有何分別何能引江水東流入海此疏濬虎渡調弦兩口之難也又據舉人梅安等面稟印委各員以原圖不免錯誤請改從鮎魚鬚對岸各港口築隄障水使無西汜等語查所指各口自曹家廠至扁擔河地勢紆迴自北而東而南將及百里港口紛歧堵之不勝其堵尤恐衆流東匯華容獨當其衝且壅遏常德內水者尙有陡湖黃金河及澧州安鄉之水皆在其內並非盡藕池之水此堵築鮎魚鬚對岸各港口之難也惟查常德一府爲辰沅西澱諸水所匯府城正臨水濱每當江湖並漲宣洩無所迫近郡城常紳等所慮亦係實在情形臣

等職任地方深知湖南常德水患多年居民甚以爲苦豈不欲力籌善策俾其永無氾濫無如兼權熟計既覺妨礙太多且亦毫無把握熟察今日常德水患尤以南洲占地阻水爲一大端不僅在來水之路多而在容水之地隘消水之路阻蓋內水若暢外水漸緩則江湖水勢可以相敵雖遇盛漲時互相消息輸注亦不甚爲害事關兩省惟有擇其有益於湖南而無損於湖北者妥籌舉辦一曰禁新浣查洞庭一湖受納川黔楚桂之水廣袤八百里以能容爲量自康熙以來民殷物阜生齒日繁小民就湖灘荒地築圍墾田逮及乾隆年間湖灘

張文襄公全集

卷三十三 奏議三十三

三

淤地無不築圍成田濱湖隄垸如鱗已有與水爭地之勢前湖南巡撫陳宏謀喬光烈等疊有創毀私垸永禁新增之奏均經奉旨准行歷年既久地方官奉行不力湖中隄垸日增加以藕池既潰江水濁流灌入沙淤壅遏龍陽華容安鄉三縣境內新長南洲廣袤幾二百里南洲以外尙有私垸多處侵佔湖面現在西湖已涸其半東湖亦漸淤墊水無所容橫溢四出升任湖南巡撫王文韶疏稱湖北則荆江大隄受其害湖南則濱湖州縣被其灾湖中之水既漸變而爲田湖外之田將胥變而爲水湖南之大患無有過於此者等語確有明徵日

前辦法惟有查明湖中舊有隄垸限以定數不准再有增加其濱湖淤洲及私垸有礙水道者酌量開挖創毀如有違禁私築水垸私墾官荒者即令地方官督飭剗除分別嚴懲以期讓地與水使有所歸已由臣之洞臣大澈嚴札出示懲禁一曰疏北港熟察形勢似應於安鄉縣屬之北夾子起以及冷飯洲新開官河沙夾西港南嘴白沙蕭公廟舵桿洲等處節節挑濬再將布袋口開掘深洪俾復舊觀以暢湖南諸水入湖出江門戶惟經費甚鉅籌款不易且恐有旋疏旋淤之病應由湘省體察情形以後量力從容舉辦現查新開官河地處適

張文襄公全集 卷三十三 奏議三十三 五

中為水必爭之地擬先飭令該處水師營官將淤洲阻遏地方開通巨口以待汎水引溜刷沙俾盛漲有所消洩一曰培城隄常德大郡連年水患自宜先籌保護之法該府城臨水一面因城為隄臣大澈因查閱營伍親至常德巡視府城上南下南各門外附郭市廛過密城垣無法培厚惟筆架城一段最當衝要其地並無民房又城內正對府學處所地段亦極緊要已咨北洋大臣李鴻章購到唐山廠上等塞門德士三百餘噸運赴常德為修城之用其城外石隄弁以此土代灰重加培修水至不致沖缺庶城隄堅厚雖遇盛漲亦可無虞以上

三端雖為補偏救弊之方而目前人力所能為者不過如此蓋自江流漸復故道以後藕池受水已漸減少而常德內水實為南洲所阻若僅塞藕池而不能剗去南洲則未必大利於湖南而先有害於湖北加之費既太鉅工亦難成辦理實無把握至堵築他口詳加體察亦多窒礙惟禁新垸疏湖港培城隄數條雖無近功較有實際庶不悖於朝廷兼顧南北兩省之至意謹將勘測藕池口一帶水道繪圖貼說恭呈御覽

請鑄銀元摺 光緒十九年八月十九日

張文襄公全集 卷三十三 奏議三十三 五

竊照湖北省據江皖上游地當南北要衝漢口宜昌兼為華洋通商口岸商賈雲集用錢最廣向章各州縣徵收丁漕各局卡抽收釐金鹽課皆用制錢完納每年需用之數甚鉅自同治以來滇銅不旺洋銅價值日昂鼓鑄久停青銅制錢本已日罕日珍近來市面現錢日形短缺而商民交納官項以及民間日用交易皆需此物若聽其以小錢充數則官項受虧亦非政體若挑選過於認真則商民嗟怨大率湖北各府州縣城鄉市鎮不惟制錢短缺即粗惡薄小之現錢亦甚不多惟以一紙空虛錢條互相搪抵民間深以為苦而無如之何通省

情形相同近年鄂省商民生計維艱市面漸形蕭索此實爲一大端前督臣裕祿前撫臣奎斌以鄂省錢少價昂曾有請禁輪船裝運制錢出口以平市價之奏臣等復以制錢缺少疊經督飭司道籌議禁販運擊私鑄查銅鋪懲私毀並嚴禁回空鹽船裝運制錢出省及稽查輪船夾板船裝運出口按照約章核實辦理力圖整頓無如來源既少民生仍未能紓又以錢少由於鼓鑄無銅查訪鄂省銅鉛各礦尙有數處如鶴峰州之九台山安陸縣之銅古黃金等山均有銅鑛派員分投去辦或以道遠運費過多或以鑛少難得大脈辦理均無把握

張文襄公全集

卷三十三

奏議三十三

五

目覩商艱民困補救無方不得不亟籌一變通利濟之法督同司道再四籌商僉以廣東奏准開鑄銀元利用便民成效昭著蓋銀元大小輕重均有定式取携甚便尤利行遠商民便之不獨閩廣江浙及江西安徽湖南等省商民貿易通用銀洋如湖北漢口沙市一帶向來亦多行用至商輪來往則全用洋銀交易利權所在尤當因時制宜惟有援照廣東成案開鑄銀元庶可以補制錢之不足緣廣東銀元若由鄂省道購致運費匯費耗折太多且不能隨時濟用擬即在鄂省自行鑄造購置鑄造大小銀元之中等機器全副先行試辦規模

不必甚大計購辦機器創造廠屋共需經費銀四萬餘兩查光緒十三年鄂省開鑄制錢曾經奏明撥借司庫質當捐銀二萬兩換錢三萬串借撥鹽釐五成外銷公費等項錢二萬串共錢五萬串發商生息爲彌補銅鉛折耗之用旋因洋銅價增奏明暫停鼓鑄已將此項錢五萬串提還藩庫鹽道庫存儲留備鼓鑄要需約合銀三萬數千兩擬即動支此項錢文作爲開鑄銀元購機造廠之用其不敷之項由司局設法於外銷之款籌足銀元大小式樣輕重分兩及繳納支發各款各省行用章程廣東均有戶部議准成案可循通行各省商民稱

張文襄公全集

卷三十三

奏議三十三

五

便已久一切均擬仿照成案辦理惟銀元所鑄廣東字樣改爲湖北所有湖北省各局卡釐金鹽課均准商民一律用銀元交納支發官款一體酌量搭用俱按照當時洋銀市價核算沿江沿海各省口岸及內地商民准其與廣東銀元一體行用一切聽其自然毫不勉強至籌解京協各餉向用紋銀者仍用紋銀目前與制錢相輔而行旣可以紓民困亦可保利權似爲救時急務將來中國銅產日旺鼓鑄漸充則制錢與銀元仍可相濟爲用並無窒礙據湖北藩臬兩司鹽法道會同善後牙釐兩局司道籌議援案具詳請奏前來合無仰懇天恩

俯准照案開辦以便民用而保利權地方幸甚如蒙俞允臣等當咨取廣東各項章程體察情形酌量仿照辦理

殊批戶部議奏欽此

出省查閱營伍暨水師兵輪摺光緒十九年九月十五日

竊臣前將出省校閱營伍及查看江夏大冶等處煤井鐵山運道各工程日期奏報在案當經於八月二十二日自省起程乘坐兵輪沂江而上至江夏所屬馬鞍山地方查看煤井既畢展輪下駛至黃州府二十四日調齊黃州興國德安等營弁兵合操陣式步伐整齊槍礮

張文襄公全集

卷三十三 奏議三十三

三

連環應節將備弁兵箭枝尙屬有準各將弁近年來經臣飭令一律操演後膛洋槍均能極力講求中靶約在六成以上器械馬匹亦皆精壯足額當場分別賞罰並嚴飭各營將官認真督率訓練汰革疲弱力除積習校閱事竣即開行至大冶縣石灰窯馬頭登岸由鐵路行五十餘里至鐵山鋪查看運道鐵路工程鐵山鑛石情形及開鑛軋鑛各種機器並至王三石勘視煤井順道乘輪駛赴田家鎮閱視南北兩岸江防礮臺江面頗窄水流甚急地方形勢甚為扼要惟礮臺布置一切尙須從容講求隨即乘輪上駛於二十八日回省據長江漢

陽鎮總兵高光効岳州鎮總兵張捷書稟請將該兩鎮水師一體校閱當經酌調礮船數十號來省於九月初五日將漢岳兩鎮師船湖北鐵字三營水師襄河中前左三營水師及兵輪各船調集距省城三十里青山地方閱看水操長龍舢板往來洪濤巨浪之中陣法嚴整排礮齊一進退攻擊駕駛均極靈便楚材測海金甌兵輪三艘於江中設靶演放巨礮均能命中致遠當經分別獎賞各水師飭令分別回防惟湖北通省綠營尙皆沿用土槍既覺遲鈍亦難及遠不足以備緩急現經臣飭令一律操演前膛洋槍其實缺候補各將弁於每

張文襄公全集

卷三十三 奏議三十三

三

營酌挑兵勇練習後膛洋槍甫經陸續發給操練且現在鍊鐵全廠告成亟須講求開爐試鍊辦法督催煤井工程正在喫緊之際亦未便遠離省城所有安襄鄖荆宜施等處營伍容俟明年省城要務漸有端緒各營操演洋槍漸臻純熟臨時體察情形再行出省簡校以求訓練實際

殊批知道了欽此

張文襄公全集卷三十三終

吉林慶 珍校

張文襄公全集卷三十四

奏議三十四

煉鐵全廠告成摺 光緒十九年十月二十二日

竊臣奉旨籌辦煉鐵事宜自開辦以來歷經隨時上陳並於本年二月內詳晰奏陳在案自三月以後機器物料陸續運到臣督飭各員及洋匠多方激勵極力趕辦所有煉生鐵大廠及機器廠鑄鐵廠打鐵廠業經於三月前完工其煉貝色麻鋼廠煉熟鐵廠此兩大廠均於五月完工其煉西門士鋼廠造鋼軌廠造鐵貨廠此三大廠因補換破碎短數火軛及未齊機器鐵料運到稍

張文襄公全集

卷三十四 奏議三十四

一

遲於七八兩月先後完工此外尚有造軌所需之魚片鉤釘廠其機器本係後訂於五月內始自外洋續行運到督催趕辦亦於九月中旬完工統計全廠地面東西三里餘南北大半里各廠基自平地起至鐵柱墩及爐座機器諸石墩止均須填土高一丈一二尺不等大小十廠均須連爲一處共應填土九萬餘方已於九月中旬將開煉之日即須施工處所一律填齊至各廠基以外現仍接續補填其應加開水溝加培護隄廠內聯貫交通鐵路廠地舖蓋鐵板各工隨時酌度情形辦理統計煉生鐵煉熟鐵煉貝色麻鋼煉西門士鋼造鋼軌造

鐵貨六大廠機器鑄鐵打鐵造魚片鉤釘四小廠以及

煙通火巷運鑛鐵橋鐵路各工江邊石馬頭起鑛機器房現已全行完竣機器一律安妥協其大冶運道鐵路前已完工鐵山開鑛機器及軋鐵鑛軋灰石機爐四座溜鑛石馬頭礮岸等工均已造齊江夏馬鞍山煤井橫隆兩道均已開通陸續出煤大冶王三石煤井二處石質極堅暗水太多工程過鉅其橫隆開通尙需時日現在亟須開爐試煉惟馬鞍山井工雖成煤巷尙少工徒未熟出煤尙未能多該處所設之煉焦炭爐甫經開工火軛均自外洋運來破缺短數甚多電催補添尙未

張文襄公全集

卷三十四 奏議三十四

二

運到洗煤機器及運煤之掛綫路機器屢經電催約須十一月間方能運到安設造成亦需時日自應查照從前奏案先行購運湘煤與馬鞍山所開之煤參用以應急需現於漢陽鐵廠內另行添設洗煤機煉焦炭爐以期早日興工至新爐試煉關係甚鉅合配鐵鑛灰石煤斤必須精詳慎重而洗煤煉焦炭兩事在中國工匠素未經見若煤質稍雜洗煉配合稍不得法即至積灰壅塞風眼鐵汁不能下注凝堵爐門全爐損壞貴州青溪鐵爐覆轍可鑒必須先用外洋焦炭試煉兩月察其爐座之風力火力鐵鑛之剛柔徐用內地之煤較量配用

方為穩慎萬全至煤為全廠之根必須自開自煉方能一律適用而且多出不竭目前工費雖多將來庶可經久實為節省經費輕減成本之要策現仍一面督催各煤井工程並因全廠鍋爐及鐵山鑛機運道火車運鑛運煤輪船長年需用煙煤為數甚鉅分飭於大冶縣之保安李士墩金盆地柏灣長陽縣之滋邱等處多開土窿以資各項雜用惟外洋開煤乃極重要而極繁鉅之事本係專門大舉每開一大井鑛工井工路工等項動需百萬內外與煉鐵另為一事今湖北兼辦開煤數處而又別無經費辦理實為棘手惟為竭力統籌相機騰

張文襄全集

卷三十四

奏議三十四

三

挪設法趕辦目前正在演試機器修補各項機器零件俟一切布置周妥十一月內即擬燒熱爐座約須兼旬方能熱透十二月間即可試煉生鐵接續煉鋼造軌茲謹將造成漢陽煉鐵全廠及大冶鐵山鑛機運道水陸馬頭暨江夏馬鞍山大冶王三石各煤井工程仿照西法於九月下旬照印成圖共為五十六幅并於圖上貼說恭呈御覽

擬定鐵廠開辦後行銷各省章程片

光緒十九年十月十一日

再准戶部咨令於鐵廠開辦後詳定行銷各省章程并

將所出鋼鐵數目分季造報海軍衙門戶部等語查中國自開鐵廠乃奉旨飭辦之件關係自強要圖凡我軍國所需自宜取資官廠惟賴戶部與各衙門及各省合力維持方足以暢地產而保利權至所出鐵貨既係動用官本均係官物且開辦之初工本較鉅行銷各省及出口運銷外洋自應一律統免稅釐以輕成本且臣近接出使日本大臣汪鳳藻來函日本現亦擬創設鐵廠擬派員來華觀看湖北鐵廠等語是外國皆汲汲於煉鐵一事則中國鐵廠尤宜多方護持振興以期暢旺所有北洋鐵路局及各省製造機器輪船等局需用各種

張文襄全集

卷三十四

奏議三十四

四

鋼鐵物料或開明尺寸或繪寄圖樣漢陽鐵廠均可照式製造與外洋物料一律適用至開辦之初工本猝難豫計其價值惟有暫照各省所購外洋鋼鐵時價應於議定需用物料若干價值若干後或先付半價或先付三分之一或酌付定銀應由湖北隨時體察情形與各該省商辦相應請旨敕下戶部總理海軍衙門總理各國事務衙門迅速核定章程通行各省查照辦理至漢陽廠所出鋼鐵數目一年之內或有分煉猛鐵之日或有修理機器爐座之日且鋼鐵等差種類甚多或視何項鐵貨需用較多較急即行酌量多少分別製造若按

季報部端緒過形繁雜且不免參差似須滿一年後方能統計盈虛擬請每年奏咨一次以歸簡明而昭核實
硃批該衙門議奏欽此

設立自強學堂片 光緒十九年十月二十二日

再治術以培植人才爲本經濟以通達時務爲先自同治以來總理各國事務衙門設立同文館創開風氣嗣是南北洋及閩粵各省遞設廣方言館格致書院武備學堂人才奮興成效昭著湖北地處上游南北衝要漢口宜昌均爲通商口岸洋務日繁動關大局造就人才似不可緩亟應及時創設學堂先選兩湖人士肄業其

張文襄公全集 卷三十四 奏議三十四

五

中講求時務融貫中西研精器數以期教育成材上備國家任使臣前奏明建立兩湖書院會有續設方言商務學堂之議茲於湖北省城內鐵政局之旁購地鳩工造成學堂一所名曰自強學堂分方言格致算學商務四門每門學生先以二十人爲率湖北湖南兩省士人方准與考方言學習泰西語言文字爲馭外之要領格致兼通化學重學電學光學等事爲煥學之入門算學乃製造之根源商務關富強之大計每門延教習一人分齋教授令其由淺入深循序漸進不尙空談務求實用所需經費暫就外籌之款湊撥濟用俟規模漸擴成

效漸著再行籌定專款奏明辦理以爲經久至計
硃批該衙門知道欽此

接設安陸電綫片 光緒十九年十月二十五日

再前因襄陽地當邊要伏莽素多且襄河湍悍時虞潰決安陸襄陽兩府沿河各州縣隄工關係民生利害必須赴機迅疾方能有備無患當於光緒十六年奏明將荊州沙市電綫接造至襄陽并撥歸商局經理在案自襄陽通電以後信息靈捷於襄郡隄工及襄陽所屬教案會匪諸事均能應機籌辦裨益實多惟安郡鍾祥隄工相距較遠綫路雖經過鍾祥境內第在對河地方無

張文襄公全集 卷三十四 奏議三十四

六

通報之所倉卒尙難得力必應於商綫經過較近之處橫添官綫一段接至安陸府城內方於籌辦鍾祥隄工各事可期安速綫路相去不過數十里而中隔襄河須接水綫當經派委沙市電報局委員直隸候補同知黃邦俊隨帶工匠及水陸電綫工料等件前往勘路興工旋據稟報陸綫由荊門州接達水綫由安陸府城外中渡安設一律工竣所有購辦水旱綫桿物料工作等項共支用銀四千七百二十八兩由善後局如數發給查所接安陸官綫係爲防護鍾隄而設惟由官經理以後修理巡護及局中常年經費所需甚多若仍撥歸商辦

則與襄樊商綫呼應靈通而經費可期節省至所用經費銀四千七百餘兩當經與商局議定作為存款由商認還但現在商報無多一時乏力墊繳應俟將來報費暢旺再行飭其分期歸結以清公款

硃批該衙門知道欽此

籌辦育嬰摺 光緒十九年十一月十四日

竊臣等前承准軍機大臣字寄光緒十七年九月十三日奉上諭御史恩溥奏各省教案皆緣育嬰而起請飭廣設育嬰堂一摺所奏不為無見育嬰一事從前疊奉諭旨通飭辦理現在教案繁興半由各國育嬰起釁若

張文襄公全集 卷三十四 奏議三十四

七

使地方官籌辦盡善自可隱杜亂萌惟各省情形不同全在疆吏因地制宜委用人立法周備庶日久奉行不至滋生他弊著各直省將軍督撫悉心體察妥為籌畫總期實惠及民以恤窮黎而弭隱患原摺均著鈔給閱看將此各諭令知之欽此遵即恭錄咨行欽遵辦理在案伏思湖北地方沿江口岸華洋雜處教堂甚多防範偶有未周匪徒從中煽惑易釀事端是育嬰之舉在湖北尤為當務之急當經分派員紳馳赴各屬會同地方官紳周歷城鄉切實勸導設法籌捐的款或因或創竭力擴充妥定章程以垂久遠其收養之法大率分堂

養助養兩端如經費充裕建堂雇乳多多益善是曰堂養或鉅款驟難籌集即不必遽立新堂定雇乳媪但按月給費責令本生父母撫育是為助養嗣據各府州縣稟報先由地方官員捐廉以為之倡紳商士庶亦多嚮義樂施或以資產充公或以集會輸捐或於田房稅契及本縣市鎮商賈認捐經費共襄善舉就地方之廣狹繁簡因地制宜分設堂所公舉端正紳士以董其事所收租息及歲捐月捐筒捐各款絕不假手胥吏該地方官隨時親赴堂所留心查驗臣等仍督飭司道覆加綜核並委員隨時密查其收養嬰孩名數並飭按季分別

張文襄公全集 卷三十四 奏議三十四

八

造冊稟報俾資考核民間捐款較鉅者臣等發給匾額以示獎勵查自陸續開辦迄今兩年綜計一州一邑歲籌經費多者錢數千串以至數百串收養嬰孩多者數百名以至數十名各該地方官均能各就本處情形實心勸辦不遺餘力果能從此日加擴充孤幼皆得所養於厚俗弭患之道似亦不無裨益臣等自當隨時督察力求實際不令日久弊生以仰副朝廷恤民防患之至意

硃批該衙門知道單併發欽此

辦結麻城教案摺 光緒十九年十二月初十日

竊查本年五月間麻城縣宋埠地方因傳教生衅毆斃瑞典國教士二命一案接據府縣稟報當經派委湖北候補道李謙馳往督同黃州府麻城縣查辦彈壓緝拏正凶將教士屍棺派人安送到省旋據獲犯高稿把等九名訊供稟報復經派委湖北候補道裕庚馳赴黃州督同黃州府高蔚光麻城縣張集慶提集犯證覆訊確供定擬稟辦緣李稿把徐全福李福仔劉玉城李金狗朱應吳治太陳觀受劉元燦分隸麻城黃岡等縣各在麻城縣屬宋埠地方受雇幫工及遊混貿易營生彼此均不認識該宋埠地方向無教堂亦無各國洋人傳教

張文襄公全集

卷三十四

奏議三十四

九

本年二月間有瑞國教士梅寶善凌化雲帶同通事至宋埠對河之郝家舖地方租賃李漢龍所賃郝姓後重房屋售書傳教鄉民未經習見人心驚疑謠言四起旋據該府縣迭次稟由江漢關監督漢黃德道惲祖翼照會代辦瑞國副領事丁乙尼諭飭教士回漢俟民情信從後始可前往復經該縣當面勸令早旋迭准該副領事照復已諭該教士等回漢以免滋事旋因梅寶善一人先回而凌化雲被教民恣意仍留該處又經江漢關道惲祖翼據稟照會該副領事諭令速行撤回又准該副領事復稱梅寶善已親身往宋埠撤令教士及教民

回來以為該教士必可遵照領事諭囑辦理詎梅寶善又偕教士樂傳道同至宋埠後凌化雲雖歸而梅寶善樂傳道又復久留不去該處五月十五六等日向有競渡故事屆期男女聚觀甚眾即有無知之徒私貼揭帖等事該縣恐釀事端移知把總董開泰往接該教士等暫為移居縣城該教士為眾教民所牽掣堅不肯動鵝籠巡檢殷廷瑜又復親往勸其暫避巡檢署內亦不肯從並雇有郝姓鑣手數名恃為無恐至十八日有朱應等數人路過教士門首聲稱欲看洋人甲長郝人和攔阻爭鬧罵詈眾人愈聚愈多不知何人擲石將郝人和

張文襄公全集

卷三十四

奏議三十四

十

額顛打傷教士令在地躺卧用藥敷治一面令鑣手等將朱應吳治太陳觀受劉元燦四人捉入細縛交郝人和等解送縣城收管時後門已為眾所擁阻郝人和等係由前門潛出繞道赴縣而門外眾人不知屢向教士索人不應當有李稿把同眾用石撞開後門齊入屋內遍尋未見見有郝人和受傷卧地血跡羣疑為四人已死適又見前重房屋不知因何火起又疑為打死四人後焚燒滅跡亂向教士尋毆兩教士情急爬登屋上持瓦抵禦眾亦隨之而上梅寶善因向李金狗撲跌落地被李稿把上前拾取木桶首先毆打旋同眾人亂毆樂

傳道在屋眾人齊上追打亦被徐全福首先踢落地復同眾按住亂毆均各當時身死李福仔劉玉城乘機同眾搶拾物件事後均各逃散旋經該縣驗明屍身棺殮填格具報經道員裕庚親提督同府縣覆訊供認不諱並由該府縣開具供摺一同稟報該道憚祖翼覆核無異案無遁飾查律載共毆人致死下手致命重傷者絞又例載共毆人致死亂毆不知先後輕重者無原謀坐初鬪者為首又例載鬪毆之案若被死者撲毆閃避致令自行失跌身死者照不應重律擬杖八十又因失火而乘機搶奪但經得財為從者杖一百徒三年於面

張文襄公全集

卷三十四

奏議三十四

十一

上刺搶奪字樣又律載不應為而為事理重者杖八十各等語此案李稿粃徐全福因眾人找尋朱應等四人未見疑為已死共向教士尋毆李稿粃於教士跌落後首先向打徐全福於教士上房避禦首先踢傷下地旋同眾人亂毆身死當時人多手雜不知何人致死自應罪坐初鬪為首李稿粃徐全福二犯合依共毆人致死亂毆不知先後輕重者以初鬪為首共毆人因而致死者絞律擬絞監候秋後處決惟該二犯凶橫肇禍情節甚重查同治五年上海縣客民張桂金故殺法國巡捕巴龍身死一案經南洋大臣以事關中外交涉必須速

結應由總理衙門會同刑部另擬專條奏明辦理等因旋經會奏提前即辦以期速結奉旨允准在案是交涉案件本有速結專條現奉准總理衙門十月初四日稟電開此事必應速結等因自應比照成案從重提前辦理由臬司陳寶箴詳請奏明請旨前來查此案李稿粃既已撞門尋鬧致兩教士情急登屋復乘梅寶善自屋上跌落下地之時輒即首先毆打旋同眾人亂毆致斃徐全福先同眾人尋打見樂傳道已經逃避上屋輒又登屋追打首先自屋上踢落地復同眾亂毆致斃該二犯以不干已事首倡逞凶及至兩教士跌落地之

張文襄公全集

卷三十四

奏議三十四

十二

時既非彼此互毆尤非情急抵禦乃復趕打亂毆致令徧體鱗傷登時連斃二命實屬情凶近故非尋常亂毆罪坐初鬪者可比誠如總理衙門來電其凶橫較尋常亂毆坐罪較重復查李稿粃徐全福二犯向來俱係拳棒教師人所共知經道員裕庚查明屬實是該二犯均係素不安分之徒此次眾人初只亂鬧尙未敢公然下手獨該二犯首先毆踢以致兩命慘斃幾釀衅端其為禍首罪魁實屬眾目共覩臣督同臬司江漢關道公同核議此案並無原謀且在場鬪鬧之人甚多斷不能如教士單開所指定任意株累惟該二犯既經訊明情節甚

重與尋常亂毆坐罪者已有不同且事關交涉尤未敢拘泥尋常例案似宜從重提前懲辦庶可期辟以止辟自應比照成案奏明請旨遵行抑臣之愚更有請者查湖北民情不靜處處與教堂洋人相齟齬自近年揭帖之風大熾動思生衅光緒十七年四月武穴有毆斃英國洋人二名之案是年七月宜昌又有焚燬法美英各國教堂洋行之案光緒十八年六月穀城有焚斃教民雷財義之母之案襄陽有焚燬楊家岡教民房屋之案多方彈壓防不勝防本年又有麻城毆斃瑞國教士二名之案若不嚴懲擬抵是小國之與大國辦法未能一律殊於政體有妨且愚民游匪以為毆斃洋人可不抵償必致不遵法令動輒殺傷各國洋人紛紛被害尙復成何事體儻以後滋事日甚豈不誅殺更多今擬請援案從重提前懲辦庶免愚民踵轍生衅多蹈法網惟瑞總領事屢次來文面議皆欲援照武穴案將該二犯立即擬斬當以彼係會匪煽動之時案情不同力駁之特此案固應與武穴案有所區別然亦未便稍從輕縱臣係為熟籌交涉大局保全將來民命起見至此案究應如何辦理之處伏候聖裁至李福仔劉玉城因失火往看見眾人圍打教士據供並未幫毆惟見眾人搶物亦

張文襄公全集 卷三十四 奏議三十四 三

隨同搶得零星物件李福仔劉玉城二犯應照失火乘機搶奪人財物但經得財為從者杖一百徒三年例擬杖一百徒三年於面上刺搶奪字樣李金狗因失火往救兩次被眾擁送上房致令教士向撲落地雖據供稱并無毆打情事究屬不應朱應吳治太陳觀受到元燦首先罵詈致釀衅端均屬不安本分李金狗朱應吳治太陳觀受到元燦五犯均照不應重杖八十律各擬杖八十仍酌加枷號一箇月無干省釋此擬辦各犯之情形也其撫恤一節該兩教士同時慘斃情殊可憫惟與武穴燒燬教堂者不同現議兩教士各給與撫恤洋例

張文襄公全集 卷三十四 奏議三十四 十四

銀一萬兩補給失物書籍等項洋例銀一萬二千兩共折合庫平銀三萬零五十七兩一錢二分當經飭江漢關道送交瑞總領事收清其宋埠再往傳教一節查宋埠民情憤怒其勢洶洶目前必不相安斷難准其再往現議二十箇月後再往傳教若臨時實有不能去情形再由江漢關道照會阻止該總領事均已照覆照辦此議定撫恤及從緩再往麻城傳教之情形也竊查瑞國總領事柏固兩次來漢口議辦此事各國教士意欲藉端生事勢頗紛紜臣遵照總理衙門疊次來電指示辦法務期妥速議結多方開譬剴切辯論其望礙難行者

皆已直言駁覆現已議允結案

硃批該衙門議奏欽此

奏報鐵廠開爐煅煉日期摺

光緒二十年二月初四日

竊臣於上年十月內業將煉鐵廠工告成各情形詳悉奏報在案查漢陽鐵廠日用鐵鑛灰石及煤炭至百萬餘斤之多參和配合裝運起卸處處均須周備方能興工冶鍊而工程浩大端緒紛繁有可分投並舉者有必層遞而進者兩月以來極力趕辦將廠基以外應行接續填土聯貫軌道等工次第辦竣一面開溝培隄一面演試機器大致均尚順適惟機具繁多皆極高大笨重張文襄公全集卷三十四 奏議三十四 五

之件接連地段又甚廣遠初經運動必有生澁鬆脫走火漏氣之處西洋各廠均所不免當即在本廠鑄鐵廠內修改完好現已一律完全運動如意茲詎吉於本年正月初十日將煅鐵爐兩座升火燒然之後先將鐵鑛煅煉遞以備生鐵大爐熔煉之用緣大冶鐵鑛鐵多而質堅本屬上品惟含有硫磺鐵性暑脆必先入爐煅煉使磺氣騰散鑛質疏鬆煉成鋼鐵方能堅韌有力實為成鐵之始基既經一面飭大冶鐵山委員洋匠迅速開采一面派定輪船各船數號將鐵山開出鐵鑛及灰石轉輸轉運漢陽常川不息令其供用不致缺乏一俟煅

有成效添募洋匠到齊即當接煉各種鋼鐵至所開煉并目前出煤漸多仍當隨時督飭趕辦

硃批該衙門知道欽此

請建陳國瑞專祠摺

光緒二十年四月三十日

竊據湖北應城縣知縣高培蘭詳據舉人王承禧呈稱已故記名提督原任浙江處州鎮總兵陳國瑞功在桑梓愛慕弗忘已蒙恩於立功地方准建專祠請在於原籍應城縣地方撥案捐建專祠等情詳經批飭司局核覆去後茲據湖北布政使王之春按察使陳寶箴會同善後局司道詳稱已故記名提督原任浙江處州鎮總張文襄公全集卷三十四 奏議三十四 六

兵陳國瑞於咸豐初年投隸戎行轉戰安徽河南江蘇山東山西直隸等省及湖北本省地方所向皆捷生平戰績業經各督撫統兵大臣臚列具奏蒙恩宣付國史館立傳毋庸贅述而其在湖北勦賊之功則麻城一役尤為卓著同治三年偽浮王陳得才等糾合陝西皖豫悍賊數十萬竄入楚境屯踞麻城縣屬之白果等處連營築壘勢甚猖獗迤北一帶多樹木柵長四十里該賊大股久踞麻城東南則分擾黃崗黃陂孝感西北則分擾安陸雲夢到處蹂躪民不聊生該故鎮奉命由皖豫入楚勦賊冒暑前進兵纔八百人不俟大軍齊集即於

是日三股分五路進兵拔其木柵破其土壘擒斬大小頭目百餘名餘眾驚潰下竄復追賊於蘄州斬水羅田廣濟等處至洽溪河與賊大戰殺賊數千人斃擒首賊目亦眾賊敗奔潰至英山霍山之界其眾尙逾十萬該故鎮與楚皖官軍合勦正酣戰時賊望見國瑞旗幟驚呼大敗擒偽端王藍成春於陣陳得才服毒死遣散脅從難民無數楚省賴以安堵江北大定其功最偉以上諸戰功均經大學士李鴻章咨送國史館有案推之倡輸鉅款以興闔邑善舉並捐鹽本銀兩加廣永遠學額遺愛至今繫人思慕茲據該紳士等籲懇於本籍建立

張文襄公全集

卷三十四

奏議三十四

七

專祠係屬撥案辦理詳請具奏前來臣等查該故鎮陳國瑞轉戰各省迭著奇功山東江蘇立功地方已蒙恩准建立專祠茲湖北本籍亦係該故鎮立功之地所請捐建專祠事同一律合無仰懇天恩俯准撥案將已故記名提督原任浙江處州鎮總兵陳國瑞在於應城縣本籍由紳民捐建專祠列入祀典由地方官春秋致祭以彰勲績而順輿情

硃批另有旨欽此

請將金國琛附祀并請立傳摺

光緒二十年四月三十日

竊據湖北在籍紳士前雲南巡撫賈洪詔等聯名呈稱

已故布政使銜廣東按察使金國琛江蘇江陰縣人自少讀書敦尚志節留心經世之學咸豐年間以諸生投効故浙江甯紹台道羅澤南軍營一見卽深加器異委任營務能與士卒同甘苦而部勒嚴整每督隊勦賊雖倉猝犯之屹如也咸豐五年隨克江西之弋陽縣廣信府義甯州湖北之通城崇陽蒲圻咸甯等縣六年隨克武昌省城及武昌縣黃州府興國州大冶縣暨江西之瑞昌縣七年故浙江布政使李續賓接統湘軍以該員謀勇兼優委總理營務處卽分軍襲克江西湖口縣進克彭澤縣八年四月隨克九江府旋值李續賓三河敗

張文襄公全集

卷三十四

奏議三十四

六

沒該員與故安徽巡撫李續宜招集散亡激以忠義軍威復振九年逆首石達開圍攻湖南寶慶府餉道文報俱梗李續宜往援該員總理營務處率師先馳赴敵一戰解圍升任湖南巡撫駱秉章奏報敘該員之戰功最詳是役實爲諸軍推服之始故湖北巡撫胡林翼與糧臺書謂該員爲湘軍最久之人得兵心明地勢凡緊要軍謀儕輩中無以過之爰委統撫湘十四營是年冬逆首陳玉成以全股悍黨勾串捻匪十餘萬分道上犯圍解安慶之圍困故提督鮑超軍於小池驛諸軍往救皆失利該員密陳於胡林翼請由間道急行赴援時歲暮

大雪該員率所部十四營自潛山疾趨天堂鎮攀援險阻閱十日乃出高橫嶺仰天菴從萬山深處俯視賊營賊大驚氣奪十年正月十一日大破賊眾燬賊壘七十餘座先後斃賊六千餘人生擒悍酋藍承宣二十六日與諸軍夾擊又大敗之立克太湖潛山兩城是為該員獨當一面之始十一年二月髮逆大股由皖北上犯楚疆連陷黃州孝感雲夢德安隨州諸城李續宜由桐城赴援賊已繞竄腹地在諸軍之前該員以官軍若由下追勦賊必直趨武漢省垣將危於是請以大軍徑駐武昌身統七千餘人由南岸渡至漢口雙廟楊店一路疾

張文襄公全集

卷三十四

奏議三十四

九

趨上游與統帶水師彭玉麟為迎頭截擊之舉連戰皆捷遂克孝感雲夢等城積功洵保道員賞加按察使銜其時逆匪盤踞德安圖窺荆襄該員率所部直搗府城築礮臺掘地道晝夜環攻七月十二日將郡城克復乘勝追至平林市西河暨應山所屬之吳家店等處殲賊萬餘奏上奉旨加布政使銜交軍機處記名簡放是年九月奉旨補授安襄鄖荆道襄樊為楚邊重鎮髮捻時相窺伺該員於樊城建築土城督率地方文武整頓團防講求戰守迄以無患同治元年七月髮逆馬融和由湖北鄖西縣敗竄河南南陽府糾黨數萬圍攻郡城該

員念南陽與襄樊唇齒相依親率各營越境援勦十六日與賊鏖戰三時之久殲斃悍酋多名賊始敗退次日乘勝追擊四十餘里前後殺賊二千有奇城圍立解民慶更生故大學士湖廣總督官文奏報謂宛郡為南北關鍵設有疎虞不特秦豫有肘腋之憂即楚邊亦將不靖厥功甚偉奉旨優敘嗣經前湖北巡撫嚴樹森以赴調遲延奏請以同知降補二年經故大學士兩江總督曾國藩奏調赴皖委統義從等營防戰皖南一帶髮逆迭將豹佛嶺黃備鎮等處之賊勦除殆盡三年十月全皖肅清奉旨開復原官補授甘肅鞏秦階道四年皖南

張文襄公全集

卷三十四

奏議三十四

十

撤防因母老多病陳請開缺終養八年十二月丁艱十一年三月服闋因籌勸甘餉出力經故大學士陝甘總督左宗棠奏復布政使銜光緒元年十二月奉旨補授廣東督糧道二年五月到任督辦通省釐務釐剔弊端句稽精密四年十月奉旨補授廣東按察使任事後清理積案講求吏治昕夕不遑嗣因勞傷舉發於五年六月十四日在任病故綜計該員先後在軍營十餘年身經百戰迭克名城右臂左腹等處均受有傷年甫五十八未竟其用論者惜之湖北士民稱述戰功感念遺澤歷久不忘由該紳等臚列事實聯名呈懇奏請附祀湖

北省城故巡撫胡林翼專祠並請將戰功事蹟宣付國史館立傳飭由湖北布政使王之春按察使陳寶箴會同善後局司道核明會詳請奏前來臣等查已故臬司金國琛以諸生投効湘軍知名最早轉戰楚江皖豫各省戰功卓越當時統兵大臣如故大學士曾國藩駱秉章左宗棠故巡撫胡林翼等皆深相引重前在湖北攻勦髮逆保衛地方所向克捷不可殫述而其越境解湖南寶慶之圍安徽天堂山之捷解河南南陽之圍皆關繫中原大局稽之奏案采之輿論其勤勞功績實有不可湮沒者近年以來如前浙江按察使劉盛藻兩廣鹽運使段起安徽鳳穎六泗道任蘭生皆以有功地方一經奏請建祠立傳無不立沛恩施既據該紳等公呈籲請合無仰懇天恩俯准將已故布政使銜廣東按察使金國琛附祀湖北省城故巡撫胡林翼專祠並請將戰功事蹟宣付國史館立傳以彰蓋績而順輿情殊批另有旨欽此

鐵廠著有成效請獎出力各員摺

光緒二十年七月二十四日

竊臣奉旨開辦煉鐵事宜於本年正月業將開爐煅鑄日期奏報並聲明俟續募洋匠到齊即當接煉鋼鐵等情在案伏查煉鐵一事事理精深端緒繁難工作極為

張文襄公全集

卷三十四

奏議三十四

三

艱苦而機勢又極為危險特煉鐵煉鋼之匠首各有專門之學即審火候司氣門流灰出鐵烘鋼拉軌諸人周旋於洪爐烈火之間手足稍涉遲鈍即有轟炸損壞之虞近來貴州青溪設爐煉鐵南北洋設爐煉鋼堵塞損傷均所不免鄂省開煉大爐自不得不多用洋匠加意慎重除原有洋教習鑛師工師各匠不計外續募各廠洋匠擇其必不可少者招募二十八人係託歐洲著名之郭格里大鐵廠代雇本年四月始一律到齊以上年選派出洋學習之華匠二十人副之分派各廠領首作工先將各爐機器逐件細勘抉其瑕疵參以新法酌

張文襄公全集

卷三十四

奏議三十四

三

量修改增補務求盡善所增置機具物料工程甚多其最費工者為生鐵大爐直至五月初間始行完備當即將爐烘乾裝配焦炭鐵鑛灰石詎吉於五月二十五日升火開煉二十七日出鐵其餘各爐機亦皆演試如法一切均極順利臣於六月初一日到廠逐一詳勘生鐵大爐先開一座日夜出鐵八次共五十餘噸近來間有日出六七十噸者次閱煉熟鐵煉貝色麻鋼軋鐵條製鋼軌以及錘煉烘壓各法一時並舉其西門士鋼爐因爐軋破碎購補加修添設爐管目前即將次完竣接續開煉次第考驗大抵藉水火風氣之力以神其用其機

力之宏大運動之靈巧火力之猛烈迥非向來土爐人工所能到所出之鐵雖係初煉已與外洋相較無甚軒輊蓋外洋各國講求鍊鐵鍊鋼之法已數百年始能及其精美中國甫經開辦豈敢謂遠造精微然就目前工力物料揆之從此講求不懈將來化學日精工匠日熟似尙不難與之抗衡現將煉出生熟鐵及鋼軌鋼條等件陸續寄至上海華洋各廠比較貨色考訂價值仍隨時教習華匠講求鍊法精益求精現在江夏馬鞍山煤井其煤可作焦炭合煉鐵之用已開橫窿煤巷現擬進鑿三層橫窿外洋大洗煤機及運煤之鐵挂綫路均已

張文襄全集

卷三十四

奏議三十四

三

陸續竣工惟洋式焦炭爐數十座因爐輒破碎購補耽延修造未齊本年十月內定可一律告成儘敷生鐵一爐及各廠鍊鋼之用參以湘省白煤油煤即可兩爐齊開此開煉鋼鐵已著成效之實在情形也竊惟開煤煉鐵一事泰西英法德俄各大國無不視為自強要圖當務之急講求新法角勝爭長官辦則以全力經營商辦則爲多方保護堅持定力務底於成由煉鐵而製器由製器而練兵用能擴充工商諸務雄長歐洲鄂省奉旨設廠煉鐵實爲中國創辦之事光緒十五年十月十六年正月疊經承准海軍衙門電開大治下手自是正辦

今日之軌他日之械皆本乎此總以將來軍旅之事無一仰給於人爲斷雖不必卽有其效萬不可竟無其志此舉爲強弱轉機旁觀疑信由他當局經營在我各等語開辦之初稟承醇賢親王指示機宜規畫閱遠志意堅定臣不敢不力任其難激勵大小各員務期以必成爲度惟煤鐵兼營用宏費絀眞知灼見者實罕其人於是衆論紛紜吹求疑沮仰賴聖明在上爲之不疑俾臣得從容布置廠工次第告成開煉有效所有在事各員籌思辦法安配機器督工建廠采鑛尋煤跋涉山川絕幽鑿險加以修造鐵山運道煤鑛井工水陸馬頭各工

張文襄全集

卷三十四

奏議三十四

三

程多係創法新奇驚駭物聽之事撫輯羣情綏靖謠詠家喻戶曉舌傲唇焦艱險備嘗始終罔懈經歷四年始竟全功實屬異常出力而在事各洋匠監修營造盡力圖維隨時補救亦無不殫竭心力查福建船廠告成在事各員均蒙恩照異常勞績給予優獎而洋員日意格等已先於同治年間渥蒙優獎並給予犒賞鉅款茲查鐵廠規模地段機器均較船廠爲大而煤鐵並舉事體之艱辛端緒之繁重較船政實爲過之合無仰懇天恩俯念鐵廠爲中國創舉奉旨飭辦要務全廠告成開煉著效實資羣策羣力准由臣將在事出力人員拔案擇

尤核其出力等差分別照異常尋常勞績奏請給獎以昭激勸而勵方來出自逾格鴻慈理合恭摺奏陳伏祈聖鑒

硃批准其擇尤酌保數員毋許冒濫該衙門知道欽此

請添鐵廠開煉用款片光緒二十年七月二十四日

再湖北鐵廠實兼采鐵煉鋼開煤三大端爲一事而開煤所費幾與煉鐵相等本難歸入造廠煉廠項下計算開平煤鑛費至一二百萬始克成功茲查鐵廠自經始至觀成以迄開煉用款繁鉅所有奏明撥用借用之款早經用罄雖經奏准以槍礮廠經費勻撥應用不敷仍

張文襄公全集 卷三十四 奏議三十四 三

多非原估續估之迭有疎漏實緣開鍊以後經費與造廠工程本係另爲一事原奏曾經聲明必須先行籌墊一年且事皆創舉機局變更靡常隨時補救增出用款多出洋匠原議之外實非豫料所能及也所有增出用款除外洋物料火輒等件破碎短數剝運起卸棧租馬頭零星繁費員司匠頭夫役巡勇薪工雜用不計外約舉其重且大者數端一添購機爐工料如增十五噸大汽錘一具增貝色麻大壓氣機一副增造西門士爐底火泥管及造火輒機器增改生鐵大爐東一座爐內軋式令與煤鑛之性相合增生鐵廠鐵瓦廠棚增中西兩

式洗煤機增內地火輒焦炭爐增鋪地鐵板增廠內鐵路增運鑛運煤鐵車增爐上鐵蓋爐外水池水溝及四圍保險門增銅鐵管鐵水箱增化驗煤鐵各種器具藥料以及汽表風表水表皆極精細貴重之件一添募開鍊洋匠原估擬募八人其餘悉雇熟手之華匠百餘人應用茲查開煉首以生鐵大爐爲重中國從未煉過若欲選用華匠非得聰慧而又強壯之人在廠精煉多年難與斯選卽煉鋼各廠亦非得專門名家之洋匠領首作工手法稍不中程度卽致變生意外均屬危險之極現在續募到洋匠二十八人均係萬不可少已較原估

張文襄公全集 卷三十四 奏議三十四 美

八人多出兩倍有餘本年湖北天氣酷熱爲時又久鐵廠工作極爲艱苦洋匠已中熱病故二人抱病七人內地工匠體弱生疏者更難得力一添補不全機器查各種運到機器物料沿途損壞既多洋廠闕漏亦復不少除簡便零件由漢陽本廠自行修補二千餘件外其重大精緻機器必須由外洋或上海洋廠重復購補或此一種機器不甚靈動則洋匠必另行購一機器以救之或此式之爐試煉焦炭不淨舊法所采之鑛不多則洋匠又思一法以損益之曠日加工致多繁費一近年外洋金鎊價值日長比初定機器時加至過半一往返電

報與各國出使大臣及洋廠商購物料改換機器訪訂洋匠日積月累亦成鉅款一多用煤斤鐵山煤礦開采轉運以及鐵廠起重運料試鑽開井抽水壓氣無在不需機器即無日不需煤斤為數甚鉅又生鐵大爐購用外洋焦炭試煉兩月費亦不貲以上各款皆為原估約計所難周悉加以王三石煤井三處開至數十丈已費盡人工機器之力煤層忽然脫節中斷外洋辦法必仍就其處追尋另行開井辦理而重開一井非鉅款不辦現在實無此財力若非馬鞍山煤井有成則全恃湘煤所費更鉅此則事局變遷多費用款均非意料所及者

張文襄公全集

卷三十四

奏議三十四

三

也前次續估臣督飭局員及洋匠鑛師悉心攷究以為若能銷貨周轉則此次續估之後不致再有增添之款乃移步換形層折過多加工遂致加料費日因以費工不特非局員所能限定並非洋匠所能豫知多方補救繁費滋多現在撥借各款既已湊用無餘若行銷挹注必俟兩爐齊開一年後始能流通轉輸尤須鋼鐵各料悉臻精美華洋各廠考驗詳審相信有素方可期流通無滯至暢銷後尤防有洋鐵減價搶售之患此開煉行銷之初必須寬籌經費始不致停爐待款之實在情形也目前鋼鐵既已煉成正在得手萬不能不急籌接濟

惟部庫支絀未便再行上請上年二月所奏原擬就槍礮廠布局兩局之經費添補應用無如槍礮廠自奏明添設礮彈槍礮架三廠計機器運保等費已需銀三十餘萬兩建廠之費尚不在其內本廠用款必須兼顧勢不能全行撥用布局現須籌還山西借款一時尙未能協助值此廠工已竣煉鐵已成之際所欠者僅此目前籌墊之經費若竟因此停工既於大局有關亦覺前功可惜且鎔鍊鋼鐵若竟停歇則製造槍礮何所取資關繫尤非淺鮮臣夙夜焦急再四籌維惟有仍就湖北本省各款力籌勻撥應用擬請於釐金鹽釐兩項下極

張文襄公全集

卷三十四

奏議三十四

三

力整頓設法騰挪每年勻撥十萬兩濟用總期無礙京協各餉以兩年為率其不敷之款仍照奏案於槍礮廠常年經費項下勻撥濟用統俟兩爐齊開銷流漸廣即可自行周轉事關自強要務臣惟當恪遵海軍衙門先軌後械之電示竭力籌維次第舉辦以竟全功

硃批該衙門速議具奏欽此

張文襄公全集卷三十四終

吉林慶珍校

張文襄公全集卷三十五

奏議三十五

購辦紅茶運俄試銷摺光緒二十一年七月二十六日

竊照漢口茶務最為兩湖商務大宗關繫釐稅鉅款近年湖北湖南兩省茶商頗多虧累半由茶色不佳或遇陰雨潮濕或有攙和粗雜以致不能得價半由商務壓銷路以致甘受抑勒此事關繫兩湖商民生計亟應設法維持臣等查紅茶銷路以俄商購辦為最多惟有自行運赴俄國銷售庶外洋茶市情形可以得其真際不

致多一轉折操縱由人然茶商力量較薄必須官為提倡方能開此風氣當經臣等往返函商臣大澂前擬籌借巨款設局收買督銷之議既因借款未經議准未能舉辦擬即由南北兩省分籌官款酌量購茶運俄試銷

經此次試運一次則俄國茶價高低銷路廣狹運程行棧一切利弊均已瞭然以後各茶商便可仿照自行斟酌辦理當經飭江漢關道惲祖翼選辦上等紅茶二百箱南北兩省各半與俄商設法婉商即附其茶船運赴俄國阿疊薩海口試行銷售經臣之洞電商出使俄國大臣許景澄託其代為委員照料其茶價箱工雜費出

口關稅等項共洋例銀五千四百七十二兩零復經臣

大澂電商俄商奈威羅福擬再購紅茶若干箱分運俄境水陸兩路試銷即託該商照料旋接復電商允亦經飭江漢關道惲祖翼照辦旋據覆稱頭茶早已銷畢復經設法選購二茶中之最上紅茶一百二十箱亦作為南北兩省各半發交順豐洋行分寄俄境水運之謨斯科窪陸運之恰克圖兩路試銷計茶價箱工雜費出口關稅等項共洋例銀一千八百一十六兩五錢零所有應付運保行棧等項及俄國水路稅項各銀均照商人向章俟茶到該處銷售後即在茶價內扣除惟前後兩

起水陸二批各費數目多寡不一應俟銷茶後由外洋詳開確數始能核計至恰克圖一路入俄境時並無稅項兩次總共用過洋例銀七千二百八十九兩三錢二分折合庫平銀六千八百四十二兩四錢六分五釐湖北湖南兩省均暫由茶釐項下借撥墊用俟銷茶後歸款此初次試辦設有不敷亦甚有限擬由外間籌撥開款補足

殊批該衙門知道欽此

籌備江防摺光緒二十一年九月十一日

竊臣等承准軍機大臣字寄光緒二十一年七月初一日

奉上諭倭人渝盟肇衅無理已極勢難再予姑容著沿江沿海各將軍督撫及統兵大員整飭戎行遇有倭人輪船入各口卽行迎頭痛擊悉數殲除等因欽此旋又准南洋大臣劉坤一來電七月初四日奉旨德馨電奏現就防營中籌備勁旅三四營聽候南洋調遣著劉坤一電知湖廣江蘇安徽等省一律仿照辦理俾數省聯爲一氣以清奸宄而固江防等因欽此均經恭錄咨行沿江文武水陸各營欽遵籌辦先是五月二十二日准劉坤一來電倭人謠稱將用兵入長江內登岸宜飭各將嚴防嗣又於七月初七日據稅務司穆和德致江漢

張文襄公全集

卷三十五

奏議三十五

三

關道惲祖翼函稱頃聞日人在滬上履定熟悉江道之西人以作引港之用各等語近日漢口復查獲改裝雜髮之倭人亦經電達總署在案是倭人叵測窺伺長江蓄謀已久亟應預爲籌防以期有備無患查江防首以營建礮臺爲先務鄂省雖地處上游而設險整軍本係不可一日不備之事自須防維鞏固始足以消敵謀而靖人心湖北長江形勢以廣濟縣屬之田家鎮最爲扼要光緒十年湖北辦理江防曾經前督撫臣奏明在田鎮南岸半壁山修建礮臺四座北岸馮家山修建礮臺一座惟所建礮臺皆係腹地舊式既嫌簡略礮位亦不

適用難資禦敵本年七月十三日臣等會同出省前往田家鎮詳勘地勢復經臣之洞再往覆勘擬於南北兩岸及中路當衝之吳王廟地方分建明暗礮臺十四座設法湊集後膛大礮派營駐守南岸原有石壘一座應培土作成斜坡並於南北兩岸分別開濠引水培築土隄以剗護臺步隊暨酌量安設水雷木簾此項臺工必須參考西法妥爲營建而一切工作尤須多用勇丁以軍法部勒始臻妥速鄂省營勇素單本屬不敷調遣前駐襄樊一帶之馬隊三營五百名現奉旨飭派湖北提督吳鳳柱統帶馳赴天津聽候調遣襄樊楚邊重地不

張文襄公全集

卷三十五

奏議三十五

四

能一日無勇營鎮懾必須募勇填劄前經由電奏明在案查馬隊三營五百名必須步隊兩營始能相抵已飛調駐劄岐亭一帶緝私之提督周得升鼎字一營並委副將錢永林募馬隊二百名前往襄樊填劄所遺黃陂麻城等處緝私地段已飭記名提督吳建瀛趕募一營名爲武勝新營前往填劄所有田家鎮礮臺專派統領鐵字三營之提督熊鐵生修造扼守添募鐵字前後二營前營委副將蕭光友管帶後營委署漢陽鎮標中軍遊擊章文彬管帶刻日募齊由熊鐵生統帶五營前往田鎮分割南北兩岸趕辦礮臺工程其吳王廟礮臺查

有廣東差委來鄂遊擊吳良儒熟悉礮臺法式飭令募勇一營名為武勝前營前往修造設防其省防勇營除鐵字三營移劄田鎮及鴻字營分撥孝感黃陂等處緝私大冶鐵山運道馬鞍山煤廠等處彈壓外鴻字營存省者不足兩營及武防一營過形空虛茲令添募一營因提督宋德鴻老病請假改委記名總兵常遠藻統帶因鴻字營向劄武勝門外即將該軍新舊四營改名為武勝營以昭核實新募之前營委遊擊歐陽榮章管帶右營改委副將吳清泰管帶其常遠藻原帶之升字兩營改委記名總兵署漢陽協副將俞厚安統帶以上各

張文襄公全集

卷三十五

奏議三十五

五

營除緝私之武勝新營及駐劄襄樊之馬隊一營此兩營係為填補馬隊三營緝私地段外實止增募四營均令迅速募齊分將田家鎮吳王廟等處礮臺妥為修造即令操演後膛礮準槍準惟礮弁礮目礮手精熟者甚為難得薪糧之必宜從優現擬酌量仿照南洋各礮臺章程辦理臣等自當督飭各將領修造礮臺務令精堅合法訓練士卒悉成勁旅以副 聖主慎重江防有備無患之至意再各營正在分飭辦理之際欽奉電旨飭調鐵字五營迅速北上自應欽遵辦理所有田鎮防營應即另行委員募營填劄以重防務其詳晰情形續行

具奏合併陳明

添購槍礮片

光緒二十年十月初二日

再湖北省籌辦江防修築田家鎮等處礮臺原有臺礮甚小中等後膛洋礮止有二尊餘俱係舊式為數亦嫌太少因向兩江督臣劉坤一借撥十五生礮二尊十二生礮二尊復向各船設法移用尙屬不敷分布至鄂省局存前後膛槍及臣由粵帶來之快槍並江南協撥之後膛槍疊經奉旨籌撥北上諸軍應用搜羅一空所有新募各營直無槍械可用亟須趕緊添購以充軍實當經疊次電飭上海瑞記洋行訂購槍礮等件並飭該洋

張文襄公全集

卷三十五

奏議三十五

六

行派人來鄂由善後局與之訂立合同計十二生克虜伯臺礮一尊彈五十顆九生克虜伯礮六尊彈二千顆奧國新式四生七快礮一尊彈一百顆與毛瑟通用彈子之比柏地新槍四千枝彈二百萬顆現查各礮及礮彈均已運到惟在滬候選同知吳熙麟自請報効九生後膛礮十二尊尙在香港未經運到其槍彈約於十月內到香港能否運滬屆時再行酌定電飭妥辦其應付應補價銀統於本省籌防款內動支

殊批該部知道欽此

鐵廠擬開兩爐請飭廣東借撥經費摺

光緒二十年十月初

竊照湖北煉鐵廠告成開煉生鐵大爐一座煉成生鐵熟鐵及貝色麻鋼軋鐵條製鋼軌均已著有成效其煉西門士鋼廠煉法精細初煉尤極危險北洋上海各爐迭有轟裂堵塞之患鄂廠此項鋼爐前因添設爐管火甄等件一時未能並舉茲已修竣開煉洋匠參考火候據稱向來至快六點半鐘始能出鋼現僅三點半鐘煉就精鋼甚為順利初出鋼料成色無異洋製已足為造礮之用礮廠業經開試機器即以煉出之鋼試造六生半及七八生克虜伯陸路車礮若造成依法考驗鋼料

張文襄公全集

卷三十五 奏議三十五

七

精堅演放有準即接續製造十二生大礮現因軍務緊要已飭多煉西門士鋼及貝色麻鋼為製造槍礮之用並趕將槍廠需用鐵梁柱鑄成一面補修槍廠及趕造架彈三廠竣工開春即可製造新式小口徑連珠快槍及架彈各件以應軍實要需查今日外洋陸戰專用連珠快槍快礮既速且遠僅止後膛槍礮尙不足以盡之鄂廠既有礮機自應添購快礮機器將各種陸礮皆造成快礮尤為利用所費尙不甚多已於籌辦槍礮架彈廠摺內另行奏陳惟生鐵僅開煉一爐每年勻算可出鐵一萬五千餘噸其鐵路運道馬頭及洋匠人工原備

生鐵兩爐之用若僅開一爐成本虧折甚鉅斷難持久馬鞍山煤井焦炭爐本年十一月初必可完工擬以湘省白煤攪和焦炭冶煉尙可供兩爐之用必須接續開煉生鐵兩爐始足資周轉而垂久遠此鋼鐵煉齊兼顧槍礮廠工程并擬開生鐵兩大爐之辦法也查開煉生鐵兩爐籌墊一年經費約需百萬一爐需五六十萬兩業於預籌開煉成本摺內陳明在案計開煉經費先後奏准借撥湖北糧鹽道庫雜款三十萬兩撥用貨釐鹽釐項下銀二十萬兩共五十萬兩尙不敷一爐之用續請在本省各項勻撥之二十萬兩尙未接准部覆而煤鐵

張文襄公全集

卷三十五 奏議三十五

八

並舉開煤所費幾與煉鐵相等增出用款繁鉅借撥各款已奏明撥用無餘查光緒十八年冬間鐵廠全工未成之際曾據督辦招商局津海關道盛宣懷稟稱擬招集商股承領鐵廠辦理先集股一百萬兩以四十萬繳還官本以六十萬作為開煉經費不足由商自籌所有營建廠工官本三百餘萬除先繳四十萬外餘款分二十年歸還還清後仍報効三十萬兩分年呈繳但須煉成鋼鐵以後始能承領議定條款開具清摺前來經臣悉心籌畫若歸商辦將來造軌製械轉須向商購鐵雖塞洋鐵之漏卮究非自強之本計特以鐵廠未成商人

即肯出鉅款承領足見兩爐開煉後鋼鐵定能暢銷辦理必有把握決計趨工營造而部庫支絀部款必不能再行撥發臣熟加籌度審察時勢竊謂鐵廠爲武備根源中華創舉既已開辦必宜作成本款雖溢尙有籌補之方鐵廠中輟永無再辦之望熟權利害不得不身任其難惟有設法將鋼鐵煉成則實際昭然方可瀝陳情形仰請朝廷裁度於是竭力設法籌墊不惜資本加工加料趕將全廠工程於冬間一律造成自本年正月開辦煅鑄爐以來添雇洋匠陸續到齊增購機器儲煤運鑛修改爐座添設洗煤煉炭機爐廠內鐵路鋪地鋼板

張文襄公全集

卷三十五

奏議三十五

九

新增用款甚多以及委員工匠薪工皆厥成開煉以後之經費此係開辦之初諸事尙未完備動需增出用款皆爲洋匠原估所不及即就一爐而論已非常年五六十萬所能賅括計每月約需籌墊銀六七萬兩迨五月開煉生鐵大爐初開一爐出鐵無多且開煉之始較煤試爐曲折繁難只能略減鑛石時多間斷不能按日必出生鐵若干又須試煉熟鐵試煉各種鋼試造鐵貨製軌鑄械以致生鐵所餘無多難供銷售周轉又值天氣酷熱華洋工役患病者什之八九不能多煉經費仍無所出前奏明以布局通籌互濟近來招集股票擴充紗

布原爲協濟鐵廠之用適逢暑熱異常至秋轉甚致停日工僅開夜工所出紗布勢難濟用只可展轉騰挪勻撥善後局雜款並暫借布局所收股票之款以應急需並與上海外洋各廠婉商應用物料運費暫令墊辦以後從容籌款陸續付價又兼趕辦槍礮廠工程增出架彈三廠機器運保及廠工等銀四十餘萬兩無從應付然籌備軍實爲目前要務現經另摺奏陳仍擬就本省極力設措辦理是本年所出之鐵本屬無多且尙多墊欠之款已無以爲周轉之資現在籌計生鐵兩爐開煉成本約需銀百萬以外實係鐵廠不可少不容緩之需

張文襄公全集

卷三十五

奏議三十五

十

若不速開兩爐則鐵料難供銷售經費益無所出必不得已仍可交商領辦而臣愚總以爲非計蓋方今時局開鐵路製鐵艦製造礮械等事從此必須逐漸擴充認真籌辦無待煩言而決而一切船礮機器非鐵不成非煤不濟已屢見之大學士左宗棠李鴻章奏贖從前閩省船廠輪船造未及半用數已過原估前內閣學士宋晉以糜費太重奏請暫停經左宗棠議覆奏言此舉爲沿海斷不容已之舉此事實國家斷不可少之事李鴻章奏言諸費可省惟煉槍礮製兵輪之費萬不可省苟或停止則前功盡棄後效難圖所費之項轉成虛糜不

獨貽笑外人亦且浸長寇志沈葆楨奏言不特不能即時裁撤五年後亦不可停各等語查船廠造船工未及半用數已過原估左宗棠諸臣均以為不可暫停已反覆鄭重若此今鐵廠為製造鋼軌船械之根本全廠業經告成鋼鐵煉有成效而欲開煉兩爐尙少此一年數十萬兩之經費以事理時勢論之無論如何為難必應設法籌辦惟鐵廠除部撥二百萬之外續增用款繁鉅均係在外竭力借撥應用各廠墊欠物料價值運費尙須隨時陸續籌付此時湖北支絀萬分實無可再籌之款臣夙夜焦急再四籌思惟有向廣東借撥之一法查

張文襄公全集 卷三十五 奏議三十五

七

光緒十二年臣在兩廣總督任內籌有武營四成報效一款每年集銀二十萬兩奏明專供製造粵省兵輪礮火之用嗣經兩廣督臣李瀚章到任除閩廠協造已成兵輪四艘外餘悉停造而此項報效經費仍按年照收並未停止粵省用費臣雖未能周知然近年並無創造大舉此項經費報效已歷八年自當歲有所餘又臣前在粵創設錢局籌捐鉅款購買機器建造廠屋開鑄銀元歲有贏餘近年該局已餘存銀數十萬兩具見李瀚章經畫之善竊擬即就以上兩項向廣東借撥銀五十萬兩為鐵廠開煉生鐵兩爐成本俟鄂省銀元紡紗兩

局開辦後分定年限由鄂省紗布銀元三局歸款極知廣東現有海防用項不少惟聞姓歲增鉅款又改辦潮橋鹽務整頓肇慶潮州兩關多收稅款鉅萬均係臣在粵時新籌增出之款尤賴李瀚章善於運籌事事皆能綜核節省益覺從容一切應付綽有餘裕臣所稔知鐵廠本係由粵移鄂武營四成報效及銀元餘款又係臣在粵創辦之舉每歲增常款數十萬金今為鐵廠僅借用五十萬兩開煉鋼鐵籌備軍實當務之急無逾於此李瀚章公忠體國軫念時艱必能設法騰挪迅速撥解濟用助成自強要舉若粵省能借撥五十萬則鄂省就

張文襄公全集 卷三十五 奏議三十五

七

槍礮廠常年經費二十餘萬合之得八十餘萬即將鐵廠槍礮廠經費合為一事統用分銷酌量挹注或尙可勉強支持相應懇恩敕部速議請旨如數飭撥以應急需以維鐵廠槍礮廠大局臣無任翹切待命之至 硃批戶部速議具奏欽此

湘省添募防營片 光緒二十年十月初二日

再湖南統帶防營總兵余虎恩所統原有之振字三營奉旨飭調並添募七營北上該二營原防地段處處均關緊要誠恐匪徒乘虛竊發亟應照數募勇填劑中營原劄岳州分巡巴陵平江臨湘華容等處岳州為南北

兩省關鍵伏莽素多尤不可空虛無備湖南提督臣婁雲慶向駐常德原統兩營分防常德澧州一帶其雲慶威望素優經臣咨商該提臣暫行移駐岳州添募慶字一營勇丁五百名督飭訓練巡防俾岳常澧聯為一氣以資鎮懾岳州北至武昌南距長沙均不甚遠萬一有事可以兼顧旋准婁雲慶咨覆照辦即赴岳州駐劄募營填防其振字前營原劄益陽分巡安化甯鄉等處左營原劄醴陵分巡瀏陽攸縣等處地方咨商護撫臣王廉選派得力營官速募兩營照原防地段分割認真巡防緝捕以昭周密

張文襄公全集卷三十五 奏議三十五

三

硃批該部知道欽此

密陳籌備接濟北上諸軍槍礮情形摺

光緒二十一年十月初

竊照今日陸戰專恃槍礮精利尤必須有快槍快礮始足為制勝之具湖南湖北兩省奉調北上諸軍疊經奉旨籌撥槍械所需甚多除將鄂省所存及臣由粵帶來精槍陸礮酌量分撥外不敷甚鉅自開戰以來上海香港等處均已無可購辦當經臣密電出使俄德等國大臣許景澄籌商訂購並向上海各洋行密商設法購運以備北路諸軍之用計許景澄所購德國新式小口徑五

響連珠快槍三千枝每枝配無煙藥彈一千顆共彈三百萬顆信義洋行所購十響連珠毛瑟槍一千二百五十枝每槍配彈一千顆之外又從寬多配彈二十五萬顆共彈一百五十萬顆又單響毛瑟槍五千枝每枝配彈五百顆共彈二百五十萬顆又信義洋行訂購撥還借用甘肅格魯森快礮十二尊共彈一千二百顆瑞記洋行所購克虜伯七生半車礮六尊每礮配彈二百顆共彈一千二百顆奧國三生七快礮十二尊每礮配彈一千顆共彈一萬二千顆約計所需價值共四十二萬兩內外經臣於本年九月初八日電奏借動鄂省庫款

張文襄公全集卷三十五 奏議三十五

四

其餘請由部撥的款奉旨允准並電致戶部聲明約計銀四十二萬兩係借動糧道庫兵米款宜昌關稅銀各十萬兩其不敷之數准戶部電由江西省籌銀二十萬兩江漢關稅湊足銀二萬兩均經分別咨行查照在案復准戶部電詢臣交卸後移交何人接辦當復電聲明交江漢關道惲祖翼妥為經理隨時稟請督撫臣奏咨所有訂購各種槍礮價目分別已付未付已開單密切咨行備案俟運到後由江漢關道分別照約付價電知臣處與洋行妥商轉運內地現經臣委員前赴清江設立楚省北上諸軍轉運軍械局並委員在上海經理俟

各械到後臨時酌量運入長江由揚州轉至清江陸運至各軍如何分撥應俟臨時由臣體察情形奏明辦理其上海洋行所訂俱以銀若干兩計惟許景澄所訂係以馬克計折合銀數誠恐臨時外洋馬克時價略有參差且運保一層許景澄以前來電均未言及現始密議有運華之法其銀數大率係二成五計算統俟核明再行據實奏明辦理

硃批該部知道欽此

添辦架彈三廠並改換快礮機器摺光緒二十年十月初三日

竊照鄂省槍礮廠必須添置礮架礮彈槍彈三廠始為

張文襄公全集

卷三十五

奏議三十五

十五

完備前於具奏提督劉維楨捐助槍礮廠開辦經費及籌定槍礮廠常年經費摺內曾將應辦情形陳明在案嗣因鐵廠開煉鋼鐵為鑄械之根本工程浩大經費無出續經奏明將籌定槍礮廠常年經費各款勻撥濟用槍礮經費既移供鐵廠之用本廠更形支絀而架彈三廠係屬槍礮廠萬不可少之需臣每念及前數年海防緊急軍火購運艱險運到槍式參差彈碼互異及舊槍攙雜彈藥潮溼等弊種種棘手懷遵光緒十一年五月初七日諭旨時時以事過輒忘為切戒前經奏明改換新式小口徑快槍機器特以當日籌款過艱機器未備

有槍而無彈有礮而無彈無架且小口徑快槍新式快礮之子彈亦非他省局之所能造尙非萬全之策且湖北地處長江上游自沿海各省視之則為深處之堂奧統南北各省視之則為適中之通衢此處軍實充足或海防有事或西北西南邊徼用兵皆可隨方接濟緩急無虞故籌備利器尤不可緩因復設法騰挪籌商墊辦先將架彈機器陸續訂購於十八年春夏間疊經電商出使俄德等國大臣許景澄在德國力拂廠購定製造水陸行營各種礮架礮車全副每年能成六七生至十二生礮水陸礮架礮車一百副造克虜伯礮彈機器一

張文襄公全集

卷三十五

奏議三十五

十六

副每日能成六生至十二生礮彈一百顆實心彈開花彈羣子彈子母彈均能製造造小口徑槍彈機器一副每日能成槍彈二萬五千顆造銅板造鉛條裝藥入彈修理器具俱全共價德銀八十三萬六千八百六十馬克五十分連裝箱費在內三馬克約合銀一兩共合銀二十七萬八千九百餘兩運脚保險費約銀三萬餘兩廠基仍在鐵廠之內基址尙須稍為擴充應購廠屋大小鐵梁柱地板下鐵橫梁鐵地板各件及水泥火甄暨運保等費共需銀十一萬六千五百餘兩造廠工價及甄石銀三萬二千九百三十餘兩統計購機及建造三

廠等費約共需銀四十五萬八千餘兩架彈機器現已陸續運到先後墊付價值及運保銀十九萬七千餘兩尙淨欠機器價及運保銀十萬九千餘兩槍礮廠經費已經移撥鐵廠應用尙多不敷此款無可籌付當經電致許景澄與力拂廠商允給息六釐緩至本年十一月底付清自本年四月十五日起算茲又電商許景澄展至明年五月清給此係該洋廠格外敦崇義讓展緩之款事關軍實製造較之購買尤爲切要相應請旨准由湖北現在籌捐項下如數撥給以免失信外人再近日外洋各國水陸攻戰專以快槍快礮爲制勝之具不惟

張文襄公全集

卷三十五

奏議三十五

七

陸路行營用之卽兵船八十鎊百鎊彈之大礮亦有用機器製成快礮者今日中國武備非多用快槍快礮不可湖北槍礮廠槍機本係新式小口徑連珠快槍惟礮機止係單響似尙未爲全備必應改製快礮則此廠製造裨益於軍事者尤多現已電致許景澄並令本廠洋匠電詢洋廠添改新式快礮機器及礮管零件物料式樣價值運保共約需銀三萬餘兩爲數尙不甚鉅廠屋仍舊機器一到卽可改製較之另起爐竈所省實多此種快礮六生者每一分鐘能放三十響九生者每一分鐘能放二十餘響實足爲制勝之具斷須及早訂購此

係爲軍務需用新增之款不在原奏約估常年經費之內所需價值運保應請旨一併由湖北籌捐項下撥給至趕造架彈廠屋工料及鐵梁柱價值運保等費尙需銀十一萬九千餘兩亦無所出查湖北牙釐總局有長江水師存儲銀十二萬餘兩係釐金項下預解水師半年新糧歷來存儲不用之款本擬借撥六萬兩爲布局添設紡紗廠之用現在移緩就急挪應架彈造廠之需此時尙存水師預解三箇月薪糧仍復寬然有餘目前水師並不需此應用且此款歲有積存以後不過數年卽仍可補足此六萬之數合無仰懇聖恩俯念槍礮廠

張文襄公全集

卷三十五

奏議三十五

六

關繫軍實卽准其就款開除毋庸歸還現已督飭局員趨工修造本年臘月必可竣工開正卽製造架彈計此項架彈三廠之廠屋工料銀尙短銀六萬餘兩以及墊付架彈機銀十九萬七千餘兩均係就鄂省布局所收股票之款以及湊借票號商款濟用統計架彈機器廠屋兩項墊欠不敷之款共約銀二十八萬兩擬以九萬由布局紗布餘利分年歸還以十萬由銀元局餘利及善後局外籌雜款分年歸還以九萬兩卽在槍礮廠常年經費項下按月陸續勻還如到期或不能如數還清當由布局與各商號酌議給息展期事必可行以上各

墊款均已籌有辦法總之槍礮廠一事關係極重因擬添設架彈三廠既增鉅工自然頓增鉅款而本廠常款原屬無多又為鐵廠移撥應用因鐵廠為槍礮之根戶部既不能撥款不得不就此項騰挪挹注以期鋼鐵煉成於是益形竭蹶無從籌撥若必待請發鉅款始行議購議造必致徒成畫餅且縱使能辦亦須遲至數年以後時不再來徒貽追悔臣目覩時艱痛心疾首深知武備萬不可緩是以不量才力不避艱險勉力支持強為無米之炊現雖廠竣工開實已智力俱困然時事方殷軍火需用緊急購運萬分艱難其勢仍不得不設法趕

張文襄公全集

卷三十五

奏議三十五

九

造以應要需

殊批快槍快礮為現在行軍利器該督於數年前籌備及此足徵思慮深長此摺著照所請行戶部知道欽此

增設紡紗廠摺

光緒二十年十月初三日

竊照湖北省織布官局辦有成效並擬以布局與鐵政局聯為一氣協濟鐵廠經費業經奏明在案近來體察沿海各口商務情形洋紗一項進口日多較洋布行銷尤廣江皖川楚等省或有難銷洋布之區更無不用洋紗之地開源塞漏斷以此為大宗湖北所產棉花質地粗壯堅韌最宜紡紗其機器工作較之織布尤為簡易

迅捷既能輔佐布局之不逮兼可協助鐵廠之要需富國裕民無逾於此北洋大臣李鴻章於上年冬間奏派津海關道盛宣懷在上海招商添設紡紗廠訂購機器極力擴充趕辦各處紳富聞風踊躍是此廠為今日商務要著顯然易見鄂省地處上游於行銷西南各省尤便自應仿照一律擴充當經督飭局員詳加籌畫惟有招商助官之一法現已招集商股訂購紡紗機器即在鄂省文昌門外附近織布局購地添設南北兩紗廠一時難籌現款兼令商人先行墊辦與上海良濟瑞記兩洋行訂立合同配合湖北棉紗能紡十號至十六號紗

張文襄公全集

卷三十五

奏議三十五

三

訂購新式上等精利機器全副紡紗九萬七百餘挺以及電氣燈通風灑水滅火打包自來水各項機器一切應用零件至購地造廠工料均招商股籌辦大率係官商合辦將來視官款商款之多少以為等差或官二商一或官一商二或官商各半均無不可官款取給於紗布之餘利或由局自向銀號通挪商款出之於股票如官款猝難多籌即全行交商承辦但令按紗每一包從豐抽繳捐款若干以助布局統由該局隨時體察情形酌量辦理總之於公家有益無損南紗局即歸織布局原派委員湖北試用道趙濱彥兼管北紗局委知府盛

春頤總辦目前機器尙未運到所收股票之款即可暫借撥充鐵局槍礮局之用俟紗廠辦成則布局之氣勢愈厚每年盈餘大可佐助鐵局經費且多銷本地土花而紗布各廠需用工徒甚眾足養貧民數千人於地方亦不無裨益

硃批著照所請該部知道欽此

開設縲絲局片 光緒二十一年十月初五日

再爲政以利民爲先然必將農工商三事合爲一氣貫通講求始能阜民興利湖北土產除茶葉係銷外洋尙可歲獲巨款此外殊少暢行之貨土性素亦產絲而製

張文襄公全集

卷三十五

奏議三十五

三

造不精銷流不旺查絲茶爲中國出洋土貨大宗茶則英國於印度仿照種植然以土性不宜香味尙遜華產俄國近年亦欲仿種而地氣嚴寒難於成活絲則義法等國講求種桑養蠶之法日精一日所出之絲既勝而抽縲專用機器勻淨精細卽絲質不佳一經縲出無不精好近十年來上海廣東等處商人多有仿照西法用機器縲絲者較之人工所縲其價頓增至三倍專售外洋行銷頗旺於光緒十二年曾經海軍衙門咨行粵省勸導商民廣爲興辦在案湖北產絲甚多惟民間素未經見機器縲絲之法無從下手臣將湖北蠶繭寄至上

海川機器縲出質性甚佳與江浙之絲相去不遠亟應官開其端民效其法庶可以漸開利源惟經費不易籌措創辦尤須有諳習之人查有候選同知黃晉荃家道殷實綜核精明久居上海其家開設機器縲絲廠有年且在漢口設有絲行情形極爲熟悉當飭委員與之籌商由該職員承辦先酌借公款試辦以後由該職員湊集商股辦理將來或將官本附入商股或令商人承領繳回官本統俟開辦後察看成本經費實需若干銷路如何公項有無閒款可添再由善後局與該職員籌議辦理計購機建廠及買繭試辦成本需費尙不甚鉅查

張文襄公全集

卷三十五

奏議三十五

三

善後局尙存有揚州紳士嚴作霖善捐存款銀三萬兩又提鹽道庫外銷款銀一萬兩共銀四萬兩先訂購縲絲二百盆之機器酌買蠶繭於湖北省城望山門外購地設廠並派工匠赴滬學習先行試辦其廠地廠屋及馬力汽機可供二百盆之用俟將來機工熟習以後再行擴充卽委黃晉荃辦理該局監製事宜一切司事工匠俱令該職員選用計十二月內廠機俱可造竣安齊開工縲製該廠購繭烘繭督課工匠用款行銷俱責成該職員一手經理將來如有成效民間習知辦法共覩利益自能聞風仿效養蠶愈多種桑愈旺似於鄂省商

民生計不無裨益

上諭張之洞奏鄂省織布官局招集商股增設紡紗廠並添設機器繅絲各摺片業經批諭照所請行矣湖北煉鐵織布各局均經張之洞辦有頭緒現雖調署兩江總督所有各局應辦事宜仍著該督一手經理督飭前派各員認真妥辦冀廣利源而濟民用將此諭令知之欽此

籌給北上諸軍餉械摺 光緒二十年十月初五日

竊臣等前以倭氛不靖天津需陸營填紮於本年七月電奏請旨敕調湖北提督吳鳳柱統帶襄陽馬隊三營

張文襄公全集 卷三十五 奏議三十五 三

共五百名馳赴天津聽候北洋大臣李鴻章調遣是月十二日欽奉電旨著照所請行等因欽此九月初九日准該提督來電奉旨山海關一帶緊要吳鳳柱帶隊抵津著即飭往駐紮等因欽此復經臣電奏請救該提督就近在天津募步隊四營為所部馬隊之助當即電匯餉需由北洋大臣撥給槍械十月初一日准李鴻章電開頃奉電旨飭調吳鳳柱馬隊五百步隊四營馳往奉天遼陽州堵剿月餉應由鄂按月提前籌匯津海關道轉運前敵等因已飭司局遵照極力設法籌解又奉電旨飭調提督熊鐵生鐵字五營北上經臣之洞電奏鐵

字營必須添足十營方能自立五營先行添募者繼進由鄂暫墊三箇月餉以後部撥的款湘軍遠征應照湘軍營制熊鐵生到防擬請救歸吳大澂調遣可與湘軍聯為一氣於九月初十日欽奉電旨允准旋因各軍齊到防尚早復由電奏明臣之洞在鄂設有礮隊營係就各防營勇內抽出操練擬請湊足四營委奏調湖北差委廣東崖州協副將吳元愷統帶名為愷字礮隊營派赴山海關協防已由電商允吳大澂鄂省先墊發三箇月餉銀以後歸該撫發給即歸該撫調遣九月二十一日奉電旨著照所請即飭該營迅速北上等因欽此

張文襄公全集 卷三十五 奏議三十五 三

查湖北省調派北上之軍馬步共二十一營吳鳳柱馬步七營其月餉應由鄂省常川供支解往其營制餉項確數應俟該提督咨文到日核算熊鐵生鐵字十營曾經奏明按湘軍營制除鄂省籌墊三箇月餉外以後請由部籌撥的款奉旨允准吳元愷礮隊四營應請比照北洋礮隊營制除按礮計算之馬夫及礮教習機匠各項費用外餘與湘軍營制相同並派諸習地營之洋教習錫樂巴隨同該營前往除鄂省籌墊三箇月餉外曾與吳大澂商允三箇月後由該撫發給亦經奏明奉旨允准應請救部將鐵字十營愷字礮隊四營月餉迅速

撥發統交吳大澂按月給領又總兵劉樹元四營過鄂由鄂籌借船價銀二萬兩前新疆布政使魏光燾六營過鄂由鄂籌墊行糧銀二萬兩余虎恩新舊十營過鄂所需餉銀六萬兩因鄂省十分支絀無款可籌已奏奉電旨著王廉無論何款先行撥解特以湖南解款一時未到該軍急須成行由鄂墊發銀六萬兩俟湘省解到歸款至各軍槍械臣之洞向外洋訂購者一時尙未能到俱以鄂局現存者儘數酌發其不敷者以外省商允協撥者補之惟鄂省新舊精粗槍械搜羅一空新募各營需械甚急現已設法趕緊訪購商借以應要需

張文襄公全集

卷三十五

奏議三十五

五

硃批該部知道欽此

添募營勇片

光緒二十一年十月初五日

再湖北駐防田家鎮礮臺之提督熊鐵生鐵字五營已奉電旨募足十營統帶北上所遺田家鎮兩岸礮臺南岸礮臺記名總兵俞厚安委儘先遊擊金明亮新募一營駐守名爲鎮防南營北岸礮臺副將田其述新募一營駐守名爲鎮防北營中路吳王廟礮臺遊擊蔣聲耀新募一營駐守名爲鎮防中營此三營均令按照原定礮臺部位法式督工趕緊修造其蔣聲耀原帶之武防營仍飭歸現署督標中軍副將謝得龍兼帶遊擊吳良儒已

帶礮隊營北上所帶之武防前營卽行遣撤
硃批該部知道欽此

保薦蔡錫勇片

光緒二十一年十月初七日

再臣創設煉鐵槍礮織布三廠先後竣工雖資羣策羣力而總司三廠之成者實惟湖北試用道蔡錫勇一人查該員器端識遠心細才長熟習洋情曾充美日各國繙譯參贊等官臣前在兩廣總督任內辦理交涉事務開設銀元局槍彈廠水陸師學堂魚雷局及創造兵輪等事悉以諮之光緒十五年奏調該員湖北差遣委用到鄂以來派委總辦鐵政局設立化學堂定漢陽鐵廠之基槍礮廠卽附其中督飭鑛師洋匠建廠安機開辦鐵山運道鐵鑛灰石水陸馬頭興國錳鐵江夏大冶煤井煤鑛及采運湘煤諸務自經始以至工竣開煉干端萬緒布置井井罔有遺漏臣以督工籌款艱鉅煩難疊經奏明就湖北鐵布槍礮三廠通籌互濟先後加委該員總辦織布槍礮兩局任事誠懇殫竭心力條分縷晰事事力求樽節核實不避勞怨而端謹廉退絲毫不苟和平默訥不與人爭三廠分局二十餘所委員學生林立羣莫敢干以私各洋匠鑛師亦服其公正無不盡心效力辦理悉臻周妥布局先成鐵廠槍礮廠以次告竣

張文襄公全集

卷三十五

奏議三十五

五

歷著成效該員深通泰西語言文字於格致測算機器商務條約外洋各國情形政事無不詳究精研洵屬通達時務體用兼賅臣所見辦理洋務之員其才品兼優事事著實實無有能出蔡錫勇之右者時局艱難需才孔亟謹將該員才具實蹟分晰臚陳可否請旨將該員送部引見仰懇恩予破格錄用之處出自逾格鴻慈謹附片具奏伏祈聖鑒
硃批蔡錫勇著交吏部帶領引見欽此

恭報交卸湖廣督篆起程日期摺光緒二十年十月初八日

竊臣承准總理衙門電開光緒二十年九月初十日奉

張文襄公全集 卷三十五 奏議三十五 三

旨張之洞著來京陛見湖廣總督著譚繼洵暫行兼護欽此旋於九月二十日准吏部咨內閣鈔出欽奉前因臣於接奉電旨後當將經手事件趕緊清理惟近日奉調北行諸軍數十營分別籌撥餉需軍械極為繁難又將奏明訂購外洋槍械各事宜趕緊料理甫有端緒並將鄂省江防事宜與撫臣及司道將領等籌商布置至歷年造鐵廠槍礮織布各局諸務俱極繁重均已另摺奏陳本已定於十月初八日起程茲於十月初五日承准總理衙門電開本日奉旨劉坤一著來京陛見兩江總督著張之洞署理迅赴署任毋庸來京欽此聞命之

下感悚難名伏思南洋重要江海兼防豈微臣迂鈍之材所能勝任特當此時事多艱惟有勉竭庸庸盡心籌辦自當欽遵迅赴兩江署任即於十月初八日將湖廣總督關防並王命旗牌暨文卷等項派員齎送譚繼洵接收任事臣即日由湖北省起程乘輪迅赴署任除恭疏題報外所有微臣交卸湖廣督篆起程日期謹繕摺奏報叩謝天恩伏祈聖鑒
硃批知道了欽此

張文襄公全集 卷三十五 奏議三十五 三

張文襄公全集卷三十五終 吉林慶 珍校

張文襄公全集卷三十六

奏議三十六

到兩江署任謝恩摺

光緒二十一年十月二十日

竊臣在湖廣總督任內奉旨陛見正在束裝起程間於十月初五日准總理衙門電開本日奉旨兩江總督著張之洞署理迅赴署任毋庸來京等因欽此當於本月初八日起程奏報在案十一日行抵江甯省城准兩江督臣劉坤一咨初八日奉旨江甯將軍著張之洞兼署欽此茲於十月十六日准劉坤一委署江甯府知府唐光照署督標中軍副將劉青煦將兩江總督辦理通商事務欽差大臣兩淮鹽政并江甯將軍各關防印信王命旗牌暨文卷等件齎送前來當即恭設香案望闕叩頭謝恩祇領任事伏念臣性愚不足經世才鈍無以匡時屬以海寇方張戎機為要無陶侃勤王之略有魏牟望闕之誠甫奉綸音已戒期而北發旋移符節遂銜命以東來查兩江為形勝之要區南洋兼交涉之重任地廣而元氣未復當思培養之方官多而吏治易消貴有澄清之術事非旦夕之可致今且江海之兼防應變為先如臣何補惟有征繕以固疆圉轉輸以濟援師轄市船則務聯中外之交綰軍符則願作旗民之氣十年戀

張文襄公全集

卷三十六

奏議三十六

一

主每回首於趨朝一日在官誓盡心於所事當隨事與三省撫臣並江甯京口副都統和衷籌辦不敢稍涉因循以冀仰酬高厚鴻慈於萬一

硃批知道了欽此

布置江南防務摺

光緒二十一年二月初四日

竊查倭寇滋擾以來沿江戒嚴江南本省防軍及安徽江西協防之軍疊經奉旨飭調北上先後已數十營亟應募補填紮且從前事勢稍鬆各路未及布置目前尤須增兵嚴備臣到任後查中路江陰獅子林等處雖有守礮臺各營甚為單薄且並無防護後路及遊擊策應之師業經臣奏明由署長江提督臣彭楚漢募湘勇十營令調署瓜洲鎮總兵高光効分統四營已革提督沈茂勝分統四營調署長江水師江陰營副將許雲發分統三營扼紮江陰南北兩岸以寶山縣之獅子林為由海入江南岸首衝設有礮臺前經奏准奉旨飭雲南提督馮子材來江南辦理防務現已募粵勇十營不日來江擬商令駐防獅子林以上沿江擇要駐紮以護該礮臺後路且可備援應沿江上游之劉河許浦等處又飭記名總兵李先義募粵勇六營副將林保募粵勇三營遊擊黃守忠募粵勇四營共十三營現已到江亦令

張文襄公全集

卷三十六

奏議三十六

二

分紮江陰南岸之盤龍山等處該處爲由常熟上行之路如南岸澣浦一帶警則沿隄下行赴援與馮子材軍相應夾擊若北岸通州泰州一帶警則乘輪渡江赴援查賊蹤詭譎無定防不勝防惟有居中扼駐重兵相機策應現於中路江陰南北岸屯紮粵軍湘軍兩枝較爲活便鎮江圖山關南北兩岸礮臺八處相隔六七十里原係提督陳基湘新湘營分撥駐守共止五營實屬不敷已飭添募湘勇一營專守鎮江南北岸礮臺並派提督楊文彪所部湘勇五營專守圖山關礮臺其江陰南北兩岸礮臺本係蘇松鎮張景春所部八營駐守

張文襄公全集

卷三十六

奏議三十六

三

弁教習操練撥出之勇由該營另行補足崇明孤懸海外爲長江咽喉又飭提督王衍慶募湘勇五營並督率原有土勇兩營駐防崇明其南洋現有木質兵輪五艘蚊船四艘現飭奏調前海壇鎮總兵吳奇勳爲統領另選管帶趕緊操練全行駐泊崇寶沙尾以與獅子林礮臺互相輔助此中路布置之大概情形也南岸則上海之製造局最爲敵人所忌雖不必由吳淞而入可由金山衛至奉賢南匯川沙廳一帶襲滬局之後沿海可登岸之處甚多而金山水深與浙江之乍浦相接距松江蘇州甚近尤關緊要現飭記名提督前鶴麗鎮總兵朱

張文襄公全集

卷三十六

奏議三十六

四

張景春現經病故因總兵李先義熟悉礮臺事宜卽委李先義接統飭令汰弱留強認真整頓將各礮臺趕緊修理上緊操練其獅子林礮臺本係駐防吳淞口之總兵曹德慶於所部內分派一營扼守現查吳淞之勢較緩已撥吳淞三營歸副將班廣盛統帶駐守獅子林礮臺其仍留吳淞之三營派副將沐鴻恩統帶曹德慶係本任狼山鎮總兵飭赴本任所有各臺礮手向係由各營輪流派撥並無專責以致技藝生疎器件彈藥無人經理實屬無此辦法現飭派洋弁將各臺礮勇另行挑選優給口糧專派礮弁管理責令日夜常川駐臺飭洋

洪章募湘勇十營駐紮金山衛與浙省乍浦防營聯絡如奉賢南匯一帶警則沿海塘回援憑隄截擊隨方策應與現紮柘林之道員黃立鰲撫標三營互爲聲援駐滬之張國林五營奉調北上現飭原駐上海之提督蕭鎮江添募湘勇二營名滬防營防守製造局飭原駐上海之遊擊鄒理堂一營並礮隊兩哨填紮川沙此南路布置之大略情形也北岸則海州有青口灌河口二處口門較深防其乘虛闖入窺伺清江運道現已電商湖南提督婁雲慶將所練湘勇四營添募一營共成五營令總兵杜嵩齡統帶來江卽令扼守海州之灌河口

一帶又飭前贛南鎮總兵王得勝募海州勇五營扼守海州之青口及贛榆一帶海門廳濱海通州為入江北岸首衝亦防其由北岸裏下河一帶以襲揚州現飭總兵張騰蛟撥給張仲春湘勇二營並添募兩營前赴海門廳擇要駐防又飭長江水師千總金滿募陸勇三營水勇一營扼紮通海之交相機戰守並派候補道李鎮邦陸元鼎錢德培會同運司江人鏡分辦海州泰州通州海門三路民漁鹽竈團練以資協助兵力藉清內匪至清江浦以至邳徐一帶為南北運道所關伏莽尤多現在與山東接界地方游勇甚多與河南接界地方土匪漸起亟應駐軍防遏現飭安徽差委總兵王心忠募江北勇五營駐防宿遷沭陽一帶以扼由海州趨清江之路又飭副將唐高斗總辦桃源邳州宿遷三屬團練並選募該處團勇三營照湘軍營制發給半餉如有戰事再照勇營發給全餉以固清江浦及淮北運道徐州鎮總兵陳鳳樓奉調帶馬隊三營北上現飭署徐州鎮程孔德徐州道沈守謙將原有之步隊鳳字二營鎮安一營飛騎馬隊二營歷年裁減之額一律照馬步營制補足共補馬步勇丁八百數十名即名為徐防馬隊營步隊營以省名目消雜此北岸布置之大概情形也至

張文襄公全集 卷三十六 奏議三十六 五

江甯省城下關一帶向有提督楊文彪五營茲楊文彪已飭赴關山關礮臺現飭提督張仲春所募湘勇兩營屯駐下關又向有護軍三營衛隊一哨本任督臣劉坤一帶去兩營一哨現飭記名總兵署中軍副將俞厚安募補原有護軍兩營衛隊一哨添募護軍一營以資彈壓並飭奏調差委提督劉鶴齡募湘勇六營來江以備相機策應所有各軍餉章皆按湘軍營制除新募者以成軍之日發給足餉外惟防軍向止發十關餉餘俱欠發現值防務戒嚴本省原有之營自上年十二月起一律按月發給足餉以昭平允外省新募各軍自上年十

張文襄公全集 卷三十六 奏議三十六 六

一月起陸續調募惟遠在廣東廣西湖南等省道路遙遠目前尚未全行到防業經分別電催札催來江督飭趕緊訓練以重防務其中由他省奏調來江差委各員均經電奏奉旨允准在案所有增募各防營布置大略情形理合繕摺具奏伏祈聖鑒 硃批該部知道欽此

整頓南洋礮臺兵輪片 光緒二十一年二月初四日

再臣去冬親閱海口沿江各礮臺大率皆疏謬無法實出意料之外當經在臺指示各將領似皆聽之茫然實堪詫異長江為南洋門戶江蘇形勢雄劇物力殷富每

年南洋海防經費例撥數十萬不知二十年來何以全無人講求及此本任督臣劉坤一到江以來屢有添礮增臺之舉於江防尚能留意經營乃承辦局員全不通曉守臺將領一味模糊以致礮臺如此乖謬實不可解各臺洋礮多係舊式前膛或間有後膛者亦甚小甚舊種類尤雜其大礮皆係上海製造局自造者在滬局能造大礮固已甚屬難得然中國工匠不熟試造之礮礮身不長機器不靈施放過遲一點鐘止能放七八礮徒貪彈重藥多之力殊少及遠放捷之功若外洋克虜伯二十一生二十四生等巨礮並無一尊不特無十年以內之新式長礮即舊式後膛大礮亦且無有江陰礮臺則止有前膛大礮四尊并滬局自造之後膛大礮亦無之矣至造臺不合法之處大率數端鎮江圖山關江陰等處地勢皆好江岸有高崗長嶺雄踞江干山勢蟠曲起伏正好築臺乃造臺不於山巔山脊而或作於平地低處以致失勢受敵或作於山坳以致旁多阻礙江甯城內外山勢高低得中正臨江路可建臺者不少乃於內河口低窪處作之礮安營房之內礮口專向對面不能轉動敵船在一里之外則束手以受敵礮攻擊不能迎擊一礮一也各臺或在平地或在山半往往後靠山

張文襄公全集

卷三十六

奏議三十六

七

巖敵礮隨意擊中山上則山石炸裂滿臺是自為敵人多添礮子二也多礮密排一臺不思高下參差以免敵礮攢擊一臺毀則多礮廢三也其明臺則將大礮平列一平坦大臺上中間相去尚有餘地乃並不作隔堆敵礮橫擊各礮必有傷者四也子藥庫不知深藏即在臺旁作一小屋過於淺露上蓋不厚但中一彈立致摧壓焚毀全臺之礮皆成無用五也礮臺例有兵勇藏身暗房搬運子藥往來暗道此間各臺皆無之有戰事時斷不能接濟藥彈六也礮以環擊四面為貴故洋礮皆隨帶有鋼鐵軌道以供旋轉乃各暗臺則一礮作一小門

張文襄公全集

卷三十六

奏議三十六

八

營房與礮臺不知分爲兩事臺之左右前後多作房屋
草棚引火受礮十一也營房圍牆多作白色夜視分明
徒爲敵人之的十二也至於礮手並無專人係令各營
勇輪充兼當雜差更換無恒以致生疏雜亂諸事廢弛
從來未聞有此辦法總由各臺將領心存苟安敷衍以
爲長江必無戰事大言欺人歲糜巨餉置海防江防於
不問實堪痛恨惟外洋大礮此時無從購運即使運到
而各處分造多臺分安多礮斷非數月內所能辦但現
有各臺已成之局勢難更動止能將其最謬之處量加
修改力圖補救江陰尤爲中路扼要之區現將滬局現
張文襄公全集 卷三十六 奏議三十六 九

勇管機人等尤鮮好手管帶各員類皆柔弱巧滑之人
萬無用處而水師將弁尤難其選現經多方蒐訪擇其
耐勞氣壯者陸續更換責令認真操練全行駐泊崇寶
沙尾以與獅子林礮臺互相輔助所有南洋礮臺兵輪
情形力籌補救各緣由理合附片奏陳伏祈聖鑒
硃批知道了欽此

淮南捐輸濟餉摺 光緒二十一年二月初九日

竊照光緒二十年十月二十日准總理衙門來電奉旨
張之洞電奏擬撥案勸令鹽商集捐百萬照海防例給
獎專備江南海防之用等語著照所請辦理等因欽此
張文襄公全集 卷三十六 奏議三十六 十

遵經札飭兩淮鹽運使江人鏡欽遵傳集商人妥爲勸
辦去後茲據詳稱淮南北商販共認捐銀一百萬兩內
淮南湖北湖南江西安徽四岸各商共攤捐銀七十八
萬兩江甯揚州等屬食岸各商共攤捐銀二萬兩淮北
票販共攤捐銀二十萬兩自光緒二十一年三月起儘
一年之內每三箇月爲一限分四限繳清等情詳報前
來伏查近年淮銷疲滯捐輸重疊本年又令淮南運商
豫徵鹽釐一百餘萬兩商力週不如前當此積困重累
之餘復因江南本省海防緊要公同捐集鉅款各該商
上感國恩下衛桑梓深知大義實堪嘉尙除飭查照現

章隨時給獎外所有淮南捐輸濟餉緣由理合恭摺具陳伏祈聖鑒

硃批戶部知道欽此

查抄衛汝貴家產摺

光緒二十一年三月二十日

竊臣承准軍機大臣字寄光緒二十年十一月二十九日奉上諭有人奏已革總兵衛汝貴起自盛軍營兵巧善逢迎不數年而統淮軍十七營兵多缺額餉入私囊擁資數十萬悉由剋扣盤削而來清江浦一處即開設典當四座比即事敗電致親屬將當業倒填月日改易商名是其為利孽孽已可概見請飭查抄等語衛汝貴

張文襄公全集

卷三十六

奏議三十六

十一

罪狀昭著業經逮問著張之洞迅速派員將該革員家產嚴密查抄解充軍餉不准稍有隱匿將此由五百里諭令知之欽此遵旨寄信前來臣遵即密派江蘇候補道王立清阮祖棠分赴清江浦及其原籍安徽之泗州五督同該地方官認真查抄嗣經臣訪聞安徽之泗州五河縣江蘇之邳州睢甯宿遷等州縣衛汝貴均開有典鋪置有房產經臣分別電劄將五河一處仍委道員王立清邳州睢甯宿遷委徐州道沈守謙泗州委淮揚海道謝元福分投督同各該州縣一體嚴密查抄去後旋據各該員將查抄情形先後稟復前來查清江浦為江

蘇清河縣所屬該縣共有典鋪五座曰公濟曰藝永曰履祥曰同仁曰通泰係光緒十七年及十九年江蘇等省商人楊炳華張珏戴禧麟祝壽粉劉安愚尹質之李利濟等請帖分設並非衛汝貴所開道員王立清督同清河縣知縣葛毓清調驗典帖詳加訪察亦無倒填年月改易商名之事其五河縣之允泰邳州之允祥睢甯縣之允仁允隆泗州之允升五典均係衛汝貴所開據沈守謙謝元福王立清等分別督同地方官嚴密調查帳簿逐細盤查允泰典實存架本並現錢二萬八千串零典屋一所市房二所允祥典實存架本並現錢四萬

張文襄公全集

卷三十六

奏議三十六

十一

八千串零典屋一所允仁典實存架本並現錢四萬三千串零典屋一所允隆典實存架本並現錢五萬二千串零典屋一所市房二所允升典實存架本貨物並現存借出銀錢約值錢十萬串典屋市房各一所通共約計錢二十八萬餘串房屋十所又宿遷縣開有同升承升二典衛汝貴前曾入股夥買嗣於光緒十四年十九年先後拆出將股本抽回歸併周家謙等獨買由縣詳司有案可稽尙無捏飾情弊至衛汝貴原籍合肥縣經阮祖棠督同該縣查明抄獲房屋一所及米穀器具等件並調核租簿有租一千二百餘石田七十八石並無

銀錢衣飾及田產契據訊據其倩管家務之劉宗緒等供稱先經隨眷帶往天津小站業經臣密咨直隸督臣就近派員在於衛汝貴眷屬寓所一體嚴密抄充軍餉又合肥縣住屋內查有御賜匾額一端如意一柄綢緞四幅除俟該縣專資至日另行咨由軍機處恭繳此查抄衛汝貴所開各縣典鋪及原籍房產之情形也現經各該道等督飭印委各員於典業則招商承頂於田產房屋器物則估值變價倉莽未易蕘事而各典尙須查辦清理之事約有數端一睢甯允隆邳州允祥兩典詢據該典夥僉稱業經衛汝貴之總管事劉雨春於上年

張文襄公全集

卷三十六

奏議三十六

三

十月將允隆典出頂與劉慶雲接開於十一月將允祥典出頂與曹五堂接開劉慶雲已將所頂允隆牌名改易慶生換請司帖惟計其出頂之期一則雖在未奉查抄以前已在奉旨拏問之後一則距奉旨查抄之期中間僅隔一日近來電報捷於影響難保非預爲串通弊混且查允隆一典原議頂單載明係屬暫押抵欠並非賣絕在劉慶雲尙不得謂之已業不應遽行改號換帖至曹五堂等承頂允祥一典當查抄時方議改換號帖尤屬顯有弊竇經臣批飭將不能認真查辦之署邳州知州孫士麟撤任並飭徐州道調集帳證人等嚴切根

究詳辦一各典存有官私各款必須確切覈對實有證據者方能提還不准稍涉冒濫一允升典前曾分設允隆衣莊出有錢票凡當取及民間交易率皆用之該衣莊被火後除已收回外散在民間票錢計尙有九千六百六十串一聞允升抄沒凡執有是票者無不疑懼紛紛求取不得不准其贖當取錢悉數收回以順輿情而免滋事一各典現雖招頂目前因海防未靖多存觀望而鄉民所當衣履農器皆窮黎禦寒力耕之具遽予查封存儲殊非便民之道自應限期聽贖酌留店夥以司其事並派人稽查嚴禁出入隱匿之弊一面趕緊招人

張文襄公全集

卷三十六

奏議三十六

四

接頂此查辦各典之情形也伏思衛汝貴擁資鉅萬各處置產設典雖經此次嚴密查抄惟允隆允祥兩典接頂之期太近難保必無弊端劉雨春既爲衛汝貴之總管事一切款項由其出入兩典出頂亦係該管事經手亟應嚴拏澈究以免朦混欺隱除分飭江甯安徽兩藩司會同臬司暨徐州道等督飭嚴拏劉雨春分別查訊辦結暨將現所抄獲產業分別核實勘估招頂變價陸續解充本省軍餉專案報部外所有遵旨查抄衛汝貴家產各緣由理合恭摺覆陳伏祈聖鑒
硃批該部知道欽此

布置海贛清江一帶防務摺

光緒二十一年四月初四日

竊照光緒二十一年正月二十五日承准軍機大臣字寄正月十八日奉上諭侍講樊恭煦奏海州要口宜防竄擾以通運道一摺據稱江蘇海州所屬之青口鎮為沿海要隘距煙臺海面不過數百里向未設駐重兵賊若撲犯青口竄擾內地斷我運道則南北梗阻漕米軍火悉以資敵鹽場亦被肆擾請飭派兵駐紮嚴防等語現在賊烽縱橫海上難保不撲犯南洋青口鎮為濱海要隘且為糧餉軍火運道所關亟應預籌防守着張之洞松椿迅即揀調精兵或酌撥漕標得力防營前往該

張文襄公全集 卷三十六 奏議三十六

五

處駐紮認真嚴防務使敵難猝犯此外要口並着該督等就近察度情形一體密籌布置毋得稍有疎虞等因欽此仰見廟謨廣運燭照先幾跪誦之餘莫名欽服臣查海州為南洋入境首區密邇清淮關繫運道而淮揚兩郡江北精華實以清江浦為鎖鑰自宜亟籌防範本年正月內先經臣奏調湖南提督婁雲慶所部雲字湘軍五營令記名總兵杜嵩齡統帶來江派防海州惟他省募調緩不濟急查有向駐海州緝私之前南贛鎮總兵王得勝樸直老練熟習地形素孚人望海州人素強健飭令就海贛一帶選募海勝軍五營扼紮青口等處

要口並委候補道李鎮邦辦理海州贛榆沭陽安東四州縣團練飭兩淮鹽運使江人鏡督同海州分司運判徐紹垣辦理鹽竈團練以輔兵力又查宿遷邳州桃源乃由清江北上孔道亦防其由贛榆陸路窺伺橫截且土匪竊發擾亂運道亦屬可慮因飭原在宿遷緝捕之副將唐高斗選募該三州縣團勇三營一千五百名以助防勦旋據海州文武稟報沿海探查有倭寇黑白大小兵輪兩艘帶民船二十餘隻前以山東烏船二隻為嚮導於二月十三至十七等日在山東日照縣安東衛測水並詢問海州青口路程二月十八至二十三等日

張文襄公全集 卷三十六 奏議三十六

六

至贛榆海州一帶柘汪口外之嵐山頭青口外之鷹遊門等處停輪隨帶小民船往來如織測探水道深淺又至海州安東交界之灌河口外開山等處測量如前並張貼偽示以倭國銀鈔煽誘沿海漁戶居民告以將來倭兵到時准其持此領銀為作嚮導可免殺擄每票一元五元十元不等經該民人呈繳四紙封送臣處查驗屬實當經飛飭地方印委防營將領重賞收買並曉以大義勉為忠良勿貪倭餌第倭寇注意海州狡謀顯著該州沿海要口甚多登岸甚易斷非十餘營所能防禦查記名提督楊文彪曾任海州營參將於該處情形尙

熟該軍本係派令接防圖山關礮臺因改派統率所部五營前往海州並抽調原紮江陰之副將林保遊擊黃守忠粵軍七營亦赴海州又飭奏調差委記名總兵王心忠募江北勇忠字五營一併馳赴海州合力戰守因軍情日緊諸軍一時難到前敵又令總兵王得勝就地添募海勝軍三營以期迅速熟習王得勝駐青口及贛榆之永濟寺杜嵩齡駐西墅平山頭楊文彪駐黃家跳王心忠駐大村林保黃守忠兩軍駐大伊山皆係水陸衝要均飭令豫先籌商有事互為援應以上各軍均已到防惟清江附近尙形空虛並飭奏調差委記名提督張文襄公全集卷三十六 奏議三十六 七

防此路查清江以北地勢平衍包抄斷後必須馬隊惟一時難購多馬所有海州江北各軍其將領均係北人步騎皆能兼用每營令酌配馬隊一百名馬不足者五十名亦可總之以一馬二步核計每營仍合五百名之數其團勇土勇餉數平日按湘軍營制七成給發營哨官不減有戰事時仍照湘章補足又查清江浦地處衝繁南北往來軍民稠雜城小而卑城外運河北岸地勢散渙毫無屏蔽防軍素少清江淮安至揚州等處人心不免震驚又飭淮揚道謝元福跨河趕築土圍牛馬牆挑掘深濠兼作水柵晝夜趕工俾資扼守而定民心並張文襄公全集卷三十六 奏議三十六 六

各將領紳團剴切告戒重賞嚴罰先以阻其登岸為要
敵若深入各軍分番戰守互相援應總以斷其後路為
主如海州有警臣當出駐鎮江督飭策應目前布置粗
有端緒惟有獎率軍民激發忠義同心合力誓殲狂寇
以仰副 聖主籌維南北運道大局之至意
硃批知道了欽此

分設軍報電綫片 光緒二十一年四月初四日

再江省幅員遼闊當此海防戒嚴之際軍報必宜靈捷
方能隨機因應查江省應防倭寇內犯之路除海口崇
寶沙迤南迤北兩洪為入揚子江通行正路外此外水

張文襄公全集 卷三十六 奏議三十六 九

陸大率共有四路長江南岸一路係由金山衛登岸窺
松江蘇州緣奉賢以南海塘之外沙灘漸窄海水漸深
至金山嘴金山衛為尤深輪船可近岸停泊與浙江之
乍浦連接相距止五十里長江北岸三路一係由淤黃
河故道口門以北海州各口登岸陸路窺清江浦一係
由山東日照縣之石家所登岸陸路行至贛榆縣之黑
林地方亦可南趨贛榆以達清江浦一係由崇明縣以
北之新洪入江取道海門由北岸陸路窺通州以達揚
州臣於上年十一月即飭上海電報商局委員知府楊
廷梟分設三路水陸電綫一由上海縣越黃浦江造至

川沙廳沿川沙南匯奉賢金山四廳縣境之海塘以達
金山衛并接至乍浦計長二百七十餘里一由清江造
至海州及贛榆之青口此綫并橫接至海州分司駐紮
之板浦計長三百餘里一由揚州造至通州之任家港
此綫并橫接至泰州計長亦三百餘里其鎮江南岸之
綫由象山防營接造下至圖山關礮臺鎮江北岸之綫
由瓜洲接造下至都天廟礮臺上海之綫并接至吳淞
口獅子林各礮臺務使各處信息靈通以便早籌戰備
以上各路水陸電綫經楊廷梟督飭各工員運料加工
日夜趕辦已於三月內先後竣工通報至崇明縣孤懸
海外文報艱遲一旦有警調度殊多不便并令由崇明
設海綫一道接至吳淞口惟海綫較貴且須購自外洋
俟運到後即當飭催趕造所需工料經費均於海防軍
需項下開支飭該局楊廷梟核明詳細里數開報到日
再行奏咨
硃批知道了欽此

萃軍到江摺 光緒二十一年四月初四日

竊臣之洞前因江南防務緊要電請總理各國事務衙
門代奏飭調臣子材統率所部萃軍募足十營來江辦
理防務光緒二十年十月二十六日奉旨張之洞電奏

張文襄公全集 卷三十六 奏議三十六 三

請飭馮子材募舊部粵勇十營速來江南辦防等語即著該督電知馮子材照數招募迅赴江南辦理防務欽州一帶防營並著知照李瀚章另行派員統帶欽此欽遵咨會到粵臣子材即遴選得力將弁分赴邊境募集舊部敢戰勇丁於十二月十二日由欽州陸續起程第因海道阻截未便徑行遂分道由廉高潯梧州陸並進由廣東之北江會合至南雄州度嶺由江西內河舟行至湖口出江經臣之洞分派長江運兵輪船分起運載拖帶茲於三月十四日全部到江查臣之洞原議因海口喫重擬將萃軍一營屯紮寶山縣之獅子林海口與

張文襄公全集

卷三十六

奏議三十六

三

奏外謹合詞恭摺具陳伏祈聖鑒
硃批知道了欽此
募補護軍各營並添練洋操隊片光緒二十一年四月初四日
再上年冬間臣抵江南後因督標護軍各營半經本任督臣劉坤一調派北上江甯城守空虛當飭奏調差委記名總兵現署督標中軍副將俞厚安分別添招募補護軍中左前三營並經咨商兼護湖廣督臣譚繼洵飭派湖廣補用副將吳友貴湖廣儘先遊擊蔣聲耀湖廣儘先都司張彪三員來江委令各充管帶即委俞厚安為統帶以資得力又督轅原設衛隊一哨亦經本任督

張文襄公全集

卷三十六

奏議三十六

三

礮臺相輔以遏前敵茲值海州戒嚴會晤臣之洞商定配足軍械暫駐鎮江臣子材即日輕騎前赴海州察看地勢及前敵各軍駐紮處所是否足資戰守督同諸將領籌議布置與臣之洞電商定議後仍回鎮江該處為南北上下游適中扼要之地如有戰事臣子材即親率本部馳赴海州前敵所有海州清江流陽宿遷等處前敵各軍已先由臣之洞檄行各營統歸臣子材節制調遣以一事權其漕標在海州之水陸各營准漕督臣松椿來電一併飭歸臣子材節制調遣所有臣子材統軍到江日期及先赴海州察看前敵形勢緣由除先行電

硃批著照所請兵部知道欽此

設立轉運各局摺 光緒二十一年四月初四日

竊照自上年倭寇犯順以來江南調派北上各軍所有餉項軍械先經本任督臣劉坤一分飭江甯上海派員轉運清江交清江及濟甯淮軍轉運局代為接運並派直隸候補道員林志道在天津設局管理收發或由各軍派員赴津請領或由林道派員運解各軍營次嗣因北上各軍多至五十餘營分紮關內外及調援山東所有軍火多由江南協濟餉項軍械件數繁重道途遙遠冰雪載塗兵差絡繹車輛缺少節節艱滯淮軍轉運局

張文襄公全集 卷三十六 奏議三十六

三

兼顧為難不免有顧此失彼之慮必須另設專局以期分運迅速克赴戎機除天津轉運局已委道員林志道辦理外經臣電商欽差大臣劉坤一於鎮江揚州清江宿遷徐州山東之臨城驛兗州東阿德州直隸之滄州天津山海關奉天之錦州等處分設江南轉運局共十三處鎮江派委常鎮道呂海寰江蘇候補道員何福海會同辦理清江派委江蘇候補道員李家驊前江蘇候補道員莫繩孫會同辦理揚州派委揚州府知府沈錫晉督同江都甘泉兩縣辦理徐州派委徐州道沈守謙辦理宿遷離浦較近即為清江分局由清江派員辦理

兗州派委江蘇候補知府何維樸辦理臨城距兗較近即為兗州分局由兗州派員辦理東阿為德州分局派委江蘇候補知縣但祖翼辦理德州派委前江蘇候補道員周嘉猷辦理以上各員分帶文武員弁前赴各局聽候隨時派委押運等事至天津局務既由道員林志道管理其滄州錦州山海關各局即由林志道兼轄並令派員前往辦理至江甯省城收發撥解籌畫催趨以及銷算款目事務繁重仍須設立江南轉運總局綜攬全綱方能呼應靈便端緒分明當經派委江蘇候補道桂嵩慶奏調差委江西補用道惲祖祁江蘇候補道阮

張文襄公全集 卷三十六 奏議三十六

三

祖棠奏調差委湖南候補道陳允頤會同在局江甯布政使瑞璋江南鹽巡道胡家楨辦理茲據辦理江南轉運總局詳稱查由江甯至鎮江由鎮江至揚州冬春之間每患風狂浪大小輪力薄行遲由揚州至清江又患水淺船多小輪不能多帶若往返拖送往往一批軍火十數日不能全數到浦必須多備拖輪方能分起陸續運送除將江南籌防局先經租到之飛鴻集源及原有各小輪拖運外另在上海購江清江平江泰小輪二號租雇祥元泳濟乘風凌風小輪四號隨時往來拖帶其飭上海招商局原租運兵之泰安愛仁平義馬加利固

1 第 110 冊 續修四庫全書 6 卷之 4

陵江寬大輪船六號遇便亦令由江甯上海運送至鎮江瓜州江陰通州等處軍火設遇船多水溜小輪拖帶不能得力仍由揚州府督同江都甘泉兩縣多雇牽夫拉挽以期迅速其由清江至德州中分七局每局雇養長車三四百輛不等至少亦在二百輛以外其三四季套騾車不能多有即參用轎車牛車二把手小車及驢馱以期趕運由德州至天津間可用船代車由天津至錦州仍須雇養長車各局分別募用馬勇二三十名以資護運統計地段綿長四千餘里長用大小輪船十八九號雇養大車三千餘輛各局薪糧運費等項尙難核計

張文襄公全集

卷三十六

奏議三十六

五

當此防務喫緊之際自當將南北各局應運餉項件數分別多寡緩急酌定雇用車馬船隻辦法切實籌計妥速經理應用經費核實動支隨時嚴加考核俾轉運刻無停滯以濟前敵要需並據聲明未設轉運局以前所有金陵支應局及淮軍轉運局動用過車船價脚及員弁勇夫薪糧各項將來截清數目併入現設轉運總局內分款造冊報銷各等情詳請奏咨立案前來臣查江南北上各軍轉運餉械爲當務之急與其顧惜小費貽誤事機不如分設運局多備車船以期迅速除飭將各局先後動用運費一切款項俟軍務大定即行分款造

銷並咨部查照外謹會同江蘇撫臣奎俊恭摺具陳伏祈聖鑒

硃批該部知道欽此

購租輪船轉運餉械片

光緒二十一年四月初四日

再前因南洋海防戒嚴江南各兵輪船蚊船均經分泊要隘以備戰守之用所有吳淞口巡察海面稽查入口外國兵商各船運送各臺礮位軍火以及拖帶兵勇軍火過江在在需船轉運差遣曾經購買普陀平鏡平安差輪三艘並租用集源飛鴻二小輪作爲拖帶轉運及海口偵探礮臺查船之需並咨明海軍衙門戶兵工部

張文襄公全集

卷三十六

奏議三十六

五

輪價銀四千七百五十兩又因購輪太費且一時亦無從購覓多輪而各軍齊集急待輪船運載東下長江風浪甚大小輪拖帶民船不能過多動須停泊太形延緩當經電飭上海招商局道員沈能虎長租華洋較大輪船十艘內泰安一輪每月租銀二千九百兩愛仁一輪每月租銀六千兩平義一輪每月租銀五千八百兩馬加利一輪每月租銀五千五百兩固陵一輪每月租銀四千二百兩江寬一輪每月租銀一萬二千兩短租江裕一輪七日每日租銀五百兩又長租祥元泳濟乘風凌風四小輪每月共租銀八百零五兩五錢又金山衛

張文襄全集

卷三十六

奏議三十六

三

西接浙江乍浦為蘇松屏蔽駐有重兵時須小輪探報軍情撥運餉械租用金安一輪每月租銀三百兩均飭由江南籌防支應兩局籌撥分給其購買各輪丈尺契水配用管帶執事員弁薪糧公費另行造冊咨部立案殊批該部知道欽此

覆陳飭辦漁團情形摺

光緒二十一年四月初四日

竊臣承准軍機大臣字寄光緒二十一年二月十一日奉上諭沿海舉辦漁團藉以保衛海疆免致為敵所用即著王文韶張之洞邊寶泉李瀚章奎俊廖壽豐李秉衡馬丕瑤唐景崧各就本省情形妥定章程實力籌辦

毋得有名無實致成具文劉坤一原摺均著抄給閱看等因欽此臣等遵查江南海面環境一千二百餘里沿海漁戶網罟為生雖習沙線風濤非盡驍勇敢戰且輕舟簸蕩槍礮難求若謂招集漁船即可攻擊敵艦固未敢信然沿海一帶除常江正口洋圖俱已測繪精詳此外新洪小口濱海平洲沙灘之坍塌不常潮汛之深淺無定若能將民漁各船清查團結廣布恩信杜其引水接濟敵船亦多窒礙誠如聖諭所云免致為敵所用此則漁團有益海防之實際也特是向來漁團流弊或嚴其出入江海之限或苛以按期操練之煩不惟無益且

張文襄全集

卷三十六

奏議三十六

三

多滋擾近日倭船南來多用該國銀鈔厚餌窮漁多方引誘雖經臣之洞等電飭地方文武懸賞收買開示大義勉以忠誠但恐稽察難周愚民仍為搖惑則全賴印委文武各員精神貫注不憚煩勞擇其力強心細可以號召諸漁戶者厚加撫結使之自加覺察懲勸兼施或可行之有效臣之洞抵任後即會商臣奎俊通飭各屬查照前督臣左宗棠漁團成案選擇團董分設數局量為變通俾歸簡易各就本地情形酌量損益一體舉辦而以確有實際不受倭人雇募帶水濟糧為第一要義並於十二月內徧行鈔發賞格六條一曰遇有倭人雇

募充當引水該漁團能將來雇之人細送到官訊明屬實賞銀五百兩一曰遇有倭人雇募窺探沿海沿江軍情該漁團能將來雇之人細送到官訊明屬實賞銀五百兩一曰遇有倭人雇募載運接濟米糧軍火以及一切物件該漁團能將來雇之人細送到官訊明屬實賞銀五百兩能將其的實憑據密送到官因而起獲接濟各物者即將所有各物盡數充賞一曰如能舉發勾通倭寇充當引水窺探接濟之人細送到官訊明屬實者賞銀三百兩一曰倭人來犯該漁團如能集眾相機攻擊獲一勝仗者該團共賞銀三萬兩獲一大勝仗者共賞銀十萬兩幫同水師各軍獲一勝仗者賞銀一萬兩一曰該漁團能毀一倭船或奪一倭船大者賞銀十萬兩次者賞銀五萬兩船上除軍火歸官外財物悉以充賞並將各該團董破格優獎分飭徧諭並令編牌設甲互相結保隨時實力稽查去後嗣據各府廳州縣印委各員繪圖造冊先後申報遵辦前來臣之洞復加委道員錢德培陸元鼎李鎮邦等分赴江北沿海州縣督同辦理臣奎俊亦分委道府馳往蘇松常鎮各屬一體催督茲欽奉前因謹已再行通飭欽遵認真舉辦惟有時常督查隨時密訪參驗以免有名無實

張文襄公全集

卷三十六

奏議三十六

三

殊批知道了欽此

留張謇沈雲沛辦通海等屬團練片

光緒二十一年四月初四日

再江南所屬之海門廳濱臨大海通州鎮鑰長江由北岸陸路可徑趨揚州均為南洋門戶海州內障徐淮運道東北一帶濱海三百餘里可登岸之處太多當此海氛告警之際雖由臣趕調營勇扼要駐紮而地廣兵單不敷分布非舉辦團練無以固結民心而輔兵力除已遴委幹員分赴沿海沿江一帶會同地方鹽務各官勸辦漁團民團竈團外茲查有通州丁憂在籍寓居海門紳士前翰林院修撰張謇學識素優博通經濟實心任事允洽鄉評海州在籍紳士翰林院庶吉士沈雲沛品行端謹才具優長盡心任勞鄉人推重該二員於本處之地利民情均極熟悉而於保衛桑梓均能力任不辭當經照會張謇辦理通州海門廳兩屬團練通海層崗相依正可互相聯絡沈雲沛辦理海州屬團練均飭令就地籌款募練壯丁會同地方印委辦理仍由臣酌給軍火器械於開濠築壘各事宜各就本地情形酌量勸辦令團練與防營聯絡一氣以收眾志成城之效張謇係丁憂人員臣勉以移孝作忠循古人金革無避之義

張文襄公全集

卷三十六

奏議三十六

三

誼無可辭沈雲沛係請假回籍現值假期屆滿即當回京銷假相應請旨准令該庶吉士俟軍務平定之後再行回京供職散館實於防務有神

殊批著照所請欽此

覆陳通海防務情形摺

光緒二十一年四月初五日

竊臣承准軍機大臣字寄光緒二十一年三月初五日奉 上諭都察院奏戶部主事李安等以江海要衝急宜籌辦國防呈請代奏一摺據稱海門廳及各鹽場迤邐以達海州時有倭船測量請分別舉辦漁團民團並擬編查船戶添築堤岸速購偵探預籌的款四條著張之

張文襄公全集

卷三十六

奏議三十六

三

洞體察情形酌量辦理原呈著鈔給閱看將此諭令知之欽此臣查該主事等籍隸海門通州泰興所呈各節皆為海通一帶而言惟查江南全省海防形勢除長江口門外江南惟金山衛喫重江北惟海州喫重自贛榆海州至安東之老黃河口止水勢較深大輪船可距岸二十里停泊或由山東日照登岸陸行直趨贛榆亦止百餘里此皆防其攻襲清江梗我南北運道擾我淮揚精華故海州以重兵三十餘營防之並於清江加築土圩增駐多營以為策應若安東黃河口以南即為五條沙自此沿阜甯鹽城東臺泰州如皋以至海門廳界皆

係鹽場海中沙灘甚廣窄者百餘里寬者二百餘里洲港縱橫出沒或深數丈或深數尺民船貨船常有由沙內行駛者輪船則萬不能行倭寇遠來必以兵輪大隊斷無雇湊民船行二百里載兵登岸之理風汛不時軍火不繼勢將自斃此與前明倭寇零星焚掠者不同故海門北至安東海防非其所亟所謂地有所不守城有所不攻者也惟崇明縣以北江路素多暗沙據洋圖近年沖開新洪一道輪船可入載有測量尺寸臣於去冬派輪覆測與洋圖不甚相符大約冬春潮枯時不能行輪夏秋潮漲則亦可慮設倭寇由崇明以北駛入長江

張文襄公全集

卷三十六

奏議三十六

三

專擾北岸則通州為首衝可由靖江泰興以窺揚州惟購礮築臺勢已無及經臣派總兵張騰蛟率勇五營駐防通州設倭寇由通上犯則調靖江北岸之南字各營赴援但崇明通州有警則海門不免惶擾蓋不慮其海岸之潛登而慮崇通之波及自亦未便置之度外無如海門本係新長沙灘荒瘠異常向無城郭食米柴草木料無不艱窘而且沙鬆水淺不能築壘近海一帶直無廣平高燥可以紮營之地初擬派張騰蛟五營往繼擬派金滿四營往該處民人聞將派兵往紮深以為憂經該廳同知王賓具稟瀝陳查我軍往紮如此之難則敵

人來犯亦自不易體察海門情形客軍難駐土勇較便
惟有激勵團練厚資其力自爲防衛尙可相安其民間
不願外兵情形通州亦復相等因飭狼山鎮中營遊擊
鄧業良豫爲部署如果倭船有擾及南洋之信卽令該
遊擊酌募土勇兩營會合該鎮練軍以資策應餉由省
發此臣籌辦通海防務撥兵籌餉之情形也至通海一
帶國防事宜臣於正月間與通州海門紳士在籍翰林
院修撰張謇往返函商廣爲諮訪並飭該地方官委員
會同該紳籌商業經分條舉辦大致與該主事等所呈
相仿如漁團一節業經臣於去冬通飭舉辦又委道員
張文襄全集 卷三十六 奏議三十六

勇團勇扼紮之處量加開築其探報一節臣於去冬已
飭將揚州電綫接至通州泰州現已工竣另片奏陳至
偵役燈桿號礮有戰事時自應由該地方文武酌設其
籌款一節臣已檄飭通州海門將該處釐金應解金陵
揚州清江之款截留數成以供團費此外該處勸捐之
款概令留用不必解省據紳士修撰張謇會同地方官
約計一年經費共需錢十四萬申臣已允之必爲籌撥
足數至積穀一項誠屬鉅款然關繫備荒本務非至萬
分緊急之時臣斷不肯輕動該主事等知兵力不能徧
布海濱而請辦團防又知餉之難籌而請動積穀公款
張文襄全集 卷三十六 奏議三十六

具見保衛桑梓苦心不同鋪張浮泛之談與臣現在辦
法大意亦尙相同而撥餉撥械添派多營該主事所未
議及者亦均竭力籌措總期官民同心自可捍禦外侮
謹當督飭官紳切實辦理勿稍鬆懈以爲有備無患之
計

硃批知道了欽此

招募浦勝軍及鶴字六營片

光緒二十一年四月初五日

再昨因海州防務吃緊清江浦爲南北要衝其時民情
不無驚擾而諸軍俱已派赴前敵查江北地勢平衍後
路空虛可慮當飭准揚海道謝元福就近招募江北勇

丁步隊兩營共一千名馬隊一營二百五十名名曰浦勝軍均按湘軍營制餉章以資鎮懾而備戰守又前經奏明檄飭奏調差委提督劉鶴齡赴湘募勇六營來江以備策應昨經招齊成軍行至沙市詎該提督在宜昌病故商經兼護湖廣督臣譚繼洵改委署理湖北宜昌鎮記名提督謝得龍代統來江查謝得龍係劉鶴齡多年舊部此次營哨各官皆其舊日同事相習之人惟有卽令該員接統方能妥帖現經檄委謝得龍卽行統領鶴字六營駐劄江甯訓練

硃批兵部知道欽此

張文襄公全集

卷三十六 奏議三十六

張文襄公全集卷三十六終

吉林慶珍校

張文襄公全集卷三十七

奏議三十七

查明江南勸捐息借並無另立名目及騷擾情事
摺 光緒二十一年四月初五日

竊於光緒二十年十二月二十八日承准軍機大臣字寄光緒二十年十二月十八日奉 上諭有人奏山西辦理息借商款有藉端擾累情事會諭令張煦妥爲籌辦不得抑勒滋弊茲又有人奏江南地方奉行不善另立借民債名目民人出銀百兩卽給予藩司印票往往今日繳銀明日卽將印票抵償關稅釐金等項各關道至

張文襄公全集 卷三十七 奏議三十七

應解關稅之時亦卽將印票繳銷又有戶捐鋪捐房捐各名目紛紛騷擾民多怨咨並聞山西一省委員四出按戶給票勒令出銀其不能出銀者委員責令跪鍊等語所奏如果屬實殊屬不成事體著張之洞張煦確切查明如有前項情弊卽著指名嚴參並督飭地方官將借款一事妥籌辦理不得擾累滋弊原片均著鈔給閱看將此各諭令知之欽此遵旨寄信前來當經恭錄咨行一體欽遵查辦一面發電飭查旋據署江甯布政使胡家楨江蘇布政使黃祖絡先後詳稱江蘇省息借商款前經戶部議定章程奏奉諭旨咨行欽遵當卽詳經

奏准在省設局遴員勸辦所收借款定限兩年半分五期歸還按月七釐起息蘇州之票以一百兩爲一張鈐用司印皆遵照戶部定章辦理如借款較鉅或用數百兩千兩萬兩爲一張分勸紳商富戶量力輸借不願者聽並無民債名目維時需餉緊迫恐蘇省驟集爲難並議由官倡借及提借各屬存典積穀生息錢文之半填票給息與商款一律辦理由司刊發部章奏案曉諭周知商富借款皆遴派地方公正紳士勸借上下情通毫無抑勒目下紳富甚少踴躍繳借之戶雖由民力未充然勸辦之難已可概見至抵完地糧關稅係遵續奉部

張文襄公全集

卷三十七

奏議三十七

二

章票內刻有還銀之期准持票到官抵地糧關稅字樣此本戶部曲體民情商情之意遵照奉行並非江蘇省創議各戶願否抵完糧稅本聽其便且須屆期方可歸抵焉有今日繳銀明日抵完稅釐情事至用關道印票係部文指明准用續奉奏定款歸關還票由關出稅司簽字以期商民取信司中借款用江海關印票隨時由司填給其江蘇藩司已發之票尙須換回以歸畫一江甯藩司則並未發票專用江海關二百五十兩之票又本任督臣劉坤一撫臣奎俊覆奏就地籌款濟餉案內原議勸辦房捐兩箇月准照賑捐例給獎前已奉旨轉

行欽遵尙未開辦此外並無戶捐鋪捐名目緣奉飭查除飭承辦各員妥爲勸辦外相應詳復等情並准江蘇巡撫臣奎俊咨復前來臣查江蘇省自上年六月以後籌辦江防海防增募多營修臺購械並遵旨接濟北上諸軍餉需軍火需款浩繁庫款匱乏各省欽奉諭旨勸辦紳富捐輸及部頒息借章程數月以來蘇州辦理雖及八十餘萬兩然除提借積穀存本暨官爲倡借外出自各大商者二十六萬餘兩出自巨紳富戶者僅七萬餘兩大率皆係最爲殷實之家並無中等商民鋪戶江甯捐借尤屬輕微查原奏所言捐借擾累係十二月十

張文襄公全集

卷三十七

奏議三十七

三

八日以前之事然江甯捐局截至十二月底僅收到紳富捐款一萬一千餘兩借款一千兩上海爲各省富商華洋貿易薈萃之區據報各商認借亦祇一百萬餘兩尙未全繳皆係飭派各大行商董互相勸上海道近在同城不過代爲承轉款甫收繳還未到期何能抵兌釐稅又部定息銀必須到期乃給若銀甫借入焉有息銀可支至謂一轉移間息銀盡飽私橐反覆思之似難索解此皆事理之所必無者也至勸借萬金酌予獎敘本係部章現在雖有已集之款尙無請獎之案似不得謂部章周密奉行不善至戶捐鋪捐並無此議房捐一

節雖經本任督臣劉坤一會同撫臣奎俊奏經戶部議准現在並未開辦臣以民生未阜勸捐難辦稍有不慎弊端甚多地方印委一聞勸捐無不力辭引避卽息借商款乃最於商富有益無損之事然事屬創辦亦未能深信不疑是以到任之初卽力持急借洋款以應要需緩辦勸捐從容歸補之議歷經電奏有案早在聖鑒之中臣詳核原奏似係傳聞之訛於部定章程江蘇辦法尙未深悉臣仍當嚴加督察力祛弊端苟有貪私之員如原奏所云者定當立予嚴參斷不敢庇縱操切致滋擾累以仰副朝廷寬恤民隱之至意

張文襄公全集 卷三十七 奏議三十七 四

硃批知道了欽此

江蘇辦理捐借尙無擾累摺 光緒二十一年四月初五日

竊臣等奉准軍機大臣字寄光緒二十一年二月二十五日奉上諭有人奏江蘇勸借派捐請旨嚴禁並將辦理不善州縣懲處一摺據稱江蘇州縣辦理捐借兩事於上年冬間各紳商等陸續呈繳款項後現又奉檄籌辦搜括無已有款已交官不准作數勒使重出者有措繳未齊籤派多差到門守提者有無力完繳編管家屬者挨門搜查市井騷然等語捐借紳商款項原係朝廷不得已之舉各疆臣等如能辦理得宜凡屬食毛踐土

之倫無不急公奉上若如所奏各情騷擾股削厲民病商殊失始事本意著張之洞奎俊認真查明果有前項弊端卽行從嚴申禁並將辦理不善之州縣分別懲處總宜妥籌勸辦仍以固結民心爲主不准抑勒苛求藉端擾累致遭眾怨原摺著鈔給閱看將此由五百里各諭令知之欽此臣等跪誦之下惶悚難名當經欽遵札行兩藩司籌餉局轉飭確查嚴禁並先准部咨以外省不准按漕糧加捐及房捐宜加體恤兩條咨行查禁亦經照行司局嚴切查禁在案茲據江甯藩司瑞璋詳稱前奉行令籌款濟餉當就甯屬情形酌擬章程三條一

張文襄公全集 卷三十七 奏議三十七 五

飭官員報效一捐典鋪月息一勸紳富捐輸詳蒙前督臣劉坤一奏准開辦除官捐本歸自籌典捐係按架本提繳外其紳富捐一項係經籌餉勸捐局派員分赴各屬會同地方官以捐獎章程善爲勸導悉聽量力樂輸不准稍涉抑勒從無於地丁漕糧項下加收之議卽蘇屬續奏章程議提漕糧公費每石五十文亦係取之於官並非取之於民甯屬因漕糧向征折色並無公費名目是以官捐條內州縣亦未曾擬定捐數但屬其量力竭誠捐助至房捐一節本擬仿照蘇屬章程試行因體察目前海防多警市廛不甚繁盛未經舉辦又據江蘇

藩司鄧華熙會同籌餉局詳稱去年十月奉文開辦息借奉派候補道員汪福安沈玉麒丁兆基周蓮等督飭地方官紳在四府一州分投勸辦殷實之戶因事屬創始未解如何歸還之法其初多不願出借經明白曉譬遂酌量輸借並無違言截至年底止紳富祇借銀三萬六千八百兩原奏內稱蘇州集至七十餘萬蓋併官借之九萬典商之二十五萬積穀公款之三十七萬合而言之其實紳富所借並不甚多原奏又稱款已交官不淮作數勒使重出查紳士爲商民表率勸借必先向商議顧全大局者固自樂從間有不明事體匿而不面或

張文襄公全集

卷三十七

奏議三十七

六

飾詞塘塞動因一二人稽阻致闔邑觀望該縣委等往復邀請或勸令增加自是事理所有實無如原奏所云到門守提勒使重捐之事究之有印票之給執有重息之歸償各嗇於前者現皆樂輸於後查允借各戶多由官紳互勸各量產業豐約與商借數多寡至謂無力完繳編管家屬即使兩莽州縣亦不敢暴戾至此况拖欠錢糧猶未聞逮繫家屬安有不得已之息借轉忍加以編管雖江蘇州縣勸借情形難易不同而苛虐結怨固未嘗有也至蘇省肅清以後開征漕糧同治年間前督撫臣嚴禁浮收因州縣辦公無資奏定完漕一石隨繳

公費錢一千文歷經循辦多年近年因常鎮被災奏明由州縣在前項公費內每石捐出錢五十文解濟賑需事竣給獎此次奉飭籌捐因合州縣仍循賑捐成案照捐一次與民間無涉今以州縣解囊急公而謂之加收漕米太非事實至鋪戶房捐一節前經詳請奏明普辦兩箇月以濟餉需准其彙獎目下甫議舉辦係飭各州縣論派公正紳董查明城鄉鋪戶先捐房租一箇月刊發司印收票不涉書差之手無從索擾等情先後詳復前來臣等覆加查核該司局等所詳均係實在情形查詢印委各員所稟亦俱相同除甯蘇兩藩司勸辦各款

張文襄公全集

卷三十七

奏議三十七

七

外則上海捐借各項皆上海道勸導各大行商並由官倡捐倡借始得漸有成數查上海情形華洋錯處官商雜居所有富紳巨賈大率捐有二三品職官虛銜或兼充各省局差意氣甚盛平日與上海道分庭抗禮屬縣更不待言此次議捐議借皆經上海道轉邀各紳優禮延請委婉勸商各行久在滬上深知海關借票稅司簽字爲可信故借數較多若謂上海富戶地方官敢爲抑勒胥吏敢於守提尤爲必無之事臣等渥荷聖恩同膺疆寄深知養衛民之兵必先施恤民之政且分駐甯蘇耳目尤近如果地方官有因捐病民斷不至毫無聞見

原奏所云江甯蘇州省城內挨戶編查橫搜大索似乎無此情理此非捕盜詰奸何為有挨查大索之舉即開辦數月以來臣等衙門查無上控勒捐之案現在甯屬勸辦之數較少蘇屬所收較旺然款分數等出於紳富之捐者為數亦不甚多其無操切從事實堪其信且臣之洞先經奉到上年十二月十八日諭旨以江南地方奉行不善飭令查明嚴參等因正在查禁覆奏之間豈有復行嚴檄轉加勒派搜括之理惟是江省轄境甚廣耳目或有難周臣等當再行分飭承辦印委各員不准稍有抑勒苛求情事若有如言官所指各節定即嚴參

張文襄公全集 卷三十七 奏議三十七

八

示懲不敢稍涉庇縱以仰副 聖主安富恤民之至意 硃批知道了欽此

江蘇辦理捐借並無抑勒片 光緒二十一年四月初五日

再捐借充餉一事前於上年十二月欽奉寄諭有人奏江南地方奉行不善飭臣查明如有前項情弊即著指名嚴參等因欽此當經確切詳查正在復奏間續奉本年二月二十五日寄諭有人奏江蘇勒借派捐請旨嚴禁等因欽此跪誦之餘仰見 聖主軫念民艱嚴懲苛擾尤為徹切而原奏所陳病商厲民各情形皆屬罕見罕聞之事且謂種種騷擾弊端皆由臣嚴檄苛求所致

尤深惶悚除會同撫臣奎俊查明另摺覆奏外特是微臣籌辦捐借實在情形有不得不縷晰陳明者敬為我皇上陳之伏念臣自去冬到江南以後正值軍務日緊徵調日繁軍火轉運勞費百端司關正雜款項皆有應支應解定額無可挹注而出款頓增數百萬之多一時委難籌措臣力持款宜急籌捐宜緩辦之議於十一月十一日十二月十九日疊次電奏在案每當接見司道各局痛切言之誠以用款為急不可待之需惟借自外洋則款巨而倉猝可集捐款乃日後補苴之事惟徐為籌畫則力紓而操切可除是以臣於各屬勸捐一事從

張文襄公全集 卷三十七 奏議三十七

九

未行一嚴批下一催檄而州縣稟陳抗捐之案如元和縣道員陸同壽家貲百萬捐借兩事屢勸不應城鄉官民公論皆以為非又奉賢縣附貢生陳麟並伊孫舉人陳鴻翊身為首富絲毫不捐而且不知大義語言悖謬沮惑捐生各據該縣稟請訓飭做戒臣以重利輕義世俗恆情若予嚴批必至奉行操切至今並不批覆案牘具在又通州及淮安官紳稟請仿照咸豐年間章程按畝書捐經臣批駁又蘇屬各州縣經江蘇藩司遵奉部文提積穀存本作為息借已提銀五十餘萬兩然因丹徒災祲之餘臣復批令留縣勿庸提借而甯屬各州縣

經江甯藩司屢請仿辦臣卽未允照行至今分文未提蓋以備荒之款亦固本要需將來籌補艱難未可輕動其房捐一款係本任督臣劉坤一會同撫臣奏准之案蘇屬奉准部復後卽議舉行去冬經臣電飭前署江蘇藩司黃祖緒暫從緩辦今又據江蘇藩司詳明開辦臣尙未經批答至甯屬則臣與藩司近在同城飭令緩辦至今並無舉動以上各節省內省外各衙門皆有案牘可查是臣於抗捐巨戶尙不苛求何至搜括及中人之產房捐奏准之案積穀現存之款尙未舉辦何必取盈於追比之勞至原奏所謂本任督臣劉坤一會奏籌捐

張文襄公全集

卷三十七

奏議三十七

十

案內每漕米一石加收錢五十文此乃官捐之款出之州縣應得收漕公費與民捐無涉實無加收分文之事至江北州縣捐輸因淮海清江一帶防務方亟除初解一批外大率俱令留充本地團練經費未經提省以官發實收給獎之款而留爲民間自衛桑梓之需是體恤民艱之苦衷似亦可以概見臣所飭籌辦者惟奏明勸諭兩淮鹽商公捐海防經費及照前任奏案勸令典商捐繳一月息錢及委員攜帶實收分赴各省勸辦海防捐輸三事鹽商之捐由運司查照成案令場岸各商自行分認無勞督責典息之捐本係股商又有架本可查

無須苛擾各省實收之捐設局招徠悉聽捐生自便無從抑勒再查江蘇省向章江甯藩司所屬各府縣由總督主政江蘇藩司所屬者由巡撫主政藩司更係各有專責今甯屬捐借各事既大率皆未舉辦甯屬截至二月底止計開辦半年僅收紳富捐款六萬一千餘兩借款一萬一千兩收數止於如此其有無騷擾固已顯然至蘇屬捐借較多然大宗皆係典商及提用積穀之款出於富戶者亦不甚多撫臣奎俊素性謹慎和平臣敢保其斷無凌厲抑勒之事以上各節皆鑿鑿有案可稽有數可核非能虛飾其是否騷擾股削當在聖明鑒照

張文襄公全集

卷三十七

奏議三十七

十一

之中臣雖爲外吏本係迂儒深知固結民心乃可捍禦外患且到任未久無德及人縱無干譽之心亦豈肯故爲歛怨之事若謂臣過於拘泥矜慎不能猝籌巨款則誠有之若謂肆意苛求似與臣用意正爲相反原奏所云各節何以訛傳力詆至於如此之甚臣實未解其故總由臣德不足以孚士民才不足以裕財用叨竊非據致召人言惟有痛自咎責益加循省但甯蘇兩屬州縣甚多地方有司或有辦理未能得法以致流播訛言自當嚴行查禁以杜流弊已由臣通行各屬嚴切禁止一面遴委妥慎可靠之員六人分赴各府州縣密行確查

如有捐借擾民之員即當從嚴參辦以仰副朝廷恤民
剔弊之至意

硃批知道了欽此

江南製造機器局擴充機器請撥專款摺光緒二十一年

四月初六日

竊據總辦江南機器製造局署蘇松太道劉麒祥等稟
稱前奉准部咨軍需善後報銷章程第十四條內開各
省機器局常年經費若干如有添購機器經費若干雖
不能限以定數亦當立有範圍等因當以局中用款取
給一成洋稅此外別無撥項則常年領款祇有此數當

張文襄公全集

卷三十七 奏議三十七

三

不出此範圍嗣後添造船隻或承造各項軍火如須添
撥經費再請咨部立案以憑核銷稟蒙咨部准覆在案
自溯光緒十七八年沿江各省教案匪紛紜四起深
恐海上早晚必開兵端臣當將應行添製快槍快礮新
式火藥各件籌議購機試造先後經本任督臣劉坤一
批准試辦迨至光緒二十年倭人肇衅海防戒嚴各省
徵兵調撥軍火局中所造槍礮藥彈幾至撥發一空戰
事方殷此後軍火自更有增無減疊奉飭添機器加工
趕造並欽奉諭旨飭令設法擴充多造以應前敵及沿
海各軍之用自應遵照擴充上緊趕造查近時軍械以

槍礮藥彈為先而槍礮尤以新出快式為利是以前請
設廠自煉鋼料為礮筒槍管之用又因新式巨礮皆用
栗色餅藥快礮快槍皆用無煙火藥先後稟准試辦現
當時勢孔亟待用方殷局中造存無多若不將應添各
項擇要先辦實恐貽誤業經將煉鋼製藥及造快槍快
礮各機器數十座向洋商定購約需銀二十五萬餘兩
又添購基地增建煉鋼廠造栗色藥廠無煙藥廠並建
廠屋及添購煉造槍礮鋼料與造藥物料約需銀一十
五萬餘兩合而計之約共需銀四十餘萬兩惟事機甚
緊撥款甚難明知大局所關實未敢稍涉拘泥不得不

張文襄公全集

卷三十七 奏議三十七

三

權其緩急先經商允洋行令其墊辦先將各項機器運
來建廠開工製造目前急須歸還洋行墊款此項用款
係專造快槍快礮及無煙栗色兩項火藥在常年工作
之外所有局中原撥一成洋稅銀兩自有製造各項槍
礮彈藥之用未便顧此失彼且此次所添各項機器料
物係為尅期趕造解濟前敵要需非請撥專款銀四十
萬兩不能濟急現在既經添設煉鋼製藥各廠其工匠
物料在在增添此後常年所用經費仍僅恃一成洋稅
一項勢不能敷並懇添撥的款俾常年工作不致缺乏
理合稟請補行奏咨立案等情前來臣查快槍快礮自

煉精鋼以及栗色餅藥無煙火藥各件洵爲今日軍務要需至上年夏間海防戒嚴以來關內外與臺灣征軍以及各處防軍需用一切軍械皆係立待撥解火藥子彈尤爲大宗外洋守局外之說每以不肯代購爲詞即使委婉向商設法購運不特價值昂貴且運費保險種種刁難較平時增至數倍況敵船不時邀截涉險運送實極艱虞該局購機設廠自能仿製不待外求自爲當務之急雖未據先請奏咨但該局際此時艱豫防早計從權先自訂購令洋行墊款代辦現在正獲其接濟前敵要需之用似此防患未然深知中外情形軍需急務

張文襄公全集

卷三十七 奏議三十七

十四

似未便東以文法致誤戎機第此項機器料物該局已與洋商訂購墊辦在先統需價銀四十餘萬兩一經到限即須全數付清自應由部指撥專款俾資清給至該局常年所領二成洋稅僅數十萬兩祇能製造各項子藥分濟南北兩洋操練備用之需若加造新式槍礮接濟軍前則機廠既增工料自倍尤須加撥的款以冀擴充謹據情補行奏咨立案合無仰懇天恩俯念軍需緊要飭部籌撥銀四十萬兩以濟急用並懇在於江海關六成洋稅項下或洋藥稅釐款內每年添撥銀二十萬兩以爲擴充後加撥常年工作之需

硃批該部議奏欽此

會奏江南河運難復鐵路利濟無多摺

光緒二十一年閏五月

竊臣等奉准軍機大臣字寄光緒二十年十一月二十九日奉上諭前據御史管廷獻奏請規復河運以裕餉源一摺當經諭令戶部議奏茲據該部所稱近年河運淺淤以致河運米石不能議加該御史議自陶城埠至臨清一帶興脩鐵路洵屬因時制宜於運漕大有裨益惟辦理一切事宜應通盤籌畫總期有利無弊歷久可行請飭各督撫妥議等語著按照該御史原奏十利四

張文襄公全集

卷三十七 奏議三十七

十五

便及部所籌各節悉心理會妥議具奏原摺均著抄給閱看將此由五百里各諭令知之欽此欽遵咨行詳議去後茲據江甯布政使瑞璋江蘇布政使鄧華熙江安糧道馬思培蘇松糧道吳承潞等詳稱竊查辦理河運以船隻爲首務自官艘廢棄歷係雇用民船江南船隻擇其輕便堅固堪裝二三百石者本屬無多近來行商蕭索加以朽壞拆賣更覺其少光緒三年回空阻滯北河新漕無船可僱奏改海運是其明證邇年江北江蘇運米二十餘萬石需船千號設法雇募已屬搜羅無遺若增運全漕一百數十萬石約需船四千餘號實屬無

從招僱購料興造尤覺欵鉅難籌况漕船開行先抵江境中運河底如常小桃宿邳一帶淤淺尤多不特處處加成起釁且須借資兩澤推挽前進駱馬等湖本為江南巨浸近已涸成田地所恃惟微山一湖接濟今亦淤墊過甚若統運全漕則揚莊以上河水無源能否有雨殊難豫料且船多水淺非數旬所能過竣若船未過半而水已放盡一經淺擱斷難飛越既入東省河道窄小本利運漕乃自黃水穿運失治已久近雖擇要挑浚暫濟目前然台莊以上挨開套塘灌送牽挽倍極艱苦又有十字河飛沙時復積壅而濟甯十望鋪向恃汶水濟

張文襄公全集

卷三十七 奏議三十七

六

運者更因汶源微弱節節淺澀又限於經費未能深挑兩岸土性浮鬆水小難行水大易決即如光緒十六年東平州下汛中心堡東岸河決三堵三潰水勢旁洩船俱擱淺夫以船隻缺乏如此運道淺澀又如此勉强行之誠如部議所言無益運漕徒糜鉅欵實非慎重之道除鐵路一節應由東省議覆外會同詳請復奏前來臣等伏查河運一事難以規復者大要有三一在官船久廢造復無此鉅資一在河身全淤挑挖更須鉅款一在借黃濟運本出一時權宜習為固然終慮橫決貽患今該御史所奏請至山東陶城埠至臨清二百里間興脩

鐵道轉運全漕可免借黃之險固係為濟運利民起見第直隸鐵軌現為山海關內外轉運兵械要需萬無移置之理即使另行造軌安設亦難而南北運河挑挖之工造船之費為數過鉅目前既不能籌以後更增繁費是山東境內雖有鐵路二百里河運仍難一律復舊暢行且查鐵路之利必須行遠旁通兩端起止皆係繁盛之區方可輪轉百貨萃集行旅增多釐稅種種利益由此而生若兩端阻滯而置鐵路於其中則商旅無從趨赴百貨無從運行徒有造路養路之費而無其益似於此處情形不合所有臣等會議江南河運勢難規復山

張文襄公全集

卷三十七 奏議三十七

七

東鐵路利濟無多緣由謹合詞覆陳伏乞聖鑒
殊批戶部知道欽此

續請修備儲才摺

光緒二十一年閏五月二十七日

竊查此次和議未經換約以前臣屢次電奏懇陳倭約凶狠種種貽害萬不可允恐從此中國不能自立並請購兵船募洋將等事電奏在案祇以言輕術淺不能仰動宸聽挽回萬一惶悚痛憤寢食難安此次和約其割地駐兵之害如猛虎在門動思吞噬賠款之害如人受重傷氣血大損通商之害如酖酒止渴毒在臟腑及今力圖補救夜以繼日猶恐失之若再因循游移以後大

局何堪設想此臣之所以痛心疾首不能不披瀝迫切上陳於 聖主之前者也或謂和約已成中國若安於積弱目前尚可息肩不知此次日本之和與西洋各國迥異臺灣資敵矣威海駐兵矣南洋之寇在肘腋北洋之寇在門庭狡謀一動朝發夕至至有意之挑衅無理之決裂無從豫防無從億料試思去年之事曷嘗真有啓衅之端日本必欲代朝鮮改政則脅朝鮮以必從可矣我爲東學黨發兵而日本不願則催我撤回可矣何至不下戰書而遽然擊我兵船又何至從此盡占朝鮮又何至犯我遼東內地又何至必欲攻我京師不過兵力

張文襄公全集

卷三十七

奏議三十七

六

已強窺我無備欲藉端稱兵以償其欲耳此尙有何理之可論何約之可言哉以前例後則此次之和猶未和也賠款二萬萬目前必係借洋款以應之折扣之外加以東西洋兩層息銀至鎊價虧累尙難豫計卽分數十年歸還每年本息亦須二千萬兩勢必盡以海關洋稅作抵而又提釐金丁賦以足之且洋人製造之土貨概免釐金則進款益絀此後國用更何從出雖以白圭墨翟之省嗇亦斷不能省出此數雖以桑孔王楊之搜括亦斷不能括此鉅款百方措克以資饑敵民窮且怨土匪奸民藉口倡亂而國家以餉絀兵弱威力又不足以

懾之是賠款之害必由民貧而生內亂向來洋商不准於內地開設機器製造土貨設立行棧此小民一綫生機歷年總署及各省疆臣所力爭弗予者今通商新約一旦盡撤藩籬喧賓奪主西洋各國援例均霑外洋之工作巧於華人外洋之商本厚於華人生計奪盡民何以生小民積憤斷不能保相安無事今日毀機器明日焚棧房一有他變立啟兵端是通商之害必由民怒而啟外衅久聞倭人揚言此次和約意在使中國五十年內不能自振斷不能再圖報復又聞倭人以中國輿圖用五色畫界指示西洋各國擬與各國瓜分宣言十年

張文襄公全集

卷三十七

奏議三十七

五

之外必可立見此局其封豕長蛇之謀令人髮指今更以我剝膚之痛益彼富強之資逐漸吞噬計日可待朝廷雖有守約之信竊料倭人斷無永好之心且西洋各大國從此盡窺中國虛實更將肆意要挾事事曲從則無以立國稍一枝梧則立見決裂是日本之和不可恃各國之和亦不可恃矣故今日事勢微幸無事者或以爲可以偷旦夕之安而愚臣獨以爲不久卽將有眉睫之患夙夜憂懼不知所出謹條陳九事願聖明決而行之一日宜亟練陸軍也中國自剿平髮捻以來軍威頗振何以此次軍務竟不能支查髮捻雖甚猛悍然究係

流寇與敵國不同日本用兵皆效西法簡練有素餉厚械精攻取皆有成算弁兵皆有地圖以及登山涉水之具餼糧禦寒之物無不周備而又不惜重利廣購間諜故今日之敵迥非髮捻可比我軍則倉卒召募以應之心既不齊械亦不足技又不習以致動輒潰挫且十年以來宿將上選所存無多其次者暮氣已及積習已深將領以剋扣爲故常以應酬爲能事其自愛者亦僅能約束不擾而已至於忠義奮發訓練精強銳意滅賊者則實罕見其人故非一變舊法必不能盡除舊習今外洋各國無一國不汲汲於兵事日夜講求淬厲以相角

張文襄公全集

卷三十七 奏議三十七

三

相伺我若狃於和局從此罷兵節餉而不復爲振作之計是中國永無戰勝之日矣一思及此可爲短氣寒心英將戈登常言中國之民耐勞而易使果能教練陸兵可使爲極強之兵竊謂中國此時必宜趁一年之內於海疆各省急練得力陸軍三萬人乃能支柱目前陸軍以德國爲最強自宜取法於德至練兵事宜他省督撫統兵大臣自有良謀碩畫非臣所敢妄談臣謹就江南情形酌量籌議擬練萬人爲一軍其教練之法大率有三一則募洋將管帶操練練兵之道無權不行若仍以華官爲管帶發餉仍歸營官則缺額攤扣之弊如故成

見自是之習如故事事掣洋將之肘教練必無實際故用洋人爲教習而不使之管帶無益也其法必宜卽派德國將弁爲統領營官令其悉照洋法操練并其行軍應用軍火器具營壘工程轉運醫藥之法亦俱仿之中華員弁僅令充哨官以下職事而洋將上則統屬於該省督撫將帥次則所立合同約定會商該省營務處司道下則弁勇皆係華人一軍之中洋弁不過數十人斷不至有尾大不掉之虞練成數年以後卽可用該營練成華弁升補營官統領將洋將逐漸辭退或令轉教他營尤無他慮一年之外當可用以戰矣且於洋弁操練

張文襄公全集

卷三十七 奏議三十七

三

之時使中國將弁從旁觀看令其習見習聞自能捐棄故技如有傑出之才更可觸類引伸本其精熟之法參以運用之妙是數年之後華將多解洋操卽可擇其廉潔切實者以接統此洋操之軍矣一則遣員弁出洋學習無論文武官階大小遴選年力精壯明敏有志者百餘人令赴外洋附入學堂營局將武備營壘礮臺等事分途肄習觀摩旣便領悟必速較之在中國學堂所練必更切實學成回華視其階資才藝分別充補營官哨官等職查日本武弁皆向德國學習德國特留兵官六十缺專備倭人充補中國若派往學習令出使大臣與

之切商多留數十名之額必無不允一則各直省各設陸軍學堂延西人爲師擇強壯樸實之少年子弟入學學成亦發各營量加委用三途之中以用洋將管帶教練爲最速以出洋學習功夫爲最實益處爲最廣而中國自設學堂亦可相輔而行以擴各營之耳目心思另爲一條奏陳數年之後則三途所出人才又可展轉教練各防營馴至中國練成能戰精兵十萬人不特永無內患必可不憂外侮矣一日宜亟治海軍也今日禦敵大端惟以海軍爲第一要務沿海七八千里防不勝防守不勝守彼避堅而攻瑕避實而攻虛我勞彼逸我鈍

張文襄公全集

卷三十七 奏議三十七

三

彼靈彼橫行海面而我不能斷其接濟彼空國出師而我不能攻其巢穴雖竭天下之力費無窮之餉終無完固之策而國已困而不可振故今日無論如何艱難總宜復設海軍查近日海戰洋人皆以快船快礮爲要著與從前專恃船堅礮巨者稍異大約每一軍必有大鐵艦二三艘爲老營而以穹甲快船爲戰兵以魚雷礮船爲奇兵每軍約配穹甲快船四五艘魚雷礮船七八艘穹甲雷船所配皆係大小快礮中等穹甲一艘長三十餘丈每一點鐘行二十二海里連雷礮在內約需銀一百五十萬兩魚雷礮船長二十餘丈與魚雷艇之輕小

者有別每一點鐘行二十八海里最爲捷速連雷礮在

內約需銀六十萬兩中國海軍尤以斷敵船接濟爲要策加以防內海護長江則魚雷礮船之輕速尤爲合用每廠穹甲八箇月可成一艘一年可成五艘魚雷礮船五箇月可成一艘一年可成十艘鐵艦一年餘可成一艘大約海軍一枝船礮魚雷各費共需銀約一千數百萬兩至二千萬兩以內若分向英德各大廠訂造則一年內外海軍數枝之船皆可齊備應用庶免悠悠延誤去冬曾與德國伏爾鏗船廠克虜伯礮廠詢商允爲墊辦該價分二十年歸還計息六釐經臣於上年十二月

張文襄公全集

卷三十七 奏議三十七

三

十九日電奏在案各廠情形辦法必可相同此時和局既成利息必可減省論今日大勢自以南洋北洋閩粵洋各設海軍一枝爲正辦若限於物力大鉅則南北洋兩枝斷不可少此攻彼戰此出彼歸或分或合變動不居方不致困守一隅坐受敵人之牽綴至水師尤難於陸路將領必用洋將爲之中國未經戰陣之學生粗疎不諳之武弁斷不能用且非用洋將則積弊必不能除操練必不能精考核拔擢必不能公俟洋將於各船弁勇中考有出色可信者再以派充各船管帶至各船應如何配用布置應請旨敕調琅威理迅速來華并帶

精熟水師將弁數人同來以便通籌全局及早舉辦訂購至於船上所用弁勇則仍須多派精壯員弁及有志子弟赴英國學之此舉尤宜從速我有籌鉅款購多船之舉先聲所播足見中國志氣未衰已足以隱折各國吞噬之志矣至如福州船政局每宜速籌整頓展拓令其每年可成兩三船惟既設海軍必宜多籌船塢而可造塢之地甚不易得除旅順福州原有船塢外山東膠州澳廣東虎門以內宜分設大兵艦船塢長江以內尤宜分設中等船塢除鐵艦外若穹甲及雷船皆能入口修理蓋兵船攻敵無論勝負必有傷損海軍交戰不能

張文襄公全集

卷三十七

奏議三十七

三

定在何處船塢若不多設數處設一塢為敵所據或海道為敵所截我船不能歸塢修理數戰之後多船均廢矣此則今日固圍衛民之先務無論如何艱難負累而必當竭蹶以成之者也一曰宜亟造鐵路也方今地球各國無一國不有鐵路千條百道交錯縱橫軍民農商事事稱便至各國專設有鐵路學堂并設有各國鐵路公會每兩年大會一次互相講求即以日本論之該國變法才二十年而國勢日強幾與各大國抗衡尋其收效之著實莫如鐵路一端蓋版圖既廣其利不能興弊不能去者皆由地勢阻隔不能相通故也鐵路成則萬

里之外旦夕可至小民生業靡不流通朝廷耳目靡不洞達山川之產靡不盡出風俗之陋靡不盡除使中國各省鐵路全通則國家氣象大變商民貨物之蕃息當增十倍國家歲入之數亦增十倍至於調兵捷速可省多營轉漕無阻可備海梗民間省差徭科派之困官吏無驛站辦差之累種種利便臣於光緒十五年冬間兩奏已詳言之臣原議由漢口至蘆溝橋先成幹路分達各省醕賢親王極以為然決意修造嗣以議造山海關鐵路遂將此項經費改歸北洋軍事之興一切隔閡兵餉軍火轉運艱辛勞費百倍而仍有緩不濟急之患使鐵

張文襄公全集

卷三十七

奏議三十七

五

路早成何至如此中國應開鐵路之地甚多當以蘆漢一路為先務此路南北東西皆處適中便於通引分布實為諸路綱領較之他路之地處一偏利止一事者輕重緩急大有區別若鉅款大舉而不先造此路以後物力愈絀恐難再舉伏願聖明深維時局銳意創造此事需款雖鉅可使洋商墊款包辦蘆漢一路限以三年必成成後准其分利幾成年限滿後悉歸中國如此則費不另籌而成功可速弊端浮費亦少至幹路成後枝路尤宜多造前曾與比國柯克里大鐵廠議及此事該廠極願承辦此外尚有奧國美國商人亦請承辦若定議

修造不患無人惟此事斷不宜英法諸大國商人包辦恐獲利以後收回或費唇舌惟小國建國商人則無此慮若中國自辦則委員視爲利藪曠時糜費十年亦難成矣一省宜分設槍礮廠也此次軍事不振固由將士之不練亦坐器械之不精外洋新出火器所及愈遠施放愈速大凡連珠數響者謂之快槍藥彈相連礮彈與槍礮同式者謂之快礮舊日快槍係大口鉛彈今之快槍係小口鋼彈舊日快礮係四管五管今之快礮係單管小口徑快槍可及三里能於大半里內擊穿二分厚鋼板陸路快礮過山快礮能於一分鐘放十餘出至三

張文襄公全集

卷三十七

奏議三十七

美

接濟沿海沿邊若設於海口既嫌淺露且海道梗阻轉運亦難其湖北槍礮廠臣數年以來竭力經營目前甫經就緒祇以經費有限力量未充擬由江南籌款再加開拓經費既可較省其地據腹省上游尤爲穩固卽江南及上下游各省需用一水可達肆應不窮此外如天津江南廣東山東四川原有製造局或製造軍需水陸應用各件頗多而所成槍礮甚少或僅能造槍礮彈而不能造槍礮或能造槍而汽機局尙小似應各就本省情形量加擴充如福建船政局現有大鍋爐機器及打鐵各廠并多諳悉機器員司工匠若添槍礮機似乎

張文襄公全集

卷三十七

奏議三十七

毛

爲敵所用中國新造快槍似亦宜將口徑略加增減所改或一密里或半密里卽中尺三四釐便與各國槍彈有別矣快礮以德國格魯森廠爲最一分鐘能放三十餘出該廠向係專造快礮現已爲克魯伯廠歸併合辦其工作之精巧可知腹地之局只須陸路過山小快礮卽足供陸戰之用若沿海沿江數局并宜造船臺大快礮蓋取其身輕而及遠放速中國兵勇手法既遲礮準又疎今日守臺及兵船若僅用舊式之後膛礮尙不能久與敵人相持大約每一廠每年須實出快槍五六千枝陸路過山兩種小快礮百餘尊方能濟用一面雇用

張文襄公全集

卷三十七 奏議三十七

无

洋匠一面商之洋廠派工匠赴外洋該廠學習如多設爲難亦宜迅速添設擴充兩三處一旦有事乃無束手之虞糜費之患矣一曰宜廣開學堂也人皆知外洋各國之強由於兵而不知外洋之強由於學夫立國由於人才人才出於立學此古今中外不易之理不蓄而求豈可倖致惟敵國愈強則人才愈不易言泰西諸大國之用人皆取之專門學校故無所用非所習之弊今外洋各國與我交涉日深機局日逼若我仍持此因循之習固陋之才浮游之技藝斷不足以禦之應請各省悉設學堂自各國語言文字以及種植製造商務水師陸

軍開鑛修路律例各項專門名家之學博延外洋名師教習三年小成乃擇其才識較勝者遣令出洋肄業如陸師則肄業於德水師則肄業於英其他工藝各徒皆就最精之國從而取法惟待此項學生三年以後再令出洋收效過遲當今時勢斷不能待惟有一面選募粗通洋語洋文者卽令分赴各國學之此時洋文不必甚深到彼以後眾咻漸染自然能通庶免曠時失機此臣歷訪之出洋學生而深知之者惟出洋者須擇其理路較爲明白志氣尙不鄙瑣者學成方爲有益查日本之制出洋歸國後分歸各部署考列其高下卽任以實官

張文襄公全集

卷三十七 奏議三十七

无

入仕以後再由積勞升擢是以各途需人取之不缺日本赴德國學兵事之學生回國卽充本國兵官前此船政水師製造學生亦曾辦有成案今宜令各出使大臣重與商辦外洋無不樂從大抵向來各省所設學堂及出洋學習之學生視之皆不甚重國家糜無數經費教育累年迨學成返國更未嘗予以出身收其實用聽其去就實爲可惜蓋培之於先必思所以用之於後如能豫定章程則人心鼓舞必有人才出於其中矣一曰宜速講商務也自中外通商以來論者或言通商便或言通商不便此皆一偏之論也大約土貨出口者多又能

自運貨赴外洋銷售不受外洋挾持則通商之國愈多而愈富土貨出口者少又不能自運出洋坐待外人收買操縱則通商愈久而愈貧考日本與西人通商專講精造土貨自運外洋兩端商本虧累則官助之不以賠折而沮今該國商利歲入至八千餘萬元其取於美利堅者約四千萬兩商務盛則交涉得手國勢自振其明效若此中國上下之勢太隔士大夫於商務尤不考究但有征商之政而少護商之法西人常論中國商人最工貿易惜國家不爲保護任其羣起逐利私作姦僞不顧全局以致百業皆衰至護商之要不外合眾商之力

張文襄公全集

卷三十七 奏議三十七

三

以厚其本合國與民之力以濟其窮今宜於各省設商務局令就各項商務悉舉董事隨時會議專取便商利民之舉酌劑輕重而官爲疏通之勿使傾軋壞業勿使作僞敗名凡能集鉅資多股設一大公司者奏請朝廷獎之藉招股坑騙者重治其罪勿以贖徇而寬之並准其各派董事出洋學習由使館代爲照料現有之招商局尤宜選任董事速加整頓總以公正均平爲主爲總董者不可稍存自私自利之心而後商務可興矣尤須令出使大臣將各國商務情形隨時考究知照總署及各省督撫以便隨時悉心籌畫查各國公使皆以視國

爲密謀護商爲專責而中國使臣事簡心閒此似亦使職之最要者也一日宜講求工政也世人皆言外洋以商務立國此皮毛之論也不知外洋富民強國之本實在於工講格致通化學用機器精製造化粗爲精化賤爲貴而後商賈有懋遷之資有倍蓰之利周官考工記以百工列六職之一舜命九官責以時亮天工之事而共工之官居其一孔子論爲天下之九經以來百工爲足財用之本可見唐虞三代之聖人其開物前民未有不加意於此者後世迂儒俗吏視爲末務賤業不復深求於是外洋技巧遂駕中華而上查西洋入中國之貨

張文襄公全集

卷三十七 奏議三十七

三

皆由機器捷速工作精巧較原來物料本質價貴至三四倍十餘倍不等甚至氈羽煤油洋紅水泥之類則尤屬賤質棄物一加製造便成大利卽如日本尤重工政該國於各通商都會徧設勸工場聚民間所造器用百貨第其最精者亦仿西洋之例國家予以賞牌使專其利是以百工競勸製造日精銷流日廣今日本土貨其實在物產不過海茶銅煤數端此外凡所以圖中國西洋之大利者大率皆資之於人力而非僅取之於地產中國生齒繁而遺利少若僅恃農業一端斷難養贍以後日困日厥何所底止故尤宜專意爲之非此不能養

九州數百萬之游民非此不能收每年數千萬之漏卮今宜於各省設工政局加意講求查各關貿易冊中每年出口易銷之土貨則加工精造之擴充之以廣其出進口多銷之洋貨則加工仿爲之以敵其入如開煤煉鐵製器繅絲種棉種茶種蔗造糖磨麩造瓷器織呢羽造洋綢洋緞洋釘洋酒火柴等事或廣土貨之銷或敵洋貨之入責成各省督撫招商設局各就本地土宜銷路籌辦總以每省必辦成數件爲主卽以此爲各省督撫藩司之殿最并分遣多員率領工匠赴西洋各大廠學習一切種植製器紡織煉冶造船造礮修路開礦化學等事皆肄習之回華日卽以充辦理工政之官委員

張文襄公全集

卷三十七 奏議三十七

三

以求其法通其精者工匠以習其藝得其粗者中國人數之多甲於五洲但能於工藝一端蒸蒸日上何至有憂貧之事哉此則養民之大經富國之妙術不僅爲禦侮計而禦侮自在其中矣一曰宜多派游歷人員也漢趙充國之言曰百聞不如一見明王守仁之言曰真知自能力行夫洋務之興已數十年而中外文武臣工罕有洞悉中外形勢刻意講求者不知與不見之故也不知外洋各國之所長遂不知外洋各國之可患拘執者狃於成見昏庸者樂於因循以致國事阽危幾難補救

延誤至此實可痛心今欲破此沈迷挽此積習惟有多派文武員弁出洋游歷一策查外洋各國開疆拓土行教通商皆以游歷爲先導前此中國雖有派員游歷之舉旋即停罷而派出各員不諳外國語言文字僅觀粗淺莫探精微或限於資斧無從遊覽今宜多選才俊之士分派游歷各國豐其經費寬其歲月隨帶繙譯縱令深加考究舉凡工作商務水陸兵事礮臺戰艦學校律例隨其性之所近用心考求歸國之日由總理衙門課其能否察其優劣將此項人員發交有洋務交涉省分別委用或派往各省商務工政等局差委或令先補

張文襄公全集

卷三十七 奏議三十七

三

總理衙門章京或再派充出使參贊隨員等官之選勞績期滿卽行遷擢內外互用必廣其出身之途方能鼓舞則不惟使才卽出其中而中外文武人才之出正未有艾或謂從前遊歷各員出色者少庸陋者多徒糜經費此乃因噎廢食之說最爲誤事不知拔十得五卽不爲少歲費不過十萬金但能得十數有益大局之人所獲不已多乎至於親貴大臣及滿漢世家子弟尤宜選其賢者遣出游歷優予褒獎風氣自上開之視在下者事半功倍知已知彼乃可謀國轉移鼓舞之機無捷於此者矣抑臣尤有進者國家取士用人首重科目公卿

大吏皆出其中而科目出身者畢生困於考試見聞狹隘精力銷磨以致未能盡嫻經濟若洋務軍務更難語此故議者多欲變通科目取士之法然事體甚大未易更張竊謂游歷人員可多取諸翰林部屬及各項正途出身之京外官回華後優予升途蓋以科目進者平日誦法聖賢講明義理本源固已清明不過見聞未廣世事未練若令遍遊海外加以閱歷自能增長才識將來任以洋務等事必遠勝於洋行馴僮江湖雜流且較之詞曹但考文字外吏但習簿書者切於實用多矣一曰宜豫備巡幸之所也近年凡與外洋有構兵之事各國

張文襄公全集

卷三十七 奏議三十七

三

洋人之議多謂京城距海口太近必宜遷都腹地於戰事始能操縱自如昨當東事緊急之時建言者亦多持此說竊惟立國形勢歷朝不同我朝以遼瀋爲肇基之所陵寢在焉若都會偏西則相距太遠不能控引援應至京師乃天下根本人心所繫豈宜輕議遷移况秦晉貧狹亦不足以容萬乘而供六師若一一締造經營今日物力豈能辦此且方今大勢重在交涉兵勢之強弱全在海防商務財源之盈絀多在海口若建都關中則距海遼遠南北洋皆鞭長莫及耳目難周都下士大夫更不考求沿海防務商務等事海防海軍必致敷衍粉

飾從此斷無籌鉅款養重兵造礮臺之事各海口戰守之備皆不可恃矣惟天津榆關距京大近外人專恃此爲要挾正以朝廷久不修巡狩之典重於舉足彼族窺我所難動輒以此恫喝以後各國紛紛要求正不僅一日本又將何以應之爲今之計似宜擇腹省遠水之地如山西陝西等處建設行宮遇有外警則暫時巡行道路素治行殿素備則臨時不至勞擾夫然後濱海及邊關諸將可以放手攻戰毫無牽制顧忌彼若舍舟深入至三四百里之遠則四面環擊截其歸路必可大加殲除彼知我進退自如控制有策則要挾恫喝皆無所施

張文襄公全集

卷三十七 奏議三十七

三

京城從此安於磐石必如此而後可以不必遷都且我既備有巡行之地將來敵人卽不注意京城且可並無巡行之事矣此兵法所謂伐敵之謀者也以上九條非特遠慮實爲近憂惟需款浩大猝不易籌竊恐廷議必難於舉辦而臣區區之愚竊謂此數事乃中國安身立命之端萬難緩圖若必待籌有鉅款始議施行則必致一切廢沮自誤而後已今日賠款所借洋債已多不若再多借十分之一二及此創鉅痛深之際一舉行之負累雖深而國勢仍有蒸蒸日上之象此舉所借之款尙可從容分年籌補果從此有自強之機自不患無還債

之法且鐵路可令洋商包辦兵輪可令洋廠墊辦此兩
 大宗目前尚可不需現款如畏難惜費隱忍圖存將益
 為各國所輕侮動輒借端生事侵佔索賠一再相尋則
 天下之事有非臣子所忍言者矣譬如病亟而求醫藥
 雖赤貧告貸猶不能已何則身命能保何憂於貧當今
 之勢何以異此惟是以上所陳諸事猶其迹也若夫自
 強之本實在朝廷聖心時時以大局為可危則天下之
 人心警動而偷惰之習變聖心時時以此約為可恥則
 天下之士氣奮發而智勇之才生伏望我 皇上存堅
 強不屈之心勵臥薪嘗膽之志廣求忠直之言博采救
 張文襄公全集 卷三十七 奏議三十七

時之策將向來因循廢弛罔利營私膜視君國之習嚴
 懲切戒先令天下現有之人才激勵奮發洗心滌慮庶
 幾所欲措施之要務可以實力奉行所欲造就之人才
 可以接踵而起夫然後有成效之可觀矣仰懇宸衷裁
 斷早賜施行天下幸甚

密陳結援要策片 光緒二十一年閏五月二十七日
 再今日救急要策尤莫如立密約以結強援之一端從
 古各國角立之時大率皆用遠交近攻之道而於今日
 中倭情勢為尤切今日中國之力斷不能兼與東西洋
 各國相抗此時事機甚緊變故甚多即日夜汲汲征繕

經營仍恐不及若不急謀一紓禍之方恐無喘息自強
 之暇查外洋近年風氣於各國泛交之中必別有獨加
 親厚之一二國平日豫訂密約有戰事時凡兵餉軍火
 可以互相援助若無密約者有事便守局外不肯干預
 今欲立約結援自惟有俄國最便緣英以商股中國之
 利法以教誘中國之民德不與我接壤美不肯與人兵
 事皆難議此查俄與中國乃二百餘年盟聘鄰邦從未
 開衅本與他國之屢次構兵者不同且其舉動闊大磊
 落落亦非西洋之比即如同治庚午天津教堂之案各國
 爭鬪而俄國不與其事伊犁之約我國家將十八條全
 張文襄公全集 卷三十七 奏議三十七

行駁改而俄國慨然允從此次為我索還遼地雖自為
 東方大局計而中國已實受其益倭人凶鋒藉此稍挫
 較之他國袖手旁觀隱圖商利相去遠矣正宜乘此力
 加聯絡厚其交誼與之訂立密約凡關係俄國之商務
 界務酌與通融如俄國用兵於東方水師則助其煤糧
 其兵船可入我船塢修理陸路則許其假道供其資糧
 車馬一切視其所資於我者量為協濟面與之約定若
 中國有事則俄須助我以兵水師尤要并與議定若何
 酬報之法蓋俄深忌英獨擅東方之利中俄相結則英
 勢稍戢俄必願從總之中國惟海軍練成不易若有俄

相助將來無論何國尋衅數旬之內可以立發兵艦數十艘遊行東方海面則我得以專備陸路戰守之計而敵人亦斷不能為深入內犯之謀矣此尤交鄰之微權救急之要策也中國於外洋各國向皆一例齊觀此次遂無援助此等事須平日豫籌及今圖之萬不可緩應請旨敕下王大臣密行籌議並電出使大臣密速籌商妥辦惟萬不可使赫德聞知恐其忌阻誤事謹附片密陳不勝激切屏營之至

張文襄公全集

卷三十七

奏議三十七

天

張文襄公全集卷三十七終

衡陽江楫校

張文襄公全集卷三十八

奏議三十八

籌辦江南善後事宜摺

光緒二十一年閏五月二十七日

竊惟江蘇一省實為南洋要衝長江門戶江海兼防南北綰穀財賦所萃運道所關一省之安危實關東南之大局必宜戰守兼備乃可固此藩籬當去年海防喫緊之時臣奉命攝篆倉卒經營兵則新募於各省械則趕購於外洋礮臺補救而未遑兵輪整飭而非易不過以忠義激勵將士相機戰守惟力是視實無萬全之策今防務解嚴若蹈事過輒忘之習再不及此為綢繆牖戶

張文襄公全集

卷三十八

奏議三十八

一

之計設或海疆有事何以待之查江南奏准息借瑞記洋款現已陸續交收適值鎊價低減每鎊賣價僅合銀六兩六錢內外此款一百萬鎊九六扣除撥臺灣三十萬兩及未付外洋槍礮價一百餘萬兩外實銀不及五百萬兩此款係遵照戶部來電奏明由江蘇省鹽課釐金籌捐等項歸還是名為借款何異將本省自有之財提前應用必須為江省地方籌有備之謀方不致徒為江省庫款留無窮之累是以五月十八日電奏請旨敕部免予提撥奉五月二十日旨張之洞電奏已悉據稱瑞記借款已提用十二萬鎊餘擬留為裁撤勇營及練

兵開廠築臺之需請飭部勿撥他用等語現在善後諸事皆應次第辦理惟籌款艱難亦須通籌全局方能舉辦張之洞所擬用洋將練兵萬人開設槍礮全廠修改各處礮臺需款甚鉅著將一切辦法及需用款項詳細聲敘具摺再奏請旨辦理其湖北製造快槍現已造成若干是否合用著一併奏聞欽此值此時艱財匱宵旰焦勞且此款稱貸而得其間幾經周折備極艱難臣何敢不樽節動支稍涉揮霍茲謹就款籌維將江南善後緊要各事宜分條臚陳敬爲我 皇上陳之一各防營應裁應留均應立發鉅款也去年海防緊急江省南北

張文襄公全集

卷三十八

奏議三十八

二

兩岸及中路各衝要或並無防營或已有之營奉調北援必須增營填紮計前後添募百餘營均經奏明在案此時防務既定自應亟行裁撤以節餉需惟須次第辦理未便驟然全裁以致滋擾生事現已先撤三十餘營查照向章分別道路遠近酌給一月兩月餉銀分派官輪租輪送回原籍其餘除擇其將卒尙屬精整者暫行酌留外亦擬次第裁撤通核此項用數約需一百餘萬兩一急練洋操應豫行劃出全年費用也各省勇營習氣甚重亟須改換面目以求實際向來各省所習洋操不過學其口號步伐於一切陣法變化應敵攻擊之方

繪圖測量之學全無考究是買櫝而還珠也查陸軍以德國爲第一德國營制每一軍必兼有步隊礮隊馬隊工程隊數種合之始成一軍臣擬急練陸兵萬人營制餉項略仿德國卽以德國將弁爲營哨官因北洋原有訂安之德弁十六人當經電商署北洋大臣王文韶調來南洋教習臣又電商出使德國大臣許景澄添募三十人計七月杪可以陸續來華臣現到洋弁先將護軍營衛隊營勇丁教習操練臣親加閱視號令甚嚴功課甚勤兵勇則教以槍礮取準并拆卸修理之法繪圖測量開溝築壘之事操演時每勇丁隨帶槍彈及飲

張文襄公全集

卷三十八

奏議三十八

三

食衣裝一切具備與出戰時無異其操亦無定式大率皆分爲兩軍一爲官兵一爲敵人教以兩軍相遇攻戰守禦之法如此操演當有實用撥令洋弁先就江省現有各營中陸續挑選精壯樸實之勇另編營制上緊練習並不另招添新勇前半年先練四五百人半年後擴充添練至萬人期於盡除舊習精練能戰惟洋操法令森嚴奔馳勤苦勇丁必須氣體十分強壯者爲之臣親見各勇操練旬日後卽多告假辭退故餉項必須優厚令其飲食豐足每日肉食方能耐此勞苦據洋弁言洋兵皆係如此且終日馳逐登山伏地衣韉動輒穿敝西

法皆係官爲製備此外尙有應備工作行裝等件故一切費用較中國向章爲多計洋弁川資安家等費約需數萬兩每月薪水約需萬餘兩練兵口糧約月需六七萬兩其餘營房軍裝馬匹器具各項約需十數萬兩共計一年約需銀一百餘萬兩惟此項餉需甚鉅俟一年以後察其所練是否確有實用勝於舊日營勇再當設法籌款奏明請旨辦理一內地增設槍礮新式洋藥各廠宜指款籌辦也快槍快礮最爲行軍要需若仰給外洋必致糜費而誤事斷以自造爲宜惟上海金陵雖各有製造局金陵局規模頗小機器未備所出槍礮無多

張文襄公全集

卷三十八

奏議三十八

四

其設局之處四面皆限於地勢不能展拓僅能擇要需者酌添機器惟所出究不能多上海局雖較大惟所造槍彈礮彈水雷火藥及修理輪船門類頗多而不專壹並無專造快槍之機器故每一月出槍不過一百餘枝亦無造陸路過山快礮之機器至大礮則一年或出一尊兩尊不等且該局軍火須運出吳淞江後再行轉入長江若有戰事敵人以戰艦封口一切轉運立即束手南北各省皆難運濟實未盡善此次日本以長江爲各國商務之故約明保崇明以南之江口不保崇明以北故揚子江南洪得以轉運無阻若他國戰事則未必顧

忌也且日本若有崇明以北之新洪關入徑趨狼山通州一帶則江路仍然梗阻前此開局滬上祇圖取材便利未遑計及於此實屬可危臣以爲必宜於沿江內地添設槍礮廠則與外洋開戰時方能濟用湖北槍礮廠因去年槍廠被火後改造鐵料廠屋修補傷損機器甚費經營快礮所添新機洋廠因候樣礮屢經電催出使大臣尙未運到現就原機設法製造此兩項工作極爲精密目前機器初試工匠未熟綫路猝難較準現甫造成快槍式樣數十枝快礮式樣一尊車礮二尊均屬合用以後所出自可日多惟槍機曾經火灼其敏速之力

張文襄公全集

卷三十八

奏議三十八

五

稍減一年以後人器相習每年可造成槍七八千枝每年可造陸路過山兩種快礮百尊其地據長江上游堂奧深遼最爲穩固且上游可接濟川湘陝豫下游可接濟江皖等省旁通四達轉運甚便如江南另行擇地建造所費更鉅於接濟上游各省已不甚便擬即先附鄂廠添購機器廣爲充拓鋼鐵卽用鄂省鐵廠所煉除鄂廠原造之數外每年能加出快槍一萬枝無煙藥槍彈一千萬顆陸路過山兩種快礮二百尊礮彈二十萬顆湖北向無新式藥廠擬并造無煙藥棕色藥藥藥合足敷槍礮之用既與鄂廠相連一切繪圖儲料督工修

機合力相資諸可節省便易與出使大臣及洋廠互相考較合計槍礮架彈藥八項機器價值運保并造廠工料約需銀二百萬兩該廠可墊辦一百餘萬兩分十年給息歸還現銀約需一百萬兩一增修各要隘礮臺應指款備用也長江口之吳淞獅子林江陰之南北岸鎮江之南北岸圖山之南北岸舊有礮臺惟礮既不精臺尤無法每一點鐘一臺之上各大礮通計止能放數十出以此禦敵十分可危臣業經疊次奏陳臣於去冬今春督飭各該將領量爲補救修改至江陰之黃山小角山鎮江之焦山汝山另擇形勢酌添大礮快礮金陵爲

張文襄公全集

卷三十八

奏議三十八

六

省會重地豈可無守禦之具向無得力礮臺現於城北臨江之獅子山城外臨江之幕府山兼顧城內外之鍾山等處擇要修造此數處所費尙不甚多另行分起奏咨立案其江南之金山衛爲蘇松門戶江北之海州各口爲清淮屏藩最關緊要通州狼山以下濱江之龔家壩正扼白茅沙大沙之間沙洲紆迴輪船過此動輒擱淺沈沒最稱天險敵船夜間不能潛過船路距江岸最近不及二里此處扼守尤勝江陰向來設防均未議及此並無礮臺清江浦南北咽喉素稱重鎮亦應有陸路礮臺此數處萬不可少臣擬令洋弁測繪各就地勢修

造以固江海之防至長江門戶尤以崇寶沙一處最爲扼要該沙正當海口可以兼顧南北兩洪實爲長江鎖鑰西人論長江形勢皆謂宜於此處作大礮臺扼守方爲完固得要惟地勢平衍沙性鬆浮必須有鐵礮臺數座布置得宜輔以兵輪魚雷艇則可北護崇明南扼吳淞且獅子林礮臺苦於江闊船遠礮擊難到到亦無力無準若崇寶沙有臺則以崇寶之礮護江路而以獅林之礮護崇寶沙崇寶之礮臺既有援而獅林之礮臺亦有用海口既固則長江以內水陸防務均鬆不致有備多力分之患臣現向外洋訪延熟諳礮臺之將弁數人

張文襄公全集

卷三十八

奏議三十八

七

來江履勘籌議並擬自行前赴各處詳度形勢與洋弁商酌定議卽令該洋弁酌擬辦法繪圖定式估工監造約計以上各路購礮築臺極力節省非二百萬兩不可款已不敷如力實不及擬由外以及內先儘崇寶沙礮臺建造次則通州之龔家壩其餘需款較少或可俟從容籌辦通計以上諸大端就現借之款竭力籌辦能否敷用尙須隨時隨事撙節爲之設有不敷當另行設法籌措如再事提撥必至貽誤要需至海軍一事尤爲海防要義南洋向止有木殼兵輪質脆行遲礮械亦舊難禦大敵必應速設鐵艦快艦雷船以爲戰具庶免束手

受攻之患南洋必宜專設一軍不能與北洋共之海軍
有兩三枝方有奇正互用攻戰兼行之妙惟需款過鉅
應請朝廷通籌全局另行籌款大舉速辦業已另摺奏
陳竊惟江省關繫重要朝野皆知而礮臺之不足恃上
海製造局之不便轉運則人多未計及至於必須急練
精兵方能禦強敵則各省所同今借此鉅款自應急
爲懲前毖後之謀臣若不據實陳明力籌長策何以上
對君父下對軍民方今籌款如此艱苦臣身當其難必
當省嗇籌辦斷不敢稍有虛糜合無仰懇天恩飭部免
予提撥俾爲地方綢繆禦侮之計不特江南之幸實於
全局不無裨益

張文襄公全集

卷三十八

奏議三十八

八

硃批戶部議奏欽此

進呈湖北新鑄銀元並籌行用辦法摺

光緒二十一年閏五

月二十七日

竊臣於光緒十九年在湖廣總督任內會同湖北撫臣
譚繼洵奏請在鄂省設局鑄造銀元經戶部議覆奉旨
允准在案茲於光緒二十一年正月初七日承准總理
衙門初六日電開奉旨張之洞電奏與譚繼洵商明將
湖北銀元局歸南洋經理餘利協濟鄂省等語著照所
請辦理欽此當經恭錄欽遵辦理茲據湖北銀元局司

道稟稱鑄成銀元大小五種查銀元通行之道必須成
色無稍欠缺輕重不差銖黍最爲緊要關鍵若僅用市
面寶銀鎔化僅憑工匠酌劑斷難密合無差該局係購
用外洋銀條專募化學洋工師一人較準成色依法配
合製造計大銀元重庫平七錢二分其次爲兩開重三
錢六分又次爲五開重一錢四分四釐又次爲十開重
七分二釐又次爲二十開重三分六釐詳加考驗實與
市行外洋銀錢輕重相同成色亦好應即批解江甯節
發行銷等情前來臣伏查沿江沿海各省大率皆行用
洋銀歷有年所官吏商民習以爲便且各省制錢缺乏
自宜廣爲流布以濟民用而保利權除湖北省各局卡
釐金鹽課均准商民一律用銀元交納支發官款一體
酌量搭用按照市價核算前經奏明有案應即查照辦
理外所有沿江沿海各省通商口岸及內地商民應均
准其將湖北官局所鑄大小銀元與廣東銀元一體行
用一切聽其自然毫不勉強此爲民用其各口岸及內
地完稅納釐暨交納各項官款俱准以官鑄大小銀元
繳納按照市價核算經收之關道州縣委員如向解紋
銀者自易紋銀解庫如向解洋銀者即以銀元解庫其
應如何補平補水各處自有通行市價毫不抑勒務合

張文襄公全集

卷三十八

奏議三十八

九

官民兩不虧累此為官收至江蘇安徽江西三省行銷最易所有支發官項餉需工程物料等款亦按市價核算發給不稍畸輕畸重此為官放總之在今日鑄用銀元上尊國體下順民情中輔國法只須成色準分兩足華洋共信商民通行官款准其完納則無論支發何項官款軍民無不樂從該局事務經臣遴派道員蔡錫勇為總辦令其選擇廉潔詳慎之員參用洋匠督飭辦理至一切防弊之法當飭該局總辦隨時考核妥籌稟辦再戶部咨詢鑄本一節查此項銀元即係實銀現即於江南支應局借撥銀二十萬兩為購買銀條之用俟鑄

張文襄公全集

卷三十八

奏議三十八

十

成後即可以此銀元支發各款購買銀條循環無端有豫撥而無開支並無須另籌鑄本如湖北支放需用或由司局備銀換給或由錢店備銀領銷行之既久即可將湖北所收稅釐各項之銀元仍行發出行用亦無須另備鑄本其買機造局經費俱由湖北籌備鑄錢專款項下及外銷款湊撥前經奏明在案此後局費及修補添設機器各費俱由江南籌撥此時機器初開計每日可鑄銀五千兩一月後每日可鑄一萬四五千兩查現在所鑄式樣所議辦法俱係查照廣東湖北奏准成案辦理除先在江皖西鄂等省出示曉諭試行銷用外俟

奉旨後當通行口岸及內地各省關一體照辦茲謹將鑄成銀元大小五種分裝兩匣恭呈御覽
硃批戶部妥議具奏欽此

湖北鐵政槍礮兩局經費由江南撥解片光緒二十一年閏五月二十七日

再湖北鐵政槍礮兩局奉旨仍歸臣督飭經理查鐵廠開煤井煉焦炭煉各種精鋼熟鐵正在喫緊之際工需浩繁自今春以來經費已經罄竭而槍礮廠趕造五處廠屋試造槍礮經費不敷亦多實屬無從籌措部款支絀亦難請撥竊惟製煉鋼鐵自造槍礮兩事一氣貫通

張文襄公全集

卷三十八

奏議三十八

十一

實為今日講求武備最急之務萬不可稍有停待查江南籌防局歲有撥款係專為南洋海防修理兵輪礮臺購製軍械之用湖北鐵政槍礮兩局正為海防要需鋼鐵槍礮皆可濟南洋之用並非專為湖北一省而設自應通力合作以期早覩成功裨益大局現在鐵政局槍礮局所需經費即由籌防局款撥解濟用分別報銷

薦舉人才摺

并清單

光緒二十一年六月十八日

竊准部咨光緒二十一年閏五月十三日奉上諭當茲時事多艱尤應遴拔真才藉資幹濟著各部院堂官各直省將軍督撫等於平日真知灼見器識閎通才猷卓

越究心時務體用兼備者臚列事實專摺保奏等因欽此臣伏惟方今世變日亟需才方殷國家安攘兼籌則用人難拘一格竊謂朝廷獎拔所及似尤以志節清剛不染習俗者為先自足以挽回風氣激勵羣才茲謹就平日確有所知者臚舉上陳以備聖明裁擇器使其間或係引退閒居或係會絀吏議或係現為屬吏或係他省人員論其才性不盡相同然要皆志操皎然不隨流俗辦事切實不涉浮滑如朝廷任使各盡其長皆可以裨益時局謹繕具清單恭呈御覽

謹將遵旨保薦人才繕具清單恭呈御覽

張文襄公全集卷三十八 奏議三十八

十二

前臺灣布政使于蔭霖 該員品行端重器識闕深不畏疆禦而才具甚長復能理煩應變歷任湖北廣東司道所到之處政聲卓然吏民翕服實堪大受

前通政使黃體芳 該員直諒樸誠篤於忠愛好善惡惡一秉至公出於天性其品概風操中外皆知近年引病家居而關懷時事感慨憂憤心存君國每飯不忘聞其精力未衰若置之朝列當可砥厲僚采

前內閣學士陳寶琛 該員志趣遠大條理精詳於經濟要政洋務海防有關大局之事皆能研究通達遇事果敢有為不存退沮近年人才如該員者實不多觀無

論京職外任其設施必有可觀

前陝西布政使李用清 該員廉潔儉樸刻苦自勵遐邇皆知辦事誠篤勤懇不辭勞瘁雖其才具稍偏於拘謹一路然以之砥厲官方激揚流俗可以挽回風氣於今日時局自有裨益

四品卿銜前山西布政使林壽圖 該員學博才長練習吏事理財謹嚴慮事周密尚有老成風範近日兩司中如此等人才實不多見聞其精力尚強似不宜聽其閒廢

前翰林院編修梁鼎芬 該員志節清峻學行敦篤平

張文襄公全集卷三十八 奏議三十八

十三

日究心經濟仗直敢言頗能識微見遠眾論稱之其治事之才亦甚精敏使處侍從論思之職必能獻納竭忠念念不忘君國

五品卿銜前安徽合肥縣知縣孫葆田 該員讀書窮理為守兼優其居官勤政愛民不畏疆禦風操挺然官民敬服現引病在山東原籍主講書院似宜仍用為外吏政績必有可觀

新授安徽按察使趙爾巽 該員志趣清超才長氣銳於吏治民生殫心考求極力整頓迥異趨時俗吏之所為

江蘇候補道程儀洛 該員學術純正風骨卓然操履清廉謀畫切實前署揚州府官聲甚好委辦江西督銷局剔除浮費積弊一清臣到江以來屢有委辦事件該員立論必衷正道計事必為公家今世仕途中實為罕有之人論其器識才品將來可任司道以上

新授廣東惠潮嘉道陸元鼎 該員操守端謹政事勤明前任上海縣遇華洋交涉之事獨能堅持辯爭力伸民氣臣到兩江署任後委辦通泰等處團練於海口親到測繪獨見精詳切實復能激勵士民鼓舞有方不惟慈惠之吏實是辦事之才臣正擬優加委任適奉簡放

張文襄公全集 卷三十八 奏議三十八

西

惠潮嘉道之旨江蘇官場習氣頗深儻蒙聖恩他日將該員遷調回江實於江蘇地方有益

湖北漢黃德道惲祖翼 該員器幹恢闕才猷明決練事甚深而任事甚勇有關地方民生利害極力整飭皆中窾要不為難行之空談於洋務交涉事宜亦能操縱有法洵為有用長才

四川川東道黎庶昌 該員學有本源志量遠大出使東洋兩次最為該國人敬服該員於西洋各國政治商務交涉機宜均能考求透澈臣前在粵東時曾接該員自東洋來文為川商興辦火柴廠嗣到湖廣任後亦接

其自川東道來文為川商興辦紡紗廠具見通達時務極力保衛中國利權臣前遵旨保薦使才曾以該員應詔今東洋出使雖已有人若使充西洋各大國使臣必能有益

本任浙江溫處道袁世凱 該員志氣英銳任事果敢於兵事最為相宜雖其任氣稍近於伉辦事稍偏於猛然較之世俗因循怯懦之流固遠勝之今日武備方亟儲才為先文員知兵者尤少若使該員專意練習兵事他日有所成就必能裨益時局

奏調江南差委廣東候補道王秉恩 該員學識端雅

張文襄公全集 卷三十八 奏議三十八

五

志趣堅凝綜覈精實是其所長在粵歷辦善後補抽各局歲增鉅款確有成效其取與不苟卓然自拔於流俗之表洵可深信

安徽安慶府知府聯元 該員志操端潔吏事精詳廉退無競不隨流俗僚屬皆雅重之若為司道必能勝任江西瑞州府知府江毓昌 該員盡心民事表率有方屬吏敬之墨吏畏之於風俗波靡之時獨能矯矯自好成就可期遠到

旨留中欽此

增募各軍酌量裁汰摺 光緒二十一年六月十八日

竊前因東洋啟釁沿江沿海同時戒嚴江南本省防軍及安徽江西協防之軍奉調北上先後已數十營亟應增募分紮水陸兼備當經臣將增募各營派防處所先後奏明在案茲查和議既成自應酌量裁撤以節餉需惟營數既多必須逐漸裁汰資遣方免滋事輪船運送方可周轉到籍後始能陸續消散查調署長江水師江陰營副將許雲發現已奉旨簡授湖口鎮總兵亟須赴任所有該鎮統帶之南字右軍中左右湘勇三營及已革提督沈茂勝統帶之南字左軍中左右後湘勇四營記名提督王金榜統帶之金字皖勇五營記名總兵杜張文襄公全集卷三十八 奏議三十八 六

軍一營仍留三營又千總所帶沈陽勇一營裁去四百名仍留一百名以節餉需以上所裁各營原領軍裝器械號衣旗幟責成各統領轉飭營哨各官逐一查明分別繳儲清江鎮江餉械轉運局彙解省城應領月餉即分別截至五月閏五月止仍從優給予兩箇月恩餉由原帶營哨或添派委員押送至出境到籍日散發籍隸湖南者由鎮江轉運局分別配用官輪租輪運送至漢口岳州在輪船各勇按日各給火食銀一錢其已經離營在江候輪者每名並酌給小口糧以免滋擾籍隸廣東浙江者分別由鎮江上海搭坐商輪徑赴廣東省城張文襄公全集卷三十八 奏議三十八 七

嵩齡統帶之雲字湘勇五營均卽一併裁撤又前江西南贛鎮總兵王得勝統帶之海勝軍江北勇八營裁去四營仍留四營又調署瓜洲鎮總兵高光效統帶之南字中軍湘勇四營裁去一營仍留三營記名總兵張騰蛟統帶之騰字五營裁去三營仍留川楚勇二營又記名總兵李先義統帶之廣義軍粵勇六營先行裁去一營又總兵王心忠統帶之忠字皖勇五營裁去三營仍留兩營調回清江浦北岸駐紮又記名提督蕭鎮江統帶之滬防湘勇三營裁去新募兩營仍留原帶撫標滬軍一營又千總金滿統帶之滿字臺勇四營應裁去水

及台州分別遣散其餘各軍仍有應行裁撤者應俟陸續體察何軍最爲得力何軍易於訓練見效再行分別裁留

硃批該部知道欽此

請申明約章限制教堂買地摺光緒二十年六月十八日
竊承准總理各國事務衙門咨法國使照稱嗣後法國傳教士如入內地置買田地房屋其契據內寫明立文契人某某此係賣產人姓名賣爲本處天主教堂公產字樣不必專列傳教士及奉教人之名立契之後天主堂照納中國律例所定各賣契稅契之費多寡無異

賣業者無庸先報明地方官請示准辦又准咨法使照稱教堂在內地買產一事請通行各督撫自行出示曉諭自用上憲印信廣為張挂各等因臣伏查教堂在內地置產地方官不得預聞流弊滋多或有礙公所形勢或有妨商民生業以及界址不清之地歷年膠葛之產地痞句串朦混成交訟獄繁與釀成巨案華民固受累無窮洋人亦被欺枉費且於中國地方官管轄土地之權亦大有妨礙查近年各國教士皆援引法國續約第六款有並任法國傳教士在各省租買田地建造自便等語以為藉口殊不知法文續約並無此語且法約第

張文襄公全集

卷三十八

奏議三十八

六

四款載明白今以後所有議定各款或有兩國文詞辯論之處總以法文做為正義是法文所無中文雖有仍不得援以為例臣嘗見光緒十二年美國議院所刊各國交涉政書有美使田貝致外部一書光緒十二年九月十二日即西歷一千八百八十六年十月初六日由北京發所論此事最為公允謹撮譯大意云法約華文載各省租買田地建造自便二語法文並無此語亦無一字一句可強譯為此義者不知當日華文約內何以增此二語殊不可解美國教士每欲援引此約歷任使臣多不謂然謂法國未立約以前內地已有教堂中國

有不得不允其買地建造者別國則不可一概而論且在內地居住亦甚有不便者是以英國政府不欲堅執教士入內地居住之說惟中國地方官既自願聽其在內地買地建堂居住即應一體保護如有被人擾害外國自不能漠視不理如中國官不願教士入境儘可照約商辦但不應擅行驅逐庶合於理所謂在內地居住亦甚有不便者何也外國人在中國內地不歸地方官管轄其間良莠不齊在外國已然在中國何獨不然自不能無非理犯法之事使各國能在內地遍設審司官長執法以斷其曲直而懲其暴戾則居住內地自可無

張文襄公全集

卷三十八

奏議三十八

九

弊今各國既不能在內地處處設官而中國地方官又無權以管轄之其勢不能不限定外國人居止處所使居於通商口岸有洋官以管轄之庶可歷久相安而無流弊本大臣之為此論並非有所貶責於教士特準情酌理期有以補偏而救弊耳在教士以勸善行道為心未必遽有不法之事本無可議而自國法視之教士亦齊民耳但當論其守法不守法不復計其存心之臧否與執業之貴賤也等語由此觀之是內地置產居住一事各國本無可爭之理亦無必爭之意前湖北利川縣教堂買地一案法領事悻悻來見詞氣暴橫經臣援引

指出法國條約法文並無准其買地之語明白揭破嚴詞駁斥該領事竟無詞以對氣餒立沮默然而去是其明徵自後遂不復引約糾纏今法使乘東洋有事之時復以教堂置產一事要挾並聲明賣業者無庸先報明地方官請示准辦總署自係因結援方急未便重拂其意是以允其所請咨行各省出示曉諭並轉飭地方官一體照辦外省自惟有查照辦理礙難更改然聽其私買私賣地方官概不預聞誠恐地方從此多事種種棘手自不可不設法補救既弭民教嫌釁且可保中國地方官轄地之權臣詳核法使文中有照納中國律例所

張文襄公集

卷三十八

奏議三十八

三

定各賣契稅契之費多寡無異等語是彼亦知不能明言侵中國轄地之權不能廢稅契蓋印之事查光緒十一年粵省所譯英例全書載購產來歷不清而故為隱飾是騙詐也買約作罷論買價追回又云地有關於眾用者不知而買買約可廢又云立契約不法其故有三皆可從一傷德二礙分三騙詐均有罪名等語是各國購產條例遇有來歷不明串買盜賣經官查出契據作廢且須罰辦此為國家管轄之權萬國公共之理中國固不能捐棄此權教士亦豈能違背此理應請敕下總理各國事務衙門與法使訂明將上項所引法文約章

外國條例切實告知中國近年准教堂在內地置產乃我願睦誼加厚格外通融惟建造自便之語法文本無此言自不能不示以限制以符公例此後教堂購產雖無須先報地方官惟稅契之時須由地方官查明果係此地毫無違礙葛藤明買明賣兩造情願地方官自必照章稅契用印斷不致無端阻止勿庸過慮如遇來歷不明侵占盜賣纏訟未清有妨公用種種弊端一經查出或別經告發即將契暫留速告洋人萬勿付價地方官當秉公持平照例查辦如欺誑得價者退繳原價將契作廢教士亦不得恃勢袒庇如此則侵占盜賣之弊

張文襄公集

卷三十八

奏議三十八

三

除而爭訟之端亦少庶地方官得以認真保護民教得以歷久相安囑其飭各教士一體遵辦凡此皆情理兼盡確有根據之言法使似不能不允俟與商妥通行各省使地方官有所遵循或可挽回於萬一

殊批該衙門議奏欽此

江蘇捐輸請留專濟北軍餉需南餉並不用摺

光緒二十一年七月

竊准部咨議覈推廣捐例一案行令將實官虛銜分別造報請將虛銜歸籌餉新捐所收捐款准其一半留用一半聽候部撥實官應歸新海防捐所收捐款均應全

數解部不准截留等因當經咨行遵照去後茲據總辦
籌餉勸捐江甯布政使瑞璋等稱江甯紳富捐輸仍請
准獎實官業經詳請具奏在案惟存留報撥一節前因
倭事初起東北用兵欽奉諭旨飭令就地籌款經本任
督臣劉坤一酌議官報捐紳富捐典息捐章程三條聲
明一半留備部撥一半留為本省籌防之用奏奉硃批
戶部議奏欽此經部議覈如有紳富捐銀一萬兩以上
者准專摺奏請特恩獎敘其在一萬兩以下及典息捐
錢俱准照新海防例獎給實官虛銜封典暨准移獎子
弟以昭激勵並稱集有成數趕緊報部分別留用備撥

張文襄公全集

卷三十八

奏議三十八

三

等因於光緒二十年十月十二日具奏奉旨依議欽此
咨行前來則是江南籌餉局所收紳富之捐一半留用
一半候撥久經戶部議覈奉旨允准在案本與他省情
事不同惟因本任督臣具奏之時僅止陳湜程文炳兩
軍奏調北上用項無多此項捐輸專為本省籌防是以
僅請留半嗣後防軍奉旨北調合計多至五十餘營月
餉之外又有車駝皮衣及柴米價津貼踵事而增繁費
無算月計已需銀二十餘萬兩加以本省招補增募江
海兼防水陸一百餘營月計又需銀數十萬兩又以重
價密購大批軍火分濟前敵諸軍節次議立購運等局

運送餉械費用太繁是以又有詳請全數截留之奏查
每日所收捐數率算不過五六萬兩即以全濟北軍亦
僅敷月餉十分之二三則所請南省分半之說止係奢
望空言並無濟用之實乃因湖南開辦籌餉新捐部議
照順直賑捐給予虛銜獎敘及因議覈江西紳富捐輸
請獎一案咨令實官歸新海防捐虛銜封典等項歸籌
餉新捐實官捐全行解部通行各省照辦奉文之始竊
以為湖南江西在腹地並無海防固與南洋迥異且續
奏之案似與先經專案奏准者不同前項通行江南應
不在內今奉部咨亦令一體照辦不勝傍徨焦灼細釋

張文襄公全集

卷三十八

奏議三十八

三

歷奏部文海防捐實官舊例也籌餉新捐獎敘虛銜等
項議覆湖南通行之新章也江省紳官等捐准照新海
防例獎給實官分半留撥則又奉准覆之專案也今以
江西駁案而令江省亦分別虛銜實官一歸籌餉案內
造報一歸海防案內造報歸籌餉者一半留撥歸海防
者全數報解是原奉部議尚係不問虛銜實官准留一
半今改為虛銜准留一半則可留者益少夫以江蘇一
省供支南北各軍餉需之鉅若彼而本省准留捐款之
微若此竊恐杯水車薪於餉路無濟矣現在海防雖已
解嚴而目前之月餉與夫裁營資遣等費尚屬不貲每

月奏解北軍餉項十分爲難屢向東征湘軍兩糧臺挪借墊欠爲數甚鉅尙須設法籌還若再欲騰出捐款報解更屬無從措手卽如安徽北上練軍奏動漕折湖南奉調勇營奏動庫款他省正項尙准留撥乃獨至江省捐款係由外省勸導所得轉不得留爲供支軍餉之用查此項捐款既係供支軍餉爲戶部省餉實與解部無異乃亦不准留用較之湘皖成案似未持平且原議兩歧外省無所適從諸事艱於籌辦等情詳請具奏前來臣覆查江南用繁餉絀委係實在情形所收捐款准獎實官須分半留用原係部議覆准且此款不過奏解奉

張文襄公全集

卷三十八

奏議三十八

三

調北餉二三成江南並未支用是今日並無用之事實與全行解部無殊合無仰懇天恩俯念奏准有案准全留江省專以湊撥北軍餉需至江南本省軍餉斷不分期其半以贍征軍而符原案如將來收數暢旺每月可收十萬兩以外必當劃出解部斷不敢再行請留似此另擬辦法其迹雖係請留江省供支其實與部臣慎重實官注意近畿餉需之意尙不相左不勝急切待命之至

硃批戶部議奏欽此

查明德馨參款摺

光緒二十一年七月初六日

竊臣承准軍機大臣字寄光緒二十一年閏五月十三日奉上諭有人奏疆臣貪婪荒縱據實糾參一摺據稱江西巡撫德馨利慾薰心宴樂成癖傳通內外消息以門丁吳子昌爲首幕友朱姓助之元泰仁錢號經手過付屬員中則何其坦朱士林王書臣皆託腹心招權納賄萬載縣知縣周鳳藻貪滑巧詐屢有控案以重金請託得免上饒縣知縣朱錫祁藉訟婪贓該撫反濫行保薦去年冬間大作生日收受禮儀演戲月餘請飭查懲處等語著張之洞按照所參各節秉公確查據實具奏毋稍徇隱原摺著鈔給閱看將此諭令知之欽此遵旨

張文襄公全集

卷三十八

奏議三十八

三

寄信前來等因當經密委廉幹之員分別馳赴江西省城及萬載上饒等處按照原參各節分條逐一確查去後茲據各委員查明先後回江稟覆稱原參該撫索賄視缺之肥瘠定價之高下至傳通內外消息以門丁吳子昌爲首幕友朱姓助之元泰仁錢號經手過付卽部選或序補者到任後非酌量獻納若干不能安居其所派釐差亦然加之性耽娛樂尤嗜聽劇時常傳集上海名優入署演唱自製鮮明戲具衣裝見者譁然去年該撫因辦軍務奏請學臣監臨鄉試乃於八旗會館演戲一月冬間遼南州縣失陷該撫猶大作生日收受禮儀

演戲又經月餘各節詢諸江西官吏商民僉謂該省官場有欲得優缺優差或欲圖調優及久任者多由營求而得如南昌臨川豐城廬陵鄱陽高安清江樂平上饒奉新新昌玉山吉水太和廣豐贛縣萍鄉萬載安福浮梁金谿南城等縣各優缺於撫署皆有應酬尤須先送門丁吳子昌門包託其關說人言藉藉第究竟何人何時因何事賄賂若干獻納之錢物是否該撫所收抑係丁幕所得則查無實據至元泰仁錢號向爲各州縣經手錢糧上兌今行賄之人查無實據其過付與否更難得實門丁吳子昌現因事遣之進京未回所稱助吳子

張文襄公全集

卷三十八

奏議三十八

三

昌傳通消息之朱姓幕友係朱文藻卽朱翼卿先在撫署辦理營務三年前因遭物議太甚已捐道員赴皖候補撫署現無朱姓幕友上年鄉試時在會館演戲多日有因迎送公議者尙非概係該撫自行演看十一月二十七日該撫生日作壽頗收禮物先於十一月望後派祥臨輪船赴九江拖帶上海名優到署內演戲往年生日有演戲至月餘者上年止演戲十餘日亦無月餘之久戲價皆由屬員折價致送傳聞每戲一本折銀五十兩每逢生辰屬員每人或送十本二十本不等戲具衣裝有人所致送者亦有自行添製者署內向有數人能

唱能演凡遇演戲卽用此衣具遇有赴會館等處聽戲卽自帶戲衣戲具前往以致見者駭笑又原參屬員中何其坦朱士林王書臣三人均與門丁吳子昌狼狽爲奸攬事舞弊一節查悉何其坦先由佐雜充當巡捕最爲該撫所喜上年署新建縣題補餘干縣本年調署南昌首縣兼充文報電報等局差慣事鑽營巧於迎合與門丁吳子昌狼狽爲奸攬權納賄遂致聲勢赫然朱士林本缺德安縣現署新建首縣近已調補臨川縣亦與吳子昌朋比爲奸誠如原參所謂專通消息取媚營私者也王書臣因善於詞令慣事逢迎現當巡捕與吳子

張文襄公全集

卷三十八

奏議三十八

三

昌通同一氣勢所難免又原參萬載縣知縣周鳳藻貪滑巧詐署中火食幕友脩金一切索諸門丁縱容門丁爲惡屢有控案以重金請託得免一節查周鳳藻素性貪鄙家丁所得錢物該員與之三七分用以劣紳杜姓辛姓朱姓爲爪牙遇有案件先說使費家丁與劣紳擇其案中有錢之人多方訛詐需索如願始得到堂到堂之日又有堂費破家者指不勝屈萬載之民言之無不切齒署中火食由稅契家丁繳六成管案門丁按事照派至幕友脩金亦由各行家丁派送此門丁縱容之所由來也該員用其族人改名高寶樹爲門丁一切由其

主持又將高寶樹薦與首縣朱錫祁爲門丁萬載則由高寶樹薦張姓爲幫手高寶樹每月回萬一次常住省中以通各署消息上控之案甚多情節最重者如北門外徐姓爭地殺死二命小北門袁姓因積穀細差到府門丁因禁用小錢誣民重罰罷市三日南鄉第一區高村地方彭姓妾謀死大婦陳氏聞因該員受賄以致上控亦未審明屢有委員均未見其完結前數月稅契用印少四十六張亦有上控委員到縣亦未完結眾論皆謂該員要錢亦用錢請託至用重金請託何人原參未指明何案無從查其實據然既派高寶樹住省與各署

張文襄公全集

卷三十八 奏議三十八

三

營兵關至府署經廣信府知府委員訊問分別遣散其時百姓乘機洩忿指明該門丁平日所得贓款勒令交還該門丁見勢不佳將期票一一退還現銀有未全退者至賭案查無其事或卽與營兵滋鬧之訛傳此案因廣信府額勒經額據實通稟該撫遂將額勒經額與缺分較次之臨江府王之藩互相調署又原參高寶樹卽知縣周鳳藻之姪更姓名充當門丁一節查高寶樹係江蘇江都縣人確係本姓周與周鳳藻是一家惟是否叔姪及其本名爲誰一時猝難得其底蘊該門丁由周姓捐有官職或云知縣或云同知通判江西省城置有

張文襄公全集

卷三十八 奏議三十八

三

之劣幕及不法家丁串通自係爲營謀請託無疑又原參上饒縣知縣朱錫祁貪暴異常信用門丁高寶樹藉訟婪贓因賭發覺委查有案該撫濫行保薦一節查朱錫祁慣事貪緣貪暴尤甚其在上饒縣任內遇事任性用刑極重卽如答責之案動輒一二千板甚至有四五千者怨毒之聲盈於道路眾人稱高寶樹爲高老爺詐贓甚多原告一進衙門不問是非曲直先索八十幾箇禮每箇禮計銀一兩四錢被告亦如之不與者收押如劉正大布店等均受其累上年十月間該縣城守營兵在外巡夜因高寶樹包妓玉山縣姚妓起擾高寶樹與

冀久於其任再調優區該撫性喜逢迎遂不能概行拒絕加以素習驕奢性耽娛樂荒於觀劇遠近皆知前數年經言官劾有案上年冬間軍務緊急京畿戒嚴宵旰焦勞沿江各省亦正籌辦防務乃於此時仍復自上海遠召優伶兼旬演唱一味酣嬉殊非疆臣憂國勤職之道至優缺屬吏以代備戲價為名折送多金每年生辰餽送壽禮平日亦間餽送珍物皆門丁吳子昌經手難保非該門丁藉名撞騙從中乾沒而門丁之攬事有權婪索無忌則已毫無疑義至何其坦朱士林等同僚鄙惡而倚為腹心同任首劇周鳳藻朱錫祁等民怨沸

張之襄全集

卷三十八

奏議三十八

三

騰而優加委任或予保薦曾在該撫幕中之朱文藻則以招搖滋議是該撫之門丁幕友巡捕首縣及所賞識之州縣無一非貪劣之人則該撫用人之是否公允政事之是否勤明自在聖鑒之中似此荒縱廢弛專喜逢迎縱容門丁信任劣員以致吏治濁亂官方蕩然民冤不伸怨謗盈路臣實不能曲為之諱其應如何予以處分之處伏候聖裁至餘干縣知縣何其坦德安縣知縣調補臨川縣朱士林詔媚鑽營招搖漁利萬載縣知縣周鳳藻貪婪鄙劣荼毒地方候補知府前上饒縣知縣朱錫祁以暴濟貪縱丁害民應請旨將該四員均予卹

行革職候補知縣王書臣卑陋迎合不知立品惟查無為惡實蹟應請旨以從九品降補安徽候補道朱文藻前在江西撫幕物議甚多斷不宜玷監司之職應請旨以州同降補門丁吳子昌干預要公攬權納賄應飭查明真實姓名籍貫通行嚴拏懲辦又門丁高寶樹即周寶樹為惡多端冒捐職官應請飭下吏部立案俟查明報捐姓名職銜再行咨部斥革並通行各省將該門丁緝拏解歸江西究明詐贓各案按律懲辦一面將其江西省城所開錢鋪先行查封此外江西貪劣不職各員容臣查明隨時奏請懲處其上控未結各案臣當飭江

張之襄全集

卷三十八

奏議三十八

三

西臬司督催秉公審結以肅官方而恤民隱殊批另有旨欽此

續裁營勇摺

光緒二十一年七月初八日

竊查防務解嚴增募各營自應分別次第裁汰業經裁撤三十二營零四百人奏明在案茲查前江西南贛鎮總兵王得勝所統之海勝軍江北勇裁贖四營應即全裁署蘇松鎮總兵王衍慶所統之霆慶軍湘勇五營應汰弱留強裁去兩營仍留三營其兼統之崇明縣原有鎮東營海澄營共兩營一併裁撤又前雲南鶴麗鎮總兵朱洪章病故所部章字軍湘勇十營經臣飭委記名

提督譚會友代統應將此十營內汰弱留強裁去五營
又遊擊黃守忠所統之廣中軍粵勇四營應即全行裁
撤又千總金滿所統之滿字營臺勇裁贖三營應再裁
去中左兩營仍留一營記名提督謝得龍所統之鶴字
軍湖勇六營應汰留精銳裁去四營即令該提督統率
同至湖北遣散仍留二營淮揚海道謝元福所統之浦
勝軍江北勇馬步三營應裁去步隊兩營仍留馬隊一
營以資巡緝其月餉分別於六月七月截止仍照各勇
原籍省分遠近照章賞給恩餉兩箇月以資行糧並分
別租雇商輪官輪在船發給火食即飭各該統領營哨
張文襄公全集卷三十八 奏議三十八 三

員弁押送回籍妥爲遣散仍將原領軍裝器械號衣旗
幟等件繳儲各局所驗收計此次續裁共二十五營此
外現存各營仍俟體察情形如有應行裁汰者再行妥
酌接續辦理

硃批該部知道欽此

張文襄公全集卷三十八終

新城王樹森校

張文襄公全集卷三十九

奏議三十九

查覆煤鐵槍礮各節並通盤籌畫摺
光緒二十一年八月二十
日八

竊臣將鐵廠槍礮廠造成式樣分別進呈咨送並陳分
別籌款撥款各事宜正在具奏間欽奉八月初九日電
旨有人奏湖北鐵政局與大冶產鐵處相距甚遠以致
鐵價太昂且近處並無佳煤煉鐵未能應手查湖南北
商民以鐵廠爲生業者極多不患鐵之缺乏而患鐵質
不良鐵價較貴鐵政局犯此二弊即難收效等語鐵政

張文襄公全集卷三十九 奏議三十九 一

局經營數年未見明效如快槍一項至今尙未製成著
張之洞通盤籌畫毋蹈前失欽此訓諭諄切莫名感悚
茲謹將鐵廠槍礮廠工程艱鉅現已辦成情形敬爲我
皇上陳之一產鐵遠近一節查開設煉鐵爐若論常法
自應於煤鐵相連處設之惟地理物產不能一律巧合
則亦難盡拘大冶有鐵山而無上等佳煤江夏縣屬馬
鞍山有堪煉鐵之煤大冶在下游江夏在上游且原慮
鄂煤不敷擬添用湘煤湘煤自湖南來亦在上游故廠
設漢陽適居其中以期兩就漢陽近接漢口於行銷較
便又近武昌省城於督察工程較便且前數年大冶鐵

山鐵路未造成則大爐機器斷不能運至鐵山左右洋匠亦不能深入此等要工鉅款若非近在省城之外臣及總辦大員不能親往督察則經費必難核實竣工更恐無期是以酌設漢陽以上各條前於光緒十六年開辦時詳晰奏明在案此限於鄂省地勢又參酌中國人情無可如何查德國克虜伯廠煉鋼煉鐵爲地球第一大廠其鑽石自西班牙國運來遠在數千里之外較其遠近難易實覺此勝於彼多矣此原奏所謂鐵政局距大冶產鐵處太遠尙未悉鄂廠籌辦原委情形也一鐵價一節鐵廠距鐵山雖遠然陸有鐵路水有輪船船馬

張文襄公全集

卷三十九 奏議三十九

二

頭裝卸又各有起重機均屬利便合計鑽石運費尙不爲貴原奏謂鐵價太昂未悉何據至物價之嫌其太昂者謂其較同等之貨時價加昂難於銷售也查鄂廠所出之鋼鐵去年以生鐵一千餘噸鋼及熟鐵二十餘噸發至上海耶松洋廠及義昌成洋行試銷生鐵每一噸給價規銀二十二兩熟鐵每條每一噸給價六十七兩貝色麻鋼西門士鋼條每一噸均給價七十八兩較之洋產銷價大約相同惟生鐵較洋價減少若全廠專製精鋼熟鐵則甚有盈餘查外洋鐵貨精鋼一噸值銀在百兩以外作鍋爐鋼板作船料鋼板一噸值銀一百五

十兩以外通行礮鋼值三百兩以外製鑽刀彈簧各件之鋼值五百兩以外快礮鋼及克廠礮鋼值千兩以外鄂廠現在造礮之鋼較外洋通行礮鋼已不相遠以後器備工熟則鋼必愈精今洋行於鄂廠鋼鐵必較洋產壓價然猶肯給如此善價足見製煉精良可敵洋產將來正可日闢利源何以言者反嫌其昂乎此臣竊所未解也一佳煤一節光緒十五十六十七等年派德比各國鑛師及委員鑛學學生分投查訪煤鑛前後五六次所到不止數十處湖南佳煤甚多而土人成見素深斷不能運機器往開更不能派洋匠往辦湖北本省當陽

張文襄公全集

卷三十九 奏議三十九

三

巴東長陽興國廣濟蒲圻等處煤窿均經詳查或煤質不佳或煤層不厚或距廠太遠惟大冶之煤苗最多江夏馬鞍山之煤質較勝是以兩處分開大冶於王三石道士洲明家灣李士墩等處分別下鑽開井十餘處惟王三石煤層較厚購置各種大機器開采兩年已得煤不少忽然脫節若論西法即應加工窮追縱橫開鑿以必得爲度然限於財力只可停辦興國富山頭之煤甚旺亦可煉鐵以運道水路不便試辦數月亦遂停止馬鞍山則煤質甚佳正合煉焦炭化鐵鑛之用今煤井已深至三十餘丈三層橫窿已經開通煤層厚二丈數尺

正在橫開煤巷每日出煤以後自可日出日多李士墩以經費支絀之故僅用土法酌參西法作斜窿鐵道開采此窿係煙煤甚旺能合鍋爐之用亦甚有益相連有一窿係油煤可煉焦炭因經費為難暫用土法未購機器大舉原奏謂近處無佳煤實有未確一煉鐵未能應手一節臣因鄂境佳煤難得故原議擬將江煤湘煤參用久經奏明查煉鐵須有佳煤煉焦炭尤須有佳爐該爐火甄皆須購自外洋破碎補換需費需時製造繁難尤費時日先已購置洋焦炭爐一分計三十五座設於馬鞍山以煉該山自采之煤去冬造成本年春間試火

張文襄公全集

卷三十九

奏議三十九

四

開必可供用目前煤巷尙未開竣出煤尙略有不敷而今年湖南天旱水涸為歷年所無煤船難到因并添購開平焦炭湊用核計經費總勝於停工不煉故七月內已復開生鐵大爐此後若經費充足自無慮煤不應手一兩湖土鐵一節湖南產鐵處甚多惟土法所煉生熟鐵質粗而材小僅可製造民間平常器具若製械造軌以及船料廠屋各種要件斷不能用至土鐵價尙不貴所患在不合用而不在價值也原奏謂鐵政局犯此二弊未解其指一鐵政局經營數年末見明效一節查鐵廠各事以開煤為最難開煤之難尤在鑿石抽水兩端

張文襄公全集

卷三十九

奏議三十九

五

燒熱煉出焦炭均甚合用嗣已續購洋焦炭爐一分亦三十五座設於漢陽廠內以煉購來湘煤因經費難籌去冬始行訂購現甫運齊造成約六七箇月又於廠內令洋匠參用中西法造小甄爐百餘座以濟其缺此由原擬攙用白煤故購爐較少以節經費繼於開煉後驗得白煤與原有風機不相配合而廠內自造之土爐所煉焦炭耗多質鬆仍不合用故不得已暫停化煉生鐵又續購洋爐此由因煤配爐且期節省之故致焦炭爐不能早成現在已成之焦炭爐可供生鐵一爐之用若七十座全成以後半用鄂煤半用湘煤則全廠機爐俱

寬大須並容開井之人下入抽水之器上出橫窿亦寬須容人身植立煤車出入中鋪鐵軌凡此直井橫窿所開皆堅石非泥土也每日用壓氣機炸藥開鑿多則尺餘少則數寸中間又時有修機清窿抽水等事停歇間斷至抽水之機往往水來過多機力不及又須添換續購橫窿堅石既盡乃與煤遇若直井則須逐漸加深雖百丈以下皆堅石也橫窿開通以後又須先開一里外極長煤巷然後取煤則自遠而近煤窿不致坍塌至於洗滌煤中雜質磺氣則須有洗煤機器運煤至數里外水邊上船則有挂鐵綫路煉成焦炭則須有洋火軚焦

張文襄公全集 卷三十九 奏議三十九

六

炭爐各件皆極闊大工用又極精細軚破則須向外洋運購或造配稍不如法則須拆改補救勢難求速即如開平煤礦興工至五六年用款已二百餘萬始有可售之煤該廠係商人自辦斷無不趕工節費之理其難可知今馬鞍山已出煤煉炭計工料轉運各費每焦炭一頓合銀四兩餘若購湘煤至漢陽廠內之洋焦炭爐煉成焦炭每頓合銀六兩餘若外洋焦炭自運每頓價銀十七八兩滬買每頓價二十餘兩開平焦炭上海售價每頓十一兩餘彼此相較所省甚多雖從前鑿井購機勞費甚鉅而今日已收其利矣至鐵廠各種機爐前託

出使大臣劉瑞芬向諦塞廠訂購該廠價雖不昂而物多未備經洋匠白乃富於機到後隨事查明逐件增購至臨開爐時又經專管生鐵洋匠呂柏逐一考較復增改多種其中更有多件係就鑛性煤質燐磺分數及產鑛產煤之處所鐵廠馬頭之地勢爐座煤炭之風力火力酌量配設本非洋廠遺漏者亦非初估洋匠所能豫知者逐一購造層遞修合乃底於成自不能不需時日今自開之煤可燒焦炭自燒之炭可化鐵鑛自煉之鋼可造路軌槍礮可得洋行善價鐵廠之效似不外此若時多費鉅委係創舉之難外洋創設一事固皆不惜累

張文襄公全集 卷三十九 奏議三十九

七

年工力財力而成之者也一通盤籌畫一節鄂廠若生鐵兩爐全開每日可出生鐵一百餘頓其貝色麻鋼廠西門士鋼廠熟鐵廠三廠並煉每日可出精鋼熟鐵共一百餘頓每年可出精鋼熟鐵三萬頓以七十八兩之價核計共值銀一百四十萬兩即價有漲落或所出鋼鐵不足此數亦可直銀二百萬兩惟全廠各爐并開每年須經費銀一百六十萬兩洋匠白乃富原估每月一爐需銀五萬兩兩爐需銀十萬兩乃係專指生鐵廠而言若生鐵開一爐而熟鐵貝色鋼西門鋼軌廠鐵貨廠各機爐照生鐵之數酌開每月約需銀七萬兩若生

熟鋼鐵各機爐閘廠全開需十三萬餘兩亦係白乃富所估且須添煉罐子鋼機爐軋鍋爐船料鋼板機壓工字鐵料機拉釘子料鐵條機打風機大蓄水池東生鐵爐起重機搬運機吹風高白爐二座馬鞍山煤井開深抽水機李士墩煤礦鐵山鋪鈺鑛兩處之挂鐵綫路抽水壓氣等機運鑛車約需銀四十餘萬兩若不添以上各項機器則廠中鋼鐵不能全行造成鋼板鋼條等鐵貨勢難廣為行銷銷亦難得善價每年即不能銷至二百萬兩之數蓋機器愈備則出貨愈速製造愈精所值愈多成本愈輕若慮此項精鋼熟鐵各省一時不能全

張文襄公全集

卷三十九

奏議三十九

八

造槍礮鋼料之機器而鐵廠機器係造鋼貨鐵貨與造槍礮之鋼相去尚遠臣謂此終非長策因又添購壓礮鋼大汽錘試槍礮鋼拉力試槍礮速率各機器並督飭局員會商洋匠研求配合將及一年之久乃得一法將熟鐵煉作西門鋼始可供槍礮料之用此各項機廠隨到隨作工程並無耽延無如槍礮廠內即分五大廠需軋過多又值鐵廠煤井鐵山布局銀元局紡紗局繅絲局同時並造漢陽廠內自設一軋廠武昌金沙洲又設一軋廠大冶之下陸村又設一軋廠仍不能供用而武漢沿江上下可設軋廠之地甚少因將百里內民間軋

張文襄公全集

卷三十九

奏議三十九

九

三百餘次工夫故各機須於安好運動造出各件以後
一一較準有無疵病出入酌量修補配合尙須三箇月
方能較畢然自六月起已隨較隨造參用人工已造成
新槍各送督辦軍務處其餘礮廠及架彈各廠亦均先
後竣工開造車礮快礮現已造成驗過快礮彈已造過
二千顆去冬撥解關外愷字營及今年解濟甘肅應用
總之槍礮五廠出械之遲由於待機待甄又由槍廠被
災重修自造鐵料之故以致遲一年有餘始能出械天
時人事出於意外無可如何大率製造槍礮一事工作
理法雖極精密而廠事究係專門無甚變換曲折與鐵

張文襄公全集

卷三十九

奏議三十九

十

廠難易大小迥乎不同以後自可源源濟用以上各節
所有工程機爐煉成鋼鐵開出佳煤煉出焦炭製成槍
礮皆係萬目共覩之事不能稍有含糊隱飾至於工作
之繁重外洋購料之周折分設各廠之遠闊華匠學製
之艱難亦皆鑿鑿有據之事從來身居局外者既非身
習其事又未目擊其難往往以道路傳聞之語懸揣苛
求凡有關西法時務之舉或則墨守舊法以爲不必辦
或則言之甚易視爲不煩鉅款而辦不需多日而成此
乃風氣未開之故固亦無足深辯至兩廠用款部臣屢
以糜費虛擲爲戒夫以籌款如此艱苦臣身當其難豈

有不力求樽節速成之理數年以來督飭各局員事事
考核款款審慎可省則省可緩則緩斷不敢稍有虛糜
查光緒十五年海軍衙門原奏估計造鐵廠之費需銀
二百八十萬兩係專指煉鐵之廠而言今鄂省兼辦造
鐵廠開鐵鑛開煤廠三大端事增則用廣勢所必然臣
惟有竭此愚誠實事求是以期稍有萬一之補於國家
其是非得失聖明在上微臣更何容妄置一詞以後利
弊事宜既奉旨飭令通籌竊查煉鐵廠一事外洋各國
視爲極重極要之舉尙在製造槍礮以上是以上年五
月鄂廠出鐵之日上海洋報館卽日刊發傳單發電通

張文襄公全集

卷三十九

奏議三十九

十一

知各國蓋地球東半面亞洲之印度南洋東洋諸國均
無鐵廠止中國新創鐵廠一處今鐵煤具備以後自當
日起有功卽隨時酌添機器亦有畔岸可尋價值亦可
約計與從前開辦時之茫無涯涘者實不相同如招商
無人自以籌款接續經營爲正辦似宜盡機器之力增
工匠之能以擴中華之物產濟武備之要需如以鉅款
難籌則請自明年起卽專借一款以供鐵廠之用卽以
鐵廠作押由鐵廠認還借款必然甚易還款似亦不難
大抵西法作事必須成本厚機器全工程經久其初費
用鉅則其後之獲利愈豐其先成功遲則其後之出貨

愈速西人工作商務無不如此至槍礮廠爲今日急務無待贅言以後計日程功尙非難事近日購買製快礮之樣礮據出使大臣許景澄電稱該廠明言恐有樣則中國能自造是以多方推延要求始允售礮造機足見中國設廠自造乃必不可緩之圖萬不可恃購買爲長策亦惟有教練工匠鼓勵學習令其精益求精惟常年經費多則出械多經費少則出械少均可隨宜酌辦至兩廠用款截至今年年底止將以前劃清明年另籌辦法各節臣已於此次鐵廠槍礮廠請款各摺片內上陳所有奉旨覆陳各緣由理合恭摺具奏伏祈聖鑒

張文襄公全集

卷三十九 奏議三十九

三

硃批知道了欽此

進呈煉成鋼鐵並將造成槍礮分別咨送試驗摺

光緒二十一年八月二十八日

竊查湖北鐵廠自上年五月造成開爐分煉各種鋼鐵前經奏明在案當發上海洋行試驗行銷均稱製煉精好如法其鋼鐵甚合行銷之用該行代銷者價與洋產大約相等鋼軌堅實光潔可供鐵路之用嗣據鐵政局將所煉生鐵熟鐵貝色麻鋼西門士鋼及鋼軌魚尾片角鐵各件裁取式樣裝成一匣共十一種去冬寄至江甯因軍務倥傯未敢瀆陳茲特恭呈御覽至槍礮架彈

等廠於本年六七等月先後竣工安設機器一面陸續較準槍機一面試造現已將小口徑快槍並新式小口銳形藥彈造成當經臣親看試放其敏捷及遠綫路有準實與外洋所購新式快槍無異礮廠內早經製成八生七車礮兩尊運來江甯驗過現將製成新式六生快礮一尊運來江甯亦經臣親自試驗每一點鐘可放三十出洵屬靈捷利用惟礮係新式四十倍口徑長中尺六尺七寸礮架係水師架重二千餘斤全件既重未便齎送至京現發交江甯軍械所收存茲謹將快槍一枝新式藥彈一百顆咨送督辦軍務處查覈

張文襄公全集

卷三十九 奏議三十九

三

硃批著交督辦軍務王大臣閱看欽此

奏撥鐵廠開煉經費摺

光緒二十一年八月二十八日

竊臣前因湖北鐵廠各種鋼鐵業已煉成經費不敷奏請借撥廣東省武營四成報效及銀元餘款銀五十萬兩經戶部議奏請旨飭下兩廣總督李瀚章查照原奏在於前兩項內挪借銀五十萬兩撥解湖北作爲鐵廠成本之用於光緒二十年十月二十八日奉旨依議欽此各行欽遵嗣准兩廣督臣李瀚章咨以前項存款先經協濟北洋及提撥海防用款無可借撥奏明咨覆前來臣查自強要策實在練兵製器現雖防務粗定而痛

深創鉅前鑿難忘是精煉鋼鐵正所以備廣修鐵路自造槍礮此事最爲當務之急前項借撥之款既成無著自當別籌的款以便接續趕辦當粵省覆到之時正值防務緊迫之際而鐵廠經費早罄工作難停萬分焦灼臣反覆籌維惟查江南鹽務局面較寬尙可設法當飭兩淮鹽運使江人鏡詳細妥籌旋據詳稱運庫現有之款俱有指撥用項無可騰挪惟查前督臣左宗棠曾以楚皖引額尙未足數酌加新引所收票費均爲採辦軍火製造鋼板船及水利書院桑秧隄埝等善舉各項之用歸於外銷其原請皖岸增復四萬二千八百五十八

張文襄公全集

卷三十九

奏議三十九

西

引旋因是年皖省蛟水爲災銷路較滯僅就已繳票費銀兩核計給發一百四十八票計鹽一萬七千七百六十引現在皖岸行銷轉輸尙速若就前次請復未復之引酌量加增收繳票銀在商情極爲踴躍在要款得資補苴此外惟湘岸之平江銷數尙暢亦可酌增茲據皖岸商人廣大等七十二戶呈繳銀二十七萬兩請認皖鹽一百票計一萬二千引湘岸平江商人洽豫等七戶呈繳銀八萬兩請認平江鹽八票計四千引共繳銀三十五萬兩已據如數繳齊解交江南籌防局兌收其新引請歸現運網分一併循環轉運三網之內設有新增

捐款免予攤繳此款於要需有益而於課餉無礙銷數絕不致短絀又另據湘岸商人請報効銀二萬兩不請獎敘係屬閒款亦請提用又據該運司詳稱續經勸諭淮南場商淮北池商因兩淮運販共捐江南海防經費銀一百萬兩儘一年限內繳清准照海防例給獎該商等仰體時艱情殷報効亦共捐銀十三萬兩請照運販呈繳期限一律繳完附案照海防例給獎實官現在防務解嚴此項捐銀擬請改爲鐵廠經費江南製造各局需用鋼鐵甚多將來製造各項逐漸擴充取求便捷自於江南防務亦有裨益計票費湘款場池商捐三項共

張文襄公全集

卷三十九

奏議三十九

五

銀五十萬兩適符原案之數各等情先後詳請具奏前來臣查增引必以岸銷商情票價三者爲衡該運司請加皖岸新引一百票平江新引八票因皖岸前請未復舊額尙有二萬五千九十八引茲因轉輸較速請復懸額一萬二千引尙未足左宗棠原請之數平江按網開辦周轉尤速於岸銷均無窒礙至新引之鹽歸入網分仍與舊引一律挨售三網之內如遇奉飭捐項新引暫免攤派在舊引無佔壓之處在新引獲轉輸之利商情均屬樂從所繳票費銀兩核與左宗棠前加皖鹽一百四十八票每票繳票費銀二千四百兩此次計加一百

票共繳銀二十七萬兩係屬有增無減又前加平岸票費每票繳銀一萬兩核與此次所加平岸八票共繳銀八萬兩數目亦屬相符現查各商繳銀如此踴躍毫無疑沮且其中多係舊商認辦其為商情翕然已可概見而於課餉毫無妨礙復查左宗棠前收各岸票費悉歸外銷係充採辦軍火製造鋼板船及水利局書院桑秧隄埝等事之用均經開具清摺報部有案現在各商共繳銀三十五萬兩以之撥充鐵廠經費之用核與前案票費支銷採辦善舉等項事同一律而裨益尤多至淮南場商淮北池商因海防需款共認捐銀十三萬兩現

張文襄公全集 卷三十九 奏議三十九 去

在防務解嚴擬請撥充鐵廠經費俾應要需而備軍實此於防務有益之事似於情理尚無不協已飭依限繳銀解交籌防局兌收合無仰懇天恩俯念鐵廠為鐵路造軌要用製造武備根源開煉經費無著准將前項票費銀三十五萬兩場商池商捐銀十三萬兩湘岸商人報效銀二萬兩撥充鐵廠經費之用並懇恩准將此項商捐銀十三萬兩歸入兩淮運販捐輸海防成案一律照章給獎以示鼓勵統計此三項新籌之款適符奏准原撥五十萬兩之數而於鹽務正課及該運司京協各餉毫無妨礙不勝翹切待命之至再鐵廠款項去冬早

已罄竭積欠累累采鑛開煤化鐵煉鋼等事需費繁急不能一日停工而本年春間京畿防務緊急又未敢奏請撥款致煩宸慮是以臣前奏於江省籌防局款撥用計撥用之數約計已及五十餘萬茲收有新籌票費報効及場池等商捐款自應將籌防局借動之款如數撥還以清款目合併陳明其現在需用及積欠之款已另籌辦法附片奏陳

硃批戶部議奏欽此

鐵廠煤鑛擬招商承辦並截止用款片 光緒二十一年八月

二十

張文襄公全集 卷三十九 奏議三十九 七

再鐵廠去冬及今年經費現已於兩淮鹽務籌集銀五十萬兩如數撥還江南籌防局借動之款謹已專摺奏陳惟查鐵廠開煉經費前奏開煉一爐每年約需銀六十萬兩計月需銀五萬餘兩查洋匠白乃富所估原單係專指生鐵一廠若兼開煉鋼各廠月需銀約七萬兩內中洋匠四十一名月薪一項已需一萬二千餘兩去冬以來用款無出而墊欠日多自上年十月至今年八月連閏計已及一年皆係無米之炊課虛責有勉強騰挪支拄此項鹽務款五十萬兩僅敷前數月開支之用至積欠尚難清還因焦炭爐工未成且因經費不能應

手既未能多購湘煤又未便多買洋炭故於上年十月暫將生鐵爐暫行停煉專就廠中已煉成之生鐵學煉各種精鋼熟鐵并造槍廠之鐵梁鐵柱分製各種鋼板鋼條學煉槍礮鋼料等件是以鋼鐵所存無多無從銷售周轉僅將生鐵千餘頓貝色麻鋼條西門士鋼條及熟鐵條二十餘頓發交上海洋廠試驗以規製煉之良楛價值之高下至本年七月內焦炭所出漸多且試驗開平焦炭亦可湊用始將生鐵大爐重復開煉現在馬鞍山三層煤窰已經開通焦炭爐挂綫路均已告成大批佳煤已可陸續取用各種鋼鐵久已煉成鋼軌亦久

張文襄公全集

卷三十九

奏議三十九

六

已造成亟應截清界限另籌經久辦法以清眉目而便籌計恭閱邸鈔六月二十一日欽奉上諭飭將鐵廠招商承辦仰見朝廷通籌深計既期鐵政之振興復濟度支之匱絀查鐵廠招商一節臣數年來久已籌計及此於上年十月初二日摺內業已奏陳梗概因俟煤井深通焦炭煉就鋼鐵可常煉不停以後始可相度情形酌定官辦商辦之局現在諸事完竣鋼鐵精好洋行行銷肯給善價似已具有成效自應遵旨招商承辦擬即一面迅速招商惟各商必須親到鐵廠煤廠鐵山運道等處一一詳看方能定議即有人願承總須數月方能接

辦目前經費即各處挪湊只能支持至八九月之交擬請劃清界限若商人早能承接則用款及各項欠款截至承接之日止若無商承辦亦請截至今年年底為止此數月內籌墊之用款及應還之急款大約總在四五十萬之數蓋目前必須將煤巷多開各種鋼鐵加工精煉令其粲然具備然後商人易於招集故既無停輟之理倉卒亦無挹注之方惟有仰懇天恩仍准江南在籌防局隨時暫行借撥以應急需將來有商則歸該商認還無商承辦則臣必當設法籌款奏請撥還清結俟年底截清用數將歷年造廠采鑛開煤用款及廠成以後

張文襄公全集

卷三十九

奏議三十九

九

開煉經費分案造報至明年起應請敕部議定辦法籌撥的款應用如部中不能撥款惟有暫為停工以待有商接辦儻須停工應由部中早為知照以便預為核計散遣洋匠清理事物方免臨時束手反多糜費統俟有無商人承辦屆時請旨遵行但方今時勢日急外患憑陵日增月甚富強之計首以鐵路為第一要圖各國領事及來華効力之洋人萬國之公報及中國曾經出洋考求時務之員苦口危言無不以速辦鐵路為請今鐵廠已成鋼軌能造正為目前救時切用之需若反停輟不辦似為非計不特為志士所惜且將為萬國所詫臣

於此舉不揣駑鈍身爲其難現在諸事粗成智力俱困
此事關繫富强大局究應如何辦理聖明自必權衡至
當無待微臣之瀆陳也

硃批戶部議奏欽此

懇撥湖北槍礮廠經費摺

光緒二十一年八月二十八日

竊臣前以湖北鐵政槍礮兩局正爲海防要需鋼鐵槍
礮可濟南洋之用請由江南籌防局撥款濟用分別報
銷附片奏陳現准部咨以兩局經費不敷若干由江南
局款撥濟若干原奏均未聲明尤恐漫無限制行令由
該省撫臣自行籌款備用毋庸挪移等因覆奏奉旨依

張文襄公全集

卷三十九

奏議三十九

三

議欽此咨行到臣在部臣自係爲嚴綜核示限制起見
除鐵政局經費由臣籌措款項另摺奏陳外伏查槍礮
一項外洋製作日新遲速利鈍之分卽戰守勝負所繫
此時中國自煉精鋼精鐵自造快槍快礮僅此一區自
應合各省之人力財力共注此區以立國家武備之本
其肇端固不僅爲一省之謀其成物亦不僅供一省之
用查槍礮廠用項應分造廠工費及常年製造經費爲
兩事槍廠去年五月已經造成不意失火焚燬廠屋多
排並損傷機器不得已又需另行修理卽以鐵廠自煉
鋼鐵製造梁柱間架一律更換以冀永免火患工程較

大需時較入至本年五月內復行造成礮廠於上年五
月內造成槍彈礮彈礮架三廠於本年六七等月先後
造成陸續較定機器選募工匠開機試造至廠成以後
其安設較定機器購備各項物料隨時添購應用機器
零件以及製造華洋工匠員司人夫薪工應歸入常年
經費核計目前須將購機造廠用款撥付截清則以後
常年製造經費造械數目始可核計查該廠機器原係
臣在粵外籌之款嗣後節次奏明添改小口徑機器又
添設槍彈礮架三廠又添購新式快礮機器用費
逐漸加多計陸續購造架彈三廠機器廠屋以及添購

張文襄公全集

卷三十九

奏議三十九

三

快礮機快礮刀鑽等家具造礮鋼大汽錘樣礮及快礮
彈所用之碰火機軋銅板機舂銅餅機壓銅殼機以及
外洋零件物料因事機緊急而無款可撥不得不與洋
廠婉商墊欠之法除已付價外尙共欠銀六十餘萬兩
均係購自外洋墊辦積欠應付之款而目前廠中開造
工料經費尙不在內其槍礮廠常年奏撥經費早經陸
續湊撥鐵廠急款之用均經臣歷次奏陳有案是槍礮
廠已無款可用而洋廠欠款尙多均須清還湖北餉力
支絀實屬無可籌措且事非湖北本省民事軍餉所用
似不能專責湖北獨籌一省之財力斷不能供大局之

急需此固早邀聖明鑒察伏查南北洋各製造局自購機建廠以來動支部款何止千餘萬即如上海製造局歷年所製雜項軍火僅係尋常舊式每年尙撥有的款五六十年因添製快槍煉鋼造藥數種惟造藥自爲一廠外其餘即就原有之廠屋鍋爐大伴機器略增機器房屋稍添工料該局煉鋼不多造槍亦少因積欠洋廠墊辦工料於本年五月內尙蒙戶部撥給部借匯豐洋款四十萬兩今鄂局所造槍礮子彈合計較滬局多逾數倍機廠多少大小較滬局相去懸絕購機建廠之費歷年俱係外籌未奉部撥兩局互較相形未免向

張文襄公全集

卷三十九

奏議三十九

三

隅現在外債急欲歸償事機不可中輟惟有援案籲懇聖恩敕部就戶部存滬借款撥銀六十萬兩以濟急需如部臣以部中借款未可輕動擬請即在江南所借瑞記洋款撥用此款係奏明由臣於江南陸續設法籌還並非司局原有正款於京協各餉絕無妨礙擬由鄂廠分爲四年將所造槍礮作價均還照外洋買價讓減一成每年還銀十五萬兩目前鄂廠有款以應急需日後江南有械以資防務似乎兩益而無損與憑空撥江南之款以協鄂省之用者迥然不同此款除先還各洋廠欠款外尙可作爲本年製造之需擬即截至今年年底

止將鐵廠槍礮廠用款分別劃清再將槍礮廠購機造廠之用款及廠成後陸續開機試造至今年年底止之用款分別劃清分案造報自明年爲始以後每年即儘此常款三十餘萬兩支用自光緒二十二年正月起到十二月止此一年內若僅就此三十餘萬之經費核計約計工料只能造槍三千枝每槍配彈五百顆造快礮六十尊每礮配彈五百顆計與外洋買價約略相等在中國開廠試造尙不爲貴本年閏五月覆奏江省善後摺內曾經聲明鄂廠工匠未熟所出不多一年以後始能出槍七八千枝礮一百尊蓋第一年工匠未熟第二

張文襄公全集

卷三十九

奏議三十九

三

年論工匠之藝機器之力可造成此數然亦必須經費足敷工料之需乃能造足緣工料乃按件核計之事若經費太少則亦不能多造也大約一年以後若每年能多撥銀三十萬則必可盡機器工匠之力出快槍七千快礮一百並配足藥彈蓋所造之數既增則物料自必多購工匠自必多添械增則費增乃一定不易之理若不加撥則此槍三千枝礮六十尊之數總可如額惟機多製少殊爲非計要之自廠成機熟以後款多則多造款少則少造伸縮均可量力尙不爲難應俟隨時籌度奏明請旨辦理所最爲難者目前已欠之款不能不還

現作之工不能暫停實不能不急撥一款以資目前挹注合無仰懇天恩俯念軍械爲今日急務鄂廠非一省所需新式精則學製難機件多則用款鉅而臣所擬借撥瑞記洋款辦法既於京協餉無礙且將來仍可收回軍械抵價實非虛用江省之款准如所請辦理不勝翹切惶悚待命之至

硃批戶部議奏欽此

北上諸軍請飭部撥餉摺光緒二十一年九月初三日

竊照江南募調北上各軍江蘇按察使陳湜統領湘軍福壽十營福建陸路提督程文炳統領威靖十營江蘇

張文襄公全集

卷二十九 奏議二十九

五

候補道李光久統領老湘五營二哨山西大同鎮總兵劉光才統領兩江督標親軍五營二哨安徽皖南鎮總兵李占椿等統領果勝長勝忠信十五營一哨記名提督楊金龍統帶護軍兩營二哨徐州鎮總兵陳鳳樓統帶銘字馬隊三營清淮馬隊一營共計五十一營七哨月需正雜餉銀十九萬三千餘兩停交車駝喂養後仍月需銀十八萬一千餘兩自光緒二十年七月起截至二十一年六月止連同轉運餉械經費已由金陵支應局放解銀二百五萬餘兩仍欠解各軍及由湘軍東征兩糧臺墊發約銀三十四五萬兩茲據金陵防營支應

局江甯布政使瑞璋等詳稱北上各軍餉項曾經臣坤一奏明在於兩淮運司江蘇藩司江海鎮江蕪湖等關共提銀三十二萬五千兩以後月餉在預徵兩淮鹽釐內撥給此項預釐共應收銀一百十六萬兩除由臣之洞遵照部電提撥購買洋槍價銀二十三萬兩外實可充餉者止九十三萬兩綜核以上各收款抵放北軍餉項實不敷銀八十餘萬兩概係由紳富獎捐湊解其欠解各軍及湘軍東征兩糧臺之三十四五萬兩尙不在內現今息借商款奉文停止淮鹽加價自閏五月以後遵部另儲候撥勸辦紳富獎捐又限一月截止則籌餉

張文襄公全集

卷二十九 奏議二十九

五

來源概已杜塞而借到洋款經臣之洞奏准專備裁遣防營添築礮臺增設槍礮廠及募用德國洋員練習洋操等項之需尙恐不敷本省防營月餉已無指項然騰挪裁節自當勉力支撐惟北軍五十一營七哨月餉十八萬一千餘兩實屬無可續解若不預先聲明深恐臨時貽誤竊以各省餉需不敷均准由部撥款今江南用繁餉絀萬難支持應請將前項餉銀自本年七月起改由部庫就近給領抑或指撥的款抵放俾遠戍之軍無虞匱乏而江南稍紓餉力亦可勉濟本省防營要需等情詳請具奏前來臣等覆查該局所詳江南餉項萬分

支細均係實在情形即如福建浙江兩省均係僅辦本省海防尚蒙撥給部款江南不特未請部撥且於辦防而外尚須兼濟徵軍今供支已一年有餘積款至二百餘萬實已力盡筋疲然使捐借等事准其從容自籌則共濟艱難在疆臣誼當力任今自籌之法概已遵照部章停止則無米之炊勢難緘默貽誤部臣統籌兼顧必不歧視於江南而軍餉為今要需當有預籌之成算臣等咨商往復無可如何惟有仰懇天恩俯念北軍餉項要需刻不容緩江南餉源已塞無款可支自本年七月起飭部就近給發抑或另指的款抵放以濟要需不勝迫切待命之至

張之洞全集

卷三十九 奏議三十九

三

硃批戶部速議具奏欽此

特參水師統領摺

光緒二十一年九月初九日

竊臣欽奉七月十九日寄諭因蘇浙交界盜風日熾飭令與江蘇撫臣暨浙江撫臣會籌協緝嚴懲之法當經欽遵咨電熟商籌辦並嚴飭各州縣防營嚴行查拏在案查緝捕固係州縣之責而大夥梟匪積年劇盜洋槍饒多快艇剽忽非藉兵勇之力攻擊圍捕不能為功太湖水師七營係記名提督李新燕統帶兼帶撫標飛划緝捕營暨浙西鹽捕水陸五營共計水陸十三營是兩

省交界之緝梟捕盜自係該提督專責原以厚其兵力專其事權期其綏靖地方掃除羣匪乃該提督統軍將及三年捕務毫無實際近遵旨嚴飭後仍復不知振作一味敷衍竊思蘇浙界上盜夥梟匪肆行無忌臣受任地方惶悚夙夜難安乃該提督坐擁多營一味養尊處優並不認真督捕歲糜巨餉將安用之且臣訪聞其所帶水師鹽捕各營俱多缺額夫統領既係虛伍營私賞罰安能嚴明士卒安能用命以致養癰貽患擾害閭閻若不嚴行懲儆何以肅軍律而安民生相應請旨將記名提督前浙江海門鎮總兵李新燕即行革職以

張之洞全集

卷三十九 奏議三十九

三

示懲儆臣當另行遴選廉能果敢之將領接統太湖水師其撫標飛划浙西鹽捕各營自應另選統帶已咨明江蘇浙江兩撫臣辦理一面嚴飭水師各營官認真奮勇緝捕如再無效即當概行參撤

硃批另有旨欽此

查訊張士珩參款擬議懲辦摺

光緒二十一年九月初九日

光緒二十年十月二十七日承准軍機大臣字寄光緒二十年十月十七日奉上諭前因天津軍械所委員張士珩迭次被人奏參盜賣軍火得銀數十萬兩先後諭令王文錦確查具奏茲據奏稱張士珩管理軍械約六

七年伊由何時盜賣平日尙無聞知軍興以來始行敗露聞所賣軍械多被倭人買去眾口一詞盜賣屬實聞張士珩携眷而去前往江南省城隱匿等語此案情節甚重既經王文錦訪查屬實亟應查拏根究該員或隱匿江南或潛回安省皆未可定著張之洞福潤將張士珩設法密速查拏無任遠颺一經拏獲到案卽行奏明請旨原摺均著鈔給閱看將此各諭令知之欽此遵卽分別咨行密拏旋據該員張士珩自行投案呈遞親供經臣將該員飭交上元江甯兩縣看管一面奏明請旨復於十二月二十三日欽奉寄諭張士珩管理軍械所

張文襄公全集

卷三十九

奏議三十九

天

盜賣軍械眾口一詞情節甚重卽著張之洞提訊該員窮究根源詳徵證據務得確情按律懲辦無任飾詞狡展欽此臣當經欽遵咨提此案人證卷宗簿據來甯札委江甯藩司糧鹽兩道督同江甯府及謙局委員逐一查訊務得確情定擬一面咨會辦理天津團練侍郎王文錦將所聞眾口一詞指稱盜賣確據並將於此案指陳詳確之人酌傳數人咨送來甯以備質證一面札行津海關道照會稅務司查詢張士珩在差之四年內有無洋槍運出海口之事旋准侍郎王文錦咨覆稱查去年八九月間都中已喧傳天津總管軍械局候補道張

士珩盜賣軍械該侍郎於九月下旬由京至津人言尤甚幾至街談巷議嗣經交查而所問之人皆出自傳聞無由得其詳細因思查究此事必須核對冊檔方能得其虛實確據當日係屬密查並無查辦之責安能調取案卷而人言嘖嘖又不敢隱其所聞以查無實據敷衍塞責特僅據此言援以入奏是以摺內聲明辦理此事必須將張士珩拏獲方能澈底根究此當日查復之實在情形也若有確據前摺中必已詳細言之至欲咨遣數人以備對質而言者皆非案內之人本未得其確據豈肯承認所言礙難遵辦等因復據代理津海關道黃

張文襄公全集

卷三十九

奏議三十九

天

建筦稟轉據稅務司孟國美復稱遵將本關自光緒十六年冬起至二十年八月初十日止所有報關出口軍械詳晰查明切實開摺簽字蓋印送請轉呈前來查稅務司所開清摺此四年內止有光緒十七年七月東海關運往煙臺馬槍十桿光緒十八年九月軍械所運上海退還瑞生洋行馬槍二百桿光緒二十年三月瑞記洋行運上海馬槍三百三十桿數目零星年月久遠與此案均無關涉是原查大臣侍郎王文錦既不能指出盜賣之實據又無咨送對質之人津海關又無大批軍火出口情節可疑之事自惟有就本員及調來同局各

員局中案據研訊考核惟卷宗過繁該軍械所會辦知府張廣生提調同知張錫藩文案知縣姚慶恩等各有一要公一時未能齊集展轉添調先後准北洋大臣王文韶咨送各員並卷據來甯適委訊之江安督糧道馬恩培運漕北上江南鹽巡道胡家楨赴臬司署任臣又加委署鹽巡道桂嵩慶會訊在案茲據布政使瑞璋署鹽巡道桂嵩慶詳稱奉委遵照先後發下卷據疊次逐層究詰據前總辦天津軍機所分省候補道張士珩稱該員於光緒十六年十一月奉北洋大臣李鴻章委辦所差廿年八月初三日聞訃丁親父紹堂憂交卸回籍

張之洞全集

卷三十九

奏議三十九

三

守制風聞查拏自赴江甯投案竊查軍械所簿鑰掌之庫官收發委員專司出入各營局請領軍械必須奉有督院飭發文件及領單爲憑始用雙聯印單由收發處核章填寫局員加章非有撥單庫官不能照發庫官按季造四柱清冊報局局員年終彙冊報院分咨支應報銷兩局造報達部層層鈐束何能盜賣北洋購辦軍火向皆督院與洋商妥議飭所議立合同該員到差適在停辦軍火限內承購小口徑毛瑟及云者士得馬槍不過零星數批其購價皆係詳院行海防支應局徑發洋商收領該所各員並不經手有卷可查又如各營槍枝

損壞或稟院或咨局奉批照換繳回舊槍及海關緝拏私械不能供戰各營縣緝捕需用核繳修費請領皆奉有院飭文牘並領單爲據隨時呈報年終仍有彙報每年所繳價約二三千兩不等海防舊械價解支應局准軍舊械價解銀錢所子彈藥帽價解機器局歷年亦均報院咨局並取有各局回文存案各國公使及游歷人員到津向歸水師營務處接伴該員未經奉派此差實無與倭人熟識之事上年六月初禮和洋商連納告知有日本奸細十餘人在大沽山海關一帶繪圖偵伺當即回明北洋大臣飭各營查訪六月下旬洋務隨

張之洞全集

卷三十九

奏議三十九

三

員陳季同函知有華服粵音之日本人石川五一在各營局署窺探當稟北洋大臣飭緝隨商營密派把總任裕昇根訪於七月初四日晚間拏獲當查知局書劉棻於本日請假有與石川往來容留在家情事並交天津縣訊辦經縣嚴訊十數次絕未聞石川劉棻有牽涉該員盜賣軍械之供供詞可查讞員可詢又去年軍務喫緊時奸細太多因接濟前敵軍械恐被敵人知覺皆係東征轉運局津海關道盛宣懷分批領裝內河民船不用旗號運至大沽北塘過載輪船外人不免因疑生謗總之軍械出入均有案牘可稽無論賣械與敵爲有人

心者所不爲且賣於何時何地應有確據槍械非輕微之物運動必須舟車營汛豈無稽核海關豈能放行同局各員豈無覺察該員不獨去年未曾經辦洋槍四萬桿卽歷年該員在局差期內亦未購有此數實無盜賣軍火之事並據會辦候選知府張廣生提調候補同知張錫藩文案候選知縣姚慶恩僉稱該所收發歷有定章張士珩到差悉照向章辦理不但收發不能自由卽總分局委員司事庫官等亦層層互相鈐制張士珩並未經購大批軍火張士珩聞局書劉葵與倭人石川往來並容留在家立提交縣劉葵委無盜賣軍火之供八

張文襄公全集

卷三十九

奏議三十九

三

月張士珩丁憂候補道顧元爵接辦所差會同親盤各庫存械委無短少出有接收文件並稟報北洋大臣有案至張士珩被謗之由或因去歲軍務緊急奉發前敵軍火恐紫竹林租界漏洩由內河民船不用旗號運至大沽北塘口以下荒僻地所過載輪船外人不免生疑惟軍械所只開撥單送交東征轉運局總辦盛宣懷由盛宣懷委員請領押同送上兵輪交收接運張士珩差內實無經購洋槍四萬桿及盜賣情事各等語並各呈遞親供甘結該司道等查張士珩被參各節應以有無盜賣濟敵及上年有無購槍四萬桿爲緊要關鍵現就

已到人證案據逐細查訊張士珩到差在停購軍械限內所購雜項槍械爲數無多所中收發層層鈐束其卸差時又取有道員顧元爵接收庫械數目相符文件委員並無短少切結報明有案似屬無從盜賣接濟敵人體核奉發卷宗帳簿亦無購槍四萬桿之事詳請覆核等情前來臣又添派江蘇候補道程儀洛奏調差委分省補用道黃遵憲及職局各員在臣衙門將調到簿據覆行查核訊究計前後委員十餘人指摘研訊十餘次臣親提張士珩及天津送到備質各員按照原參情節面加研訊反覆究詰張士珩等供詞同前臣查此案情

張文襄公全集

卷三十九

奏議三十九

三

節重大如果屬實自應按律嚴辦以懲不法是以遠調案牘添傳人證督飭司道等詳加研究今原查大臣王文錦既無證據咨送來甯稅務司又查無私運軍械出口之案數月以來就該局簿據文領反覆句稽收放數目皆相符合該員在局差四年之中並無購買洋槍四萬桿之事陸續承購槍械僅止後膛馬槍一千三百餘枝小口徑快槍七百枝其餘則前膛馬槍二千二百餘枝又雜項馬步槍一百五十餘枝內分四種價值合計無多收發皆有案據至密運海口一節經臣電飭津海關道盛宣懷查覆旋據電覆稱去年軍務緊急軍火出

海欲求密速均由軍械局發單交轉運局持向各庫領取或雇剝船或搭火車運至新城塘沽等處送上輪船交押運員弁會同船中執事收裝後即便隨時出口何日何船裝何軍火赴何處轉運局呈報督署有案等語既歸東征轉運局領運事與軍械所無涉且發至何處皆有案據其無盜賣濟敵之事尙屬可信又臣訪聞上年九月內有米船私運火藥經海關查出之謠亦飭據盛宣懷查明電覆稱並無其事且八月間該員已經回籍尤不相涉竊思張士珩舉人出身官至道員家計殷實無論如何昏迷當不至自居於亂民叛黨之列且日

張文襄公全集

卷三十九 奏議三十九

三

本軍械素精全仿西法臨陣必用快槍用槍必須一律若僅恃向中國陸續私買則新舊雜湊之槍安能與我軍爭勝此案訛言之起當因該局平日日本有州縣營汛繳修費領軍械之事外人遂指爲該局私賣軍火又因戒嚴時適有民船密運軍械至海口之事外人因疑爲該局接濟東洋即經詳查屢訊毫無端倪自無從科以重罪惟查該員係大學士李鴻章之至戚在津數年兄弟歷筦重要局務時常出入督署文武同僚委員無不結納趨附於是氣傲頗張人多側目且局書劉棻窩藏奸細一案經縣訊有探聽旅順黑藥之供是石川五一

之句結軍械所書吏劉棻爲窩主專爲刺探軍情虛實而來所探聽漏洩者自不止旅順一處黑藥一端已可概見石川住劉棻之家已非一日而該員冥然罔覺任其漏洩重情直至禮和洋商連納及洋務隨員陳季同兩人來函始於七月初四日將劉棻訪拏已在高陞輪船被敵人掩擊之後至劉棻石川兩名久經審實正法查奸民潛謀不軌營兵附和叛逆捕役窩盜爲盜失察之該管文武官吏議褫嚴應分別革職降調今以本局書吏通敵窩奸情同叛逆而該員不能自行及早查出實非尋常失察可比論其不知遠嫌多招物議昏憤養

張文襄公全集

卷三十九 奏議三十九

三

好玩視防務自亦當有應得之咎惟有參酌比擬相應請旨將分省候補道張士珩即行革職以示懲儆庶幾官方可期整肅經管武備事宜者咸知慎重而情法亦得其平矣

硃批張士珩著即革職吏部知道欽此

張文襄公全集卷三十九終

吉林慶珍校

張文襄公全集卷四十

奏議四十

選募新軍創練洋操摺

光緒二十一年十一月十一日

竊臣前因海氛粗定憤兵事之不振由錮習之太深非認真仿照西法急練勁旅不足以爲禦侮之資擬在江南練陸軍萬人而以洋將管帶操練其經費在江南自借洋款項下撥用於本年閏五月二十七日具奏經部議復准咨行在案查自津調來之北洋原訂德國將弁並由臣商託出使大臣許景澄代訂之德國將弁共三十五員自夏秋至今均已先後到齊臣於夏間令先就

張文襄公全集

卷四十

奏議四十

衛隊護軍等營內選擇操練以試其材數月以來頗有成效可觀亟宜選募新軍刻期訓練查今日練兵必須改用洋操者其故有七承平之時綠營有積習軍興以後勇營亦有積習人皆烏合來去無恒不練固無用練成亦不能禁其四散徒勞無功一也里居不確良莠難分二也無論征軍防軍從無不缺額之事卽其實有之勇亦多係安置閒人令當雜差則雖不缺額亦與缺額同三也層層刻扣種種攤派長夫視爲津貼營官皆有例獻將擁厚費士不宿飽四也外洋新式快槍快礮精巧非常舊日將領大率不解亦不愛惜粗疎者任意拋

擲動致損壞謹慎者收藏不用聽其鏽澀其於擦拭拆卸裝配修理測準諸事全不講求將弁不知何論兵勇操練不能何論臨陣五也營壘器用但守舊法繪圖測量行軍水陸工程諸事尤所不習討內匪則可禦外侮則不能六也營官統領專講應酬奢華佚惰用費繁多營謀請託無所不有既視爲營私謀利之路豈尙有練兵報國之心七也惟有改以洋將帶之則諸弊悉除無論將來臨敵之效若何總之額必足人必壯餉必裕軍火必多技藝必嫻熟勇丁必不當雜差將領必不能濫充此七者軍之體也至於臨陣調度運用之妙賞罰激

張文襄公全集

卷四十

奏議四十

勸之方軍之用也凡事必其體先立然後其用可得而言夫中國豈無智勇之將敢戰之兵臨戰運用又豈能拘守繩墨特以各營積習錮弊深入膏肓若不捐棄舊法別開局面雖事前日加申儆終無大益事後加以誅戮已難補救此一軍練成則此項洋將弁移以教第二軍而此軍漸令華官將弁帶之規矩既定數年以後相沿成例將弁兵勇皆視爲固然則短扣廢弛之弊無自而萌卽他營將弁或亦可觀感愧厲舍舊圖新此微臣必改用洋將練洋操之微意也臣詳加籌畫現擬先練二千數百人爲一軍照洋法分爲三十營卽名爲自強

軍俟成軍半年以後操練已有規模即行推廣加練酌增人數一倍統以增至萬人爲止如屆時餉鉅難籌則至少亦必須增至五千人茲就江蘇之淮徐通海四府州安徽之鳳泗滁和太平五府州及江甯府屬之六合江浦兩縣常州府屬之宜興荆溪江陰靖江四縣鎮江府屬之丹徒丹陽兩縣民氣較爲強壯者每府州各募一營取其距金陵皆不甚遠年籍身家易於清查以杜遠省招募淆雜勞費遣散流落之弊而各處分練冀以廣開風氣此卽略寓西洋東洋舉國之民人人皆可爲兵之意各營皆選擇土著鄉民年在十六歲以上二十

張文襄公全集

卷四十 奏議四十

三

歲以下體氣精壯向不爲非者取具族鄰團董甘結聲明情願效力十年只准開革不准辭退凡城市油滑向充營勇者一概不收更用西醫驗其身軀壯健並無隱疾目光及遠者厚給餉精編爲新軍至一切飯食肉食冬夏衣履居住房屋西法均由官爲籌備蓋洋操勤苦嚴肅毫無通融若非飽暖強健斷不能勝此勞苦夏間初派營勇練洋操時不過旬日卽以畏勞紛紛辭退後允以加給餉費乃止若照舊日餉章必無肯應募者自不能一律仿照辦理委派洋員德國遊擊來春石泰爲全軍統帶其營官哨官均以洋將弁爲之別設副營官

副哨官名目選武職中壯健有志不染習氣者爲副營官選天津廣東兩處武備學堂出身之學生爲副哨官其帶兵操練之權悉以委之洋將弁而約束懲責之權則專歸華官一以通新募勇丁之情二以事權互相維繫三以逐漸觀摩俾華弁儲營官統領之材若洋弁不敷派充哨官則選學生中之出色者補之并派候補知府沈敦和奏調差委知府錢恂爲自強軍洋操提調爲之經理各事一切仍歸營務處考核約束其部伍人數俱照德國營制計現設步隊八營營二百五十人分爲五哨馬隊二營營一百八十騎分爲三哨礮隊二營營

張文襄公全集

卷四十 奏議四十

四

二百人分爲四哨工程隊一營營一百人西例隨營有醫官槍匠獸醫等項俟次第添設現除雜役人等不計外共馬隊步隊礮隊十二營工程隊一營江北人較強健練爲馬步各隊江南人較聰穎練爲礮法工程各隊實數勇丁二千八百六十名大約此係德國軍制每一軍人數四分之一正勇餉銀每名每月給官鑄銀元五元合庫平銀三兩六錢勇目遞加其官給飯食衣履等費在外洋員薪水外洋訂有合同華官副營副哨既無絲毫需潤亦無公費名目的量優給薪水俾足自贍效力計長年額支華洋兵將餉薪衣食等項約須四十四

萬兩有奇餉數雖多洋將弁薪水雖鉅然數足而藝精一人必可抵舊日營勇兩人之用其發餉以洋將會同另派之委員當場給發不歸該營華將華弁專用銀元永無平色參差分兩短少之弊其詳細餉費章程另行咨部立案若建造營房馬棚操場等項動用一次者尙不在內方今財用支絀諸事自必力求撙節惟既仿外洋營制自必處處得其精意之所在又不敢稍事刻吝徒貽削趾適履之譏以致辦理棘手有名無實至於應敵攻守之方圖繪測量之學悉令詳教熟練不准徒襲口號步伐之皮毛致蹈向來洋操陋習臣當督率華洋

張文襄公全集

卷四十 奏議四十

五

官弁認真訓練隨時親往考察校閱俾成有用勁旅以仰副 聖主奮武自強之至意

籌辦江浙鐵路摺

光緒二十一年十一月十二日

竊惟外洋鐵路要義利兵利商兩端並重盧漢幹路南北貫通兵商兼利此中國鐵路之大綱現已奉旨定計興造招商承辦此外尙有上海分走江浙直達金陵一路關繫重而利益多自亦以亟籌興造爲宜查此路由吳淞口起以達上海縣由上海縣以達蘇州由蘇州以達鎮江由鎮江以達江甯另於蘇州橫接一枝以達杭州所歷皆富庶之區貨物本蕃行旅本多加以內地新

准通商凡機器生料之運載以入與夫製成貨物之運載以出者皆將絡繹不絕悉心核計獲利必豐或謂內河既准行輪船則傍河建路恐無大利不知貿易日盛則行人之往來亦日多重重大貨物宜水輕貨與行客宜陸固有並行不悖者卽如德國來因河大川千里輪船暢行然河之東西兩岸火車來往如織晝夜不絕可爲明證况滬蘇杭一路河輪之利各國共之鐵路之利中國專之尤可隱杜外國小輪之害此利於商者也自去年東洋有事以來蘇杭松滬處處皆距海不遠處處皆係精華不能不力籌保衛兩省增營增械繁費實多設

張文襄公全集

卷四十 奏議四十

六

一旦有警將欲調兵運械亟謀援應而海道梗阻不能出口內河民船行走紆遲必致貽誤事機若各處皆宿重兵斷斷無此兵力財力儻鐵路既通則金陵蘇杭上海聯爲一氣外遠內近可以隨方策應互爲聲援省兵省餉赴機迅速此利於兵者也不惟此也金陵平定已經三十餘年元氣至今未復民生蕭索城市空曠毫無振興之機此地乃東南都會長江門庭豈可任其頽廢貧耗不加振作鐵路一通則商賈走集民物繁滋三年必然改觀十年可臻富庶且江甯爲南洋大臣所駐交涉之事日多加以蘇杭通商事皆創始而距滬蘇頗遠

距杭尤遠消息不靈透度豈能中肯因應尤難應機况南洋大臣以商務為職而金陵城內但有仕宦之家絕無大宗貿易以致商情隔閡振興無由鐵路成則耳目既廣盈虛易知控引既便因應尤速可以開無數之利源弭無窮之嫌衅此尤有利於民生洋務者也此路道途平坦並無高山大河既無鑿山踰嶺之艱亦少橋梁衝激之患成功較易見效較速數月來洋商勸開此路情願借款營謀代造者甚多其有利益可知現擬分五段籌辦以吳淞至上海三十餘里為一段上海至蘇州將近二百里為一段蘇州至鎮江約三百里為一段鎮江至金陵一百八十里為一段而由蘇至杭約三百里另為一段鐵路必取直綫較水路紆折為近統計江浙此路不及千里地平河通施工運料皆不甚難約略估計每里當在萬金以內此路既分段辦理籌款尚不為難東南商富熟悉洋情習知鐵路利益一聞江浙定議造路明知工省利鉅聞風踴躍其擬請集貲承辦者頗多現擬吳淞至上海三十餘里歸官創辦以開其端查吳淞口沙綫膠舟必須乘潮出入海輪剝載進口甚為不便故近年來洋人屢有疏濬吳淞之請此次日本議約時日本人亦曾議及此市情瞬息變易商賈意在從

張文襄公全集

卷四十 奏議四十

七

速若自馬頭上鐵路即可徑達內地各要區其旺可知其自上海以內之路現擬通盤籌議將由滬至蘇一段及由蘇至鎮一段一歸官辦一歸商辦或官商合辦統俟籌款確實後妥酌辦理其自鎮至甯自蘇至杭兩路或官辦或商辦續行籌議此時籌一段之款先造一段之路成一段之路先收一段之利不比他路必須全局修成始見利益也臣自疊次電奏後即經派委江蘇候補知府沈桓知縣沈翊清會同洋工師錫樂巴克勤博等測勘蘇滬一路候補直隸州汪喬年會同洋工師馬悅戴維禮等測勘甯鎮一路分頭並舉刻下蘇滬一路業已勘畢甯鎮一路初勘已畢仍令覆勘現正繪畫蘇滬細圖細圖一成便可估價動工總之鐵路一開百廢俱興人貨運載為有形之利風氣開通才智增長工商奮興窮民有業上下情通百事迅速為無形之利其收運費有形之利者猶小而收振作無形之利者乃大故無論官辦商辦均屬有裨大局其官路商路互相銜接將來如何計里分利之法當俟定議後妥為籌計

請辦郵政片

光緒二十一年十一月十二日

再泰西各國視郵政一端重同鐵路特設郵政大臣比於各部尚書以綜厥事遞送官民往來文函取費甚微

張文襄公全集

卷四十 奏議四十

八

獲利甚鉅日盛一日即以英國而論一歲所收之貨當中國銀三四千萬兩各國通行莫不視爲巨帑且權操於上有所統一利商利民而即以利國中外通商以來英法美德日本五國先後在上海設立彼國郵局其餘各口岸亦於領事署內兼設郵局侵我大權攘我大利實有背於萬國通例光緒十一年間前升任浙江甯紹台道薛福成據委員李圭條陳譯有章程稟請中國自行設局以挽利權並經稅務司葛顯禮前往香港日本向彼中商議收回上海所設英日兩國郵局已有端倪事屬可行原任南洋大臣曾國荃曾據咨總理衙門飭

張文襄公全集

卷四十 奏議四十

九

令總稅務司赫德議復辦法赫德亦謂此舉裕國便民並係辦得到之事陳有要端七層均甚詳晰並稱須有奏准飭辦之明文使各國知係中國國家所設之郵政即可商令各國將在中國所設之郵局撤回並可商入萬國信會之舉各等語查各關試辦郵遞有年未見大有起色推行亦未及遠外國在各口所設信局並未裁撤良由稅關所設之郵遞與國家所設之郵政體制不同外人有所藉口而不撤局故推廣辦法每多窒礙現經臣飭調葛顯禮來江甯與之面加籌議該稅務司力申前請查此事該總稅務司考究有年情形熟悉且各

關稅務司熟諳郵政辦法如葛顯禮者當不乏人相應請旨飭下總理衙門轉飭赫德妥議章程大舉開辦推行沿江沿海各省兼及內地水陸各路務令各國將所設信局全行撤去並與各國入會彼此傳遞文函互相聯絡如果中國郵政認真舉行各國在華所設信局必肯裁撤此本各國通行之辦法實屬有利無弊之勝算誠理財之大端便民之要政也

上諭張之洞奏南洋創辦新軍責成洋將操練並金陵上海興辦鐵路各摺照所請行惟洋將是否上等之材薪水尙宜斟酌張之洞既經創辦條理秩然即交劉坤

張文襄公全集

卷四十 奏議四十

十

一廣續成之以爲補牢之計至郵政一節業經總署籌議粗有頭緒矣欽此

查覆譚碧理參款摺

光緒二十一年十一月十二日

竊臣於光緒二十一年九月十六日承准總理衙門來電奉旨有人奏江南提督譚碧理本少戰功善於逢迎濫居高位部議裁兵節餉該提督多方阻撓以致營伍騰怨等語著張之洞確切查明據實具奏欽此當即欽遵遴委幹員飭令按照所參各節前往密查去後並於僚屬詳加諮訪茲據江蘇候補道錢德培稟稱奉委以後改裝易服潛往松江一帶徧訪輿論探詢各弁兵旁

參互證如原奏善於逢迎一節查譚提督年逾六旬官居極品松江同城均係僚屬祇聞養親在署坐鎮雍容似無可以用其逢迎之處惟未任提督以前係由督標中軍副將升擢太驟人或有議其後者然事隔多年殊無確證可據至原奏阻撓裁兵以致營伍騰怨一節詢諸各弁兵有謂曾聞有裁兵之事至今未見舉行者有謂如果裁撤則現餉無著惟有另謀生計者大抵譚提督自到任以來無怨無德尙未聞有多方阻撓以致營伍騰怨之說各等語稟覆前來臣參考眾論大率相同查江南提督譚碧理自咸豐六年投效湘軍從征髮捻

張文襄公全集

卷四十 奏議四十

十一

不逢迎已難免於素餐雖未阻撓究屬不知大體至松江係海疆要區江蘇門戶關係重大現當力求自強整飭海防之際該提督才識庸陋斷難勝任惟現在尙無別項劣跡可否仰懇天恩量調事務較簡一缺之處出自聖裁

礮臺編設專勇摺 光緒二十一年十一月十七日

竊惟長江戰守之道著重首在礮臺而陸路勇營次之礮臺禦之於水能毀敵船是守而兼攻陸軍禦之於登岸以後但有自救之方絕無攻人之術礮臺扼之於門戶守約而費省陸軍禦之於散地營廣而費多故一臺之功可敵十營一礮手之功可勝千人然礮臺之勇必須專精訓練有礮而不得其用與無礮同新式洋礮日新月異非諳悉礮機運用鋼性漲縮藥力等差炸彈裝配棧路測量朝夕演練斷難純熟命中甚至動輒毀礮誤事其稍知講求機括者率應礮廠及輪船之招身價十倍非礮臺所得而用之也故臺勇口糧宜比照輪船水勇而不能比照陸營散勇其勢然也以精微機巧之新礮付之鹵莽滅裂之營勇其害立見本年南石塘礮臺毀傷人其明證也營官既非素習恐干考成率以不操演冀幸無事臨事茫無把握焉得不委而去之本

張文襄公全集

卷四十 奏議四十

十二

年威海旅順之以利器資敵又其明證也外洋各國礮臺典守者各有專責弁兵日日操練彈藥色色齊備如臨大敵其最衝要之臺聞令四刻即可開仗次衝之臺聞令半日亦可開仗良由器練人習故能揚威固圉向來積習各礮臺之勇卽由駐防該臺之統領於各營中撥出卽歸陸軍之營官兼管將無真知弁無專責勇則更換不常礮法不曉險要鎖鑰付之此輩豈不可危故江南江陰鎮江獅子林各礮臺前經臣改設大礮專勇加給正餉其次等各礮仍由各營派撥酌給津貼添派華洋員弁學生機匠人員優給薪糧酌議章程咨明戶

張文襄公全集

卷四十 奏議四十

三

部在案當時因防務緊急草創急就數月以來試驗操演頗有起色礮手漸多彈藥及應用各件漸不致殘缺謬亂現擬推廣沿江各臺大小各礮一律改設專勇大率分爲四路以吳淞南石塘獅子林各臺爲一路江陰南北岸各臺爲一路鎮江象山焦山都天廟圖山南北岸各臺爲一路金陵幕府山獅子山鍾山下關各臺爲一路每臺設一專臺官體制與哨官等礮勇均由該專臺官督率由洋弁會同由學堂出身之礮務委員教練官弁勇丁一體隨同教練均須親自下手演放數臺相近者量其礮位大小每三四臺設一總臺官略如陸軍

營官體制但論技藝不論官階須就各專臺官中考校礮準多者派充均仍歸各該統領節制考核但不准自行撤換其勇數俱由該統領營內撥出惟均由洋弁另行挑選不得徇用不習礮法之人其薪糧由洋弁委員公同當場給發籌防局隨時稽核以除積習此項礮臺專弁專勇不當雜差不准無故更換不隨將領移調以期人習礮性礮對船路一旦有事演放測準均可不勞庶爲穩妥近年泰西各國皆以快礮爲出色當行之用而中國由土礮而改洋礮由前膛而改後膛已屬筋疲力盡而快礮尙未及購置也然有勝於無故第仍就其

張文襄公全集

卷四十 奏議四十

十四

舊有各礮嚴飭演習俟稍有餘力當隨時奏明更換快礮蓋江防礮路較外海不同極大鐵甲未必能入故攻堅致遠猶在其次而靈捷輕便最操勝算快礮每一點鐘可數百出而彈則僅至重一百鎊而止過重則不靈也其機簧則較前後膛大礮更爲細密非常時拆散團合臨時必不能施放盡利又查威海各臺之失皆緣臺上祇安放礮前後左右無護臺之小礮故敵人由後路抄入礮臺遂束手無策乃知護礮與正礮並重小礮較大礮更精非一律更設礮勇專門演習不可也且陸營積習甚深刻扣缺額視爲故常雖三令五申終難悉

數革除營餉與臺餉既相懸殊難保無妒忌妄詆以圖
淆惑眾聽更變新章非區以別之則陸營空居護臺之
名礮臺實大受陸營之累此所以決意畫清界限不能
不為礮臺別立規模也茲就長江目前現有八百鎊子
之大礮每礮設礮勇二十八名二百五十鎊子者每礮
設礮勇二十名一百八十鎊子者每礮設礮勇十五名
一百四十鎊子者每礮設礮勇十三名其餘遞減口糧
則礮日月給十兩一等礮勇月給八兩二等七兩三等
六兩其餘遞減礮務委員十人每員月支五十兩哨官
並傳譯學生每員月支二十兩機器匠書識親兵火夫

張文襄公全集 卷四十 奏議四十

十五

按事之繁簡酌量派用另開清單咨部立案如再有增
減隨時奏咨辦理惟此項薪糧所增頗鉅所有各員勇
丁教習月支薪糧擬即酌汰防營以抵增出餉項此項
仍由防營支應局給發其礮費各項仍照舊案由海防
經費項下由江南籌防局給發以符原案於防務實大
有裨益據籌防局營務處支應局司道詳請具奏前來
臣查臺勇本與營勇有別關繫尤重技藝尤精今礮臺
編設專勇專派臺官不准移調選派洋弁學生督飭教
練優給薪糧此乃必不可緩之圖必不可省之費除批
飭遵照核實辦理並將專設臺勇華洋官弁勇目教習

機器匠薪糧雜費各數目章程分咨立案外理合恭摺
具陳伏祈聖鑒

硃批著照所請該部知道欽此

江陰黃山金陵獅子山等處修造礮臺片 光緒二十一年十一月十七日

再臣去冬親閱海口沿江各礮臺多未合法時因海警
方殷急須量力擇要改修添築以固長江省會之防當
經札飭籌防局委員勘估會同各將領籌議經臣核定
興辦於上年十二月本年二月先後開工二月初四日
附片具奏奉硃批知道了欽此欽遵轉飭在案查江陰

張文襄公全集 卷四十 奏議四十

十六

為長江門戶舊臺僅有前膛大礮四尊開放遲緩敵船
一闖即過其餘皆係陳年老礮且亦不大擁擠一處尤
不合法此地若無後膛大礮萬不能守惟事機緊急迫勢
難將各臺多為修改當即將滬局所存後膛大礮二尊
快礮二尊設法運來趕工安設相度地勢必須據高方
能擊遠所有江陰新添各臺均係在大嶺之脊新設數
礮其大者每一尊重至八萬斤尤為艱難勞費計江陰
西黃山造洋式明臺一座安設八百鎊子大礮一尊藥
彈倉二間東黃山造洋式明臺一座安設二百五十鎊
子大礮一尊藥彈倉一間黃山第二峯第三峯造洋式

明臺一座安設一百鎊子快礮一尊藥彈倉一間小角山造洋式明臺一座安設八百鎊子大礮一尊藥彈倉二間暨各暗路臺牆圍溝共計需工料經費銀四萬四千八百兩零其上海雇洋輪造剝船運大礮之費在外至於金陵形勢城外東北沿江一帶惟幕府山前接燕子磯下臨草鞋夾之夾江遠對大江之來路最爲得勢城內西北隅獅子山俯瞰下關是爲近城屏蔽城南雨花臺地處山岡總攝東南西南入省陸路之衝向有營壘城內東北隅鍾山之尾地勢極高俯見全城必須築臺安礮扼守方免爲城外敵人所乘其幕府山鍾山等處均係石質山頂地勢高峻鑿石運料拉礮上山甚費工力計幕府山造洋式明臺七座安設一百八十鎊子長式後膛鋼礮兩尊一百八十鎊子短式後膛鋼礮四尊八十鎊子後膛鋼礮一尊藥房八間彈子房四間總藥庫六間暗路四道並土壘濠溝瞭望房兵房軍裝房暨開石種樹工程計需工料經費銀三萬九千二百五十四兩零獅子山造洋式明臺六座安設一百八十鎊子後膛鋼礮兩尊八十鎊子局造後膛鋼礮四尊藥房八間彈子房七間總藥庫四間鐵更房四座住兵兼人行暗路兩道運子藥暗路八道並土壘濠溝瞭望房種

張文襄公全集

卷四十 奏議四十

七

樹計需工料經費銀二萬一千六百二十六兩零鍾山造洋式明臺一座安設八十鎊子後膛鋼礮一尊藥房四間彈子房二間暗路一道並土壘濠溝瞭望房兵房種樹計需工料經費銀七千一百九十兩零雨花臺安設四十鎊快礮六尊計需工料經費銀九千兩所有金陵各臺共計需銀七萬七千七十兩零現在江陰之黃山小角山各礮臺經監修委員候補知縣黃庭稟報於七月內完工委員驗收已訖幕府山獅子山鍾山各臺現亦竣工雨花臺正在接續修造經臣親臨金陵各臺詳加閱看並委員前赴江陰查閱建造尙屬合法所有

張文襄公全集

卷四十 奏議四十

六

七月內准戶部議復以獅子山等處均在長江門戶以內似可無須添築等語其時各廠臺或已經竣工或僅虧一篑自未便遽然中止合併陳明查核前項修造經費尙屬核實

硃批該部知道欽此

興辦上海南市各工程招光緒二十一年十一月十七日

竊據江海關道黃祖絡稟稱查上海小東門外十六鋪迤南至龍華一帶浦灘前因保衛江岸釘立界樁橋外不准居民填用迨後陸續接漲新灘居民逐漸侵佔以致浦岸日廣上年議築馬路嗣因軍事日亟遂致中輟

張文襄公全集 卷四十 奏議四十 九

現觀時局興築此項馬路其利有四其不可緩者有二該灘自十六鋪起至南馬路止長六里有餘出灘空地闊十餘丈及五六丈不等面臨大江背倚城郭其間鋪戶居民繁盛貿易以土貨爲大宗閩廣甯波三幫根本在此股實尤多爲上海華界精華薈萃之區於此建造馬路一條接連租界使馬車手車均可通行自來水火逐漸興設參以租界章程從寬酌定商民稱便生意招徠華界市面爲之一興挽回利權不少其利一該處爲江浙漕艘停泊之所兩省漕務攸關而江面窄狹江岸愈漲愈廣若任其侵占必致停船擁擠窒礙多端既建

馬路路外固築堤岸排釘壩樁使其無從再佔保全水利甚大其利二南洋防務自創辦以來迄今滬上並無兵輪官輪馬頭向來借泊法租界招商局馬頭每次給銀五十兩非特多費且於體統攸關若於此地建立兵輪官輪馬頭便益甚多其利三該地內達製造局及龍華閩行等處迤至松江一帶馬路告成小車既可往來土貨出入尤便其利四法租界與該路毗連無可擴充垂涎已久日本通商欲闢租界亦恐注意於此若不先事舉辦將來恐多棘手此不可緩者一日本新約准其設機製造今欲籌護華工斷以廣添機器局廠爲目前

張文襄公全集 卷四十 奏議四十 十

要務該廠既臨浦江又通馬路土貨出水事事皆便於此擇地造廠所省經費甚鉅此不可緩者二該路自十六鋪橋起迤東至先農壇止共計工程長九百八十三丈一律仿照西法用碎石片鋪厚八寸蓋沙一寸路階用石磨礮路下圈砌陰溝路中仿照西式造橋三座挑土培填連一切雜用統共估計約需銀八萬兩其路之兩頭尙須購買民地備用須俟臨時察酌路中建造兵輪官輪馬頭亦須隨後再行估計該路由十六鋪界樁起至董家渡止留出一帶餘地計長五百零一丈該地逼近路旁一經馬路開工市面既興地價必昂彼時察酌

情形定價出租所收租價先行歸還馬路經費不敷再行另籌此事地方受益實爲既大且久飭據上海縣知縣黃承暄履勘估計繪具圖說惟興工必先籌款道庫現無閒款可籌懇請奏明暫行借撥出使經費銀八萬兩湊撥應用仍俟收還地價陸續歸墊等情並將圖說呈核前來臣查泰西各國富民通商之要領首以開治道路爲第一端上海城北各處爲各國租界所佔幾無餘地彼通我塞彼眾我散洋商日富華商日貧喧賓奪主以後岌岌可慮惟南市一帶係華商精華薈萃之區頗稱繁盛漲出浦灘亦甚廣闊以之開築馬路設立官

張文襄公全集

卷四十 奏議四十

三

輪兵輪馬頭廣造機器工廠綽有餘地今日本欲闢租界以設機廠難保不於該處蓄意垂涎該道所議開馬路立馬頭造工廠杜彼侵佔之謀與我工商之業洵爲有關大局之要圖自應及早興辦該道前於七月內來省籌及此事當經臣與之面商定議且以日本及法商正在汲汲窺伺若再爲所侵佔則華商處處爲所束縛永無開拓生發之機是此舉尤不可遲當飭一面迅速委員勘路繪圖鳩工立址示以必修以絕覬覦乃於七月二十九日果有日本人在十六鋪擬修馬路處所持繩勘丈是其狡謀已成勢難再緩當即電飭其酌派滬

軍營勇先行動工開辦以杜其口現據估費約需銀八萬兩擬請借動出使經費俟收還地價陸續歸墊查出使經費所存尙多此項借款歸還尙易決不致歸於無著使馬路馬頭工廠等事早成實於地方商民大有裨益

殊批著照所請該部知道欽此

江蘇盜劫等犯請就地正法摺

光緒二十一年十一月十七日

竊臣等前欽奉寄諭因蘇浙交界盜風日熾飭令臣等會籌協緝嚴懲之法當經欽遵咨電熟商籌辦嚴飭各州縣防營嚴行查拏並因統帶太湖水師等營提督李

張文襄公全集

卷四十 奏議四十

三

新燕坐擁多營於緝梟捕盜毫無整頓經臣之洞奏參革職飭令各營官認真巡緝在案查江蘇盜劫之案尙以徐州等屬爲最多大江以南各府劇盜重案尙少近年以來蘇浙接壤之區鹽梟盜匪散勇客民亦復勾結橫行糾集大夥執持洋槍殺傷事主拒殺營兵出沒無忌爲害地方距省數十里之外卽時有搶劫之案今欲戢遏凶愆肅清盜藪固非實力緝捕不爲功而尤以嚴懲速辦始足令其警畏而不敢逞溯查光緒十三年前撫臣崧駿會奏准將淮徐海三屬凡強盜殺人放火有干例載六項並竊盜火器拒殺事主及執持火器傷人

例應斬梟之犯均即先行處決十七年本任督臣劉坤一復經奏准江甯江蘇各府州縣盜案均照准徐海章程一律辦理惟原奏僅指斬梟盜犯而言其餘例干斬決情節較重之犯仍係照例勘題竊思此等盜犯罪雖未至斬梟特既屬凶暴眾著贓證足憑本為法無可貸若曠日稽誅事過境遷殊無以聳當時之觀聽靖地方之人心且此輩夥黨眾多解省審轉長途既有疎脫之虞而匪徒日久思逞監內擁擠反獄劫囚在在可慮如近日安東等縣盜犯反獄脫逃足為顯證查各省懲辦盜犯大率皆照近年奏定新章獨江蘇一省尙多拘於

張文襄公全集 卷四十 奏議四十 三

舊例周折迂緩拖累繁多以致州縣諱飾因循匪徒不知儆畏商民受害日深查前湖廣督臣涂宗瀛於光緒九年奏定湖北辦理盜案章程於部章指明土匪馬賊會匪遊勇情罪重大等項之外如有執持刀械火槍強劫者聚眾至五人以上者夥眾搶劫至二三次者糾劫拒捕傷人或致傷事主者入城行劫及連劫數家者刀痞強劫財物者以上數案內首從各犯及強盜窩戶造意分贓者並平空搶奪良家婦女已成者均行就地正法曾經咨明江蘇有案江蘇近日盜風甚於湖北而平空搶奪良家婦女之案亦復不少應即援引照辦擬請

嗣後江蘇省盜案除例應斬梟之犯前督已有奏定章程仍應查照辦理外其斬決情重盜犯並平空搶奪良家婦女已成之犯均照湖北奏定章程辦理飭令各該州縣於獲犯訊明後據實錄供稟報臣等批飭解歸該管道府督同覆訊或派員前往會審果係凶暴眾著贓證確鑿罪無可疑即行錄供稟候督撫批飭就地正法三箇月彙案奏報一次庶匪徒咸知儆戒地方可冀收平以期仰副朝廷除暴安良之至意

湖北銀元局請仍歸南洋經理摺 光緒二十一年十一月十七日

張文襄公全集 卷四十 奏議四十 三

竊臣等准戶部咨議覆臣之洞奏湖北新鑄銀元行用辦法一案光緒二十一年七月二十一日具奏奉旨依議欽此分別咨行前來原咨內大略謂鑄造銀元費歸鄂籌事歸鄂辦江南所借鑄本由鄂自籌開款歸還扣成按月報部餘利應歸鄂省不必用外洋銀條大指不外此數端臣等咨電往復詳切籌商其間實有必須審時度地酌劑盈虛辦理方無窒礙者敬逐條臚舉為我皇上陳之查部議謂湖北試鑄銀元原因鄂省制錢缺少是以議准開鑄現在湖北銀元局雖歸南洋經理但買機造局經費俱係湖北籌備局設鄂省現鑄銀元亦

係湖北省造字樣所有配成餘利與局中一切繳納支
發等款並此後局費及修補添設機器各費自應統歸
湖北專司其事以符奏案所請將銀元批解江甯及此
後該局各費俱由江南籌撥之處應毋庸議至鑄本銀
二十萬兩係江南支應局借撥即由湖北按照銀元易
銀市價如數抵還江南嗣後或仍由江南循環借撥或
逕由湖北自籌開款或陸續由餘利項下歸還由臣等
妥商辦理等語伏查前以湖北制錢缺少奏請購機設
局試鑄銀元以濟錢法之不足果能隨鑄隨銷無少壅
滯則鄂鑄鄂用足資周轉以銀代錢不至缺乏統歸湖

張文襄公全集

卷四十

奏議四十

三

北專司自屬簡易辦法無如湖北一省惟漢口宜昌兩
處通商市場行用洋銀其餘各屬皆用紋銀間有兼用
洋銀者為數甚少且以洋銀折制錢壓平扣色任意高
下無市價之可言現鑄銀元成色輕重皆仿照洋銀原
欲奪洋銀之利自不能不以洋銀之市價為準則而洋
銀之成色低於紋銀所值亦少於紋銀在通商口岸華
洋貿易權衡切當市價雖有漲落要不至少於洋銀中
實有之成色且恒比實有之成色略高蓋洋銀輕重有
準取携便易商民樂於行用故所值雖稍浮於實有之
成色而人不以為過且行銷日廣來者日多洋銀之利

不過如此非謂九成之洋銀即可抵十足之紋銀以為
用也自鑄銀元之利亦復如此能與洋銀同價則有利
至內地素無行市必至任意折扣若強其行用恐實有
之成色且不敷工火更何由出是以行用必聽其自然
不得絲毫勉強湖北一省惟漢口銷用較暢究屬一隅
之地為數不能甚多若待由漸擴充以達內地則收效
甚遲且鑄多銷滯積壓鉅款既難周轉勢必停工待銷
糜費無益臣等籌之已熟是以於正月初四日會銜電
奏湖北銀元局開辦尚須籌款銀元銷路以江南安徽
等處為多查鄂省創設各廠前奉旨仍令臣之洞督飭

張文襄公全集

卷四十

奏議四十

三

經理且江南去年曾經議設銀元局尚未舉辦若鄂局
歸南洋經理可免江省另設一局以致相妨將來如有
盈餘可酌量津貼鄂省奉旨允准在案此次臣之洞所
奏將湖北鑄成銀元批解江甯飭發江蘇安徽江西三
省行銷之議係查照奏案辦理蓋三省通商口岸較多
貿易較大行用銀元亦較暢故奏請將鄂局歸南洋經
理上年春間本任兩江督臣劉坤一本擬在金陵設銀
元局購機度地已有成議今鄂局行銷既須仰給江南
則此後江南不另設局以免相妨籌款行銷南洋任之
如有盈餘酌量津貼鄂省本擬江鄂各半均分蓋必多

鑄多銷方有盈餘原欲通力合作兼爲江鄂計也今部議鑄本由江南借撥行銷由湖北專司其餘利及籌款統歸湖北似未深悉外間籌辦籌銷之用意臣之洞當經電商臣繼洵旋接電覆稱以武漢等處向來行用銀元不多此後能否暢行尙無把握遠不如江皖等省銷路之廣此局月鑄三四十萬兩鄂省司局款絀挪借亦難儻帶銷壓本勢難周轉若少鑄則又利微不免虛糜局用不如仍照原議籌款行銷南洋任之餘利江鄂各半最爲妥協等語是此時臣等意見仍係相同合無仰懇天恩俯准仍照臣之洞原議辦法以暢行銷而收利

張文襄公全集

卷四十 奏議四十

七

權其鄂省墊用購機造局之款及每月局用修補添機各費自應在盈餘項下陸續提還扣除此江鄂兩省俱無盈絀者也又部議謂若如所奏一月所鑄之銀不下四十萬其配合成色按照大小銀元由九成遞減至八成牽算每月約可扣銀五六十萬兩等語詳繹部臣所議係就紋銀加色仍作十足紋銀計算故有此多不知鑄成九成銀元成色既減則所值亦減照市價兌換漢口用洋例上海用規元展轉折算僅比九成實色略多萬不能抵十足紋銀大約鑄銀一千兩除銅珠白鉛火耗運費外盈餘不及二十兩員司華洋工匠薪工局費

每月約需一千數百兩尙未扣除若鑄八成二小銀元成色較低餘利較厚大約鑄銀一千兩盈餘約可百兩是以粵省錢局以鼓鑄九成成大元並無餘利數年來皆鑄小銀元多至千餘萬兩盈餘頗豐然有小元而無大元互相調換行用必不能持久上海行用粵東小元市價近甚減色作九二折扣算鄂省初辦志在持平經久以期流通廣遠以多鑄九成成大銀元爲主而兼鑄八成二之小銀元以大易小以小易大各聽民間自願庶可歷久不渝然盈餘亦必不能如粵局之厚矣又部議謂粵東製造銀元前據李瀚章奏明由善後局撥給紋銀

張文襄公全集

卷四十 奏議四十

七

僉稱適用現在湖北開鑄係用外洋銀條以我之紋銀購彼之洋條勢必諸多虧折究竟洋條是否純淨不但該督未能深悉卽局員工匠亦恐未必周知以銀鑄幣本易銷耗第以紋銀鑄銀元與以紋銀易銀條同一銷耗紋銀而徒多此虧折應令詳細酌核等語查通商以來貿易日盛市面需用銀幣亦日多內地紋銀久已不敷周轉是以通商各口皆用洋銀爲大宗各處銀號往往購買外洋銀條略攙銅鉛鎔成元寶與內地紋銀成色約略相等年中銷用外洋銀條爲一大宗商人以此謀利藉非洋條成色高於紋銀商人何以取利卽此可

爲明證大抵中國分金提銅之法粗而不精僅能知其大略之數外國分化五金有專門之學絲微必察考驗極精歷考內地元寶高者每百兩中不過十足淨銀九十八兩八錢五分餘爲銅鉛雜質其低者多寡參差更無論矣至於外洋銀條則每百兩中有十足淨銀九十兩八九錢成色相去不甚懸殊而且每條重約一千兩一經較準即可配銅鑄鑄自成一爐事較易舉內地紋銀元寶重者每錠不過五十兩而且一錠有一錠之成色高低不一驗不勝驗必湊成十兩爲一爐鎔化和勻重新凝塊始能驗其實在之成色然後配銅重鎔方

張文襄公全集

卷四十 奏議四十

三

克有準多一傾鎔即多一火耗此鄂省銀元局所以購用外洋銀條之故也大約用寶紋與用洋條比較每千兩約多折耗四兩左右臣之洞在粵創設銀元局開鑄之初本擬向匯豐購用銀條供鑄已議有眉目嗣因臣之洞調任湖廣粵省局員樂於省便且見粵省銀元易銷希冀民間不加深求挑剔遂稟准接任督臣李瀚章但取寶銀供用此粵省核算之疎非寶紋可抵銀條也本年夏間接廣東銀元局委員來稟現亦購銀條數十萬兩應用然遇洋條上海無可購買則又不能不用寶紋鑄鑄矣查鑄造銀元有關圖法成色不齊即難取信

於人臣之洞於開辦之初即派精於化學之西人駱丙生及化學學生蔡亨郎展訓二名在局專司考驗銀色並飭局員認真督率始終一律無少參差以期誠信相維流傳日廣至以後如有應行隨時調劑之處臣等自當會商妥辦總期於有利無弊經久暢銷國家收回利權商民樂其便利所有會商湖北銀元擬請仍遵前旨歸臣之洞經理盈餘江鄂各半均分俾得行銷周轉緣由臣等謹合詞恭摺具陳伏祈聖鑒訓示

硃批著照所請戶部知道欽此

截回臺餉並收回軍火輪船摺

光緒二十一年十一月十八日

張文襄公全集

卷四十 奏議四十

三

竊臣於本年四月十七日承准總理各國事務衙門電開奉旨本日唐景崧請飭部撥餉銀現在戶部無可指撥著張之洞先行籌撥銀五十萬兩陸續解往應用欽此當經欽遵飭撥惟瑞記借款一時尙未收齊江南支應南北征防各軍需餉尤急祇能陸續勻濟當經電飭署江海關道劉麒祥先撥銀三十萬兩交臺灣駐滬轉運局分省補用道賴鶴年收領設法運匯赴臺旋聞臺事不支署撫臣唐景崧內渡臣查前項臺餉三十萬兩交匯不及一月在臺未必交清飛飭迅速截回以杜中飽隨據道員賴鶴年稟稱已匯臺十萬兩尙餘二十萬

兩已向廈門香港等處原匯洋行查明陸續收回交存
 上海道庫副據唐景崧派員開送清單並將該署撫由
 臺帶回之臺灣另款銀四萬九千八百兩係德記利士
 洋行銀票一紙一併繳還到臣並稱有已付定銀及數
 成價值尚未運到之軍火共計泰來洋行哈乞開士三
 十二鎊快礮四尊帶彈二千顆又哈乞開士五管礮六
 尊帶彈五千顆又公泰畢第蘭洋行礮彈模子二十四
 箇新式快槍二千枝帶彈一百萬顆頭批格拉司槍四
 千枝二批格拉司槍五千枝又泰來元豐順兩洋行毛
 瑟槍彈四百萬顆格林礮彈二十萬顆又泰來洋行水
 旱雷綫濕電樹膠管膠瓶測遠鏡銅皮銅絲化銅鍋
 印度片等件十八箱計購價運保共銀四十五萬餘兩
 又駕時斯美輪船兩艘係前臺灣撫臣劉銘傳所購原
 價三十六萬兩新福建輪船一艘係前臺灣撫臣邵友
 濂所購原價九萬兩所有軍火均已酌付購價或付定
 銀至輪船本係官物因辦防以來作為售與德國洋行
 換旗行駛應請由南洋將軍火尾價找給各件即歸南
 洋驗收並將洋行換旗及墊欠薪費各款補還即仍將
 三輪收回以免虛擲等情臣查此項槍礮輪船所值不
 下八九十萬兩即輪船折舊估值三輪亦約值二十萬

張文襄公全集

卷四十

奏議四十

三

三

兩今找付還欠為數無多自以江南找欠留用為正辦
 當經飭由署江海關道劉麒祥分別查明合同驗明槍
 礮子彈均係精利適用共應找給槍礮等價銀十一萬
 三千五百六十九兩一錢找給輪船洋行換旗雜費欠
 發薪糧等項銀四萬四千三百四十餘兩即在截回臺
 餉銀二十萬兩及唐景崧繳回銀單四萬九千八百兩
 兩款內開支以清轉轄並分飭江海關道及上海製造
 局將所收軍火雷綫妥為點收陸續運解金陵應用所
 收輪船酌給薪工煤油雜費暫在南洋供差仍俟隨宜
 酌量租售變價另案奏明辦理餘款仍收入江南借款
 項下充餉

張文襄公全集

卷四十

奏議四十

三

三

項下充餉
 硃批戶部知道欽此

江南息借洋款分飭司局認還摺

竊惟上年海氛不靖江南辦理防務需款甚亟經臣於

上年十二月十九日及本年正月十二等日電奏息借

洋款欽奉諭旨允准嗣因熾大克薩兩洋行展轉推阻

議而未成績經奏明由上海道劉麒祥改訂瑞記洋行

英金一百萬鎊六釐息九六扣中外無行用仍在江蘇

鹽課釐金籌捐三款歸還復於四月十七日准總理衙

門來電奉旨張之洞電奏退還克薩借款改訂瑞記借

光緒二十一年
 十二月初六日

款經總理衙門戶部議定借用英金一百萬鎊即著照所請辦理並已由該衙門知照德使矣欽此電飭欽遵在案茲據劉麒祥稟稱前款已交齊九十六萬鎊查明歷次交銀日期市價兌收共合規銀六百二十八萬六千八百三十七兩九錢七分聽候隨時撥用議定合同十二條呈送前來伏查息借洋款歷由各海關認還惟前准戶部電令由江蘇鹽課釐金歸還自係因各關指撥太多恐難應付是以遵照部電擬由江蘇鹽課釐金籌捐等款勉力承認歸還經臣核定飭江甯蘇州松滬三釐局兩淮鹽運司各認二十五萬鎊按照合同分期

張文襄公全集

卷四十 奏議四十

三

本息數目依限籌撥先期解交上海道彙齊轉付設遇不敷務於兩箇月以前預先稟明以便斟酌籌備撥足俾免貽誤恭錄諭旨並照歷次電奏暨總理衙門戶部來往電函分別咨行立案

硃批該衙門知道欽此

創設儲才學堂摺

光緒二十一年十二月十八日

竊維國勢之強由於人人材之成出於學方今時局孔亟事事需材若不廣為培養材自何來光緒二十一年閏五月二十八日奉上諭自來求治之道必當因時制宜况當國事艱難尤宜上下一心圖自強而弭隱患朕

宵旰憂勤懲前毖後惟以蠲除痼習力行實政為先疊據中外臣工條陳時務詳加披覽采擇施行如修鐵路鑄鈔幣造機器開鑛產折南漕減兵額創郵政練陸軍整海軍立學堂大抵以籌餉練兵為急務以恤商惠工為本源皆應及時舉辦等因欽此是設立學堂即今日亟應舉辦之一端古者四民並重各有相傳學業晚近來惟士有學若農若工若商無專門之學遂無專門之材轉不如西洋各國之事事設學處處設學臣今擬就江甯省城創設儲才學堂一區分立交涉農政工藝商務四大綱交涉之學分子目四曰律例曰賦稅曰輿圖

張文襄公全集

卷四十 奏議四十

三

曰繙書此一門專為考求應繙外洋新出要書藉以考核列國政要其各國軍制已歸陸軍學堂故不列入農政之學分子目四曰種植曰水利曰畜牧曰農器工藝之學分子目四曰化學曰汽機曰鑛務曰工程商務之學分子目四曰各國好尚曰中國土貨曰錢幣輕重曰各國貨物衰旺此四門十六目皆有益國計民生之大端此乃修我內政不得以喜新好異學步外人為比大約法律農政之教習宜求諸法德兩國工藝商務之教習宜求諸英國先招文義清通能讀華書兼通西文者四十名充高等學生分學以上所指各門以後逐漸增

加第其學業之淺深分爲四班至一百二十名爲止但西師以西書相教授學生不通西文卽無從受西師之教無從讀西國之書若必待己繙之書始能披覽必得中國之師始能轉授則知聞少而見效遲且不免有差誤隔膜而不能盡得其精意故不得不以語言文字爲初基現擬別設初學學生一百二十名就江甯省城向設之同文館變通開拓查金陵同文館局面較狹經費無多祇有英法文學生共三十名今改爲英法德三國文字學生各四十名共一百二十名均延西人爲教習亦第其學業之淺深分爲四班初學學生列入頭班後

張文襄公全集

卷四十 奏議四十

三

卽升爲高等學生末班似此層遞而上庶幾學有始基嚴其課程優其廩膳實力訓迪數年之後儻果有高材成效則量予科名仕進之途俾知學有專長在朝廷斷不歧視自然互相勸勉愈造愈精可以挽救空虛積習此舉似爲造就人材之實際規畫富強之本源所有學堂經費自以洋教習薪水爲大宗計須延教習七人每年需銀一萬七千兩加以學生膏火獎賞員役薪水夫馬學堂購置圖書器具雜用等項統計需銀約六萬兩擬將儀徵淮鹽總棧每年節省商捐局用銀二萬兩皖岸督銷局每年節省商捐局用銀二萬餘兩儘數撥給

充用如有盈餘積存作建堂經費此兩項均係臣新籌節省之款應請歸入外銷又同文館原定之款每年約銀四千兩有奇應亦歸併應用足敷該堂經費至建堂經費尙須設法積存籌措且堂工一時亦難造成擬先租賃屋宇應用以便及早入堂肄習俟籌足款項時卽行建造查本年北洋新設西學學堂奏請立案款由捐集不動公項此次江南設立學堂亦係款由外集事屬相同此事臣於夏間卽擬舉辦因鉅款難籌是以未能速辦茲已籌有的款始能奏明定議及時舉行所需德法各教習現已電託出使大臣許景澄慶常分別延訪

張文襄公全集

卷四十 奏議四十

三

其英文教習較易物色擬卽就來華者招致現值交替在卽其擇地建堂委員經理及詳細章程應由本任督臣劉坤一到江後續行核定開辦

硃批知道了著張之洞移交劉坤一妥爲經理欽此

張文襄公全集卷四十終

吉林慶 珍校

張文襄公全集卷四十一

奏議四十一

查明督銷局礙難裁撤並籌節整頓辦法摺

二十一年十一月十八日

竊臣承准軍機大臣字寄光緒二十一年八月初九日
欽奉上諭有人奏兩淮鹽務督銷局一差江蘇候補道
員百計鑽營歲可得一二十萬金兩湖江西淮鹽引地
各設督銷局事權倒置運司鹽道轉無從過問請規復
舊制以專責成等語准鹽督銷局應即酌量裁併著張
之洞體察情形奏明辦理原片著抄給閱看將此諭令

張文襄公全集

卷四十一 奏議四十一

一

知之欽此遵經轉飭兩淮鹽運司江人鏡確切查明妥
議規復去後茲據該司江人鏡詳覆原奏內稱督銷局
差使歲可得一二十萬金等語查鄂湘西皖四岸督銷
局經收加課鹽釐銀兩照章分解司局撥充京協各餉
向係隨收隨解分上下半年造冊奏報均屬有案可稽
此外加局薪緝費等項亦皆稟奉核定支銷原奏所謂
歲得一二十萬金委實查無其事又原奏內稱鹽法道
本有稽察鹽務督理行銷之責儘可由鹽法道督銷等
語查淮鹽運銷鄂湘西皖四岸從前本無督銷局名目
然其時各岸無收解課釐之繁又無保價緝私之責自

同治二年前督臣曾國藩奏定新章分設鄂湘西皖四

岸督銷局專司收解課釐及售鹽定價緝私等事派委
道員常川駐局鄂湘兩岸雖有鹽法道會辦仍責成委
員經理以期無擾於商有俾於用各岸事務設有貽誤
督銷局員即可隨時撤換行之三十餘年尚無流弊今
若改歸鹽法道督銷非但各省鹽道均有管轄事宜勢
難分顧儻於兩淮商情商務未能熟諳課釐為餉源所
繫似未便率爾更章致貽因噎廢食之誚又原奏內稱
督銷局宜裁則裁宜併則併一節查鄂湘西皖四督銷
局各隸一省相去千里上下即就一局而論行銷口岸

張文襄公全集

卷四十一 奏議四十一

二

有數十州縣之廣總辦一員耳目難周是以各岸於扼
要之處設立分局運鹽售銷以便民食而遏私梟似亦
難於歸併至各岸局開支用款凡有可以酌減之處自
應力求樽節應請飭令各督銷局各就各處情形酌量
刪減以副原奏嚴杜侵漏之意並據酌擬整頓四岸督
銷辦法四條一四岸督銷局向有分銷提調文案等要
差應委兩淮鹽務人員江蘇候補人員及督銷局所設
之該省地方候補人員經理此外隔省及候選人員不
准派委此等要差以昭慎重而免混雜一督銷局收解
課釐正項向係造冊咨司彙報此外局薪緝費等項雜

用亦應造冊咨司以備查核一課釐隨銷數爲盈絀督銷局應將分銷各員每月所銷鹽數比較上屆有無盈虧注明委員銜名咨司查核詳定功過一各岸鹽行經手賣鹽如有積壓鹽價生息漁利情事應由該岸局隨時查辦務令隨售隨報核收價銀不准拖欠此外正陽鹽釐卡兼辦淮北督銷及五河鹽釐卡兩處情形有與四岸局相同者應一律飭辦以資整頓各等情前來復經臣設法各路密訪與該運司所稟情形大略相同臣查江南鹽務四岸督銷局及正陽五河兩卡等差素有膏腴之名實由東南初定之時准鹽暢銷商賈饒足局

張文襄公全集

卷四十一

奏議四十一

三

用寬舒委充是差者不免從容揮霍傳聞稱羨然亦斷不至盈餘一二十萬金之多近年銷滯私多緝私費用日繁各局卡情形已漸不如前本任督臣劉坤一均經概加裁減臣到兩江署任後又復一律嚴查力求節減除西岸已經前總辦道員程儀洛切實裁減無可再裁外復飭將儀徵總棧一差責成運司江人鏡兼管不設總辦力節浮費於商捐局用項下每年省出銀三萬兩皖岸督銷局於商捐局用項下每年省出銀三萬餘兩均經奏明撥作儲才學堂之用鄂岸督銷局向來頗有挪欠商本緝費之事經本任督臣劉坤一飭令設法節

省彌補不少現經臣督飭該局總辦道員志鈞核定用款嚴立章程每年節省銀一萬三千餘兩永杜以後虧挪商本緝費之弊此外湘岸亦飭裁減經費銀二千餘兩裁併沅江淶口分卡兩處正陽五河兩卡迭經札飭力裁淨費正陽卡先後裁省銀四千餘兩五河卡先後裁省銀四千餘兩各局卡統行確加察核現在實無每年盈餘數萬金之事至督銷局之設乃係前督臣曾國藩因時制宜之舉輪銷收釐運鹽定價緝私分銷均須有專員經理與道光以前鹽法舊章截然不同非有江南委員不可斷非各省鹽道所能兼顧督銷道員不力

張文襄公全集

卷四十一

奏議四十一

四

江南可隨時撤換若專歸各省鹽道經理則隔省之實缺道員豈能由兩淮鹽政動輒參撤必致呼應不靈至設卡分銷多開子店乃擴充銷路力杜私梟之要策其無益之分卡固當隨時酌量裁併扼要之分卡斷難自撤藩籬該運司所陳均屬實在情形督銷局之弊固不能無然未便因噎廢食誠有如該運司所云者至於整飭鹽務之道臣詳加體察不在於省費併局而在於認真緝私與慎選分銷兩端若掣驗含糊巡緝不力船勇虛冒私梟橫行此爲一弊分銷各員多係冗雜之流安坐素餐得規賣放不能聯絡營縣不知體察商情運鹽

多而解餉少任意虧欠套搭不清其籍貫何處官職虛實皆不可知一有虧欠則公帑受其累此又爲一弊欲除兩弊惟在督銷得人若督銷各局總辦秉公核實以整頓公事爲重不專以優差佚樂爲心則未銷者銷路日拓已銷者課價無虧諸務自可日有起色至該運司所擬四條尙屬切實已由臣覆加核定通飭四岸督銷局及正陽五河兩卡切實遵辦並責成運司考核自無原奏所謂事權倒置之虞果能實力奉行鹽務必有實濟

硃批知道了欽此

張文襄公全集

卷四十一

奏議四十一

五

籌議整頓釐金辦法摺

光緒二十一年十二月十九日

竊照前准戶部咨以籌餉孔亟由部臣籌擬七條具奏內有整頓釐金一條奉旨允准飭令各省籌議並准戶部咨催覆奏在案臣惟修明政事貴在得人而理財爲尤甚卽如釐金一端疊經札飭司局籌議而所議者不過整飭空言並無切實辦法查各省釐金利弊大率相同而江蘇地大物博官吏習爲華靡風氣習爲瞻徇故其弊較甚河港紛歧征榷繁複商賈則苦局卡苛擾之害公家則受員司侵蝕之虧嚴比較則商旅病務寬容則軍餉病臣體察經年欲救時弊惟有變通任人一法

向來釐金之弊誠如部臣所云委員視爲眞除上司以此調劑司事巡丁交相引薦或礙於親知或屈於勢力等語於是總辦不能無所瞻顧中飽積弊不能深問賢者不獎劣者不懲釐務頹敝職此之由總計江蘇全省共分金陵蘇州淞滬三總局除蘇滬兩局尙歸撫臣奏報外卽就江甯藩司所屬江淮揚徐海五府州論之局卡林立積弊繁多商民素來以爲口實良由藩司政事殷繁查核自難周到近年總辦道員尙屬穩練然責以盡掃積弊其權力亦有所難至徐州府所屬釐金尙歸徐州道委員抽收就近撥充軍餉亦不歸省城總局考

張文襄公全集

卷四十一

奏議四十一

六

核其間員司弊端自皆一轍竊思此弊查不勝查防不勝防若得其人而專任之復能假以事權則事事核實餉不絀而民不累查有江蘇候補道程儀洛學識端嚴清介絕俗才長心細堅定有爲臣前已於六月內奏陳在案該員在江年久熟習情形會署揚州府官聲甚好從前曾委充釐捐局提調現經臣委會辦金陵釐捐局茲籌一變通切實辦法擬請將江甯所屬各府州縣釐金及徐州釐金卽派該員爲總辦一切用人立法統由該員主持藩司徐州道暫且勿庸兼管亦不另委道員會辦以一事權所有該局抽收章程或應量減或應酌

增用人章程或應留差或應撤換不拘向來一年兩年之限事事不掣其肘如有舞弊中飽及擾累商民之員即由該道單銜詳請督撫臣參黜示懲其得力者亦即由該員詳請獎勵照此辦法臣決其必有成效可觀應請試辦兩年如行之無效再仍照舊案司道各員會同辦理再此外尙有金陵木釐局皖南茶釐局蕪湖新設米釐局收數皆係鉅款大宗皆原係道員總辦今應將此三局均統歸該員督飭總辦原派之道員作為會辦去留功過統歸該員考核酌定如須另委知府以下之員方能應手亦即由該員酌定改派該員係曾經本任

張文襄公全集 卷四十一 奏議四十一 七

督臣劉坤一保薦之員劉坤一到任後亦必能推誠委任似此擇人而任勝於枝節考求者多矣歷考從前軍務方殷需餉孔亟之時湖南釐金專任道員黃冕湖北釐金專任京員胡大任上海釐金專任內閣中書何慎修皆係破格專任著有成效得以濟餉成功前事之師可為取法當此民困餉急之時若再不破除常格令其耳目一新心志一肅誠恐釐務斷無振作收效之期臣反覆籌思無以易此合無仰懇天恩允臣所請其於釐務裕餉恤商兩端必能兼有裨益惟此舉係格外任勞任怨之事必為同列側目並懇敕下督撫臣不准該員

遜謝推辭方能一掃積習

硃批著照所請戶部知道欽此

創設陸軍學堂及鐵路學堂摺 光緒二十一年十一月十九日

竊臣創設自強新軍延募德國將弁分派統帶營哨各官業經將開辦情形於本年十一月陳奏在案竊惟整軍禦武將材為先德國陸軍之所以甲於泰西者固由其全國上下無一不兵之人而其要尤在將領營哨各官無一不由學堂出身故得人稱盛今欲倣照德制訓練勁旅非廣設學堂實力教練不足以造就將材光緒十二年間天津地方曾設立武備學堂惟時臣在兩廣

張文襄公全集 卷四十一 奏議四十一 八

總督任內亦曾設立陸師學堂雖學生額數均屬有限所造不多而此次創練新軍營哨各官取之兩處學堂出身之人究視未學者領會較易長進甚速是學堂有益確有明徵現當急練陸軍亟宜設法推廣儲異日干城之選查江南省城原設有水師學堂今於儀鳳門內之和會街地方創建陸軍學堂取其寬曠清淨遠隔市廛講舍住屋操場一律備具現已電託出使大臣許景澄延請德國精通武事者五人為教習慎選年十三歲以上二十歲以下聰穎子弟文理通順能知大義者百五十人為學生分馬隊步隊礮隊工程隊臺礮各門研

習兵法行陣地利測量繪圖算術營壘橋路各種學問操練馬步礮各種陣法礮在武學中又別爲專門尤非淺嘗所能見效所有應習各門約以二年爲期二年後再令專習礮法一年又須略習德國語言文字以便探討圖籍大約通以三年爲期滿期滿合考分別甲乙是爲畢業做照總署同文館章程三年期滿請准擇尤保獎並選其學業貫通秉性忠正者分派各營任用不使已成之材坐歎閒散庶肄業者以好學爲勸聞風者以來學爲榮而國家亦遂收得人之效此整飭武備之至要關鍵也所有造建房屋置備器具等費約需銀四萬

張文襄公全集

卷四十一

奏議四十一

九

數千兩擬在籌防局款撥用其常年經費約需銀四萬餘兩又鐵路一項學有專門與陸軍尤相關係外國鐵路衙門略如中國六部設有極品大臣專司其事大小學堂林立聞德國通鐵路學術者至數萬人之多方敷全國鐵路十萬餘里之用蓋研求利弊考驗物料圖繪器具推算工程監督行駛稽察修理隨在與本利相關亦隨在與軍國相關中國方經營鐵路而人材缺乏勢必多用洋人費且不貲是非亟備人材不可從前北洋亦經設有鐵路學堂其學業有成者業經臣調用數人惜爲數不多殊不敷用今擬另延洋教習二人招習學

張文襄公奏議 卷四一

生九十人別爲鐵路專門附入陸軍學堂以資通貫約計常年經費亦須二萬數千兩事關軍國要圖該兩項常年經費共需六萬餘兩合無仰懇天恩即在江海關新認加解每年四萬兩鎮江關新認加解每年七千兩共四萬七千兩一項動支計陸軍鐵路兩學堂經費尙不敷銀二萬兩查本年春間經臣委員會同江海關道常鎮道勸諭膏店酌量認捐嗣據江海關道黃祖絡等稟稱商捐業已辦妥計每年可收錢一萬二千餘串據常鎮道呂海寰稟鎮江亦可勸辦惟爲數較少各等語近准戶部咨催令舉辦土藥店捐輸現經札飭江甯江

張文襄公全集

卷四十一

奏議四十一

十

蘇兩藩司常鎮淮揚兩道於江甯蘇州鎮江揚州等處最爲繁盛之區先行勸辦其餘府州縣由該司道體察情形酌量辦理大約此項商捐每年總可籌銀二萬兩以外其兩堂不敷經費擬即於此項膏捐項下湊足如蒙俯允則兩堂經費有著必可經久推行將才蔚起出自逾格鴻慈不勝屏營待命之至

硃批著照所請該衙門知道欽此

金陵設立躉船修造馬路片

光緒二十一年十一月十九日
再金陵非通商口岸下關地方來往輪船均於江中停泊用小划渡客到岸其時必值四五更之交江流奔湧

七八九

風浪昏黑往往失事上岸後又須渡一河始能入城其水卽秦淮入江之處古名淮口水勢湍急每遇漲發溜下之時小艇黑夜橫渡亦甚危險由岸登輪者情形亦復如此商旅苦之歷經地方籌款設救生船不敷肆應光緒三年經前督臣左宗棠飭令招商局設有躉船來往稱便然惟搭商局輪船者受其益若搭怡和太古兩洋行輪船及野雞輪船者不得與焉且雖官輪往來亦不得靠招商局之躉船商局輪少他行輪多於是往來行旅其苦如故本年三月間鎮江英領事賈禮士來甯據稱江甯下關爲長江輪船往來暫泊之所洋船向無

張文襄公全集

卷四十一

奏議四十一

十一

躉船該國公使令其來商擬請擇地添設以便行旅等情又上海英領事來函稱怡和太古兩行輪船行抵下關無停泊之所洋行生理既覺受虧中國客商亦屬不便應請一律設立躉船以昭公允而利行人等語臣以未經通商口岸斷不許洋行設立躉船而該領事等堅執招商局爲辭臣當卽告以中國止欲在下關設立躉船馬頭以泊官輪而利商旅凡搭趁輪船者仍係華民馬頭成後儘可并許洋行輪船停泊酌量收租卽以所收租價作爲歷年修理各費該領事亦遂無辭當卽派委候補道桂嵩慶做照洋式增置躉船一座由江登岸

浮橋一道暨砌岸等項並於傍岸建造舍宇爲往來候船下船行旅暫時棲息之所使輪船上下可靠躉船免江心盤載之險又於淮口造洋式活橋一道使由江登岸後過淮口者免小艇夜渡之險計工料銀二萬餘兩又查城內遼闊過甚兵燹以來市廛蕭索城內有居民者三之一空曠者三之二查利民之方修路卽爲要義必須運載迅速信息靈便人貨流通則街市日增民生日富且北城一帶蒿萊彌望匪類潛踪命案搶奪間見疊出商旅來往官吏趨走備極顛躓公私曠廢職此之由惟有令省城內外南北一氣貫通則既阜商民兼清

張文襄公全集

卷四十一

奏議四十一

十一

姦宄昔孟子以土地闢田野治爲先王要政孔子美治蒲之善單子譏陳國之危皆於道路修治與否規之西人每得新地卽開馬路化甌脫爲都會此其善於師古者也臣於本年夏間并飭道員桂嵩慶自儀鳳門外下關淮口以西新設馬頭起修造馬路至城內碑亭巷止計長十五里計工料銀三萬餘兩官民便之三月以來貧民食力者競造手車以爲生計往來如織馬路兩旁小民購地造屋者日多不過三年可成街市現令往南接修至貢院以達於通濟門以利應試士子而便南城商民合營勇幫同工作所費無多而受益甚大以上兩

款均係酌提地方及鹽務捐款湊用並不動支庫款
硃批該部知道欽此

選派洋弁稽察軍械片光緒二十一年十二月十九日

再江南籌辦海防以來經臣飭購外洋新式快槍快礮甚多先後發交金陵軍械所存儲此項槍礮製造工巧機簧精細實為行軍利器在今日尤為自強要圖且價值甚貴動需鉅款尤應珍惜愛護軍械所屋宇無多近雖添造二十餘間僅可暫資存放以後必須酌采西法精加營造務令高明爽塏不受潮濕鏽澀鞏固嚴密不致奸匪疏虞而藏儲擺列均須有法方免堆壓之損壞

張文襄公全集 卷四十一 奏議四十一 三

且免查點取用之費手平日收放查驗擦拭上油事事均不可忽大率軍械事體極重大而極繁瑣尤須有專司之人方免悠悠誤事惟文武員弁中精諳軍火者固不多且積習相沿求其精細耐煩有恆不懈者尤不易觀現除循章選派熟悉軍械之道員總辦所務外專派洋弁二人一人常川駐所一人按期稽察由該道督率該洋弁並飭該局員弁時時隨同考究察看檢點以重軍儲所派洋弁即在洋操新軍所用德弁中選擇無庸另募合併聲明
硃批該部知道欽此

沈瑜慶請送部引見片光緒二十一年十二月十九日

再江蘇試用道沈瑜慶先於光緒十六年五月經前督臣曾國荃委辦水師學堂其時南洋創設水師之始一切章程均取則於福建船政學堂該員係已故兩江督臣沈葆楨之子潛心考究家學淵源故於刪定章程研求藝學獨能得其要領探討西法能究精微在事二年成效即昭然可觀沈葆楨之治江南流風善政時繫人思該員不墜家風允協時望上年冬間臣奉命來江適值海防事亟飭委該員辦理江南籌防局務均能實力籌辦有裨戎機茲當整頓水師之時該員創始經畫勞

張文襄公全集 卷四十一 奏議四十一 四

不可泯臣查選用道吳仲翔前充船政局提調復經調赴粵省總辦水師學堂經前船政大臣吳贊誠黎兆棠兩廣督臣李瀚章先後保薦送部引見奉旨允准蒙恩錄用在案查該員沈瑜慶才識穩練器局恢闊且由恩賞主事中式舉人既為正途出身復係蓋臣後裔其顧念名義感激報稱必有遠過流俗者當此時局需材合無仰懇天恩可否將該員送部引見恭候擢用之處出自逾格鴻施

硃批沈瑜慶著交吏部帶領引見欽此

移建松江火藥庫摺光緒二十一年十二月二十一日

竊光緒二十一年六月初四日承准軍機大臣字寄閏五月二十四日奉上諭有人奏松江城內火藥局庫請擇地移建一摺據稱江蘇松江府城內建設火藥局庫火藥炸彈無不充物庫房逐漸增加爲各路防營軍火總庫距衙署民居均在百步以內居民無不慄慄危懼且萬一稍有疏虞則全省軍火立形支絀請飭擇地妥爲移徙等語火藥局操防要需儲藏最宜慎密據奏各情所關非淺著張之洞奎俊派員相度地勢會同紳董將城內火藥局庫如何移置之處妥籌辦理等因欽此當經欽遵分別各行籌辦嗣據松江府詳督同華亭等

張文襄公全集

卷四十一

奏議四十一

五

縣將該處紳士查勘堪以移建之青浦縣屬鳳凰山神山泖塔三處逐加覆勘均係空曠平衍復經臣飭委江蘇候補道錢德培會督地方官紳詳細履勘稟辦茲據該道稟稱會同府縣查看松江府城火藥庫當時造法本有未盡善者查火藥局庫固宜在空曠寥廓之所而庫房尤不宜多間櫛比應以二三間爲一所用一二丈厚之土牆爲隔塚圍之蓋藥之精者直力大而上轟橫炸之力較小設有不測一所有事他所仍可無恙外面之總圍牆亦宜以泥土堅築厚而且高該庫建造在前考究未精是以多間櫛比且無隔塚而圍牆亦不甚厚

此後移置亦采用西國善法方爲穩妥又該藥庫爲江甯蘇州鎮江吳淞各防營礮臺總庫似亦未甚相宜自江甯至松江由長江計相去幾及千里除江甯蘇州外自應於鎮江江陰分置數庫庶幾有事時即可就近取用卽免轉輸之煩且或一處不測他處尙可接濟現查該處紳士所擇之地該道勘得泖塔神山二處不甚合宜惟鳳凰山北面一處計九十餘畝地甚闊大重載運船由七寶或四江口均可行走該山爲同治間駐營之所洋員教練屯紮十餘年之久其爲形勝可知且地未墾種購買價廉不致擾民建築亦易卽調營防守亦別

張文襄公全集

卷四十一

奏議四十一

六

有隙地可期穩固等情並繪具圖說稟請核辦前來臣查松江府城火藥庫所儲皆係洋式槍礮各藥爲數甚多此庫既設在城內其距民居斷不能遠縱關局堅固防守慎密設有不測闔城民命所繫貽害匪輕且該局爲各路防營火藥總儲之所誠如原奏萬一疏虞關係大局尤非淺鮮是以該府紳士屢經呈請移建茲經欽奉諭旨籌辦自應分別移置分建期以仰副朝廷固軍實保民生之至意現經臣委道員錢德培督同府縣勘明該道議於鳳凰山並鎮江江陰三處分置數庫便於轉輸且擬采取西法建造每所止二三間並以極厚土

牆爲隔塚圍之辦法皆屬切當鳳凰山現已勘定其鎮江江陰應飭委員并地方官迅擇妥地次第興造至存儲火藥庫既設在空闊處所必須防禦謹嚴方免匪徒窺伺此三處均宜專派營勇數哨駐守以昭嚴密除飭蘇州藩臬兩司暨上海常鎮二道分別委員前往會同各該地方官勘定地址估計經費籌款舉辦另行奏陳外所有松江府城火藥庫擬請分別移置分建緣由謹會同江蘇巡撫臣趙舒翹恭摺具奏伏祈聖鑒
硃批該部知道欽此

長江礮臺添設臺官摺

光緒二十一年十二月二十一日

張文襄公全集

卷四十一

奏議四十一

七

竊臣前因江南之江陰鎮江獅子林改安大礮專派礮勇加給專餉添派華洋員弁操演漸有起色因將沿江次等大小礮位一律改設專勇分爲四路以吳淞南石塘獅子林各臺爲一路江陰南北岸各臺爲一路象山焦山都天廟圖山關南北岸各臺爲一路金陵獅子山幕府山鍾山下關各臺爲一路每路設一總臺官礮勇均由專臺官督率由洋弁會同學堂出身之礮務委員教練其大小礮位視礮彈之輕重配勇數之多寡分別等差優給口糧月支薪餉擬卽酌汰防營以抵增出餉項當經具奏在案惟吳淞至金陵江行六百餘里雖分

四路而每一路中大小各臺相隔數里至數十里或在南岸或在北岸或在江心消息阻絕非每路各設總臺官不足以資控制非分段各設專臺官不足以專責成其實一大礮卽係一臺非將礮位分別大小大礮快礮各設副臺官中等礮分設一二等礮弁不足以精操練臣督同籌防局營務處各員詳加籌議綜計應設總管礮臺官四員每員月支薪水銀一百兩公費銀一百兩專管礮臺官十六員每員月支薪水銀五十兩公費銀五十兩副臺官三十一員每員月支薪水銀三十二兩一等礮弁二十四員每員月支薪水銀二十四兩二等

張文襄公全集

卷四十一

奏議四十一

六

礮弁六十七員每員月支薪水銀十八兩其礮勇月餉及各項雜費前已咨部在案此項薪糧公費雖較陸營稍優臣原奏稱一臺之功可抵十營一礮手之功可抵千人實非虛語旣欲收其實效不得不重其薪糧然較之多養油滑湊數之防營技藝不必精通功過無憑實驗者其得失當相懸萬萬矣現又將外洋新購之四十鎊子快礮十尊以二尊分設金陵獅子山四尊設幕府山四尊設雨花臺另有六寸口徑地藏架快礮二尊設幕府山南首以重省防尙有四十五鎊子快礮二十尊擬以十尊安江陰十尊安鎮江應俟德國募來礮臺洋

員等分別勘定地勢再行安設外茲既裁勇抵餉注重礮臺必須擇礮學專長之臺官略崇體制方足以資鎮懾總臺官略如陸營之營官兼分統者專臺官略如陸營之領哨官兼幫帶者副臺官略如陸營之哨官俾上下鈐束號令專一呼應較靈不論官階專考取洋操諸習技藝精熟者當之概不准濫竽充數口糧另行委員會同洋弁給發以除積習所有華洋員弁勇目洋號令掌通語旗機器匠辛工擦洗礮費各款現已酌汰十營以抵臺勇餉庸另籌此十營係就江南歷年原有防營內多方籌維裁去此數以便騰出餉項仍歸防營

張文襄公全集

卷四十一

奏議四十一

五

支應局按月給發飭由籌防局營務處各員不時稽察按月校閱一次以核功過

硃批該部知道欽此

撥款購銅附鑄制錢摺

光緒二十一年十二月二日

竊查各省停鑄制錢以來市用銅錢日見其少加以私銷不絕兼多由海船販運出口錢價因之日昂近日大江南北各府縣旬月之間銀價驟跌每兩僅易制錢一千二百數十文上游皖楚等省情形亦復相同鄰省皆禁運錢出境以致市面愈不流通小民生計艱難商賈即多折閱民間完納丁漕釐課尤為苦累百事窒礙民

情惶擾時近歲暮生事可虞竊思錢貴由於錢少此乃自然消息之理若出示禁止擡價更滋事端即使向別省購運為數有限稍事補苴亦無大益此非開其來源終無善策惟有迅速增鑄錢文方足以示平準而靖民心因思臣在兩廣任內時奏明創設錢局以機器鼓鑄制錢製作精好輕重適均現經會商撫臣札飭江甯藩司兩淮運司江安糧道蘇滬釐局各借撥銀四萬兩共十六萬兩分別匯解上海道庫存儲由江甯藩司委員赴滬支取采買上等東洋紫銅及外洋白鉛運赴廣東交由兩廣督臣飭交廣東錢局附鑄制錢二十萬串補

張文襄公全集

卷四十一

奏議四十一

三

給工火仍照定章銅六鉛四每文計重八分加工趕造鑄成後分批陸續解滬分撥甯蘇淮揚四屬行用展轉流通以便商民惟鑄錢平價亦如買米平糶必有折耗方能便民此項銅鉛工火運費折耗若干將來應請准其據實開報由司道釐局四處分認為數亦不甚多合併陳明

硃批戶部知道欽此

錢幣宜由官鑄毋庸招商片

光緒二十一年十二月二十二日

再竊惟錢幣為國家大政一國有一國之權即一國有一國之錢從不准彼國之錢行於此國而外洋墨西哥

小國銀元乃充斥於中國初行沿海省分近且流及內地殊與國體內政大有關繫自非亟行自造不足以便民用而挽利權恭繹光緒二十年六月十二日諭旨現在廣東湖北等省均已次第開鑄銀錢南北洋沿海繁庶地方如能招商集股官督試辦實可以濟圓法之窮著李鴻章劉坤一體察情形妥籌具奏等因欽此首慮鑄法之曰敝而亟杜漏卮繼慮官本之難籌而計招商股終且慮權利之下移而責令體察情形妥籌具奏仰見朝廷慎重圓法之至意伏思歷代以來鑄錢有政行錢有令防私有罰良以事關國計必須官爲鑄造方昭

張文襄公全集

卷四十一

奏議四十一

三

慎重無准令民間鑄造之舉雖爲銅爲銀體質有殊而其爲錢法則一卽近今泰西各國遇事招商獨至錢幣則無論銅錢尼格爾錢銀錢金錢莫不由其國家自造亦無准民間鑄造之舉古今中外無二理也在朝廷之意自係慮購機設局款項繁鉅故擬招商集股惟查鑄造銀元機器廠屋所費並不甚鉅官力有餘無藉於商況商人惟利是趨往往不能遵守定章艱若畫一將來分兩成色必致參差不齊有妨民用不但不能杜外洋之漏卮並與現有之官局有礙是以本任督臣劉坤一專主官辦不主商辦遇各紳商紛紛陳請或稱招集商

股或稱自備資本更有稟奉北洋大臣札委擬在上海設立商局招股試辦之人均經劉坤一以事關國家鑄幣大政斷難假手民間致滋流弊未允所請臣抵任後蘇省紳商又復迭請設立商局亦經臣以錢幣大政統宜官辦等情明白批示各在案第恐他省未及周知一時允准商請實與國家權利有礙相應請旨飭部通行各直省無論何處無論金銀銅何項錢幣如須鑄造統由官辦概不准商人附搭股本更不准商人自行鑄造以重圓法而收利權

硃批戶部議奏欽此

張文襄公全集

卷四十一

奏議四十一

三

調募各營次第裁竣摺

光緒二十一年十二月二十二日

竊查防務解嚴增募各營業經分別裁撤五十七營零四百人先後奏明在案其餘各營隨即酌量情形核計輪船往返程途次第裁遣當將記名提督謝得龍所統之汰留鶴字二營千總金滿管帶裁剩浙軍滿字右營記名提督海州營參將楊文彪所統之健勝五營記名提督譚會友代統之汰留章字正五營記名總兵張騰蛟所統之汰留騰字二營又記名總兵李先義所統之廣義軍五營儘先副將林保所統之廣保軍五營又辦理江南防務雲南提督臣馮子材所部常勝萃字十營

又記名提督張仲春統帶之仲字二營記名提督王衍慶統帶之汰留霆慶三營又候補副將唐高斗所統之高字三營又記名提督鄧正峯所統之正字五營又記名提督萬本華所統長勝三營又淮揚道謝元福所帶浦勝馬隊一營又臣標衛隊步勇三百名馬勇一百名自本年八月以後至十二月先後檄飭悉數裁撤又江靖一軍七營除撥歸礮臺充當專勇外其挑贖馬步各營及水雷哨亦卽一律裁遣該軍係武毅春字等軍乃多年老營歷年均有存餉應照案加發三關半恩餉以示體恤其江靖軍原管江陰南北岸礮臺卽以統領老

張文襄公全集

卷四十一

奏議四十一

三

湘合字等營記名提督舒永勝填紮接管並調回現駐揚州之補用參將章其俊所統合字前營及分駐常陰沙之合字右營同駐江陰以厚兵力所遺之常陰沙及五臺山舊壘卽飭瓜州鎮總兵高光効於所統南字三營內撥出左右二營分往填紮又江南督標護軍原係三營經本任督臣劉坤一帶北二營原剩一營臣因軍事正亟補募兩營增募一營共成中前左右四營經臣挑練德操千人頗有成效現擬將此千人江鄂各分其半以便展轉教操現與兼護湖廣督臣譚繼洵商妥將前營調赴湖北另將湖北防營裁減作抵現已另片陳

奏尙餘三營除將挑取練成之五百名併爲護軍右營飭委游擊朱公遠管帶轉相教練別營外尙除挑贖千人計二營均卽裁汰又甘肅鞏秦階道李光久帶回老湘五營本應全撤惟該軍前在關外苦戰其中尙有精銳千人因飭裁去三營挑留中前二營飭委總兵劉光才兼統又貴州古州鎮丁槐所部衡字五營飭令裁去兩營半仍留兩營半改爲五底營凡所改之底營係以二百五十人爲一營五十人爲一哨營哨各官照常留用惟勇丁及伙勇長夫概裁其半又記名提督陳基湘所統之新湘六營又補用副將班廣盛所統之淞防六

張文襄公全集

卷四十一

奏議四十一

四

營飭令於所部內各裁去一營以補臺勇之餉以上所裁各營大餉均截至各勇登輪之日止輪船周轉不及約須明年正月月底方能竣事仍接籍隸本省者給恩餉一月籍隸外省者給恩餉兩月一面由營務處會同籌防局雇備商輪勻作數撥分赴各該營近水口岸分別載送各該勇原籍妥爲遣散應繳軍械旂幟責成各統領及營哨等官如數收回就近解送各局所收儲經此次裁汰之後江南尙存水陸防勇四十餘營總計臣到江南後增募補募之營俱已裁除此外尙將江南原有之營多裁十數營計減去江陰春字等馬步合計八營

吳淞慶字一營忠信智三營老湘三營護軍二營新添者止高光効三營丁槐五底營實係兩營半丁大文馬隊一營新舊相抵計尙省出十營半之餉可以抵支新增各礮臺弁勇新餉各費較之常年留防營數餉數有減無增其本任督臣劉坤一甫經遣回之山西大同鎮劉光才所部督標親軍五營記名提督楊金龍所部護軍二營係由劉坤一咨送留防應否裁留仍俟劉坤一同任後酌度辦理又徐州鎮陳鳳樓所部馬隊三營自奉調北上後已飭徐州道署徐州鎮照原餉之數分募馬步各隊填紮現聞陳鳳樓一軍仍回徐州此軍係屬

張文襄公全集

卷四十一

奏議四十一

五

重出應如何裁留併俟本任督臣劉坤一酌量辦理
硃批該部知道欽此

護軍前營調鄂教練片

光緒二十一年十二月十二日

再江南省城本有護軍防勇三營經本任督臣劉坤一揀帶兩營隨征時值防務日亟由臣補募兩營增募一營共成中前左右四營均經奏明在案嗣欲開練德操先於此四營內挑選千人先令洋弁試行教練現已半年其步伐整齊槍礮嫻熟頗有可觀茲臣蒙恩飭回湖廣總督本任湖北居長江上游會匪出沒武備尤關緊要第鄂省財用支絀無力招延洋弁而江南現已選募

新軍十二營皆用洋弁管帶操練諸事自覺裕如茲擬將練成千人分半留江併爲護軍右營接續訓練卽以前營五百人調赴湖北合其轉相教習以開風氣其到鄂之後應給餉項由鄂裁省原有之營抵支已與兼護湖廣督臣譚繼洵商妥其未練之護軍兩營卽行裁汰已於另摺詳陳

硃批著照所請該部知道欽此

爲朱洪章請卹摺

光緒二十一年十二月二十二日

竊據接統章字營記名提督譚會友率同合營將士章字後營營官記名總兵劉本桂右營營官儘先副將龍

張文襄公全集

卷四十一

奏議四十一

五

福森左營營官儘先副將黃青雲前營營官世襲雲騎尉朱仁昌記名總兵劉良壽儘先參將姜世珍等呈稱已故章字營統領記名提督開缺雲南鶴麗鎮總兵朱洪章貴州黎平府開泰縣人年十九以勇丁隨前湖北撫臣胡林翼勦匪黎平成豐三年以外委補用胡林翼奉旨赴湖南北軍營會勦卽令該故鎮募勇千人由鎮遠會京口時侍郎會國藩方規岳州議以提督塔齊布攻湘潭胡林翼趨常德該故鎮從征賊燒營遁遂收常德府城攻澧州克之七月胡林翼趨岳州該故鎮合湘軍力戰遂復其城四年七月又從塔齊布克武漢二府

及興國大冶等州縣復半壁山追賊至田家鎮又復黃州蘄州蕪水黃梅各郡縣五年曾國藩檄該故鎮副畢金科統二千人名長勝營畢金科陣亡洪章統其軍駐饒州九年六月隨曾國荃復景德鎮浮梁縣曾國藩復檄擇所部精壯千人隨曾國荃攻太湖克之奉旨免補守備擢都司賞戴花翎檄赴安慶助勦力戰克安慶省城奏奉諭旨朱洪章克復安慶尤爲出力著免補遊擊以參將仍留湖南補用賞加勤勇巴圖魯名號九月拔無爲州同治元年二月復巢縣又復和州隨克東西梁山乘勝克金陵各關隘進逼城南雨花臺賊抵死出拒

張文襄公全集

卷四十一

奏議四十一

三

以地道攻塌營濠該故鎮督眾堵塞烈燄橫飛兵弁數百一時俱盡該鎮僅以身免計賊圍營四十六晝夜微該故鎮血戰死守大局幾敗垂成奉旨免補副將以總兵記名簡放賞加提督銜又連復孝陵衛天保城地保城遂成合圍擣穴之計奉旨賞給一品封典金陵爲賊窟穴已十餘年內既死拒外又百道來援我兵環而攻之連營數百並頓城下鑿地三十餘處均爲賊覺精銳傷亡疾疫繼作詔書促迫督師焦勞該故鎮與前河南歸德鎮總兵李臣典奮厲不衰該故鎮屢出奇謀應變破敵始克支持全軍圍攻大局同治三年六月十五之

夜地道成曾國荃集羣帥問作軍鋒者諸將默然該故鎮乃獨請先分千四百人爲二隊至龍膊子令人負生草一束填壕發火轟塌城垣二十餘丈該故鎮首躍以登各隊肉薄繼進登陴回顧頭隊敢死士四百悉焚灼焉後當時平重過其地該故鎮必愴然涕下哀感同袍春秋伏臘必親祭之如喪所親曾國荃督兩江爲樹豐碑紀其事其得人死力蓋有由矣金陵敘收復功該故鎮固應第一乃以李臣典積勞先歿蕭孚泗名位居前該故鎮抑而爲次或諷其向幕府自陳該故鎮夷然不屑也有功不伐時論尤多之三年七月十八日奉上諭

張文襄公全集

卷四十一

奏議四十一

三

提督銜記名總兵朱洪章克復江南首先登城生擒偽王洪仁達僞忠王李秀成二逆首異常出力遇有提鎮缺出請旨先前簡放賞穿黃馬褂世襲騎都尉罔替欽此是該故鎮爲首功已在先朝鑒照之中矣嗣奉旨補授湖南永州鎮總兵調補雲南鶴麗鎮總兵彈壓地方和輯兵民所至俱勤其職越南之役隨前雲貴督臣岑毓英出關助勦光緒十四年十月因病開缺十五年正月病痊銷假經前督臣曾國荃奏留兩江委辦海防營務處十六年三月署福山鎮總兵十七年六月統領江蘇留防水師全軍十九年二月委署狼山鎮總兵二十

年十一月東洋構兵經臣委辦兩江營務處令其招募章字軍十營防守吳淞本年正月以浙江之乍浦屢有警信乍浦與蘇境毗連遂調駐金山衛兼顧浙防閏五月十五日病歿防次理合呈詳奏卹等情臣查朱洪章從征江南身經百戰功績最多其曲折經營不能悉紀該提督譚會友等第舉其攻克城邑之尤著者臣念該故鎮天性忠勇智略無倫起家邊徼無里閭援引之力資性木彊落落難合獨以謀勇兼備首克名城策名中興始終軍旅跡其生平成功不居抑然自有古名將之風承平三十餘年宿將凋謝當日偏裨之選類多游

張文襄公全集

卷四十一

奏議四十一

三

膺專闕或且擢任封圻惟該故鎮以總兵起病之後迄未真除當夫海警乍聞聞輦思帥臣百方搜采殊罕其人惟該將威望允孚紀律嚴肅垂聲江表羣望所推是以委以江浙之交畀以折衝之任方冀其立功報國為後起諸將之楷模詎意志決身殲賁恨入地臣固痛失指臂之助益為國家惜此人材伏查原任歸德鎮總兵李臣典前福建陸路提督蕭李泗皆與該故鎮同功一體之人並以積勞病歿仰荷加恩子諡生榮死哀今該故鎮以死勤事其前後功績正與相埒應如何優予飾終用勵勞蓋固非臣下所敢妄請至其功蹟卓然不可

泯沒合無仰懇天恩仍照提督軍營立功後病故例從優賜卹並宣付史館立傳並附祀原任大學士曾國藩兩江總督曾國荃湖北巡撫胡林翼專祠以慰忠魂而昭激勸

硃批另有旨欽此

為劉鶴齡請卹摺

光緒二十一年十二月二十二日
竊臣前於上年十二月間因江南海防吃緊奏飭署湖北宜昌鎮總兵記名提督劉鶴齡前赴黔蜀之交招募鶴字軍六營來江嗣該提督募集成軍其時北路軍情正急晝夜趕辦同抵宜昌遽於本年三月初一日積勞

張文襄公全集

卷四十一

奏議四十一

三

受寒舊傷舉發在途次病故隨電飭該提督舊部署宜昌鎮總兵記名提督謝得龍代統來江均經奏明在案惟查該故提督劉鶴齡夙歷戎行忠勇廉樸生前戰績行誼有足多者敬為我皇上陳之臣查劉鶴齡由武童投効原任貴州提督田興恕軍營咸豐八九年間隨征江西貴州始擢把總十年逆賊石達開圍寶慶急軍中募突圍乞援者鶴齡從間道十日達省卒隨援軍解圍由是知名旋從原任湖南巡撫臣駱秉章軍拔貴州貓貓山賊巢游擢都司并賞花翎滇匪竄蜀髮逆繼之路秉章督師入川鶴齡初隸蜀軍道員張由庚部克新

甯縣解綏定城圍因與張由庚不相能改隸楚軍道員
曾傳理部遂領果毅副前營同治元年解某江城圍擢
遊擊賊首周紹湧西竄蜀軍迎戰母間橋軍覆張由庚
被圍鶴齡請於曾傳理率所部援之奮戈突前揮隊衝
擊賊死拒鶴齡三蹶三奮終奪橋隘胸足皆傷復分隊
抄賊後大軍乘之賊始分竄陣斬偽元帥方天雄偽將
軍藍朝柱等於是蜀軍圍解兩軍大和張由庚亦釋嫌
修好同解眉州青神嘉定之圍收復高珙丹稜長甯各
城擢參將勦平周紹湧巨股生擒石達開副將銜是
時蜀境略平生番獠夷越界出擾鶴齡駐防大渡河身

張文襄公全集 卷四十一 奏議四十一 三

入夷巢宣示恩信申明約束察究互市平其爭端諸夷
帖然歸順粵逆自河南竄陝漢南軍無統將紛潰入川
鶴齡以千人死守青石關原任陝西撫臣劉蓉督師奏
派充新軍左翼長隨復漢南郡縣賞烈勇巴圖魯名號
關陝既平移師援甘肅軍及階州以地雷轟其城城垂
克賊巷戰死關地道復塞鶴齡裏創登堞軍始畢登斬
賊將蔡昌齡擒偽啟王梁成福擢副將再賞勳勇巴圖
魯名號回防蜀邊五年黔中苗教匪擾川境鏃尖山民
團王正伸貳於賊鶴齡統軍殲其巨寇川境肅清以總
兵升用時天下皆就平獨黔滇糜爛廷議川楚合勦四

川督臣駱秉章以道員唐炯統黔滇軍務鶴齡副之連
克水源溝橙木園老巢適楚軍易統將部勇索餉大譁
時北岸教匪與內苗句結分道出援我師新集勢頗危
岌鶴齡出三千金濟之約合力擊援賊收復偏場擒斬
偽信王田應武軍師王禮庭七年擢總兵交軍機處記
名廟壩巖阿黃白號教匪起鶴齡派兵往勦又分兵下
觀雲山平數十寨自督全部冒暑渡烏江復甕安縣城
收降眾數千留養軍中責以攻賊烏江北岸數百寨皆
平疫厲大作將卒病十七八鶴齡拊循激勵夜抵玉華
山襲擊平之詰朝大霧伏兵山谷率死士直搗賊壘四

張文襄公全集 卷四十一 奏議四十一 三

山響應賊大驚潰斬賊首王起凡哨官楊正洪掠降賊
衣物斬以徇降眾感服爭願効死鶴齡益善撫之於是
上下數百里賊悉送款降是年擢記名提督賞換法什
尙阿巴圖魯名號乘勝攻尙大坪破之擒教首劉義順
檻送成都教匪平賞穿黃馬褂再交軍機處存記八年
進勦苗疆殄斃要逆攻拔數百寨克復青黃餘甕重安
等城賞白玉翎管搬指大小荷包鶴齡愈益感奮冒冰
雪渡重安江攻勦香爐山甕谷隴冷豔鐵城九龍山雷
公山牛皮箐盡克苗中天險兵勢方順會黔師潰於都
勻楚軍敗於黃飄蜀軍四面受敵古州黎平生苗復截

後路鶴齡斂師固屢力保糧道是時三省震驚鶴齡以遊隊調勦陣斬偽牛王及逆首張老熊金杠扛包大肚楊矮子等率綴苗寨俾黔楚兩軍從容整理會駱秉章歿鶴齡全軍遣撤十年黔苗大股復出署四川督臣崇實飛章奏統下游防軍甫抵軍總兵姚美倫戰歿鶴齡躍馬渡河奪其屍爲賊所困右頰中槍落水浮沉四十里始得撈救僵六日而蘇用是假歸奉母不復再出臣任湖廣總督時訪知其人奏調來鄂委統襄河水師以獲會匪頭目功經臣保送引見仰蒙召對發湖北差遣仍記名簡放查該員素性廉儉而慷慨好施在川所領

張文襄公全集 卷四十一 奏議四十一

公費於原籍激浦建陣亡將士昭忠祠並置祭田五頃在黔軍時因火器不利捐萬金以購洋槍此皆見諸疆臣奏報均有可考故該員從前戰績猶爲尋常將領所可幾而其不營私財一以廉勤感孚將士固非時俗他將所能比擬也方今習俗波靡廉將爲難此次奏調該提督統軍來江原以深悉其樸勇清操欲藉以激厲諸軍挽回風氣豈意其未及臨敵遽爾病故行次洵堪嗟惜茲據該部將弁聯銜稟籲奏卹前來合無仰懇天恩俯准將劉鶴齡照提督軍營立功後病故例勅部從優議卹並請將該提督生前戰績宣付史館立傳以慰忠

勤 硃批另有旨欽此

張文襄公全集 卷四十一 奏議四十一

張文襄公全集卷四十一終 吉林慶珍校

張文襄公全集卷四十二

奏議四十二

裁減制兵酌擬辦法摺光緒二十一年十二月二十六日

竊臣等承准軍機大臣字寄光緒二十一年六月初六日奉上諭戶部奏需餉孔殷謹陳辦理情形一摺覽奏均悉裁減制兵一條擬令各省挑留精壯三成其餘老弱一概裁撤著該督撫各就地方情形悉心妥籌核實裁汰奏明請旨辦理不得瞻徇遷就畏難苟安僅以一奏塞責等因欽此近准戶部咨以減營兵核錢糧整頓釐金三事為最要奏准咨催覆奏等因臣等查江蘇六

張文襄公全集 卷四十二 奏議四十二

十八營現存制兵二萬五千七十名內抽練新兵六千九百三十名裏河內洋外海水師三千二百四十五名陸路存營差操兵五千三百名分設塘汛八百五十六處支食馬餉之汛弁五百八十名汛兵九千一百二十四名每年需餉銀四十四萬八千三百餘兩米折銀一十一萬二千八百餘兩安徽省額兵一萬二千四百二十名內挑練兵四千三百二十名存營兵二千八百七十五名分設塘汛二百八十七處外委額外二百二十三名汛兵二千八百二十四名每年需餉銀十五萬八千一百餘兩米折銀一萬八千一百餘兩江西省現存制

兵一萬一千九百八十四名內挑練選鋒兵二千一百名存營兵六千三百十名分設塘汛六百八十處汛兵五千六百七十四名每年需餉銀十七萬零六十六兩米四萬三千一百四十二石零耗費如此之鉅然而歷年蕩平內寇捍禦強敵未聞大得綠營之用蓋由餉項既薄積習尤深差操則祇為具文遇事則但索規費即綠營中亦未嘗無忠勇之將敢戰之兵然而牽率混合於疲軍驕卒之中則雖有奇材無由振拔自見現當亟圖自強之際自應遵旨減額節餉以為練新軍購利械之資惟綠營沿襲二百數十年久已安常習故若裁汰

張文襄公全集 卷四十二 奏議四十二

過驟不惟失伍者窮困可憫且於軍情治理窒礙亦多自應體察地方情形熟權利害分別妥為籌畫以期於簡要而易行謹就臣等管見所及竊擬辦法五條敬為我 皇上陳之一曰官弁不可裁綠營大小將弁乃兵勇進身之階現當講武練兵之際戰陣有功及緝捕出力者惟恃保舉官階以為獎賞若官缺裁減太多無以為鼓勵之具勇夫氣沮宿將驚疑於武備要圖實多妨礙故由鎮將以至外委額外一員皆不可裁若兵數裁去七成則官弁太多不能全留似有未便一也一曰練軍不宜裁既已挑集成軍餉既較優人亦較壯若訓練

有方亦尙可用且提鎮所駐皆有練軍正宜壯其軍容以資鎮攝二也一曰存營之兵不能裁實缺將官以至都守若無存營之兵則將備無所事事於政體有礙且餉本不多留之亦可充緝捕彈壓之用三也一曰零星汛兵可裁每汛或十餘名或三五名既不能操練備戰亦不能捕盜緝匪然合計餉亦不少擬查明分防各汛凡千總把總所駐之地或關津或鎮市必是略關緊要需人彈壓者將千把本汛隨身之兵不裁其分駐外汛並無千把駐所之兵全裁其裁者發給一年恩餉恩米令其自謀生理查向來綠營兵丁充補者皆有頂脚一

張文襄公全集

卷四十一 奏議四十二

三

項名目或名頂篷係幫補前手革故兵丁之費或銀十餘兩或銀數十兩各省大略相同惟數目多寡不等得此恩餉恩米兼可彌補向來墊出頂脚之費其協防之外委額外一概撤歸本營當差仍留其額缺及廉俸以爲升轉之階馬兵亦全不裁以爲兵丁拔補之階四也一曰江省水師可酌裁江蘇水師分海外海內洋裏河三項關涉海洋者其船係領江廣艇兩種船身較大來往海濱捕盜緝梟雖不能如輪船迅利尙覺有勝於無惟同治七年前督臣曾國藩奏定江南水師營制之日曾於蘇松狼山福山三鎮留有備撥輪船兵每鎮各六千

名至今三鎮既無輪可帶此兵虛留無用自應汰除太湖之濱港汊紛歧現正當蘇浙兩界盜匪日肆之際太湖水師尙可協助勇營此項自不宜裁惟太湖水師有勇營七營又有綠營太湖水師左右兩營事涉歧出責任不專應如何歸併整頓或著重水兵或著重水勇應再妥籌專案奏辦以免重複虛糜除太湖外裏河水師若淞北營副將淞南營遊擊各止舢板十數號轄境十餘州縣延袤數百里毫無實用亦可裁除查江蘇藩司所屬州縣辦公率皆寬裕擬合各該州縣就地籌款酌量募勇配船巡緝一縣僅養兩三船費甚有限而可調

張文襄公全集

卷四十一 奏議四十二

四

度應手粵省廣州所屬之副參遊以至防汛千總大率皆有自行捐備之艇船緝勇况州縣之力當易辦此至該兩營將官雖無船可帶然太湖水師勇營船隻尙多亦需員管帶似可派赴太湖水師勇營酌配數船合其幫同巡緝五也如此辦法兵數約可裁汰三成餉米合計江蘇每年約省銀十萬兩安徽每年約省三萬數千兩江西每年約省六萬數千兩三省合計可省銀二十萬兩尙不致紛擾生事而辦法亦甚簡易至於營兵向來解餉解犯及看城門倉庫等雜差本來有名無實向係州縣派差派勇經理其有無疏虞全視州縣所派之

人能否得力責成仍在文職以後兵數既少應將營兵雜差蠲除專心操練外汛疏防武職免議至彈壓四鄉地方及一切雜差責成州縣自派捕役民壯練丁勇丁為之轉可免汛兵生事掣肘綠營公文本少以後准附驛站鋪司人等遞送無庸塘兵於公文亦毫無窒礙以上五條大指所在不外乎裁散不裁整裁兵不裁官之兩端臣等往返籌商意見相同其未盡事宜應俟奉旨後再由各省詳晰核計分別奏明辦理

硃批該部議奏欽此

張文襄公全集

卷四十一 奏議四十二

五

行聖公府祀田查明撥補摺光緒二十一年十一月二十八日
竊臣准戶部咨光緒二十年十一月初四日內閣奉上諭翰林院侍讀王懿榮奏請飭整理行聖公府地產一摺據稱行聖公府各項地產載在會典事例及闕里文獻考頃畝甚詳前次巡撫張曜查出江蘇銅山沛縣一帶涸田未及具奏請飭查明撥補等語行聖公府田產既有官私載籍可憑自無難確切履勘著戶部行知兩江總督江蘇山東各巡撫按照原奏各節調齊卷冊分悉查清如數撥補據實具奏欽此相應鈔粘原奏恭錄上諭行文遵照等因咨行前來疊經札行江甯藩司會同徐州道查明辦理並加委江蘇候補道于寶之帶同

本任沛縣知縣馬光勳前往會同徐州道沈守謙督飭銅沛兩縣傳集原稟人等引勘查訊飭令認真查辦去後茲據該道等會稟並藩司瑞璋詳稱檢卷細核銅沛兩縣及山東魚臺縣交界地方向有微山昭陽兩湖咸豐元年黃河豐工決口濱湖田地被水淹沒四五年間黃水退涸變為荒田適山東曹濟等屬客民來此墾荒立團自衛除魚臺外共有唐團北王團北趙團南王團南趙團于團睢團侯團即刁團等八團復因刁團及南王團通捻經前督臣曾國藩奏明驅逐將退出之地概充兩縣學田俱招土民領種所留唐趙等六團及續分

張文襄公全集

卷四十二 奏議四十二

六

之南趙分團由道設局委員收租與同治年間沛民領種新團並以後續墾地租均充徐防軍餉歷年均奏銷有案此外尚有各團外丈增之地及新涸續涸各地畝距湖較近常被淹浸豐歉無恆有收則租價較多被水則分文無獲均係撥充地方善舉書院等項分歸道府縣營員承管至行聖公府祀田係於元至元三十一年撥有沛縣秦家莊六十頃刁陽里三千大畝載明元碑我朝順治初年即被湖水浸溢僅存秦家莊三十頃餘未歸復嗣因全田被淹於嘉慶十七年經前督臣百齡飭撥八大頃零有復沛縣祭田碑揭可考同治初年又

因撥地被黃水冲沒經行聖公府咨查補遺會由前徐州道高梯傳詢公府屯戶黃振綱等據稱刁陽里秦家莊祀田本有石界現在兩處地畝均淹成湖等語由縣會委復勘無異同治八年稟奉前督臣曾國藩在沛縣百頃公田內撥補八頃仍令沛民耕種由縣每年代征租錢一百四十四千文光緒十六年前督臣曾國荃准山東巡撫咨江省僅沛縣秦家莊祀田六十頃刁陽里卽昭陽湖三千大畝載在元碑久經淹沒無存咨請撥還等語則淹沒無存皆有案據第既奉發圖冊自應傳證勘訊以昭核實當經該道等飭傳公府遞稟之劉方

張文襄公全集

卷四十一

奏議四十二

七

仁朱宗廉及銅沛各董質訊據劉方仁供向未領種湖田伊因患疥成廢不知何人捏名填冊赴公府遞稟其同稟列名之孔獻東等伊均不識據朱宗廉史基元王慶芝供祀田多寡坐落何處伊等均不知悉亦不能指出確據帶引履勘質之銅沛各董李玉崙唐驥變等僉稱伊等自咸豐年間來團墾荒後不知何處有公府祀田伊等亦未造冊具稟至冊造地畝數目核與伊等底冊不符等語其未到之獨山屯官唐錫攀等或已先病故或無處查傳應無庸議蓋若輩遞稟乃係私圖領地任意講張并非真爲祀田起見是此項圖冊已不足信

矧沛縣秦家莊刁陽里兩處祀田經該道等查訊明確均已淹沒湖心並無寸土惟既欽奉特旨飭令撥還謹擬循照元碑所載秦家莊六十頃刁陽里三千大畝如數補還計一大畝卽江省之三畝除同治八年已撥八頃外其餘一百四十二頃以各團上則之地撥補湊足一百五十頃查該處團內團外上則之地歲租有每畝征錢八十文者有征錢百餘文者今令每畝均作錢一百文核計以昭優厚每年共計租錢一千四百二十串統由徐州道就他項充公湖田租價之內酌量撥補湊足此數團戶不得加租惟各團租戶承種已久舍此別

張文襄公全集

卷四十一

奏議四十二

八

無謀生所有現撥各租應仍由官局征解按年由衍聖公派人赴徐州道領取不必指撥何處田地以免更個換租另啟爭端至此項團租撥出後徐防餉需如有不敷應由該道另行籌措稟明辦理等情詳覆前來臣查徐州境內孔子祀田久已浸入湖中現經查明實係無址可考伏思我朝尊崇先聖邁越前朝在元代撥給祀田尙且如此豐厚若竟聽其淪於湖水不爲之設法補還不惟有關關里之馨香亦不足仰稱皇朝之恩禮今飭據該司道等設法通籌如數撥補並爲釐定租額按年赴徐州道支領則款既有著與民無爭庶可垂諸久

遠永無短欠以上副 聖主尊重師儒事修祀典之盛意

殊批戶部知道欽此

撥款疏濬江皖豫三省河道摺 光緒二十一年十一月二十八日

竊照河南黃河支流之減水河洪河自虞城夏邑永城經江蘇之碭山蕭縣以達於安徽宿州靈璧泗州之睢河而注於洪湖其間支河湖港紛歧四出而皆下匯於睢河乾隆年間以睢河不能容眾水導睢河為三股有北股中股南股中股為睢河正流咸豐之初黃河日益淤墊漸將改徙豫江皖各河亦逐段淤阻春夏水潦大

張文襄公全集 卷四十一 奏議四十二 九

至無從宣洩泛溢為害各屬災民蕩析離居不堪擊目而尤以永碭蕭為尤甚民不堪其患則決築堰以鄰為壑械鬪戕生積年相尋命案至不可枚舉同治年間建議疏河委員迭勘下游持論恒以河流注於洪湖洪湖匯淮入海之故道既塞洪湖亦淤必先疏其入海故道而後由泗州以上溯永碭之河節節疏濬始無泛濫倒漾之虞第縣亘千里工程過大籌款彌難至今垂三四十年屢議屢輟迄無成功而小民罹於水患亦至今三十四年而未有已也本年徐州道沈守謙稟復以碭蕭災民迭年困苦情形為言請力籌修河之舉經臣派委

江蘇候補道李振邦前赴徐州暨皖省下游會同該道沈守謙並鳳穎道王定安鳳陽府王詠霓妥議勘辦茲據該道府往復籌商勘估工程先後稟復據稱永碭蕭工程較短亦不必別籌改修之法第就原河加濬深廣需費二三萬金就地籌捐可以集事其皖省工程如仍持昔日疏治洪湖之議斷難收功且查洪湖湖面寬廣足以容納眾流無虞潰溢原可無庸疏濬而從前屢以濬河為言實由下游靈泗北境故道壅塞高等平地居民業多耕植兼有墳墓泗州不願上游挑濬故道遂以洪湖未濬相諉現議改道辦法導北股河之水以達於

張文襄公全集 卷四十一 奏議四十二 十

靈璧縣之岳河導中股與南股河之水合流入宿州之運糧溝以達於滄河而運糧一溝恐不能容南中兩股之水則治陀阿梁溝以復其舊使各河之水皆得順軌下注於洪湖有所歸宿不致橫溢則各屬水患從茲永息惟工款艱鉅估計經費不下十萬金皖北貧瘠異常就地斷難籌捐庫儲復無閒款可撥擬請將查抄已革總兵衛汝貴典產變價撥作工費等情臣查事關三省水利既經該道府勘定亟應及時興辦未便以皖省之款難籌工復中輟致仍受昏墊之災至衛汝貴各產本係抄完軍餉第此項河工於民生利害所關甚鉅以之

移作工費尙係以公濟公事屬可行惟前經迭飭各州縣將所抄衛汝貴典產招商承頂變價現惟睢甯允隆邳州允祥兩典出頂餘仍接替無人臣現嚴飭各地方官廣爲設法趕緊招頂變價擬於中湊銀十萬兩以爲皖北此項河工之需此款卽發交鳳穎道督同鳳陽府樽節動用一切收支認真經理事竣核對造冊報銷除飭徐州道暨鳳穎道鳳陽府趕緊會商定期開工其皖省河工未盡事宜並由該道府隨時妥籌稟辦務期盡善而底於成並咨河南巡撫臣飭令永城縣一體舉辦外所有撥款疏濬江皖豫三省河道以興水利而除民

張文襄公全集

卷四十二 奏議四十二

七

患緣由謹會同江蘇巡撫臣趙舒翹安徽巡撫臣福潤恭摺具奏伏祈聖鑒

硃批著照所請該部知道欽此

通海設立紗絲廠請免稅釐片

光緒二十一年十一月二十八日

再臣欽奉諭旨飭令招商多設織布織綢等局籌款購置小輪船十餘隻專在內河運貨以收利權遵卽由臣派委江蘇糧道陸元鼎等會同在籍紳士降調山東巡撫任道鎔前國子監祭酒陸潤庠在江甯蘇州上海三處設立商務總局酌量地方情形增設紗絲各廠茲查通州海門爲產棉最盛之區西人考究植物推爲中國

之冠各處紗廠無不資之涎視已非一日近日洋紗內灌通海鄉人利其勻細轉相購買參織土布每年銷耗四十餘萬金若不亟就該處興辦紗廠則民間此項漏卮無從而塞而日本新約有准其工商至各口岸城鄉市鎮任便製造之條難保非意存侵越且查通海近年所產蠶繭亦漸向旺非紡紗纈絲兼舉尤恐有顧此失彼之虞查通州在籍紳士前翰林院修撰張謇向來講求時務情形較熟當經函商力籌護持小民生計杜塞外洋漏卮之策屬其邀集紳商剴切勸導厚集股本就地設立紗絲廠以副朝廷自保利權之至計茲據通州

張文襄公全集

卷四十二 奏議四十二

七

知州汪樹堂海門廳同知王賓會詳據商董潘華茂等呈稱就地購花舉辦成本較輕集事較易願在上海通州海門等處集股六十萬兩就通州近江地方設立紗絲廠議章請辦臣查通州處江海交匯之區近上海通商之埠邇來風氣大開鄉民耳目尙不虞其不習而設立機廠事屬創舉一切章程必應詳細核定臣督飭司道將該商等所稟章程逐一考核均屬可行應照上海機器紡紗織布各廠奏定章程只在洋關報完正稅一道其餘釐稅概行寬免除由臣批飭招股興辦外理合附片陳明一面將該商等稟請核定章程咨送總理衙

門備案

硃批該衙門知道欽此

保薦人才摺

并清單
十九日

光緒二十一年十二月二

竊照上年閏五月十三日欽奉上諭令內外大臣保薦人才當經臣敬舉所知於六月內奏陳在案竊惟人才必由訪求而才守必經實驗半年以來臣於兩江所屬各官詳加考求復就平日所知與夫眾論交推者詳加考證謹就確知深信者臚舉數員以備朝廷裁擇其間才器雖不盡相同而要必以人品端謹切實有用者為歸以期無拂於以人事君之義至於應如何甄錄擢用

張文襄公全集

卷四十一 奏議四十二

三

之處聖明自有權衡謹繕具清單恭呈御覽

謹將遵旨保薦人才各員開具清單恭呈御覽

湖南按察使俞廉三器局端誠才識諳練治軍精密遇事確有定見不肯依違臣前在山西與該員共事有

年頗知其深洵為兩司中不可多得之員

安徽甯池太廣道袁利學優才長志趣清遠地方公

事極勤劬而極敏速向在總署當差多年博通洋務

任蕪湖關道後於洋關稅務司及領事等俱能駕馭

有法操縱合宜而在任裁汰陋規浮費萬餘金儉約

刻勵其廉潔可風尤為人之所難

奏調江南差委分省補用道黃遵憲學識該通心思沉

細洋務素能精心考求近日委辦五省教案先辦江

省各案皆係積年膠葛之件與法領事精思力辯批

卻導窾該領事頗就範圍挽回甚多已咨明總署有

案是其長於洋務確有明徵堪勝海關道之任

奏調江南差委江西候補道惲祖祁才具幹練任事勇

往其性情伉爽不避嫌怨絕無官場積習洵為有用

之才

在任候補道江甯府知府李廷簫品格端重操守清廉

察吏嚴明政事勤練江南官場公論推為正人該員

張文襄公全集

卷四十二 奏議四十二

四

歷任河南江南兩省首府將及十年資望最深在今

日知府中實為卓然拔俗之選任以監司設施必有

可觀

江蘇候補道朱之榛才猷明練綜覈精詳在蘇三十年

本省吏民事最為熟習透澈屢署司道管理釐局

甚久遇事實心整飭專為裨益公家起見江蘇官場

習氣安逸敷衍瞻顧情面者居多如該員之勤職認

真實不易得

江蘇候補道志鈞心細才長能知政體委辦湖北督銷

局於鹽務利弊分肌擘理委曲透達實力整頓鄂邊

兵單臬熾該員自行節省籌款添募勇營訓練督緝
嚴核分銷各員不徇情面分銷遂無虧欠課價之弊
歷年該局總辦多有虧挪商捐組費之事該員裁節
浮費歲省一萬三千餘兩以後永杜新虧察其志趣
才識在江蘇候補道員中誠爲出色之選

甘肅慶陽府知府徐慶璋才長力果膽識俱優在遼陽
州任內平日深得民心上年以來糾集團勇力禦東
洋屢挫凶鋒功績卓著海內皆知較之當年在津力
抗洋人之石贊清戰功尤偉今已蒙特達之知簡擢
知府近來士氣頹靡武臣怯懦當此力圖自強蒐羅

張文襄公全集

卷四十二

奏議四十二

五

人才之時如該員之守邊有功者儻再蒙朝廷破格
早予擢用則人心咸知奮厲似爲鼓舞羣才之要道
奏調湖北差委分省補用知府錢恂學識淹雅才思精
詳平日講求洋務於商務考究甚深嗣兩次經出使
大臣奏帶出洋經歷俄法德英諸國並此外各國亦
經該員自往遊歷於外洋政事學術確能考索要領
貫澈源流期於有裨實用不僅傳說皮毛以炫異聞
臣所見近日通曉洋務之員其密實知要未有能過
之者凡委辦一事必能澄心渺慮審度時勢裁斷敏
速能言能行實爲切於時用之長才

江蘇候補知縣薛培榕操守廉潔才具精練該員於光
緒十一年臣在粵時奏調赴粵差委辦槍彈廠旋
委辦銀元局錢局每年款項出入以數百萬計局員
雖多緊要責成全在該員一人綜理微密稽核勤苦
近年盈餘銀數十萬兩可謂卓著成效臣先經奏調
赴湖北差委已奉旨允准前兩廣督臣李瀚章奏留
不合赴鄂嗣後屢經電商不允昨與兩廣督臣譚鍾
麟電商仍復堅留不遣其爲倚賴可知如該員之長
於機器製造精於理財而操守如此清廉者近日實
爲罕觀

張文襄公全集

卷四十二

奏議四十二

六

旨留中欽此

馮子材撤防回粵片

光緒二十一年十二月二十九日

再督辦欽廉防務雲南提督馮子材前年冬間臣因江
南海防緊要奏請飭令募軍來江防扼前敵海口獅子
林一帶地方奉旨張之洞電奏請飭馮子材募舊部粵
勇十營速來江南辦防等語即著該督電知馮子材照
數招募迅赴江南辦理防務欽州一帶防營並著知照
李瀚章另行派員統帶欽此該提督於上年三月十四
日統軍到江晤談時矍鑠猶昔慨念時艱忠勇奮發毫
無畏阻與他軍統將迥然不同其時因海州戒嚴商令

暫紮鎮江以備聞警馳赴並先行輕騎馳往海州察看諸軍情形均經會銜奏明在案鎮江係該提督咸豐同治年間立功之地士民間其再到歡慰非常他將領所部粵勇十數營及別省勇營聞該提督到江士氣皆形振奮駐鎮將及一年紀律嚴明操練認真官民悅服該提督素性廉介淡泊待其部下將士一秉至公故法令雖嚴而軍心極爲帖服固結且於防務大定後派所部將弁勇丁幫同修理鎮江府城工極爲勤勞該提督係奉旨辦理防務之員與尋常統領不同茲當全軍遣撤回粵自應專案奏明竊思該提督原係督辦廣東欽廉

張文襄公全集

卷四十二 奏議四十二

七

防務因其籍隸欽州威望久著深得民心軍心邊境賴以安謐聞近年來法人於邊界屢萌窺伺動生枝節似尤須宿將坐鎮以懾敵謀而定民心實於邊防有益今該提督回粵以後是否仍令督辦欽廉防務之處相應聲明請旨飭下兩廣督臣暨該提督欽遵辦理

硃批馮子材仍著督辦欽廉防務欽此

酌撥槍礮解歸湖北片

光緒二十一年十二月二十九日

再臣於上年九月間在湖北奏撥湖北糧道庫銀十萬兩宜昌關稅銀十萬兩並電商戶部准撥江西協解銀二十萬兩江漢關湊撥銀二萬兩共銀四十二萬兩向

外洋訂購快槍快礮各件接濟北路前敵各軍臣奉命來江各槍礮始陸續運齊俱已由江南點收分別撥解北路及江省防營應用並飭發金陵軍械所儲存候撥所有槍礮價款除在湖北已撥付外尚餘各處找解餘款十四萬八百餘兩均係解交江南籌防局列收以備貨到我價之用各在案查鄂省籌措鉅款購械供軍因其訂購在先運到較早不惟接濟前敵卽江南各防營當軍械未到之時卽係將鄂購各械分撥應急此時防務竣事自應分撥若干歸於鄂省方昭平允查江省精械甚多軍械所房屋亦有堆存不下之勢且恐委員人

張文襄公全集

卷四十二 奏議四十二

六

等兼顧不遑臣前奏以爲鄂省四達之區南北適中援濟各路甚爲活便近日各路散勇回楚會匪潛滋又值湘省旱荒西陲未靖荆襄武漢據形便之地不宜無所儲存以備緩急似應酌量分撥軍火解歸湖北善後局收存備用不惟情理允協且於大局亦有裨益查江南現存快槍八萬餘枝大中小快礮四百四十餘尊其由北路遣撤各營收回者尙不在內後膛單響者亦不在內茲酌量分撥於江南現存德國小口快槍八千枝內分撥槍三千枝彈一百五十萬顆比國馬快槍二千枝內分撥馬槍一千枝彈五十萬顆中小快礮四十五尊

彈六萬八千三百顆合計價值銀四十一萬餘兩較之鄂省撥款尙屬有絀無盈

硃批著照所請該部知道欽此

限制租界嚴禁侵占摺

光緒二十一年十二月二十九日

竊惟上海爲中國第一口岸其地處南北兩洋之交衝握中外各商之樞紐欲振中國商務必自上海始上海爲各國偏處應行整飭防閑之事甚多而今日急務則莫如限制洋人於租界外占地一事爲最要若不亟籌堵截之法則日闢日多上海縣城外及寶山縣濱海地方悉成洋界流弊無窮不堪設想前據江海關道黃祖

張文襄公全集

卷四十一 奏議四十二

七

絡稟稱聞英國擬自滬北泥城橋界外跑馬場直達靜安寺沿蘇州河而下至新開法人由八仙橋界外起到徐家匯止均欲劃歸租界較原訂之界大至數倍聞該領事已詳公使當經電達總理各國事務衙門向該公使駁阻在案查上海有英法美三租界法界居中其地略小英美居外其地俱大租界之中洋商自用有限轉租華民以實之戶口已不下二三十萬現在法界之地無可擴充惟南市一帶與之毗連幸有十六鋪橋爲限該處華民不肯賣與洋商堅持甚力現經奏明由官自築馬路正爲力杜侵越英美兩界地既散漫四處可通

繁盛之區市廛已滿而界綫之外仍復擴充無禁起造

洋房按圖英界以泥城橋爲限今則由泥城橋外直達徐家匯等處十數里皆有馬路通行此英界之所占也美界定綫最後尤無限制同治初年所租止九百餘畝嗣後美領事西華不商關道自畫界限將未租民地圈入萬餘畝光緒十九年十月經本任督臣劉坤一飭江海關道與美領事商議將界綫內東北一帶未租餘地收回二千六百畝咨明總署在案而於西北一帶界外所占之地未及清釐查美國領事自立界石雖在蘇州河邊而該河裏面之地今亦起造洋房此美界之所占

張文襄公全集

卷四十一 奏議四十二

三

也又該河西岸大王廟一帶至萬航渡等處十餘里與其中路由虹口達江灣至吳淞三十餘里亦皆有馬路通行浦東雖無馬路可通近年洋房亦已不少推其占地之由必先築馬路繼則設捕房挂路燈編門牌鬧市漸開未幾而已成爲租界按煙臺條約第三端之二內載各口岸已定租界應勿庸議界綫之外但爲洋人僑寓之所不能以租界論法約第十款雖有各口地方法人房屋間數地段寬廣不必議立限制然係指法人租地造屋并非即言租界今上海則不然地方官或加詰問則以索還馬路經費爲詞多端要挾租界既成緝匪

提人之事非照會領事協同洋巡捕不可阻我抽華商之釐而洋人工部局留爲按月收捐之地奸商避我抽釐復挂洋牌自甘化外利權盡失欲挽無由推本厲階皆由於此歷年上海地方官但知素餐漁利形同蠶賸以自轄境土中國精華一任外人侵據開拓占盡地利商利付之不聞不問此誠可爲歎息痛恨者也又聞洋人談論以上海爲各國商務最重之區遇有兵爭作爲局外以便保護故不但洋人樂居其地華人亦莫不然地價之昂勢尙未已則洋人之占地其勢亦恐未已尤可慮者近西南一帶爲由滬人淞江之要道近北一帶

張文襄公全集

卷四十一 奏議四十二

三

爲由滬入蘇州之要道西南有製造局自築馬路堵截尙易其近北一帶萬航渡以上儻再聽其接修馬路擴充租界勢必及於嘉定崑山境內將成不可收拾之勢竊思上海要區華洋雜處諸事洋人爲政事權旁落隱憂已深現經臣奏明籌開鐵路於洋場東北築馬路馬頭於洋場西南正所以防其侵越詎意竟欲將此繁盛之區全作租界占盡上海利權喧賓奪主實出情理之外查租界之設原爲洋商建造行棧起見果係洋商不敷居住索地推廣尤有可說豈知各國本有之界極寬洋商無幾近二十年任意侵占已逾原有租界甚遠乃

又欲假租界之名盡收滬上華民之利漏釐捐擾政權實屬關繫大局今日在我惟有堅持定見斷不許其再行擴充租界并須力籌防微杜漸之法凡界綫之外洋人已築馬路約明不得再接其未築者約明不得添設民間亦不得以界外之地私賣與洋人如有私賣者上海縣不准給單上海道不准轉契即將該民人嚴治其罪并將該地充公地價追繳入官以示嚴罰必須認真辦理則私賣暗占之風方可漸息一面責成蘇松太道隨時防察凡租界外洋人馬路已到之所卽於其地接造馬路一段迎頭攔截彼自不能軼出範圍所需經費

張文襄公全集

卷四十一 奏議四十二

三

准稟請籌給所費并不甚多而越界侵占之弊不言而自絕不合而自行尤爲善策此事不惟有關中國管轄土地之權實爲要政并請敕部嚴定處分如以後洋人於上海吳淞等處租界以外任意侵占華民私行賣給地方官不行稟明禁阻一經查出卽將蘇松太道及該管之上海縣或寶山縣俱照溺職例嚴行懲處庶足以儆昏吏而重海疆除嚴札蘇松太道轉飭上海縣并會丈局嚴密查禁外相應請旨敕下總理衙門與各國公使議明轉行上海各領事知照此舉於中國約章各國公法均屬不准踰越之端如洋使必不肯明允則由外

間迅速力籌自造馬路攔截洋路之策彼謀自沮惟有
中外合力堅持嚴予限制大局幸甚不勝屏營激切之
至

硃批該衙門議奏欽此

蘇滬鐵路籌議官商合辦摺

光緒二十二年正月初二日

竊查金陵上海鐵路有益大局並測勘議辦各情形業
經臣上年十一月具奏在案十二月初三日承准總理
衙門來電奉旨張之洞奏南洋創辦新軍責成洋將操
練並金陵上海興辦鐵路各摺照所請行惟洋將是否
上等之材薪水尙宜斟酌張之洞既經創辦條理秩然

張文襄公全集

卷四十一

奏議四十二

五

即交劉坤一廣續成之以爲補牢之計等因欽此自應
欽遵籌定規模俾本任督臣劉坤一到江後有所憑藉
查此路以吳淞至上海上海至蘇州兩段尤爲繁盛商
情甚爲欣羨查外洋凡商辦鐵路國家必與議定期限
給價收回亦有年久收回不復給價者更有未及期滿
即行收回者蓋鐵路爲全國利權所關不甘讓利於商
更不肯讓權於商非他項公司可比中外固無二理現
在開辦鐵路臣詳加籌議若統歸商辦則利權固嫌下
移且鐵路學問深邃商人更未易周知承辦即未必得
手況一切購買地基商遷廬墓彈壓地方以後常年巡

護事關十數州縣仍非官爲出力不可如竟使官獨爲

其難而商全享其利恐亦非商情所敢出若統歸官辦

則經費較鉅籌款不易且無以慰商人欣羨之情更無

以開幹路招股之局莫若官商合辦通力合作計本分

息庶大局有益而商情亦順查自吳淞至金陵據洋員

稟報實測路綫六百六十里今擬築址過橋豫備雙軌

寬闊而先安單軌試行將來人貨果旺添設雙軌不致

多費其車輛之多寡車站之遠近開行之疏密均按外

洋上等鐵路籌備此路與津滬一路繁簡不同事關創

舉估價不易中國人工地價均視外國爲廉而購料遠

張文襄公全集

卷四十一

奏議四十二

五

運則視外洋多費又如遷墳一事給費不少而爲外洋
所無有非洋員所能確估者今姑約計以萬餘兩一里
爲率統以七百萬兩爲度現在所借瑞記洋款極爲撙
節尙餘二百五十萬兩臣體察鹽務情形隔兩年後兩
淮鹽務尙可再籌一百萬兩共計可得三百五十萬兩
足敷成本之半其餘一半概招商股安立章程務使官
不欺商商不疑官附股必可踴躍仍畫分段落先招股
合造吳淞至蘇州一路路成開駛利益周知再行招股
合造蘇州至鎮江一路以達於金陵至鐵路所需鐵件
名式繁多而以軌條枕鐵魚尾片及橋梁所需鐵料爲

大宗此數項均湖北鐵政局所能自造但須略添機器應先奏明定案嗣後無論何處造路凡鋼鐵軌料各件凡湖北鐵政局能造者必用鄂局所造不向外洋購買以期利不外溢惟車輛等項不得不取諸外洋然亦當竭力籌議凡可以自造而機價不昂者總以自造爲合算能輕減一成本即多獲一分利息此不可不詳悉籌畫者也查此事所以必須官商合辦者因全歸商辦窒礙頗多外洋鐵路通例商路必須限利至多不得過一分五釐過此者概歸國家且須議定若干年後收回此兩層皆非華商所願再聞商辦之意擬請減火車運

張文襄公全集

卷四十二 奏議四十二

三

載各土貨之釐金與洋稅等此層猶多窒礙萬難允許若官商合辦則事事與官相附可免種種爲難既不必立限利之章亦不必設收回之約至釐稅如何完納官局自必妥籌期於鐵路有益商人可坐享其成不煩計較辯論惟商人既出鉅資必求穩慎自應令商董入局於購買物料估計工程考核價值各事皆會同經理纖悉皆得與聞所有官本商本皆存外國銀行遇有支用必須官商皆有簽字文據始能動用以昭至公至辦事之人非有地方大員不足以號令州縣非有熟悉鐵路之員不足以綜理庶務尤非有公正鄉紳不足以督率

紳商聯絡官場以通官紳商之情此次造路均在蘇屬地方必應有實缺大員督率自應就近派員管理查江蘇按察使平時公務較簡該司吳承潞服官蘇省歷年既久於地方情形極爲熟悉堪以兼總辦鐵路事宜惟臬司有本任應辦公事自應另委候補道員專辦會同該臬司吳承潞籌辦一切應俟本任督臣劉坤一到任後再行遴委又在籍紳士前國子監祭酒陸潤庠鄉望素孚慷慨任事屢次來函言蘇滬一段路工商情極爲踴躍近來江甯與臣熟商詳議已定官商合辦之局到滬後來電復極稱衆商欣然願辦現已照會該祭酒商

張文襄公全集

卷四十二 奏議四十二

三

請其督率紳商聯絡一氣至鐵路總局內除官派總辦外應令股商選擇公正諳練衆情信服者公舉數人入局會同總辦凡事皆由官派總辦與商舉總辦公同商酌又原派勘路洋員錫樂巴於鐵路爲專門學問在德國爲鐵路官員歷辦大工現據繪圖一百數十幅詳細立說估價不日可成應即派爲總工程師其餘在事人員務期幹練廉潔一人可兼數人之用不致虛糜薪水方與成本無損應由官商各選數人以期共信惟數旬以來商股尙無眉目儻商情游移一時猝難定議則可卽就官款先辦蘇滬一路以開風氣俟開辦以後如商情

願來合股仍可招致即將所繳之款接辦下段由蘇至鎮一路似亦未始非策蓋蘇滬一路利益最速商來則合股商不來則獨辦路成後商願附股則收之進退裕如毫無窒礙此時臣受代在卽詳細章程未能遽定總之有圖說有現款有可用之洋工師則此事不難早日開工應俟劉坤一到後詳議妥辦

硃批該衙門知道欽此

統籌洋操新軍的餉摺

光緒二十二年正月初二日

竊臣前以招募新軍教練洋操開辦情形專奏具奏光

緒二十一年十二月初三日承准總理各國事務衙門

張文襄公全集

卷四十一

奏議四十二

三

來電奉旨張之洞奏南洋創辦新軍責成洋員操練並金陵上海興辦鐵路各摺照所請行惟洋將是否上等之材薪水尙宜斟酌張之洞既經創辦條理秩然卽交劉坤一廣續成之以爲補牢之計等因欽此除洋員薪水係由德國訂立合同招致前來當俟本任督臣劉坤一到任詳晰告知斟酌妥辦外惟是此項新軍臣原議擬練一萬人氣勢較厚惟餉項過鉅猝難籌措但至少亦須練成五千人方能成一枝勁旅足備緩急查現僅募練步隊八營礮隊二營馬隊二營工程隊一營半年以後應再添練步隊六營礮隊二營合成步隊十四營

礮隊四營馬隊二營除工程隊一百人不併計外新舊合計共練成步隊礮隊馬隊二十營計將及五千名以洋將弁撥教新營而已練之營卽可以現充副營哨之華將弁改充正營哨官薪水但照現給之數加倍發給是勇餉雖增而洋將洋弁之薪水不必再增約計再添步隊六營礮隊二營不過增銀二十七萬餘兩前奏十三營餉數細加核省約四十三萬兩卽可敷用合之將來再添八營共需銀七十萬兩現以兩江財力計之臣前奏江蘇安徽江西三省裁兵一案可節出銀二十萬臣查七月內戶部咨江南旣演練洋操舊有制兵固應遵照奏章大加裁汰防練各軍亦應次第議裁恐兵增餉絀後難爲繼等語除防營已經力裁抵充礮臺專餉外其裁兵所節之餉以供洋操新軍正與部議符合至西皖兩省本與江南唇齒相依以此裁節之款撥歸江省洋操情理甚順又新增蕪湖米釐一項除備還洋款六萬兩外尙可餘銀十二萬兩又蘇滬兩局米釐一項臣前於上年七月內覆奏米捐不能停免案內請以此項留備歸償洋款奉旨允准今洋款已議有專款清償則現徵米釐卽可撥作洋操練軍之用查蘇滬兩局米釐收數除局用外每年總可收銀四十餘萬兩擬卽於

張文襄公全集

卷四十一

奏議四十二

三

蘇滬兩局米釐內撥銀三十八萬兩合計已有七十萬兩此皆係確實有著之款至臣前奏雖有擬於洋款內撥銀百萬為洋操經費之說祇係支持目前尚非長策誠如部臣所云後難為繼若照此次所擬辦法則可經久供支洋操一軍不致停廢至洋款餘存之款可儘數留為開辦蘇杭鐵路之需另摺奏陳臣因開練新軍必須擬就規模籌定餉項不敢以受代在即稍萌膜視之心合無仰懇天恩俯念洋操新軍關係重要准將三省裁兵節省之銀二十萬兩撥充新軍餉需實於江南武備大有裨益抑臣籌計洋操餉項之愚衷有不得不瀆

張文襄公全集

卷四十二 奏議四十二

五

陳於 聖主之前者竊惟練兵為今日第一要務海軍體大用宏非外省所能獨任若陸軍則疆臣尚可量力籌辦江南外為海疆要衝內為長江五省門戶必宜宿有重兵庶有藜藿不采之威本擬練萬人今因餉鉅難籌又有洋款之累不得已而練五千餘人已屬節縮經營無可再少若再減於此數即不能自成一軍餉數雖多若使此軍足備緩急則此費自不當惜至訓練之有無實效則視疆臣之考核激勵以為衡果使精神所注自然淬勵可觀在部臣及後任督撫臣忠於謀國必能深明事機熟權輕重而不致以歲撥巨款為口實至於

此次陳奏鐵路洋款洋操三事先將餘存洋款現銀留備目前大舉之鐵路再將分省湊集各項應分年從容歸還之洋款而專留出大宗有著之餉以練常年必需之新軍種種兼營層層騰展在微臣拙於理財不得已而為此委曲騰挪之策特細思所籌各項辦法似亦實能應付不致令別省為難而江南現在諸急務大端可以同時並舉不致偏廢否則將洋款現銀改撥掣動米釐常款零星支銷恐數項大舉必致束手手中較實為可惜伏惟我 皇上銳意自強慨然有卧薪嘗膽之志必蒙俯念外省餉需艱難通籌南洋全局如以上諸事俱

張文襄公全集

卷四十二 奏議四十二

三

能仰邀俞允江南幸甚大局幸甚 硃批該衙門知道欽此

請加鄂湘引票以課釐湊解洋款摺

光緒二十二年正月初二日

竊臣前借瑞記洋款一百萬鎊查照戶部來電請由江蘇鹽課釐金項下分二十年本利歸還於上年十月奏明在案當經轉飭江甯蘇州松滬三釐局兩淮鹽運司分認二十五萬鎊按照原訂合同期限及本息銀數各解四分之一不得短少遲延又經札飭運司籌議的款詳覆在案茲據兩淮鹽運司江人鏡詳司庫及鄂湘西皖四岸督銷局所征鹽課鹽釐向為撥解京協各餉之

用茲奉籌還洋款自應以鹽務所分認二十五萬鎊本息歸鄂湘西皖四岸及五河正陽兩卡司庫共七處分數攤還查上年八月間會奉奏明添運皖鹽一百票每引應完課釐係屬新增之數擬請飭令全解運庫專爲歸還洋款之用此外鄂湘兩岸轉輸較速擬增鄂岸新引二十票湘岸新引十票共三十票招商稟認准其循環轉運現據慶新祥等認辦湘岸恆吉祥等認辦鄂岸每票先繳票費銀一萬兩共三十萬兩聽候撥用此項前加皖岸新票正課加課鹽釐及鄂湘新票正課加課鹽釐計共新增一百三十票作爲歲銷六成計算應征

張文襄公全集

卷四十一 奏議四十二

三

課釐銀十餘萬兩應併請全數解交運庫備還洋款其有不敷由運司設法籌足如有贏餘留存爲五年後本息并還爲數較多之年添補應用前五年爲數較少西岸及正陽五河兩卡應暫免攤五年以後爲數較多鹽務應攤之一股約庫平銀二十萬兩應再合西岸及正陽五河兩卡一同攤認由運司酌擬稟請分派如再不敷屆時再行體察情形或將各岸卡應解協餉一律奏請酌減湊足似此兼顧并籌在洋款不致短少愆期等情前來臣查鹽務課釐皆有撥定之款本無餘存今既認還洋款自惟有加票一法鄂湘引額短缺尙多光緒

八年經前督臣左宗棠請增楚岸新引十五萬引接准部咨以引地尙未全復遽加三百票恐不能按輪銷竣不若由漸而來先就新商已繳銀六十萬兩准加票六十張合三萬引等語是楚岸應復懸額本應逐漸加增現據該運司察看銷市情形請加鄂岸二十票湘岸十票每票五百引共加鹽一萬五千引固未足左宗棠前請未復之數較之上次加票亦僅加其半自不致有礙銷路每票擬繳銀一萬兩核與前加六十票收銀六十萬兩票價相符新加之引歸入綱分仍與舊引一律挨售三綱之內如遇奉飭捐項暫免攤派在舊商無佔壓

張文襄公全集

卷四十一 奏議四十二

三

之虞在新商獲轉輸之利商情亦屬翕然所收票價三十萬兩現因遵旨振興商務即將此項票費撥交蘇州商務局爲湊付紡紗廠機價之用已於另摺詳陳歷考光緒八年成案及上年奏案新引票費均歸外銷此次請作蘇州商務局機價以後可按年繳息於商務可期擴充於公款亦有裨益現已由該運司招商認足票價均經收齊滙解上海道轉發應用合無仰懇天恩俯念歸還洋款關係要需准將鄂湘兩岸鹽票照數加添并前加皖票課釐專款解存備用以濟急需

硃批戶部議奏欽此

張文襄公全集卷四十三

奏議四十三

統籌歸還洋款辦法摺

光緒二十二年正月初二日

竊查江南奏借瑞記洋款一百萬鎊臣已將收銀實數及兩淮運司江甯蘇州松滬三釐局各認還二十五萬鎊按照本息數目依限籌撥奏明在案茲查鹽課項下分認四分之一已由臣督同運司詳籌分年分撥之法另摺奏陳惟甯蘇滬三局共認四成之三前五年之內每年應還息六萬鎊四分之三應還四萬五千鎊暫以較漲之鎊價七兩計算約合規銀三十一萬五千兩折

張文襄公全集

卷四十三

奏議四十三

一

合庫平二十八萬餘兩查江蘇全省釐金皆有指撥之款今遽增此出款誠恐日後力有不支必致失信遠人實不能不另行籌畫溯查洋款議借之初因戶部來電只准由鹽釐認還不允動關稅臣於上年十二月豔電與戶部電商所議認還五條內有請將協撥之款酌減一條又有沿江六省江安西鄂湘川攤還一條於光緒二十一年正月初三日准戶部江電覆稱其餘三條可以照辦等語除利息不允七釐及海關出票須由總署商定二條已經部電駁除外所謂照辦三條即係指減撥協餉一事沿江各省攤還一事購船應另籌一事共

張文襄公全集

卷四十二

奏議四十二

三

張文襄公全集卷四十二終

吉林慶珍校

爲三條而言是一省之力實難獨任鉅款早爲部臣籌計所及現當籌還之期自應查照部准原案辦理擬請於蘇滬釐局歲撥外省協餉項下由部酌量減撥銀一十六萬兩以資挹注查蘇滬兩釐局指撥之款除京餉照舊遵解外甘餉亦屬難緩惟准軍協餉歲撥九十萬兩爲數甚鉅近年實解尙至五十餘萬兩現在淮軍或裁或遣勇額已減於前擬請以後每年准予於實解數內少解十六萬兩至畿輔防營固屬不少然以舊餉抵支直隸新練洋操之軍與湘豫留防之勇爲數仍屬不敷尙需由部另撥此係國家整軍經武之創舉自必添

張文襄公全集 卷四十二 奏議四十三 二

籌鉅款固非必專恃此十六萬兩也江蘇節此十六萬兩庶有的款可資至原議沿江各省協撥一節他省尙可不議擬即請由江西之九江關安徽之蕪湖關各協撥銀二萬兩共四萬兩以符原案按期解交上海道備用抑或准餉減解十二萬兩則西皖兩省各協四萬兩總之減解協撥共足成二十萬兩之數統候部臣酌核再由江南新增之蕪湖米釐項下及新增茶釐二成項下湊足成之查蕪湖米釐除另摺奏撥開練洋操新軍薪餉外約可歲餘銀六萬兩皖南茶釐自上年遵照部章加抽二成約可歲增銀四萬兩以上四項併計則釐

金每年應認還庫平銀二十八萬餘兩已屬有款可指略有所餘以備鎊價增長計江南釐金及鹽務所認已二十萬餘兩較之所請減解協撥之數適得其半至本省甯蘇滬三釐局分攤之數甯局於洋款多認則蘇滬兩局於洋操餉項多認總之將洋款洋操兩事合計三局收數酌核分攤至五年以後本息至多之年計一十二萬六千六百六十六鎊零姑以鎊價較多之七兩計之約規銀八十八萬六千六百六十二兩折合庫平銀八十萬餘兩除運司認還四分之一約庫平銀二十萬餘兩不計外該三釐局約應認還庫平銀六十萬餘兩

張文襄公全集 卷四十二 奏議四十三 三

除三釐局款及減解淮餉西皖協撥共三十萬兩照常湊解外計每年不敷庫平銀三十萬餘兩彼時蘇滬鐵路已成約可歲提餘利銀二十萬兩尙短銀約十萬兩似可再請將他款酌量挹注且事隔五年情勢不同爲期尙寬後任督撫臣屆時尙可設法籌借奏明辦理況六年以後息銀漸減則加籌之款亦漸減中間僅光緒二十六年至二十九年此四年中爲數較鉅光緒三十年以後除鹽務外所攤之數每年已減至庫平銀五十餘萬兩如前項所籌略可敷用此臣在兩江奏請議借之洋款自應貫徹始終通盤籌畫庶將來辦理不至窒

礙 硃批戶部知道欽此

彙陳開鐵路練新軍還洋款三事片

光緒二十二年正月初一日

再臣此次分摺奏陳開鐵路練新軍還洋款三事皆需鉅款而臣所擬辦法則係設法攢湊展轉騰挪以期同時並舉在局外者必將議其現有之財甚少而興辦之事轉多然臣非不知就現款以辦現事之為簡易而必欲故為其難也蓋臣之愚以為瑞記洋債一款艱難以得之羅掘以還之若掣動此款或練新軍或作他用散之甚易再聚甚難今以開辦蘇滬鐵路或能竟全功直

張文襄公全集 卷四十二 奏議四十三 四

抵金陵或至鎮江而止或至蘇州而止得尺則尺皆有成功是現用之銀不同虛擲將來之利可冀無窮則款雖用而猶存也至改練洋操雖係鉅款然時至今日內無一軍之可恃外有四裔之憑陵儻非急修武備壁壘一新斷不能振起軍心一洗勇營短扣疲惰之積習况裁兵節餉部議原以改練新軍今酌提各局米釐均出新籌之款固與京餉部款毫無所妨其歸還洋款一由釐局鹽務分認一由淮餉減撥一由江安兩省協濟皆係遵照部准原案籌撥只須通力合作自然款擊易舉既能同時並舉則亦何惜委曲籌集之繁難而不為江

南謀籌富強之基哉方今國勢亟矣苟非事事以中唐困知勉行之道行之恐斷無從容寬舒以致自強之事惟望聖明俯鑒部臣主持微臣不勝大願因此三事端緒紛繁款目牽涉是以再為彙合縷陳 硃批該部知道欽此

彙陳歷次購買軍火數目摺

光緒二十二年正月初四日

竊自上年海防戒嚴畿輔軍務緊急新舊各防營及關內外前敵諸軍均乏精械而東洋所用盡是新式利器若不趕購外洋新式快槍快礮斷難制勝臣到任後即竭力籌款分飭訂購適奉有購械等事務須妥籌俾戰

張文襄公全集 卷四十三 奏議四十三 五

守有資之旨即奏請向外洋婉商墊款多購二月初三日奉旨一切辦法均著照所請即行訂定為要等因欽此遵又先後電商出使英法義比國大臣龔照瑗並分飭江海關道江南籌防局向外洋及上海洋商分別訂定俾免缺乏之虞綜計訂購洋槍二萬二千六百十八枝各種洋槍藥彈二千五百二十萬六千三百顆鋼礮快礮五百九十八尊各種礮彈二百六十三萬六千一百餘顆共英金四十六萬八千六百五十六鎊零德銀八十九萬二千四百七十八馬克零規銀八十七萬七千三百四十四兩有奇又銀七萬一千一百兩或先付現銀

或給息約期付價或由江海關道發給印票分期歸還嗣各械陸續由外洋運到當即隨時撥解北路前敵各營及江省沿海沿江各防營濟用所有歷次購買各項軍火價值銀數並撥過槍礮子彈等項及現存各項軍火各數目自應分晰奏明俾有稽考再本任督臣劉坤一奏明購辦暨臣在湖北先後奏明或由江南撥款或由湖北撥款購辦槍礮藥彈等項分別撥存數目應即一併分晰附奏

硃批該部知道單併發欽此

裁撤轉運各局清理報銷摺光緒二十二年正月

張文襄公全集 卷四十二 奏議四十二 六

竊照上年江南奉調北上各軍餉項軍械轉運紛繁先經本任督臣劉坤一分飭江甯上海派員運至清江交清江及濟甯淮軍轉運局代為轉運並派直隸候補道林志道設局天津綜司收發尋以北軍多至五十餘營分紮關內外及調援山東餉械多由江南協濟件數繁重道途遙遠冰雪載塗兵差絡繹車輛缺少節節阻滯淮軍轉運局兼顧為難非設專局分段接運難期迅速經臣電商欽差大臣劉坤一於鎮江揚州清江宿遷徐州及山東之臨城驛兗州東阿德州分設七局由江南派員辦理直隸除天津本已設局外又設滄州山海關

奉天三分局即歸天津兼轄其德州先亦由天津分設至是歸併江南專派之員接辦江甯省城為收發撥解總匯之地設立江南轉運總局派委道員桂嵩慶樺祖祁阮祖棠陳允頤會同江甯布政使瑞璋江南鹽巡道胡家楨總理其事由江甯至清江係屬水路租購輪船往來拖送清江以上係屬陸路每局雇養長車三四百輛及二百輛不等德州至天津亦通水路間可用船代車並准各募馬勇二三十名以資護運前已將添設各局雇養車輛及租買輪船各緣由奏明並咨部查照在案方各局添設之時正值軍情萬緊前敵統兵將帥催

張文襄公全集 卷四十二 奏議四十二 七

索軍火羽電交馳一日數至誠慮應接不及致誤戎機臣督率總局司道隨事籌畫催趨不遺餘力又派幹員承領大批軍火兼程前進不惜小費務在速達惟運道綿長四千餘里各處運局林立需車愈多清江為遵陸首途天津乃轉輸衝要招雇之難餽養之貴尤為特甚然臣原奏雖有每局養長車三四百輛之語而惟清江等處運械擁擠之際用車不免稍多餘均不過二百輛而止是承辦之員尙知撙節四月底和議一定即電飭停養長車待途之軍火運清遂將各局陸續裁撤以節經費現在清理報銷天津及滄州山海關錦州等局

已據道員林志道造冊詳經欽差大臣劉坤一奏咨立案並咨由臣彙核造報計共用銀十四萬餘兩其自德州以南各局亦經截清並輪船租價及未設局以前附於淮軍轉運暨委員運解車船薪糧等費計共用銀三十七萬餘兩應統歸報銷處彙造銷冊詳咨省城總局亦即裁撤

硃批該部知道欽此

淮海等處團防經費開單請銷摺

光緒二十二年正月初四日

竊照上年東洋構衅擾及山東南洋襟帶昆連如海州贛榆即係南來始境阜甯鹽城亦濱海要區沈陽安東

張文襄公全集 卷四十二 奏議四十二 八

為海贛後路皆清淮屏蔽南北運道攸關由鹽城阜甯而南則東臺如皋以及通州海門均屬沿海而海門通州尤為由海入江門戶內而揚州裏下河鹽米利源所在關繫更重必須擇要扼守節節嚴防勇營分布難周全賴團練彌縫其闕方軍事初起時即已飭令各該地方官籌辦迨後海氛日逼人心驚惶屢次奉旨飭令籌防經臣派委江蘇候補道李鎮邦陸元鼎錢德培分督往辦因練丁應給口糧旗幟槍械與夫築隄開濠工費一切需款甚鉅時值餉需極絀中公中兼顧為難不得不藉資民力經臣奏請仿照江甯餉捐章程勸令紳民捐

助給獎實官花樣等項旋經部議准照籌餉新捐例給獎虛銜封典貢監翎枝通行遵辦顧當軍情緊急之際供支日見浩繁捐戶不無畏阻復經臣札飭總辦籌餉捐局熟悉沿海鹽場情形之江南鹽巡道胡家楨遴派委員分赴沿海各州廳縣場勸令紳富量力輸助並會同原派印委相度地勢激勵士民於近海港岸多挖長壕廣築隄牆及土礮臺並暗埋水旱雷其緊要處所簡練團丁分段設守海口之可通出入者則令漁船輪流出洋偵探布置漸密操防益嚴具有眾志成城之象各處紳富知保衛地方即以自顧身家也於是慷慨捐輸

張文襄公全集 卷四十二 奏議四十二 九

各竭其力綜計北自海贛南迄海通延袤千有餘里練丁一萬八千餘人前後支持或三四月或五六月除帳棚槍礮藥彈等項並臣酌發賞犒係由支應局等處撥給外凡團丁口糧土造槍械旗幟平時操賞雜支無不取給於捐款又淮安之清江浦扼南北運道之衝經淮揚海道謝元福稟明修築土壩礮臺憑河屯守亦係就地籌捐撥濟四月底和議就緒海防解嚴彙核用過經費共銀三十三萬三千一百八十二兩一錢六分據各該印委開報由籌餉捐局司道覆加查核均屬實用實銷毫無浮冒詳請援照近年賑捐辦法開單具奏前

來臣惟團練所以補兵力之不及溯自威海失陷江南沿海各邑風鶴頻驚勇營扼要駐防每慮顧此失彼幸有民漁鹽場各團練同仇偕作踴躍從公款則官勸民捐事則官督民辦雖未交綏接仗而沿海數百萬之居民得以安堵不至驚竄流離實賴團練維持保障之力合無仰懇天恩俯准將用過經費援照賑捐成案敕部照銷免其造冊以示體恤而省案牘除捐助團費各戶照章開造履歷另行咨部給獎外所有淮海揚通海門等屬團防經費動用民捐各款謹援案開繕清單恭摺具陳伏祈聖鑒飭部核議施行

張文襄公全集 卷四十二 奏議四十三

十

硃批該部議奏單併發欽此

選派學生出洋肄業摺

光緒二十一年正月初五日

竊維學校之盛近推泰西合計英法德三國幅員不及中國之半而所設初學中學大學三等學堂凡二十餘萬區所收學生在堂有額可稽者共一千七百八十餘萬人之多所習則史冊地志富國交涉格致農事商務武備工作各學其專門小學堂尚不在此數魄力雄厚何患無材中國力圖自強舍培植人材更無下手之處臣現擬就江南省城創設陸軍學堂鐵路學堂儲才學堂並開拓同文館業於上年十二月間先後奏陳在案

第念僅在中國學堂肄業觀摩既鮮收效過遲查前督臣曾國藩派學生赴美國肄業及福建船政屢派學生赴英法肄業均有成案茲擬酌量仿照選派已通西文之學生出洋肄業每人於上項所指九門中視其才性高下按照西學程式酌量兼習數門並須就其所通何國文字即派入何國學堂查德國學堂教法精捷更駕英法而上惜華人通德文者尤少當在江南所拓同文館內加意推廣以資分學所以必選已通西文者一取根基已立則指授不難成功較速一取初學粗通則徑入中學經費可省西師教必循序不躐等不欲速大約

張文襄公全集 卷四十二 奏議四十三

十一

中學三年大學三年共六年為期滿上質可兼通數事
中材亦精習專門學成歸國除拔擢任用之外悉令充
學堂教習轉相授受果能實力奉行不薄西學為末技
二十年後人材必大有可觀是非廣設學額不足濟用
無如人材固為十分急需而經費又十分難籌不得已
擬選四十人先往肄業三年以後陸續添往儻能籌有
長款則源源而往以常川在洋六十人為度今姑以四
十人計算初三年學業尚淺學資亦省後三年學業漸
深學資亦增勻計每年每學生學資飯食書籍圖具衣
服房屋贍家等項以及勻攤監督薪水等項約須銀一

千五百兩四十人一年共銀六萬四千兩往來川資不在內外洋通用金錢目下銀價日賤易金日少此數較之昔年船政學生肄業經費實屬大減今先在所借瑞記洋款項下撥銀二十萬兩專款存儲為學生四十人前三年經費及出洋川資之用三年以後在臣前購紡紗機今歸蘇州商務公司利息項下撥用此項機價成本六十餘萬兩至少以一分行息計利歲可得銀六萬兩專為出洋肄業經費之用果能利息加厚即學生額數加增似係常年有著之款不必逐年籌畫且可不動正款實屬大有裨益宜刻日舉辦以與中國現設備

張文襄公全集

卷四十二

奏議四十三

七

才學堂相輔至學生課程之勤惰功業之淺深隨在須加考核與夫平日助以聖賢大義授以華書課以華文以及調護撫循之處本應遴選諳練華洋學問情形之員派充監督率帶前往惟勝此者實難其人查出使法國大臣慶常久在外洋熟習各國情形且兼通英法德三國語言文字現係法國專使事務較簡擬請即將南洋出洋學生肄業各事宜即託該大臣代為經理必能措置妥協學習有效且法國居英德之間居中分派亦甚便利如此則監督經費亦可節省該大臣總持大綱與彼國學校大臣及學堂教長商酌緊要應辦事宜必

有實濟其餘如支放款項收發函牘以及一切稽核事宜由該大臣酌派參隨一員專司其事中國但派委曾經出洋之同通州縣等官一兩員率領各生前往就令在彼隨時隨事稟承該大臣照料即已無誤其照料委員查有江蘇候補知縣沈翊清敏練安詳究心洋務昔年曾充出洋委員與慶常頗稱接洽擬即派委沈翊清率帶學生出洋必能妥協應俟本任督臣劉坤一到江後詳酌辦理至一切詳細章程一併由本任督臣陸續籌議

湖北原訂紗機移撥蘇州商務局摺

光緒二十二年正月初五日

張文襄公全集

卷四十三

奏議四十三

三

竊照湖北省織布局前議招集商股添設南紡紗廠定購紡紗機器機價先由洋行墊付擬在鄂省織布局左近購地建廠奏明在案旋因臣奉命來江疊次欽奉諭旨籌議招商多設織綢織布等局以收利權是紡織兩事實為今日商務要著亟應欽遵辦理查蘇州紳商現經籌商定議擬領息借商款添集商股開辦紡紗繅絲等局並先行酌借官款開辦惟息借之款此第二期內為數不多且借戶多有自願領回不願附股者款項既少不能興辦大廠殊無大益查湖北此項紗機已經運到自以移付商務局為宜既省鉅款又可早成當與奏

明經理蘇州商務局在籍前國子監祭酒陸潤庠往復
 籌商該祭酒深願領受查原定紡紗機器四萬七百餘
 錠原議係該洋行墊辦故索價較寬連各項機價及裝
 箱運保共計十萬六千六百八十鎊約合銀七十餘萬
 兩臣屢次委員與瑞記等洋行詳議若付給現銀全機
 及運保等費可統減為九萬餘鎊照現在鎊價核算共
 合銀六十萬餘兩核計約減銀十萬兩棧租在外此機
 係著名之赫直林壹廠所造製作甚精備用零件尤多
 比照各省紡織機器價值尚不為貴除將湘鄂兩岸票
 價三十萬兩撥付此項機價外查上海吳淞一帶沿海

張文襄公全集 卷四十二 奏議四十三 西

沿江歷年漲出沙灘地甚多皆係繁盛衝要地方久為
 市儉地保等隱匿私租私賣往往售與洋人必應認真
 清釐以杜流弊現經檄飭蘇松太道黃祖絡督飭署上
 海同知葉大莊會同上海縣清出新開虹口楊樹浦保
 墓局浦東洋商餘地浦東新灘地等處新漲隱占地五
 百六十餘畝會同寶山縣清出衣周塘蘊藻河鐵路餘
 地等處新漲隱占地三百餘畝皆經飭令陸續變價以
 充公用將來全數變價約可值銀三十餘萬兩上海地
 價日漲有盈無絀茲先將已繳地價銀十萬兩合之票
 價共四十萬兩飭發應用其不敷機價銀二十萬餘兩

暫在瑞記洋款內借撥將來由灘地變價項下歸還此
 外購地造廠以及買花局費活本約需銀四五十萬兩
 另由蘇州商務公司自行籌集作為官商合辦每年官
 本應得息銀應於該廠餘利項下按照全廠官商各本
 成數核計由商務公司繳蘇州商務局轉解江甯籌防
 局應用每年以一分息計亦在銀六萬兩以外如行銷
 暢旺尚可增多應即專款存儲作為江南選派學生出
 洋肄業經費專款已於另摺詳晰奏陳前兩年應繳官
 息准其從緩核繳俾資周轉應俟第三年起再行分年
 帶繳以紓商力如此辦法似於培養人材及振興商務
 均有裨益

張文襄公全集 卷四十二 奏議四十三 五

硃批該衙門知道欽此
 籌設商務局片 光緒二十二年五月初五日
 再蘇州開埠通商疊奉諭旨籌議招商多設織布織綢
 等局及內河小輪船就產貨地方先抽釐金三節遵即
 會同江蘇撫臣趙舒翹於七月間電奏奉旨允准在案
 臣查江蘇所產之土貨自以棉花絲繭為大宗外洋各
 國所垂涎欲設機器製造者大率皆以紡紗織布烘繭
 纒絲為兩大端蘇常蠶桑之利近十年來日漸加多漸
 可與浙相埒松江太倉及江北通海之棉花除行銷本

省外盛行南北洋各路且與上海通商口岸最近仰蒙聖恩准移息借商款為開辦商務局之用蘇州紳富現經議定願將原借六十餘萬兩改為商局股本借戶即作股東添集股分合為一大公司設縑絲紡紗廠各一他處願自行集股興辦不必領息借之款其內河小火輪船上海為蘇杭之歸宿鎮江為蘇甯清江之樞紐各路均經勸諭商民集股購船興辦此係最有益之事無須發給官款並須飭令酌繳捐款其行輪章程即統歸商務局查核經理無論何種商務凡商人於創造營運各節遇有為難之時必須官為保護官商之氣久隔

張文襄公全集

卷四十三 奏議四十三

六

又須紳為貫通除江甯蘇州上海各設商務總局派委道員總司勸導督飭辦理外查有蘇州在籍紳士前國子監祭酒陸潤庠鎮江在籍紳士前禮科給事中丁立瀛通州在籍紳士前翰林院修撰張謇鄉望素孚商民信服當經臣各與照會陸潤庠經理蘇州商務局丁立瀛經理鎮江一帶商務局張謇經理通海一帶商務局此外各紳由各局給與照會均會商地方官相機鼓舞設法振興以期華商華民生計日有起色

殊批知道了欽此

籌議南漕改折辦法摺

光緒二十二年正月初九日

竊臣前奉寄諭飭將折南漕一事各就本省情形悉心籌畫酌度辦法分晰覆奏當經咨行欽遵籌辦去後隨據各司道分別籌議詳覆正核辦問疊准戶部電稱本年將次開徵應仍辦本色又稱近歲連年荒歉糧缺價昂採辦不易本年冬漕祇可仍運本色明歲或運或折由江浙督撫會籌具奏各等因臣即經照錄部電分飭將本年冬漕一律遵照起運惟查轉漕為國家大政已歷二百餘年固未可輕言更改但從前未通海運商賈絕少買遷京倉正供以及官俸兵米無不仰給東南是以總漕特設專官運河時加修浚淮黃蓄洩開壩啟閉

張文襄公全集

卷四十三 奏議四十三

七

尤極紛紜曾不惜糜糜千餘萬兩之帑以轉南省數百萬石之糧誠以藉一綫之漕渠供無窮之飛輓非官之力不能為此此外固別無轉運之術且百年以前倉弊較少故不得不沿襲舊例雖極種種勞費而不辭迨海運開而河運已成駢枝商運通而官運轉形勞費折漕行而本色並非定章是則情事之遞遷即利病之殊致至若海警猝聞轉輸非便則官運所窒礙者商運或尚可通行建議諸臣先已陳及今以江蘇徵漕言之其隸江安糧道所轄者甯屬例徵大米每石向折解銀一兩八錢淮揚通三屬亦徵大米向折解銀二兩一錢徐屬例

徵粟米每石向折解銀一兩四錢均由州縣解道由道
購米起運米價運費共支銷銀三十四萬餘兩其實運
米祇十二萬餘石耳今若一律提解現銀每石已合銀
二兩八錢有餘若折發俸米餉米即照江蘇原買米價
發給江蘇石大京城石小或京城一石作銀一兩四五
錢或一石作銀二兩在官兵所領之銀已較從前米票
折變之價增至一倍兩倍而國計尙有盈餘況隨漕輕
賫席木等銀萬餘兩並可提解戶部其隸江蘇糧道所
轄者固有全收本色全收折色本折兼收之異然臣查
全完本色者祇蘇屬數縣耳餘則收本色者爲時不過
旬餘爲數不及一半餘皆統收折色至松常鎮太等府
州雖有本折兼完之說而完本者更不及一二成且有
向來全完折色者矣如恐不便於民或慮民間米便錢
稀則臣本係持本折聽民自便之議但使完本色者由
州縣照市價以米易銀完折色者由州縣以錢易銀統
由糧道彙收解部則民間絲毫無所增改自無紛擾之
虞州縣原定公費一千文並不議裁自無辦公掣肘之
虞況折徵之價仍循舊章以市價之低昂爲準由藩司
糧道核定詳明督撫批准通行原無抑勒之事而國家
已省蘇屬六十餘萬之運費矣況都下軍民南方朝士

張文襄公全集

卷四十二

奏議四十三

六

或食粟麥雜糧或食畿輔北稻從無必需南米之事徒
令船戶攬水倉胥耗蠹歸之微朽塵沙是不惟虛糜大
宗之帑金抑且暴殄有用之食米自咸豐以來湖北折
漕而官民稱便湖南江西安徽河南等省折漕而官民
亦無不便江蘇情事當不致大相懸殊統而計之甯蘇
兩屬歲可省銀八十萬兩所不利者僅兩糧道衙門吏
胥之規費及採買辦運之染指者耳今擬仿照湖北折
漕成案每年另增糧道公費江蘇漕多事繁應較湖北
從優或銀一萬二千兩或再酌增數千兩即於應解銀
內准其坐支如此則官民兩不相妨國家歲省虛糜之
費八十萬若浙江及他省採買者亦併改解折色所省
又數十萬而漕標之支銷衛所之虛耗挑河剝船之經
費運船帶貨優免之稅釐各種鉅款尙不與焉若慮京
倉不可空虛則由戶部每年酌提折價就近在京通購
米十萬石存倉積之十年亦自不少轆轤收放總以倉
存好米百萬石爲度就地坐收既可免由津運通耗費
攙變之弊數少易察更可無倉胥陳朽盜竊之憂萬一
間有荒歉之年則米價旣然翔貴南北商販自必聞風
爭趨電信一傳海輪經旬可達關東糧數日可到臨時
採買亦尙不難且災年雜糧儘可救飢豈尙拘拘於南

張文襄公全集

卷四十二

奏議四十三

五

米哉惟另有白糧一項本係上供玉食自應敬謹解京然白糧兼供王公及三品以上大員俸米應否酌定若干萬石著為永額由糧道專員責解以奉天庾餘俱一律改折自應恭候欽定所有微臣遵旨籌議南漕改折有利無弊緣由謹就管見覆陳伏候聖明裁擇救下戶部暨本任兩江督臣江蘇撫臣核議施行
硃批戶部議奏欽此

江西紳商請辦小輪瓷器及蠶桑學堂摺
光緒二十二年正月十五日

竊臣前奉諭旨飭即招商多設織布織綢等局廣為製造又籌款購備小輪船十餘隻專在內河運貨以收利權等因欽此遵經咨會江浙撫臣次第商辦分別奏明在案茲據江西在籍紳士翰林院編修蔡金臺熊方燧翰林院庶吉士藍鈺陶福履候選郎中鄒凌瀚鄒兆元等分詞呈稱江西地處上游上有灘河沙淤之阻下有鄱湖波濤之虞每遇阻滯停待動經旬月或逢暴風急湍船貨俱損而土貨所出若茶葉瓷器煤鐵皆行銷外洋之大宗口岸雖遠在九江仿造可深入腹地若使洋輪先行則我商務立絀擬請援照江南內河成案自吉安至吳城設小火輪六自吳城至九江設淺水輪二自

張文襄公全集 卷四十三 奏議四十三 三

九江至饒州設深水輪二停泊處所各立中國碼頭並設公司稽查鈐束而論者必謂小輪行則民船失業也釐金減色也關稅無著也外人效尤也不知小輪祇能拖帶裝貨仍須民船往來既頻利息自倍至釐卡雖極繁密但於起卸之處一卡併收數卡之釐課額無虧經費更節此又裕餉利民之大者若關稅則皆在九江該處既為停泊之所必驗抽而後放行更何虞其偷漏至外人效尤一節改造既有成約行輪自在意中必待事已至而始議補苴何如事未來而先為籌備若以我有先幾彼因無利中輟豈不更善又洋瓷質色遠遜中華特中國所造之瓷皆備華人所用於西人器皿從未仿製彼取一時觀美尚不惜爭購寶藏倘仿其規製造其適用之物為彼日用所必需自必爭相販運銷路日繁嘗考五洲諸國美利堅全境不能造瓷購自法人每年進口值銀三千萬兩准此以推歐阿兩洲每年所用瓷器當值萬萬兩以外若中國價廉工美與之競逐但能略分一二為數已千萬計大利之興無逾於此現擬集股興辦惟成本鉅而運費多必須官為扶持乃能作興鼓舞擬請除中式瓷器統歸九江關出口援照煙臺製外其有創造洋式瓷器統歸九江關出口援照煙臺製

張文襄公全集 卷四十三 奏議四十三 三

外其有創造洋式瓷器統歸九江關出口援照煙臺製

造外洋果酒之例暫免稅釐數年以輕成本數年以後如銷廣利倍再按海關進出口稅則及內地釐金辦法酌量徵收並援製造果酒之例准於江西一省定限十五年祇准華人附股不准另行設局又江西素不產蠶現擬於高安縣地方創設蠶桑學堂收教學生於種類之異土地之宜培養之方飼養之法無不考究精詳於種桑則求樹易長而葉加大於育蠶則期蠶無病而絲加多惟桑秧蠶子必須購自鄰省釐稅甚重小民購辦艱難擬請暫免釐稅三年以資鼓舞將來出有繭絲綢匹亦請統由九江關出口援照光緒十六年前廣西巡

張文襄公全集

卷四十三 奏議四十三

三

撫馬丕瑤奏准成案免收稅釐數年各等情前來臣查內河以小輪拖帶民船既免守候風汛又可併徵稅釐並不失船戶生計自爲便商利運兼豫杜外人乘隙爭先行輪攘利似應准其仿行至於如何徵收關稅釐金應由江西撫臣督同藩司九江關道詳加籌度詳定稽查罰究章程咨商本任督臣劉坤一酌核奏明辦理至創造西式瓷器意在行銷外洋實能開拓商務況江西及各省本無西式瓷器一項出口茲因創造暫免抽釐本屬無傷釐務其請專利一十五年係援引戶部暨總理各國事務衙門於煙臺果酒案內議覆內地創造洋

貨准行章程應請准其援照辦理至開設蠶桑學堂係因江西本無蠶桑意欲特開風氣所陳辦法雖未必一時即能度越前人然既能博采西法專設學堂加意講求必能日習日精開從前未有之利自應准其試辦至請購桑秧蠶子暫免稅釐三年自屬可准若出有繭絲綢疋並免稅釐數年亦係援照廣西奏准成案惟各省絲綢皆無免徵稅釐明文而廣東惠州府繭絲江南通州繭絲因係教導民間創辦經廣東江南督撫臣批准免收釐金十年以期鼓舞今江西繭絲亦係創辦從前關卡所徵並無此貨可否亦照廣西成案酌免釐金數

張文襄公全集

卷四十三 奏議四十三

三

年之處出自逾格鴻慈臣查內河小輪及西式瓷器蠶桑學堂三事皆係利濟民生振興農工之要端當此民業困絀之時舉辦實不可緩相應請旨飭下總理衙門戶部分別核覆及早施行實於江西地方民生大有裨益

硃批該衙門議奏欽此

遵旨嚴核關稅認定每年加解數目摺

十五日

光緒二十二年正月

竊臣欽奉寄諭嚴核關稅各就本省情形悉心籌畫酌度辦法分晰覆奏等因欽此當經分別嚴飭欽遵去後

茲據江海關道黃祖絡詳稱查江海關經徵華洋商船進口貨稅向分常洋兩關辦理常關額稅原祇正銀二萬一千四百八十兩三錢三分銅斤水脚銀二千五百兩嘉慶四年始定盈餘銀四萬三千兩三共額設盈餘正銀六萬五千九百八十兩三錢三分其時互市未開沙船每歲排泊浦江攬載貨物者有三四千號之多稅款歸公之外不少贏餘優饒之名實由此著惟自通商開關之後輪船盛行兩商販運相率改載洋輪逕赴洋關報稅因此沙船生計以及常關稅收概不如前嗣又奉派招商廣造洋輪挽海運之漕糧分沙船之貨脚以

張文襄全集

卷四十三

奏議四十三

五

致沙船連年虧耗歇業不能復振比年沙船在浦候載統計不過二三百號不及從前十分之一船少稅細規復為難迭將歷屆關期實在短絀情形詳悉奏咨有案洋關稅項係責成稅務司經理由關道隨時督察儘收儘放涓滴歸公歲給稅務司經費三十餘萬兩均歸稅務司自行支消關道向不過問所有徵收解支各數每三箇月造冊核請奏銷一次均有冊簿可稽惟洋關銀號經收稅課向有補水一項每百兩約合庫平銀一兩六錢定章之初係因洋商納稅統用洋錢成色不足應加補水於道光二十三年議定五口通商條款案內奉

部會議覆准應由海關與英官議定加納有案此項洋錢核與上海市規銀成色較次議准以洋錢完納關稅按規銀一百零九兩六錢作庫銀一百兩上兌外另加補水規銀一兩八錢以為銀號辦公之用一切經費每年由銀號支銷之外核計有餘提歸關道作為添設稅卡並地方洋務一切因公捐廉放款之需歷任關道因滬關洋稅收數較各關稍多奉准補水一項尚可勉強挹注是以並未另請加給關道兼權洋關辦公經費以昭核實近年租界戶口增密交涉益形繁雜因之捐款較前更巨除銀號南北卡應領經費外如與各國洋官

張文襄全集

卷四十三

奏議四十三

五

主教往來酬酢饋送及中西書院花紅獎賞並西人醫院經費律師津貼華太報效息銀暨地方一應善舉公款無可開支必須捐廉仗助在在取給於此此江海關支用補水銀兩係屬奏准有案並非隱匿之實在情形也當此時事艱難苟能節流裁濫於公有益敢不力圖報稱惟是補水一項係洋商繳充海關徵稅經費並為關道辦公必不可缺之款每年統計不過銀八九萬兩當不及稅司經費四分之一論款既難驟減且亦未便改章惟有就常關稅項收法整頓督率妥員書吏舍人等認真稽徵寬恤商艱嚴節浮費期廣招徠而裕公款

查常關除大劉正口係派妥員監收外尚有外口一十七處向以散處沿海收數無多責成各口舍人按照各口稅額徵收包解擬嗣後酌派廉幹妥員駐口經收嚴杜吏胥中飽與鈔關正口一律改爲儘徵儘解不准絲毫隱匿委員薪水由關道另行從優籌給以免故轍相循通盤籌畫正口分口整頓改章之後每年約可增收銀一萬六千兩第缺額尙多惟有於補水項下常年例支各款勉力刪減約可節省銀二萬數千兩以爲賠補足額之需似此改章核辦較上屆關期報徵之數業已核實歸公銀約四萬兩又據鎮江關道呂海寰詳稱查

張文襄公全集

卷四十二 奏議四十三

三

貨物悉歸輪船裝運由江出海其洋貨入內地土貨出內地均准在洋關完子口稅請領單照經過常關一律免稅卽以鎮江一關子口稅而論每年已收銀十數萬兩以致揚由關常稅每年祇徵解銀四萬四千餘兩洋稅盈而常稅絀勢所必然現蘇杭又有通商之舉並有日本改造土貨亦須洋關稅單運入內地之議如蘇杭通商後竟照日本新約概請洋關單照分運土貨洋貨經過常關一律免稅則揚由首當其衝必致常稅大減每年可收若干更難預計值此時事多艱惟有不避嫌怨竭力整頓將辦公各項人等大加裁減以期開源節

張文襄公全集

卷四十二 奏議四十三

三

鎮江關稅船鈔洋藥稅釐等款每年約徵七十萬兩所有收支各款按三箇月一核造冊詳請奏咨每月關道應發各項僅准支銀二百八十兩不敷甚巨並無盈餘揚由關常稅從前應徵正額銀九萬二千七百九十一兩六錢一分盈餘銀七萬一千兩共銀十六萬三千七百九十兩三錢一分彼時海洋封禁長江貨船不准駛赴圖山下游一切成宗土貨物概由內河行走每年徵稅尙難足額自經兵燹禁口令開奏准在中開白塔道楊邵伯四小口暫行收稅儘徵儘解肅清以後因地制宜設巡堵漏原期漸復舊制無如各國通商以來大宗

電勉急公應分飭自光緒二十二年正月起作正收入造報
至善惟關道請於每年既存節省項下撥銀二千兩外
銷款內減支銀三千兩共歸上銀五千兩九江關請於
解餉水脚項下各提歸足銀三千兩已由安徽江西兩
撫臣奏報所有江海鎮江兩關道各認加解數目緣由
理合恭摺具陳伏乞聖鑒
硃批戶部知道欽此

選募洋員履勘礮臺片

光緒二十二年正月十五日

再江南海口沿江各礮臺必須向外洋延訪熟諳礮臺
之將弁來江察勘籌議修建業經臣於上年閏五月內

張文襄公全集

卷四十三

奏議四十二

三

詳晰陳奏在案嗣由出使大臣許景澄代延德國工程
都司駱百克來華又適有德國礮將雷諾游歷過華冬
間先後到江均經臣派令候選知縣姚錫光兩次會同
洋員及教練陸操之洋將來春石泰察看各臺臣覆加
考核長江口門崇寶沙橫亘中流江勢分爲南北二洪
南洪有獅子林等臺堪資守禦而力不能兼顧北洪北
洪空虛無臺殊失險要若崇寶沙上能築大臺則可以
北護崇明南扼吳淞但地平土鬆築臺不易鐵礮臺工
費過鉅惟有於崇明縣之六泖地方築一大臺旋擊上
下游亦足以護北洪若僅恃南岸現有之臺斷難守長

江門戶自此溯流而上以至江陰中間有白茅沙爲天
生暗險如北岸之龔家墟南岸之白茅口均夾沙成險
龔家墟地方向經稅務司設有燈表以便輪船夜行其
險可知白茅口正當白茅沙東尾輪船至此非緩輪探
水不能上駛尤宜於該二處築臺扼守爲第二層門戶
查長江形勢江陰下游宜守沙險江陰上游宜守山險
山險易知沙險難測守山險不如守沙險守上游不如
守下游若僅守江陰則江南之太倉蘇州江北之裏下
河精華地方皆隔在門庭以外似爲非計此臣所以注
意於海口崇明龔家墟白茅口等處之微意也各洋員

張文襄公全集

卷四十三

奏議四十二

三

閱看詳略不一而大致尙屬相同至以上之江陰圖山
關鎮江等處原設礮臺皆係形勝之區或應添低臺或
應添高臺或應添兼顧後路及攔擊上游之臺洋員所
言亦係中國官弁所能見到惟據洋將言向有之臺或
臺式太舊不能旋擊取準且易受敵礮或礮式過老不
能速放及遠且每一臺中各種之礮參差不一臨時時
彈藥恐致錯亂且每臺礮力遠近必須一律則測定一
準於見敵船時視第一礮之中否臨時急發一令增減
礮尺全臺之上瞬息可以周知第二三礮可期必中今
礮位甚雜敵船甚活臨事無從取準設有兵事萬不足

特等語所論誠屬確當特需款太鉅程工亦遲惟有次第購換新礮量加修改臣卸任在即將來應如何量力增修之處統俟本任督臣劉坤一從容酌度辦理

恭報卸署兩江督篆起程日期摺光緒二十二年正月十七日

竊臣接准部咨光緒二十一年十一月十八日內閣奉上諭劉坤一著回兩江總督本任張之洞著回湖廣總督本任欽此茲本任督臣劉坤一行抵江甯臣於正月十七日委員將兩江總督關防兩淮鹽政印信暨通商欽差大臣關防並王命旗牌文卷等件齎送劉坤一接收臣於是日交卸二十日起程回鄂仍於入湖北境後沿途察看田家鎮礮臺及大冶鐵山等處情形除俟到鄂回任另行奏報外所有微臣卸署兩江督篆及起程回鄂日期理合恭摺具陳伏乞聖鑒
硃批知道了欽此

江南息借商款並洋行墊辦軍火給發關票第一期由江省付清第二期由部撥湊支查明收支細數摺光緒二十二年五月十九日

竊上年東洋告警需餉浩繁欽奉上諭飭令各省息借商款並准戶部議定章程各行前來當經本任督臣劉坤一轉行遵辦先後據蘇州藩司詳報經借銀一百萬


張文襄公全集 卷四十三 奏議四十三

三

二千六百兩江海關道經借銀一百二十六萬二千五百兩江甯官銀號經借銀四萬六千二百五十兩時因上海為通商總匯之區關票皆由該道印發故甯蘇借款皆由該道彙核具詳開辦以來商情尚為踴躍惟市面銀根較緊各借戶利於速還均係請領兩年半期關票而無請領六年期票者計自上年九月開局起至本年五月奉文停收扣至光緒二十一年五月初十日為付利頭期按日計息遞至二十三年五月初十日止兩年來本利還清填給滬字二百五十兩關票四千五百張萬字關票二十五張俾得到期持票請領本息所有張文襄公全集 卷四十三 奏議四十三

三

本年五月初十日為第一期付息之期計蘇州上海江甯共付還銀七萬四千二百九十兩又十一月初十日為第二期還本付息之期共付過本利銀六十九萬七千零七十兩八錢五分此外又有瑞土地亞士等洋行軍火鎊價抵借之款共計英金三十四萬八千六百九鎊十八先令九本士按照定購時市價核算約合庫平銀二百十八萬兩共給萬字關票二百十八張又信義洋行軍火借銀抵借之款共計德金八十六萬二千二百八十二馬克九十分按照給關票之日市價合算約合規平銀三十一萬七千一百一十九兩零先後共給



關票兩張此項軍火鎊價查照原訂合同利息常年六釐金鎊價值到期查明市價合銀歸還本利與華商借款辦法微有不同第既同給關票同一還期又同一兩半半還清自應均歸一案俾得預期彙核本息還數籌款應付以期簡便仍俟屆期與該行另行核算如息借來所領之銀多於合同應還之銀該行等應將多餘之銀繳還歸官倘或不敷由官抵補仍按期歸還奏報乃瑞土地亞士兩行屆第二期應還鎊價之時上海道已購備金鎊交還該兩行堅執票係抵借銀兩不肯收鎊仍係付給現銀總計瑞土地亞士信義三洋行軍火抵張文襄公全集卷四十三 奏議四十三

借關票准戶部電內克薩借款內先後提撥銀八十二萬六千兩先付清款不敷尾找六百兩有餘由江省撥付訖又另有瑞記行移吳照麟槍礮價庫平銀二萬兩填給萬字關票二張因係抵借實銀並不論鎊是以許入現銀列款便於計息所用局用經費刊印關票及委員任事薪水局差人等工食一切雜用樽節核給共計庫平銀三千七百十兩九錢三分業在本款收數動支惟印票由滬還給屆期飭由鎮滬兩關認還合計為數較鉅該關道等擬請嗣後仿照前還怡和洋行辦法先期籌畫如解不敷即行詳請咨部另行指撥的款以便

彙付而免失信據前署江海關道劉祺祥現任江海關道黃祖緒先後詳請奏咨前來臣覆核無異除將送到收銀給票起息日期及各期應還本利銀數暨一切局用開支各清摺分咨總理衙門戶部查照外理合會同江蘇巡撫臣趙舒翹恭摺具陳伏祈聖鑒 硃批該衙門知道欽此

張文襄公全集卷四十三終

張文襄公全集卷四十三 奏議四十三

三

吳縣周仰公校